


Lologena Wo Kienane  
Yesu Kristo Kome  
Kewo



The New Testament in the Lewo Language of Epi Island,  
Vanuatu

**Lologena Wo Kienane Yesu Kristo Kome Kewo**  
**The New Testament in the Lewo Language of Epi Island,**  
**Vanuatu**

**Le Nouveau Testament en Lewo langue de l'île d'Épi au Vanuatu**  
**— Niutestamen long Lewo lanwis, blong Epi Aelan, Vanuatu**

copyright © 2016 Wycliffe Bible Translators, Inc.

Language: Lewo

Translation by: Wycliffe Bible Translators

This translation is made available to you under the terms of the Creative Commons Attribution-Noncommercial-No Derivatives license 4.0.

You may share and redistribute this Bible translation or extracts from it in any format, provided that:

You include the above copyright and source information.

You do not sell this work for a profit.

You do not change any of the words or punctuation of the Scriptures.

Pictures included with Scriptures and other documents on this site are licensed just for use with those Scriptures and documents. For other uses, please contact the respective copyright owners.

2022-03-11

---

PDF generated using Haiola and XeLaTeX on 18 Apr 2025 from source files dated 31 Aug 2023  
ee028e1c-7e53-571d-8041-681daaf580e8

## Contents

INT . . . . .	1
Matiu . . . . .	2
Mak . . . . .	59
Luk . . . . .	93
Yoane . . . . .	154
Yumiaena Lala . . . . .	198
Rom . . . . .	259
1 Koren . . . . .	289
2 Koren . . . . .	315
Kalesia . . . . .	333
Episas . . . . .	343
Pilipae . . . . .	352
Kolosi . . . . .	359
1 Tesalonaika . . . . .	366
2 Tesalonaika . . . . .	372
1 Timote . . . . .	375
2 Timote . . . . .	383
Taetas . . . . .	389
Pilimon . . . . .	393
Le Yu Lala . . . . .	395
James . . . . .	416
1 Pita . . . . .	423
2 Pita . . . . .	431
1 Yoane . . . . .	436
2 Yoane . . . . .	442
3 Yoane . . . . .	443
Sut . . . . .	445
Nakilologianega . . . . .	448

## Preface

This publication is the New Testament in the Lewo language. The 3,500 speakers of Lewo live on the east coast of Epi, an island in the Shefa province of central Vanuatu. It was translated over the years 1982 to 2015 by the Lewo Translation and Literacy Project, which operated under the Epi Council of Chiefs and the churches on the island. The translators were Kapiapo Melio, Andrew Avio, and John Sethy. The translation advisor and editor was Robert Early. Numerous Lewo speakers assisted as committee members and reviewers, and the support provided by many overseas donors is acknowledged.

### *Visena Pesa*

Visena lala e Naviranarena Viyu naga molue susumo kome visena na Krik. Sir-aunia, apilopu pim kome visena taḗena la moki talivi viora e yomerava. Mis lala naḗa apim Vanuatu asiar navilopuena kome kieta visena.

Mis Graham Horwell amio elta laḗas apilopu tusi laḗas sumo, ana pe punu re poli. Asiar si na siriena kome Lewo e 1982 pog naḗa Maltarwo Robert Early myuḗae amio Elta Kapiapo Melio sumo, ḗisna Andrew Avio mīla towe yuḗaena, ḗisna John Sethy naga mēna mila yuḗaena nawuloveveena namaro.

Yuḗaena nene pa māga tol kasi nini 2016 naḗa yuḗaena keviu pimi ḗisi, ana tusi kiena ne Ntewa pimi pani yeririna lala naḗa apisin visena na Lewo. Potena keviyu pan ita punuga nae Epi, sane suḗe lala, suḗare lala, la naḗa akoan kilavaru a la naḗa amila yuḗaena sane asike loyumuḗa e komiti na vilopuen visena pona amiyuḗae sane yaru na vilopuen visena, pona lala na wuloveveena visena.

Po pon telavia sane pe nalaena wo tanea naḗa Ntewa na mava mla pan ita, ve teligan lua re, ana teuloia, tesuḗalu ea, telelaga ea naḗa naga pisawali ke Suḗe Yesu pan ita, vena ilaen kieta maliena lala e yomarava nini, a e mēna e legiena maro.

*Nono naḗa teke ea kulus nen tusi wa naga kinas sanini*

Tusi Wa mēke e wosnen klavaru ana kapi tego ke ea.

Klavaru - toutouena na suḗalu māraeraena ve kulul re pogos tai

Tusi Wa - Visena kiena ne Ntewa

Kapi - Ninuna ne Ntewa tego li yo punuga

**Lologena Wo Kiena Ne  
Yesu Kristo Naḡa  
MATIU  
Siriyuia  
Visayuena Na Tusi Nene**

*Komḡasnen suniena plas na tusi nini*

Tusi nini, “*Lologena Wo Kiena Ne Yesu Kristo Naḡa Matiu Siriyuia*”, naga pisawal lologena wo sape Yesu, naga yaru naḡa Ntewa pisaar pa kiena yeririna la nanua sumo rui sape yoko naga imi vena tamalia la. A e Yesu, navisaarena la naḡa Ntewa pisaar pa kiena yeririna lala e Tusi Pesa ana pimi nḡalivi narui. Yesu paeme e yo kiena lus nae Israel lala, a kiena lologena wo nene, naga pe kiela re ga poli, naga pe kiena yeririna punuga na yomarava nini.

Matiu mligan ruru komḡasnen tusi la nene sumaga sanene. Naga pisayu ḡesania, naḡa Yesu paeme, a naga pisayu mḡenaga naḡa Yoane kea, a naḡa Yermare kilalia. A siraunia, naga pisayu naḡa Yesu siari kiena yuḡaena e yo naḡa Kalele surḡa pisawal ke lologena wo pa yaru lala, pian la, a kila ruru kiela inanena lala. Siraun nene, naga pisayu mḡena naḡa Yesu pa ma Yerusalem, amio suri la naḡa Yesu kila maron e kiena legiena na olua maro. A naga pisayu maron naḡa Yesu mare, a yoko mal sina.

Matiu pisayu naḡa Yesu naga pe navianiena tai naḡa po taulu navianiena taḡena lala a namḡaraena na visawalen kinasnen navisaluaena kiena Ntewa sike e naga, a pisayu ḡelaga naḡa Ntewa pimi pe Parin Suḡe kiena ne kiena yeririna lala.

Suri la moki naḡa Yesu pian la ea, Matiu miliḡere kompas lima, sanene:

Yesu pian kiena yeririna lala metava e kunusa. E kiena vianiena nena, naga pisawal ḡelaga naḡa yaru la monar akila, vena aimi naḡa Ntewa ve kiela Parin Suḡe. A naga pisawal kiela yuḡaena lala, ana taman pan la vena ayuḡaenia, a pisayu sur la naḡa yoko atolia e luwasnen kiela malinea e yomarava vii naḡa Ntewa imi ve Parin Suḡenia. Kiena vianena la nene sike e marana na keviu lima vito tol marana na keviu olua.

Yesu pian kiena yeririna lualima taaga pa lua. A mila mḡaraena pan la vena ava avisawal kiena lologena wo va yaru taḡena lala. Navianena la nene sike e marana na keviu lualima.

Pakaiwa la naḡa Yesu pisa vena visayuen yaru la naḡa Ntewa pe kiela Parin Suḡe, e yomarava vii naḡa yoko ava

asike ea. Pakaiwa la nene sike e marana na keviu lualima taaga pa telu.

Yesu pian kiena yeririna lala e ḡelaga naḡa yaru monar kila vena tavevea. Navianena la nene sike e marana nakeviu lualima taaga pa arelu.

Yesu pian kiena yeririna lala, pisayu suri la naḡa yoko imi nḡalivi e legiena maro, a e yomarava vii naḡa Ntewa ve Parin Suḡenia. Navianena la nene sike e marana na keviu lualima lua pa vari a lualima lua pa lima.

*Komḡasnen tus la nini*

Repinane Yesu lala a Yesu paeme 1:1—2:23

Yuḡaena kiena Yoane Nakeena 3:1-12

Yoane kee Yesu, a Yermare taḡalia 3:13—4:11

Yesu kila kiena yuḡaena e lepas naḡa Kalele 4:12—18:35

Yesu moluwe Kalele pa ma Yerusalem 19:1—20:34

Legiena na maro kiena Yesu naḡa kila kiena yuḡaena garu Yerusalem a yo la naḡa lavisin ga Yerusalem 21:1—27:66

Yesu mal sina a kiena nalogena lala apisu naga 28:1-20

*Repina ne Yesu lala*

*Luk 3:23-38*

<sup>1</sup> Yesu Kristo naga molue kome lus na yermarua keviu lalua kiena ne repina ne le Yu lala, nane Epraam naga sumo, amio Tepet naḡa naga sirau. Repina ne Yesu la punu ga, la kiela kia sanini:

<sup>2</sup> Epraam naga narina naḡa Aisak.

Aisak naga narina naḡa Sekop.

Sekop naga narina naḡa Suta, amio wenla taḡena lala.

<sup>3</sup> Suta naga narina lua, Peres amio wenla Saera, naḡa lalua na ape kaora, naḡa lalua na anela naḡa Tamḡa.

Peres naga narina naḡa Ebron.

Ebron naga narina naḡa Ram.

<sup>4</sup> Ram naga narina naḡa Aminatap.

Aminatap naga narina naḡa Nason.

Nason naga narina naḡa Salom.

<sup>5</sup> Salom naga narina naḡa Poas, a Poas nene naḡa naga anena Reap.

Poas naga narina naḡa Opet, a Opet nene naḡa naga anena Rut.

Opet naga narina naḡa Sese.

<sup>6</sup> Sese naga narina naḡa Tepet, a Tepet nene naḡa naga pe ḡarin suḡe kiena ne le Israel lala.

Tepet naga narina naḡa Solomon, a Solomon nene naḡa anena, naga wona ne Uraea na sumo.

<sup>7</sup> Solomon naga narina naḡa Reopoam.

Reopoam naga narina naḡa Apia.

Apia naga narina naŕa Asa.

<sup>8</sup> Asa naga narina naŕa Seosepat.  
Seosepat naga narina naŕa Soram.

Soram naga narina naŕa Usaea.

<sup>9</sup> Usaea naga narina naŕa Sotam.

Sotam naga narina naŕa Eas.

Eas naga narina naŕa Isakaea.

<sup>10</sup> Isakaea naga narina naŕa Manasa.

Manasa naga narina naŕa Amon.

<sup>11</sup> Sosaea naga narina naŕa Sekonaea,

amio wenla lala. Ana e pogos kiena ne

la nene narui, yaru lala na purvanua

taŕena naŕa Pabilon apanon aŕure plan

le Israel lala ava ayuŕŕa korena garu

Pabilon.

<sup>12</sup> Sekonaea naga narina naŕa Seltiel,

nane pogos naŕa le Israel lala amiyuŕŕa

korena ke garu Pabilon wa.

Seltiel naga narina naŕa Seruŕapel.

<sup>13</sup> Seruŕapel naga narina naŕa Apiut.

Apiut naga narina naŕa Eliakim.

Eliakim naga narina naŕa Aso.

<sup>14</sup> Aso naga narina naŕa Satok.

Satok naga narina naŕa Akim.

Akim naga narina naŕa Eliut.

<sup>15</sup> Eliut naga narina naŕa Eliesa.

Eliesa naga narina naŕa Matan.

Matan naga narina naŕa Sekop.

<sup>16</sup> Sekop naga narina naŕa Yosop, naŕa

wona ne Maria. Maria nene, naga

anenane Yesu, naŕa apisape naga pe

Navisaarena.

<sup>17</sup> Siar e Epraam, teras lelei lala pimi tol

Tepet, teras la nene tol lualima taaga pa

vari. A siar e Tepet pimi tol pogos naŕa

le Pabilon lala aŕure plan le Israel lala

avanon ayuŕŕa korena garu Pabilon, teras

lelei lala tol ŕena ga lualima taaga pa vari,

a siar e pogos naŕa la asike garu Pabilon,

pimi tol Kristo, teras lelei lala tol ke sina

ga lualima taaga pa vari.

*Yesu paeme*

*Luk 2:1-7*

<sup>18</sup> Suniena nini kiena ne Yesu Kristo,

naŕa naga paeme sanape, naga sanini:

naga anena, sira naŕa Maria, naŕa la

apisaaria sumo asape yokorena talopa

amio yaru tai, kiena kia Yosop. Ana pogos

naŕa lalua pe atalopa re poli wa, Maria

naga mlogekilale naŕa naga ŕeŕena, na

pimi kome Ninuna Wa.

<sup>19</sup> A Yosop naŕa la apisaaria apisape

yokorena naga talopa amio Maria nene,

naga pe yaru wo tai, a naga pe pisa

re pisape Maria naga kila suri tai piowa

poli. Ana naga pisu sane ŕisi na lalua na

monar akilaro kiela navisaarena nene, ana

naga sitom ke pisape kila ga e ŕelaga tai

naŕa malumu ga, vanon naŕa naga yepen

mavin kilaen Maria memawa manenea  
vanon suri nene.

<sup>20</sup> A pogos naŕa naga sitom ke sape kila

sanene, naga ŕenia, pisu navisi tai kiena

ne Ntewa ŕalivin naga, ana navisi nene

pisa pania, pisape "Yosop, ko lus kiena ne

Tepet, ko na ve ologe re viowagan naŕa

oure Maria ve woma, vanon sisi naŕa teke

e naga, naga pimi ga kome Ninuna Wa.

<sup>21</sup> Yokorena Maria war narina yerŕene,

a monar osikia kiena kia Yesu Natamali-

aena, vanon yokorena naga warplan mla-

mulena viowa lala vetan kiena yeririna

lala."

<sup>22</sup> Ana suri la nene pimi kakate sanene,

vena kila visena kiena ne Ntewa tai vim ve

lelaga, sa naŕa Navisawalena Aisea naga

pisawal sumo,

<sup>23</sup> naŕa naga pisape

"Yokorena sira ŕee tai naŕa yerŕene pe

pisu re poli wa, naga ŕeŕena,

ŕisi na war narina tai ve yerŕene,

ana ŕisi na asikia kiena kia ve

'Emanuel.' "

*Ais 7:14*

Kia naŕa "Emanuel" naga kana kinas sane

"Ntewa sike amio ita."

<sup>24</sup> Pogos naŕa Yosop tavolo sina, kila sa

naŕa navisi kiena ne Ntewa pisa pania,

ana naga talopa amio Maria, ŕere pe wona.

<sup>25</sup> Ana pe pa pisu re Maria tol pogos naŕa

Maria ŕarlua narina nene. A pogos naŕa

Maria ŕarlua sisi nene, ana Yosop sikia

kiena kia "Yesu."

## 2

*Yaru la naŕa akilia ruru ŕelaga kiena*

*ne verue lala apimin asape avisu Yesu*

<sup>1</sup> Yesu naga paeme e pulkumali tai, kiena

kia Petleem, lepas nae Yutea. E pogos

naŕa Yesu paeme, Erot naga pe ŕarin suŕe

kiena ne le Yu ke lala. A siraunia, pe piavi

re nena poli, ana yaru la ŕasia naŕa la

akilia ruru ŕelaga kiena ne verue la po

paŕisi, apimi atol garu Yerusalem. Susumo

la nene amolue e kiela purvanua, e lepas

naŕa mrae molue ke komea, ana apimi.

<sup>2</sup> Ana la apiun tan yaru lala, asape "Sisi

naŕa paeme mare ga na wa, naŕa asape

ŕisi na naga vim ve ŕarin suŕe kiena ne

le Yu lala, naga ŕeke pe? Imimi moŕal

kiena verue rui, molue ke e yo naŕa mrae

molue ea, ana imimi mepimin ke mesape

meieluar naga."

<sup>3</sup> Ana pogos naŕa Parin Suŕe Erot tol

visena la nene, amio yaru taŕena laŕasia

nae Yerusalem, amloge, ana la pe akekanan

re nena ga.

<sup>4</sup> Ana Erot pio yerkaŕa kiena ne yaru

wa lala amio navianena navisaluena lala

apimi apisuia, ana naga piun tan la, pisape

“?Navisaarena naŕa apisape ŕisi na naga imi, la apisa ke asape ŕisi na naga vaeme pe?”

<sup>5</sup> La naŕani apisatanŕea, asape “Yokorena Navisaarena naga vaeme garu lepas nae Yutea, e pulkumali naŕa Petleem.

<sup>6</sup> Nanene vanon naŕa sumo na, navisawalena tai siriyuia, pisape  
*‘Ntewa naga pisa sanini, pisape*

*“Amiu nae kumali naŕa Petleem, amiu taŕatete avisavenua,*

*yerkawa taŕena nae Yutea lala, la atola metavan amiu, ana amiu na ato ga tano, peraga,*

*vanon yokorena nasumonena keviu tai molue nenaga kom pun amiu,*

*ana naga visuar ruru kiau yeririna lala nae Israel.” ‘ ‘ ‘*

*Maika 5:2*

<sup>7</sup> Pisi na Parin Suŕe Erot naga pio vinaun ga yaru na kilia ruruen ŕelaga kiena ne verue la nene, vena aimi avis ga amio naga taaga, vena naga loge ruru tan la, pisape la apisu verue naŕani kate na pogwai.

<sup>8</sup> Ana naga pisa pan la, pisape “Amiu na monar ava akale sisi nene vano-o alualia, ana awasuŕe si aimi avisawal van inu, vena inu mŕena ga nevano neieluar naga,” ana naga mligan la apa garu Petleem. Ana kiena visena nene naŕa naga pisa ana pisokan ga, naga sinenan pisape visae lual sisi tomtom nene, ana weŕnaria.

<sup>9-10</sup> Ana yaru la nene la amloge visena kiena ne ŕarin suŕe nene ŕisi, ana apa sina ga e kiela mrapplepa, ana apisu sina verue nene naŕa tego ŕesia e lepas naŕa mrae molue ke komea. Pogos naŕa la apisu si verue nene, akekara paŕisi, ana verue naŕa naga sumon la mŕa ga pano-o atol e naŕa sisi nene mŕeke ea.

<sup>11</sup> Ana la apa loyumuŕa e yumuŕa nene, apisu sisi nene, amio anena naŕa Maria. Ana la akinai, amieluar naga. A la apikeŕa kiela karo lala, aŕar plan kiena nalaena la pania, suri tai naŕa kol, amio suri lalua naŕa ponos taninu po paŕisi sa naŕa mŕaŕes, naŕa kiela kia prakensis, amio mer, naŕa mer nene naga kana kilavaru keviu paŕisi.

<sup>12</sup> Ana kolemallo, Ntewa pisi pan la e mŕeniena tai, pialuŕar la pisape “Ve ava akom re si lepas naŕa puna ne Erot.” Ana la amligan yo nene, aŕasuŕela ke sina ga, akome mrapa taŕena apa kiela.

*Aŕurelua Yesu, aŕure apa Isip*

<sup>13</sup> Pogos naŕa yaru la nene amial rui, ana Yosop mŕenia mŕa navisi kiena ne Ntewa tai pimi puna, pisa pania pisape “Yosop, osumuŕalu, owar ninis nene amio anena, amiu aure ava garu Isip, vanon lavisi ke Parin Suŕe Erot kale ninis tomtom nene vena weŕnar narui. Ava asumuŕa garu Isip

vano-o tol pogos naŕa nevisa van ko, ana awasuŕe amiu si aimi.”

<sup>14</sup> Ana Yosop mlogear visena kiena navisi naŕani, ana sumŕalu ŕarlua ninis tomtom nene amio anena, ana amligan plan ke e yemallo nene, ana amialin ke ava garu Isip.

<sup>15</sup> Ana la apa asumuŕa garu Isip yam piavi li mŕa ga, pano-o tol pogos naŕa Parin Suŕe Erot mare.

Suri la nene pimi kakate sanene, vena kila visena kiena ne Ntewa tai naŕa Navisawalena Osea naga pisawal nanua sumo vena vim ve lelaga, naŕa naga sapenua

*“Naruu na yerŕene sike garu Isip, ana nevio naga wasuŕe imi.”*

*Ose 11:1*

*Yaru nakilaen mara lala aŕe moŕnar ninis lala*

<sup>16</sup> Pogos naŕa Parin Suŕe Erot naga kilia sape yaru nakilia ruruen ŕelaga kiena ne verue lala pe akila re sa naŕa naga pisa poli, pe apimi akom re si puna poli, ana naga sinena mimi paŕisi, ana naga pisa pan kiena yaru na mara lala, pisape “Ava akale ninis la punu ga naŕa ape yerŕene asike Petleem, a la mŕena ga naŕa asike lavisinia, la naŕa pe kiela kas lua re poli wa, ana awe moŕnar la make ga amarmare.” Parin Suŕe nene naga polo pogos nene sanini, vanon mloge visena tan yaru la nene, naŕa apisawal mesmesun pania nanua e pogos naŕa verue nene kateŕesia.

<sup>17</sup> Suri la nene kila visena naŕa Navisawalena Serenŕaea naga pisa sumo pimi pe lelaga, naŕa naga pisape

<sup>18</sup> *“Le Raŕna lala amloge sira nae pula tai tagi na tagi,*

*naga mloge piowa paŕisi,*

*sira nene naga Resel, naŕa naga tagin ke mapina lala.*

*Ana naga yepena mavin yaru tai kila luŕeluŕeena vena loge wo sina,*

*vanon mapina la akokovio make ŕisi rui.”*

*Ser 31:15*

*Yosop ŕar Yesu nene molue Isip, ŕasuŕe si pa Nasaret*

<sup>19</sup> Ana pogos naŕa Yosop lala asike garu Isip wa, ana Parin Suŕe Erot naga mare. Ana Yosop mŕenia, pisu sina navisi kiena ne Ntewa tai pimi puna,

<sup>20</sup> ana navisi nene pisa pania, pisape “Yosop, osumuŕalu, oure ninis nene amio anena, awasuŕe amiu si, ava garu kiamiu purvanua naŕa Israel, vanon Parin Suŕe Erot nene naŕa naga sape weŕnar ninis nene, naga mare rui.”

<sup>21</sup> Ana Yosop naga mlogear visena nene, naga sumŕalu, ŕar ninis nene amio anena, aŕasuŕela ke sina ga apa e kiela purvanua naŕa Israel.

<sup>22</sup> Pogos naŕa la amialin ke asape ava tol garu Yutea, ana Yosop mloge asape Akaleas kus ke lelana ne arimana naŕa Erot, pe ŕarin suŕe ke garu Yutea. Ana Yosop maraun si vaen garu Yutea, ana naga mŕeni si tai, mŕal Ntewa naga pisi pania, pialuŕar pisape “Ve ova re si garu Yutea,” ana Yosop lala apalein e yo taŕena tai, kiena kia Kalele.

<sup>23</sup> Ana la apa asike e kumali tai e lepas nene, kiena kia Nasaret.

Suri nene pimi kate sanene vena kila visena kiena ne navisawalena lala vim ve lelaga, naŕa la apisayu Navisaarena nanua sumo rui, naŕa la apisa apisapenua “Yokorena, lala avisave naga ve yaru nae Nasaret tai.”

### 3

*Yoane Nakeena sike ga e yokorena, mlologon ke navilopuena*

*Mak 1:1-8; Luk 3:1-8; Yoane 1:1-28*

<sup>1</sup> Yesu naga kapuru pimi keviu, gar ga Nasaret, ana e pogos ke nene narui, Yoane Nakeena naga pimi ŕarpoyo e yokorena e lepas nae Yutea, ana naga suŕia mlologon ke, pisapenua

<sup>2</sup> “Amiu na monar avilopu amiu, vanon Nasuŕenena kiena ne Ntewa pimi ke narui.”

<sup>3</sup> Yoane Nakeena nene naga pe yaru naŕa Navisawalena Aisea pisawal nanua sumo rui, naŕa naga pisa, pisapenua

*“Pulgon yaru tai suŕia pio ke e yokorena, pisape*

*‘Amiu akila ruru make mrapa kiena ne Ntewa, vena naga kilia imi mŕalivi e kiamiu malena lala.’ ” Ais 40:3*

<sup>4</sup> Yoane Nakeena nene naga sane Navisawalena Elaisa nene nanua sumo, sa naŕa naga pe miyen re kulsoa naŕa po poli, mŕana kulsoa na ape ga e vilulus nen kamel, a kiena kilika na kararen mŕeŕena na amiyuŕnaen ga e kulus nen puluk. A kana kinanena e yokorena, kan ga narin suri la naŕa asape kurpo ne, amio suri kiki naŕa sukapak tetan la amiyuŕnaenia.

<sup>5</sup> Naga suŕia e yokorena nene pano pano-o, ana yeririna nae Yerusalem lala amio mŕena ga pulkumali taŕena lala nae lepas naŕa Yutea, a pulkumali mŕena ga la naŕa lavisin wii nae Yortan, la apanon apisu naga.

<sup>6</sup> La amiyagogon kiena lologena lala, a la apisa plan kiela mlamulena viowa lala pania, ana Yoane kela e wii nae Yortan.

<sup>7</sup> Ana e pogos tai, Yoane pisu naŕa yeririna la moki na ŕegas nalotena lua nene kiena ne le Yu lala, naŕa Varasi

lala amio Satusi lala, la apimin ke naŕa naga ke la, ana naga pisi mŕarera pan la, pisape “?Amiu na sane lomŕara lala, naŕa la amaraun kapi tai ana la aŕure, ana amiu na asitom asape akilia aurmatan kapi naŕa Ntewa naga pisi na ligan imi, naŕa pe amiu apilon amiu re poli wa?”

<sup>8</sup> Ana visae ve lelaga kemua naŕa amiu amaraun nakoena nene, ana kiamiu malena naga monar war mras la naŕa powo, naŕa torokin kiamiu navilopuena nene.

<sup>9</sup> Ana avisuar amiu, popon amiu na ve awarwar amiu re sina, sa naŕa asuŕia akila ke rui, naŕa apisa ke asape ‘A, ita na poga ga rui, okilakan ita na tepe lus ruru kemua kiena ne yermarua Epraam.’ Ana nanene na pe suri re tai nene poli, vanon visae Ntewa naga sinenania, naga kilia la ga kilavaru la nene, kila la aimi ave lus kiena ne Epraam la ve moki, vena akus lelemiu.

<sup>10</sup> Nevisa van amiu, nesape mŕekiavi mon ruru rui pisape teroro purlaki la naŕa pe ŕar re mras wo poli, ana yokorena ateroro la ana akoven la ava e kapi.

<sup>11</sup> In na nepimi sumo, ana nekee amiu ke ga e wii, vena kila merarava sa naŕa amiu apilopu amiu rui, ana yaru taŕena tai naga pimi ke siraun inu wa. Yaru nene, naga to laa metavan inu, a in na nepiowa ga, netorokin re nowar plan kiena kulus nen lana poli, pona nekilia nekila kiena yuŕnaena taŕena lala. Ana naga ke narui, naga kilia kee amiu e Ninuna Wa, amio kana kapi nena, vena kekan plan kororaki lala e kiamiu malena lala.

<sup>12</sup> Naga na sane mlarar ke korusayuraren wit e limana, ana sisilin plan mrasa la akekapil vito lele taŕena, a vinus vito lele taŕena, ana war plan mrasa va uŕna mŕana, a yokorena naga kilia kuan vinusa va e kapi naŕa taŕatete mare pogos tai.”

*Yoane ke Yesu*

*Mak 1:9-11; Luk 3:21-22*

<sup>13</sup> Ana Yesu mligan lepas naŕa garo Kalele, pam e wii nae Yortan vena Yoane ke naga.

<sup>14</sup> Ana Yoane pisape visaluŕaria, pisapenua “?Sanape na ko opamin osape nekee ko? Suri nene na pe mesmesu re poli. Popon ga ko na okee inu.”

<sup>15</sup> Ana Yesu pisatamŕea, pisape “Peraga, ŕisi na ve ve sa re nene, popon ita na tetarŕan ga tetaveve suri wo la naŕa Ntewa naga sinenania sape tekila.”

Ana Yoane tarŕan Yesu pimi puna, ana kea.



<sup>16</sup> Ana pogos naña naga ke p̄isi, Yesu naga molue e wii pa metava, ana veraga ma e peni pietava pania, ana naga m̄nal Ninuna ne Ntewa pitomi ke tano sa naña lor̄ne, pitomi tol Yesu.

<sup>17</sup> Ana la amloge Ntewa nae ma e peni pisi pitomi tano, pisape “Nene na naruu ne, naña nesitom naga paḡisi. Kiau sitomena teke ga e naga, a nekekarān naga paḡisi.”

## 4

*Parin suḡe kiena ne yermare lala taḡali Yesu*

*Mak 1:12-13; Luk 4:1-13*

<sup>1</sup> Suraun naña Yoane Nakeena kee Yesu p̄isi, ana Ninuna Wa naga sumon Yesu pa e yokorena tai, vena Yermare taḡali naga.

<sup>2</sup> Ana e pogos nene, Yesu monsilun leniena tol legiena lualima vari a lemalo m̄na ga lualima vari, a siraunia naga viso kari paḡisi.

<sup>3</sup> Ana Yermare, yaru na taḡalien yeririna lala, pimi pisa pania, pisape “Visae ko na ope narina ne Ntewa kemua lelaga, ko ovisali van kilavaru la nene aimi ave kilaparavi, vena okan tai.”

<sup>4</sup> Ana Yesu pisa pania, pisape “Peraga, vanon Visena Wa pisa sanini pisape ‘Kinanena ga taḡatete kila yaru mali, ana visena punu ga naña Ntewa pisa, naga ga nene kilia kila yaru mali.’ ”  
*Naw 8:3*

<sup>5</sup> Ana Yermare pisape wereli sina ga sitomena kiena Yesu va garu e Yum̄a Wa naña garu Yerusalem, ana mligan naga sike e yo tai naña pa manene metava paḡisi e wosoyum̄a Mana Ntewa.

<sup>6</sup> Ana naga pisa pania, pisape “Visae ko ope narina ne Ntewa kemua lelaga, ko oula, oto tano e nene. Ana yoko ko okila woga ga ne, vanon Visena Wa pisayu Ntewa, pisape

*‘Naga yoko ligan kiena navisi lala aimi avisuar ko m̄aga,*

*ana la ayukop yaun ko ga om̄eke metava e limala, vena ve owan re lar̄na e kilavaru tai.’ ” Yauena 91:11,12*

<sup>7</sup> Ana Yesu pisatam̄e ke sina ga Yermare, pisa pisape “Peraga, vanon Visena Wa pisa m̄na ga sanini, pisape

*‘Ko na taḡatete otaḡali kioḡna Suḡe Ntewa, naña otaḡali om̄areran osape naga kila kioḡna suri tai.’ ” Naw 6:16*

<sup>8</sup> Naga na, Yermare ḡere ke sina ga sitomena kiena Yesu pa metava e pupia kunus tai, pisape “Visae ova ose kunus nene, okira vito tano ovisu purvanua kerkeviu

la ne sike e yomarava nini, amio kala suri wo la naña asike ea.”

<sup>9</sup> Ana taḡali ke sina ga Yesu yam telu narui, pisa pania, pisape “Suri punu la nene na yokorena netam̄an van ko, visae okinai olotun inu.”

<sup>10</sup> Ana Yesu pisatam̄e, pisa pisape “Ko oure, Yermare. Visena Wa pisa sanini, pisape

*‘Pisi na monar olotun ga Ntewa naga taaga, naña pe kioḡna Suḡe, a okila ga kiena yum̄aena naga taaga.’ ”*

<sup>11</sup> Ana Yermare purmatan Yesu, ana navisi la apitomi, apisuar ke naga.

*Yesu siar kiena yum̄aena garu lepas nae Kalele*

*Mak 1:14-15; Luk 4:14-15*

<sup>12</sup> Ana e pogos nene, li na mara lala kiena Parin Suḡe Erot la atarar Yoane Nakeena, amligan naga pa e yum̄a nakoena. Ana pogos naña Yesu mloge nalogeena nene, naga sitom sape wasuḡe si vito garo Kalele.

<sup>13</sup> A pogos naña naga pasuḡe si pito garo Kalele, ana naga pe pa re si garo Nasaret poli, naga pito la garo Kapeneam rui, pulkumali naña m̄eke lavisin lapa nae Kalele. Yo la naña siar Kalele pito tol yo losi, yo la nene porotano kiena ne lus lalua kiena yermarua lalua na nanua sumo, Sepulan amio Naptali.

<sup>14</sup> Suri nene pimi m̄alivi vena kila visena kiena ne Ntewa nene vim ve lelaga, sa naña Navisawalena Aisea naga pisawal sumo rui, naña pisape

<sup>15</sup> *“Amiu yaru lala nae yo kiena ne Sepulan amio yaru lala nae yo kiena ne Naptali,*

*naña asike likan wii nae Yortan amio pupia sive, amiu yaru la nae garo Kalele, e lelen yaru la moki naña pe ape le Yu re poli asike ea, amiu aloge visena nini:*

<sup>16</sup> *Yeririna la naña asike e yemalolo, ḡisi na alual pupia yomerarava tai.*

*La nene asuke ga e yemalolo silaga, naña la na ape namarena ga, ana pupia yomerarava tai tego paḡisi pimi tegoli la.” Ais 9:1,2*

<sup>17</sup> Ana siar e pogos nene, Yesu sum̄a ga mlologon ke, pisapenua “Amiu na monar avilopu kiamiu sitomena vetan kiamiu mlamulena viowa lala, vanon naña nasuḡenena nae ma e peni pimi ke lavisi narui.”

*Yesu pio yaru na wereen ika la vari*

*Mak 1:16-24; Luk 5:1-11*

<sup>18</sup> Ana Yesu sum̄a ga miyaloro ke e isinen pupia lapa nae Kalele, ana m̄al yaru la

lua, Saemon Pita amio wenla naŭa Antru. Lalua asuŭa ga akuan ke lilivi, vanon lalua na ape yaru na wereen ika.

<sup>19</sup> Ana naga pisa pan lalua, pisape “Amiu lua ataveve inu, ave kiau yaru lala, vena nevian amiu ana ave yaru na wereen yaru lala.”

<sup>20</sup> Ana lalua nene amligan kiela lilivi naŭani veraga ga, lalua ataveve Yesu.

<sup>21</sup> Ana Yesu mial li ga pa laa sane, mial si yaru la lua Semes amio wenla naŭa Yoane, la lua na la narina ne Sepeti. Lalua asike e kiela los nen wa tai amio arimala, lala asuŭa ga akila ruru ke kiela lilivi. Ana Yesu pio lalua pisape lalua atavevea,

<sup>22</sup> ana la lua asuŭalu veraga, amligan arimala mēke e wa, ana ataveve Yesu apano.

*Yesu mlologo, pian ke yaru lala, a kila ruru ke namaiena lala*

*Luk 6:17-19*

<sup>23</sup> Ana Yesu miyaloro ke pa e yo punu ga garu Kalele, pian ke le Yu lala e loyūŭa e kiela yuŭa na lotuena lala. Ana naga pi-sawal ke nalologena wo nene nasuŭenena kiena ne Ntewa, a kila ruru ke yaru la naŭa maiena sike e yepela, a kila yaru la naŭa yepela laŭas malmalumu, apimi amloge po sina.

<sup>24</sup> Ana la asunyu kia kiena Yesu pa kalo mēna yo punu ga e lepas naŭa Kalele na vito tano, naŭa apio asape Seria. Ana la aŭure yaru la naŭa amai e yo punu ga nene apimi puna Yesu. La nene, laŭasia naŭa amai, laŭasia naŭa magka kar kare la amloge piowa paŭisi, laŭas naŭa yermare la asike e la, laŭas naŭa amarmarelu ke lala, a laŭasia naŭa yepela laŭasia marmare, ana Yesu kila ruru punu ga namaiena la nene amloge po sina.

<sup>25</sup> A yaru la moki paŭisi naŭa ataveve Yesu e pogos nene. La nene apimi garu Kalele, a e mēna e lepas naŭa pulkumali lualima sike ea, a garu Yerusalem, a garu lepas taŭena lala nae Yutea, a ma mēna e lepas nen ŭalu nae Yortan lepas paŭsia na vano. Ana la nae yo la nene apimi ataveve Yesu e pogos nene.

## 5

*Yesu pian yeririna lala*

*Luk 6:20-23*

<sup>1</sup> Ana e pogos tai, Yesu pisu yeririna la moki, ana naga pa metava e kunus tai. Sane kiela navianena tai, naga totano ana kiena yeririna lala apimi atovivia,

<sup>2</sup> ana naga pian la.

<sup>3</sup> Navianena kerkeviu laŭasia kiena ne Yesu sanini: naga pisape

“La naŭa apisu kilale naŭa pe aŭal re Ntewa e kiela malena poli wa, ana ŭisi na navisa ruruena vim van la, vanon Ntewa naga pe Parin Suŭe kiena ne yeririna la ne sanene.

<sup>4</sup> La naŭa suri viowa lala akila kare la ke paŭisi, a amloge piowa, atagi ke na, ana navisa ruruena vim van la, e nakila luŭeluŭeena lala.

<sup>5</sup> La naŭa ape yaru malumu ga, navisa ruruena vim van la, vanon naŭa Ntewa pisaar pan la rui pisape la suri wo la naŭa sike e yomarava nini van la.

<sup>6</sup> La naŭa sinelan manene ŭelaga mesmesu lala sa naŭa Ntewa naga sinenania, ana navisa ruruena vim van la, naŭa ŭisi na avisu kiela malena ulen namesmesuena la nene.

<sup>7</sup> La naŭa asuŭa sinela miye ke yaru taŭena lala, navisa ruruena vim van la, naŭa yokorena Ntewa naga sinena ye manene la vaŭisi.

<sup>8</sup> La naŭa sinela mekiki po, navisa ruruena vim van la, naŭa yokorena la avisu Ntewa.

<sup>9</sup> La naŭa ape yaru na kilaen suŭare, ana navisa ruruena vim van la, naŭa Ntewa naga vio yaru la nene ave narina lala.

<sup>10</sup> La naŭa amlelaga e Ntewa, ana yaru taŭena lala akila kare la vanon kiela nalelagaena nene, navisa ruruena vim van la, naŭa yokorena Ntewa ure la ava loyūŭa e kiena nasuŭenena.

<sup>11</sup> “Amiu la naŭa yaru la akila kare ke kiamiu kia, a la aŭene amiu ke na, a la apisa kare amiu, a apisa kotalia amiu, vanon naŭa amiu na ape kiau yeririna lala, ana ŭisi na navisa ruruena vim mēna ga van amiu.

<sup>12</sup> Ana ve sinemiu viowa re, akilia akekara ga, vanon kiamiu pupia suri wo tanea lala sike ma e peni. Pisi na yaru la akila kare amiu vaŭisi, ana visae ve sanene, la akila ve sa ke naŭa yaru na sumo lala akila kare navisawalena lala.”

*Kururu sive amio kapi viaga*

*Mak 9:50; Luk 14:34-35*

<sup>13</sup> Ana Yesu pisa mēna ga, pisapenua “Amiu na sane sive na e yaru na yomarava lala. Ana visae sive ve melkalka re sina, ana pe suri re si tai naŭa kilia kila melkalka si poli. Ana sive nene na pe popon re si suri tai poli, popon ga akuan va narui.

<sup>14</sup> “Amiu na sane kapi viaga na yomarava. Pogos naŕa yaru la akila kiela pulkumali metava e kunus tai, kolemalu yaru la naŕa asike perina akilia avisu kapi nena, ana taŕatete akilawan kiela pulkumali nene.

<sup>15</sup> Ana pe yaru re tai poli naŕa silan kiena kapi, ana kalo si kapi nene e piaki tai. Pogos na yaru silan kapi, ana monar ligan to metava e lelen, ana yaru punu ga naŕa asike loyumi ana kapi vivaga nene tegoli la.

<sup>16</sup> Ana e ŕelaga ne na nene, amiu na monar ataŕan kapi na kiamiu malena tegoli yaru la punu ga vena akilia avisu kiamiu yumi aena wo la naŕa amiu akila ke na. Ana pogos naŕa la avisu kiamiu yumi aena wo la nene, ana la akilia ayeluar kia kiena Arimamiu naŕa sike ma e peni.”

*Yesu pisayu navisaluaena kiena Mosis*

<sup>17</sup> Ana Yesu pisa mi aena ga, pisapenua “Pe sineun re nenaga, naŕa amiu asitom ke asape inu nepimin nesape nekuan plan navisaluaena kiena Mosis, amio visena kiena ne yaru navisalualena la poli. Peraga, pe sa re nene poli. In na nepimin nesape nevian ruru amiu e kinas nen visena punu ga la nene van amiu.

<sup>18</sup> Suri na ne nepisa ke pan amiu ne, ana lelaga paŕisi monar asitomalia, ŕisi na taŕatete navisaluaena nene kovio, vanon sinapane amio yomarava nini lalua akovio. Ana taŕatete narin mras nen visena tai, pona ya sina naŕa teke e navisaluaena nene, kilia kovio, taŕatete ga, vano-o tol pogos naŕa suri na navisaluaena la nene vim kakate make ga.

<sup>19</sup> Vanon suri ne na nene, visae yaru tai kila pal narin suri tai e navisaluaena nene, pona vian yaru taŕena tai kila sanene, yaru nene na ve to re e yo wo tai e nasuŕenena kiena ne Ntewa. Ana yaru naŕa taveve ruru visena na navisaluaena la nene, a pian ke yaru taŕena lala akila sanene, ana naga yoko kiena kia wo e nasuŕenena kiena ne Ntewa.

<sup>20</sup> Inu nevisa van amiu, visae sine-miun asape ava e nasuŕenena kiena ne Ntewa, ana monar kiamiu ŕelaga la wo a mesmesu, taulu navianena navisaluaena lala, amio Varasi lala, visae peraga, taŕatete ava ea.”

*Yesu pisayu nasinekarena*

*Luk 12:57-59*

<sup>21</sup> Ana Yesu pisa mi aena ga, pisapenua “Amiu amloge mi naŕa navianena la apian ke kieta yermarua la nanua sumo rui, apisape ‘Ve awemiar re yaru, a visae

yaru na wemiar yaru mare, mesmesun ga naŕa aure naga va kumali ana avis vania.’

<sup>22</sup> Ana nevisa van amiu sanini: Yaru naŕa sinena kari wenla, yaru nene mesmesun aure va kumali avis vania. A yaru naŕa visi viowa van wenla, visavenua ‘Ko na yaru viowa tai nene wa,’ yaru nene mesmesun aure va e kieta viorena keviu ana aliŕere naga. A yaru naŕa ŕisi na la sinemimiena van wenla, pisape ‘Ko na ŕaru mi pe wowe,’ naga mesmesun va e kapi naŕa e lele na loge viowaena.

<sup>23</sup> Vanon suri ne na nene, visae oimi e wonta kiena ne Ntewa vena ola nalaena vania, ana ositomial si naŕa okila suri tai pa womla piowa teke na,

<sup>24</sup> ana oligan nalaena nene to mi e lepas nen wonta nene sumo wa, ana monar omolue sina, ova okila ke ne marawo wa, ana siraunia okilia oimi ola si kio mi nalaena naŕani va Ntewa.

<sup>25</sup> “Visae okila suri piowa pa yaru tai, ana naga sinenan pisape were ko ova kumali avis van ko, ana popon okoskosin ovisi ruru omio yaru nene, e pogos naŕa pe aŕure ko re opa kumali poli wa. Visae peraga, pona ligan ko e limana yaru na liŕereena la yo, ana la nene aligan ko e limana yaru na taren yaru lala, ana la akilia aligan ko e yumi nako aena.

<sup>26</sup> Suri na nepisa ke pan ko ne naga lelaga, ana visae sanene, taŕatete si omolue e yumi na ko aena, vano-o tol pogos naŕa oul make kio mi nako aena.”

*Yesu pisayu kolau*

<sup>27</sup> Ana Yesu pisa mi aena ga, pisapenua “Amiu amloge mi naŕa navianena lala apisalua sumo rui, asape ‘Ve okila re kolau.’

<sup>28</sup> Ana inu, nevisa van amiu sanini: Yaru naŕa yepen kawe ke sira taŕena tai, naŕa naga sinenania sape werea, ana naga sane kila kolau amio sira nene ŕisi rui e kiena sitomena.

<sup>29-30</sup> “Visae kilamarani na ŕamarua kila ko ke omloru e mlamulena viowa sanene, popon osilua kilamarani nene vano. A visae lumoni na ŕamarua kila ko ke oloru e mlamulena viowa, popon otelua, okuan vano. Ana popon narin lepasnemi ga tai kovio, a visae peraga, akoven punu ga tasnemi va e lele na loge viowaena.”

*Yesu pisayu nakuwanlu aen sira*

*Matiu 19:9; Mak 10:11-12; Luk 16:18*

<sup>31</sup> Ana Yesu pisa mi aena ga, pisapenua “Nanua sumo na apisa sanini, apisape ‘Yaru naŕa koanlua wona, ana naga monar kila mi aki tai vania, naŕa pisa meraravan

pania pisape koanlua rui, pe pe wona re si poli.'

<sup>32</sup> A in ne nanini, nevisa van amiu, sanini: Pe mesmesun re nena ga naŋa yaru tai mēnelua wona poli, visae naŋa wona nene naga pe kila re kolau sumo poli. Visae yaru tai mēnelua wona, naga kila kare wona nowo nene sa ga naŋa wona nene naga pe sira na taŋaen ga kolau rui. A yaru taŋena naŋa naga were sira tai naŋa wona nasumo naga mēnelua naga rui, yaru taŋena nene, naga sumā kila ke kolau narui."

*Yesu pisayu sanape naŋa akila navisaarena*

<sup>33</sup> Ana Yesu pisa mēna ga, pisapenua "Amiu na amloge mēna naŋa navianena lala apisa pan kieta yermarua la sumo rui, apisape 'Visae ovisa kia kiena ne Ntewa vena kila kioṁia visena mārera, siraunia ko taŋatete okilaro sina visena nene. Visae ovisa kia kiena ne Ntewa, monar okila mesmesu sa naŋa ko opisa.'

<sup>34</sup> Ana nanagane, inu nevisa van amiu, sanini "Taŋatete ovisa kia kiena ne suri taŋena vena kila kioṁia visena mārera.' Taŋatete ovisavenua 'Lelaga metava,' vanon naŋa ma e peni na lēlena ne Ntewa naŋa totano ke ea, na pe yo wa paŋisi.

<sup>35</sup> A taŋatete mēna ga ovisa kia kiena yomarava nini, vanon yomarava nini lēlen lana ne Ntewa naŋa naga piawa ke ea. Taŋatete ovisa Yerusalem, vanon Yerusalem na lēlena ne kieta Parin Suŋe Wa.

<sup>36</sup> A taŋatete mēna ga ovisa ŋarumā, vanon taŋatete ovilon vilurūna tai imi yuwowo pona imi malolo.

<sup>37</sup> Visae avisa suri na lelaga, monar avisa ga 'Lelaga,' a visae avisa suri naŋa peraga, monar avisa ga 'Peraga.' A visena taŋena la naŋa akilia avisa, naga molue ga kome Yermare."

*Yesu pisayu yaru naŋa kila maran si piowa pan yaru naŋa kila piowa pania*

*Luk 6:29-30*

<sup>38</sup> Ana Yesu pisa mēna ga, pisapenua "Amiu amloge mēna naŋa navianena lala apisa nanua sumo, apisape 'Visae yaru tai kito kilamaranā tai, ana ko okilia okito mēna ga kilamarana. A visae yaru tai sulua maluenā tai, ko mēna ga okilia osulua maluenā tai.'

<sup>39</sup> Ana nanagane, inu nevisa van amiu sanini: Amiu ve akilamaran re si suri van yaru naŋa kila viowa van amiu. Visae yaru tai lipa pipiṁa e lepas na ŋamarua, ana monar otamān mēna ga lipa pipiṁa lepas na ŋamēli.

<sup>40</sup> Ana visae yaru tai visave were ko ova avis van ko kumali, ana naga māreran visave owar moṁa kulsota vania, ana ko owar mēna ga moṁa kulsaket vania.

<sup>41</sup> A visae yerkaŋa tai māreran visave owar kiena karo amio ayal va tol mrae ve taaga, ana monar okekaran owar va tol si maran mrae ve taaga.

<sup>42</sup> Visae yaru tai viun suri tan ko, monar ola vania, a visae yaru sinenan visave la kioṁia suri tai yurūaenia, monar otamān vania vena lavia, ve ovisaluŋar re vania."

*Yesu pisayu nisape monar akekaran nasinekar lala*

*Luk 6:27-28,32-36*

<sup>43</sup> Ana Yesu pisa mēna ga, pisapenua "Amiu amloge mēna naŋa navianena pisa sumo rui pisape 'Monar ositom nalavis puṁa, a monar okila viowa va kioṁia nasinekar lala.'

<sup>44</sup> A nanagane, inu nevisa van amiu sanini: Monar asitom kiamiu nasinekar lala, a monar alen wo mēna yaru la naŋa akila ke piowa pan amiu,

<sup>45</sup> vena amiu ataveve ruru ŋelaga kiena ne Arimamiu naŋa sike ma e peni, vanon naŋa naga kekaran yaru punu ga maran taaga. Vanon suri ne nanene, naga kila kiena mrae tego, a kila kiena yua powo pitomi pun yaru punu ga, la naŋa apo a la naŋa apiowa.

<sup>46</sup> ? Visae akekaran ke ga yaru la naŋa asitom amiu ke na, amiu na asitom ke asape yokorena atol kiamiu nalaena tai? A yaru na takis lala, naŋa yaru taŋena la asape la ape yaru viowa ga, la akilia akila sanene.

<sup>47</sup> Visae otalopan ga kioṁia yeririna lala, nanene na pe otaulu re ŋelaga kiena ne yaru viowa la poli. A yaru la naŋa pe amlelaga re e Ntewa poli, la mēna ga akekaran kiela namratava lala.

<sup>48</sup> A kiamiu malena monar mesmesu ruru wo, sa naŋa ŋelaga kiena ne Arimamiu naŋa sike ma e peni naga mesmesu ruru paŋisi, a naga po pan yaru la punu ga."

## 6

*Yesu pisayu nalaena lala*

<sup>1</sup> Ana Yesu sumā pisi pan la, pisa pisape "Suri la naŋa kieta nalotena pisa pisape popon teyurūaenia, amiu na ve akila re sa naŋa amiu akila na vena yaru ve moki akilia avisu kilale naŋa amiu akila ke suri wo. Visae amiu asumā akila mēna sanene, ŋisi na Arimamiu naŋa sike ma e peni, naga taŋatete la nalaena van amiu vanon kiamiu yurūaena la nene.

<sup>2</sup> “Visae ve sanene, pogos naþa ko ola nalaena va yeririna la naþa pe kiela suri re poli, vena oiila la, ana pe pon re owarwar ko vanon poli, sane li navilavenen viskorenena. Yaru la nene apisawal ke kiela yurñaena wo lala e loyurña na leniena, a e yepesinas la vanua, vena yaru la ayeluar la. Ana nevisa suri na lelaga van amiu, yaru la ne sanene amla kiela nalaena þisi rui e nayeluarena naþa yaru taþena la amla pan la, a taþatete si ala suri tai.

<sup>3</sup> A pogos naþa ko ola nalaena va yaru la naþa pe kiela suri re poli, vena oiila la, monar okila ga e þelaga na tapolouena, yaru ve visu re, a ve kioþña sitomena yeluar ko re e nalaena nene.

<sup>4</sup> A visae okila tapoloun ga kioþña yurñaena wo la ne sanene, ana Arimoþña naþa pisu ke suri la naþa yaru la pe apisu re poli, naga kilia la nalaena van ko vanon kioþña yurñaena wo la nene.”

*Yesu pisayu leniena*

*Luk 11:2-4*

<sup>5</sup> A Yesu pisa mþena ga, pisapenua “Ana pogos naþa amiu alen, pe pon re ataveve þelaga kiena ne li navilavenen viskorenena la poli. La nene na sinelan manene asape asumþalu vena alen loyurña e yurña na leniena, a vanua e yometava lala, ana yaru la akilia avisu la. Ana inu nevisa suri na lelaga van amiu, yaru la ne sanene amla kiela nalaena þisi rui e nayeluarena naþa yaru taþena la amla pan la, a taþatete si ala suri tai.

<sup>6</sup> Ana pogos naþa visae okila leniena, ana ova loyurña e moþña yurña ko ga taaga, okotava ana okila leniena va Arimoþña naþa sike na, ana pe yaru pisu re naga poli. Ana Arimoþña naþa kilia visu suri la naþa pe yaru pisu re poli, naga kilia la kioþña nalaena van ko, vanon kioþña suri wo naþa okila.

<sup>7</sup> “A pogos naþa alenia, ana pe pon re avisa visena ve moki poli, ve sa yaru la naþa pe amlelaga re e Arimata lelaga poli. Yaru la nene amþape yokorena na alual suri naþa la amlen ke vanonia, komin la apisa ke visena la moki manenea, ana peraga.

<sup>8</sup> Ana amiu na ve ataveve re kiela þelaga lala, vanon Arimamiu, naga kilia ke suri la naþa limamiu plasan rui, pogos naþa amiu pe apiun re suri la nene tan naga poli wa.

<sup>9</sup> “Vanon suri ne nanene, mesmesun naþa amiu alen sane leniena nini, naþa pisa pisape

Arimamimi naþa ko osike ma e peni, mesmesun ga naþa yaru la asu vatanon kioþña kia wa.

<sup>10</sup> Memlen mesape kioþña nasuþenena imi sumþalu marera se yomarava nini,

vena yeririna la akila sa naþa ko sinoþñania, sa naþa la ne ma e peni akila mþaga.

<sup>11</sup> Awis, ola kinanena van imimi þane, a e legiena punu ga.

<sup>12</sup> A ovieuo imimi e kiamimi mlamulena viowa lala, sa naþa imimi mþena mepiewo ke yaru taþena la naþa akila ke piowa pan imimi.

<sup>13</sup> Ko ve oligan manene re suri viowa lala aimi ataþali imimi, okila wo Yermare ve imi kila kare imimi re.’

<sup>14</sup> “Vanon naþa visae amiu aviewo ke yaru la naþa akila ke piowa pan amiu, ana Arimamiu naþa sike ma e peni viewo amiu mþena ga.

<sup>15</sup> A visae ve aviewo re yaru taþena la naþa akila ke suri piowa pan amiu, ana Arimamiu taþatete viewo kiamiu mlamulena viowa lala.”

*Yesu pisayu monsilena*

<sup>16</sup> A Yesu pisa mþena ga, pisapenua “A visae pogos naþa amiu amonsilu ke sina ga, ve akinan re vena amiu asitoþñali Ntewa a alen vania, amiu ve akila re sa naþa pe ake re maramiu poli, pona amiu akila maramiu la viowa, a kulugomiu la miyopiop sa naþa viso kar amiu paþisi, vena yaru lala avisu kilia ya naþa akila ke na. Nanene na yurñaena kiena ne li navilavenen viskorenena. Ana visae akila sanene, ana yeririna laþasia sinela ye la, naga ga nene kiela naulena naþa la akilia alavia vanon kiela monsilena, þisi na taþatete si Ntewa naga la sina ga suri tai van la.

<sup>17</sup> Ana ko, pogos naþa amonsilu ga sanene, popon okee maraþña, okila ruru vilurña, oyowau ruru wo sa naþa ko okila ke silaga,

<sup>18</sup> vena yaru la aninue ya naþa ko okila ke ne. Arimoþña ga naþa naga sike na, pe yaru la aþña re naga poli, ana naga ga þisi na kilia pisu ke suri la naþa pe yaru la apisu re poli, þisi na naga la nalaena van ko vanonia.”

*Yesu pisayu kilavaru*

*Luk 12:33-34*

<sup>19</sup> Ana Yesu pisa mþena ga, pisapenua “Pe pon re amiu akilapolo kiamiu suri wo na yomarava la nini poli, vena avim ave yaru keviu na suri moki manenea. E yomarava nini na kirara lala akilia akar suri la nene, a suri la nene akilia avillua a amenunu mþena ga, a amio mþena ga yaru na vinauena naþa kilia kilapo yurña, vena vinaun suri la naþa amiu aþionia.

<sup>20</sup> Ana amiu na monar awarpolo kiamiu suri wo lala ma e peni, vanon naña e nene na yo tai naña pe kirara re e poli, a suri tai tañatete villilua a menunuu, a yaru na vinauena lala tañatete akila kare kiamiu suri nowo la naña amiu amligan ruru sike ea.

<sup>21</sup> Popon vena amiu na kiamiu suri wo la ve moki sike ma e peni, vanon e naña kioña suri wo la sike ea, ana kioña sitomena mēna ga sike e nene silaga.”

*Yesu suña pisayu naña yaru la ve ave puluvis re*

*Luk 11:34-36*

<sup>22</sup> A Yesu pisa mēna ga, pisapenua “Kil-amarana yaru naga pe yo taaga ga naña kapi vivaga pimi loyurña e tasnena. Visae kilamaraña merarava ruruia, okilia ovisu kilale yaru tañena, vena oiila naga. Visae okila sanene, losineña pulen ruru kapi pivaga pañisi.

<sup>23</sup> A visae kilamaraña ve merarava ruru re, yoko tañatete ovisu kilale ruru yaru tañena, yoko osurña ovisu ga kioña suri lala ove puluvisin ga. Visae okila sanene, losineña pulen manene la yemalolo, a visae yemalolo naga sike e naña mesmesun kapi vivaga naga se ea, nanene sane ko na osike e yemalolo naña pe pupumalo pañisi.”

*Yaru tañatete yuñae kiena suñe ve lua veraga*

*Luk 16:13*

<sup>24</sup> A Yesu pisa mēna ga, pisapenua “Yaru tai tañatete kilia yuñae kiena suñe ve lua veraga. Visae sanene ana naga kekarar tai, a yepena mavin tai, pona naga logear tai, aligan tai. Amiu na tañatete akila sane ave yaru kiena ne Ntewa, ana ave yaru kiena kilavaru mēna ga.”

*Sanapen yaru naña sitom manene kiena malena*

*Luk 12:22-31*

<sup>25</sup> Ana Yesu pisa mēna ga, pisapenua “Vanon suri ne na nene, inu nevisa van amiu sanini: Pe pon re kiamiu sitomena ulen manene ga kiamiu yuñae na visuar amiuen la poli, naña amiu asuñae apiuviun ke, asapenua ‘? Aña e nape naña yoko ita telual kata kinanena a mātā namunena?’ pona ‘?Pisi na ita tetol mātā kulsota na yenwo e sanape ne?’ Sitomena la ne sanene na pe po re nenaga, komin kiamiu malena naga po taulu kinanena, a tasnemi naga po taulu kulsota.

<sup>26</sup> Asitomli manu la ne akaka ke ne. Manu la nene pe amapla re kala lokove poli, a pe apa añar re kinanena pitomin naña aligan ruru sike loyurña poli. Ana

Arimamiu ga naña sike ma e peni, naga ga mla ke kinanena pan la, ana e kiena navisuena, naga pisu amiu na sane ato metavan manu lala, pisi na naga kilia visuar amiu taulu la.

<sup>27</sup> ?Amiu na asitom asape yaru kilia kila kiena malena naña plas ga ne vim ve piavi li laa sane wo ga, vanon sitom manene la kiena malena? Peraga, pe sa re nene poli, ana amiu na popon ve asitom manene re kiamiu malena.

<sup>28</sup> ??A komin ya ne asitom manene ke māmamiu kulsota la vanonia? Amiu asitomli vinas nen purmeme la ne pitotovi ke e yo punu la ne. Vinas la nene na pe amiyuñae re poli, a pe asulu re mālala kulsota la poli.

<sup>29</sup> Ana inu nevisa van amiu, Parin Suñe Solomon nene nanua sumo, naga pe yaru na suri moki, ana naga mēna kulsota la naña naga miyenya na pe miyowau ruru re sane meme la nene poli.

<sup>30</sup> A meme la nene na la ape na legiena taaga ga, peni narui asikapi la e kapi, ana Ntewa ga naga paia ruru la ke apo sanene. ?Ana amiu na asitom asape pisi na Ntewa naga tañatete la kulsota van amiu? !Aulai, amiu na pe apiawa re nena mārera e Ntewa poli!

<sup>31</sup> “Komin suri ne la nene, pe pon re sinemi la ulen sitomena la nene poli naña sape ‘?Yoko takan ya ne, a tomun ya ne, a telual mātā kulsota sanape ne?’

<sup>32</sup> Lelaga, yaru la naña pe amlelaga re e Ntewa poli la asitom manene suri la ne sanene silaga, ana amiu, Arimamiu naña sike ma e peni, naga kilia mēna ga naña pisape yokorena monar kiamiu suri la nene na wa.

<sup>33</sup> Suri naña amiu monar asitom pēsan ve keviu e kiamiu malena, nane nasuñenena kiena ne Ntewa, amio kana namesmesuena nena lala. Visae ve sanene, pisi na naga la mēna ga suri tañena la nene van amiu.”

<sup>34</sup> “Ve sanene, pe pon re sane pñane na, asitom manene suri la na legiena na peni poli. Peni ga, akilia asitom suri la na peni, komin legiena na pñane, ana suri viowa la moki pimi e rui.”

## 7

*Yesu pisayu naliñere kareen yaru tañena*

*Luk 6:37-38,41-42*

<sup>1</sup> Ana Yesu pisi ke pan la na wa, pisape “Amiu na monar ve aliñere kare re yaru tañena lala. Ve sanene, Ntewa mēna ga ve liñere amiu manene re,

<sup>2</sup> komin sitomena naña teke e amiu pogos naña amiu aliñere yaru tañena, pisi

na sitomena na sanene teke mēna ga e Ntewa e pogos naŋa naga liŋere amiu. Pisi na Ntewa naga liŋere amiu, ve sa ke naŋa amiu amlifere yaru taŋena lala.

<sup>3</sup> Pe pon re naŋa ko osuŋa ovisasawal ke narin kororaki naŋa teke e kilamarana ne womla poli, ana ko pe opisu kilale re pupia mora laki na mēke e kilamarama poli.

<sup>4</sup> ? Sanape narui ko ositom ke osape okilia ovisi va womla nene, ovisave 'Pisi na nelalua ke ne kororaki na teke e kilamarama ne sumo wa?'

<sup>5</sup> ! Visae sanene, na ko na pe opisu kilale re kionā mlamulena viowa poli, ana ko osuŋa omliŋere ke ga mlamulena kiena ne yaru taŋena lala! !Ko na ope yaru navilavenen viskorenena paŋisi wa! Okilalua ke ne pupia miasin laki naŋa mēke kilamarama sumo wa, siraunia ana okilia ovisuveve narin kororaki naŋa teke e kilamaran yaru taŋena.

<sup>6</sup> "Pe pon re amiu akilali naŋa avisawal Visena Wa kiena ne Ntewa va yeririna la naŋa la pe akekaran re ala poli. Nanene sa naŋa amiu asuŋa apagan ruru ke lokul tetan lala e kinanena naŋa po, ana pogos naŋa akinana ŋisi, ŋisi na avilon ŋarila ana akar amiu ke sina ga. Sa ke mēna ga naŋa visae awar nalaena wo lala va nompui lala, ŋisi na la avie neno ga vitove sike e pulkene."

*Yesu pisayu naviunena suri tan Ntewa  
Luk 11:9-13*

<sup>7-8</sup> A Yesu pisape "Yaru naŋa suŋa piun ke suria, silaga naga mlavia, a yaru naŋa suŋa kale suria, silaga naga mēlia, a yaru naŋa suŋa sigariga ke mratava, silaga pulutava pietava pania. Visae sanene, pisi na amiu awar ya naŋa amiu asuŋa apiun ke tan Ntewa, a ŋisi na amiu alual ya naŋa amiu asuŋa akale ke tania, a mratava naŋa amiu asuŋa asigariga ke ne, ŋisi na Ntewa naga vietava van amiu.

<sup>9</sup> Visae naruŋa tai viso karia, viun narin kilaparavi naŋa teke ne, ŋisi na taŋatete ola kilavaru tai vania,

<sup>10</sup> pona visae naga viun ruru ika naŋa teke rui, ana taŋatete ola lomāra van kania.

<sup>11</sup> A lelaga naŋa amiu na ape yaru viowa ga lala, ana taŋatete amiu yaru tai kilia kila sanene, amiu na akekaran ga silaga naŋa amla suri wo lala pan narimiu lala. Sanene, pogos naŋa amiu aviun suri tai va Arimamiu nae ma e peni, naga kekaran ga naŋa la suri wo la van amiu narina lala, va ve keviu la sane wa.

<sup>12</sup> "Amiu na monar akila wo va yaru taŋena la silaga e suri wo ga lala, sa naŋa amiu sinemiun asape yaru taŋena

lala, la monar akila wo van amiu. Visena ke nene narui naga purŋes nen visena kiena ne navisaluaena la nene naŋa Mosis naga siriyuia, amio mēna ga ya naŋa navisawalena na sumo lala la apisa."

*Mrapa lua la*

*Luk 13:24*

<sup>13-14</sup> Ana Yesu pisa mēna ga, pisapenua "Pupia pulutava tai naŋa keviu mon mēga, ana mrapa naŋa pa ŋarpoyo komea ana lepalepasa a pe yotop ruru po paŋisi. Yeririna la mokliu naŋa ataveve ke mrapa nene, ana mrapa nene naga va e yo natolen koaena. A amiu na monar ava loyuŋa e pulutava taŋena tai, naŋa naga ve tokak la ga. Naga kana mrapa nena mārera paŋisi, a pe yeririna moki re naŋa akom ke e poli, ana mrapa nene naga mrapa na malena."

*Purlaki amio kana mrasa*

*Luk 6:43-44*

<sup>15</sup> Ana Yesu pisa mēna ga, pisapenua "Amiu na monar avisuar ruru yaru la naŋa la apisape la ape yaru navisawalena lala, ana apian ke suri navisokanena lala. Pogos naŋa la sinelan asape avian amiu, la apimi sa naŋa ape erau wo amio amiu, naŋa la yepela moŋau ruru nenaga, sa naŋa sipsip lala, ana e losinela lala la sa ga lokul tetan lala, naŋa la visokarlan suri punu ga.

<sup>16</sup> Ana ŋisi na amiu avisu kilale la e mras nen kiela malena lala. Vilumini la naŋa pe nenosa, amio kilika la naŋa pe nenosa, la pe aŋar re kinanena wo poli pona mras naŋa kiki ruru poli.

<sup>17</sup> Purlaki naŋa kapuru ruru po, naga monar war mras naŋa po, a purlaki naŋa kapuru piowa ga, naga monar war mras naŋa piowa ga.

<sup>18</sup> Ana purlaki naŋa kapuru po, ana taŋatete war mras naŋa viowa, a purlaki naŋa kapuru piowa ga, ana taŋatete war mras naŋa po.

<sup>19</sup> Naga sa ga nene narui, visae purlaki viowa la nene naŋa la taŋatete awar mras napo, ŋisi na monar ate plan la ga vena akuan la ava e kapi.

<sup>20</sup> Visae ve sanene narui, mras naŋa naga molue e malena kiena ne yaru kila meraravan pisape yaru nene naga pe yaru na sanape, ana ŋisi na amiu akilia avisu kilale navisawalena viowa la nene e mras viowa la naŋa molue e kiela malena lala."

*"Pe nekilia amiu re nenaga"*

*Luk 13:25-27*

<sup>21</sup> Ana Yesu pisa mēna ga, pisapenua "Yaru la mokliu asuŋa apio inu ke asape '!Kiau Suŋe, kiau Suŋe o!' ana taŋatete la punu ga nene naŋa ŋisi na akilia ava

loyuñia e nasuñenena kiena ne Ntewa ma e peni. Yeririna naña kilia va loyuñia, naga yeririna ga naña naga suñia kila ke suri la naña Ata naga sinenania.

<sup>22</sup> E pogos naña ñisi na Ntewa naga liþere yeririna lala, yeririna la ve moki naña ñisi na avio inu ve sanene, avisave in na nepe kiela Suþe. Pisi na la avisa avisave "Suþe, sanapen imimi? Imimi na memiyuñiaen suri wo la mokliu e kioñia kia, a imimi mepisawal ñena ga kioñia visena, a imimi memene plan ñena ga yermare lala, a mekila ke ñena ga kile la mokliu. ?Pona ko pe ositoñal re kiamimi yuñiaena wo la nene poli, yo?"

<sup>23</sup> "Ana yokorena inu nevisawal mesmesun van la, nevisave: Inu na pe nekilia amiu re nenaga pogos tai, naña amiu na ape kiau. Amiu na ape yaru na mlamulena viowa ga la ne. !Amiu aurmatan inu nagane!"

#### *Yuñia lua*

*Luk 6:47-49*

<sup>24</sup> A Yesu pisa ñena ga, pisapenua "Visae ve sanene, la naña ataveve ruru sa naña nepian amiu rui, la sane yaru tai naña pe manmaruan naña kila ñana yuñia, naña naga mapila kana kemraþe pito tano tol yo ñarera tano.

<sup>25</sup> Ana siraunia, yua pimi, a womie la mlau keviu, a lagi miyui, ñe yuñia nene, ana yuñia nene pe mloru re poli, komin naña yaru nene pisirlua ruru ñana yuñia nene e yo ñarera naña.

<sup>26</sup> "Ana la naña pe ataveve ruru re sa naña nepian amiun rui, la sane yaru tai naña kiena sitomena piowa ga, ana pogos naña kila ñana yuñia, kililinarina kana kemraþe lala su ga metava e none.

<sup>27</sup> A siraunia, pupia yua kove, a womie la mlau keviu, a lagi miyui, ñe yuñia nene, ana yuñia nene mloru. A pogos naña mloru, yuñiaena kiena ne yar nene pimi piowa make nenaga."

#### *Amilan manene Yesu kiena visena nene ñan wa*

<sup>28</sup> Siraun naña Yesu ñisin kiena visena la nene, yeririna la amilan pañisi,

<sup>29</sup> komin naña la apisuvevea sane kiena visena na pe sa re visena kiena ne kiela navianena navisaluaen la poli, ana kiena visena la urmi pañisi, a naga suñia miur ke kiela sitomena lala, a naga pisawal visena sane yaru tai naña namareraena teke e naga.

## 8

*Yesu kila ruru yaru tai naña leperosi se yepena, miania*

*Mak 1:40-45; Luk 15:12-16*

<sup>1</sup> Yesu mligan kunus keviu naña naga pian ke yaru la ea, naga pitomi tano, ana yaru la mokliu naña atavevea.

<sup>2</sup> Ana yaru tai naña leperosi sike e yepena pimi puna, ana kinai tano pania piunia, pisape "¡Suþe! In na nemlelaga e ko nesape ko na okilia okila ruru inu wo ga, ana visae ko okekara, sineun nesape neviun tan ko vena okila van inu ve sanene."

<sup>3</sup> Ana Yesu pe maraun re yaru naña poli vanon kiena maiena nene, ana þuarar naga e limana, pisape "Ee, inu sineunia. Poga ga, nesape yepena ikiki." Ana veraga ga yepena miania, leperosi nene ñisi ea.

<sup>4</sup> Ana Yesu pisa pania, pisape "Omloge ke ne, ovano ve ovisawal re suri nene va yaru lala wa, ana nanagane ga ne ova okom puna yaru wa vena naga kilia visuveveli yepena. Pisi na, monar ova okila lotuena va Ntewa, a okila ñena kuþaþaena nene naña Mosis pisa sape yaru monar kila vanon suri na sanene, ana siraun naga nene, yaru wa nene naga kilia visawal visave leperosi nene ñisi rui."

*Yesu kila yaru naña yepena komþasia mare pimi po*

*Luk 7:1-10*

<sup>5</sup> Ana pogos naña Yesu pa loyuñia garu pulkumali naña Kapeneam, yaru keviu tai kiena ne li na mara lala nae Rom pimi puna, tagi pania,

<sup>6</sup> pisape "Suþe, yaru na kilaen kiau yuñiaena tai mloru ñeke e ñana tog nanagane garu ñau. Tasnena lepas komþas mare, ana naga mloge ke piowa pañisi."

<sup>7</sup> Ana Yesu pisa pania, pisape "Ita, tevano. Pisi na inu nekila ruru si naga loge wo."

<sup>8</sup> Ana yerkawa na kilaen mara naña pisatamea, pisape "Suþe, in na pe nepe yaru wo re tai naña netorokin naña ko oimi ñau loyuñia poli, sane in na pe nepe yere Yu re poli, ana visae okilia ovisa ga visena tai, nekilia nesape ñisi na kiau yaru nene kilia loge wo narui.

<sup>9</sup> In na nekilia naña nesape ñisi na monar ve sanene, vanon nekilia nesape kioñia visena namareraena keviu sike ea. Naga sane yaru na mara la naña asike vatanon inu, naña monar alogear kiau visena. Visae nevisavenua 'Ovano,' monar tai vano, pona nevisave 'Oimi,' monar naga imi, pona nevisave 'Okila ve sa nene,' ana naga monar kila. A inu ñena ga



monar nekila ya naña kiau yaru keviu pisa pan inu. Ana nemlelaga naña visae ko ovisa ga suri tai, ana monar ve sa nene.”

<sup>10</sup> Ana pogos naña Yesu mloge kiena visena nene, kila naga milan pañisi a kekara mēna ga pañisi. Ana pisa pan pīna la naña ataveve ke ne, pisape “Nevisa suri na lelaga van amiū, in na pe nonñal re nena ga yaru nae Israel tai naña naga piawa mñarera e inu sane yaru nene poli.

<sup>11</sup> Inu nevisawal van amiū sanini, ve le Yu re ga la naña akilia aimi loyumuña e pñāgena keviu na legiena maro nene. Peraga, ana yokorena yaru la ve moki ve sa yaru nene e yo taņena lala na yomarava nini, naña aimi atotano lele taaga vena akinana amio Epraam, Aisak, a Sekop. Pisi na la nene na asu ruru silaga ve sanene e nasuņenena kiena ne Ntewa ma e peni.

<sup>12</sup> Ana le Yu la nene naña Ntewa pio la sumo vena ava loyumuña, nanagane la pe amlelaga re e inu poli, ana pīsi na Ntewa koven plan la ava e yemalolo vanua, e yo naña yaru la asumuña atagi ke ea, akar ke maluela ea.”

<sup>13</sup> Ana Yesu pisa pa yerkawa na kilaen mara naņani, pisape “Ko, okilia ova umña. Pisi na vim van ko ve sa naña kionña nalelagaena piawa ke mñarera ea.” A e ke e pog nene narui, ana yepen yaru na yumuñaena nene pimi po sina.

*Yesu kila riru anenane wona Pita*

*Mak 1:29-34; Luk 4:38-41*

<sup>14</sup> Ana pogos naña Yesu sike garu Kape-neam wa, ana naga pa loyumuña mñana Pita, naga pisu anenane wona Pita naga miava karia, mēke e mñana tog.

<sup>15</sup> Ana Yesu mligan limana te limana ne sira nene, ana miava naña pīsi, ana naga sumñalu, mla kinanena pa Yesu.

<sup>16</sup> A yepekilavi e legiena nene, yaru la aņure yaru la moki naña apimi puna Yesu, yaru la naña yermare lala asike e la. Ana naga mēne plan yermare la nene e ga e kiena visena, a naga kila ruru mēna ga namaiena lala apimi apo sina.

<sup>17</sup> Suri la nene pimi kakate vena kila visena kiena ne Navisawalena Aisea imi ve lelaga, naña naga pisape

*“Naga lalua kieta maiena lala,  
a naga kuslua kieta yepe lalaea lala.”*  
*Ais 53:4*

*Yaru la lua sinelan asape ataveve Yesu*

*Luk 9:57-62*

<sup>18</sup> E legiena taņena sina ga tai, Yesu sumña amio yaru la mokliu naña la amiervivi naga telivi piora, ana naga sinenan pisape yali vetan la, ana naga pisa pan kiena

nalogena lala, pisape “!Aulai! Ita, teva e lepas nen lapa nene lepas pāsa.”

<sup>19</sup> Ana asun ke asape avano, ana naviana nena navisaluaena tai naga pimi, pisaar pa Yesu, pisape “Navianena, pīsi na netaveve ko, e nape naña ko okom ea ana inu netaveve ko teva ea.”

<sup>20</sup> Ana Yesu pisataruñea, pisape “Lokul tetan lala, la mñala pulus na monena la asumuña ga, a manu mēna ga lala mñala ponovi la asumuña ga. Ana inu, Narina ne Yeririna na, pe mau yo re tai naña neva nomomalio e poli. Visae ko okekaran mēna ga malena na sanene, ko okilia oimi.”

<sup>21</sup> E ke e pogos nene, ana nalogena taņena kiena ne Yesu tai pisa pania, pisape “Awis Mara, otarñan inu neva nevisuar ke ne ata sumo wa, a visae pogos naña mare pae, pīsi na neimi netaveve ko ga na wa.”

<sup>22</sup> Ana Yesu pisa pania, pisape “Ko oimi otaveve inu ga. Ko oligan yeririna la naña ninula mare rui, vena la asin kiolo yaru la naña la amare.”

*Yesu pisi pa lagi amio sive*

*Mak 5:1-20; Luk 8:26-39*

<sup>23</sup> Ana Yesu amio kiena nalogena lala apitomi atol lapa nene narui, ana aņiyu apa e waa tai e yo nene.

<sup>24</sup> Ana apa li ga metava pe piavi re poli, pupia lagi tai molue, miyui kila pupia lapa naņani kululu keviu pañisi, ana kila waa naņani siar sape talilu. Ana Yesu mēke e waa, naga momalio ruru ga mēke na,

<sup>25</sup> ana la apito akilaņegea, apisape “! Suņe, opisu ke ne! Lavisi tetalilu narui, monar otamalia ita.”

<sup>26</sup> Ana Yesu pisa pan la, pisape “! Ei! ?Amarau ke ya ne sanene? Aa, amiū na pe apiawa re nena mñarera e kiau namareraena poli.” Ana naga sumñalu, pialuņar lagi, pisape ve yui re sina, a pialuņar sive, pisape malumu. Ana pog pimi po, amalumu.

<sup>27</sup> Ana pogos naña nalogena la apisu yo pimi pa ruru make nenaga po sanene, ana amlan pañisi, apisape “! Suwala! Yaru nene na pisa ga sanene, ana lagi amio sive lalua amlogear naga. ! Yaru nene na pe yaru re nene poli yo!”

*Yesu pile plan yermare lala petan yaru lua*

*Mak 5:1-20; Luk 8:26-39*

<sup>28</sup> Ana pogos naña Yesu pimi tol lapa nene lepas pāsa, naga pa gare yo kiena ne le Katara lala. E yo nene, yaru la lua amolue e puluve mñana ne yaru mare lala, ana la lua aņñal Yesu. Ana la lua nene na yermare lala asike e la, ana la lua

ape wowe asirag paḗisi, ana kila yaru la amaraun vaen e mrapa nene paḗisi.

<sup>29</sup> Ana pogos naḗa apisu Yesu, lalua apio manene paḗisi, apisape “? Ko Narina ne Ntewa, kioḗa ya naḗa teke e imimi? ? Ko opimin osape ola nakoena van imimi naḗa pe kana pog re poli wa, ne?”

<sup>30</sup> Ana e yo nene, na ḗegas nen nompui tai asuḗa akolkol ḗa porotano lavis ga,

<sup>31</sup> ana yermare la nene atagi, apisa pa Yesu, asape “Visae omene plan imimi, awis oligan imimi mava e los nen nompui la ne asike ne.”

<sup>32</sup> Ana naga pisa pan la, pisape “Avano.” Ana la amolue petan lalua nene, apa e los nen nompui la naḗani. Ana pogos ke nene, nompui la naḗani akiriri apano, apitove e yeparasa tai, amloloru apito tano e pupia lapa nene, atalilu apito akokovio ea.

<sup>33</sup> Ana yaru na visuaren nompui lala apureure apa e kiela pulkumali, apisawal suri la naḗa kakate, a ya naḗa tol lalua naḗa yermare la ase lalua sumo.

<sup>34</sup> Ana pogos ke nene, yeririna la punu ga naḗa e kiela pulkumali nene apimi apisu Yesu. A pogos naḗa apisu naga, apisi ḗarera pania apisape naga ure vetan kiela yo.

## 9

*Yesu kilia viewo mlamulena viowa  
Mak 2:1-12; Luk 5:17-26*

<sup>1</sup> Ana Yesu ḗasupe sina amio kiena nalogena lala, amiyai ke ga e waa naḗani, ana akusro si lapa keviu naḗani, ana aḗasupe apimi e kiena pulkumali naḗa Kapeneam.

<sup>2</sup> Ana yaru laḗasia akus namaiena tai pimi puna naḗa naga tasnena komḗas mare, naga mloru ga ḗeke e ḗana tog. Ana pogos naḗa Yesu pisu kiela nalelagaena ḗarera asape Ntewa naga ḗisi na iila namaiena nene, naga pisa pania pisape “Naruu, ve sinema kona re. Kioḗa mlamulena piowa lala, nepiewo ḗisi rui.”

<sup>3</sup> Ana e pogos nene navianena navisalu-aen laḗasia asuḗa ga, ana amloge ke visena kiena ne Yesu nene. Ana verakorena la apismumunia, apisape “Yaru nene naga ḗarnena kare kia wa kiena ne Ntewa rui. Naga pisa ke sanene sa ga naga Ntewa rui.”

<sup>4</sup> Ana Yesu kilia ḗa kiela sitomena lala, ana pisape “?Vanon ya ne kiamiu sitomena la pulen sitomena viowa sanene?”

<sup>5</sup> Visae nevisa sanini va yaru nene, nevisavenua ‘Inu nepiewo kioḗa mlamulena viowa,’ pona nevisa nevisavenua ‘Osuḗalu oyali,’ e visena lua nene, tai ḗareran na visaena, a tai meme ga navisaena. Visena naḗa pisapenua ‘Osuḗalu

oyali,’ naga ḗarera, vanon naḗa yaru la apisu kilale asape yaru nene suḗalu pona ve suḗalu re.

<sup>6</sup> Ana ḗisi na nekila suri tai naḗa amiu asitom sane Ntewa naga ga taaga kilia kila, komin naḗa sineun nesape nekila merarava van amiu naḗa sane Narina ne Yeririna naga torokin naḗa viewo mlamulena viowa lala e yomarava nini.” Ana Yesu pisa pan namaiena nene, pisa pisape “Osuḗalu osilowar moḗa tog, oyali, ova moḗa.”

<sup>7</sup> Ana yaru naḗani suḗalu, mial pa ḗana.

<sup>8</sup> Ana ḗina na yeririna la naḗa apisu suri nene amarau, a amieluar ḗena ga Ntewa vanon naḗa naga taḗan namareraena nene pisape yaru tai kilia kila ve sanene.

*Yesu pio Matiu pimi taveve naga  
Mak 2:13-17; Luk 5:27-32*

<sup>9</sup> Ana Yesu mligan yo nene, naga mial ga pa ḗa sane. Naga pa ḗaga, ana ḗial inu neteke tano e lelen kiau yuḗaena. Kiau yuḗaena e pogos nene, nawarpoloen kilavaru na takis. Ana Yesu pio inu, pisape “Matiu, oimi otaveve inu.” Ana nesuḗalu veraga, netaveve Yesu.

<sup>10</sup> Siraunia, Yesu pimi kinana e ḗau yuḗa, ana e pogos nene nepure li nawarpoloen takis la moki, amio yaru viowa taḗena lala, apimi atotano, vena akilia akianana veraga amio Yesu a kiena nalogena lala.

<sup>11</sup> Ana le Varasi laḗasa asike e pogos nene, ana apisu naḗa Yesu teke veraga amio yaru la ne sanene, ana apiuḗan tan kiena nalogena lala, asape “?Komin ya ne kiamiu navianena kinana ke veraga amio yaru viowa la ne sanene?”

<sup>12</sup> Ana Yesu mloge kiela visena nene, ana naga pisatame la, pisape “Yaru la naḗa yepela poga ga, pe sinelan re yaru na kilaruruen maiena poli, ana la ga naḗa aḗar maiena, ana la sinelania.

<sup>13</sup> Popon amiu asitomyuli kinas nen visena tai naḗa teke e Visena Wa, naḗa Ntewa pisa, pisape

‘In na pe sineun re kiamiu kuḗaḗaena la poli,  
ana sineun ga nasineyeena se kiamiu malena lala.’

In na pe nepimin re naḗa nevio yaru la naḗa asitom asape la amesmesu ḗisi rui, peraga, inu na nepimin ga nesape nevio yaru viowa lala vena ataveve inu.”

*Naviunena tai e lepas na monsilena  
Mak 2:18-22; Luk 5:33-39*

<sup>14</sup> Siraun suri nene, ana nalogena laḗasia kiena ne Yoane Nakeena apimi pu Yesu,

apiun tania, asape “Sinemimin mesape ovisawal suri nene van imimi. ?Imimi na memonsilu ga silaga vena mekila leniena, a Varasi mēna ga lala akila ke sanene, ana vanon ya ne kioṃa nalogena lala pe akila re poli?”

<sup>15</sup> Ana Yesu pisatamē la, pisayu naga amio kiena nalogena lala, sane la akekara papīsi pogos naṓa naga sike amio la, ana pīsi na sinela monar viowa siraun pogos naṓa naga ure matan la, ana pisape “? Pogos naṓa yaru naṓa talopa naga sike e pāpagena amio kiena erau lala wa, amiu asitom asape akilia ataginia? Peraga. Ana e pogos tai, visae nasinekar kiena ne yaru nene laṓasia aimi aurelua naga vetan kiena erau lala, e pogos nene narui pīsi na kiena erau lala la akilia amonsilu ga vanon nasineyeena.”

#### *Sur viu amio sur marua*

<sup>16</sup> Pelaga na monsilena nene, naga pēlaga marua na lotuena kiena ne le Yu lala, ana Yesu sinenan pisape kila meraravan van la sape pēlaga marua la ne sanene, la taṓatete akilia asikolia amio suri viu la naṓa naga pian la ke ea, ana naga pisa pākaiwa tai e lepas nene pan la, pisape “Taṓatete ola kinakina kulmrae tai naṓa pe urviu ana osuluwo ruru pulus naṓa teke e kulsota marua. Vanon naṓa kinakina kulmrae viu nene kilia kilaroro kulsota marua nene kompāsa, ana kana pulus kilia vim ve keviu la sane.

<sup>17</sup> “Ana taṓatete okonkonkia kuruta na munena naṓa sirpup pava ke ea wa, vito e kulus nen nani naṓa pe urmarua, naṓa akonkonkia kuruta na munena pito ea yam moki rui. Ana visae akila sanene, kuruta na munena nene lapa e kulus nen nani nene, ana yukuswinia na māpoa, ana kuruta namunena naṓani lau, ana pias nene naga mēna viowa. Ana kuruta viu monar okonkonkia va e pias viu, naṓa mārara ruru po, ana okilia oligan ruru moṃia kuruta na munena nene moṃia ga.”

*Yesu kila ruru sira kawa tai amio nin sira mēe tai*

*Mak 5:21-43; Luk 8:40-56*

<sup>18</sup> Ana pogos naṓa Yesu pisayu ke pa nalogena kiena ne Yoane la sanene, ana yaru keviu nalotena kiena ne le Yu lala pimi lavisi, kinai pito tanon Yesu, tagi pania, pisape “!Awee! Kiau loṃearu mare ga na wa, ana sineun nesape oimi, oligan lumoṃia towar naga, vena naga kiena malena imi sina.”

<sup>19</sup> Ana Yesu suṃalu, taveve yaru nene, naga amio kiena nalogena lala apano.

<sup>20-21</sup> Ana pogos naṓa Yesu pa ke sanene, ana sira tai suṃa ga naṓa maiena na kupario teke e naga legiena punu ga pano-o pimi tol kas lualima taaga pa lua rui. Ana naga pisu naṓa Yesu mial pimi, naga sitom sape “Visae netol ga mēna kulsaket, vena kiau maiena pīsi.” Ana naga kom rana Yesu, pimi tol ga māna isinen kulsaket.

<sup>22</sup> Ana Yesu pilon veraga, pisu sira naṓani, pisa pania, pisape “Auiā, ve sinemēna kona re. Kioṃa naviawaena e inu kila ko owo sina.” Ana e ke e pogos nene, maiena naṓani pīsi e sira nene.

<sup>23</sup> Ana pogos naṓa Yesu pa tol yuṃa mēna yerkawa nene, naga pisu yaru la sinela mie manene la sira mēe naṓa mare mēke ne, ana asuṃia atagi a amiyaun ke yauena na marena lala.

<sup>24</sup> Ana naga pisi pan la, pisape “Amiu amolue, ayal tetai sina. Sira mēe nene na pe mare re nene poli, naga momalio ga ne.” Ana la naṓani apitalia kare ga naga.

<sup>25</sup> Ana amligan plan yaru la nene apa vanua, ana Yesu pa loyurṃa. Naga pa tarar limana sira mēe nene, ana naga suṃalu, mali sina.

<sup>26</sup> Ana amlologon suri nene pa e yo make ga, kalo make yo punu ga e lepas nene.

#### *Yesu kila ruru kilamaraṓala lua*

<sup>27</sup> Ana Yesu molue petan yurṃia mēna yerkawa nene, a pogos naṓa naga mial ke pano, ana kilamara ṓala la lua ataveve, la asuṃia apio ke, asapenua “Ko lus kiena ne Tepet, ko Navisaarena, awis ko sinemēna ye imimi lua nini ka.”

<sup>28</sup> Ana Yesu mial pano, pa pa loyurṃa e yuṃa tai, ana kilamara ṓala la lua naṓani apimi puna. Ana Yesu piun tan la luoka, pisape “?Amiu luoka ga amlelaga e inu, asape nekilia nekila ruru amiu sanene?”

Lalua apisatamē, apisape “Ee Suṓe, imimi memlelaga.”

<sup>29</sup> Ana Yesu mligan limana te kilamarala, pisape “Pisi na ve sa naṓa nalelagaena kiamiu amlua.”

<sup>30</sup> Ana lalua kilamarala pimi po ke e pogos nene. Ana Yesu pialuṓar mārara pan la luoka, pisape “Pisi na amiu lua ve avisawal re suri nene va yaru lala.”

<sup>31</sup> Ana lalua amolue petania, ana lalua amlologon suri naṓa Yesu kila pan la ne, pano-o kalo make yo la punu ga e lepas nene.

#### *Yesu pilelua yermare petan puru tai*

<sup>32</sup> Ana pogos naṓa lalua nene amligan Yesu apano, yaru taṓena lala aṓure yaru tai pimi puna. Yaru nene pe puru, vanon yermare sike e naga.

<sup>33</sup> Ana Yesu pilelua yermare nene, ana puru naþa pisi ruru narui, ana yeririna lala sinela kurkur paþisi, apisape "Suwala, pe tepisuli re suri tai e Israel sanene poli wa, þane ga."

<sup>34</sup> Ana Varasi lala apisayu Yesu, apismunia, apisape "Yeririna nene pile plan ke ga yermare lala e namareraena naþa suþe kiena ne yermare lala naga mla pania."

*Yesu sinen mie yeririna lala*

<sup>35</sup> Ana Yesu suña mialili ke pulkumali lala, a pian ke yeririna lala e kiela yurina na lotuena lala. Naga pisawal ke nalologena wo nasuþenena kiena ne Ntewa, a naga suña kila ruru ke namaiena lala a la naþa tasnela la piowa.

<sup>36</sup> Ana pogos naþa suña mialili ke yaru la sanene, naga suña pisu þina lala, naga pisu la sa naþa kiela sitomena la pule paþisi, a suri la piowa pan la e kiela malena lala, ana naga sinena mie la paþisi, komin naþa asuña ga sa ga nene sane sipsip la naþa pe yaru navisuar laen re poli, la aminue asape þisi na la ave sanape narui.

<sup>37</sup> Ana naga pisa pan kiena nalogena lala, pisape "Lelaga, kinanena moki paþisi naþa marua sike lokove, ana yaru la lua la ga naþa asuña aþar ke pitomi uña.

<sup>38</sup> Ana amiu na, monar aviun manene tan suþe na lokove nene, vena naga ligan plan re si yaru laþasia la avano vena awar kana kinanena la nene vim."

## 10

*Li nalogena kiena ne Yesu lala*

*Mak 3:13-19; Luk 6:12-16*

<sup>1</sup> Ana Yesu pio kiena nalogena la lualima taaga pa lua pisape aimi puna. Ana la apimi, ana naga pisi ruru pan la þisi, a naga mligan plan la apano vena akilia aþene plan ninuna viowa e yeririna lala, a vena akilia akila ruru namaiena lala a nainanena viowa taþena lala. <sup>2</sup> Ana kia kiena ne li nalologena ne la nanini narui:

nasumo, Saemon, naþa apio asape

Pita, naþa naga pe kiela yerikawa,

amio wenla, naþa Antru,

Semes, naþa narina ne Sepeti, amio wenla naþa Yoane,

<sup>3</sup> Pilip,

Patalomiu,

Tomñas,

inu Matiu, in na nepe yaru na waren takis,

Semes, naþa naga narina ne Alpeas,

Tateas,

<sup>4</sup> Saemon, naþa naga kila manene politik sape kuan plan le Rom lala,

a Sutas nae Kariot, naþa siraunia, naga pielua Yesu.

*Yesu mligan plan kiena li nalologena lala*

*Mak 6:7-13; Luk 9:1-6*

<sup>5</sup> Ana Yesu pisi ruru pa la lualima taaga pa lua nene, a siraunia naga mligan plan la apano. Visena wo la nene naþa naga pisa pan la nanini, naþa naga pisape "Amiu na ve ava re puna ne la naþa pe ape le Yu re la poli, a amiu ve ava re e pulkumali nae Samaria lala wa.

<sup>6</sup> Amiu na avanon ga sipsip nae Israel la naþa akilalu mrapa.

<sup>7</sup> Ana pogos naþa avanon la nene, ana monar alogon, avisave '! Nasuþenena kiena ne Ntewa pimi ke pun ita narui!'

<sup>8</sup> Ana amiu monar akila ruru namaiena lala, a monar akila namarena lala aimi amal sina. A la naþa leperosi sike e yepela, monar akila yepela la imi ikiki sina, a amiu monar aþene plan yermare e yaru lala. Ana yurinaena la nene, þisi na ayurinae e namareraena tai naþa amla korenan ga, ana amiu monar ala korenan lein ga va yaru lala.

<sup>9</sup> A amiu na ve awar re kiamiu kilavaru laþasia e kiamiu pultaga lala,

<sup>10</sup> a ve awar re mēna kiamiu karo tai, naþa akon māmīu kulso taþena lala, a kiamiu kulus nen lamīu taþena lala se ea, a ve awar re mēna kiamiu plasgai vano. Yaru la naþa akila yurinaena wo la ne sane amiu, þisi yaru taþena la naþa la amiyurinae pan la, monar avisuar ruru la vanonia."

<sup>11</sup> Ana Yesu pisa mēna ga, pisape "Pogos naþa amiu avano-o atol pulkumali tai, ana monar akale yaru tai naþa kekaran naþa were amiu ava mēna, ana asuña ga mēna, vano vano-o tol pogos naþa amiu avatani si pulkumali naþani.

<sup>12</sup> Ana pogos naþa avano asike mratava mēna yaru nene, ana monar atalopan ruru la, avisavenua 'Suñare sike amio amiu.'

<sup>13</sup> A visae mratava nene kila wo van amiu, ana suñare naþa apisa ana þisi na sike amio la, a visae la akila viowa ga van amiu, þisi na suñare nene wasuþe ke sina ga, vim van amiu.

<sup>14</sup> Ana visae yaru laþasia yepela mavin were amiuena ava mēla uña, pona yepela mavin loge amiuena, ana popon aligan ruru mratava nene pona pulkumali nene mēke na. Ana pogos naþa amolue e yo nene, amiu atanvan puluyavi nae e yo nene naþa sike e lamīu, sane kiamiu visena mārera tai ne pan la ne, pisape þisi

na la akus nakoena naþa mesmesun ga kiela þelaga viowa la nene.

<sup>15</sup> Lelaga naþa nevisa meraravan van amiu, e legiena na liþereena, ana la nene na mārera la van la, taulu naþa Ntewa mliþere le Sotom amio le Komora lala nanua sumo.”

*Pisi na yaru la aþene nalogena kiena ne Yesu lala*

*Mak 13:9-13; Luk 21:12-17*

<sup>16</sup> Ana Yesu pisa pan la, pisape “Amiu asitom ruru wo. Inu neligan plan amiu avano, a amiu ala limamiu ga ava sanene, amiu na sa ga sipsip la naþa asike likan þegas nen lokul tetan lala. Visae sanene, ana monar ave manmarua ruru wo, a amiu monar amoñau ruruia.

<sup>17</sup> Ana monar avisuar ruru amiu, vanon naþa saþisi yaru lala aure amiu ava kiela kumali, a e kiela yuñna na leniena lala, vena avis van amiu, ana þisi na ala nakoena van amiu, a avisuarua saþisi awe amiu.

<sup>18</sup> Ana þisi na aligan amiu ava asuñalu ase marana ne yerkaawa na purvanua vanon ga naþa amiu ape kiau nalogena lala, a e pogos nene amiu akilia avisawal kiamiu nalelagaena e inu e maran la nene a e marana ne la naþa pe amlelaga re e Ntewa poli.

<sup>19</sup> Ana pogos naþa la nene aimi aure amiu, ana amiu na ve asitom manene re avisave “?Pisi na nevisa sanape ne, a nevisa ya ne van la ne?” vanon naþa þisi na Ninuna Wa naga la visena na visawalena van amiu naþa avisa, mesmesun e pogos na visena.

<sup>20</sup> A pogos naþa amiu avis, ana pe kiamiu visena re nene poli, ana visena kiena ne Ninuna ne Arimamiu naþa naga visi e amiu.

<sup>21</sup> “E pogos mārera nene, þisi na yaru kilia tañan yaru viowa taþena la nene la aimi aurelua wenla ruru naapo pona narina ruru naapo, vena awe moñar la amarmare, nanene komin naþa la nene amlelaga e inu. A nisisi lala la mēna ga akilia asuñalu avisawal anela lala a arimala lala naþa la amlelaga e inu, vena la mēna ga amare sanene.

<sup>22</sup> Ana þisi na yaru lala ve sinelan amiu re sina, akawe kiamiu visena silaga, vanon kiau kia teke e amiu, a yaru naþa suñalar mārera suñna ga vano-o pog mārera nene þisi, þisi na Ntewa tamalia naga.

<sup>23</sup> Ana pogos naþa la asuñna aþene manene amiu la e pulkumali tai, amiu

monar aure ava e pulkumali taþena, a visae aþene amiu ke sina ga e yo nene, amiu monar aure sina. Ana nevisa ruru van amiu, nesape kiamiu yuñnaena nene e pulkumali nae Israel lala, þisi na ve þisi ruru re wa ana Narina ne Yeririna vim warpoyo ke sina ga.”

<sup>24</sup> Ana Yesu pisa, pisape “Naloge-na, naga pe to re metavan kiena navianena poli, a yaru na yuñnaena, naga pe to re mēna metavan kiena suþe poli. Ve sanene, amiu na ve asitom re avisave þisi na taþatete mārera van amiu pogos tai,

<sup>25</sup> komin þelaga mārera naþa la akila va navianena, þisi na la akila ke mēna ga va nalogena, a suri mārera la naþa suþe naga kusia, þisi na kiena yeririna naga mēna ga monar tolia. Sa naþa yaru la apio kare inu, naþa in na nepe yerkaawa e mīau mratava, apisape in na Pielsipel, naþa naga pe suþe kiena ne yermare lala, þisi na la akilia avio kare amiu la sane na wa, amiu la naþa ape kiau e mratava taaga.”

*Nalogena kiena ne Yesu taþatete maraun yaru lala*

*Luk 12:2-7*

<sup>26</sup> Ana Yesu pisape “Vanon naþa þisi na avis viowa van amiu ve sa ke ga naþa apisi piowa pan inu, ana amiu ve amaraun la re. Suri viowa la punu ga naþa yaru lala akila vinaunia, pona apisawaniga, þisi na vim kakate e yometava na wa, vena yaru la punu ga akilia.

<sup>27</sup> A amiu mēna ga, suri wo la naþa nesuñna nepisa ke pan amiu e yemalolo, amiu monar avisawal ke sina ga e yomerarava, a suri la naþa nesuñna nepragagon ke ga e kiligamiu, amiu na monar avion manene va metava e maran yeririna lala, vena yar punu ga akilia aloge.

<sup>28</sup> “Ana amiu na ve amaraun re yaru la naþa akilia aweñar tasnemi mare, komin naþa la taþatete aweñar ninumi mare. Ana amiu na monar amaraun ga Ntewa, naþa naga kilia kilalele kare tasnemi amio ninumi luwoka e lele naloge viowaena.

<sup>29</sup> Amiu asitoñalia. Ninlaea la ne akaka ke la ne, la moki paþisi, sa ga kororaki ga, a la asuñna apiliwilin ke lua e narin kilavaru ga tai, ana visae tai loru vitove tano e porotano, ana Arimamiu naga kilia mēna ga.

<sup>30</sup> A vilþarimiu mēna ga moki paþisi, ana Ntewa naga poloar make ga peve taaga, naga kilia la mēna ga.

<sup>31</sup> Sanene, ana amiu ve amarau re, vanon naþa Ntewa pisu amiu na po manene taulu ninlaea la nene, ana þisi na naga kilia visuar ruru amiu e suri punu ga e kiamiu malena.”

*Yaru naþa naga pisawal pisape naga pe kiena ne Yesu*

*Luk 12:8-9*

<sup>32</sup> Ana Yesu pisa pisape “Yaru naþa naga visawal e marana ne yaru lala visave naga pe kiau yeririna tai, þisi na inu mēna ga, nevisawal naga e marana ne Ata naþa ma e peni, nevisave yaru nene pe kiau.

<sup>33</sup> Ana yaru naþa visawal e marana ne yaru lala visave naga pe pe kiau yeririna re poli, ana inu mēna ga nevisawal e marana ne Ata naþa ma e peni, nevisave yaru nene naga pe pe kiau yeririna re poli.”

*Yesu naga pe purþes nen kaween visena*  
*Luk 12:51-53*

<sup>34</sup> Ana Yesu pisape “Amiu na ve asitom re avisave inu nepimin naþa nekila sane pupia sumāre pimi sike e yomarava nini. Peraga, inu pe nepimin re ga neligan sumāre e poli, ana inu nepimi nemio playu na kilaen mara tai, naþa þisi na yaru la aveveyu la, a akila mara van la vanon inu.

<sup>35</sup> In na nepimin nesape nekila sane þisi na yaru mēe lala akawe visena kiena ne arimala lala, a sira mēe lala akawe visena kiena ne anela lala, a sira la naþa atalopa ga na wa, þisi na akawe visena kiena ne anela simem lala.

<sup>36</sup> Þisi na la naþa sinela kari manene kiau nalogena lala, naga pe yaru taþena re la poli, yaru na mratava ga mīala lala.”

*Yesu naga sumo e malena kiena ne kiena nalogena lala*

*Luk 14:26-27*

<sup>37</sup> Ana Yesu pisa, pisape “Yaru naþa sitom manene la arimana, pona anena, pona narina, taulu naþa naga sitom inu, yaru nene naga mesmesun re imi sane ve kiau nalogena poli.

<sup>38</sup> Ana visae yaru tai naþa ve kus re kiena laktorovia taveve inu, sane naga pe tamān re naga loge viowa vanon inu poli, yaru nene taþatete imi ve kiau nalogena.

<sup>39</sup> Visae yaru tai naþa naga sitom manene la kiena malena, yaru nene naga þisi na kilalu kiena malena nene. A visae kiau nalogena tai naga kilalu kiena malena vanon inu, þisi na naga tol malena naþa taþatete þisi.”

*La naþa avisuar ruru nalogena lala, þisi na la atol kiela nalaena*

*Mak 9:41*

<sup>40</sup> A Yesu pisa, pisape “Visae yaru tai naþa were amiu ava māna loyumiā, nanene sa ga naþa þere inu ke ga nepa māna loyumiā ne. A visae yaru tai were inu neva māna loyumiā, ana nanene sa ga naþa pere ke ga naga naþa naga mligan inu nepimi, pa ke māna loyumiā.

<sup>41</sup> Visae yaru tai were navisawalena tai pona yaru mesmesu tai ne sanene va māna loyumiā, komin naga kilia ke sape yerkawa nene naga pe yaru wa nayumiāena kiena ne Ntewa, yoko naga kus ke ga nalaena torokin naþa yoko Ntewa la va kiena yerkawa la nene.

<sup>42</sup> A inu nevisa ruru van amiu sanini, visae yaru tai naga la piala na wii manini ve taaga va kiau nalogena tai, naþa naga pe sitom re pisape nalogena nene naga pe yerkawa tai poli, pona yaru tai naþa naga to ga tano, þisi na yaru nene la kiena nalaena tai komin suri wo nene naþa naga kila pa kiau yeririna tai.”

## 11

<sup>1</sup> Ana pogos naþa Yesu pisa ruru pa kiena nalogena la lualima taaga pa lua nene þisi, naga mligan yo nene, ana naga pa e pulkumali nae Kalele lala, vena vian la a lologon van la.

*Nalogena kiena ne Yoane Nakeena lala apimi*

*Luk 7:18-23*

<sup>2</sup> E pogos nene, Yoane Nakeena sike e yumiā nakoena, a naga mloge ke yumiāena la naþa Kristo kila ke ne, ana naga mligan kiena nalogena laþasia,

<sup>3</sup> aponan apiun tan Yesu, apisape “? Sanape? ?Ko na yaru nanua apisa ke sumo asape þisi na yaru keviu tai imin vena ve kieta nasumonena, pona pe naga re nane ko poli, ana imimi na monar nesumiāte laa na wa, þisi na yaru nene imi?”

<sup>4</sup> Ana Yesu pisatarāne la, pisape “Awasuþe amiu sina, ava ke ga puna ne Yoane, a avisawal vania e suri la naþa amiu apisia naþa nemiyumiāen ke e yo nini, a suri la naþa apisayu inu ke pan amiu, sane suri la naþa Navisawalena Aisea naga pisayu sumo rui, naþa naga pisape:

<sup>5</sup> ‘*Kilamaraþala lala, nanagane akirava si rui,*

*a yaru la naþa ape lapele a ape laulu,*  
*nanagane akilia amial po si narui,*

*a yaru la naþa leperosi sike e yepela,*  
*nanagane yepela pimi mian ruru si narui,*

*a yaru la naþa ape kiligapoþe, nanagane amloge si suri narui,*

*a yaru la naŕa amare, nanagane amal si rui,*

*a yaru la naŕa limala korena ga, nanagane nemlologon ke Nalologena Wo pan la rui.’* Ais 35:5,6

<sup>6</sup> “A amiu avano avisa mēna va Yoane, avisave ‘Yaru naŕa pe kiena sitomena pe peve lua li re e inu pogos tai poli, ŕisi na navisa ruruena sike e naga.’ ”

*Yesu pisayu Yoane Nakeena*

*Luk 7:24-30*

<sup>7</sup> Ana pogos naŕa nalogena kiena ne Yoane Nakeena lala amolue vena awasuŕe sina, Yesu pisayu Yoane nene pa yaru la naŕa asike ne, pisape “?Nanua sumo na, pogos naŕa amiu apa e yokorena nene, amiu na apanon apisu ya? !In na pe nesitom re naŕa nesape amiu apanon apisu kiai na yokorena la naŕa lagi miyuia ana kulkulul luen ga poli!

<sup>8</sup> A pe nesitom re mēna ga nesape amiu avanon vena avisu yerkawa tai naŕa naga miyowau ruru po poli, komin yaru la ne sanene ana taŕatete ase lele viowa tai sane yokorena nene, ana silaga asike ga e pupia yuŕa wo mēna ne suŕe kerkeviu lala.

<sup>9</sup> ?Peraga, ana in na nesitom ke nesape amiu apanon ke vena avisu navisawalena tai, ne? Ee, ana naga nene na poga ga ne, ana inu nevisa van amiu, yaru nene naŕa amiu amoluen apa apisu naga, naga to laa metava, taulu navisawalena nasumo lala,

<sup>10</sup> komin Ntewa naga pisayu Yoane nene sumo rui e kiena Visena Wa, naŕa naga pisape

*‘In na nemligan kiau navisi pimi sumon ko, vena kila ruru kioŕa mrapa.’ Mal 3:1*

<sup>11</sup> “Lelaga nevisa van amiu sanini, e yomarava nini, Yoane Nakeena naga to la metavan yaru taŕena la punu ga. Ana yeririna la punu ga naŕa ŕisi na la ava loyuŕa e nasuŕenena kiena ne Ntewa, vano-o tol kiela yaru naŕa su maro la garo tano, la punu ga nene la apa la metavan Yoane, naŕa la awar kiela navisa ruruena kiena ne Ntewa pa laa taulu naga.

<sup>12</sup> A siar e pogos naŕa Yoane Nakeena siar mlologo, pimi tol nanagane, yaru lala asuŕa akawe ke nasuŕenena kiena ne Ntewa, a nasinekar m̄arera na kilan mara lala la mēna ga akilali naŕa atauluia.

<sup>13</sup> Nanua sumo manene la, pimi tol pogos kiena ne Yoane, navisawalena lala, a navisaluena naŕa Mosis siria, ana la apisayu suri la moki naŕa kilia kakate sirau.

<sup>14</sup> A visae amiu akekanan alelaga e suri la nene naŕa ŕisi na aŕalivi sirau, ana ŕisi na amiu akilia avisu kilale naŕa Yoane

Nakeena naga pe Elaisa nene, naŕa la apisaaria sumo rui apisape ŕisi na naga monar wasuŕe sina ga imi.

<sup>15</sup> A visae kiligamiu toŕa ga, popon ayagogon ruru kiau visena la nene.”

*Yesu ŕisi m̄arera pan kiena teras lala*

*Luk 7:31-35*

<sup>16-19</sup> A Yesu ŕisi pa laa sane, pisa pisape “?Ana ŕisi na nevisawal visena ya naŕa kilia tol ŕelaga kiena ne yeririna na nanagane lala? E lepas punu ga naŕa Ntewa naga kila vena kilali wo van amiu, ana amiu yepemiu mavin ga, amiu apisa kare ga naga vanonia. Komin pogos naŕa Yoane naga pimi sike ga wa, ana monsilu ga pe kinana re poli vena len, a naga palia mēna ga kuruta na munena, pe mun re poli, ana yaru la apisu naga sanene, la apismumun naga, apisape ‘Yaru nene yermare pa e naga.’ A pogos naŕa Narina ne Yeririna naga pimi sike na, naga kinana ruru ga a mun ruru ga, sa ke ga yaru taŕena lala, ana yaru la apismumun naga, apisa apisape ‘Opisu ke ne, yaru nene naga pe yaru na kinan merorolen paŕisi, a pe yaru na munena mēna kuruta na munena paŕisi, a naŕa naga kiena erau lala na, la ape yaru nawarpoloen ga takis, a ape yaru viowa ga lala.’

“Komin suri ne nanene narui, inu nepisu amiu yeririna na nanagane lala naŕa amiu na sa ga sisi lala naŕa visae asuŕa akirakirai e yometava na kumali, ŕisi na la asuŕa avioviion va kiela erau lala, avisave ‘!E, amiu na apiowa nene! Visae imimi mesuŕa mowe plaŕe, ana amiu ve awol re amio imimi, a visae imimi meyaun yauena na marena, ana amiu ve atagi re amio imimi.’

“Ana suri punu ga naŕa la amolmolue e namanmaruaena kiena ne Ntewa, sumonia yaru la mokliu naŕa apisu sane piowa ga, ana siraunia ŕisi na Ntewa naga kila imi merarava sane kiena manmaruaena nene naga mesmesu a naga pe lelaga ruru nenaga.”

*Yesu pisaar ruru pa la naŕa pe amlelaga re e naga poli*

*Luk 10:13-15*

<sup>20</sup> Ana Yesu pisaar ruru pa yeririna lala na pulkumali la punu ga naŕa naga kila kile la moki pan la, komin naŕa apisu kiena suri la nene rui, ana pe apilon la re poli.

<sup>21</sup> Naga pisa pisape “Yaru nae Korasin lala, amio yaru nae Petsaeta lala, amiu na akila kare amiu keviu paŕisi wa! Visae le Taea amio le Saeton la nanua sumo, ana la avisuli ga kile la naŕa amiu apisu ŕisi

rui, pona avilopu la nanua sumo yo rui. La pe ape le Yu re poli, ana p̄isi na vera na ayen p̄ililis nen karo, a pona la akuwani posnoyavi e p̄arila yo rui, vena yaru la avisu kilale sane amloge kemua piowa lelaga vanon kiela mlamulena piowa lala.

<sup>22</sup> Inu nevisa mesmesun van amiu, e legiena na liḗereena, p̄isi na kiamiu nakoarena naḗa van amiu taulu naḗa van la nene.

<sup>23</sup> !Ana amiu le Kapeneam lala, naḗa amiu asuḗa aḗarwar amiu, a naḗa sine-miun asape amiu ato manene metava, ana amiu avisuar amiu! Pisi na Ntewa koven plan amiu ato tano, ato tano vaḗisi e pulukapi. Visae le Sotom lala la avisuli ga kile la nene naḗa amiu apisuia, vera na la apilopu la rui, a vera na pupia kapi nae ma e peni nene taḗatete kekan kiela yo nene kovio. Ana amiu apisu pa kile la nene rui, amiu pe apilopu amiu re nena poli,

<sup>24</sup> nane nevisa van amiu, e legiena na liḗereena, p̄isi na Ntewa naga sinena ye la manenea taulu amiu.”

*Yesu pisa potena pa Arimana  
Luk 10:21-22*

<sup>25</sup> Ana e pogos nene, Yesu mlen, pisa pisape “!Ata-o, ko ope Suḗe nae ma e peni a Suḗe nae yomarava nini! Nevisa potena van ko, Ata, vanon naḗa ko opian suri la naḗa e inu pan la naḗa kiela sitomena sa ga nisisi lala, ana yaru la naḗa asitom asape ape manmarua a la naḗa asitom asape akilia ruru suria, ko okilawan suri la nene van la.

<sup>26</sup> Lelaga, Ata, nanene ve sa ga naḗa ko sinom̄ania.”

<sup>27</sup> Ana Yesu pisa m̄ena ga, pisape “Arimau naga mligan make suri la punu ga e lum̄au p̄isi rui. A Arimau naga taaga naga kilia ruru inu, a inu naḗa nepe narina, in ga taaga ga nekilia ruru naga. Inu nemio la naḗa nemligan la vena nekilogia Arimau van la vena awasinea, ana imimi ga nene mekilia ruru naga naḗa naga pe Arimamimi.”

*“Amiu aimi pun inu vena ava ruru amiu”*

<sup>28</sup> Ana Yesu pisa m̄ena ga, pisape “Amiu punu ga naḗa amiu sinemiu mare paḗisi vanon naḗa amiu asuḗa aḗar ke suri urmi lala e kiamiu malena lala, amiu aimi, amiu aimi pun inu, vena nekilia nekila amiu ava ruru amiu.

<sup>29</sup> Amiu alarar kiau visena lala ve sa naḗa p̄eligas tai e kiamiu malena, a amiu alarar kiau p̄elaga lala, vanon naḗa inu na nepe yaru mom̄au tai, a kiau sitomena to

ga tano. Sanene, p̄isi na amiu alual naḗa kiamiu sitomena lala varuruia,

<sup>30</sup> vanon naḗa kiau vianena lala ameme ga a amelala ga, a suri la naḗa p̄isi na inu nowar van amiu vena amiu awaria, p̄isi na naga taḗatete urmi manene van amiu.”

## 12

*Yesu naga pe suḗen Legiena Wa  
Mak 2:23-28; Luk 6:1-5*

<sup>1</sup> Ana e legiena taḗena si tai, naḗa naga pe Legiena Wa, Yesu amio kiena nalogena lala amial apano, ana kiela mrapa pa ga likan lokove na wit lala. Amial ke sanene, ana kiena nalogena lala viso kar la, ana apeve plan mras nen wit laḗasia vena akania.

<sup>2</sup> Asiar akila ke sanene, ana Varasi la p̄asia asike e yo nene, ana apisula m̄aga, ana la apisi pa Yesu, asape “!Ei, opisu ke ne! Kiom̄a nalogena lala la asuḗa aḗar ke kinanena e lokove sanene, la asuḗa amiyuḗae ke e Legiena Wa ne, a visae ve sanene, la asu m̄a akilaro ke kieta navisaluaena ne.”

<sup>3</sup> Ana Yesu pisatam̄e la, pisape “?Ana, sanene yo, pona amiu pe apuloli re Tusi Wa pogos tai poli yo, e suri la naḗa Parin Suḗe Tepet naga kila sumo? Naga amio kiena yeririna lala viso kar la paḗisi,

<sup>4</sup> ana naga pa loyumuḗa e silparpara wa m̄ana Ntewa, ana naga mla kilaparavi wa nene naḗa Navisaluaena pisape yaru wa ga lala, la akilia akania, ana Tepet m̄ena ga la akania.

<sup>5</sup> ?Pona amiu na pe apulo re m̄ena Navisaluaena kiena ne Mosis poli yo, naḗa e Legiena Wa punu ga, yaru wa lala, la monar ava loyumuḗa e Yumuḗa Wa m̄ana Ntewa vena akila kiela yumuḗaena la ea? Sanene na, la akilaro ke Navisaluaena naḗa p̄isalupaḗar ke sape yaru ve yumuḗa re e Legiena Wa ne, ana Ntewa naga p̄isu suri nene ana pe sitom re pisape suri viowa tai nene poli.

<sup>6</sup> Inu nevisa van amiu, nesape nasuḗenena viu tai sike nanagane, naḗa naga to laa metava taulu navisaluaena na Yumuḗa Wa m̄ana ne Ntewa,

<sup>7</sup> ana naga sa naḗa e Tusi Wa, Ntewa pisa pisape

*‘Inu na pe sineun re kiamiu kuḗaḗaena la poli, ana in na sineun ga p̄elaga na sineyeena.’*  
Ose 6:6

?Pona amiu na amninue ke kinas nen visena nene wa? Visae amiu akilia, a p̄isi na amiu taḗatete asuḗa aliḗere kare kiau nalogena la nene naḗa pe akila re p̄elaga viowa tai poli.



<sup>8</sup> Narina ne Yeririna, naga ke naŕa pe suŕen Legiena Wa narui.”

*Yesu miyuŕnaen ruru limana yaru tai  
Mak 3:1-6; Luk 6:6-11*

<sup>9</sup> Ana Yesu molue e yo nene, mial pano, ana pa loyurŕa e kiela yurŕa na lotuena tai.

<sup>10</sup> E yo nene, yaru tai sike ea ana naga limana ve tokak, a pe lima mare, ana yaru mŕena ga laŕasia naŕa asurŕa ga sinelan asape alual li suri laŕasia naŕa Yesu naga kila na pe mesmesu re poli yo. Ana yaru la nene apiun tan Yesu, asape “?Sanape, kieta navisaluaena pisalupar yurŕaena na kilaruruen tas nen yaru e Legiena Wa, pona pe pisalupar re poli? !Ovisali suri nene!”

<sup>11</sup> Ana Yesu pisatamŕea, pisape “Visae yaru tai kiena sipsip ve taaga ga, ana e Legiena Wa tai, kiena sipsip nene va loru vitove e ŕiliŕili tai, amiu asitom asape ŕisi na yaru nene taŕatete va werelua sina? ! Ee, ŕisi na ita punu ga monar tekila sanene va kieta suri mali lala!”

<sup>12</sup> Ana visae mesmesu ga ve sanene e kieta navisaluaena vena teilla kieta sipsip tai sanene e Legiena Wa, ana sanene ita tekilia tekila mŕena ga yurŕaena naillaen yaru taŕena e Legiena Wa, komin yaru naga po taulu sipsip.”

<sup>13</sup> Ana Yesu pisa pa yaru naŕa limana mare, pisape “Okian mesmesun lumomŕa.” Ana yaru naŕa kila sane Yesu pisa, kian mesmesun limana, ana limana pimi po sina, sa ke ga limana komŕas.

<sup>14</sup> Ana Varasi la naŕa asike e pogos nene apielue, ana amolue apa vanua, vena avisayu sanape naŕa akilia aweŕnar Yesu mare.

*Yesu naga pe yaru nayurŕaena kiena ne Ntewa*

<sup>15</sup> Ana Yesu kilia mŕa naŕa Varasi lala asape awe naga, ana naga molue e yo nene, amio yeririna la moki naŕa atavevea. Ana naga suŕa kila ruru ke namaiena lala,

<sup>16</sup> ana naga pisi mŕarera pan la, naga pisalupar la pisape la ve avisayu re naga va yaru taŕena lala.

<sup>17</sup> Naga kila sanene vena visena kiena ne Ntewa tai vim ve lelaga, naŕa Navisawalena Aisea pisawal sumo rui, a visena nene pisa sanini, pisape

<sup>18</sup> “Nanene yaru naŕa naga miyuŕnae kiau, naŕa in na nemliŕan lua naga.

*In na nesitom naga paŕisi, a kiau sitomena kekaran naga paŕisi.*

*Pisi na inu neligan Ninuu van naga, vena naga visawal ŕelaga mesmesu lala va yolai lala na yomarava nini.*

<sup>19</sup> Pisi na naga taŕatete visin sinekar van yaru, pona visi molmolue va ŕisi, a naga taŕatete koven visena ve moki e yo metava.

<sup>20</sup> Ana naga taŕatete telua kiai naŕa poroli ŕisi rui,

*a naga taŕatete vilonmŕar kapi vivaga naŕa lavis mare rui.*

*Naga ŕisi na yurŕa mŕa sanene vano vano-o, tol naŕa ŕelaga mesmesu surŕalu mŕarera taulu nena ŕelaga viowa.*

<sup>21</sup> Ana ŕisi na yolai lala na yomarava nini, la alelaga mŕarera e naga, avisave ŕisi na naga tamalia la.” *Ais 42:1-4*

*Apisa apisape Yesu miyuŕnae e namŕareraena kiena ne Yermare*

*Mak 3:20-30; Luk 11:14-23, 12:10*

<sup>22</sup> Ana yaru lala asumon yaru tai naŕa yermare pa e naga pimi puna Yesu. Yermare nene kila naga pe kilamara ŕala, a pe puru mŕena ga, ana Yesu kila ruru si kilamarana amio pulgona apimi apo sina.

<sup>23</sup> Ana yeririna la naŕa apisu suri nene amilania, a sinela kurkuru paŕisi, ana apiun ke sina ga tan la, apisape “!E! ?Yaru nene naga narina ne Tepet naŕa tesurŕate ke yo, pona peraga?”

<sup>24</sup> Ana pogos naŕa Varasi lala amloge visena kiena ne yeririna la nene, ana apielue paŕisi, naŕa apisape “Yaru nene mŕene plan yermare lala e ga e namŕareraena kiena ne suŕe kiena yermare lala, naŕa Pielsipel, naga tamŕan pania.”

<sup>25</sup> Ana Yesu mlogekilale mŕa kiela sitomena nene, ana naga pisa pan la, pisape “Visae suŕe tai, kiena yeririna lala aliŕerela, naŕa laŕasia akawe si visena kiena ne lala komŕasia, ŕisi na suŕe nene kiena yurŕaena lala monar loloru ga vito sike na; a visae pulkumali tai pona mratava tai, kiela yeririna lala aliŕerela, naŕa sane laŕasia sinelan asape amŕene plan si laŕasia, ŕisi na yeririna la nene taŕatete asu ruru pogos tai.

<sup>26</sup> ?A sa mŕena ga nini, visae yermare lala kiena ne Yermare Lego, laŕasia amŕene plan ke sina ga lala ŕasia, nanene na kana kinasia sane amliŕere la ŕisi narui, ana nasuŕenena kiena ne Yermare Lego naga yoko suŕalu ve sanape ne?

<sup>27</sup> !Ana amiu na apisa ke asape sanene narui, asape in na nesurŕa nemŕene plan ke yermare taŕena lala e namŕareraena kiena ne pupia yermare naŕa Pelsepel, ana pe sa re nena nene poli! Ana visae ve sa naŕa amiu apisa, sanape na amiu mŕena laŕasia naŕa amŕene plan ke yermare lala? ?Ane mla namŕareraena nene pan la, pona Yermare Lego mŕena yo? A popon visae

kiamiu nalogena la naŝa aŝene plan ke yermare lala, la alogeveveruruli kiamiu visena la nene.

<sup>28</sup> Ana peraga, amiu apisa suri nene na pe mesmesu re poli. Inu na neŝene plan ke ga yermare lala e naniŝaraena kiena ne Ninuna Ntewa, ana suri nene na sane nasuŝenena kiena ne Ntewa sike likan amiu ŝisi rui.

<sup>29</sup> "¡Amiu na apisu ke ne! Visae yaru tai sinenan ke pisape va loyumiŝa mŝana ne yaru niŝarera tai, vena vinaun kiena suria, naga monar war kilika viar ke ne yaru nene sumo wa, ŝisi na naga kilia va loyumiŝa ana war plan make kiena suria. Ana in na nekila ke sanene pa yaru niŝarera nene naŝa Yermare Lego.

<sup>30</sup> "Yaru naŝa pe taveve inu re poli, naga suwo inu ke ne, a yaru naŝa pe miyumiŝae re amio inu poli vena moure kiau yeririna lala aimi lele taaga, naga sane sumiŝa meŝetetain la ke ne.

<sup>31-32</sup> Ana sanene narui, in na nevisa van amiu, mlamulena viowa lala, a visena viowa lala, a visena naŝa kila kare Narina ne Yeririna, Ntewa naga kilia viewo yaru vanonia, ana yaru naŝa piŝayu kare Ninuna Wa, naŝa pisa pisape kiena yumiŝaena naga Yermare Lego ga miyumiŝaena, yaru na sanene, Ntewa taŝatete viewo naga pogos tai, e pogos na tesike e ne, a e pogos naŝa pimi ke sirau."

*Purlaki amio kana mrasnena  
Luk 6:43-45*

<sup>33</sup> A Yesu pisa meŝa ga, pisape "Ita tekilia tevisu kilale purlaki lala e mrasnela naŝa aŝaria. Purlaki naŝa kapuru po, naga mrasa meŝa ga po, ana purlaki naŝa piowa ga, ŝar meŝa ga mrasa naŝa piowa ga.

<sup>34</sup> A malena kiena ne yeririna naga sa ke meŝa ga nene, naŝa e losinena naga sane pe purŝes tai, a visena la naŝa amolmolue e kiena malena, la sane mras la naŝa amolmolue ke e purŝes nene. ? A inu nepisu kiamiu purŝesia menunu ŝisi rui, ana sanape naŝa yoko mras wo laŝasia kilia molue kome kiamiu visena lala? ! Amiu na ape lus kiena ne lomŝara kemua lelaga narui!

<sup>35</sup> Yaru naŝa po, ŝarpolo suri wo lala sike e losinena, ana silaga naga kiena sitomena wo toŝa ga naŝa kilia lalua va yaru. Ana yaru viowa, naga sumiŝa ŝarpolo suri viowa lala sike e losinena, ana naga taŝatete kilia lalua kiena sitomena wo tai pogos tai.

<sup>36</sup> "Inu sineun nesape amiu akilia naŝa e legiena na liŝereena, ana yaru la punu ga monar akila navisawalena tai vanon kiela

visena viowa la veve taaga naŝa apisa e kiela malena lala,

<sup>37</sup> vanon naŝa ŝisi na Ntewa naga liŝere kioniŝa malena e ga e kioniŝa visena lala. Nanene, vanon naŝa kioniŝa visena lala akilia akila ko vena omal, pona akila ko vena owar nakoena."

*Yerkawa laŝasia la sinelan asape avisu kile*

*Mak 8:11-12; Luk 11:29-32*

<sup>38</sup> Ana navianena na navialuaena laŝasia, amio Varasi laŝasia, apisa pa Yesu, apisape "¡Ei, ko naŝa apio ko ke asape Navianena, imimi sinemimin mesape okila kile tai van imimi vena imimi mevisu kioniŝa naniŝaraena."

<sup>39</sup> Ana Yesu pisatame la, pisape "Yaru la naŝa sinelan ga asape avisu kile la sanene, la ape yaru viowa la paŝisi, akila ke wowe pa Ntewa sane la naŝa akila ke kolau. Peraga, ŝisi na taŝatete amiu avisu kile tai, ana kile naŝa kiena ne Navisawalena Sona sumo, naga ga nene na akilia avisuia.

<sup>40</sup> Sona nene meke e lomŝep pupia ika lesumsum nene pano-o tol legiena telu a lemalo telu, ana ŝisi na ve sa ke meŝa ga nene e Narina ne Yeririna, naŝa ŝisi na naga meke e los nen porotano vano-o tol legiena ve telu a lemalo ve telu.

<sup>41</sup> Ana la nae Ninive nanua sumo amloge visena kiena ne Sona narui, ana apilopu la, a e legiena na liŝereena, ŝisi na la nene asumiŝalu avisa lologia kiamiu naviowaena lala, komin naŝa yaru tai naŝa naga to laa metavan Sona naga sike amio amiu nanagane, ana amiu na pe apilopu amiu re nenaga.

<sup>42</sup> "Nanua meŝa ga sumo, ana sira kawa tai naga pe ŝarin suŝe tai, naŝa naga mligan kiena purvanua naŝa sike kope-rina paŝisi, ana pitomi tano vena loge visena namanmaruaena kiena ne Parin Suŝe Solomon. Ana sira kawa meŝa ga nene ŝisi na sumiŝalu e legiena naliŝereena, naga visa lologia kiamiu naviowaena lala, komin naŝa yaru tai naga pe manmarua to laa metavan Solomon sane, naga sike amio amiu nanagane, ana amiu na pe sinemiun re nenaga."

*Ninuna viowa naga kilia wasuŝe sina  
Luk 11:24-26*

<sup>43</sup> Ana Yesu pisa meŝa ga, pisapenua "Pogos tai, pogos naŝa visae aŝenelua yermare e yaru tai, yermare nene kilia va yoniŝarua vena kaleli yo tai naŝa va se ea vena ve meŝa uŝa. Ana visae ve lual re,

<sup>44</sup> ŝisi na naga visavenua, 'A, ŝisi na nevito li si e meŝa uŝa marua na sumo

wa.' Ana pogos naŕa naga wasuŕe vitomi, ŕisi na naga vitomi wal yuŕa naŕa mon korena ga, ana merarava po paŕisi, a akila ruru make suri la e yuŕa naŕa ŕisi rui.

<sup>45</sup> Ana naga kilia wasuŕe sina va were si yermare taŕena lala ve olua, naŕa la apiowa manene la taulu naga sane, atomi amio naga, ana akilia ava si asike e los nen yaru nene. Ana yaru nene, nanua sumo kiena malena piowa, ana siraunia kiena malena viowa la sane. A ŕisi na ve sa ke mēna ga nene e malena kiena ne yaru viowa nanagane lala."

*Yesu, anena amio wenla lala  
Mak 3:31-35; Luk 8:19-21*

<sup>46</sup> Pogos naŕa Yesu pisi ke amio yaru la nene wa, ana anena amio wenla lala apimi aporu e yo nene, asuŕmalu asuŕna ga vanua, la sinelan asape avis amio Yesu.

<sup>47</sup> Ana yaru la tai nene pisa pa Yesu, pisape "Ei, anuŕna amio womla lala asuŕmalu asike vanua, la sinelan asape avis re amio ko wa."

<sup>48</sup> Ana Yesu pisatamea, pisape "?Ana ane pe aneu, a ane pe wolai lala?"

<sup>49</sup> Ana naga kiar kiena nalogena lala, pisapenua "?Apisu ke yaru la ne asike ne? Aneu a wolai lala, yaru ne la nane asike ne.

<sup>50</sup> Komin visae yaru naŕa kila ke ya naŕa Ata nae ma e peni naga sinenania, yaru na sanene naga pe wolai, a pe vineu, a pe aneu."

## 13

*Pakaiwa na kurus nen wit la naŕa akekapil apa e porotano la naŕa ape taŕena la vari*

*Mak 4:1-9; Luk 8:4-8*

<sup>1</sup> E ke e legiena nene, Yesu molue uŕna, pito totano e yepas nen pupia lapa nene vena vian yeririna lala.

<sup>2</sup> Ana yeririna la moki paŕisi apitomi puna e pogos nene narui, ana kila naga ŕiyu pa to meta e waa tai, ana yeririna la punu ga yo pule ga asike ura,

<sup>3</sup> ana naga pian suri moki pan la e ga e ŕakaiwa lala.

Ana naga pisa pan la, pisape "Yaru tai pa peven kurusa e kana lokove.

<sup>4</sup> Pogos naŕa naga suŕna sisilin ke kurus la nene, ana kurus laŕasia kekapil pa e mrapa, ana siraunia manu lala apimi ate plan make ga.

<sup>5</sup> Ana kurus laŕasia akekapili pa e naŕa kilavaru meke tano, ana pe porotano po re teke meta poli. Ana akakapur vilaga, vanon porotano meninivi ga.

<sup>6</sup> Ana pogos naŕa mrae pa nŕarera, kekan kurus nen suri la naŕa pitotovi memeu veraga, vanon ŕeligas lala pe pito ruru re tano poli wa.

<sup>7</sup> Ana kurus laŕasia akekapili apa e naŕa sumo pe ate plan ruru re kilika viowa la e poli, ana ŕisi na kilika viowa naŕa pitovi pimi keviu sina, ana piwo kare kurus nen suri la naŕa pitotovi ne ana amarmare.

<sup>8</sup> A kurus taŕena si laŕasia akekapil apa e porotano tai naŕa po, ana akapuru po, ana aŕar mrasnela, naŕa laŕas aŕar mras tol ponotia taaga, laŕasia aŕar mras tol lualima orai, a laŕasia lualima telu."

<sup>9</sup> Ana Yesu pisa, pisape "Yaru naŕa kiligana teke ea naga monar yagogon ruru visena nene."

*?Vanon ya ne Yesu pis e ŕakaiwa lala?  
Mak 4:10-12; Luk 8:9-10*

<sup>10</sup> Ana siraunia, nalogena lala apimi puna ne Yesu apiunia, asape "?Vanon ya ne ko osuŕna opian ke yeririna lala e ŕakaiwa la sanene?"

<sup>11</sup> Ana Yesu pisatamea, pisape "Ntewa naga kila ke sape ŕisi na amiu akilia alual nakilia wanena kiena ne kiena nasuŕenena, ana naga taŕatete la kiliaena ne va yeririna taŕena la nene.

<sup>12</sup> Nevisa sanini van amiu, visae yaru naŕa kiena suri moki rui, ŕisi na war va la sane vena ve moki va ŕisi, a yaru naŕa pe kiena suri re poli, ŕisi na naga kilalu narin suri ya naŕa naga kiena.

<sup>13</sup> Sanene, nepian la e ŕakaiwa lala, vanon naŕa la asuŕna apisuia, ana apisu kilale ŕele ga, ana asuŕna amloge, ana amloge kilale ŕele ga.

<sup>14</sup> Yaru suri la ne sanene, akila narui ana Ntewa pisayu la nanua sumo rui e visena lelaga naŕa Navisawalena Aisea pisawal sumo, naŕa pisa pisape

'Ana ŕisi na amiu aloge vano-o, ana taŕatete alogekilale pogos tai.

A ŕisi na amiu avisu vano-o, ana taŕatete avisu kilale pogos tai,

<sup>15</sup> vanon naŕa amiu na sane yaru la naŕa kiela sitomena la amarmare ŕisi rui, sa naŕa aŕiwo pulkiligala, a sane aŕelawa rui.

Visae ve akila re sanene, pona vera na akilia avisu kilale suria, a vera na akilia alogekilale suria, a vera na kiela sitomena akilia asitomkilale suria, ana sanene, akilia avilopu la aimi pun inu vena nekila ruru la.' Ais 6:9,10

<sup>16</sup> "Ana nevisa van amiu, kiau nalogena lala, navisa ruruena sike e amiu komin naŕa kilamaramiu la asuŕna apisu ke suri

la naŕa amiu apisuia, a kiligamiu la amloge m̄a suri la naŕa nesuŕna nepian amiu ke ea.

<sup>17</sup> Inu nevisa van amiu, navisawalena la moki amio yeririna kiena ne Ntewa lala la moki liu nanua sumo, naŕa sinelan manene paŕisi naŕa asape avisu suri la naŕa amiu apisu ke nanagane, ana pe apisu re poli, a la akilayon manene naŕa aloge suri la naŕa amiu amloge ke nanagane, ana pe amloge re nenaga.”

*Yesu pisawal kinas nen ŕakaiwa na kurus nen wit*

*Mak 4:13-20; Luk 8:11-15*

<sup>18</sup> Ana Yesu pisa pan la, pisape “Amiu, ayagogo rurua, ŕisi na nevisayu kinas nen ŕakaiwa nene, naŕa naga pisayu yaru nene naŕa pa peven kurusa e kana lokove.

<sup>19</sup> “Suri nasumo, naga kurus la naŕa kekapili e mrpa, naga sa naŕa yaru la ne amloge nalologena wo nasuŕenena nene ana pe amloge kilale re poli. Kurus wo lala kekapili e kiela sitomena lala, ana yaru viowa nene naŕa Yermare, naga pimi ŕar plan ke sina ga nalologena wo nene e losinela.

<sup>20</sup> “Taŕena, naga nene na kurus la naŕa kekapili e yo naŕa kilavaru m̄eke tano, a naga sa naŕa yaru la ne amloge lologena wo nene, ana akekaran veraga,

<sup>21</sup> ana sa naŕa ŕeligasa pe po re poli. Akilia asu ve plas ga, a visae pogos m̄arera tai, pona yaru la aŕiene la vanon naŕa la amlelaga e visena kiena ne Ntewa, ŕisi na la aloru ke veraga.

<sup>22</sup> “Taŕena m̄ena ga, naga na kurus la naŕa kekapili e yo naŕa kilika viowa sike ea, ana naga na sa naŕa yaru la ne amloge lologena wo nene, ana la asitom manene la kiela malena lala, a sinelan manene la suri na yomarava nini. Pelaga la nene apimi sane kilika viowa, ana la apiwo kare nalologena wo nene vena ve war re si mrasa e kiela malena.

<sup>23</sup> “Ana na maro, naga na kurus la naŕa kekapili e porotano naŕa po, naga na sa naŕa yaru la amiyagogo ruru e lologena wo nene, ana amloge kilale ruru po, ana aŕar mras nen nalologena nene e kiela malena lala, naŕa sane laŕasia aŕar lualima telu, laŕasia aŕar sane lualima orai, a laŕasia aŕar moki sane mrasa tol ponotia taaga.”

*Pakaiwa na viluŕini viowa amio kurus nen wit lalua akapuru lele taaga*

<sup>24</sup> Ana Yesu pisa sina ga ŕakaiwa taŕena tai pan la, pisape “Pelaga naŕa Ntewa ŕere yaru lala apimi loyuma e nasuŕenena kiena naga sanini. Yerkawa tai naŕa naga pa peven kurus nen wit la naŕa po e kana lokove,

<sup>25</sup> ana pogos naŕa yaru lala amomelio ke kolemallo, kiena nasinekar tai naga pimi, mapila kurus nen viluŕini viowa tai e lokove nene ŕisi, ana pure pano.

<sup>26</sup> Ana suri la lua nene apitotovi, ana lalua maran taaga ga, ana pogos naŕa wit lala asiar naŕa awar mrasa, ana yerkawa nene, kiena yaru na yumaena lala apisu kilalea sane viluŕini viowa m̄ena ga kapuru ke amio wit nene.

<sup>27</sup> Ana la apimi puna, apiun tania, asape ‘Yerkawa, sanape? Kurus la naŕa tepeven e konia lokove, ana kurus wo ga lala. ?Ana viluŕini viowa nene pimi sanape?’

<sup>28</sup> “Ana naga pisa pan la, pisape ‘Peraga, nene na kiau nasinekar tai ne kila suri sanene.’

“Ana kiena yaru na yumaena lala apiun ke sina ga tania, asape ‘?Poga ga, ana sanape, sinom̄an osape imimi meva moure plan viluŕini viowa la nene?’

<sup>29</sup> Ana naga pialuŕaria, pisape ‘Toko, aligan suwa wa. Visae amiu ava aure plan viluŕini viowa la nene, pona visae akila palia sa aure plan lae m̄ena ga amio wit la nene veraga.

<sup>30</sup> Lalua akilia akakapuru m̄a veraga vano-o tol pogos na waren kinas nen wit imi. E ke e pogos nene, ŕisi na nekilia nevisa va yaru la naŕa ava awar wit, vena ava ate ke ne viluŕini viowa nene sumo wa, aviaria e ŕegasia akoven va e kapi. Siraunia, la akilia ava ate wit lala vena awar vitomi ur̄na.’ ”

*Pakaiwa na kurus nen mras nen purpa*  
*Mak 4:30-32; Luk 13:18-19*

<sup>31</sup> Ana Yesu pisawal ŕakaiwa taŕena tai pan la, pisape “Nasuŕenena nae ma e peni naga sane kurus nen mras nen purpa tai naŕa pito pelan te laki tai.

<sup>32</sup> Kurus nene na ve tokak na ve tokak paŕisi, ana pogos naŕa kapuru pano-o, ana pimi pe purlaki tai naŕa keviu taulu make purlaki taŕena lala, ana manu lala akila m̄iala ponovi lala e kana korowas lala.”

*Pakaiwa na is*  
*Luk 13:20-21*

<sup>33</sup> A Yesu pisawal sina ŕakaiwa taŕena tai pan la, pisape “Nasuŕenena kiena ne Ntewa, naga sa naŕa sira tai ŕalelar narin is amio puluyavi na kilaparavi e pupia pialora tai, ana narin is nene kilia kila kilaparavi la nene punu ga mlapa.”

*Yesu pisi pan la e ga e ŕakaiwa lala*  
*Mak 4:33-34*

<sup>34</sup> E visena kiena ne Yesu la nene, naga pisawal suri la ne sanene pa yaru lala, a silaga naga pisi pan la e ga e ŕakaiwa lala.

<sup>35</sup> Sanene, naga kila visena kiena ne navisawalena nanua sumo imi ve lelaga, naña Ntewa pisa, pisape

*"Pisi na inu nevisawal kiau visena lala e ga e ñakaiwa,*

*ñisi na inu nevisawal suri la naña tapolou su nakonua rui, asike ga perina wa, siar e pogos na sien yomerava nini, pimi tol nanagane."* Yauena 78:2

*Yesu pisawal kinas nen ñakaiwa na vilumñini viowa*

<sup>36</sup> Ana Yesu mligan ñina lala, pa loyurña, ana kiena nalogena lala apimi puna, api-unia apisape "? Yesu, imimi sinemimi mesape ovisawal van imimi ya ne kinas nen ñakaiwa na vilurñini viowa naña kapuru ke e lokove na wit nene?"

<sup>37</sup> Ana Yesu pisatamñe la, pisape "Yerkawa naña peven ke kurus wo lala, nane Narina ne Yeririna nene.

<sup>38</sup> A kana lokove nene, nane yomarava nini. A kurus wo la nene, nane yeririna la naña asike loyurña e nasuñenena kiena ne Ntewa nene. A vilurñini viowa la nene, nane yeririna kiena ne Yermare la nene.

<sup>39</sup> A nasinekar nene naña pa peven kurus nen vilurñini viowa nene, nane Yermare na ga. A pogos nawarpoloen kinas nen wit la nene imi, nane luas nen pog nini. A yaru na yurñaena la nene naña avanon ate wit awarpuloia, nane navisi lala.

<sup>40</sup> A yurñaena nene na warpiloena vilurñini viowa la nene vena asikapila, nane ñelaga ke sina ga nene naña ñisi na imi e pogos maro,

<sup>41</sup> naña Narina ne Yeririna, naga ligan kiena navisi lala vena avano awar plan suri la naña kila yaru lala amloru e mlamulena viowa, amio yaru la natañaen mlamulena viowa, vena ve asu re si veraga amio yaru la nasuñenena kiena.

<sup>42</sup> Pisi na navisi lala akoven la ava e pupia kapi, e yo naña yaru lala asurña ga atagi, a asurña ga akar ke maluela ea.

<sup>43</sup> Ana siraunia, yaru mesmesu lala ñisi na atego ve sa mrae, loyurña e nasuñenena kiena ne Arimala. A yaru naña kiligana teke e naga monar yagogo ruru e visena nene."

*Pakaiwa na pupia kilavaru wo tai natauluen kilavaru*

<sup>44</sup> A Yesu pisape "Pelaga kiena ne yaru naña sinenan sape va loyurña e nasuñenena kiena ne Ntewa, sane ñakaiwa nini: yaru tai pa pisu kinakinas nen porotano tai, ana naga milan pupia kilavaru wo tai naña monyouyou ga mñeke ea. Ana naga sinwan rurulein kilavaru nañani, ana naga pitove ñiliwilin plan make kiena suri lala punu ga, vena kilia

vam ul lua kinakinas nen porotano nene, vanon naña mloge po manene la pañisi e suri wo naña mñalia."

*Pakaiwa na kilavaru yuwowo naña teke e mratamelilivi*

<sup>45</sup> A Yesu pisa mñena ga, pisape "A sa ke sina ga nini, ñelaga kiena ne yaru naña sinenan pisape va loyurña e nasuñenena kiena ne Ntewa, sa ke mñena ga nini: yaru tai naña naga pul ke kilavaru yuwowo la naña po tan yaru lala, naña sike loyurña e mratamelilivi.

<sup>46</sup> Ana pogos tai naga mñal tai naña po na po, pisa pisape '!Lelaga ña, in na sineun suri nene pañisi wa! Visae in na nokus ga ve kiau ga rui vera wo wa. Yoko in na neto nowilwilin plan make kiau suri tañaena lala, vena nevam nowul lua suri wo nini.' "

*Pakaiwa na lilivi*

<sup>47</sup> Ana Yesu pisa ke sina ga, pisape "A naga ke sina ga, ñelaga kiena ne Ntewa nawereen yaru lala ava loyurña e kiena nasuñenena, naga sa mñena ga nini, naña pogos na yaru la añaere lilivi e lapa, la akilia asuwoia ana aure ika la naña veve tañaena ve moki vañisi ea.

<sup>48</sup> Ana pogos naña lilivi pule ruru po, ana yaru lala añaerlua pa ura e yomema, ana atapurpurga atotano, amliñere ika lala. Ana ika la naña po, akon apito e kiela karo lala, a ika la ne piowa, ana akuwani pano.

<sup>49</sup> Pisi na ve sa nene e luas nen pogos nini, naña ñisi na navisi lala ava aliñere yaru lala, aware plan yeririna viowa lala, <sup>50</sup> vena akoven la ava e pupia kapi nene, naña yaru lala asurña ga atagi, a asurña ga akar ke maluela ea."

*Pakaiwa na suri marua amio suri vii*

<sup>51</sup> Ana Yesu piun tan kiena nalogena lala, pisape "?Amiu amloge kilale ke visena la nene?"

Ana lala apisatamñe, asape "Ee, pona mekilia mña yo."

<sup>52</sup> Ana naga pisa pan la, pisape "Suri la nene naga sane yaru tai naña sumo, naga pe navianena tai e navisaluaena lala na Visena Wa kiena ne Ntewa, ana siraunia, naga pimi sane kiau nalogena tai e nasuñenena kiena ne Ntewa. Yaru na sanene naga sane yerkawa tai naña kiena suri wo na yurñaena lala moki e mñana yurña. Ana silaga naga kilia lalua kiena suri marua naña po ke ga wa, akilia mñena ga lalua kiena suri vii, vena kila kiena yurñaena amio la."

*Le Nasaret lala pe sinelan re Yesu poli*  
Mak 6:1-6; Luk 4:16-30

<sup>53</sup> Ana pogos naña Yesu pisawal ñakaiwa la nene ñisi, naga molue e yo nene,

<sup>54</sup> Ĥasuĥe sina ga pimi kiena. Ana naga suĥa pian ke yaru lala nae yo nene, loyumuĥa e kiela yuĥa na leniena, a la sinela kurkurun kiena visena la pano paĥisi. Ana la asuĥa apisavisa ke pan la, apisape “! Aulai! ?Yaru nene tol nakiliaena na sanene sanape, a naga kila ke kile la nene sanape?”

<sup>55</sup> Ita tekilia ke yaru nene rui. Naga arimana, yaru na yuĥaenen ga yuĥa, naĥa Yosop, a anena naga naĥa Maria. A wenla lala yaru la nene, Semes, a Yosop, a Saemon, a Sutas, naga pe wenla la nene.

<sup>56</sup> A vinena lala, la ga nene naĥa asike ga amio ita ne. ?Ana yaru nene naga molue pun ita pa ĥar suri la nene pe?”

<sup>57</sup> Ana sinela karia, pe sinelan re nena naga.

Ana Yesu pisa pan la, pisape “Yaru naĥa pe navisawalena, yaru taĥena lala akilia avatanon naga, ana yaru na mĥana mratava lala, amio yaru na kiena yo lala, la ga nene na taĥatete avatanon naga.”

<sup>58</sup> Ana e yo nene, naga pe kila re kile la moki e poli, vanon naĥa pe amlelaga re e naga poli.

## 14

*Parin Suĥe Erot Antiĥas pisayu Yesu  
Mak 6:14-16; Luk 9:7-9*

<sup>1</sup> E pogos nene, apisayu Yesu pa tol Suĥe Erot, naĥa naga pe ĥarin suĥe e lepas nae garu Kalele.

<sup>2</sup> Ana Suĥe Erot mloge visena la nene, ana naga pisa pan kiena yerkawa lala, pisape “?Yaru nene naĥa apisayu ke ne, ponan naga Yoane Nakeena nene, naĥa nanagane naga mali sina e marena yo? Vanon suri ne nanene, naga kila naga tol namareraena nakilaena kile la nene.”

*?Yoane Nakeena mare sanape?  
Mak 6:17-29*

<sup>3-4</sup> Ana Suĥe Erot pisa sanene, vanon naĥa naga mĥamar Yoane Nakeena mare rui, ana naga marau paĥisi. Ana marena kiena ne Yoane Nakeena kana suniena nena sanini: wenla Suĥe Erot nene, naga kiena kia Pilip, naĥa lalua arimala taaga, ana anela lua. Ana sumo, Pilip nene talopa amio sira tai, kiena kia Lerotias. Ana siraunia, Suĥe Erot pa ĥerelua sira nene. Ana e pogos nene, Yoane pisi pa Suĥe Erot, pisape “Suri nene pe mesmesu re nene poli, naĥa ko oure sira nene, komin naga pe wona ne womla.” Ana Erotias naga pe kekaran re nena visena kiena ne Yoane poli, ana naga pisi pa Suĥe Erot, ana Suĥe Erot mligan kiena yeririna la ĥasia apa atarar Yoane, ana apiari naga, amligan naga pa e yuĥa nakoena.

<sup>5</sup> Ana Suĥe Erot sape wenĥar Yoane, ana naga maraun li mĥa le Israel lala, vanon naĥa amlelaga e Yoane asape naga pe kiela navisawalena tai.

<sup>6</sup> Ana Lerotias nene, naga narina na lomĥearu mĥa tai, ana pogos naĥa la akila ĥaĥagena nasitomĥalena legiena naĥa Suĥe Erot paeme ea, lomĥearu nene naga polu e marana ne la naĥa asike lele taaga e ĥaĥagena nene. Ana Suĥe Erot kekaran kiena wolena paĥisi,

<sup>7</sup> ana naga pisaar mĥarera pan lomĥearu nene, pisape suri ya naĥa naga visa, ĥisi na naga la vania.

<sup>8</sup> Ana Lerotias pisi amio narina naĥa sira mĥe nene, ana sira mĥe pa pisalein pa Suĥe Erot, pisape “In na sineun nesape okus ĥarina ne Yoane Nakeena, mĥene pialo tai, imi van inu nagane ga ne e nini.”

<sup>9</sup> Ana visena nene kila Suĥe Erot mloge piowa vanon kiena navisalaweena nene, ana naga pisape akila ga ve sa naĥa sira mĥe nene pisa, vanon naĥa naga pisaar mĥarera sanene e marana ne kiena erau la ĥisi rui.

<sup>10</sup> Ana apa e loyumuĥa nakoena nene, atelua kolmekina ne Yoane,

<sup>11</sup> ana la amligan ĥarina mĥene pialo tai, akus pimi pa sira mĥe naĥani, ana sira mĥe nene kus pa anena.

<sup>12</sup> Ana siraunia nalogena kiena ne Yoane lala apimi akus tasnena, apa asinia, ana apano apa apisawal pa Yesu.

Suniena kiena ne Yoane Nakeena nane maro e nene.

*Yesu pagan yerĥiene lala tol manu lima  
Mak 6:30-44; Luk 9:10-17; Yoane 6:1-14*

<sup>13</sup> Ana pogos naĥa Yesu mloge sanene, naĥa Suĥe Erot naga pisayu ke mĥena naga, sape naga Yoane Nakeena naĥa sina petan marena, ana Yesu molue e yo nene, ana ĥiyu e waa tai, vena va e yo mĥano tai naĥa pe yaru re e poli. Ana pogos naĥa yeririna lala akilia asape naga pa ke e sanene, la mĥena ga amolmolue e kiela pulkumali lala, la amial akom ura.

<sup>14</sup> Ana pogos naĥa Yesu pa ura, naga pisa naĥa ĥina na yeririna mĥeke pa ura rui, ana naga sinena mie la paĥisi, ana naga kila ruru si kiela yaru namaiena lala apimi apo sina.

<sup>15</sup> Ana pogos naĥa mrae pito tano, nalogena lala apimi puna Yesu, apisa apisape “Ei, Suĥe, yo nini pe po re nenaga, a lavisi mĥena ga yemalo narui. Popon ko oligan ĥina na yeririna la nene awasuĥe ava e pulkumali lala vena auli kala kinanena la ĥasia.”

<sup>16</sup> Ana Yesu pisatarĥe la, pisape “Toko, akilia asuĥa ga ve sanene woga ga ne.

Popon amiu awar kinanena laḡasia van la.”

<sup>17</sup> Ana la apisa, apisape “!Ke peraga yo, imimi memlarar narin kilaparavi lima ga teke na, amio narin ika naḡa satin lua ga!”

<sup>18</sup> Ana Yesu pisape “Ala imi van inu,”

<sup>19</sup> ana naga pisi pan yeririna la nene, pisape “Amiu atotano e vilurūini sumo wa.” Ana naga mla narin kilaparavi lima amio narin satin lua naḡani, kirava pa metava ma e sinapane, pisa potena pa Ntewa vanon kinanena nene, ana kauroro narin kilaparavi lima naḡani, kian pa kiena nalogena lala vena avion plan va yeririna la nene.

<sup>20</sup> Ana la akan pano-o, mēḡela kawa paḡisi, ana kinakinas nen kinanena la naḡa pe akan re poli, torokin akon va e karo mavava la naḡa kerkeviu ve lualima taaga pa lua.

<sup>21</sup> Ana yaru la naḡa akan kinanena nene, la pa sane manu lima, ana pe apulo re sira la poli amio ninis lala.

*Yesu mial yau metava e wos nen sive  
Mak 6:45-52; Yoane 6:15-21*

<sup>22</sup> Ana Yesu pisa pan kiena nalogena lala, pisape “Inu sineun nesape amiu akus kieta waa, ana asumo akusro pupia lapa nene ava lepaḡ ḡasia navano, ana in na nesuwa nesuḡa neligan plan kone yeririna la awasuḡela avano wa.”

<sup>23</sup> Ana pogos naḡa naga mligan plan yeririna lala apavano ḡisi, ana naga pa metava e kunus tai, naga taaga, vena len. Pogos naḡa yemalolo, Yesu naga ga taaga sike na,

<sup>24</sup> ana e pogos nene, waa nene mēke perina paḡisi, mēke likan lapa naḡani, mēke va yotena narui. Ana sive keviu, a la asuḡa akawe lagi paḡisi, a kila sane akus mēna ga sive naḡa akus sive.

<sup>25</sup> Pogos naḡa lavisi yelagi merarava, Yesu pimi pula, naga mial yau ga metava e wos nen sive.

<sup>26</sup> Pogos naḡa kiena nalogena lala apisu naga mial yau ke e wos nen sive pimi pula sanene, amarau paḡisi, apisa apisape “!Aulai! ?Suri ya na pimi ke sanene? ? Yermare yo, pona ya ne sanene?”

A la asuḡa ga amlolokai keviu, vanon naḡa la amarau paḡisi,

<sup>27</sup> ana Yesu pis pan la vilaga, pisa pisape “!Ei, ve amarau re, in ga nini!”

<sup>28</sup> Ana Pita pisatamea, pisape “Suḡe, visae ko kemua nene, otamān naḡa inu mēna ga neyal yau metava e wos nen sive, neiḡasu puḡa.”

<sup>29</sup> Ana Yesu pisa, pisape “Ko, poga, otomi.”

Ana Pita mligan waa, pito tano, siar mial yau e sive, pa lavisin Yesu,

<sup>30</sup> ana pogos naḡa naga sitomāl si lagi mārera nene, naga marau. Naga marau sanene, siar mian pito tano narui, ana naga pio Yesu, pisape “Suḡe, ko otamalia inu.”

<sup>31</sup> Ana Yesu kian limana pa veraga, tarar Pita, ana pisa pania, pisape “?Vanon ya ne sineriḡa miyuwawa sanene? !Ko pe opiawa re nena kawa e inu poli wa!”

<sup>32</sup> Ana pogos naḡa lalua aḡiyu si apa meta e waa, lagi nene mare,

<sup>33</sup> a la naḡa e waa amieluar Yesu, apisa, apisape “Lelaga kemua, ko ope narina ne Ntewa lelaga.”

*Namaiena lala atol ga isinen kulkota  
māna Yesu*

*Mak 6:53-56*

<sup>34</sup> Ana Yesu lala akusro pupia lapa nene e kiela waa, apa e laḡas ḡasia, ana apa ura e yo tai, kiena kia Kenasaret.

<sup>35</sup> Ana pogos naḡa yaru lala nae e yo nene apisu kilale Yesu, amligan visena telivi piara pa e yo punu ga. Ana yaru lala aḡure namaiena lala apimi puna,

<sup>36</sup> apiun tan naga vena naga tamān namaiena lala atol ga māna isinen kulkota. Ana la naḡa atol ga sanene, kiela maiena la kokovio nenaga, apimi apowo sina.

## 15

*Nalogena lala kiena ne Yesu pe ataveve  
re ḡelaga marua kiena ne le Yu la poli*

*Mak 7:1-13*

<sup>1</sup> Ana e pogos nene, Varasi la ḡasia amio navianena navisaluaena laḡasia amolue garu Yerusalem, apimi apisu Yesu.

<sup>2</sup> Apiun tan naga, apisa apisape “?Vanon ya ne kionḡa nalogena lala pe ataveve ruru re kieta ḡelaga marua na lotuen nanua sumo poli, naḡa kieta nasumonena lala apian ita, sa naḡa la asuḡa apisa, apisape visae yaru tai sinenan sape kinana, naga monar taveve ruru ḡelaga mesmesu lala na kevanen limana sumo wa, ana ḡisi na naga kilia kinana?”

<sup>3</sup> Ana Yesu pisatame la, pisape “? Ana amiu mēna ga, vanon ya ne amiu aḡareran naḡa ataveve kiamiu ḡelaga marua lala, ana e kiamiu ḡelaga marua la nene, amiu asuḡa akilaro ke navisaluaena kiena ne Ntewa?”

<sup>4</sup> Ana Ntewa pisa rui, pisape ‘Ovatano e arimomā amio anomā,’ a naga pisa mēna ga, pisape ‘Yaru naḡa pisi piowa pan arimana pona anena, awemān naga mare.’

<sup>5</sup> Ana nanagane, pogos naḡa yaru tai visaar visave kiena suri lala ve suri wa, ḡisi na la va Ntewa pogos tai, ana naga pisa sanene ana siraunia naga pe pisuar ruru re kiena yermarua la luwoka poli, pona ve iila re si la luoka e suri la nene,

6 ana amiu asuñña ga apisa ke asape sanene na poga ga ne, pe pe sur re tai nene poli. A e ñelaga nene, amiu asuñña ga akila ke navisaluaena kiena ne Ntewa pimi pe suri korena ga tai ne, vanon naña amiu sinemiun asape auarar ga kiamiu ñelaga marua lala.

7 !Ana amiu na apisokani ke nene, amiu apisi korena ga ne! Navisawalena Aisea naga pisayu amiu sumo rui, naña naga pisawal visena nene naña Ntewa pisa, naña pisa pisape

8 *'Yaru la nene apatanon inu e ga e kiela visena lala,  
ana kiela sitomena lala asike perinan inu wa.*

9 *Akila ke lotuena pan inu, ana pe suri korena ga,*

*vanon pogos naña akilapian yeririna lala, apisa ke asape visena nene naga pe visena kiena ne Ntewa nene, ana visena la nene pe kiela ga la ga yeririna lala.'* Ais 29:13

*Suri la naña kila yaru namname e marana Ntewa*

*Mak 7:14-23*

10 Ana Yesu pio viraviran yeririna lala vena aimi puna, ana naga pisa pan la, pisa pisape "Amiu ayagogo ruruia, amiu monar alogekilale kiau visena nene.

11 Pe kinanena re naña pa e logon yaru poli naña kilia kila naga namname e marana ne Ntewa, ana visena lala naña molue e logona yaru, suri ne nanene naga kilia kila naga namname."

12 Ana siraunia, kiena nalogena lala apimi, apisa pania, apisape "?Ei, ko okilia ñña naña Varasi lala sinela mimi pañisi vanon kionña visena la naña osuñña opisa ke ne?"

13-14 Ana Yesu pisatamē la, pisape "Amiu na ve asitom re yaru la nene. Ya naña la asuñña akila ke ne, naga pe yuññaena kiena ne re Ntewa nene poli, a yoko kau Ata nae ma e peni, ñisi na naga wereplan make suri la naña naga pe mapila re poli. ?Yeririna la nene na ape kilamara ñala ga, ana sinelan asape asumoni yeririna lala, ana sanape narui, yaru tai naña pe kilamara ñala kilia sumon yaru tañena naña pe kilamara ñala lalua ayal? !Pisi na lalua akilia aloru veraga atotano e ñilipili tai ne!"

15 Ana Pita piun tan Yesu, pisape "Suñe, sineun nesape ovisawal ke ne kinas nen ñakaiwa nene sumo wa, naña opisa ñesan ga na wa."

16 Ana Yesu pisa pisape, "?Sanape ne, pona ñarimiu ñena ga merorol ke yo wa?"

17 Pona amiu akilia ñña ve tokak ga yo, naña suri ya naña vito kome logona yaru, pito tano vitove kome ñeñena narui, ana kilia pa vanua si kome tasnena,

18 ana suri ya naña molue e logona yaru, naga molue e losinena sumo, a suri ne nanene, naga kilia kila yaru namname.

19 Naga nene na vanon naña nasitomiena viowa lala amomolue e los nen yaru, sa naña nawemomāren yaru, natañāen kolau, nakilaena lau, navinauena, navisokanena, a nasisiena visena.

20 Nanene ñelaga la naña akilia akila yaru namname e marana ne Ntewa. A ñelaga nene naña yaru kinana ana pe ke re limana sumo poli, suri nene naga tañatete kila yaru namname sanene."

*Yesu pilelua yermare e sira ñee tai*

*Mak 7:24-30*

21 Ana Yesu molue e yo nene, naga pito e lepas naña pulkumali lua asike ea, naña Taea amio Saeton.

22 Ana sira tai nae lepas naña Kenan, naga pe wolawa ga, sike e lepas nene, ana naga pimi puna ne Yesu, pio naga, pisape "Suñe, ko ope Navisaarena naña ko omolue e lus kiena ne Tepet, neviun tan ko vena sinemā ye inu. Kiau lomēaru, yermare tai sike e naga, naña suñña kila kare naga silaga."

23 Ana Yesu mloge visena nene, ana pe pisa re nena suri tai pa sira nene poli.

Siraunia, nalogena lala apimi, apisa pa Yesu, apisape "Sira nene suñña taveve ita ke sanene na, naga suñña pio manene liu wa. Popon oligan lua naga vano."

24 Ana pe Yesu pisatamē la re poli, ana naga pisi pa sira nene narui, pisa pania, pisape "Ntewa mligan inu nepimi vena neva ga puna ne le Israel lala, la naña sane sipsip la naña akila pal mrapa."

25 Ana sira nañani pimi, kinai tano e lana ne Yesu, pisape "Awis, Suñe, nepiun tan ko, nesape oiila inu."

26 Ana Yesu pisatamēna, pisa pisape "Ana pe mesmesu re naña nelalua kinanena kana ne nisisi lala, vena nela va lokul poli." Naga pisi sanene vanon naña naga kilia ñña sape e pogos nene, le Yu tañena lala, naña la asitom asape la ga ape narina ne Ntewa, asuñña apisayu kare yaru la naña pe ape le Yu re poli, apisape la ape lokul ga la ne.

27 Ana sira nene pisi, pisa pisape "Ko opisa pe lelaga, Suñe, ana lokul lala akilia akan ñena kororos nen kinanena naña amololoru vatano e lelen kinanena kana ne taena ne lokul lala."

28 Ana Yesu pisatamē ruru naga narui, pisa pisape "Sira, ko opiawa ruru ke ñarera e inu pañisi. Pisi na ko ovisu



ga nanagane imi van ko ve sa naŕa ko omlelaga ea." Ana e ke e pogos nene narui, sira mēe kiena ne sira nene pimi po sina.

*Yesu kila ruru namaien la moki  
Mak 7:31-37*

<sup>29</sup> Siraunia, Yesu molue ke sina ga e yo nene, p̄asuŕe si pa lepas naŕa Kalele. Naga sur̄ia mial pano, ana pa kom ga lavisin pupia lapa na lepas nene, ana pa totano metava e kunus tai.

<sup>30</sup> Tom̄a sane, ana p̄egas nen yeririna lala apimi puna, amio laulu lala, amio latakin lala, amio kilamara p̄ala lala, amio kiligapoŕe lala, amio m̄ena namaiena taŕena m̄ena ga laŕasia. Ana aŕar la nene apimi, amligan la asike ga lavisin Yesu, ana Yesu kila ruru la apo ke sina ga.

<sup>31</sup> Ana yeririna lala sinela kurkuru paŕisi, pogos naŕa apisu puru lala apisi, latakin lala apimi apo, laulu lala amial po, a kilamara kata lala akirava, ana la amieluar Ntewa kiena ne le Israel lala paŕisi vanonia.

*Yesu pagan yerm̄ene lala tol manu vari  
[4000], amio m̄ena ga sira lala a nin sisi lala  
Mak 8:1-10*

<sup>32</sup> Ana Yesu pio kiena nalogena lala apimi puna, ana naga pisa pisape "Inu sineu mie p̄ina na yeririna la nene paŕisi wa, komin naŕa asike amio ita legiena telu narui, ana pe kala kinanena re si poli. A inu taŕatete neligan la ava si um̄a naŕa pe kala kinanena re sanene poli, vanon naŕa visae nekila sanene, pona e mrapa komsusa ana yaru laŕasia viso kar la vano-o marala malko yo."

<sup>33</sup> Ana nalogena kiena ne Yesu lala apisa pania, apisape "'Ana p̄isi na ita towar kala kinanena pe ne? Ana komin yo nini na yo korena ga nini, a la moki manene la wa."

<sup>34</sup> Ana Yesu piun tan la, pisape "'?Ana amiu kamiu kilaparavi via na sike na?"

Ana la narin, pisape "Olua ga, amio narin ika naŕa satin laŕasia."

<sup>35</sup> Ana Yesu pisa pa p̄ina na yeririna la naŕani, pisape "Atotano e nene sumo wa."

<sup>36</sup> Ana naga p̄ar kilaparavi la olua naŕani, amio narin ika naŕa satin la nene, ana naga pisa potena pan Ntewa vanonia, ana siraunia ana kawewowala, ana kian pa kiena nalogena lala, ana la lein aŕar apioivon pa yeririna lala.

<sup>37</sup> Ana la punu ga akan pano-o m̄eŕela kawa ruru po paŕisi. Ana siraunia, akon kinakinas nen kinanena la nene naŕa sike na, pa e karo popos olua, ana puleule paŕisi.

<sup>38</sup> Ana yerm̄ene la naŕa akania, tol manu vari, ana pe apulo re sira lala amio ninis la poli.

<sup>39</sup> Ana Yesu mligan p̄ina na yeririna la nene aŕasuŕe apa si um̄a, ana naga pa si e kiela waa, ana mligan yo nene, pimi suli ga plas ga e lepas naŕa kumali keviu naŕa Makatan m̄eke ea.

## 16

*Yer kawa la p̄asia asape avisu kile tai  
Mak 8:11-13; Luk 12:54-56*

<sup>1</sup> Ana pogos tai Varasi la p̄asia amio Satusi la p̄asia apimi puna Yesu, naŕa sinelan asape akilali naga, ana apisa, apisape "Imimi sinemiminia mesape ko okilali pupia kile tai van imimi, naŕa ko okila e puriukawa nae ma e peni."

<sup>2</sup> Ana Yesu pisatame la, pisape "Pogos naŕa mrae pito ke tano, ana visae amiu avisu naŕa yo vivaga e lepas naŕa mrae pito ke tano ea, amiu akilia avisa avisave 'Pisi na yepisun peni,'

<sup>3</sup> a pogos naŕa mrae pa p̄arpo yo, a visae amiu avisu sinapane tano vivaga a lul la malolo m̄ena ga metavanja, amiu akilia avisave 'Pisi na yua kove p̄ane.' ?Naga amiu asum̄a apisu kilale ke kile la nene e sinapane p̄isi narui, naŕa p̄isi na pog ve sanape pona ve sanape, ana sanape naŕa amiu pe apisu kilale re kiau kile lala na pog keviu nini naŕa nesike nemio amiu poli?"

<sup>4</sup> Ana Yesu pisa m̄ena pan la, pisape "Yaru la naŕa sinelan ga avisu kile lala, la ape li viowa la paŕisi, la akila wowe pa Ntewa, la apilon m̄asila pania, sane la naŕa akila lau, aŕure matan wola lala. Peraga, p̄isi na taŕatete amiu avisu kile tai narui, ana yoko amiu avisu ga naŕa m̄alivi e inu ve sa ke ga kile naŕa pa Navisawalena Sona nanua sumo, naŕa Ntewa kila naga mali sina." Ana Yesu purmatan la, naga mligan la asikena.

*"Amiu avisuar e is kiena ne Varasi lala  
amio Satusi lala"  
Mak 8:14-21*

<sup>5</sup> Ana pogos naŕa Yesu amio kiena nalogena lala amligan e nene, ana aŕaro e pupia lapa naŕa apa e lepas p̄asa, ana nalogena lala sinela p̄esania naŕa pe aŕar re si kala kilaparavi laŕas poli. Ana pogos naŕa atol lepas p̄asa,

<sup>6</sup> ana Yesu mla visena tai pan la, pisape "Amiu na monar avisuar ruru amiu, e is kiena ne Varasi lala amio Satusi lala."

<sup>7</sup> Ana la amloge visena nene, ana la apisayulein pan la, apisape "'?Pona naga pisi sanene vanon naŕa pe toŕar re kilaparavi laŕas pimi poli yo?"

8-9 Ana Yesu kilia mña kiela sitomena nene narui, pisape “?Pe na ya naþa amiu asitom manene ke mñeþemiu la sanene, naþa apisape yoko takan ya ne? ?Sanape naþa amiu pe amloge kilare re suri la nene poli wa? !Kiamiu lelagaena ve tokaki paþisi wa! ?Pona amiu sinemiu þesan mña ga kilaparavi la lima nene yo, naþa inu nemla pa yeririna lala tol manu lima nene, amio mña karo la naþa amiu akon puleule?

10 ?Pona amiu sinemiu þesan mña ga kilaparavi la olua nene, naþa inu nemla pa yeririna lala tol manu vari nene yo, a karo via naþa amiu akon sirau?

11 ?Sanape naþa amiu pe amloge kilare re naþa pe nepisi re pan amiu vanon kilaparavi poli? Inu nevisa ke sina ga van amiu, nesape amiu na monar avisuar ruru amiu e is kiena ne Varasi lala amio Satusi lala.”

12 Ana e pogos nene, la akilia mña naþa naga pe pisayu re is nakilaen kilaparavi pan la poli, ana naga pisa ke visena navisokanena la naþa Varasi lala amio Satusi lala akilia avian la ea, naþa kilia kila þarin yaru lapa imi ve keviu, ana kilia kila kare make kiena malena, sa naþa is na miyurñaen ke e kilaparavi.

*Pita pisawal sape Yesu naga pe Navisaarena kemua lelaga*

*Mak 8:27-30; Luk 9:18-21*

13 Ana Yesu lala apito garo e lepas naþa pulkumali keviu nene Sisaria Piliþae mñeke ea, ana e pogos nene naga piun tan kiena nalogena lala, pisape “?Amiu asumña amloge mña naþa yeririna lala asurña ga apisavisa ke Narina ne Yeririna, apisape naga ai?”

14 Ana lala apisa, apisape “La þasia apisa apisape ko Yoane Nakeena ke sina ga, a la þasia apisape ko Elaisa, a la þasia apisape ko Sereñaea, pona navisawalena taþena tai na nanua sumo.”

15 Ana naga piun tan la, pisape “?Ana amiu, amiu na asape inu na ai?”

16 Ana Saemon Pita pisatamea, pisape “Ko, ko na Navisaarena, ko ope Narina ne Ntewa Mali.”

17 Ana Yesu pisatamea pania, pisape “Saemon, narina ne Yoane, navisa ruruena imi van ko. Suri naþa ko opisa ne, pe yaru re na pian ko e poli, ana Ata ga nae ma e peni naga pian ko ea.

18 A ko nene ko kionña kia taþena naþa Pita, naga kana kinasia sanini, sane ‘kilavaru,’ ana lelaga paþisi, sa naþa nanagane, in na nepisu ko na sane ko ope varsu

tai, ana þisi na in na nevisirlua þegas nen kiau li nalotena lala e kilatapili na sanene narui, a puriukawa na marena taþatete kilia taulu þegas nene.

19 Pisi na in na nela kii lala navietavarena amio nakotaween nasuþenena kiena ne Ntewa van ko, a suri ya naþa ko ovisaluþar e yomarava nini, ana Ntewa nae ma e peni naga mña ga visaluþaria amio ko, a suri ya naþa ko otarñania e yomarava nini, ana Ntewa nae ma e peni naga mña ga tarñania amio ko.”

20 Ana Yesu pisa mñarera pa kiena nalogena lala, pisape “Amiu na ve ava avisawal re van yeririna la avisave in na nepe Navisaarena.”

*Yesu pisawal kiena marena*

*Mak 8:31-33; Luk 9:22*

21 Ana siar e pogos nene, Yesu kilali naþa kila merarava va nalogena lala, sape naga monar va ma Yerusalem, ana e yo nene, þisi na suþe kiena ne le Israel lala, akila kare manene naga vaþisi, amio þarin yaru wa lala, amio mña ga navianena navisaluaena lala, la make narui þisi na akila kare naga vaþisi. Yesu pisa mña ga pisape þisi na la nene aweñar naga mare, ana kana legiena na telu þisi, Ata Ntewa kila naga sumñalu mali sina.

22 Ana pogos naþa Pita mloge visena nene, piolua Yesu pano, pisi mñarera pania, pisape visaluþaria, pisape “Yesu, Ntewa monar visaluþar suri nene. Suri la nene taþatete kilia imi ve lelaga e ko ve sa nene.”

23 Ana Yesu pilopuia, pisi mñarera pa Pita, pisape “!Yermare Lego, oure vetan inu! Ko osurña okilali inu ke sina ga e kionña sitomena nene naþa pe sitomena kiena yaru ga, pe sitomena kiena ne Ntewa re nena ga.”

*Nalogena kiena ne Yesu monar sitom korenan ga kiena nasinenanena lala*

*Mak 8:34-9:1; Luk 9:22-27*

24 Ana Yesu pisa pa kiena nalogena lala, pisape “Yaru naþa sinenan sape sirau inu, monar sitom korenan ga kiena nasinenanena lala, ana monar kus kiena laki torovia, ana taveve inu.

25 Yaru naþa sinenan sape visuar ruru kiena malena, naga þisi na kilaluia, ana yaru naþa naga kilalu kiena malena vanon inu, naga þisi na kilia tol malena lelaga.

26 Ana visae yaru tai naga tol make suri na yomarava la punu ga, ana kilalu mrapa na malena, naga pe taulu re nena suri wo napo lelaga tai poli, ana siraunia, taþatete kiena suri wo la nene aulimaran si kiena malena.

<sup>27</sup> Ana lavisi ke Narina ne Yeririna wasuŕe ke sina ga imi narui amio navisi lala, naga imi amio naurarena kiena ne Arimana, ana naga ul yaru lala mesmesun kiela nayuŕnaen lala.

<sup>28</sup> Inu nevisa suri na lelaga nene van amiu, nesape yaru la ŕasia asuŕnalul asike e nini, naŕa ŕisi na taŕatete amare asuŕna ga vano-o avisu Narina ne Yeririna war-poyo amio kiena nasuŕnena, vena vim ve suŕen yeririna la punu ga."

## 17

*Yepena ne Yesu pilonia pimi pe taŕena  
Mak 9:2-10; Luk 9:28-36*

<sup>1</sup> Siraun e pogos nene, legiena orai ŕarovia, ana Yesu ŕere Pita, a Semes, a wenla naŕa Yoane, ana la ga vari nene apa metava e ravie tai.

<sup>2</sup> Asuŕna sanene, ana nalogena la telu nene apisu naŕa yepena ne Yesu pimi ke pe taŕena, a marana pilavila manene sa naŕa mrae, a ŕana kulkota lala apimi amiyuwowo pano-o amiyuwowo po paŕisi.

<sup>3</sup> Ana la telu nene apisu ŕena ga Mosis amio Elaisa, lalua amaliv, ana lalua asuŕna ga asun ke amio Yesu.

<sup>4</sup> Ana Pita pisa pa Yesu, pisape "Suŕe, popon tanea ita tesuŕna ga e yo nini. Visae ko sinomŕania, ana neyuŕnaen silparpara ve telu e nini, momŕa tai, ŕana ne Mosis tai, a ŕana ne Elaisa tai."

<sup>5</sup> Ana pogos naŕa Pita suŕna pisi ke ga wa, ana lul tai naŕa pilavila paŕisi pitomi kalo la, ana amloge visena tai molue e lul nene, pisa pisape "Nene na naruu nene, naŕa in na nesitom naga paŕisi. Kiau sitomena sike ga e naga, a nekekarana naga paŕisi. Amiu na monar alogear ruru naga."

<sup>6</sup> Nalogena lala amloge visena nene, ana amarau na amarau, ana amloru e porotano, aŕariwani marala lala.

<sup>7</sup> Ana Yesu pimi pulu, mlipalipa la telu nene, ana pisa pan la, pisape "Amiu asuŕnalul, ve amarau re."

<sup>8</sup> Ana pogos naŕa la aŕar plan si ŕarila pa metava, apisu re si lalua nene poli, ana la apisu ga Yesu naga taaga sike na.

<sup>9</sup> Ana lala amolue e ravie nene, aŕasuŕe la ke sina apitomi tano, ana Yesu pisaar ŕarera pan la, pialuŕar la, pisape "Suri naŕa Ntewa kila amiu apisu ne, ŕisi na amiu ve avisawal re va yaru la nanagane, vano-o tol naŕa Narina ne Yeririna mali sina ga e marena, e pogos nene narui amiu akilia avisawal va yeririna lala."

*La apisayu Elaisa  
Mak 9:11-13*

<sup>10</sup> Ana nalogena la telu nene apiun tan Yesu, apisape "?Sanapen naŕa navianena na navisaluaena lala asuŕna ga apisa ke, apisape 'Monar Elaisa naga wasuŕe ke sina ga imi sumo wa, siraunia na Navisaarena nene kilia imi ŕalivi?'"

<sup>11</sup> Ana Yesu pisatarne la, pisape "Naŕa la apisa sanene, naga lelaga kemua, komin Navisawalena Malakaea naga pisa sanene rui e kiena tusi. Elaisa naga monar imi sumo vena kila ruru make suri punu ga, ŕisi na Navisaarena naga kilia imi sirau,

<sup>12</sup> ana in na nevisa van amiu sanini, Elaisa nene pimi ŕisi rui, ana pe yaru lala apisu kilale re asape naga poli, ana pe asitom re naga poli. Ana e ke e ŕelaga nene, ŕisi na akila ke ŕena ga viowa va Narina ne Yeririna."

<sup>13</sup> Ana e pogos ke nanene, nalogena la telu nene akilia ga na wa, naŕa Elaisa naŕa Yesu pisayu ke ne, nane Yoane Nakeena nene.

*Yesu pilelua yermare e yaru ŕee tai  
Mak 9:14-29; Luk 9:37-42*

<sup>14</sup> Ana Yesu amio la telu nene aŕasuŕela, ana apito asikolila amio ŕina la naŕa asike e pogos nene, ana yaru tai pimi kinai tano e lana ne Yesu, ana pisa pisape

<sup>15</sup> "Suŕe, inu sineun nesape ko sinemŕa ye kiau yaru ŕee nini, oiila naga, komin naŕa maiena tai teke e naga. Maiena nene kila naga marmarlulia yam moki paŕisi, ana kila kare manene la naga wa, suŕna kila ke naga mlorvavae ŕa pano, mloru pa e kapi pona e ŕena ga e wii lala.

<sup>16</sup> Inu nepureli naga pimi puna ne kioŕna nalogena lala, ana amiyuŕnaen pano-o, peraga, ana akila ruru ŕele naga."

<sup>17</sup> Ana Yesu pisi pa kiena nalogena lala, pisape "?Amiu la nene, sanape na sanene? Amiu na pe apiawa re nenaga e Ntewa poli, silaga amiu asuŕna ga apa ape wowe yo. ?Monar nesuŕna si nemio amiu vano tol pogwai? Inu sineun maren amiu paŕisi rui. Ana poga ga, aure yaru ŕee nene imi pun inu."

<sup>18</sup> Ana la aŕure yaru ŕee nene pimi, ana Yesu pisaar pan yermare naŕa sike e naga, pisape "!Omolue e naga nanagane ga ne!," ana verakorena yaru ŕee nene pimi po sina.

<sup>19</sup> Ana siraun e pogos nene, pog naŕa Yesu suŕna naga taaga, nalogena lala apimi puna, apiun tania apisape "?Sanape na imimi mepilelua ŕele yermare naŕa sike e yaru ŕee nene?"

<sup>20</sup> Ana Yesu pisa pan la, pisape "Nanene na vanon naŕa amiu pe apiawa ruru re ŕarera e inu poli wa. Lelaga nevisa van

amiu, visae aviawa e inu ve tokak ga ve sa ga narin kurus nen mras nen purpa, ana visae kiamiu naviawaena ne ve lelaga kemua napo, ana p̄isi na amiu akilia avisa va tavie na m̄eke ne, avisave 'Ko oure,' ana p̄isi na naga monar ure. Pisi na pe suri re tai naḡa amiu akilia akila p̄ele poli.

<sup>21</sup> Ana naḡa nar̄iēneplanen yermare la ne sanene, ana kana m̄rapa ne sanini: yaru na monar len, ana monar monsilu ga ve kinan re. E ga e p̄elaga nene, p̄isi na naga kilia m̄ene plan yermare kar la ne sanene."

*Yesu pisawal ke sina ga kiena marena  
Mak 9:30-32; Luk 9:43-45*

<sup>22</sup> Ana pogos tai naḡa Yesu amio kiena nalogena lala apimi lele taaga garu Kalele, Yesu pisa pan la, pisape "Lavisi ke naḡa aligan Narina ne Yeririna va e limana yaru la narui,

<sup>23</sup> naḡa p̄isi na awen̄ar naga mare, ana siraunia, e kana legiena na telu, p̄isi na Ntewa kila naga mali ke sina ga." Ana pogos naḡa Yesu pisa visena nene, kiena nalogena lala amloge piowa vanon paḡisi.

*Kilavaru na takis na Yum̄a Wa Mana  
Ntewa garu Yerusalem*

<sup>24</sup> Pogos naḡa Yesu amio kiena nalogena lala apimi atol Kapeneam, yaru lala na warpoloen takis na Yum̄a Wa Mana Ntewa, apimi puna ne Pita, apiunia apisape "? Sanape, kior̄na navianena m̄ena ga pul m̄a takis ne, pona peraga?"

<sup>25</sup> Ana Pita pisatar̄iea, pisape "Naga pul m̄aga."

Ana Pita p̄asupe si pa e yum̄a naḡa Yesu sike ea, a naga pe pis re poli wa, ana Yesu naga pisp̄esia, piunia pisape "Saemon, ko ositomveveli p̄arin suḡe na yomarava la nene. ?Li pe la ne apul ke takis nene pan la? ?Yaru na m̄ala mratava ga lala, pona yaru taḡena lala?"

<sup>26</sup> Ana Pita pisa, pisape "Yaru taḡena ga lala, la monar aulia."

Ana Yesu pisa, pisape "Ee, sanene narui, ana kana kinasia sanini, mratava kiena ne p̄arin suḡe lala, la taḡatete aulia. Ana in ke nena naḡa nepe mratava kiena ne Suḡe Keviu na Yum̄a Wa naḡa narui, ana vanon suri ne nanene, in na pe pon re neul takis naḡa la apiun ke tan ko poli.

<sup>27</sup> Ana popon italua na ve tekila kare re yaru lala na warpoloen takis, italua m̄ena ga monar toul ga. Ko, oto garo e lapa, oto om̄ate ika, a ika naḡa om̄ate p̄esania, p̄isi na ko olual kilavaru tai e logona, naḡa torokin italua toul kieta takis ea, ana olavia ola ova oulia."

## 18

*"?Yaru ai naḡa naga to laa metavan  
yaru taḡena lala?"*

*Mak 9:33-37; Luk 9:46-48*

<sup>1</sup> Ana e pogos ke nene, nalogena taḡena lala apimi am̄alivi, apimi nena puna Yesu, apiun tania, asape "Imimi sinemimin meviun mesape: ?Yaru ai naḡa naga to laa metavan yaru taḡena lala e loyuma na nasuḡenena kiena ne Ntewa?"

<sup>2</sup> Ana Yesu pio sisi tai naḡa sum̄a ga pimi puna, ana mligan sisi naḡani sum̄alu su likan la,

<sup>3</sup> ana naga pisa pan la, pisape "In na nevisa van amiu, visae amiu ve avilopu amiu re naḡa kiamiu p̄elaga la aimi ve sa p̄elaga kiena ne nisisi nene, p̄isi na amiu taḡatete kemua aimi loyuma e nasuḡenena kiena ne Ntewa pogos tai.

<sup>4</sup> Ana yaru naḡa kila kiena sitomena su ga tano ve sa nisisi nini, yaru nene naga yoko kilia imi to laa metava, taulu yaru taḡena lala e nasuḡenena kiena ne Ntewa.

<sup>5</sup> Yaru naḡa kiena sitomena pito tano e inu, ana naga kekaran naḡa naga kila wo va nisisi kokan tai ne sanene, yaru nene naga sa ga naḡa naga kekaran inu ke ga narui."

*Nataḡaliena lala*

*Mak 9:42-48; Luk 17:1-2*

<sup>6</sup> Ana Yesu pisa m̄ena ga, pisape "Ana visae yaru tai kila nisisi tai ne sanene ligan inu, ve viawa re si m̄arera e inu, ana p̄isi na yaru nene kus nakoena tai naḡa m̄arera manene la. Visae am̄atear pupia kilavaru tai m̄ene kolmekina, ana akuwani naga talilu vitove e lowe memaena, nanene naga nakoena tai ne meme ga ne, ana yaru nene naga yoko war va re la na wa taulu nanene.

<sup>7</sup> !Aulai! Yomarava nini piowa manene la narui, naḡa pulen manene la suri la naḡa silaga asum̄a akilali ke yaru lala vena kila la akilalu kiela naviawaena e inu. Nataḡaliena la nene p̄isi na asum̄a likan amiu silaga, ana p̄isi na viowa manene la va yaru la naḡa aḡar nataḡaliena viowa la nene pimi e yaru taḡena lala.

<sup>8-9</sup> "Visae lumon̄a tai, pona lam̄a tai, pona kilamaram̄a tai, pona suri ya sina naḡa e kior̄na malena, visae suri la nene tai kila ko ve oviawa re si m̄arera e inu, popon otelua suri nene vetan ko, okuwan vano. Visae otelua p̄elaga na mlamulena viowa vetan kior̄na malena ve sanene, p̄isi na ko okilia ova loyuma e malena, a visae ko ova loyuma e malena naḡa lumon̄a, pona lam̄a, pona kilamaram̄a, pona suri ya sina e kior̄na malena, visae suri la nene tai

kovio ĵisi rui, ana nanene na poga ga nene. Ana piowa manene la naĵa visae tasneña la punu ga amio kioña ĵelaga viowa lala asuña woga ga e ko, ana sirauña akoven ko e kapi naĵa taĵatete miewo pogos tai e yo naloge viowaena.”

*Pakaiwa na sipsip naĵa kilalu mrapa  
Luk 15:3-7*

<sup>10</sup> Ana Yesu pisa mēna ga, pisape “Amiu na monar avisuar ruruia vena amiu ve asitom korenan re naruu la tai nene pogos tai. Visae peraga, amaramē amiu, vanon naĵa naruu la nene, la kiela navisi lala nae ma e peni naĵa la asuña apisuar la mēga, a navisi la nene silaga asike e marana ne Ata nae ma e peni.

<sup>11</sup> Ana yuñaeña kiena ne Narina ne Yeririna naga sanini: naĵa naga pimin pisape tamalia la naĵa akilalu mrapa.

<sup>12</sup> “Amiu ayagogon ruru li suniena nini: Yaru tai naĵa naga kiena sipsip lala tol ponotia taaga, ana lala tai kila ĵarina, pa la perina, ana kila pal mrapa, pa kovio. ? Pisi na yaru nene kila sanape narui? Naga monar ligan kiena sipsip la lualima ovari pa ovari nene, asuña ga akinana ke e yo na viluñini, ana naga monar vano vena kaleli sipsip nene naĵa kilalu mrapa.

<sup>13</sup> Lelaga nevisa van amiu, pogos naĵa naga māl si sipsip nene, ana naga kilia kekaran va ĵisi, taulu naĵa naga kekaran kiena sipsip taĵena la moki naĵa asu ruru asuña ga, pe amial re naĵa apa akovio poli.

<sup>14</sup> “Ana Arimamiu nae ma e peni, naga mēna ga sa ke ga, naĵa naga yepen mavin narina tai nene yepe vetan mrapa vena vano va kovio.”

*Visae womla tai naĵa kila viowa van ko  
Luk 17:3*

<sup>15</sup> Ana Yesu pisa mēna ga, pisape “Visae womla tai naga kila viowa van ko pogos tai, monar ko ova ovisu naga naĵa amiu ga lua nene asikena, ana ko monar ovisawal kiena naviowaena vania. Visae naga kekaran logeen kioña visena, nanene naga sa naĵa kioña visena kila amiu luwoka ape mara wo si ĵisi narui.

<sup>16</sup> Ana visae naga yepen mavin yagogonen kioña visena, ana monar ko ovano oure si yaru taĵena la ve lua pona ve telu aimi amio ko, vena aiila ko e kioña visena, sa naĵa Tusi Wa pisa pisape ‘Visena la punu ga, monar yaru naiilaena visena, yaru ve lua pona ve telu, vena kila visena nene kilia suñalu.’

<sup>17</sup> Ana visae womla nene yepen mavin ke yagogon ruruoena wa, ana ko monar ovisawal kiena ĵarkawa nene va ĵegas

nen li nalelagaena lala, vena la ĵasia akilia aimi avisuli re mēna ga naga. A visae naga mēnera ke ga wa, ve yagogon re mēna ga nalelagaena lala, amiu monar avisu naga sa naĵa naga pe wolawa ga tai, pona naga sa ga yaru na warpoloen takis, naĵa yaru lala pe ape erau ruru re nenaga amio la poli.”

*Leniena naĵa yaru la mras ve lua la ga aviranar la ea*

<sup>18</sup> Ana Yesu pisa mēna ga, pisape “Lelaga, inu nevisa van amiu, ana suri ya naĵa amiu avisaluĵaria e yomarava nini, ana Ntewa nae ma e peni naga mēna ga visaluĵaria amio amiu, a suri ya naĵa amiu atañania e yomarava nini, ana Ntewa nae ma e peni naga mēna ga tañania amio amiu.

<sup>19</sup> “A naga sina, nevisa mēna ga van amiu, visae amiu yaru la ve lua naĵa la lua aviranarlan suri tai e yomarava nini, ana visae lalua alenwoia, ana kau Ata nae ma e peni ĵisi na naga kila suri nene van lalua.

<sup>20</sup> Vanon naĵa visae yaru ve lua pona ve telu aimi lele taaga e kiau kia, ana inu mēna nesike likan la.”

*Pakaiwa na ĵelaga na viewoena  
Luk 17:3-4*

<sup>21</sup> Ana Pita pimi puna Yesu, piun tania, pisape “?Suĵe, visae kiau wolai kila ke pe mesmesu re pan inu silaga poli, inu monar neviewo naga yam ve via? ?Monar va tol yam ve olua pona sanape?”

<sup>22</sup> Ana Yesu pisatarneña, pisape “Peraga, ĵisi na ko ve ovieo re ga naga yam ve olua ga, ko monar ovieo naga yam ve lualima yam ve olua, ko ovieo mē naga sanene vano tol sina ga kana yam ve olua [70 x 7].

<sup>23</sup> Pelaga naviewoena loyurña e nasuĵenen kiena ne Ntewa, monar ve sanene narui. Amiu ayagogo e suniena tai naĵa pisayu ĵelaga naviewoena, naĵa pisa sanini, pisape: Parin suĵe tai, naĵa naga sinenan sape visuveveli lapui la naĵa kiena yaru na yuñaeña lala akila pania.

<sup>24</sup> Ana naga kila mē sanene pano-o, ana aĵure kiena yaru nayurñaena tai pimi puna, naĵa yaru nene naga kila lapui na kilavaru na tenario via puna ne kiena yerikawa nene.

<sup>25</sup> Pogos naĵa apiun kilavaru tan yaru nene, naga pisape naga taĵatete si ulmaran lapui nene. Ana yerikawa nene pisa pa kiena yeririna lala, pisape ‘Poga, akilalua naga a auliulinlua naga ve kiena ne yerikawa taĵena, vena yurñae korena ga vania. Ana auliulin mēna ga wona, amio

narina lala, a amio make kiela suri lala, a awar kana kilavaru imi vena auli kiena lapui nene kom̄pasia ea.'

<sup>26</sup> "Ana yaru nene mloru e lana ne řarin suře nene, tagi m̄arera pania, pisape 'Ko ope yerkawa, awis, inu sineun nesape neviun tan ko vena ko ola re narin pogos tai van inu sumo wa, vena inu nekilali neul maranli lapui nene van ko.'

<sup>27</sup> Ana yerkawa nene sinena miye yaru nene, naga piewo make lapui nene pania, vena ve ul marana re sina, ana tařian yaru nařani molue ga sa ga ne.

<sup>28</sup> "Ana pogos nařa yaru nene pano, naga pisu kiena erau tai, nařa kiena erau nene kiena lapui tai teke e yaru nene. Ana kiena lapui ne ve tokaki ga, ana yaru nene pano řuarar kolmekina, pisa pania, pisape 'Ko monar oul lua kiořa lapui nene vetan inu nanagane ga ne.'

<sup>29</sup> "Ana kiena erau nene pimi mloru e lana, tagi manene pania, pisape 'Mara, ko ope kiau erau, awis, sineun nesape neviun tan ko vena ko ola re narin pogos tai van inu sumo wa, vena inu nekilali neul maranli lapui nene van ko.'

<sup>30</sup> Ana yaru nene yepena mavin viewoen kiena erau nene, řisi na naga pa kila la amligan naga pa e yuřa nakoaoena, vena suřa vano-o ul plan kiena lapui nene, řisi na naga kilia molue sina.

<sup>31</sup> "Ana pogos nařa yaru tařena la nařa kiena ne řarin suře nene apisu řelaga nene, amloge piowa pařisi, ana apa puna ne kiela řarin suře, apisawal suri la nene pania.

<sup>32</sup> Ana řarin suře nene pio kiena yaru nene vena vim si puna, ana sinena karia, pis m̄arera pania, pisape '!Aa, ko na ope yaru řilřil ya na sanene! Inu nepiewo ko e kiořa pupia lapui nene rui, vanon nařa otagin manene pan inu, ana okila sineu miye ko.

<sup>33</sup> ?Vanon ya ne ko tařatete m̄ena ga sinema ye kiořa erau sa nařa inu sineu miye ko sumo rui?'

<sup>34</sup> Ana řarin suře nene sinena mimi pa la narui, ana naga pisape monar aligan yaru nene va e yuřa nakoaoena, ana la monar ala řa nakoaoena vania vano-o naga ul plan make kiena lapui nene."

<sup>35</sup> Ana Yesu pisa, pisape "Visae amiu ve aviewo re womlamiu lala silaga, ve lelaga e sinemiu la wetelu, řisi na kau Ata nae ma e peni, naga sinena kar amiu ve sanene, řisi na naga la nakoaoena ve sa ke ga nene van amiu."

## 19

*Yesu pisayu sanape nařa yaru mligan lua wona*

*Mak 10:1-12*

<sup>1</sup> Ana Yesu pisa visena la nene řisi, ana naga mligan Kalele naga kome wii nae Yortan lepas na vano, ana pa metava e lepas nae Yutea.

<sup>2</sup> Ana řina lala ataveve ke naga e pogos nene, ana e yo nene naga kila ruru namaina la moki.

<sup>3</sup> Ana Varasi m̄ena ga lařasia asike e pogos nene, ana apimi puna ne Yesu, apisape akilali ke sina ga naga, la apiun naviunena tai pania, la apiunia, apisape "'? Kieta navisaluaena pisa ya ne e lepas nen řelaga kiena ne yaru nařa ligan lua wona? ?Mesmesu ga nařa yaru kilia kila sanene vanon suri kar punu ga nařa pe miasia, pona kilia kila vanon ga suri kerkeviu ga lařasia?'"

<sup>4</sup> Ana Yesu pisatarne la, pisape "'?Pona amiu na pe akilia re Visena Wa kiena ne Ntewa nařa naga pisa, pisape

'E purřesia, Ntewa naga sii suri punu ga, ana sii m̄ena ga yeririna lua, yermene tai, a sira tai?'

<sup>5</sup> Suri nene amiu akilia řisi rui, amio m̄ena ga visena tařena nene nařa pisa, pisape 'Sanene, řisi na yaru ligan arimana amio anena, ana naga vano vilolar wona na sira, ana lalua aimi ave taaga ga narui.' *Nas 2:24*

<sup>6</sup> Nanene kila sane lalua ve ave lua re sina, ana lalua apimi ape taaga ga narui. Ana ya nařa Ntewa naga vilolaria aimi ave taaga, pe pon re si yaru kilapure la poli."

<sup>7</sup> Ana Varasi la nene amloge visena la nene, ana apiun ke sina ga tan Yesu, asape "'?Poga ga, ana vanon ya ne Mosis naga pisawal navisaluaena nene nařa tařian sape yaru naga kilia la m̄aki nalganluaena tai vena la va wona, vena ligan lua naga vano?'"

<sup>8</sup> Ana Yesu pisatarne la, pisape "Ee, ana sumon nařa nasiien yomarava nini, naga pe sa re nene poli, ana vanon nařa amiu řarimiu lala apimi m̄arera pařisi, nane kila Mosis tařania sanene sape siar e repimiu la pimi, amiu akilia aligan plan womiu lala.

<sup>9</sup> Ana nanagane, inu nevisa van amiu, visae yaru tai, wona kila kolau, yaru nene kilia ligan lua wona nene. Ana visae sira nene ve kila re kolau ve sanene sumo, ana yaru nene ligan lua naga, ana řisi na va were sira tařena, visae ve sanene, ana Ntewa pisu sane yaru nene naga kila kolau narui amio sira tařena nene, naga kila kare sira nene nařa wona na sumo."

<sup>10</sup> Ana nalogena kiena Yesu lala apisa pania, apisape “Visae ve sanene, p̄elaga na talopaena pe suri m̄arera tai ne pāp̄isi ne. Pe pon re si tekila ita tetalopa poli.”

<sup>11-12</sup> Ana Yesu pisa pan la, pisape “Ee, lelaga nāpa yaru lāpasia nāpa p̄isi na la ve atalopa re pogos tai, sa nāpa sane lāpasia apaeme ana tasnela la piowa pa rui, pona lāpasia akila kare tasnela, sa nāpa asila, ana la tāpatete atalopa. A lāpasia, pe atalopa re poli vanon nāpa la amligan talopaena vena la ayuñae e nasūpenena kiena ne Ntewa. Ana Visena Wa, naga pisa pisape popon yerm̄ene amio sira, lalua atalopa, a popon lalua asu ruru m̄aga sanene tol luas nen kiela malena la luoka. A ko nāpa ko okekaran visena nene, ana opisu nāpa Ntewa naga kila sanene pan ko rui, popon olarar ruru visena nene m̄arera e kion̄a malena.”

*Yesu pisa ruru sisi lala*

*Mak 10:13-16; Luk 18:15-17*

<sup>13</sup> Ana lāpasia akus narila lala apimi puna Yesu, vena naga ligan limana te la, len wo la. Ana nalogena lala apisuia, ana apiso m̄arera pan yaru la nene, apisalupār la,

<sup>14</sup> ana Yesu pisa, pisape “Amiu ve avisalūpār re sisi la nene, amiu atāñan la aimi pun inu, vanon nāpa sisi la nene na asa ga la nāpa asike loyuma e nasūpenena kiena ne Ntewa.”

<sup>15</sup> Ana naga mligan limana te sisi la nene, ana suraunia, naga mial pano.

*Yaru m̄ee tai nāpa kiena suri moki*

*Mak 10:17-22; Luk 18:18-23*

<sup>16</sup> Ana e pogos tāfena tai, yaru m̄ee tai pimi pisu Yesu, piun tania, pisape “?Navianaena, ana in na monar nekila yuñae na wo ya, nāpa vena kila inu p̄isi na netol malena nāpa ve uro re?”

<sup>17</sup> Ana Yesu pisa pania, pisape “?Vanon ya ne ko opiun tan inu sanene, osape nevisa yuñae na wo tai van ko? Ntewa ga naga po, a visae ko ologear kiena navisaluaena lala, p̄isi na ko okilia otol malena wo nene.”

<sup>18</sup> Ana yaru nāpani piun ke sina ga tan Yesu, pisape “?Ana ko opisa ke navisaluaena ya la nene?”

Ana Yesu pisa pania, pisape “Navisaluaena ne la nanini narui, nāpa pisa pisape: ve owemār re yaru mare, ve okila re kolau, ve ovinau re,

<sup>19</sup> ve ovisokan re, ko ova tanon arimom̄a amio anom̄a, a ko ositom nalavis pun̄a lala, ovisuar ruru la, ve sa ke nāpa ko opisuar ruru ko ke ga.”

<sup>20</sup> Ana yaru m̄ee nene pisa pania, pisape “Navisaluaena la nāpa ko opisa ke nene, inu nesuñna nemlarar make punu ga rui. ?Suri ya si nāpa teke ga wa, nāpa inu pe nekila re poli wa?”

<sup>21</sup> Ana Yesu pisa pania, pisape “Visae ko sinorñan osape oimi omesmesu ruru wo va p̄isi, torokin nāpa ko otol malena nāpa ve uro re, p̄isi na ko na monar okila ve sanini: ko ovano, oululin plan make kion̄a suri la punu ga, ana owar kana kilavaru nena, ova ovioviaonia van yaru la nāpa pe kiela suri re poli. Visae ko okila sanene, p̄isi na ko kion̄a suri wo lala ve moki vāp̄isi ma e peni. Ko, ova okila, sirauinia oimi otaveve inu.”

<sup>22</sup> Ana pogos nāpa yaru m̄ee nene mlogear visena nene, kiena sitomena urmi a sinena piowa pāp̄isi, vanon nāpa naga kiena suri la moki manene la. Ana naga pure matan Yesu.

*Yaru nāpa kiena suri moki, naga m̄arera la nāpa va loyuma e nasūpenena kiena ne Ntewa*

*Mak 10:23-31; Luk 18:24-30*

<sup>23</sup> Ana Yesu pisa pa kiena nalogena lala, pisape “Lelaga nevisa van amiu, visae yaru tai nāpa kiena suri moki, naga sinenan pisape va loyuma e nasūpenena kiena ne Ntewa, suri nene na m̄arera towe m̄a nāpa.

<sup>24</sup> Ee, inu nevisa van amiu, visae kamel tai naga va warpoyo e pulus nen nitil nene, nane naga m̄arera vāp̄isi ne, ana visae yaru tai nāpa naga kiena suri la moki ana sinenan sape va loyuma e nasūpenena kiena ne Ntewa, naga m̄arera la na wa.”

<sup>25</sup> Pogos nāpa nalogena lala amlogear visena nene, amilania pāp̄isi, ana la apisape “?Suwala, ana visae ve sanene, p̄isi na ane kilia tol namalena nene?”

<sup>26</sup> Ana Yesu kirava pisu la, naga pisa pisape “Ee, lelaga nāpa yaru tāpatete kilia kila yaru tol malena nene, ana Ntewa ga kilia kila make suri punu ga.”

<sup>27</sup> Ana Pita pisatamea, pisa pisape “? Ana sanapen imimi? Imimi meligan make kiamimi suri la rui, ana imimi metaveve ko. ?P̄isi na imimi metol m̄a suri wo lāpas ne, pona peraga?”

<sup>28</sup> Ana Yesu pisa pan la, pisape “Lelaga nevisa van amiu sanini, pogos nāpa Narina ne Yeririna totano e kiena lelana wa natotanoena e yomarava viu nene nāpa p̄isi na imi, amiu nāpa ataveve inu ke nanagane, ana amiu m̄ena ga atotano e pupia lelemiu wa natotanoena ve lualima taaga va lua, vena avisuar lus nae Israel lala lualima taaga pa lua nene, sa nāpa amiu ape kiela p̄arin sūpe lala.

<sup>29</sup> Ana yaru naḗa visae ligan m̄ana yuḗa, pona wenla pona vinena, pona arimana pona anena, pona narina, pona kiena porotano, ana visae naga ligan suri la nene vanon ga inu, ḗisi na naga warmarana sina ga e yomarava nini kiena suri la naḗa naga mligania, kilia tol sina ve ponotia tai, ana metavana, ḗisi na naga kilia tol m̄ena ga malena naḗa ve uro re.

<sup>30</sup> “Ana yaru la moki liu naḗa asu metava, ḗisi na ato tano, a yaru la naḗa ato tano, ḗisi na la asu metava.”

## 20

*Pakaiwa kiena ne yaru na yuḗaena lala*

<sup>1</sup> Ana Yesu suḗa pisa m̄aga pano-o, pisape “Suri naḗa nepisa ga na wa, sa ke ḗelaga naḗa Ntewa kila ke pa yaru lala loyuḗa e nasuḗenena kiena. A ḗisi na nevisayu suri nene van amiu e ḗakaiwa tai, naḗa pisa sanene, pisape: Yerikawa tai, naḗa kana pupia lokilm̄asḗas tai. E kolulagi tai, naḗa pe yemlagi ruru re poli wa, naga pa e pulkumali tai vena were yaru laḗasia ava ayuḗa e kiena lokilm̄asḗas nene e legiena nene.

<sup>2</sup> Naga m̄al la ḗasia, ana pisaar pan la e kilavaru tai naḗa torokin yuḗaena na legiena wetelu tai, ana mligan plan la apano vena ava ayuḗa e kiena lokilm̄asḗas nene.

<sup>3</sup> Ana e mrae ovari, naga pa sina ga e pulkumali nene, pisa yaru taḗena lala asu korena ga, asuḗa sane pe kiela yuḗaena re poli,

<sup>4</sup> ana naga pisa pan la, pisape ‘Popon amiu m̄ena ga aimi ayuḗa re e kiau lokilm̄asḗas, ana ḗisi na nowul amiu ke ga.’

<sup>5</sup> “Ana la nene apa amiyuḗa, a siruana, kolpae m̄ena ga, a mrae telu m̄ena ga naḗa yepekilavi, ana yerikawa nene ḗasuḗe si pano, ḗere ke sina ga yaru laḗas apimi amiyuḗa kiena sanene.

<sup>6</sup> A yam si tai, e yepekilavi mrae lima, naga ḗasuḗe sina ga pa e pulkumali nene, pisa yaru laḗasia naḗa asuḗalu asike e yo nene na wa, ana naga pisa pan la, pisape ‘?Komin ya ne asu koren ke sanene na wa e yo nini, naḗa pe akila re nena yuḗaena tai poli?’

<sup>7</sup> “Ana la apisatam̄ea, apisape ‘Peraga, pe yaru tai pimin re sape meva meyuḗa kiena poli.’

“Ana yerikawa nene pisa pan la, pisape ‘Poga, visae sanene, in na neure amiu narui. Amiu, aimi ayuḗa kiau.’

<sup>8</sup> “Ana e ko yepekilavi la rui, amiyuḗa ḗisi, ana yerikawa nene pisa pa kiena navisuaren yuḗaena nene, pisape ‘Poga,

ovio yaru na yuḗaena la nene aimi, oul la. Pisi na ko okila sanini: oul ḗesan la naḗa apimi mare ga na wa, vano-o oḗisi e la naḗa apimḗesani kolulagi.’

<sup>9</sup> Ana pogos naḗa yaru la naḗa asiar ga yuḗaena e mrae lima apimi, yaru nene mla kilavaru pan la torokin ke legiena wetelu na yuḗaena taaga.

<sup>10</sup> A pogos naḗa la naḗa apami amiyuḗa sumo apimin vena awar kiela kilavaru, la amape pona la ala va la metava, taulu la naḗa amiyuḗa plas ga, ana yaru nene mla kilavaru pan la, la punu ga torok ga.

<sup>11</sup> “Ana pogos naḗa la apisu kiela kilavaru sa ke ga nene, la amloge piowa, asuḗa apisimumun yerikawa nene.

<sup>12</sup> Ana amligan lala tai pa piun tania, pisa pisape ‘La naḗa apimi mare ga na wa, la amiyuḗa aora taaga ga, ana imimi memiyuḗaen legiena wetelu e pupia yepisusun nene. Imimi mepisu naḗa ko omla kilavaru maran taaga pan la, sa ke naḗa omla pan imimi. ?Suri nene na sanape na sanene?’

<sup>13</sup> “Ana yerikawa nene pisatam̄e naga, pisape ‘Mara, in na pe nekila kare ko re nene poli. Italua tepranar ḗisi rui, tesape ko oyuḗa e legiena wetelu ve taaga nene, ana tesape ḗisi na nowul ko torokin ga kionia yuḗaena nene.

<sup>14</sup> Ve sanene, popon ko ola kionia kilavaru ova ga uḗa. Naga kiau sitomena ga tai nene, naḗa kilavaru naḗa nemla pan ko, sineun nesape nela m̄ena ga marana ve taaga va la naḗa apimi mare ga.

<sup>15</sup> “?Ko ositom osape in na tapatete nekila sa naḗa inu sineunia, e kiau kilavaru? ?Sanape na ko opielue e yaru la naḗa nekila ke po pan la? Ana ḗakaiwa nini ḗisi e nene.’”

<sup>16</sup> Ana Yesu pisa make kiena visena e pogos nene, pisa pisape “Ana yaru la naḗa asirau, ḗisi na la asumo, a la naḗa asumo, ḗisi na la asirau.”

*Yesu pisawal kiena marena yam telu narui*

*Mak 10:32-34; Luk 18:31-34*

<sup>17</sup> Ana Yesu pa ke metava ma Yerusalem narui, ana pogos naḗa amial ke e mrapplepa apavini, naga pio kiena nalogena la lualima taaga pa lua apimi puna, ana pisi pan la, pisape

<sup>18</sup> “Amiu ayagogo ruruia. Nanagane ita tepa ke ma Yerusalem narui, naḗa ḗisi na ve ve piavi re, ḗisi na aligan Narina ne Yeririna e limana ne yerikawa lala kiena ne yaru wa lala, a amio navianena kiena ne navisaluaena m̄ena lala, ana ḗisi na la



nene la aliġere naga avisave ħisi na naga monar mare.

<sup>19</sup> Ana siraunia aligan naga e limana ne le Rom lala, naġa ħisi na la nene akirakirai viowa vania, a ħisi na la akoa naga, ana ħisi na asuaría naga e laki torovia vena mare. Ana pogos naġa naga mare pae, ana e kana legiena na telu, ħisi na Ntewa kilamalia sina naga.”

*Anenane Semes amio Yoane, naga piun suri tai tan Yesu*

*Mak 10:35-40*

<sup>20</sup> Ana wona ne Sepeti, naga ħere narila luwoka nene naġa Semes amio Yoane, apimi puna ne Yesu. Sira nene kinai e lana Yesu, piunia pisape “Inu sineunia nesape otamñan suri tai van inu.”

<sup>21</sup> Ana Yesu pisatarñe naga, pisape “?Ana ko sinomñan osape oviun ya?”

Sira nene pisatarñe, pisape “Inu sineunia nesape otamñan sanini: pogos naġa ko ovisirlua kioñia nasuġenena, ħisi na naruu la luwoka nene akilia atotano amio ko e kioñia yo wa naġa metava lavisin ko, tai e lepas nen lumomña na ħamarua, a tai e lepas nen lumomña na ħameli.”

<sup>22</sup> Ana Yesu pisatarñe la, pisape “Amiu pe akilia re suri naġa apiun ke ne poli. ? Sanape, amiu lua nene asitom asape amiu lua atorokin naġa ita tomunpae e piala naloge viowaena nene naġa inu monar nomun ea?”

Lalua apisa pania, apisape “Ee, imimi lua metoroki.”

<sup>23</sup> Ana Yesu pisa pan la luoka, pisape “Ee, lelaga naġa ħisi na amiu luwoka amun mña ga e mñau piala naloge viowaena nene, ana suri nene naġa amiu lua apiunia, apisape amiu lua atotano amio inu e lepasneu luwoka, suri nene naga pe kiau re naġa nela van amiu poli. Yo la ne sanene, kiena ne la ga naġa kau Ata naga kila ruru pe kiela, a naġa naga pisaar ħisi rui pisape ħisi na la atotano ea.”

*Narina ne yeririna pimin vena yuñae kiena yaru lala*

*Mak 10:41-45*

<sup>24</sup> Pogos naġa nalogena taġena la lualima nene la amloge suri nene, naġa wolai lalua nene Semes amio Yoane apiunia, ana la sinela kari lalua.

<sup>25</sup> Ana Yesu pio la, vena aimi puna, vena naga visi van la, ana naga pisa pisape “Ita tekilia rui ħelaga kiena ne yaru la naġa pe amlelaga re e Ntewa poli. Ita tepisu mña naġa suġe lala amio yerkawa lala na yomarava nini, la sinelan asape amñareran yaru taġena lala vena asu vatanon la silaga.

<sup>26-27</sup> Ana amiu kiau nalogena lala, kiamiu ħelaga monar ve ve sa re nene. Visae amiu yaru tai sinenan sape imi ve kiamiu yerkawa tai pona kiamiu nasumonena tai, kana mrapa nena sanini: yaru nene monar imi ve sa ga yaru na yuñae kiamiuena tai.

<sup>28</sup> Narina ne Yeririna naga kila sanene ħisi rui, naġa naga pe pimin re naġa vena yaru la akila yuñae naillaen naga poli, ana naga pimin vena naga yuñae vena illaen lala, a vena tamñan kiena malena vena ul plan yaru la ve moki.”

*Yesu kila ruru kilamarakata lua*

*Mak 10:46-52; Luk 18:35-43*

<sup>29</sup> E pogos nene, Yesu amio kiena nalogena lala asike garu Seriko, ana pogos naġa amligan e pulkumali nene apano, ana yeririna la moki paġisi naġa ataveve la.

<sup>30</sup> Ana kilamara kata la lua, naġa lalua atomña tano e isinen mraplepa. Ana pogos naġa lalua amloge naġa apisape Yesu mial ke e mraplepa pimi, lalua apio ke asape “! Suġe-o, ko lus kiena ne Tepet, imimi lua mesape ko sinerña ye imimi!”

<sup>31</sup> Ana yaru taġena lala apisin sine-mimien pan lalua nene, apisa apisape “Ee, amiu lua nene amñaga.”

Ana lalua apio manene la, asape “! Suġe-o, ko lus kiena ne Tepet, imimi lua mesape ko sinerña ye imimi.”

<sup>32</sup> Ana Yesu suñalu su mrapa e yo nene, pio lalua, pisa pisape “?Amiu lua sinemiun asape nekila ya ne van amiu?”

<sup>33</sup> Ana lalua apisatarñe, asape “Suġe, awis, imimi lua sinemimien mesape kilamaramimi la imi wo, vena mekilia mekirava.”

<sup>34</sup> Ana Yesu sinen mie la, ana tol kilamarala, ana lalua apisu ruru ke ga suri e pogos nene, a lalua asumñalu ataveve Yesu apano.

## 21

*Yesu pimi tol yo Yerusalem*

*Mak 11:1-11; Luk 19:28-40; Yoane 12:12-19*

<sup>1</sup> Nanagane, Yesu lala apami lavisin Yerusalem narui, ana la amñalivi e narin pulkumali tai sumo, kiena kia Petpas, naġa teke e kunus nene naġa la apio asape Kunus Na Purolip. Ana Yesu miila kiena nalogena la lua, pisape

<sup>2</sup> “Amiu lua ava e pulkumali na gare, a mesmesu e pogos naġa ava loyurña ea, ħisi na amiu lua avisu togki tai, naġa amñatear sike na, naga amio narina. Ana amiu lua aluġar plan la, a amiu aure ga la luoka aimi pun inu e nini.

<sup>3</sup> Ana visae amiu lua aloge yaru tai visi van amiu, p̄isi na amiu lua avisa ga vania, avisave 'Suḡe na sinenan suri mali lalua nini vena ava akila kiena yuḡaena tai wa,' ana pogos naḡa amiu lua avisa sanene, naga kilia taḡan lalua aimi veraga."

<sup>4</sup> Suri nene pimi ḡarpoyo vena kila visena nene kiena ne navisawalena nanua sumo vim ve lelaga, naḡa naga pisa pisape  
<sup>5</sup> "Amiu avion va le Saeon lala, avisave 'Amiu apisu ke ne, nanagane kiamiu ḡarin suḡe pam ke pun amiu narui.

*Naga pe yaru tai naḡa kiena sitomena to ga tano, kila naga kus ga togki, togki tai naḡa ve tokaki ga, naḡa pe ninus ke ga wa.'* " Sek 9:9

<sup>6</sup> Ana nalogena lalua nene apano, ana lalua akila sa naḡa Yesu pisa.

<sup>7</sup> Ana pogos naḡa lalua aḡere togki nene amio narina apimi, ana lala aḡatetae ḡala kulkota lala e wos nen togki lalua nene, ana Yesu naga pa totano meta e navetokak.

<sup>8</sup> Ana yaru la mokliu naḡa aḡatetae ḡala kulkota lala suvileviles nen mrapplepa, ana yaru laḡasia apa ate ḡamḡela lala pitomi aḡatetae ḡena ga, vena togki kiena ne Yesu yali ea. Ve sanene, akila sa naḡa la apatanon Yesu sa naḡa naga pe pupia ḡarin suḡe tai.

<sup>9</sup> Ana la amial ke apano vena ava loyuḡa Yerusalem, ana ḡina na yeririna la naḡa asumon Yesu, amio la naḡa asiraunia, asuḡa apiovionia sanini, apisa apisape "!'A ke suwala, po na po! 'Teyeluar naga naḡa pe lus kiena ne Tepet tai nene!

*!Ntewa na mava, ko ovisa ruru naga nene naḡa pimi e kioḡa kia!*

*!Amiu nae ma e peni metava amiu ḡena ga ayeluar naga!"* Yauena 118:26

<sup>10</sup> Ana pogos naḡa Yesu pa loyuḡa e Yerusalem, yaru lala sinela pulaula, ana la asuḡa akila ke visena la moki, asuḡa apiuviunia, asape "Yaru nene naga ai?"

<sup>11</sup> Ana yeririna la naḡa apimi amio Yesu, la apisataḡela sanini, apisa apisape "Nanene na navisawalena nene naḡa naga molue e pulkamali nae Nasaret garu Kalele, naḡa kiena kia Yesu."

*Yesu ḡene plan la naḡa asuḡa apuliwilin ke suri e Yuḡa Wa ḡana ne Ntewa Mak 11:15-19; Luk 19:45-48; Yoane 2:13-22*

<sup>12</sup> Ana Yesu pa e Yuḡa Wa ḡana ne Ntewa, a e pogos nene naga pisa sane yaru la moki liu naḡa la asuḡa e kopkop na yuḡa nene. La nene la asuḡa akila ke ga yuḡaena lala natauluen kilavaru, naga nene e lepas nalaena lala a e kuḡaḡaena na Yuḡa Wa nene, ana la asuḡa akila kewia ke ga yaru lala. Ana pogos naḡa Yesu

pisa suri nene, naga pe kekanan re poli. Ana naga pa ḡene plan la, naga kawepu narin varvara kiena ne yaru na keueen kururu varu lala, a naga koantetai lele na totanoena kiena la naḡa apuliwilin ke kupa lala.

<sup>13</sup> Ana naga pisa pan la, pisape "Ntewa pisa e kiena Visena Wa, pisape 'Pisi na la avisa ḡau Yuḡa Wa avisave naga yuḡa na leniena,' ana amiu apilon ḡisi pimi sa ga puluve ḡana yaru na vinauena la narui."

<sup>14</sup> Ana pogos naḡa Yesu sike e Yuḡa Wa nene na wa, kilamara kata lala amio lalua lala apimi puna, ana naga kila ruru la sina.

<sup>15</sup> Ana yerkawa lala kiena ne yaru wa lala, amio navianena na navisaluaena lala, apisu yuḡaena wo kiena ne Yesu la nene, a amloge ḡena ga naḡa sisi lala asuḡa ga apiovion ke ga wa, asape "!'A ke suwala, pona po! Teieluar naga naḡa naga pe lus kiena ne Tepet nene!" ana yerkawa la nene sinela mimi manene la.

<sup>16</sup> La sinela mimi sanene, ana la apisa pa Yesu, apisape "E sanape, ko omloge ḡa visena naḡa la asuḡa apisa ke ne?"

Ana Yesu pisataḡe la, pisape "Ee, nemloge ḡa ne. ?Ana sanape, amiu asitom ke asape visena nene piowa ga? Pona pe apuloli re Visena Wa kiena ne Suḡe naḡa pisa, pisape

*'Ntewa o, ko okilia okila nin sisi kokan lala, amio ḡena sisi tomtom lala, amieluar ruru ko paḡisi.'* " Yauena 8:2

<sup>17</sup> Ana Yesu mligan la nene, molue ke sina ga petan Yerusalem, pa e narin pulkamali naḡa Petani, pa mono ea.

*Purlaki tai naḡa pe ḡar re mras poli Mak 11:12-14,20-24*

<sup>18</sup> Ana Yesu mon ḡa e nene, ana yemlagi kolulagi naga pisape wasuḡe sina va Yerusalem, a naga suḡa mial ḡa pavini, ana naga mloge sane viso karia.

<sup>19</sup> Naga kira pa e isinen mrapplepa, naga ḡal purpiliva tai, naḡa naga ḡas ga moki, ana pe mras su re e poli. Ana Yesu pisa pa purlaki nene, pisape "Ko ove owar re si mrasnoḡa pogos tai." Naga pisi sanene, ana veraga ga purpiliva nene mano taḡa nenaga.

<sup>20</sup> Nalogena lala apisu naḡa purlaki nene pimi mano sanene, ana sinela kurkur paḡisi. La apiun tai Yesu, apisape "Yane kila purpiliva nene mano ke veraga sanene?"

<sup>21</sup> Ana Yesu pisataḡe la, pisape "Lelaga nevisa van amiu, visae amiu aviawa ḡarera e inu, naḡa amiu kiamiu sitomena ve veve lua re, ḡisi na amiu ḡena ga akilia akila sanene, a pisi na amiu akilia akila

mēna ga va re laa na wa taulu nene. Sane visae amiū avisa va pupia kunus nene, avisave 'Osuñalu otove oula ova e sive,' p̄isi na ve sanene narui.

<sup>22</sup> A visae amiū aviawa kawa e Ntewa, naḡa amiū alelaga kemua lelaga, p̄isi na amiū akilia atol suri ya naḡa amiū amlen vanonia, amiū aviun tan naḡa."

*Nasumonon le israel lala sinelan asape avisaluḡar Yesu*

*Mak 11:27-33; Luk 20:1-8*

<sup>23</sup> Ana Yesu ḡasuḡe si pa loyūma e Yuḡa Wa Mana ne Ntewa, ana naga pa suḡa pian ke sina ga yaru lala. Ana yerkawa kiena ne yaru wa lala, amio nasumonena lala kiena ne le Yu lala, apimi puna, apiun tania, apisape "'?Ko osuḡa okila ke suri la ne sanene e yo nini e kia kiena ai, a a mēna ga naḡa tañan ko sape okila ve sanene?"

<sup>24</sup> Ana Yesu pisatañe la, pisape "Poga ga, ana inu mēna ga nesape neviun naviunena tai van amiū wa. Visae amiū avisatañe ruru kiau naviunena nene, p̄isi na nekilia nevisawal van amiū sanape naḡa nekilia nekila ve sanene.

<sup>25</sup> Poga ga, kiau naviunena sanini narui, sape: ?Nakeena naḡa Yoane naga kila mare ga nanua e yaru lala, naga suri tai naḡa Ntewa naga pisa pania pisape naga monar kila, pona yaru ga la apisa pania?"

Ana naviunena nene kiena ne Yesu kila na la apisi ga pan la narui, naḡa la asuḡa apisa apisape "'?P̄isi na ita tevisa sanape na vania? !Tevisuaruruia! Visae ita tevisa tevisave nakeena nene Ntewa naga pisa pa Yoane, p̄isi na yaru nene viun si tan ita, visave vanon ya ne ita pe temlelaga re e Yoane poli.

<sup>26</sup> Ana siraunia ita taḡatete si tevisa tevisave nakeena nene, yaru ga la apisa pa Yoane, vanon naḡa yeririna la nene la amlelaga ke m̄arera p̄isi rui, asape Yoane nene naga pe navisawalena na lelaga tai kiena ne Ntewa, ana pe pon re yeririna la nene sinela kar ita poli."

<sup>27</sup> Ana kiela sitomena la ne sanene narui kila la apisatañe Yesu sanini, apisa ga apisape "Imimi memninue ga."

Ana Yesu pisa pan la, pisape "Visae sanene, p̄isi na inu mēna ga, taḡatete nevisa van amiū nevisave ane pisa pan inu pisape nekila yuḡaena la ne sanene."

*Pakaiwa kiena ne yaru tai amio narina lalua*

<sup>28</sup> Ana Yesu pisa pan la, pisape "Amiū asitomli suniena nini. Yaru tai, narina na yerñene lua, ana yaru nene pa pisu narina naḡa m̄earu, pisa pania, pisape 'Naruu,

sineun nesape ḡane na ko ova oyum̄ae e kata lokilm̄asm̄as.'

<sup>29</sup> "Ana narina nene pisatañe, pisape 'Peraga, yepemavi.' Ana pe piavi re poli, yaru viū nene sitom si arimana, ana naga pilon kiena sitomena, ana pa miyūmae sa naḡa arimana pisa pania.

<sup>30</sup> Ana arimana ne lalua nene naga sitom ke sape p̄isi na narina nene taḡatete va yo, ana pisa si visena nene pan narina nasirau, ana narina nene pisatañe ruruia, pisape 'Poga ga ata, p̄isi na neva ke nanagane ga ne,' ana siraunia, ana naga pe pa re si poli."

<sup>31</sup> Ana Yesu piun tan la, pisape "'?Lalua nene, ane kila sa naḡa arimala sinenania?"

Ana lala apisatañe, apisape "Mearu."

Ana Yesu pisa pan la, pisape "Ee, ana lelaga nevisa van amiū, nanagane na sanene narui. Inu nesuḡa nepisu naḡa yaru viowa la moki sane yaru na war-poloen takis lala, amio sira na mraplepa lala, la ke naḡa ape yeririna viowa la nene, ana nanagane la asuḡa akekaran ke naḡa vena aimi loyūma e nasuḡenena kiena ne Ntewa, la asuḡa apilon la ke rui. Ana nepisu sane amiū asike la varaun la, asike la perina paḡisi wa.

<sup>32</sup> Ana pogos naḡa Yoane Nakeena naga pimi, naga pian amiū e ḡelaga na mrapa naḡa mesmesu, ana yeririna viowa la nene amlelaga e naga. A amiū mēna ga, amiū apisu suri la nene, ana amiū na pe apilon amiū re lelaga poli, a pe amlelaga re nenaga."

*Pakaiwa na yeririna viowa la naḡa apisuar lokilm̄asm̄as tai*

*Mak 12:1-12; Luk 20:9-19*

<sup>33</sup> Ana Yesu pisi ke pan la na wa, pisa pisape "Amiū ayagogon ruru si ḡakaiwa taḡena nini, naḡa pisayu yerkawa tai, amio kiena lokilm̄asm̄as tai. Yaru nene kila ruru kiena yo nene naḡa kila kove m̄arera tai telivi piora ea, a kila kana lelana navieplanen was nen m̄asm̄as, a kila mēna kana lele tai naḡa pa metava naḡa yaru kilia wiyu va se ea, vena visuar lokilm̄asm̄as nene.

"Ana e pogos tai, yerkawa nene sinenan sape yalor re va e purvanua taḡena tai, ana naga mligan kana lokilm̄asm̄as nene e limana ne yaru la ḡasia ayuḡaenia, ana aul vania.

<sup>34</sup> Ana yerkawa nene pa suḡa perina pano-o, ana naga pisu kilale pisape nanagane pogos na mram̄asm̄as marua narui. Ana naga mligan kiena yaru la ava si puna ne la naḡa asike e kana lokilm̄asm̄as nene vena awar kiena kilavaru na mras nen

māsmāas kompāsia, naḡa la nene monar aul vania.

<sup>35</sup> Ana poglis naḡa kiena yaru la nene apimi, ana yaru taḡena la nene aḡe la, naḡa tai la aḡe ga naga, a tai asuḡnar naga mare, a taḡena sina akoveḡnar naga mare.

<sup>36</sup> “Ana yerkawa nene mligan si kiena yaru taḡena laḡasia, ana la moki la sane, ana la naḡani akila si ḡelaga maran taaga sa ke ga pan la.

<sup>37</sup> Ana yerkawa nene sitomyu ḡelaga kiena la nene, ana naga pisape ‘Inu monar neligan ga naruu vano, ḡisi na monar avatanon naga,’ ana naga mligan narina wawa napo nene pano.

<sup>38</sup> Ana pogos naḡa apisu naga, asuḡna apisavisa pan la, apisape ‘Naga nene na narina ne yerkawa ke narui. Yaru ke nanene narui, naḡa visae yerkawa nene kovio, ḡisi na naga ke narui naga kus porotano nene sane lalimana ne arimana. Popon ita toweḡnar ḡena ga naga mare, ana ḡisi na ita ga tekilia tokus porotano nene ve kieta.’

<sup>39</sup> Ana sanene narui atarar naga, aḡure lua naga petan lokilmāsmāas pa vanua, ana aḡeḡnar naga mare.”

<sup>40</sup> Ana Yesu piunia, pisape “?Pogos naḡa yerkawa nene imi sina, ḡisi na naga kila sanapen la naḡa asuḡna apisuar ke kiena lokilmāsmāas nene?”

<sup>41</sup> Lala apisatarḡea, apisape “Yaru viowa la nene, ḡisi na yerkawa nene weḡnar la, monar amare e ḡelaga tai naḡa ḡarera viowa vaḡisi. Siraunia, naga ligan kiena lokilmāsmāas e limana ne yaru wo taḡena lala, naḡa ḡisi na akilia auli mesmesun vania e kana pog nena.”

<sup>42</sup> Ana Yesu pisa pan la, pisape “Visena tai teke e Visena Wa kiena ne Ntewa, pisape

*‘Kilavaru nene, yaru na yuḡaenen yuḡa lala, apisa apisape piowa ga, akoven rui.*

*Ana nanagane, kilavaru nene pimi pe kilavaru wo na mrapun yuḡa, naḡa uarar yuḡa ḡarera.*

*Suri nene, naga Ntewa ga kila, a imimi mepisuia na po papisi.’ Yauena 118:22*

“?Visena nene na amiu apuloli ḡa pogos tai rui, pona peraga yo?

<sup>43</sup> Inu nevisa van amiu, ḡisi na Ntewa lalua kiena nasuḡpena vetan amiu, ana ḡisi na la va yaru taḡena lala naḡa kiela malena lala kilia war mras wo lala, torokin naḡa asike loyuḡa ea.

<sup>44</sup> “Ana visae yaru tai loru e kilavaru nene, ḡisi na si kare naga vaḡisi, tasnena wororowa make ga, pona visae kilavaru nene loru e yaru tai, ḡisi na kilamumu yaru nene kila kare naga vaḡisi.”

<sup>45</sup> Ana pogos naḡa yerkawa kiena ne yaru wa lala amio Varasi lala amloge ḡakaiwa kiena ne Yesu la nene, akilia naḡa naga suḡna pisayu la ke sanene.

<sup>46</sup> Kila narui lala sinela kar naga, sinelan asape auarar naga, ana akila ḡele ga komige amaraun manene laa ḡina ya yeririna la, naḡa amlelaga asape Yesu naga navi-sawalena kiena ne Ntewa tai.

## 22

### *Pakaiwa na ḡaḡagena na talopaena*

*Luk 14:15-24*

<sup>1</sup> Ana Yesu pis sina ga pan la e ḡakaiwa, pisa pisape

<sup>2</sup> “ḡelaga kiena ne Ntewa naḡa pio yaru lala apimi loyuḡa e kiena nasuḡpena sanini: Parin suḡe tai kila ruru pupia kinanena tai e ḡaḡagena na talopaena kiena ne narina.

<sup>3</sup> Naga piun tan yaru la moki rui naḡa yoko aimi e ḡaḡagena na talopaena nene, ana pogos naḡa mligan kiena yaru na yuḡaena lala vena ava aure la nene aimi, ana la nene yepel mavin si imiena.

<sup>4</sup> Ana ḡarin suḡe nene pisa pan kiena yaru na yuḡaena taḡena lala, pisape ‘Amiu towe awasuḡe amiu ke sina ga avano, vena avisa kiau visena nene van la, avisavenua ita toḡe puluk la rui, amio ḡena ga suri mali taḡena lala naḡa amlapa ruru po, ana suri punu ga lala e kinanena nene tekila ruru la pa rui. Avisava van la avisave monar aimi lele taaga amio ita e ḡaḡagena nini.’

<sup>5</sup> “Ana la apa apisa pan la sanene, ana la nene asitom korenan ga visena kiena ne ḡarin suḡe nene, lala sinelan asape asuḡna akila ga suri naḡa la sinelania. Tai pa kana lokove, a tai suḡna ga pisuar ḡa kiena yuḡa na wilwilenen suria,

<sup>6</sup> a laḡasia apuarar yaru na yuḡaena kiena ne ḡarin suḡe la nene, akila piowa pan la, ana aḡemomḡar la.

<sup>7</sup> Ana ḡarin suḡe nene sinena mimi, ana mligan kiena li na mara lala apano, ana aḡe yeririna viowa la nene amarmare, a asikapi kiela pulkumali.

<sup>8</sup> “Ana ḡarin suḡe nene pisa pan kiena yeririna lala, pisape ‘Kinanena nene tekila ruru ḡisi rui, ana la naḡa nepio la ḡisi vena aimi ea, la pe pon re si aimi poli narui, teligan la.

<sup>9</sup> Ana inu sineun nesape amiu ataveve narin mrapa taḡena lala, ana yaru ai la naḡa amiu alualia, avio la vena aimi e ḡaḡagena nini.’

<sup>10</sup> Ana kiena yeririna lala apano akila sanene, aḡure yaru la apimi, pe suri korena ga naḡa visae yaru wo lala pona yaru

viowa lala, aimi ga sanene vena akokonia ruru yo na p̄ap̄agena nene.

<sup>11</sup> “Pogos naḗa la asike loyũña e yo nene, ana p̄arin suḗe nene pimi vena talopan la naḗa apimi, ana e pogos nene naga pisa lala yaru tai, naḗa pe miyen re moña kulsota wo naḗa torokin p̄ap̄agena poli, mien ga kulsota tai naḗa pe taḗena ga.

<sup>12</sup> Ana p̄arin suḗe nene piun tan yaru nene, pisape ‘?Mara, ko opimi loyũña e yo nini sanape, naḗa ko pe omiyen re moña kulsota wo na p̄ap̄agena poli?’ Ana yaru nene pe pisa re si suri tai pan poli.

<sup>13</sup> Ana p̄arin suḗe nene pisa pan kiena yaru na yũñaena lala, pisape ‘Amiu aviari ruru limana luwoka amio lana luwoka, ana amiu akoven naga va vanua, e yo malolo, e yo naḗa p̄isi na naga suña taglue, a suña kar luen ga maluena ea.’”

<sup>14</sup> Ana Yesu pisa, pisape “Ntewa naga pio yeririna la punu ga, ana ve pe moki re naḗa naga wereplan la ave kiena.”

*Suri kiena ne Ntewa a suri kiena ne Sisa*  
Mak 12:13-17; Luk 20:20-26

<sup>15</sup> Ana Varasi lala apanon ataḗali naḗa alual naviunena m̄arera laḗasia vena ataḗali Yesu ea, naḗa naga visatañe ḗele ga.

<sup>16</sup> Lala apisayu m̄aga pano-o p̄isi narui, ana lala mligan kiela nalogena laḗasia amio m̄ena ga laḗas e ḗegas kiena ne Erot, apimi puna ne Yesu. Ana la nene akila kotalia naga e visena wo lala, la apisa apisape “Navianiena, imimi mekilia naḗa ko ope yaru mesmesu tai. Kioña visena lala punu ga pe lelaga, a ko opian ke yeririna lala e ḗelaga naḗa Ntewa naga sinenania. Ana ko pe opisu re ga yaru laḗas po poli, ana ko opisu yeririna punu ga marana taaga ga.

<sup>17</sup> ?Suri ne nanene narui, imimi mesitom mesape ko ovisali van imimi, naḗa kieta navisaluena pisa sanape? ?Pisa pisape, mesmesun ga naḗa ita le Yu lala toul takis va Sisa, naḗa pe p̄arin suḗe kiena ne le Rom lala, pona pe mesmesu re na sanene poli?”

<sup>18</sup> Ana Yesu kilia m̄aga naḗa la sinelan asape akila kare naga, ana naga pisa pisape “Kiamiu visena lala po naḗa po, ana losinemiu lala piowa a kona rui. ?Amiu asuñña ataḗali inu ke sanene vanon ya?”

<sup>19</sup> Poga ga, amiu ala kilavaru na ulen takis tai imi.”

Ana amla tai pimi, akian pania,

<sup>20</sup> ana Yesu piun tan la, pisape “?Ane marana na teke e narin kilavaru nene? ?A ane kiena kia nene?”

La apisa apisape “Marana ne Sisa nene, a kiena kia m̄ena ga.”

<sup>21</sup> Ana naga pisa pan la, pisape “Poga ga, suri naḗa kiena ne Sisa, amiu ala va Sisa, a suri naḗa kiena ne Ntewa, amiu ala va Ntewa.”

<sup>22</sup> Ana pogos naḗa la amloge visena nene, amilan paḗisi, ana amligan Yesu aḗure apano.

*La naḗa amare, p̄isi na amal sina*

Mak 12:18-27; Luk 20:27-40

<sup>23</sup> Ana e ke e legiena nene narui, le Satusi laḗas apimi puna ne Yesu, la sinelan asape aviun suri tai tan naga e lepas naḗa lala amlelaga m̄arera ea, naḗa la amlelaga asape yaru la naḗa amare, taḗatete amal sina e legiena maro. Vanon suri ne nanene apiun tan Yesu sanini, apisa apisape

<sup>24</sup> “Yesu, ko naḗa ope navianena, imimi sinemimi mesape meviun tan ko, mesape sanape e visena tai naḗa yermarua Mosis pisa nuanu sumo. Naga pisa pisape visae yaru tai mare tan wona, naḗa pe narila re poli wa, naga wenla monar talopa sina amio letano nene vena ve wona. E ḗelaga nene, p̄isi na sira nene kilia war narila tai, vena uarar kia kiena ne wona na yerñene naḗa mare ne, vena kia nene mali m̄aga.

<sup>25</sup> Poga ga, ana e uña tai pun imimi, welelai la olua. Kiela m̄earu talopa, ana naga pe narina re tai poli wa ana naga mare tan wona, ana wenla nasiraunia ḗere leinia pe wona.

<sup>26</sup> Ana wenla nene naga mare tan m̄ena ga, a welelai na telu kila m̄ena ga sanene, pano-o tol welelai na olua, la punu ga amare tan sira nene.

<sup>27</sup> A siraun e wona la punu ga, sira m̄ena ga nene mare.

<sup>28</sup> ?Ana ko ovisali suri nene: e legiena maro, pogos naḗa apisa ke apisape p̄isi na yaru la amal sina, p̄isi na sira nene na ve wona ai, vanon naḗa naga talopa amio punu welelai la olua nene p̄isi rui?”

<sup>29</sup> Ana Yesu pisa pisape “Peraga, kiamiu sitomena pa pe wowe la, vanon naḗa amiu pe akilia re ya naḗa Visena Wa kiena ne Ntewa pisa poli, a amiu pe akilia re m̄ena ga ya naḗa naga kiena nam̄areraena keviu kilia kila poli.

<sup>30</sup> Pogos naḗa yaru lala amal sina, p̄isi na lala ave saga navisi kiena ne Ntewa lala ma e peni narui, ana p̄isi na ve akila re si suri nene natalopaena.

<sup>31-32</sup> ?A e lepas na malena si nene, ana Visena Wa tai kiena ne Ntewa suña ga naga kilia iila ita e nene, pona amiu na pe apuloli re poli yo wa? Visena nene pisa sanini, pisape ‘In na nepe Ntewa kiena ne Epraam, Aisak, a Sekop.’ ?Ana visena nene pisa ya? La telu nene la amare e yomarava nini nakonua rui, ana kas moki na moki

řaro rui, ana Ntewa pisa ga visena nene na wa, nařa pisape naga pe kiela Ntewa. Sanene na kiena visena naga kana kinasia sape la telu nene la amare e yomarava, ana la amal kemua puna na wa. Ntewa pe sinenan re sape kiena yeririna lala la ave yaru nařa mare la poli, ana naga sinenan sape naga ve Ntewa kiena ne yeririna la nařa la amali."

<sup>33</sup> Ana pogos nařa řina na yeririna lala amloge visena kiena ne Yesu nene, la amilan suri lala nařa naga suřa pian la ke ea.

*Navisaluaena na keviu lua*  
*Mak 12:28-34; Luk 10:25-28*

<sup>34</sup> Ana pogos nařa Varasi lala amloge nařa Yesu kila Satusi lala pe akilia re si suri tai nařa avisa poli, ana la akila narin viorena tai řisi, ana apimi puna Yesu, la řena ga asape akilalia.

<sup>35</sup> Ana la yaru tai, nařa la apisu sane naga pe manmarua ruru e Navisaluaena, naga piun naviunena tai pan Yesu, pisape

<sup>36</sup> "Navianena, inu sineun nesape ko ovisawal li, ovisave e visena la punu ga nařa sike e kieta Navisaluaena, nape nařa keviu, a to metavan la tařena la sane?"

<sup>37</sup> Ana Yesu pisa pania, pisape "Visena Wa pisa sanini, pisape 'Ntewa na mava nařa naga pe kionřa Ntewa, ko monar ositom naga e losinemřa wetelu, a e kionřa malena wetelu, a e kionřa sitomena wetelu.'

<sup>38</sup> Nanene naga pe navisaluaena řesia, a nařa naga keviu pařisi.

<sup>39</sup> A navisaluaena na lua nene nařa naga keviu řena ga sa ke ga nasumo nene, naga pisa sanini, pisape 'Ko monar ositom nalavis puřa lala, okila wo van la, ve sa ke nařa ko ositom ko řaga.'

<sup>40</sup> Navisaluaena la lua nene, ape purřes nen navisaluaena tařena lala kiena ne Mosis, amio řena ga visena kiena ne navisawalena lala, nařa asike e kieta Tusi Wa."

*Navisaarena naga pe Ntewa kiena ne yermarua Tepet*

*Mak 12:35-37; Luk 20:41-44*

<sup>41</sup> Ana e pogos nařa Varasi lala asike veraga amio Yesu sanene, naga řena ga piun naviunena tai pan la, pisape

<sup>42</sup> "E kiamiu sitomena lala, asape řisi na Navisaarena řalivi e lus kiena ai?"

Ana la apisatarnea, apisape "Pisi na naga ve lus kiena ne yermarua Tepet nene nařa naga pe řarin suře sumo."

<sup>43-44</sup> Ana Yesu piun sina ga tan la, pisape "Ee, nařa amiu apisa na pe lelaga, ana

sanape nařa Ninuna Wa sike e Tepet, ana Tepet pisi, pisa pisape

*'Ntewa na mava pisa pa kiau Suře, pisape "Ko ototano pun inu e lepas na řamarua, otomate řa vano-o, řisi na inu neli-gan kionřa nasinekar lala aimi ve sa narin takue na vilanvanen larĩa ea."*

*Yauena 110:1*

"E yo nene tepisu nařa Tepet naga suřa pio Navisaarena nene pisape Navisaarena naga pe kiena Suře.

<sup>45</sup> ?Ana vanon nařa Tepet pisa sanene, a sanapen nařa amiu apisa apisape Navisaarena nene naga molue ga e Tepet, ana naga pe kiena lus ga tai?"

<sup>46</sup> Ana pe yaru re si tai nařa kilia visa si navisatarnea tai va Yesu, a siar řena ga e legiena nene, pe yaru re si tai nařa kilali si Yesu e naviunena la poli.

## 23

*Yesu pisi řarera pařisi pa nasumonena lala nalotena*

*Mak 12:38-39; Luk 11:43,46, 20:45-46*

<sup>1</sup> Ana e pogos nene, Yesu pisi pa řina lala, amio řena kiena nalogena lala, pisape

<sup>2</sup> "Lelaga kemua nařa nanagane, navianena na navisaluaena amio Varasi lala, nařa la ke narui la akus lelana ne Mosis vena avisawal kinas nen navisaluaena lala kiena ne Ntewa.

<sup>3</sup> Ana visae ve sanene, ana amiu na monar alogear la, akila ve sa nařa la apisa. Ana amiu na ve ataveve re kiela řelaga lala, komin nařa pe akila re suri la nařa la asuřa apisa ke pa yaru tařena la poli.

<sup>4</sup> Ana la asuřa asikol ke si narin navisaluaena la moki nařa la ga akila, nařa řarera pařisi, nařa amiareran ke pa yeririna lala vena alogear la. Asuřa akila ke yuřaena la nene sa nařa akon ke suri la nařa urmi pařisi e yeririna lala, ana lala na pe akekaran re nenaga nařa vena aiila la na akuspae ga suri la nene.

<sup>5</sup> "Lala na ařarwar la manene la e kiela yuřaena lala wa, nařa lala akila ga vena aware kilamarana yaru tařena lala. Amiu apisu ke kiela narin pultaga la nene, nařa akon Visena Wa kiena ne Ntewa sike e la, nařa apiari e piamenala a e pilepile na limala. La asuřa sinelan ke asape kiela lala na monar ve kerkeviu vařisi, taulu yaru tařena lala. Amiu apisu řena ga nařa lala apil řala in kulsota na leniena lala piayavi pařisi. Ana la apilave manene la e suri la nene, a la sinelan ga asape yaru la ayeluar la ea.

<sup>6</sup> A e pogos na řařagena lala a e loyuřa na lotena řena ga lala, la sinelan nařa

silaga asape atoga tano e lelen yerkawa lala,

<sup>7</sup> a pogos naŋa visae la ayaloro e lelen na wilwilena, sinelan asape monar yaru lala avatanon la, a avio ruru la avisa avisave '! Oo navianena wo, pokolulagi!'

<sup>8</sup> "Ana amiu na, amiu kiamiu navianena taaga ga rui, a amiu na sa naŋa na mratava taaga ga, ana visae ve sanene na amiu ve atamian re si yaru lala avio amiu laŋas avisa avisave 'Navianena.'

<sup>9</sup> Ana ŋisi na amiu ve avio re yaru e yomarava nini avisave arimamiu, vanon naŋa amiu na Arimamiu na taaga ga, naŋa naga sike ma e peni.

<sup>10</sup> A ŋisi na amiu ve atamian re yaru la avio amiu laŋasia avisave amiu ave kiela nasumonena, komin naŋa amiu na, kiamiu nasumonena na taaga ga, naŋa Navisaarena nene.

<sup>11</sup> Kiamiu yerkawa ai naŋa naga to laa metava, naga monar imi ve sa ga yaru na yurŋae kiamiuena.

<sup>12</sup> Ana yaru ai naŋa naga ga pisirlua naga vena vim ve yerkawa, ŋisi na Ntewa kila naga sumŋa tano. Ana yaru naŋa naga ga kila naga sumŋa tano, ŋisi na Ntewa visirlua naga va metava."

*Yesu pisawal napiowaena kiena ne nasumonena nalotena lala*

*Mak 12:40; Luk 11:39-42,44,52, 20:47*

<sup>13</sup> Ana Yesu pisa pan la, pisape "! Amiu navianena na navisaluaena lala amio Varasi lala, ake! Amiu akila kare amiu paŋisi wa, ŋisi na viowa van amiu vaŋisi, komin naŋa kiamiu visena lala pona po, ana losinemi lala piowa a kona rui. Yaru la sinelan asape aimi loyurŋa e nasuŋpenena kiena ne Ntewa, ana amiu asurŋa akotawela ke ga e marala, vena ve aimi re si loyurŋa narui, a metavanja, amiu mŋena ga pe apimi re loyurŋa poli.

<sup>14</sup> "! Amiu navianena na navisaluaena lala amio Varasi lala, ake! Amiu na apiowa ga. Amiu na asurŋa aŋure piavin ke kiamiu leniena la paŋisi, ana apisokani ke ga ne, vanon naŋa e ke e pogos nene, amiu asurŋa akila kotalia ke letano la nene, vena avinaun kiela suri lala. Vanon suri ne nanene, ŋisi na kiamiu nakoena mŋarera re la sane.

<sup>15</sup> "! Amiu navianena na navisaluaena lala amio Varasi lala, amiu na amiyurŋae piowa ga! Amiu akekarana naŋa ayaloro e waa lala, vena ava e purvanua taŋena lala, vena akilali naŋa aure yaru lala ataveve amiu. Ana pogos naŋa amiu ataulu tai imi narui, ana ve ve piavi re naga la make

kiamiu ŋelaga naŋa piowa, va viowa la sane, taulu amiu sana.

<sup>16</sup> "!Ake, amiu na sumonena lala, na ape kilamara ŋala ga lala! Akila kare amiu paŋisi wa, ŋisi na viowa vaŋisi van amiu. E pogos naŋa yaru lala apisa kia kien suri tai vena kila kiela navisaarena sumŋalu mŋarera, visae avisa avisave 'Nepisa lelaga nene, Yurŋa Wa mŋana ne Ntewa na mŋeke ne,' ana sirauun, visae akilaro sina navisaarena nene, amiu apisape 'Nanene na naga poga ga nene, ve ve suri re tai.' Ana visae avisa avisave 'Nepisa lelaga, suri la naŋa pe kol, la ne asike e Yurŋa Wa mŋana ne Ntewa ne,' amiu apisa apisape visena nene na mŋarera paŋisi, taŋatete si akilarovia.

<sup>17</sup> Aa, amiu na kilamaramiu ŋala ga, a ŋarimiu pe wowe. ?Ya ne pe suri wa manene la sane: suri la naŋa pe kol nene, pona Yurŋa Wa mŋana Ntewa naŋa kila kol nene pe suri wa tai?

<sup>18</sup> "A visae yaru tai visa visave 'Nepisa lelaga nene, wonta na mŋeke ne,' amiu apisa apisape visena nene pe suri korena ga. A visae naga visa visae 'Nepisa lelaga nene, kuŋaŋaena nane mŋeke e wonta,' nanagane amiu apisa apisape visena nene naga mŋarera paŋisi, yaru taŋatete kilarovia.

<sup>19</sup> !Sa naŋa nepisa rui, amiu ape kilamara ŋala ga! ?Ya naŋa pe suri wo manenea: kuŋaŋaena naŋa mŋeke e wonta, pona wonta naŋa kila kuŋaŋaena nene pe suri wa tai?

<sup>20</sup> Amiu na monar avisu kilale suri la nene, vanon naŋa naga naŋa ki wonta vena kila kiena visena va mŋarera, naga sumŋa ki ke mŋena ga amio kuŋaŋaena naŋa sumŋa e wonta.

<sup>21</sup> A yaru naŋa ki ke Yurŋa Wa Mana Ntewa, naga ki ke mŋena ga yerkawa naŋa mŋana yurŋa,

<sup>22</sup> a yaru naŋa ki ke pa ma e peni, naga sumŋa kipran ke mŋena ga lele natotanoena wa kiena ne pupia Parin Supŋe keviu nene, ana visae ve sanene, naga sumŋa ki mesmesun ke nena Ntewa narui.

<sup>23</sup> "! Amiu navianena na navisaluaena lala, amio Varasi lala, ake! Amiu akila kare amiu paŋisi wa, ŋisi na viowa manene van amiu vaŋisi. In na nekilia mŋaga naŋa amiu asurŋa apisu ruru ke silaga, naŋa visae amiu awar kiamiu kinanena ve lualima, ŋisi na monar ala tai va e Yurŋa Wa mŋana ne Ntewa, sa naŋa navisaluaena naga sumŋa pisa, a amiu asurŋa akila ke sanene e kiamiu suri punu ga, pona tol mŋena ga narin mŋak lala a suri mŋena ga la ne sane mrasil. Ana pupia suri la

naþa navisaluaena naga pisa, ana amiu na pe asitom re nena ga, sa naþa naga pisa pisape amiu na monar amesmesu ruru wo, a amiu monar asitom yaru taþena lala, a amiu monar auarar kiamiu navisaarena lala. Visae amiu sinemiun awarar narin suri la ne sanene m̄arera, nanene na poga ga, ana pupia suri la nene naga popon visae amiu akila rui, ana peraga.

<sup>24</sup> “!Amiu nasumonena lala, ake, amiu na ape kilamara þala ga! Amiu asuñia akila ke sa naþa pogos naþa amiu amun suria, ana amiu asitom manene la naþa ve akilalu re naþa akilalua narin neneno tai naþa naþa talilu pito teke e m̄amiu piala, ana amiu pe apisu kilale re naþa amiu asuñia asinomlaunlae ke puluk la naþa asike e poli.

<sup>25</sup> “!Amiu navianena na navisaluaena lala amio Varasi lala, ake! Amiu akila kare amiu paþisi wa, þisi na viowa van amiu vaþisi. Amiu asuñia ataveve ruru ke narin navisaluaena lala e lepas na kevanen m̄amiu piala amio kiamiu pialo lala, ana amiu asitom ke asape kiamiu suri punu ga mekiki ruru narui. Ana kiamiu pialo la nene punu ga pulen ga kinanena na vinauena naþa amiu aþar e þelaga na sinesunena ga lala.

<sup>26</sup> Amiu Varasi lala, amiu ape kilamara þala kemua lelaga. Visae amiu sinemiun asape kiamiu pialo amio m̄amiu piala lala imi ikiki ruru wo silaga, þisi na amiu ve akokonia la re si e kinanena la naþa kiamiu mlamulena viowa sike ea.

<sup>27</sup> “!Amiu navianena na navisaluaena lala amio Varasi lala, ake! Amiu na akila kare amiu paþisi wa, þisi na viowa van amiu vaþisi. Amiu na sa ga tampona na yaru naþa mare, naþa amioa wosia miyuwowo na miyuwowo ruru po paþisi, ana e losa na pulen ga puriu na yaru mare nene, amio tasnena naþa menun ke na wa.

<sup>28</sup> A sanene, na visae pogos naþa yaru la apisu ke yepas nemiu vanua, þisi na lala asitom ke asape amiu na amesmesu ruru ke ne, ana peraga, e losinemiu lala na apuleni ga visokanena a mlamulena viowa lala.

<sup>29</sup> “!Amiu navianena na navisaluaena lala amio Varasi lala, ake! Sila ga na amiu asuñia apisi ke ga e kulugomiu. Amiu na asuñia ga apisuar ruru ke tampona kiena ne navisawalena na sumo lala, ana amiu asuñia ga apaia ke m̄ena ga kilavaru na nasitom̄alena kiena ne yaru mesmesu lala, ana sanape: ?Amiu na asitom ke asape amiu amesmesu ruru m̄ena ga amio la nene?

<sup>30</sup> A amiu asuñia apisa ke apisape visae amiu amal ke rui e pogos kiena ne repimiu la na nanua sumo nene, vera na amiu ve amio re la nene e pogos naþa la añie mon̄ar navisawalena lala kiena ne Ntewa.

<sup>31</sup> Ana e kiamiu visena na visokanena nene, amiu asuñia apisa kare amiu ke sina ga, vanon naþa visena nene, kana kinasia sane pisape amiu ape lus ruru nenaga kiena ne repimiu lala li nawemon̄aren navisawalena lala.

<sup>32</sup> Poga ga, amiu ayuñiaen va m̄aga, amiu akilali naþa akila make yuñiaena nene naþa repimiu lala la asiar þesan nanua sumo rui.”

*Nakoaena kiena ne li nasumonena nalotena lala*

*Luk 11:47-51*

<sup>33</sup> Ana Yesu pisi m̄arera ke pan la na wa, pisa pisape “Amiu na sa nena ga loñara lala. ?Amiu asitom asape amiu akilia aure matan kiamiu nakoaena e lele naloge viowaena? !Peraga!

<sup>34</sup> Pisi na visae neiila navisawalena lala aim̄asu, amio yaru lala naþa ape manmarua ruru e visena kiena ne Ntewa, amio navianena na navisaluaena lala, visae aim̄asu pun amiu, ana þisi na amiu awe mon̄ar laþasia amare e laki torovia, a laþasia amiu awela e kiamiu yuñia na leniena lala, a þisi na añiene plan la m̄ena ga e kiamiu pulkumali lala.

<sup>35</sup> Ana þisi na amiu akilalue ga ve sanene van la vano-o, ana þisi na amiu ke ga narui naþa akus nakoaena vanon marena kiena ne yaru mesmesu la punu ga nene naþa repimiu nasumo lala añie mon̄ar la amarmare rui. Nanene siar e Epela, naþa naga pe kila re suri tai piowa poli, pimi pimi tol Sakaraea naþa narina ne Parakaea, naþa repimiu la nene añien̄ar naga mare lavisin wonta, loyuñia e Yuñia Wa m̄ana ne Ntewa.

<sup>36</sup> Lelaga nevisa van amiu, nakoaena nene vanon nawem̄arena kiena ne la nene, þisi na imi tol amiu la nene, naþa amiu amal ke nanagane.”

*Yesu Sinena Mie Yerusalem*

*Luk 13:34-35*

<sup>37</sup> Ana Yesu tagin Yerusalem, naga pisa pisape “!Yerusalem oo, Yerusalem oo! ? Vanon ya ne ko osuñia oñie mon̄ar ke navisawalena lala amare sanene, a okove mon̄ar ke yaru lala naþa Ntewa mligan la apim̄asu puñia? Yam moki liu naþa inu sineun nesape neligan luñiau yervivi kiom̄a yeririna lala, sa naþa lakaporo þere



narina lala apimi atapolou vatano e ku-pena, ana kioña yeririna lala pe akekaran in re poli.

<sup>38</sup> Ana ko opisus ke ne, Ntewa mligan ko ke narui, ana řisi na ko oimi ove yo yau korena ga narui.

<sup>39</sup> Ana nevisa van ko, řisi na kioña yeririna lala tařatete avisu inu sina, vano vano tol pogos nařa kioña yeririna lala avisa sina ga sanene, avisave

'Ntewa Namava, ovisa ruru naga nene nařa pimi ke e kioña kia.' "

## 24

*Yesu pisawal nařa řisi na awe plan Yurña Wa Mana Ntewa*

*Mak 13:1-2; Luk 21:5-6*

<sup>1</sup> Ana Yesu molue e Yurña Wa mñana ne Ntewa, ana pogos nařa naga suña mial pano, kiena nalogena lala apimi akilologia pupia yurña la nařa asike loyurña e kove na Yurña Wa nene, nařa la apowo pařisi, ana la apisape Yesu kirařatau si visu la.

<sup>2</sup> Ana Yesu pisa pan la, apisape "¿Amiu apisu ke yurña la nene? Lelaga inu nevisa van amiu, yurña la nene, řisi na tařatete si kana kilavaru ne tai nařa toña ga towawa ruru teke e lelana, komin řisi na yar lařasia aimi, awe plan make nena yurña la nene vano."

*Pog naloge viowaena monar imi*

*Mak 13:3-13; Luk 21:7-19*

<sup>3</sup> La amial sanene, apimi e Kunus Na Purolip, ana Yesu totano e yo nene. A pogos nařa pe yaru tařena lala asu re poli, kiena nalogena lala apimi puna, ana apiun tania, apisape "¿Pisi na awe plan Yurña Wa nene pogwai, a kile ya na kioña nawasupeena, nařa řisi na ko owasupe ko sina e luas nen pogos nini?"

<sup>4</sup> Ana Yesu pisatame la, pisape "Popon amiu avisuar ruru e amiu, vena ve yaru imi ve visa kotalia amiu re,

<sup>5</sup> vanon nařa řisi na yaru la ve moki nařa ala kiau kia, ana řisi na aimi avisa avisave 'In na nepe Navisaarena nene,' ana visae ve sanene, řisi na aure yaru la ve moki nařa ava avewowe.

<sup>6</sup> Ana e mñena ga e pogos nene, řisi na amiu aloge mñaagena na mara nařa suña lavisi, a lologena na mara la nařa sike perina, ana amiu ve sinemiu yuyuwawa manene re. Suri la nene monar imi kakate sumo, ana nanene na pe legien maro re poli la wa.

<sup>7</sup> A řarin supe lala, řisi na akila mara amio řarin supe tařena lala, a purvanua

lala řisi na asuñalu akawela amio purvanua tařena lala. A yo kari ga e yomarava nini, řisi na pupia viso, a yokorena yemninu vařisi e yo punu ga.

<sup>8</sup> Ana suri la nene, pe legiena maro re nene po la wa, ana sa ga sira nařa mēřena, nařa sane mloge řesan mñasina mlaea vena war sisi, ana pupia naloge viowaena naga pere na wa.

<sup>9</sup> "A e pogos nene narui, amiu nene nařa kiau kia sike e amiu, yokorena auarar amiu mñarera, a akoa kare amiu mñena ga, vano vano-o awe monar amiu amarmare. Ana yaru na purvanua tařena lala ve sinelan amiu re nenaga, la akawe kiamiu visena lala.

<sup>10</sup> Suri la nene, řisi na kila yaru la ve moki nařa ve aviawa re si mñarera e inu, a řisi na la nene nařa amlelaga řesan e inu, řisi na ve sinelan re si la nařa amlelaga ke mñarera e inu na wa e pogos nini, a řisi na la avie plan la ava e limana ne kiela nasinekar la nene.

<sup>11</sup> Ana yokorena navisawalena navisokanena la ve moki asuñalu, a řisi na la aure yaru la ve moki ava ayal wowe.

<sup>12</sup> Yokorena navioawaena imi ve keviu manene va laa sane, kila yaru la ve moki vařisi nařa sinela la imi marmare, la pe asitom re si Ntewa poli.

<sup>13</sup> Ana yaru nařa naga suñalar mñarera suña ga e inu vano vano-o pogos mñarera nene řisi, řisi na Ntewa tamalia naga.

<sup>14</sup> A lologena wo na nasuřenena nene, yokorena alogon va yolai la punu ga e yomarava nini, řisi na kile tai nařa pisawal ke pisape legiena maro pimi ke narui."

*Pupia pog mñarera tai garu Yerusalem*

*Mak 13:14-23; Luk 21:20-24*

<sup>15</sup> Ana Yesu pisa mñena ga visena tařena tai, nařa popon visae yaru nařa wolovia, kilali nařa kilia ruru kana kinasia. Visena nene pisa sanini, pisape "Yokorena amiu akilia avisu avisirlua nono tai nařa viowa na viowa manene laa, nařa yoko suñalu ana warnena kare manene laa yo wa na Yurña Wa Mana ne Ntewa. Suri nene Navisawalena Taniel naga pisawal nanua sumo rui,

<sup>16</sup> a pogos nařa amiu avisu suri nene, amiu nařa asike Yutea, amiu popon aure, ava atapolou e kunus lala.

<sup>17</sup> E pogos nene, visae yaru tai va ruru teke vanua lavisin mñana yurña, naga monar ve va re si loyurña vena war kiena suri lařasia,

<sup>18</sup> pona visae yaru sike e kana lokove, naga monar ve vito re si urña vena tar

māna kulsota, naga monar kiriri vitaṗili ga sanene vano.

<sup>19</sup> Ana e mēna ga e pogos nene, yokorena viowa la va sira la naṗa la asena, amio mēna ga la naṗa asuṗa amla ke yu pa kiela sisi tomtom lala.

<sup>20</sup> Visae ve sanene, popon amiu alen wo amiu vena kiamiu pog na ureena nene, ṗisi na ve imi tol amiu re e pogos naṗa miava keviu, pona e legiena wa tai,

<sup>21</sup> vanon naṗa pogos mārera nene, ṗisi na mārera la sane taulu mēna ga pogos mārera taṗena lala, naṗa siar e pogos naṗa Ntewa sii yomarava nini pimi tol nana-gane, a yokorena ve pupia pog mārera re si tai ve sanene pogos tai.

<sup>22</sup> Ana Ntewa naga sitomāl rui pisape yokorena tero pogos mārera nene imi ve plas ga, vanon kiena yeririna la naṗa naga mligan plan la vena ave kiena, naṗa asike e pogos nene. Ana visae naga ve tero re ve plas sanene, yokorena taṗatete yaru tai kilia mali sike na.

<sup>23</sup> “Ana e pogos mēna ga nene, visae yaru tai visa van amiu, visa visavenua ‘Amiu apisu ke yaru nene, nanene na Navisaarena nene,’ pona visae visa visavenua ‘Nane Navisaarena ne nane gare,’ ana amiu na ve alelaga re e kiena visena la nene,

<sup>24</sup> komin naṗa navisaarena la mokliu naṗa pe ape lelaga re poli, la akilia asuṗalu, amio mēna ga navisawalena navisokanena la ve moki, a ṗisi na la nene akila pupia kile lala, amio suri nailanena mēna ga lala. Yokorena akilia sanene, ana ṗisi na la aure yaru lala avano avewowe, vano-o tol naṗa ṗisi na akilali naṗa aure mēna yeririna kiena ne Ntewa naṗa naga mligan plan la vena ave kiena, ana la taṗatete akilia akila.

<sup>25</sup> Ana nanagane, akilia avisuar amiu, komin nepisawal suri la nene pan amiu sumo rui, e pogos naṗa pe aṗaripo re yo poli wa.

<sup>26</sup> “Ana vanon suri ne nanene, visae yaru la avisa van amiu, avisave ‘Navisaarena nene, nanagane naga sike gare yokorena nene rui,’ ana ṗisi na amiu na ve avanon re naṗa avisulia, pona visae la avisa, avisave ‘Naga ke narui, naga nane sike ga loyuṗa e yuṗa nene,’ ṗisi na amiu ve alelaga re e visena la ne sanene.

<sup>27</sup> Ana pogos naṗa Narina ne Yeririna wasuṗe sina ga vitomi, ana ṗisi na vitomi merarava ruru nenaga va yeririna la punu ga, sa naṗa yekarpla naṗa pilavila, a vivaga ruru make ga e yo punu ga ma e sinapane.

<sup>28</sup> E pogos nene, ṗisi na ve sa mēna ga naṗa visae suri mare tai mēke e yo tai, ana pupia pepauṗa la naṗa akan ke suri mare lala, ṗisi na aiminia, la monar ave ṗegas ga asike e yo nene.”

*Pisi na narina ne yeririna imi sina*

*Mak 13:24-27; Luk 21:25-28*

<sup>29</sup> A Yesu pisa pisape

*“Ana siraunia, mesmesun nena e pogos naṗa naloge viowaena nene visae ṗisi narui, ṗisi na mrae imi ve pupumalo, a kupario ve tego re sina.*

*A verue la ne ma e sinapane ṗisi na aloloru, a suri mārera lala nae ma e sinapane, yokorena Ntewa naga kululun la akulu.”*

*Ais 13:10,*

*34:4*

<sup>30</sup> “E pogos nene, kile nawasuṗeena kiena ne Narina ne Yeririna yokorena warpoyo ma e sinapane, a yokorena yolai lala nae yomarava nini atagtagi alolokai, a ṗisi na la avisu Narina ne Yeririna molue e lul lala amio pupia narāreraena a pupia naurarenakam kiena.

<sup>31</sup> Ana siraunia, pupia kumasua yelu, a naga ligan kiena navisi lala ava e yo punu ga e yomarava nini a ma e peni, vena aure kiena yeririna la naṗa naga mligan plan la ṗisi rui, aimi lei ve taaga puna.”

*Pe yaru re tai naṗa kilia pog na legiena maro nene poli*

*Mak 13:28-32; Luk 21:29-33*

<sup>32</sup> Ana Yesu pisa, pisape “Amiu asitomli purlaki nene, naṗa asape purpiliva ne. Naga kiena suri navian amiuna tai teke ea, naṗa amiu na monar avisururuia. Pogos naṗa amiu avisu naṗa naga korowas nena imi memaena, a imi malumu, sitos la siar miyulua sina, ana amiu akilia asape pogos na yepisinu mārera pimi ke lavisi narui.

<sup>33</sup> Ve sanene, pogos naṗa amiu avisu kile la nene e yomarava, sa naṗa nepisa pan amiu rui, ana amiu akilia naṗa Narina ne Yeririna naga suṗa ga e pulutava rui, lavisi ke molue narui.

<sup>34</sup> Nevisa suri na lelaga van amiu, yokorena suri la nene ṗisi na imi kakate sumo, ana siraunia, teras kiena ne yaru la naṗa la amal ke e pogos nene, ṗisi na naga kilia kovio vetan yomarava nini.

<sup>35</sup> A yokorena sinapane amio yomarava nini lalua mēna ga akovio veraga, ana kiau visena lala taṗatete akovio pogos tai.

<sup>36</sup> Ana pe yaru re tai naṗa kilia kana legiena pona aora nena naṗa ṗisi na Narina ne Yeririna naga imi ea. Navisi lala nae ma e peni, amio Narina ne Ntewa, la

m̄ena ga amninue ga, ana Ata ga, naga taaga naga kilia m̄aga.”

*Amiu monar akila ruru amiu asuṃa ga Mak 13:33-37; Luk 17:26-30,34-36*

<sup>37</sup> Ana Yesu pisa pisape “Vano vano tol pogos naṃa Narina ne Yeririna imi sina, ana ṃisi na taṃatete yaru la akila ruru la wo, ve sa ke pogos kiena ne Yermarua Noa nanua sumo.

<sup>38</sup> Ana e pogos nene narui, sumon naṃa pupia womie mlau, ana yaru lala asuṃa akinana m̄aga, a asuṃa amun m̄a namunena lala, a akila ke talopaena la sanene, pimi tol pogos naṃa Noa pa loyumuṃa e kiena pupia waa naṃa naga miyumuṃaenia.

<sup>39</sup> Ana yeririna la nene asuṃa ga sanene, la pe asitom re suri tai poli, ana apisu ga pupia womie nene mlau pimi ṃere plan la. Ana inu nevisa van amiu, yokorena e pogos naṃa Narina ne Yeririna naga wasuṃe sina imi, ana ṃisi na la nene maran ve taaga ke ga ve sa nanua sumo e pogos kiena ne Noa.

<sup>40</sup> Visae yaru la ve lua, lalua asuṃa ayumuṃae ke e lokove, ṃisi na navisi lala aimi atarlua tai, ana aligan tai m̄eke na,

<sup>41</sup> a visae sira ve lua, naṃa lalua asuṃa ayumuṃae ke kinanena, ana la atarlua tai, ana aligan tai m̄eke na.

<sup>42</sup> “Sanene, ana amiu monar asuṃa avisuar ruru amiu, komin naṃa amiu amninue ga e legiena ya naṃa kiamiu Suṃe imi sina warpo yo.

<sup>43</sup> Amiu na monar avisu kilale suri nene, sa naṃa visae yerkawa tai suṃa ga, ana visae naga kilia m̄aga pogos naṃa yokorena yaru navinauena tai imi e m̄ana yuṃa vena vinaun kiena suri lala, ṃisi na yerkawa nene suṃa visuar ruru silaga, vena suṃate ruru yaru navinauena nene imi.

<sup>44</sup> Ana ve sanene, na amiu monar asuṃa avisuar ruru amiu, vanon naṃa Narina ne Yeririna ṃisi na naga imi kate, e pogos tai naṃa amiu pe asitom re asape ṃisi na naga imi e poli.”

*Pakaiwa na yaru na yuṃaena naṃa kiena yerkawa ṃasuṃe sina pimi*

*Luk 12:41-48*

<sup>45</sup> Ana Yesu pisa pisape “?Visae yaru na yuṃaena tai, naṃa naga pe manmarua ea, naga ṃuarar ruru yuṃaena, naga yuṃae sanape? Naga yuṃae sanene, naṃa visae kiena yerkawa naga ligan yo vena va perina, ana yerkawa nene ligan naga vena naga visuar ruru e yaru na yuṃaena taṃena lala, ana yoko yaru nene naga uarar ruru yuṃaena la nene.

<sup>46</sup> Ana pogos naṃa yerkawa nene wasuṃe sina, ana kilia lual naṃa yaru na kiena yuṃaena nene suṃa ga uarar ruru ke yuṃaena lala na wa. Ana yokorena yaru na yuṃaena nene loge wo vaṃisi,

<sup>47</sup> komin naṃa yokorena yerkawa nene ligan kiena suri punu ga e limana ne kiena yaru nene. Ee, lelaga, yoko Ntewa naga kila m̄ena ga ve sa ke nene.

<sup>48</sup> “Ana visae yaru na yuṃaena nene viowa ga, a pogos naṃa yerkawa nene ligan yo va suṃa perina ve piavi, ana yaru na yuṃaena nene kilia visa, visave ‘?E suwala, yerkawa nene pa su piavi la wa, pona ve wasuṃe re si yo narui, pona m̄a sanape?’

<sup>49</sup> Ana ṃisi na naga suṃalu kila viowa va yaru na yuṃaena taṃena lala, a yokorena naga va suṃa mun m̄a wii, ve wowe amio yaru na munen wii lala, ana asuṃa akan kare ke ga kilavaru kiena ne yerkawa nene na.

<sup>50</sup> Ana yokorena yerkawa nene naga wasuṃe imi e legiena tai naṃa yaru na yuṃaena nene ilan ga, a e pogos tai naṃa yaru nene naga pe sitoniṃal re sape ṃisi na naga imi ea.

<sup>51</sup> Ana yerkawa nene ṃisi na naga la nakoena ve keviu va yaru nene, naṃa yokorena kila naga va sike amio yaru na visokanena taṃena lala e yo naṃa yaru la asuṃa atagi, a akar ga maluela ea.”

## 25

*Pakaiwa na sira m̄ee lualima*

<sup>1</sup> Ana Yesu pisa, pisape “E pogos naṃa Narina ne Yeririna wasuṃe sina ga, yokorena nasuṃenena kiena ne Ntewa naga ve sa naṃa ṃakaiwa nini pisa. Pakaiwa nini, naga pisayu ṃaṃagena na talopaena tai, naṃa taveve kiela ṃelaga, la ne e lepas naṃa puna ne yerm̄ene la aṃure naga pa e yuṃa m̄ana ne sira m̄ee vena aure sira nene amio naga imi amio la. Ana vinena ne yerm̄ene nene la lualima la asike ga um̄a, vena la akila ruru suri la punu ga. Ana lavisi yemalo, ana vinena lala la aṃar kiela kapi vivaga lala, la amiyalilu mrapan la, vena la punu ga awasuṃela si aimi.

<sup>2-4</sup> Ana vinena la nene, lala lima la ape manmarua, asitom ruru suri po, naṃa aṃar m̄a piawi na sirveve laṃasia vena akokonia sina ga kiela nakapi vivaga lala, ana la lima na ape tamos ga, la pe asitom ruru re si sanene poli, ana la aṃar m̄aga kiela nakapi vivaga lala, ana la pe aṃar re si sirveve laṃas poli naṃa vena visae taṃa, ana akilia akokonia sina ga.

<sup>5</sup> Ana lala asuṃate m̄a yaru natalopaena nene pano-o, ana naga susun paṃisi, kila

sanene sira m̄ee la lualima nene, atekavito pano-o paḡisi, ana amomalio.

<sup>6</sup> “Ana kolemalo ko yepelilika, ana yaru tai pio, pisape ‘Yaru na talopaena, pimi ke lavisi warpoyo narui. Amiu aimi avitawe naga!’

<sup>7</sup> Ana sira m̄ee la lualima nene atavilo, akila ruru kiela nakapi vivaga lala vena vivaga ruru sina. La akila plan m̄au na kilika na kapi lala, a apisuveve kiela sirveve lala.

<sup>8</sup> Ana la naḡa la pe asitom ruru re suri poli, apisu kilale kiela nakapi vivaga lala lavisi marmare, sirveve ḡisi, ana apiun tan lala ḡasia, apisape ‘Awis suwala, amiu akilia ala re narin sirveve van imimi wa, a visae peraga yokorena kiamimi nakapi la amarmare yo.’

<sup>9</sup> “Ana la naḡa asitom ruru suri po, apisa apisape ‘!Peraga yo! Sirveve nini pe torokin punu ita re poli. Popon amiu ava li si e yuḡia nawilwilena vena aul si kiamiu laḡasia.’

<sup>10</sup> “Ana la apanon si asape aul kiela sirveve, a pogos naḡa apa ke ga wa, yaru natalopaena naḡani pimi poru. Naga pa loyuḡia e m̄ana yuḡia, a sira m̄ee la lima nene naḡa la asuḡiatea, lala amio naga apa veraga e kinanena na talopaena. Ana pogos naḡa yeririna la apa asike loyuḡia rui, ana la akotava ruru e mratava.

<sup>11</sup> “Ana sirauḡia, sira m̄ee taḡena la naḡani aḡasuḡe la ke sina ga, ana asuḡialu asuḡia mratava, apio apisape ‘!Meneu, m̄eneu, awis ovietaua meiḡasu loyuḡia!’

<sup>12</sup> “Ana yaru naḡa pisa ga pan la, pisape ‘!Lelaga nevisa van amiu, nemninue amiu ga!’ ”

<sup>13</sup> Ana Yesu pisa pae ḡakaiwa nene ḡisi, ana pisa pisape “Poga ga, ana amiu na monar avisuar ruru wo, vanon naḡa amiu pe akilia re legiena na suri nene poli amio mrae nena.”

*Pakaiwa na yaru telu naḡa la apisuar kilavaru tai*

*Luk 18:11-27*

<sup>14</sup> Ana Yesu pisa, pisape “Ana pogos naḡa Narina ne Yeririna wasuḡe sina ga, ḡisi na ve sa m̄ena ga naḡa ḡakaiwa nini pisa, pisape: Yerkawa tai, kila ruru ke pisape ḡisi na va e yo tai naḡa koperina na koperina, e purvanua taḡena tai. Ana yerkawa nene pio kiena yaru na yuḡiaena lala vena aimi puna, ana naga pisi pan la, mligan kiena suri lala e limala, vena avisuar ruruia ayuḡiae amio.

<sup>15</sup> Ana naga pisuveve kiela na kiliaena lala ḡisi, ana mligan taga na kilavaru lima te liman tai, a mligan taga na kilavaru lua te limana yaru taḡena, a mligan taga

na kilavaru taaga e limana ne taḡena, ana sirauḡia naga mligan la, ana pa sike koperina na piavi towe la ga.

<sup>16</sup> Ana yaru naḡa mla taga na kilavaru lima, mial ke veraga pano, kila yuḡiaena la moki e kilavaru nene, pano-o tol ke sina ga taga na kilavaru taḡena lima.

<sup>17</sup> Ana e ke e ḡelaga nene, yaru m̄ena ga naḡa mla taga na kilavaru lua, naga m̄ena ga taulu ke sina ga taga na kilavaru taḡena lua.

<sup>18</sup> Ana yaru naḡa mla taga na kilavaru taga ga, naga pa kili ḡilipili e porotano, vena sinwan kilavaru kiena ne kiena yerkawa nene.

<sup>19</sup> “Ana pogos moki ḡaro pa rui, ana yerkawa kiena ne yaru la nene naga ḡasuḡe ke sina ga pimi, ana naga sinenan pisape visuveveli kilavaru la naḡa naga ḡar pa kiena yaru la telu nene.

<sup>20</sup> Ana yaru naḡa naga tol taga na kilavaru lima sumo, ana naga pimi suḡalu se marana ne kiena yerkawa nene, naga ḡar ke sina ga taga na kilavaru nene lima. Ana naga pisa pisape ‘Mara, nanua sumo ko oḡar taga na kilavaru lima pan inu, ana na nini. Ana netaulu sina ga taga na kilavaru lima nini su metavanja nanua sumo, naḡa netauluia na pe kioḡia.’

<sup>21</sup> “Ana yerkawa nene pisa pania, pisape ‘Po paḡisi, potena. Ko na okila yuḡiaena po paḡisi wa. Ko opuarar ruru narin yuḡiaena nene naḡa nemligan e lumoḡia, ana ḡisi na neligan ko vena ko ovisuar kiau yuḡiaena kerkeviu la ḡasia. Poga ga, oimi omio inu e kiau ḡaḡagena na kekarena nini.’

<sup>22</sup> “Ana yaru naḡa naga ḡar taga na kilavaru lua, ana naga m̄ena ga pimi suḡalu se marana ne yerkawa nene. Ana naga pisa pania, pisape ‘Mara, nanua sumo ko otar taga na kilavaru lua nini pan inu. Ana taga na kilavaru lua ne na nini, amio sina ga taga na kilavaru lua naḡa netauluia na pe kioḡia.’

<sup>23</sup> “Ana yerkawa nene pisa pania, pisape ‘!Po paḡisi! Potena, ko na okila yuḡiaena po paḡisi wa. Ko opuarar ruru narin yuḡiaena nene naḡa nemligan e lumoḡia, ana ḡisi na neligan ko vena ko ovisuar ruru kiau yuḡiaena kerkeviu la ḡasia. Poga ga, oimi omio inu e kiau ḡaḡagena na kekarena nini.’

<sup>24</sup> “Ana yaru naḡa tol taga na kilavaru taaga ga, naga pimi suḡalu se marana ne yerkawa nene, pisawo ga, pisa pisape ‘Mara, nesitom nesape ko ope yaru m̄arera tai. Ko okilia ola kinanena e lokove naḡa ko pe omiyuḡiaen re poli, a ko okilia ola

mēna ga mralaki e purmraki naŕa pe ko re omapila poli.

<sup>25</sup> Vanon suri ne na nene, nemaraun ko ea, ana nepa nesinwan ga kioŕia kilavaru e porotano. Ana nanini, ovisu kioŕia kilavaru nane su ruru ga suŕia ne.'

<sup>26</sup> "Ana yerkawa nene pisatarŕea, pisape '!Aa, ko na yaru viowa tai nene naŕa ne, ko ope yowena paŕisi wa! Ko opisa kare inu ŕisi rui, osape in na nepe tewena tai, ana visae ko opisu naŕa in na nepe yaru ŕarera tai sanene, vanon ya ne ko omligan ga kilavaru su korena ga suŕia sanene?'

<sup>27</sup> Visae ko ova oligan ga e yurŕia na kilavaru vera na woga ga, vena pogos naŕa neimi si sanini, nekilia nelalua sina amio ninusa naŕa kapuru ke e yepasia.'

<sup>28</sup> Ana yerkawa nene pisi pa kiena yaru lala, pisape 'Aulai, avano alalua kilavaru nene vetan limana, ana ala va van yaru naŕa ŕarar ke taga na kilavaru lualima rui.

<sup>29</sup> Nevisa sanini van amiu, visae yaru naŕa kiena suri moki rui, ŕisi na naga war va la sane vena kiena ve moki vaŕisi, ana yaru naŕa pe kiena suri re poli, ŕisi na naga kilalu narin suri naŕa naga mla ke na.

<sup>30</sup> Ana amiu akoven melioi nene va vanua e yo malolo, e yo naŕa yaru lala asuŕia ga atagi ke ea, a akar ke malueta ea! "

### *Legiena na liŕereena*

<sup>31</sup> Siraunia, ana Yesu pisa pisape "Pogos naŕa Narina ne Yeririna vitomi amio navisi lala e kiena naurarena, ŕisi na naga imi ve Parin Suŕe narui, a ŕisi na naga vitomi va e kiena lele wa na totanoen ea.

<sup>32</sup> Ana navisi lala, ŕisi na awere yolai punu ga na yomarava nini aimi asuŕialu ase marana. Ana e pogos nene narui, ŕisi na naga liŕere yaru lala ava e ŕegas ve lua, ve sa naŕa yaru tai navisuaren suri mali lala, naga liŕere kiena sipsip lala e nane lala.

<sup>33</sup> Ana ŕisi na ŕarin suŕe nene ligan kiena sipsip lala ava ase kiena lepas na ŕamarua, a nane lala ava ase laŕas na ŕarŕeli.

<sup>34</sup> Ana ŕisi na naga visa van la ne asike e lepas na ŕamarua, visave 'Amiu yeririna ne la na nene naŕa Ata naga visa ruru amiu. Amiu aimi narui, a akus lelemiu loyurŕia e kiena nasuŕenena, naŕa naga miyurŕaen ruru suŕiate amiu ke rui nanua sumo, e pogos naŕa naga sii yomarava nini ea.

<sup>35</sup> Amiu aimi, vanon pogos naŕa visae viso kar inu, amiu amla kinanena pan inu, a pogos naŕa moto kar inu, amiu amla wii

pan inu. A pogos naŕa nepe wolawa ga, amiu aŕure inu nepa e ŕamiu urŕia,

<sup>36</sup> a pogos naŕa yepeu korena ga, amiu amla kulsota pan inu. A pogos naŕa nemai, amiu apimi akaten inu, a pogos naŕa nesike e yurŕia na loge viowaena, amiu apimi asun amio inu.'

<sup>37-39</sup> "Ana yaru mesmesu lala naŕa asike e lepas na ŕamarua ŕisi na aviun tania avisave '?Ana Suŕe, sanape? Ko osuŕia apisa ke osape imimi memiila ko e kioŕia pogos ŕarera la ne sanene, ana imimi pe mesitom re nene mesape mekila sanene pan ko poli-i ŕisa. ?Imimi mekila suri la nene pan ko na pogwai?'

<sup>40</sup> "Ana yoko Parin Suŕe nene visatarŕe la, visave 'Lelaga nevisa van amiu, pogos naŕa amiu akila ke sanene pan yaru na ŕiau mratava tai, ana sa ga naŕa akila ke ga pan inu narui, pe suri korena ga naŕa naga pe yaru na sanape.

<sup>41</sup> "Ana siraunia, ŕisi na naga pisi mēna ga pa la naŕa e lepas na ŕarŕeli, yokorena visa van la, visave 'Amiu aure vetan inu, Ntewa piain nakoena viowa tai pan amiu ŕisi rui. Amiu ava e kapi nene naŕa pivaga ŕia silaga, taŕatete mare pog tai, naŕa suŕiate ke Yermare Lego amio kiena navisi lala vena la ava ea.

<sup>42</sup> Vanon pogos naŕa viso kar inu, ana pe amla re kinanena pan inu poli, a pogos naŕa moto kar inu, ana pe amla re wii pan inu poli.

<sup>43</sup> A pogos naŕa nepe wolawa, ana pe aŕure inu re nepa ŕamiu urŕia poli, a pogos naŕa yepeu korena, ana pe amla re kulsota pan inu poli, a pogos naŕa neminana, pona nesike e yurŕia naloge viowaena, ana pe apimi akaten inu re poli.'

<sup>44</sup> "Ana ŕisi na la avisatarŕe ŕarin suŕe nene, avisave '?Ana Suŕe, sanape? ?Imimi moŕal ko na pogwai naŕa ko viso kar ko, pona moto kar ko, pona ko ope wolawa, pona ko yepemŕia korena ga, pona omai, pona osike e yurŕia naloge viowaena? ? Ana pogwai naŕa ko sanene, ana imimi pe mepimi memiila ko re poli?'

<sup>45</sup> "Ana naga ŕisi na visatarŕe la, visave 'Lelaga, nevisa van amiu, nevisave pogos naŕa amiu na pe asitoŕali re naŕa akila ve sanene va kiau yaru tai naŕa naga pe yaru na sanape, nanene na sa ga naŕa amiu pe asitoŕali re naŕa akila pan inu poli. "

<sup>46</sup> Ana Yesu kila make kiena visena nene, naga pisa pisape "La nene yokorena la avanon vena atol nakoena nene naŕa ve uro re. Ana yaru mesmesu la nene yokorena la avanon atol malena nene naŕa suŕia vano vano ve uro re."

## 26

*Apisape aweñar Yesu mare*

*Mak 14:1-2; Luk 22:1-2; Yoane 11:45-53*

<sup>1</sup> Ana pogos naña Yesu pian kiena yeririna lala e visena la nene ñisi, ana naga pisa pan la, pisape

<sup>2</sup> “Amiu akilia ña legiena na vewo rui, ana Pañagena Nasitomñalena Natamaliaena siar narui. E pogos na ñağagena nene narui, ñisi na aligan Narina ne Yeririna va e limana ne la naña yoko asuari naga e laki torovia vena mare.”

<sup>3</sup> Ana e pogos nene, yerikawa lala kiena ne yaru wa lala, amio nasumonena kiena ne le Israel lala, asuñia e viorena e yuñia ñiana ne ñarin yaru wa, naña naga kiena kia Kaepas.

<sup>4</sup> La apisayu ke naña ñisi na auaravinaun ga Yesu, a ala nakoena namarena ga vania.

<sup>5</sup> Ana la apisa apisape “Suri nene, ita tağatete tekila e pogos na ñağagena, vanon naña ñisi na yaru la sinela kar ita vañisi, ana yokorena la amñaaga vañisi ne wa, komin naña la mokliu naña la akekaran yaru ne nanene ñisa.”

*Maria taron ponotaninu e ñarina ne Yesu*

*Mak 14:3-9; Yoane 12:1-8*

<sup>6</sup> Ana siraunia, Yesu sike garu e pulkumali nene Petani, ana naga pa sike e yuñia ñiana ne yaru naña apio kiena kia asape Saemon Leperosi, komin naña naga ñar leperosi sumo.

<sup>7</sup> Ana pogos tai naña Yesu kinana ke e yuñia nene, ana sira tai pimi puna, ana sira nena kus piawi naña amiyuñiaena e kilavaru tai naña po pañisi, a ponotaninu pule ga meke ea, naña kana kilavaru keviu manene la pañisi. Ana sira nene taron make ponotaninu nene e ñarina ne Yesu.

<sup>8</sup> Ana pogos naña nalogena kiena ne Yesu lala apisu suri nene, ana sinela mimi pañisi, ana la apisape “?Vanon ya ne naga kila kare ponotaninu nene sanene?”

<sup>9</sup> Visae naga wilwilin lua ga, vera na naga tol kilavaru keviu tai, naga kilia lavia vena iilaen yaru la naña limala korena ga.”

<sup>10</sup> Ana Yesu kilia ña naña la apisi ke sanene, ana naga pisi pan la, pisape “Ei, ve akila kare re sira nene sanene. Naga kila yuñiaena wo tanea e inu ne.

<sup>11</sup> Yaru la ne pe kiela suri re poli, ñisi na la na asuñia ga likan amiu silaga, vena akilia aiila la, ana inu na, tağatete nesike nemio amiu silaga.

<sup>12</sup> Suri naña sira nene kila, naña taron ponotaninu e tasneu, naga kila sane kila ruru ke tasneu vena asin inu.

<sup>13</sup> Lelaga nevisa van amiu, e yo punu ga e yomarava nini naña ñisi na avisawal kiau nalogena wo ea, ana ñisi na lala asunyu ñena ga suri naña sira nene kila, vena asitomñali luen ga kiena nasitomñia keviu nene, naña sinena mie inu kemua lelaga.”

*Sutas pisaar pisape yoko vielua Yesu*

*Mak 14:10-11; Luk 22:3-6*

<sup>14</sup> Ana nalogena la lualima taaga pa lua nene, lala tai, naña kiena kia Sutas nae Kariot, naga pa puna ne yerikawa kiena ne yaru wa lala,

<sup>15</sup> ana naga pisa, pisape “?Visae nevielua Yesu viñiasu e limamiu, ñisi na amiu ala ya ne van inu?” Ana la nene apul pania e kilavaru naña selpa tol lualima yam telu,

<sup>16</sup> ana siar e pogos nene, Sutas suñia kalewele mrapa naña vielua Yesu van la ea.

*Nalogena lala akila ruru kinanena na ñağagena*

*Mak 14:12-16; Luk 22:7-13*

<sup>17</sup> Ana pimi tol legiena ñesia na ñağagena nene, naña la apisa ñena ga apisape naga pe Pañagena Na Kanen Kiligağe, ana nalogena lala apimi puna Yesu, apiunia apisape “? Ko sinomñan osape imimi meva mekila ruru suri lala e yo nape, vena ita tekila Kinanena Na Sitomñalena Natamaliaena ea?”

<sup>18</sup> Ana Yesu pisatanñea, pisape “Ava garu Yerusalem, ava avisu yaru nañani, avisa van sanini, avisave ‘Kiamimi navianena pisape naga kiena pogos pimi ke lavis narui. Naga sinenan pisape naga, amio imimi kiena nalogena lala, ñisi na meimi mekila kanena nañani e moña uña.’ ”

<sup>19</sup> Ana nalogena lala apa akila sa naña naga pisa, ana la akila ruru suri lala na ñağagena nene.

*Yesu pisawal naña yoko Sutas vielua naga*

*Mak 14:17-21; Luk 22:14,21-23; Yoane 13:21-30*

<sup>20</sup> Ana siraunia, Yesu lala apimi e uñia nene, ana kolemalu, la atatano, la asuñia akan ke kinanena nene narui,

<sup>21</sup> a Yesu pisa pisape “Lelaga nevisa van amiu, ñisi na amiu yaru tai, naga vielua inu.”

<sup>22</sup> Ana kiena nalogena lala amloge naña naga pisa sanene, ana la sinela piowa pañisi, ana lala peve taaga apiun tania, apisape “!Suñe! ?Pe inu re poli, ne?”

<sup>23</sup> Ana Yesu pisatanñe la, pisape “Tai naña imimi lua melapae kamimi kinanena e pialo taaga, naga ke narui.

<sup>24</sup> Yokorena Narina ne Yeririna monar mare ve sa naña Nasiriena Wa la pisayuia,

ana yaru naŋa pielua naga, ŋisi na viowa la van naga, visae naga ve vaeme re vera wo va ŋisi.”

<sup>25</sup> Ana Sutas, naŋa siraunia naga pielua Yesu, naga piunia pisape “?Navianena, ana ai? ?Inu?”

Ana Yesu pisatamea, pisape “Ana, sane opisa ne yo.”

*Kinanena maro*

*Mak 14:22-26; Luk 22:15-20; 1 Koren 11:23-25*

<sup>26</sup> Ana pogos naŋa la asuŋa akinana ke ga wa, Yesu mla kilaparavi tai, pisa potena pa Ntewa vanonia, ana naga kawewoia, kian pa kiena nalologena lala, pisa pisape “Amiu alavia, akania. Nanene na pe tasneu.”

<sup>27</sup> A siraunia, mla piala na kuruta namunena, ana pisa potena pa Ntewa vanonia, ana kian pa pan la, naga pisa pisape “Amiu punu ga amunpae ga e piala nini,

<sup>28</sup> vanon naŋa nanene na tau nene, naŋa vena kila naviranarena kiena ne Ntewa suŋalu m̄arera, a vena lau vanon naviewoena na mlamulena viowa kiena ne yaru lala ve moki.

<sup>29</sup> Nevisaar van amiu, yokorena ve nomun re si kuruta namunena nene narui, vano vano-o yoko nemun kuruta na munena viu nene nemio amiu, e pogos naŋa tesike e nasuŋenena kiena ne Ata.”

<sup>30</sup> Ana siraunia la amiyau maro e yauena tai na Yauena lala ŋisi, a siraunia la amolue, apa maro e Kunus Na Purolip.

*Yesu pisawal naŋa ŋisi na Pita viro naga*

*Mak 14:27-31; Luk 22:31-34; Yoane 13:36-38*

<sup>31</sup> Ana Yesu pisa pan la, pisape “E yemalo ke nini narui, kiamiu nalelagaena e inu ŋisi na loloru, vanon suri la naŋa imi m̄alm̄alivin inu. Pisi na ve sa ke ga naŋa Ntewa pisa e Nasiriena Wa lala, naŋa pisa, pisape

*‘Pisi na nowem̄ar yaru na visuarena sipsip mare,*

*ana ŋisi na kiena sipsip lala ayaltetai ava e yo punu ga.’* Sek 13:7

<sup>32</sup> “Ana pogos naŋa nemali sina ga vetan marena, yokorena nesumo neva garu Kalele, ana yokorena amiu m̄ena ga monar asirau aimi.”

<sup>33</sup> Ana Pita pisawal pania, pisape “Yesu, pona nalelagaena kiena ne la nene punu ga loloru, ana la aure vetan ko yo, ana in na taŋatete kemua neligan ko pog tai.”

<sup>34</sup> Ana Yesu pisa pania, pisape “Lelaga nevisa van ko, ŋisi na yemalo ke ga nene, pogos naŋa term̄ene ve kokoreko re yam

tai wa, ana ko oviro inu yam ve telu narui, ko ovisave omninue nu ga.”

<sup>35</sup> Ana Pita pisawal meraravan pa Yesu e marala, pisape “Visae la sinelan avisave awem̄ar nu nemio ko, nanene na poga ga ne, ana inu, yokorena taŋatete kemua neviro ko, nevisave in na pe nepe kioŋa re poli.” A e pogos nene, nalologena taŋena m̄ena ga lala apisa m̄ena ga sa ke ga.

*Yesu pa mlen e Ketsemani*

*Mak 14:32-42; Luk 22:39-46*

<sup>36</sup> Ana siraunia, Yesu amio kiena nalogena lala apa e yo tai, kiena kia Ketsemani. Ana naga pisa pan la, pisape “Amiu atoŋa e nene sumo wa, ana in na neva laa perina sane, vena nelen re yam ve plas ga.”

<sup>37</sup> Ana naga ŋere Pita amio narina ne Sepeti la luwoka, Semes amio Yoane, la teloka nene amio naga apa la perina ve tokak ga, a e pogos nene Yesu naga sinena pimi urmi manene la, mloge piowa paŋisi.

<sup>38</sup> Ana naga pisa pa la telu nene, pisa pisape “Nanagane nemloge sane ninu pilaroro la narui, ana kila inu lavisi nemare vanonia. Awis, amiu akilali asuŋa atavilo amio inu e yo nini sumo wa.”

<sup>39</sup> Ana Yesu mial ga pa la sane, ana mloru kinai mono, monar marana, vena len. Ana naga pio, pisape “!Ata o! Visae okilia okila suri nene, awis ko olalua piala naloge viowaena nene vetan inu, vena ŋisi na ve nomun re ea. Ana ko ve okila re nasinenanena kiau, ana okila ga kioŋa.”

<sup>40</sup> Ana naga pasuŋe sina, pitomi puna ne kiena nalogena la telu nene, ana naga pisa naŋa la asuŋa amomalio rui. Ana la atavilo sina, ana Yesu pisa pa Pita, pisape “?Sanape na amiu taŋatete atavilo amio inu e aora ve taaga ga nene?”

<sup>41</sup> Amiu monar avisuar ruru wo, a amiu monar alen silaga, vena nakilaliena lala ve akila amiu re aloru e mlamulena viowa. Ee, kiamiu sitomena m̄arera ruru po, ana tasnemiu malumu manene la.”

<sup>42</sup> Ana yam lua, naga pa sina e naŋani, mlen pisape “!Ata o! Visae otaŋatete olalua m̄au piala naloge viowaena nene, ana monar nomun ea, komin naŋa monar ve sa ga naŋa ko sinoŋania.”

<sup>43</sup> Ana naga pasuŋe sina pimi, pisa naŋa la telu nene asuŋa amomalio ke sina ga, komin naŋa marala kawa, atekavito paŋisi, atavilo ŋele ga.

<sup>44</sup> Ana naga mligan la telu nene asuŋa ga, ana pasuŋe ke sina ga pa e naŋani, mlen e visena taaga m̄a nena ga, naŋa naga kila yam telu ne.

<sup>45</sup> Ana naga pasuŋe si pimi pun la telu nene, pisape “?Ei, amiu asuŋa apa ruru amiu, a amomalio ke ga wa? !Amiu

avisuaria! Lavisi ke pogos naña Narina ne Yeririna va e limana ne li viowa la narui.

<sup>46</sup> Ita, asuñalu, tevano. Amiu apisu ke ne, yaru na vielua inuena nane suña pimi mña ga lavisi namña.”

*La apuarar Yesu mārera*

*Mak 14:43-50; Luk 22:47-53; Yoane 18:3-12*

<sup>47</sup> Ana pogos naña Yesu pisa ke visena nene wa, Sutas nene, naña nalogena la lualima taaga pa lua nene lala tai, naga pimi, naga amio yaru na mara la moki napa añar kiela playu na mara lala amio kiela plaki lala. La ke nene narui, naña yerkawa lala kiena ne yaru wa lala, amio nasumonena kiena ne le Yu lala, la amligan la apimi.

<sup>48</sup> Ana sumon naña la apa añalivi sanene, yaru na vieluaena naña Sutas nene, naga pisaar kile tai pan la, naña naga pisa pisape “Yaru naña visae neva nevitawe p̄saniana, nane yaru ne nanene naña p̄si na amiu auarar ruru naga,”

<sup>49</sup> Ana pogos naña la añalivi, Sutas mial mesmesun ga Yesu, ana naga pitawe, pisa pania, pisape “! Pokolemalo, Navianena! Suñare sike amio ko.”

<sup>50</sup> Ana Yesu pisa pania, pisape “Mara, yuñāena naña ko opiminia, ko okila ga.” Ana la apimi narui, apuarar Yesu mārera.

<sup>51</sup> La apuarar naga sanene narui, ana Pita p̄relua kiena playu, terania, tetereria yaru kiena ne Parin yaru wa tai, ana telua kiligana lepas tai.

<sup>52</sup> Ana Yesu pisa pania, pisape “Ko oligan ruru si kionña playu e kana taga. Yaru naña p̄ar ke playu na kilaen mara, naga p̄si na mare e playu na kilaen mara.

<sup>53</sup> ?Amiu asitom asape in na taṭatete nevio Ata, vena naga iila inu? Visae nevio naga, yam ve taaga naga p̄si na ligan p̄egas nen kiena navisi lala ve moki naña vena aimi avisuar inu.

<sup>54</sup> Ana visae nekila sanene, p̄si na visena nasumo lala naña asike e Nasiriena Wa lala, yokorena la taṭatete aimi ave lelaga, sa naña apisaar p̄si rui.”

<sup>55</sup> Ana Yesu p̄si pan yaru la nene, pisape “?Vanon ya ne amiu aṭara kiamiu playu amio kiamiu plaki lala? ?A vanon ya ne amiu asape aimi atararvinaun inu e pupumalo sanene? ?Pona amiu asitom ke asape in na nepe yaru mārera na vinauena tai pona na wenāren yaru? ?Ana silaga e legiena punu ga, naña in na nesuñā nepian ke yaru lala loyuñā e Yuñā Wa Mana ne Ntewa, ana vanon ya ne pe apimi atarar inu re e pogos la nene poli?”

<sup>56</sup> Ana suri la nene la poga ga ne, vanon suri la ne amiu akila ke ne, sa ke ga naña navisawalena nasumo lala apisawal nanua

rui e kiela Nasiriena Wa lala, ana kiela visena la nene pimi ke sane pe lelaga make narui.”

Ana e pogos nene, nalogena lala amligan Yesu, la aṭure matania.

*Aṭere yesu pa e kumali keviu kiena ne yerkawa kiena ne le yu lala*

*Mak 14:53-65; Luk 22:54-55,63-71; Yoane 18:13-14,19-24*

<sup>57</sup> Ana la naña atarar Yesu, aṭure pimi vena akila naga suñalu se marana ne Kaeṭas, naña naga pe Parin yaru wa. Ana navianena navisaluaena lala amio nasumonena kiena ne le Yu lala, apimi mña ga lele taaga e kiena kumali nene rui.

<sup>58</sup> Ana Pita mña ga suñā taveve ke Yesu e pogos nene, ana pe pa re lavisin naga poli, ana pogos naña la apimi loyuñā e kove na kumali nene, Pita pano totano amio li nayuñāena kiena ne Kaeṭas lala, vena naga logeli sanape naña p̄si na la akila va Yesu.

<sup>59</sup> Ana yerkawa lala kiena ne yaru wa lala, amio yerkawa taṭena lala naña la asike loyuñā e viorena nene, akilali naña akale yaru laṭasia vena la avisokan ga e Yesu, naña la avisa suri laṭasia naña la avisu sane akilia awenān Yesu mare vanonia.

<sup>60</sup> Ana la apisi narui, ana yaru la moki naña asuñalu, la apisokani pano pano-o paṭisi, ana viorena nene pe mña re suri tai e kiela visena la poli vena torokin la akila ve sanene va Yesu. Kiela visena la pepe taṭena ga sanene pano-o p̄si, ana yaru la lua asuñalu,

<sup>61</sup> ana la lua apiranari visena taaga, apisape “Yaru nene, pisa pisape naga kilia we plan Yuñā Wa Mana ne Ntewa, ana visirlua sina e legiena ve telu ga.”

<sup>62</sup> Ana Parin yaru wa nene suñalu, p̄si pa Yesu, pisa pisape “?Sanape, yokorena ko ovisatame la, pona peraga? ?Sanapen visena la nene naña la asuñā apisawal ke ne?”

<sup>63</sup> Ana Yesu topuru ga tonña ga. Ana Parin yaru wa nene pisa sina ga pania, pisape “Nevisa van ko, ko na monar ovisa kia kiena ne Ntewa Malī, ovisave lelaga naña ko Navisaarena, naña ko ope narina ne Ntewa, pona pe ko re naga poli. !Ko na monar ovisawal ruru van imimi nanagane narui!”

<sup>64</sup> Ana Yesu pisatame, pisape “Suri ne nanene narui, nane ko osuñā opisa ke narui. Ana nevisa van amiu, nesape siraunia ve ve piavi re, p̄si na amiu avisu Narina ne Yeririna naña totano e lepas marua kiena ne Ntewa nanfaraena, a



ḡisi na amiu avisu naḡa warpoyo e lul lala, vitomi tano e yomarava nini.”

<sup>65</sup> Ana Parin yaru wa nene sinena mimi paḡisi, pitolwowa mḡana kulsaket, pisa pisape “!Nane-e, toroki! Yaru naḡa sumḡa ḡarnena kare ke kia wa kiena ne Ntewa, nanene rui. ?Amiu amloge mḡa ne? ?Vanon ya ne ita tesumḡa takale ke si yaru vena visawal si suri laḡas e naga?”

<sup>66</sup> ?Ana viorena nini sitom sanape? ?Pisi na telipere naga sanape?”

Ana la apisatamḡea, apisape “Popon awemḡar nena naga mare.”

<sup>67</sup> Ana la nene la apilasiria marana, a asu naga, a laḡasia la amlipa kare naga paḡisi,

<sup>68</sup> ana apisa kare naga, apisape “? Ei, Navisaarena, ko ovisawalia, ane mlipa ko ga na wa?”

*Pita piro Yesu*

*Mak 14:66-72; Luk 22:56-62; Yoane 18:15-18,25-27*

<sup>69</sup> Ana e pogos nene, naḡa Pita tomḡa tano loyurḡa e kove nene, sira mḡee tai na visuaren yumḡa pimi puna, pisa pisape “!Ei, ko mḡena ga otaveve Yesu nae Kalele nene!”

<sup>70</sup> Ana e marala la punu ga, Pita piro suri nene, pisa pisape “Peraga, nemninue suri na ko opisa ke ne.”

<sup>71</sup> Ana naga mial petania, pito tano e pupia pulutava na kove na kumali nene.

Ana e yo nene, sira mḡee taḡena mḡal naga, ana pisa pa yaru la naḡa asike ga lavisinia, pisape “Yaru nene, naga mḡena ga amio yaru nae Nasaret naḡa Yesu.”

<sup>72</sup> Ana Pita piro ke sina ga suri nene, pisa visena tai naḡa pe visena mḡarera, pisape “!Peraga ḡa, in na nemninue nena yaru nene!”

<sup>73</sup> Ana yam plas ga, yaru la naḡa asike ga lavisin pulutava nene apimi puna ne Pita narui, ana apisa pania, apisape “Lelaga, ko na ko lala yaru tai, vanon naḡa memloge kilale naḡa ko osumḡa oḡan ke visena lala sa ga le Kalele ga lala.”

<sup>74</sup> Ana Pita pisi mḡarera la sane, naga pisaar ga visena mḡarera lala, pisape “!Lelaga ḡa, sinapanee! Nepisa pa rui, inu na pe nekilia re nena yaru nene poli.”

Ana e ke e pogos nene naḡa Pita pisa visena nene, termḡene tai kokoreko,

<sup>75</sup> ana kila Pita sitomḡal si visena kiena ne Yesu, naḡa naga pisa pania, pisape “Lelaga nevisa van ko, ḡisi na yemalo ke ga nene, pogos naḡa termḡene ve kokoreko re yam tai wa, ana ko oviro inu yam ve telu narui, ko ovisave omninue inu ga.” Ana Pita mloge piowa naḡa piowa, ana naga pa vanua, naga tagi naḡa tagi.

## 27

*Lala aḡure Yesu pa puna ne Parin Suḡe kiena ne le Rom lala naḡa pisuar ke Israel Mak 15:1; Luk 23:1-2; Yoane 18:28-32*

<sup>1</sup> Ana e kolulagi nene, pogos naḡa mrae siar pa metava, yerkawa kiena ne yaru wa lala amio nasumonena kiena ne le Israel lala, la atotano ke sina ga vena aviranar ruru li mrapa tai, vena kilaen Yesu mare.

<sup>2</sup> Pogos naḡa la apisayu ḡisi, ana la apiar limana ne Yesu, la aḡure naga pa puna ne Paelat, naḡa naga pe ḡarin suḡe nae Rom naḡa naga pisuar ke Israel e pogos nene, ana la amligan Yesu e limana ne Paelat nene, vena naga liḡere naga.

*Sutas mḡemḡar ke sina ga naga*

*Yumḡaena 1:18-19*

<sup>3</sup> Ana Sutas, naḡa naga pielua Yesu ḡisi, naga pisa kilale naḡa la amlipere Yesu ḡisi rui asape naga monar mare, ana e pogos nene naga mloge si piowagan suri naḡa naga kila. Ana naga pilon si kiena sitomena narui, ana naga ḡar si selḡa lualima yam telu nene, pa yerkawa la naḡa apul naga sumo.

<sup>4</sup> Ana naga pisa pan la, pisape “In na nekila mlamulena viowa nene, naḡa inu nepielua yaru tai naḡa pe kila re nena suri tai, ana kiau visena na kila na yoko awemḡar naga mare.”

Ana yerkawa la nene apisa ga pania, apisape “Ei, ve oimi otage re si van imimi. Imimi meḡisin ko pa rui.”

<sup>5</sup> Ana Sutas silin tetain kilavaru nene su tano e loyurḡa wa mḡana Ntewa, ana naga pa vanua, pa telan kolmekina e kilika, naga mare.

<sup>6</sup> Ana yerkawa kiena ne yaru wa lala, la apano aḡar kilavaru nene, ana la apisape “Kilavaru nene, kuruta kana yaru mlau vanon rui, a e kieta navisaluaena, ita taḡatete teligan kilavaru na sanene va teke karo na Yumḡa Wa Mana Ntewa.”

<sup>7</sup> Ana lala apisayuia, ana amla kilavaru nene, apa apul kinakinas nen porotano tai naḡa nanua sumo, la apisape kiena kia “Porotano na piaki,” ana la amligan narin porotano nene pe lotap kiena ne wolawa lala.

<sup>8</sup> Vanon suri ne nanene, pimi pol nanagane, yaru lala apisa ke narin porotano nene, asape “Porotano na Kuruta.”

<sup>9</sup> A suri ne nanene kila visena tai kiena ne Navisawalena Sereḡaena pimi pe lelaga, naḡa sumo naga kiena visena pisape “La ala kilavaru naḡa selḡa ve lualima yam telu nene,

*na torokin maran kilavaru naŋa le Israel lala apisa apisape mesmesun aul lua yaru,*

<sup>10</sup> *ana la amla apano apul porotano kiena ne yaru na kilaen piaki nene, sa ga naŋa Ntewa pisa pan inu sape nekila.”*  
Sek 11:12-13

*Yesu suŋalu e marana ne Paelat*

*Mak 15:2-5; Luk 23:3-5; Yoane 18:33-38*

<sup>11</sup> Ana la aŋure Yesu pimi suŋalu se marana ne Parin Suŋe Paelat, ana naga piun tan Yesu, pisape “?Ko ope Parin Suŋe kiena ne le Israel lala, pona peraga?”

Ana Yesu pisatamea, pisape “Naga ke narui, sane ko opisa ke ne.”

<sup>12</sup> Ana pogos naŋa yerkawa kiena ne ŋarin yaru wa lala amio nasumonena lala apisavisawal suri moki e Yesu, ana Yesu pisatame re si suri tai poli.

<sup>13</sup> Naga topuru ga toŋia sanene, ana kila Paelat piun sina ga tania, pisape “?Sanape, ko pe ositom re naŋa la apisa suri viowa la moki e ko poli?”

<sup>14</sup> Ana e lepas na suri la nene naŋa la asumŋa apisa ke ne, ana Yesu pe pisatame re si suri tai pan la poli, ana Parin Suŋe nene milan paŋisi.

*Paelat naga tamian pisape Yesu Monar mare*

*Mak 15:6-15; Luk 23:13-25; Yoane 18:39-19:16*

<sup>15</sup> Ana e pogos nene, la asike e pog na Paŋagena na Sitomalenena Natamaliaena na wa, ana e kayui punu ga e paŋagena nene, Parin Suŋe nae Rom nene naga silaga kila suri tai pa le Israel lala. Naga kila naŋa visae la paŋia asike e yuŋia naloge viowaena, la akilia avisa kia kiena ne yaru ve taaga naŋa la sinelania, ana yokorena Paelat naga ligan lua naga molue.

<sup>16</sup> Ana e pogos nene, yaru na kilaen politik tai naga moŋia e yuŋia naloge viowaena, naŋa yaru la akilia ruru naga, kiena kia Yesu Paraŋas.

<sup>17</sup> Pisi na, pogos naŋa pina lala apimi ape moki lele taaga e marana ne Paelat, ana naga piun tan la, pisape “?Amiu sinemiun asape neligan lua ane molue sina inŋasu pun amiu? ?Sinemiun Yesu Paraŋas, pona Yesu naŋa apio ke asape Navisaarena?”

<sup>18</sup> Paelat piun sanene, vanon naŋa naga kilia piŋi rui naŋa yerkawa ga lala kiena ne le Yu lala, la aŋure Yesu pimi puna, sane yuŋaena na vielueen ga, vanon naŋa apisu naŋa kiela yeririna taŋena lala akekaran Yesu paŋisi.

<sup>19</sup> Ana e miena ga e pogos naŋa naga totano ke e lelen naliŋereena vena akila navisena nene, ana wona mligan visena pimi pania, pisape “Ko ve okila re suri tai va yaru nene. Naga pe kila re suri tai poli,

ana na kolemallo nomomallo, nepisu naga, ana nanagane nemloge ke piowa vanon paŋisi.”

<sup>20</sup> Sanene narui, Paelat sinenan pisape ligan lua Yesu naga vano, ana yerkawa lala kiena ne yaru wa lala amio nasumonena kiena ne le Yu lala, la akila kare sitomena kiena ne yeririna lala, la aŋareran la paŋisi vena la monar avisa va Paelat vena naga ligan lua Paraŋas nene vano, a naga monar kila Yesu va mare.

<sup>21</sup> Ana Parin suŋe nene piun sina ga tan la, pisape “?Amiu sinemiun asape netaŋian yaru la lua nene, ana ane molue ga sane?”

Ana la apisatamea, apisape “Imimi sinemimin Paraŋas.”

<sup>22</sup> Ana Paelat piun tan la, pisape “Poga ga, ana visae ve sanene, piŋi na nekila ve sanapen Yesu nene naŋa apio ke naga asape Navisaarena?”

Ana la punu ga apionia, la apisape “! Asuar naga e laki torovia!”

<sup>23</sup> Ana Paelat piun tan la, pisa pisape “? Vanon ya? ?Naga kila suri ya naŋa piowa?”

Ana la apion manene la pa metava sane, la apisa apisape “!Asuar, asuar naga e laki torovia!”

<sup>24</sup> Ana Paelat pisu naŋa naga taŋatete si taulu la, vanon naŋa pupia maagena paŋisi naŋa pa ke metava rui, ana naga kus pialo na wii tai, ana e maran yeririna la nene, naga kevan limana ea, ana naga pisape “Kuruta na yaru nene naga pe su re e inu poli. Kiena marena, naga kiamiu yuŋiaena ga nene.”

<sup>25</sup> Ana pogos naŋa yaru la amloge visena nene, la akiki ke sina ga, apisape “Poga ga ne, suri ke naŋa imimi sinemimin ke nanene narui e, naŋa kiena marena pe kiamimi yuŋiaena, a naŋa kana kuruta suŋa e imimi memio narimimi lala.”

<sup>26</sup> Ana Paelat mligan lua Paraŋas molue si paŋuŋe pa pula, sa naŋa la sinelania, ana naga mligan Yesu e limana ne kiena li na mara lala vena akioa naga, a vena aure naga va asuar ia e laki torovia.

*Li na mara lala akirakirai viowa pa Yesu*

*Mak 15:16-20; Yoane 19:2-3*

<sup>27</sup> Ana yaru na kilaena mara lala kiena ne Paelat, la atar Yesu aŋurelua pa vanua e yometava na kiena kumali nene, ana la apio pa kiela paŋas nen li na mara taŋena lala vena la aimi avisu Yesu.

<sup>28</sup> Ana la amiyenlua miana kulsota, ana amiyen kulkota tai e naga naŋa marana pe melia vivaga sa naŋa ŋarin suŋe la amiyen,

<sup>29</sup> ana la aŋar nenos nen kilisiri, ana aŋan ruruia, amligan e paŋarina, sa naŋa karo na paŋarin suŋe tai, a amligan miena

lakiavio tai e limana na pamarua vena lararia. Ana la asuñia akinai tano pania, la asuñia akirakirai viowa pania, la apisa apisape “!Imimi meva tanon ko, ko naña ope Parin Suñe kiena ne le Yu lala, imimi memieluar kol!”

<sup>30</sup> Ana la asuñia apilasiria naga, a amla lakiavio nañani, asuñia añie p̄arina Yesu ea.

<sup>31</sup> Ana pogos naña la akirakirai piowa pania p̄isi, aḗarlua kulkota nene e naga, ana amien si m̄ana kulsota la e naga, ana atar naga, apano vena asuar naga e laki torovia.

*Asuar yesu e laki torovia*

*Mak 15:21-32; Luk 23:26-43; Yoane 19:17-27*

<sup>32</sup> Ana pogos naña li na mara lala la asumon Yesu apa ke narui, amal yaru tai nae Saerin, kiena kia Saemon, ana la aḗareran pania asape naga towe kus laki torovia kiena ne Yesu vano.

<sup>33</sup> Ana la apa atol kunus tai, kiena kia Kolkota, naña kana kinasia na asape yo naña sane puriu na piaḗarin yaru.

<sup>34</sup> Pogos naña apimi aporu e wos nen kunus nene, ana la sinelan asape ala kuruta namunena va Yesu vena munia, ana kuruta namunena nene was nen suri tai naña melkalka sike ea, vena kila tasnena ne Yesu kapulu ga, ve lae manene re, ana pogos naña Yesu munli suri nene, naga yepen mavin si munena.

<sup>35</sup> Ana la atar Yesu, asuari naga e laki torovia. Pisi na, la akila sa naña amlil m̄apila, vena alual li naña ane war m̄ana kulsota tai, a ane war tai,

<sup>36</sup> ana la atotano atoñaga e yo nene vena akirakira m̄aga va avisu naga.

<sup>37</sup> Ana la asiri navisawalena tai, asuari teke metavan p̄arina, naña pisawal suri naña la aḗem̄ar naga mare vanonia, naña pisa pisape “Yesu nene, Parin suñe kiena ne le Yu lala.”

<sup>38</sup> Ana e pogos nene, yaru navinauena lalua, asuari m̄ena ga la luoka e laki torovia sa ke Yesu, la amligan tai e lepasnena na pamarua, tañena e lepasnena na p̄ameli.

<sup>39</sup> Ana yaru la naña asuñia amialoro ke apa e yo nene, asuñia asisilin p̄arila, apisalele kare Yesu p̄isa, la apisa apisape

<sup>40</sup> “!Ke, suwala! Ko nene, nanua sumo ko opisa opisape ko okilia owe plan Yuñia Wa Mana ne Ntewa, ana ovisirlua ke sina ga e legiena ve telu ga, ana sanape narui? !Poga, ko ga otamalia ko lia! !Visae ko ope narin Ntewa kemua lelaga, ko otapulu e laki torovia nañia, otomi tano!”

<sup>41</sup> E p̄elaga m̄a nena ga nene, yerkawa lala kiena ne p̄arin yaru wa lala, amio navianena na navisaluena, a li na sumonena kiena ne le Yu lala, la asuñia apitalia kare naga paḗisi,

<sup>42</sup> la asuñia apisa ke, apisape “!Pona naga tamalia m̄a yaru tañena la moki yo rui, ana naga mninue kare si narui, taḗatete si tamalia naga! ? Ana naga pe kieta p̄arin suñe ita le Yu lala, pona peraga? Popon naga vitomi tano e laki torovia nanagane, vena ita telelaga e naga.

<sup>43</sup> A yaru nene pisape naga piawa e Ntewa, ana pisape naga Narina ne Ntewa. !Poga ga, tevisulia, visave Ntewa kekaran naga, yoko naga tamalia naga nanagane narui!”

<sup>44</sup> Ana yaru navinauena la lua nene, naña asuar la e laki torovia amio Yesu, la m̄ena ga luoka asikol sina visena viowa kiena ne la nene pania.

*Yesu mare*

*Mak 15:33-41; Luk 23:44-49; Yoane 19:28-30*

<sup>45</sup> Ana kolipae ga, yemalolo pimi kalo make yo punu ga e yo nene, pano tol m̄rae telu yepekilavi,

<sup>46</sup> a lavis ga e pog nene, Yesu mlokai keviu e kiena visena ruru napo, pisa pisape “?Eli, Eli, lam̄ia saḗatani?” naña kana kinasia sape “?Kiau Ntewa, kiau Ntewa, sanape naña ko omligan inu nenñeke sanene?”

<sup>47</sup> Ana yeririna lañasia naña asuñialu asuñia e yo nene, naña la asuñia apisuvisu ke suri la nene, ana amlogepalia naña Yesu mlokai sane, ana la apisa apisape “Ke, yaru nene sum̄a pio ke yermarua Elaisa, vena imi iila naga-o.”

<sup>48</sup> Ana veraga ga, lala yaru tai kiriri pimi, mla lumlum tai, taron kuruta namunena naña melkalka pa ea, miyurar te laki tai, ana kian va Yesu munia.

<sup>49</sup> Ana yaru tañena lala apisa apisape “!Osuwa! Tevisulia va, pona yokorena yermarua Elaisa vitomi tamalia naga, pona ve vitomi re.”

<sup>50</sup> Ana Yesu mlokai manene sina, ana p̄ere maron kiena yalua, tañian ninuna pano, mare p̄an.

<sup>51</sup> Ana pogos ke ga nene, pupia kulmrae naña e Yuñia Wa Mana ne Ntewa, naña mono ke yo wa naña pe yo wa paḗisi, naga purḗa pito ga lika, siar metava pito tol tano. A yemninu, a pupia kilavaru lala pororowa la,

<sup>52</sup> a e lotap, tampona na yaru mesmesu la moki na nanua sumo apikevike, ana kana yaru ne lala amamal sina.

<sup>53</sup> Ana la amolmolue e kiela tampona lala, ana siraun pogos naña Yesu m̄ena ga

mali sina ga e marena, la nene amial apa garu pulkumali wa Yerusalem, ana yaru la moki naŋa apisula.

<sup>54</sup> Ana li na mara lala, amio kiela yerkawa, naŋa la asumŋa apisusuari ke Yesu, pogos naŋa la amloge yemninu, a apisu suri la naŋa kakate, la amilan paŋisi, la sinela kurkur pano-o amiyuyuwawa, ana la apisa apisape “!Aulai, yaru nene naga pe Narina ne Ntewa kemua lelaga naŋa ne!”

<sup>55</sup> Ana sira la moki paŋisi e yo nene, la asumŋa asumŋalu asike la perina sane, la asumŋa apisuvisu ke Yesu. La nene, naga la naŋa amolue garu Kalele nanua sumo, la asumŋa ataveve nŋa Yesu pano-o, a asumŋa amiila naga.

<sup>56</sup> Ana likan sira la nene, ana Maria tai naŋa sira nae Maktala, a Maria mŋena naŋa anenane Semes amio Yosop, a sira mŋena naŋa wona ne Sepeti.

*Yosop sin Yesu*

*Mak 15:42-47; Luk 23:50-56; Yoane 19:38-42*

<sup>57</sup> Ana yaru tai nae Aramatia sumŋa ga, naŋa naga pe yaru na suri moki, kiena kia Yosop, a naga pe nalogena kiena ne Yesu tai. Ana pogos naŋa lavisi mrae vito tano,

<sup>58</sup> naga pa sumŋalu se marana ne Paelat, piun tania pisape kus tasnena ne Yesu. Ana Paelat pisa pa kiena li na mara lala, vena la akus tas nen Yesu imi vania.

<sup>59</sup> Ana Yosop kus tasnena ne Yesu, mliluwoia e kulmrae tai naŋa miyuwowo ruru po,

<sup>60</sup> ana naga pa mligan mŋeke e puluve viu naŋa naga mŋana, naŋa la ate mare ga ŋisi ga na wa. Ana la amelilivin pupia kilavaru na monoen puluve nene, pimi mono pulusa, ana Yosop la apasupe si apano.

<sup>61</sup> Ana Maria lalua nene, naŋa lala tai nae Maktala, amio taŋena nene, lalua apimi asike e yo nene, la atoŋa tano ato mesmesun ga pulmaran puluve nene naŋa tasnena ne Yesu mŋeke ea.

*Li namara lala akirakiravan mŋa puluve*

<sup>62</sup> Ana suri la nene la apimi kakate e legiena na kilanen suri la punu ga su ruruia sumŋate Legiena Wa. Ana e legiena taŋena, naŋa sane Legiena Wa nene narui, yerkawa kiena ne yaru wa lala amio Varasi lala la apa asumŋalu ase marana ne Paelat,

<sup>63</sup> ana la apisa apisape “Mesape mevisa ga van ko, Paelat, naŋa imimi mesitoŋal ke visena kiena ne yaru na visokanena nene na wa, naŋa pogos naŋa naga mali ke ga wa, naga sumŋa pisaar pisape ‘Siraun legiena ve telu, ŋisi na nemali ke sina ga.’

<sup>64</sup> Ana visae ve sanene, imimi sinemimin mesape meviun tan ko sanini, mesape ko oligan kioŋa li na mara laŋasia ava avisuar e puluve nene, vano vano tol kana legiena telu nene warovia. Visae peraga sa ŋisi kiena nalogena la ava akusvinaun tasnena, ana ŋisi na la avisokan, avisawal va yaru lala, avisave ‘Naga mali sina e marena rui.’ A visae la akila ve sanene, ŋisi na kiena navisokanena maro nene yoko imi viowa la sane, taulu naŋa nasumo.”

<sup>65</sup> Ana Paelat pisa pan la, pisape “Poga ga, aure kiau li na mara laŋasia avano. Amiu akilia ava akila ruru make suri punu ga sa naŋa amiu ava akirakiravan ruru yo nene.”

<sup>66</sup> Ana la apano, amligan pilu tai e kilavaru naŋa mono ke puluve nene, naŋa visae yaru tai melilivin kilavaru nene, ŋisi na pilu nene worovia, ana ŋisi na akilia avisu kilale. Ana la amligan mŋena li na mara lala asumŋa akirakirava e puluve nene.

## 28

*Puluve korena ga mŋeke na*

*Mak 16:1-10; Luk 24:1-12; Yoane 20:1-10*

<sup>1</sup> Ana pogos naŋa Legiena Wa ŋarovia, ana e legiena na siraunia, naŋa legiena ŋesia na wik, pogos naŋa mrae ŋarpoyo, ana Maria nae Maktala amio Maria taŋena nene, lalua apanon asape avisuli puluve nene.

<sup>2</sup> Lalua apano atol yo nene, ana pupia yemninu veraga, vanon naŋa navisi kiena ne Ntewa tai mligan ma e peni, pitomi tano melilivin lua kilavaru nene, ana pa teke metava e wosia.

<sup>3</sup> Ana marana pilavila paŋisi, a mŋana kulsota merarava ruru po, naŋa miyuwowo na miyuwowo ruru po,

<sup>4</sup> ana pogos naŋa li na mara lala la apisuia, la amarau pano pano-o amarmarlula asike ea.

<sup>5</sup> Ana navisi nene pisi pan sira la lua nene, pisa pisape “Marauen toko. Nekilia mŋa naŋa amiu lua apimin ke Yesu, naŋa asuar naga e laki torovia,

<sup>6</sup> ana naga pe mon re si e nini poli, naga mali sina, sumŋalu rui, sa naŋa naga pisaar sumo. Amiu lua aimi avisuia e naŋa tasnena momalio mŋena.

<sup>7</sup> Ana amiu lua ava vila ga, avisawal va kiena nalogena lala naŋa naga mali si e marena rui. Ana nanagane, yokorena naga sumo vito garo Kalele, ana amiu mŋena ga yoko atove, avisu naga e yo nene. Nane kiau visena pan amlua nene.”

<sup>8</sup> Ana lalua akoskosin naŋa lalua amolue e puluve, lalua apano. Lalua apano na, sa naŋa lalua amarau ke ga wa ana lalua amloge sane akekara mēna ga paŋisi. Ana lalua akiriri apano vena avisawal lologena nene va kiena nalogena lala,

<sup>9</sup> ana lalua apa mā sane, ana lalua apitawe Yesu. Lalua amilan kare naga paŋisi, ana naga pisi pan lalua, pisa pisape “Pokolulagi.” Ana lalua apa akinai tano e naga, lalua atarar lana, lalua amlotun naga.

<sup>10</sup> Ana Yesu pisa ga pan la luoka, pisape “Marauen toko. Amiu ga luoka ava avisa va wolai lala vena ato garo tano Kalele, ana e yo nene, la akilia avisu inu.”

*Li na mara lala la apa apisawal suri la nene*

<sup>11</sup> Pogos naŋa sira lalua nene aŋasuŋela apa ke puna ne nalogena lala, e ke e pogos ga nene, ana li na mara lala ŋasia aŋasuŋela apa Yerusalem, la apa apisawal suri la nene naŋa kakate, van yerkawa kiena ne yaru wa lala.

<sup>12</sup> Ana la nene, la apio nasumonena taŋena lala apimi, ana la apa lele taaga amio la, ana la apisayu suri la nene pano-o ŋisi, ana la apiranaria asape la monar awar kilavaru keviu tai va li na mara la nene,

<sup>13</sup> ana la apisi mārera pan la, apisape “Avano avisavisawal va yeririna lala, avisave ‘! Peraga, kiena nalogena ga la nene! Apimi kolemalu, e pogos naŋa imimi mesuŋa momomalio ke ga wa, ana la apinaun tasnena akus apano.”

<sup>14</sup> Ana la apisa mēna ga pan la, apisape “A visae visena na suri nene va tol Paelat, ŋisi na imimi ga mevano mekila ruru memio naga, ŋisi na amiu ve aloge re visena tai vanonia.”

<sup>15</sup> Ana li na mara la nene akekaran kilavaru nene, amlavia, ana la apano apisovisokani e yo punu ga sa naŋa yerkawa la nene apisa pan la, a suri nene kila le Israel lala la apisavisa ke visena nene pimi tol nanagane.

*Yesu pimi puna ne kiena nalogena lala  
Mak 16:14-18; Luk 24:36-49; Yoane  
20:19-23*

<sup>16</sup> Ana nalogena la lualima taaga pa taaga nene apito garo tano Kalele, e tavie naŋa Yesu pisaar pan la,

<sup>17</sup> ana pogos naŋa la apisu naga, amlotun naga, ana la ŋasia la asitom ŋele ga asape Yesu re nene poli.

<sup>18</sup> Ana Yesu pimi lavisin la, pisa pan la, pisape “Ntewa mligan suri punu ga nae ma

e peni a nae mēna ga e yomarava nini, e luŋiau, vena nevesuŋen la.

<sup>19</sup> Sanene, nemligan plan amiu ke narui, vena amiu monar ava e yolai punu ga na yomarava nini, amiu monar aurela aimi ave kiau nalogena lala, naŋa amiu akela e kia kiena ne Ata, Narina, a Ninuna Wa,

<sup>20</sup> a naŋa avian la mēna ga vena alogear visena la naŋa nepisa pan amiu ŋisi rui. Ana amiu monar asitomali luen ga, naŋa nesuŋa nemio amiu silaga, vano vano-o tol luas nen pog nini.”

**Lologena Wo Kiena Ne  
Yesu Kristo Naþa  
MAK  
Siriyuia  
Visayuena Na Tusi Nene**

*Komþasnen suniena plas na tusi nini*

Tusi nini, “*Lologena Wo Kiena Ne Yesu Kristo Naþa Mak Siriyuia*”, naga siari e visena tai naþa sape lologena wo nene, naga lologena wo kiena Yesu Kristo, narina Ntewa. Mak kilologia naþa Yesu pe yaru na yuþaena kiena ne Ntewa, a kiena visena m̄areraena sike ea. Tekilia tevisu kiena m̄areraena pogos naþa piyan ke yeririna lala, a m̄eneplan m̄ena yermare lala, a naþa warplan milamulena viowa kiena yaru lala. Yesu pisawal kiena kia tai, sape naga Narina Yeririna, naþa naga pimin tañan kiena maliena vena warplanen milamulena viowa kiena yaru lala, vena akilia aure matan nalogeviowaena, yepela melala.

Mak pisayu manene yuþaena kiena Yesu pa laa sane, amio kile lala naþa naga myuþaenia, taulu naþa pisayu kiena visena lala.

E tusi nini, Mak pisayu þesan Yoane Nakeena amio kiena yuþaena, a naþa Yoane kee Yesu. Siraunia, pisayu naþa Yermare taþali Yesu. A siraun m̄ena suniena plas na visena nene, naga pisayu yuþaena kiena Yesu la narui naþa kila ruru yaru la naþa amai apimi apowo sina a naþa naga piyan ke yeririna lala. Pogos naþa Yesu kila kiena yuþaena lala, silaga kiena nalogena la asum̄a akilia ruru naga amio kiena þelaga lala pa laa sanene.

Ana e pogos nene, yaru laþas pe akekaran re Yesu poli, sinela kar Yesu paþisi. Marana na maro la na tusi nini apisayu malena kiena ne Yesu e kiena legiana olua na maro e yomarava nini, a pupia suri naþa pisayuia, nane kiena marena, a naþa mali sina.

E marana na keviu 16, yaru moki asitom asape Mak naga siri tusi nene tol ga marana na ve tokaki orelu, ana marana na ve tokaki la ne siraun nene, pona yaru taþena naga siria yo.

*Komþasnen suniena la naþa sike e tusi nini*

Yuþaena kiena Yoane Nakeena 1:1-13  
Yuþaena kiena Yesu garu Kalele 1:14—  
9:50

Yesu molue Kalele pa Yerusalem 10:1-52  
Legiana olua na maro kiena Yesu naþa  
kila kiena yuþaena Yerusalem, a yo

make la naþa lavisin Yerusalem 11:1—  
15:47

Yesu mal sina 16:1-8

Yesu pimi m̄alivin kiena nalogena lala a  
naga pa mae peni 16:9-20

*Yoane Nakeena sike e yokorena pisawal  
ke visena kiena ne Ntewa*

<sup>1</sup> Na nene Lologena Wo kiena Yesu Kristo naþa narina Ntewa.

<sup>2</sup> Suniena na Lologena Wo nini siar e Yoane Nakeena, sa naþa Visena Wa kiena ne Ntewa pisayu naga konua rui e visena tai naþa Navisawalena Aisea pisawalia, naþa Ntewa pisa pisape

“*Naga pe yaru tai nalologonen kiau visena, naþa nemligan naga sumon ko, pe na kilaruruen mrapa lala kioñia mekiki ruru wo.*” *Mal 3:1*

<sup>3</sup> Ana naga sum̄a piovision ke e yokorena, piovision ke pisa ke pisape

‘*Amiu na monar akila ruru mrapa lala kiena Suþe Ntewa, amesmes ruru wo,*

*vena naga kilia yali ea imi kate e kiamiu malena lala.*’” *Ais 40:3*

<sup>4</sup> Sanene narui, Yoane Nakeena pimi kate e yokorena lepas naþa Yutea, ana mlologon ke visena kiena ne Ntewa pan yeririna lala. Naga pisawal ke pan la pisape “*Amiu monar avilopu amiu e kiamiu mlamulena viowa lala, aimi, vena nekee amiu e wii nakeena, þisi na Ntewa viewo amiunia.*”

<sup>5</sup> Ana þisi na yeririna la moki nae Yerusalem amio nae pulkumali taþena e lepas naþa Yutea, la apa amiya-gogan Yoane, ana la apisa plan ke kiela naviowaena lala pania, ana naga kee la e wii naþa Yortan.

<sup>6</sup> Ana pogos naþa Yoane Nakeena sike e yokorena sanene, naga kila sa ga yermarua navisawalena tai na konua rui naþa Elaisa, sa naþa pe miyen re kulsota la naþa po poli, ana m̄ana kulkota ape ga e vilulus nen sur mali tai naþa kiena kia kamel, ana kulka na m̄eþena amiyuþaen e narin kulus nen puluk tai. A kana kinanena e yokorena nene, naga kurpo ga ne amio kopululus nen lago na yom̄arua, naþa kiki sane purutevi.

<sup>7</sup> Ana pisaar pan yeririna lala, pisa pisape “*Pisi na yar tai, naþa puriyuna m̄arera taulunu, naga yoko siraun inu imi. Yar nene, naga to laa metavan inu, in na pe netorokin re poli naþa neulounia neyen plan kiena kulus nen lana, pona nekila si yuþaen tai ne sanene vania.*”

<sup>8</sup> In na nesum̄a nekee amiu e ga e wii, ana yoko naga kee amiu e Ninuna Wa.”

*Yoane kee Yesu*

*Matiu 3:13-17; Luk 3:21-22*

<sup>9</sup> Ana Yesu mligan pulkumali naþa Nasaret, e lepas naþa Kalele, pimi e lepas naþa wii nae Yortan, ana Yoane kee e wii nene.

<sup>10</sup> Ana pogos naþa kee pae Yesu, Yesu suñalu, molue e wii pa metava, ana veraga ga ma e peni pietava pania, naga ñal Ninuna ne Ntewa pitomi ke tano sa ga manu naþa lomfe, pitomi mesmes ga koan te naga.

<sup>11</sup> Ana lala amloge Ntewa nae ma e peni pis pitomi, pisape “Ko, ko ga taaga ope naruu wawa, ana nepinaia ko paþisi. Sineu si ko, nekekarana ko paþisi.”

*Yermare taþali Yesu*

<sup>12</sup> Ana e pogos ña ke nene, Ninuna Wa þere Yesu naga taaga pa laa perina sane e yokorena,

<sup>13</sup> ana Yesu suñã e nene tol legiena lualima yam vari, naþa Yermare taþali naga paþisi. Yesu sike amio sur mal tetan lala e lele nene, ana navisi kiena ne Ntewa lala apimi apisuar ke naga.

*Yesu siar kiena yuñãena garo Kalele  
Matiu 4:12-17; Luk 4:14-15*

<sup>14</sup> Ana siraunia, apim atarar Yoane Na-keena, aþere pa akotawea e yuñã naloge viowaena. Ana pogos naþa Yesu mloge lologena nene, petan yo þasuþe pato si lepas naþa Kalele, ana siar e pogos nene, naga mlologon Lologena Wo kiena ne Ntewa.

<sup>15</sup> Ana pogos naþa naga mlologon ke, pisa ke sape “Nanagane na, Ntewa kilia sane pe pog mesmes naþa monar avilopu amiu narui. Navesuþenena kiena ne Ntewa naga pimi ke pun amiu narui, monar avilopu amiu, alelaga e Lologena Wo nini.”

*Yesu pio yar na wereen ika la vari*

<sup>16</sup> Ana siraunia, Yesu naga suñã mialoro ke e is nen pupia lapa nae Kalele, ñal yaru la lua nawereen ika, nane Saemon amio wenla Antru, lalua asuñã aþere ke kiela lilivi.

<sup>17</sup> Ana Yesu pisa pan la, pisape “Amiu lua aim atavevenu. Yoko nekila amiu ave li nawereen yeririna lala aim ave kiau.”

<sup>18</sup> Ana veraga ga lalua nene amligan kiela lilivi lala, ataveve Yesu.

<sup>19</sup> Ana Yesu mial pali laa sane, kirawal narina ne Sepeti la luoka, nane Semes amio wenla naþa Yoane. Lalua atotano ke e pulus nen kiela waa, akila ruru ke kiela lilivi lala.

<sup>20</sup> Ana pogos naþa Yesu kirawal lalua nene, pio la, vena la ñena ataveve naga, ana asuñalu, amligan arimala Sepeti naga

ñeke e waa amio kiena yaru nayuñãena lala, lalua ataveve Yesu.

*Yesu pilelua ninuna viowa tai*

*Luk 4:31-37*

<sup>21</sup> Ana Yesu amio kiena yaru lala amial apa atol pulkumali naþa Kapeneam, ana e Legiena Wa, apa e yuñã nalotena, ana Yesu naga pian yeririna lala e Visena Wa kiena ne Ntewa.

<sup>22</sup> Ana la naþa amiyagogania amilan paþisi, komin naþa amloge navianena kiena ne Yesu naga pe taþena, pe sa re navianena kiena ne kiela navianena la poli, komin Yesu naga kiena urmi po, puriukawaena kiena ne Ntewa teke ea.

<sup>23</sup> Ana e pogos nene, yaru tai naþa ninuna viowa teke e naga sike amio la,

<sup>24</sup> kila yar nene, naga ñãñaaga kare ga paþisi, naga pis pa Yesu, pisape “?Yesu nae Nasaret, kionã ya ne teke e imimi? !Po ko na opimin osape okila kare imimi! In na nekilia ko pa rui, ko na ope Yar Nowo Wa kiena ne Ntewa.”

<sup>25</sup> Ana Yesu pis ñãrera pan ninuna viowa naþane, pisaluþar pania, pisape “! E, ko na ve ovis re! !Oure vetan yar nene nanagane ga ne!”

<sup>26</sup> Ana ninuna viowa naþane kila yepen yar nene miokamarmare, ñãaga keviu yam si tai, pisi na molue petania pure pano.

<sup>27</sup> Ana yar la nae yo nene amilan sur nene paþisi, asuñã apisasayu ke Yesu, asape “?E, sanape na sanene? ?Navianena viu si tai nene, pona yar ne? Yar nene, naga puriuna kawa paþisi ne, pis ga pan ninuna viowa lala, ana amlogearia.”

<sup>28</sup> Ana komin sur ne la nanene narui, akekarania, apisa ruru kia wo kiena Yesu pa e yo lala pa þar punu yo punu ga e lepas nae Kalele.

*Yesu kila ruru anenane wona Saemon  
Pita, amio yeririna taþena si laþasia*

*Matiu 8:14-15; Luk 4:38-39*

<sup>29</sup> Ana Yesu amio yaru ne la nini, Semes amio Yoane, a Saemon amio Antru, lala amolue petan yuñã na lotena, apa e yuñã ñãna ne lalua nene Saemon amio Antru, nanene e pulkumali ñã ke ga naþa Kapeneam.

<sup>30</sup> Ana e uñã ñãna lalua nene, anenane wona Saemon naga mai ñeke ea, yepena pisusun, momalio ke e ñãna tog, ana lalua apisawal pa Yesu.

<sup>31</sup> Ana Yesu pa tarar limana sira marua nene, tarlua tomãlu e ñãna tog, ana yepena pimi manin sina, naga suñalu, pa piran kala kap.

<sup>32</sup> Ana e mña nena e legiena nene ko yepekilavi, pogos naña Legiena Wa þarovia, sane mrae pito kovio pa rui, yeririna lala aþure yar la naña amai, a la naña yermare la asike e la, apim pu Yesu,

<sup>33</sup> ana la moki manene la, sa naña lavisi la punu ga nae kumali nene apim asuñalu e mratava na yuñia nene.

<sup>34</sup> Ana Yesu kila ruru yeririna la moki naña amain inanena taþena lala, a mñene plan yermare la moki petan yar lala, pisawo yermare lala sape ve avisa re si sur tai, komin akilia pa rui sane naga pe Navisaarena kemua lelaga kiena ne Ntewa.

*Yesu mlologon ke e yo lala lepas nae Kalele*

*Luk 4:42-44*

<sup>35</sup> Ana kolulagi, pogos naña lakaporo pe kokoreko re poli waa, Yesu suñalu, naga taaga mial petan uña, ana pa e yo mñano tai, mlen pa Arimana.

<sup>36</sup> Ana siraunia, yeririna la apimi akale si naga uña, ana Saemon la aña re si naga poli, la apa akalea.

<sup>37</sup> Lala akale mña pano-o, añañ naga e yo naþane, apisa pania, asape “Yeririna taþena la moki apimin akale ko ke.”

<sup>38</sup> Ana Yesu pisape “Ee, nekilia mña ga. Ana peraga, monar teva mñena ga e pulkumali taþena laþas naña sike ga waa, vena nekilia nelologon mñena Lologena Wo nene van la. Sur ne na nene, in na nepetan ma ne nepitom nesike e yo nene.”

<sup>39</sup> Ana þisi na Yesu pato mialoro ke e yo punu ga garo Kalele, mlologon ke e yuñia na lotena kiena le Yu lala, pile plan ke mñena yermare lala moki petan yeririna lala.

*Yesu kila ruru yaru tai naña leperosi se yepena miania*

*Matu 8:1-4; Luk 5:12-16*

<sup>40</sup> Ana yaru tai naña leperosi sike e yepena pimi puna Yesu, kinai tano puna, piun mñareran tania, pisape “Awis, visae ko na otamñan ga, nelelaga sane ko ga okilia okilarurunu, neikiki sina.”

<sup>41</sup> Ana Yesu sinena miye manene yaru naþane, naga pe maraun re sape visae tol lae naga vanon kiena inanena, ana naga mligan limana te naga, pisape “Inu netañania, nanagane monar yepenña ikiki sina.”

<sup>42</sup> Ana veraga ga yepena miania, leperosi nene þisi petan yepena, naga mekiki sina.

<sup>43-44</sup> Ana Yesu mñareran pania, pisa pisape “Omloge ke ne, ovano ve ovisawal re suri nene wa, ana nanagane ga ne ova okom puna yaru wa vena naga kilia visuveve yepenña. Pisi na monar ova okila

lotena va Ntewa a okila mñena kuþaþaena na ikikiena nene naña Mosis pisa, sape yaru monar kila vanon sur na sa nene, ana þisin sur nene, yar wa kilia visawalia sape nanagane na leperosi naga þisi.” Ana Yesu pitetalia naga pano.

<sup>45</sup> Ana pogos naña yaru nene pano, pa pisayu sur la nene pan yeririna lala punu ga, kila sane visena nene pa þar punu yo, pano-o kila sane Yesu pe mial re si pa loyuña e pulkumali taþena la poli, komin visae vano, yoko yeririna la ve moki aiminia. Naga suña ga perinan pulkumali lala, ana yeririna lala asuñia apetan ke kiela pulkumali lala, apimi puna.

## 2

*Yesu kilia viewo mñena mlamulena viowa kiena yeririna lala*

<sup>1</sup> Ana legiena laþas þarovia, Yesu þasuþe si pa ma pulkumali naña Kapeneam, ana pe piavi re poli, yeririna la amloge asape naga pam si rui.

<sup>2</sup> Ana þisi na la moki naña apim puna, yo loyuña naga pulen la paþisi, a vanua mñena e mratava naga yepa vitokaki ga. Ana pogos naña la asike lele taaga sanene, Yesu mlologon Visena Wa kiena ne Ntewa pan la.

<sup>3</sup> Ana e ke e pogos nene na, yar laþasia atar yaru tai naña minana pimi, naña yepena wetelu ga mare. Ana la vari atar ga naga e mñana tog naña mono ke ea pimi.

<sup>4</sup> Ana pogos naña apim atol yo naþane, apisu sane yo pule pa rui, taþatete si atar kiela erau nene va lavisin Yesu. Pisi na lala ataryaun naga apa metava e wos nen yuñia naþane, lala añaepo wos nen yuñia metava mesmesun ga e naña Yesu sike ea, amligan malumun yaru naña mono ke e mñana tog, pitomi tano e pulmas naþane, pito loyuña.

<sup>5</sup> Ana pogos naña Yesu kira pisu sur nene, kilia sape la nene, amlelaga mñarera e naga paþisi sane yoko naga iila kiela inanena nene, naga pisa pania, pisape “Naruu, in na nepiewo kon kionña mlamulena piowa lala.”

<sup>6</sup> Ana e pogos nene yaru navianena na visaluaena la þasia asuñia ga, amloge ke visena kiena ne Yesu. Ana þisi na la kiela sitomena la miyuñiae piowa ke e sur nene,

<sup>7</sup> apisa kare ke naga, apisape “?Yaru nene pisalele kare ke kia wa kiena ne Ntewa sanape na sanene? Ntewa naga taaga kilia viewo mlamulena viowa lala, pe yar re si tai poli, ana yaru nene pis ke sanene, naga sitom ke sape naga pe Ntewa narui.”



<sup>8</sup> Ana veraga ga, Yesu mnunulu-þaria sape asitom ke piowa sanene e naga, ana pis pan la, pisape “?Komin ya ne sinemiu la pulen ke sitomena viowa la ne sanene?”

<sup>9</sup> Visae nevisa ve sanini van inanena nene, nevisave ‘Nepiewo pa kionia mla-mulena viowa rui,’ pona nevisa vania nesapenua ‘Osumālu, osulowar momā tog, oyali,’ ana e visena lua nene, tai naga māraran navisaena, a tai naga meme ga naþa avisa. Naþa sape ‘Osumālu, oyali,’ naga mārara manene laa, komin yoko akilia avisuluþar sane kiau visena nene pe lelaga pona pe pe lelaga re poli, naþa yaru nene sumālu, pona pe sumālu re poli.

<sup>10</sup> Ana nagane, neyuñāen sur tai naþa amiu asitom ke asape Ntewa ga naga taaga kilia yuñāenia, vena akilia avisuluþar sane Narina Yeririna naga kiena puriukawaena torokin naþa viewo mla-mulena viowa lala na yomarava nini. Amiu ayagogan ruruia.”

<sup>11</sup> Ana Yesu pisa pa yaru na inanena naþane, pisape “Nepisa pan ko, osuñālu, osulowar momā tog, oyali ova uñā.”

<sup>12</sup> Ana veraga ga, e maran la naþa apisu ke, sumā sanene, kus mñana tog, mial pa vanua pa uñā.

Ana pogos naþa þina la nene apisu sur nene, amilan paþisi, amieluar Ntewa, asape “Awee, pe tepisuli re sur tai sanene poli wa e kieta malena, þane ga ne.”

*Yesu pio Matiu naþa kiena kia tai Livae pimi taveva*

*Matiu 9:9-13; Luk 5:27-32*

<sup>13</sup> Ana Yesu þasuþe si pito garo e is nen pupia lapa, ana þina la moki apim lele taaga e yo nene akovivia, naga pian la ke.

<sup>14</sup> Pisi na naga mial laa pa sane, kirawal yaru tai teke e kiena yuñāena e yuñā na warpoloen kururu yaru na takis. Yaru nene naga Livae, narina ne Alpeas. Ana Yesu pion pania, pisape “Oimi otavevenu.” Ana veraga ga Livae sumālu, taveva Yesu.

<sup>15</sup> Siraunia, Yesu pa kinana e yuñā mñana Livae, ana e pogos nene, li nawarpoloen mñana takis la moki, amio þarmārera taþena la, naþa apimi atotano veraga amio Yesu amio kiena nalogena lala, komin e legiena nene, yeririna kar la ne naþa atavevelili mñā Yesu.

<sup>16</sup> Ana navianena navisaluena la þasia, naþa la ape le Varasi lala, apisu naþa Yesu teke veraga amio yaru la ne sanene, apiun tan nalogena lala, apisape “?Komin ya ne kiamiu navianena kinan ke veraga amio þarmārera la sa nene?”

<sup>17</sup> Ana Yesu mloge visena nene, pisatamē la, pisape “Yaru la naþa yepela poga ga la pe sinelan re asape ava puna ne yaru nakilaruruen maiena la poli, ana la ga

naþa amai, la na sinelan paþisi. In na pe nepimin re naþa nevio yaru la naþa apisa ke asape amesmes þisi rui e marana ne Ntewa vena ataveve inu, peraga, in na nepimin li viowa la sane la nini.”

*Naviunena tai e lepas na monsilena*

*Matiu 9:14-17*

<sup>18</sup> Ana e pogos nene, nalogena kiena ne Yoane Nakeena amio le Varasi lala aþuar ke þelaga namonsilena nakilaen lotuena van Ntewa, ana yeririna la apim pu Yesu, apiun tania, apisape “?E, sanape ne naþa nalogena kiena ne Yoane la amonsilu pe nakilaen leniena, a nalogena sa le Varasi mñana lala, akila ke maran taaga, ana komin ya ne kionia nalogena lala pe akila re poli?”

<sup>19</sup> Ana Yesu pisatamē la, pisayu naga amio kiena nalogena lala, sane la akekara paþisi pogos naþa naga sike amio la, ana þisi na sinela viowa pogos naþa sa naga ure matan la, ana pisape “?Pogos naþa yaru natalopa-ena sike e þaþagena amio kiena erau lala wa, asitom ke asape lala monar aligan kinanena na þaþagena? Peraga.”

<sup>20</sup> Ana siraunia, visae pogos tai nasinekar kiena ne yaru nene laþasia aimi aurelua naga vetan kiena erau lala, e pogos nene narui kiena erau la nene akilia aligan kinanena, komin naþa la sinela piowagan manene naga.”

*Sur viu amio sur marua*

<sup>21</sup> Pelaga na monsilena nene, naga þelaga marua tai na lotena kiena ne le Yu lala, ana Yesu sinenan pisape kila meraravan van la sape þelaga marua la ne sanene, la taþatete yakol si amio suri viu la naþa naga pian lan ke ne. Ana pisa þakaiwa tai e lepas nene pan la, pisape “Taþatete tela kinakina kulmrae tai naþa pe urviu ana tesuluwo ruru pulus naþa teke e kulsota marua nene, komin kulmrae viu nene kilia urewowa kulsota nene komþas, þisi na pulus naga kilia vim ve keviu laa sane.

<sup>22</sup> Ana kuruta na munena naþa sirpup pava ke ga wa, taþatete tetaron vito e kulus nen nane naþa pe urmarua, naþa ataron kuruta na munena pito ea yam moki rui. Ana visae tekila ve sanene, yoko kuruta naþani lapa, kila kulus mapoa, kuruta namunena naga taroi, a kana pias nena piowa nena ga. Ana kuruta viu, monar tetaron va e kulus nen nane naþa pe urviu, mārera ruru po, ana tekilia teligan ruru momā yam ve piavi.”

*Yesu pe suþen Legiena Wa*

*Matiu 12:1-8; Luk 6:1-5*

<sup>23</sup> Ana e legiena taþena si tai, naþa pe Legiena Wa, Yesu amio kiena nalogena lala

amial apano, ana kiela mrapa naga pa kom lokove na kona lala. La amial m̄a sanene, pano-o kiena nalogena la viso kari la, ana apae plan kona laḡasia akania.

<sup>24</sup> Lala akila ke sanene, le Varasi la ḡasia asuḡia e naḡane, naḡa akirawal ke Yesu lala, apisa pa Yesu, apisape “!Ei, okira! Kioḡa nalogena la akila ke sanene, la pe pon re akila sanene e Legiena Wa poli, sa ve sanene la akilaro ke kieta navisaluaena ne.”

<sup>25</sup> Ana Yesu pisataḡe la, pisape “?Pona pe amiu apuloli re e Visena Wa pogos tai poli yo, naḡa pisayu sur la naḡa Parin Suḡe Keviu Tepet kila nanua sumo? !Amiu akilia ruru pa rui! Naga amio kiena yaru lala viso kar la paḡisi,

<sup>26</sup> naga pa loyuḡa e lele wa kiena ne Ntewa, m̄la kilaparavi wa naḡa navisaluaena pisape yar wa ga lala akilia akania, ḡisi na Tepet la akania. Ana Apieta, naḡa pe ḡarin yaru wa e pog nene, naga taḡan ga pan la.

<sup>27</sup> “Nevisa van amiu, sane kieta navisaluaena lala pe pe na ḡareran kare itaen re si poli. Ve sanene na, Legiena Wa naga pe pe na kila kareen re si malena kiena yeririna la poli, ana pe naiila itaena.

<sup>28</sup> Ana Narina ne Yeririna naḡa pe suḡen sur punu ga, naga ke narui pe suḡen m̄ena Legiena Wa, naga ga kilia visa ya naḡa tekilia teyuḡaen e Legiena Wa, a naḡa ve teyuḡaen re.”

### 3

*Yesu kila ruru lima ulu tai e Legiena Wa Matiu 12:9-14; Luk 6:6-11*

<sup>1</sup> Ana e Legiena Wa si tai na, Yesu naga pa si e yuḡa na lotuena, ana e pogos nene, yar tai naga ḡeke loyuḡa naḡa limana tai pulu.

<sup>2</sup> Ana le Varasi laḡasa naḡa sinela kar ke pa Yesu rui, asike lavisin naga e pogos nene, la asape apisuar ruruli ke naga, vena alual li ḡelaga viowa ḡasia e naga, ana sinelan asape avisuli m̄ena yoko Yesu kila ruru lima ulu nene e Legiena Wa nene pona ve kila re.

<sup>3</sup> Ana Yesu pisa pan yar naḡane, pisape “Osum̄alu, ovam metava e nini wa,”

<sup>4</sup> ana naga piun tan la naḡa asike ne, pisape “?E, kieta navisaluaena pisa ke sape tekilia teyuḡaen yara la ne e Legiena Wa lala? ?Pisa ke sape tekilia teyuḡaen sur la naḡa po, pona sur la naḡa piowa? ? Po pisa ke sape tekilia tetamalia yaru, po towemom̄aria?”

Ana la nene pe apisa re si sur tai poli.

<sup>5</sup> Ana Yesu kira pisuveve la, pisu marala la ḡarera ga sike na, ana naga mloge

piowa manene paḡisi vanonia, ana sinena kari la. Ana naga pis si pan yar naḡa limana pulu, pisape “Kian mesmesun li lumom̄a wa.” Ana pogos ga naḡa yar nene kila sanene, limana pimi po sina ga.

<sup>6</sup> Ana le Varasi la amolue, apa mesmes ga apisu yeririna kiena Suḡe Erot, naḡa lala akilia alual li mrapa tai na wem̄aren Yesu ve sanape.

*Yeririna la moki apimin Yesu*

<sup>7</sup> Ana Yesu amio kiena nalogena la apetan la, apato si garo pupia lapa, ana yeririna la moki atavevela apatove. Yeririna la nene, laḡasia amolue e yo taḡena lala nae Kalele,

<sup>8</sup> a la ḡasia apitom tano e lepas naḡa Yutea, amio pupia kiela kumali naḡa Yerusalem, a ḡas apitom e lepas naḡa Itumea, a ḡas apitom e wii naḡa Yortan lepas na vano, a ḡas akom ma pupia sive keviu e yo lala nae kumali keviu lua nene, Taea amio Saeton. La punu nene amloge pa visena na sur la naḡa Yesu miyuḡaen ke rui, ana asape aviminia.

<sup>9</sup> Ana pogos naḡa la punu ga nene asike e is nen lapa, Yesu pisa pan kiena nalogena la pisape ava avisawo narin waa tai tom̄a ga, komin yaru la nene moki liu, ana naga yepen mavin sape sa ḡisi yar la aim yo kuskus manene la puna.

<sup>10</sup> Na nene komin naga kila inanena la moki amloge po si rui, ana yar taḡena la naḡa aminana ke wa, la m̄ena moki naḡa asusunlan ke asape aimi lavisin Yesu, vena atol ga naga.

<sup>11</sup> Ana e pogos nene, visae ninuna viowa la asike e yeririna la ḡasia, visae avisu Yesu, lala monar avatania, akinai e mia lana, avion ḡareran, avisave “Ko na ope narina Ntewa.”

<sup>12</sup> Ana Yesu pis ḡarera pan ninuna viowa la nene, pisaluḡar la pisape yoko ve avisawal re sanene pan yaru lala avisave naga ai.

*Yesu mliganar kiena nalogena la lualima taaga pa lua*

*Matiu 10:1-4; Luk 6:12-16*

<sup>13</sup> Ana siraunia, Yesu naga pa metava e yo naḡa pe kunusia, naga pio yeririna laḡasia pisape aimi puna.

<sup>14</sup> Ana pogos naḡa apimi, naga mliganar la lualima taaga pa lua, pisa pisape lala ave nalogena, naḡa kiela yuḡaena na ve sanini: yoko monar la ayal luen ga amio naga, a yoko naga ligan la vena akus Lologena Wo va e yo lala,

<sup>15</sup> a yoko puriukawaena na m̄eneplanen yermare sike e la.

<sup>16</sup> Ana kia kiena ne nalologena ne lala sanini:

Saemon, naŋa Yesu sikiapu si ki viu tai Pita,

<sup>17</sup> a Semes, naŋa narina ne Sepeti,

a Yoane naŋa wenla ne Semes nene, naŋa Yesu sikiapu lalua nene rui, asape Ponases, naŋa kana kinasia pisape la lua nene ape polilu nena ga, komin la lua nene, pulgola apismolue lue ga,

<sup>18</sup> a Antru,

a Pilip,

a Patalomiu,

a Matiu,

a Tomias,

a Semes naŋa narina Alpeas,

a Tateas,

a Saemon, naŋa kila politik pan le Rom lala,

<sup>19</sup> amio Sutas nae Kariot, naŋa sirauinia pielia Yesu.

*Namratava puna ne Yesu asitom ke asape naga pe wowe*

*Matiu 12:24-32; Luk 11:14-23, 12:10*

<sup>20</sup> Ana sirauinia, Yesu pasuŋe si uŋia, pupia ŋina la apim si puna, ana Yesu amio kiena nalogena la amiyuŋaen la nŋa panoo pe aparurula re nena ga, akinana re poli.

<sup>21</sup> Ana la naŋa e mratava puna ne Yesu amloge naŋa naga miyuŋaen manene la pa sanene, amloge mŋena yar taŋena la apisayu ke naga, apisape "IYar nene kilalu pa ŋarina rui!" ana anena amio wenla lala, apano asape aurelua naga vetan la.

*Yerkawa mŋena lala apisa ke asape Yesu miyuŋaen ke ga e puriukawaena kiena ne Yermare*

<sup>22</sup> Ana e pogos nene, navianena na visaluaena laŋasia amligan ma Yerusalem apitomi e yo nene, la mŋena apisayu ke Yesu pan yeririna lala, asape "Yaru nene, suŋe kiena yermare la naŋa Pelsepel, naga pa mŋeke e rui," ana apisa mŋena, asape "Yar nene, naga mŋena pile plan ke ga yermare lala e puriukawaena naŋa Pelsepel taŋan pania."

<sup>23</sup> Ana Yesu pio la apimi lavis puna, pisi pan la e ŋakaiwa, pisa sape "? Sanape, amiu asitom ke asape Yermare naga kilia mŋenelua sina Yermare? !Naga taŋatete nena ve sa nene!

<sup>24</sup> Visae suŋe tai, kiena yeririna la aureure, sane komŋas la na akawela ke amio laŋas, yuŋaena kiena suŋe nene taŋatete ga suŋalu.

<sup>25</sup> A visae uŋia tai, la aureure naŋa la ŋasia asape aŋene plan lala ŋasia, yoko

yeririna la nene taŋatete asu ruru pogos tai.

<sup>26</sup> Ana sa mŋena nene, sa yermare kiena Yermare Lego, la ŋasia asuŋalu asape akilali naŋa aŋene plan lala ŋasia, nanene kana kinasia sane nasuŋena kiena Yermare taŋatete suŋal mŋarera, kiena puriukawaena naga ŋisi. ! Ana peraga, yermare mŋarera ke ga wa!

<sup>27</sup> "Kam na apisu ke ne, visae yaru tai sinenan ke pisape va loyuŋa mŋana ne yaru mŋarera tai vena vinaun kiena sur lala, naga monar war kilika viar ke ne yaru mŋarera nene sumo wa, ŋisi na kilia war plan kiena suria. Ana nekila ke sanene pan yaru mŋarera nene Yermare.

<sup>28</sup> "Lelaga nepisa ke pan amiu, mlamulena viowa kiena yeririna lala, amio visena viowa la naŋa apisa ke nene, Ntewa kilia viewo la vanonia,

<sup>29</sup> ana yar naŋa visae visanena kare Ninuna Wa, visa kiena yuŋaena ŋasia Yermare Lego ga naga miyuŋaenia, yar na sa nene taŋatete tol naviewoena pogos tai, kiena mlamulena viowa nene tolue ga vano-o taŋatete ŋisi pogos tai."

<sup>30</sup> Yesu pisa ruru si visena mŋarera nene pan la komin la nene la ke narui naŋa apisa ke asape ninuna naŋa teke e naga pe ninuna viowa ga tai.

*Anenane Yesu amio wenla lala apim asape aurelua naga*

*Matiu 12:46-50; Luk 8:19-21*

<sup>31</sup> Ana anenane Yesu amio wenla la apimi akate e pog nene, asuŋal ga asuŋa vanua, amligan visena pavinia vena naga vitom katen la.

<sup>32</sup> Ana e pogos nene, pupia ŋina atotano ke lavisin Yesu, ana visena nene pa tol naga, la apisa apisape "I E, anomia amio womla lala asike vanua, asape avis kone amio ko wa!"

<sup>33</sup> A Yesu pisatamŋe la, pisape "? A aneu naga ai? ?A wolai lala ai?"

<sup>34</sup> Ana kira pisuveve la naŋa ateke lavisinia pisa pan la pisape "I E, apisu ke ne! Aneu, amio wolai lala, la ke nene narui.

<sup>35</sup> Komin yaru naŋa miyuŋaen sur naŋa Ntewa naga sinenanina, yar ne sanene naga pe wolai, a pe vineu, a pe aneu ŋa rui."

## 4

*Pakaiwa na yaru naŋa peven kona*

*Matiu 13:1-9; Luk 8:4-8*

<sup>1</sup> Ana e pogos taŋena si tai, Yesu pian ke yaru lala e yepas nen lapa nae Kalele. Ana yeririna la moki naŋa apimi puna e pog nene, kila naga pa metava e narin waa tai

naŭa tomŭa e lapa nene, pa totano metava ea, ana yar la naŭa asuŭa ga ura.

<sup>2</sup> Ana naga pian la ke e sur la moki e ŭakaiwa,

<sup>3</sup> naga pisa pan la, pisape "Ayagoga ruru lia. Yar tai, naga pa peven kona e kana lokove.

<sup>4</sup> Ana pogos naŭa naga peven kona la pa sanene, kurus la ŭasia kekapil lavisin laa is nen mrapplepa. Ana siraunia, manu la apimi atete plan sina.

<sup>5</sup> "Ana kurus laŭasia kekapil e yo naŭa kilavaru sike vatano. Ana e yo nene pe porotano wo keviu re poli teke metava, ana kila narui akapuru iroro ga,

<sup>6</sup> ana pogos naŭa mrae ŭarlar pa metava, yepisusunun sus lala, veraga ga amiyayai komin ŭeligas la pe pito manene re tano poli.

<sup>7</sup> "Ana kurus ŭasia amlolor e yo tai naŭa sumo pe ate plan ruru re kilika la naŭa pe nonos e poli, ana ŭisi na kilika nene kapur sina keviu, ana piwo make ga sus nen kona la naŭane pano-o amarmare, pe aŭar re si mras la poli.

<sup>8</sup> "Ana kurus taŭena la amloloru e porotano naŭa po, akapuru po, pano-o aŭar mrasnela lala. La ŭasia aŭar mrasnela tol lualima yam telu [30], a laŭas aŭar tol lualima yam orai [60], ana laŭasia pa laa tol ponotia taaga [100]."

<sup>9</sup> Ana Yesu pisa pan la, pisape "Amiu punu ga kiligamiu sike na. !Popon sa aloge kilia kiau visena nini!"

*?Komin ya ne Yesu pis ke ga e ŭakaiwa lala?*

<sup>10</sup> Ana siraunia, ŭina lala apiaŭa tetai, ana Yesu naga taaga ga sike, ana yar la naŭa asike amio naga amio kiena nalogena lala, apim apiun tania apisape "Kinas nen ŭakaiwa nini naga sanape? ?Ana komin ya ne ko na okuan ke visena la ne sa nene, ana opian ke mŭena yaru lala e ŭakaiwa?"

<sup>11-12</sup> Ana Yesu pisatarŭe la, pisape "In na nepian la ke e ŭakaiwa la nene, komin la ape ŭarmarera la paŭisi, sa naŭa akila ke visena kiena Navisawalena Aisea na konua rui pimi pe lelaga, naŭa pisa ke sape

*'La akirava, akirava mŭa vano-o, amloge, amloge mŭa vano-o,*

*ana taŭatete avisu kilia suri tai, taŭatete mŭena aloge kilia suria.*

*!Visae peraga, pona avilon kiela sitomena la yo rui, pona Ntewa viewo pa kiela mlamulena viowa la yo rui!* Ais 6:9,10

"Vanon sur sanene, inu nepisape lala ape ŭarmarera lala, asuŭa perina paŭisi. Ana amiu ke narui, yoko wo laa van amiu vaŭisi. Navisawanena navesuŭenena

kiena ne Ntewa, yoko in na nevisawal ruru merarava wo van amiu.

<sup>13</sup> "Ana sanape, amiu pe amloge kilia re kinas nen kona nene poli? ?Ana visae amiu pe asitom kilale re kinas poli, ana sanape yoko aloge kilia ŭakaiwa taŭena la naŭa sa nevisayu van yeririna lala?"

*Yesu pisawal kinas nen ŭakaiwa na yar naŭa peven kona*

<sup>14</sup> Ana Yesu pisa, pisape "Pogaga, yoko in na nevisayu meraravan kinas nen ŭakaiwa nene van amiu. Kana kinasia naga sa nini: Porotano taŭena la nene, la sa naŭa malena kar la ne kiena yeririna lala. A naŭa yar nene peven ke kurusia e porotano la nene, naga sa naŭa apisawal ke visena kiena ne Ntewa pan yeririna lala.

<sup>15</sup> "Porotano mŭarera naŭa e is nen mrapplepa, naga sa naŭa yar naŭa pogos naŭa mloge visena kiena ne Ntewa, ana visena nene pe pa ruru re nena loyumuŭa e losinena poli. Ana manu la nene, la sa naŭa Yermare, naŭa veraga ga pimi mlalua sina visena kiena ne Ntewa petan los nen yeririna nene.

<sup>16</sup> "Ana porotano naŭa kilavaru naga sike tano, naga sa naŭa yar naŭa mloge visena kiena ne Ntewa, ana verakorena ga kekarania, ana mlavia,

<sup>17</sup> ana visena nene naga pe towawa ruru re e losinena poli. Ana naga kapuru sa ga narin sus tai naŭa pe pe ŭeligas ruru re poli naŭa kila yoko kapuru ve plas ga. Ana pogos naŭa sa pog mŭarera la imi pona yar la asape avevela komin amlelaga ke e visena kiena ne Ntewa, ana verakorena ga aligan sina ga.

<sup>18</sup> "Ana porotano naŭa kilika viowa sike ea, naga sa naŭa yar la amloge visena kiena ne Ntewa,

<sup>19</sup> ana ŭisi na, lala asitom manene la kiela malena, a sitomena na waren sur ve moki vim kila kotalia la, ana lala sinelan manene la sur wo lala na yomarava nini. Pelaga la nene pimi sane kilika viowa, piwo Lologena Wo nene kila sane ve war re si mrasa e malena kiena yeririna la nene.

<sup>20</sup> "Ana porotano wo nene, naga sa naŭa yeririna la naŭa amloge visena kiena ne Ntewa, amloge kilia, akekarania, amlararia e losinela, ana siraunia aŭar mras nen Lologena Wo nene e kiela malena, la ŭasia aŭaria tol lualima yam telu [30], ŭas tol lualima yam orai [60], ŭas tol ponotia taaga [100].

"Kinas na ŭakaiwa na kona maro ga e nene."

*Pakaiwa na kapi na tegaena**Luk 8:16-18*

<sup>21</sup> Ana Yesu pisa sina pan la, pisape “Ita yeririna lala, visae tesilan kap vivaga, yoko ve telawan re to vatanon paket. Peraga, monar tetelan to metava e kana lele nena vena tegoli punu yo.

<sup>22</sup> Sanene, nanagane nasuḡenena kiena ne Ntewa sane kapi te ga nene, naḡa nanagane na molmolue ke e ita narui, vena tegoli sur punu ga, ana sur lala punu ga naḡa apisawo sike na, a visena wan lala, monar akakate e yomerarava.

<sup>23</sup> !Ana amiu punu ga kiligamiu sike na, popon sa aloge kilia kiau visena nini!”

*La monar ayagogan ruru visena kiena Yesu*

<sup>24</sup> Ana Yesu naga pis si pan la, pisape “Amiu monar ayagogan ruru kiau visena, asitom ruru la lia. Yaru naḡa mloge, ana pe taveve re poli, naga yoko taḡatete loge kilia ruru si narui. Ana yar naḡa mlogear kiau visena la, naga kilia loge kilia ruru mēna kiau navianena la moki naḡa sa imi si sirau.

<sup>25</sup> Ana yar naḡa kiena suri moki pa rui, yoko war ve moki laa va laa sane, ana yar naḡa pe kiena sur re poli, ḡisi na naga kilalu narin sur naḡa mla ke.”

*Pakaiwa na kurusia naḡa kapuru ke*

<sup>26</sup> Ana Yesu pisa ke sina ga pisape “Nasuḡenena kiena ne Ntewa naga sa naḡa kona naḡa yar tai naga peven ke e kiena porotano.

<sup>27</sup> Pogos naḡa peven pae na, pe kila re si sur tai e kurus nene poli. Naga moḡa momalio ga, tavolo, momalio, tavolo, suḡalu, salue ga nene yemalo a legiena, ana kurus nen sur nene, naga ga sus plamolue, kapuru ke sanene. Kapuru mēna pano-o, ana yar nene naga kiliar re kurus nen sur nene kapur ke sanape poli.

<sup>28</sup> Yar nene kilia re sur tai poli, pano-o korowas la kian pa perina piavi re na ḡar vinasia, ḡisi na tau.

<sup>29</sup> Ana pogos naḡa kinas la memmene ruru po, yar nene siar si miyumuāe narui, ḡar kiena playu pa te plan mrasnena lala.

“Ana navesuḡenena kiena ne Ntewa naga kapur tekak ga sanene, telivi ke e yomarava wetelu nagane, ana e legiena tai yoko tekirawal pupia mrasnena vam metava.”

*Pakaiwa na kurus nen purpa**Matiu 13:31-32; Luk 13:18-19*

<sup>30</sup> Ana Yesu pisa sina, pisape “Pelaga navesuḡenena kiena ne Ntewa naga pe taḡena ga sike na, naga mārera paḡisi naḡa

nekilia nekirawal si ḡakaiwa tai naḡa vena visaen sape naga sanape.

<sup>31</sup> Sa naḡa kurus nen purpa tai yo, naḡa naga tekaki ga miyuve kurus nen sur taḡena la naḡa temapila la ke e kata lokove lala, naga tekaki na tekaki.

<sup>32</sup> Ana pogos naḡa kapuru keviu, purḡesia naga pimi keviu miyuve make ga kinanena taḡena la naḡa sike e kata lokove lala. Ana pupia korowas la paḡisi, naḡa manu la akilia ava ase ea, vanon kana wamal po, yomanin ea.”

*Yesu naga pian yeririna la e ḡakaiwa*

<sup>33</sup> Ana Yesu pian ke yeririna la e Lologena Wo e ḡakaiwa la moki sanene, naḡa sane torokin yoko akilia aloge kilia.

<sup>34</sup> Visena la punu ga naḡa pian lania, ḡakaiwa teke loyurḡa, ana pogos naḡa naga ga sike amio kiena nalogena la, e pogos nene narui na naga sun pisa meraravan kinas nen ḡakaiwa la nene pan la.

*Pupia lagi naḡa Yesu naga pisawoia**Matiu 8:23-27; Luk 8:22-25*

<sup>35</sup> Ana Yesu suḡa ke e waa naḡa naga totano e pian yeririna lala, ana ko yepekilavi, naga pisa pan kiena nalogena la, pisape “Ei, ita tokusro teva komḡas nen lapa vano.”

<sup>36</sup> Ana kiena nalogena la amligan yeririna la asike na, apa e waa naḡa Yesu naga teke pa e rui apano. Ana narin waa si laḡasia asiraun la.

<sup>37</sup> Narin waa la nene apato mēna pano-o, pupia lagi tai naga molue, miyu lapa naḡane kila pupia sive naga kekela ke e waa, kila na pulen ke e sive narui, lavisi talilu.

<sup>38</sup> Ana Yesu naga miyulugan ke e yulugana tai e ḡeren waa, monon momalio mēga. Pisi na lala apa apioḡeḡia, ana apisa pania, asape “!Navianena! ? E, sanape pe ositomāl ita re na lavis tetalilu ne po?”

<sup>39</sup> Ana Yesu suḡalu, pis mārera pan lagi, a pis mēna pan pupia sive la nene, pisape “!Amiu ava ruru amiu!” Pisi na lagi molue re si poli, yo mare ga mēke na.

<sup>40</sup> Ana Yesu pisa pan la, pisape “?Komin ya ne amiu amarau sanene? ?Amiu pe amlelaga re e in poli yo?”

<sup>41</sup> Pisi na la amarau paḡisi, apiuyun ke sina ga petan la, sape “?Yar a nene? Aulai, naga pis ga sanene na, lagi amio sive amlogear veraga ga.”

## 5

*Yesu mēne plan ninuna viowa moki petan yaru nae Kerasa*

*Matiu 8:28-34; Luk 8:26-39*

<sup>1</sup> Ana Yesu amio kiena nalogena lala apimi aŕarpo yo e komŕas nen pupia lapa nene, aŕarpo lologia yo naŕa Kerasa, naŕa laŕas apio ke asape Katara pona Kerkasa.

<sup>2</sup> Ana la apa ura e yo nene, ana e yo nene puluve na yar mare la asike ea, ana yar tai naŕa ninuna viowa teke e naga, naga sike e lotap nene, sa naŕa pe mēana uña.

Ana pogos naŕa Yesu pula tano petan waa, veraga ga yar nene molue e lotap, kiriri pitomi puna.

<sup>3</sup> Yaru nene marana ka paŕisi, yar la akilayon asape aviaria pano-o akilapule ga yonia.

<sup>4</sup> Yam moki rui apiar lana amio limana e sen pona kilika, apiaviaria panon laki ana naga pureroro ga sen la nene amio laki lala, pano-o pe yar re si tai poli naŕa puryuna kawa torokin kila yar nene imi momāu.

<sup>5</sup> Ana kolemallo punu ga amio legiena, naga sumā mialialor ke e lotap a metava mēna e kunus lala, naga monon māmāul ke, a pilavilan wowa ke yepena lala e kilavaru.

<sup>6</sup> Ana yar naŕane, pogos naŕa naga sumā ke perinan yo naŕa Yesu la apim ura ea wa, naga māal pa Yesu rui, kiriri pitomi tano puna, patanonia, kinai puna.

<sup>7-8</sup> Ana Yesu pisa, pisape “!Ninuna viowa, ovetan yar naŕa, oure matan naga nana-gane!”

Ana ninuna viowa mlokai mārera pania, pisape “A ko, Yesu, narina ne Ntewa Mali, kioŕa ya ne teke e inu? In na nepiun tan ko, e kia kiena ne Ntewa, sane yoko ko na ve ola re nakoena van inu.”

<sup>9</sup> Ana Yesu piun tania, pisape “?Ko na kioŕa kia ai?”

Ana ninuna viowa pisatamēa, pisape “In sa kia Yaru Moki na Mara, komin imimi moki liu.”

<sup>10</sup> Ana ninuna viowa naŕane piuyun māraran ke petan Yesu sape ve mēne plan la re vetan māla nene.

<sup>11</sup> Ana e yepas nen kunus nae yo nene, pupia ŕegas nen nompui, la asun akolkol mā e porotano, naŕa tol sane manu lua [2000],

<sup>12</sup> ŕisi na yermare la naŕane atagi, apiuyun mārera petan Yesu, asape “Awis, oligan imimi meva e nompui la nene, otamān imimi meva mese e losinela.”

<sup>13</sup> Ana Yesu tamān pan la, pisape “Pogaga, amiu avano.” Ana lala amolue petan yar naŕane, apa e los nen nompui la naŕane. Ana veraga ga, nompui la

nene akiriri, apito tano e yeparpas nen kunus nene, amloloru apito tano e pupia lapa naŕani, ana la amunmān lan wii na amarmare.

<sup>14</sup> Ana yaru navisuaren nompui la apureure, apito uña, apisawal sur nene, a lala apisawal mēna e yo taŕena la naŕa sike ne, kila narui na yeririna la moki naŕa apavin asape avisulia.

<sup>15</sup> Ana pogos naŕa la apavini, apisu Yesu naga sike amio yaru naŕa sumo ninuna viowa la ase naga, mian pa kulmrae rui, pa ruru pa rui pe maran ka re si poli. La apisu naga pimi po si sanene rui, amaraunia.

<sup>16</sup> Ana la naŕa asuŕesania apisu ke sur la punu ga nene, la asunyu pan yeririna taŕena la naŕa apam marea, la apisayu sur la naŕa Yesu miyumāen pan yar nene, a sanapen nompui la naŕa amloloru apito e wii.

<sup>17</sup> Ana la apisu sane piowa ga, amāraran ke pan Yesu asape naga monar ure vetan kiela yo.

<sup>18</sup> Ana ŕisi na Yesu la apito si tano e kiela waa, pogos naŕa Yesu pa ke metava e waa, yar naŕa sumo ne, naga pitomi piun māraran ke pan Yesu, pisape “Awis Suŕe, in na sineun nesape ko otamānia ita la nini!”

<sup>19</sup> Ana Yesu pe tamān re poli, pisa pania, pisape “Peraga, popon sa ova si uña, ovisayu van la naŕa na mratava pun ko amio kioŕa erau lala, ovisayu van la sanape naŕa Ntewa sinena miye ko paŕisi, ana kila po na po sanene pan ko.”

<sup>20</sup> Ana yaru naŕane ŕasuŕe sina, pa e yo punu ga e laŕas naŕa puna, naŕa apio ke asape Pulkumali Lualima, naŕa yaru la naŕa Le Yu lala pe asu re e poli, ana pisawal ke yurūaena wo naŕa Yesu miyumāen pania. Ana lala naŕa amiy-agogon kiena sunena nene, lala amilan paŕisi.

*Narina ne Saeras naŕa sira, amio sira naŕa tol kulkota māna ne Yesu*

*Matiu 9:18-26; Luk 8:40-56*

<sup>21</sup> Ana Yesu la akome waa, akusro sina komŕas nen lapa naŕa narui, ana pogos naŕa Yesu pula pa ura sane na, pupia ŕina na yeririna la apim akovivi sina asike.

<sup>22</sup> Ana yaru keviu tai na yurūa na lotena nae yo nene, kiena kia Saeras, naga pimin sape visu Yesu, pimi lavisinia, kinai tano puna.

<sup>23</sup> Naga tagi pania, piun tania, pisape “Naruu naŕa sira, naŕa mai na mai, ana nanagane na pona naga mare pa yo rui. Ana nepiun ke tan ko vena ko oim, oligan lumomā te naga, vena loge wo sina, mal ve piavi re laa sane wa.”

<sup>24</sup> Ana Yesu ƿarlar surñalu, amio yar naƿane apavin, ana yaru la moki e ƿina la nene, la mēna ataveve la, naƿa amigagar la ga e yepas nena ne Yesu apano.

<sup>25</sup> Ana lala yaru tai naƿa apa ataveve ke Yesu sanene, naga sira, naƿa inanena na kupario teke e naga legiena punu ga, tol kas lualima taaga pa lua rui.

<sup>26</sup> Ana sira nene, naga pul yaru na kilaru-ruen inanena la pano-o kiena kilavaru la ƿisi, akilayon naga pano-o paƿisi, ana naga mloge maran taaga sike, inanena nene naga pimi keviu lue ga legiena punu ga.

<sup>27-28</sup> Naga mloge yam moki rui naƿa yaru la apisayu ke Yesu, ana kiena sitomena tai na, sitom ke sape “Visae netol ga mēna kulkota, yoko kiau inanena naga ƿisi.” Sanene narui na pa tapolou likan yeririna la naƿane, naga pimlilue lavis varaun māsina ne Yesu, kian limana sane na, tol ga mrapogos nen kulkota mēna ne Yesu.

<sup>29</sup> Pogos naƿa naga tol kulkota mēna Yesu sane na, veraga ga e aora nene kiena kuruta naƿane ƿisi, ana naga mnunun luƿaria e naga sanē kiena inanena naga kovio petan rui.

<sup>30</sup> A Yesu mēna mnunun luƿar sur tai, sane puriuna tai kovio petania, ana naga pilon veraga ga likan yeririna la naƿane, piunia pisape “?E, ane tol ga mēna kulkota nanagane?”

<sup>31</sup> Ana kiena nalogena la apisa-tamēa, asape “?Ko na opiun osape ane tol ko ga nagane, sanape ne, ko pe opisu re yeririna la moki manene na amigar la akovivi ko ke ne po?”

<sup>32</sup> Ana naga surña kiraweke mēga sape kirawal li ane tol naga.

<sup>33</sup> Ana sira naƿane kilia pa rui, sape naga, naga marau paƿisi, sinena kurkur na kurkur, ƿisi na pimi puna Yesu, kinai tano e mialana, pisawal sur punu ga.

<sup>34</sup> Ana Yesu pisa pania, pisape “Auia, nalelagaena ga kioñā e inu kila ko omloge si po narui. Kioñā inanena naga kovio nenaga. Sumārena kiena ne Ntewa sike amio ko, owasuƿe ko sina ga oto uñā.”

<sup>35</sup> Ana pogos naƿa Yesu pis ke pan sira naƿane wa, visena tai kom ma uñā mēna ne Saeras pitomi, pisawal pania sape “Narumā sira naƿane naga mare rui. Yoko ve oure re si pupia navianena nene vavini, ve okila kare re naga.”

<sup>36</sup> Ana Yesu mloge mēna visena nene, pisa pan Saeras, pisape “Ve sinerña viowa re, olelaga ga mārera e Ntewa.”

<sup>37</sup> Ana Yesu pisaluƿar yeririna la punu ga sape la asuñara ga ve ataveve la re avavini, naga pure ga la telu Pita, a Semes amio wenla naƿa Yoane apavini.

<sup>38</sup> Pogos naƿa apa lavisin uñā mēna ne yar keviu naƿane, apisu yar la sinelai piowagan ke nin sira nene rui, la asike atagin ke, amlolokain ke.

<sup>39</sup> Ana Yesu pa loyurña, pisa pan yaru la nene, pisape “?Sanape ne amiu amlolokai keviu ke, atagi ke sanene? Sira nene naga mare re poli, naga momalio ga ne.”

<sup>40</sup> Ana la apitale viowa ga pania.

Ana Yesu pisa pan la apa vanua, purear ga anenane sira nene amio arimana, a kiena nalogena la telu naƿane apa e lele naƿa tas nen narin sira nene mēke ea.

<sup>41</sup> Ana Yesu pa mlilu tarar limana, pis pania kome kiela visena, pisape “Talita kum,” kinas nen visena nene pisa ke sape “Kiau narin sira, ko osuñalu lia.”

<sup>42</sup> Ana veraga ga e aora nene, narin sira nene naƿa kiena kas tol lualima taaga pa lua [12], naga surñalu, mial. Ana pogos naƿa la apisu sur nene, amilan na pano-o kiela sitomena plas ga.

<sup>43</sup> Ana Yesu pisa pan la pisape ala re kinanena tai vania, a pisa mēna pan la pisape yeririna taƿena la ve aloge re sur nene.

## 6

*Le Nasaret lala pe sinelan re Yesu poli Matiu 13:53-58; Luk 4:16-30*

<sup>1</sup> Ana Yesu molue e yo nene, ƿasuƿe sina ga pimi kiena, amio kiena nalogena la.

<sup>2</sup> Ana e Legiena Wa, naga pa amio yaru lala nae kiena yo nene e loyurña e kiela yurña na lotena, ana surña pian la ke. Ana pogos naƿa la amloge amilan kiena visena la pano-o paƿisi. Ana la apisa apisape “! Aulai! ?Yaru nene naga ƿar sur la nene pe? ?Naga tol namanmaruaena nene sanape? A naga kila ke kile la nene sanape ne?”

<sup>3</sup> Ita tekilia ke yaru nene rui. Naga yaru na yumāenen ga yumā, naga pe narina ne sira naƿa Maria, a la nene, Semes, a Yoses, a Suta, a Saemon, naga pe wenla ne la nene. A vinena lala, la ga naƿa asike amio ita ne.” Ana sinela karia, pe sinelan re nena naga.

<sup>4</sup> Ana Yesu pisa pan la, pisape “Yaru naƿa pe navisawalena, yaru taƿena lala akilia avatanon naga, ana yaru nae kiena yo, amio mēna namratava puna, la ga nene taƿatete avatanon naga.”

<sup>5</sup> Ana e kiena yo wawa nene, Yesu taƿatete kila kile la ea, ana naga mligan ga limana e yaru la lua la ga naƿa aminana, amloge si po.

<sup>6</sup> Ana Yesu sinen pula mila paƿisi komin yaru la nae kiena yo wawa naƿa pe amlelaga re e naga poli. Pisi na naga petan

kiena yo, mial pa e pulkumali taņena lala ana pian ke yeririna lala.

*Yesu mligan plan kiena nalogena lala peve lua*

*Matiu 10:5-15; Luk 9:1-6*

<sup>7</sup> Ana Yesu pio kiena lualima taaga pa lua nene, pis ruru pan la, mla namareraena pan la vena akilia ataulu ninuna viowa lala, a siraunia mligan plan la peve lua apano.

<sup>8</sup> Visena wo la nene naņa naga pisa pan la sumon naņa lala apano, naga sanini, pisape "E lepas na kiamiu mrapa, yoko amiu ve awar re sur laņas amio amiu, ana kiamiu plasgai ga alararia avano. Yoko amiu ve awar re kamiu kinanena p̄asia, pona karo lala, pona varu.

<sup>9</sup> Amiu akilia ayen kiamiu kulus nen lamu lala, a ve awar re m̄amiu kulmrae taņena laņas, m̄amiu kulmrae taaga nane amiyenar ke ne sa ayal avano."

<sup>10</sup> Ana Yesu pisa m̄ena ga, pisape "Pog naņa sa la awere amiu ava loyuma m̄ala, ana amiu monar akekarana ga nasuen amio na mratava nene, vano tol pogos naņa sa amiu avatan si pulkumali naņane.

<sup>11</sup> Ana visae pulkumali tai, yeririna laņas yepela mavin were amiuena ava m̄ala unia lala pona yepela mavin loge amiuena, amiu aligan ruru kiela yo nene m̄eke na, ana pogos naņa sa amolue e yo nene, monar atanvan puluyavi nae yo nene naņa sike e lamiu, sane kile tai, pona kiamiu visena m̄arera tai pan la, sane yoko lala akus nakoena tai naņa mesmesun ga kiela p̄elaga viowa nene."

<sup>12</sup> Pisi na kiena nalogena lala apa amlologon pan yeririna lala asape monar avilopu la,

<sup>13</sup> ana la am̄ene plan ninuna viowa la moki e yeririna lala, ataron m̄ena narin wel na mras nen olup e p̄arin nainanena la moki, sane kile na navisa ruruena kiena ne Ntewa, ana la amloge po sina.

*Parin Suņe Erot Antiņas pisayu Yesu*

*Matiu 14:1-2; Luk 3:19-20, 9:7-9*

<sup>14</sup> Ana e pogos nene, Parin Suņe Erot naga m̄ena mlogeli m̄a sur la naņa Yesu miyumaenia, komin kia kiena Yesu, apisawal ke pa rui e yo punu ga, a yeririna la punu ga akilia pa rui. Yar la p̄asia apisa ke Yesu, asape "Naga na, pe Yoane Nakeena si ne, naņa naga mal sina e marena; sur ne na nene kila naga puriuna kawan nakilaen kile la sanene."

<sup>15</sup> La p̄asia apisa ke asape "Naga na yer marua Elaisa na konua rui," a la p̄asia apisa ke asape "Naga navisawalena tai

ne sa naņa yermarua navisawalena lala nakonua manene la rui."

<sup>16</sup> Ana pogos naņa Suņe Erot mloge sur la naņa Yesu naga kila ke ne, ana naga pisa sape "?Yaru nene, pona Yoane Nakeena ke sina ga ne. Inu netero pa p̄arina pa rui, ana nanagane naga mali sina e marena yo?"

*?Yoane Nakeena mare sanape?*

<sup>17-18</sup> Ana Suņe Erot pisa sanene vanon naņa naga m̄emar Yoane Nakeena mare nanua rui, ana naga marau paņisi. Ana marena kiena ne Yoane Nakeena kana suniena nena sanini: Wenla Suņe Erot nene, naga kiena kia Pilip, naņa lalua arimala taaga a anela lua. Ana sumo, Pilip nene talopa amio sira tai, kiena kia Erotias. Ana siraunia, Suņe Erot pa p̄erelua lein sira nene pe wona. Ana e pogos nene Yoane pis pa Suņe Erot, pisape "Sur mesmesu re nene poli, naņa ko opurelua sira nene, komin naga pe wona ne womla."

Ana Erotias pe kekarana re nena visena kiena ne Yoane nene, naga sinena karia, ana Suņe Erot mligan kiena yeririna la p̄asia apa atararia, apiari naga amligan pa e yuma nakoena.

<sup>19</sup> Ana Erotias sinenan ke sape monar weņar Yoane, ana naga kila p̄ele ga,

<sup>20</sup> komin Erot maraun wemom̄arena. Naga maraunia komin naga kilia ruruia sane Yoane naga pe yar mesmes tai a pe yar wa, naga puar ruru ga suņa ga. Yam la moki naga mligan visenan Yoane pa puna lalua asun, naga kekarana visena kiena ne Yoane la paņisi, ana yam punu ga, visena la nene miyur ke naga, kila narui na naga kiena sitomena peve lua ke narui.

<sup>21</sup> Pe piavi re poli na, Erotias m̄al kiena mrapa tai. Nane e pogos naņa la akila p̄ap̄agena nasitom̄alen legiena naņa Suņe Erot paeme ea, ana Erot naga kila kinanena kana kiena yarkeviu lala, amio nasumonena na yumaena kiena, a yerkawa taņena lala nae yo naņa Kalele.

<sup>22-23</sup> E pogos na p̄ap̄agena nene, lom̄earu kiena ne Erotias naga polu e marala, ana Suņe Erot la akekarana kiena wolena paņisi, naga pisaaria m̄arera pania, pisape "Suri ya naņa visae oviun tan inu, nekilia netam̄an ga van ko, va tol komņas nen kiau sur make ga lala."

<sup>24</sup> Pisi na sira naņa pa vanua, piun petan anena naņa Erotias, pisape "?Auia, yoko neviun yar ne tania?"

Ana anena pisa pania pisape "Ovisa ga vania ovisave, naga monar kus ga p̄arina ne Yoane Nakeena van ita."



<sup>25</sup> Ana sira nařani miroro si pa loyumuńa, pisa iroron ga pa Erot, pisape “In na sineun nesape okus ga řarina ne Yoane Nakeena mńene pialo tai imi ga nanagane e nini.”

<sup>26</sup> Ana visena nene kila Suře Erot mloge piowa, pe sinenan re sape kilaro kiena navisaarena nařa pisaar mńarera rui e maran kiena erau lala,

<sup>27</sup> řisi na veraga ga e mńa nena ga e pogos nene, naga miila kiena yar na mara tai pa pisa, pisape akus řarina Yoane vano. Pisi na lala apa e loyumuńa e yumuńa nakoarena nene, atelua kolmekina,

<sup>28</sup> ana la amligan řarina mńene pialo tai, akus pimi pan sira mńee nařane, ana kus pa pan anena.

<sup>29</sup> Ana siraunia, pogos nařa nalogena kiena ne Yoane la amloge suri nene, la apimi akus tasnena, apa amligan e lotap. Ana suniena kiena ne Yoane Nakeena maro ga e nene, ana pogos nařa Erot mloge suniena kiena ne Yesu, kila naga marau pařisi, mńape Yoane Nakeena nene nařa naga mńemaria, mal sina.

*Li nalogena la apa amlologon visena kiena ne Ntewa řisi na ařasuřela sina*  
Matiu 14:13-21; Luk 9:10-17; Yoane 6:1-13

<sup>30</sup> Ana e pogos nene, nalogena la nařa Yesu mligan plan la apa amlologo, ařasuře la si apimi. Ana lala apisayu pa Yesu sur la punu ga nařa amiyumuńaen pan yeririna lala, a sanape nařa apian la.

<sup>31</sup> Ana yar la moki nařa asumuńa apimi ke pu Yesu, řisi na apano, ana řisi na tařena si la apimi, řisi na apano, salue ga nene, Yesu la pe apa ruru la re nenaga, pe aora re tai nařa la akilia ala narin kinanena tai. Ana Yesu pisa pan la, pisape “Aulai, ita, tevetanli la e yo nini wa. Teva takale yo tai nařa naga yo mńano, akilia avaruru amiu ea.”

<sup>32</sup> Pisi na la apa akus waa tai, asape ava akale yo tai lepas nen lapa nařa pe yar la asu re e poli.

*Yesu pagan yeririna la moki taulu manu lima [5000]*

<sup>33</sup> Ana yeririna la moki apisu sane Yesu la apa ke sanene, la mńena ga amolue e kiela pulkumali lala, akiriri ataveve la akom ura, apato atolřesa yo nene nařa la apisu sane waa naga pato ke ea, la asumon Yesu lala.

<sup>34</sup> Ana Yesu pa ura, pogos nařa pisu řina na yeririna nařa asike pa ura rui, naga sinena mie la pařisi, komin naga pisu la sa nařa sipsip la nařa akuspal mńapa, pe yar re tai nařa kilia visuar la, řisi na naga pa sun pian la e visena wo la moki.

<sup>35</sup> Ana pogos nařa mrae pito tano, nalogena lala apimi puna, apisa asape “E, Suře, yo nini naga pe po re poli, a lavisi mńena yemalolo narui.

<sup>36</sup> Ana popon ko oligan řina la nene awasuře ava mńala umńa pona pulkumali lala vena awul kala kinanena la řasia.”

<sup>37</sup> Ana Yesu pisatamě la, pisape “Toko, popon amiu ga awar kinanena řasia van la.”

A lala amape Yesu naga pe pisa ruru re poli, ana la apisa asape “!Ke, peraga yo! Pona ko na sinomńan ke osape imimi mowar pupia kieta varu ana mevato meul kilaparavi torokin lala manu moki nene akania!”

<sup>38</sup> Ana Yesu pitetalia la, pisape “Amiu avato avusulia ařara ke kilaparavi via na sike amio amiu nanagane.”

La apato apisu pae na, apam sina ga apisape “Memlarar narin kilaparavi lima ga teke na, amio narin ika nařa satin lua ga.”

<sup>39</sup> Ana Yesu pis pan yeririna lala, pisape “Amiu atotano e vilumini wa,”

<sup>40</sup> ana la atotano e řegas lala, řegas lařasia sane lualima lima [50], ana řegas tařena lařasia sane ponotia taaga [100].

<sup>41</sup> Ana naga mla narin kilaparavi lima nařane amio narin satin lua nene, kira pa ma e peni, pisa potena pa Ntewa vanonia, řisi na kaweroro narin kilaparavi lima nařane kian pa kiena nalogena lala vena avion plan van yeririna lala, pion mńena narin ika lua nařane sa ke ga.

<sup>42</sup> Ana la akan mńa pano-o, meřela la kawa pařisi,

<sup>43</sup> ana kinakinas nen kinanena la nařa akanligania, torokin akon si va e karo la tol lualima taaga pa lua [12].

<sup>44</sup> Ana yaru la nařa akan kinanena nene, yermńene ga lala, la atol sur sane manu lima.

*Yesu mial yau metava e wos nen lapa*  
Matiu 14:22-23; Yoane 6:16-21

<sup>45</sup> Ana Yesu pisa pan kiena nalogena lala, pisape “Inu sineun nesape amiu akus kieta waa, asumo akusro pupia lapa nene ava lepas řasia e kumali nařa Petsaeta, ana in na nesuwa nesumuńa neligan plan ke ne yeririna la nene wa.”

<sup>46</sup> Ana pogos nařa naga mligan plan yeririna la nene apa pae na naga pa metava e kunusia vena len.

<sup>47</sup> Pogos nařa yemalolo ke narui, waa nařane mńeke perina pařisi, lika e lapa, ana Yesu naga taaga sike ura.

<sup>48</sup> Ana naga kira pisu la na mńarera pan la na valuanen waa pařisi, komin la apane ke pupia lagi, kila kiela waa naga pure malum

ga. Pogos naþa lavisi yelagi merarava, Yesu pimi pula, mial yau ga metava e wos nen lapa. Suri ne na nene vena naga va þesan ura sumon la,

<sup>49</sup> a pogos naþa lala apisu naga mial yau ke e lapa pimi pula sanene, la apionia asape “!Aulai, suri ya ne pimi ke sanene! ?Yermare yo, pona yar ne sanene?”

<sup>50</sup> Lala punu apisu naga sa nene, amarau paþisi.

Ana veraga Yesu pisi pan la, pisape “!E, ve amarau re, in ga ne.”

<sup>51</sup> Ana Yesu þiyu pa metava e waa amio la, ana veraga ga e aora nene, lagi nene mare, ana la naþa asike e waa amilan paþisi.

<sup>52</sup> Amilan sanene komin kiela sitomena la mārera ke wa, la pe apisu kilia re sur la naþa Yesu naga kilia yuñāenia e kiena puriu kawaena poli, sane ya naþa miyumaen amio narin kilaparavi la lima naþane.

*Namaiena lala atol ga luas nen kulkota mñana Yesu*

*Matiu 14:34-36*

<sup>53</sup> Ana Yesu lala akusro pupia lapa nene e kiela wa, apa atol yo tai, kiena kia Kenasaret. Ana pogos naþa akoan kana kilavaru pa ura,

<sup>54</sup> apula petan kiela wa, ana verakorena ga yaru nae e yo nene lala apisu kilale Yesu.

<sup>55</sup> Ana lala akiriri atelivi piora e mñala yuñā lala, akus kiela inanena la e mñala tog, apa ke e yo la naþa amloge asape naga pa ke ea.

<sup>56</sup> Ana e yo punu ga naþa Yesu pa ke ea, e yuñā lala, pona pulkumali lala, pona mrapa lala, akus ke kiela inanena lala, amligan ruru la ke pa rui e yo metava lala, la apiun ke tania asape visae naga tamñania ana inanena lala akilia atoliga mñana luas nen kulkota. Ana lala naþa atolga sanene, kiela inanena la þisi, amloge po sina.

## 7

*Nalogenā kiena Yesu la pe ataveve re þelaga marua kiena le Yu la poli*

*Matiu 15:1-9*

<sup>1</sup> Ana e pogos nene, le Varasi la þasia apimi lele taaga puna Yesu, amio mñana navianena navisaluaena, naþa lala akom gear Yerusalem apami.

<sup>2</sup> Ana lala apisu ke sane pogos naþa nalogenā kiena Yesu la akinana ke, lala akila sane e nakiravaena kiena le Varasi la, la nene limala la na piowa ga. Na nene vanon pe ataveve ruru re narin mrapa la moki naþa na kevanen limala sa naþa le Varasi la apisa ke asape yar naga monar yuñāen, sumon naþa kinana.

<sup>3</sup> Nanene komin e pogos nene, le Varasi lala amio le Yu taþena la añāreran ke paþisi nayuñāen ve sanene, vena taveve rurun kiela þelaga marua na kiela nalotena na sumo lala.

<sup>4</sup> La akila ke sanene pogos naþa amiyal apa kumali, pona akom pe, ana pogos naþa la awasuþe la si uñā, la monar ataveve kiela navisaluaena na kevanlaen amerarava wo pona ave wa ruru sina. Þisin nakilaen sanene, la akilia akinana narui, komin visae la ve akila re, taþatete atol kala kinanena. Ana kiela narin navisaluaena mñana laþas moki naþa monar atavevea, naþa þasia, na kevanen mñala piala la monar akevan ve sanene ve sanene, a þasia, sane monar avilvan kala piaki ve sanene ve sanene, a þasia, na kevanen kala pialo la naþa amiyuñāen e pras ve sanene ve sanene, naga pa sa la nene.

<sup>5</sup> Sur ne nanene kila le Varasi la apiun petan Yesu, asape “Komin ya ne kionā nalogenā la pe ataveve re þelaga marua la na kieta nalotena na sumo la poli, naþa kieta nasumonena la apian itania. Ana kionā yar la nene, la akinana ga e limala namname lala, komin pe akevan ruru re limala la poli.”

<sup>6</sup> Ana Yesu pisatamē la, pisape “Pe lelaga ga, navisawalena Aisea na sumo naga pisayu ruru amiu ga yeririna na visokanen lala, naþa naga mlologon visena naþa Ntewa naga pisa, naþa naga pisa sape

*‘Yeririna la nene la apatanonu ga e kiela visena lala,*

*ana kiela sitomena naga sike perinan inu paþisi wa.*

<sup>7</sup> *La amiyeluarnu ke, ana pe sur korena ga, komin pog naþa la apian ke yeririna lala, apisa ke asape visena nene kiena ne Ntewa, ana peraga, visena nene naga pe kiela ga yeririna lala!’ ” Ais 29:13*

<sup>8</sup> A Yesu pisa pan la, pisape “Amiu na amligan lua ke navisaluaena kiena ne Ntewa, apuarar ke ga þelaga marua kiena ne yeririna lala mārera.

<sup>9</sup> Nanene naga pe mesmes re naþa ayuñāen sanene poli, komin amiu añāreran ga nataveveen þelaga marua kiena ne yeririna lala, a nanagane amiu akila pano-o þelaga marua ga la nene naga sike narui, miaslua make navisaluaena kiena ne Ntewa.

<sup>10</sup> Amiu na ve asitom re asape amiu akila ke sanene, ana yoko nevisa kiamiu tai, naþa amiu asuñā akila ke. Amiu asitomā li navisaluaen kiena Mosis, naþa pisape ‘Ologear arimomñā amio anomā,’ pisa mñana sape yar naþa sa vis viowa van arimana amio anena, awemomñāria.

<sup>11</sup> Navisaluaena nene pisa ke sape ita monar tevisar ruru ita kieta yermarua lua nene, ana amiu na akila pe taĕna. Visae yar tai kilawoia sape kiena sur laĕasia pe kiena ne Ntewa, ana pogos naĕa kiena yermarua lua kiela sur re poli, aim aviunia, yoko amiu avisa ya ne vania?

<sup>12</sup> Yoko amiu aĕareran vania, avisave "Toko, ve otaiĕan re van lalua nene, vanon kieta ĕelaga naga pisa sape sur naĕa tepisaarwoia pan Ntewa, ko na monar owar ga van kiena yar wa lala, ve otaiĕan re van yar taĕna lala."

<sup>13</sup> "Amiu na apisa ke sanene, ana sanape na sanene? Amiu na asuĕal ke ĕarera e kiamiu ĕelaga marua, amiu amligan lelein ke pitove, ana kila ke naĕa ĕelaga marua la nene naga kila ke navisaluaena kiena ne Ntewa pimi pe sur korena ga. Ana pe naga re ga nene poli, amiu akila ke ĕena sur la moki sanene."

*Suri la naĕa kilia kila yaru naga pe namname e marana Ntewa*

*Matiu 15:10-20*

<sup>14</sup> Pisi na Yesu naga pio si yeririna lala pisape aimi veraga puna, ana pisa pan la, pisape "Amiu punu ga ayagogan ruru inu, monar aloge kilia kiau visena la nini.

<sup>15-16</sup> Pe sur re tai naĕa teke vanuan yeririna, naĕa sa naga va loyurĕa e losinena kilia kila naga namname e marana Ntewa. Ana suri ga la naĕa sike loyurĕa e losinena yeririna, pogos naĕa molmolue e naga, kila naga ve namname e marana Ntewa."

<sup>17</sup> Ana Yesu petan yeririna la nene, pato si urĕa, sirauinia kiena nalogena la apim, apiun tania e kinas nen ĕakaiwa naĕa naga pisayu pan la.

<sup>18</sup> Ana Yesu pisape "?Ei, sanape, pona amiu ĕena pe ĕarimiu pike re sane la nene poli yo? Komin ya ne amiu ĕena pe apisuluĕar re sur nene poli, sane suri la naĕa teke vanua, sane kinanena lala, visae va loyurĕan yeririna, sur la nene naga taĕatete kila yeririna viowa e marana ne Ntewa.

<sup>19</sup> Nanene komin sur la nene pe tol re kiena sitomena poli, la apato ga e ĕeĕena, ana la amolue akom sina ga e yeĕena." Yesu pisa pa sanene narui, sirauinia, yeririna la apisuluĕar kiena visena, naga pisa kilale pisape pe kinanen re tai poli naĕa yeririna monar lonia vena mekiki e marana ne Ntewa, ana kinanena la punu ga naga pon na kanena.

<sup>20</sup> Ana Yesu pisa ĕena sape "A suri la naĕa sike pa e yeririna rui, ĕisi na amolmolue e kiena malena, sur ne la nanene naga kilia kila yeririna ve namname.

<sup>21</sup> Nanene komin e los nen yeririna, ĕelaga viowa la na amolmolue ke ea, suri

ne la sane sitomen viowa, kolau, vinauena, nawemomaren yaru, navinaunen wona yar taĕna,

<sup>22</sup> sinenanen sur kiena yar taĕna, ĕelaga viowa lala, visokanena, kilaroen navisaluaena, veveyuena, navisa kareen yaru, nawarwarena, navilaveena, a ve woweena.

<sup>23</sup> Pelaga viowa ne la nene amolmolue e los nen yeririna, sur la nene kilia kila yeririna ve namname e marana ne Ntewa."

*Yesu ĕenelua ninuna viowa e sira ĕeĕe tai*

*Matiu 15:21-28*

<sup>24</sup> Pisi na Yesu petan yo nene, pato tano garo pulkumali nae Taea. Ana pa e urĕa tai, sape kila sane yaru la ve akilia re asape naga sike e yo nene, ana naga tapolou ĕele ga sanene.

<sup>25-26</sup> Ana sira tai sike e nene naĕa kienalus la kom ma Kris apitom, naĕa la pe ape Yu re poli, apitom asike yo naĕa Ponosia lavisin Seria. Sira nene, narina tai na sira, ninuna viowa teke ea, pogos naĕa naga mloge asape Yesu naga sike e yo nene, naga pa kinai e mialana, tagi pania sinenan pisape naga ĕenelua ninuna viowa ure vetan narin sira nene.

<sup>27</sup> Ana Yesu pisatarĕe pania, pisape "Ana sisi mesmes la na monar akinana ko ne wa. Pe mesmes re naĕa nowar plan kinanena kan sisi la vetan la, nevagan lokul la ea." Naga pisa sanene komin e pogos nene, le Yu la na asitom ke asape la ga ape narina Ntewa, la apio kare ke la naĕa pe ape le Yu re la poli, asape "Amiu na ape lokul lala."

<sup>28</sup> Ana sira naĕa pisatarĕe pania, pisape "Ko na opisa pe lelaga, Suĕe, ana lokul ĕena la apa ke lavisin lele na kinanen kan sisi kokan lala, akilia akan korkoro kinanena la naĕa kekapili sike e porotano."

<sup>29</sup> Ana Yesu pisa pania, pisape "Ko na opisatarĕe kinas nen kiau visena nene po paĕisi. Ana komin kioĕa visena nowo nene, nepisuluĕar sane opiawa ĕarera e inu. Poga, okilia ovato si urĕa, ninuna viowa molue petan narurĕa naĕa rui."

<sup>30</sup> Pisi na sira naĕa pato si urĕa, pisu narina pa ruru ga torĕa ga, torĕa momalio ĕa pogaga e ĕana tog.

*Yesu kila ruru yar tai naĕa kiligana la poĕe*

<sup>31</sup> Ana Yesu naga mligan yo nae Taea, pato kome pulkumali taĕna tai, Saeton, ana naga pam sina ga e lapa nae Kalele, e lepas nae yo naĕa apio sape Pulkumali Lualima.

<sup>32</sup> Ana la nae yo nene aĕure yar tai pimi puna, vena naga ligan limana te ea, komin yar nene kiligana la poĕe, mon ĕa ĕnenene ga.

<sup>33</sup> Ana Yesu ðurelua yar nene petan yeririna moki la naða asike lele nene, lalua apa li laa perina sane. Ana naga kian mrasilmána pa e pulkiligana lala, þisi na mla wasirina, plan e purmenen yar naðane.

<sup>34</sup> Ana Yesu kira pa ma e peni, pure kiena yalua keviu, pisa pan yar naða e kiela visena, pisape "Epata." Visena nene kana kinasia sape "Ovike."

<sup>35</sup> Ana veraga ga, yar naðane kiligana la pike, a purmenena naga kululu sina, kila sane naga mloge ruru si sur lala, a pis ruru sina.

<sup>36</sup> Pisi narui na Yesu pisa mðareran pan la, pisape ve ava asunun re sur nene van yar taðena lala, ana silaga pogos naða pisa sanene pan la la apa apisalelein ke pa e yo punu ga.

<sup>37</sup> Ana la apisawal-lelein sa nene, komin sinela la pula na pulan sur la punu ga naða apisu Yesu kilia taða. La apisasa ke asape "Yesu nene kila la naða kiligala la poþe amloge si suria, a kila la naða apis pule ga, akilia apis ruru sina. Aulai, yar nene kila sur la punu ga po na po pa þisi."

## 8

*Yesu pagan yeririna la miyuve manu vari [4000]*

*Matiu 15:32-39*

<sup>1</sup> Ana e pogos tai, pupia þina na yeririna la moki apimi sina pu Yesu, la asuñia amio pano-o, viso kar la, ana la pe kala kinanen re poli. Ana Yesu pio kiena nalogena la apimi lavisi puna, pisa pan la pisape

<sup>2</sup> "E, in na sineu miye þina la nini paþisi, komin naða la asike amio ita legiena telu þaro rui, kala kinanena la þisi.

<sup>3</sup> Ana visae netamñan la ava uñia mñala naða pe akinana re sanene poli, pona laþas viso kar la e mrpa komsusa, kilamarala malko, komin laþasia mñala uñia la sike koperina paþisi."

<sup>4</sup> Ana kiena nalogena la apisa pania, asape "?Ana tevagan yeririna la nene e yo korena nini sanape ne?"

<sup>5</sup> Pisi na naga piun tan la, pisape "?Amiu amlarar ke kilaparavi via?"

Ana la apisatañea "Olua ga þa."

<sup>6</sup> Pisi na Yesu pisa pan þina moki la nene, pisape "Amiu atotano e yo nene wa." Naga mla kilaparavi la olua nene, pisa potena pan Ntewa panonia, þisi na kawewowaia, kian pan kiena nalogena lala vena akianlelein van yeririna lala, þisi na la apion tetaïn pan la.

<sup>7</sup> Ana la amla mñena narin satin lua la ga e pogos nene, a Yesu mlotuwu mñena ga,

pisa pan la sape ava avionlelein mñena ga van yeririna lala.

<sup>8</sup> Ana la naða akinana pano-o, meþela la kawa, ana korkoro kinanena naða akanligania, aþar akon pa e karo olua.

<sup>9</sup> Ana la naða akinana e pogos nene tol sane manu vari.

Pisi na Yesu miila si þina la nene aþasuþe si mñala uñia lala,

<sup>10</sup> ana naga pa e kiela wa, amio kiena nalogena lala, apetan yo nene, akusro apa atol yo tai naða kiena ki Talmanuta.

*Yar keviu la þasia asape avisu kile tai*

<sup>11</sup> Ana e pogos tai, le Varasi laþasia apim asape agorua Yesu, asape ataþali mñena ga naga, ana la apisa asape "Imimi sinemimin mesape okilali pupia kile tai van imimi, naða sane okila e puriu kawaena nae ma e peni."

<sup>12</sup> Ana Yesu naga miyuveve pa kona, sa naða sinena maren la pa rui, naga pisatañe la, pisape "? Sanape na amiu na nanagane, sinemiun asape avisu kile tai ne sanene? Nepisa ke pe lelagá pan amiu, sane peraga, yoko kiamiu lus la na nanagane taþatete avisu kile tai."

<sup>13</sup> Ana Yesu pure petan la mligan la asike na, pa si e wa, pa kusro lapa kompasia pa lepas na vano.

*Nasumonena nalotena la asuñia akila ke þelaga viowa la kapurulue ke*

<sup>14</sup> Ana pogos naða la apetan yo nene apa atol kompás nen lapa nene, amilan sane sinela pon nawararen kala kilaparavi þasia amio la, ana la amlarar ga kilaparavi taaga teke amio la e wa.

<sup>15</sup> Ana Yesu pisa visena tai pan la, pisape "Amiu monar avisuar ruru amiu, vanon is kiena ne le Varasi la amio Erot."

Yesu pisa is nene, kana kinasia þelaga viowa kiena ne nasumonena lala, ana nalogena la pe asitom kilia re poli.

<sup>16</sup> La amloge visena nene, apisayu ke pan la, apisape "Pona naga pis sanene vanon ita pe toþar re kilaparavi laþas pimi poli yo."

<sup>17</sup> Ana Yesu kilia mñ kiela sitomena lala, þisi na pisape "?Amiu apisayu ke asape ita pe toþarar re kilaparavi komin ya? ? Sanape, amiu pe amloge kilia re poli, pona pe apisu kilia re sur la poli wa? !Sinemiu la mðarera paþisi wa!

<sup>18</sup> Amiu kilamaramiu la sike na, ana apisu kilale re sur poli, ana kiligamiu la sike na, ana amloge kilia re sur poli. ? Pona amiu pe asitomñal re si sur la naða nemiyuñiaen pan yeririna la poli?

<sup>19</sup> ?Pogos naða nekiantetaïn kilaparavi lima nanua ne pan yeririna la manu lima

naþane, akan pano-o meþela kawa, ana akon korkoro kinanena la nene pa e karo via?"

La apisatamea, asape "Imimi mokonkonina lualima taaga pa lua [12]."

<sup>20</sup> Pisi na naga piun sina ga, pisape "?A pogos naþa lala manu vari nanua ne akan kilaparavi olua ga naþane, þisi na amiu akon si karo via?"

Ana la apisatamea, asape "Imimi mokonkonina olua."

<sup>21</sup> Ana naga pis pan la, pisape "?Pogaga, ana sanapen nanagane? ?Amiu akiliali ma sur la nene, pona pere ke ga wa?"

*Yesu kila ruru kilamara kata tai nae Petsaeta*

<sup>22</sup> Ana Yesu la apam atol pulkumali nene, Petsaeta. Ana la nae yo nene, a sumon kilamara kata tai pimi puna, atagi pania vena tol ruru yaru nene.

<sup>23</sup> Ana Yesu tarar limana ne kilamara kata, sumon naga pano, la lua amiyuve kumali apa lepas na vano. Pisi na Yesu mla wasirina, mligan e kilamaran yar luwoka naþane, mligan liman tea, ana piun petania, pisape "?Sanape, ko na opisu ke suria, pona pere ke ga wa?"

<sup>24</sup> Ana yar naþane kirava, kira pisu suri lala, naga pisape "Ee, nepisu ke yar lala, ana nepisu la sa ga purþes nen laki la amiyal ke na."

<sup>25</sup> Ana Yesu mligan si limana e naga, yam luania, þisi na yar nene kilamarana pimi po ruruia, naga kilia kira pisu si suri lala, kira pisu la merarava po na po paþisi.

<sup>26</sup> Ana Yesu pisa pania, pisape "Yoko ko ove ova re si ovisu la nene gar unia, oto mesmes ga monia."

*Pita pisawal sape Yesu pe Navisaarena lelaga*

*Matiu 16:13-20; Luk 9:18-21*

<sup>27</sup> Pisi na Yesu amio kiena nalogena la asape avato e narin pulkumali lala naþa lavisin kumali keviu naþa Sisaria Piliþae, a e pogos naþa la amiyal ke apato e yo nene, naga piun tan la pisape "?Amiu amloge ke yar la apisa ke asape in na ai?"

<sup>28</sup> La apisatamea apisape "Laþasia apisa ke asape ko na Yoane Nakeena sina ga, laþasia asape ko na Elaisa, þasia asape ko na navisawalena tai naþa na konua rui."

<sup>29</sup> Ana naga piun si tan la, pisape "?A sanapen amiu, amiu na apisa ke asape in na ai?"

Ana Pita pisatamea, pisawalia pisape "Ko na ope kiamimi Navisaarena kemua lelaga."

<sup>30</sup> Ana Yesu pisa mesmesun ga pan la, pisape "Pogaga, ana amiu ve ava avisawal lelein re sur nene van yeririna lala."

*Yesu pisawal kiena marena  
Matiu 16:21-28; Luk 9:22-27*

<sup>31</sup> Ana e pogos nene, Yesu siar naþa mlologon ke pan kiena nalogena lala, pisape Narin Yeririna, monar akila sur la ve moki naþa naga loge viowagania, ana nasumonena kiena le Israel lala, amio yar keviu kiena yar wa lala, amio navianena navisaluaena, þisi na la akovenlua naga. Ana Yesu pisa miena ga sape la aweþar naga mare, ana e kiena legiena na telu, sumalu sina, taulu marena.

<sup>32</sup> Visena la nene, Yesu pisa meraravan po pan la, ana pogos naþa Pita mloge, naga piolua Yesu, pis mārera pania, sape visawoia, yoko monar ve ve sa re nene.

<sup>33</sup> Ana veraga ga Yesu pilon masina pimi pu Pita, kira pa pun kiena nalogena taþena la naþa asike ne, pialuþar mārera pa Pita, pisape "!Yermare, oure vetan inu! Kioþa sitomena nene naga pe sitomena kien yeririna ga, pe pe sitomen kiena re Ntewa poli."

*Nalogena kiena ne Yesu naga monar sitom korenan nasinenanena kiena*

<sup>34</sup> Ana Yesu pio þina lala amio kiena nalogena lala, sape aim puna, pisa pan la, pisape "Yar naþa sinenan sape taveve inu, monar sitom korenan nasinenanena kiena, monar kus kiena laki torovia, sirau inu.

<sup>35</sup> Yar naþa sape taulu kiena malena, yoko kilaluia. A yar naþa kilalu kiena malena vanon inu pona vanon kiau lologena wo, naga yoko tauluia.

<sup>36</sup> Visae yar tai war make sur na yomarava la punu ga ne, þisi na kuspal mrapa na malena, naga pe taulu re sur wo tai poli.

<sup>37</sup> Ana kiena sur nowo la naþa naga þaria, taþatete ulmaran si kiena malena.

<sup>38</sup> Yeririna moki naþa lus na nanagane, la ataþa mlamulena viowa, la pe ape lelaga re pan Ntewa poli, la apiowa manene la, a la amawan ke yar taþena la vanon inu a vanon mēna kiau visena. Ana sirauia, Narin Yeririna naga yoko wasupe sina ga, amio kiena navisi wa lala, amio naurarena kiena arimana, ana pogos naþa avim, visae yar naþa yepena mavin ke naga nanagane, naga mēna yoko yepena mavin yar nene."

## 9

<sup>1</sup> Ana Yesu pisa mēna pan la, pisape "Lelaga nepisa ke pan amiu, yeririna laþas na asuþal ke e nini, naþa þisi na taþatete

amare, vano-o tol pogos naña avisu nasuþenena kiena ne Ntewa imi kate amio kiena pupia m̄areraena."

*Yepena ne Yesu pimi pe taþena  
Matiu 17:1-13; Luk 9:28-36*

<sup>2</sup> Siraun Legiena Orai þarovia, Yesu þere Pita amio Semes, a Yoane, la ga vari apa metava e pupia ravie tai. Asum̄a sane na, nalogena la telu naþane apisu ga yepena ne Yesu pimi pe taþena ke narui.

<sup>3</sup> apisu ga m̄ana kulkota la pilavila ke, miyuwowo na miyuwowo, miyuve make ga sur na yomarava la naþa miyuwowo.

<sup>4</sup> Ana akirawal m̄ena navisawalena Elaisa amio yermarua Mosis akate, lalua asike asun ke amio Yesu.

<sup>5</sup> Ana Pita pisa pa Yesu, pisape "Suþe, po paþisi naþa ita tesum̄a ga e nini. Popon sa meyum̄aen silparpara ve telu se e nini, mom̄a tai, m̄ana yermarua Mosis tai, a m̄ana ne navisawalena Elaisa tai."

<sup>6</sup> Pita pis wowe ga sanene komin lala sinela kurkur paþisi, amarau m̄ena ga, ana la aminue ga avisa yara.

<sup>7</sup> Veraga ga lul tai pimi kalo la, amloge visena tai molue ea, pisape "Nanene naga pe Naruu, naþa nekekanan naga paþisi. Amiu monar alogear ruru naga."

<sup>8</sup> Nalogena la amloge visena nene, ana akiraweke ke e yo nene, þisi na pe apisu re si lalua naþa poli, akirawal ga Yesu naga taaga sum̄al sike amio la.

<sup>9</sup> Pisi na lala apetan ravie naþane, apitom ke sina ga tano, a Yesu pis m̄arera pan la, pisawo la pisape "Sur la naþa Ntewa kila pan amiu apisuia, amiu na ve ava avisasawal re van yeririna la nanagane, vano-o tol pogos naþa Narin Yeririna mal sina ga e marena, e pogos nene narui amiu akilia avisawal van yeririna lala."

<sup>10</sup> Pisi na la amlogear visena kiena ne Yesu nene, amlarar ga pe kiela ga, ana la apiuyun ke sina ga petan la asape ya ne kinas nen kiena visena nene, naþa pisape mal sina ga e marena.

*Asitom ke asape Elaisa na lua sirau vim sina, ana Yesu sape naga Yoane Nakeena pa rui*

<sup>11</sup> Ana nalogena la telu nene apiun tan Yesu, asape "Sanape ne navianena navisaluaena la apisa ke asape 'Elaisa naga monar wasupe þesia wa, þisi na Navisaarena nene naga m̄alivi?'"

<sup>12</sup> Pisi na Yesu pisatam̄e la, pisape "Naþa apisa ke ne pe lelaga, Elaisa naga monar imi þesia vena kilaruruen sur la punu ga susumo, þisi na Navisaarena kilia vim. Ana nasiriena wa pisa ke m̄ena sur taþena tai naþa pe asitom̄al re poli, naþa pisayu

ke Narin Yeririna, sane naga monar vane nataþaliena la ve moki, ana yoko yeririna la asitom korenan naga viowa vaþisi ne.

<sup>13</sup> Ana nevisa van amiu, Elaisa nene naga pimi ga na wa, ana yeririna la yepela mavinia. Sa naþa Visena Wa pisa, ana la akila pa piowa ga pan rui."

*Yesu m̄enelua yermare petan teras tai  
Matiu 17:14-22; Luk 9:37-43*

<sup>14</sup> Pisi na Yesu amio la telu naþane apa ke sina ga puna ne nalogena taþena lala, ana apisu na pupia þina na yeririna la akovivi la asike na, apisu navianena navisaluaena la agorua la ke amio la.

<sup>15</sup> Ana pogos naþa þina la akirawal Yesu pam ke sina, amilania, akekanan m̄ena naþa asape avisu naga, akiriri apim puna, atalopan naga.

<sup>16</sup> Ana Yesu piun tan nalogena la, pisape "ʔE, amiu apisayu ke ya ne amio la nene?"

<sup>17</sup> Pisi na lala yar tai pisa pania, pisape "Navianena, in na nepure kiau sisi yerm̄ene nini pimin ko vena ovisulia, komin purkol m̄arera tai kila naga.

<sup>18</sup> Ana pogos naþa kila naga, kovenlua naga pato tano e porotano, wasirina mlau piowa ga sa naþa siripu, karar ke mraluena, a yepena punu ga miokamarmare. Ana nepure naga pamin ko, ko na osu re poli, þisi na nepiun ga tan kioṁa nalogena lala vena la alen nam̄eneluaen suri nene vetania, ana la amiyum̄aen m̄a pano-o, akilapule ga yonia."

<sup>19</sup> Ana Yesu pisatam̄e la, pis pan la, pisape "ʔAmiu la nene, sanape na sanene? Amiu na pe asum̄al m̄arera re nena e Ntewa. ʔIn la monar nesum̄a nemio amiu vano tol pog ya? Nemioyon amiu pa rui. Ana pogaga, akus teras nene vim punu."

<sup>20</sup> Ana la aþure pimi, ana pogos naþa purkol nene m̄al Yesu, kila yepen teras naþane miokamarmare, mloru pato tano e porotano m̄eke pilolon ke, kila wasirina naga mlau piowa ga sa naþa siripu.

<sup>21</sup> Ana Yesu piun tan ariman teras naþane, pisape "ʔAna purkol nene siar kila sanene pogwai?"

Ana arimana pisatam̄e, pisape "E, sur nene siar na konua konua rui, pogos naþa pe sisi ke ga wa.

<sup>22</sup> Ana pimi tol nanagane, yam moki rui naþa sur nene kila ke naga mlolor pa e kapi po pito e puluwii. Sur nene kila kare ke ga naga paþisi, sape kilam̄aria, ana sa ko na okilia okila sur yan tai, imimi mepiun tan ko, awis, ko na sineṁa ye imimi, oiila imimi komin narimimi nini!"

<sup>23</sup> Ana Yesu pisa pania, pisape "Nemloge ko na opisa sanene, osape sa in na nekilia

nekila. Ana nepisa pan ko, visae ko na olelaga ga, okilia okila sur punu ga.”

<sup>24</sup> Ana ariman teras naþane pio verakorena ga pa Yesu, tagi pania, pisape “Nemlelaga tekak ga, ana pe nemlelaga toroki re poli wa. Awis, ko na oiila inu vena kiau nalelagaena vim ve keviu laa sane wa.”

<sup>25</sup> Ana pogos naþa Yesu pisa pina na yeririna la apim moki manene la akovivi la, ana naga pis pa purkol naþa teke e sisi yermene nene, pisape, “Ko yermare na kiliga poþe, a na lapur, nepisa mesmes ga pan ko, omolue vetan naga nanagane, ana ve oimi re si loyurña e naga pogos tai.”

<sup>26</sup> Ana yermare nene ki viowa keviu, kila yepen sisi yermene naþane miokamarmare pano-o piowa ga rui, þisi na molue petania, pure pano. Ana yepen yar naþane malumu ga mneke, sa ga naþa naga mare pa rui, yar la naþa asike apisu ke la apisa ke sa nini, asape “Ke, teras nene mare pa þisi rui.”

<sup>27</sup> Ana Yesu tarar limana, tarlua sumãlu, ana teras nene sumãl ruru ga sike.

<sup>28</sup> Ana sirauña, Yesu pato si urña, a e pogos nene, naþa naga taaga sike, kiena nalogena la apim, apiun tania, asape “? Sanape ne imimi na memñenelua þele yermare petan teras nene?”

<sup>29</sup> Ana Yesu pisa pan la, pisape “Yermare la ne sanene, la amãrera paþisi, ana leniena ga kilia mneke plan la.”

*Yesu pisawal sina ga kiena marena*

*Matiu 17:22-23; Luk 9:43-45*

<sup>30</sup> Ana Yesu la apetan yo nene, apa akom ga likan yo na e Kalele, ana e pogos nene, Yesu pe sinenan re sape yeririna la akilia suri la naþa naga kila ke poli, a e mnea yo la naþa apa ke ea.

<sup>31</sup> Na nene komin naþa pian ke kiena nalogena lala e pogos la nene, a naga pisa mnea ga ke pan la, sape “Lavisì mnea narui naþa aligan Narin Yeririna va e liman yar la naþa awemãr naga mare, sirauña e legiena na telu, þisi na Ntewa tamalia sina.”

<sup>32</sup> Ana kiena nalogena la pe amloge kilia re sur la naþa Yesu pisayu ke ne, ana la amaraun mnea naviun ruruen si tania.

*“?Yar ane to metavan make yar taþena lala?”*

*Matiu 18:1-5; Luk 9:46-48*

<sup>33</sup> Ana sirauña, pogos tai la apam atol si Kapeneam, apa loyurña e yurña tai, ana Yesu piun tan kiena nalogena lala, pisape “?Amiu na akawe amiun ke visena ya naþa e mrapa?”

<sup>34</sup> Ana la pe apisatarne re poli, komin naþa lala amiyal ke mrapa apami, apis ke pan la, asape lala ane naga to metavan make la, po miyue make la ga.

<sup>35</sup> Pisi na Yesu totano, ana pio kiena lualima taaga pa lua apim lavis puna, pisa pan la, pisape “Visae amiu yar tai naga sinenan sape vim sumo, pona sinenan sape kiena kia to þesia, pogaga, naga monar kila naga imi maro, to vatanon la make ga, naga monar vim ve yar nayurñaenen yurñaena kiena ne yar taþena la wa.”

<sup>36</sup> Ana Yesu pio narin sisi tai naþa sumã ga pimi puna, mligan su likan la, ana tararia, pisa pan la, pisape

<sup>37</sup> “Yar naþa kiena sitomena pato ga tanon inu, ana kekaran na kilaen wo van nisisi tai ne sanini, nanene sane naga kekaran inu ke pa narui. A yar naþa kekaran inu sanene, pe kekaran inu re ga ne po, kekaran mnea ke pa naga naþa mliganu nepimi.”

*“Yar naþa pe pialuþar ita re poli, naga miila ita ke”*

*Matiu 18:6-9; Luk 9:49-50, 17:1-2*

<sup>38</sup> Ana nalogena naþa Yoane pisa pa Yesu, pisape “Navianena, imimi mepisu yar tai, naþa naga mneke plan ke yermare lala, mneke plan la ke e kionia kia. Ana yar nene na, pe mekilia re naga poli, naga pe ita yar re tai poli, ana imimi mepisaluparia.”

<sup>39</sup> Ana Yesu pisa pan la, pisape “Peraga, amiu ve avisaluþar re naga. Visae yar tai sane pe lelaga, kila ke yumãena keviu la e kiau kia, ana yoko naga taþatete si visanena kare kiau kia pogos tai.

<sup>40</sup> Yar naþa pe pialuþar ita re poli, miila ita ke ne.

<sup>41</sup> Inu nepisa ke pe lelaga pan amiu, visae yar tai kilia sape amiu akus ke kia kiena ne Kristo e amiu, naga la piala na wii tai van amiu amunia, yar nene naga yoko taþatete kilalu kiena nalaena nowo naþa yoko tol sirau.”

*Nataþaliena lala*

<sup>42</sup> Ana Yesu pisa mnea ga, pisape “A visae yar tai naga kila narin sisi tai ne sanini ve sumãl mãrera re e inu, yar nene yoko tol nakoena tai ne mãrera laa sane taulu naþa sa aviar pupia kilavaru tai e kolmekina, akuan naga talilu e lowe memaena.

<sup>43-46</sup> Visae lumonia tai pona larña tai naþa kila ko na pe osuãalu mãrera re si e in poli, popon manene ga otelua vano. Visae ko na ote plan þelaga naviowaena vetan kionia malena sanene, þisi na okilia

ova loyumiã e malena, a sa ova loyumiã e malena naþa komþas nen lumoniã tai po lamã tai kovio pa rui, nanene naga pogaga ne. Ana piowa vaþisi visae yepemiã la asumã ga woga ga, þisi na akuan ko ova e kapi naþa taþatete mare pogos tai.

<sup>47</sup> Ana visae kilamaramã pona suri ya si tai e malena kioniã naþa kila ko pe osuñalu mārera re si e inu poli, popon manene ga osiplania. Pisi na okilia ova loyumiã e nasuþenena kiena ne Ntewa naþa sane narin sur tai nene kovio petan ko, na nene naga pogaga ne. Ana piowa ga vaþisi visae kilamaramã luoka pona kioniã þelaga viowa tai sumã ga, þisi na narin sur ga la nene aure kioniã malena wetelu va e kapi e lele naloge viowaena,

<sup>48</sup> naþa kapi nene taþatete þisi pogos tai, sisu la na akakarluë ga yepemiã.

<sup>49</sup> “Sa naþa kururu sive naga kila kinanena ponos taþatete kona, yoko Ntewa naga ligan kapi e yar lala vena kekan plan kororaki la naþa e kiela malena lala.

<sup>50</sup> Ana tepisu mēna sane kururu sive kila kata kinanena naga kiki, ana visae kana māreraena kovio, taþatete si kila kiena yumiãena narui. Ana amiu monar atamiã kururu sive kiena ne Ntewa yumiãe lue ga e amiu, vena kiamiu malena naga ve kona re, a vena kiamiu þelaga la kiki, naþa sane sumārena sike amio amiu silaga.”

## 10

*Yesu pisayu sanape naþa yaru mligan lua wona*

*Matiu 19:1-12; Luk 16:18*

<sup>1</sup> Ana siraunia, Yesu mligan Kalele ana pa metava e lepas nae Yutea, kome wii nae Yortan lepas na vano. Ana þina lala apim ke sina ga puna e pogos nene, ana sa naþa naga kila ke silaga, pian la ke e sur la moki.

<sup>2</sup> Ana Varasi mēna ga þasia asike e pogos nene, apimi puna ne Yesu, apisape akilali sina ga naga, la apiun naviunena tai pania. La apisape “?Kieta Navisaluaena pisa ya ne e lepas nen þelaga naþa visae yaru mligan lua wona? ?Ositom sanape, mesmes ga naþa yaru kilia kila sanene, pona pe mesmes re poli?”

<sup>3</sup> Ana Yesu piuntamiã la, pisape “?Ana Yermarua Mosis pisalua ya ne e kiena navisaluaena rui?”

<sup>4</sup> Ana Varasi la apisape “Mosis pisawal navisaluaena tai naþa naga tamãnia sape yaru kilia la lumaki naliganluaena tai van wona, vena ligan lua.”

<sup>5</sup> Ana Yesu pisatamiã la, pisape “Lelaga, ana Mosis siri visena nene vanon ga naþa amiu þarimiu la mārera paþisi, suri nene

kila naga tamãnia sape akilia aligan plan womiu lala.

<sup>6</sup> A siaria e nasiiena naga pe sa re nene poli, komin Visena Wa kiena ne Ntewa pisa sape

‘E purþesia, Ntewa sii yeririna, yermēne a sira.’

<sup>7</sup> Ana visena taþena si tai, naþa pisape ‘Vanon suri nene, þisi na yaru ligan arimana amio anena, naga va iakol amio wona,

<sup>8</sup> ana lalua aimi ave taaga ga narui.’

“Nanene kila sane lalua ve ave lua re sina ga, aimi ave taaga ga narui.

<sup>9</sup> Ana sur ya naþa Ntewa vilolaria pimi taaga, pe mesmes re naþa yaru kilapure si poli.”

<sup>10</sup> Ana pogos naþa lala apa si loyumiã, kiena nalogena lala apiun sina ga tania e lepas nen visena la naþane.

<sup>11</sup> Ana Yesu pisa mesmes ga pan la, pisape “Visae yaru tai ligan lua wona, þisi na va ure si sira taþena, Ntewa pisu sane yaru nene naga taþa ke pa kolau rui, naga kila kare sira naþa pe wona nasumu.

<sup>12</sup> Ana visae sira tai ure matan wona na yermēne, va pu yermēne taþena, naga mēna nene Ntewa pisu sane kolau.”

*Yesu pisa ruru sisi lala*

*Matiu 19:13-15; Luk 18:15-17*

<sup>13</sup> Ana laþasia akus narila la apimi pu Yesu, vena naga ligan limana te la, ana nalogena la apisuia, apisi mārera pan yeririna la nene, apisalupař la.

<sup>14</sup> Ana pogos naþa Yesu pisuia, pe kekaran re nena naþa kiena nalogena la amiyumiãen sanene poli, naga pis pan la pisape “Amiu ve avisaluþar re sisi la nene, atamiã la ga aim pun inu, vanon naþa sisi lala, la na sa ga yeririna la naþa asike loyumiã e nasuþenena kiena ne Ntewa.

<sup>15</sup> In na nevisa ve lelaga van amiu, yar naþa sinenan ke sape va loyumiã e nasuþenena kiena ne Ntewa, naga monar kilia sane naga sa ga sisi kokan tai, naga taþatete kila sur tai vena kus nasuþenena kiena ne Ntewa e malena kiena.”

<sup>16</sup> Ana Yesu kutarar sisi la nene e limana, mligan limana te þarila pisa ruru la.

*Yaru mēe tai naþa kiena sur moki*

*Matiu 19:16; Luk 18:18-23*

<sup>17</sup> Ana e pogos naþa Yesu siar mial pa ke narui, yaru mēe tai kiriri pimi kinai tano puna, piun tania, pisape “?Navianena Nowo, in na monar nekila yumiãena wo ya, naþa kila þisi na netol malena naþa ve uro re?”

<sup>18</sup> Ana Yesu pisa pania, pisape “?Vanon ya ne opiuñ tan inu sanene, osape in na



nepe Navianena Nowo? Pe yar re tai po poli, Ntewa ga naga taaga po.

<sup>19</sup> Ana ko na okilia mēna kiena navisalu-aena la naḡa monar ologear la, naḡa apisa ke asape, ve oweḡar re yaru mare, ve otaḡa re kolau, ve ovinau re, ve ovisokan re, ve okilakewean re yaru, ko ova tanon arimoḡa amio anomā.

<sup>20</sup> Ana yaru mēe nene pisa pania, pisape “Navianena, navisaluena la naḡa opisa ke ne, siar pogos naḡa nepe sisi ke ga wa, nesuḡa nemlarar make punu ga rui pimi tol nagane.”

<sup>21</sup> Ana Yesu kira pisu mā sane pano-o, kekaran naga vanon kiena visena nene paḡisi, pisa pania, pisape “Sur taaga teke ga wa naḡa ko na okila re poli wa. Ko ovano, owilwilin plan make kioḡa sur la punu ga, owar kana kilavaru nena, ova ovioviaonia van yaru la naḡa pe kiela sur re poli. Visae ko okila sanene, ḡisi na kioḡa suri wo lala ve moki vaḡisi ma e peni. Ko, ova okila, siraunia oimi otavevau.”

<sup>22</sup> Ana pogos naḡa yaru mēe nene mloge visena nene, kila naga milan karea, sinena piowa paḡisi, vanon naḡa naga kiena sur la moki manene laa. Ana naga pure matan Yesu.

*Yaru naḡa kiena sur moki, naga māarera laa naḡa va loyuḡa e nasuḡenena kiena ne Ntewa*

*Matiu 19:23-30; Luk 18:24-30*

<sup>23</sup> Ana Yesu kira pisuveve kiena nalogena lala, pisa pan la, pisape “!Nevisa ruru van amiu, visae yaru tai naḡa kiena suri moki, sinenan pisape va loyuḡa e nasuḡenena kiena ne Ntewa, suri nene na māarera towe mā naḡa!”

<sup>24</sup> Ana kiena nalogena lala amilan visena kiena ne Yesu nene paḡisi, naga pisa si pan la, pisape “Pe lelaga naruu la, navaen loyuḡa e nasuḡenena kiena ne Ntewa naga māarera na māarera.

<sup>25</sup> Ee, nevisa van amiu, naḡa kamel tai naga va warpoyo e pulus nen nitil, nanene naga māarera vaḡisi ne, ana visae yaru tai naḡa kiena suri la moki sinenan sape va loyuḡa e nasuḡenena kiena ne Ntewa, naga māarera laa na wa.”

<sup>26</sup> Ana pogos naḡa nalogena la amloge visena nene, amilan paḡisi, apisape “? Suwala, ana visae ve sanene, ḡisi na ane kilia tol namalena nene?”

<sup>27</sup> Ana Yesu kirava pisu la, pisape “Ee, lelaga naḡa yaru taḡatete tamalia yaru, ana Ntewa ga kilia kila make suri punu ga.”

<sup>28</sup> Ana Pita sinenan sape vis, pisape “? Ana sanapen imimi? Imimi memligan

make kiamimi sur la rui, ana metaveve ko.”

<sup>29</sup> Ana Yesu pisa pan la, pisape “In na nepisa ke pe lelaga pan amiu, yaru a naḡa visae ligan māna uḡa, pona wenla pona vinena, anena pona arimana, narina pona kiena porotano, ana visae naga ligan sur la nene vanon ga inu, a vanon kiau lologena wo,

<sup>30</sup> ḡisi na naga warmarana sina ga kiena suri la naḡa mligania, kilia tol sina ga ve ponotia tai. E yomerava nini, yoko tol sina māna uḡa la, wenla la, amio vinena la, anena la amio narina la, a porotano la, a amio sur la nene, yoko tol pog māarera ve moki, naḡa yaru la sinela kar mēna ga. Ana metavan sur taḡena la nene, e pogos naḡa imi, yoko tol mēna malena naḡa taḡatete ḡisi.

<sup>31</sup> Ana yaru la moki liu naḡa asike metava, ḡisi na avito tano, ana yaru la naḡa asike tano, ḡisi na la ava metava.”

*Yesu pisawal kiena marena yam telu narui*

*Matiu 20:17-19; Luk 18:31-34*

<sup>32</sup> Ana Yesu lala amlulu ke mrapa, apa ke metava ma Yerusalem narui. Ana Yesu naga sumon ke kiena nalogena la, la sinela kurkur paḡisi naḡa apisu naga sumon la apa Yerusalem, komin la akilia ke asape yeririna nae yo nene la sinela kari ke paḡisi. Ana li taḡena la naḡa asurau ke ga wa, la mēna asuḡa amarau lili māga. A naga piolua ga kiena lualima taaga pa lua apimi puna, pisawal si pan la sanape naḡa ḡisi na akila viowa vania gar Yerusalem.

<sup>33</sup> Naga pisayu pan la, pisape “Amiu ayagoga ruruia. Nanagane ita tepa ke Yerusalem narui, naḡa ve ve piavi re, ḡisi na aligan Narina Yeririna e limana ne yerikawa lala kiena ne yaru wa lala, amio navianena navisaluena mēna lala, ana ḡisi na la nene aliḡere naga avisave ḡisi na monar mare. Ana siraunia, aligan naga e limana ne la naḡa pe ape le Yu re poli,

<sup>34</sup> naḡa ḡisi na la nene akirakirai viowa vania, avilasirkon marana, ḡisi na akoa naga vano-o aweḡaria. Ana e kana legiena natelu, ḡisi na mali sina.”

*Semes amio Yoane, apiun sur tai tan Yesu*

*Matiu 20:20-23*

<sup>35</sup> Ana amiyal laa apa sane, ḡisi na narina ne Sepeti lalua nene Semes amio Yoane, apimi puna ne Yesu, apiun petania, apisape “Navianena, imimi lua mesape sur ya naḡa meviun tan ko nagane, mesape otamān van imimi.”

<sup>36</sup> Ana Yesu pisatarñe la, pisape “?Ana amiu lua sinemiun asape in na nekila ya ne van amiu?”

<sup>37</sup> Apisatarñea, asape “Imimi lua sine-mimin mesape otamñan sanini: pogos naþa ko na ovim ove þarin suþe na yomerava nini, þisi na mekilia metotano memio ko e kioñia yo wa metava lavisin ko, tai te lepas na þamarua, a tai e lepas na þarñeli.”

<sup>38</sup> Ana Yesu pisatarñe la, pisape “Amiu pe akilia re sur ne apiun ke ne poli. ?Sanape, amiu lua nene asitom asape atorokin naþa tomunpae e piala naloge viowaena nene naþa in na monar nemun ea? ?Ana amiu asitom ke asape amiu akilia atol nakeena e wii naþa akee in ea?”

<sup>39</sup> Lualua apisa pania, apisape “Ee, imimi lua metoroki.”

Ana Yesu pisa pan la, pisape “Ee, lelaga naþa þisi na amiu amun mñena ga e mñau piala naloge viowaena nene, ana pe lelaga naþa atol nakeena e wii nakeena naþa akeenu ea,

<sup>40</sup> ana sur nene naþa amiu lua apiunia, asape atotano amio inu e lepasneu luwoka, sur nene naga pe kiau re naþa nela van amiu poli. Yo la ne sanene, kiena ga la naþa Ata kila ruru pe kiela, pisaar þisi rui pisape þisi na atotano ea.”

*Narin Yeririna pimin vena yuñae kiena ne yeririna lala*

*Matiu 20:24-28*

<sup>41</sup> Ana pogos naþa nalogena taþena la lualima nene amloge sur nene, naþa wenla lalua nene Semes amio Yoane apiunia, la sinela kar lalua.

<sup>42</sup> Ana Yesu pio la apimi puna vena naga visi van la, ana pisape “Amiu akilia ruru þelaga kiena ne yaru la naþa pe amlelaga re e Ntewa poli. Tepisu sa naþa suþe lala amio yerkawa lala na yomerava, la sinelan asape amñareran yaru taþena lala asu vatanon la silaga.

<sup>43-44</sup> “Ana amiu kiau nalogena lala, ki-amiu þelaga monar ve ve sa re nene. Visae amiu yar tai sinenan sape imi ve yerkawa tai pona ve kiamiu nasumonena tai, kana mrapa nena sanini: yaru nene monar imi ve sa ga yaru na yuñae kiamiuena tai.

<sup>45</sup> Narina Yeririna naga kila sanene þisi rui, naþa pe pimin re vena yar la aiila naga poli, naga pimin naillalaena, a vena tamñan kiena malena nawulplanen yeririna la ve moki.”

*Yesu taþa ruru kilamara kata tai*

*Luk 18:35-43*

<sup>46</sup> E pogos nene, Yesu amio kiena nalogena lala apim asike garu Seriko, ana pogos naþa amligan yo e pulkumali nene

apano, ana yeririna la moki paþisi ataveve la. Pog naþa amiyal ke apano, ana kilamara kata tai toñia tano e isinen mrapplepa. Yar nene, arimana kiena kia Timeas, ana apio kia kiena ne narina asape Patimeas. Patimeas nene, totano e mrapplepa legiana punu ga, pion ke pan yar lala sape akuan narin kururu varu vania vena iilaena kiena malena.

<sup>47</sup> Ana pogos naþa mloge apisape Yesu nae Nasaret mial ke e mrapplepa pimi, þisi na naga pion ke, sape “!Yesu-o, ko lus kiena ne Tepet, nesape ko sineña ye inu wa!”

<sup>48</sup> Ana yaru taþena la apisin sinemimien pania, asape “Ee, ve omñaga re.”

Ana naga pion manene la pavini, sape “!Suþe-o, ko lus kiena ne Tepet, awis, nesape sineña ye inu.”

<sup>49</sup> Ana Yesu panar suñalu su mrapa e yo nene, pis pan yeririna lala, pisape avio yar nene vim lavis puna, ana lala apa apisa pan kilamara kata naþane, asape “Welu.” Ana naga sape “Pasa.” Ana lala apisape “Ve ologe re viowa. Yesu naþane sape oim puna wa. Ko osuñalu, ita.”

<sup>50</sup> Ana yaru nene kuanlua mñana kulkota, suñal veraga ga, pimi puna.

<sup>51</sup> Ana Yesu piun tania, pisape “?Ko na sinomñan osape nekila ya ne van ko?”

Ana naga pisatarñea, sape “Suþe, awis, in na sineun nesape kilamarau la imi wo, vena nekilia nekirava.”

<sup>52</sup> Ana Yesu pisa pania, pisape “Pogaga, ko na okilia ova si umñ moñia. Kioñia nalelagaena ga kila ko opim omloge po narui.” Ana naga pisu ruru ke ga suria e pogos nene, ana mial taveve Yesu e mrapa apano.

## 11

*Yesu pimi tol yo naþa Yerusalem*

*Matiu 21:1-11; Luk 19:28-40; Yoane 12:12-19*

<sup>1</sup> Nanagane, Yesu lala apam lavisin Yerusalem narui, ana la amñalivi e narin pulkumali lalua sumo, kiela kia Petpas amio Petani, naþa sike e yepas nen kunus nene naþa la apio asape Kunus Na Purolip Lala. Ana Yesu miila kiena nalogena la lua, pisape

<sup>2</sup> “Amiu lua ava e pulkumali na gare, a mesmes ga e pogos naþa ava loyumuñ ea, þisi na avisu narin togki tai, naþa amñatear teke na, pe yar tai totanoli re e wosia poli wa. Ana aluþarlua aure imi pun inu e nini.

<sup>3</sup> Ana visae yar tai vis van amiu vanonia, viunia visave ‘?Amiu akila sanene vanon ya?,’ þisi na avisa ga vania, avisave ‘Suþe na sinenan sur mal nini vena va kila kiena

yumñaena tai wa, p̄isi na naga ligan wasuḗsina vena ve piavi re.' "

<sup>4</sup> Ana p̄isi na nalogena lua nene apano, am̄al narin togki naḗpane, apiaria teke na sike ga vanua e mratava na yum̄ia tai lavisin ga mraplepa. Pogos naḗa asape aluḗparlua kana kilika,

<sup>5</sup> ana lala naḗa asike e yo nene apiunia, asape "ʔAmiu akila ke ya ne, amluḗparlua ke kana kilika na ya ne?"

<sup>6</sup> Ana la apisa pan la visena la naḗa Yesu pisa ruru pan la, naḗa sane avisa van yar la nene, ana la atam̄an asape akilia aure togki vano pogaga.

<sup>7</sup> Pisi na lalua aḗere togki nene pimi, aḗatae m̄ala kulkota lala e wos nena, ana Yesu pa totano metava ea.

<sup>8</sup> Ana yar la moki liu naḗa aḗatae m̄ala kulkota lala suvilevis nen mraplepa, ana yaru laḗasia apa ate m̄am̄ela lala pitomi aḗatae m̄ena ga, vena togki yal ea. Sanene narui, akila sa naḗa la apatanon Yesu sa naḗa pe pupia p̄arin suḗe tai.

<sup>9</sup> Ana la amial ke apano vena ava loyum̄ia Yerusalem, ana p̄ina na yeririna la naḗa asumon Yesu, amio la naḗa asiraunia, asum̄ia apiovion manene sanini, apisape

"!A ke suwala, pona po! !Teyeluar naga!

!Ntewa na mava, ko ovisa ruru naga nene naḗa pimi e kion̄ia kia!

<sup>10</sup> !Ita tekekanan paḗisi nasuḗpenena kiena ne kieta yermarua Tepet naḗa pimi ke! !Amiu nae mava peni, amiu m̄ena ga ayeluarua!"

<sup>11</sup> Ana Yesu pa loyum̄ia Yerusalem, a pa tol Yum̄ia Wa m̄ana ne Ntewa. Ana pa loyum̄ia, pisuveve yo lala, a sur la punu ga naḗa amiyum̄aen ke ea, pano-o mrae naga pato ke tano narui, naga pure kiena lualima taaga pa lua, apetan si pupia kumali naḗani, apa amono gar Petani.

*Purlaki tai naḗa pe tau re poli wa*

*Matiu 21:18-19*

<sup>12</sup> Ana yemlagi kolulagi la amligan si ma Petani aḗasuḗe sina vena ava Yerusalem, ana Yesu mloge sane viso karia.

<sup>13</sup> Naga kira pa e is nen mraplepa, m̄al purpik tai sike, ana naga mial pa lavisinia vena war mras laḗasia. Ana pogos naḗa pimi pisuia, purpik nene m̄as ga moki, ana pe mras su re e poli, komin pe kana pog re poli wa.

<sup>14</sup> Ana Yesu pisa pan purpik nene, pisape "Ko ove owar re si mrasnom̄a pogos tai vena yar la akilia akania." Ana kiena nalogena m̄ena la amloge ke naḗa naga pisalele kare laki na sanene.

*Yesu m̄ene plan la naḗa asum̄ia aḗiliwilin ke suri e Yum̄ia Wa Mana ne Ntewa*

*Matiu 21:12-17; Luk 19:45-48; Yoane 2:13-22*

<sup>15</sup> Ana Yesu la apa atol si Yerusalem narui, lala apa sina ga loyum̄ia e Yum̄ia Wa m̄ana ne Ntewa. Ana e pogos nene naga pisa sane yar la moki liu naḗa asum̄ia e yepas nen yum̄ia nene, la asum̄ia akila ke ga yum̄aena natauluen kilavaru lala ea, ana yar la mok liu naḗa apul ke sur la naḗa aḗiliwilin ke ne. Ana naga pe kekanan re nenaga, pa m̄ene plan la, kawepu narin varvara kiena ne yar nakeueen varu sa le Rom la pimi ve sa le Yu la, nakilaena nalaena. A naga koantetain lele na totanoena kiena ne la naḗa apuliwilin ke kupa nakuḗpaḗaena lala.

<sup>16</sup> A naga pisawo m̄ena ga yar la naḗa sinelan ke asape awar kiela sur na yum̄aena la ayal akom likan yepa na Yum̄ia Wa nene.

<sup>17</sup> Ana naga pisa pian la, pisape "ʔSanape, amiu pe akilia re asape Ntewa pisa e kiena Visena Wa, sape

'Pisi na la avisa m̄au Yum̄ia Wa avisave naga yum̄ia nalotena kiena ne yolai punu ga e yomarava wetelu.' Ais 56:7

'Ana nanagane na amiu akepu pimi sa ga ponovi m̄ana yaru na vinauena la narui.' " Ser 7:11

<sup>18</sup> Ana pe piavi re nena, yerkawa lala kiena ne yaru wa lala, amio navianena na navisaluaena lala, amloge sur la naḗa Yesu kila e Yum̄ia Wa m̄ana ne Ntewa, ana la sinela kar paḗisi, asape akila suriania. Ana amaraun Yesu, pe akila re si poli, vanon apisu kilale naḗa yeririna la akekanan naga paḗisi, asum̄ia amilan ke kiena navianena wo lala.

<sup>19</sup> Ana pogos naḗa mrae pato pa tano narui, Yesu la apetan ke sina ga yo naḗa Yerusalem.

*Purpik naḗa pe tau re poli, mare make ga*

*Matiu 21:20-22*

<sup>20</sup> Ana kolulagi, la aḗasuḗe apa ke si Yerusalem, ana apisu purpik naḗane, m̄as la miaiai make nena rui.

<sup>21</sup> Ana Pita sitor̄ial si visena kiena ne Yesu, pisa pania, sape "Suḗe, opisu ke ne! Purpik naḗa opisanena kare nakoneva, nagane mare rui."

<sup>22</sup> Ana Yesu pisatam̄ea, pisa pan la, pisape "Amiu punu ga monar aviawa m̄arera e Ntewa.

<sup>23</sup> In na nepisa ke pe lelaga pan amiu, visae yar tai naḗa pe kiena sitomena peve

lua re poli, a mlelaga m̄arera, ana visae suri ya naŋa naga visa, monar ve sanene narui. Visae naga vis va pupia kunus nene, visave 'Osum̄alu otove, oula ova e sive,' ƒisi na monar ve sa ga nene.

<sup>24</sup> Nane nepisa pan amiu, ana sur ya ne ko na oviunia e kion̄a leniena, visae olelaga m̄arera sane sur nene pe kion̄a pa rui, ƒisi na monar ve sa ga nene narui.

<sup>25-26</sup> Ana e pogos punu ga naŋa visae alen, amiu monar asitom ruru m̄ena ga, visae kilapurpu tai teke e ko amio yar taŋena tai, monar ovievo sumo wa, ƒisi na okilia osuŋalu okila kion̄a leniena van Ntewa. Visae okila ve sa nene, yoko arimata nae ma e peni, naga m̄ena sitom̄al ko, viewo kon kion̄a mlamulena viowa lala."

*Nasumonon le Israel lala sinelan asape avisaluŋar Yesu*

*Matiu 11:23-27; Luk 20:1-8*

<sup>27</sup> Ana Yesu la aŋasuŋe si apam atol Yerusalem, ana apa si loyur̄na e kove na Yuŋa Wa m̄ana ne Ntewa. Ana pogos naŋa amialoro ke loyur̄na, yerkawa kiena ne yaru wa lala, amio navianena navisaluaena, a nasumonena lala kiena ne le Yu la, apimi puna,

<sup>28</sup> apun tania, asape "Ko osuŋa okila ke sur la ne sanene e yo nini e kia kiena ne ai? Ana a si na pisa pan ko sape okila ve sanene?"

<sup>29</sup> Ana Yesu pisataŋe la, pisape "Pogaga, ana inu m̄ena nesape neviun naviunena tai van amiu wa. Visae amiu avisataŋe ruru kiau naviunena nene wo, ƒisi na nekilia nevisawal van amiu sanape naŋa nekilia nekila ve sanene.

<sup>30</sup> Ana kiau naviunena naga sanini narui, sape: ?Nakeena naŋa Yoane naga kilamare ga nanua ne e yaru lala, naga pe sur tai naŋa Ntewa pisa pania sape naga monar kila, pona yaru ga la apisa pania? Amiu avisataŋeli kiau naviunena nene."

<sup>31</sup> Ana naviunena nene kiena ne Yesu kila la agorua la narui, naŋa asuŋa apisa asape "ƒisi na ita tevisa sanape na vania? !Tevisuaruua! Visae ita tevisa tevisave nakeena nene Ntewa naga pisa pa Yoane, ƒisi na yaru nene viun si vetan ita, visave vanon ya ne ita pe temlelaga re e Yoane poli.

<sup>32</sup> Ana ita taŋatete si tevisa tevisave nakeena kiena Yoane nene pe sitomena kiena yeririna ga lala, visae peraga, la sinela kar ita." Yar keviu la amaraun visaena visen nene, komin akilia asape yeririna la nene amlelaga ke po m̄arera e Yoane ƒisi rui, asape naga pe navisawalena na lelaga tai kiena ne Ntewa.

<sup>33</sup> Ana kiela sitomena la ne sanene narui, kila apisataŋe Yesu sa ga nini, apisape "Imimi memninue ga."

Pisi na Yesu pisa pan la, pisape "Visae sanene, inu m̄ena ga, taŋatete nevisa van amiu nevisaane ane pisa pan inu sape nekila yuŋaena la ne sanene."

## 12

*Pakaiwa na li viowa la naŋa apisuar lokilkerep tai*

*Matiu 21:33-46; Luk 20:9-19*

<sup>1</sup> Ana pogos naŋa Yesu suŋa pian la ke, naga pisayu ke ƒakaiwa pan la. Pakaiwa tai na pisa sa nini, pisayu yerkawa tai, amio kiena lokilkerep. Yaru nene kila ruru kiena yo nene, kila kove m̄arera tai telivi piora ea, a kila kana lele navieplanen was nen kerep, kila m̄ena kana lele tai naŋa pa metava naŋa yaru kilia wiyu va se ea, vena kiravawoen lokilkerep nene.

"Ana e pogos tai, yerkawa nene sinenan sape yaloro re va e purvanua taŋena tai, ƒisi na mligan kana lokilkerep nene e limana ne yaru laŋasia, vena ayuŋaenia, aul vania.

<sup>2</sup> "Ana yerkawa nene pa suŋa gare pano-o, ƒisi na pisu kilale sane nanagane na pogos na mrakerep la marua narui. Ana mligan kiena yaru tai pa si puna ne la naŋa asike e kana lokilkerep nene vena war kiena kilavaru na mrakerep komŋasia, naŋa la nene monar aul vania.

<sup>3</sup> Ana pogos naŋa kiena yaru nene pano, ana yaru taŋena la nene aŋe kare naga, aŋenelua sina naga pano, pe mla re sur tai poli.

<sup>4</sup> "Ana yerkawa nene miila si kiena yaru taŋena pano, ana la naŋa aŋea, ƒar kuruta e ƒarina, akila piowa pan naga paŋisi, aŋenelua pa sina.

<sup>5</sup> Pisi na naga miila ke sina ga taŋena tai, ana aŋemom̄ar naga mare, siraunia, naga miila kiena yeririna moki apano, asula aŋemom̄ar la m̄ena ga.

<sup>6</sup> "Ana yerkawa nene pisu sane yar taaga sike narui, pe narina wawa naŋa naga kekaran paŋisi, ana naga sitomveve pano-o, pisape 'In na monar neligan ga naruu vano, vena monar avatanon naga.'

<sup>7</sup> "Ana pogos naŋa yar viowa la nene apisu narina ne yerkawa nene pimi, la asuŋa apismumun pan la, asape 'Narina ne ke yerkawa naŋa narui. Yaru ke na nene narui, naŋa visae yerkawa kovio, ƒisi na kus porotano nene sane ve kiena lalimana. Popon ita tower̄ar m̄ena naga mare, ana ita ga tekilia tokus porotano nene ve kieta.'

8 Ana sanene narui atarar naga, añañaria, akovenlua naga petan lokilkerep pa vanua."

9 Ana Yesu piun tan la, pisape "?Pogos naña yerka nene yoko imi sina, pisi na kila sanapen la naña amiyuñae ke e kiena yo nene? Yaru viowa la nene, pisi na yerka nene imi weniar la, monar amare e ðelaga ñarera tai, siraunia naga ligan kiena lokilkerep e limana ne yaru wo tañena la ðasia."

10 Ana Yesu pisa pan la, pisape "Visena tai teke e Visena Wa kiena ne Ntewa, pisa sanini pisape

*'Kilavaru nene, yaru na yuñanen yuñã lala apisa asape piowa ga, akoven rui, ana nanagane na, kilavaru nene pimi pe kilavaru wo na mrapun yuñã, ve nauararen yuñã ñarera.*

11 Ana sur nene, Ntewa ga kila, a mepisuia na po na po.'" *Yauena 118:22,23*

"?Ana sanape, visena nene akilia pa rui, apuloli ña pogos tai, pona peraga yo?"

12 Ana pogos naña Yesu pisa pae ðakaiwa nene, yerka lala akilia naña naga sumã pisa ke ga visena la nene vanon kiela ðelaga lala, ana sinela kar naga, kila narui sinelan asape auarar naga, pisi narui na apisu sane yar la mokliu, amaraun la, amligan naga ñeke na aþure apano.

*Sur kiena ne Ntewa, a sur kiena ne Sisa Matiu 22:15-22; Luk 20:20-26*

13 Ana yar keviu lala apa apisuveve sur nene, lala amligan Varasi laþas apimi, amio ñena ga ðasia e ðegas kiena ne Erot, naña apiunli naviuena ñarera laþasia ve nataþalien Yesu ea, naña sane naga visatañe ðele ga.

14 Ana apimi puna ne Yesu, akila kotalia e visena wo lala, apisa asape "Navianena, imimi mekilã ko na ope lelaga kemua. Ko ope omaraun re yar tai poli, sane yar keviu, pona yar naña to metava, po yar na sanape, ana ko osuñã apisalua ke mrapa mesmes kiena ne Ntewa pan la punu ga. Ana mesape meviunli tan ko, mesape kieta navisaluaena pisa sanape? ? Pisape mesmes ga naña ita le Yu toul takis va Sisa, naña pe ðarin suþe kiena ne le Rom lala, pona pe mesmes re sanene poli?"

15 ?Pogaga naña toul takis la nene po peraga?"

Ana Yesu kilia ñaga naña la apiun kotalia ga, sinelan ke asape akila kare naga, ana naga pis pan la, pisape "?Amiu asuñã ataþalinu ke sanene vanon ya? Pogaga, amiu ala kilavaru tai imi vena nevisuvevelia."

16 Ana amla tai pimi, akian pania, Yesu piun tan la, pisape "Ninun marana a ne

teke e narin kilavaru nene? ?Ana kila na asiri teke ea, ane kiena kila nene?"

La apisape "Marana ne Parin Suþe Sisa nene, a kiena kila ñena ga."

17 Ana pisa pan la, pisape "Pogaga, sur naña kiena ne Sisa, monar ala va Sisa, a suri naña kiena ne Ntewa, monar ala va Ntewa." Ana pogos naña amloge navisatãeena nene, amilan kare paþisi.

*La naña amare, pisi na amal sina Matiu 22:23-33; Luk 20:27-40*

18 Ana siraunia, le Satusi laþasia apimi puna ne Yesu, sinelan asape aviunli suri tai tania e lepas na sur tai naña la amlelaga ñarera ea, asape sa yaru la naña amare, taþatete amal sina e legiena maro. Vanon suri ne nanene apiun tan Yesu sanini, asape

19 "Navianena, sinemimin mesape meviunli tan ko sanape e visena tai naña yermarua Mosis siri pan ita nanua sumo. Naga pisa pisape visae yaru tai, mare tan wona naña sane pe narila re tai poli wa, pisi na wenla yaru nene monar talopa sina amio letano nene. Ana visae sira nene war sisi, akilia asikia e kila kiena ne arimana naña mare pa rui, vena kila nene mali ñaga.

20 Ana e pogos tai, wenla la olua. Kiela ñearu talopa, ana naga mare petan wona, pe narila re tai poli wa.

21 Ana wenla nasiraunia ðereleinia pe wona, pisi na naga ñena ga mare petania, pe narila re tai poli, a wenla na telu kila ñena ga sanene,

22 pano-o tol wenla na olua, la punu ga amarmare tan sira naña sanene. A siraun wona la punu ga naña amarmare, sira ñena ga nene mare.

23 Ana ko ovisali sur nene: ?E legiena maro, pogos naña apisa ke asape pisi na yaru la amal sina, pisi na sira nene na ve wona ai, vanon naña naga talopa amio wenla la olua nene pisi rui?"

24 Ana Yesu pisape "Peraga, kiamiu sitomena pa pe wowe laa. ?Pona kam na pe akilia re ya ne kila amiu ape wowe ke sanene poli yo? Vanon pe akilia re ya naña Visena Wa kiena ne Ntewa pisa ke poli, a pe akilia re ñena ya naña kiena namãareraena keviu kilia kila poli.

25 Pogos naña yaru la amal sina, pisi na lala ave sa ga navisi kiena ne Ntewa lala ma e peni narui, ana pisi na ve akila re si suri nene naña natalopaena.

26 A e lepas na malena si nene, kana visena tai teke e tusi naña Mosis naga siria, naña pisayu ke narin laki tai naña kapi kekania, naña Ntewa pisa pa Mosis sanini, pisape

'Epraam, Aisak, a Sekop, in na nepe kiela Ntewa.'

"?Pona amiu na pe apuloli re visena nene pogos tai poli yo,

<sup>27</sup> ana in na nevisakilale van amiu vena kila ruru kiamiu sitomena lala. La telu nene la amare e yomarava nini nakonua rui, ana kas moki na moki ĩaro pa rui, ana Ntewa pisa ga visena nini na wa, naĵa sape naga pe kiela Ntewa. Sanene na kiena visena naga kana kinasia sape la telu nene la amare e yomarava, ana la amal ke ma puna na wa. Ntewa pe sinenan re sape kiena yeririna lala la ave yaru la naĵa amare poli, ana naga sinenan sape naga ve Ntewa kiena ne yeririna la naĵa amali."

*Navisaluaena na keviu lua*

*Matiu 22:34-40; Luk 10:25-28*

<sup>28</sup> Ana navianena na visaluaena tai pimi suŋalu sike e pogos nene, ana miyagogan ke le Satusi lala ataĵali ke Yesu, ana Yesu taulu la ga e kiena navisatamēena wo lala. Ana navianena nene, naga sitom sape naga towe lai viun va Yesu, pisape "?E kieta navisaluaena lala, nape naĵa keviu, miyuve taĵena lala?"

<sup>29</sup> Ana Yesu pisa pania, sape "Visena Wa pisa sanini, pisape 'Yeririna nae Israel, amiu ayagoga. Ntewa na mava, kieta Ntewa, naga taaga pe Ntewa na mava.

<sup>30</sup> Ntewa na Mava naĵa pe kioŋa Ntewa, ko na monar sineŋa sia e losineŋa wetelu, e kioŋa malena wetelu, e kioŋa sitomena wetelu, a e kioŋa puriukawaena wetelu.'

<sup>31</sup> "Nanene naga pe navisaluaena ĩesia, a nalua nena naga pisa sanini, pisape 'Ko monar sineŋa si nalavis puŋa lala, okila wo van la, sa ga naĵa ko sineŋa si ko ke ga.'

"Ana pe navisaluaena re si tai poli naĵa naga keviu taulu lalua nene."

<sup>32</sup> Pisi na navianena navisaluaena pisatamē pania, pisape "Lelaga ga navianena, ko opisa mesmesu ga. Ko opisa pe lelaga ga, osape yar keviu naga taaga ga, pe tai re si poli.

<sup>33</sup> Ana ko opis pe lelaga mēna ga osape monar sineu si naga e sineu wetelu, e kiau nakiliaena wetelu, amio kiau puriukawaena wetelu, ana monar sineu si la naĵa asike lavis pun inu, sa ga naĵa sineu si in ke ga. Pe lelaga ga ne, e nakiravaena kiena ne Ntewa, visae nekila ve sa nene, nanene naga to laa metava, po manene laa taulu make nakuĵaĵaena lala naĵa netaĵa ke e mēna Yumā Wa."

<sup>34</sup> Ana Yesu mloge kiena navisatamēena naga po, pe manmarua po, ana pisa pania,

pisape "In na nevisa van ko, sane ko ko na osike pa lavisu rui, ko na yoko ĩisi na ova loyuma e nasuĵenena kiena ne Ntewa na wa."

Ana siraun e pogos nene, ĩisi na pe yar tai taĵali re si Yesu e naviunena la poli.

*Navisaarena naga pe Ntewa kiena ne yermarua Tepet*

*Matiu 22:41-46; Luk 20:41-44*

<sup>35</sup> Ana siraunia, Yesu naga pian ke yeririna lala e Yumā Wa mēna ne Ntewa, ana naga towelai piun naviunena tai pan la. Naga pisape "?Nekilia mēga naĵa kiamiu navianena navisaluaena lala apian amiu mēga, ana nesape neviunlia, komin ya naĵa apisa ke asape Navisaarena naga monar mālivi e lus kiena ne yermarua Tepet nene naĵa naga pe ĩarin suĵe sumo?"

<sup>36</sup> Neĵiun ke sa nene, komin nanua sumo, Ninuna Wa pimi e Tepet, kila naga pisi, pisape

'Ntewa na Mava pisa pa kiau Suĵe, pisape "Ko ototano e kiau lepas na ĩamarua, otomāte mē vano-o, ĩisi na neligan kioŋa nasinekar lala aimi ve sa narin takue na vilanvanen laŋa ea."  
Yauena 110:1

<sup>37</sup> "E lele nene tepisu naĵa Tepet suŋa pio ke Navisaarena nene sape pe kiena Suĵe rui. ?Ana vanon naĵa Tepet pisa sanene, a sanapen naĵa amiu apisa ke asape Navisaarena nene naga molue ga e Tepet, ana naga pe kiena lus ga tai?"

Ana pupia ĩina naĵa asike e pogos nene, lala sinelan manene navianena kiena Yesu la ne sanene, la akekaran manene paĵisi.

*Yesu pisi mārera paĵisi pan nasumonena lala nalotena*

*Matiu 23:1-36; Luk 20:45-47*

<sup>38</sup> Ana e pogos nene naĵa Yesu naga pian la ke, pian lan la ke mēna ga e ĩelaga na yeluarlaena kiena ne kiela nasumonena lala. Naga pisape "Amiu avisuar amiu e navianena navisaluaena lala. Lala aplave ke paĵisi e mēla kulkota piayavi lala, a pogos naĵa visae la ayaloro e lele na wilwillinena, sinelan asape yaru lala monar avatanon la, a avio ruru la avisave '!Navianena, pokolulagi!'

<sup>39</sup> A e pogos na ĩaĵaĵena lala, a loyuma e nalotena mēna ga lala, la sinelan naĵa silaga asape atotano ga e lenen yerikawa lala. Amiu apisu kilale la ke narui, ne?"

<sup>40</sup> Ana lala asuma aĵure piavin ke kiela leniena la paĵisi, ana apisokani ke ga ne, vanon naĵa e ke e pogos nene, lala asuma akila kotalia ke letano la, vena avinaun kiela suri lala. Ana vanon suri ne nanene, ĩisi na kiela nakoaena mārera re laa sane."

*Letano tai mla kiena kururu varu pan Ntewa*

*Luk 21:1-4*

<sup>41</sup> Ana siraunia, Yesu naga pa laa lavisin yo naþa akuan ke varu ea e Yurña Wa nene, ana kira pisulili ke yar lala naþa akuwakuan ke kiela nalaena lala. Naga pisu yar la moki naþa kiela sur la mok-liu, aþar kiela nalaena kerkeviu la pimi, akuwania.

<sup>42</sup> Ana þisi na pisu mēna sira marua tai pimi, naga letano tai, pe kiena sur re poli. Ana naga mla narin kururu varu lua pimi, mla pan Ntewa.

<sup>43</sup> Þisi na Yesu pio kiena nalogena lala vena aim puna, naga pis pan la, pisape “?Amiu apisu ke sira marua nene, naþa kuan narin varu lua ga nene? In na nevisa ve lelaga van amiu, naga mla keviu taulu make nalaena punu ga naþa yar la naþa kiela sur la moki amlavia.

<sup>44</sup> Lala nene, kiela varu keviu paþisi, ana amla ga komþas tekak ga pano, ana letano nene, narin varu naþa naga mlararia vena iilaena kiena malena, mla punu ga pan Ntewa.”

## 13

*Yesu pisawal naþa þisi na awe plan Yurña Wa Mana ne Ntewa*

*Matiu 24:1-2; Luk 21:5-6*

<sup>1</sup> Ana Yesu molue e Yurña Wa mēna ne Ntewa, ana pogos naþa naga sumā mial pa ke, kiena nalogena lala tai kilologia pupia yurña lala na Yurña Wa nene, pisa sape “! Navianena, ovisuia! !Yurña la nene amio kana kilavaru lala apo paþisi wa!”

<sup>2</sup> Ana Yesu pisa pania, pisape “?Opisu ke pupia yurña la nene? Yurña la nene, þisi na taþatete si kana kilavaru ne tai naþa tomā ga towawa ruru teke e lelana, komin þisi na yar laþas aimi, awe plan make nena yurña la nene vano.”

*Naloge viowaena monar imi*

*Matiu 24:3-14; Luk 21:7-19*

<sup>3</sup> La amial sanene, apim e Kunus Na Purolip lala, naþa kira pisu ke Yurña Wa, ana Yesu totano e yo nene. A pogos naþa pe yaru taþena la asu re poli, kiena nalogena la varī apimi puna, Pita, Semes, Yoane amio Antru. Ana apiun tania, asape

<sup>4</sup> “?Þisi na awe plan Yurña Wa nene pogwai, a kile ya ne yoko kila sur la nene vim kakate?”

<sup>5</sup> Ana Yesu pisatamē la narui, pisape “Popon amiu avisuar ruru amiu, vena ve yaru imi visa kotalia amiu re,

<sup>6</sup> vanon naþa þisi na yaru la ve moki naþa ala kiau kia, ana aimi avisave ‘In

na nepe Navisaarena þa,’ ana þisi na aure yaru la ve moki ava ave wowe.

<sup>7</sup> Ana visae e pogos nene, aloge mēaгена na mara pimi ke lavisin, pona alogon pupia mara la naþa sike perina, ana ve sinemiu kurkur manene re. Suri la nene monar imi kakate sumo, ana nanene na pe pe legien maro re poli na wa.

<sup>8</sup> A þarin suþe lala, yoko akila mara amio þarin suþe taþena lala, a purvanua lala yoko asuñalu akawela amio purvanua taþena lala. A yo kar ga e yomarava nini, yoko yemninu vaþisi, a pupia viso mēna, ana suri la nene, pe pe legiena maro re nene poli na wa. Ana suri la nene sa ga sira naþa mēþena, naþa sane mloge þesan māsina mlaea vena waren sisi, ana pupia naloge viowaena naga pere na wa.

<sup>9</sup> “Ana monar avisuar ruru amiu, sa þisi yaru la aure amiu ava e kiela kumali, pona e kiela yurña na lotuena lala, vena avis van amiu, ala nakoena van amiu, pona awe amiu. Yoko monar aligan amiu ava asuñalu ase marana ne yerkawa na purvanua vanon ga naþa amiu ape kiau nalogena lala, ana e pogos nene amiu akilia avisawal kiamiu nalelagaena e inu e marala.

<sup>10</sup> A logena wo, yoko alogon va yolai la punu ga e yomarava nini sumo wa, þisi na sur la nene kilia imi mālivi.

<sup>11</sup> Ana visae la nene aim atarar amiu, aure amiu avano vena ala nakoena van amiu, amiu na ve asitom manene re avisave ‘?Þisi na nevisa ya ne van la ne?’ Ana avisa ga visena naþa þisi na Ninuna Wa la van amiu, mesmes ga e pogos na visena, vanon pe amiu re apis poli, komin Ninuna Wa ga naga vis e amiu.

<sup>12</sup> “E pog mārera nene, yoko yar kilia tañan yaru viowa taþena la aimi aurelua wenla ruru naapo pona narila ruru naapo, vena awe monar la, nanene komin naþa la nene amlelaga e inu. A nin sisi mēna ga lala akilia asuñalu avisawal anela lala amio arimala lala naþa la amlelaga e inu, vena lala mēna ga amare sanene.

<sup>13</sup> Ana yoko yaru la sinela kar manene amiu, naþa kiau kia teke e amiu, a amiu yaru a naþa suñalar mārera sumā ga vano-o pog mārera nene þisi, Ntewa tamalia naga.”

*Pupia pog mārera tai garu Yerusalem*

*Matiu 24:15-28; Luk 21:20-24*

<sup>14</sup> Ana Yesu pisa mēna ga visena taþena tai, naþa popon yaru kilia wuloyuia, vena kilia ruru kana kinasia. Visena nene sanini, pisape “Yoko amiu akilia avisu naþa avisirlua nono tai naþa piowa manene laa, yoko suñalu se e yo wa tai pe

pogon re nena naŋa aligan se ea. A pogos naŋa avisu suri nene, amiu naŋa asike Yutea, popon amiu aure, ava atapolou e kunus lala.

<sup>15</sup> E pogos nene, visae yaru tai va ruru teke vanua lavisin m̄ana yuñā, naga monar ve va re si loyuñā war kiena suri laŋasia,

<sup>16</sup> pona visae yaru sike e kana lokove, naga monar ve vito re si uñā tar m̄ana kul-sota, naga monar kiriri vitaŋili ga sanene vano.

<sup>17</sup> Ana e pogos nene, yoko viowa laa m̄ana van sira la naŋa meŋela, amio la naŋa amla ke yu pan kiela sisi tomtom lala.

<sup>18</sup> Visae ve sanene, popon amiu alenwo amiu vena kiamiu pog naureena nene ve imi tol amiu re e pog na miava keviu.

<sup>19</sup> Nanene vanon pogos nene, ŋisi na m̄arera na m̄arera, m̄arera laa sane taulu pogos m̄arera taŋena lala, naŋa siar e pogos naŋa Ntewa sii yomarava nini pimi tol nanagane, a yoko ve pog m̄arera re si tai ve sanene pogos tai.

<sup>20</sup> Ana Ntewa sitoñali rui pisape yoko tero pog m̄arera nene imi ve plas ga, vanon kiena yeririna la naŋa pisir plan la vena ave kiena, asike e pogos nene. Ana visae ve tero re ve plas sanene, yoko taŋatete yaru tai kilia mal sike na.

<sup>21</sup> “Ana visae yaru lala avivisa van amiu, avisave ‘Amiu avisu yaru nene, naga na Navisaarena nene,’ pona avisa taŋena, asape ‘Nane Navisaarena ne nane gare,’ ana amiu na ve alelaga re e kiela visena lala toko,

<sup>22</sup> komin naŋa navisaarena la mokliu naŋa pe ape lelaga re la poli, la akilia asuñālu, amio m̄ena ga navisawalena navisokanena la ve moki, a ŋisi na la nene akilia akila kile lala, amio sur nailanena lala. Ana yoko akila sanene, aure yaru la ava ave wowe, vano-o tol naŋa akilali naŋa aure m̄ena yeririna kiena ne Ntewa la naŋa pisir plan la vena ave kiena, ana la taŋatete akilia akila.

<sup>23</sup> Ana akilia avisuar amiu ruruia, komin nepisawal make suri la rui pan amiu nanagane, naŋa pe aŋarpo yo re poli wa.”

*Pisi na Narin Yeririna wasuŋe sina*  
Mak 13:24-27; Luk 21:25-28

<sup>24</sup> A Yesu pisape “Ana e pogos nene, siraun naŋa naloge viowaena nene ŋisi, mrae imi ve pupumalko, a kupario ve tego re sina.

<sup>25</sup> A verue la ma e sinapane asuñā aloloru, a suri m̄arera lala nae ma e sinapane, yoko Ntewa kululun la.

<sup>26</sup> E pogos nene, ŋisi na la avisu Narin Yeririna molue e lul amio pupia kiena nanareraena amio naurarena.

<sup>27</sup> Ana siraunia, naga ligan kiena navisi lala ava e yo punu ga e yomarava a ma e peni, ana yoko aure kiena yeririna la naŋa naga pisir plan la ŋisi rui, aimi lele taaga puna.”

*Pe yaru re tai naŋa kilia pog na legiena maro nene poli*

*Matiu 24:32-36; Luk 21:29-33*

<sup>28</sup> Ana Yesu pisape “Amiu asitomli purlaki nene, naŋa asape purpiliva. Naga kiena sur navian amiuena tai teke ea, naŋa monar avisururuia. Pogos naŋa avisu sitos la siar miyunlua sina, imi memaena, ana amiu akilia asape pog na yepisusunu m̄arera pimi ke lavisu narui.

<sup>29</sup> Ve sanene, pogos naŋa avisu kile la nene e yomarava, la apimi akakate ke sa naŋa nepisa pan amiu rui, ana amiu akilia naŋa Narin Yeririna suñā ga e pulutava rui, lavisu ke kate narui.

<sup>30</sup> Nevisa suri na lelaga van amiu, yoko sur la nene imi kakate sumo, ana siraunia, lus kiena ne yaru la naŋa amal ke e pogos nene, ŋisi na akilia akovio e yomarava nini.

<sup>31</sup> A yoko sinapane amio yomarava nini lalua m̄ena akovio veraga, ana kiau visena lala taŋatete nena akokovio pogos tai.

<sup>32</sup> Ana pe yar re tai naŋa kilia kana legiena pona aora nena naŋa ŋisi na Narin Yeririna m̄alivi ea. Navisi lala nae ma e peni, amio Narina ne Ntewa, la m̄ena amninue ga, ana Ata ga, naga taaga kilia.”

*Monar akila ruru amiu asuñā ga*

*Matiu 24:42-44*

<sup>33</sup> Ana Yesu pisape “Sanene, ana monar asuñā avisuar ruru amiu, komin amninue ga asape kiamiu suŋe naga imi sina e legiena ya.

<sup>34</sup> Sur nene sa naŋa yar keviu tai mligan m̄ana uñā vena vanon kiena pupia yalena tai. Sumon naŋa naga ligan kiena yo, naga monar ligan kiena sur la punu ga va sike limana ne kiena yar na yuñāena lala, a monar vis ruru van la naŋa apisuar ke mralaea, sape avisuar ruruia.

<sup>35</sup> Ana nanagane sa m̄ena nene van amiu, amiu m̄ena asuñā avisuar ruruia, komin pe tekilia re poli, yar keviu na uñā vim pogwai. Pona imi kotaŋa, po kolemalu, pona sa lakaporo la akokoreko, po kolulagi,

<sup>36</sup> ana piowa ga naŋa sa naga vim m̄alivin amiu, lual naŋa kam na amomalio m̄aga.



<sup>37</sup> Ana visena naŕa nepisa ke pan amiu, mesmesun naŕa yeririna la punu ga monar aloge, sane amiu akirarava ruruia, avisuaria.”

## 14

*Li nasumonena la nae Israel sinelan asape yoko aweñar Yesu na wa*  
Matiu 26:1-5; Luk 22:1-2; Yoane 11:45-53

<sup>1</sup> Ana ŕisi na, pog pimi lavisi naŕa e kas punu ga asuñia akila kiela pupia ŕaŕagena lua. Legiena lua ga suwo ke wa, ŕisi na akila ŕaŕagena na sitomñalen natamaliaena naga sumo, ŕisi na akila ŕaŕagena na kanen kiligaŕe naga sirau.

A e legiena nene, ŕarin yar wa lala, amio navianena na visaluaena la sinelan ke asape yoko aweñar Yesu na wa, ana akale ke mrapa tai na tarwanen naga.

<sup>2</sup> Ana lala apisayu ke pan la, asape “Sur nene taŕatete tekila e maran yeririna la naŕa apimi e ŕaŕagena nene, komin visae pere na la sinela kar ita vaŕisi ne, yoko akila pupia maagena, vanon la mokliu naŕa akekaran ke pa yar nene rui.”

*Maria taron ponotaninu e Yesu*  
Matiu 26:6-13; Yoane 12:1-8

<sup>3</sup> Ana e pogos nene, Yesu sike e kumali naŕa Petani, naga sike e yuñia mñana yaru tai naŕa apio ke Saemon Leperosi, komin nanua susumo naga ŕar leperosi se e yepena. Ana Yesu kinana ke e yuñia nene, sira tai pimi puna, mla piawi tai naŕa amiyuñien e kilavaru tai naŕa po, a piawi nene na pulen ponotaninu naŕa amiyuñien e was nen ŕeligalaki tai, naŕa kana kilavaru keviu paŕisi. Ana sira nene pilonpo gon piawi nene, taron make ga ponotaninu nene taroi e ŕarina ne Yesu.

<sup>4</sup> Ana laŕas naŕa asike e lele nene e pogos nene, apisu ke sur nene, ana la sinela kar sira nene paŕisi, asuñia apisamumun ke pan la, asape “?Komin yar ne sira nene taron kare korenan ke ponotaninu sa nene?”

<sup>5</sup> Visae wilwilinlua ga na, vera war varu keviu ea, vena iilaena yeririna la naŕa pe kiela sur re la poli. Naga kila kare na!” Ana la asun apisa kare ke sira naŕa sanene.

<sup>6</sup> Ana Yesu pisa pan la, sape “?E, kam na akila ke sanene pan sira nene komin ya? Amiu na ve avisa kare re si naga, naga kila yuñiaena naŕa po tanea pan inu, pisa ruru inu paŕisi.

<sup>7</sup> Li na lima korena la naŕa apisa la ke ne, yoko lala asulue ga likan amiu, ana amiu akilia aiila la silaga e pog punu ga naŕa

sinemiunia. Ana inu, in na yoko ve nesu re silaga nemio amiu.

<sup>8</sup> Suri naŕa sira nene miyuñiaena, naŕa taron ponotaninu e inu, naga kila sur wo punu ga naŕa naga kila kila, naŕa pe nakilaruruen yepeu yoko neva e marena.

<sup>9</sup> Nepisa ke sur na lelaga pan amiu, e yo punu ga e yomerava wetelu naŕa avisawal kiau lologena wo ea, ana asunyu mñana sur nowo nene naŕa sira nene miyuñiaena, vena asitomñal sina ga silaga pupia sitomena kiena e inu, naŕa sinena miye inu lelaga.”

*Sutas ŕiliwilin wan Yesu*  
Matiu 26:14-30; Luk 22:3-20; Yoane 13:21-30

<sup>10</sup> Ana Sutas nae Kariot, naŕa naga mñana pe nalogena na lualima taaga pa lua tai, naga sitom ke pa rui naŕa yoko wilwilinwan Yesu, ŕisi na pa pisu ŕarin yar wa lala.

<sup>11</sup> Ana pogos naŕa amloge yoko naga kila kiela mrapa na tarwan vinaunen Yesu, akekaran paŕisi, apisaar pania, asape “!E po paŕisi ne! Visae oila imimi ve sanene, yoko mela narin nalaena tai van ko vanonia.”

Ana e pogos nene, Sutas siar kale ke pulmas tai yoko kilia ligan Yesu va e liman yaru wa la nene.

*Yesu pitetalia Pita amio Yoane ava akila ruru kana kinanena maro*

<sup>12</sup> Ana legiena ŕesia na ŕaŕagena na kanen kiligaŕe pe Toste, naga legiena naŕa la asuñia akila ke nakuŕaŕaena e narin sipsip lala vena sitomñalena natamaliaena. Ana nalogena la apiun tan Yesu, asape “?Ko na sinomñan osape mekila ruru kata kinanena na ŕaŕagena naŕa e lepas nape?”

<sup>13</sup> Ana naga pisa pan lalua, sape “Ava gar Yerusalem, yoko alual yar tai kus ke pupia piawi na wii tai, imi mñalivin amiu. Ana ataveve naga avano,

<sup>14</sup> ana yoko naga were amiu ava e yuñia tai. Ana pogos naŕa ava loyuñia e yuñia nene, amiu avis van ŕar na yuñia nene, avisa sanini asave ‘Kieta navianena piun ke sape awa yo kiena ne wolawa lala, vena naga memio imimi kiena nalogena lala mekilia makan kinanena na sitomñalen natamaliaena ea?”

<sup>15</sup> Amiu avisa sanene vania, ana naga vian amiu e pupia lele tai metava van amiu, naŕa suri la punu ga sike pa e rui, ana yoko akila ruru sur la punu ga nakanena e lele nene.”

<sup>16</sup> Ana Yesu pisa sanene pan nalogena lua nene, ana apano, amial mña apa atol Yerusalem. Ana e pogos nene, sur la punu

ga pimi m̄alivi sa ga naḡa Yesu pisayu susumo pan lalua.

Pisi narui na, lalua akila ruru maron kinanena na ḡaḡaḡena nene kana Yesu, ḡisi na aḡasup̄ela sina ga.

*Yesu pisawal naḡa yoko Sutas vielua naga van kiena nasinekar lala*

<sup>17</sup> Ana kolemallo, Yesu amio kiena nalogena lala apitom garo Yerusalem, apito e yuḡna naḡani.

<sup>18</sup> Ana pogos naḡa asuḡḡa akinana ke narui, Yesu pisa pan la, sape “In na nepisa ke pe lelaga pan amiu ne, yoko amiu yaru ga tai yoko vielua inu, amiu yaru ga tai naḡa ita tesike tekinana ke veraga nagane.”

<sup>19</sup> Ana nalogena la amloge naḡa naga pisa sanene, ana amloge piowa paḡisi, apiun veve ke tan la peve taaga, asape “? E, in re poli?”

<sup>20</sup> Ana Yesu pisatarḡe la, sape “Naga naḡa yoko kila sanene van inu, naga pe kiau nalualima ga taaga pa lua tai, naḡa naga yaru tai naḡa imimi lua meputon kamimi kilaparavi e ga e pulpiala taaga.

<sup>21</sup> Ana yoko Narin Yeririna naga monar mare sa naḡa Nasiriena Wa pisayu pa sumo rui. A yaru naḡa vielua naga, yoko viowa manene laa van naga, naga popon manene sa ve vaeme re ga rui.”

### *Kinanena maro*

<sup>22</sup> Ana pogos naḡa la akinana ke sanene na, Yesu mla kilaparavi tai, pisa potena pan Ntewa, ana kawewowaia, kian pan la, ana naga pisa pan la, sape “Alavia, akania; nanene naga pe tasneu.”

<sup>23</sup> Ana ḡisin nene, mla piala na kuruta, pisa potena pan Ntewa, ana kian pan kiena nalogena lala, ana la punu ga peve taaga amunpae ea.

<sup>24</sup> Ana naga pisa pan la, sape “Nanene, naga pe tau naḡa pe nakilaen naviranarena kiena ne Ntewa suḡalu ḡarera silaga, naḡa yoko tau nene naga lauwo malena kiena ne yeririna la ve moki.

<sup>25</sup> Nepisaar ke pe lelaga na pan amiu ne, nesape yoko sane in na ve nemun re si kuruta pogos tai, vano vano-o nemun ga kuruta viu e navesuḡenena kiena ne Ntewa.”

<sup>26</sup> Ana pogos naḡa Yesu kila pa sanene, ana la amiyau e yauena tai naḡa teke e tusi kiena ne Yauena lala, ḡisi na amolue petan yo nene, amiyal apa e Kunus Na Purolip la.

*Yesu pisawal sape yoko Pita naga vi-sawan naga*

*Matiu 26:31-35; Luk 22:31-34; Yoane 13:36-38*

<sup>27</sup> Ana pogos naḡa asike e kunus nene wa, Yesu pisawal pan la pisape “Pane ga kolemallo, kiamiu lelagaena e inu naga loru, komin Visena Wa pisawal pa sur nene rui, naḡa sape

*‘Yoko in na nowe moḡar yar navisuaren sipsip, ana kiena sipsip lala yoko aureure tetai.’ Sek 13:7*

<sup>28</sup> “A pog naḡa netaulu si marena, yoko in na nesumo neto garo Kalele, ana amiu ḡiena monar asirau atom garo lele nene.”

<sup>29</sup> Ana pogos naḡa Pita mloge visena naḡa Yesu pisa pania, pisawolia pisape “Pona nalelagaena kiela punu ga nene e ko loru, aure vetan ko, a yoko inu, in na taḡatete neligan ko pogos tai.”

<sup>30</sup> Ana Yesu pisa pan la, sape “Lelaga nepisa ke pan ko, yoko ḡane ga kolemallo, pogos naḡa towa la ve akokoreko re yam ve lua wa, a ko, ko na yoko ovisawan inu yam ve telu rui.”

<sup>31</sup> Ana Pita pisaluḡar visena nene, pisaar ḡarera, sape “Visae la sinelan asape awem̄arnu ḡiena nemio ko, naga pogaga ne, ana inu, yoko taḡatete nevisawan ko, nesape in na pe nepe kioḡia re poli.” Ana e pogos nene, nalogena punu ga la apisa ḡiena sa nene.

### *Yesu pa mlen ma Ketsemani*

*Matiu 26:36-46; Luk 22:39-46*

<sup>32</sup> Ana sirau, Yesu lala apa e lepas nen kunusia, amiyal apito tano e narin pulḡalu tai, naḡa kiena ki Ketsemani. Ana naga pis pan la pisape “Amiu asuḡḡa e nini wa. Ana in na neva nelen ve plas ga wa.”

<sup>33</sup> Ana naga ḡere Pita amio Semes a Yoane, ataveve naga, apa li la vitokak ga sane, ana e pog nene, sinena Yesu naga pimi urmi keviu, mloge piowa paḡisi.

<sup>34</sup> Ana naga pisa pa la telu nene, pisa pisape “Nanagane, nemloge sa naḡa ninuu naga pororowa make ga, naḡa lavisi nemare narui. Awis, amiu asuḡḡali atavilo amio inu e yo nini wa.”

<sup>35</sup> Ana Yesu miyal pa laa sane, mlorun kinai, mlen pa arimana, sape “Ata-o, Ata-o, sa otarḡania, yoko aora na pog ḡarera la nene naga ve imin in re sina.

<sup>36</sup> Ko na okilia okila sur punu ga, ana nepiun tan ko vena okuslua piala naloge viowaena nene vetan inu, vena in na ve nemun re ea. Ana ko na ve okila re sa naḡa na sinenanena kiau, ana okila ga sa naḡa kioḡḡa nasinenanena.”

<sup>37</sup> Pisi na, naga pimi sina ga puna kiena nalogena la telu naḡane, naga pisu lala amomalio pa rui. Pisi na lala atavilo sina ga, ana Yesu pis pa Pita sape “?Sanape Saemon? Ko na omomalio? ?Komin ya ne

kam na tařatete atavilo amio inu e aora nini?

<sup>38</sup> Kam na monar avisuar ruru amiu, monar alen lue ga, vena natařaliena la ve akila amiu aloru re e mlamulena viowa. Pe lelaga, kiamiu sitomena řarera po, ana tasnemi naga miyowo ga."

<sup>39</sup> Ana siraunia, naga pa si e yo na leniena nařane, mlen, mlenin sina ga visena nařane.

<sup>40</sup> Ana pogos nařa naga řasuře sina, pisu la telu nene amomalio ke sina ga, komin atekavito pařisi, ana pogos nařa pis pan la, lala pe apisataře re si suri tai pan poli.

<sup>41</sup> Ana naga pavin sina, kiena leniena na telu, ana pogos nařa řasuřea, naga pis pan la, sape "¡E! ?Amiu apa ruru amiu ke ga wa, amomalio ke ga wa? !Poga, řisi ga ne! Naga ne lavis ga pog nařa narin yeririna va e liman li viowa la narui.

<sup>42</sup> Ko pogaga, amiu asuřalu ita tetove, yar nawilwilin wan inuena, nagane pam ke lavis gar ne narui."

*Apuarar Yesu řarera*

*Matiu 26:47-56; Luk 22:47-53; Yoane 18:3-12*

<sup>43</sup> Ana e pogos nene nařa Yesu pisa ke visen nene wa, Sutas, nařa naga tai lala lualima yam taaga pa lua ne, naga pimi, amio yeririna la moki nařa ařar ke playu na mara amio kiela plaki lala. La nene, yar keviu la kiena yar wa la, amio navianena na visaluaena, amio na sumonena kiena le Yu la, lala amligan la apimi.

<sup>44</sup> Susumon nařa apimi, yar na wilwili-nena nařa Sutas, naga pisapēs kile tai pan la sumo rui, pisape "Yar nařa sa neva netalopan pēsia, yar ne nanene nařa ita sinetan ke, ana kiamiu yar na mara la monar atararia řarera aure naga vano."

<sup>45</sup> Ana pog nařa apimi narui, Sutas miyal mesmesun ga Yesu, pis pania, sape "Navianena, pokolemalo." Talopania,

<sup>46</sup> ana kiela yar na mara la apimi atararia asape aure naga vano.

<sup>47</sup> Ana pogos nařa atarar sanene, ana nalogena tai řurelua kiena playu, sape te yar tai nařa nae pun yar wa la, ana naga tetereria ga řarina, telua kiligana kompas pano.

<sup>48</sup> A Yesu pis pan yar la nene, sape "? Sanape na amiu ařar kiamiu playu amio plaki lala? ?Sanape na asape aim ataranu sanene? ?Pona asitom ke asape in na nepe yar řarera na vinauena amio na weřaren yaru la yo?"

<sup>49</sup> Sila ga e legiena punu ga, in na nepian amiu e yuřia mana Ntewa, ana sanape na amiu pe apim ataranu re e pogos nene poli? Ana pogaga, kome sur la nařa

nasiriena wa pisayu sumo rui, monar imi ve sa ga nene."

<sup>50</sup> Ana e pogos nene, nalogena la amligan Yesu, ařure petania.

<sup>51</sup> Ana e pogos nene, yar řee tai taveve ke yar la nařa ařure ke Yesu pano, ana naga pitavi ga. Ana yar la nene řasia apisuluřar naga, asape atarar řena naga,

<sup>52</sup> ana atarpal ga naga, atarar ga kiena kulmrae ařurelua petania, pe plamonē ga kiriri pano.

*Ařere Yesu pa e pupia kumali kiena yar kerkeviu kiena le Yu la*

*Matiu 26:57-68; Luk 22:54-71; Yoane 18:13-24*

<sup>53</sup> Ana lala ařere Yesu pimi suřal e marana ne řarin yar wa, nařa kiena ki Kaeřas, amio yar keviu kiena yar wa lala amio navianena na visaluaena, amio na sumonena kiena ne le Yu lala, apim pa lele taaga e yo nene rui.

<sup>54</sup> Ana Pita řena taveve řa Yesu e pogos nene, ana pe pa re lavisin poli, ana pogos nařa apim loyuřia e kove na kumali nene, Pita pa totano amio yeririna na yuřaena kiena Kaeřas, lala atega ke kapi, komin miava.

<sup>55</sup> Ana yar keviu la nařa asike loyuřia e viorena nene, lala akale ke yar lařas nařa akilia avisa plan sur lařasia nařa Yesu miyuřaenia pona pisa, vena kila la akilia awerřar naga vanonia, ana pe ařia re sur tai poli.

<sup>56</sup> La ařal lařasia ařerela apimi apisawal visena moki, ana visena punu ga nene apisokan ga, asuřia apisa ke ga sur la nařa pe tařena lala, ana kiela visokanena la nene mlolor ga.

<sup>57</sup> Ana řisi na, lařas na visokanena ařal visena tai, asuřalu, asape

<sup>58</sup> "Memloge yar nene naga řarwar e visena sanini rui, sape pupia yuřia wa nařa kieta yermarua ga la amiyuřaenia e limala, pisa sape yoko naga taaga ga kilia weplania, yoko yuřaen ruru si yuřia wa viu tařena tai e legiena ve telu ga, nařa liman yeririna tařatete yuřaenia."

<sup>59</sup> La apisa řa visena la nene pano-o, kaka ga, kiela visena la nene pe suřal řarera re poli.

<sup>60</sup> Ana řarin yar wa suřalar se marala, pisi pa Yesu, piun tania, sape "?Ko na yoko ovisataře van la pona ve ovisataře la re? ?Sanape e visena la nene nařa apisa plan ke ne?"

<sup>61</sup> A Yesu pe pis re si po, pisataře re si poli. Ana řarin yar wa pis si pania, sape "?Sanape? Ko na ope Navisaarena nařa pe narina ne Ntewa, pona pe ko re poli?"

<sup>62</sup> Ana Yesu pisatamē pania, sape “Ee, Navisaarena nene, naga inu. Ana nesape nevisa mēna van ko, pisi na yam ve plas ga, avisu si Narin Yeririna naga totano ke e lepas na pamarua puna Ntewa na māreraena, yoko avisu naga vaeme e lul metava vitom tano e yomarava nini.”

<sup>63</sup> Ana p̄arin yaru wa sinen karia na pitolwowa m̄ana kulkota, pisape “Pisi ga ne! ?Komin ya ne ita takalē ke si yar taḗna naḗa kilia visa plan si sur laḗasia e naga?”

<sup>64</sup> Amiu amloge ke ne! !Yar nene naga p̄arnena kare pa kia wa kiena ne Ntewa rui! Viorena sitom sanape, yoko tela naliḗereena van ve sanape?”

Ana la amla naliḗereena pa Yesu, asape mesmes ga naḗa monar awen̄aria.

<sup>65</sup> Ana laḗas apasirkon naga, apiwo kil-amarana, ana astuia, apisa karea, apiuyun tania, asape “?E, ovisalia, ane mlipa ko ke nanagane?”

Ana yar na mara laḗas kiena p̄arin yaru wa la apim aḗurelua naga petan yo nene, ana la m̄ena nene asuia, amlilipa ke pogos naḗa aḗure ke naga apano.

*Pita naga pisawan Yesu*

*Matiu 26:69-75; Luk 22:56-62; Yoane 18:15-18,25-27*

<sup>66</sup> Ana e pogos nene, Pita sike loyur̄na e kove wa, ana sira na visuaren yur̄na m̄ana p̄arin yar wa pimi e lele nene,

<sup>67</sup> ana m̄al Pita tegan ke kapi, pisuluḗaria, pisa pania, sape “!E, ko nene ko m̄ena otataveve yar nae Nasaret naḗane!”

<sup>68</sup> Ana Pita pisawan sur nene, sape “!E! In na pe nemloge ruru re sur na ko opisa ke ne poli!” Ana naga petan lele nene, pato laa lavisin pupia pulutava na yur̄na nene.

<sup>69</sup> Ana e yo nene, sira nene naga m̄al sina, ana pisawal pan yar la naḗa asike ne, sape “Yar nene pe yar kiena ke yar nam̄a tai narui.”

<sup>70</sup> Ana Pita pisawan sina ga visena nene. Ana pe piavi re nenaga, la nene apisa pa Pita, asape “Peraga, ko ke tai narui, komin ko na yar nae ke Kalele tai narui.”

<sup>71</sup> Ana Pita pis m̄arera, pisaluḗar m̄areraena e visena sa nini, sape “!E lelaga kemua rui, Ntewa na Mava, in na nepisa pa rui, pe nekiliaar re nena yar na kam na apisayu ke ne poli.”

<sup>72</sup> Ana veraga ga pogos naḗa Pita pisa ke sanene, towa kokoreko yam lua narui, kila Pita sitom̄al si visena kiena Yesu, naḗa pisa pania, sape “!Lelaga nepisa pan ko, p̄ane ga ne kolemalo, pogos naḗa towa ve kokoreko re na yam lua poli wa, ko na ovisawan inu yam ve telu rui.”

Ana Pita mloge sinena piowa na piowa, molue pa vanua, tag na tag.

## 15

*Lala aḗure Yesu pa puna ne p̄arin suḗe kiena ne le Rom la naḗa sike Israel*

<sup>1</sup> Ana kolulagi e Praere nene, li kerkeviu la kiena le Yu la apiora sina ga e kiela pupia kumali. La nene nane yerkawa kiena ne yaru wa lala, amio kiela nasumonena lala, amio kiela navianena navisaluaena la. Apis m̄a pano-o, atol sitomena tai, p̄isi na apiar limana ne Yesu, aḗure naga pa puna ne p̄arin suḗe keviu Paelat, ana la amligan Yesu e limana, vena naga liḗerea.

*Yesu suḗalu e marana ne Paelat*

*Matiu 27:11-14; Luk 23:3-5; Yoane 18:33-38*

<sup>2</sup> Ana Paelat piun tan Yesu, sape “?Ko ope Parin Suḗe kiena ne le Israel lala, pona peraga?”

Ana Yesu pisatam̄ea, pisape “Naga ke narui, sane opisa ke ne.”

<sup>3</sup> Ana yerkawa lala kiena ne p̄arin yaru wa lala apisasawal suri la e Yesu, asape naga kila sur la moki naḗa piowa.

<sup>4</sup> Ana Paelat piun sina ga tania, sape “?Sanape, la apisa suri viowa moki e ko rui, ana ko na omla m̄a kana navisatam̄eena pona peraga?”

<sup>5</sup> Ana e lepas nen sur la ne apisa ke ne, Yesu pe pisatam̄e re si sur tai pan la poli, ana Paelat sinen pulan sur nene paḗisi.

*Paelat tam̄an pisape Yesu monar mare*

*Matiu 27:15-26; Luk 23:13-25; Yoane 18:39-19:16*

<sup>6</sup> Ana e pogos nene, la asike e pog na Paḗagena na Sitom̄alena Natamaliaena wa, ana e kas punu ga e p̄aḗagena nene, p̄arin suḗe nae Rom silaga kila suri tai pan le Israel lala. Naga kila naḗa visae laḗas naḗa asike e yur̄na naloge viowaena, la akilia aviun yaru ve taaga naḗa sinelania, yoko Paelat naga ligan lua naga molue.

<sup>7</sup> Ana e pogos nene, yaru na kilaen politik tai naga m̄eke e yur̄na naloge viowaena, naḗa yaru la akilia ruru naga, kiena ki Paraḗas. Naga pe yar tai pogos naḗa asum̄alun kawelaen amio le Rom lala, m̄emom̄ar laḗas amare, ana amligan pa e yur̄na na loge viowaena.

<sup>8</sup> Pisi na, p̄ina lala apimi moki lele taaga e marana ne Paelat, apiun tania vena naga kila van la sa naḗa naga suḗa kila ke ne, monar ligan lua lala yar tai naḗa sike e yur̄na naloge viowaena molue sina.

<sup>9</sup> Ana Paelat pisatam̄e la, sape “Pogaga. ?Amiu sinemiun asape neligan lua yaru nene molue sina, naga pe kiamiu p̄arin suḗe amiu le Yu la?”

<sup>10</sup> Paelat piun sanene, vanon naga kilia pa rui naŕa yerkawa ga kiena ne le Yu lala, aŕure Yesu pimi puna, sane yuŕnaena na vielueen ga, vanon naŕa apisu kiela yeririna taŕena lala akekaran Yesu paŕisi.

<sup>11</sup> Sanene narui, Paelat sinenan sape ligan lua Yesu vano, ana yerkawa kiena ne yaru wa lala akila kare sitomena kiena ne yeririna lala pimi pisusun paŕisi, asape aŕararan van Paelat vena ve ligan lua re Yesu, ligan lua ga Paraŕas vano.

<sup>12</sup> Ana Paelat mloge ke sur la naŕa apisa ke pania, piun tan la, sape "Pogaga, ana visae sanene, ŕisi na nekila ve sanapen yar nene naŕa amiu apio ke naga asape ŕarin suŕe kiena ne le Yu lala?"

<sup>13</sup> Ana la punu ga apioyonia, asape "¡Asuar naga e lak torovia!"

<sup>14</sup> Ana Paelat piun tan la, sape "¿Vanon ya? ¿Naga kila suri ya ne piowa?"

Ana la apioyoni manene laa pa metava sane, asape "¡Asuar ŕa, asuar ma e laki torovia!"

<sup>15</sup> Ana Paelat pisu ŕele narui, sinenan sape visa sur tai naŕa kila yeririna la nene aloge wonia, ana naga sape Yesu naga suma ga, a mligan lua ga Paraŕas pa si pula. Ana mligan Yesu e limana ne kiena li na mara lala vena akoa, aure va asuar e lak torovia.

*Li na mara lala akila lele kare Yesu  
Matiu 27:27-31; Yoane 19:2-3*

<sup>16</sup> Ana li na mara lala atarar Yesu aŕerelua pa vanua e yometava na kumali kiena ne Paelat nene, ana la apio pa kiela ŕegas nen li na mara taŕena lala vena aimi avisuia.

<sup>17</sup> Ana la amiyenlua ŕmana kulsota, ana amiyen kulkota tai e naga naŕa marana mene sa naŕa ŕarin suŕe la amiyen, ana aŕar nonos nen kilsirili, ana aŕanioron ga, amligan e ŕarina, sa naŕa karo na ŕarin suŕe tai.

<sup>18</sup> Ana pogos naŕa amligan sur la nene e ŕisi, la asuŕna akila lele kare ke, asape "¡ŕarin suŕe kiena ne le Yu lala-oo! Imimi mepatanon ko, memieluar ko!"

<sup>19</sup> La amla lakiavio tai, aŕe ŕarina ea, la asuŕna apiasiria kare naga, akinai tano puna sa naŕa apatanon ke naga.

<sup>20</sup> Ana pogosia naŕa la akila lele kare naga, ŕisi na aŕarlua kulkota mene nene petan naga, ana amiyen si ŕmana kulsota tai ea, aŕure apano vena asuar naga e lak torovia.

*Asuar Yesu ma e lak torovia*

*Matiu 27:32-44; Luk 23:26-43; Yoane 19:17-27*

<sup>21</sup> Ana pogos naŕa li na mara la asumon Yesu apa ke narui, aŕal yaru tai naŕa naga pa yomaruua ana naga mial pimi. Yar nene, naga Saemon naŕa sumo naga nae Saerin, naŕa naga arimanane lalua nene Alikanta amio Ruŕas. Ana aŕararan pania asape naga towe kus lak torovia kiena ne Yesu vano.

<sup>22</sup> Ana lala asumon Yesu apa atol kunus tai, kiena kia Kolkota, naŕa kana kinasa asape yo naŕa sane puryu na piaŕarin yaru.

<sup>23</sup> Pogos naŕa apimi aporu e wos nen kunus nene, ana la sinelan asape ala kuruta namunena va Yesu vena munia. Ana kuruta namunena nene ataron was nen suri tai naŕa melkalka sike ea, vena kila tasnena ne Yesu kapulu ga, ve lae manene re, ana pogos naŕa amla pania, yepen mavin munena.

<sup>24</sup> Ana la atarar Yesu, asuar naga ma e laki torovia. Pisi na, la akuan taes, vena alual li ane war ŕmana kulmrae tai, a ane war tai.

<sup>25</sup> Ana pogos naŕa amligan pa Yesu ma e laki torovia, naga kolulagi, maran mrae ovari.

<sup>26</sup> Ana li na mara nae Rom la asiri navisawalena tai, naŕa pisawal suri naŕa nasumonena kiena ne le Yu la sinelan asape aweŕar naga vanonia, naŕa sape "Yaru nene naga pe ŕarin suŕe kiena ne le Yu lala."

<sup>27</sup> Ana e pogos ŕmana nene, yar navinauena lalua, asuari la ŕmana ga e laki torovia sa ke Yesu, apisirilua tai e lepas na ŕamarua, taŕena e lepas na ŕarŕeli.

<sup>28</sup> E mrapa ne nanene, lala akila visena marua tai na Tusi Wa pimi kate sina ga, naŕa sape "Amligan naga ŕeke amio yar na kilaroen navisaluaena."

<sup>29</sup> Ana yaru la naŕa asuŕna amiyaloro ke apa e yo nene, asisilin ŕarila, apisalele kare ke Yesu ŕisa, la asape "¡Koe, suwala! Ko nene nanua sumo ko opisa osape ko okilia owe plan Yuŕna Wa ŕmana ne Ntewa, ana ovisirlua sina ga e legiena ve telu ga, ana sanape narui?"

<sup>30</sup> ¡Pon ko ga otamalia ko lia, ovetan laki torovia namŕa, otom tano!"

<sup>31</sup> E ŕelaga ŕna nenaga nene, yerkawa kiena ne ŕarin yaru wa lala, amio naviana na visaluaena, asuŕna apitalia kare ke naga paŕisi, asuŕna apisa ke, asape "¡Pona naga tamalia ŕna yaru taŕena la moki rui, ana naga mminue kare si narui, taŕatete si tamalia naga yo!"

<sup>32</sup> ¿Ana naga pe kieta Navisaarena, a pe ŕarin suŕen ita le Yu lala, pona peraga?"

Popon naga vitom tano e lak torovia nana-gane, vena ita tevisu sane naga pe lelaga, vena telelaga e naga." Ana la lua mēna naḡa asuar la e laki torovia amio Yesu, la mēna ga amiyakol sina visena viowa kiena ne la nene pania.

#### *Yesu mare*

<sup>33</sup> Ana kolipae ga, yemalolo pimi kalo yo punu ga e yo nene, pano tol mrae telu koyepakilavi.

<sup>34</sup> A e pogos nene, Yesu mlokai keviu e kiena visena ruru naapo, sape "?Eli, Eli, lamā saḡatani?" naḡa kana kinasia sape "?Kiau Ntewa, kiau Ntewa, sanape na omliganu nemēke sanene?"

<sup>35</sup> Ana yeririna laḡas naḡa asuḡalu asike e yo nene, apisusu suri la nene, ana amlogepal māagena kiena ne Yesu nene, ana la asape "Amloge ke ne, yaru nene pio ke yermarua Elaisa, vena imi iila naga yo?"

<sup>36</sup> Ana veraga ga, lala yaru tai kiriri pimi, ḡar lumlum ḡasia, taron kuruta namunena naḡa melkalka pa ea, miyurar te laki tai, kian pa Yesu vena munia, ḡisi na naga sape "!Tesu wa! Tevisulia, pona yoko yermarua Elaisa vitom tamalia naga pona pere."

<sup>37</sup> Ana Yesu mlokai manene sina, ḡere maron kiena yalua, marḡanu.

<sup>38</sup> Ana pogos ke ga nene, pupia kulmrae naḡa merorol tamalele ke e Yurā Wa mēna ne Ntewa, naḡa mono ke yo wa naḡa pe yo wa paḡisi, purḡa pito ga lika, siar metava pito tol tano.

<sup>39</sup> Ana yerkawa kiena ne li na mara lala, naḡa pisusuar mā Yesu, pogos naḡa pisu ḡere maron kiena yaluaena, milan paḡisi, pisa sape "!Aulai, yaru nene naga pe Narina kemua Ntewa lelaga naḡane!"

<sup>40</sup> Ana sira laḡasia naḡa atataveve ke Yesu asike e yo nene, asuḡalu asike laa perina sane, asuḡa atamaren ke kiela navianena. E lala nene, la telu naḡa kiela kia la sanini, Maria tai naḡa sira nae Maktala, Maria mēna naḡa anenane Semes kokan amio Yoses, a sira mēna tai, Salome.

<sup>41</sup> Naga lala naḡa pogos naḡa Yesu sike garu Kalele nanua sumo, la asuḡa ataveve naga, amiila mēna naga. Ana sira mēna la moki asuḡalu asike e pogos nene, naḡa lala mēna akom garo Kalele ataveve Yesu apa ma Yerusalem.

#### *Yosop sin Yesu*

*Matiu 27:57-61; Luk 23:50-56; Yoane 19:38-42*

<sup>42</sup> Ana legiena na Praere, naga pe legiena na kilaruruen sur la punu ga suḡate Legiena Wa peni, ana pogos naḡa lavis mrae vito tano,

<sup>43</sup> yaru tai nae Aramatia, kiena ki Yosop, naga pe marau re poli, kila kiena sitomena mārera po, pa suḡalu se marana ne Paelat, piun tania sape kus tasnena ne Yesu. Naga mārera pan paḡisi nakilaen ve sanene, komin naga pe pupia yar tai na kansel kiena ne le Yu lala, naḡa yar la akilia ruru naga po, pe yar mēna tai naḡa sinenan ke navesuḡenena kiena ne Ntewa naga vim.

<sup>44</sup> Ana Paelat mminue ga sape e pogos nene na Yesu mare rui po pere wa, pio kiena yar kawa na mara pimi piun tania.

<sup>45</sup> Pogos naḡa mloge sape Yesu mare rui, ana tamān tasnena Yesu imi va Yosop.

<sup>46</sup> Ana Yosop temare ga mēna puluve viu tai ḡisi ga na wa, pa pul kulmrae nowo tai, pa akuslua tasnena ne Yesu petan laki torovia, amluluwoia ana la apa amligan mēke e mēna puluve naḡane. Ana amelilivin pupia kilavaru pimi mono pulusia, ana la aḡasuḡe la si apano.

<sup>47</sup> Ana Maria lalua nene, tai naḡa nae Maktala, amio taḡena nene anenane Yoses, lalua mēna apimi apisu yo naḡa tasnena ne Yesu mēke ea.

## 16

#### *Puluve korena ga mēke*

*Matiu 28:1-8; Luk 24:1-12; Yoane 20:1-10*

<sup>1</sup> Ana pogos naḡa Legiena Wa ḡarovia, ko yepekilavi e Pog Orāi, Maria nae Maktala, amio Maria naḡa anenane Semes, amio mēna Salome, la telu nene apito apul suri la naḡa ponos taninu vena awar va avilan e yepena ne Yesu.

<sup>2</sup> Ana e Sante kolulagi wa ke ga wa, sa naḡa mrae siar molue, la teloka amiyal apa e puluve naḡane.

<sup>3</sup> Ana pogos naḡa amiyal ke apano, apiuyun ke sina ga pan la, asape "?Ana visae tetol ma ne, ane kilia melilivin lua pupia kilavaru naḡa mono ke pulus nena van ita, vena tekilia teva loyurā?"

<sup>4</sup> Ana pogos naḡa la apimi lavisin yo nene, apisu ga pupia kilavaru naḡane, yaru tai melilivin lua pa rui.

<sup>5</sup> Ana la apa loyurā e puluve naḡane, amilan yaru mēe tai totano teke e lepas na ḡamarua, miyen ke kulmrae naḡa miyuwowo paḡisi, ana pogos naḡa apisuia, sinela kurkur, miyuuwawa pano-o paḡisi.

<sup>6</sup> Ana naga pis pan la, pisape "!E, ve amarau re! In na nekilia pa rui naḡa amiu apimi e yo nini vanon Yesu nae Nasaret, naḡa amēar naga e laki torovia. Ana naga suḡalu mali si rui, pe mon re si e yo nini poli. Aimi avusilia! Na nene yo naḡa amligan tasnena mēnea.

<sup>7</sup> Ana ato vilaga, avisawal va Pita amio nalogena taʔena lala, avisave yoko Yesu naga sumo vito ʔes garo Kalele, ana ʔisi na la mēna monar asiraun atove, avisu naga e yo naʔani, sa naʔa naga pisaar pan la sumo rui.”

<sup>8</sup> Pisi na la apitaʔili, apetan puluve aʔure apitove, komin la amilan suri la nene pano-o paʔisi, amiyuwawan ga rui. Ana la amarau mēna paʔisi, kila sanene la apitove na pe apisawal re si pan yaru taʔena la poli, apa mesmes puna ne nalogena lala.

*Yesu mʔalivin Maria nae Maktala  
Matiu 28:9-10; Yoane 20:11-18*

<sup>9</sup> Ana Yesu mal sina e Pog Olua kolulag wa ke ga wa, naʔa pe legien ʔesia na wik. Pisi na naga mʔalivin ke la naʔa atavevea, ana naga naʔa mʔalivin ʔesia, Maria nae Maktala, naʔa nanua sumo pile plan ninuna viowa la olua petania.

<sup>10</sup> Pisin naʔa Maria pisu Yesu, pa mʔalivin la naʔa asumā ataveve ke naga sumo, la asumā amloge ke piowa atag ke ga wa, naga pisawal pan la pisape Yesu naga mal si rui.

<sup>11</sup> Naga pisa ruru pan la pisape naga pisu Yesu e kilamarana rui, ana la pe amlelaga re e naga poli.

*Yesu mʔalivin kiena nalogena la lua*

<sup>12</sup> Ana siraun sina, e pogos tai nalogena la lua apetan Yerusalem amial apa ke apa sane, ana Yesu mʔalivin la. Lalua apisu sane yepena pe taʔena, pe sa re si nanua sumo poli,

<sup>13</sup> ana pogos naʔa apisu pae ʔisi, lalua apilon la sina aʔasuʔela, apitove apisawal sur nene pan lala taʔena lala, ana yam si tai lala taʔena la nene pe amlelaga re e sur nene poli.

*Yesu mʔalivin kiena nalogena lala*

<sup>14</sup> A siraun sina, Yesu mʔalivin kiena nalogena la lualima taaga pa taaga, e pogos tai naʔa atotanon ke kinanena. Ana naga pisli mā pan la, komin naʔa pe aʔasine ruru re naga poli, komin sinela la mārera paʔisi, kila na la pe amlelaga re e visena kiena ne la naʔa akirawal naga mali si rui.

<sup>15</sup> Ana Yesu pisa pan la, pisape “Nanagane na monar avano, aliureure amiu e yo punu ga e yomarava nini, monar alogon kiau lologena wo van yeririna la punu ga.

<sup>16</sup> Visae yar tai naga loge, ana lelaga ea, siraunia tol wii nakeena, yaru nene yoko tol malena, a visae naga naʔa ve lelaga re, ʔisi na Ntewa visaar marena vania.

<sup>17</sup> Ana la naʔa yoko alelaga, ʔisi na kile la asike e la, sa naʔa la avile plan yermare la e puriukawaena na kiau kia, ana avisin mēna visena taʔena lala,

<sup>18</sup> a sa pogos tai auarar lomāra tai, ana yoko woga ga, a visae amun sur tai naʔa monar amarenia, ana sur nene taʔatete kila sur tai van la, ana yoko aligan limala la e inanena lala, ʔisi na aloge wo sina ga.”

*Yesu ʔasuʔe si pa ma e peni*

*Luk 24:50-53; Yurūaena 1:9-11*

<sup>19</sup> Ana pogos naʔa kieta Suʔe Yesu pisa pa visena la nene pan la, Ntewa ʔurelua si naga pa ma e peni, mligan naga totano e lepas na ʔamarua puna.

<sup>20</sup> Ana kiena nalogena la amial tetai, apa amlologo e yo punu ga, ana apisu sane Suʔe naga miyurūa ke amio la, kila ke kile la moki pan la, vena kilaen yeririna la avisu kilia sane kiela visena la pe lelaga ga.

A sunena nene maro ga e nene.

**Lologena Wo Kiena Ne  
Yesu Kristo Naḡa  
LUK  
Siriyuia  
Visayuena Na Tusi Nene**

*Kompasinen suniena plas na tusi nini*

Tusi nini, “*Lologena Wo Kiena Ne Yesu Kristo Naḡa Luk Naga Siriyuia*”, naga pisayu Yesu sape naga yaru naḡa Ntewa pisayu pa lus nae Israel lala nanua rui, sape yoko naga imin tamalia la, a vena tamalienu yeririna makega na yomarava. Luk sirilua pa e kiena tusi nini, sape Yesu nene, Ninuna Ntewa namava ke narui naga vena “visawal kiena lologena wo va la naḡa limala korena ga.” Ana komin sur ne nanene, lologena wo naḡa Luk siriyuia, pulen suniena la naḡa kilologia sape Ntewa sinena miyee yaru la naḡa asike e nalogeviowaena.

Suri taḡena la moki naḡa tomal e tusi nini, nane suniena kiena yaru la naḡa amloge po pona akekara. Suniena la moki na sanene sike e marana na keviu taaga [1] naḡa pisawal sape yoko Yesu imi, a e marana na keviu lua [2] naḡa pisawal sanape naḡa Yesu paeme.

A e mēna e marana na maro, yaru la akekara paḡisi kome naḡa Yesu mal sina, a paḡupe si pa mae peni.

Yaru naḡa siri tusi nini naga siri si tusi taḡena tai naḡa kiena kia “*Yumāena Kiena Li Nalologena Lala*”. E tusi na lua nene, naga pisawal suniena lala naḡa moluwe marea e pogos naḡa Yesu pa mae peni. Suniena la nene pisa loggia sape yaru la naḡa amlelaga e Yesu Kristo apimi moki liluwe, ana asuḡa apa apisawal kiela lelagaena nene e yo taḡena lala.

Tusi nini “*Lologena Wo Kiena Ne Yesu Kristo Naḡa Luk Siriyuia*”, komsus orele sike ea. E komḡasnena na lua, amio na orai nena, pisawal suniena laḡas la naḡa sike e ga e tusi nini, ana pe su re e tusi taḡena lala naḡa Matiu, Mak a Yoane la telu asiriyuia.

Naga suniena la naḡa pisayu navisi lala naḡa amiyau, a suniena naḡa pisayu yaru na visuaren sipsip lala naḡa apimin apisu Yesu e pogos naḡa naga paeme, amio mēna suniena naḡa pisayu pogos naḡa Yesu pa e yumā māna Ntewa pogos naḡa naga pe yaru viu ke ga wa, paḡaiwa na yaru wo nae Samaria, a paḡaiwa na ninis naḡa kovio.

Pupia suri mēna laḡasia naḡa Luk pisayu kaḡarania e tusi nini, naga sanini. Naga pisayu lotena, a Ninuna Wa, a yo kiena sira lala loyurūa e yumāena kiena Yesu, a

pisayu naḡa Ntewa kilia viyewo ita, kilia warplan kieta milamulena viowa lala.

*Komḡasnen tusi la nini*

Visena na sumo 1:1—4

Yoane Nakeena amio Yesu lalua apaeme, a lalua akapuru 1:5—2:52

Yumāena kiena Yoane Nakeena 3:1-20  
Yoane kee Yesu, a Yermare taḡalia 3:21—4:13

Yesu kila kiena yumāena e lepas nae Kalele 4:14—9:50

Yesu moluwe Kalele pa ma Yerusalem 9:51—9:27

Legiena maro naḡa Yesu kila kiena yumāena garu Yerusalem a e yo la naḡa lavisin Yerusalem 19:28—23:56  
Yesu mali sina a kiena nalogena la apisu naga 24:1-53

*Visen ḡesia*

<sup>1</sup> Inu Luk nesiriyu suniena nini pan ko, Yerkawa Tiopilas. Sa naḡa ko okilia ḡisi rui, yaru la moki liu naḡa asiri suniena na suri la nene komḡas rui naḡa arīalrīalivīn ita e kas laḡas ḡaro rui.

<sup>2</sup> Suri la nene, ita pe tepisu mesmesun re e kilamarata poli, ana la naḡa apisuia, siar e purḡesa, a la na sa naḡa la ape li Nalologena Wo ḡesia, la ke narui la apisawal ruru lelin pimi pan ita.

<sup>3</sup> Ana siar nakonua rui, nesuḡa nepisusu ruru ke māki taḡena la naḡa la asiria, a nesuḡa nemla ke visena na suri la nene, ana nepisu sane popon visae nekilali nela sunien taḡena la nene komḡasa, nesiriko-lia vena aim sane tus wo tai naḡa taveve ruru narin mrapa lala na suniena nene.

<sup>4</sup> A nane nesiri sike na rui, a nekekaran naḡa neligan imi ve kionā, vena ouloyuia, okilia ovisu kilalea sane suri la naḡa osuḡa omloge ke rui, la amesmes ga a ape lelaga, la sa naḡa kiau tus nini pisawalia.

*Navisi pimi pisawal pa Sakaraea pisape yoko naga war Yoane Nakeena*

<sup>5</sup> Suniena nena naga siar sanini, sape: E pogos naḡa Parin Suḡe Erot naga pe supen ke lepas nae Yutea, yaru wa tai, naga pe namratava kiena ne Apisa, a naga ḡere sira tai naḡa naga mēna molue kome lus kiena ne yaru wa lala, nane e namratava kiena yermarua Eron, wenla Mosis nanua sumo ne. Yaru nene kiena kia Sakaraea, a wona kiena kia Lesipet.

<sup>6</sup> Ana lalua nene kiela malena mesmesu po paḡisi e navisuena kiena ne Ntewa, naḡa la asuḡa amlogear kiena navisaluaena lala, a asuḡa akila ke ḡelaga la naḡa mesmes silaga, pe akilalu re tai poli.

<sup>7</sup> Ana suri ga tai, lalua pe narila re tai poli, komin sira naḡa Lesipet naga pe



lumālumuŋa ga, a nanagane lalua apimi ape yermarua laa rui.

<sup>8</sup> Ana e pogos tai, pe pog na pegas kiena ne Sakaraea naŋa monar ava akila kuŋaŋaena e Yumia Wa miana ne Ntewa, sa naŋa pegas tai kila e wik tai, pegas tai kila e wik tai.

<sup>9</sup> A silaga, pogos naŋa akila sanene, la monar akila sa naŋa amlil mŋapila, vena alualu yaru ai naŋa yoko naga kila pupia yumiaena navaen loyumuŋa e Yo Wa na Yumia Wa nene, vena sikapen ponotaninu na wonta naŋa sike ne. Ana e poglis nene akila sanene, a kia kiena ne Sakaraea naga pa metava, asape naga narui naŋa va kila yumiaena nene.

<sup>10</sup> Ana e nena e pogos na sikapen ponotaninu nene, naga pa loyumuŋa vena va kila, a pupia pina na yeririna lala asike vanua, asumuŋa amlen mŋaga.

<sup>11</sup> Ana pog naŋa Sakaraea pa loyumuŋa, ana milan kare navisi tai kiena ne Ntewa naŋa mŋalivinia, sumŋal ga sike e lepas nen wonta naŋani lepas na pamarua.

<sup>12</sup> Ana pogos naŋa Sakaraea pisu navisi naŋani, naga mminue kare narui sape aŋa kila ve sanape na wa, naga marau paŋisi.

<sup>13</sup> Ana navisi nene pisa pania, pisape “Sakaraea, ve omarau manene re. In na nepimin ga nesape nevisawal van ko, Ntewa mloge kiamiu leniena amlua rui, a yoko womŋa Lesipet, pisi na war narumuŋa na momie tai, a pogos naŋa vaeme, yoko oligan kiena kia Yoane.

<sup>14</sup> “Pogos naŋa vaeme, yoko akekara vaŋisi, aloge wo, ana ve amiu re ga, ana yaru taŋena mŋena lala akekara vaŋisi.

<sup>15</sup> “Sisi nene, yoko imi ve yerkawa tai kiena ne Ntewa, a naga sane ve yaru wa tai, pisi na naga valia kuruta a wii mŋarera mŋena lala. Siar e pog naŋa naga teke e lomiepena anena wa, ana yoko Ninuna Wa ulen naga vaŋisi.

<sup>16</sup> Yoko naga ve yaru tai naŋa pisi na vilon le Israel la ve moki awasuŋe la si puna Ntewa na Mava, kiela Suŋe.

<sup>17</sup> Yoko avisu naŋa ninuna a narareraena naŋa se e Navisawalena Elaisa sumo sike sina ga e naga maran ve taaga, komin naŋa naga imi sumo, vena visawal visave ve ve piavi re Navisaarena naga imi raunia. Yoko naga vilon sinen ata lala vena asitomyu ruru sina ga narila lala, a yoko vilon sitomena kiena ne li nakilaroen navisaluena lala vena ataveve si pelaga naŋa pe manmarua a mesmes ruruia. E mrapa ne la nanene narui, pisi na naga kila ruru pegas nen yeririna la tai va Ntewa, vena asumate naga imi mŋalivin la.”

<sup>18</sup> Ana Sakaraea mloge visena la nene, ana pisa pa navisi nene, pisape “Ei, ve ovisa re sanene. Taŋatete ve sanene, komin imimi lua na mrae pito tano rui.”

<sup>19</sup> Ana navisi naŋani pisa ke sina pania, pisape “Peraga, yoko ve sa ga nene. In na Navisi Kaŋrirel nini, naŋa silaga nesumŋal luen ga nesike e marana Ntewa vena nowar kiena visena, ana naga mligan inu nepim puria vena nevisawal lologena wo nini van ko.

<sup>20</sup> Ana pogos naŋa nepisawal pan ko, ko na pe omlelaga re e poli, ana nevisa van ko sanini, yoko ove puru, ana pisi na osumia ga sanene imi tol pogos naŋa ovisu suri la nene imi mŋalivin ko nena ga e kana pogosia.”

<sup>21</sup> Ana pogos naŋa navisi pis ke sanene pa Sakaraea, yeririna la asumŋal asike vanua na wa, asumiate mŋa pano-o, ana kiela sitomena lua narui, asape “Vanon ya ne naga pa loyumuŋa, kila malion manene suri sanene.”

<sup>22</sup> Ana siraunia na, molue sina, ana la apisu naŋa naga pe pis re si pan la poli, ana la apisu kilale asape naga sike loyumuŋa, naga pisu suri tai, nane kila naga sanene. Ana naga pis ga e limana pan la, naga pe puru ga momia ga.

<sup>23</sup> Ana sumia kila kiena yumiaena e Yumia Wa miana ne Ntewa, pano-o kilamake kiena pogosia, ana pŋasuŋe si pa mŋana.

<sup>24</sup> Ana asumuŋa sanene pano-o, pe pi-avi re poli, wona sena, ana pogos naŋa naga mloge sane miepena sanene, naga pa momia ga mŋala umia sanene pano-o tol kupario lima.

<sup>25</sup> A e pogos nene, naga sumia pisa sanini, pisape “! Ntewa kila po pan inu paŋisi nene wa! Sumonia, yaru la asumia apisu memawan inu komin naŋa pe noŋar re sisi poli, ana nanagane Ntewa pisuveve inu, sinena miye inu, ana mlalua memawaena na kiau lumalumaena nene rui.”

*Navisi pimi pisawal pa Maria pisape yoko naga war Yesu*

<sup>26-27</sup> Ana Lesipet sena tol kupario orai rui, ana Ntewa pitetalia kiena navisi naŋani, Kaŋrirel, vena vito visawal kiena visena tai va sira mŋee tai, kiena kia Maria, naŋa naga sira mŋee tai na pulkumali nae Nasaret e lepas naŋa Kalele. E pogos nene, la apisaar Maria rui vena va talopa amio yaru tai, kiena kia Yosop, naŋa naga molue kome lus kiena ne Parin Suŋe Tepet nanua sumo, ana Maria pe pa su re amio naga poli wa.

<sup>28</sup> Ana navisi naŋa Kaŋrirel pimi mŋalivin Maria, pisape “O, Maria, Ntewa sitom ruru

ko nena paḡisi, naga sumā pisa ruru ko, sike kemua amio ko lelaga.”

<sup>29</sup> Pogos naḡa Maria mloge visena nene, naga sitom paḡisi, sape visuvevelia, pisape navisi nene pisa po paḡisi, ana kana kinas sanape.

<sup>30</sup> Ana navisi pis sina pania, pisape “Maria, ve omarau re. Ntewa kekaran ko ga, ana yoko kila pupia navisa ruruena tai imi e kionā malena.

<sup>31</sup> Nanagane, yoko osena, vano-o owarwal narumā na yermiene tai, a visae naga vaeme pae, monar osikia kiena kia Yesu.

<sup>32</sup> Visena Wa nanua sumo naga pisayu pa narumā nene rui, naḡa pisape “Naga yoko ve yerka, a kiena kia, “Narina ne Ntewa na mava,”

a Suḡe Ntewa yoko kila naga imi ve ḡarin suḡe tai naḡa kus lelen repina marua nene Parin Suḡe Tepet nanua,

<sup>33</sup> ana ḡisi na naga ve suḡen la naḡa amolue e mratava māna yermarua Sekop, nane le Yu ne la ne asike nanagane, a la naḡa yoko aim sirau, a kiena nasuḡenena nene yoko taḡatete ḡisi pogos tai.”

<sup>34</sup> Ana Maria milan visena nene paḡisi naḡa sape yoko naga war sisi, ana naga piun tan navisi nene, pisape “?Ana suri nene yoko māliwi ve sanape ne, komin naḡa in na pe nesu re nemio wou nene poli wa?”

<sup>35</sup> Ana navisi pisatamēa, pisape “Ninuna Wa yoko naga vitom e ko, a namāreraena kiena ne Ntewa na mava ḡisi na kalo ko, ana yoko osena. A komin naḡa yoko ove sanene, ḡisi na avisave sisi wa nene naḡa yoko owaria, naga ve narina ne Ntewa.

<sup>36</sup> “E kionā navisuenā, opisu suri nene sane mārera paḡisi naḡa yoko ve sanene, ana popon ositomli anoḡa sira marua Lesipet nene. Asumā apisu ke naga asape naga taḡatete nena ga war sisi narui, ana nevisa van ko, naga pe sira marua rui, ana nanagane, kiena kupario orai narui.

<sup>37</sup> Ositomlia, sa naḡa Ntewa pisa pa sira marua Sera nanua sumo laa rui, e lepas na puna, pe suri re nena tai naḡa naga kila ḡele poli.”

<sup>38</sup> Ana Maria pisatamēa, pisape “Lelaga kemua naḡa. In na nepe sira mēe na yumāena kiena ne Ntewa ga, ana netamān inu ga vena naga kila suri la nene imi ve lelaga e inu ve sa ga naḡa naga sinenānia, sa naḡa opisawal pan inu.” Ana navisi nene purmatania.

*Maria pa mālivin Lesipet*

<sup>39</sup> Ana Maria sumā sitomāl ke visena lala kiena ne navisi nene, ana sinenan manene

paḡisi sape va visu anena nene, naḡa Lesipet, ana pe piavi re poli na, mligan kiena yo, mial kawa pa e pulkumali naḡa Lesipet amio wona Sakaraea lalua asike ea, nane e lepas na kunus lala nae Yutea.

<sup>40</sup> Ana Maria pa tol mīala yumā, pa pio Lesipet.

<sup>41</sup> A poglis naḡa Lesipet mloge kilale pulgo Maria naḡa pis pania, mloge narina naḡa teke e naga kulul keviu. Ana Ninuna Wa pitomi e Lesipet, pitomi pule ea,

<sup>42</sup> ana Lesipet pio manenea, pisape “!O, Maria, Ntewa pisa ruru ko keviu paḡisi, tauulu make sira la punu ga, a yoko mupas kiena navisa ruruena sike mēna e mrasnomā naḡa yoko owaria.

<sup>43</sup> In na pe nepe sira wo re nena tai poli vena anenane kiau Suḡe imi yal li inu sanene, ana nepisu sane po pan inu paḡisi.

<sup>44</sup> A kiau sisi tomtom pisu kilale ko, kekara paḡisi, komin pogos nena naḡa memloge ḡesan pulgomā, naga kulul paḡisi e lomēḡeu.

<sup>45</sup> Ita lua tekekara na tekekara, komin temlelaga e visena kiena ne Ntewa, a yoko imi ve lelaga van ita ve sa nena naḡa naga pisaar pan ita.”

*Maria mieluar Ntewa e yauena tai*

<sup>46</sup> Ana e poglis nene, yauena kiena Maria tai sanini, sape

“Sineu mieluar Ntewa keviu,

<sup>47</sup> ninuu kekara paḡisi

pa kiau Suḡe Natamaliaena,

<sup>48-49</sup> naga pisu inu nesike tano

nepe sira na kiena yumāena tai,

naga pe Ntewa namāreraena, naga sitomāl inu, kila po pan inu.

Teras lelei la naḡa aim sirau avisayu inu, asape ‘Sira nene, Ntewa pisa ruru naga keviu,’

nepisirlua kiena kia wa.

<sup>50</sup> Sinena miye la naḡa apatanonia, teras na sumo, na sirau.

<sup>51</sup> Namāreraena na limana kila suri moki, naga mlipureure la naḡa ape ḡarmārera, kila la apa tetai.

<sup>52</sup> Kila plan ḡarin suḡe e lelela la, pisirilua la naḡa sitomena su ga tano.

<sup>53</sup> La naḡa viso kar la, pagan ruru la, li na suri moki, mēne plan la, limala korena ga.

<sup>54-55</sup> Kila sa naḡa pisaar pa repita lala, pimi mīala ita kiena le Israel lala.

Pe sinen ḡesan re Epraam poli, sinen ye luen ga kiena piaparavi, vano-o ve uro re.”

<sup>56</sup> Yauena kiena ne Maria nane ḡisi e nene, a naga sike amio Lesipet pano-o tol kupario telu, sirauania ḡasuḡe si pa māna umā.

*Yoane Nakeena paeme*

<sup>57</sup> Ana pimi tol ruru pogos na narina ne Lesipet vaeme, ana paeme pe momē.

<sup>58</sup> Ana pogos naŕa namratava puna ne Lesipet amio la naŕa asike lavisinia amloge suri nene, akekara paŕisi amio naga e pupia sinewo kiena ne Ntewa naŕa pimi pania, naŕa nanua sumo naga pe lumaluma ga, ana nanagane narina nsumo nane paeme ne.

<sup>59</sup> Ana pogos naŕa sisi nene kiena legiena olua, apimin akila naga pe pavu. E pogos nene, la sinelan asape asikia mēna kien kia, Sakaraea, sane kia kiena ne arimana,

<sup>60</sup> ana anena pisa luŕaria, pisape "Per-aga, kiena kia, Yoane."

<sup>61</sup> Ana la apis pania, apisape "Ya ne sanene? Namratava puŕa na pe amligan re kia tai sanene e poli!"

<sup>62</sup> Ana apisi ga e limala pa ariman sisi naŕani, vena aviun tania avisave naga sinenan sape aligan kia nape e narina nene.

<sup>63</sup> Ana Sakaraea pis ga e limana pan la, pisape ala maki tai vania, ana siri ea, pisape "Kiena kia, Yoane."

Suri nene kila la nae yo nene amilan paŕisi,

<sup>64</sup> a e mēna e pogos nene, purmenena ne Sakaraea kulul sina, kilia pis narui, ana mieluar Ntewa.

<sup>65</sup> Ana yaru punu lala na lepas nene amloge suri nene, amilan kare paŕisi, a suniena nene pa laa narui tol pulkumali taŕena lala na lepas na kunus lala nae Yutea.

<sup>66</sup> A la naŕa amloge, asitom paŕisi, komin naŕa la apisu kilale asape limana ne Ntewa sike amio naga, ana la asuŕa apiuviun pan la asape "Nin sisi wa nene yoko naga ve sanape ne?"

*Sakaraea pisawal visena naŕa Ntewa pisa pania*

<sup>67</sup> Ana Ninuna Wa pitomi pule e Sakaraea arimanane sisi nene, ana naga pisawal sanini, pisape

<sup>68</sup> "Teieluar kia kiena ne kieta Ntewa, Suŕe nae Israel,

pitomi pun ita, pul plan ita,

<sup>69</sup> maplarar kana keyowo, molue e piaparavi na kiena yaru na yumaena Tepet, naŕa yoko tamalia ita.

<sup>70</sup> Nanene kiena navisaarena nanua, navisaawalena apisawalia, asape

<sup>71</sup> Naga urelua ita vetan limana ne nasinekar lala,

<sup>72</sup> Tapatete mēna sinen ŕesan navisanarena amio repita lala, sinena mie la ke na wa,

<sup>73</sup> nane navisaarena mārera amio repita Epraam,

<sup>74-75</sup> Ntewa pisaar pisape tamalia ita vetan limana ne kieta nasinekar lala,

vena ve temarau re sina,

teve yaru wa,

temesmesu e marana,

teyumaē vania e legiena punu ga e kieta malena.

<sup>76</sup> Nin naruu, avio kon Navisawalena kiena ne Ntewa na meta manenea, osumon Suŕe okila ruru kiena mrapa.

<sup>77-78</sup> Yoko ovisawal sane Ntewa sinena ye kiena yeririna lala,

ve sinewo vlan la,

viewo kiela mlamulena viowa lala, tamalia la.

Yoko Ntewa kila kiena narin yomerarava ŕesa na kolulagi va metava van ita,

<sup>79</sup> vitom tegoli ita naŕa tesike e yemalolo,

naŕa ninuna na marena kalo ita rui,

a vitom vivagali mrapa na suŕare vena teyaloro ea."

*Yoane Nakeena kapur pa metava*

<sup>80</sup> Ana pogos naŕa kas la pimi ŕaro pano, Yoane nene kapuru pimi keviu, a kiena sitomena marua ruru po, a suŕalu mārera suwa wa se yumaena kiena ne Ntewa. A naga pa sike e yokorena, vena va tol pogos naŕa naga monar vaeme e marana ne le Israel lala.

**2***Yesu paeme**Matiu 1:18-25*

<sup>1</sup> Ana e pogos nene, ŕarin suŕe kiena ne le Rom lala, naga kiena kia Sisa Okastas. Ana naga pisawal pisape monar aulo yeririna punu ga e purvanua make ga naŕa asike vatanon kiena navisaarena.

<sup>2</sup> Yumaena nawuloen yaru la nene, la akila ŕesania, a e pogos naŕa la akila, yeririna kiena ne Sisa tai naga pisuar ke pupia lepas nene Seria, a kia kiena ne yerikawa nena, naga Kuarinias.

<sup>3</sup> Ana nakilaen yumaena nene, apisape yeririna punu ga monar ava si e kiela yo lala, vena akilia asiri ruru kiela kia, a aulo ruru la.

<sup>4</sup> Suri ne nanene kila Yosop molue e pulkumali nene Nasaret, naŕa naga sike ea, naga nene e lepas nae Kalele, ana naga pa ma metava e pulkumali nene Petleem, naŕa yermarua Parin Suŕe Tepet naga paeme e nanua sumo, naga nene e lepas naŕa Yutea, komin naŕa Yosop naga molue e lus kiena ne yermarua Tepet nene.

<sup>5</sup> A Yosop ŕere wona naŕa Maria lalua apano, naŕa e pogos nene, naga lavisin ke naŕa kana sisi vaeme narui.

<sup>6</sup> Ana lalua apano, a pogos naña asike Petleem wa, Maria mninu sane kiena pogos na waren sisi pimi narui.

<sup>7</sup> Ana Maria þarlua þesan kiena moñe nene, a naga mliluwo ruru e kinakinas nen kulmrae lala, ana pe mñana yo namonena po re poli, komin lalua akilali asape ava e yuñña mñana wolawa lala, ana pule rui, ana Maria mligan ga sisi tomtom nene mñene lelen navaganen surmali lala.

*Navisi lala añalivin yaru navisuaren sipsip lala*

<sup>8</sup> Ana lemalo nene, yaru navisuaren sipsip lañas asike amio kiela surmali lala, e yo na vilurñini vanuan ga Petleem nene.

<sup>9</sup> Ana navisi tai kiena ne Ntewa pitomi tano pula, a naurarena kiena ne Ntewa tegoli make yo nene sane pupia kapi tai, kila yaru la nene amilan paþisi.

<sup>10</sup> Ana navisi naþani pis pan la, pisapenua “Ve amarau re. In na noþar ke visena tanea tai ne navisaen van amiu, naña kilia kila yeririna make ga aloge won vaþisi.

<sup>11</sup> Yemalo ga nini, e pulkumali kiena ne Parin Suþe Tepet nanua, nane Petleem, nin sisi tai paememare ga na wa, naña yoko naga ve kiamiu Natamaliaena. Naga ke narui pe kiamiu Suþe, naga pe Navisaarena naña Ntewa pisaaria nanua rui pisape yoko ligan imi.

<sup>12</sup> “A nanene narui nane kile na sur ne tai nini. Yoko alual nin sisi tomtom nene, naña la akila ve taþena vania. Yoko avisu naña aliluwo ga e kinakinas nen kulmrae lala, a amligan mñeke e lelen kinanen kan surmali lala.”

<sup>13</sup> Ana veraga ga amilan ga pupia þegas nen navisi tai nae ma e peni apitom asikol navisi naþani. Ana navisi la nene amieluar Ntewa, amiyau apisape

<sup>14</sup> “Ma metava ma e peni, asike amieluar ke Ntewa keviu paþisi, a e yomarava nini, suñare sike e yeririna la naña Ntewa naga kekaran la.”

*Yaru navisuaren sipsip la apa garu Petleem*

<sup>15</sup> Navisi lala apisawal visena nene þisi, apur matan si yaru navisuaren sipsip la naþani, aþasuþe la si apa ma e peni. Ana yaru la nene asuñña apisasayu ke sina suri la nene pan la, apisapenua “Suwala, ita, tevano. Popon teva garu Petleem vena tevisuli suri naña mñalivi ga na wa, naña Ntewa pisawal pan ita.”

<sup>16</sup> Ana amiyal kawa apano, apa añal Maria amio Yosop, apa akaten sisi tomtom naþani, mñeke ga mñana yo e lele navaganen suri mali lala.

<sup>17</sup> Ana pogos naña apisu suri la nene ana apisawal visena make ga naña navisi pisa pan la e lepas na sisi tomtom nene.

<sup>18</sup> Ana pogos naña yaru taþena la amloge suniena nene, apule mamaga e pupia nailanena tai.

<sup>19</sup> A Maria, naga mligan ruru suri la nene e losinena, pe sinen þesan re poli, sisitorñal luen ga silaga.

<sup>20</sup> Ana yaru la nene aþasuþela si apa pun kiela sipsip lala, asuñña apisirlua ke kia kiena ne Ntewa, a asuñña amieluar naga paþisi vanon suri wo la naña amloge a naña apisuia, naña atorokin nena ga visena kiena ne navisi naña pisawal pan la.

*Asikia Yesu*

<sup>21</sup> Ana pogos naña moñe nene kiena legiena olua, ana kana pogos na kilaen þaviu ea. Akila sanene þisi, asikia asape Yesu, kia nena naña navisi pisawal þesania, sumon naña Maria mēþenania.

*Akus toroun Yesu pa e Yumña Wa mñana ne Ntewa*

<sup>22-24</sup> A pogos naña Yesu paeme wik orai þaro pae pano, pogos nakilaen kuþaþaena naikikena e Yumña Wa mñana ne Ntewa narui, naga nene komin kuruta kana sira naña þar sisi. Ana akila kuþaþaena nene, taveve Navisaluaena kiena ne Mosis naña pisape “La naña limala korena ga, akilia awe ga lorñe ve lua, pona narin kupa ve lua.”

Ana e ke e pogos nene, la akus toroun Yesu pa e Yumña Wa mñana Ntewa, amiyawawo pania. Suri nene taveve mñena Navisaluaena kiena ne Mosis, naña pisape “Yermiene punu ga la naña apaeme þesia ape wa, la ape kiena ne Ntewa.”

*Yermarua Simion pisu Yesu e Yumña Wa mñana ne Ntewa*

<sup>25</sup> Ana yaru tai sike e Yumña Wa mñana ne Ntewa e pogos nene, kiena kia Simion. Naga pe yaru nae ga Yerusalem, pe yaru mesmesu tai, a pe yaru mñarera tai e þelaga na leniena. Naga suñña suñate ke sape sinenan visu Nasineyeena kiena ne Ntewa nene, nane Navisaarena, imi iila le Israel lala e pog mñarera nene naña asike ea.

Ana Simion nene naga yaru tai naña Ninuna Wa sike e naga silaga,

<sup>26</sup> a Ninuna Wa pisawal pa naga rui naña yoko naga taþatete kovio, vano vano-o kilamarana visu Navisaarena kiena ne Ntewa sumo wa.

<sup>27</sup> A Ninuna Wa þere pimi e Yumña Wa mñana ne Ntewa, e nena e pogos naña akus sisi tomtom Yesu pimi, vena akila þelaga navisaluaena nene.

<sup>28</sup> Ana Simion miaþear sisi nene, mieluar Ntewa, pisa potena pania, pisape

<sup>29</sup> “Suþe Keviu o, nanagane nepisu suri naþa opisaar pan inu, pimi pe lelaga rui. Ana suri nene kila sumãre pimi e sineu, ana nanagane okilia otarãan inu, yaru na kionã yumãena, nevetan yomarava nini neiãasu.

<sup>30</sup> E ga e kilamarau, nepisu kionã Nata-maliaena,

<sup>31</sup> naþa omligan pimi e maran yolai lala na yomerava,

<sup>32</sup> sane kapi tai na kipian koena van yeririna taþena lala, a yoko aieluar imimi kionã le Yu lala, komin kiamimi nau-rarena nene Yesu.”

<sup>33</sup> Ana Yosop amio Maria lalua amilan visena kiena ne Simion nene paþisi naþa pisayu Yesu,

<sup>34</sup> ana Simion pis ke sina ga, pisa ruru la, ana pisa pa anena Yesu, pisape “Ntewa mligan sisi nene pimi pan ita nae Israel vena kila ita ve moki teloru, a vena kila mïena ga ita ve moki tesurãalu sina. Ntewa mligan naga pimi sane kile tai, ana yokorena yaru ve moki naþa avisa kare ga naga.

<sup>35</sup> Ana ve sanene, yoko naga kila kiela nasitomwanena la nene amãlivi e yometava.

“Ana e lepas na puãa, þisi na naloge viowaena yur losinenã sane playu na mara tai, yokorena sinerãa worovia komin suri la naþa yoko imi mãlivilin narurãa nini.”

*Sira marua Ana pisu Yesu e Yumã Wa mãana ne Ntewa*

<sup>36-37</sup> A sira marua tai naga mïena teke e poglis nene, kiena kia Ana, naþa naga pe navisawalena tai. Ana nene, arimana Panuel, naþa molue kome lus kiena ne Aisere nanua sumo. Naga talopa pogos naþa pe sira mïee ke ga wa, ana naga sike amio wona na yermeene tol kas olua ga, ana wona nene mare tania. Naga pe letano ga sanene, pano-o tol kiena kas lualima orelu pa vari.

Naga pe sira tai naþa silaga sulueen ga e Yumã Wa mãana ne Ntewa, naþa sumã pa ke e pogos na lotuena na kolulagi lala pa tol na yepakilavi, a silaga naga monsilu ga vena len.

<sup>38</sup> E poglis nene narui, pimi lavisin la, mlen, pisa potena keviu pa Ntewa vanon sisi nene, a siraunia, molue pano sumã pisayu Yesu pa yeririna la naþa asun akiravan mïate ke asape Ntewa imi tamalia Yerusalem, ana Ana pisawal ruru pan la, naþa kiela Navisaarena pimi rui.

*Yosop la aþasuþela si apa Nasaret*

<sup>39</sup> Pogos naþa Yosop amio Maria akila suri la nene sa naþa Navisaluena kiena ne Ntewa pisa þisi narui, ana aþar Yesu aþasuþela si apito garo kiela pulkumali nene Nasaret, lepas naþa Kalele.

<sup>40</sup> A nin sisi nene kapur pimi keviu, kiena sitomena pimi pe manmarua ruru po paþisi, a apisu naþa Ntewa miila naga vena naga kila sur punu ga wo e kiena malena.

*Yesu pe yaru viu ga, pian yaru la e Yumã Wa*

<sup>41</sup> Ana e kas punu ga, le Yu la asumã akila ke kiela þaþagena tai, naþa Paþagena na Sitorãalen Natamaliaena. A silaga, la naþa asike e yo taþena lala, la sinelan manene paþisi vena ava ma Yerusalem akila þaþagena nene, a arimana Yesu amio anena, la mïena akila ke sanene.

<sup>42</sup> Ana e kas tai, pog naþa Yesu kiena kas tol lualima taaga pa lua [12] ke na wa, apa sina, ana aþure Yesu amio la.

<sup>43</sup> Ana la akila suri na þaþagena la nene pano-o þisi, ana yeririna la aþasuþela si apa e kiela yo lala. Ana Yesu na pe pa re poli, naga sumã ga Yerusalem, ana arimana amio anena pe akilia re poli.

<sup>44</sup> Lalua asitom ke asape pona naga sike amio la þasia veraga e pupia þegas na kiela namratava lala a kiela erau lala, ana amial mã pano-o tol legiena wetelu tai. Ana e yemalo nene akale Yesu pano-o,

<sup>45</sup> pe amial re naga sike amio la poli, ana apisu sane la monar atayu lala awasuþe si ava garu Yerusalem vena alualia.

<sup>46</sup> La amial legiena wetelu taaga, apim atol si Yerusalem, akale pano-o, ana e legiena taþena, naþa kana legiena na telu na kiela yalena, amial ga na wa, apisu teke tano e Yumã Wa mãana ne Ntewa. Naga totano teke amio navianena lala nae e yo nene, toãa miyagogon ke kiela visena lala, a toãa piuviun ke naviuunena la tan la.

<sup>47</sup> A la naþa asike lavisinia e pogos nene, la amilan manene pupia manmaruaena a nakiliaena kiena ne Yesu paþisi, amio navisatarneen la naþa naga sumã mla ke pan la naþa apiun ke suri tania.

<sup>48</sup> Ana pogos naþa arimana amio anena apisu naþa naga kila ke sanene, amilan paþisi, ana anena pis pania, pisape “Ei, naruu! Komin ya ne sinomãan osape okila kare manene imimi sanene? Opisu ke ne, imimi lua makale ko pano-o, pe monial ko re nena ga, ana okila imimi memloge piowa paþisi wa.”

<sup>49</sup> Ana e pogos nene Yesu mla navisatarneen tai pan lalua, pisa sanini, pisape “?Komin ya ne amiu lua apa akale inu e yo taþena la ne sanene? Sanape, amlua

pe asitoñal re si sane in na monar ne-sunña nekila ga yuññaena kiena ne kau Ata loyurña e ññaana yurña poli?"

<sup>50</sup> Ana navisatameena naña pisa pan la, amninne logekilaleen kana kinasia.

<sup>51</sup> Ana Yesu mligan yo nene, naga pito amio la, ana la añasupe si apito e kiela yo naña Nasaret.

A Yesu su pogaga amio la e yo nene, sunña mlogear ruru la ñña silaga. A anena naña Maria sunña sitoñal luen ga suri la nene loyurña e losinena silaga.

<sup>52</sup> Ana kas la pimi ñaro pano, a Yesu kapur pimi keviu, a kiena manmaruaena amio kiena maruaena sunña pimi keviu laa narui, a Ntewa sunña pisa ruru naga keviu pañisi, kila yaru la apisu naga po na po, akekarman manene naga pañisi.

### 3

*Yoane Nakeena sike e yokorena, naga mlologon ke navilopuena*

<sup>1-2</sup> Ana kas lañas ñaro pa rui, ana Yoane Nakeena, narina ne Sakaraea, naga pimi ñaliv e yokorena. Naga nene e pogos naña pupia Parin Suñe Taepirias Sisa nae Rom naga pe suñe keviu ke tol kana kas lualima taaga pa lima rui, a e poglis nene na mliganar kiena yerkawa lañas rui, sane Ponses Paelat, naga pisuar Yutea, a Erot, naga pisuar Kalele, a wenla naña Pilip, naga pisuar lepas nae Ituraea amio Trakonatis, a Lasanias, naga pisuar lepas nae Apilin. A e ññaena ga e pogos nene, lalua naña ape ñar na yaru wa lala asike garu Yerusalem, naga Anas amio Kaeñas.

Ana Yoane sike garu yokorena, ana Ntewa mla visena la pania,

<sup>3</sup> ana naga pa make e lepas punu ga na wii nae Yortan, naga sunña mlologon ke pisape yaru la punu ga monar avilopu la, a monar ava e nakeena, ana yoko Ntewa naga viewo kiela mlamulena viowa lala.

<sup>4</sup> Naga kila sa ga naña Navisawalena Aisea pisa nanua rui e kiena tusi, naña sape

*"Pulgo tai sunña pio ke e yokorena, sape Akila ruru make mrapa kiena ne Ntewa, vena naga kilia imi ñalivi e kiamiu malena lala.*

<sup>5</sup> *Yoko kam na monar asinwo make pulñalu lala,*

*a monar akilro kunus la su ga tano,*

*a yo la naña kapinia la monar aim amesmesu ruruia*

*a yo la naña ñilñil la monar aim ameri ruruia;*

<sup>6</sup> *ana sanene, yoko yolai la punu ga avisu kiela Natamaliaena naña Ntewa ligania yalin la e mrapa nene imi ñalivin la."* Ais 40:3-5

*Yaru la apim puna Yoane*

<sup>7</sup> Yuññaena kiena ne Yoane, naga mlologon sanene narui, ana pogos naña ñina la moki amolue apa e yokorena vena naga kee la, naga pis ñnarera pan la, pisa sanini, pisape "Kam na sa ga lonñara la naña amaraun kapi tai ana añure, ana kam na asitom asape akilia aurmatan pupia anen kapi naña Ntewa yoko ligan imi? Peraga, komin pe apilopu amiu ruru re poli wa.

<sup>8</sup> Ana visae lelaga kemua naña amaraun nakoena nene, kiamiu malena lala monar war mras wo la naña torokin kiamiu navilopuena nene. Ana avisuaria, ve awarwar amiu re sina, sa naña akila ke rui, naña asunña apisa ke asape 'E, ita na tesunña poga ga rui, okilakan ita ke narui tepe lus kiena ne Epraam nena naña.' Ana nanene na pe sur re tai nene poli, komin naña visae Ntewa sinenania, naga kilia war kilavaru la nene, yuññaen lus kiena ne Epraam la ve moki ea, vena la akus lelemiu.

<sup>9</sup> In na nevisa van amiu, nevisave ñekiavi mon ruru ñeke rui, vena te plan laki la naña pe añar re mras wo la poli, akoven la ava e kapl."

<sup>10</sup> Ana pogos naña ñina la amloge nene, amarau na amarau, ana apiunia, asape "Ana visae ve sa nene, yoko imimi mekila ve sanape narui?"

<sup>11</sup> Ana Yoane pisatarñe la, pisape "Yar naña ññaana kulsaket lua, yoko naga monar tañan tai va yar naña pe ññaana re tai poli. Yaru naña kana kinanena keviu, yoko naga monar vion re komñas va yar naña pe kana re poli."

<sup>12</sup> A yar na takis la moki, naña ape li nakila keuiaen nena yar lala, apimin vena Yoane kila nakeena van la, ana la ññaena ga apisu kilale kiela napiowaena lala, ana la apiun ññaena ga asape "? Navianena, sanapen imimi, yoko imimi monar mekila ve sanape?"

<sup>13</sup> Ana naga pisa pan la, sape "Yoko awarpolo vetan yaru lala torokin ga ya naña la monar aulia, ana ve yuve re, sa naña akila ke ñisi rui."

<sup>14</sup> Ana yaru na mara ññaena lañasia apiun sanini pa Yoane, asape "? A imimi, yoko mekila ya?"

Ana naga pis pan la, pisape "Amiu apuarar ke kiamiu suri na mara lala, ana yaru la asunña amaraun amiu pañisi, lala sane visae pog tai sinemiun kiela suri tai,

amiu avisa ga ana monar atañania. Ana þelaga nene, yoko monar ve akila re sina. A asuñia sinemiu mimi lue silaga asape yerka wa la nene apul amiu ve tokak ga, pona torok ga yo, ana monar akekarana ga narui.”

*Yoane sape yoko Navisaarena imi*

<sup>15</sup> E pogos nene, le Yu lala asuñia asitom ke asape kiela Navisaarena lavisi ñalivi, ana amloge visena wo la nene kiena ne Yoane, akekarania, ana naviunena sike e kiela sitomena lala, asuñia apiuviun ke, asape “O, pona yaru ne nanene yo, naga pe kieta Navisaarena, pona peraga?”

<sup>16</sup> Ana Yoane suñia pisawal ruru merarava pan la, pisape “Peraga. In na nepitom sumo, vena nesuñia nekee amiu ke ga e wii, ana yaru taþena tai vim siraun inu. Yaru nene, naga to laa metavan inu, a in na pe netorokin re naþa neluþarlua kulus nen lana poli pona nekila kiena yuñiaena taþena. Ana naga ke narui, yoko kee amiu e Ninuna Wa, amio kana kapi nena, vena kekan plan kororaki lala vetan kiamiu malena.

<sup>17</sup> Naga sa naþa naga tarar ke koruak nayuraren wit, vena silsilin plan kana kinas lala. Ve sanene, yoko naga war ruru kinas nen wit la nene va uñia, ana yoko naga koven vinus va e kapi tai naþa taþatete mare pogos tai.”

<sup>18</sup> Nanene narui, Yoane Nakeena mlologon Lologena Wo pa yeririna la sa ke nene narui, a naga suñia pisa ke ñena visena wo naiilaaren taþena la pan la, a visena nakila þegelaena.

<sup>19</sup> Ana yar tai pe kekarana re nena Yoane, nane Parin Suþe Erot, komin Yoane suñia pis ke pania vanon naþa naga þerelua sira nene Lerotias, naþa wona wenla, a pis pania vanon sur taþena ñena laþasia naþa naga kila.

<sup>20</sup> Ana metavan kiena napiowaena taþena lala, Erot sinen kar Yoane pano-o, suñial narui koven pa e yuñia naloge viowaena.

*Yoane kee Yesu*

*Matiu 3:13-17; Mak 1:9-11*

<sup>21</sup> Ana pogos naþa Yoane pe pa re e yuñia naloge viowaena poli wa, naga kee ña yeririna la pano-o, ana pog tai Yesu ñena pimi e yo nene, ana Yoane kee ñena naga. Ana pogos naþa Yesu molue e wii, suñia mlen ñaga, ana veraga ga sinapane pike,

<sup>22</sup> a Ninuna ne Ntewa pimi pe tasa, monia pitomi tano sane lonie tai, pitomi pran ea. Ana Ntewa pisa e peni pitomi pania, pisape “Ko Naruu nene, naþa

nepinaia ko paþisi. Kiau sitomena sike ga e ko, nekekarana ko paþisi.”

*Repina ne Yesu lala*

*Matiu 1:1-17*

<sup>23</sup> Ana siraun naþa Yoane kee Yesu, ana naga siar kiena yuñiaena narui, a e poglis nene, naga kiena kas la tol lualima telu. A lus naþa Yesu molue komea, e lepas na yerñene, siar e Yosop, naþa apisu sane arimanane Yesu, pa sanini:

Yosop, naga narina ne Eli;

<sup>24</sup> Eli, naga narina ne Matat;

Matat, naga narina ne Livae;

Livae, naga narina ne Melki;

Melki, naga narina ne Sanae;

Sanae, naga narina ne Yosop;

<sup>25</sup> Yosop, naga narina ne Matateas;

Matateas, naga narina ne Amos;

Amos, naga narina ne Neam;

Neam, naga narina ne Esli;

Esli, naga narina ne Nagae;

<sup>26</sup> Nagae, naga narina ne Mat;

Mat, naga narina ne Matateas;

Matateas, naga narina ne Semein;

Semein, naga narina ne Sosek;

Sosek naga narina ne Sot,;

<sup>27</sup> Sota, naga narina ne Soanan;

Soanan, naga narina ne Resa;

Resa, naga narina ne Seruþapel;

Seruþapel, naga narina ne Saltiel;

Saltiel, naga narina ne Neri;

<sup>28</sup> Neri, naga narina ne Melki;

Melki, naga narina ne Ati;

Ati, naga narina ne Kosam;

Kosam, naga narina ne Elmñatam;

Elmñatam, naga narina ne Ere;

<sup>29</sup> Ere, naga narina ne Yosua;

Yosua, naga narina ne Eliesam;

Eliesam, naga narina ne Sorim;

Sorim, naga narina ne Matat;

Matat, naga narina ne Livae;

<sup>30</sup> Livae, naga narina ne Simion;

Simion, naga narina ne Suta;

Suta, naga narina ne Yosop;

Yosop, naga narina ne Sonam;

Sonam, naga narina ne Eliakim;

<sup>31</sup> Eliakim, naga narina ne Melea;

Melea, naga narina ne Mena;

Mena, naga narina ne Matata;

Matata, naga narina ne Natan;

Natan, naga narina ne Tepet;

<sup>32</sup> Tepet, naga narina ne Sese;

Sese, naga narina ne Opet;

Opet, naga narina ne Poas;

Poas, naga narina ne Sala;

Sala, naga narina ne Nason;

<sup>33</sup> Nason, naga narina ne Aminatap;

Aminatap, naga narina ne Atmin;

Atmin, naga narina ne Ani;

Ani, naga narina ne Esron;

Esron, naga narina ne Peres;  
 Peres, naga narina ne Suta;  
<sup>34</sup> Suta, naga narina ne Sekop;  
 Sekop, naga narina ne Aisak;  
 Aisak, naga narina ne Epraam;  
 Epraam, naga narina ne Tera;  
 Tera, naga narina ne Nao;  
<sup>35</sup> Nao, naga narina ne Seruk;  
 Seruk, naga narina ne Reu;  
 Reu, naga narina ne Pelek;  
 Pelek, naga narina ne Epa;  
 Epa, naga narina ne Sela;  
<sup>36</sup> Sela, naga narina ne Kaenan;  
 Kaenan, naga narina ne Aḡaksati;  
 Aḡaksati, naga narina ne Sem;  
 Sem, naga narina ne Noa;  
 Noa, naga narina ne Lamek;  
<sup>37</sup> Lamek, naga narina ne  
 Metusela;  
 Metusela, naga narina ne Inok;  
 Inok, naga narina ne Saret;  
 Saret, naga narina ne Malalil;  
 Malalil, naga narina ne Kaenan;  
<sup>38</sup> Kaenan, naga narina ne Enos;  
 Enos, naga narina ne Set;  
 Set, naga narina ne Atam; ana  
 Atam, naga narina ne Ntewa.

#### 4

*Parin suḡe kiena ne yermare la naḡa  
 Yermare Lego, kilali Yesu  
 Matiu 4:1-11; Mak 1:12-13*

<sup>1</sup> Ana pogos naḡa Yesu pimi si e lepas na wii nae Yortan naḡa Yoane kee naga ea, naga pulen Ninuna Wa paḡisi. Ana Ninuna ḡere Yesu pa ke sina ga e yokorena,

<sup>2</sup> a naga sike e yo nene pa tol legiena lualima yam vari, naḡa ḡarin suḡe kiena ne yermare lala suḡa kilali naga. Ana e legiena la nene, pe kinan re poli, suḡa pano pano-o tol naḡa visokar na visokaria.

<sup>3</sup> Ana Yermare Lego nene pimi pisa pania, pisape “Visae ko ope Narina ne Ntewa kemua lelaga, ovisali va kilavaru nene imi ve kilaparavi, vena okania.”

<sup>4</sup> Ana Yesu pisatamea, pisape “Peraga, komin Visena Wa pisape ‘Pe yar malin re ga kinanen poli.’ ”

<sup>5</sup> Ana Yermare Lego sinenan sape kilali sina Yesu, ana ḡere kiena sitomena pa metava e pupia kunus tai. Kipian naga e purvanua make ga na yomarava nini,

<sup>6</sup> ana pisa pania, pisape “Navisuaren yo la nene, amio kala naurarena make ga, asike pa e lumau rui. Inu noḡar kian la, ana nekilia netaḡan va yar ai naḡa in na sineun nesape netaḡan vania.

<sup>7</sup> Pogaga, visae ovatanon inu, olotun inu, vera na neligan make sur la nene se lumonia.”

<sup>8</sup> Ana Yesu pisatamea, pisape “Visena Wa pisape ‘Olotun ga Ntewa okila ga kiena yumaena naga taaga, komin naga ga pe kionia Suḡe.’ ”

<sup>9</sup> Ana Yermare Lego sinenan sape kilali sina Yesu, ḡere kiena sitomena pito garo Yerusalem, mligan naga e yo tai naḡa pa manene metava, e wos nen yuma mana Ntewa, ana pisa pania, pisape “Visae ko ope Narina ne Ntewa, oula oto tano. Okilia okila woga ga ne,

<sup>10</sup> komin naḡa Visena Wa pisayu Ntewa, pisape ‘Naga yoko ligan kiena navisi lala, vena aim asuma amio ko, avisuar ko maga.

<sup>11</sup> Yoko ayukop yaun ko ga vena ve otan re lama e kilavaru.’ ” Yauena 91:11,12

<sup>12</sup> Ana Yesu pisatame ke sina ga, pisape “Peraga rui, komin Visena Wa pisa miena ga pisape

‘Ve omareran re okilali kionia Suḡe Ntewa vena kila kionia sur tai.’ ”

<sup>13</sup> Ana pogos naḡa Yermare Lego kilali kiena nataḡaliena la nene pa Yesu ḡisi, ana purmatania pano, naga pa suriate ke vena lual pogos taḡena naḡa sitom ke sape kilia taulu Yesu ea.

*Yesu siar kiena yumaena gar Kalele  
 Matiu 4:1-11; Mak 1:12-13*

<sup>14</sup> Ana siraunia, Yesu mialoro e namareraena kiena Ninuna Wa, pimi tol yo Kalele, ana yar la apisayu naga pano-o kalo make yo lepas nene.

<sup>15</sup> Ana naga sumia pa ke e kiela yuma na leniena lala, sumia pian la, ana asuma akekaran naga paḡisi, asuma apisirlua ke kiena kia.

*Le Nasaret la amenelua Yesu*

<sup>16-17</sup> Ana Yesu pimi tol kiena yo naḡa Nasaret, naḡa kapuru pimi keviu ea, ana e Legiena Wa, sa naḡa kila ma silaga, naga pa amio la e kiela yuma nalenena. Ana asape naga ulolua Visena Wa Kiena ne Ntewa van la, ana akian tus naḡa Aisea siriyu pania. Ana naga sumalu na pikeḡa tus naḡani, maal e naḡa sinenan sape ulolua van la, ana puloia, naḡa pisa sanini, pisape <sup>18</sup> “Ninuna ne Ntewa sike e in rui, komin naḡa Ntewa mligan inu vena in ke narui naḡa nelologon Nalologena Wo va la naḡa limala korena ga.

*Naga mligan inu nepimin vena nevisawal va la naḡa asike e yuma naloge viowaena, nevisave nanagane, akilia amolue ga sa ga ne,*

*a vena nevisawal va kilamara ḡala lala, nevisave nanagane, kilamarala la kilia imi wo sina.*

*A naga mligan inun sape yeririna la naḡa asike taḡena, naḡa yar taḡena la asuma*



*akila kare la ke silaga, yoko in na neure plan la, aim asu si e yo wo tai.*

<sup>19</sup> *Ana sanene, in na nekilia nekila merarava nevisave nanagane, Ntewa kila kiena pog viu nowo tai pimi malivin yar la nene rui."* Ais 61:1,2

<sup>20</sup> Ana pogos naŕa Yesu pulo nawuloena nene piŕi, naga pulonar si tus, kian si pa yaru na visuaren yuŕiaena, ana pa to meta e lelen nalogena, vena vis va yar lala. Ana la make ga naŕa asike loyuŕia asuŕia atamaria Yesu asape aŕia yoko aloge ya ne visa van la ne wa.

<sup>21</sup> Ana pogos naŕa naga siar kiena visena, ana pisa sanini, sape "Nevisa van amiu, nevisave Visena Wa kiena ne Ntewa naŕa amloge ga na wa, kana visena la nene pimi pe lelaga nagane ga na wa, e maramiu."

<sup>22</sup> Ana pogos naŕa yar la amloge visena la naŕa kiena ne Yesu, amloge sane naga pis ruru po na po, pis malumu ga a pis tanea piŕa, ana la amilan paŕisi, asuŕia apisavisana pan la sanini, asape "¡Ana yar nene, naga narina ne Yosop ga nene! ? Naga ŕar visena tanea la ne sanene pe ne?"

<sup>23</sup> Ana Yesu pisatarŕe la, pisape "Pona sinemiun asape avisa kieta visena marua nene van inu yo, naŕa pisape 'Tokta, okila ruru ko sumo wa, ana siraunia okilia oiila yar taŕena.' Nanene komin naŕa amloge piŕi rui naŕa nesike gar Kapeneam, nekila ruru ke namaiena la moki, ana asitom asape komin ya ne pe nepim nekila re ŕena sanene pan amiu e kieta yo nini poli.

<sup>24</sup> Ana lelaga nevisa van amiu, sane visae navisawalena tai, ana kiena yeririna lala nae kemua kiena yo naŕa, la taŕatete akekarania, taŕatete alogearia.

<sup>25-26</sup> Nanene na lelaga. Sineun nesape asitomyuli pogos kiena ne yermarua Elaisa nanua sumo. E pogos nene, yua pe powo re poli pa tol kas telu komsusa, a pupia viso tai kalo make yo Israel. ?Ana Ntewa mligan Elaisa pa miila ane e poglis nene? Apisu ke ne, pe mligan re naga panon iila letano nae Israel lala tai naŕa amloge ke piowa poli, ana mligan naga pa miila letano nae pulkumali keviu nene Sareŕat, nane lepas taŕena naŕa Saeton.

<sup>27</sup> Ana asitomyuli ŕena ga pogos kiena ne yermarua Elisa. ?E pogos nene, yar la moki naŕa aŕar leperosi, ana Ntewa kila ruru ai? Naga pe kila ruru re le Israel lala tai naŕa aŕar maiena nene poli, ana kila ruru ga yere Seria nene naŕa Neman. Lelaga-o, ita yeririna la naŕa tepisa ke tesape ita nena naŕa tepe yeririna lala kiena ne Ntewa, ana yar la naŕa Ntewa mligan la apimin asape akila

kieta yuŕiaena, ana yepeta mavin la ke sina ga."

<sup>28</sup> Ana pogos naŕa la nene asike loyuŕia nalenena amloge visena nene, kiela sitomena la pilon pa pe taŕena narui, nagane la sinela kar Yesu narui.

<sup>29</sup> Ana la aplamoluen Yesu, aŕurelua naga petan kiela pulkumali pa vanua, aŕure pa e pupia yeparpas tai naŕa kiela pulkumali ŕeke ea, la sinelan asape akuan Yesu vito tano e yo ne nanene narui.

<sup>30</sup> Ana Yesu kila naŕa la taŕatete si auarar naga, ana mial ga pa ŕaro likan la sanene pano, mligan la asike na.

*Yesu pa garu Kapeneam, pilelua yermare tai*

*Mak 1:21-28*

<sup>31</sup> Ana Yesu mial pito tol pulkumali taŕena nae Kalele, nane Kapeneam, ana e Legiena Wa naga pian la e kiela loyuŕia na leniena.

<sup>32</sup> Ana la naŕa amiyagogonia amilan paŕisi, komin amloge kiena visena urmi paŕisi, a namaŕeraena kiena ne Ntewa sike ea.

<sup>33</sup> Ana pogos nene yar tai sike loyuŕia amio la, naŕa ninuna ne yermare viowa tai suŕia kila kare naga, ana yar naŕani pio manene kare Yesu paŕisi, pisa pania, pisape

<sup>34</sup> "¿Ei, Yesu nae Nasaret, kioŕia ya na teke e imimi? ¡Pona ko opimin osape okila kare imimi yo, a! Komin naŕa in na nekilia ko rui, sane ko ope Yar Wa nena napo tai kiena ne Ntewa."

<sup>35</sup> Ana Yesu pis ŕarera pa yermare viowa naŕani, pisaluŕaria, pisape "¡Ei, ve ovis re sina! Omolue ke vetan yar nene nagane." Ana ninuna viowa naŕani koven yar nene mloru pito tano likan la, ana molue petania pure pano, ana yar ne po sina ga sike na.

<sup>36</sup> Ana yar na yo la nene amilan paŕisi, ana apisasayu Yesu, asape "¿Ei, visen ya na sanene? Nanene yar ŕarera tai nene yo, kiena namaŕeraena keviu paŕisi wa. Naga pis ga pa ninuna viowa lala, ana apureure ga sa nene."

<sup>37</sup> Ana komin sur ne la nanene narui la akekara, a asuŕia apisa ruru kia kiena ne Yesu mlewo pa e yo punu ga e lepas nene.

*Yesu kila ruru auia simem kana Saemon Pita, amio ŕena yar taŕena la moki*

*Matiu 8:14-17; Mak 1:29-34*

<sup>38</sup> Ana Yesu suŕialu pa vanua e yuŕia nalenena nene, ana pa uŕia ŕana Saemon, nanene gar ke Kapeneam na wa. Ana e uŕia nene auia simem kana Saemon mloru ŕeke e togin namaiena, yepena pisusun,

ana apisawal pa Yesu, apiun pania asape sanape e sira marua nene.

<sup>39</sup> Ana Yesu pimi suñalu se yepas nen sira nañani, ana pialuñar maiena nena, ana yepen pimi manin sina, mloge nena po, ana suñalu pa miyurñæen kala kina-nena.

<sup>40</sup> Ana pogos naña mrae pito tano, sane Legiena Wa nene ðisi narui, la naña kiela namaiena la asikena, aþerela apim puna Yesu, ana Yesu þuarar la, kila ruru la.

<sup>41</sup> A la moki naña, yermare la amolue petan la, naña asuñña akiiki, asape "Ei, ko kemua naña ope Narina ne Ntewa narui!" Ana Yesu pialuñar yermare la nañani, pisape ve avisa re si suri tai, komin naña akilia rui asape naga Navisaarena kemua lelaga.

*Yesu mlologo make ga e lepas lala nae Yutea*

*Mak 1:35-39*

<sup>42</sup> Ana kolulag kona, Yesu suñalu naga taaga molue pa vanua, pa e yo ñano tai naña pa ruru po na po paþisi. Ana siranium, yar la apiminia, akale ña panoo añal e yo ne nanene, a la sinelan asape naga suñña amio la, akilali asape avialuñaria vena ve ligan la re,

<sup>43</sup> ana pisa pan la, pisape "Toko, in na monar neva nelologon Nalologna Wo na suþenena kiena ne Ntewa va e pulkumali taþena la naña asike ga wa, komin naga mligan inu nepimin suri ne nanene."

<sup>44</sup> Ana naga petan la, pano mlologo teliv make e yurñña nalenena lala e pulkumali punu ga nae lepas naña Yutea.

## 5

*La naña Yesu pio la þesania, apa ataveve naga*

*Matiu 4:18-22; Mak 1:16-20*

<sup>1</sup> Pogos tai, Yesu sike e yepas nen pupia lapa naña laþas asape Lapa nae Kenasaret, a laþas asape Lapa nae Kalele. A e pogos nene, yaru la naña asuñalu amiyervivi Yesu la moki paþisi, sane yepa ve tokaki ga, komin naña sinelan asape aloge naga lologon visena kiena ne Ntewa van la.

<sup>2</sup> Ana Yesu pisu waa lua naña sike ga lavisinia, naña aþure pimi sike ga e kukunone, a pisu kana yar ne la asuñalu asike e sive, asuñña akevan ke kiela lilivi lala.

<sup>3</sup> Ana Yesu mial pano pa miei e waa tai nene, naña kiena ne Saemon, ana pisa pania pisape suponlua va li laa sane. Ana Yesu teke e waa nañani, tonña pian ke la naña asike ura.

<sup>4</sup> Ana pogos naña naga pis pan la ðisi, naga pisa pa Saemon, pisape "Ita, in na sineun nesape teva re laa e lowe memaena, vena toure re lilivi wa."

<sup>5</sup> Ana Saemon pisatarñea, pisape "E yerkawa, imimi mekila sur nene rui panoo yemlagi, ana pe metol re nena ika tai poli. Ana komin naña opisa sanene pan inu, poga, nekekarana naña tevali ga."

<sup>6</sup> Ana la apa akila sa naña Yesu pisa, ana la amilan pupia þegas nen ika tai pulen ga kiela lilivi nañani, kila kiela lilivi nene siar pororovia,

<sup>7</sup> ana la apio laþas naña asike e waa taþena, la akuþin limalan la vena aim aiila la. Ana la naña apim, ana asuñña aþere lilivi nañani amio kana ika ne lala apa metava e waa luwoka nene, panoo waa luwoka ga nañani pulemamaga ruru nena ga, lavis luoka ga talilu.

<sup>8</sup> Ana Saemon pisu sur la nene, pisu kilale sane Yesu ga miyurñæen e kiena pupia namaræraena wa, ana kinai tano e mialana ne Yesu, pisape "Suþe, in na nepe yar viowa ga tai. Popon oure matan inu, ve osu re si lavisin inu."

<sup>9</sup> A pe naga re ga taaga po, ana la mña naña asike amio e pogos nene, la punu ga amilan þan wa e pupia þegas nen ika naña la aþar ne,

<sup>10</sup> amio narina ne Sepeti lua nene, Semes lalua Yoane, naña asikol la amio Saemon amiyurñæe lele taaga, la mña luoka amilan paþisi.

Ana Yesu pis pa Saemon, pisape "Ei, ve omaraun re si sur nene. Siar nagane, yoko ve oure re si ika, ana yoko osuñña oure yar la aimi ataveve inu."

<sup>11</sup> Ana aþasuþe la, aþere si kiela waa la nañani apa ura, ana pe akila re si sur taþena poli, amligan kiela sur punu ga suñña sanene, ana ataveve Yesu apavini.

*Yesu kila ruru yaru tai naña þar leperosi*

*Matiu 8:1-4; Mak 1:44-45*

<sup>12</sup> Ana siranium, e pogos tai, Yesu sike pulkumali tai e yo nene, ana yar tai mñalia pimi puna, naña yaru nena, maiena naña leperosi kilapel naga kila kare nena tasnena. Ana yaru nañani pimi mloru e lana ne Yesu, tag pania, piun tania, pisape "Suþe! In na nemlelaga nesape ko okilia okila ruru in si wo ga, ana visae okekarania, in na sineun nesape neviun tan ko vena okila inu neikiki sina ga."

<sup>13</sup> Ana Yesu pe maraun re tolen maiena kiena ne yar nene poli, ana puararia, pisa pania pisape "Ee, in na sineun nesape yepemña yania." Ana veraga ga yepena mñania, leperosi nañani ðisi e naga.

<sup>14</sup> Ana Yesu pisa pania, pisape “Omloge ke ne, ovano ve ovisayu re sur nene va yar lala wa, ana nanagane ova nena okom puna ne yar wa vena naga visu ko lia, a kilia visawal visave tasnerña mian rui. Siraunia, ana monar ova okila lotena va Ntewa a okila kuřařaena na kiořña yepe ikikena nene, sa nařa Mosis pisape monar akila.”

<sup>15</sup> Yesu pisape yar nene vano ve visayu re sur nene, ana peraga, pe piavi re poli asuřña apisayu řña Yesu pano-o pa tol yo punu ga, kila sane pupia řina la apimin asape aloge kiena visena, ana la sinelan asape naga kila ruru kiela namaiena lala.

<sup>16</sup> Ana e pogos la punu nene Yesu suřña petan řena yeririna lala, pa ke e yokorena, mlen ke pa Ntewa.

*Yesu kilia viewo mlamulena viowa  
Matiu 9:1-8; Mak 2:1-12*

<sup>17</sup> Ana pogos sina tai, Yesu pian la řnaga, a Varasi lařasa amio navianena navisaluaena lala atořnaga tano e nene, nařa la na pulkumali tařena lala e lepas lala nae Kalele amio řutea, a lařasia amolue Yerusalem apimi. Ana e pogos nene, nařareraena kiena ne Ntewa pimi keviu manene laa e Yesu narui, kila naga kila ruru namaiena lala.

<sup>18</sup> Ana yar lařasia akus namaiena tai pimi, nařa yepeņa la punu ga marmare, nařa akus pimi ana mlor ga řneke e řmana tog. La sinelan asape akus imi loyurña aligan mon lavisin Yesu,

<sup>19</sup> ana apisu sane pupia řina řneke pa loyurña rui, ana yo ve tokak pařisi, tařatete akus kiela erau nene vano. Ana akus pa metava e wos nen yurña narui, akawepo logia Yesu, ana amligan malumun yaru nařa amio řmana tog pito tano e pulus nařani, pito řneke likan yeririna lala, řneke nena ga vamon Yesu.

<sup>20</sup> A pogos nařa Yesu pisu suri nene, naga kilia nařa la amlelaga řarera e naga pařisi, asape yoko naga řila namaiena nene, ana naga pisa pania, pisape “Mara, in na nepiewo kiořña mlamulena viowa rui.”

<sup>21</sup> Ana pogos nařa Varasi amio navianen navisaluaena lala amloge visena nene, asitom piowa e naga pařisi, ana asuřña apiuviunia, asape “?Ane řarnena kare ke kia wa kiena ne Ntewa sanene? Ntewa naga taaga kilia viewo mlamulena viowa, pe yar tařena re si poli, ana yaru nene pis ke sa nařa naga sitom ke sape naga Ntewa nene narui.”

<sup>22</sup> Ana Yesu mninul kilale rui sape asitom ke piowa sanene e naga, ana pisa pan la,

pisape “?Komin ya ne sinemiu la pulen ke sitomena viowa la sanene?”

<sup>23</sup> Visae nevisa ve sanini va namaiena nene, nevisave ‘In na nepiewo kiořña mlamulena piowa,’ pona nevisa vania nevisave ‘Osuřñalu, oyali,’ ana visena lua nene, tai řareran navisaena, a tai meme ga. Na nařa sape ‘Osuřñalu, oyali,’ naga řarera laa sane, komin nařa yoko okilia ovisu kilale sane kiau visena pe lelaga pona peraga, nařa yar nene suřñalu pona tařatete suřñalu.

<sup>24</sup> Ana nanagane řisi na nekila suri tai nařa asitom asape Ntewa ga naga taaga kilia kila, ana avisu kilale sane in na Narina ne Yeririna, nařareraena sike e inu. A nevisa van amiu, nesape nařareraena nene torokin nekilia nepiewo řena mlamulena viowa e yomarava nini. Ayagogo ruruia.”

Ana Yesu pis pa namaiena nařani, pisape “Nevisa van ko, nesape osuřñalu, ovilonar mořna tog, oyali ova urña.”

<sup>25</sup> Ana sa nena nene, e marana ne la nařa apisu ke ne, yar nene suřñalu, řar řmana tog, mial pa vanua, naga pa urña nařa suřña miyeluarlilien Ntewa sanene pano.

<sup>26</sup> A pogos na la nařani apisu suri nene, amilan kare nena lelaga, yepela řil pařisi, asuřña amiyeluar Ntewa, asape “E suwala, lelaga kemua-o, řane na ita tepisu sur tai nařa pe tařena pařisi!”

*Yesu pio Matiu, nařa apio řena Livae,  
pimi taveve*

*Matiu 9:9-13; Mak 2:13-17*

<sup>27</sup> Ana siraunia, Yesu mialili ga pa laa sane, ana řnal yar tai totano teke e kiena yurñaena e yurña na warpoloen takis. Yaru nena, kiena kia Livae. Ana Yesu pio, sape “Oim otaveve inu.”

<sup>28</sup> Ana Livae suřñalu nena ga, mligan kiena yurñaena, mligan kiena suri punu ga sike na, ana taveve Yesu.

<sup>29</sup> Siraunia, Livae nena kila pupia kinnanena tai kana ne Yesu e řmana urña, a e pogos nene, yar na takis tařena la moki, amio řmana yar tařena la moki na sanene, la řmana apim ato lele taaga amio Yesu amio kiena nalogena lala e kinnanena nařani.

<sup>30</sup> Ana Varasi lařasia, amio kiela navianen navisaluaena lařasia, apragogo pa nalogena lala, asape “?Komin ya ne akinan ke lele taaga sanene amio yaru viowa lala a řararera la nene?”

<sup>31</sup> Ana Yesu ke pisatarne la narui, pisape “La nařa tasnela řarera ruru poga ga, la pe asitom re asape ava akom pun yar na

kilaruruen maiena poli, ana la ga naŕa aŕar maiena, la sinelan paŕisi.

<sup>32</sup> In na pe nepimin re nevio yar la naŕa apisa ke asape la apo rui e marana ne Ntewa vena ataveve inu, ana in na nepimin ke yeririna viowa la ne sanene narui, vena avilopu la vetan kiela mlamu- lena viowa lala.”

*Naviunena tai e lepas na monsilena*  
*Matiu 9:14-17; Mak 2:18-22*

<sup>33</sup> Ana la apiun naviunena tai pa Yesu, asape “Nalogenena kiena ne Yoane Nakeena la asumã apuarar ruru ke ŕelaga nene naŕa yam mokliu, asumã amonsilu ga vena alen va Ntewa, a Varasi mēna la akila sa ke ga. ?Ana komin ya ne kioŕna nalogenena la pe akila re poli, ana la asuŕna akinana a asuŕna amun ga sanene?”

<sup>34</sup> Ana Yesu pisatamē la, pisayu naga amio kiena nalogenena lala, sane la akekara paŕisi pogos naŕa naga sike amio la, ana yoko sinela viowa sirau e pogos naŕa naga ure matan la. Ana pisape “?Pogos naŕa yar natalopaena sike amio kiena erau lala wa, asitom asape yoko akilia aligan kinanena na ŕaŕagenena nene sike na, ve akan re? Peraga.

<sup>35</sup> Ana yoko pogos tai imi, naŕa yoko aurelua yar natalopaena nene vetan kiena erau lala, a e pogos nene narui akilia amonsilu, komin naŕa sinela miye naga paŕisi.”

*Sur marua amio sur viu*

<sup>36</sup> Pelaga na monsilena nene, naga ŕelaga marua tai nalotena kiena ne le Yu lala, ana Yesu sinenan sape kila meraravan sane ŕelaga marua na sanene, taŕatete asikol amio suri viu la naŕa naga pian la ke ea, ana pisa ŕakaiwa tai e lepas nene pan la. Pisape “Taŕatete ola kinakinas nen kulmrae viu tai, naŕa ovitolŕa kinakinas tai, ana osuluar e kulmrae marua vena kilawo pulus naŕa teke ea. Visae sanene, yoko opitol ŕa kare kulmrae viu nene narui, ana kana kinakinas, yoko taŕatete nena marana ve sa ke kulmrae marua nene, ana apisu piowa ga.

<sup>37</sup> A taŕatete okokonia kuruta viu naŕa mēke ŕeŕela ke ga wa va e kulus nen nane tai naŕa pe urmarua, naŕa akon kuruta pa e yam moki li rui. Visae okila sanene, yoko kuruta viu nene lapa, kila kulus nen nane naŕani mapo, ana kuruta nene lau kare ga ne, ana kana pias mēna imi viowa nena ga.

<sup>38</sup> Ana kuruta viu, monar okokonia va e kulus nen nane naŕa naga mēna pe urviu, naga mārera ruru po, a okilia oligan ruru momã kuruta mon mã ea.

<sup>39</sup> A pogos mēna naŕa yar la amun kuruta naŕa amiyumãen towe laa nanua rui, yoko ve sinelan re si munen kuruta

viu, naŕa amiyumãen mare ga na wa, ana yoko monar avisave kuruta marua naga kiki laa sane.”

## 6

*Yesu pe suŕen Legiena Wa*  
*Matiu 12:1-8; Mak 2:23-28*

<sup>1</sup> Ana e sina ga e legiena tai, naŕa pe Legiena Wa, Yesu amio kiena nalogenena lala amiyaloro apano, a kiela mrapa pa ŕaro e lokove na kona lala. La amiyal mã sanene, ana nalogenena lala viso kar la ana akawe plan kona laŕas naŕani, apae vania, akania.

<sup>2</sup> La akila ke sanene, ana Varasi laŕas asuŕna e naŕani, apisu ke Yesu lala, ana apisa pania, apisape “Ei, komin ya ne asuŕna akila ke yumãena nene e Legiena Wa sanene? Visae sanene, asuŕna akilaro ke kieta navisaluaena ne.”

<sup>3</sup> Ana Yesu pisatamē la, pisape “?Pona pe apuloli re Visena Wa pog tai poli yo wa, e sur la naŕa Parin Suŕe Tepet nanua naga kila? !Kam na akilia pa rui! Naga amio kiena yeririna lala la viso kar la manenea,

<sup>4</sup> ana naga pa loyumã e yumã wa mēna Ntewa, a naga mla kilaparavi wa naŕa Navisaluaena sape yar wa ga la akilia akania, ana Tepet amio kiena yeririna la akania.”

<sup>5</sup> Ana Yesu pisa pan la, pisape “Inu Narina ne Yeririna, inu ke narui nepe suŕen Legiena Wa, ana inu ga nekilia nevisa ya naŕa popon akila e Legiena Wa, pona ya naŕa pe pon re akila poli.”

*Yesu kila ruru limaulu tai e Legiena Wa*  
*Matiu 12:9-14; Mak 3:1-6*

<sup>6</sup> A e si e Legiena Wa tai, Yesu pa si loyumã e yumã na leniena, pian la. Ana poglis nene yar mēna tai sike loyumã naŕani, limana marua pulu.

<sup>7</sup> Ana navianen navisaluaena lala, amio Varasi lala, naŕa la sinela kar Yesu rui, asike ga lavisinia e poglis nene, asumã apisuar ruruia ŕisa, vena asape alual li ŕelaga viowa laŕasa e naga, ana la sinelan asape avisu sane yoko Yesu kila ruru limaulu naŕani e kiela Legiena Wa nene pona yoko ve kila re.

<sup>8</sup> Ana Yesu kilia ruru make ya naŕa sike e kiela sitomena, ana pis pa yar naŕani, sape “Osumãlu, ovam osu metava e nini sumo wa,” ana naga suŕnal pavini.

<sup>9</sup> Ana Yesu piun tan la naŕa asike e ne, pisape “?Kieta Navisaluaena sape tekilia tekila ya ne e Legiena Wa? ?Pisape popon tekila sur wo pona popon tekila sur viowa? ?Pona pisape popon tetamalia yaru, pona popon towerãar yaru?”

<sup>10</sup> Ana Yesu pisuveve la make ga, ana pis sina pa yaru naŕani, pisape “Lumomã

visilia!" A e ga e pogos naña yar nene kila sanene, limana nañani pimi po nenaga.

<sup>11</sup> Ana le Varasi lala sinela mimi, naña sane amloge mlae pañisi, ana apa vanua apisayu weleli sane yoko akila ve sanape na va Yesu.

*Yesu mliganar kiena nalogena la lualima taaga pa lua*

*Matiu 10:1-4; Mak 3:13-19*

<sup>12</sup> Ana siraunia, e sina e pogos tai, Yesu pa metava e pupia tavie tai vena naga se ea, len va Ntewa, ana surña kila ke sanene e yo nañani pa tol yemlagi.

<sup>13</sup> Ana kolulag na pitomi pio kiena nalogena lala apimi lele taaga puna, ana e la nene, naga pisawal la lualima taaga pa lua naña naga mliganar la pisape la narui, la ape nalogena.

<sup>14</sup> Ana kia kiena ne la lualima taaga pa lua nanini:

Saemon, naña Yesu mligan kiena kia tañena, sape Pita,  
a wenla naña Antru,  
a Semes, a wenla naña Yoane,  
a Pilip,  
a Patalomiu,  
<sup>15</sup> a Matiu,  
a Tomias,  
a Semes, naña narina ne Alpeas,  
a Saemon, naña sape miene plan le Rom lala,  
a Sutas, naña narina ne Semes,  
<sup>16</sup> a Sutas nae Kariot, naña siraunia naga kom varaun Yesu.

*Yesu suña mlologo a kila ruru namaiena lala*

*Matiu 5:1-12*

<sup>17</sup> Ana Yesu ðere nalogena la nene apitom si tano, ana añal yotop tai, apa asike ea. A poglis nene, nalogena kiena ne Yesu tañena lala apule ga asike ea, amio miene pupia ðina lala na pulkumali tañena lala nae Yutea, a le Yerusalem miene lala, amio le Taea a le Saeton lala, naña amolue e kiela yo lala garo losi lavisin sive apami.

<sup>18</sup> La nene apamin asape aloge visena lala kiena ne Yesu, a la sinelan asape kila ruru kiela maiena lala. Ana Yesu kila miã sanene pan la pano-o, naga kila ruru miene la naña yermare lala asumiã akila kare la ke silaga.

<sup>19</sup> Yaru la moki manene pañisi, ana la punu ga sinelan asape atol ga Yesu, vena la aninuli ga pupia nañareraena naña apisu sane suña miãlivi ke ea, naña suña kila ruru ke yar la moki rui.

*Navianena lala kiena ne Yesu*

<sup>20</sup> Ana Yesu kira pisu kiena na-logena la nene, ana pian la, pisape:

"Kam naña apisu kilale sane limamiu koren ga, navisa ruruena sike e amiu, komin amiu ke narui naña Ntewa naga pe ðarin suñen amiu, ana visuar amiu.

<sup>21</sup> Kam naña viso kar amiu ke nagane, navisa ruruena sike e amiu, yoko aloge sane aim aulemaamaga nena ga e suri wo ne lala.

Kam naña atagi ke nagane, navisa ruruena sike e amiu, yoko akilia akekaru.

<sup>22</sup> Kam naña yar la pe akekaru amiu re poli, a naña asumiã yepel mavin amiu, a naña asumiã apisa kare amiu, a asumiã akoven plan ke kiamiu kia lala sane kam na ape yar viowa ga lala, nanene komin naña kam na ape yar kiena ne inu Narina ne Yeririna, navisa ruruena sike e amiu.

<sup>23</sup> E pogos la ne sanene, ve asitom manene re, aulaula ga warar pupia kekarena, komin naña asumiã akila kare amiu ke ga e ðelaga miã nena naña repila lala akila pa navisawalena la nanua sumo. Ana pogaga, yoko awar kiamiu pupia nalaena ma e peni.

<sup>24</sup> Ana kam la naña ape nasur moki manene, yoko viowa manene laa van amiu, komin naña añar kiamiu nalogewoena a kiamiu nakekarena lala e kiamiu malena wo la na yomarava nini rui.

<sup>25</sup> A kam la naña miẽmiẽmi pulemamaga ruru pa sike rui, yoko viowa van amiu vañisi, komin naña yoko viso kar amiu manene va laa sane.

A kam naña apitale ke nanagane rui, yoko viowa van amiu vañisi, komin ðisi na aloge viowa, atagi.

<sup>26</sup> "A monar avisuar ruru amiu pogos naña yar la asumiã amieluar ke kiamiu kia. Visae ve sanene, pe pon re amiu miene asitom ke asape amiu na apo, komin naña navisawalena navisokanena la nanua sumo, kieta yermarua la amieluar kiela kia la sanene, ana Ntewa pisu la sane la apiowa ga ana mla nakoena pan la."

*Yesu pisayu sinesien manene nasinekar lala*

*Matiu 5:38-48, 7:1-5*

<sup>27</sup> Ana Yesu pisape "Kam la naña amloge kilale ke kiau visena nene, in na nevisa van amiu, nevisave: Monar sineta si kieta nasinekar lala, a monar tekila wo van la naña pe asitom ita re poli,

<sup>28</sup> a monar tevisa ruru la naña apiuelin ita, a monar telenwo la naña akila kare ita.

<sup>29</sup> Visae yar tai lipa pipimā lepaš tai, ko monar ovilopu mēna pipimā lepaš pāšia vana vena lipa, a visae yar tai māreran van ko vena war momā kulsaket, yoko monar okekarana ga war mēna momā kul-sota.

<sup>30</sup> Visae yar tai viun kioimā sur tai, monar ola vana, a visae yar tai lalua kioimā suri tai, yoko ve ova oviun re si tania vena lamaran si van ko.

<sup>31</sup> Pelaga ya naŋa sinomān vena yar la akila van ko, pēlaga ne nanene yoko monar okila van la.

<sup>32</sup> “Visae tesumā sineta si ga yaru la naŋa asitom ita, nanene na pe sur re tai nene po laa wa, komin yar nakilaen mlamulena viowa lala asitom ke la naŋa asitom la rui.

<sup>33</sup> Pona visae tekila ga wo van la naŋa akila ke po pan ita rui, naga mēna pe sur re tai nene poli, komin yar nakilaen mlamulena lala, la mēna akila ke sanene rui.

<sup>34</sup> Pona visae tetamān ga kilavaru va la naŋa akilia alamaran sina, naga mēna ga pe pe sur re tai nene po laa wa, komin yaru nakilaen mlamulena la akila ke yuimāena nene silaga.

<sup>35</sup> “Ana in na nevisa van amiu, nevisave: Sineimā si kioimā nasinekar, a okila wo vana, a otamān ga kioimā kilavaru sa ga ne, naŋa ve ositom manene re van naŋa omla pania, ovisave pona kilia lamaran si pogos tai, pona taŋatete si lamarana. Visae osuimā okila ke sanene, osuimā okus ke pēlaga kiena ne Arimata Yaru na Meta ne, a naga yoko la nalaena tai van ko ve keviu laa sane, komin naŋa naga yar sur naŋa sinen po pan la naŋa pe apisa re potena pan poli, pona la naŋa asitom la ke sina.

<sup>36</sup> Sanene, ko na monar sinerimā ye yar lala sa naŋa Arimata naga sinena miye la.”

*Yesu pisayu naliŋereen yar taŋena  
Matiu 7:1-5*

<sup>37</sup> Ana Yesu pis ke pan la na wa, pisape “Yoko ve aliŋere manene re yar taŋena pona ala nakoena vana. Visae sanene, yoko Ntewa taŋatete liŋere manene amiu, taŋatete la nakoena van amiu. Visae aviewo yar taŋena, yoko Ntewa viewo amiu,

<sup>38</sup> a visae ala sur va yaru taŋena, yoko Ntewa la sur imi van amiu. A yoko Ntewa laa van amiu ve keviu la sane taulu naŋa amlavia, yoko naga war ve moki vaŋisi, sa naŋa akokonia karo, atanaria, yoko amiyalar mēna ga, pano-o pulemamaga ruru nenaga, suri laŋas kekapil pito ke tano. Lelaga paŋisi, yokorena awar imi

pun amiu maran ve taaga sa ke ga naŋa aŋarwar ke pan yar taŋena.”

*Monar avisuar ruru kiamiu malena*

<sup>39</sup> Ana Yesu pis ke pan la na wa, pisa pākaiwa tai pan la, pisape “?Sanape, visae kilamara pāla tai sumā ga, ana naga kilia sumon kilamara pāla taŋena tai lalua ay-alŋel woga ga? !Peraga, yoko la ga luwoka aloru ato e piliŋili tai ne!

<sup>40</sup> Nalogena naga pe pa manene re metavan yar naŋa pian ke naga poli, ana visae naga kilia ruru make sur la naŋa navianena piania, yoko naga imi maran ve taaga sa ke ga kiena navianena.

<sup>41</sup> Pe pon re osuimā ovisavisa ke narin kororaki tai naŋa teke e kilamarana ne womla poli, ana pe opisu kilale re osape pupia purŋes nen laki tai mēke e kilamaramā poli.

<sup>42</sup> “?Sanape na osape ovisa va womla nene, ovisave ‘Wolai, yoko nowarlua kone kororaki na kilamaramā wa’? Sanene ko na pe opisu kilale re kioimā mlamulena viowa poli, a osuimā omliŋere ke ga mlamulena viowa kien yar taŋena lala. Okilia mā naŋa ko opiowa ga, ana osape okila sane yar la asape ko opo rui. Okus lua pupia miasin laki na mēke e kilamaramā sumo wa, pisi na okilia ovisuveve narin kinakinas nen kororaki naŋa teke e kilamaran yar taŋena nene.”

*Purlaki amio mrasa  
Matiu 7:16-20, 12:33-35*

<sup>43</sup> Ana Yesu pisa mēna ga, pisape “Purlaki naŋa po taŋatete war mras naŋa piowa, a purlaki naŋa piowa taŋatete war mras naŋa po.

<sup>44</sup> Ee, sanene narui, naŋa tevisu kilale purlaki, tesape sanape e ga e mrasnela. Mralaki la naŋa mam ruru po, pe toŋar re e vilumini la naŋa pe nenos poli, peraga.

<sup>45</sup> Yaru naŋa po naga miyuwon ruru suri wo la sike e losinena, ana silaga kiena sitomena wo sumā ga naŋa kilia visaplania, ana yaru viowa naga sumā pārpalo ke suri viowa e losinena, ana naga visa plan ga sitomena viowa lala. Suri ya naŋa pule sike e los nen yaru pona e kiena sitomena, sur ne na nene narui yoko sumā molmolue luen ga e gona.”

*Yuimā lua  
Matiu 7:24-27*

<sup>46</sup> Ana Yesu pisape “?Komin ya ne apio in ke asape ‘Suŋe o, Suŋe o,’ ana siraunia pe asuimā amlogear re ya naŋa nepisa pan amiu nesape akila poli?

<sup>47</sup> Yar naŋa pimi pun inu, mloge kiau visena, naga monar logearia a monar kila.

Yar naŋa kila sanene naga sa naŋa suniena tai pisayuia, naŋa pisa sanini:

<sup>48</sup> Yar tai suñña kila ke mñana yuñña, a yaru nene pe manmarua ruru po, kil ŋiliŋili la pito manene tano vena tol yo mñarera tano, ana maplar kemraŋe lala e pulus la naŋani. Ana pogos na pog mñarera, pupia womie lau, ana taŋatete nena kila yuñña nene kulul, komin naŋa yar na kila, kila ruru mñarera po.

<sup>49</sup> Ana yar naŋa mloge kiau visen lala, ana pe mlogear re poli, naga sane yar taŋena tai. Yar nena, naga mñana miyuññaen mñana yuñña tai, ana naga pe wowe ga, miyuññaen mñana yuñña suñña yau ga e porotano, kana kemraŋe ne la pe pito manene re nena tano poli. Ana pogos naŋa pog mñarera, pupia womie mlau pitomi, kil lua yuñña naŋa, kilalua mloru, ana yuñña naŋa pororovia, piowa make nenaga.”

## 7

*Yer kawa na mara nae Rom tai mlelaga mñarera e Yesu*

*Matiu 8:5-13*

<sup>1</sup> Ana pogos naŋa Yesu pisa plan kiena navianena la naŋani ŋisi, naga pa loyuñña e pulkumali nae Kapeneam.

<sup>2</sup> Ana e yo nene, nasumonon li na mara nae Rom tai sike ea, ana naga kiena yar wo na yuññaena tai naga mai paŋisi, lavis ga kovio.

<sup>3</sup> Ana pogos naŋa mloge yar la apisayu ke Yesu, asape pimi ke lavisin kiela yo rui, ana pio nasumonena kiena ne le Yu lala, pitetalia la apanon Yesu, vena aviun tania imi kila ruru namaiena nene.

<sup>4</sup> Ana la naŋani apim puna Yesu, apisayu namaiena naŋa pania, ana apiun manene tan sanini, asape “Nasumonon li na mara la nene, popon sa oimi oiila naga.

<sup>5</sup> Lelaga naŋa sane naga pe ita re tai nene poli, naga pe yere Rom ga, ana naga pe yar tai naŋa sitom manene kieta ŋegas nen yeririna la paŋisi, ana naga mñana miila imimi e yo nini keviu paŋisi rui, naŋa miyuññaen kiamimi yuñña na leniena. Ana visae ko okekarania, oim ovisu kiena yaru nene naŋa mai paŋisi.”

<sup>6</sup> Ana Yesu taññania, ana pa amio la. La amial apano, ana pogos naŋa asike towe laa perinan yuñña mñana nasumonon li na mara nena wa, apisu yaru laŋasa amiyal ke apimi. La nene, erau kiena ne nasumonena si laŋasa, naŋa naga pitetalia la si apim puna Yesu, vena avisa kiena visena tai vania. Ana la apim apisawal pa Yesu, apisape “Yere Rom naŋani mligan imimi mepim si punña, pisa sanini, pisape naga suñña kila kare ko paŋisi. Naga pisape

naga pisu sa naŋa naga pe yaru tai naŋa pe torokin re oim mñana loyuñña poli.

<sup>7</sup> A sitomena nene kila naga pisu sane pe pon re mñana naga imi kate punña poli, komin naga pe pe yere Yu re sane ko poli, ana naga pisa ga pisape, visae ovisa ga visena tai, yoko kiena yaru nene loge wo woga ne.

<sup>8</sup> Naga kilia sape monar ve sanene komin naga kilia sape kionña visena naga namñareraena sike ea. Naga sape suri nene naga sane li na mara la naŋa asike vatanonia, naŋa la monar alogear kiena visena. Visae visa van tai, visave ‘Ovano,’ naga monar vano, pona visae visave ‘Oimi,’ naga monar imi, pona visae visave ‘Okila sanene,’ yoko naga monar kila. A naga mñana sape monar kila ya naŋa pupia yerkawa nasumonon li na mara la pisa pania. Naga sape naga sitom sanene narui, visae ovisa ga sur tai, ana monar ve sanene.”

<sup>9</sup> Pogos naŋa Yesu mloge visena nene, naga milan sitomen kiena ne nasumonon li na mara la nene paŋisi, a kekaran paŋisi, ana pis pa ŋina la naŋa asike amio e poglis nene, sape “Nevisa van amiu, nevisave pe nonñal re nena yere Yu tai naŋa suñña mñarera se e in sane yar nene poli.”

<sup>10</sup> Ana siraunia, la nene aŋasuŋela si apa mñana nasumonon li na mara la naŋani, ana la amilan naŋa apisu namaiena nene pimi po si rui.

*Yesu kila si mñee kiena letano tai mal si petan marena*

<sup>11</sup> Ana siraunia, pe yam piavi re poli, Yesu mial pa tol pulkumali taŋena tai, kiena kia Naeni, a sa naŋa silaga, kiena nalogena lala amio yaru taŋena la moki asuñña ataveve ke naga.

<sup>12</sup> Ana pogos naŋa Yesu lala apim ke lavisin pupia mralaea na pulkumali nene, apisu sane yar la amiyalvai apim, asuñña akus ke yar mare tai pano vena ava asinia. Naga naŋa mare ne, naga mñee tai naŋa anena pe letano. Letano nene, naga pe ŋar re si narina tai poli, naga ŋar nena taaga ne nane mare narui.

<sup>13</sup> Ana Yesu la asuñña apisu ke la naŋa amial apim, ana pogos naŋa kieta Suŋe pisu letano nene, naga sinen mie pano-o ŋisa. Ana pa lavisinia, pisa pania, sape “E, tagen toko.”

<sup>14</sup> Ana Yesu pimi lavisin marena nene, mligan limana tea, a la naŋa akus pa ke ne asuññalar la asu, pe amiyal re si poli. Ana naga pis pa yar mare naŋani, pisape “E, nevisa van ko, osuññalu si na wa.”

<sup>15</sup> Ana mñee nene suññalu, suñña pivis pan la, apikevike van sina, ana Yesu sumon naga pano, mligan si pa anena.

<sup>16</sup> Ana pogos naŋa yar la apisu sur nene, sinela kurkur paŋisi, a asuŋa amieluar Ntewa, asape “!Ake, suwala! Pupia navisawalena kiena ne Ntewa suŋalu nena sike likan ita rui.” A laŋas apisa mēna, asape “!Lelaga ŋa! Ntewa pimi katen kiena yeririna la rui.”

<sup>17</sup> A suniena na suri nene, asuŋa apisalelein pano, pano-o tol lepas naŋa Yutea, amio yo taŋena la naŋa asike lavisinia.

*Yoane Nakeena pitetalia kiena nalogena lala apim pu Yesu*

*Matiu 11:2-19*

<sup>18</sup> Ana e pogos nene, Yoane Nakeena sike e yuŋa nakoena rui, ana kiena nalogena la apim apisayu pania e sur la punu ga naŋa Yesu suŋa kila.

<sup>19</sup> Ana Yoane pis ga pan lala lua, pitetalia la apa puna kieta Suŋe, vena ava aviun ruru tania, avisave naga Navisaarena naŋa asuŋate ke ne, pona pe naga re poli.

<sup>20</sup> Ana la amial apim apisu Yesu, apiun sanini pania, asape “? Kiamimi yerikawa naŋa Yoane sinenan sape kilia sanape? ? Ko na yar sur naŋa apisa nanua sumo asape yoko yerikawa tai imi ve kieta nasumon itaena, pona pe ko re na nene poli wa, a monar mesuŋate ke yar nene yoko imi na wa?”

<sup>21</sup> Ana e nena e pogos naŋa apim apiun naviuena nene, Yesu suŋa kila ruru ke maiena lala a suŋa pile plan ke yermare petan yeririna lala, a suŋa kila ke kilamara ŋala lala, kilamarala la pimi po sina, ana nalogena kiena ne Yoane la apisu sur la nene.

<sup>22</sup> Ana Yesu pisatame la, pisape “Awasuŋe amiu si ava puna Yoane, ana avisawal sur ya naŋa apisua pona amloge e nini. Suri la nene asa ga naŋa navisawalena Aisea pisa pan amiu rui, naŋa sape: ‘Kilamaraŋala lala, nanagane apisu si suri rui,

a laulu lala nanagane amial ruru si rui,

a yaru la naŋa aŋar leperosi, nanagane tasnela la mekik ruru si rui,

a kiligapoŋe lala, nanagane amloge si suri narui,

a yar mare lala, nanagane amal si rui, a la naŋa limala korena, nepisawal Lologena Wo pan la rui.’

<sup>23</sup> Ana ava avisawal mēna va Yoane, avisave ‘Yaru naŋa pe sinen peve lua re e inu pog tai poli, navisa ruruena sike e naga.’”

*Yesu pisayu Yoane Nakeena*

<sup>24</sup> Ana pogos naŋa nalogena kiena Yoane la amolue sina vena awasuŋe avano, Yesu

pisayu Yoane nene pa yeririna la naŋa asike ne, sape “?Pogos naŋa apa ŋesan e yokorena nene, apanon asape avisu ya ne? !In na pe nesitom re nesape apanon ga avisu kana kiai ne la poli, naŋa sisilin kare ke ga sanene.

<sup>25</sup> A in na pe nesitom re mēna nesape apa apisu yerikawa tai naŋa miyen mēna kulsota nowo la poli, po sike e malena naapo, komin yaru sur la ne sanene, la pe asusu re e yo viowa la ne sane yomema nene poli, ana la asike ga e yuŋa naapo mēna ŋarin suŋe keviu lala.

<sup>26</sup> Peraga, ana in na nesitom nesape apanon apisu navisawalena tai, ne? Nanene naapo ne, ana nevisa van amiu, Yoane naŋa apanon apisua, naga pa laa sane, naga taulu navisawalena nasumo lala,

<sup>27</sup> komin naŋa Ntewa pisayu naga e kiena visena wa rui, sape

*‘In na nemligan ŋesan kiau yaru na wāren visena nene pitomi pun ko, vena kila ruru kioŋa mrapa.’ Mal 3:1*

<sup>28</sup> “Lelaga nevisa van amiu, sane e yomarava nini Yoane Nakeena nene naga mon metavan make yar la punu ga. Ana la punu naŋa yoko aim e nasuŋenena kiena ne Ntewa, vito tol kiela yar maro naŋa sike laa tano, la punu nene la asike metavan Yoane, naŋa yoko la awar navisa ruruena kiena ne Ntewa va laa sane taulu naga.”

<sup>29</sup> Ana pogos naŋa apa amiyagogon Yoane Nakeena mlologo, naga pisawal mrapa kiena ne Ntewa vena la akilia avilopu la. Ana yar viowa la moki, pa tol mēna yaru na takis lala, apisu sane mrapa nene pe lelaga, ana apilon la, ana Yoane kee la e wii.

<sup>30</sup> Ana yar taŋena lala, sa naŋa Varasi lala amio navianen navisaluaena lala, la apilopu māsila e mrapa naŋa Ntewa kila vena akilia avilon la ea, ana Yoane pe kee la re poli.

*Yesu pis mārera pa yeririna la e kiena pogosia*

<sup>31</sup> Ana Yesu pis mārera pa yar na vilaveena lala e poglis nene, pisape “?Yoko nevisa visena ya naŋa kilia tol ŋelaga ken la na nagane, sane la ape yar ya?”

<sup>32-34</sup> E lepas punu ga naŋa Ntewa kila vena kilali wo van amiu, ana yepemiu mavin ga, apisa kare ga naga vanonia. Komin poglis naŋa Yoane pimi, naga suŋa monsilon kinanena vena len, a naga mlon kuruta namunena, ana yaru la apisu sanene, asuŋa apisayua, asape ‘Yaru nene, yermare sike e naga.’

“Ana pogos naŋa inu Narina ne Yeririna nepim nesike na, nekinan ruru ga a



nomun ruru ga, ana apisayu si inu p̄isa, apisape 'Apisu ke ne, yaru nene naga kinan merorol paḗisi wa, naga pe yar na mun maneneen m̄ena kuruta, a naga kiena erau lala, yar na warpoloen ga takis, a yar viowa ga lala.'

"Komin sur ne nanene nepisu yeririna na nagane lala asa ga ninis la naḗa visae asuḗa akila kokan ke e yepesinas na kumali, yoko la aviovio kiela narin erau lala, avisave 'Ei, kam na apilon manene visena na! Visae mowe ke plaḗe, ana pe sinemiun re wolen amio imimi poli, pona visae meyaun ke yauna na marena, ana pe sinemiun re atagipae amio imimi poli.'

<sup>35</sup> "Sur ne na nene, yeririna la yepela mavin mr̄apa lala kiena ne Ntewa, ana mras wo naḗa molue e malena kiena yaru naḗa taveve ke mr̄apa kiena ne Ntewa, kilologia sane mr̄apa ne nanene narui, naga pe mr̄apa na manmaruaena naḗa lelaga."

*Sira tai mloge kemua piowa lelaga e kiena mlamulena viowa lala*

<sup>36</sup> Ana Varasi tai, kiena kia Saemon, naga sape sinenan kila kinanena tai ve kana Yesu, ana Yesu pa m̄ana, pa totano vena akinana.

<sup>37</sup> Ana e pulkumali nena, sira tai sike ea, naḗa naga kila ḗelaga viowa la moki paḗisi, ana naga mloge naḗa Yesu pa kinan ke m̄ana Varasi naḗa Saemon ne. Ana sira naḗa pisu kiena mlamulena viowa, mloge piowa manene laa, ana mloge sane monar imi visu Yesu, ana kus kiena piawi tanea tai na ponotaninu, kus pimi e yuḗa naḗani.

<sup>38</sup> Ana Yesu pelein ke sape kinana, ana sira nene pimi suḗal su varaun lana, naḗa wamarana m̄lau, kekapil pito ke e lana ne Yesu. Wamarana kee ke lana sanene, ana tar viluna la naḗa piayavi ne, suḗa miyumuvan ke lana Yesu, a naga pelan pipina komḗasa te lana ne Yesu, a yokorena taron ponotaninu naḗani ea.

<sup>39</sup> Ana Varasi naḗa ḗere Yesu pimi m̄ana, naga pisu ke sur nene, ana sitom piowa towe ga ea. Naga sitom ke sanini, sape "Visae Yesu nene naga pe navisawalena tai naḗa lelaga, pona vera na kilia ruru yo rui sane sira nene naga pe sira na mlamulena viowa na sanene, ana yoko ve taḗan re tol lana wa nene. Ana naga taḗan kila sanene, in na nemninue kare narui."

<sup>40</sup> Ana Yesu na kilia m̄a kiena sitomena nene, ana pisatanḗea, sape "Saemon, in na nesape nevisa visena tai van ko sumo wa."

Ana taḗania sape "Pogaga, Navianena. Okilia ovisa."

<sup>41</sup> Ana Yesu pisatanḗe sanini pania, sape "Yerkawa tai, ana yar lua akila lapui pania. Lalua nene, tai na kiena lapui keviu, komḗasa naga kiena lapui keviu manene laa paḗisi.

<sup>42</sup> Ana pogos na ulmaranen lapui la nene, la ga luwoka apulmaran ḗele ga, ana yerkawa naḗani sinen mie la, ana piewo make kiela lapui la nene pan la. "Ana komin sur ne nanene, lalua nene ane sitom manene yerkawa nene?"

<sup>43</sup> Ana Saemon pisatanḗe Yesu, pisape "Nemninue ga, pona naḗa kiena lapui keviu manenea naga monar sitom va laa sane yo."

<sup>44</sup> Ana Yesu pisape "Ee, sa ke nene narui." Ana Yesu ḗarpuia kilologia sira naḗani pa Saemon, sape "Saemon, pogos naḗa nepim moḗa, pe nom̄al re yar tai ḗar wii pimi pan inu poli vena nekevan kororak na mr̄aplepa e lau, sane e kieta ḗelaga na, monar okila. Ana opisu ke sira nini, naga ke naḗa kevan lau e wamarana narui, a miyumuvan si mema e viluna.

<sup>45</sup> In na nepim moḗa loyuḗa, ko na pe otalopan ruru in re poli, sane nepe kioḗa erau wo tai, ana siar e pogos naḗa nepim loyuḗa, naga mligan pipina lepas ḗasia te lau silaga.

<sup>46</sup> Ko na pe oḗar re ponotaninu pimi otaron pito e ḗaruu po, ana naga kila e lau rui.

<sup>47</sup> Ana nevisa ruru van ko, nevisave sira nene, kiena mlamulena viowa moki paḗisi, ana nepiewo make ga rui, kila narui naga sinena sii inu keviu paḗisi. Ana nepisu yaru naḗa kiena mlamulena viowa pe keviu re poli, nepiewoia, ana naga pe sinen sii manene inu re poli."

<sup>48</sup> Ana Yesu pisa ruru m̄ena pa sira naḗani, pisa pania, sape "Kioḗa mlamulena viowa la naḗa ositom ḗele ke ne, nepiewo make rui."

<sup>49</sup> Ana pogos naḗa Yesu suḗa pisa ke visena nene, yaru taḗena la naḗa akinan ke amio la e pogos nene pe akekara re nena poli, asuḗa apragogo pan la, apisa ke asape "Ana yaru nene sinenan sape naga ve ai, naḗa naga pisa ke sape naga ḗar plan ke mlamulena viowa kien yar la sanene?"

<sup>50</sup> Ana Yesu piḗa si pa sira nene yam tai, pisape "Kioḗa naviawaena kila otol natamaliaena rui. Ve ologe re si viowa, okilia ova narui, a suḗare kiena ne Ntewa sike amio ko."

## 8

*Sira la moki naḗa ataveve Yesu*

<sup>1</sup> Ana pe yam piavi re poli, Yesu mial sina pano, pa kome pulkumali lala, la naḗa

ve torokak amio la naĝa kerkeviu, a e yo punu ga naga suĝa mlologo, a suĝa mla lologena wo nasuĝenena kiena ne Ntewa pimi pa yeririna lala. Ana sane silaga, kiena nalualima taaga pa lua la mĝena asike amio e pogos nene,

<sup>2</sup> a sira la moki li mĝa naĝa la asuĝa atavevela. E sira la nene, laĝasia naĝa Yesu taĝa ruru la petan ninuna viowa lala a e inanena viowa la naĝa se e la, sa naĝa Maria nae Maktala, naĝa sumo yermare la olua ase e naga,

<sup>3</sup> amio Soana, naĝa naga wona ne yar naĝa Kusa, naĝa naga pe yerkawa na kilaen yuĝaena kiena ne Parin Suĝe Erot, a amio mĝena Susana nene. A la moki manene ke sina ga, naĝa la asuĝa amiila Yesu lala keviu paĝisi, a la asuĝa apisuar la e nalaena la naĝa asuĝa aĝar ke pan la.

*Pakaiwa na kurus nen vilumĝini naĝa kekapil e porotano na pe taĝena vari*

*Matiu 13:1-9; Mak 4:1-9*

<sup>4</sup> Ana e pogos tai, pupia ĝina na yeririna lala la moki amolue e kiela pulkumali la peve taaga, ana la apimi amiervivi Yesu piora, ana naga pis pan la, kuan ĝakaiwa tai pan la.

<sup>5</sup> Naga pisa sanini, sape "Yar tai sape va veven kurusia e kana lokove. Pogos naĝa peven kurusia, suĝa sisilinia, ana kurus laĝasia amloloru e mrapplepa, a siraunia, yar la apim amiyaloro ea, apie kare ga, a manu mĝena lala apimi ate plan make ga.

<sup>6</sup> A kurus laĝasia amloloru e yo naĝa kilavaru sike ea, pitotovi pavini, ana yoko miaiai ga, komin naĝa pe wii re e yo nene poli.

<sup>7</sup> A kurus laĝasia mloloru e yo naĝa sumo na pe ate plan ruru re kilika viowa e poli, ana yoko siraunia kilika viowa nene kapur ke sina ga pimi keviu, kewo make kurus la naĝa pitotovi ne-e amarmare.

<sup>8</sup> A kurus taĝena ne laĝasia amloloru e porotano naapo tai, ana la apitotovi akapur mĝa pano-o, la aĝar mrasnela la moki, tol ponotia taaga."

Ana pogos naĝa Yesu pisa visena la nene ĝisi, naga pion manene pan la, sape "Yar naĝa kiligana teke ea, monar yagogon ruru visena nene."

*?Komin ya ne Yesu pis e ĝakaiwa lala?*

*Matiu 13:10-23; Mak 4:10-20*

<sup>9</sup> Ana siraunia, nalogena lala apim puna Yesu apiun kinas nen ĝakaiwa nene tania.

<sup>10</sup> Ana naga pisatamĝe la, pisape "Ntewa kila sanene sape vena akilia alual nakilia wanena na kiena nasuĝenena.

*'Ana e yar taĝena lala, nakilia wanena la nene la atapolou asike e ĝakaiwa na*

*wa, ana la asuĝa apisu pano-o, pe apisu kilale re poli, a la asuĝa amiyagogo pano-o, pe amloge kilale re nena poli.' "* Ais 6:9

*Yesu pisavan kinas nen ĝakaiwa na kurus nen vilumĝini*

<sup>11</sup> Ana Yesu pisavan ruru ga ĝakaiwa nene pan la na wa. Naga pisapenua "Pogaga, kinas nen ĝakaiwa nene naga sanini. Sur nasumo, naga kurusa, a naga na sane visena kiena ne Ntewa.

<sup>12</sup> A kurus la naĝa akekapil mrapplepa, naga na sa naĝa yar la ne amloge visena nene, ana kurus nowo lala mloloru pitomi e kiela sitomena lala. Ana Parin Yermare nene pimi ĝar plan ke sina ga visena la nene petan sinela lala, vena kila sane ve alelaga re sina, ve atol re si natamaliaena.

<sup>13</sup> "Taĝena, naga kurus la naĝa asike e yo naĝa pe kilavaru, a na nene sane yar la naĝa amloge lologena wo nene, amlavia, akekarania, ana sa naĝa ĝeligas nela pe po re poli. La asuĝa amlelaga yam plas ga, a visae atol pog mĝarera, pona nakilaliena imi, yokorena la aloloru ke sina ga.

<sup>14</sup> "Taĝena mĝena ga, naga na kurus la naĝa asike e lelen kilika viowa lala, a na nene sa naĝa yar la amloge, ana pogos naĝa la amial ke apa sane, ana asitom manene laa kiela malena lala, a sinelan manene mĝena kilavaru, a akekaran manene mĝena kekarena na yomarava la nini paĝisi. Pelaga la nene apimi sane kilika viowa tai naĝa piwo la, ana taĝatete nena kiela malena war mras naĝa marua ruruia.

<sup>15</sup> "Ana na maro, naga kurus la naĝa sike e porotano naapo, nanene naga sa naĝa yar la amiyagogo ruru e Lologena Wo nene, ana amligan ruru sike e losinela lala, atarar ruru mĝarera, naĝa ape lelaga kemua. Yeririna wo la ne sanene, la akila kiela sitomena la viayavi, ayuĝaen ruru mĝa vano-o awar mras nen Lologena Wo nene e kiela malena lala."

*Pakaiwa na kapi vivaga*

*Mak 4:21-25*

<sup>16</sup> A Yesu pisa mĝena ga, pisapenua "Ita yeririna lala, visae towar kap vivaga imi, yokorena ve yar tai warwan re mĝeke vatanon karo tai pona sur tai sanene. Peraga, tetelan ga mĝeke metava vena kila yar la naĝa aim loyurĝa la avisu naĝa yo merarava ruru nena ga.

<sup>17</sup> Pogaga, ana nasuĝenena kiena ne Ntewa naga sane kap vivaga nene, naĝa nanagane suĝa mĝalmĝalivin ita vena tegoli make suri punu ga. Suri punu ga naĝa tapolou sike ga wa, a nakilia wanena

punu ga, yokorena la monar amolue e yepesinasa vena yar la akilia avisu kilalea.

<sup>18</sup> Kam na monar ayagogon ruru kiau visena lala, a akilali naña asitom ruru la. Yar naña kiena suri moki rui, yokorena naga war va ve mok manene vaḡisi. Ana yar naña limana plasan suri lala, yokorena naga kilalu kiena narin sur nene naña naga sitom ke sape pe kiena pa rui."

*Anenane Yesu amio wenla lala, apim asape aurelua naga*

*Matiu 12:46-50; Mak 3:31-35*

<sup>19</sup> Ana anenane Yesu amio wenla lala apim aporun naga e pogos nene, ana la akila ḡele yon naña ava atol naga loyuma, komin naña ḡina la moki, kila yo ve tokak ga.

<sup>20</sup> Ana yar la amla lelein ga visena pimi tol Yesu, asape "!Ei, anoma amio womla lala asumalu asike vanua, sinelan asape avisu ko sumo wa!"

<sup>21</sup> Ana Yesu pisatamea, sape "Naga naña pe aneu, pona pe wolai, nanene na la ga naña amolge visena wa kiena ne Ntewa, a la asuma akila ke sa naña visena nene pisa."

*Pupia lagi naña Yesu pialuḡaria*

*Matiu 8:23-27; Mak 4:35-41*

<sup>22</sup> Ana e legiena tai, Yesu ḡere nalogena lala, la apa amiyai e waa tai, ana Yesu pisa pan la, sape "Ita, yoko teva e lepas nen lapa nene lepas ḡasia." Ana la amligan yo, asuma apano,

<sup>23</sup> ana pogos naña waa kiriri ke pa narui, Yesu maran kawa pano-o momalio. Ana sirauia, pupia lagi tai miyui, miyu lapa naḡani, ana pupia sive lala akilapela pano-o sive pule e pulu waa, apisu sane piowa ga narui.

<sup>24</sup> Ana apito apioḡege Yesu, apisa pania, asape "!Suḡe, Suḡe, lavis ke tetalilu narui!"

Ana Yesu sumalu, pialuḡar lagi amio sive marera la nene, ana sur la nene apito tano, yo maḡo ruru nenaga.

<sup>25</sup> Ana Yesu pisa pan la, sape "Awa kiamiu naviawaena?"

Ana amarau pano-o, amilan manene paḡisi, ana asuma apiuvium ke sina tan la, asape "Aulai, yaru ya nene? Naga pis ga sanene ana lagi amio sive, lalua amlogearia. !Suwala!"

*Yesu pile plan yermare moki petan yere Karasa tai*

*Matiu 8:28-34; Mak 5:1-20*

<sup>26</sup> Ana Yesu la apa atol lepas ḡasa, e naña Kalele kira ke pa ea, nanene mesmesun e yo naña Karasa.

<sup>27</sup> Ana pogos naña Yesu pa ura e yo nene, yar nae e yo nene tai pitomi pitawea, naña

yar nene yermare la asike ea. Nakonua rui, yar nene pesinas ga, pe miyen re sur tai poli, a naga pe mon re e yuma poli, naga kekaran ga naña monmon ga e lotap lala, e puluve la naña amligan ke kiela tas nen yar mare la amerieke ea.

<sup>28-29</sup> Ana yermare la nene akila kare yar nene yam moki rui, kila sane yar la akirakiravanli naga silaga, a apiar e kilipan, a apiar lana amio limana e kilika panon laki, ana naga sumu kilaroro ga, a yermare la nene amenelua naga pa meke e yokorena nene.

Ana Yesu pisuia, pis pa ninuna viowa, pilelua sape ligan yaru nene. Ana yar nene pisu Yesu, pio naga, a mloru e lana, ana ninuna naña sike ea pis marera, sape "A Ana Yesu, ko narina ne Ntewa na Mava, kioḡia ya na teke e inu? !Nepiun mareran pan ko, nesape ve ola re nakoena van inu!"

<sup>30</sup> Ana Yesu piun tania, sape "A Ana kioḡia kia ai?"

Ana ninuna viowa nene pisatamea, sape "Kiau kia 'Yermare lala na kilaen mara.'" Naga pisa sanene komin naña yermare la naña apa e losinena la mok liu.

<sup>31</sup> A ninuna viowa la nene asuma apiuvium mareran ke sina ga pa Yesu vena naga ve vile plan la re, naga ve kila la re ava aloru ato tano e pupia pulukapi.

<sup>32</sup> Ana yepas nen kunus na yo nene, pupia ḡegas nen nompui lala asuma akolkol ke porotano, ana yermare la nene atagi pa Yesu, apiun mareran tania asape naga ligan la ga ava e nompui la nene. Ana Yesu tamen pan la,

<sup>33</sup> ana la amolue petan yar nene, apa e los nen nompui lala. Ana nompui la nene aplamolue yam veraga akiriri apito e yeparpas tai, ana apiovion la apito e pupia lapa nene, atalil make e sive.

<sup>34</sup> Ana yar na visuaren nompui lala apisu sur nene, la aḡure apa uma, apisawal sur nene, ana apisa make mena ga e yo la punu ga,

<sup>35</sup> kila sane yar la moki sinelan asape aimi avisuia. A pogos naña la apimi, apisu Yesu sumu ga, a yar naña ninuna viowa la aḡure petan rui naga totano teke e lana ne Yesu. Nanagane, naga miyen ruru maḡa kulmrae wo la rui, a pimi momau ruru nenaga, pe sirag re si poli. Pogos naña la apisu yaru nene pimi po si sanene narui, ana amarau.

<sup>36</sup> A la naña asuḡesania apisu suri punu ga, asunyu pa la naña apim mare ga na wa, apisa meraravan pan la sanape naña yaru nene naña yermare la asuḡesan ea, ana Yesu kila naga pimi po si rui.

<sup>37</sup> Ana yeririna lala na lepas nae Karasa, la apisu sane piowa ga, ana la asuñña amñareran pa Yesu asape la sinelan naga molue si vetan la, komin naña sur nene kila amarau pañisi. Ana Yesu la apitovin si vena ai ai e kiela waa, vena awasuñela sina.

<sup>38</sup> Ana pogos naña la asuñña apito ke narui, yar nañani pitomi piun mñareran tan Yesu sape naga sinenan sape va su lue amio naga, ana Yesu pialuñña, pisa pania, sape

<sup>39</sup> "Peraga, komin naña popon manene ko owasuñe ko ga ova si uñña, a ova osunyu van yar lala, ovisa van la sanape naña Ntewa kila po naña po manene pan ko sanene."

Ana yar nene ñasuñe sina, a naga suñña pa miyervivi yo punu ga nae lepas na kiena pupia pulkumali, a pisawal yuññaena wo naña Yesu kila pania.

*Nin sira kiena Saeras, amio sira naña tol kulsota mñana Yesu*

*Matiu 9:18-26; Mak 5:21-43*

<sup>40</sup> Ana Yesu lala akusro lapa nene apa ke sina lepas ñasia, a pupia ñina na yeririna lala asuññate ke naga, ana la akekeran naña apisu pa mñalivin la sina.

<sup>41</sup> Ana yerikawa na kiela yuñña na lotena nae e yo nene, kiena kia Saeras, naga pimi lavisin Yesu. Ana kinai tanonia, tag pania, piun tania sape imi mñana,

<sup>42</sup> vena visu nin narina naña sira, naga minana pañisi. Nin sira nene, naña yerikawa nene naga narina taaga nena nene, a kiena kas pe sur sane lualima taaga pa lua ga [12], ana kiena inanena pimi keviu manene laa narui, kila narui apisu sane lavis ke mare ne. Ana Yesu suññalu, amio yar nene apano.

Ana pogos naña naga pa ke sanene narui, pulen yeririna na pupia ñina la nene asuñña atavevea, asuñña amiigin la piora e Yesu.

<sup>43</sup> Ana lala tai, naga sira tai, naña maiena kien sira lala teke e naga e legiena punu ga, tol kas lualima taaga pa lua [12] rui, ana pe yar re nena tai naña kilia kila ruru kiena maiena nene poli.

<sup>44</sup> Ana sira nene, naga mialvan ga yaru la lika, pimi pimi lavisin mñasina ne Yesu, kian limana sane, tol ga mñana isinen kulkota. Tol ga kulkota mñana Yesu sane, ana e ke e pogos ga nene, kiena maiena nañani ñisi nena ga.

<sup>45</sup> Ana Yesu piun ke ga, pisape "¿Ano tolmare in ga na wa?"

Ana la apisapenua "Pe yar tai tol ko re poli," ana Pita mñana ga pisa pania, sape "¿Ana Suñe, sanape? Yaru la apule manene

laa asuñña amiigin la kar ga miyervivi ko pivi, asuñña apavan e ko."

<sup>46</sup> Ana Yesu pisa pania, sape "Peraga, yaru tai tol inu nena naña, komin naña in na nemninukilale sane kiau nañareraena kompas pa vanua e inu pa e yaru nene ñisi rui."

<sup>47</sup> Ana sira nene pisu sane naga tañatete si tapolou narui, ana pimi puna ne Yesu, marau pañisi, sinen kurkur mñana ga. Naga pimi mloru e lana Yesu, ana e marana ne yeririna la naña asike ne, naga pisawal make sur la e naga pania, sa naña komin ya ne naga pimi tolia, a sanape naña pimi po si rui e pogos nene.

<sup>48</sup> Ana Yesu pisa pania, sape "Auya, kioñña naviawaena e inu kila ko opo si rui. Suññare kiena ne Ntewa sike amio ko, owasuñe ko sina ova uñña."

<sup>49</sup> Ana pogos naña Yesu suñña pivis ke amio sira nene wa, visena pimi pa yerikawa nene, sape "Nin narumña nene kovio rui. Popon ve oure re si pupia navianena nene imi, vena ve okila kare korenan re naga."

<sup>50</sup> Ana Yesu mñana mloge mña visena nene, ana pisa pa Saeras, pisape "Ve ositom re suria, owasine ga Ntewa mñarera, a yokorena nin narumña sira nene imi wo si ne."

<sup>51</sup> Ana Yesu pa amio yar nene apa mñana, a pogos naña apim atol yo nene, naga pialuññar lañasa sape yoko ve ava re loyumña amio naga, ana naga ñere ga Pita, amio Yoane, a Semes, a arimanane nin sira nene amio anena, ana apa loyumña.

<sup>52</sup> Pogos naña apa loyumña apisu naña yar la asuñña sinela miye ke nin sira naña rui, asuñña ataginia, ana Yesu pisa pan la, sape "Ve atagin re nin sira nene sanene. Naga pe mare re nene poli, naga momalio ke ga ne."

<sup>53</sup> Ana la apitalia kare ga naga, komin naña la akilia asape nin sira nene marñantop nena rui.

<sup>54</sup> Ana Yesu pa tarar limana ne nin sira nañani, pisa pania, sape "Nin naruu, osuññal li sumo wa."

<sup>55</sup> Ana e ke ga e pogos nene, apisu naña nin sira nene, kiena malena ñasuñe sina pimi e naga, ana suññalu, suñña miyaloro, ana Yesu pisape popon ala narin kinanen tai vania.

<sup>56</sup> Ana arimana amio anena, amilan pañisi naña kiela sitomena la kovio nena ga, ana Yesu pisa pan la sape yoko ve avisawal re sur nene va yar tañena lala.

## 9

*Yesu pitetalia kiena nalogena la peve lua*

*Matiu 10:5-15; Mak 6:7-13*

<sup>1</sup> Ana Yesu pio viraviran kiena lualima taaga pa lua [12], ana pis ruru pan la, naga mla m̄areraena pan la, tam̄an la vena akilia ataulu yermare lala, a vena akilia akila ruru maiena lala.

<sup>2</sup> Naga kila sanene vena vitetalia la avanon alogon navesuṽenena kiena ne Ntewa, a vena akila ruru namaiena lala.

<sup>3</sup> A visen wo laṽas naṽa pisa pan la sumon naṽa apano, sanini, naṽa sape "E lepas na kiamiu m̄rapa, yokorena ve awarar re sur tai. Ve awar re kiamiu plasgai, pona kiamiu karo, pona kinanena, pona kilavaru, a ve awar re m̄amiu kulsota ve lua, yokorena ayen ga m̄amiu kulsota ve taaga ga naṽa amiyenar ke ne.

<sup>4</sup> "A uṽa ya naṽa visae aure amiu ava ase ea, ṽisi na monar akekaran naṽa asu amio mratava na uṽa nene, yokorena aligan ga uṽa nene pogos naṽa amolue si vetan pulkumali nene.

<sup>5</sup> A e pulkumali ya naṽa visae la yepel mavin were amiuena ava e m̄ala yuṽa lala, ṽisi na aligan ga kiela yo nene, a pogos naṽa amolue vetania, monar atan plan puluyavi na m̄rapa na yo nene vetan lamiu, sane kile tai pona kiamiu visena m̄arera tai van la, sape yoko awar nakoarena tai naṽa torokin ga kiela ṽelaga viowa nene."

<sup>6</sup> Ana nalogena lala amolue apa narui, a asuṽa aṽaro ke e pulkumali lala, asuṽa amlologon ke lologena wo, a asuṽa akila ruru ke maiena lala.

*Parin Suṽe Erot Antipās pisayu Yesu*  
*Matiu 14:1-2; Mak 6:14-16*

<sup>7</sup> Ana e pogos nene, Parin Suṽe Erot m̄ena ga mloge towe m̄a ya naṽa Yesu la asuṽa akila ke ne, ana naga sitom manene paṽisi, komin naṽa yar laṽas asuṽa apisayu Yesu, asape naga Yoane Nakeena, naga mali si petan marena,

<sup>8</sup> ana taṽena laṽas asape naga yermarua Elaisa nanua, nane m̄alivi si ne, a taṽena laṽas asape naga pe navisawalena la tai nanua sumo manene laa, naṽa surṽalu si petan marena.

<sup>9</sup> Ana Parin Suṽe Erot pisape "Pe Yoane Nakeena re nene poli, komin nesilua ṽarina rui, ana yar na apisayu ke ne, naga a si nene?" Ana sitomena nene kila naga sinenan visuen Yesu paṽisi.

*Nalologena la apa amlologo, ana aṽasuṽe la sina*

*Matiu 14:13-21; Mak 6:30-44; Yoane 6:1-15*

<sup>10</sup> Ana nalologena la naṽa Yesu pitetalia la sape ava alogolo, aṽasuṽe sina, ana apisawal sur punu ga naṽa amiyuṽaenia pa Yesu. Ana Yesu ṽere la amolue petan yar lala, amiyeye la ve tokak ga apa e pulkumali tai, kiena kia Petsaeta.

<sup>11</sup> Ana sirauṽa, yar la amloge asape apa ke e yo nene, ana la m̄ena ga asirau apano, apa m̄ena e yo nene. Ana Yesu kekara ga, naga sun towe amio la, a sirauṽa pian la e lepas navesuṽenena kiena ne Ntewa, a kila ruru yar la naṽa sinelan ke asape popon yar tai iila la.

*Yesu pagan yeririna la manu lima*  
*[5000]*

<sup>12</sup> Ana Yesu suṽa amio la pano panoo, apisu naṽa m̄rae pito ke tano narui, ana kiena lualima taaga pa lua nene apim puna, apisape "Ei, Suṽe, popon oligan ṽina la nene awasuṽela ava m̄ala uṽa lala pona avakar ga e pulkumali la ne sike ne, vena akilia aul kala kinanena laṽasia, a vena akilia alual m̄ala lele na monoena, komin e yo na tesike e ne pe pon re yemalo wo ita e poli."

<sup>13</sup> Ana Yesu pisa pan la, pisape "E, peraga. Popon kam ga awar kinanen laṽas van la."

Ana la apisatam̄ena, apisape "!Kei! Imimi memla ke ga narin kilaparavi lima, amio narin ika lua. ?Ana visae peraga, pona ko sinorṽan ke osape yoko imimi ke narui meva moul kinanena torokin pupia ṽina la nene?"

<sup>14</sup> La apisa sanene komin yeririna la naṽa asike ne la moki manene laa, ana yerm̄ene ga lala pa tol sur sane manu lima [5000].

Ana Yesu pisa pan la, sape "Ava avisa va yeririna lala avisave atotano ke ne wa, atotano e ṽegas lala, naṽa yar la lualima ve lima [50] e ṽegas tai."

<sup>15</sup> Ana apa akila sa naṽa naga pisa, a yeririna lala atotano e ṽegas lala.

<sup>16</sup> Ana Yesu mla kilaparavi lima nene amio narin ika lua naṽani, kirava pa ma e peni, pisa potenania ana kawewowa, kian pa nalologena lala vena alalein akian va ṽegas la nene.

<sup>17</sup> Ana akan panpano-o m̄eṽela kawa ruru nena ga, a kororos nen kinanena naṽa akanligania, akon pa e karo popos lala tol lualima taaga pa lua [12].

*Pita pisawal pisape Yesu naga Navisaarena kemua lelaga*

*Matiu 16:13-28; Mak 8:27-31*

<sup>18</sup> Ana pogos tai, Yesu sumña mlen ke naga taaga, a kiena nalogena lala asumña ga lavisinia, ana naga piun tan la, sape “? Asumña amloge yar la apisavisa inu asape in na ai?”

<sup>19</sup> Ana apisa pania, asape “Laņas asape ko Yoane Nakeena, a laņas asape ko Navisawalena Elaisa, a laņas asape ko navisawalena taņena lala tai nanua sumo sumo nane naga mali si petan marena ne.”

<sup>20</sup> Ana naga piun tan la, pisape “? A sanapen amiu, kam asape in na ai?”

Ana Pita pisatanña, pisape “Ko Navisaarena kiena ne Ntewa nene.”

*Yesu pisawal kiena marena*

<sup>21</sup> Ana Yesu pis mārera, pisaar nena pan la, pisape yokorena ve avisawal re sur nene va yar lala,

<sup>22</sup> ana pisa ruru pan la pisape yoko ve sanapen naga. Naga pisape “Inu na nepe Narina ne Yeririna, a yoko nasumonena kiena ne le Israel lala, amio yerkawa kiena ne yar wa lala, amio navianen navisaluaen lala, yoko akoven lua inu, ĩisi na monar akila sur ve moki na kila kare inuena. Yoko monar awemār inu nemare, ana e kana legiena na telu, yoko Ntewa visirlua inu nemal sina.”

*Nalogena kiena Yesu naga monar sitom korenan ga kiena nasinenanena lala*

<sup>23</sup> Ana e pogos nene, Yesu pis pan la, pisape “Yar naņa sinenan sape taveve inu, naga monar sitom korenan ga kiena nasinenanena lala, naga monar kus kiena laki torovia e legien punu ga, sa naņa yoko inu nekus kiau, ana taveve inu luen ga.

<sup>24</sup> Nepisa sanene komin yar naņa sinenan sape ve puluvisin kiena malena, yoko kilalu kiena malena. Ana yar naņa tamñan kiena malena vanon inu, yoko naga taulu si kiena malena.

<sup>25</sup> Visae yar tai tol make sur wo na yomarava nini lala, ana kila pal mrapa a kilalu kiena malena, naga pe taulu re nena sur wo tai poli.

<sup>26</sup> Yar naņa mawa e marana yar taņena lala vanon inu pona vanon kiau visena, yoko inu Narin Yeririna mñena nemawan yar nene e marana Ntewa e pogos naņa nowasuņe sina, naņa yoko nevitum nemio pupia naurarena naņa pe kiau, a pe kiena ne Ata, a naņa pe kiena ne mñena navisi wa lala.

<sup>27</sup> Lelaga nevisa van amiu, yar laņas asumñal asike e nini, naņa taņatete

amare na wa, vano-o tol pogos naņa avisu Navesuņenena kiena ne Ntewa imi mñalivi.”

*Tasnena ne Yesu pimi pe taņena*

*Matiu 17:1-8; Mak 9:2-8*

<sup>28</sup> Siraun pogos naņa Yesu pisa visena la nene, pe sur sane legiena olua ĩaro ga na wa, ana naga ĩere Pita, amio Yoane, a Semes, la vari apa metava e ravie tai, komin sape len.

<sup>29</sup> Ana apam atol yo nene, a pogos naņa sumña mlen, nalogena la telu nene apisu naņa marana pimi pe taņena, a apisu naņa mñana kulsota pilavila paņisi, a miyuwowo naņa miyuwowo manene laa.

<sup>30-31</sup> Ana siraunia, yermarua lalua nene Elaisa amio Mosis, lalua añalivi amio pupia naurarena nae ma e peni, ana lalua asun ke amio naga, naņa asumña apisayu ke sanape naņa yoko naga monar va garu Yerusalem, a monar mare vetan yomarava nini, sa naņa Ntewa pisaaria ĩa rui.

<sup>32</sup> Ana sumo, la telu Pita, Yoane a Semes nene asumña amloge marala kawa paņisi pano-o amomatio, ana pogos naņa atavilo sina, la amilan sur la naņani, naņa apisu pupia naurarena kiena ne Yesu, a apisu lalua naņa asumñal asike amio naga.

<sup>33</sup> Ana apisu naņa lalua nene asape aligan si yo vena awasuņela, ana Pita sinenan sape visi, ana naga mninue mña visa ya ne, ana naga pisalawe ga visen kar tai pa Yesu, pisape “Suņe, popon naņa ita tesumña e nini. Popon teyumñeen silparpara ve telu e yo nini, morña tai, mñana Mosis tai, a mñana Elaisa tai.”

<sup>34</sup> Ana pogos naņa naga sumña pisa ke visena nene, lul tai pitomi kalo la, ana pogos naņa la apisu sane apa ke luyumña e lul nene narui, amarau paņisi.

<sup>35</sup> Ana amloge visena tai molue e lul naņani, pisape “Nanene na naruu ne, naņa nepisirlua naga rui. Naga ke narui monar alogear ruru naga.”

<sup>36</sup> Ana pogos naņa visena nene ĩisi, lul nene kovio sina, apisu naņa Yesu naga taaga sike si amio la. Ana siraun nene, nalogena la nene apa ruru la, asumña ga sa ga ne, pe apa apisayu re sur nene pa yar taņena la poli.

*Yesu pilelua yermare petan mee tai*

*Matiu 17:14-21; Mak 9:14-29*

<sup>37</sup> Ana e kana legiena na siraunia, Yesu amio la telu naņani aņasuņela si apitom tano, ana pupia ĩina na yeririna la asumñate ke naga, sinelan asape avisuia.

<sup>38</sup> Ana pogos naņa apim amñalivin la, lala yaru tai pion manene pa Yesu, pisape

“Navianena, nepisa awis pan ko, ovisuli naruu na yermene nini, komin naŕa naruu wawa taaga nena nini.

<sup>39</sup> Ninuna viowa tai ne suŕia pimi ke e naga sanene, kila naga mlokai manene paŕisi, ana miokamarmare tasnena m̄arera pano-o wasirina la mlalau. Sur nene suŕia kila ke naga pa piowa laa, kila kare naga paŕisi, a suŕia kila luen ga, pe mliganli re naga pa ruru pogos tai poli.

<sup>40</sup> In na nopure naga pa puna ne kioŕia nalogena lala, nepisa awis pan la vena aŕienelua ninuna viowa nene, ana la akilalia, amiyuŕiaen pano-o, akila ŕele yonia.”

<sup>41</sup> Ana Yesu pisatamea, pisa pan la, pisape “?Kam la nene, sanape na sanene? Pe asuŕial re nena ase Ntewa poli. ?Monar nesuŕia nemio kam wowe lala tol pogwai? In na sineu maren amiu rui. Ko, pogaga, oure narurua nene imi.”

<sup>42</sup> Ana apa aŕure pimi, a pogos naŕa apim ga sane, ninuna viowa naŕani kilapel ke sina ninis naŕani, kila tasnena miyuyuwawa a m̄arera. Ana Yesu pis kapuru pialuŕar ninuna viowa naŕani, a kila ruru m̄ee nene, ana mligan si pa arimana.

<sup>43</sup> A la naŕa apisu sur nene, amilan manene nam̄areraena nowo kiena ne Ntewa nene paŕisi, naŕa kila po sanene paŕisi pan m̄ee naŕani.

#### *Yesu pisawal sina ga kiena marena*

Ana siar e pogos naŕa yar taŕena la asuŕia apisasayu ke sur wo naŕa Yesu kila, ana Yesu pisa kiena visena tai pa kiena nalogena lala.

<sup>44</sup> Naga pisa pan la, pisape “Ayagagon ruru kiau visena nini, aligan ruru te ki amiu sitomena lala, vena ve sinemi ŕesan re sina. Ee, nepisa ruru van amiu, nesape Ntewa mligan inu sane Narin Yeririna, ana lavis ke naŕa aligan inu neva e limana ne yaru la naŕa yoko awem̄ar inu nemare narui.”

<sup>45</sup> Ana nalogena lala pe amloge kilale re ya naŕa Yesu suŕia pisayu ke pan la poli wa, sa naŕa kana kinas tapolou ke ga wa, kila pe apisu kilale re poli, a amaraun m̄ena naŕa aviun ruru va Yesu e lepas na visena nene.

“?Ane to laa metavan yaru taŕena lala?”

*Matiu 18:1-5; Mak 9:33-40*

<sup>46</sup> Ana siraunia, veveyuena tai m̄alivi likan nalogena lala, naŕa apisape ane to laa metavan lala taŕena laŕasa.

<sup>47</sup> Ana Yesu kilia m̄a kiela sitomena la nene, ana pio ninis tai naŕa pimi ke puna, ana mligan ninis naŕani suŕialu se yepasa,

<sup>48</sup> ana pisa pan la, sape “Yar naŕa kiena sitomena patanon inu, ana naga kekaran wererueren ninis nini, nanene sa ga naŕa kekaran were ruru inuen ga narui. A yar naŕa kekaran inu, naga sane kekaran ke ga naga naŕa mligan inu nepim. Nanene komin naŕa amiu ai naŕa kiena sitomena su tano vaŕisi, naga ke narui naŕa naga to metavan amiu make ga.”

*“Yaru naŕa pe pialuŕar ita re poli, naga suŕia miila ita ke ne”*

<sup>49</sup> Ana Yoane pisa pa Yesu, sape “Suŕe, mepisu yar tai, naŕa suŕia pile plan ke yermare lala, naga m̄ene plan la e kioŕia kia. Ana yaru nene, memninue ga, naga pe ita re tai poli, ana mepialuŕaria.”

<sup>50</sup> Ana Yesu pisa pania, pisape “Toko, visaluŕaren toko, komin yar naŕa pe pialuŕar ita re poli, naga miila ita ke ne.”

*Yesu sitoŕial sape lavis ke monar va ma meta Yerusalem narui*

<sup>51</sup> Ana Yesu pisu kilale sape nanagane, lavis ke Ntewa were si naga va meta ma e peni narui, ana kila ruru kiena sitomena, sape kiena mrapa monar va ma meta Yerusalem narui.

<sup>52</sup> Ana la amial apano, ana Yesu mligan kiena yar na waren visena lala la asumo apa e pulkumali tai kiena ne le Samaria lala, vena akila ruru make suria, naga sirau imi.

<sup>53</sup> Ana la ne e yo nene, la pe sinelan re Yesu la aim e kiela yo poli, komin la pe sinelan re iilaen le Yu la naŕa akom ke kiela yo poli vena ava meta Yerusalem.

<sup>54</sup> Ana pogos naŕa nalogena lalua nene Semes lalua Yoane apisu naŕa apialuŕar la sa nene, lalua apiun tan Yesu, asape “Suŕe, ko sinoŕian osape melen mevio kap̄i tai ligan ma e peni vitom tano kekan la nenaga?”

<sup>55</sup> Ana Yesu ŕarpuia pis m̄arera pan lalua, pialuŕar la.

<sup>56</sup> Ana pe apa re si e nene poli, la apa e pulkumali taŕena.

*Yaru naŕa taveve Yesu ve kiraŕatau re sina*

*Matiu 8:19-22*

<sup>57</sup> Ana pogos naŕa amial ke e mrapa narui, yaru tai pimi pu Yesu, pisaar pania, pisape “Yoko netaveve ko e nape naŕa visae ova ea.”

<sup>58</sup> Ana Yesu pisatamea, pisape “Lokul tetan lala la m̄ala pulus la suŕia ga, a manu lala m̄ala ponovi la suŕia ga. Ana inu Narina ne Yeririna, naŕa nokom ma e peni

nepitom, in na pe m̄au yo re poli, naña neva nomonea. Visae ko okekaran m̄ena malena na sanene, ko okilia oimi.”

<sup>59</sup> E ke e pogos nene, yaru taņena tai, Yesu pisa m̄ena pania pisape imi tavevea, ana naga pisatam̄ea, pisape “Suņe, otam̄an neva nevisuar ke ne kiau yermarua sumo wa, a visae marņan pae, ana yoko neim netaveve ko ga na wa.”

<sup>60</sup> Ana Yesu pisa pania, pisape “Oligan yaru la naña pe atol re malena poli wa ava asin kiela yar mare lala. Ana ko, oim ga teva telologon navesuņenena kiena ne Ntewa.”

<sup>61</sup> A yar taņena si tai kila sa ke ga, kila sa naña pisasa ga, pisa pa Yesu, sape “Suņe, yoko in na netaveve ko lue narui, ana sur taaga ga, nesape otam̄an neva nevisa ke ne pokolemalo va la ne um̄a m̄au wa.”

<sup>62</sup> Ana Yesu pisa visen tai sanini pania, pisape “Yar naña suņa sitom manene la m̄ana um̄a ōarar kiena suri make ga, naga sane yaru naña tarar ke ōeligas nen waa, a silaga, suņa kira ōatau lue ga. Yar na sanene pe torokin re imi ve yar na navesuņenena kiena ne Ntewa poli.”

## 10

*Yesu pitetalia yar la moki naña la peve lua ava alogoo*

*Matiu 9:37-38, 10:7-16, 11:20-24*

<sup>1</sup> Ana e pogos nene, kieta Suņe pisir plan si kiena nalologena laņasa. La punu ga tol lualima yam olua pa lua [72], a naga sitom ke sape ligan la nene ava sumo, la veve lua ava e pulkumali lala a e yo la naña yoko naga sirau va m̄alivi ea.

<sup>2</sup> Ana naga pian la sanini, pisape “Lelaga, kinanena moki liu naña marua sike lokove, ana yar la lua la ga naña asuņa aņar ke pitomi um̄a. Monar aviun manene tan yerkaawa na lokove nene, vena naga ligan plan re si yar laņasia la avanon awar kana kinanena la nene imi.

<sup>3</sup> Sanene, monar ala kiamiu mrapa avano. Ana popon avisu kilale sane in na nemligan plan amiu apano, sa ga naña narin sipsip, naña apanon ke vena avitawe pupia lokul tetan lala.

<sup>4</sup> A pogos naña avano, ana ve awar re kiamiu taga na varu, a ve awar re kiamiu karo, a ve awar re si kiamiu kulus nen lamiu taņena. Ava ga sa ga ne, ve asunlilue re mrapplepa va yar lala.

<sup>5</sup> A pogos naña ava am̄aliv e yuņa ya, sur naña yoko avisa ōesania, yoko avisa sanini, avisave ‘Suņiare sike e um̄a nini.’

<sup>6</sup> Ana visae yaru naña sike e um̄a nene naga sinenan suņiare, yoko suņiare naña

avisa kilia sike amio naga, ana visae pe yar re tai ne sanene poli, yokorena suņiare wasuņe si imi van amiu.

<sup>7</sup> A ve ava aulaula kare e yuņa taņena lala, ana asuņa ga e yuņa nene, a akekaran ala kinanena ya pona namunena ya naña ala imi van amiu. Ve amawan re ala sur wo ya naña akila van amiu, komin naña yar na yuņaena naga mesmesun la kiena narin nalaena tai.

<sup>8</sup> “Sanene na, visae kumali ya naña ava aworu ea, visae akekaran naña avisuar amiu, yoko monar akekaran ga kinanena ya naña sinelan asape ala van amiu,

<sup>9</sup> a monar akila ruru namaiena la e yo nene, a monar avisa van la, avisave ‘Nanagane, nasuņenena kiena ne Ntewa pimi ke lavisin amiu, nanagane Ntewa pimi pe kiamiu Suņe narui.’

<sup>10</sup> “A pogos laņasia, yoko aworworu e pulkumali tai, ana yoko ve akekaran re naña aure amiu ava asike amio la. Visae sanene, amiu ataveve pupia mrapa nene ava e yepesinas na pulkumali nena, a avisawal va kana yar lala, avisave

<sup>11</sup> ‘Puluyavi na mrapplepa na kiamiu yo nini, imimi metan plan petan lamimi lala, sane kiamiu kile nasitom̄alen tai. Monar ve sinemiu ōesan re, sane lavis ga navesuņenena kiena ne Ntewa imi pun amiu narui, ana pe sinemiun re poli, ana akilalu narui.’

<sup>12</sup> “Nevisa lelaga van amiu, e legiena na liņereena, yokorena la ne sanene la ava e nakoarena tai naña m̄arera manene laa taulu nena naña la nae pulkumali naña Sotom nanua yoko awaria.”

*Yesu pisayu la naña pe amlelaga re e naga poli*

*Matiu 11:20-24*

<sup>13</sup> Ana Yesu pis m̄arera pa yeririna na kumali taņena laņasa, pisape “!Le Korasin, amio le Petsaeta, akila kare manene amiu paņisi wa! Visae le Taea amio le Saeton lala avisuli ga kile la naña kam na apisu ōisi rui, vera na avilopu la nanua rui. La pe ape le Yu re poli, ana vera na la ayen ōilili karo a akuan yavi e ōarila rui, pona atotano m̄a sanene ana yaru la avisu sane sinela piowagan kemua kiela mlamulena viowa la lelaga.

<sup>14</sup> Nevisa van amiu, e pogos naliņereena, yokorena kiamiu nakoarena naga taulu nena naña kiena ne la nene.

<sup>15</sup> “! A amiu le Kapeneam la naña aņarwar amiu paņisi, naña sinemiun asape avisir plan amiu asu manene metava, avisuar amiu! Yoko Ntewa koven amiu ato laa tano rui e pulus nen kapi.”



<sup>16</sup> A Yesu pisa mēna pan la, pisape “Yar naḡa visae yoko logear amiu, naga suḡa mlogear in ke ne, a visae yar naḡa yepen mavin amiu, naga suḡa yepen mavin in ke ne, a yaru naḡa visae yepen mavin in ke sanene, naga suḡa yepen mavin ke yerkawa naḡa naga mligan inu nepim.”

Ana e visena la nene, Yesu mligan yar nalogena lala apanon akila yuḡaena.

*Yar nalogena la aḡasuḡe la si narui*

<sup>17</sup> Ana yar nalogena la nene apa akila yuḡaena wo la moki, ana siraunia aḡasuḡe la si apim puna Yesu, naḡa apulen manene kekarena e sur punu ga naḡa akila rui. Aḡasuḡe la, apisa pa Yesu, asape “! Suḡe, memiyuḡaen sur la e kionḡa kia pa tol naḡa yermare mēna la asu vatanon imimi!”

<sup>18</sup> Ana Yesu pisatarḡe la, pisape “Ee, kieta yuḡaena sanene narui. A in mēna ga, noḡal Yermare molue ma e peni, akoven lua naga pitomi tano sane yekarpla tai.

<sup>19</sup> Nanagane, in na netamian pan amiu rui, nesape akilia avieyar lomara amio logovi, a māreraena kiena ne kieta nasinekar sike mēna vatanon lamiu, ana taḡatete sur tai kila kare amiu.

<sup>20</sup> Ana ve awarwar amiun re ya naḡa in na netamian pan amiu, naḡa ninuna viowa la asike vatanon amiu, ana sur taaga ga naḡa akilia aulen manene kekarena vanonia, na naḡa kiamiu kia lala asiri plan sike loyurḡa e tus namalena rui.”

*Yesu pisa potena pa Arimana*

*Matiu 11:25-27, 13:16-17*

<sup>21</sup> Ana e pogos nene Ninuna Wa kila sinena ne Yesu kekara paḡisi, ana Yesu mlen, pisape “! Ata o, ko ope Suḡe nae ma e peni a Suḡe nae yomarua nini! Nevisa potena van ko, Ata, vanon sur la naḡa e lepas na pun inu, okila meraravan pan la naḡa kiela sitomena sa ga nin sisi lala, ana yaru la naḡa asitom asape ape manmarua a la naḡa asape akilia ruru suria, ko okilawan sur la nene van la. Lelaga ḡa Ata, nanene na sa ga naḡa ko sinomania.”

<sup>22</sup> A Yesu pisa mēna pan la, pisape “Ata mligan suri punu sike e luḡiau rui. A Ata naga taaga naḡa kilia inu sape in na ai, a inu naḡa nepe narina, in ga taaga naḡa nekilia ruru naga, nesape naga ai. Inu nemio la naḡa ne nemliganar la vena nekipian la e Ata vena awasine naga, imimi la nene narui naḡa mekilia ruru naga naḡa pe Arimamimi.”

<sup>23</sup> Ana Yesu pilon pa puna ne kiena nalogena lala, pragogo ga pan la, la ga

amloge, pisape “Ntewa kila po pan amiu paḡisi, naḡa akilia avisu suri la nene.

<sup>24</sup> Navisawalena la mok liu amio ḡarin suḡe la mok liu nanu sumo naḡa la sinelan manene paḡisi asape avisu sur la nene, ana pe apisuli re pogos tai poli, a aḡaryon asape aloge mēna sur la nene, ana la pe amloge re nena poli.”

*Pakaiwa naḡa yere Samaria sinen miye yere Yu tai*

*Matiu 22:34-40; Mak 12:28-31*

<sup>25</sup> Ana pogos taḡena si tai, yar tai naga pe manmarua ruru e navisaluena, naga pisape kilali Yesu e naviunen mārera tai ana naga suḡalu, piun tan Yesu, pisape “?Navianena, visae sineun nesape nekilali netol malena naḡa pe luas re poli, yoko monar nekila ve sanape?”

<sup>26</sup> Ana Yesu pisatarḡe, pisape “Ana kieta Tus Wa pisa ya ne e lepas nene? ?Ko opuloia opisu pisa sanape?”

<sup>27</sup> Ana yar naḡani pisatarḡe, pisape “Tus Wa pisa sanini, pisape: Ntewa na mava naḡa naga pe kionḡa Ntewa, ko monar sineḡa si naga, oligan naga to sumo e losineḡa wetelu, a e kionḡa malena wetelu, a e kionḡa māreraena wetelu, a e kionḡa sitomena wetelu, a ko na monar ositom nalavis puḡa lala, okila wo van la, sa naḡa ko ositom ko ke ga.”

<sup>28</sup> Ana Yesu pisa pania, pisape “Ee, opisa mesmesun nena narui. A visae okila ve sa nene, yoko otol malena nane opiuin ke ne.”

<sup>29</sup> Ana yar nene kilia sape naga pe kila re mesmes sanene poli, ana naga kilali naḡa kila pisape mḡinue ga, piun tan Yesu, pisape “?Ana a la ne asike lavis pun inu naḡa monar nekila wo van la?”

<sup>30</sup> Ana Yesu pisatarḡe kiena naviunena nene e ḡakaiwa tai, naḡa pisape “E legiena tai, yar tai molue ma Yerusalem, suḡa mialoro pito garo Seriko. Ana naga mialoro mḡa sanene pano tol yomārera tai, ana milan ḡegas nen yar na vinauen tai, naḡa apulania, amē kare naga paḡisi, aḡar plan make kiena suria aḡure, amligan naga marluia meke kiena mrapa komsusa.

<sup>31</sup> Ana kieta yar wa tai, naga mēna mialoro e mrapa nene naga siraun pimi, ana pogos naḡa pimi lavisin yar nene, naga miyepe ga pa e isinen mraplepa, mial ḡaro pano.

<sup>32</sup> Ana siraunia, yar taḡena mial pimi. Naga pe Livae la tai, naḡa asuḡa akila ke yuḡaena make ga e Yuḡa Wa mḡana ne Ntewa, ana pogos naḡa pimi tol yar naḡani, naga mēna ga yepen mavin ḡilaena, miyepe ga pa e isinen mraplepa mial ga ḡaro pano.

<sup>33</sup> Ana siraun sina, yar taḗena, naḗa naga suḗa mlilu kiena mrapa viavi tai pimi. Naga pe yere Samaria tai, ana sa naḗa tekilia, yar la nene pe ape erau wo re amio ita le Yu la poli. Ana pogos naḗa pimi tol e yo naḗani, pisu yar nene marlu ḗeke e yo naḗa aḗe ea, ana sinen miye paḗisi.

<sup>34</sup> Ana naga pimi lavisinia, kevan lele la naḗa la nene aḗe, plan sirveve e magka la naḗani, piar ruruia. Ana tarlua yar nena, mligan mon meta e kiena togki, ana mial ḗa amio pano-o tol yo tai naḗa yuḗa na varuruen tai ḗeke ea. Ana ḗere naga pa loyumuḗa ea, miila naga po paḗisi.

<sup>35</sup> Ana kolulagi, ḗar kiena varu tai, kian pa ḗar na yuḗa na varuruena naḗani, pisape 'In na monar neva si e kiau mrapa narui, ana yar nene yoko sike e lumoḗa sumo wa. Ovisuar ruruia e sur punu ga, a visae varu nene ve torok re, yoko in na nevisuveve si e pogos naḗa nowasuḗe si e kiau yalena nini.' "

<sup>36</sup> Ana Yesu piun tan yar naḗa piun naviunena nene pania, pisape "? Opisu suniena nene sanape? ?E yar la telu naḗa amiyal e mrapa naḗa yar nene ḗeke ea, yar ai naḗa kila pania sa ga yar tai naḗa ḗeke ga lavisinia?"

<sup>37</sup> Ana yar naḗa pisape "Nesitom nesape yar naḗa sinen miyea, a miila."

A Yesu pisa si pania, pisape "Ore, naga ke narui, a ko ḗena ga, ova otaveve kiena ḗelaga wo nene."

### *Mareta amio Maria*

<sup>38</sup> Ana e pogos naḗani, Yesu amio kiena nalogena lala amiyaloro ke apa ma Yerusalem, ana apa aḗalḗaliv e narin pulkumali naḗa Petani, ana sira naḗa Mareta ḗere Yesu pa ḗala uḗa.

<sup>39</sup> Ana pogos naḗa Yesu pa sike amio la nene, luena ne Mareta nene tai, kiena kia Maria, naga totano ga teke lavisin lana ne Yesu, toḗa miyagogon ruru ke kiena navianena lala.

<sup>40</sup> Ana e pogos nene, Mareta naga pe toḗa miyagogo re poli, ana naga suḗa ḗareren ke sape kila ruru make sur punu ga suḗate Yesu, a naga sitom manene laa e yuḗaena la nene. A siraunia, pimi pisu Maria to ga tano toḗa ga, miyagogon ḗa Yesu, ana pisa pa Yesu, pisape "Suḗe, luou naḗa to koren ga toḗa sanene, ana in ga taaga nekila make suria. Pona ko opisu kilale re poli yo, ana popon ovisa vania vena imi iila inu."

<sup>41</sup> Ana kieta Suḗe pisataḗe, pisape "Mareta, ko sireyar tai naḗa ositom manene sur paḗisi, a omloge piowagan manene sur moki laa na sanene wa.

<sup>42</sup> Ana sur taaga ga toḗa ga naḗa yoko ko ositom manene urmi ea, nane suri ne nane Maria ḗal rui e kiena malena, ana yoko in na taḗatete si nelalua vetania."

## 11

### *Leniena naḗa Suḗe pian ita ea*

*Matiu 6:9-13*

<sup>1</sup> Pogos tai, Yesu pa mlen e yo tai, ḗisi ḗasuḗe pitomi, ana kiena nalogena tai piun tania, pisape "Suḗe, visae okilia ovian imimi lia vena imimi ḗena mekilian melen, sa ga naḗa sumo na Yoane pian kiena nalogena lala vena alen, vera na wo vaḗisi."

<sup>2</sup> Ana Yesu taḗan, pisape "Pogaga, visae sinemiun leniena, akilia avisa sanini, avisave:

'Arimamimi, torokin kemua naḗa imimi mevatanon kioḗa kia wa.

Memlen mesape kioḗa navesuḗenena imi.

<sup>3</sup> Meḗiun tan ko, mesape ola kinanena van imimi ḗane a e legiena punu ga.

<sup>4</sup> A oviowo kiamimi mlamulena viowa lala, komin imimi meḗewo ke la naḗa akila ke piowa pan imimi.

A ve oligan re suri la imi akilali manene imimi.' "

### *Pakaiwa na viunen suria*

<sup>5-6</sup> Ana Yesu pisape monar ve amaraun re viunen sur tan Ntewa, ana pisa ḗakaiwa tai pan la, pisape "Visae kolemalo koe yepe lilika tai, oilan ga kioḗa erau tai yal imi tol yo pumuḗa. Ana pe koḗa kinanen re si poli, ana monar okirir ova pun yuḗa tai naḗa ḗeke lavisin ko, monar oviun manene tania, ovisave 'Wolai, kiau erau tai pimi porun in ga nagane na wa, ana in na lumau plas nena ga. In na pe kau kinanena re si naḗa nekilia nela van kan poli. ?Ko na koḗa kinanen tai toḗa ga okilia otamḗan van inu sumo wa? "

<sup>7</sup> "Ana sanape, tesitom tesape yoko yaru nene kilia visataḗe visave 'Aa, ve okila re yuḗaena ḗarera sanene van inu. Opisu ke ne, mokotava rui, ana memio nin sisi la, moḗeke e ḗamimi tog rui, ana taḗatete si nesuḗal narui.' Ana peraga, yaru nene taḗatete visa sanene."

<sup>8</sup> Ana Yesu yakol si visena van la, sape "Pona pogos tai yaru tai kilia sitom korenan ko, yepen mavin iila koena vanon ga ko na osike lavisinia. Ana visae ve omawan re naḗa oviun kaḗaran ḗa sanene vano vano-o, yoko yar nene monar la ya naḗa opiun ke ne van ko."

### *Yesu pisayu naviunen suri tan Ntewa*

*Matiu 7:7-11*

9-10 Ana maran taaga e ƣakaiwa kiena ne Yesu nene, naga pisa ke sina pan la, pisape “Yaru naƣa piun ke suria, naga tol silaga, a yaru naƣa kale ke suria, naga m̄alia, a yaru naƣa sigariga ke mratava, pulutava pietava pan silaga. Visae sanene, yoko akilia awar ya naƣa apiun tan Ntewa, a alual ya naƣa akale ke puna, a mratava naƣa asuƣa asigariga ke ne, vietava van amiu.

11 Visae naruƣa tai viso karia, viun narin ika naƣa teke ne, taƣatete ola lom̄ara vania,

12 pona visae naga viun kopululus nen lakaporo naƣa teke ne, taƣatete ola logovi tai van kania.

13 Lelaga naƣa kam na ape yar viowa ga lala, ana amiu yar tai taƣatete kila sanene, asuƣa akekarana ga naƣa ala suri wo la va narimiu la silaga. Sanene, pogos naƣa aviun tan Arimamiu nae ma e peni, naga kekara manene la a naƣa la Ninuna Wa van amiu naƣa ape narina lala.”

*Apisape Yesu miyuƣae ke ga e nam̄areraena kiena ne Yermare*

*Matiu 12:22-30; Mak 3:20-27*

14 Ana siraunia, aƣere yaru tai naƣa yermare pa e naga pimi puna Yesu. Yermare nene kila yar nena pe pis re poli, ana Yesu pilelua yermare naƣani petania, ana naga pis ruru sina, kila yar la naƣa apisu sur nene amilan paƣisi.

15 Ana la ƣas apielue, ana apisalele kare Yesu ƣisa, apisape “Yar nene pile plan ke yermare lala e ga e nam̄areraena naƣa suƣe kiena ne yermare lala, naƣa kiena kia Pielsipel, tam̄an pania.”

16 Ana la si ƣasa, la m̄ena asitom piowa e Yesu, ana asuƣa akilalia, sinelan asape am̄areraena vena kila kile tai nae ma e peni avisuia.

17 Ana Yesu mloge kilale kiela sitomena lala, ana pisape “Visae suƣe tai, kiena yeririna la aliƣere la, naƣa laƣasia akawe laƣasia, yoko yuƣaena kiena ne suƣe naƣani monar loru. A visae uƣa tai, asuƣa aliƣere la, naƣa laƣasa asape am̄ene plan laƣasa, yoko la nene taƣatete asu ruru pog tai.

18 ?Sa m̄ena nini, visae yermare kiena ne Yermare Lego la asuƣa amliƣere la ke rui, ana yoko nasuƣenena kiena ne Yermare Lego sum̄alu ve sanape ne? !Kam na apisa ke sur pa sanene narui, asape in na nesuƣa nom̄ene plan ke yermare lala e nam̄areraena kiena ne pupia yermare naƣa Pielsipel, ana taƣatete nena ve sa nene ƣisa!

19 ?A visae ve sa kemua naƣa apisa, ana komin ya naƣa kam la ƣasa asuƣa am̄ene plan ke yermare? ?Ane tam̄an m̄areraena nene pan la, pona yermare m̄a nene yo? Popon sa kiamiu nalogena la naƣa am̄ene plan ke yermare lala aloge kiamiu visena la nene.

20 Ana peraga, apis pe po re nene poli. In na nesuƣa nepile plan ke yermare lala e ga e nam̄areraena na limana Ntewa, a sur nene na kana kinasa sane navesuƣenena kiena ne Ntewa sike likan amiu rui.

21 “!Apisu ke ne! Sa naƣa visae pupia yar m̄arera tai, naga war kiena pupia suri na mara lala, naga suƣa kirawo ruru ke m̄ana yuƣa. Ana sur kiena ne yar nene su ruru ga suƣa e kiena kove.

22 Ana Yermare Lego kiena yuƣaena naga sa ga nene. Visae yar m̄arera taƣena imi naƣa m̄arera laa taulu naga sane, yoko lalua akila m̄a mara vano naga taulu Yermare Lego, ana yoko kilia war plan kiena sur na mara lala, naƣa naga ƣasine ƣesania, a yoko naga kilia war make sur la naƣa sike loyuƣa e kove nene ve kiena, ana liƣere va kiena yeririna lala.

23 “Yaru naƣa pe taveve in re poli, naga sane suwo in ke ne, a yar naƣa pe miyuƣae re amio in poli, vena moure kiau yeririna la aim lele taaga, naga suƣa m̄ene tetain la ke ne.”

*Ninuna viowa kilia wasuƣe sina imi*  
*Matiu 12:43-45*

24 Ana Yesu pisa m̄ena ga, pisapenua “Pogos tai, pog naƣa am̄enelua yermare e yar tai, yermare nena kilia va yom̄arua vena kaleli yo tai naƣa va se ea ve m̄ana uƣa. Ana visae ve lual re, yoko naga visavenua ‘Aa, yoko neto li si e m̄au uƣa marua na sumo.’

25 Ana pogos naƣa pitomi, yoko naga lual sane akilavan ruru ga m̄eke na, akila ruru make sur la e yuƣa naƣa ƣisi rui.

26 Ana yoko naga va were si yermare taƣena la ve olua naƣa apiowa manene laa taulu naga sane atom amio, ana yoko ava si asike los nen yar nene. Ana yar nene nanua sumo kiena malena piowa, ana siraunia kiena malena piowa manene laa sane.”

*Mrapa na tolen kekarena naƣa lelaga*

27 Ana e pogos nene, sira tai sike amio la naƣa apisu ke sur la nene, a naƣa amloge ke visena kiena ne Yesu lala, ana sira naƣani kekaran paƣisi. Ana pion manenea, pisape “!A kee, anom̄a naƣa ƣar ko, a mla yu pan ko, navisa ruruena kiena ne Ntewa keviu paƣisi pania, naƣa naga ƣar sisi tai sane ko.”

<sup>28</sup> Ana Yesu pisatāmēa, pisape “Ee, nanene na lelaga, ana nevisa van ko, nesape navisa ruruena kiena ne Ntewa va ve keviu manene laa sanene sike e yar ai naḡa logear visena lala kiena ne Ntewa, a naḡa kila ya naḡa naga sinenanania.”

*Yar la naḡa sinelan visuen kile  
Matiu 12:38-42; Mak 8:11-12*

<sup>29</sup> Ana e pogos nene, ḡina la naḡa amia-gogon ke Yesu asuḡa apim la mok manene laa narui, ana Yesu kilia ḡa naḡa sane la moki naḡa apimin ga avisu kiena kile lala, ana pis pan la, pisape “In na nepisu sane lus na yeririna nanagane lala la apiowa laa. La sinelan asape avisu ga kile lala, ana peraga, Ntewa taḡatete nena la kile tai van la vena avisuia. Ana kile kiena ne navisawalena Sona nanua sumo, naga ga nene akilia avisuia.

<sup>30</sup> Ntewa mligan Sona, naga sane kile tai kiena ne la nae Ninive nanua sumo, ana naga mligan ḡena inu Narina ne Yeririna nepimi sane kiamiu kile na nagane tai.

<sup>31-32</sup> “Ana le Ninive la nanua sumo am-loge visena kiena ne Sona, la apilopu la e pogos nene, a yoko la nene asuḡalu ase e legiena na liḡereena, la avisa lologia kiamiu naviowaena, komin yar tai naḡa naga to laa metavan Sona naga sike amio amiu, ana pe apilopu amiu re nena ga.

“A nanua ḡena sumo naḡa sira kawa tai pe ḡarin suḡe tai naḡa molue e kiena purvanua naḡa sike koperin paḡisi, pitomi tano vena loge visena na manmaruaena lala kiena ne yermarua Parin Suḡe Solomon. Ana sira kawa ḡena naḡani yoko naga suḡalu se e legiena na liḡereena nene ana visawal ruru nena kiamiu naviowaena lala, komin naḡa yar tai naga to laa metavan Solomon naga sike amio amiu, ana pe sinemiun re nena naga poli.”

*Pakaiwa lua e lepas na kapi vivaga*

*Matiu 5:15, 6:22-23; Mak 4:21; Luk 8:16*

<sup>33</sup> Ana Yesu pisa ḡena, pisape “Pogos naḡa tesilan kapi vivaga, ve tesilan re ga ḡisi na teva towarwan ḡeke e ḡiliḡili tai e porotano, pona takalo si e piaki tai, ana tesilania vena tetelan to metava, vena visae yar imi loyuḡa ana lual naḡa kapi vivaga nene tegoli make nena yo.”

<sup>34</sup> Ana Yesu pisa ḡena, pisape “Kilamaran yar naga sane yo taaga ga naḡa yomerava pimi ke loyuḡa e tasnena. Sanene, visae kilamaraḡa merarava ruru wo, visu ruru nena sur lala, yoko ve sa naḡa tasnera pulemamaga nena e yomerarava. Ana visae kilamaraḡa viowa, pinaia sur la

punu ga naḡa suḡa pisuia, yoko ve sa naḡa losineḡa pulen nena yemalolo.

<sup>35</sup> Visae sanene monar avisuar ruru amiu, vena kapi vivaga naḡa teke e losine-miu ve imi re si ve sa yemalolo.

<sup>36</sup> A visae losinemiu la ulen ruru luen ga kapi vivaga silaga, naḡa ve narin malo re nena tai teke ea, yoko kiamiu malena tego ruru nenaga, tegoli make yo punu ga.”

*Yesu pis ḡarera pa li nasumonen  
nalotena lala*

*Matiu 23:1-36; Mak 12:38-40; Luk 20:45-47*

<sup>37</sup> Yesu pis ḡa pa ḡina la pa sanene, ana Varasi tai naḡa toḡa miyagogonia pisa pania pisape yoko were va ḡana, kila kinanen tai vania. Ana amio Yesu apano, ana pog naḡa kinanena su ruru pa sike na, ana Yesu pa tovano e lelen kinanena.

<sup>38</sup> Ana e pogos nene, Varasi lala la sane monar atarar ḡarera navisaluaena tai naḡa sane yar monar taveve mrapa laḡasa nakevanen limana, ḡisi na kilia kinana. A Varasi naḡani sitom pisape Yesu naga pe yaru wa tai, naga monar kila ve sa naḡa kiela ḡelaga ḡarera nene pisa, ana pogos naḡa pisu sane Yesu pe sitom manene re kilaen poli, naga milan manene paḡisi.

<sup>39</sup> Ana Suḡe pis pa yar naḡani, pisape “In na nekilia make kiamiu ḡelaga le Varasi la rui. Amiu na sinemiun manene asape akevan ruru ḡamiu piala amio kami pialora la silaga, ana apilaven paḡisi, asitom ke asape kam na amekik paḡisi ne, a ape yar wa. Ana pupia kororaki sike e amiu na wa, komin losinemiu lala pulen kilakotaliaen yaru, a nakila kareen yaru, a ḡelaga viowa la ne sanene.

<sup>40</sup> IE, ve ave wowe re sanene! ?Pe apisu kilale re naḡa asape Ntewa nene naḡa si make sur na vanua e sur punu ga, naga si ḡena loyuḡa na sur make ga, ana po paḡisi naḡa visae akila yepas nemiu la punu ga ikik ruru nena wo lelaga, vanua amio loyuḡa.

<sup>41</sup> Sur nowo la naḡa asuḡa akokonia manene ke e kami pialora amio ḡamiu piala lala, visae aliḡere re ga laḡas va yar la naḡa limala plasia, vera na wo na wo. Visae ve sanene, pona yoko avisu kiamiu sur la imi ikik ruru yo rui, ana ve aḡareran re si kilaen kiamiu ḡelaga taḡena laḡasia.”

<sup>42</sup> Ana Yesu pisayu ḡelaga navisokanena kiena ne li na sumonen na lotena lala pa laa sane, pisape “!Amiu le Varasi lala, o! Akila kare amiu paḡisi wa, yoko viowa manene laa van amiu. In na nekilia ḡa naḡa apisuar ruru ke silaga, asape visae awar kami kinanena ve lualima, yoko

monar tai va e yuñña m̄ana Ntewa, sa naña navisaluaena suñña pisa, a asuñña akila ke sanene e kamiu sur punu ga, pano-o tol m̄ena narin m̄as nen kapis lala a sur m̄ena la naña sane m̄rasil. Ana sur kerkeviu la naña navisaluaena pisa, kam na pe asitom re nena poli, sa naña pisape monar amesmes ruru wo, a monar sinemiu si Ntewa a yar tañena lala. Visae sinemiu uararen narin sur la nene m̄arera, naga pogaga, ana pupia sur kerkeviu la nene popon visae asuñña akila ga rui, ana pe akilali re nenaga.

<sup>43</sup> “! Amiu le Varasi lala, o! Akila kare amiu pañisi wa, yoko viowa van amiu vañisi. Loyuñña e yuñña na leniena lala, sinemiu asape ato luen ga tano e lelen yerkawa lala, a visae ayaloro e marana yeririna lala, sinemiu asape monar avatanon amiu, avio ruru amiu, avisave ‘A ke, navianena wo, pokolulagi!’

<sup>44</sup> Yoko viowa manene van amiu vañisi, komin naña kam na sane suri korena ga, kam na sane lotap marua la naña yaru la sinela p̄esan rui, ana amialor ke ga meta ea, pe apisu kilia re asape suri kona tai menunu m̄eke tano e poli.”

<sup>45</sup> Ana e poglis nene, yar tai naña pe manmarua ruru e navisaluaena, naga m̄ena suñña miyagogonia, ana mloge sane visena kiena ne Yesu tol ruru naga amio m̄ena la naña amiyuññae ke sane naga, ana pisape “! Navianena, nemloge sane sinom̄an osape ovisa kare imimi towe m̄ena ga!”

<sup>46</sup> Ana Yesu pisatam̄ea, pisape “!Ee, yoko viowa m̄ena van amiu li navisaluaen lala! Asum̄a apisir plan ke sina narin navisaluaena lala e lepas nen nalotena silaga, sane sur urmi la naña asuñña akuanpolo sike e m̄asin yar lala asape monar awaria, ana amiu, asuñña ga sanene, pe akululun re nena m̄rasilmamiu tai vena akilali naña aiila la.

<sup>47</sup> Yoko viowa nena van amiu, komin naña kam na asuñña amiyowauia ruru ke tampona kiena navisawalena la kiena ne Ntewa, ana amiu na maran taaga ga sa ke repimiu marua la nanua sumo, naña la ke narui naña am̄e moñar navisawalena la nene.

<sup>48</sup> Kam na amio la nene maran taaga, komin nanua sumo, yermarua la nene la am̄e moñar navisawalena lala, ana nanagane kam na akekan ke yuññaena ken la nene, kam na asikol ke si ne naña asuñña amioa ke kiela tampona lala.

<sup>49</sup> “Kam na sane na visena na manmaruaena kiena ne Ntewa naña pisa nanua sumo, naña pisape ‘Yoko neligan kiau

navisawalena lala a kiau li nalogenena lala imi van la, ana yoko akila kare la, pona yoko awe moñar la.’

<sup>50</sup> Visena nini, kana kinasa sane yoko kam ke narui naña akus nakoena kiena ne nawerñaren navisawalen la punu ga naña repimiu na sumo lala am̄e moñar la, siar e nasiaren purp̄es nen yomarava nini.

<sup>51</sup> Naga nene siar e Epela nene, pimi tol Sakaraea naña repimiu la nene am̄erñaria likan wonta amio yo wa loyuñña e yuñña wa m̄ana ne Ntewa. Lelaga nane nevisa van amiu ne, sane nakoena na kuruta kana navisawalena lala kiena ne Ntewa sike e kam nanagane.

<sup>52</sup> “Ee, piowa pan amiu yaru na kilia ruruen navisaluaena lala, komin kam ke naña amlawan ki na pulutava na kiliaena, ana kam na pe apa re si loyuñña e poli, a asuñña asuwo ke m̄rapa pan yar tañena la naña sinelan asape ava loyuñña.”

<sup>53</sup> Ana Yesu pisa pa visena la nene, molue petan yuñña nene pano, ana navianen navisaluaena lala amio Varasi lala sinela mlaean naga pañisi, naña sinela mimi kar pañisi. Ana la apanon Yesu silaga, asuñña akuan ke visen m̄arera a naviuenen m̄arera la pania vena ayurli naga, ana akilali m̄ena naña asape naga visa visena lañasa naña ve mesmes re.

<sup>54</sup> La apanon Yesu sa naña naga pe sur tetan tai, komin naña sinelan asape alual kiena visena lañas naña torokin aliñere naga vanonia.

## 12

*Navisawanena lala naña tapolou yoko aim akate e yometava*

*Matiu 10:26-27*

<sup>1</sup> Ana p̄ina la apim ke puna Yesu na wa, la ataulu manu mok liu, a poglis naña apim ke lele taaga sanene, yo ve tokaki ga, a asuñña apieyepal kare ke ga lala lala. Ana pogos naña Yesu pe pis re pan la poli wa, pis p̄esan pa kiena nalogenena lala, pisape “Kam na avisuar ruru amiu e p̄elaga viowa kiena ne Varasi lala, komin naña la asuñña apivis ke ga e gola, la asuñña apis vilave ke sanene, ana apisokan ga ne. Pelaga viowa kien la nene kilia va tolkare yar tañena lala, sa naña is na kilaparavi naga ve tokak ga ana p̄armake puluyavi na kilaparavi nene veraga.

<sup>2</sup> Sur viowa make ga naña yar la ne sanene asuñña amiyuññaen vinaun ke na, pona naña apisawan ke ga, yoko amolmolue e yo metava na wa, vena yar punu ga akilia.

<sup>3</sup> Visena ya naña yar pisa ke ga e yemalolo, yoko monar aloge sina ko

legiena, a sur la naŕa yar pisa mumun ke ga m̄ana loyur̄a, yoko monar avion manene si va metava e maran yar make ga, vena yar make ga akilia aloge.”

*Nalogenia kiena Yesu naga monar ve maraun re yaru*

*Matiu 10:28-31*

<sup>4</sup> Ana Yesu pisa m̄ena pa kiena nalogenia lala, pisape “Erau lala, nevisa van amiu sanini, nesape ve amaraun re la naŕa akilia aweńnar ga tasnemi mare, ana sir- aunia taŕatete si akila sur tai va ninumi- u.”

<sup>5</sup> Ana in na sineun nesape nevis ruru van amiu nesape yoko amaraun yar ai? Yoko monar amaraun nena Ntewa, naŕa naga kilia kilanar ŕesan tasnemi sumo, a sir- aunia kilia kuan ninumi vito e lele na logeen viowa. Lelaga ŕa, yar ne nanene na monar amaraunia.

<sup>6</sup> Ana visae amaraunia, yoko taŕatete si amaraun sur tai, komin Ntewa na sum̄a pisuar ruru amiu m̄aga, sitońal amiu m̄aga. Asitomli narin ninlae la naŕa la moki kar ga asike ne, sa ga kororaki, a yar la asum̄a aŕiliwilin ke la lima e ga e narin varu tai, ana Ntewa naga sitońal make la ga peve taaga silaga, pe sinen ŕesan la re nena poli.

<sup>7</sup> A vilŕarimiu m̄ena lala, moki paŕisi, ana naga polo make vilŕarimiu la peve taaga na sike ne. A Ntewa na pisu amiu na po paŕisi, taulu ninlae la nene, ana yoko visuar amiu e sur punu ga na kiamiu malena lala.”

*Yar naŕa pisawal pisape naga pe kiena ne Yesu*

*Matiu 10:32-33, 12:32, 10:19-20*

<sup>8</sup> Ana Yesu pisape “Yar a naŕa pisawal e maran yar lala pisape naga pe kiau tai, yoko inu Narina ne Yeririna inu m̄ena nevisawal e marana ne navisi lala nae ma e peni nevisave yar nene naga pe kiau.

<sup>9</sup> Ana yar a naŕa pisawal e maran yar lala pisape pe pe kiau re poli, yoko inu Narina ne Yeririna inu m̄ena nevisawal e marana yar lala nevisave yaru nene na pe pe kiau re poli.

<sup>10</sup> “Mlamulen viowa amio visen viowa lala, a visena naŕa kila kare inu Narina ne Yeririna, Ntewa kilia viewo ke yar vanon na wa. A yar naŕa kila kare sur wa kiena ne Ninuna Wa, pisayu yumaena kiena ne Ninuna Wa pisape Yermare Lego ga miyumaenia, yar na sanene Ntewa taŕatete viewo pogos tai.”

<sup>11</sup> “A visae pogos laŕasia, yar la sinela kar amiu, yoko avis van amiu. Yoko akilia aure amiu ava asum̄al ase maran yerka- wa lala na yuńa na leniena, pona kumali,

ana ve asitom manene re avisave yoko akilia avisatarńe la ve sanape ne, pona yoko avisa visena ya na van la ne.

<sup>12</sup> E nena e aora ga nene, yoko Ninuna Wa ga iila amiu, vian amiu e visena ya naŕa akilia avisa.”

*Pakaiwa na yaru na sur moki naŕa pe sitom ruru re kiena malena poli*

<sup>13</sup> Ana yaru na ŕina nene tai pion ke pa Yesu, pisape “Navianena, wolai sum̄a kila kare in ke ne, pe mliŕere ruru re lalimana arimamimi pan in poli. Popon ovisa vania monar kila mesmes ga van inu.”

<sup>14</sup> Ana Yesu pisatarńea, pisape “Peraga yaru, sur nene ve in re na nekila. In na pe nepe yar na liŕeeren re yar poli.”

<sup>15</sup> Sanene, Yesu pe kila re sa naŕa yar nene pisa poli, ana mla visena tai pan la e lepas na sinesunen manenea. Naga pisape “Monar avisu ruruia, pe pon re avieluen manene yar taŕena la poli, sine- miun manene laa asape awar kiela sur lala. Kieta malena pe su re e sur moki la naŕa towar poli, ana kieta malena na sum̄al ga sike e sur taŕena.”

<sup>16</sup> Ana e nene Yesu sikol kiena visena pa laa sane, naga pisa ŕakaiwa tai pan la, pisape “Yar na sur moki tai, kiena porotano keviu paŕisi, a po m̄ena paŕisi, ana kana lokove la ŕar kinanen moki paŕisi.

<sup>17</sup> Ana yar naŕa pisu kinanena la nene, sitom ŕele narui, pisape yoko naga kila ve sanape ne, yoko ligan ruru kana kinanena la nene su pe ne, komin kiena yuńa na kinanena lala a kiena yo taŕena la puleule make rui.

<sup>18</sup> Ana yar naŕani pisape “Yoko nowe plan ga kiau yuńa na kinanena na ur- marua la nene, ana nekila si urviu laŕasa, naŕa akerkeviu laa sane, atorokin kinanen make la nene amio kiau sur moki taŕena la naŕa sike ne.

<sup>19</sup> Pogos naŕa nekila pae, yoko nevisave in na sane in ke narui, in na nopo laa narui. !Lelaga ŕa, yoko neloge wo vaŕisi! Kiau sur moki la nene, yoko nakan la m̄a sanene vano-o, la avisuar ruru inu e kas ve moki. E pogos nene, in na taŕatete si neyuńae narui, yoko in na nakan ga yar naŕa in na sineunia, yoko nomun korena ga suria, sane nesu luen ga e malena wo narui.”

<sup>20</sup> “Yar nene sitomiyu ke sanene pano, ana mninue ga, naga ke naŕa Ntewa kila ruru ke sape vis van narui, visave ‘Peraga yaru, ko na ope wowe ga. Yemalo ga nini, nesape nelalua si kiońa malena vetan ko. A kiońa sur moki la naŕa ońareran

omiyuwon polo pe kionña sike ne, yoko a ne ve kiena si narui?"

<sup>21</sup> Ana Yesu pisa pan la, pisape "Yoko ve sa ke nene narui va la naña amiyuwon polo ke kiela sur lala, la ape yar na sur moki e yomarava nini, ana la pe ape yar na sur moki re nenaga e lepas kiena ne Ntewa."

*Yesu pian la sanapen yar naña sitom manene kiena malena*

*Matiu 6:25-34*

<sup>22</sup> Ana Yesu pisa mēna pan kiena yeririna lala, pisape "Visae sanene, in na nevisa van amiu, nevisave, pe pon re kiamiu sitomena la ulen manene kiamiu yunñaena na visuar amiuen ga la poli, naña apiuviun ke asape "Yoko telual kata kinanena pe ne?" pona "Yoko tetol mīata kulmrae na yenen sanape ne?"

<sup>23</sup> Sitomen la nene pe mesmes re poli, komin kiamiu malena naga to laa metavan kinanena, a yepemiu na to laa metavan kulmrae.

<sup>24</sup> Asitomli sako la ne akaka kar ke la ne. La nene pe amapla re lokove po, la pe apanon re añar kinanena pimi po, a pe lelen kala kinanena re tai naña awarpolo se poli. Ana Ntewa pagan la ke ne, a e kiena navisuena, naga pisu amiu ato manene laa metavan manu la nañani, ana naga monar visuar amiu manene laa na wa taulu la.

<sup>25</sup> ?Asitom asape yar naña naga sitom manene laa kiena malena naga kilia kila kiena malena naña plas imi ve piavi li laa sane?

<sup>26</sup> Peraga, pe sa re nene po, komin naña kam na tařatete akila narin sur tai ne sanene, po pon kam na ve asitom manene re sur tařena lala e kiamiu malena.

<sup>27</sup> "Asitomli meme tanea la ne pitotovi kar ke ga la ne. La na pe amiyunñae re poli, a pe asuluwo re mīala kulmrae la poli. Ana nevisa van amiu, řarin suře Solomon nanua sumo, naga pe yar na sur moki a naga kiena sur make ga, ana mīana kulsota pe miyowau ruru re poli sane meme la nene.

<sup>28</sup> Meme la nene na legiena taaga ga, yoko peni ga na asikapi la, ana Ntewa sunña miyowauia ruru la pařisi. ?Ana asitom asape yoko tařatete Ntewa war kulsota van amiu? Peraga, kam na pe apiawa re nena mārera e naga poli.

<sup>29</sup> Komin sur ne la na nene, pe pon re sinemiu ulen manene sitomena, naña asape "Sanape na yoko tekinana, pona tomun suria, pona telual mīata kulsota?" Pe pon re asitom manene sur la sanene poli.

<sup>30</sup> Ee lelaga řa, yar make ga lala na purvanua kerkeviu na yomarava nini la asunña asitom manene sur la ne sanene silaga, ana amiu na, Arimamiu kilia pa rui sape yoko monar awar sur la nene.

<sup>31</sup> Sur naña asitom řesan ve keviu e kiamiu malena, naga navesuřenena kiena ne Ntewa. A visae akila sanene, yoko naga la mēna sur tařena la nene van amiu.

<sup>32</sup> Lelaga řa, kiau narin sipsip lala, Arimamiu sinenan manene pařisi sape tařian amiu aimi avesuřen kiena yeririna lala, ana kam na tařatete sinemiu konan sur tai, yoko suri punu ga woga ga van amiu."

*Yar naña naga pe yar na suri moki*

*Matiu 6:19-21*

<sup>33</sup> Ana Yesu pisapenua "Po pon auliwilin plan kiamiu sur la nene, awar kana varu la va van la naña limala korena vena ailla la. Visae akila sanene, sa naña ařar ke kiamiu pupia karo tai naña mēke ma e peni, naña tařatete viowa pogos tai, a akokonia ke kiamiu sur moki pařisi pito ke ea, naña akilia awasinea, naña yar navinauena tařatete si warlua vetan amiu, naña kirara la tařatete si akila karea.

<sup>34</sup> Popon sane kam na kiamiu sur nowo la ve moki sanene su ma e peni, komin naña yoko kiamiu sitomena lala sulue ga e yo nene naña kiamiu sur nowo la sike ea."

*Nalogeno la monar asu ruruian naña Suře wasuře sina*

*Matiu 24:42-51; Mak 13:33-36*

<sup>35-36</sup> Ana Yesu pisa mēna pan la, pisape "Monar asu ruru silaga vena kiamiu Suře imi mīalivin amiu. Kam na monar ave sa yar na yunñaena kiena ne yerikawa tai, naña mligan la vena va e talopaena tai. A amiyowau ruruia, a asilan kiela kapi lala, asunñalu ga asunña ga, ana pog ya naña kiela yerikawa imi mīalivin la, sigariga mratava, ana la asu ruru asike rui, akilia avietavan veraga.

<sup>37</sup> Pupia navisa ruruena sike e yar la naña amiyunñae sanene, pogos naña kiela yerikawa pimi mīalivin la, ana asunñate mīa naga, atavilo ga asunña ga. Yokorena kiela yerikawa kekaran la vařisi, ana yoko naga va yowau, sirauina imi ana la ailian ga naña vio la vena atotano e kana lelen kinanena, naga pioviun kala kinanena tanea nene.

<sup>38</sup> Pe sur koren ga visae yemalo rui, pona pa ko yepelilika la ne, pona lavis lakaporo kokoreko, ana visae yerikawa nañani imi lual kiena yeririna la atavilon ke sanene wa, řisi na naga kila wo manene laa van la sane wa.

<sup>39</sup> “Ana maran taaga sina ga, visae yar tai kilia ruru pogos naḡa yoko yar na vinauenai tai imi m̄ana, yoko yar nene taḡatete ligan m̄ana yuḡa ana va koyo tai, ana naga monar su ruru ga suḡate m̄aga.

<sup>40</sup> Ana visae sanene, kam m̄ena monar asururuia, asuḡate naḡa inu Narina ne Yeririna neim noḡalivi, komin naḡa yoko neim noḡalivin amiu sina e pogos tai naḡa pe yar tai kilia re poli, pona sitom ke sape yoko nowasuḡe inu ea.”

*Pakaiwa na yar na yuḡaena naḡa kiena yerkawa ḡasuḡe si pimi*

*Matiu 24:45-51*

<sup>41</sup> Ana Pita piun tan Yesu, pisape “?Suḡe, ḡakaiwa naḡa opisa ga na wa, opisa ga pan imimi imimi kiorḡa li nalologena lala, pona pe kien yar make ga?”

<sup>42</sup> Ana Yesu pe pisataḡe ruru re poli, ana pisataḡea e ḡakaiwa tai.

Pakaiwa nena sanini “?Visae yar na yuḡaena tai, naḡa naga pe manmarua ruru ea, a naga ḡuarar ruru yuḡaena nene, naga yuḡae sanape? Visae kiena yerkawa ligan yo vena va perina, ana yerkawa naḡani ligan kiena yuḡaena lala se e limana. Ana yar nene naga visuar ruru yar na yuḡaena taḡena lala, yoko uarar ruru yuḡaena la nene.

<sup>43</sup> A pogos naḡa yerkawa wasuḡe sina, yoko lual sane yar na kiena yuḡaena naḡani, suḡa ḡuarar ruru ke yuḡaena la naḡa na wa. Ana e pogos nene, yar na yuḡaena naḡani kilia loge wo vaḡisi,

<sup>44</sup> komin yoko yerkawa naḡani ligan make kiena sur la e limana ne. Ee, a yoko Ntewa m̄ena ga kila ve sa ke ga.

<sup>45</sup> “Ana visae yar na yuḡaena naḡani yuḡae viowa ga, ana pogos naḡa kiena yerkawa m̄ligan yo pa sike perina, yoko naga sitom visave ‘E, yerkawa nene pa sike gare piavi laa narui, pona ve imi re si yo.’ Ana yoko naga suḡalu kila viowa va kiena yar na yuḡaena lala, pona sira na yuḡaena lala, a yoko naga suḡa kinanan kilavaru kiena ne yerkawa naḡani, a va mun luen ga wii e legiena punu ga.

<sup>46</sup> Ana yoko yerkawa naḡani wasuḡe sina e legiena tai naḡa yar na yuḡaena nene ilan ga, e pogos tai naḡa yar nene pe sitom re pisape yoko imi e poli. Ana yoko yerkawa naḡani la pupia nakoena tai van yar nene, naḡa yoko kila naga va sike e yo kiena ne ḡarm̄arera lala.

<sup>47</sup> “Yar na yuḡaena naḡa kilia ruru ya naḡa kiena yerkawa sinenan pisape monar kila, ana siraunia naga pe kila re poli, yoko awe kare naga vaḡisi.

<sup>48</sup> A yar na yuḡaena naḡa kila pi-owa sane popon awe kare naga, ana

komin naga m̄ninue ga, yoko taḡatete awe manene naga.

“Yar naḡa Ntewa m̄la keviu pania, Ntewa sinenan pisape visu yar nene yuḡae ve keviu m̄ena amio. A yar naḡa visae yar la amligan sur la moki se limana, yoko aviun ke sina sur ve moki vania va laa sane na wa.”

*Yesu pe purḡes nen yar na kaween yar*  
*Matiu 10:34-36*

<sup>49</sup> Ana Yesu pisape “In na nepimin nena nesape neligan kapi e yomarava nini, a popon manene visae kapi nene vivaga rui, ana pere wa.

<sup>50</sup> Ana pupia yuḡaena tai sike vamon inu wa, vena in na monar neva nowarpoyo ea, a nanagane in na nakawean in manene ke vanon rui. Popon sur nene imi vilaga, vena nekilia nekila makea.

<sup>51</sup> ? Kam na asitom ke asape in na nepimin nekila sa naḡa pupia suḡiare imi sike e yomarava? Peraga, in na pe nepimin re neligan suḡiare e poli, ana in na nepimin nekila ḡelaga na viaḡaena imi ve keviu.

<sup>52</sup> Siar nanagane, pona e uḡa tai, yar la lima asike ea, ana yoko la ve telu aviaḡa vetan la ve lua, pona la lua aviaḡa vetan la ve telu.

<sup>53</sup> Yoko yar la asuḡa aviaḡa, naḡa yoko m̄ee lala akawe arimala lala, arimala lala akawe narila m̄ee lala, a anela lala akawe narila sira m̄ee lala, a sira m̄ee lala akawe anela lala, a yoko anen simem lala yoko akawe sira la naḡa atalopa amio narila na yerm̄ene lala, a yoko sira la naḡani akawe anela simem la nene.”

*Monar avisu kilale kile na pogos kiena ne Yesu*

*Matiu 16:2-3*

<sup>54</sup> Ana Yesu pis sina ga pa ḡina lala, pisape “Pogos naḡa ita tevisu pupia m̄eeke e yo naḡa lagi molue ke kom ea, tekilia tesape ḡisi na yua wowo, a ve ve piavi re yoko yua nene imi.

<sup>55</sup> A pogos naḡa visae teloge kieta lagi ura yui, nanene na tekilia tesape yepisu-un vaḡisi ne, a yokorena monar ve sa ga nene narui.

<sup>56</sup> ?Nanene narui, nane asuḡa apisu kilale ke kile lala na sinapane a na yomarava nini narui, avisave yoko pogos ve sanape pona ve sanape, ana sanapen naḡa pe apisu kilale re kiau kile la poli, na pupia pogos nanagane naḡa nesike nemio amiu ea? ?Pona kam na yepemiu mavin ga visu kilaleen yo? Aulai, kam na apilaven manene laa kiamiu visen koren la nene paḡisi wa.



<sup>57</sup> “Popon kam akilali naña akilia towela laa narui sane mrapa ya naña mesmesun aliluia.

<sup>58</sup> Visae pogos tai oveveyun sur tai omio yar tai, ana naga sinenan pisape were ko ova osuñalu ose marana ne yar nalipereena, popon okilayonli naña vena ovis ruru omio naga sumo wa, pogos naña pe atol re kumali poli wa. Visae peraga, pona naga ligan ko e limana ne yerkawa na lipereen yar yo, ana yerkawa nañani pona naga ligan ko mēna ova e limana ne yar na taren yaru lala, a yaru na taren yar lala pona aligan ko e yuñña nakoena yo.

<sup>59</sup> Lelaga, nevisa van ko sanini, nesape visae sanene, yoko tañatete si omolue e yuñña nakoena, vano-o oul plan make kioñña nakoena sumo wa, piñi na okilia omolue sina.”

“Ana visena nini pe lelaga e kiamiu malena na yomarava nini, a pe lelaga mēna e lepas na pun amiu amio Ntewa.”

## 13

### *Visae ve avilopu ko re yoko omare*

<sup>1</sup> Ana yeririna lañas naña asike e pogos nene, la asunyu pa Yesu e lepas kiena ne le Kalele lañasia, naña yerkawa nae Rom naña Paelat kila pēlaga piowa tai pan la. Apisape “La nene, asike e Yuñña Wa mēna ne Ntewa, ana pogos nena naña amlotun ke Ntewa akila kuñapaena pania, Paelat la apim amial monar la. A la añaleara kuruta kan la nene amio kuruta na kuñapaena nene naña la asuñña akila ke ne.”

Ana pogos naña apisa sur nene pa Yesu, la asitom pa rui asape sur viowa nene naña pimi malivin la nene, pona nakoena kiena ne Ntewa tai nene yo komin kiela sur viowa lañas naña akila.

<sup>2</sup> Ana Yesu pisataniē la, pisape “?Kam na apisu le Kalele la naña kiela marena piowa sanene, asitom sanape? ?Pona kam na asitom ke asape la nene na ape yar viowa la lala, taulu le Kalele tañena lala, pona kiela nakoena ga?

<sup>3</sup> In na sineun nesape nevisa van amiu nevisave peraga, pe sa re nene poli. Ana kam na monar avisuar ruruia, komin visae ve avilopu amiu re, yoko kam mēna amare e pēlaga tai ve sa ke nene.

<sup>4</sup> A kam na asitomyuli mēna yuñña na kirakiravaena naña mēke e pulkumali naña Siloam. Naga mon manene metava pañisi, ana poglis nanua mloru ne, ana kowar yar lala, la lualima taaga pa orelu [18] amare. ?Sanapen la nene? ?Pona kam na asitom ke asape la mēna apiowa laa taulu le Yerusalem tañena lala, pona nanene na sane kiela nakoena ga ne?

<sup>5</sup> Ana peraga, naga mēna pe sa re nene poli. Ana in na nevisa si van amiu, kam na monar avisuar ruru amiu, komin visae ve avilopu amiu re, yoko kam mēna amare ke ga e pēlaga tai ve sa nene.”

*Pakaiwa na purpiliva naña pe ñar re mras poli*

<sup>6</sup> Ana Yesu pisa sina ñakaiwa tai, naña pisa sanini, pisape “Yar tai, kana purpiliva tai kapuru sike e kana lokove. Ana pogos tai yar nañani pimiñ purlaki nena, sinenan pisape visulia ñar mā mrasa pona peraga. Ana pimi pisulia, māl purlaki naña pe ñar re nena mras poli.

<sup>7</sup> Ana pis pa yar naña pisuar ke kana lokove, pisape ‘Nanagane tol kas telu narui naña nepimin nakale mras nen purpiliva nini, ana peraga. Sineu maren rui, naga mono korenan ke ga yo wo nene, yoko otelua ga vano.’

<sup>8</sup> “Ana yar nene sinen miye purpiliva nañani, pisa pa kiena yerkawa, pisape ‘Visae sanene, yoko teliganli mon mā tol si kas ve taaga. Yoko nekilayonli naña nekila ruru sumo, yoko nekilivi purpēsa, a yoko nokoven sin puluk lañas va ea vena kila kapur wo.

<sup>9</sup> Ana visae kapur wo, war towe mā mras lañas e kas na sirau, yoko kilia suñña ga sanene, ana visae peraga, naga narui yoko otelua ga na wa.’ ”

Ana ñakaiwa nene pisayu ke sape narin pulmas teke ga wa naña yaru la akilia avilon la, visae peraga, yoko Ntewa la nakoena van la.

*Yesu kila ruru sira marua tai e Legiena Wa*

<sup>10</sup> Ana e Legiena Wa tai, Yesu suñña pian ke yeririna lala loyuniā e kiela yuñña na leniena.

<sup>11</sup> Ana e yo nene, sira marua tai suñña ea, naña ninuna na maiena viowa sike ea. Ana ninuna nene kila naga pa tol kas lualima taaga pa orelu [18] rui, kila māsina ne sira nene pulu nena pañisi, naga suññalu mesmes pēle sina.

<sup>12</sup> Ana pogos naña Yesu pisuia, pio pimi, pisa pania, pisape “Sira marua, nevisa sanini, nevisave ko, inanena naña piar ko ke ne, ligan ko ga nanagane.”

<sup>13</sup> A Yesu mligan limana tea amio visena nene, ana māsina pimi po ruru veraga e nena e pog nañani, ana sira nañani mloge po pañisi, mieluar Ntewa.

<sup>14</sup> Ana nasumonon na yuñña na leniena nañani sinen kar Yesu vanon naña kila ruru sira naña e Legiena Wa. Ana pis pa yeririna lala, pisape “Sa naña tekilia rui, tekilia teyuñae e legiena ve orai, a legiena ve taaga ve teyuñae re. Visae sinemiun naña akila plan maiena vetan amiu, popon

aimi e legiena orai la nene, ana Legiena Wa na sa nini pe pe kana pogos re nene poli.”

<sup>15</sup> Ana Suŕe pisataŕnea, pisape “?Sanape? ?Pona akepu ke kiamiu puluk la e Legiena Wa yo, pona pe akila re poli? ? Pona apagan ke kiamiu sur mal lala, pona amla wii pan la e Legiena Wa yo, pona pe akila re poli? ? Ana vanon ya ne kam na pe akekaran re naŕa nekila suri wo e sira marua nene? !Kam na ape yar navilavenen ga vis korenenen nene!

<sup>16</sup> Sira marua nini, naga vineta tai naŕa ita punu ga tomolue e lus kiena ne Epraam, ana Yermare Lego piar manene panon inanena nene ŕne kas lualima taaga pa orelu rui. Ana in na nepisu sane Legiena Wa naga torokin ga naŕa tourelua naga e yo viowa naŕa naga sike ea.”

<sup>17</sup> A pogos naŕa Yesu pisa visena nene, kila kiena nasinekar la naŕani amloge amawa paŕisi e marana ne yeririna lala. Ana yar taŕena lala, la amloge akekarapaŕisi e yumaena namareraena wo la naŕa Yesu kila pan la.

*Pakaiwa na kurus nen mrapa  
Matiu 13:31-32; Mak 4:30-32*

<sup>18</sup> Ana Yesu pisa ke sina ga, pisape “?Yoko nevisa visena ya ne van amiu vena kila na akilia sane nasuŕenena kiena ne Ntewa naga sanape? Yoko nevisave nasuŕenena nene naga sane sur ya?

<sup>19</sup> Yoko nekilali naŕa nekila merarava van amiu e ŕakaiwa nini, naŕa pisape: Nasuŕenena nene, naga sane kurus nen mrapa naŕa mloru pito pelan te laki tai. Kurus nene na ve tokak paŕisi, ana pogos naŕa kapuru, pimi pe purlaki tai naŕa keviu manene laa, ana manu la akila ŕnala ponovi lala e kana korowas lala.”

*Pakaiwa na is  
Matiu 13:33*

<sup>20</sup> Ana Yesu pisa sina ŕakaiwa taŕena pan la, pisape “? Pona nevisave nasuŕenena kiena ne Ntewa sa si ya narui?

<sup>21</sup> Nasuŕenena nene, naga sane sira tai ŕalelar is amio yavi na kilaparavi pa e pupia pialora tai, ana narin is naŕani kila kilaparavi la punu nene mlapa.”

*Mrapa lua ga  
Matiu 7:13-14,21-23*

<sup>22</sup> Ana Yesu mla si kiena mrapa, sinenan pisape va ma Yerusalem. Ana pogos naŕa pa sane, pa kome pulkumali lala, suŕna pian ke yeririna lala.

<sup>23</sup> Ana yar tai piun tania, pisape “?Suŕe, la naŕa yoko atol malena la moki, pona pe la moki manene re poli?”

<sup>24</sup> Ana Yesu pisataŕne la, pisape “Monar akilayonli naŕa ava loyuma e pulutava taŕena nene, naŕa ve tokak la ga. Nepisa ke lelaga na pan amiu ne, nesape yoko yar la ve moki naŕa sinelan asape ava loyuma, ana yoko taŕatete akila.

<sup>25</sup> Nanene komin naŕa siraunia, yoko yerkawa na yuma, naga visu sane toroki rui, ana yoko naga suŕmalu, kotava ruru sina. E pogos nene, yoko kam ve moki naŕa aim awon amiu ase mratava nene, asigar ga avio, avisave ‘Suŕe-o, awis ovitavan imimi!’ Ana yoko yerkawa naŕani visataŕne ga sanini visave ‘Peraga o, nemninue amiu nena ga! Kam na yer pe la nene?’

<sup>26</sup> Ana yoko akilali naŕa avisa van e pogos nene, avisave “?Ana sanape, ko na pe ositonŕal re si naŕa osape ita ke narui nanua tesuma tekinan ke lele taaga ne? Imimi ke narui naŕa opam opian imimi ke e yometava la nene e kiamimi pulkumali lala?”

<sup>27</sup> Ana yoko naga visa van la, visave ‘In na nepisa pan amiu yam tai rui, nesape nemninue amiu nena ga, nesape kam na yer pe la nene. Nekilia nesape kam la nene kam na yar na kilaen ga ŕelaga viowa lala. !Pogaga, kam na aure matan inu nagane!’

<sup>28</sup> E pogos nene, yoko kam na aloge viowa vaŕisi, yoko atag vano-o ŕisa, asuma akar maluemi. Nanene komin naŕa yoko kam na avisu yeririna wo lala kiena ne Ntewa, naŕa sane Epraam, Aisak, Sekop, a navisawalen taŕena mna ga lala, la asu ruru ga asike loyuma e kiena nasuŕenena ana kam na akoven amiu asumaŕalu asuma ga vanua sanene.

<sup>29</sup> “E pogos nene, yoko yeririna taŕena la ve moki naŕa amolue e mrapun yomarava varoka, aimi atosano vena akinana e pupia ŕaŕagena loyuma e navesuŕenena kiena ne Ntewa, ana kam na taŕatete ava loyuma.”

<sup>30</sup> Ana Yesu pisa make kiena visena e pogos nene, pisape “Ana yar la naŕa asirau, ŕisi na la asumo, a la naŕa asumo, ŕisi na la asirau.”

*Parin Suŕe Erot sape weŕiar Yesu  
Matiu 23:37-39*

<sup>31</sup> Ana e pogos nene naŕa Yesu pa ke ma Yerusalem wa, Varasi laŕas apim puna, apisawal pania, apisape “Pona ko pe okilia re poli yo, naŕa Parin Suŕe Erot, naga pisaar rui pisape yoko weŕiar ko. Popon oure ova gar Yutea sumo wa, komin naga pisuar ke lepas nini.”

<sup>32</sup> Ana Yesu pisataŕne la, pisape “In na pe nesitom re kawen nene nesape naga pe

yar tai naŋa kilia kila sur tai van inu poli. Yoko ava avisawal e marana, avisave in na nekila ke ne kiau yuŋaena sumo wa. Avisava vania avisave in na nomŋene plan ke yermare lala, a nekila ruru ke namaiena lala, a yoko neyuŋae ve sanene ŋane, amio peni, amio mŋena vewo, vano-o nevisu sane nekila make nenaga.

<sup>33</sup> Ana nekilia nevisa van amiu, sane ve asitom manene in re, komin naŋa e ke e legiena la nene narui, in na nomolue nepa ke sanene narui. Monar neva netol ke ne yo ma Yerusalem wa, komin naŋa nepisu sane siar nanua sumo yar la aŋe moŋar kiena navisawalena lala e ke e yo nena nene narui.”

### *Yesu sinen miye Yerusalem*

<sup>34</sup> Ana e pogos nene, Yesu sitom manene Yerusalem pano-o taginia, pisape “Yerusalem o! Komin ya ne omŋe moŋar ke navisawalena lala, a okove moŋar ke yar la naŋa Ntewa mligan la pimi pan ko? Yam mok liu naŋa sineun nesape neligan lumau yervivi kioŋa yeririna lala, sa naŋa lakaporo mligan narina lala apim atapolou vatanon kupena, ana kioŋa yeririna lala pe akekaran re poli.

<sup>35</sup> Ana opisu ke ne, Ntewa pilon ke masina pan ko narui, ana naga pitetalia inu nepim ŋes e nini, ana nevisa van ko, nesape yoko kioŋa yeririna lala taŋatete si alual inu, vano-o tol pogos naŋa avisu kilale inu, avisayu inu, avisave  
‘!Ntewa na mava, ovisa ruru naga naŋa pimi e kioŋa kia!’ ”

## 14

### *Yesu kila ruru namaiena tai*

<sup>1</sup> Ana e Legiena Wa tai, nasumonena tai kiena ne Varasi lala ŋere Yesu pa kinan mŋana. Ana yar taŋena mŋena la ŋasia asike e pogos nene, naŋa pe sinelan re Yesu poli, la asuŋa apisusu naga visae kila sur tai naŋa ve mesmes re, la akilia akila sur tai vania.

<sup>2</sup> Ana yar namaiena tai sike loyuŋa amio la e pogos nene, naŋa yar nena yepena la sirorop paŋisi. Ana Yesu pisu yar nene,

<sup>3</sup> ana pis pa navianena navisaluaena lala, piun tan la pisape “?Sanape e lepas na kieta navisaluaena? ?Pisape tekilia tekila ruru maiena e Legiena Wa, pona pisaluŋar pisape ve tekila ruru re?”

<sup>4</sup> Ana pogos naŋa Yesu piun naviunena nene, apisu sane taŋatete avisatanŋea, atopur nenaga. Ana Yesu ŋere yar naŋani pimi lavis puna, kila ruru sina, ana pisape kilia wasuŋe si va ga uŋa.

<sup>5</sup> Ana naga pis pa la naŋa asike ne, pisape “Kam na asitomyulia. Visae kam yar tai nene, e Legiena Wa tai, narina tai pona kiena sur mali tai va loru vito e ŋiliŋili na wii tai, ana yoko okila ve sanape? ?Yoko ovitaŋilin ne, naŋa ova ga ourelua si ne, pona ovisave: Ke, piowa narui e, nagane na Legiena Wa nini narui, navisaluaena pisape ve neyuŋae re e Legiena Wa, ana pona naruu pona kiau sur mali nene mon mŋa e ŋiliŋili wa, neva ga nourelua peni? Peraga, pona yoko ovitaŋilin ga ourelua yo.”

<sup>6</sup> Ana la aminue kare narui aŋa yoko avisatanŋe si naga e lepas nene ve sanape, la asupur ga asike na.

### *Pe pon re yar ga visirlua sina naga poli*

<sup>7</sup> Ana pogos naŋa apim asun ke naŋa atotano e kinanena nene, Yesu pisu kilale naŋa la taŋena laŋas naŋa ŋar na ŋaŋagena pio la apimi, sinelan manene alual yo tai naŋa po, la apa atowo lelen yerkawa la metava. Ana Yesu pisu kiela ŋelaga navilaveena la nene, ana pisa pan la pisape

<sup>8</sup> “Visae pogos tai avio kon ova e kinanena natalopaena tai, pona sur tai sane ŋaŋagena, ana pe pon re ovitaŋilin naŋa ova oto nena tano e lelen yerkawa la poli. Pona yo nene akila ruru monŋate ke pupia yerkawa tai yo, ana pe okilia re poli,

<sup>9</sup> ana yoko ŋar na ŋaŋagena imi visa van ko, visave ‘Ake wolai, pe sineyeena paŋisi, ana yoko otom ke ne tano wa, komin naŋa oteke e lelen kiau yerkawa naŋa.’ Ana yoko omawa ologe viowa vaŋisi, ana yoko monar oto si tano, okilali naŋa olual narin pulmas tai tano vena okilia olawan marama ea.

<sup>10</sup> “Ana ŋelaga wo na sanini, visae avio ko ova e kinanena tai, pogos naŋa omalivi ea, yoko ova oto ga tano omio yar kar ga lala. Ana visae ŋar na ŋaŋagena vim visu ko, visave ‘E, yerkawa, nepisuar ruru lelenŋa teke meta ma e ne rui. Yoko ita lua tevavini, neligan ruru ko otea.’ Ana e pogos nene, okilia ologe wo vaŋisi, naŋa ŋar na ŋaŋagena pisirlua ko sanene e maran yeririna taŋena la naŋa akinan ke lele taaga.

<sup>11</sup> Naga sanene narui, sane yar naŋa naga ga pisirlua naga, yoko aligan naga mon tano, ana yaru naŋa mligan naga mon tano, yoko avisirlua naga.”

### *Popon ovio mŋena yar naŋa limana korena ga imi e kioŋa ŋaŋagena*

<sup>12</sup> Ana e pogos nene, Yesu pisa mŋena visena tai pa yar naŋa pio naga pimi kinan

māna, pisa pania, pisape “Nagane, tepisu pogos naḡa visae yar la akila kinanena tai, la sinelan ga avio kiela erau wo lala, pona kiela wolaī lala, pona kiela namratava taḡena lala, amio mēna pupia yerkawa la naḡa asike lavisin la. Akila ke sanene, komin akilia ke asape visae siraunia, visae la mēna akila kinanena pogos tai, yoko monar akila maran sina van la.

<sup>13</sup> Ana ḡelaga wo na kilaen e ḡaḡagena naga pe sa re nene poli. Popon manene ovio yar taḡena lala, sane la naḡa limala korena ga, a la naḡa tasnela la piyowa ga, pona laulu lala, pona kilamara ḡala lala, yar la ne sanene, la aim akinana amio ko.

<sup>14</sup> Yar sur la ne sanene la taḡatete akilamaran si van ko pogos tai, ana pogos naḡa Ntewa pisu naḡa okekaran opure la nene apim akinana moḡa, yoko naga kekara vaḡisi. Yoko naga visa ruru ko, a yoko owar kioḡa nalaena wo vanonia, nanene e pogos naḡa naga kila kiena yeririna mesmes lala amal si vetan marena.”

*Pakaiwa na visawoena*

*Matiu 22:10*

<sup>15</sup> Ana yar tai toḡa e kinanena nene, naga mloge mēa naḡa Yesu pisayu ke pisape yoko Ntewa visir plan kiena yar mesmes lala e legiena maro, ana naga pisape “!Lelaga naḡane, yoko wo manene laa van ita e pogos nene, naḡa ita tesikol ita e pupia ḡaḡagena nene loyūḡa e nasuḡenena kiena ne Ntewa!”

<sup>16</sup> Yar nene pona naga sitom ke sape naga po narui, ana yar la na sanene la sinelan re vaen loyūḡa poli, ana Yesu pisa ḡakaiwa tai e lepas nene, naḡa sanini “Yerkawa tai, naga sinenan pisape kila pupia kinanena tai, ana pio yar la moki naḡa aimi.

<sup>17</sup> Ana pogos naḡa kila ruru make sur punu ga ḡisi, naga pitetalia kiena yar tai vena vanon were la naḡa apio la ḡisi rui aimi.

<sup>18</sup> Ana pogos naḡa kana yar nena pimi mālivin la, la make ga nene maran taaga asuḡa akila ke sina ga visena na visawoen suria. Tai pisa sanini, pisape ‘Pogaga, ana in na nopol ga kiau narin porotano tai na wa, ana nepavin ke nesape nevisulia aḡa porotano nena sanape wa. Yoko ovisa va yerkawa ovisave pe nasineyeena paḡisi ana taḡatete neiḡas nanagane.’

<sup>19</sup> A taḡena, pisa sanini pisape ‘Pogaga, ana in na nopol ga kiau puluk laḡas na wa, vena ureen kiau kat lala, ana nesape neva nevisu la lia aḡa aḡarera ruru mēaga. Yoko ovisa va yerkawa ovisave pe nasineyeena paḡisi, ana in na taḡatete neiḡas nanagane.’

<sup>20</sup> A taḡena mēna ga, naga pisape ‘Pogaga, ana in na nekila ga ḡaḡagena na kiau talopaena nanua ga nagane, ana in na nepisu sane taḡatete neiḡas yo, komin sur moki paḡisi.’

<sup>21</sup> “Ana yar naḡani pimi pisawal visena la naḡani pan kiena yerkawa, mloge, sinen kar la. Ana naga pitetalia sina kiena yar naḡani, pisape ‘Pogaga, oyal kawa, ova e narin mrapa la ne lavis ga naḡa, ova olual la naḡa pe kiela sur re poli, amio la naḡa tasnela la piyowa ga, amio laulu lala, amio kilamara kata lala, ana owere la nene aimi e kieta ḡaḡagena.’

<sup>22</sup> Ana naga pa kila, ana siraunia ḡasuḡe si pimi pun kiena yerkawa, pisape ‘Suḡe, sur naḡa opisa ḡa, nekila rui, a yaru moki apimi, ana yepa keviu mēke ga wa.’

<sup>23</sup> Ana pitetalia ke sina ga, pisape ‘Visae sanene, ova sina, ova kare ga yo uḡa la e pulkumali, a omāreran kare ga va yar naḡa visae olualia, ovisave monar aimi, vena akokonia kiau kove, vena akila ḡaḡagena nini imi wo.

<sup>24</sup> Taḡena la naḡa akila ke navisawoen viowa lala, in na nepio ruru la nesape aim e ḡaḡagena nini ḡa rui, ana nanagane, yoko taḡatete nena lala yaru tai kan re narin kinakinas nen kinanena tai e ḡaḡagena nini ḡisa, peraga. !Nepisa ruru ga ne!”

*Yesu naga monar to sumo e malena kiena ne kiena nalogena lala*

*Matiu 10:37-38*

<sup>25</sup> Ana Yesu mla sina kiena mrapa, pa ke meta ma Yerusalem na wa, a pupia ḡina moki la ataveveia. Amiyal mēa pano-o, pilopu naga kira pimi pula, pisa pan la pisape

<sup>26</sup> “Yar naḡa sitom sape taveve inu, naga monar ligan inu neto nena sumo e kiena malena, in na neto manene laa metavan arimana, pona anena, pona wona, pona narina, pona wenla, pona vinena. Yar naḡa pe pisu kilale re kiena malena sane naga pe pe sur re tai poli, naga pe torokin re nena naḡa imi sane kiau nalogena poli.

<sup>27</sup> Ana yar naḡa sinenan sape imi ve kiau nalogena, naga monar kila sanini. Monar kus kiena lak torovia, taveve inu lue ga, sa naḡa kilia taḡan naga loge viowa vanon inu.

<sup>28</sup> Po pon asitom ruru ke ne sur nene sumo wa, ḡisi na avitaḡilin visena, avisave sinemiun ataveve inu.

“Nanene naga sa ga naḡa yaru tai, visae sitom ke sape kilia kila pupia yuḡa tai, naga monar totano, visu ruru ke ne sumo wa, wolo ruru kiena kilavaru nakilaen yuḡaena nene, naga monar visu kilale

sane yoko naga torokin kilia kila make pupia yuñäena nene, pona pe torokin re poli.

<sup>29</sup> Visae peraga, yoko naga siaria, yuñäen ruru ðeren yuñä nena, va laa sane, yoko ilan ga naþa limana ve plas ruru nena ga ana yoko yuñäena nene loru ðeke na. Ana pogos naþa yar taþena la aimi avisu yuñä naþa komþas ðeke na amio kana lepas ne lala, a pe ðaero pa re e poli wa, yoko avitalia kare yar nene narui, yoko avisave

<sup>30</sup> 'Ke, yar nene, kiena sitomena po paþisi. Sinenan sape yuñäen ðana yuñä, ana pe maplar ruru re kiena yuñäena po, ana taþatete nena kila makea.'

<sup>31</sup> "A yar naþa sinenan sape visaar naþa yoko imi kila yuñäena amio inu, naga monar kila sane þarin suþe tai, naþa yerka wa taþena suñälunia, þere kiena pupia þegas nen nakilaen mara tai aim akila mara vania. Li namara kiena ne þarin suþe nene pe la moki re poli sane yerka wa nene, ana þarin suþe nene monar visu ruru sumo, monar sitom rurua, sane naga kilia taulu pupia þegas naþa pimi ke ne, pona taþatete taulua.

<sup>32</sup> Visae visu sane taþatete kilia kila, naga monar ligan visena vano va yerka wa, pogos naþa sike perina wa. Naga monar viun tania, visave yoko ul va naþa yerka wa nene pisa, vena lalua asu sina e suñäre. Visae ve sanene, naga monar vatanon yerka wa, tañan make nena naga vania.

<sup>33</sup> Ana kam naþa sinemiun asape aim ataveve inu, monar avisu kilale sane kam ðena monar akila ve sanene van inu. Yar naþa pe tañan re kiena malena poli, amio make kiena sur van inu, naga taþatete kilia imi sane kiau nalogena."

*Pakaiwa na sive naþa aþeven e kina-nena*

*Matiu 5:13; Mak 9:50*

<sup>34</sup> Ana Yesu pisa sina þakaiwa taþena pan la, pisape "Sive naga pe sur tai naþa po paþisi, ana visae pogos tai sive nene ve melkalka ruru re sina, taþatete kila kiena yuñäena naapo, a taþatete si sur tai kilia kila imi melkalka ruru sina.

<sup>35</sup> A sive na sanene, taþatete si kilia kila yuñäena wo taþena tai van ko moñä uñä, pona van ðena koñä lokove. Sur nene naga pe na kovenen ga va e kororak narui.

"Naga ke nene narui naga pe kiau toutou na kiau nalogena naþa kilalu kiena nañareraena nakilaen kiau yuñäena. Ana yar naþa kiligana teke ea, popon naga loqe kilale kiau visena nene."

## 15

*Yesu kila erau amio yar viowa lala*

<sup>1</sup> Ana e pogos la ne sanene, apisu sane yar laþas naþa yar la pe asitom la re poli, sane yar na takis lala, amio yar taþena la naþa Varasi la asape la apiowa ga, la ðena apim ke lavisin Yesu vena ayagogonia.

<sup>2</sup> Ana pogos naþa Varasi lala amio navianen navisaluaena lala apisu naþa Yesu sinenan pisape sun amio la nene, apisu sane piowa ga, ana asuñä apisa ke apisape "Lelega kemua naþane, yar nene naga sitom ga li namlamulen viowa la ne sanene, a silaga sinenan ðena sape va kinan lele taaga amio la. ?Pona naga pisu sane la ga kiela þelaga po yo, a ita na kieta piowa ga?"

<sup>3</sup> Ana la kiela sitomena sane kila Yesu sun pan la e þakaiwa la naþa pisayu sanape naþa naga pimi e yomarava nini vanon yar naþa kilalu mrapa.

*Pakaiwa na sipsip naþa kovio*

*Matiu 18:12-14*

<sup>4</sup> Pakaiwa þesa kiena ne Yesu e lepas nene naga sanini, naþa pisa pan la, pisape "Yar tai, naga pe yar na vaganen sipsip, ana kiena sipsip lala tol ponotia taaga [100]. Kiena sipsip la moki sanene narui, ana visae pogos tai tai va kovio, yoko naga sitom korenan ga, pona naga sitom vaþisi? Yoko naga monar ligan kiena sipsip taþena lala asuñä ga sanene wa, ana naga vanon naþa kovio, kale ða vano-o lualia.

<sup>5</sup> A pogos naþa lualia, kekaran vaþisi, yoko kuslua sipsip naþani va e purkaunena, kus wasuþe imi.

<sup>6</sup> Ana siraunia, pogos naþa þasuþe si pitomi tano uñä, yoko vio namratava la puna pona kiena erau taþena lala vena aimi. Ana naga sunyu van la, visave 'Aulai, sur tai nini naþa ita tekilia teloge won vaþisi. Kiau sipsip tai naþa pa kovio na kovio lue, ana yoko nepanonia, nepa nakale ða pano-o, noñälia. !Pogos naþa noñälia, nekekara na nekekara!'"

<sup>7</sup> Ana Yesu pisa meraravan pa Varasi lala, pisape "Ana yoko ve sa ke ðena nene ma e peni. Yar mok liu naþa asike e yomarava nini naþa sane amiu, la asitom ke asape la na apogaga narui, ana asape ma e peni amloge ke pon amiu la ne sanene yo? Ana pogos naþa visae yar namlamulen viowa ve taaga ga, naga vilopu kiena malena, yoko pupia kekaran vaþisi vania ma e peni, naþa va ve keviu re laa sane na wa. Suri ne nanene kila narui inu na nekekaran sunen nemio yar la naþa kam na pe akekaran la re poli."

*Pakaiwa na kururu varu naþa kovio*

<sup>8</sup> Ana Yesu pisa si Ɔakaiwa tai e lepas nene, pisape "Sira tai, naga kiena kururu varu lualima, naƆa mlawan ruru teke e m̄ana loyuniā. Ana visae pogos tai, naga wasuƆe imi m̄al tai naƆa mloru rui, teke ko yo, yoko naga kila ve sanape narui? Yoko war kapi vivaga, war plan make kiena suri lala, yevan ruru m̄ana loyuniā vano vano lualia.

<sup>9</sup> Ana pogos na lualia, yoko vio nam-ratava la puna, pona kiena erau taƆena lala, vena aimi. Ana yoko naga sunyu van la, visave 'Aulai, sur tai nini naƆa tekilia teloge won vaƆisi. Kiau pupia kilavaru tai nekilalua pa kovio nenaga, ana siraunia, nakale m̄a pano-o, nomiālia. Pogos naƆa nomiālia, nekekarana pano-o Ɔisa! "

<sup>10</sup> Ana Yesu pisa meraravan pa Varasi lala, pisape "Ana yoko ve sa m̄ena nene ma e peni. Visae yar na mlamulen viowa ga tai, naga vilon kiena malena, yoko navisi kiena ne Ntewa lala avisu naƆa pupia kekarena paƆisi ma e peni."

*Pakaiwa na yaru m̄ee naƆa pa kovio*

<sup>11</sup> Ana Ɔakaiwa maro kiena ne Yesu e lepas nene sanini, naƆa pisape "Yaru tai, narina na yerm̄ene lua, naƆa lalua amiyuniāe ke amio naga e kiela porotano.

<sup>12</sup> Ana pogos tai, prasmaro na lalua nene suñalu, pisawal pa arimala, pisape 'Ata, in na sineun nesape nowar kiau kilavaru komƆasa naƆa na lalumoniā nagane ga ne.'

"Ana sur nene pe mesmesun re nena naƆa naga viuun sanene poli, komin arimana mali sike ga wa, ana arimana pe pis re poli, mliƆere make kiena suria, tam̄an komƆasa pa prasmaro nene, a komƆasa pa m̄earu.

<sup>13</sup> A yokorena yar m̄ee naƆani suñā Ɔiliwilin plan make sur la naƆa arimana Ɔar pania, ana siraunia pe piavi re poli, a m̄a ga naga kon make kiena sur lala, Ɔar kiena kilavaru pion pano. Ana naga pa sike e purvanua taƆena tai koperin paƆisi, ana e yo naƆani, naga pa make nenaga e Ɔelaga viowa lala, kan kilavaru naƆane pano-o, kila kare make punu nenaga.

<sup>14</sup> "Ana naga kilia ruru sane limana plas ruru ga na wa, a e legiena nene, pupia viso pimi tol purvanua naƆa naga sike ea, mligan yar m̄ee naƆani sike e yo tai naƆa m̄arera paƆisi.

<sup>15</sup> Ana pa kale yuniāena tai naƆa pona naga kilia yuniāen vena tamalia kiena malena, ana pa miyuniāe kiena ne yerkawa tai e yo nene, pagan kiena nompui lala. Yar m̄ee naƆani, naga pe mesmesun re kila yuniāena nene poli, komin naga palia nompui sane ita le Yu

la, ana yuniāena taaga ga nene naƆa naga kilia m̄alia.

<sup>16</sup> "Ana miyuniāe m̄a sanene pano-o, ana pe amla re kinanena pan poli, a pe m̄al re mrapa na lualen kinanen poli, kila naga visokar luen ga. Naga visokar m̄a sanene pano-o sinenan sape suan limana vito e karo na kinakinas nen kinanena ka nompui la naƆa komƆasa pililua rui sike ea, amio purkavila na kona la naƆa kiena yerkawa ponpolo suñā ga vena kiena nompui la akania.

<sup>17</sup> Ana pogos naƆa naga sinenan ke sape kila sanene, naga ga pisu kilale si naga narui, pisu kilale naƆa kiena Ɔarm̄arera ga kila kare manene si naga. Ana sitoñal si arimana amio m̄ana um̄a, pisape 'Lelaga kemua naƆane, in na nepe wowe paƆisi. Kiau Ɔarm̄arera ga nane kila nesike viso karm̄arin ke e yo nini. Ositomyu la naƆa sane ape yar na yuniāena kiena ne ata. Naga Ɔar ke kinanena moki pan la e legiena punu ga, naƆa yoko akan make Ɔele ga.

<sup>18</sup> Sanene, popon nowasuƆeli in ga narui, neyuniāe re ve sa la nene. Yoko neva nevisu ata, nevisa sanini vania nevisave: O Ata, in na nekila pupia mlamulen piowa pa Ntewa, a pan ko m̄ena ga.

<sup>19</sup> Nanagane, pe popon re si naƆa ovisu inu sane nepe narum̄a tai poli, ana nesape neviun tan ko vena sineñā ye inu, otam̄an inu neyuniāe re ga sane lala yar tai naƆa miyuniāe kiorñā ke ne.'

<sup>20</sup> "Ana naga kila ruru kiena sitomena sanene, ana suñalu, pimi lelei m̄a pimi ƆasuƆe si pu arimana.

"Naga pe kilia re poli, ana arimana sitoñal luen ga naga silaga, suñā kirakira ke mrapa sape pona naga imi. Ana pogos naƆa sike perinan um̄a wa, ana arimana pisu kilale, sinen miye paƆisi, ana kiriri pa pitawea. Ana pogos naƆa pimi puna narina naƆani, kutararia e limana luwoka yepen mavin liganen sina.

<sup>21</sup> Ana yar m̄ee nene pisa pa arimana narui, pisape 'O Ata, in na nekila pupia mlamulena piowa paƆisi pa Ntewa, a pan ko m̄ena ga. Nanagane, pe mesmesun re si ovisu inu sane narum̄a tai poli.'

<sup>22</sup> "Ana arimana pisaluƆaria, pio kiena yaru na yuniāena lala, pisape 'E, ava vilaga, ava awar kulsota tai naƆa po, amio kana kulus nen lana, a kana riƆ nena, sur la ne sanene, awar imi ayen ea.

<sup>23</sup> A narin puluk naƆa apagan mlapa po ne, ava awem̄aria, tekila kinanena tai takania vena tekekarana temio prasmaro nini.

<sup>24</sup> Komin naruu nini naga mare rui, ana nagane mali sina, naga kovio, nanagane tom̄al sina.' Ana pe yam piavi re poli, la

asumiña akila ke ãpaãgana na yar m̃ee nene narui.

<sup>25</sup> “Ana e pogos nene, narina na m̃earu naga mialoro pa miyumiãe ke kana lokove rui, ana siraunia pitomi si um̃a. Ana pogos naãa pitomi ke lavisin um̃a, mloge yauena a mloge m̃ena m̃aagena na wolena kapur pa m̃eke na.

<sup>26</sup> Ana naga pisa yar na yumiãena la tai, piun tania, pisape ‘?Ei, ya ne akila ke garo um̃a sanene?’

<sup>27</sup> Ana yaru naãa pisa pania pisape ‘! E, womla naãani, naga ãasuãe si rui, mal ga! Ana arimomiãa sinenan sape kila kana kinanena tai. Añeñar narin puluk na ãa rui!’

<sup>28</sup> Ana pogos naãa m̃earu mloge, sinena mimi paãisi, pe pa re loyumiãa amio la poli.

“Ana arimana pimi pis amio, vena were va loyumiãa, ana naga yepen mavin ga vaena.

<sup>29</sup> Pisa ga pa arimana pisape ‘?Ata, kas via rui naãa nesumiãa nemiyumiãe ke nemio ko e nini? In na nemlogear ruru ko e suri punu ga, ana pe okila re sur tai sanene pan inu poli. In na pe noriãal re naãa oriẽniãar narin nane tai pan inu pogos tai poli, vena nekila kinanena tai nemio kiau erau lala.

<sup>30</sup> Ana pogos naãa oriãal narumiãa taãena nene ãasuãe sina, ana osumiãalu oriẽniãar kieta narin puluk naãa tesumiãa tepagan ruruia. ?Ana yar nene kila ya ne po pan ko? Naga ãar plan pupia kioãa kilavaru komãasia, pa kan kilavaru nene na nam̃eneen ga sira, pano-o kila makea. ?Pona ãelaga ne nanene na ko sinomiãania ana okila kana kinanena nena?’

<sup>31</sup> “Ana arimana sinena miye m̃ena kiena m̃earu naãani, ana pisa pania pisape ‘Ei, naruu, in na pe nesitome re sanene poli. Ko okila inu nekekarãa manene laa rui, naãa osumiãa omio inu silaga, a kiau sur la punu naãa sike ne, in na netarãan punu pan ko rui.

<sup>32</sup> Lelaga naãa kiau prasmãro nene kilalu kiena mrapa na malena, ana pogos naãa pilopuia ãasuãe si pimi pun inu, sineu miyea, a in na nepisu sane popon kemua tekekarãania, a tekila kinanena tai temio. Womla nene naga mare rui, ana naga mali sina, naga kovio, ana toãal sina!’ ”

Ana Yesu pisa pan le Varasi lala, pisape “Pogaga, ãakaiwa nini ãisi e nene narui. A sa naãa pisa ne, popon yar naãa kilalu mrapa, naga monar vilopu sina, sa naãa prasmãro nene. Ana monar avisuar ruru amiu m̃ena ga ve akila re ve sa m̃earu nene, naãa kiena sitomena m̃arera paãisi, naga pieluen wenla naãa pilopu kiena malena.”

## 16

*Pakaiwa na ãelaga na yumiãen amio kilavaru*

<sup>1</sup> Siraunia, Yesu pis pa kiena nalogena lala, pisa ãakaiwa tai pan la, ana pisayu yar na yumiãena tai. Yaru nene, naga pisa sane yoko kiena yerkawa kovenlua, ana sum̃alu miyumiãen sur tai naãa yoko siraunia kiena malena sum̃a woga ga. Pakaiwa nena sanini, sane: “Yerkawa tai, naga mligan lua kiena yar tai ve na visuaren kiena kilavaru. Ana pogos tai, visena pimi tolia sape kiena yar nene sum̃a kan ke ga kiena kilavaru, a kila kare ke kiena sur lala.

<sup>2</sup> Ana naga pio yar nene pimi puna, pis pania, pisape ‘Ei, yar la apisawal ko pan inu rui. In na nepisu sane popon nekoenlua ko si vetan yumiãena nene, yoko oãis nenaga. Ana sumon naãa yoko ovano, sineun nesape oligan ruru sur lala wa vena nekilia nevisu lapui la naãa yar la akila pan inu.’

<sup>3</sup> “Ana yar na yumiãena naãani mloge piowa, pisape ‘Lelaga o, piowa narui, yerkawa nene lalua yumiãena wo nene vetan inu, nemninue sane yoko um̃a nekianana ve sanape narui. In na netotano e yumiãena nini nakonua rui, ana in na pe puriuu pe m̃areran re si yumiãenen lokove poli, a pe sineun re m̃ena neva nesumiãa neviuviun kinanena vetan yar la poli.

<sup>4</sup> Pogaga, kiau mrapa ve sa nini. Yoko nete plan si lapui kiena ne yar lala vito laa tano, ana yoko la akekarãan inu vano vano-o yoko la monar avisuar inu e pogos naãa yerkawa kovenlua inu vetan yumiãena nene.’

<sup>5</sup> “Ana naga pa pio la naãa kiela lapui sike e yerkawa, la peve taaga apim puna. Ana tai pimi puna narui, piun tania, pisape ‘?Ana ko okila lapui e sur ya, a tol kilavaru via?’

<sup>6</sup> Pisatarãea, pisape ‘Pias nen wel na kanena tol ponotia taaga [100].’ Ana yar naãa pisa pania pisape ‘Pogaga, yoko italuãa tetelua si vito laa tano. Nane kioãa lapui ne nanini, ototano, oyumu plan ke ne vilaga wa, osiri lualima yam lima ga [50].’

<sup>7</sup> “Ana naga pano, yar taãena pimi, piun tania, pisape ‘?A ko, kioãa lapui na ya?’ Ana naga pisatarãea, pisape ‘Karo na wit manu taaga [1000].’ Ana naga pisa pania, pisape ‘Pogaga, yoko italuãa tetelua si vito laa tano. Nane kioãa lapui ne nanini, ototano, oyumu plan ke ne vilaga wa, osiri ga ponotia ve orelu [800].’ Ana naga kila m̃a sanene pano-o kila makea.

<sup>8</sup> “Ana siraunia, yerkawa naãani pisa kilale sur nene, ana naga pisa ke pa kiena yar naãana naãa naga kan kiena

kilavaru sumo, pisape 'Lelaga ne, opinaun yaru inu nenaga, ana nepisu sane kioña manmaruaena po, ko ãaruña po pañisi nañane.' "

Ana Yesu pisape "Kam na apisu ke ne, yaru na yomarava nini lala, pogos naña amiyuñae amio kilavaru, ana akila masisuania ãisa, akilia ãelaga na kilaen erau wo amio yaru lala, vena yaru la nene akila wo van la sirau. Ana nepisu naña naruu na yomerarava lala, yam mokliu naña pe amanmarua ruru re poli naña ayuñae amio kilavaru naña Ntewa mla pan la."

<sup>9</sup> Nepisa ruru pan amiu, nesape "Kilavaru naga pe na yomarava ga nini, ana visae kilia iila ko vena ove erau ruru omio Ntewa, popon oyuñae ea. Visae oyuñae ruru wo amio kilavaru kome mrapa naapo, siraunia yoko Ntewa kekaran vena were ko ova e naña pe kilavaru re e poli, nane ma e moña uña ma metava.

<sup>10</sup> "Yar naña ãar yepemñen narin yuñae na tai, tekilia towasinea sane yoko naga war mña yepemñen pupia yuñae woga. Ana yar naña miyuñen narin suri tai pe mesmes re poli, yoko naga yuñae viowa laa na wa e pupia suria.

<sup>11</sup> Visae kam na ve awar re yepemñen yuñae na kilavaru e yomarava nini, yoko ane ligan sina sur nowo lala kiena ne Ntewa e limamiu vena ave kiamiu?

<sup>12</sup> A visae kam na tañatete ayuñae ruru amio sur la naña Ntewa tañan pan amiu naña ve plas ga e yomarava nini, a ne yoko tañan si nalaena nowo naña asike ma metava e peni ave kiamiu lue?"

*Yar tañatete yuñae yuñae kiena ne suñe ve lua veraga*

<sup>13</sup> A Yesu pisa mña ga, pisape "Naga sina nini, visae yar na yuñae na tai, naga tañatete yuñae pran yuñae kiena ne suñe ve lua veraga. Visae sanene, yoko naga kekaran tai, ana yepen mavin tai, pona logear tai, ana ligan tai. Tañatete akila naña ave yar na yuñae kiena ne Ntewa, a ave yar na kilavaru mña veraga."

*Varasi lala la pe akekaran re visen kiena ne Yesu nene poli*

<sup>14</sup> Ana e poglis nene, Varasi mña lala asike ga wa, asuñae amiyagogon ke visena la nene. Ana lala, la ape yar la naña asitom manene kilavaru silaga, ana apitalia kare ga mrapa wo na yuñae amio kilavaru naña Yesu pisayu ke pa kiena nalogeno lala.

<sup>15</sup> Ana Yesu pis pan la, pisape "Kam na sinemiun asape akila sa naña yar la avisu

amiu sane yar mesmes lala, ana Ntewa naga pisu ke ya naña sike e losinemiu. Sur mok liu naña yar la amieluaria, asape po, ana e visuena kiena ne Ntewa, pisu sane sur viowa ga lala."

*Nasuñena kiena ne Ntewa pimi narui Matiu 11:12-13, 5:18; Mak 10:11-12*

<sup>16</sup> Visena tañena naña Yesu pisa sanini, pisape "Nanua sumo, Tus Marua moña ga, naña tus lala kiena ne Mosis amio tus la naña kiena ne navisaluaena lala asike ea, pimi mña pano-o tol pogos kiena ne Yoane Nakeena. Yoane miyuñae pano-o ãisi, a nanagane Lologena Wo na suñena kiena ne Ntewa pimi, ana asuñae amlologon kare ga, a yar la naña sinelan asape ava luyuñae ea asuñae añar ke yon pañisi vena atolia.

<sup>17</sup> Ana nanene pe kila re sane Navisaluaena kiena ne Ntewa naña sike e Tus Marua naga piowa poli. Pona ma e peni amio yomarava nini ava akovio yo, ana tañatete narin mras nen visena na Navisaluaena nañani kilia kovio pogos tai."

*Pe pon re teligan lua wota la poli Matiu 5:31-32, 19:9; Mak 10:11-12*

<sup>18</sup> Visena tañena si tai naña Yesu pisa, sanini, pisape "Visae yar tai ligan lua wona, ana va were si sira tañena, Ntewa pisu yar nene kila ke kolau amio sira tañena ne. Maran taaga mña ga visae yar tai talopa amio sira tai naña wona na sumo ligan lua rui, yar mña nene kila ke kolau."

*Pakaiwa na yar na sur moki amio Lasaros*

<sup>19</sup> Yesu pisa mña ãakaiwa nene, naña pisa sanini, pisape "Yar tai, naga limana pulen sur wo la moki pañisi, naga suñae miyowau ruru lue ga silaga, a legiena punu ga amiyuñae kana pupia kinanena wo lala.

<sup>20</sup> Yar tañena mña tai toña ga, naña silaga añere naga pimi amligan teke vanua e kove na pupia yuñae mña yar na suri moki nañani. Yar nene, naga pe yar tai naña pe kiena suri re poli, naga pe yaru na loginen ga kinanena, tas nen wetelu pulen ga magka, kiena kia Lasaros.

<sup>21</sup> Amligan naga teke e yo nene pona visae yoko kilia tol re kororos nen kinanen lañas naña yerkawa nene kanligan yo, ana peraga. Naga mlogin korenan ke ga sanene, ana lokul la apim asuñae amunvan ke kiena magka lala.

<sup>22</sup> "Pano-o yar nañani mare, ana navisi lala apim akuslua pa amligan mñeke e yepas nen Epraam, ma e peni. A pe piavi re poli, yerkawa mña mare, asinia.



<sup>23</sup> Ana akoven naga pa e kapi, naþa mloge piowa na mloge piowa paþisi, ana sirauña, kira pa metava, kira pa perina paþisi, pisu Epraam sike na, a pisu naþa Lasaros sike amio, lalua asuñña akinana ke na.

<sup>24</sup> Ana pio laa, pisape 'Oe, Ata Epraam, awis sinerña ye inu, oligan Lasaros vitom suan luas nen mrasilmana vito e narin wii tai, vena ligan te purmeneu. Nanagane kapi kekan inu nemloge piowa pano-o þisa.'

<sup>25</sup> "Ana Epraam pisatañña, pisape 'Naruu, nagane ositomñal si malena wo naþa ose sumo. E pogos nene, ko otol make kioñña suri la naþa ko sinorñania po pan ko paþisi, ana Lasaros na ositom korenan ga vanon piowa ga. E kiena malena nanua, suri punu ga piowa ga, ana nanagane, naga mloge si po e nini narui, a ko omloge ke piowa manene laa paþisi e narña.

<sup>26</sup> Ana suri ga tai, taþatete iñasu iila ko, komin Ntewa mligan pupia pulus tai mñeke likan ita lua, vena kila sane yar taþatete molue e yo nini vena iñasu puñña, a taþatete molue e na osike e ne vena imi e yo nini.'

<sup>27</sup> "Ana yar nene piun ke si na ga, pisape 'Ata, visae sanene, neviun mñareran tan ko vena ovitetalia Lasaros wasuþe si vito tano garo uñña mñana kau ata,

<sup>28</sup> komin naþa wolai lima asike ga wa. Popon Lasaros vito visawal van la, visae peraga, sa þisi la mñena aimlae e yo naloge viowaena nini.'

<sup>29</sup> Ana Epraam pisatañña, pisape 'Ana komin ya ne monar Lasaros vitove? La aþar ke Tus Wa rui, naþa nasiriena wa kiena Mosis amio navisawalena la sike e rui. Popon la auloia, yoko alual suri punu sike ea.'

<sup>30</sup> Ana naga mñareran mñaga, pisape 'Ata Epraam, pona taþatete akila yo? Ana visae yar tai wasuþe si imi e marena, visawal make sur la nene van la, yoko monar avilon la ga narui.'

<sup>31</sup> Ana Epraam pisatañña, pisape 'Visae la nene yepel mavin logeen ya naþa Tus Wa pisa, pe sur re si tai naþa kilia kila na alelaga poli. Pona yar tai wasuþe si imi e marena, visa sur punu van la, pona ya sina, ana yoko la yepel mavin ga lelagaena.' "

## 17

*Pelaga na kilaen nakilalienna van yar taþena*

*Matiu 18:6-7,21-22; Mak 9:42*

<sup>1</sup> Ana Yesu pisa pan kiena nalogena lala, pisape "Yoko nakilalienna lala akilia aim lue

silaga ne, ana yar naþa kila sur laþasa naþa were nakilalienna imi lavisi, yoko viowa van vaþisi.

<sup>2</sup> Visae añatear kilavaru tai mñene kolmekina a akoan talilu vito e lowe memaena, nanene na nakoena tai naþa melala ga ne. Ana yar naþa kila naruu tai ligan inu, ve viawa re si mñarera e inu, loru e mlamulena viowa, yoko yar nene naga war nakoena tai naþa mñarera manene laa sane taulu naga nene.

<sup>3</sup> Sanene, kam na monar avisu ruru kiamiu malena la silaga, vena ve okila re nakilalienna viowa lala aim añalivin kioñña erau."

*Pelaga naþa oviewo womla*

A Yesu pisape "Visae ovisu naþa womla mloru ke pito tano e mlamulen piowa tai, monar ovis omio vena okila ruruia, a visae naga vilonia, monar oviewoia.

<sup>4</sup> Visae naga kila viowa van ko yam ve olua e legiena ve taaga, a pogos punu ga, naga kila viowa, a sirauña naga pisa ga pan ko na wa pisape 'Ake wolai, nekila kare ko paþisi. Awis, oviewo inu,' yoko okilakania? Pisi na monar oviewo naga e pogos make la olua nene."

*Namñareraena na viawaena*

<sup>5</sup> Ana nalogena la apiun tan Yesu, apisape "Suþe, sinemimin mesape okila kiamimi naviawaena imi mñarera la sane wa."

<sup>6</sup> Ana naga pisatañña pisape "Visae aviawa ve tokak ga e inu, sane kurus nen purpa, ana visae kiamiu naviawaena nene ve lelaga ruru naapo, ana þisi na akilia avisa va purlu na mñeke gare aviseve 'Omolue e yo nene, omio þeligas nemia lala, ova okapur ke gare likan lowe memaena ne, ana yoko naga logear amiu woga.' "

*Yar na kilaen yuññaen kien yerkaawa naga monar kekaran ga kila*

<sup>7</sup> A Yesu pisape "Visae kam yar tai ve yerkaawa, a kiena yar tai suñña kila yuññaena la pania. Pona pa miyuñña lokove yo, pona pisuar kiena sur mali lala, pona ya sina, ana visae yepekilavi, pogos naþa þasuþe e yuññaena pitomi, yoko yerkaawa visa ya ne vania? Taþatete visa vania visave 'Ko, oimi oto omio inu, italua tekinana,' komin naga pe kiena yar na yuññaena ga.

<sup>8</sup> Yoko yerkaawa monar visa ga vania, visave 'Pogaga, yoko ova oviran kapi sumo wa. Visae kinanena manoa, ova oyowau ruru ke ne wa, þisi na owar kau imi nakania, nomunia, þisi, okilia ola koñña.'

<sup>9</sup> A pogos naþa yar nayuññaena kila sur punu ga naþa yerkaawa pisa pania, yoko

yerkawa tařatete visa pupia potena vania, vanon naga kiena yuřiaena ga.

<sup>10</sup> Ana kam řiena ga monar ave sanene. Visae akila ruru make yuřiaena nařa Ntewa pisa pan amiu, vano-o řisi, yoko avisa ga sanene, avisave 'Ee, nanene na pe sur re tai nene poli. Tekila ga ya nařa torokin tekila sa ke ga yar na yuřiaena kiena ne Ntewa lala.'

*Yesu kila ruru yar na leperosi la lualima, ana taaga ga pisa potena*

<sup>11</sup> Ana e pogos nene, Yesu la asuřia amial ke apa ma Yerusalem na wa, ana kiela mrapa pa likan lepas lua nene, Samaria amio Kalele.

<sup>12</sup> Ana amial řia pano-o, lavis ga ařalivi e pulkumali tai, apitawe řegas nen yar tai na leperosi lala, la lualima, nařa la asuřia e yepas nen mrapa.

<sup>13</sup> Ana pogos nařa apisu Yesu, apion manene pania, asape "Yesu, Suře, awis sinema ye imimi."

<sup>14</sup> Ana pogos nařa Yesu mloge, pisa pan la, sape "Ava akom řesan pun yar wa lala vena la avisu ruru nena tasnemi lala vena avisave kam na yepemiu mian rui."

Ana la apano, a pogos nařa la asuřia amial apano, amilan ga nařa yepela la pimi mian ke narui.

<sup>15</sup> A lala tai, pogos nařa pisu naga po sanene narui, naga pilonia řasuře si pimi, miyeluar Ntewa pařisi,

<sup>16</sup> pimi mloru e lala Yesu, pisa potena pania. Yar nene, naga pe pe yere Yu re naapo poli, ana naga pe Yu la komřas tai nae Samaria. Ana tařena lala, la ape yere Yu nena naapo, ana la pe ařasuře re si apim poli.

<sup>17</sup> Ana Yesu pisa sanini, sape "La nařa yepela mian rui, la lualima, ana awa la ovarı?"

<sup>18</sup> Nařa řasuře pimi, naga yar nae ga lele tařena, ana komin ya ne naga taaga řasuře pimi mieluar Ntewa, lařas pe apim re poli?"

<sup>19</sup> Ana Yesu pisa pania, pisape "Erau, osuřialu oyali ova uřia. Kionia navi-awaena tamalia ko rui."

*Nasuřenena kiena ne Ntewa imi ve sanape?*

*Matıu 24:23-28,37-41*

<sup>20</sup> Ana siraunia, Varasi la apim apiun tan Yesu, asape "? Nasuřenena kiena ne Ntewa nařa opisayu ke silaga, yoko mevisu pogwai?"

Ana Yesu pisatamea pisape "Nasuřenena kiena ne Ntewa pe pimi re sane sur tai nařa yar kilia visu e kilamarana poli.

<sup>21</sup> Naga pe sur re tai nařa yoko avisave 'Ke, na naria narui, nane pimi ke naria,' pona avisave 'Nane, sike gare rui.' Kam na pe apisu kilale re poli, ana nasuřenena kiena ne Ntewa sike pa likan amiu rui."

<sup>22</sup> Ana Yesu pisa pan kiena nalogena lala, sunyu pan la sape yoko ve sanape e legiena maro la ne pimi ke ne. Naga pisape "Siraunia, yoko kam na sinemiun manene vařisi navisuen pog nařa yoko inu Narina ne Yeririna neim nomalivin yomarava, ana nanene na pe pon re kam na avisu poli.

<sup>23</sup> Yoko yar la avisasa sanini avisave 'I Naga nane gare!,' pona 'I Naga nane garo ne!,' ana kam na ve ava re amio la, komin pe inu re nene po laa wa.

<sup>24</sup> Ana pogos nařa inu Narina ne Yeririna nowasuře ve lelaga e kana legiena nena, yoko yar make ga avisu kilalea, yoko neimi sane yekarpla tai nařa kila sinapane vivaga e lepas tai va tol lepas komřasa.

<sup>25</sup> Ana sur nene na pe kana pogos re poli wa, komin sumon nene, yoko inu Narina ne Yeririna, yar nanagane lala akila viowa van inu e sur viowa la ve moki, yoko monar akovenlua inu.

<sup>26</sup> "Vano-o tol pogos nařa inu Narina ne Yeririna nowasuře, yoko yar la ve akila ruru la re na wa, maran ve taaga ga sa ke pogos kiena ne yermarua Noa nanua sumo.

<sup>27</sup> E pogos nene, yar la asuřia aki-nana, amun suri lala, asuřia akila ke talopaena sanene, pimi tol pogos nařa Noa pa loyuma e kiena pupia waa nařa naga miyumaenia. Ana pupia womie pitomi kus plan make kiela malena la punu ga.

<sup>28</sup> A e pogos kiena ne Lot sa řia nenaga nene. Yar la asuřia akinana, amun suri lala, asuřia apa ke e lele na wilwilena po amiyumaen ke kilavaru, asuřia amiyumaen ke lokove, amiyumaen ke yuma, la akila ke ga sanene pa ke na, pe asitomal re sur tai poli.

<sup>29</sup> Ana e nena e legiena nařa Lot molue petan kiela yu, kapi amio pan na kapiapo mloloru pitomi ma e sinapane, kekan la akokovio make nenaga.

<sup>30</sup> Ana nevisa van amiu, e pogos nařa yoko inu Narina Yeririna neimi, yar la tařatete asitomal sur tai, asitomal la ga, ana yoko ailan pupia sur kerkeviu la ne sanene imi malivin la.

<sup>31</sup> "E pogos nene, visae yar tai suma yuma ke meta e mana wos nen yuma, ana visu sur nene imi, ana vito tano pe pon re kilali sape va war suri lařas e mana loyuma poli, naga monar va ga narui. Yaru nařa miyuma ke lokove, naga řiena

tařatete si vito uřna, yoko monar va ga narui.

<sup>32</sup> Kam na ve sinemiu řesan re wona Lot, nařa kirařatau, ana pimi pe kilavaru.

<sup>33</sup> Yar nařa kilali sape visuar ruru ga kiena malena, yoko kovio, ana yar nařa tařan kiena malena kovio, yoko naga ga tamalia sina naga.

<sup>34</sup> Nevisa van amiu nevisave e pogos nene, pona kolemalu nařa yar řeke amio wona yo e řala tog, ana yoko aim awere-lua ve taaga ga, aligan tai řeke na.

<sup>35</sup> Ana pona yoko sira la ve lua asike avili ke kala kinanena lele taaga yo, ana ve taaga vano tai sike na.

<sup>36</sup> Ana pona yar lalua ayuřaevain ke lokove tai yo, yoko tai ure matania, ve taaga suřal wowe ga sike na."

<sup>37</sup> Ana nalogena la apiun tania, asape "řAna Suře, suri la nene yoko řalivi e nape?"

Ana naga pisatame la, sape "E pogos nene, yoko ve sa nařa visae sur mare tai řeke koyo tai. E yo nene narui yoko manu la nařa akakan ke sur mare, yoko aiminia, monar la ve moki ase yo nene. E nape nařa mlamulena viowa sike ea, yo ke ga nanene narui yoko nalipereena se ea."

## 18

*Pakaiwa na sira nařa tagi řa pa kiena suře na pulkumali pano-o, suře miyagogonia*

<sup>1</sup> Ana Yesu pisa sina řakaiwa tařena tai pan la, vena ilaar la ve asitom řele re si kiela leniena lala, vena asuřal řarera asulue ga ea, alen řa vano-o atol kana navisatameena.

<sup>2</sup> Kiena řakaiwa nena pa sanini, sape: "Pulkumali tai, nařa kana suře nena naga pe yar řarera tai, naga pe yar tai nařa pe patanon re Ntewa poli, pe maraun re nenaga, a naga sitom řele řena yar la.

<sup>3</sup> Ana letano řena tai sike e yo nene, nařa yar tai suřa kila kare ke kiena sur la silaga. Ana letano nařani pa suřa tagi ke pan kiena suře, naga suřa pisawal ke yar nařani, sape 'Awis, monar okila sur tai va yar nene, naga kila kare in pařisi wa.'

<sup>4</sup> Ana suře nařani pe sinen miye re sira nene poli, a pe yowenan visen va yar nařani, ana kila luen ga sanene pa ke na, sira řena nařani pa tagi luen ga pan silaga.

"Ana siraunia naga pisape 'In na nepe yar tai nařa pe nesitom re nesape nekila ya nařa Ntewa pona yar tařena pisa pan inu sape popon nekila.

<sup>5</sup> Ana sira pimi tagin ke pan inu, ana in na pe sineun re nesape nekila ya nařa

pisa ke poli. Ana naga pimi piun luen ga sanene, naga kila kare inu pařisi wa, ana pona nekila ga ya nařa naga piun ke yo. Visae peraga, yoko neloge kiena tagena vano-o sineun marenia.'"

<sup>6</sup> Ana Suře Yesu pis pa la nařa amiyagogon ke řakaiwa nene, pisape "řKam na ayagogon ruru visena nařa suře yowena nene pisa ne? Komin sira nene tagi yam moki pania, ana yoko monar sitomli sur na sira nene piun ke ne.

<sup>7</sup> řAna sanapen Ntewa nae ma e peni? ř Pogos nařa mloge kiena yeririna la nařa mligan plan la, atagi ke pania lemalo a legiena, naga kilia su kařar sanene ve kila re sur tai van la?

<sup>8</sup> Peraga, ana nevisa van amiu sanini, visae loge nařa alen řarera vania silaga, yoko naga suřalu vilaga e pogos make ga kilia iila amiu. řAna nesape neviun řena van amiu, sane visae pogos nařa inu Narina ne Yeririna nowasuře si neim e yomarava nini, yoko nelual nařa yar la asuřalu řarera asike e inu sanene, pona peraga?"

*Pakaiwa kiena yar nařa řarwar e kiena řelaga nařa mesmesu*

<sup>9</sup> Ana pogos nařa Yesu sike amio yeririna lala, naga pisa kilale nařa lařasa ařarwar la pařisi, asitom ke asape la kiela malena mesmes ruru po narui, a la apisu yar tařena la apiowa ga, apisu sane la apiowa manene laa pe sa re la poli. Ana pisayu yar la sanini, pisa řakaiwa tai, sape

<sup>10</sup> "Yar lalua apa ma e Yuřa Wa řana Ntewa e pogos na leniena. Lala yar tai, naga pe yere Varasi, a tařena, naga kila yuřaena tai nařa yaru la pe sinelan re naga vanon poli, naga pe yar na takis.

<sup>11</sup> Ana pogos nařa yere Varasi naga suřalu mlen, pisa sanini, sape 'Ake Ntewa nepisa pupia potena pan ko pařisi, nařa kiau malena naga po laa sane taulu kiena ne yar tařena lala. Nemieluar ko, nařa in na pe sa re yar navinauen la poli, pona yar na kilakeuiaen yar lala, a yar na kilaen kolau lala, pona yar na takis lala sane yar na suřalu sike ne.

<sup>12</sup> Peraga, in na nesuřa nekila ke po silaga, komin nařa in na nomonsilun kilaelen leniena van ko e legiena lua e wik taaga, a e sur make ga nařa nemla e luřau, visae netol ve lualima, monar nela ve taaga van ko silaga. Sur ne la na nene narui nařa in na nesuřa nekila, ana kila inu nopo pařisi e marařa.'

<sup>13</sup> "Ana yar na takis, naga suřa mloge ke piowa vanon kiena mlamulena viowa nařa kila, ana mlinu sane Ntewa pisa kiena malena pe po re nena poli. Ana naga

yepen mavin va maneneen lavisi, suñalu ga suña perina, a naga yepen mavin kiraen va metava ma e peni, a naga ãarin tau ga toña ga, mlipalipa ke yerena, tagi, pisape '!Ake Ntewa, ove lemam van inu, sineña ye inu, yar na kilaen mlamulena piowa!'

<sup>14</sup> Ana kam na asitomyulia leniena kiena lalua nene, ana yoko Ntewa kekaran kiena ai? Lelaga, yar naña pisu kilale kiena mlamulena viowa, a mloge piowaganian, Ntewa ãar plan kiena mlamulena viowa. Ana yar tañena nañani, naga ãasuñe si pa uña naña kiena malena maran taaga ga sa ke naña pimi. Yar naña suña pisirlua naga, yoko Ntewa ligan naga ñeke tano, ana yar naña mligan naga sike tano, yoko Ntewa visirlua naga."

*Yesu pisa ruru sisi kokan lala  
Matiu 19:13-15; Mak 10:13-16*

<sup>15</sup> Ana e poglis nene, auia lañas añar narila sisi tomtom lala apim puna Yesu, sinelan asape kus la, visa ruru la. Ana pogos naña nalogena la apisuia, apisaluñar la, asape avava sina.

<sup>16</sup> Ana Yesu pio sira la nañani, sape aim maga, ana pisa pan nalologena lala sanini, sape "Kam na ve avisaluñar re sisi la naña, atañan la aim pun inu, komin naña sisi la naña, yeririna la naña asa ke ga la nene, la ke ga nene narui naña asuña apa loyurña e nasuñenena kiena ne Ntewa."

<sup>17</sup> In na nepisa ke lelaga na pan amiu ne, visae yar naña sinenan nasuñenena kiena ne Ntewa, naga monar kila naga imi ve sa sisi la nini, visae peraga, naga tañatete va loyurña."

*Yerkawa kiena ne le Yu lala tai sinenan sape tol malena*

*Matiu 19:16-30; Mak 10:17-31*

<sup>18</sup> Ana siraunia, suñe tai pimi piun tan Yesu, sape "Navianena wo, awis, popon ovisawal van inu sane in na monar nekila ya naña visae nekila yoko nekilia netol malena naña ve uro re."

<sup>19</sup> Ana Yesu pisatamea, sape "!Ei! Ko na okilia ya ne, osape in na nopo? Pe yaru tai po ruru re naapo poli, ana Ntewa ga naga taaga.

<sup>20</sup> Ana ko opiun osape sanape naña yar tai sane ko naga kilia imi wo e marana Ntewa woga. Pona okilia ruru kiena Navisaluena yo rui, naña pisape ko ve okila re lau, ve oweñar re yaru, a ve ovinau re, ve ovisokan re, ovatanon arimorña amio anorña."

<sup>21</sup> Ana yar nañani pisatamea, pisape "Lelaga, in na nekilia kemua Navisaluena la ne opisa ke ne, a nekilia nevisa van ko

sanini, in na nopuar ruru la siar e pogos naña nepe yar viu ke ga wa. Pimi tol nanagane, pe nekilalu re tai poli."

<sup>22</sup> Ana pogos naña Yesu mloge pisa sanene, pisape "Pogaga, ana e lepas naña purña, sur tai sike ga wa. Monar ova owilwilin plan make kionña sur moki la nene, ana owar kana kilavaru, ova okiakian kare ga va yar la naña limala plasa. Visae okila sanene, yoko kionña sur wo la ve moki ma e peni. Ko, ova okila, ãisi na oim otaveve inu."

<sup>23</sup> Ana pogos naña yar nene mloge visena nene, sinen piowa pañisi, kiena sitomena pimi urmi na urmi, komin naga pe yar na sur moki, limana pule pañisi.

*Yaru naña kiena sur moki, naga ñarera li maga vena vaen loyurña e nasuñenena kiena ne Ntewa*

<sup>24</sup> Ana Yesu pisa manene yerkawa nene pano-o ãisa, siraunia pisape "Visae yar tai naña kiena sur moki, naga sinenan sape va loyurña e Nasuñenena kiena ne Ntewa, sur nene naga ñarera towe ña naña.

<sup>25</sup> Ee, nevisa van amiu, visae kamel tai va warpo yo kome pulus nen nitil, nanene na ñarera pañisi, ana visae yar tai naña kiena sur moki sinenan sape va loyurña e Nasuñenena kiena ne Ntewa naga ñarera laa na wa."

<sup>26</sup> Ana la naña amloge visena nene amilan pano-o pañisi, asape "!Aulai! Visae sanene, ane yoko tol malena?"

<sup>27</sup> Ana Yesu pisatamea, pisape "Lelaga, yar tañatete kila naga tol malena, ana ya naña yar tañatete kila, Ntewa naga kilia kila woga."

<sup>28</sup> Ana Pita piunia, pisape "?A yoko ve sanapan imimi? Memligan ñamimi uña la rui, ana metaveve ko ke narui."

<sup>29</sup> Ana Yesu pisa pa kiena nalogena lala, sape "Kam na ve asitom manene re e lepas nene. Yar a naña visae ligan ñana uña, pona wona, pona wenla, pona arimana amio anena, pona narina lala, a visae ligan sur la nene vanon yurñaena na Nasuñenena kiena ne Ntewa,

<sup>30</sup> yoko naga tol maran si kiena sur la nene va ve moki manene laa va laa sane na wa. Naga nene e pogos nanagane, a sirau ñena ga e pogos na pimi ke ne, yoko naga tol malena naña ve uro re."

*Yesu pisawal kiena marena yam telun nene*

*Matiu 20:17-19; Mak 10:32-34*

<sup>31</sup> Ana poglis naña amiyaloro ke apano, Yesu pio kiena lualima taaga pa lua apim puna, pisa pan la pisape "Ayagogo ruruia. Nanagane tepa ke ma Yerusalem narui, a

pogos naþa tetolia, sur make la naþa nav-isawalena lala asiriyu nanua sumo rui e lepas nen Narina ne Yeririna, yoko avisuia aimi amñalmñalivi ve sa nena naþa apisa.

<sup>32</sup> Yoko avisu naþa aligan naga va e li-mana ne le Rom lala, naþa yoko akirakirai viowa vania, akila karea e þelaga viowa lala, avilasiria,

<sup>33</sup> alilia, akila mña sanene vano-o awenñaria. Ana yoko kana legiena ve telu, naga suñalu mal sina."

<sup>34</sup> Ana pe sur korena ga naþa Yesu pisawal meraravan make sur punu pan la sanene, ana la pe amloge kilia ruru re nenaga. Naga sa naþa visena la nene na atapolou ga e la, ana kila sane taþatete atol kana kinasa.

*Yesu kila ruru kilamara þala tai  
Matiu 20:29-34; Mak 10:46-52*

<sup>35</sup> Ana Yesu la amiyaloro apa mña, apim lavisin pulkumali naþa Seriko, ana kilamara þala tai teke tano e is nen mrapa, toñia mlogin ke kana kinanena tan yeririna la naþa apa akomkom ke e nene.

<sup>36</sup> Ana kilamara þala naþani mloge naþa Yesu la apim ke na amio þina la naþa asuñia amialoro ke amio, ana naga piunia pisape "La nene na li pe la nene, akope ke ne?"

<sup>37</sup> Ana apisatanñe sanini, asape "¡ Ke, nanene na Yesu nae Nasaret naþane, nane pimi ke ne imi kom pun ita ne!"

<sup>38</sup> Ana yar naþa pio manenea, a tagi pa Yesu pisape "¡Yesu, ko lus kiena ne Tepet, sineun naþa sinemña ye inu!"

<sup>39</sup> Ana la naþa asumon ke Yesu, amloge pio sanene, ana apisaluþaria, apisape "Ova ruru ko ga."

Ana yar naþa yepen ma ga, pio ke sina ga, pa laa meta sane wa, pisape "¡Yesu, ko na lus kiena Tepet, nemie awis pan ko, sinemña ye inu!"

<sup>40</sup> Ana Yesu mial pano, pimi suñal su puna e yo nene, pisape atar yar nene imi lavisinia. Ana atar pimi, Yesu piun tania, pisape

<sup>41</sup> "¿Ana ko sinomñan osape nekila ya ne van ko?"

Ana naga piunia pisape "Suþe, awis, sineun nesape kilamarau imi wo, nekilia nevisu suria."

<sup>42</sup> Ana Yesu pisape "Pogaga, nanagane nela kionña nakiravaena van ko sa naþa opionia. Kionña naviawaena kila ko opim opo sina."

<sup>43</sup> Ana e nena e poglis nene, yar naþani, kilamarana pimi po, ana mial ke amio Yesu, suñia miyeluar ke Ntewa. A yeririna mña la naþa apisu sur nene, apisu po

paþisi, asuñia amieluar ke kia kiena ne Ntewa vanonia.

## 19

*Yesu pitawe Sakias*

<sup>1</sup> Ana Yesu la apim loyuñia Seriko, amialin ke naþa ava awar ro ga ea.

<sup>2</sup> Ana e naþani yar tai sike ea kiena kia Sakias. Naga pe yerkawa kiena ne yar na warpoloen takis e pupia lepas nene, ana vanon naþa naga miyuñiae piowa, kila kare ke yaru lala e kiela kilavaru na takis nena, kila naga liman pule paþisi, naga pe yar na sur moki.

<sup>3</sup> Ana Sakias mña pimi e poglis nene, sinenan sape visu Yesu naga pe yar na sanape, ana yeririna la mokliu naþa asike lavisin Yesu, asuwo ga yo, sa naþa yo kuskus ga rui, ana naga pe pisu ruru re poli, komin naga pe yar plas ga tai.

<sup>4</sup> Ana Sakias pisu sane piowa narui, kiriri sumon Yesu lala, pa tol puryove tai þiyu pa e korowas tai, suñate ke naþa visae Yesu la ayal aimi, ana naga kilia visu ruruia.

<sup>5</sup> Ana pogos naþa Yesu pimi tol puryove naþani, Sakias milan ga naþa Yesu kira pa pisuia, pis pania, pisape "Sakias, otapulu vilaga. In na nemninuluþar e inu sane þane neva nesu re nemio ko sumo wa gar momña."

<sup>6</sup> Sakias mloge narui, suñalu pula nena pitomi tano, ana þere Yesu pa mña, amio pupia kekarena paþisi.

<sup>7</sup> Ana pogos naþa yeririna la apisu sur nene, la moki naþa pe akekaran re poli, apismumu, apisape "Yar naþa Sakias naga pe yar sur naþa miyuñiae piowa ga, naga kila kareli yar lala wa, ana vanon ya ne Yesu sinenan sape amio ava asu mña?"

<sup>8</sup> Ana pogos naþa asike loyuñia rui, Sakias mloge sane naga monar vilopuia, a monar keþu kiena malena, ana suñalu pisawal e marana ne Suþe, pisape "Suþe, nanagane in na netamñan kiau sur la komþas va yar la naþa limala korena, pe kiela sur re poli. A suri ya naþa nepisa kotalia yar la ea, nepinaun la, yoko nowar maran si van la tol yam ve vari."

<sup>9</sup> Ana Yesu mloge pon manene visena naþa Sakias pisa, ana pisa pania pisape "Nepisu sane þane na, natamaliaena kiena ne Ntewa pimi nena tol mratava nini. Yar nene naga kilalu mrapa na kiena malena, ana naga mña pe lus kiena ne Epraam kemua lelaga, naga pe yere Yu kemua tai,

<sup>10</sup> ana inu Narina ne Yeririna nepim e yomarava nini vena nakale la naþa amiyepe petan mrapa sane yaru nene, vena netamalia la."

*Pakaiwa na yar telu naña apisuar kilavaru kiena ne kiela yerkawa*

*Matiu 25:14-30*

<sup>11</sup> Ana yeririna la asuñña amiyagogon ke visena kiena Yesu la nene, ana pis mā pan la pano-o, pisa pākaiwa tai pan la. Naga pisu sane popon vian la e pākaiwa nena, komin naga kilia ke sape sane yeririna lala asitom ke asape pogos naña ava atol yo Yerusalem, yoko naga kila nasuñnenena kiena ne Ntewa imi warpo ke yo van la veraga. A nanagane apim ke lavisin Yerusalem rui, a Yesu sape vianin la sane naga monar ligan la sumo wa, yoko imi si pula.

<sup>12</sup> Naga pisa pan la sanini, sape “Yerkawa tai, naga pa perina e naña pupia p̄arin suñe sike ea, vena avisirlua naga imi ve p̄arin suñe na kiena lepasa, yoko naga kilia wasuñe sina visuar kiena yo.

<sup>13</sup> Ana sumon naña pe pa re poli wa, naga pio kiena yar lala, la lualima, a la punu ga mla kilavaru peve taaga pan la, sape monar ayuññae amio kilavaru nañani vano-o tol pogos naña naga wasuñe sina.

<sup>14</sup> Ana yeririna la nae lepas nene ape nasinekar kiena ne yerkawa nene, ana pogos naña naga pur matan la pa narui, la apisayuia asape la pe sinelan re si naga imi ve kiela p̄arin suñe poli. Ana amligan visena pa pa p̄arin suñe keviu na purvanua nañani, asape ‘Pe sinemimin re yar nene imi ve kiamimi p̄arin suñe poli. A pe sinemimin re nena naña oligan kia keviu nene e naga poli.’

<sup>15</sup> Ana p̄arin suñe keviu nañani kila ga, ana yerkawa nene pimi ve suñen ke sina ga kiena lepasa. Ana pimi pio viraviran kiena yar la naña naga p̄ar p̄esan kilavaru nene pan la, sinenan sape visu sane amiyuññae ea, ana ataulu si kiena kilavaru via.

<sup>16</sup> “Ana yar naña pimi suñal p̄esan se marana, pisape ‘Suñe kioñña kilavaru taaga naña omla pan inu, nemiyuññae mā amio pano-o netaulu si lualima to metavana.’

<sup>17</sup> “Ana yerkawa nene pisu kiena yar na yuññaena nene miyuññae po, ana pisa pania sape ‘Po na po pañisi, ko omiyuññae po manene laa wa. Ana komin naña osuññalu m̄arera ose narin yuññaena naña nemligan e lumoñña, ana nagane nela yuññaena keviu tai van ko, neligan ko ovisuar kiau pupia pulkumali ve lualima.’

<sup>18</sup> “Ana siraunia, yar nalua pimi, pisape ‘Suñe, kilavaru taaga naña omla pan inu, nemiyuññae mā ea pano-o taulu si lima to metavana.’

<sup>19</sup> “Ana yerkawa nañani pisa pania, sape ‘Po wa, ko m̄ena omiyuññae po pañisi, yoko neligan ko ovisuar kiau pupia pulkumali ve lima.’

<sup>20</sup> “Yoko kiena yar tañena pimi, pisape ‘Suñe, kioñña kilavaru naña omla pan inu, nepiwo ruru e kinakina kulmrae tai, nemligan ruru toñña ga, nane nesape nela si wasuñe imi van ko narui.

<sup>21</sup> In na nesuñña nepisu ko ke sane ko yar tai naña okilia owar plan kioñña sur naña yar tañena p̄arar sike na, a okilia okinana e lokove naña pe ko re omapila poli. Kioñña p̄elaga m̄arera towe laa sanene, kila nemaraun ko, ana pe nekila re surian kioñña kilavaru nene po, nepuarar ruru ga toñña ga.’

<sup>22</sup> “Ana yerkawa nañani sinen karia, pisape ‘Yaru, opisa kare in laa ne wa, naña osape in na yar m̄arera tai ne sanene. Ana pogaga, kioñña visena nene naga ga kar ko ke sina ga.

<sup>23</sup> ?Visae in na yar sur na sanene, komin ya ne opuar kiau kilavaru sanene? Po pañisi naña visae oligan ga e pag, vena pogos naña nowasuñña, nekilia nowar plan sina amio narina naña naga tauluia.’

<sup>24</sup> “Ana yerkawa nañani pisa pa yar tañena la naña asuññal asike lavisinia, sape ‘Awar plan kilavaru nene e limana, awar va yar naña taulu lualima.’

<sup>25</sup> “Ana apis pa yerkawa nañani, asape ‘!Ana suñe, naga p̄ar mokliu wa, kiena lualima rui!’

<sup>26</sup> “Ana yerkawa pisa pan la pisape ‘Lelaga, ana sanene narui. Naga naña kiena sur mok rui, yoko naga war si va laa sane na wa, ana naga naña pe kiena sur re poli, yoko naga kilalu kiena narin sur ve tokak ga naña naga mla ke rui.

<sup>27</sup> Ana e lepas na kiau nasinekar la nene, naña la yepela mavin naña in na neve suñen la, sineun nesape ava aurela aim e nini, awe moñar la amarmare e marau.’ ”

Ana pākaiwa kiena ne Yesu nane p̄isi e nene.

*Yesu pimi tol yo naña Yerusalem*

*Matiu 21:1-11; Mak 11:1-11; Yoane 12:12-19*

<sup>28</sup> Ana Yesu pisa pa visena la nene, suññalu, sumon la, p̄ere la apa ma Yerusalem.

<sup>29</sup> Ana la apim lavisin narin pulkumali lua nene sumo, naña Petpas amio Petani, e lepas nen Kunus Na Purolip lala. Ana Yesu pisa pa kiena nalogena lua, pisape

<sup>30</sup> “Kam lua ayalor ava ke ne e narin pulkumali na gare sumo wa. Pogos naña ava loyurña, yoko alual togki tai, añatear teke ea. Togki nañani pe teras ga, pe yar

tai to li re e māsina poli wa, ana kamlua aluḡarlua, aure imi e nini.

<sup>31</sup> Visae aviun tan amiu amlua, avisave 'E, amluḡarlua ke pe na ya?', yoko avisa-tamēa avisave 'Suḡe sinenan sur mal nini kila kiena yuḡaena tai.' "

<sup>32</sup> Yesu pisa sanene pan lalua, ana mli-gan la apano, ana apano apisu sanena naḡa pisa pan la.

<sup>33</sup> Ana apano asuḡa amluḡarlua ke kilka petan sur mal naḡani, ana pogos naḡa akila ke sanene, kana ḡar ne la apiunia asape "‘E, asuḡa amluḡarlua ke kilika petan pe na ya?’"

<sup>34</sup> Ana apisatamēa asape "Peraga, Suḡe sinenan sape sur mal nini kila ke ne kiena yuḡaena tai sumo wa."

<sup>35</sup> Ana ataḡan narui, aḡure togki naḡani pimi pa Yesu, ana aḡatetae ḡala kulkota lala meta e māsina, amligan Yesu totano ea.

<sup>36</sup> Ana Yesu kus togki nene, mial pano, ana pogos naḡa mial ke pa sanene, yeririna lala amiēn plan ḡala kulkota lala aḡatetae sululu mrapa, vena togki kiena ne Yesu yalor ga metava ea.

<sup>37</sup> Ana amial ḡa e Kunus Na Purolip la pano-o, apim atol yo e naḡa mrapa na vitoen garo Yerusalem. Ana pogos naḡa pupia ḡina moki lala na nalogena lala apisu naḡa Yesu pimi ke lavisin Yerusalem, asitoḡal pupia yuḡaena lala a kile lala naḡa apisu naga kila, a apisu sane kiela pupia ḡarin suḡe viu tai ne pimi ke ne, ana akekarā paḡisi, asuḡa amieluar Ntewa keviu vanonia.

<sup>38</sup> Asuḡa apioviaonia, asape "‘Ntewa na mava, ovisa ruru ḡarin suḡe nene naḡa pimi ke e kioḡa kia! ‘Pupia kekarena ma e peni, kam nae ma metava avisirlua kia kiena ne Ntewa, kiena naurarena po na po!’"

<sup>39</sup> Ana e poglis nene, Varasi laḡas asike ḡena likan ḡina la nene, ana pe akekarān re naḡa apisirlua ke kia kiena Yesu sanene poli, ana apisa pania asape "‘Navianena, ovisaluḡar kioḡa nalogena lala ve akiikiin ko re si sanene!’"

<sup>40</sup> Ana Yesu pisatamē la, sape "E, peraga narui! Visae ve akiikii re sa nene, pona yoko kilavaru ga la ne sike ne monar akiikii yo."

*Yesu tagin pulkumali wa naḡa Yerusalem*

<sup>41</sup> Ana Yesu pimi lavisin pupia pulkumali nene Yerusalem, kira pito pisia, sinen miyea, siar naḡa wamarana mlaunia.

<sup>42</sup> Kila sanene narui, pisaar nena pania, pisape "Visae ovisu kilale ga ya naḡa molue puḡa naganē! Ntewa suḡa kila ke

kioḡa mrapa wo tai vena olual suḡare ea ana opisu kilale ḡele ga.

<sup>43</sup> Ana monar nevisa van ko sanini, yoko pogos tai imi van ko naḡa kioḡa nasinekar lala, la ve moki vaḡisi naḡa aimin ko. Yoko asuvivi ko, asuwo ruru ko nenaga, a yoko awar porotano imi ayuwonpolo e yepas nen kioḡa pupia kove ana akila mrapa na vitoḡasen loyuḡa, vena awe ko.

<sup>44</sup> Yoko awe moḡar naruḡa lala, a aki-lawowa make moḡa yuḡa lala, awar plan make nena kala kilatapili lala. Nakoena na sanene yoko imi van ko komin naḡa ko yepmavin visu kilaleen naḡa naganē naga pe kioḡa pogos naḡa Ntewa pimi ḡalivi vena tamalia ko."

<sup>45</sup> Ana Yesu mial pa loyuḡa e pulkumali, pa e Yuḡa Wa ḡana Ntewa, ana pisu la naḡa akila ke yuḡaena na tauluen kururu kilavaru ea. Ana naga ḡene plan la, sape

<sup>46</sup> "Ntewa pisa e kiena Visena Wa, pisape 'Mau yuḡa wa naga pe yuḡa na leniena, ana kam na apilon yuḡa nene narui pimi sane puluve tai ḡana yar na vinauenā lala.' "

<sup>47</sup> Ana e poglis nene e legiena punu ga Yesu pa ke loyuḡa e Yuḡa Wa, ana pian ke yeririna lala, a yerkawa kiena ne yar wa lala amio navianena navisaluaena lala amio ḡena yerkawa kiena ne yeririna lala, pe akekarān re nenaga. Asuḡa akalewele ke mrapa vena akilia akila sur tai vena kila narui monar aweḡar Yesu.

<sup>48</sup> Ana peraga, apisu sane taḡatete alual mrapa, komin yeririna la naḡa amiya-gogon ke kiena navianena lala, akekarān manene laa kiena visena lala, la sinelan ga naga silaga.

## 20

*Nasumonena nae Israel lala sinelan asape avisaluḡar Yesu*

*Matii 21:23-27; Mak 11:27-33*

<sup>1</sup> Ana e si e legiena taḡena, Yesu ḡasuḡe si pa e Yuḡa Wa ḡana Ntewa gar Yerusalem, suḡa pian ke yeririna lala a mlologon ke ḡena nalogena wo pan la. Ana nasumonena kiena yar wa lala amio navianena navisaluaena lala amio ḡena nasumonēn taḡena lala apim puna, apiun tania, asape

<sup>2</sup> "‘? Ovisali van imimi, sane okila ke sanene e nini e kia kiena ai? ‘Ane pisa pan ko pisape okila sa nene?’"

<sup>3</sup> Ana Yesu pisatamē la, sape "Pogaga, ana yoko in ḡena neviun naviuena tai van amiu sumo wa. Kiau naviuena sanini, sane

<sup>4</sup> 'Nakeena naḡa Yoane kila nanua ga ne pa yar lala, naga pe sur tai naḡa Ntewa

pisa pan pisape kila, pona Yoane ga sitom sape kila? Amiu avisalia.’ ”

<sup>5</sup> Ana naviunena kiena ne Yesu nene kila narui apis manene ke sina ga pan la, apisa ke asape “?Yoko tevisa ve sanape na vania? !Tevisar ruruia! Visae tevisave nakeena nene, Ntewa naga pisa pa Yoane, yoko yar nene viun sina tan ita ne visave ana komin ya ne yepeta mavin lelagaena e Yoane?”

<sup>6</sup> Ana visae tevisave Yoane ga sitom sape kila, sa p̄isi yaru la sinela kar ita ana akove ita, komin naḡa amlelaga m̄arera rui sane Yoane naga pe navisawalena kiena ne Ntewa kemua lelaga.’ ”

<sup>7</sup> Ana sitomena nene kila narui apisat̄m̄e Yesu asape amninue kare ga narui.

<sup>8</sup> Ana Yesu pisa pan la, sape “Sanene, in m̄ena ga taḡatete nevisa van amiu ane pisa pan inu sape nekila yuḡaena nene.”

*Pakaiwa na yeririna viowa lala navisuaren lokilkerep*

*Matiu 21:33-46; Mak 12:1-12*

<sup>9</sup> Ana Yesu pisa ḡakaiwa tai pan yeririna la naḡa asike e poglis nene, pisape “Yerkawa tai, amio kiena lokilkerep tai. Naga sinenan sape yaloro re va e purvanua taḡena tai, naḡa m̄eke laa perina, ana naga mligan kiena lokilkerep nene pa yeririna taḡena laḡasa naḡa yoko aim ayuḡae ea, ana aul vania.

<sup>10</sup> Ana yerkawa naḡani pa suḡa gare pano-o, pisu kilale sane nanagane pogos naḡa mrakerep marua narui. Ana mligan kiena yar tai p̄asuḡe si pa pun la naḡa asike e kiena lokilkerep naḡani, vena war kilavaru na mrakerep komḡasa naḡa monar aul vania. Yar nene pano, ana pogos naḡa m̄alivin la, la pe sinelan re aul poli, ana aḡe kare naga, amligan si naga p̄asuḡea liman korena ga.

<sup>11</sup> Ana yerkawa naḡani mligan si kiena yar taḡena pano, ana aḡe m̄ena naga, akila piowa pania paḡisi, ana aḡenelua p̄asuḡe koren ga pa sina.

<sup>12</sup> Ana yam telu narui, yerkawa naḡani mligan kiena yar taḡena, ana naga m̄ena ga, aḡea kulu ga kuruta rui, akoven lua e lokilkerep nene pano.

<sup>13</sup> “Ana yerkawa na lokilkerep pisu p̄elaga viowa la ne sanene, mninue kare narui, pisape ‘!Awe! ?Popon nekila ya narui? Pona nanagane monar neligan ga naruu wawa nini narui. Naruu taaga ga nini, nesitom naga paḡisi, ana visae naga vano monar avisu kilalea, avatanonia.’ ”

<sup>14</sup> Ana mligan naga pano, a pogos naḡa yar la nene apisuia, asitom piowa pania. Apisayu sina pan la, asape ‘Nanene na narin yerkawa nene yo. Yar ne na nene narui, naḡa visae yerkawa nene kovio, naga ke narui naḡa yoko kus

porotano nene sane kiena lalimana. Popon toweḡaria, vena ita ga touarar tano nene ve kieta.’ ”

<sup>15</sup> Ana asuḡal narui atararia, akovenlua naga pa vanua e lokilkerep naḡane, ana aḡem̄aria.’ ”

Ana Yesu sape “Suniena nene pimi maro e nini na p̄a rui, ana popon asitomlia. Pogos naḡa yerkawa mloge sur nene, yoko naga imi kila ve sanapan la nene?”

<sup>16</sup> Nevisa van amiu sanini, yeririna viowa la nene, yoko naga imi we moḡar la, yoko amarmare e nakoan m̄arera tai, ana yoko ligan lokilkerep naḡani e limana yar laḡas naḡa apowo.’ ”

Ana poglis naḡa amloge Yesu pisa sanene, amloge kilale naḡa visena nene sane pisawan ga sur tai, pisayu sape le Yu lala pe sinelan re naga naḡa pe narina ne Ntewa poli, ana yoko Ntewa were yar la naḡa pe ape le Yu re poli akus lelela. Ana sur nene pe sinelan re aloge po, apis m̄arera, asape “Sur naḡa opisa ke ne, Ntewa monar ve ligan re sur nene imi m̄alivi sanene.’ ”

<sup>17</sup> Ana Yesu kira pisu manene la, piun pisape “Pe sinemiun re poli, ana vanon ya ne asiri visen wa naḡa pisa sanini, pisape ‘*Kilavaru nini, yar na yuḡaenen yuḡa lala asape piowa ga, ana akoven lua pa rui,*

*ana nanagane kilavaru nene pimi pe kilavaru wo tai naḡa pe na mrapun yuḡa, vena uarar yuḡa m̄arera.’* Yauena 118:22

<sup>18</sup> “Yeririna make ga naḡa visae avane kilavaru nene, yoko aloru akove kilavaru nena, siwowa kare yepela lala. A visae vano vano-o tol pogos naḡa kilavaru nene loru, ana yar a naḡa kilavaru monoaria, yoko kilamumu kare naga vano-o kovio nenaga.’ ”

<sup>19</sup> Ana navianen navisaluena lala amio yerkawa kiena ne yar wa lala, apisu kilale p̄akaiwa kiena Yesu nene panon la nena ga, ana sinela kar manene laa narui, asuḡalu asape auarar nena naga e pogos nene. Sinelan manene laa asape akila sur tai vania, ana akila p̄ele ga, komin apisu yeririna la akekaran laa naga.

<sup>20</sup> Kila sanene narui ana silaga asuḡa apisuaria, a laḡasa apa vinau ga apa lavisinia, akila kokanin ga sa naḡa alelaga e naga, ana sur naḡa la akila ke ne, asuḡa aḡar make nena kiena visena lala. Kiela sitomena sane sinelan asape alual visena laḡas naḡa naga pisa, ana akilia avisawal va yerkawa nae Rom nene Paelat, vena naga kilia la nakoena tai vania sa naḡa la sinelania.



*Sur kiena ne Ntewa, sur kiena ne Sisa  
Matiu 22:15-22; Mak 12:13-17*

<sup>21</sup> Pis na pog tai la naŋa apinaun vena aim lavisin Yesu, apiun naviunena tai tania, sa naŋa akila kotalia ga naga. Asape "Navianena, mepisu kilale sane kioŋa visena lala a kioŋa vianena lala ape pelaga a po paŋisi. A mepisu kilale sa naŋa kioŋa naliŋereen yar lala pe peve taŋena re poli, naŋa opisu la maran taaga ga, ko opisawal mesmesun ke mrapa kiena ne Ntewa pan yeririna make ga.

<sup>22</sup> Ana sinemimin mesape meviun tan ko sanini, sane "Kieta navisaluaena pisa sanape? ?Sape mesmesun ita le Yu lala toul takis va ŋarin suŋe nae Rom, naŋa Sisa, pona pisape pe mesmes re poli?"

<sup>23</sup> Ana Yesu pisu kilale sane asape akila kotalia ga naga, ana pisa pan la pisape

<sup>24</sup> "Ala narin kilavaru tai imi van inu. ? Avisuli sane marana ne ane teke ea? ?A kia naŋa asiri teke ea, kia kiena ai?"

Apisape "Marana Sisa, a kiena kia mŋena ga."

<sup>25</sup> Ana naga pisa pan la sape "Pogaga, sur naŋa pe kiena ne Sisa, ala va Sisa. A sur naŋa pe kiena ne Ntewa, ala va Ntewa."

<sup>26</sup> La nene sinelan manene asape atol ruru Yesu e maran yeririna lala e kiena visena tai, ana pogos naŋa amloge kana navisatameena nena, amilan paŋisi, apisu sane naga kilaŋar ruru kiela kap narui, ana apa ruru la ga asikena, pe apisa re si sur tai po.

*Yar la naŋa amarmare rui, yoko amamal sina*

*Matiu 22:23-33; Mak 12:18-27*

<sup>27</sup> Ana siraun naga nene, le Satusi laŋasa, apim puna Yesu, naŋa sinelan asape aviun tania e lepas na sur tai naŋa la amlelaga m̄arera ea, naŋa asape yar la naŋa amarmare rui, taŋatete amamal sina e legiena maro.

<sup>28</sup> Ana apiun tania, asape "Navianena, sinemimin mesape meviun tan ko sanini. Sanapen visena tai naŋa yermarua Mosis siriyu pan ita na nanua sumo. Naga pisape visae yar tai, wenla mare tan wona, naŋa lalua pe narila re tai poli wa, yokorena wenla nene monar were letano nene ve wona, vena kila sane sira nene kilia war sisi, vena uarar kia kiena ne wenla naŋa mare mal toŋa ga.

<sup>29</sup> Pogaga, ana e pogos tai, welelaila olua. Kiela m̄earu ŋere wona tai, ana naga mare tan wona naŋani lalua pe narila re tai poli wa.

<sup>30</sup> Ana wenla na surana naga towe ŋere sira naŋani, ana yoko naga mŋena mare tania,

<sup>31</sup> ana wenla mŋena na telu, kila sa ke ga, akila m̄a sanene pano-o tol wenla maro na olua, la make ga maran taaga ga, naŋa pe aŋar re nena narila tai poli.

<sup>32</sup> A siraun wona la punu ga nene, sira mŋena naŋani marŋanu.

<sup>33</sup> Ana ovisali sur nene: ?E legiena maro, pogos naŋa apisa ke asape yoko yeririna la amamal sina, yoko sira nene ve wona ai, komin naŋa talopa make amio welelaila olua nene?"

<sup>34</sup> Ana Yesu pisatame la sape "E ga e yomarava nini, yeririna lala asumŋa atalopa,

<sup>35</sup> ana la naŋa Ntewa pisape visae akilia amal si vetan marena vena ava loyurŋa e kiena yo, ve akila re sina. E pogos nene, taŋatete si atalopa narui,

<sup>36</sup> a yoko ve amarmare re sina komin naŋa aim sa ga navisi la narui. Yoko Ntewa kila amal sina e marena ana avim ave narina ruru nena lala.

<sup>37</sup> A e lepas namalen si nene, Mosis mŋena pisayu nanua sumo rui e suniena na purlaki naŋa kap pivaga ke ea. E nene tepisu naŋa Mosis pion pa Ntewa na mava sape naga pe Ntewa kiena ne Epraam a Ntewa kiena ne Aisak a Ntewa kiena ne Sekop.

<sup>38</sup> Ana pogos naŋa Mosis siri visena nene, la telu nene amarmare e yomarava nini nakonua rui, sane amare e yomarava nini, ana amal asike ma puna Ntewa na wa. Ntewa naga pe pe Ntewa kiena ne yeririna re ga la ne amarmare po, ana naga sinelan sape yeririna la naŋa asike amio, yeririna la naŋa amali. E navisuena kiena ne Ntewa, yeririna la naŋa amarmare e yomarava nini rui, la amal ga asike ga wa."

<sup>39</sup> Ana navianen navisaluaena lala asumŋa amiyagogon navisatameena kiena ne Yesu naŋa pa le Satusi lala, ana apisu sane manmarua ruru po paŋisi, asape "Navianena, kioŋa navisatameena po na po paŋisi."

<sup>40</sup> Apis sa nene vanon visena kiena Yesu nene kila sane le Satusi lala amaraun naŋa aviunli si sur la tania.

*Yesu Navisaarena naga pe Ntewa kiena ne yermarua Parin Suŋe Tepet*

*Matiu 22:41-46; Mak 12:35-37*

<sup>41</sup> Ana Yesu pis pan la pa laa sane, piun sur tai tan la, sape "Komin ya ne la apian amiun ke asape Navisaarena naga monar m̄aliv e lus kiena ne yermarua Parin Suŋe Tepet, naŋa naga pe ŋarin suŋe ŋesania?"

<sup>42</sup> Nepiun nene, komin nanua sumo, Tepet siri e kiena tus na Yauena lala, sape 'Ntewa na mava pisa pa kiau Suŋe, sape

*"Ototano e luñau lepa na ðamarua,*  
 43 *otomate ma vano-o, yoko neligan kiomã*  
*nasinekar lala aim ve takue tai na*  
*kilavanan laña." ' Yauena 110:1*

44 "Nanene na tepisu sane Tepet pio ke pa Navisaarena sape naga pe kiena Supe rui. ?Ana komin naña Tepet pisa sanene, sanape naña asuñia apisa ke Navisaarena nene asape yoko molue kome Tepet, naga pe lus nena ga tai?"

Ana yam si tai amilan visena kiena ne Yesu.

*Yesu pis marera pa nasumonon na lotena lala*

*Matiu 23:1-36; Mak 12:38-40; Luk 11:37-54*

45 Ana ðina la asike amiyagokon ke ga wa, naga pisawal visena tai, naña pe kiena ne kiena nalogenaga ga lala.

46 Naga sape "Kam na avisuar ruru yar navianen navisaluaena la nene. Asuñia aplave manene la e mla kulgota viavi la nene, a visave ayaloro e yepesinasa e maran yar lala sinelan asape yar la avatanonla, a avio ruru la asave, '!Kee, pokolulagi, ko na ope Navianen tai naña po pañisi!' A e pogos na paþagena a loyurña e yurña na leniena mña lala, sinelan asape atoga e lelen yerka lala. ?Kam na apisu kilale narui ne?"

47 A la akila kiela leniena la piayavi pañisi wa, ana apisokan ke ga ne, komin e ke e pog nene, asuñia akila kotalia ke ga letano lala, akila kare la. Ana vanon kiela þelaga la ne sanene, yoko kiela nakoena naga marera manene laa sane."

## 21

*Letano tai mla narin kilavaru lua pan Ntewa*

*Mak 12:41-44*

1 Ana pogos naña Yesu la asike e yurña mña Ntewa, apisu naña yar laþasa apimin naña akuan kiela nalaena lala e karo na Yurña Wa. Ana Yesu teke pisu ke ne, pisu naña yar na sur moki la apim akuan kiela nalaena wo lala,

2 a siraunia, naga pisu mña letano tai, naña pe kiena sur re poli, pimi kuan kiena narin kururu varu lua ga.

3 Ana naga pisayu sira nañani pan la, sape "Apisu ke letano nene, naña kuan narin kururu varu lua ga ne? Nevisa sur na lelaga van amiu, sane naga kuan taulu make yar la naña kiela sur moki.

4 Yar la nene, kiela kilavaru keviu pañisi, ana akuan ga narin kinakinas komþasa, ana letano nene, narin kilavaru naña mlararia vena ve kiena malena, tamãan make nena pan Ntewa."

*Yesu pisawal naña yoko awe plan yurña wa mña Ntewa*

5 Ana siraun naga nene, yar laþas apisayu ke Yurña Wa, asape apisu po pañisi, amio kana kilatapili nowo lala, a kana sur tanea la naña aþaria pe na vayaia punuen kana kove nena. Ana Yesu mloge mña naña asunyu ke sanene narui, naga sape

6 "¿Kam na apisu sur la nene asape powo liu? Nevisa van amiu sanini, siraunia, e pogos la tai ne pimi ke ne, yoko taþatete si kana kilatapili ne tai to ruru si teke e lelena, komin naña yoko yar laþasia aim awe plan tetai kare make yurña nene."

*Yoko pog marera monar imi*

7 Ana pogos naña amloge Yesu pisa sanene, apiun tania, asape "¿Ana Naviana, yoko awe plan Yurña Wa nene pog-wai, a yoko mevisu kile ya naña visawal visave lavisi sur la nene imi mlañaliv narui?"

8 Ana pisa pan la, pisape "Kam na popon avisuar ruru amiu, vena ve yar tai imi visa kotalia amiu re, komin yoko yar ve moki naña ala kiau kia, ana aim avisave '!In ne nanini nepe Navisaarena nene!' pona avisave '!Nane, kana pogos ne nanini narui!' Ana ve ataveve la re.

9 A visae e pogos nene, aloge maagena na mara lala, a sur viowa la asike ga lavisi, ana ve sinemiu kurkur manene re. Sur la nene monar anlañaliv sumo, ana naga nene na pe legiena maro re nene po la wa."

10 Ana pisa mña pan la, sape "A þarin supe lala, yoko akila sina mara amio þarin supe taþena lala, a purvanua lala asuñalun sina purvanua taþena lala.

11 Yoko yemninu vañisi, a yoko yo kar ga la e yomarava nini pogos na pupia viso vañisi a maiena marera lala, a nanene yoko amio mña sur na sine kurkurena a pupia kile lala meta e sinapane.

12 Ana pogos naña sur la nene pere wa, yoko yeririna la akila ke ne viowa van amiu. Yoko auarar amiu marera, ala magka van amiu, ana siraunia aligan amiu e limana ne li na sumonen yurña nalenena, pona akoven amiu ava asike e yurña naloge viowaena, pona akila amiu asuñalu ase marana ne kiela þarin supe lala pona kiela nasumonena lala. Sur viowa la nene yoko akusia vanon naña kam na apuarar ke kiau kia marera.

13 Pogos nene yoko akila marera van amiu vañisi, ana yoko imi sa naña kiamiu pulmas na lologonen Lologena Wo van la.

14 "Ana nagane, pogos naña sur la nene pere ke na wa, ve asitom manene re sane yoko ania avisa ya ne e pogos nene,

<sup>15</sup> komin naŕa yoko e nena e kana pogos nena, nela visena na manmaruaena van amiu. Ana pog naŕa avisa visena la nene van kiamiu nasinekar lala, yoko ataulu la, yoko taŕatete si avilon kiamiu visena nena.

<sup>16</sup> “Yoko e kana pogos nena, la ga naŕa kam na apio la ke asape arimamiu pona womla pona ŕapo pona erau, la ne sanene la ke naŕa yoko aure plan amiu aligan amiu e limana ne yerkawa lala, ana yoko akilapel amiu sanene vaŕisi vano-o kam laŕasa awe moŕar la.

<sup>17</sup> Yoko yar la sinela kar amiu vaŕisi, yoko laŕasa alamaran si visena van amiu, kam la naŕa kiau kia sike e amiu.

<sup>18</sup> “Ana nevisa van amiu sanini yoko taŕatete vilŕarimiu tai yoko kovio lue.

<sup>19</sup> Yoko asuŕnal m̄arera asuŕna vano-o ataulu pog m̄arera nene, a e mrapa nena nanene narui, yoko atol kiamiu malena na lelaga ea.”

#### *Pupia mara gar Yerusalem*

<sup>20</sup> A e lepaŕa na pupia pog m̄arera naŕa yoko imi, Yesu pisa sina pan la sape “Pogos naŕa visae avisu ŕegas nen yeririna na kilaen mara lala asuŕnal asuwo ke yo yervivi pupia pulkumali naŕa Yerusalem, nane yoko akilia narui sane pupia kana pog na kilaroroen pimi ke lavis narui.

<sup>21</sup> A pogos naŕa avisu sur nene, kam naŕa asike Sutea, popon aureure ana atapolou e kunus lala, a amiu naŕa asike loyuma Yerusalem, popon amomolue ana aureure, pona amiu naŕa asike yon̄arua, ve akilali re si naŕa ato garo um̄a.

<sup>22</sup> Nanene vanon poglis nene, naga pe pupia legiena na kila maranen sinemimiena kiena ne Ntewa, sa naŕa nasiriena lala nanua sumo apisaaria.

<sup>23</sup> E m̄ena e pogos nene, yoko viowa manene laa va sira la naŕa m̄eŕela, amio m̄ena la naŕa amla ke yu pa narila lala. E pog nene, yoko naloge viowaena ve keviu vaŕisi e kieta purvanua, a pupia sinemimiena imi va kieta yeririna la nene.

<sup>24</sup> A yoko playu na mara kila la ave moki aloloru, a la ve moki naŕa sen viar limala, aurela ava ayuŕnae korena kiena ne ŕegas nen yeririna taŕena lala. Ita le Yu lala yoko yar taŕena lala avienena kare kieta pulkumali wa naŕa Yerusalem, la ave suŕpena vano-o tol pogos naŕa Ntewa ga kila sane lala kiela ŕisi narui.”

#### *Yoko Narina ne Yeririna wasuŕe si imi*

<sup>25</sup> A Yesu pisayu legiena maro, sape “E pogos nene yoko avisu kile lala ma e mrae a e kupario a e verue lala. E yomarava nini, yoko ŕegas nen yeririna lala aloge viowa, asitom kare sur la vaŕisi, a pogos

naŕa avisu sive kululu ve keviu a lapa ke vam metava va ke ura, yoko la aninue kare narui asape m̄a yoko ve sanapen la na wa.

<sup>26</sup> A pogos naŕa la avisu kilale ya naŕa pivim ke e yomarava nini, a pupia sur la naŕa ma e sinapane kulkulul kar ga narui, yoko sinela kurkur vaŕisi, asuŕna marala malon maraena, a amarmarlui.

<sup>27</sup> Yoko akila m̄a sanene vano-o, avisu inu Narina ne Yeririna nom̄alivi e lul amio kiau pupia nam̄areraena amio kiau pupia naurarena.

<sup>28</sup> “Ana e kiamiu lepaŕa, pogos naŕa visae avisu sur la ne sanene asiar am̄alm̄aliv, ve amarau re. Ve asitom re suria, ana asuŕnal awar plan ŕarimiu vena akira va metava, komin naŕa sur la nene kana kinasa sane kiamiu yaru nawere plan amiuena pimi ke, lavis war-poyo narui.”

#### *Lepas na purpiliva*

<sup>29</sup> Ana Yesu pisayu ŕakaiwa tai pan la e lepaŕa na pogos m̄arera naŕa pimi ke ga wa, sape “Kam na asitomyuli purpiliva nene pona purlaki taŕena naŕa sanene.

<sup>30</sup> Pogos naŕa avisu sane korowas la imi memaena, a imi malmalumumu, a kana stos la siar miyulua, ana kam na akilia sane pogos na yepisusun pimi ke lavis narui.

<sup>31</sup> Sanene pogos naŕa avisu kile la nene aim am̄alm̄aliv ke sa naŕa nepisa pan amiu ŕa rui, yoko akilia sane nasuŕpena kiena ne Ntewa pimi ke lavisin amiu narui.

<sup>32</sup> Lelaga nevisa van amiu, yoko sur punu ga monar imi m̄alm̄aliv m̄a sanene vano-o ŕisi, ana siraunia, teras na yaru la naŕa amal ke e pog nene akovio e yomarava nini.

<sup>33</sup> A yoko sinapane amio yomarava nini la m̄ena luwoka akovio, ana kiau visena lala taŕatete akovio pogos tai.”

#### *Kam na monar akila ruru kiamiu malena lala*

<sup>34</sup> Ana Yesu mla visena nene pan la e pogos nene, pe visena na weŕeŕe laena, sape “Ana e kiamiu lepaŕa, kam na avisuar ruru amiu. Pe pon re kiamiu malena ve taŕena si poli, pona amun manene la kuruta na munena, pona sur kar la ne sanene, a ve kiamiu sitomena su manene re m̄ena ga e sur na yomarava nini la silaga. Visae peraga, yoko asuŕna akila m̄a sanene vano-o ailan ga pupia legiena nene imi m̄alivin amiu veraga sa ga ekarpila.

<sup>35</sup> Lelaga, yeririna make ga e yo punu ga e yomarava nini, pe asitom̄al re poli, asu wowe ga pe akilia re poli, ana yoko legiena nene imi tol la sa naŕa manu milan

ga ðeregawa suñal maneno sike e naga, marþan nenaga.

<sup>36</sup> Ana kam na monar avisuar ruru amiu silaga, monar alen lue ga vena akilia asñal mñarera vena atamalia amiu e sur la naþa yoko imi mñalmaliv, vena kila naþa akilia asuñal ase marau Narina Yeririna."

<sup>37</sup> Ana Yesu suñia pian la ke sanene e Yumña Wa ko legiena lala, a kolemalo naga petan pulkumali pava ke e Kunus Na Purolip lala.

<sup>38</sup> A kolulagi kona lala yeririna lala atavilo koskos, aþasuþe la apa si e Yumña Wa vena aloge kiena visena lala.

## 22

*Nasumonena nae Israel lala asitom ke asape aweñar Yesu na wa*

*Matiu 26:1-5,14-16; Mak 14:1-2,10-11; Yoane 11:45-53*

<sup>1</sup> Ana siraunia, pimi ke lavisin pog naþa kas punu ga, la akila kiela pupia þaþagena lua, sane þaþagena na kanen kiligaþe naþa pe is re e poli, amio þaþagena na sitoñalen natamaliaena.

<sup>2</sup> A e pogos nene, yerkawa kiena ne yar wa lala amio navianen navisaluena lala, asitom ke asape aweñar Yesu na wa, ana pe añal re mrapa na kilaen poli, komin amaraun naþa asape visae akila, pona yeririna la akila sur tai van la yo.

*Sutas sun amio yerkawa lala, pisaar sape þisi na kom varaun Yesu*

<sup>3</sup> Ana e nena e pogos nene, Yermare pimi pa e sinena Sutas nae Kariot, naga nene la lualima taaga pa lua lala ga tai.

<sup>4</sup> Ana pe yam piavi re nenaga, Sutas suñialu, pa mñalivn yerkawa kiena ne yar wa lala amio yerkawa kiena ne kiela lokul lala, pisawal kiena sitomena nena, ana apisayu mrapa ya naþa po, vena yoko kilia vielua Yesu van la.

<sup>5</sup> Ana sitomena kiena ne Sutas nene kila amloge po paþisi, ana la apisu sane popon ala kilavaru tai vania vanonia.

<sup>6</sup> Ana Sutas kekarania, a siar e pogos nene, silaga naga suñia kale ke kiena pulmas tai naþa visae ve yeririna re lala, ana naga kilia vielua Yesu van la.

*Yesu pitetalia Pita lalua Yoane vena ava akila ruru kana kinanena maro*

*Matiu 26:17-25; Mak 14:12-21; Yoane 13:21-30*

<sup>7</sup> Ana apim tol legiena na siaren þaþagena na kanen kiligaþe naþa pe is re e poli, naþa e mña nena e legiena nene monar akila kuþaþaena na narin sipsip lala vena sitoñalen natamaliaena.

<sup>8</sup> Ana Yesu pisa pa Pita amio Yoane, sape "Nevitetalia amlua ava gare, vena akila ruru make sur lala na kinanena na þaþagena nene."

<sup>9</sup> Ana lalua apiun tania asape "¿Ana ko na sinoñan ke osape meva mekila ruru e nape ne?"

<sup>10</sup> Ana Yesu sape "Kamlua ava atol pupia pulutava nae Yerusalem, ana pogos naþa avaliga loyurña ea, alual yar tai naþa kus ke pupia piawi tai imi vitawe amiu. Ana ataveve avano, yoko naga were amiu ava e yumña tai.

<sup>11</sup> Ana pogos naþa ava loyurña, avis va þar na yumña naþani, avisave 'Kieta Navianena piun sape, ¿Awa mñamimi yurña imimi wolawa lala, vena mekilia mese ea makan kinanena nasitoñalen natamaliaena nene ea?"

<sup>12</sup> Kamlua avisa ve sanene vania, ana yoko naga kipuan amiun pupia lele tai metava, naþa sur make sike pa e rui, ana yoko akila ruru make sur na kanen la e yo nene."

<sup>13</sup> Ana Yesu pisa pa sanene pa nalogena lua nene narui, lalua apano, ana apisu sur la punu ga pimi mñalivi sa ga naþa naga pisa ruru þesan kemua pan la rui.

Sanene narui, lalua akila ruru kinanena maro kana Yesu.

*Kinanena maro*

*Matiu 26:47-56; Mak 14:2-26; Yoane 18:3-11*

<sup>14</sup> Ana siraunia Yesu la apa meta e yo naþani, ana pog na kinanena, Yesu totano e lelen kinanena, ana li na lologena lala apim atotano amio.

<sup>15</sup> Ana Yesu pisa pan la sape "Na nanua rui, in na nesitom mña kata kinanena nasitoñalen natamaliaena nene. Na nene kau kinanena maro nini, naþa ita ga tekinana lele taaga, ana siraunia, nekilia neva ga e kiau pog mñarera na wa.

<sup>16</sup> Nevisa van amiu sanini, kilaparavi nini kana kinas pisayu natamaliaena. Ana yoko in na ve nakan re si narui, vano vano-o tol pogos naþa kiau natamaliaena imi mñaliv e yomarava nini, e pogos naþa nasuþenena kiena ne Ntewa imi."

<sup>17</sup> Ana naga mlarar piala tai, pisa potenan pa Ntewa, ana pisa pan la, sape "Ala nanini, ataron werewere van amiu, amunia.

<sup>18</sup> Nanene komin naþa siar nanagane, in na yoko ve nomun re si kuruta na munena, vano-o tol pogos naþa nasuþenena kiena ne Ntewa imi."

<sup>19</sup> Ana naga mla kala kilaparavi tai, mlenin pisa potena pa Ntewa, kawewoia pisape "Naga nini tasneu ne, naþa

netamān pan amiu. Ana yoko kam mēna ga monar akila ve sanene, sa naḡa kiamiu nasitomālinena.”

<sup>20</sup> Ana siraunia, pogos naḡa akinana pae, naga kila ke sina sa naḡa kila e kilaparavi sumo, mla piala na munen tai, pisape “Piala nini naga sane kile na kau kuruta naḡa yoko lau vanon amiu, vena visirluaen naviranarena viu kiena ne Ntewa amio amiu.

<sup>21</sup> Ana sur viowa tai, yar naḡa yoko vielua inu, naga ita ga tai naḡa tekinana ke lele taaga nagane.

<sup>22</sup> Yoko inu Narina ne Yeririna monar nemare ve sa naḡa apisaar kemua nanua sumo rui, ana yar naḡa yoko vielua inu, sineu miye ke nagane, yoko viowa manene vania!”

<sup>23</sup> Ana pogos naḡa amloge, asumā apiuviun tan la asape akilali naḡa alual lala ai naḡa sitom ke sape kila sanene, ana pe amān re poli.

*?Ane yoko ve kiela nasumonena?*

*Matiu 20:25-28; Mak 10:42-45*

<sup>24</sup> Ana e pogos nene, veveyen tai molue likan nalogena lala, sape lala ai naḡa yoko la monar avisu naga sane naga to laa metavan la sane, ve kiela nasumonena.

<sup>25</sup> Ana Yesu mloge, pisa pan la, sape “Ita tekilia ḡelaga kiena ne yerikawa na yomarava la nini rui. Parin suḡe lala la ape navisuaren kiela yeririna lala, a nasumonon lala, yar la monar avatanon la, ala kia naḡa tometava van la, avio la avisave ‘yar navisuar itaena.’

<sup>26</sup> Ana kam na kiau nalogena lala, monar ve akilali re sa naḡa aim ave yerikawa na yomarava nini. Kam yar tai naḡa pona apisa ke asape naga pe yerikawa, yoko monar imi ve tokakin amiu, sa naḡa pe pras maro. Kam yar tai naḡa sape naga ve kiamiu nasumonena, monar imi ve sa yar na iila amiuena.

<sup>27</sup> “E pogos na kinanena, yar tai naga tomā ga sane kikiran ga, a yar taḡena naḡa ḡar ke kana kinanena pimi pania. Ana lalua nene apisu sane ane pe yerikawa, naga mon manene laa metava? Lelaga kam akilia māga, ana in na pe sa re naga po, in na nepitom e yomarava nini sane naga naḡa kila yumāena, miila yar taḡena lala a kila po pan la.”

*Yesu pisaar nalaena pan la*

<sup>28</sup> Ana Yesu pisa pan la, sape “Kam nene, nepisu amiu sane kam na sane amiilar inu po e pog mārera la naḡa netolia, pimi tol nanagane.

<sup>29</sup> Ana sa naḡa arimau mligan inu nepe suḡen kiena yo, in mēna nevisa van amiu sanini nevisir plan amiu aim ave narin suḡe lala e kiau yo la nene.

<sup>30</sup> Sanene, yoko kam ke narui kam naḡa yoko ato si tano amio inu, tekinana lele taaga loyurā e kiau nasuḡenena, a yoko kam mēna atotano e lele na totanoena naḡa mon metava vena visuaren lus lualima taaga pa lua nene nae Israel.”

*Yesu pisawal naḡa yoko Pita viro naga Matiu 26:31-35; Mak 14:27-31; Yoane 13:36-38*

<sup>31</sup> Ana Yesu pis amio Saemon Pita, sape “Ake Saemon, ovisuar ruru ko. Yermare sinen kar amiu, sinenan sape kila kare amiu vaḡisi, ana Ntewa tamān rui sape yoko naga kilali amiu ve tokak ga, kilia liḡere naḡa po vetan naḡa piowa.

<sup>32</sup> Ana in na nemlenwo amiu ke rui, in na nomāreran ko ke e kiau leniena nesape visae ko na ve sanape, ana yoko kioimā naviawaena taḡatete loru makea. A siraunia visae ko na oim owo ruru sina, owasuḡe ko oimi, yoko ko na oim ove yar tai naḡa silaga okila womla lala aviawa mārera manene laa sane.”

<sup>33</sup> Ana Pita pisatarāne Yesu, sape “Suḡe, visae akoven ko ova e yumā nakoena, yoko in na nemio ko woga ga. Pona akila mā van ko vano-o ova otol marena, ana in mēna nekekaran ga naḡa italia.”

<sup>34</sup> Ana Yesu pisa pania, sape “Pita, nevisa sur na lelaga van ko, sane yemalo ga nini, ve lakaporo kokoreko re wa, yoko ovisa kotalia inu yam ve telu, ovisave ko na omninue in nena ga.”

*Pog mārera pimi ḡarpo yo rui*

<sup>35</sup> Ana Yesu piun tan la, sape “Kam na asitomān ke nanua ne, pogos naḡa nemligan amiu apa amlologo kar ga e yo la nene. In na nepisa pan amiu nesape ve awar re sur laḡas amio amiu, sane taga na varu, pona karo, pona kulus nen lamiu taḡena, pona sur la ne sanene. ?Ana sanape, kam na apisu limamiu plasan sur laḡas, pona peraga?”

Ana apisatarāne, asape “Suḡe, pe limamimi plasan re sur tai poli.”

<sup>36</sup> Ana Yesu pisa pan la, sape “Lelaga, naga ke narui. Ana nanagane, tesie e pog taḡena nini narui. Nanagane, yar naḡa kiena taga na varu, pona kiena karo tomā ga, yoko warar vano. Yar naḡa pe kiena playu na mara re poli, popon wilwilin lua māna kulkota ana la kana kilavaru, va ul kiena playu na mara tai.

<sup>37</sup> In na nepisa nene pan amiu, komin nasiriena wa nasumo lala naña la apisayu inu, apim añalñaliv ape lelaga narui, pano-o tol visena naña Aisea pisa, naña sape

*'Akila pania sa ga naga mēna pe yar viowa ga tai naña kilakilaro ke navisalu-aena.'* " Ais 53:12

<sup>38</sup> Ana nalogena lala asuñña asitom veve ke ga visena kiena Yesu e lepas na playu na mara nene, ana asape "Suñe, opisus ke ne, nanini kieta playu na mara lua nini."

Ana Yesu pisu sane la pe akilia ruru re kiena visena poli, ana sape "E, tepisayu sur nene torok narui."

*Yesu pa mlen ma Ketsemani ma meta e Kunus na Purolip lala*

*Matiu 26:36-46; Mak 14:32-42*

<sup>39</sup> Ana Yesu la amligan yo na ma metava nene, ana sa naña kilakila ke ne, naga mialoro pa tol Kunus Na Purolip lala, naga amio kiena nalogena lala.

<sup>40</sup> Ana pogos naña atol yo naña Yesu pava ke ea, amap ea, ana pisa pan la, sape "Kam na monar alen silaga, vena nakilaliēna lala ve akila amiu re aloru."

<sup>41</sup> Naga pisa pa sanene pan la, ana mligan la, pa laa perinan laa sane, ana kinai mlen pa Ntewa.

<sup>42</sup> Naga mlen sanini, sape "Awis Ata, visae okilia okila woga ga, olalua piala na loge viowaena nene vetan inu ve nomun re. Ana ve okila re kiau nasinenanena, okila ga sa naña kioñña."

<sup>43</sup> Ana e poglis nene Yesu mloge urmi pan pañisi, ana apisu navisi tai mligan ma e peni pitomi tano, pitomi miila naga vena naga mārera sina.

<sup>44</sup> Ana Yesu suñña mloge piowa pañisi, sitom pele narui ana mlen mārera laa sane, mlen mña pano-o kana ninena sigariga sane kuruta kekapili e porotano.

<sup>45</sup> Ana pogos naña mlen pae, suññal sina, pañsupe si pa puna nalogena lala, ana pisu naña nasineyeena mē la rui, amiyumñāen ke ga momalena narui.

<sup>46</sup> Ana naga pis malum kilāpege la, sape "ʔE, amomalion ke ya ne? Popon asuññalu, akila ve sa naña nepisa pan amiu rui. Kam na monar alen vena nakilaliēna lala ve aim re akila amiu aloru."

*Sutas la apim atarar Yesu*

*Matiu 26:47-56; Mak 14:43-50; Yoane 18:3-11*

<sup>47</sup> Ana pogos naña Yesu pis ke pan la wa, apisu ga pupia pegas nen yeririna tai apim akaten la, apisu naña yar tai sumon la apim ke lavis narui, nanene na lala yar

ga na sumo tai, naña Sutas. Ana Sutas mial pimi lavisin Yesu, kutararia ana mun pipina.

<sup>48</sup> Ana Yesu pis pēsan pania sape "Sutas, omun pipi sanene na pogaga, ana komin ya ne osape owilwilin inu Narina ne Yeririna e mrapa na sanene?"

<sup>49</sup> Ana la naña ape kiena ne Yesu naña asuññalu asike lavisinia apisu kilale ya naña Sutas la asape akila, la apiun tan Yesu, asape "ʔSuñe, sanape, tete la e kieta playu na mara lala?"

<sup>50</sup> Ana Yesu pe pisatamē re poli wa, ana nalogena tai suññalu, pērelua kiena playu na mara, mligan pan tai tea, naña naga yar kiena ne pārin yar wa, ana tetereria ga, telua kiligana na pamarua pano.

<sup>51</sup> Ana Yesu pis pania, sape "ʔE toko! Ita ve tekila re si sanene van la." Ana naga tol si len kiligana yar nene, kila ruru sina.

<sup>52</sup> Ana kira pisu yerkawa kiena ne yar wa lala amio yerkawa kiena ne lokul lala na yuñña mña Ntewa, amio nasumonena tañena kiena ne le Yu lala, naña la mēna apimīnia, pis pan la, sape "ʔSanape na apan kiamiu playu lala a kiamiu plaki la sanene? ʔPona kam na asitom ke asape in na yar tai naña nepinau mārera pona nonñemē yaru?"

<sup>53</sup> Nanua sumo, e legiena punu ga, in na nesisike nemio amiu e Yumña Wa silaga pano-o, ana komin ya ne kam na pe apim re lavisin in poli vena atarar inu e pogos la nene? Ana nepisu sane kam na ape yar na yemalolo, naña apim amio namāreraena na yemalolo tañena lala, a nanagane kiamiu aora nena napo."

Ana apim atarar Yesu aḡere pano.

*Pita piro Yesu*

*Matiu 26:57-58,69-75; Mak 14:53-54,66-72; Yoane 18:12-18,25-27*

<sup>54</sup> Ana atarar Yesu, aḡere pañsupe amio la apano, apa loyumña e kove kiena ne pārin yar wa. Ana Pita mēna mial tapolou ga taveve la e pogos nene, pe pa re lavisin la poli.

<sup>55</sup> Ana pogos naña apim loyumña e kove nene, laḡasa apa akila kipi pivaga vena ategania, ana Pita mēna pa totano amio la.

<sup>56</sup> Ana la asuñña narui kapi pivaga tegoli marana Pita, ana sira mēne na yuññaena tai naña naga sike amio la, naga pisu kilalea, sape "ʔE, avisulia! Yaru nene, naga mēna lala yar tai naña silaga taveve yar nañani!"

<sup>57</sup> Ana Pita pirovia, sape "ʔPeraga, vineu! Nepisa ruru ke na pan ko ne, in na pe nekilia re yar nene poli."

<sup>58</sup> Ana pe piavi re poli, yar tañena kira pisu Pita, pisu kilalea, sape "E, ko mēna tai nene naña."

Ana Pita pisatamēa, sape "Peraga, mara."

<sup>59</sup> Ana asuñā ga aora si taaga ĩarovia, taĕna pimi pilagan manene ke sina ga pan la, sape "Nevisa ruru van amiu, yar nene naga miaialor kemua amio yere Kalele nene nanua rui. !Apisu ke ne, naga mēna pe yere Kalele ruru nena napo!"

<sup>60</sup> Ana Pita pisatamēa, pisa kotalia la ke sina ga sape "Peraga, nemninue nena sur na opisa ke ne."

Ana pogos naĕa Pita pisa ke visena nene wa, lakaporo kokoreko.

<sup>61</sup> Ana pogos naĕa lakaporo kokoreko, Suĕe pilon ĩarina kira pimi pisu manene Pita. Ana Pita sitorñal si visena kiena ne Suĕe naĕa pisawal ĩesan pania, naĕa sape "Nevisaar nena van ko, e yemalo na legiena ga nene, pogos naĕa lakaporo pe kokoreko re poli wa, ana yoko oviro inu yam ve telu narui, ovisave ko na omninue in ga."

<sup>62</sup> Ana Pita mloge piowa paĕisi, pa vanua, tagi na tagi.

*Yeririna lala kiena ne ĩarin yar wa akila kare Yesu paĕisi*

*Matiu 26:67-68; Mak 14:53-65; Yoane 18:19-24*

<sup>63</sup> Ana la naĕa atarar ke Yesu e pogos nene akila piowa pania, apisa karea, asuia,

<sup>64</sup> akila mñ pano-o apiwo marana vena ve kirava re sina, ana pogos naĕa asuñā amlipa ke naga, apiiai pania apiun tania asape "Ei, apisa ke asape ko navisawalena tai, a ko ovisawal lia, ane mlipa ko ga na wa."

<sup>65</sup> Ana akila mñ sanene panpano-o, apisa kare naga paĕisi.

*Atar Yesu pa e pupia kumali kiena ne yerkawa kiena ne le Yu lala*

<sup>66</sup> Asuñā ga sanene pano-o mrae pa metava, ana nasumonena kiena ne le Yu lala, sa naĕa pupia yerkawa wa lala amio navianen navisaluaena lala, apim lele taaga e kiela pupia kumali. Pogos naĕa apim pa e lele taaga narui, aĕere Yesu pa suñal se marala.

<sup>67</sup> Ana apis pania, apiun asape "Visae ko ope Navisaarena kemua lelaga, naĕa le Yu lala akiravan ke asape yoko naga monar imi, sinemimin mesape ovisawal ruru van imimi nanagane."

Ana Yesu pisatamē la, sape "Nekilia nevisawal van amiu, ana visae nevisa, pona taĕatete akekarar naĕa alelaga e yo.

<sup>68</sup> A sineun nesape in mēna neviun sur laĕas tan amiu, ana visae neviunia, yoko kam na taĕatete mēna avisatamē yo.

<sup>69</sup> Ana sur tai naĕa in na nekekarar nesape nevisawal van amiu, nevisa sanini, nesape 'Siar nanagane, yoko ve sa naĕa

Tusi Wa pisa rui, naĕa sape yoko Narina ne Yeririna va totano ma metava e lepas na ĩamarua puna ne Ntewa na pupia naniareraena."

<sup>70</sup> Ana pogos naĕa amloge visena nene, apiun tania, asape "!Ke, ya ne sa nene! ?Opisa ke osape ko ke naĕa ope Narina Ntewa narui?"

Ana Yesu pisatamēa sape "Naga ke narui, sane apisa ke ne."

<sup>71</sup> Ana pogos naĕa la asuñā apisu naĕa Yesu pisa ke sape naga pe Narina ne Ntewa, sinela mimi, apisa sanini, asape "Yar nene pisa sanene, tepisu kilale ruru sane pupia veveyuena mēke ga e naga rui. Yoko ve takale re si yar taĕna la kiena visena imi visawalia, naga kiena visena ga mliĕere sina naga rui."

## 23

*Aĕere Yesu pa puna ne Paelat, ĩarin suĕe nae Rom naĕa pisuar ke Israel*

*Matiu 27:1-2,11-14; Mak 15:1-5; Yoane 18:28-38*

<sup>1</sup> Ana li na kumali kiena ne le Yu lala, amloge pa visena kiena Yesu rui, ana asuñālu akuspran la e pupia ĩegas tai, aĕere Yesu pa suñal se marana ne Paelat e kiena lele naliĕereena.

<sup>2</sup> Ana apis pa Paelat, apisawal sur la mok paĕisi pania naĕa apisayu Yesu. Asape "Yar nene, naga suñā kila kare ke sitomena kiena ne yeririna lala e kiamimi purvanua, suñā pisalupar la ke sape ve aul re si takis va kioñā yerkawa nene, Parin Suĕe Sisa nae Rom, a naga ga suñā pisirlua ke naga sape kus kia naĕa Navisaarena, kila sane naga ve kiamimi ĩarin suĕe keviu. Sur la nene, imimi na mepisu nena e kilamaramimi."

<sup>3</sup> Paelat miyagogon pae kiela visena, ana piun tan Yesu, sape "Ko towe ovisali kioñā. ?Lelaga kemua naĕa ko ope ĩarin suĕe kiena ne le Yu lala, pona peraga?"

Ana Yesu pisatamēa, sape "Naga ke narui, nane opisa ne."

<sup>4</sup> Ana Paelat miyagogon visena kiena Yesu, ana pe māl re naĕa naga kila sur tai piowa po, ana pisa pa pupia yar wa lala amio kiela yeririna lala, sape "Yar nene, e kiau navisuena, naga mesmesu ga, naga pe kilaro re navisaluaena tai poli."

<sup>5</sup> Ana la pe sinelan re logen visena kiena ne Paelat nene poli, ana la akila ga sane sur na vitapilena, aniararan manene pania, asape "Peraga, yar nene na piowa ga. Naga suñā miyuyur kare sitomena kiena kiamimi yeririna lala, a suñā mlologo ke pan la e yo kar ga la ne e yo punu ga, siar gar Kalele, pimi ĩar make yo Yutea, pimi tol pupia pulkumali nene rui."

<sup>6</sup> Ana pogos naŕa Paelat mloge asape Yesu siar kiena yuŕaena gar Kalele, piun sape naga pe yere Kalele naapo pona peraga.

<sup>7</sup> Paelat piun sanene komin naga pe pisuar re lepas nae Kalele po, ana ŕarin suŕe taŕena naŕa Erot naga pisuar ke yo nene, a pogos naŕa apisawal pa Paelat asape Yesu naga nae Kalele, naga pisa pan la sape yoko monar aure naga va ŕalivin nena ŕarin Suŕe Erot e kiena lepasa. Ana e pogos ke nene, ana Erot ŕena pimi mialiali ke Yerusalem rui, ana aŕere ga Yesu apa apisuia.

<sup>8</sup> Ana pogos naŕa ŕarin Suŕe Erot pisu kilale sape Yesu nene, kekarania komin naŕa mloge pa kiena suniena rui, kila sane nakonua rui naga sinenan sape visuia ana peraga, ana naga sitom ke sape nanagane narui, pona visu Yesu kila kile tai van yo.

<sup>9</sup> Ana naga sunli amio Yesu, piun veve sur la mok pania, ana Yesu pe pisatame re poli, toŕia ga sane, pe pis re poli.

<sup>10</sup> Ana e pogos nene, pupia yerkawa wa lala amio navianen navisaluena lala, la ŕena asuŕal asike ga lavis, apis keviu apisasawal ke sur lala e lepas kiena ne Yesu.

<sup>11</sup> Ana sur la nene akila Erot amio kiena yar na mara lala pe sinelan re si Yesu po, akila piowa pania, apisalele karea ŕisa. Siraunia amiyen kulmae nowo ŕana ne ŕarin suŕe ea, vena avitalia, ana akila ŕa sanene pano-o, yoko Erot mligan si ŕasuŕe pa pa Paelat vena visuvega.

<sup>12</sup> Ana sumon sur la nene, lalua nene Paelat amio Erot lalua ape erau viowa ga, ana siar e poglis naŕa lalua amiyuŕae si lele taagan liŕeren Yesu, ana ŕere si lalua apim ape erau wo sina.

*Yesu suŕal si se marana ne Paelat*

*Matiu 27:15-26; Mak 15:6-15; Yoane 18:39-19:16*

<sup>13</sup> Ana aŕasuŕe la si apim e yo kiena Paelat, ana naga pio viraviran pupia yerkawa wa lala amio suŕe lala a yeririna lala sape aim avisuia.

<sup>14</sup> Ana pogos naŕa apim loyuŕa, pis pan la, sape "Naŕa aŕere ŕesan yar nene pimi suŕal se marau, kam na apisawal asape naga pilon kare lue ga sitomen kiena ne kiamiu yeririna lala. Ana nepiun sur laŕas tania, sa naŕa kam na amloge, ana in na pe noŕal re sane naga kila sur la naŕa apisa poli, noŕal sane naga mesmesu ga.

<sup>15</sup> Ana nemligan pa pa Erot pisuvevega, ana Erot pe ŕa re sur tai e poli, ana mligan sina pimi pan inu. Pogaga, kiau nalipereena naga sanini, sane naga pe kila re nena sur tai naŕa monar maren poli.

<sup>16</sup> Visae sanene, yoko in na nekila ga sanini vania, nekila ga naŕa awea, yoko aligan si vano, kilia wasuŕe si va e kiena yo."

<sup>17</sup> Ana komin naŕa e pogos nene naga pe pogos na kilaen pupia ŕapaŕena kiena ne le Yu lala, asitom ke asape sa naŕa Paelat naga kila ke silaga, yoko naga monar ligan lua si yere Yu tai naŕa apuarar ŕeke e kiena yuŕa na loge viowaena.

<sup>18-19</sup> Ana poglis nene lala yar tai naŕa Paelat ŕuarar ke ga wa, naga yar naŕa Paraŕas, naŕa nanua sumo, naga ŕere yar taŕena laŕas akila sur piowa tai gar Yerusalem pa yar na kilaen mara lala nae Rom, aŕe moŕar la, ana Paelat koven pa e kiena yuŕa na loge viowaena.

Ana pogos naŕa apisu sane Paelat sine-nan sape ligan lua si Yesu molue, apion manene pania, asape "Toko, toko! Imimi na sinemimin ga Paraŕas wasuŕe si imi van imimi. Yar nene, mesape olalua ga kiena malena."

<sup>20</sup> Ana Paelat yepen mavi, naga sinenan sape Yesu na molue koren ga sa ga ne va si vanua, ana kilali naŕa pis sina ga pan la.

<sup>21</sup> Ana la ato ga metavania, apionia asape "!"Osuaria, osuar e laki torovia!"

<sup>22</sup> Ana Paelat pis pan la yam telu narui, sape "?Ana komin ya ne, naga kila ya ne piowa? In na nepisuveve make sur la rui, ana pe noŕal re sur tai piowa teke e naga po, naŕa naga kilia marenia. Yoko nekila awe ga naga, yoko aligan si wasuŕe va uŕa."

<sup>23</sup> Ana la apisatame si Paelat, apion manene laa pan sane, aŕareran asape Yesu na monar va e lak torovia, ana akila ŕa sanene pano-o atauluia.

<sup>24</sup> Ana yokorena Paelat mla kiena nalipereena, pisawal pisape naga tamian ya naŕa la apiunia.

<sup>25</sup> Yar naŕa sike e yuŕa naloge viowaena komin ŕelaga na kilaen mara amio ŕelaga na weŕaren yarui, Paelat tamian naga molue si pa pan la, sa naŕa la apiunia. Ana e lepas kiena ne Yesu, naga pisawal sape yoko kiena yar na mara lala akila vania ve sa naŕa le Yu la sinelania.

*Aŕere Yesu pa e yo naŕa Kalŕari*

*Matiu 27:32-44; Mak 15:21-32; Yoane 19:17-27*

<sup>26</sup> Ana la aŕere Yesu pavini, amiyal apa e lele na suaren naga e laktorovia. Poglis naŕa apa ke narui, aŕal yar tai pa yonaruŕa ŕasuŕe, yar nena naga Saemon naŕa nanua sumo naga nae Saerin, ana aŕareran asape naga kus laktorovia kiena ne Yesu, ana amligan e purkaunena, ana taveve Yesu vavini.



<sup>27</sup> Amiyal apa ke sanene, ana poglis nene yeririna tařena mēna la mokliu nařa ataveve ke Yesu, nařa sira la moki, nařa asuřa atagillilue amio pupia sineyeena.

<sup>28</sup> Ana Yesu mloge řa kiela visena na loqe viowaena lala, ana kira řatau pisu la, pis pan la, sape "Sira re Yerusalem lala o, ve atagin in re si sanene. Visae sinemiun tagena popon atagin amiu ga, pona narimiu lala.

<sup>29</sup> Nepisa sanene pan amiu, komin nařa pog řarera tai pimi ke ne nařa yoko yar la ne asuwal pog nena yoko avisa sanini, avisave '!Visae sira la ve kala sisi re ga rui! A wo manene laa sane visae ve awar re sisi la ne amun ke yu ne, komin e pogos nene yoko řarera manene laa van ita temio narita lala.'

<sup>30</sup> "A yoko pog nene imi viowa manene laa van la vano-o asuřalu atag va tavie lala a kunus la avisave 'Awis, aloru akoar imimi, akove mořar imimi, asinwo imimi.'

<sup>31</sup> Monar avisuar ruruia, komin nanagane na lak memaena ke ga wa ana akila ke řarera manene pan inu rui, ana siraunia va řa sanene vano-o visae lak imi mano pae, yoko akilia akila viowa manene laa sane van amiu."

#### *Asuar Yesu e laktorovia*

<sup>32</sup> Ana e poglis nene, apuuar ke mēna yar lua nakilaroen navisaluaena, ana ařere lalua nene amio Yesu, vena awenřar la amio naga.

<sup>33</sup> Ana amial řa apano-o, apa atol kana yo nene, yo tai nařa apio asape "Yo na puriu na řarin yaru." Ana la atarar Yesu, asuar naga e laktorovia, apisirlua su lika, ana asuar yar na mlamulena viowa lua nene, apisirlua la tai se řamarua a tai se řameři.

<sup>34</sup> řa nene narui, Yesu telan řeke e lak torovia, ana pis pa Ntewa, pisape "Ata, awis oviewo la nene. La pe apisu kilale re sur na akila ke ne poli."

Ana siraunia li na mara la asuřa ga, akila sur sa nařa amilil mapiła, vena lualen lala ane yoko war kulmrae řana Yesu tai, a ane war tai.

#### *Apitalia kare Yesu řisa*

<sup>35</sup> A yeririna tařena la asuřalu asike laa perina, asuřa apisuar ke ga, ana kiela nasumonena lala apis piowa pa Yesu, apisa karea, asape "Akira avisu yar nařa! Asape naga tamalia yar tařena la mok rui, ana nanagane na sanape? Asape naga pe Navisaarena kiena ne Ntewa, pona naga pe yar tanea tai nařa Ntewa mligan pimi.

Visae sanene, popon tamalia towe laa naga narui!"

<sup>36</sup> Ana yar na mara mēna lala apisa karea, apim akian kuruta namunena nařa melkalka pania vena munia,

<sup>37</sup> asape "!Visae ko ope řarin suře kiena ne le Yu kemua la lelaga, sa nařa apisa ke ne, popon otamalia ko nanagane!"

<sup>38</sup> A e pogos nene asiri navisakilaleena tai, asuar to meta e laktorovia to metavan řarina ne Yesu, nařa sape "řarin Suře kiena ne le Yu lala."

#### *Lalua na kilaroen navisaluaena apis pa Yesu*

<sup>39</sup> Ana e pogos nene, lalua nařa atelan la asike meta e lak torovia amio Yesu apis pania. Tai pis piowa pania, sa ke tařena lala, sape "?Ko ope Navisaarena nařa, po peraga? !Popon ovitařilin otamalia ita!"

<sup>40</sup> Ana tařena pis pania pialuřaria, pisape "Mara, nanagane kieta pogos na marena narui, ana ko na pe opatanon re Ntewa poli wa. Ita telu nini, nalipereena nařa akila pan ita naga taaga ga,

<sup>41</sup> a e lepas na ita lua, mesmesun ga napiowaena nařa ita lua tekila, ana e lepas na puna, naga pe kila re nena sur tai poli."

<sup>42</sup> Ana pis pa Yesu, piun tania, sape "Yesu, pogos nařa oim ove řarin suře owasuře ko sina, awis, ve sinerņa řesan in re."

<sup>43</sup> Ana Yesu pisatarņea, sape "Nevisaar van ko, legiena ga na řane, yoko italua tesike e kieta yo wo."

#### *Yesu mare*

*Matiu 27:45-56; Mak 15:33-41; Yoane 19:28-30*

<sup>44</sup> Nanagane pimi tol kolpae narui, a siar e pogos nene mrae tego re si po, kila narui yemalolo kalo make ga yo nene, mon řa sanene pano-o tol mrae telu yepakilavi.

<sup>45</sup> Ana siraunia, kulmrae nařa telan řeke loyurņa e Yurņa Wa řana Ntewa, nařa kilawo yo wa nařa pe yo wa pařisi, naga purřa lepas lua.

<sup>46</sup> Ana e pogos nene, Yesu pio maro sape "Ata, neligan ninuu e lumořa." Pio sanene narui, ana řere maron kiena yalua marřan top.

<sup>47</sup> Ana pogos nařa yerkawa kiena ne yar na mara lala pisu sur la nene, naga pisirlua kia kiena ne Ntewa, sape "!"Lelaga nařane, yar nene naga pe yar mesmes ga nařa!"

<sup>48</sup> A řina la nařa apim lele taaga e yo nene, la mēna apisu make sur la nene nařa akila pa Yesu, pe nasineyeena pan la pařisi. Ana siraunia ařasuřela sina, amial apano amio pupia naloge viowaena, apa si řala urņa lala.

<sup>49</sup> A pēgas nen yeririna taḗena mēna lala asike e pogos nene, la asuñālu asike laa perina sane, asuñā apisu make sur lala. Naga nene erau kiena ne Yesu lala amio sira la naḗa amolue gar Kalele nakonua rui, ataveve nā Yesu pano-o pimi tol yo nene, ana la mēna apisu marena kiena ne Yesu.

*Yosop sin Yesu*

*Matiu 27:57-61; Mak 15:42-47; Yoane 19:38-42*

<sup>50</sup> Ana yar tai, naga nae pulkumali kiena ne le Yu la naḗa Arimatea, kiena kia Yosop. Naga pe yerkawa tai na pupia kumali kiena ne le Yu lala gar Yerusalem, pe yar mesmes tai naḗa kiena pēlaga po paḗisi.

<sup>51</sup> Naga tai naḗa sinenan manene sape popon sa nasuḗenena kiena ne Ntewa imi, ana nanua pogos naḗa apisayu ke asape akila ya ne va Yesu, naga taaga kiena sitomena pe sa re nene poli, naga kilali naḗa pisaluḗar la sape ve akila re viowa vania.

<sup>52</sup> Ana pogos naḗa mloge asape Yesu mare rui, naga pa suñā se marana ne Paelat, piun tania sape kilia kus tasnena ne Yesu.

<sup>53</sup> Ana Paelat tañān pania, ana pa kuslua tasnena ne Yesu e laktorovia, mliluar e kulmrae, kus pa mligan ruru mēke loyurā e puluve viu tai naḗa ate mare ga na wa, pe amliganli re yar tai mēne poli wa.

<sup>54</sup> Ana legiena na marena kiena ne Yesu nene naga e Praere, sa naḗa pe legiena na kila ruruen sur lala na Legiena Wa. Ana mrae pito ke narui, lavis ke Legiena Wa siar ne, naga nene e ruru nena e pogos naḗa mrae pito kovio.

<sup>55</sup> Ana sira la naḗa nanua ataveve Yesu siar gar Kalele pimi tol kiena laktorovia, nanagane pogos naḗa akus tasnena pimi, ataveve sina. Ataveve pimi tol kana yo na nasiniena, ana apisu naḗa amligan mēke e puluve.

<sup>56</sup> Ana apisu pae, aḗasuḗela apa si urā vena akila ruru ponotaninu lala sa naḗa māḗes amio pomat. Atol yo urā, ana Legiena Wa siaria, kila narui pe pogos re si tai pan la naḗa ava avaiā tasnena ne Yesu poli. Ana asuñā ga urā sanene, sa naḗa navisaluaena pisape monar akila e legiena wa.

## 24

*Puluve koren ga mēke na*

*Matiu 28:1-10; Mak 16:1-8; Yoane 20:1-10*

<sup>1</sup> Legiena Wa ḗaro pano, ana kana legiena taḗena na peni, naga legiena ḗesa

na legiena olua. Ana kolulag kona, sira laḗas nene aḗar ponotaninu sa naḗa pomat amio māḗes naḗa akila ruru pa rui, amiyal apa e puluve naḗani vena avaiā ruru tasnena ne Yesu.

<sup>2</sup> Ana pogos naḗa apitom atol yo, añā naḗa pupia kilavaru na kilawoen puluve nene, amelilivin lua rui,

<sup>3</sup> ana apa loyurā, amilan naḗa tasnena ne Yesu kovio rui.

<sup>4</sup> Ana asuñā ga asike narui asitom wele nā pano-o amilan naḗa yar lua asuñālu asike amio la. Llua nene māla kulmrae la miyuwowo naḗa miyuwowo ruru nena naapo.

<sup>5</sup> Ana sira la naḗani amaraun naḗa akira avisu llua nene, ana akinai tanon llua, ḗarila tau pito e porotano. Ana llua nene apis pan la, asape "E, sira lala, taḗatete alual yar na malena e yo na marena.

<sup>6</sup> Naga pe mon re si e nini poli, Ntewa pisirlua rui. Amiu asitomyuli sina ya naḗa naga pisawal pan amiu, pogos naḗa naga sike amio amiu nanua gar Kalele, pe apim re e nini poli wa.

<sup>7</sup> Naga pisa sanini sape sa naḗa naga pe Narin Yeririna, yoko monar atañān naga va e limana ne li viowa lala, ana yoko asuar naga va e laktorovia, ana siraunia, e kana legiena natelu, yoko suñālu mal sina. Nane visena ke nanene narui naḗa naga pisawal ḗesan pan amiu."

<sup>8</sup> Sira la amloge narui, kila la asitoñā si visaarena naḗa pisa ruru pan la pisape yoko naga kilia mal sina.

<sup>9</sup> Ana asitoñā sina, amligan yo nene aḗasuḗela, apa apisu nalologena la lualima taaga pa taaga amio lala taḗena lala. Sur la naḗa apisu e puluve apisayu meraravan pan la,

<sup>10-11</sup> ana la pe amlalaga re e poli, apisu sane sira la nene asun wowe ga.

Ana sira la naḗa apisu suri la nene, kiela kia la sanini: Maria nae Maktala, Soana, Maria naḗa anenane Semes, amio si sira taḗena laḗasa.

*Pita kiriri pa pisuveve puluve*

<sup>12</sup> Ana Pita ga naga taaga sinenan sape visuli sur nene pe lelaga pona peraga, ana naga suñālu, kiriri pano, sinenan sape visuveve yo loyurā e puluve. Pimi tol yo nene, pulu pa loyurā, ana pisu ga kulmrae la sike na, tasnena Yesu kovio. Ana pa si vanua, mial si ḗasuḗe pa urā, suñā sitom liluenia sape sur nene na sanape ne, pona kana kinas na ya.

*Nalogenā llua amial apa gar Emeas, apitawe Yesu*

13 Ana siraunia, e ke ga e legiena nene, la ke ga lalua amligan Yerusalem, sinelan asape ava e narin pulkumali tai, kiena kia Emeas. Mraplepa na vaen e yo nene pe piavi manene re poli, sur sane tasme lualima.

14 Ana pogos naña lalua amial apa ke narui, lalua asuñia asunyu manene laa sur la naña þaro pa rui.

15 Asunlilue ña sanene apano, ana Yesu mial pimi piear la, amialpil amio apano.

16 Apisu naña mial ke amio la, apisu sane wolawa ga tai, komin naña apisu kilale þele naga.

17 Ana Yesu piun tan la, pisape “?Kam lua amial ke sanene asunyu liluen ke ya ne?” Ana pogos naña naga piun sanene, aparurula, asuñialu asu, marala piowa ga sike narui.

18 Ana lala tai nene, kiena kia Kleoþas, naga pisatañe Yesu, pisape “Yar la mok liu na yo kar ga la ne, asuñia amialiali ke Yerusalem e pogos nene, ana pona ko ga taaga manene ga pe omlogeyu li re pupia sur la ne kakate mare ga yo na wa?”

19 Ana Yesu piun pisape “?Ana ya la ne sane opisa ke ne?”

Apisatañea, asape “Naga nene e lepas kiena ne yar nae Nasaret naña, Yesu. Naga pimi, pe navisawalen tai, kila kile la mok liu na kiena pupia namareraena, mlologo, a pian ruru yeririna la po paþisi, kila sanene sinelan naga keviu, pano tol ñena Ntewa na pisaawal sape kekaran naga paþisi.

20 Ana siraunia, nanua ga yemlagi nakoneva, pupia yar wa lala amio kieta nasumonena lala sinela karia, aþere ña naga pa e pupia kumali la pano-o amliþerea, asape naga monar mare, ana apa asuar naga pa e laktorovia, mare rui.

21 Nanua sumo, kiamimi sitomena sike ga e naga, mesape naga ke narui naña yoko tamalia ita le Israel lala, yoko were plan ita vetan namareraena kiena ne le Rom lala, ana nanagane, sur la punu ga pa piowa si narui. Naga kovio petan imimi, nagane kana legiena telu narui.

22 “Ana sur si tai naña kila imimi memilan manene paþisi, ana mesitomyu kaþaran ke na wa. Nagane kolulag pogos naña lakaporo kokoreko yam taaga, kiamimi sira laþas asuñal apa si e puluve naña amligan tasnena ne Yesu ñenea, apavinin asape avaia ruru wo.

23 Ana pogos naña apa aporu e yo nene, apisu naña tasnena pe mon re si e lelen poli, ana akirir si aþasuþe la apitom pun imimi, apisawalia, a pe naga re ga nene poli, ana pisawal ñena asape apisu navisi lalua, naña apisawal asape Yesu mal si petan marena rui.

24 Ana imimi laþasa sinelan asape ava avisulia, ana la apito e puluve, apisu sanena naña sira la apisa, pe aña re nena ga.”

25 Nanene narui visena la naña lalua apisa pa Yesu, e pogos naña asuñal ga asike mrapa. Ana naga ñena pis, pisa pan la, pisape “Aulai, kam punu ga kiligamiu la poþe ga. Navisawalena la apisawal sur la nene nakonua rui, ana sanape naña kam na pe amlelaga re poli wa?”

26 Pona akilia rui naña yoko Ntewa visirlua kiena Navisaarena ve pupia yerkawa e yomarava nini. Ana kam na pe apisu kilale re nena ga naña Nasirienua Wa lala apisawal rui, asape yoko monar akila Navisaarena loge viowa e sur la ve moki, yoko akila kare naga sumo, þisi na Ntewa kilia visirlua naga, vena tol kiena pupia naurarena.”

27 Ana Yesu sunyu ke pan la sanene, pian la pa re laa sane wa. Naga siar e tus lala kiena ne Mosis, pimi tol tus lala kiena ne navisawalena lala, suñia pisa meraravan ruru ke pan lalua nene sanape naña visena marua la nene suñia kiar ke ga naga, apisayu ke ga naga silaga.

28 Ana asuñia amialor si apano, pe piavi re poli apim lavisin pulkumali naña lalua apanon ke ne. Ana lalua apisu sane Yesu suñia mlilu mrapa pa yalen silaga.

29 Ana amñareran pania vena sike ne amio la wa. Apis pania, asape “Nagane na mrae pito ke narui, lavis pintañe ne. Oimi osu re omio imimi sumo wa, omñe ga e nini.” Ana Yesu pa ñeke amio la.

30 Asuñia ga tol pogos na kinanena, ana apim lele taaga e yo na kinanena. Ana pogos na lenwoen kinanena, Yesu ga suñialu mlarar kala kilaparavi, mlen pa Ntewa pisa potena pania, kawewowaia pion pan la.

31 Ana pogos naña kila sanene, e nena ga e pogos nene sa naña kilamarala pike, apisu kilalea sane naga naña sike amio la ne Yesu ke narui. Ana apisu manene ña sanene, a yam plas ga kovio nena ga.

32 Ana lalua asuñia apisayua, asape “Suwala, tepisu kilale re poli e, ana kieta Suþe ga naña. Ana lelaga, naga nena ga, komin naña tesun lilue ke temio mrapa naña naga pisayu meraravan ke visena wa pan ita, kiena visena lala sa ga kapi kekan ke sineta.”

33 Ana pogos naña akilia sane apisu marana ne Yesu rui, pe amomal re si poli, ana asuñal ke ga, amial e pupia lepamiema aþasuþe apa Yerusalem vena avisawal va laþasa.

Ana amñalivin la lualima taaga pa taaga naña asike e viorena wa, amio laþasa,

<sup>34</sup> ana lalua pe apis re pan la poli wa, ana la apis pësan pan lalua, asape "E, pogos naþa kamlua apa ga sane, sur tai pimi mälivin imimi e nini. Visena nanua sira la apisa, lelaga kemua naþa, kieta Suþe suñalu molue petan marena rui, Pita ne nanene naga pisu e kilamarana."

<sup>35</sup> Ana la mēna lua naþani asikol kiela visena, apisayu sanape naþa Yesu mälivin la mrapa, a naþa la pe apisu kilale re poli, pano-o tol pogos naþa kawewowa ga kilaparavi pan la.

*Yesu mälivin kiena nalogena lala*

*Matiu 28:16-20; Mak 16:14-18; Yoane 20:19-23; Yumäena 1:6-8*

<sup>36</sup> Ana pogos naþa lalua asuñä asunyu ke sur la nene pan la wa, amilan ga naþa Yesu suñal ga sike likan la rui, pisa pan la sape "Suñare sike amio amiu."

<sup>37</sup> Yesu pimi pula sanene, kila la amape yermare, ana amarau paþisi.

<sup>38</sup> Ana Yesu pisu kilale naþa amaraunia, piun tan la sape "¡E, vanon ya ne asitom manene laa sanene? Ve sinemiu veve lua re!

<sup>39</sup> Avisuli luñau amio lau, lelen ya na sike e la? !Apisuia, in ga nini! Aim atolili tasneu la komþasa, komin sur sane yermare naga pe puryun re poli a pe kilamñiu re poli sane tasneu nini."

<sup>40</sup> Ana suñä pisa ke sanene pan la, kipian limana amio lana pan la vena akilia avisuia.

<sup>41</sup> Ana e pogos nene, nalogena lala kiela sitomena miyuñae manene sanene, naþa akekara paþisi naþa apisu si Yesu, ana asitom þele towe ke ga wa. Ana Yesu pis ke sina ga, piun tan la sape "¿E, apran kapi rui?"

<sup>42</sup> Ana la amlega ika tai, manoa ga na wa, ana amla kinakinas tai pa Yesu,

<sup>43</sup> ana mlavia, kan ga e marala.

*Yesu pis maro pa kiena nalogena lala*

<sup>44</sup> Ana siraunia, Yesu pis pan la, pisape "Pogos naþa nesike nemio amiu nanua sumo ne, in na nepisayu visen la moki na lepas make ga na Siriena Wa pan amiu. In na neþar visena la e tus lala kiena ne Mosis, e tus lala kiena ne Navisawalena lala, a e tus na Yauena Wa lala, ana nesuñä nepisa ke nesape visena ne la nanene narui, asuñä apisayu in ke ga, a nesape yoko aim ave lelaga e inu ve ve piavi re. In na nepisa sanene pan amiu, ana nagane kam na apisu sur la punu ga nene apim ape lelaga e maramiu þisi narui."

<sup>45</sup> Ana Yesu pian la pa laa sane, kila kiela sitomen la pa keviu li laa sane loyümä e

kinas nen Siriena Wa la nene, ana sur la punu ga pimi merarava ruru pan la.

<sup>46</sup> Naga pisa pan la, sape "Nane visen la nene kala kinas ne nanini narui, sane Navisaarena, yoko akila naga loge sinelae vano-o marena, ana e kana legiena natelu, yoko suñalu mal si vetan marena.

<sup>47</sup> A siraunia e ga e kiena kia, yoko kiena yeririna lala asiar gar Yerusalem, a yoko amolue ava e yomarava wetelu, ava alologon va þegas nen yeririna make ga, avisawal van la avisave monar avilopu la narui, ana akilia atol naviewoena e kiela mlamulen viowa lala.

<sup>48</sup> "Ana kam la naþa apisu sur la punu ga nene e kilamaramiu, kam ke narui ava avisawal va yar taþena lala avisave suri la nene na lelaga.

<sup>49</sup> Yumäena nene naga pe yumäena mārera tai naþa mārera paþisi, ana yoko neligan namāreraena tai e amiu vena iila amiu atauluia. Namāreraena nene, navisaarena kiena ne Ata sike naþa yoko naga ligan molue ma e peni vitom kokonia amiu, ana sineun nesape nevisa van amiu, ve aur matan re pulkumali nini wa, ana monar asuñate mä e nini, vano-o atolia."

*Ntewa þerelua si Yesu pa ma e peni*

*Mak 16:19-20; Yumäena 1:9-11*

<sup>50</sup> Ana pogos naþa Yesu sinenan sape ligan la, sumon la apito garo e narin pulkumali naþa Petani. Apitom atol yo nene, asuñä sanene, pano-o Yesu þar plan limana metavan la, pisa ruru la.

<sup>51</sup> Suñä pisa ruru la mña sanene pano-o, suñä siar mligan la palilue narui, pa si metava pa nena ma e peni.

<sup>52</sup> Ana nalogena lala apisu kiela Suþe kovio sina petan la, ana akinai tano amlotunia, ana aþasuþe la si apa gar Yerusalem, naþa akekara naþa akekara.

<sup>53</sup> Ana asuñä e nene pano-o, ana silaga e pogos na leniena make ga asuñä apa amieluar ke Ntewa e mña Yumä Wa.

Nane Lologena Wo kiena ne Yesu Kristo naþa in Luk nesiria, þisi e nene narui.

## Lologena Wo Kiena Ne Yesu Kristo Naþa

### YOANE Siriyuia

## Visayuena Na Tusi Nene

*Komþasnen sumiena plas na tusi nini*

Tusi nini, "Lologena Wo Kiena Ne Yesu Kristo Naþa Yoane Siriyuia", pisayu Yesu, sape naga Visena kiena Ntewa naþa pimi sike amio ita, pe yaru. Yoane sape naga siri tusi nini vena yaru la naþa auloia, akilia alelaga naþa Yesu, naga yaru naþa Ntewa pisaaria sape yoko ligan imi vena tamalia ita, a naga narina Ntewa lelaga. Naga siri sanene vena tekilia tetol malena e kia kiena Yesu, komin naþa temlelaga ea (20:31).

Suri naþa Yoane pisayu þesania, sape Yesu pe Visena naþa sike kemua nanua sumo, naga sike amio Ntewa. Tusi nini pisayu kile la naþa Yesu kila, naþa akilia aiila ita tevisu kilalea sane Yesu naga narina Ntewa naþa Ntewa pisaaria sape vitetalia naga imin tamalia ita. A siraun kile la peve taaga nene naþa Yesu kila, Yoane pisayu kala kinasa. Naga pisayu sanape naþa yaru laþasa amlelaga e Yesu ana atavevea, a yaru laþasa yepela mavin naþa alelaga ea.

E marana na keviu 13 pa tol marana na keviu 17, Yoane pisayu suri la naþa pimi e Yesu kolemalo naþa nasinekar la apimin vena atararia. E yemalo nene, Yesu pis ke pan kiena nalogena lala, vena akila ruru la asumate suri la naþa yoko imi tol la pogos naþa akila ke kiena yuþaena. Naga pisin mēna visena na visirplanen kiela sitomena la sumo, sumon naþa kiena nasinekar la apimi atararia.

E luasinen tusi nini, Yoane pisayu naþa nasinekar la apimi atarar Yesu, aþure pa kumali apis pania, a siraunia apa asuar naga e laki torovia. Naga mare, a siraunia naga mali sina, a kiena nalogena lala apisu naga.

E tusi nini Yoane pisayu malena naþa ve uro re, naþa yaru kilia tolia e ga e Yesu Kristo. Malena nene siari nagane, a pimi ga e yaru la naþa amlelaga, asape Yesu ga naga pe mrapa, a pe purþesnen visena lelaga, a pe purþesnen maliena. A pupia suri naþa tusi nini pisayuia, naga þelaga kiena Yesu pogos naþa piyan ke yaru lala, pisayu suri la naþa yaru la akila pona amiyuþaenia e kiela maliena e legiena makega. Naga pis e þelaga na visena sanene, amio pakaiwa lala, vena

kilaen totou naiilaen sitomiena kiena la naþa amloge, a kila mēna amloge sane naga mēna pa yaru saga lala. Naga pisayu suri la ne sane wii, kilaparavi, kapi vivaga, a yaru na visuaren sipsip amio kiena sipsip lala, a kilika naþa krep amio mrasa, vena vian kiena yeririna lala e leþas na kieta maliena amio naga.

*Komþasnen tusi nini la na nini*

Visena na sumo 1:1—18

Yoane Nakeena a nalogena þesa lala kiena Yesu 1:19-51

Yesu kila kiena yuþaena 2:1—12:50

Legiena maro lala kiena Yesu garu Yerusalem 13:1—19:42

Yesu mali sina a kiena nalogena lala apisu naga 20:1-31

Yesu mālivi sina pan kiena nalogena lala garu Kalele 21:1-25

*Navisaarena naga to sumon nasiiena na yomarava nini*

<sup>1</sup> Na konua konua rui, e purþesia, naga naþa apio Purþes nen Pelaga kiena ne Ntewa naga sike amio Ntewa, a naga pe Ntewa.

<sup>2</sup> E pogos na siien sur punu ga, naga amio pa Ntewa rui,

<sup>3</sup> naga miyuþaen yuþaena na kilaen sur punu ga. Pe sur re tai naþa naga pe miyuþaen re poli.

<sup>4</sup> Malena nene pimi pe sane yomerarava kiena þegas punu ga na yeririna lala.

<sup>5</sup> Naga pimi sa naþa yomerarava na tegolien la naþa asike e pupumalko, na yemalolo nene taþatete tauluia.

*Yoane Nakeena pimi mlologon ke pisape yomerarava pimi ke rui*

<sup>6</sup> Siraunia, Ntewa mligan kiena yar tai pimi e yomarava nini, nane Yoane Nakeena.

<sup>7</sup> Naga pimi sane yar na iilaena, vena visawalen yaru na yomerarava nene naga pimi ke ne, vena iilaen yeririna la punu ga akilia alelaga asape yaru nene naga pe yomerarava kiena ne Ntewa.

<sup>8</sup> Sa naþa, Yoane naga pe pe yomerarava re poli na wa, ana pe yar na visawalen ga.

<sup>9</sup> Ana siraunia, yaru na yomerarava nene pimi kate e yomarava nini. Naga pe yomerarava nalelaga napo, ana pimi pe na ligan kiena yomerarava nene e malena kiena yeririna punu ga.

*Yomerarava na yomarava*

<sup>10</sup> Yaru na yomerarava, naga naþa sii yomarava nini, ana pogos naþa pimi ea, ana yeririna na yomarava lala pe apisuluþar re si naga poli.

<sup>11</sup> Naga pimi p̄es puna ne uñã m̄ãna ne kiena yeririna la, ana la na mratava puna pe sinelan re naga poli.

<sup>12</sup> Ana la ga p̄asia akekarã naga, amlelaga ea, ana e la ga nene punuia, naga tamãan la vena akilia aim ave narina ne Ntewa lala.

<sup>13</sup> Naga kila la apaeme sina yam luania, pe sa re naña sisi la na apaeme taveve lus na kuruta, pona nasinenanen sa yermiẽne amio sira, pona sitomena kiena yeririna, ana apaeme sina taveve nasinenanena kiena ne Ntewa.

*Purp̄es nen Pelaga kiena ne Ntewa pimi pe yeririna*

<sup>14</sup> Sanene na, Purp̄es nen Pelaga kiena ne Ntewa pimi pe yeririna lelaga, pimi sike likan ita, ana tepisu kiena malena napo, pulen manene laa p̄elaga na lemamena amio p̄elaga nalelagaena. Naga pe nowo tanea wa m̄earu kiena ne Arimata, ana mepisu kiena pupia naurarena, kiena naga taaga.

<sup>15</sup> Pogos naña Yoane Nakeena pisayu naga nanua ne, pisape "Naga naña nepisawal pae pan amiu, nesape naga yoko siraun inu, naga su metava, in na neto ga tano, komin naga mal nakonua laa sane, in na na nanagane ga ne."

<sup>16</sup> Naga pulen p̄elaga wo lala, ana silaga kila ke po pan ita pañisi, kiena pupia lemamena kila temlogelue ga po pañisi.

<sup>17</sup> Nanua Ntewa pisirlua yermarua Mosis, p̄ar ga kiena navisaluaena lala pimi pan kiena yeririna lala, ana Yesu Kristo, Ntewa pisirlua naga p̄ar p̄elaga na lemamena amio visena na lelagaena pitomi e yomarava nini.

<sup>18</sup> Ita yeririna lala pe yar re nena tai naña kilia Ntewa poli, pona pisu e kilamara, ana yaru naña tolue ga e sitomena kiena ne Ntewa, lalua aparpran la ga veraga, naga ga pimi kila ita tekilia Ntewa amio kiena p̄elaga lala.

*Yoane Nakeena mlologyu Navisaarena*

*Matiu 3:1-12; Mak 1:7-8; Luk 3:15-17*

<sup>19</sup> Ana pogos naña Yoane Nakeena mlologo m̄ã pano-o, nasumonena kiena le Yu lala nae Yerusalem la asitom veve ke pañisi sane naga miyuñãe ke sanape, pona naga pe Navisaarena, po naga ai. Ana la apitetalia yaru wa p̄asia amio yar kevu si p̄asia na lus wa kiena ne Livae, apim apiun petania asape "Ko na ai?"

<sup>20</sup> Ana pogos naña lala apiunia, naga pisawal ruru ga sur punu ga pan la, pisatam̄e la, pisape "Peraga, in na pe nepe Navisaarena re poli."

<sup>21</sup> Ana la apisape "?Sanene na, ko na Yermarua Elaisa nanua sumo ne, ana ko

omal sina, po pere? Nanene komin naña Visena Wa pisape naga monar wasup̄e sina sumon Navisaarena."

Ana naga pisatam̄e la sina, pisape "Peraga, pe in re nene poli."

Ana apisape "?Pogaga, ana po ko na navisaluaena naña Mosis pisaar nanua yo rui?"

Ana pisatam̄e sina, pisape "Peraga rui."

<sup>22</sup> Ana la apiun ke sina ga tania, sape "?Ana ko na a si narui? Monar ovisa sur tai van imimi vena mekilia mevano mevisawal van la naña amligan imimi mepimi. Ovisawal ruru ga van imimi, sane ko na ai?"

<sup>23</sup> Ana kiena navisatar̄eena e pogos nene sanini, pisape "Inu in na pulgo korena ga ne e yokorena nini, naña Navisaluaena Aisea pisawal na konua rui. Ana pulgo nene pimi pe na visawalen sape: 'Amiu akila ruru mrapa lala kiena Sup̄e e kiamiu malena!'"

<sup>24</sup> Ana lala p̄as naña asike e pogos nene, le Varasi lala,

<sup>25</sup> ana la apiun ke sina ga pan Yoane, apisape "Imimi memloge pa rui, ko na opisa osape pe ope Navisaarena re poli, pe ope Elaisa re poli, a pe ope navisaluaena re naña Mosis pisa poli. ?A visae sanene na, vanon ya ne ko na ositom osape ko na otorokin osun okekee lue yeririna lala sanene?"

<sup>26</sup> Ana Yoane pisatam̄e la, pisape "Inu, nakeena naña nekila ke ne e la nene, naga e ga e wi. A yaru tañena tai yoko imi kus leleu, naña naga sike pa likan ita rui, ana pe akilia re naga poli wa.

<sup>27</sup> Naga to laa metavan manene inu, sane in na pe netorokin re neva lavisin po, pona neyal nemio."

<sup>28</sup> Ana lele naña apa ke ea na visuen Yoane, nane e norava lavisin kumali naña Petania, e wii naña Yortan lepas na vano, nane e yo naña Yoane sumã kee ke yeririna lala ea.

*Yesu, narin sipsip nakuñãna kiena ne Ntewa*

<sup>29</sup> Ana e legien tañena si tai, Yesu mial pa katen Yoane Nakeena amio imimi kiena nalogena la e yo naña mesike ea. Ana pogos naña Yoane pisu Yesu, pisa pan imimi, pisape "IE, amiu avisu yar na mial ke pimi namã! Naga, sa ga narin sipsip kiena ne Ntewa nawarplanen nakoena na mlamulana viowa kiena ne yeririna lala na yomarava nini.

<sup>30</sup> Nanene naga naña nepisayu ke pan amiu nanua rui, nepisa nesape: Siraun inu, to manene laa metavan inu sane, komin naga teke sumon inu.

<sup>31</sup> Nepisa visena nene nanua, nemninue ga nesape erau ne nanene, ana nekilia ga nesape monar nekeke ita le Israel lala e wii, vena kilaen naña tekilia tevisu kilale kieta yerkawana nene.”

<sup>32-33</sup> Ana Yoane pisa meraravan pan imimi sanape naña naga kilia sape Yesu pe Navisaarena. Naga sape “Sa naña nepisa pa rui, in na pe nekilia re poli nesape naga ai, ana pe piavi re nena ga, Ntewa pis pan inu, pisa sanini, pisape: Visae ovisu kiau Ninuna Wa vitom ke tano, totano e yar tai, naga ke ga nene naña yoko kee yeririna lala e Ninuna naña kiau.

“Naga pisa sanene pan inu, ana pogos naña nepisu Yesu nene, nepisu Ninuna mligan ma e peni pitomi tano e naga, sa naña lomē, pitomi koan e naga.

<sup>34</sup> Vanon sur ne na nene naña nepisuia, nekilia nevisawal ruru van amiu, sane pe lelaga ga, yar nene pe narina ne Ntewa kemua lelaga.”

*Nalogenā lua na sumo kienā Yesu apim puna*

<sup>35</sup> Ana e legiena tañena si tai na, Yoane Nakeena sumā ke ga wa e yo nene, sun ke amio imimi lua Antru, naña e pogos nene mepe kienā nalogenā.

<sup>36</sup> Ana mepisu Yesu mial pimi ãaro lavis pu imimi. Ana Yoane pisa pan imimi lua, pisape “!Amiu lua avisu ke yar nene, naga sane narin sipsip na kuããaena kienā ne Ntewa!”

<sup>37</sup> Memloge Yoane pisa sanene, ana veraga ga mesuñalu, memial mepa mesiraun Yesu.

<sup>38</sup> Ana Yesu kira ãatau pisu imimi lua, pisape “Nepisu sane amiu lua sinemiun ke sur tai.”

Ana mepisatãnea, mepio naga sane ki-amimi navianena tai, mesape “? Rapae, opimi e nini na, ko na omomon ke pe?”

<sup>39</sup> Ana naga sape “Pogaga, aimi teva avisuia.” Ana memial mepa metol e naña Yesu sike ea e pogos nene, ana siar sane ko yepekilavi ko e maran mrae vari, mesun mā memio naga pano-o yemalolo.

<sup>40</sup> Ana Antru nene naña imimi lua memloge Yoane sunyu Yesu, mesuñalu metaveve sanene, naga Antru naña wenla Saemon Pita navetokak.

<sup>41</sup> Ana pog naña pisa sape taveve ga Yesu narui, ana miroro panon ãesa wenla nene, a pogos naña mālial pis pania pisayu Navisaarena, naña e visena na Epru kienā ne le Yu la apio asape Mesaea, a e visena na Kris kienā ne le Krik la asape Kristo. Ana pisawal sanene, sape “Mara, Navisaarena nene, imimi meñal rui.”

<sup>42</sup> Naga pisa pan wenla nañane, ana pure pimi pu Yesu.

Ana pogos naña Yesu pisu naga, pisape “?A, ko mēna nene naña narina ne yer-marua Yoane tai? Nenagane na nesikia ko sina ga, kionā ki Keñas.” Ki mēna nene kome visena nae Epru, naña kana kinasia kilavaru, naña kome visena nae Kris asape Pita.

*Yesu pure nalogenā lua sina apim ataveve*

<sup>43</sup> Ana e legiena tañena si tai, Yesu sine-nan pisape taveve si kienā mrapa, pisape kusro yo vato si kienā yo naña Kalele. Mepa sanene, ãisi na māl si yar tai, pisa pania pisape “Ko oim otaveve inu.” Yar nene, kienā ki Pilip,

<sup>44</sup> naña naga mēna nae yo kienā Antru amio Pita, nanene pulkumali na Petsaeta.

<sup>45</sup> Ana pe piavi re poli na Pilip pa kale kienā erau tai, kienā ki Nataniel, pa pisa pania, pisape “Yar keviu naña yermarua Mosis amio navisaluaena lala asiriyuia, apisawal na konua rui, naga pimi mālivi likan ita rui. Imimi meñal rui, naga nae Nasaret, narina ne yermarua tai kienā kia Yosop. Ana yar nene, kienā ki Yesu.”

<sup>46</sup> Ana pogos naña Nataniel mloge asape Yesu naga nae ga narin pulkumali nañani, naga piunia pisape “Ana sanape? Pupia yar keviu napo tanea sanene taãatete mālivi e narin yo nene Nasaret!”

Ana Pilip pisatãnea, pisape “Ei, ve ovis re sanene, ko na oim ovisuli kone wa.”

<sup>47</sup> Ana ãisi na lalua apa sina puna ne Yesu, a pogos naña lalua amial apim lavis puna, Yesu pisu Nataniel, pisayu naga, pisape “Lelaga ga, nepisu yar nene sa ne yar wo lelaga tai nae Israel, yar tai naña navisokanena pe to re nena e naga poli.”

<sup>48</sup> Ana Nataniel mloge Yesu pisayu naga sanene, piun tania sape “?Ana sanape na ko na okilia osape in na yar na sanene?”

Yesu pisatãnea pisape “Pogos naña Pilip naga pe piñasun ko re poli wa, pogos naña ko ga taaga opa ruru ko ke vatanon purpiliva, in na nekirawal ko pa rui.”

<sup>49</sup> Ana Nataniel milan nakiliaena kienā Yesu nene, pisape “!Navianena, ko na narina ne Ntewa kemua na lelaga! Ko na ope ãarin supe lelaga kemua nae Israel.”

<sup>50</sup> Ana Yesu pisa pania, pisape “!In na nepisa ga narin visena tai van ko, naña nepisu ko e purpiliva nene, ana veraga ga kila ko na omlelaga mārera e inu! Nanene na po pañisi, ana nevisaar van ko sane yoko ovisu sur na ilanena la ve moki vañisi ne, naña ve keviu laa sane taulu naña opis pa rui.

<sup>51</sup> Lelaga nepisa ruru ga, sane yoko amiu punu ga avisu ma e peni naga vike ga mēke

na, amio navisi nae ma metava lala avitom ke tano e inu, ava sina metava, avitom tano, ava si metava ve sanene. Sur ne la nanene akilia avisuia komin naŋa inu nepe Narina ne Yeririna, sane in na nae ma e peni nepimi nepe yeririna ruru nena naapo.”

## 2

*Kile na sumo kiena ne Yesu, e talopaena gar Kana*

<sup>1</sup> Ana Yesu lala apimi atol pa norava nae Kalele, ana e legiena na telu, ŋaŋagena na talopaena tai e kumali nene Kana. Ana anenane Yesu naga pa kate pa e ŋaŋagena nene rui,

<sup>2</sup> a siraunia amligan visena pimin Yesu amio kiena nalogena lala, apio la mēna ga vena ava ea.

<sup>3</sup> Ana Yesu lala apa akate e ŋaŋagena, asuŋa amio yeririna la pano-o, sur tai naga piowa, kuruta na munena na ŋaŋagena nene naga ŋisi iroro ga. Ana anenane Yesu pimi pisa pa Yesu, pisape “Namunena la naŋa yar keviu na ŋaŋagena kila ruruia, amun make rui, ana nanagane na aplasan narui.”

<sup>4</sup> Ana Yesu pisatamea, pis pania, pisape “?Sira marua, yuŋaena ya ne e ŋaŋagena nene teke e inu? Ve oligan re te luŋiau, vanon kiau pog na yuŋaenen sur la ne sanene, naga pere ke ga wa.”

<sup>5</sup> Anena mlogear sur la naŋa Yesu pisa, ana pis pa yar la naŋa na yuŋaenen ŋaŋagena, pisape “Sur ya la naŋa sa naga visa, amiu akila ga, ve avis re, ayuŋaen ga.”

<sup>6</sup> Ana ŋisi na Yesu pisu pupia pias nen wii laŋasia suŋa ga lavis, naŋa le Yu la asuŋa apio ke wii pa ea, akevan ke kiela sur la ea sa naŋa kiela lotuena pisa ke. Pupia pias nen wii la nene ate e kilavaru torokin waren lita pontia ve taaga [100], punu ga tol orai.

<sup>7</sup> Ana naga pisa pan la, pisape “Amiu ava avio wii, awar imi ataron vito e pias nen wii la nene vano-o uleule.” La apio mēna wii pano-o apuleule ruru nenaga.

<sup>8</sup> Ana Yesu pisape “Pogaga, nagane na avioli ve tekaki ga, ala van yar keviu na ŋaŋagena munlia.” Pisi na apio, amla pano-o akian pania.

<sup>9</sup> Ana yerikawa munlia, mloge sane pimi pe kuruta na munena narui, ana milan paŋisi, mninue ga sape aŋal namunena nene pe. Lala naŋa apio, la ga akilia ke, ana pe apisawal re poli, ŋisi na naga pio yar naŋa talopa ga na wa pimi puna.

<sup>10</sup> Yar nene naga pimi ana yerikawa pis pania, pisape “E ŋaŋagena taŋena lala,

apio ke kuruta namunena naŋa po pimi ŋesa, ana pogos naŋa yar la amun lili mēna pano-o, atol mare ga kuruta na munena naŋa pe po manene re poli naga pimi maro. Ana e ŋaŋagena nini, la amun mēna pano-o, ŋisi na ko otol ga mēna kuruta napo tai naŋa pimi maro. Komin ya ne okila sanene?”

<sup>11</sup> Ana sur naŋa Yesu kila e pulkumali nae Kana e yo naŋa Kalele, naga sane pe pupia kile tai, naga pe kiena kile ŋesia naŋa miyuŋaenia. Naga kila, sa naŋa naga sape siar na kila meraravanen kiena puriukawaena nae yo metava, ana pogos naŋa kiena nalogena la apisuia, kiela nalelagaena e naga pa laa metava, sane naga pe Navisaarena kemua lelaga.

<sup>12</sup> Pisi narui na la punu ga nene apato si garo Kapeneam, nane Yesu amio anena, wenla lala amio kiena nalogena lala, apam atol si yo nene asu li mēna sane pano-o tol legiena la ŋasia.

*Yesu mēne plan lala naŋa aŋilwilin ke sur lala loyurŋa e Yuŋa Wa mēna ne Ntewa Mati 21:12-13; Mak 11:15-18; Luk 19:45-46*

<sup>13</sup> Ana pogos tai, lavis ke pog naŋa le Yu la akila kiela pupia ŋaŋagena tai, naŋa Paŋagena na Sitomalen Natamali-aena. Ana kiela ŋelaga marua tai, sane e kas punu ga lala punu ga monar akilali naŋa ava ma metava Yerusalem e kana pog ne naapo vena kilaen ŋaŋagena nene, vena sitomalen kala apua la naŋa amolue gar Isip, ana e pogos nene Yesu mēna ga pavin.

<sup>14</sup> Naga pa tol yo, ana pa kate e Yuŋa Wa Mana ne Ntewa, pisu lala moki naŋa asike aŋilwilin ke puluk la, sipsip lala amio manu la, pisu mēna la naŋa nakepuen kilavaru taŋena lala va e kilavaru nena naapo na Yuŋa Wa mēna Ntewa. Yuŋaena la nene ape yuŋaena wo tai, komin ape yuŋaena na wilwilinen sur lala naŋa yeririna la monar aulia vena kilaen kuŋapaena ea, a pe sur viowa tai, la akila kare laa yar lala, ana metavanja, akila ke loyurŋa e kove na yo wa.

<sup>15</sup> Ana Yesu pisu naŋa akila kare yo wa na yuŋa sanene, ŋisi na sinena mimi, ŋar kilika lala, ŋuarar luas lua sane, panon la. Naga pa sanene, pa mēne plan la amio kiela sipsip lala amio puluk lala apa vanua petan Yuŋa Wa mēna ne Ntewa, ana e lepas kiena ne la naŋa akepu ke kilavaru, pa taron plan kiela karo na kilavaru, kawē plan mēna kiela varvara lala.

<sup>16</sup> Ana yar la naŋa aŋilwilin ke manu lala, naga pis pan la pisape “!E, awar plan kiamiu sur la vetan yo nene! !Amiu ve akila re yuŋa mēna ne kiau ata nene



imi ve yuñña na tauluen kiamiu kilavaru sanene!”

<sup>17</sup> Ana pogos naña nalogena la apisu naña Yesu mēne plan la sanene, kila lala asitomāl si nasiriena wa tai, sa naña pisayu pa Navisaarena sumo rui, naña pisa sape “*Kiau sitomena urmi pañisi e yuñña wa kiomā, naga sa naña kapi naga kekan ke loyūñña e sineu.*” *Yauena 69:9*

<sup>18</sup> Ana vanon suri nene, yerkawa kiena le Yu lala, la mēna apisu ke sur la naña Yesu miyūññaenia, ana apiun tania, asape “Suria ne ko na omiyūññaen ga ne, sur keviu tanea. ?Ana ko nene okilia okila kile ya ne e maramimi, vena kila imimi mevisu kilia sane mesmesu ga naña okila sanene?”

<sup>19</sup> Ana Yesu pisatarñe pan la, pisape “Pogaga, kiau kile naga sanini: Amiu awe plan Yuñña Wa nene, ana siraunia, e legiena ve telu ga, yoko nevisirlua sina ga.”

<sup>20</sup> Ana asape “Lala naña amiyūññaen yuñña nene, amiyūññaen pano-o tol kas lualima yam vari pa orai, ana sanape ne ko na opisa sanene, osape okilia ovisirlua si naga e legiena ve telu ga? !Tařatete ga ve sanene řa!”

<sup>21</sup> Lala apis sanene, vanon la pe akilia ruru re sur naña Yesu pisa ke e pogos nene poli. La pe apisu kilia re asape pog naña Yesu pisa ke Yuñña miana ne Ntewa nene, pisa ke ga tasnena ne.

<sup>22</sup> Ana siraun laa sane, pogos naña naga mal sina ga taulu marena, kiena nalogena lala asitomāl naña naga pisa visena la nene pan la, řisi na kila amlelaga manene laa e nasiriena wa lala amio visena kiena ne Yesu lala pan la.

<sup>23</sup> Ana Yesu la asumā e řařagena nene garo Yerusalem pano-o, naga kila ke kile la moki, ana pogos naña yeririna la apisuia, lala moki amlelaga e naga asape naga pe Navisaarena.

<sup>24</sup> Ana Yesu pe tamān manene re naga pan la poli, pe řasine manene la re poli, vanon naga kilia ruru la pa rui.

<sup>25</sup> Yar tařena tařatete visa sur tai va Yesu e lepas na řelaga kiena ne yeririna lala, vanon naga kilia ruru make ga, kilia ruru sur punu ga naña sike e sitomena kiena yeririna lala.

### 3

#### *Nikotimas pimi pisu Yesu*

<sup>1-2</sup> Ana pogos tařena tai na, kolemallo, nasumonena tai kiena ne le Yu lala pimi sape visu Yesu. Yar nene naga Varasi tai, kiena kia Nikotimas. Pisi na naga pimi, pisa pa Yesu pisape “Navianena, imimi mepisusu ko ke, naña mepisuluřar sane ko, ko navianena tai naña okom puna

Ntewa opim, vanon pe yar re tai naña kilia kila kile la ne sa naña ko na okila ke ne poli, sa Ntewa ve to re amio naga.”

<sup>3</sup> Ana Yesu pisatarñe pania, pisape “Ee, kile la nene apogaga, ana in na monar nevisatarñe ve lelaga van ko, sane yar naña ve vaeme re sina ga imi ve urviu, yoko tařatete Ntewa ve suře e kiena malena.”

<sup>4</sup> Ana Nikotimas sinena pulan visena nene, pisa pisape “!Aulai! ?Ana yar naña pe yermarua pa rui na kilia vaeme si ve sanape? In na pe nesitom re nesape naga kilia va sina ga loyūñña e mēpena ne anena poli, vena vaeme sina.”

<sup>5</sup> Ana Yesu pisatarñe sape “Nepisa pe lelaga pan ko, sane yar monar vaeme e wii, a monar vaeme e ninuna. Visae peraga, naga tařatete va loyūñña e navesuřpena kiena ne Ntewa.

<sup>6</sup> Yar kilia war sina ga yaru, ana Ninuna kiena ne Ntewa kilia war sina ga ninuna viu e malena kiena yeririna.

<sup>7</sup> Nanene na vaemeena nalua naña nepisa ke pan ko. Ve sanene, ko na ve sinerña ulan re si naña nepisa pan ko nesape ko na monar ovaeme sina.

<sup>8</sup> “Ositom veve li lagi. Lagi na miyui ke ne, naga pa ke ga e yo naña sape va ea, pona temloge ga miyui ana teminue ga tesape miyui pimi ke sanape, pona pa ke pe. Ana mrapa naña Ninuna miyūñña e malena kiena ne yeririna lala naga sa nene, naga sa naña lagi.”

<sup>9</sup> Ana Nikotimas sitom manene e visen la nene, piunia sape “Aulai, ana sur nene naga sanape řa!”

<sup>10</sup> Ana Yesu pisatarñe pania, pisape “Ko na ope pupia navianena tai kiena ne le Israel la rui, ana nepisu sane sur la ne nepisa meraravan ke pan ko ne, ko na pe okilia re nenaga na!

<sup>11</sup> Oyagogo ruruia! Sa naña navi-sawalena la amiyūññaen pa nanua rui, in na nepisa ke ga sur ya naña nekilia amio suri ya naña nepisuia, ana sa naña silaga, amiu yeririna nae Israel lala yepemiu mavin kiamimi visena lala.

<sup>12</sup> In na nepisayu pa sur na yomarava nini pan amiu rui, ana yepemiu mavin lelagaen ea, ana visae nevisayu si sur nae ma metava lala, yoko akilia alelaga e ve sanape? In na nepisu sane peraga yo.

<sup>13</sup> Ana inu Narina ne Yeririna nekilia nevian amiun sur la nae metava, vanon pe yar re si tai poli naña pisu yo nene, ana in ga Narin Yeririna nepetan ma e nene nepitom tano rui, siraunia yoko nowasuře neva si metava ea.

<sup>14</sup> “Nanua sumo sumo, yermarua Mosis la asike e yo korena, lomāra la akar mořar

ke yeririna lala, ana pisirlua laki tai, miyumiāen totouena na lomāra a mligan mono metava ea, ana yar la naḡa lomāra kar la, visae akira ga va avisu lomāra naḡa mēke metava, Ntewa tamalia la. Ana e ga e mrapa mā nena nene, yoko monar aligan inu mēna Narin Yeririna nomon metava e laki tai.

<sup>15</sup> Ana yar naḡa visae lelaga e inu, yoko tol malena viu naḡa ve uro re pogos tai.”

<sup>16</sup> Yesu pisa sanene komin Ntewa sinen si yeririna na yomarava la nini keviu paḡisi, ana tamān narina nowo nene, naḡa naga taaga ga pe kiena, pitomi mare wo ita, ana yar ai naḡa lelaga e naga taḡatete kovio, yoko tol malena wo naḡa ve uro re pogos tai.

<sup>17</sup> ?Ana vanon ya ne Ntewa mligan narina nene pitomi tanon yomarava nini? Pe mligan re pitomi vena nalipereen yeririna na yomarava nini poli, ana mligan pitomi vena tamān kiena malena vena tamalia itaena.

<sup>18</sup> “Yar naḡa mlelaga kemua e narina nene, yoko Ntewa taḡatete lipere naga, ana yar naḡa pe mlelaga re poli, nakoena teke pa e naga rui, vanon pe mlelaga re e narina ne Ntewa poli.

<sup>19</sup> ?Ana nalipereena nene naḡa Ntewa monar kila, purḡesia naga ya? Nanene vanon mligan kiena yomerarava pitom e yomarava nini, ana yeririna la akila piowa ga pano-o, pe akekan re naga poli, sinelan ga ḡelaga viowa la na yemalolo.

<sup>20</sup> A lala punu ga naḡa akila ke piowa sanene, sa naḡa pe sinelan re nena yomerarava nene poli, pe sinelan re aim lavisin poli, amaraun asape sa kilalae kiela naviowaena la nene vim kakate e yometava, ḡisi na yar la akilia avisu kilalea.

<sup>21</sup> Ana yar la naḡa amiyumiāe e ḡelaga naḡa na po a mesmes, pe amaraun re yaru na yomerarava nene poli, apim lavisinia. Lala akekarania, komin yomerarava nini naga kila meraravanja sane sur la naḡa akila, pe yumiāena nalogearena ga na sine-nanena kiena ne Ntewa.”

*Yoane Nakeena kekara vanon Yesu siar kiena yumiāena*

<sup>22</sup> Ana siraun sur la nene, Yesu pure kiena nalogena lala amligan Yerusalem apa e norava nae Yutea. Apa sanene, asun akee ke yaru lala.

<sup>23</sup> Ana e mā nena e pogos nene, Yoane Nakeena mēna sumā e lele taḡena tai kiena ki Aenon, lavisin yo naḡa Salim. Naga pimi e nene vanon wii tai mēke ea, ḡisi na yeririna la naḡa apim puna, naga kee la e wii nene.

<sup>24</sup> Nanene e pogos naḡa pe atarar re naga amligan pa e yumiā na koena poli wa.

<sup>25</sup> Ana e pogos nene nalogena kiena ne Yoane lala akila visena tai amio le Yu taḡena tai e lepas nakevanen sur lala sa naḡa kiela lotuena pisa ke, ana e lepas mēna nakeena lala naḡa Yoane amio Yesu lalua akila.

<sup>26</sup> Apisayu mā pano-o ḡisi na apim apisu Yoane, apiun petania, asape “Navianena, mesape meviun tan ko sanape e lepas naḡa nanua sumo, pogos naḡa tesike e wii naḡa Yortan lepas navano, ana yaru naḡa Yesu pimi pisu ko, ana ko na opisa plan sur moki kom puna. A nanagane na naga mēna kee ke yeririna lala, ana la punu ga asumiā amligan ita apa ke ga puna, la moki na moki.”

<sup>27</sup> Ana pogos naḡa apisa sanene pan Yoane, naga pe pielue re poli, pe mloge piowagan re poli, kekanan re, pisape “Ita yeririna la punu ga monar teyumiāen ga suri ya naḡa sa Ntewa ligan te limata.

<sup>28</sup> Sa naḡa amiu akilia ruru pa rui, in na nepisawal lue ga, sane kiau yumiāena, in na pe Navisaarena re poli, in na nesumon ga naga nepimi, ve na visawalen sape naga pimi pa rui.

<sup>29</sup> A nenagane na, sane amiu na apisawal ga pan inu na wa, naga pimi kila ke pa kiena yumiāena rui, ana suri nene nekekarania, nepisu po paḡisi.

“Naga sane pog na talopaena, naḡa sanini. Visae yar naḡa talopa, kiena erau tai, naga iila keviu nakilaruruen sur punu ga na paḡagena, ana siraumiā, e kana legiena nena, pogos naḡa aure sira imi, sira nene taḡatete va totano amio yaru nene, va su ga amio wona. Ana yaru nene pe mloge re piowa poli, kiena kekarena maran taaga ga sane naga naḡa talopa. Ana nanagane, in mēna nekekarania sanene, naḡa kiau nalogena la asumiā ataveve Yesu.

<sup>30</sup> Nanene komin Suḡe Navisaarena naga monar imi ve keviu lue ga sanene, in na monar neim neve tokak lue ga.”

*?Navisaarena imi yumiāe ve sanape e yomarava?*

<sup>31</sup> Ana Yoane Nakeena pisayu Navisaarena, sape “Naga nae yo na mava, naga su metavan sur punu ga. Ita tomolue ga tano e yo nini, ana tekilia tevisu ga sur na tano lala. Ana sa naḡa nepisa, naga petan ma e peni pitomi tano, to metavan yeririna punu ga,

<sup>32</sup> a naga pitomi pisawal ke sur la naḡa nanua susumo pisu ma metava, a sur la naḡa mloge. Naga pisawal sur wo la nene, ana yeririna la pe sinelan re kiena visena la nene poli, pe amlelaga re e poli.

<sup>33</sup> La moki pe amlelaga re poli, ana ita naʻa temlelaga, kieta nalelagaena kila sane Ntewa, naga kiena visena lala pe lelaga a mesmes ruru po.

<sup>34</sup> Kiena visena la nene, mligan Navisaarena pitomi pisawal pan ita rui, ana tekilia tesape visena la nene pe visena lelaga. Nanene komin pogos naʻa Navisaarena pitomi, tepisu sane naga pis e puriu kawaena na Ninuna Wa kiena ne Ntewa, vanon Ntewa mla kiena Ninuna pan naga pe komsus re poli, punu nenaga.

<sup>35</sup> Ntewa Arimana kekaran narina nene keviu paʻisi, ana mligan sur punu ga e limana.

<sup>36</sup> “Ve sanene na, ita naʻa temlelaga e naga, tetol malena rui naʻa pe nalue ga. Ana yar naʻa pe mlogear re poli, yoko taʻpatete visu malena na sanene pogos tai, ana sinekar kiena ne Ntewa ve keviu vania.”

## 4

*Yesu pisape wasuʻe si Kalele kom lepas na Samaria*

<sup>1-2</sup> Ana e pogos nene, visena tai telivi mʻa ga, apisa ke asape Yesu suʻmʻa pure ke si nalogena taʻpena la moki apim puna, suʻmʻa kee la. Ana sa naʻa pe Yesu re kila ke nakeena e la poli, ana imimi nalogena ga la mekila, ana la apisu sane yeririna kiena ne Yesu la apim ape moki taulu kiena Yoane Nakeena.

Pisi na la apisasa lelein ke visena nene pa e yo la sanene, pano tol Varasi la, ana pogos naʻa Yesu mloge sape la mʻena akilia, ana kila amloge piowa kominia,

<sup>3</sup> naga pisu sane popon vetan Yutea, vato si tano garo Kalele. Pisi na naga mligan yo, pato sanene,

<sup>4</sup> ana e kiena mrapa Ntewa pisaar sape monar vato war ro e norava nae Samaria.

<sup>5-6</sup> Ana memial mʻa mepano, mepimi moʻparpoyo e kumali tai, kiena ki Saeka. Ana lavisin kumali nene, pupia pulus nen wii tai moʻmʻa ga, naʻa siar nakonua konua rui, pimi tol nagane, apio asape wii kiena ne Sekop. Porotano nene, nanua susumo pe kiena ne yermarua Sekop, ana siraunia naga taʻnian pa narina naʻa Yosop.

Ana memio Yesu memial mepim metol wii nene, mrae su va ruru nena, Yesu mloge yepena mimi vanon kiamimi pupia yalena e mrae mʻarera, ʻpisi na pa totano e yepas nen wii nene.

*Yesu pitawe sira nae Samaria tai*

<sup>7-8</sup> Mesuʻmʻa e wii nene pano-o, ʻpisi na imimi nalogena la mesuʻmalu mepa e kumali pe na ulen kamimi kinanena, ana Yesu naga taaga pa ruru toʻmʻa ga. Pisi na sira tai

nae Samaria mial pimi sape vio wii. Naga pimi ana Yesu piun tania pisape “?Awis, okilia ovio re mʻa wii tai?”

<sup>9</sup> Ana sira nene, pe kilia re Yesu poli, ana pisu kilia ga sane le Yu tai, ana milan paʻisi naʻa naga pis ruru po pan sanene, vanon e pogos nene, le Yu la amio le Samaria la pe apivis vitawa re poli. Ana piun tan Yesu, pisape “?Vanon ya ne ko na ope le Yu, opis panu, sira nae Samaria, opiun wii tan inu?”

<sup>10</sup> Ana Yesu pisatamʻea, pisape “!Sira, visae ko na okilia ga nalaena nowo naʻa Ntewa sinena pisape la van ko! !Visae ko na okilia ga sape in na ai, naʻa nepiun wii tan ko! Visae ve sa ga nene, pona ve in re naʻa neviun wii tan ko, ana ko na naʻa oviun wii tan inu. Ana pogos naʻa visae oviun wii tan inu, nekilia nela wii naʻa pe wii na laena malena van ko.”

<sup>11</sup> Ana pogos naʻa sira mloge sur nene, piun petan Yesu, pisape “Yar keviu, pe kionʻa sur re tai naʻa na vioen wii e poli, ana pulus nen wii nene naga pato tano paʻisi. Ve sanene, wii na malena naʻa opisa, yoko otol ve sanape, po yoko ovio lepas nape?”

<sup>12</sup> Ana opisa ke wii taʻpena nene na, nane mʻeke nini naga pe wii tanea tai. Kieta yermarua na susumo naʻa Sekop, naga mʻana wii nanini. Naga mun ke ea, amio narina lala, kiena sur mal lala, amligan lelein pimi tol ʻpane. Ko na onʻape ko opo taulu yermarua Sekop nene ana okilia ola wii tai naʻa wo taulu nanini?”

<sup>13</sup> Ana Yesu pisatamʻea pisape “Lelaga, wii nene naga po, ana pogos naʻa tomun pae na, ve piavi re na moto kar ita sina.

<sup>14</sup> Ana yar naʻa visae mun wii naʻa nela vania, ʻpisi na naga taʻpatete si moto karia. Yoko wii naʻa naga munia, imi ve sa purʻes nen wii si tai loyomʻa e kiena malena, ve wii na malena naʻa ve uro re pogos tai, suʻmʻa lalau lue ga vetania, taʻpatete mema pogos tai.”

<sup>15</sup> Ana sira nene pe kilia ruru re visena kiena ne Yesu nene poli wa, pisape “Yar keviu, visae sanene, popon ola re narin wii tai nene van inu, vena nemunia, ana ve moto kar inu re sina, ve netom re si e nini nevio wii.”

<sup>16</sup> Ana Yesu sinenan sape sira nene kilia sape naga ai, ana pisa pania, pisape “Nevisa sur tai van ko sumo wa: ovato sina, oto ovio onʻa oure naga amiu lua avam si e nini.”

<sup>17</sup> Pisi na sira naʻa pisape “Ee, pe wou re tai poli.”

Ana Yesu pisa pania, pisape "Lelaga, ko na opisa ke mesmes ne, ko na pe om̃a re tai poli.

<sup>18</sup> Nanene vanon yar la naḡa ko na oḡere la nanua sumo rui, la punu ga tol lima, ana nagane na osike sina amio tai, ana pe otalopa re amio poli. Sane kionḡa visena pe lelaga ga, ko na pe om̃a re tai poli."

<sup>19</sup> Ana sira nene sinena pula paḡisi naḡa sane Yesu kilia ruru kiena malena sanene, pisape "Lelaga ga, yar keviu. Nenagane na nekilia narui, ko ko na navisawalena tai.

<sup>20</sup> Naga po paḡisi ne, ana pona ko na navisawalena ga kiena ne le Yu la yo. Imimi le Samaria lala, kiamimi yo wa nane pupia tavie nane ma ne Kerasim, naḡa repimimi la nasusumo amlotun Ntewa e konua rui, pimi tol nagane. Ana amiu le Yu lala, aḡararan ke asape pupia kumali wa kiamiu naḡa Yerusalem, naga taaga ga pe lele mesmes na kilaen lotena van Ntewa. Sanene, a si na mesmesu narui, amiu pona imimi? Ovisali nene!"

<sup>21-22</sup> Ana Yesu kekaran nakilaruruen sitomena kiena ne sira nene e ḡelaga mesmes na lotunen Ntewa, naga pisa pania, pisape "Lelaga vineu, opisa pe lelaga ne, lotena kieta italua pe maran taaga re poli. A nanene pe vanon re lele na kilaen lotena la lua, naga vanon sur na sanini. Amiu na yo nini, akila ke lotena, a pe akilia ruru re naga naḡa amlotun ke poli, a imimi le Yu la, Ntewa kilaar pisape yaru na tamaliaen yeririna lala naga molue e kiamimi lusia, ḡisi na mekilia ruru Ntewa kamimi naḡa memlotun ke naga.

"Ana nekilia nevisa van ko sane yoko taḡatete ve sanene. Monar olelaga e inu, naḡa nepisa ke pan ko nagane, sane pogos tai ne pimi ke ne yoko nalotena viu tai siaria, naḡa ve kieta ita punu ga. Le Yu amio le Samaria, ve tesitorḡal re si sape yo mesmes na lotunena Ntewa ea nane ma tavie ne, po kumali naḡa Yerusalem, po yo taḡena si tai.

<sup>23</sup> A pupia sur ga naḡa tesitorḡalia, visae telotun Ntewa, na monar tetam̃an Ninuna Wa yuḡae e ninuta, a monar telotun lelaga, torokin naḡa kiena visena lelaga pisa.

"Ana nanagane na Ntewa arimata kale ke yeririna la naḡa akilia alotun naga e ḡelaga mesmesu na sanene. Pisi na e pogos ne pimi ke na wa, po naḡa pimi pa rui, yoko kiena ḡegas na lelaga na kiena lotena, alotun naga ve sanene.

<sup>24</sup> Ntewa naga pe ninuna, ana yar naḡa sape lotunia, monar lotun e ninuna, a suri nene monar ve lelaga e kiena malena."

<sup>25</sup> Pisi na sira nene, naga m̃lelaga ke sape yoko Navisaarena imi, naga naḡa visena nae Kris pisape Kristo, naga pisa pa Yesu

pisape "Sur la naḡa ko na opisa ke ne, pona pe lelaga yo, ana nemlelaga nesape Navisaarena naḡa yoko imi, naga ke narui yoko visawal sur punu ga ve lelaga van imimi."

<sup>26</sup> Ana Yesu pisa ga narin visena nene pania, pisape "Nane ko na opisa ke ne, in ga nini, nane nesun ke nemio ko nagane."

<sup>27</sup> Naga pisawal pa naga pan sira nene sanene, ana nalogena la aḡasuḡe la sina apa atol yo naḡane. Apam na, apisu Yesu sun ke amio sira naḡa ne, sane lalua ga, ana la sinela pulania. Sinela pula na aparurula ga, pe lala yar tai piun re petan sira naḡane pisape sinenan ya, po piun tan Yesu pisape lalua asunyu ke ya.

<sup>28</sup> Ana sira naḡa suḡalu, m̃ligan m̃ana piawi na wii m̃eke na, mial si pa um̃a e kiela kumali. Pogos naḡa pa tol um̃a pisawal pan yeririna lala, pisape

<sup>29</sup> "Wolawa le Yu tai sike tano garo puluwii, sun amio inu, kilia make sur punu ga e kiau malena. Nepisu sane Navisaarena kemua, po peraga? Amiu aimi, teto tevisulia."

<sup>30</sup> Ana lala asuḡalu apito tano asape avisu Yesu.

*Pakaiwa na kinanena naḡa marua sike lokove*

<sup>31</sup> Ana pogos naḡa lala amiyal ke apimi, akate re poli wa, nalogena la aḡar plan kala kinanena naḡa apato apulia, apisa pan Yesu, asape "Navianena, oim oki-nana."

<sup>32</sup> Ana Yesu pimi re poli, ana apio sina ga pano-o ḡisi na Yesu pisape "Amiu akinana, in na kau kinanena taḡena tai teke na naḡa amiu pe akilia re poli."

<sup>33</sup> Nalogena la amloge sanene na, la apisasa ke pan la, asape "?Ane kus kana kinanena nene pimi pania? !Pe tepisu re nena yar tai poli!"

<sup>34</sup> Ana Yesu pisa pan la, pisape "Peraga, kinanena naḡa nepisa ke ne naga pe taḡena. Kau kinanena, naga yuḡaena na logearen nasinenanena kiena ne naga naḡa m̃ligan inu nepitom tano, monar neyuḡaen punu ga vano-o ḡisi.

<sup>35</sup> Pogos naḡa temapila lokove, ita tepisayu lue ga tesape 'Kupario vari sike ga wa, kinanena marua,' ana nagane e lokove kana Ntewa yaru la asu ruru ke asape aloge kiena visena rui, la na asa ga kinanen la mamarua rui. Ana sineun nesape amiu avike li kilamaramiu lala, akirava ruru lia e yo lala, ana yoko akilia akirawal kinanena la mamarua ruru po rui, nagane pe pog na va waren imi.

<sup>36-37</sup> Ana la naḡa ava awaria, yoko akekara vaḡisi vanon kiela narin nalaen tai naga teke pa rui, ana pogos naḡa awar

kinanena la nene imi umā na malena naḡa ve uro re, yar keviu naḡa mapila, yoko naga mēna kekara vaḡisi. Naga sa ga visena naḡa asape 'Yar taḡena mapila, taḡena pa ḡaria, ana pupia kekarena pan yeririna punu ga!'

<sup>38</sup> Sanene, in na nemligan amiu vena ava aure yeririna lala naḡa li taḡena ga la akila pupia yuḡaena pan la rui, ana nanagane na amiu punu ga ayakol amiu veraga e na logewoena e yuḡaena nene."

*Le Samaria la moki amlelaga*

<sup>39</sup> Ana pogos naḡa le Samaria la e kumali nene amloge naḡa sira nene pisape Yesu kilia make sur la punu ga e kiena malena, sinela pula paḡisi, kila lala moki amlelaga e Yesu.

<sup>40</sup> Ana pogos naḡa apim asape avisuia, la asun mā amio naga pano-o, ḡisi na apiun tania asape visae mekilia meva umā amio la. ḡisi na mepa mesuḡa amio la pano-o tol legiena lua,

<sup>41</sup> ana la moki sina amlelaga e naga vanon kiena visena wo lala.

<sup>42</sup> Apisa mēna pa sira nene, asape "Nanua sumo, memloge sur la naḡa opisa, memninue ga, a nanagane, memloge ruru nena kiena visena lala, mekilia sane pe lelaga ga narui, kieta yar keviu nene, naga pe Natamaliaena na yomarava."

*Kile nalua kiena ne Yesu ma Kalele, tamalia narina ne suḡe keviu tai*

<sup>43</sup> Ana legiena lua nene ḡaro pano, memio Yesu memligan yo nene, metaveve si kiamimi mrapa mepato si tano e lepas naḡa garo Kalele.

<sup>44</sup> Yesu sinenan sape wasuḡe si va gar kiena yo Kalele, komin naḡa naga piḡu li taḡena lala amaagan li visayuen naga, asuḡa akalewele silaga. Nanene taveve kiena visena tai, naḡa pisape "Yeririna taḡena lala akekaran navatanon ruruen navisawalena, ana yeririna ga la na pulkumali puna na peraga, la asitom korenan ga naga."

<sup>45</sup> Ana pogos naḡa mepa makate e yo naḡa Kalele, yaru na kiena yo lala akekaran paḡisi, aporworunia. Nanene vanon naḡa sumo, lala moki la mēna asike e ḡaḡagena ma Yerusalem, ana apisu pa nataḡaen mārera tai naḡa Yesu miyuḡaen e Yuḡa Wa mēna ne Ntewa e pogos nene, ana apisu po paḡisi.

<sup>46</sup> Ana sun mialili ke yo lala nae Kalele pimi tol sina ga kumali naḡa Kana, naḡa nanua sumo kilapu wii pimi pe kuruta na munena. Ana e pogos nene pupia suḡe tai nae pulkumali taḡena nae Kapeneam sike

e yo nene, mloge ke piowa vanon narina yermiene mai keviu paḡisi, lavis ga mare.

<sup>47</sup> Ana pogos naḡa mloge asape Yesu ḡasuḡe ma Yutea pitomi si Kalele rui, naga pa kirawalia. Ana piḡu Yesu, tag pania sinenan pisape va umā vena tamalia narina nene.

<sup>48</sup> Ana Yesu pisa pania, pisape "Pona ko mēna sane yeririna taḡena la nene. Sinelan lue ga kile taḡena lala, ana visae neyuḡaena, alelaga e in narui, a visae pe apisu re poli, pe akekaran re nalelagaena e inu poli."

<sup>49</sup> Ana pupia suḡe māreran pania, pisape "Yar keviu, awis oimi vilaga, visae pere na naruu naga kovio."

<sup>50</sup> Ana Yesu taḡali nalelagaena kiena ne suḡe nene, pisape "Peraga, ko ga taaga ovano. Nevisa van ko, naruḡa taḡatete mare, mal mā woga ga." Pisi na naga mlelaga e visena naḡa Yesu pisa pania, mligan yo pa si umā.

<sup>51</sup> Ana e legien taḡena sina, pogos naḡa ḡasuḡe ke si pavin, pitawe kiena yeririna lala, amial lulu ke mrapania. Ana apisa pania asape "Naruḡa mloge si pogaga teke na."

<sup>52</sup> Ana piun tan la pisape "Amiu asitom veve ruru lia: Pog ya ne naga siar mloge pimi po sina ga?"

Ana apisatamea, asape "Mepisu sane yepena pimi manin ruru nakoneva kolpae, sur tai sane koe aora taaga."

<sup>53</sup> Ana ariman yermiene nene mloge na nene, kilia ga sape naga ke narui mesmesu ga aora naḡa Yesu pisa pania pisape narina taḡatete mare, mal ga woga ga. Ana sur nene kila naga, amio la punu ga na mratava puna, amlelaga e Yesu.

<sup>54</sup> Ana natamaliaena kiena ne yermiene nene, Yesu kila suraun naḡa mligan ma Yutea pitomi, ana pe kiena kile nalua gar lepas naḡa Kalele.

## 5

*Yesu kila ruru si yar tai naḡa yepena mare yam piavi*

<sup>1</sup> Ana Yesu suḡa Kalele yam piavi mā pano-o, tol pog na ḡaḡagena taḡena si tai kiena ne le Yu lala ma Yerusalem. Ana Yesu lala apa si metava e ḡaḡagena nene.

<sup>2</sup> Asuḡa Yerusalem sanena e legien tai Yesu mial pito tano lavisin pulutava keviu na kumali nene naḡa apio asape Pulutava Na Sipsip, ana apa lele tai naḡa wii na kulena tai mēke ea, naḡa e kiela visena apio kiena ki Petsaeta. Ana e yepas nen wii nene, silparpara la lima sike ea, amiyuḡaen e kilavaru.

<sup>3</sup> Ana nalue ga inanena lala, kilamara kata lala, a laulu lala, amio la naña yepela la marmare, la ne sanene amoki manene apim añeke e lepa yuñia taaga la nene. Apim asike sanene, vanon wii nene yam peve taaga kulkulul,

<sup>4</sup> sa naña navisi kiena ne Ntewa tai pitomi kila wii nene kulkulul, ana pogos naña apisu sanena, inanena la nene yar ai naña va p̄es tol wii nene, yoko maiena ya naña teke e yepena p̄isi veraga ga e pog nene.

<sup>5</sup> Sanene inanena la asuñia apim e yo nene, ana lala yar tai naña sike e pog nene, naga yepena marmare tol kas lualima yam telu pa orelu [38] rui.

<sup>6</sup> Ana pogos naña Yesu pimi, pisu yar nene, kilia sape yar nene monon inanena nene yam piavi sanene, piun tania pisape “?Kiau erau, ko na sinom̄ian osape yepem̄ia imi wo sina, ne?”

<sup>7</sup> Ana inanena nene pisatar̄nea, sape “Yar keviu, sineun pap̄isi ne, ana pogos naña wii kulul, pe yar nakusnuen re vito ligan nu e wii poli. Ana pogos naña in ga taaga nekila wowen ke yo nayalvitoen tano, yar tañena tai pitomi pito p̄es tano e wii sumon inu.”

<sup>8</sup> Ana Yesu pis mesmes ga pan yar nene, sape “Pogaga, osur̄ñalu, okus mom̄ia tog, oyali ovatove.”

<sup>9</sup> Ana taveve visena kiena ne Yesu nene, yepe marmare la nene punu ga pimi po, naga sur̄ñal kus m̄ana tog mial pitove.

Ana e legiena na sur nene pimi kate, naga pe legiena wa tai kiena ne le Yu la,

<sup>10</sup> kila sane pogos naña yar keviu p̄asia sa le Yu la apisu yar nene mial kus ke m̄ana tog, apis pan vanonia, akilawoia, asape “E, p̄a nini na pe Legiena Wa p̄a! Okus ke mom̄ia tog sanene na okilaro ke kieta navisaluaena ita le Yu la ne.”

<sup>11</sup> Ana pisatar̄ne la, sape “In na yepu pororowaia, ana yar nene pimi kila ruru inu, pisa panu sape nekus m̄au tog nevano.”

<sup>12</sup> Pisi na lala sinelan asape akilia laa sane wa, apiun tania, asape “?Ana a nene? ? Naga pe ane pisa pan ko sape okila sanene?”

<sup>13</sup> Ana yar nene mninue ga visaena, vanon naga pe kilia re sape Yesu naña kila ruru naga poli, a tañatete visu kilalea vanon p̄ina na yeririna la asike ea, ana Yesu mial p̄aroro likan yeririna lala, petan yo nene rui.

<sup>14</sup> Ana sirauña pe piavi re poli, Yesu kirawal si yar nene e Yuñia Wa, ana pisa pania sape “Nanagane omloge po si narui, popon ovisuar ruru ko. Oligan punu ga kion̄ia naviowaena lala, visae peraga yoko

sur tai viowa sina ga imi van ko va re laa sane taulu na sumo.”

<sup>15</sup> Ana e pogos nene yar nene kilia narui sape Yesu ga naña kila ruru naga, ana pa pisawal pan yar keviu kiena le Yu lala.

<sup>16</sup> Ana pogos naña la amloge sape Yesu ke narui naña tamalia, sinela karia, pe akekaran re naña miyuñiaen sur nene e Legiena Wa, p̄isi na la asiar naña apeveyunia.

<sup>17</sup> Ana Yesu pisatar̄ne la, sape “Kiau ata, naga miyuñiaen ke kiena yuñiaena wo lala e legiena make ga, pa tol m̄ena Legiena Wa, a in m̄ena monar neyuñiaen sa m̄a nena naña naga miyuñiaena.”

<sup>18</sup> Sanene na e pogos nene, nasumonena kiena le Yu lala apisu ke pa Yesu narui sane pe yar na warnena kareen nawaena na Legiena Wa. A nanagane metavana, amloge naña naga pio ke Ntewa sape Arimana wawa, apisu sane naga kila ke naga maran taaga ga sane Ntewa. Ana sur ne la nene kila sane la apim pisusun manene laa sane, sinelan manene laa na wemom̄aren naga mare.

*Narina ne Ntewa amio Arimana amiyuñiae maran taaga ga*

<sup>19</sup> Ana Yesu pisa pan la, sape “Nepisa pe lelaga pan amiu, in na narina ne Ntewa, tañatete nekila sur tai inu ga taaga, ana sur ga la naña nepisu Arimau kila, naga ga nene nekilia nekila.

<sup>20</sup> In na narina ne Ata Ntewa, naga sinen sii inu pap̄isi, kila pian inu e sur punu ga naña naga sitom ke sape nekila. Ana yuñiaena tañena si p̄asia sike ga wa, naña kerkeviu laa sane, naña war van inu vena neyuñiaen sirau, ana pogos naña neyuñiaena, yoko amiu sinemiu ulan pap̄isi ne.

<sup>21</sup> Naga m̄ena nanini, sa naña Ata mla si malena pan la naña amarmare, tañan si kiela malena pan la, ve sa m̄a nena nene inu narina nekilia nela malena van yar ai naña sineun nesape nela vania.

<sup>22</sup> Ana pe Ata re ga kila nalip̄ereena poli, ana yuñiaena m̄ena nene mligan e luñau,

<sup>23</sup> vena kilaen yeririna punu ga monar avatanon inu sa ga naña apatanon ke Ata. Ve sanene, visae yar naña pe patanon ruru re inu narina poli, ana sa naña naga pe patanon ruru re yerikawa naña naga mligan inu nepitom tano poli.”

*Marena amio malena*

<sup>24</sup> Ana Yesu pisa laa sanene, sape “Ayagagon ruru visena nene. Yar a naña logear kiau visena, a lelaga e naga naña mliganu nepitom tano, e ke e pogos nene tol malena. Naga pe su re nena vatanon nalip̄ereena m̄arera tai, sane petan p̄elaga na marena rui, pa tol kiena malena viu rui.

<sup>25</sup> “A nepisa visena nalelaga nini pan amiu, sane pogos pimi ke sirau nanagane naþa sane yar la naþa amarmare e þelaga naviowaena rui, aloge pulgou inu narina ne Ntewa, ana la naþa aloge kilia, yoko atol malena.

<sup>26</sup> Kau Ata, malena nalelaga teke ga e naga, ana naga tañan malena nene sike e inu,

<sup>27</sup> a tañan mēna sane inu Narina ne Yeririna, yoko nekila yuñāena lala na liþereena.

<sup>28</sup> “Sur la nene pe pon re si sinemiu ulan poli, monar yoko ve sa ga nene e pog naþa nepisa ke nesape pimi ke ne. Yoko la naþa amomalo e porotano, aloge pulgou vio,

<sup>29</sup> ana amolmolue sina ga, ana la naþa amiyuñāe po, kiela nasuñālena si nene pe namalena, ana lala naþa amiyuñāe piowa, kiela nasuñālena pe naliþereena.”

*Sur la na iilaen visena kiena ne Yesu*

<sup>30</sup> Ana Yesu pisa pa laa sane, pisa þarlologia ga pan yerkawa kiena ne le Yu la naþa amon nalelagaena e naga, pisayu sur la naþa kila meraravan sapa naga pe lelaga. Pisa sapa “E lepas naliþereena naþa neyuñāena, yoko taþatete neyuñāen e nasitomiēna kiau in ga taaga, ana nekila ga e sur naþa nemloge Ata pisa. Ve sanene, kiau naliþereena naga mesmes ga, vanon pe nekila re e kiau nasinenanena poli, nekila ga e nasinenanena kiena ne naga naþa mliganu nepimi.

<sup>31</sup> Ana nepis sanene pan amiu, nekilia sane nepisayunu ke sina ga, pona amiu þas apisu sane pe pon re nevis ve sanene poli yo, taþatete alelaga e visena na sanene.

<sup>32</sup> Ana pogaga, pe sur re tai nene po, vanon sur taþena la þasia naþa kilia iila kiau visena suñal ruru wo.

“Nasumo, naga yar tai naþa pisayu sur la naþa punu pe lelaga paþisi.

<sup>33</sup> Nane Yoane Nakeena ne, naþa nanua sumo, amiu amligan visena pato pania, apiunu sanape petania, ana pisawal sur punu ga pe lelaga pan amiu.

<sup>34</sup> Ana piowa ga naþa asitom asape kiau visena suñal sanene vanon ga visena kiena yaru tai sa ga Yoane. Ana sineun nesape amiu asitom ruru li e visena la naþa Yoane pisa pan amiu e lepas na punu, vanon neþaryon amiu ke vena akilia atol natamaliaena.

<sup>35</sup> In na nepisa Yoane nene pan amiu, vanon naga sane pe kap tego tai na tegolien kiamiu sitomena lala, amiu naþa akekaran li nā naga.

<sup>36</sup> “Ana sur si tai naiilaen kiau visena, keviu laa taulu sur la naþa Yoane naga pisa. Naga kile la naþa Ata tañan panu

nemiyuñāena e maramiu. Yuñāena keviu la naþa nemiyuñāen, lala amiila ke visena nene keviu sane pe lelaga Ata ne nanene mliganu nepimi.

<sup>37</sup> “Ana metavan sur lua nene, taþena torñā ga, nane kiau Ata naþa mliganu nepitom. Amiu pe amlogeli re pulgona poli, pe apisuli re marana po, ana naga mēna, kiena visena la miila kiau visena la keviu, naþa pisawal inu.

<sup>38</sup> Ana amiu na akila sane visena nene pe lelana re e kiamiu malena poli, vanon amon lelagaen e naga naþa mliganu nepimi.

<sup>39</sup> Yam moki asuñā apisuveve ke Visena Wa lala, vanon amiu asitom ke asape yoko alual kiamiu malena naþa ve uro re ea, ana visena wa la nene naþa pisawal inu ga.

<sup>40</sup> Asape in na nepe purþes nen malena nene, ana amiu amon aimi atol malena nene e inu.”

<sup>41</sup> Pisi na Yesu pisa sane þarila mārera paþisi, pis sanini, sapa “Sur la naþa nekila ke ne, pe nekila re nesape amiu ayeluar kiau ki, peraga. Pe nesitoñal re nene poli,

<sup>42</sup> ana sur viowa tai, nekilia ruru amiu pa rui, ana nekilia sane pe asitom manene re nena Ntewa poli.

<sup>43</sup> Pogos naþa nepim nakaten amiu, nepim e ki kiena ne kiau Ata, ana amiu pe akekaranu re poli. Ana visae pogos tai yar taþena imi, naþa imi ga e kiena ki naga taaga, pona amiu akekaran ga naga yo.

<sup>44</sup> Sineu mie amiu paþisi, ana nepisu sane mārera pan amiu paþisi naþa atol nalelagaena nalelaga pogos tai. Nanene vanon amiu sinemiun lue ga nayeluaren kiamiu ki va metava. Amiu pe asitom re asape akilia avilopu si kiamiu þelaga poli, vena akila sur la naþa siraunia Ntewa kilia yeluar amiu vanonia.

<sup>45</sup> “Nepisa visena la nene pan amiu, pona amiu asitom ke asape ‘E, yar nene sinen kar ita, pona e legiena naliþereena naga visawal kieta naviowaena la van arimata Ntewa ma e peni!’ A peraga, ve in re naþa nekila sanene, ana yar taþena naga kila. Taþena nene nane yermarua Mosis, naþa amiu aþasine ke naga asape yoko visa visena na iila amiūena, ana nevisa ruru van amiu, naga ke narui naþa yoko visa plan ga kiamiu naviowaena lala.

<sup>46</sup> Amiu na apisa ke asape amlelaga ke mārera e visena kiena ne yermarua Mosis nene, ana visae ve sanene, vanon ya ne amiu pe amlelaga mēna re e in poli, vanon yermarua nene, naga siriyunu lue ke ga.

<sup>47</sup> Ana nanagane, nepisu sane amiu pe amlelaga re e kiena nasiriena la poli, ana

komin suri ne nanene yoko tařatete mřena alelaga e kiau visena lala.”

## 6

*Yesu pagan řina na yeririna miyuve manu lima [5000]*

*Matiu 14:13-21; Mak 6:32-44; Luk 9:10-17*

<sup>1</sup> Siraun naga nene, memio Yesu memiai e wa tai memligan si kiena yo nene, mepa mokusro pupia lapa nařa nae Kalele, nařa la řasia apio asape Lapa Taepirias.

<sup>2</sup> Ana pogos nařa yeririna la apisu imimi mepa ke sanene e lepas navano, la mřena ga asumřalu asiraun imimi. Asape ataveve Yesu vanon apisu kile natamaliaena la nařa miyuřnaen pan inanena lala.

<sup>3</sup> Ana pogos nařa mepa metol lepas nene, mepa metava e kunus tai nařa mřeke e yo nene, memial mřa mepano-o, memapi.

<sup>4-5</sup> Ana pogos nařa Yesu totano teke na kira pa gar tena, pisu pupia řina la apim ke puna. Pisuluřar sane la moki, ape yeririna na yo tařena ga la ne amlapran la ke apato Yerusalem. Apatovin ke pupia řařagena kiena le Yu lala, Pařagena na Sitomřalen Natamaliaena, nařa yoko ve yam ve piavi re na akila.

Ana pogos nařa Yesu pisu la apimi, piun sur tai pa Pilip, pisape “Pilip, la nařna na viso kar la ke pařisi ne. ?Yoko toul kala kilaparavi ve sanape ne?”

<sup>6</sup> Naviunena kiena ne Yesu, pe natařaliena ga Pilip, vanon Yesu kilia pa rui sur nařa yoko kila van yeririna lala nene.

<sup>7</sup> Pisi na Pilip pisatanřea, pisa ga pisapenua “Visae neyuřnae kas ve taaga, tařatete netaulu kilavaru torokin naulen kala kinanena lala la punu ga akan ve torokaki!”

<sup>8</sup> Ana nalogena tařena tai, Antru, nařa wenla Saemon Pita na ve tokak, pisa pa Yesu, pisape

<sup>9</sup> “Suře, nekirawal teras tai teke e nini, řar ke narin kilaparavi lima amio narin ika lua. Nanene tekaki ga, vanon yeririna la mok pařisi.”

<sup>10</sup> Ana Yesu pisape “Peraga, poga ga ne, ovisa van řina la nene ovisave atotano wa.” Mepisa pan la, řisi na atotano e viluřini lala, ana mepisu sane yermřene ga lala tol sur sane manu lima [5000].

<sup>11</sup> Pisi na Yesu řarar kilaparavi la lima nene, mlen, pisa potena vanonia. Siraunia siar kaweroroia, piovision pan la nařa atotano ke ne, kila mřena sa ke ga e ika, mla make ga pan la torokin nařa sinelan asape akania.

<sup>12</sup> Ana akan mřa pano meřela la kawa, řisi na Yesu pisa pa imimi, pisape “Korkoro kinanena la ne sike ne, ve tekila kare re, ana popon awarpolo va lele taaga.”

<sup>13</sup> Ana mepa mořar kinakina kilaparavi la lima nařa ne, nařa akanligania, mokon pa e karo pano-o tol karo lualima taaga pa lua [12].

<sup>14</sup> Ana pog nařa yeririna la apisuluřar pupia kile nařa Yesu miyuřnaenia, apisa ke pan la sanini, apisape “Kieta pupia navisawalena nařa kieta li marua la apisaar asape imi kate e yomarava nini, yar ne na nene navisawalena ke narui.”

<sup>15</sup> Ana la asitom ke asape ava atarar Yesu, asape amřareran vania vena avisirlua suřnal imi ve kiela řarin suře, ana pogos nařa mnunuluřar sur nařa la asitom ke asape ayuřnaenia, naga petan la, naga taaga mial pa laa sane metava e kunus la nene.

*Yesu mial yau metava e sive*

*Matiu 14:22-27; Mak 6:45-52*

<sup>16</sup> Ana imimi nalogena la mepisu mrae pato ke tano narui, mepisu sane popon sa mowasuře imimi sina, ana mepato si tano e yepas nen lapa.

<sup>17</sup> Mepato tano ana pe mořa re Yesu katen imimi si poli, ana vanon yemalo pa rui, a mokus kiamimi waa, memligan si yo nene mepalua mepanon vena mokusro lapa meva ma Kapeneam.

<sup>18</sup> Ana mepa ke sane, na narin lagi tai miyui li mřaga, kila sive siar piowa mřa pařisi.

<sup>19</sup> Ana pogos nařa mepaluan pa laa tol sane kilometa lima, memilan Yesu mial ke metava e sive pimi ke lavisi. Ana memaraun naga pařisi,

<sup>20</sup> ana naga pis pan imimi, pisape “!Ee, amiu ve amarau re! In ga ne.”

<sup>21</sup> Ana memloge po sina, metar pa meta e waa, ana veraga ga mepisu kiamimi wa monlologia ke lele nařa mesape meva ea.

*Yeririna la apim akale Yesu*

<sup>22</sup> Ana kolulag, la nařa e lepas nen lapa, nařa Yesu pagan la ga na wa, asitomwele ke asape sanapen Yesu narui. Asitom ke sanene vanon pogos nařa memio Yesu mepim pula, mokus waa taaga ga, ana apisu imimi nalogena la mokus waa nene mepa pa rui, a Yesu pe amio imimi re poli, naga taaga sike na. A nanagane tařatete si alual naga amio la,

<sup>23-24</sup> ana la apa akus waa tařena lala, akusro apa Kapeneam akale imimi. Waa tařena la nene, la pe kiela re poli, kiena ne la nae Taepirias nařa apim akaten la, apim ga ura e nařa Yesu mlenwo kilaparavi, kila pimi torokin nařa akania.



*Yesu pisape naga pe kilaparavi na malena*

<sup>25</sup> Ana yeririna la naþa ne apam atol Kapeneam, apa ura, apa akale Yesu. Ana pogos naþa amġalia, apiun tania, apisape “? Navianena, ko opam otol e nini pogwai?”

<sup>26</sup> Ana Yesu kilia pa sur naþa la asape avisu vanonia, naga pisatamġe la, pisape “Visae apamin akale inu sina vanon apisu kiau kile lala a apisuluþar inu sane in na ai, visae ve sanene na po na. Ana in na nepisu sane asitoġnal asape nakoneva nepagan ruru amiu, akinana pano-o mġepemiu la kakawa po, ana amiu sinemiun si asape ve sa nene þane, yo?”

<sup>27</sup> “Poga ga, kiau visena na lelaga van amiu naga sanini: ve asitoġnal manene re si kinanena naþa yoko ve ve piavi re na naga kona make sina. Popon ayuġmae mġarera vanon kinanena naþa sulue ga, kilia suġma ga sanene vano-o tol pog na malena naþa pe luas re poli. Lelaga, in na Narin Yeririna nekilia nela malena nene van amiu, vanon Ntewa arimau kilaar pan inu rui in ga taaga vena nekila ve sanene.”

<sup>28</sup> Ana apiun tania, apisape “Ana sa imimi sinemimin mesape mekila sur la naþa Ntewa sinenania, yoko monar meyuġmae ve sanape?”

<sup>29</sup> Ana Yesu pisatamġe pan la pisape “Pupia sur naþa Ntewa sinenan sape ayuġmaenia, sanini, sape alelaga lelaga e in naþa Ntewa miila inu nepim e yomarava nini.”

<sup>30</sup> Ana apiun ke sina ga, apisape “?A ko, kioġma kile ya naþa sa mevisuia, yoko mekilia melelaga e ko? Ko na yoko okila yuġmaena wo ya ne van imimi?”

<sup>31</sup> Mepiun ke sanene vanon mesitoġnal kieta li marua la na susumo ne, naþa asu e yokorena. Asumġa sanena Mosis kila kile wo tai pan la, naþa silaga la aþar kilaparavi naþa apio mana, ana akania, pe visokar la re nena ga. Sur nene teke e Tus Wa, a pisa sape

*‘Silau ga naga pagan la e kilaparavi nae ma e peni!’* Esik 16:4

<sup>32</sup> Ana Yesu pisatamġe la ke sina ga, pisapenua “Lelaga, sur nene teke e Tus Wa, ana kilaparavi naþa Mosis mlavia, pe pe kilaparavi nae re ma e peni poli. Kilaparavi naþa nae ma e peni nalelaga, arimau ga kilia lavia.

<sup>33</sup> Kilaparavi kiena ne Ntewa naga inu ga ne naþa nemligan ma e peni nepitom tano, vena nela malena viu van yeririna na yomerava lala.”

<sup>34</sup> Ana apisatamġe, asape “Suþe, kilaparavi ke nene narui naþa imimi sinemiminia silaga.”

<sup>35</sup> Ana Yesu pisa pan la, pisape “Inu, in na kilaparavi na malena. Yar a naþa vim

pun inu, taþatete si viso karia, yar ai naþa lelaga e inu, taþatete si moto karia.

<sup>36</sup> Ana sur taaga ga na piowa, sa naþa nepisa pa pan amiu rui, naþa apisu inu amio kiau kile lala e kilamaramiu rui, ana amon lelagaen e inu.

<sup>37</sup> Ana monar yar þasia alelaga e inu, vanon la punu ga naþa Ata mligan sike e luġnau, yoko monar aim pun inu, a la punu ga naþa aim pun inu, ve lala yar re si tai naþa nekilia nekuan lua sina, yoko nowarar ruru punu ga ave kiau.

<sup>38</sup> “In na nemligan ma e peni nepitom tano e yomerava nini, pe nakilaen re nasinenanena kiau poli, ana pe nakilaen nasinenanena kiena ne naga naþa mligan inu nepitom tano.

<sup>39</sup> A pupia kiena nasinenanena sanini, sape la naþa naga mligan la asike e luġnau, yoko ve nekilalu re lala yar tai, naga sinenan pisape e legiena maro nevisir plan la punu sina ga.

<sup>40</sup> Ata sinenan manene laa pisape ve sanene narui, naþa la punu ga naþa avisu inu, ana alelaga e inu, yoko atol malena naþa pe luas re poli, a sinenan manene mġena pisape e legiena maro, yoko in na nevisir plan la sina ga.”

*Nasumonena kie le Yu lala pe akekaran re visena kiena ne Yesu la poli*

<sup>41</sup> Ana pogos naþa yerkawa kiena ne le Yu lala amiyagogan ke visena kiena ne Yesu, pe akekaran re nenaga, ana la apis lili mġa vanonia. Kiena visen tai naþa amon logeana, nane visena naþa pisawalia sape naga pe kilaparavi naþa petan ma e peni pitomi tano e yomarava nini.

<sup>42</sup> Apisayu pan la, apisape “?Sanape ne yar nene pisa ke pan ita pisape petan ma e peni metava pitomi tano pun ita? Naga pe yar re tai nene po, tekilia ruru pa naga rui, anena amio arimana. Naga Yesu ga þa, narina yermarua Yosop.”

<sup>43</sup> Ana Yesu pisatamġe la, pisape “!Ei, visen mumu la e inu þisi, amiu ayagoga ruru kone wa!

<sup>44</sup> Yar ai naþa imi lelaga e inu nagane, e legiena maro nevisirlua naga mal sina ga. A ata naþa taġnan inu nepimi, visae naga ve ure re yaru nene vim, ana taþatete nena kilia imi punu.

<sup>45</sup> Tus kiena ne navisawalena Aisea pisawal visena tai, pisape

*‘Lala punu ga, yoko Ntewa ga vian la,’ Ais 54:13*

ana komin nanene, nepisape la naþa aloge ruru visena kiena Ata Ntewa naþa naga vian ruru la ea, lala nene aim pun inu.

<sup>46</sup> Ana la ne sanene, pe lala yar re tai naþa pisu ke Ata Ntewa poli, vanon yar taaga

pisu ke naga, nane inu naña nepetan ma puna nepitom.

47 “Nepisa ke lelaga pan amiu, sane yeririna punu ga naña alelaga e inu, asike pa louyũña e malena naña ve uro re rui,

48 vanon inu, in na kilaparavi na malena.

49 Kilaparavi nene pe maran taaga re poli sa naña kilaparavi naña mana naña yermarua la akan e yokorena. Akan ma pano-o, ana siraunia pe lala yar tai mal lue re si teke poli, lala punu ga amarmare ga sa nene.

50 Ana visae kilaparavi tai tonã ga, visae yar naña kania tařatete mare pogos tai, na nene tepio tesape kilaparavi nae peni lelaga.

51 Pogaga, in ke narui nepe kilaparavi na malena nene, naña petan ma e peni pitomi tano e yomarava nini, vena yar naña kania, yoko mal lue. Kilaparavi ne nanene naga pe tasneu, netañan ke panon yomarava wetelu, nemla ke panon malena kiena ne kiena yeririna lala.”

52 Ana visena kiena ne Yesu la nene, marera pan yerkawa kiena ne le Yu la nene akilia ruruia, ana apiun ke asape “? Ya nene? Yar nene pisape yoko war kana kilanũu van ita vena tekania, po pisa ke ya ne?”

53 Ana Yesu pisa meraravan pan la e lepas na kinas nen kiena marena, pisape “Nepisa lelaga pan amiu, sane amiu monar akan kiau kilanũu inu Narina Yeririna, amiu monar amun kau kuruta. Visae peraga, kiau malena tařatete te amiu.

54 A naga naña kan kau kilanũu, a mun kau kuruta, naga tol pa malena naña pe luas re poli, ana nevisirlua si naga sumãlu e legiena maro, nekila naga mal sina ga.

55 Nanene komin kau kilanũu, naga pe kinanena tařena tai, a kau kuruta, naga pe na munena tařena tai.

56 Naga naña kan kau kilanũu, mun kau kuruta, kiena malena wetelu sike e inu, a kiau malena wetelu sike e naga.

57 Ata naga pe purpes nen malena, ana mligan inu nepimi, a nemalin ke kiena malena naña teke e inu, ana naga naña kan kau kilanũu yoko naga mali e kiau malena naña teke e naga.

58 Sur ne nanene naña nepisa ke e kiau visena e lepas na kilaparavi naña petan ma e peni pitomi tano. Kilaparavi nene naga pe sa re kilaparavi naña repita nasumo la akan poli, ana amare ga sanene. Naga pe kilaparavi naña yar a naña visae kania, naga kilia mal lue narui.”

59 Visena ne la nene Yesu pian lan ke e yuñã na lotena nae Kapeneam.

*Nalogenã la moki amligan Yesu ařasupe la sina*

60 Ana komin naña Yesu pisa visena la nene, ana imimi kiena nalogenã la moki asitom pano-o, apisa asape “Kiena navianena la nene marera pařisi. ?A si na kilia loge kilale ruruia?”

61 Ana Yesu mloge kilale e naga sane kiena nalogenã lařas apis lili ma vanon naga sa nene, naga piun tan la, pisape “? Sanape, pe akekan re kiau narin visena nene poli?”

62 Narin visena ga nene, kila amiu asape aliganu sina? Visae ve sanene, nemn-inue amiu narui. Sane visae pogos tai, inu Narin Yeririna neligan amiu neva si metava ma e leleu, ana yoko sanape ne? Pona sinemiu řesan ruru inu yo?”

63 Kiau visena la nene ape mrapa na Ninuna a mrapa na malena. Yaru kilia war si yaru, ana yaru tařatete la malena lelaga nene va yaru tařena. Sur nene Ninuna ne Ntewa ga kilia lavia.

64 Ana nevisu kilale amiu lařasia amlelaga pa rui, a amiu řas peraga.”

Yesu pisa naga nene, vanon siar nanua rui, naga kilia pa la naña pe amlelaga re e naga po, pano-o tol naña naga kilia lala ai naña awilwilin wan naga.

65 Ana Yesu pisa maena ga pan la, pisape “Lala řasia alelaga, řas ve alelaga re, naga nene nepisa ruru visena nene rui, nesape tařatete yar tai vim punu, naña sa arimau naga ve tařan re naga imi.”

66 Ana e pogos nene imimi kiena nalogenã lařas apisu sane navianena kiena Yesu la nene amarera laa narui, apisu sane peraga, ana ařasupe la sina, pe ataveve re si naga poli.

*Pita pialua mareran kiela na lelagaena pa Yesu*

67 Ana pogos naña Yesu pisa lala řas amligan si naga, pis pan imimi kiena nalogenã lualima taaga pa lua [12], piun pisape “?A sanapen amiu? ?Pona sinemiun asape amiu maena ava sina ga amio la nene?”

68 Ana Saemon Pita pisatamaena, pisaar marera pa Yesu, pisape “Supe, visae meligan ko, yoko mesiraun si a ne? Ko ga taaga naña lologena wo na malena teke e ko,

69 nanagane na memlelaga ke ga e ko ga taaga, a mekilia pa rui mesape ko, ko na Navisaarena Wa naña Ntewa mligan ko opimi vena otamalia imimi.”

70 Ana Yesu pisatamaena pisape “Lelaga, in na nekiar amiu kiau lualima taaga pa lua, vena alelelaga e inu sanene, a tai teke maena likan amiu naga pe Yermare Legu ruru naga.”

<sup>71</sup> Ana Yesu pe pisawal re kiamimi kia lala tai e pogos nene poli, ana siraunia mepisu kilale sane kiena visena nene, naga pisa ke Sutas, narina ne yermarua Saemon nae Kariot, naþa naga imimi na lua lima taaga pa lua tai, naþa pe sitom re poli, þililinwan si kiena Suþe naapo.

## 7

*Yesu, wenla lala pe amlapran la ruru re amio naga poli*

<sup>1</sup> Siraun naga nene, Yesu mial telilivi ke ga e yo lala na tavié na kiena yo nene Kalele. Naga pe pa re si metava e yo na tavié nae Yutea poli, vanon nasumonena sa le Yu la nae yo nene akale ke naga rui, asape awe moñar naga mare.

<sup>2</sup> Ana pogos tai, lavisin pog na kiela pupia þaþagena kiena le Yu la tai, naþa Paþagena na Silparpara. Ana sa naþa silaga, la moki sinelan asape avavini ma Yerusalem vanonia.

<sup>3</sup> Ana e pogos nene, wenla Yesu lala apis pania, apisape “E, ko na ose nini yam piavi rui, popon ova li ma Yutea, vena kionia nalogena la ma ne la towe avisu kile la naþa okila ke ne.

<sup>4</sup> Ko na sinomñan osape yeririna la akilia ruru ko, ana omiyuñae tapolou ke ga. Visae lelaga naþa omiyuñae ke pupia kile lala, popon ovanon okate yo punu ga e yomerava.”

<sup>5</sup> Ana visena la ne sanene, sa naþa apisa kare ke ga Yesu, vanon lala na ape wenla ruru naapo, ana pe amlalaga re e naga poli.

<sup>6</sup> Ana Yesu pisatamñe la, pisape “Amiu akilia akila ke kiamiu sur ya e ga e pog naþa amiu sinemiun asape ayuñae, ana kiau pupia pogos naga pe pimi re poli wa.

<sup>7</sup> Amiu akilia akila ga kiamiu yuñae na la woga ga, yeririna la taþatete avisa kare amiu vanonia, ana pogos naþa in na nekila kiau yuñae, nepisawal sane þelaga viowa kiena la na yomarava pe mesmes re poli, ana la sinela kar inu paþisi.

<sup>8</sup> Ve sanene na amiu ga ava ma Yerusalem, in na nesuñe e nini wa. In na taþatete neva nakaten maran yar lala e þaþagena nene, vanon kiau pog pimi ke rui, ana pe pimi punu re poli wa.”

<sup>9</sup> Naga pisa visena nene pan la, siraunia apavin, naga suñe ga.

*Siraunia Yesu pa ma e þaþagena*

<sup>10</sup> Yesu suñe sane na, pe piavi re poli, naga mñe na ma Yerusalem, ana pe pa re sa naþa yeririna la akilia poli, naga tapoloun la ga.

<sup>11</sup> Ana yerikawa kiena le Yu lala, asitom ke pa rui sape pona naga mñe na ga vam e

þaþagena, ana la akalewele, apiun asape naga mñe ke pe.

<sup>12</sup> Ana yeririna mñe na lala, asun apisayu lue ga naga, laþasia asape naga pe yar wo tai, laþasia asape naga pe yaru viowa ga, naþa kila kare ke ga sitomen kien yeririna lala.

<sup>13</sup> Asun apisayu ke Yesu sanene na, pe apisawal manene re pa e yo metava poli, vanon asitom ke asape visae kiela yar keviu la aloge, yoko akila viowa van la.

*Yesu pa kate e Yuñe Wa Mana ne Ntewa*

<sup>14</sup> Ana akila mñe þaþagena pano-o, legiena þas þaro rui, ana Yesu pisa sane monar va ma Yuñe Wa Mana ne Ntewa vena vian si yeririna lala.

<sup>15</sup> Ana pogos naþa yerikawa kiena le Yu la amloge kiena navianena nowo lala, amilan paþisi, apisape “!Sanape na yar nene kilia ruru visena kiena ne Ntewa sanene? !Naga pe apian re nena ga, ana kiena navianena po na po!”

<sup>16</sup> Ana sanene na Yesu pisawal pan la, pisape “Sur naþa nepian lan ke ne, pe kiau re poli, pe kiena ne Ata ga naþa mligan inu nepitom tano e yomarava nini.

<sup>17</sup> Visae yar tai kekaran ga kila nasine-nanena kiena ne Ata, yoko naga kila yar nene loge kilia sitom ruru kiau navianena. Yoko yaru nene kilia visu kilale sane in na pe nepian re yeririna la e ga e kiau kia poli, ana kilia visu kilale sane navianena la nene, pe lelaga naþa amolue kemua e Ntewa.

<sup>18</sup> Visae tevisu yar tai vis ke ga e kiena kia, tekilia ga sane naga miyeluar ga kiena kia. Ana visae yar naþa pis, miyeluar ke ga kia kiena ne kiena yerikawa naþa mligan naga pimi, tekilia ga sane pe lelaga ga, naga pe pisokan re poli.

<sup>19</sup> “Yar tai ne kila sanene nane Mosis. Ntewa mla kiena navisaluaena pania, a naga pisaliluen pimi pan amiu, ana asuñe akilaro ke pa narui. Ana sanape na asape awemñar inu vanon asape nekilaro navisaluaena. ?Pogaga na sanene?”

<sup>20</sup> Ana yeririna la apisatamñe, apisape “!Kue-e, nagane na opis wowe ke ga, sa ga yermare tai teke e ko! ?Ane sape weñar ko? Ovisawal lia.”

<sup>21</sup> Ana Yesu pisatamñe, pisape “Nanua e pogos naþa nepim e yo nini, in na nekila pupia kile tai e maramiu, netamalia laulu nene. Ana pogos naþa apisuia, pe akekaran re poli, apisape in na nemiyuñae piowa ga naþa nekila sanene e Legiena Wa.

<sup>22</sup> Ana popon asitomñali kieta þelaga na kilaen þaviu, sa naþa yermarua Mosis amio yermarua na sumo taþena lala, sane

Epraam lala, la amla pan ita. Naga mēna pe yuṁaena tanea, ana visae kana legiena nena sulologia Legiena Wa, pe asitomāl re poli, amiyuṁaena ga.

<sup>23</sup> Amiu asuṁa apisa ke asape amon kilaroen navisaluaena kiena ne Mosis, ana atarān luen ga asape nakilaen yuṁaena na paviu e Legiena Wa pogaga. Ana visae atarān nene, vanon ya ne sinemiū karnu keviu vanon ga kiau narin yuṁaena wo taaga ga nene naṁa nekila ruru si yepen yaru nene e Legiena Wa?

<sup>24</sup> Nepisu sane asitom veve ke sur la ne e ga e kulusia, ana popon ave manmarua li laa sane, asitom veve ruru li sur la va tol kana kilariū.

*Asitom ke asape Yesu pe Navisaarena po pe naga re poli*

<sup>25</sup> Ana e pogos nene yeririna moki nae Yerusalem apisu Yesu pian la ke e Yuṁa Wa, amilania, apisape “!Lelaga naṁa ne! Yar ga nene naṁane, naṁa yerkawa la apisa ke asape awemaria.

<sup>26</sup> Ana nagane pisawal ke ga kiena visena la sanene, ana pe akila re si surian poli. Pe tekilia re poli, pona amon visaen vania vanon apisuluṁaria sane lelaga, yaru nene, kieta Navisaarena lelaga.

<sup>27</sup> Ana peraga, taṁatete naga, vanon kieta nalelagaena tai pā rui, sape Navisaarena, pogos naṁa naga kate, yoko taṁatete yar kilia sape naga su pe na pimi ne. Ana yaru naṁa Yesu, ita punu ga tekilia ruru pa māna uṁa rui.” Apisa sanene komin amāpe Yesu na paeme Nasaret, ana peraga, naga paeme Petleem.

<sup>28</sup> Ana vanon naṁa apisa ke sanene, Yesu paryon ga navian laena loyūṁa e Yuṁa Wa, pisawal visena nene pan la, pisape “Asitom asape akilia inu, akilia ke lele naṁa nepim ea, ana in na nepisu sane pe akilia ruru re poli. Nepimi e nini, pe e re ga e kiau sitomena poli, ana yar taṁena ga mligan inu nepimi, naṁa naga pe purpes nen lelagaena. A sa naṁa amninue inu ga, ana amninue mēna naga.

<sup>29</sup> A naga, in ke narui naṁa nekilia ruru nena naga, vanon naga ke narui naṁa mligan lua inu nepitom tano e yomarava nini.”

<sup>30</sup> Ana visena kiena ne Yesu la ne sanene kila amāran asape monar atarar naga, ana pe yaru re nena tai naṁa kilia tol naga, vanon kana pog ne pe pimi re poli wa.

<sup>31</sup> Asape awe moṁar naga, ana yaru la moki amlelaga e naga rui, vanon kile la naṁa miyuṁaenia. Apisa sanini, asape “!Yoko Navisaarena nape naṁa kilia imi kila si kile ya la naṁa yuve naga? Peraga, yar nene kieta Navisaarena ke lelaga narui.”

*Amligan yar na mara la apavinin Yesu*  
<sup>32</sup> Ana Varasi la pāsia asuṁa amiyagogon ke yeririna la amiilaar ke Yesu e kiela visena lala, ana apa iroro ga, apis pa pupia yar wa lala, na apiranar asape monar akila ga sur tai va Yesu nagane ga ne. Ana amligan kiela lokul navisuaren Yuṁa Wa lala, asape ava akale pulmas tai na tararen Yesu, vena aure si naga vim pula.

<sup>33</sup> Ana Yesu pisawalia, pisape “Yoko in na nekilia nesu si nemio amiu yam ve plas ga, pisi na nowasuṁe sina puna ne naga naṁa mligan inu nepimi.

<sup>34</sup> Pogos naṁa sa nowasuṁe pae na, amiu akilali naṁa akale inu vano-o yoko taṁatete alual inu. Lele naṁa neva nese ea, taṁatete aim ea.”

<sup>35</sup> Ana pogos naṁa yerkawa kiena ne le Yu la amloge visena nene, asitom pēle narui, apisa ke pan la, apisape “?Yar nene pisa ke yo nape ne, naṁa yoko va ea a pisi na taṁatete ita telual si naga ea? Pona sitom ke pisape va e yo taṁena lala e yomarava naṁa wenla ita le Yu lala aṁure apa ea e pog na pupia yaltetaena, ana pisape va vian la mēna ga?

<sup>36</sup> Ana naga pisa ke ya nene, sape takale naga vano-o taṁatete telual naga. Ana sanapen kiena visena naṁa pisape naga pa ke lepas tai naṁa taṁatete tesiraun naga, taṁatete teva ea.”

Ana e pogos nene, lokul na visuaren Yuṁa Wa la pe atarar re Yesu poli wa.

*Yesu mlologon Ninuna Wa, sape pe wii namalena*

<sup>37</sup> Ana akila mā pāpāgena nene pano-o, apa atol kana legiena maro, naṁa sane pe kana pupia legiena nena. Ana pogos naṁa asike veraga, Yesu suṁal pion manene sanini, pisawal pisape “Amiu a naṁa moto karia, popon imi pun inu, mun wii na malena.

<sup>38</sup> Yar naṁa mlelaga e inu, yoko wo van vaṁisi, sa naṁa Nasiriena Wa pisa, pisape !Yar na sanene, yoko losinena ule mamagan wii na malena, vano vano-o tataroi vetania sa naṁa wii mlau!”

<sup>39</sup> Ana visena kiena Yesu nene, kana kinasia na Ninuna Wa, vanon naga kilia sape siraulina, lala naṁa alelaga e naga, yoko atol Ninuna Wa. A e pogos nene, Ninuna Wa pe pimi re poli wa, vanon Yesu sike yomarava wa, pe pa totano re e kiena lele wa poli wa.

*Parin sitomena la e Yesu*

<sup>40</sup> Ana pogos naṁa yeririna la amloge Yesu pion sane na, kiela sitomena la pa pe taṁena lala. La pāsia, apisa asape “Yar nene, naga navisawaliēna sane Mosis, naṁa temlelaga tesape yoko imi.”

<sup>41</sup> La p̄asia apisa asape “Ana, pona visae peraga, naga pe kieta Navisaarena kemua.” Ana la p̄as apisatar̄nea, apisape “Peraga, pe visena re tai naḡa pisa sanene sape Navisaarena yoko ve yeririna nae Kalele sane yar nene poli.

<sup>42</sup> Nanene komin naḡa kieta Nasiriena Wa la apisa ke ga asape Navisaarena naga molue ga e lus kiena ne Parin Suḡe Tepet, yoko ve yeririna nae Petleem.”

<sup>43</sup> Ana p̄arin sitomena moki la ne sanene kila narui yeririna la asu tetai vanon Yesu.

<sup>44</sup> La p̄as pe akekaran re poli, apisu sane popon akuan va e yuḡa nakoena, ana siraunia peraga, pe yar tai pa re lavis puna poli, vena tararia.

*Nasumonena la sinela kar manene Yesu*

<sup>45</sup> Ana siraun sur la nene, lala na vi-suaren Yuḡa Wa apa sina ga puna ne p̄arin yar wa amio Varasi lala, vena kilaen navisawalena lala van la. Ana pogos naḡa ar̄nalivi e marala, yar keviu la nene pe apisu re Yesu poli, ana apis pan la, apisape “?Awa yar naḡa memliḡan amiu apanonia? ?Vanon ya ne amiu pe aḡure re naga pimi poli?”

<sup>46</sup> Ana navisuarena la apisatar̄nea, apisape “Imimi memiagogon kiena visena lala po na po, pe yar re si tai poli naḡa kilia vian ruru ita wo sane naga.”

<sup>47</sup> Ana navisatar̄nea nene kila Varasi la amilania, apisape “!Aulai, nagane na amiu m̄ena, yar nene p̄ere kiamiu sitomena la pa pe wowe!

<sup>48</sup> Amiu atar̄ian naga pisa kotalia amiu, ana sanape, apisu sane e imimi yar kerke-viu lala pona imimi Varasi lala, la p̄as amlelaga ea? Peraga yo.

<sup>49</sup> Lala ga naḡa amlelaga ea, nane p̄ina viowa ga la naḡa asike ko laa ne, a la pe akilia re sur poli. Pe akilia re kieta navisaluaena poli, Ntewa piain pa nakoena pan la rui.”

<sup>50</sup> Asum̄a apis m̄arera ke sane na, lala yar tai kilayon ke sape kila kiela visena vito si tano. Nane Nikotimas, naḡa nanua sumo e yemalo tai pa sun amio Yesu.

<sup>51</sup> Naga pisa pan la, pisape, “Ita tepisayu ke yar na sanene na, sa ga naḡa ita temla ke pa nalip̄ereena pania. Ana kieta navisaluaena pisa lepas nene, pisa sape visae tesape tevis van yar tai, monar tetotano ruru temio e kumali, tela pog vania vena naga kilia visawal kiena sitomena van ita, ana monar teviun naviuena vania vena tekilia tekirawal tesape lelaga kemua naga kila sanene sanene po sanape. Naga nene pe mrapa mesmes nakilaen yuḡaena nene.”

<sup>52</sup> Ana la pe sinelan re yagogonen kiena visena nene po, vanon apisu sane naga miilaar ke Yesu. Apis pania, apisape “!Aulai, ko na opis ke sa naḡa ko m̄ena ope yar nae si Kalele tai! Asitomrurulia sur naḡa Visena Wa pisa. Pe visena re nena tai naḡa pisa sape yoko navisawalena viu tai sum̄alu garo Kalele vam e nini.”

<sup>53</sup> Ana kiela visena pa m̄arera e lele nene, p̄is na la amial tetai sina ga aḡasuḡe si m̄ala uḡa lala.

## 8

*Sira naḡa apisape akirawal taḡa kolau*

<sup>1</sup> Ana Yesu mliḡan Yuḡa Wa, mial pa si ma Kunus Na Purolip Lala.

<sup>2</sup> Monomi e nene, ana yemlagi kolulag mial pato si Yuḡa Wa Mana ne Ntewa. Pogos naḡa yeririna la apisuia, la moki apim puna, naga totano pian la.

<sup>3</sup> Ana pe piavi re nena ga, navianena navisaluaena lala amio Varasi lala aḡure sira tai pimi puna, akila sum̄al e marana ne yeririna lala. Sira nene, atarar ke sanene vanon asape kila kolau, ana laḡas apisuia, apisawalia.

<sup>4</sup> Ana akila naga sum̄al sanene, apis pa Yesu, asape “Navianena, sira nene, akirawal kila ke kolau.

<sup>5</sup> Ana sa naḡa navisaluaena kiena ne Mosis pisa e lepas na mlamulena viowa nene, nanagane na monar mokove monar ga naga mare. Ana navisaluaena kiena ne le Rom lala naga sape yoko taḡatete mokoveḡar yaru. A ko na sanape, kioḡa sitomena sanape?”

<sup>6</sup> Ana naviunena nene, pe apiun ruru re pa Yesu poli, ana akila ke ga nataḡaliena pania, vena visapal sur tai naḡa siraunia akilia ala nalip̄ereena vanonia.

Ana Yesu pe pisatar̄ne re poli, p̄arina tau pito tano, kian mrasilmana siri visena tai e porotano.

<sup>7</sup> Ana apiuyun ke pania asape sanapen sira nene, ana Yesu tom̄al ruru sina, pis pan la narui. Pisa pan la, pisape “Pogaga, ana amiu yar naḡa kove p̄es sira nene, naga monar ve yaru tai naḡa pe naviowaena tai to re nena e naga.”

<sup>8</sup> Ana yam si tai, pulu si pato tano, siri si visena taḡena e porotano.

<sup>9</sup> Ana pogos naḡa amloge sur naḡa Yesu pisa pan la, asiar naḡa amiyal tetai si lala. Naga naḡa sumon la, kiela yermarua tai, a siraun naga, lala taḡena m̄ena lala api-ayapa apavano, pano-o sira naḡani naga taaga sum̄al sike e marana Yesu.

<sup>10</sup> Ana Yesu kira pa pisuia piun tania, sape “?Sira, la naḡa asike pe nagane? ? Pe lala yar re si tai sape liḡere ko poli?”

<sup>11</sup> Ana sira pisatamea, pisape “Suŕe, pe tai re si poli.”

Yesu pisa pania, sape “Pogaga, in mēna taŕatete neliŕere ko. Ko, okilia owasupe ko sina ova moŕa, ana ovavini ve okila re si naviowaena.”

*Yesu pisape naga pe yomerarava na yomarava*

<sup>12</sup> Ana siraunia Yesu pisi pan la, pisape “In na nepe yomerarava na yomarava, yar a naŕa taveve inu taŕatete si yal e yemalolo, yoko yomerarava namalena teke e naga.”

<sup>13</sup> Ana ŕisi na le Varasi la ŕasia naŕa asike wa apilon si kiena visena, pisape “Ko na opisa sanene, ko ga omiila ke si kioniā visena, ko na oŕarwar ko wa! Sanene na, imimi taŕatete melelaga ne, kioniā visena pe pe lelaga re poli.”

<sup>14</sup> Ana Yesu pisatamea, pisape “Pona nekila sanene yo, ana kiau visena la punu ga amio kiau vianena la ape lelaga. In na nekilia sur punu ga e inu, sane nesu pe na nepim e nini, po nesike e nini ŕisi na nowasupe si neva pe, ana amiu pe akilia in re nena poli.

<sup>15</sup> Amiu amliŕere in ke ga e sitomena kiena ga yeririna lala, ana in na pe nemliŕere re ga amiu yar ta poli.

<sup>16</sup> Ana visae pogos tai neliŕere yeririna lala, yoko kiau naliŕereena mesmes ga, vanon ve in ga taaga re nekila, nemio naga naŕa mligan inu nepimi.

<sup>17</sup> “Ana e kiamiu navisaluaena, asiri sanini asape visae yar la ve lua aviranarla e visena tai, ŕisi na monar alelaga ea,

<sup>18</sup> ana yoko monar ve sa mēna nene e imimi lua kau ata. In na nepisa ke nesape in na nepe lelaga, a naga miilaar inu, ana kila sane monar alelaga e inu narui.”

<sup>19</sup> Lala amloge visena nene, apiun tania, asape, “?Ko na opisa ke arimoniā nene, ana sike pe nagane?”

Yesu pisatame la, pisape, “Amiu aminue ga naga, sa naŕa amiu aminue inu ga. Visae amiu akilia ruru inu, yoko kila amiu akilia ruru mēna naga, ana taŕatete si aviun naviunena na sanene, ana peraga.”

<sup>20</sup> Visena la nene, Yesu pian la ke e Yurā Wa, e lepas naŕa akuan ruru nalaena lala kiena ne Ntewa sike ea.

<sup>21</sup> Ana Yesu pisa mēna pan la, pisape “In na nepur matan amiu ke narui. Pogos naŕa neva pae na, akalenu vano-o taŕatete awal inu, yoko amare amio kiamiu naviowaena lala. In na nepa ke e lele tai naŕa amiu taŕatete avam ea.”

<sup>22</sup> Ana pogos naŕa yerkawa kiena ne le Yu la amloge visena nene, apiunia asape

“?Yar nene sinenan pisape kila ya? Pisape va e lele tai naŕa ita taŕatete teva ea, pisa ke sape yoko we moŕar naga mare yo?”

<sup>23</sup> Ana Yesu pisape “Kiamiu sitomen lala amio kiau naga peve taŕena manene laa. Amiu na ape nae ga yo tano nini, inu na nepe nae yo na ma metava. Amiu na yomarava nini, in na pe nae re e poli.

<sup>24</sup> Ana sa ga naŕa nepisa ga na wa, yoko amare ga amio kiamiu naviowaena lala. Visae pe amlelaga re e in poli, naŕa nepe naga naŕa sike na sike lue narui, yoko monar ve sa ga nene.”

<sup>25</sup> Ana apiun, asape “Ko ovisa li sina osape ko na ai.”

Ana Yesu pisatame la, pisape “In na nepe naga ga naŕa siar na konua rui pimi tol nagane, nepisa ke nesape in na nepe naga.

<sup>26</sup> Naga ga nene nepisa ke e lepas na punu. Ana e lepas na pun amiu, sur la moki naŕa nekilia nevisa, ana visae nevisa, pe visen naliŕereena ga punu ga. Ana sur la ne nepisa ke ne e yomarava nini, naga pe visena ga la naŕa nemloge tan naga naŕa mligan inu, vanon silaga, kiena visena la mesmes paŕisi.”

<sup>27</sup> Yesu pis merarava ga sanene, pisayu ke arimana naŕa ma e peni pan la, ana pe akilia ruru re nena poli.

<sup>28</sup> Ana pis si pan la, pisape “Pogos naŕa yoko amiu atelan pae inu Narina Yeririna metava e laki, yoko akilia ga na wa sa naŕa in na nepe kiamiu Navisaarena. Yoko amiu avisu kilale naŕa sur punu ga naŕa nemiyuŕaenia, pe nekila re ga in ga taaga poli, silaga nepisa ga sur la naŕa Ata pisa pian inunia.

<sup>29</sup> Naga ke narui naŕa mligan inu nepimi, a naga sike amio inu nagane. Naga pe mliganu li re poli, vanon silaga nekila ke sur punu ga sa ga naŕa naga kekarania.”

<sup>30</sup> Yesu pis ke sanene, kiena visena la ŕere le Yu la moki amlelaga e naga.

*Visena lelaga kila sen lala na mlamulena alolor sina ga*

<sup>31</sup> Ana Yesu pis pan le Yu la naŕa amlelaga mare ga e naga na wa, pisape “Visae awarar kiau visena mārera, amiu alogearia, amiu ave kiau nalogena la lelaga.

<sup>32</sup> Yoko akilia ruru visena lelaga, ana visena lelaga kilia kila sen loru si vetan amiu.”

<sup>33</sup> Apisatamea, apisape “Ee, imimi na lus kiena yermarua Epraam, imimi pe memiyuŕaie koren kiena ne re yar keviu taŕena tai poli. ?Ana sanape ne osape sen lala alolor vetan imimi?”

<sup>34</sup> Yesu pisatame la, sape “Nepisa lelaga pan amiu, yeririna punu ga naŕa asumiā

akila ke naviowaena, la ape nayum̃ae kore-naena na naviowaena, sen la na viowaena apiar m̃areran la.

<sup>35</sup> Ana asum̃a amiyum̃ae korena ga kiena ne yar keviu na naviowaena, ana pe ape namratava re puna poli. A inu, in na nesulue ga nemio Ata, komin in na namratava nena puna.

<sup>36</sup> Ana in na sisi nae ma e peni, visae noul plan amiu, yoko amiu m̃ena akilia asulue amio inu ma um̃a.”

*Yesu pisape la pe ape narina ne re yermarua Epraam poli, ape narina ne Yermare*

<sup>37</sup> Ana Yesu pisa ke sina ga pan yeririna lala, pisape “Nekilia ruru amiu na, ape lus nena kiena ne yermarua Epraam, ana lus kiena ne Epraam la narui naḡa popon sa akekaranu. Ana peraga, amiu laḡasia na lus ga nene naḡa kiau visena pe towawa ruru re e kiamiu malena la poli, sinemiun manene asape awe moḡar inu.

<sup>38</sup> Ana popon amiu alelaga e kiau visena lala, vanon in na nepisawal ke ga sur la naḡa nepisuia pogos naḡa nesike puna ne Ata, ana amiu na akila ke ga naḡa amloge arimamiu pisa.”

<sup>39</sup> Ana apisatam̃eia, asape “Lelaga, vanon arimamimi, yermarua apua Epraam na sumo sumo laa.”

Ana Yesu pisa pan la, sape “Peraga yo! Visae amiu ape narina ne yermarua Epraam lelaga, popon amiu towe lai akilali sur wo la ve sa naḡa naga miyum̃aenia.

<sup>40</sup> Ana pere, amiu akila piowa manene laa paḡisi. Sane inu, in na nepe yar tai naḡa nepisa plan ke ga visena na lelaga la naḡa Ntewa pisa pan inu, ana amiu asape awem̃ar inu. ?Pona amiu asitom ke asape ḡelaga wo ke narui naḡa kiamiu yermarua Epraam sape akila?

<sup>41</sup> Peraga, nepisu sane pe naga re nene po, ana arimamiu taḡena ga tai sike ga wa, naḡa amiyum̃ae kiena ke.”

Ana la apisape “!Ke ya ne! !Osape okila imimi meve sisi na mrapa lala, memninue ga arimamimi! Armamimi taaga ga nalelaga naḡa sike, nane Ntewa.”

<sup>42</sup> Ana Yesu pisape “Visae visena nene lelaga, sape Ntewa pe arimamiu, yoko amiu monar akekaran manene inu, vanon in na nepetan ma puna nepitom tano e nini. In na nepim re ga sanene poli, naga ke narui mliganu nepimi.

<sup>43</sup> In na nepisasa ke sur la nene pan amiu pano-o, ana silaga amiu pe amloge kilale re nena ga. Nemninue amiu ga, vanon ya ne yepemiu mavin logekilaleen kiau visen sanene?

<sup>44</sup> Amiu na arimamiu na Yermare, ana amiu sinemiun ga asape akila sa naḡa naga sinenania. Siar nanua sumo e

nasiarena pimi, naga pe yaru na wemom̃aren yaru, pe sinenan re visena nalelaga poli, pe sum̃al re nena e lepas nene poli. Kiena ḡelaga mesmes, pis lue ga e pupia visokanena lala, vanon naga pe purḡes nen navisokanena punu ga, pe ariman navisokanena.

<sup>45</sup> Naga sanene, ana pogos naḡa in na nepimi, nepisawal visena na lelaga wo pan amiu, ana sirauinia amiu amon lelagaen si e inu.

<sup>46</sup> ? Ana amiu ane kilia visalua kiau naviowaena tai? ?Ana visae amiu apisu nepis pe lelaga, vanon ya ne amon lelagaen e inu?

<sup>47</sup> “Yar naḡa kiena ne Ntewa, naga sum̃a miyagogon ruru visena kiena ne Ntewa. Ana amiu la naḡa pe sinemiun re aloge kiena visena la poli, nekilia sane nanene vanon pe ape kiena re nena ga.”

*Yesu amio Epraam*

<sup>48</sup> Ana visena m̃arera la nene kiena ne Yesu kila yerkawa kiena ne le Yu la nene amloge piowa, ana apiun pania, apisape “Imimi na memloge asape ko na pe ope yere Yu re lelaga poli, ko na ope apkas nae ga Samaria tai. Ana mepisu naḡa yermare tai teke e ko, kila ko ope wowe li m̃aga. ? Visena la nene ape lelaga, po peraga?”

<sup>49</sup> Ana Yesu pisatam̃e pan la, pisape “Peraga, pe yermare tai to re e inu poli. Sur la naḡa in na nekila ke ne, nekila ke ga vena kia kiena ne ata va metava. Sur la naḡa amiu akila panu, akila naḡa kiau kia pato tano.

<sup>50</sup> Ana pe pe sur re tai pan inu poli, vanon in na pe nemiyum̃aen re naḡa na kilaen kiau kia va metava poli. Ana yar keviu tai m̃eke naḡa sinenan pisape yeririna la popon avatanon inu, ana naga taaga ga kilia la nalipereena e lepas la nene.

<sup>51</sup> Ana visena tai naḡa lelaga nekilia nevisa van amiu sa nini, visae amiu yar tai larar kiau visena m̃arera, logearia, yoko taḡatete va tol marena pogos tai.”

<sup>52</sup> Ana le Yu la amloge visena nene, apisu pania, asape “Nanagane na mekilia ruru naḡa yermare sike pa e ko rui. Ko opisape yar naḡa lelaga e ko taḡatete mare, ana pe yar tai naḡa yoko taḡatete ve mare re pogos tai. Yermarua Epraam mal m̃a pano-o mare, a navisawalena lala, lala m̃ena amiyum̃ae m̃a pano-o amare.

<sup>53</sup> ?Pona ko na opisu sane oto laa metavan kieta yermarua wa la nene yo? ?Ko na ositom ke osape ko na a si ne?”

<sup>54</sup> Ana Yesu pisatam̃e la, pisape “Visae nevisawal van amiu, pona avisu sane nemiyeluar ke sina ga kiau kia, ana avisu viowa ga. Yar taḡena ga tai kila ke kiau

kia pa metava, naga naŕa asape pe kiamiu Ntewa, naga kau ata ne.

<sup>55</sup> Naga, amiu pe akilia re poli, ana in na nekilia ruru naga. Pe nepisokan re sane amiu poli, nepisa ruru ga ne, nesape in na nekilia ruru naga, a kiena visena punu ga, nemligan ruru sike e kiau malena.

<sup>56</sup> Nekilia nevisa rŕena ga sane repimiu yermarua Epraam, naga tai naŕa nanua sumo sinenan pisape visu kiau pog nane ŕane. Naga sinenan pisape visu naŕa nomolue e kiena lusia, nevim nekila kiau yuŕaena nini, ana pogos naŕa naga siar pisu ke pa rui, naga kekara na kekara."

<sup>57</sup> Ana le Yu la apiunia, asape "Ana ko na pe ope yermarua re tai ne sane naga po, kionŕa kas pe tol re lualima yam lima poli wa. ?Ana sanape na opisa ke osape okilia yermarua Epraam na sumo ne? Ko opisu naga koyo tai?"

<sup>58</sup> Ana Yesu pisatarŕe, pisape "Nepisa pe lelaga pan amiu, sane yermarua Epraam na nanua sumo ne, in na nesumon laa naga. Pogos naŕa naga pere wa, ana inu in na naga naŕa su sumo rui."

<sup>59</sup> Ana pogos naŕa le Yu la amloge Yesu pisa narin visena ga nene, naŕa sane kia wa kiena ne Ntewa, ana akilia asape naga pisa ke sape naga Ntewa, ana sinela mimi papŕisi. Akale kilavaru na kovemareen Yesu, ana naga tapoloun la, mligan Yuŕa Wa, pure sina ga pano.

## 9

### *Yar naŕa paeme pe kilamara ŕala*

<sup>1</sup> Ana imimi nalogena lala memio Yesu memial mepano, ana pogos naŕa mepa ke sane na, mekirawal yaru tai naŕa pogos naŕa paeme, naga pe kilamara ŕala.

<sup>2</sup> Ana mepiun tan Yesu, mesape "?Navianena, sur ya ne kila yar nene? ? Pona nakoena na kiena mlamulena viowa ga yo, po nakoena na mlamulena viowa kiena ne anena po arimana, kila naga pe kilamara ŕala sanene?"

<sup>3</sup> Ana Yesu pisatarŕe, pisape "Peraga, pe kiena naviowaena re poli, a pe naviowaena kiena re kiena yermarua lua poli, a naga paeme sanene vena kilaen ga sane yoko yaru la akilia avisu puriukawaena kiena ne Ntewa yuŕae e kiena malena.

<sup>4</sup> Sanene, yoko netamalia naga nanagane, komin pogos naŕa yemlagi ke ga wa, monar teyuŕae ŕarera, monar teyuŕaen kiena yuŕaena lala naŕa naga mligan inu nepimi. Yemalolu naga pimi ke narui, naŕa tapatete teyuŕae ea.

<sup>5</sup> A nanagane na, in na nesike tano e nini, in na nepe yomerarava na yomarava nini."

<sup>6</sup> Yesu pisa sanene, ŕisi na plasiria yavi na porotano ŕasia, pulou ŕalelar pimi sane kene, plan e kilamaran yar naŕane luwoka.

<sup>7</sup> Ana pis pania, pisape "Pogaga, ovano oto tano e pulus nen wii naŕa Siloam, okevan ruru si marama."

Wii naŕa Yesu pisa pania, kiena kia Wii Na Liganen Vano. Ana yar nene pito tano kila sanene, ana kilamarana pimi po. Pisi na ŕasuŕe si pun imimi memio Yesu, sane naga kilia kira pisu sur narui.

### *Visena moki e lepas kiena kilamara ŕala nene*

<sup>8</sup> Ana siraunia, la naŕa nalavis puna ne yar nene, amio la naŕa na sumo asuŕa apisu naga mlogi ke, apisu si naga, apisa asape "?Kilamara ŕala ke nene narui, naŕa nanua suŕa monon mlogog kare ke ne, po pe naga re poli?"

<sup>9</sup> Ana lala ŕasia apisape "Ee, naga ga nene ne," a ŕasia asape "Peraga, yar taŕena ga tai ne kus marana ne," ana yar nene pisa meraravan pan la, pisape "In ga nini."

<sup>10</sup> Ana pogos naŕa pisawal pan la sane na, apiun tania asape "?Ana sanape na kilamaraŕa po sanene?"

<sup>11</sup> Ana pisatarŕe la, pisape "Yar naŕa Yesu, naga miyuŕaena. Palelar narin kene amio kiena vilasirena, plan e kilamarau, ana pisape netotano e wii naŕa Siloam ne, neke plan si vetan kilamarau. Ana nekila ga sanene, nepitove, nekevan marau, nepisu sane kilamarau po narui."

<sup>12</sup> Ana apiun Yesu tania, asape "?Yar nene rŕeke pe nagane?"

Pisatarŕe la, pisape "Nemninue ga, pe nepisu re si po."

### *Le Varasi la amliŕe la e sitomena lua e lepas na taŕa ruruena nene*

<sup>13</sup> Ana siraunia, aŕure yar naŕa sumo pe kilamara ŕala, aŕure naga pa puna Varasi lala vena avisulia.

<sup>14</sup> Aŕure naga pa sanene vanon legiena naŕa Yesu kila ruru kilamaran yaru nene, naga pe Legiena Wa, ana la asitom asape Yesu kila yuŕaena tai naŕa navisaluaena na legiena wa pisa luŕaria.

<sup>15</sup> Ana pogos naŕa apa apisawal pan Varasi lala, apiun tania, asape "Pogaga, ko towe ovisayu meraravan sanape naŕa kilamaraŕa pimi po."



Ana naga pisa ga sanini, pisape "Peraga, yar nene mligan ga narin kene e kilamarau, ana nepa neke plan sina ga, nekilia nepisu ruru si sur punu ga."

<sup>16</sup> Ana pogos naña Varasi la amloge, lañas apisape "Yar naña kila nanene, naga kila sa ga sitom korena ga navisaluaena na Legiena Wa. Sanene na, naga pe molue re nena e Ntewa pitomi poli."

Ana la p̄asia asape, "Peraga, visae pe lelaga naña pe yar viowa ga tai na kilaroen navisaluaena, sanape na naga kilia kila kile wo la ne sanene." Ana apisayu m̄a sanene pano-o asuñalu ase sitomena lua narui.

<sup>17</sup> Ana apiun ke sina ga tan yar naña nanua pe kilamara p̄ala, apisape "Ana ko, ko naña naga miyuñaeen kilamaraña, ko na ovisa ya ne e lepas na yaru nene?"

Naga pisatañe ga la nena, pisape "Naga pe navisawalena lelaga tai."

<sup>18</sup> Naga pisa sanene, ana yerkawa kiena le Yu la pe amlelaga re e kiena navisawalena la nene poli, pe amlelaga re asape nanua sumo yar nene pe kilamara p̄ala, a nagane kilia kirava. Ana apio arimana amio anena vena avim avisu la.

<sup>19</sup> Ana pogos naña lalua apim, apiun tan la, asape "Avisu ruru li yar nene. ? Naga pe narimiu kemua lelaga, naña asape paeme ana pe kilamara p̄ala, pona pe naga re poli? ? Ana visae naga, sanape na kilamarana pimi po si sanene?"

<sup>20</sup> Ana lalua apisatañela, asape "Imimi lua mekilia mesape naga pe narimimi, mekilia mesape pogos naña moñaria, pimi tol nanagane, naga pe kilamara p̄ala nena."

<sup>21</sup> A pe mekilia re mesape naga kilia pisu ruru si sur la nanagane, pe mekilia re a ne kila ruru si kilamarana sanene. Ana popon aviun ruru ga tania, naga pe pe sisi re poli, kilia vis."

<sup>22</sup> Lalua apis sanene, akilawan li m̄a kiela sitomena, vanon yerkawa kiena ne le Yu la apisayu pa rui, apisawal asape yar naña mlelaga sape Yesu pe Navisaarena, yoko akuan lua ve su re si amio la e Yuñia Wa Mana ne Ntewa.

<sup>23</sup> Apisawal sanena lalua amaraun pañisi, kila apisa ga asape amñinue ga, asape "Popon amiu aviun ga tania, naga pe pe sisi re poli."

*Varasi la apis si pan yar naña nanua sumo pe kilamara p̄ala*

<sup>24</sup> Ana pogos tañena si tai na, apio kilamara p̄ala na nanua ne pimi loyuñia pula. Apis m̄arera pania, asape "Ovisa kia kiena ne Ntewa na mava, ovisa ke sur la punu ga nene van imimi ve lelaga, vanon nagane na mekirawal pa rui sane

yar nene pe yar viowa kemua na kilaroen navisaluaena."

<sup>25</sup> Ana naga pisatañe la, sape "Naga pe yar viowa pona pe yar wo, in na pe nekilia re poli. Sur taaga nekilia, sanini. Nanua sumo, kilamarau p̄ala nena ga, ana nanagane na nekilia nepisu sur punu ga."

<sup>26</sup> Ana apiunia, asape "? Ana visae sanene, miyuñaeen ko sanape? ?Kila ruru kilamaraña sanape?"

<sup>27</sup> Ana naga pisatañe la, sape "Nepisa meraravan ruru sur punu ga nene pan amiu yam tai p̄a rui, ana amiu amon logeena, ana nanagane na sinemiun asape aloge sina ga. ?Vanon ya? ?Pona amiu m̄ena sinemiun asape aim ave kiena nalogena la yo?"

<sup>28</sup> Naga pisa sanene, sa naña pisa kare li la m̄a ga, ana la sinela kar manenea, apeveyunia asape "!Oo! Ko ga ope kiena nalogena tai, imimi na mepe nalogena la kiena ne yermarua wa Mosis.

<sup>29</sup> Mosis nene, mekilia ruru mesape pe lelaga naña Ntewa pisawal kiena visena pania, ana e lepas na yar tañena nene, imimi pe mekilia re poli, sane naga yar nae pe pimi sanape."

<sup>30</sup> Ana yar naña pisatañe, sape "!Kue-e, nemilan amiu pañisi naña pe akilia re naga poli! Naga kila ke pupia yuñaeena la sanene, pano-o kila ruru kilamarau, ana amiu akilia re asape naga ai po naga yar nae pe.

<sup>31</sup> Tekilia tesape visae yar viowa vio van Ntewa, yoko Ntewa tañatete yagogonia, a visae yar naña pe yar na lotena a mlogear ke naga, visae vio vania, yoko yagogonia.

<sup>32</sup> Ana yaru nene, Ntewa miyagogonia ke naga, vanon siar e nasiarena na yomarava nini pimi tol nagane, pe apisuli re yar tai naña kila ruru si kilamaran yaru tai pogos naña paeme pe kilamara p̄ala.

<sup>33</sup> Yar na monar petan ga Ntewa pitom e nini, visae pere, naga tañatete nena kila sur tai ne sanene."

<sup>34</sup> Ana lala pe akekara re nena naña yar nene pis sanene pan la, asape "E, ko ope yar viowa kemua tai. Ko na p̄elaga na mlamulena viowa pulemamaga e ko siar e pogos naña opaeme pimi tol nanagane. ?Ana ko ko na ai ositom ke osape okilia ovian imimi sina ga?"

Apis kare naga sanene pano-o, p̄isi na añenelua si naga pa vanua.

*Kilamarañala nene mlelaga e Yesu narui*

<sup>35</sup> Ana pe piavi re nena ga Yesu mloge asape añenelua yaru nene sanene, ana pa m̄alia, piun tania, pisape "?Sanape? ? Nanagane na ko na omlelaga pa e Narin Yeririna rui, po pere?"

<sup>36</sup> Ana yar nařane piun tan Yesu, pisape “?Ana naga nařa ko opisa ke ne, naga ai? Visae ko na okilia ovisali van inu, pona nekilia nelelaga e naga.”

<sup>37</sup> Ana Yesu pisatarnea, sape “Ko na opisu pa naga rui, ko opisu ke naga nagane. In ga řa, nane nepis ke nemio ko ne.”

<sup>38</sup> Ana pisatarnea, sape “O Suře, visae sanene, in na nemlelaga nena ga e ko.” Ana yar nene řaryon lue ga na yeluaren Yesu.

### *Yesu pis pan Varasi lala*

<sup>39</sup> Ana Yesu pis pisape “In na nepim e yomarava nini vena nevisusuveve yeririna lala, vena kilaen sane yeririna la nařa kilamarala řala akilia avisusu suria, a vena kilaen sane yeririna la nařa asitom ke asape akilia apisu sur punu ga, avisu kilale sane la ape kilamara řala ga.”

<sup>40</sup> Ana Varasi la řas asuřa lavis ga, amloge visena nene, apiun tania asape “?Ana opisape sane imimi řena kilamaramimi řala ga, a?”

<sup>41</sup> Ana Yesu pisatarnea la pisape “Visae pe lelaga nařa ami u apisu kilale asape kilamarami řala, po li řa ga, yoko ami u tařatete akilia awar nakoena vanonia. Ana pogos nařa visae apisa ke asape akilia avisu ruru sur punu ga, sanene na pupia navioawaena sike pa e ami u rui.”

## 10

### *Pakaiwa na kove kan sipsip*

<sup>1</sup> Ana Yesu pis pa re laa sane, pisa řakaiwa tai pan la, e lepa na kove kan sipsip, nařa amiyuřaen pae ana sipsip kiena ne yeririna punu ga akilia ava amomalia loyuřa veraga. Naga pisa sanene, pisape “Nepisa pe lelaga pan ami u, yar nařa visae ve kom re e mralaea na vaen loyuřa vanon sipsip lala, ana řiyukalawan ga kove, yar ne sanene pe yar viowa na vinauen ga.

<sup>2</sup> A naga nařa silaga pa kom lologia mralaea, naga pe yar mesmes nena navisuaren sipsip.

<sup>3</sup> Visae aligan yar tai na kirakirawoen mralaea, ana pogos nařa yeririna navisuarena sipsip vim, yoko naga kilia vike ga vania. Ana pogos nařa va loyuřa, sipsip la punu ga aloge pulgona, ana naga vio ga kia kiena ne lala nařa ape kiena ga, řisi na lala ga nene asuřalu a naga sumon la ava vanua.

<sup>4</sup> Ana pogos nařa visae sumon la apa ava vanua, naga yal sumon la, la asiraunia avano, vanon akilia ruru pulgona.

<sup>5</sup> Tařatete akila ve sanene van wolawa tai, yoko amaraun ga, vanon pe amloge kilia re pulgon yar tařena la poli.”

<sup>6</sup> Ninun visena nene Yesu pisawal pan la, ana pe amloge kilia re kinas poli.

### *Yesu sape naga pe mralaea na kove na sipsip*

<sup>7</sup> Sanene na, Yesu sunyu řa pan la sane e lepa na kove na sipsip nene, pisape “Nepisa pe lelaga pan ami u, sane mralaea na kove na sipsip nene, naga inu.

<sup>8</sup> Lala tařena la nařa apim sumon inu, nařa apisokan asape yoko avisuar ruru sipsip lala, ape yar viowa na vinauen ga lala, ana pogos nařa apa akaten sipsip lala, sipsip la pe amloge la re poli.

<sup>9</sup> In ga nepe mralaea na kove, yar nařa imi kom ga pun inu, yoko nevisuar ruru kiena malena. Yoko naga kilia va vanua lual kana kinana, řisi na kilia vim sina momalia kolemalu, kilia vim vano ve sanene naga pogaga.

<sup>10</sup> Yar na vinauen pimi vena war plan vinauen sipsip lala, pona nawe mořar laena, pona kila kare manene laena, ana in na nepimin vena akilia atol malena, vena akilia akekaran malena nařa wo vapisi van la.”

### *Yesu pisape naga pe yar wo na visuar ruruen sipsip lala*

<sup>11</sup> Ana Yesu pisa řena ga, sape “In na nepe yar na po na visuar ruruen sipsip lala. Yar na visuar ruruen sipsip naga monar kekara nařa tařan kiena malena vena tamaliaen kiena sipsip lala.

<sup>12</sup> Visae ve yar na yuřaena ga tai, řisi na tařatete visuar ruru sipsip la ve sanene, naga pe kekaran re la ne sanene vanon pe pe kiena sipsip re poli. Visae pogos tai visu pupia lokul tetan lala atomin sipsip la nene, yoko naga marau ga, suřalu kiriri ure, ligan sipsip la asike na, řisi na lokul tetan la nene avim akarkare la ařenetetain la.

<sup>13</sup> Yar nene ure vetan sipsip la ne sanene, vanon naga pe yar tai nayuřaenen ga kiena kilavaru, naga pe sitom manene re sipsip la nene poli.

<sup>14</sup> “A in na nepe yar na visuar ruruen kiau sipsip lala. Nekilia ruru la nařa ape kiau, a la nene akilia ruru řena inu.

<sup>15</sup> Imimi na mekilia ruru imimi sa ga nařa imimi lua Ata mekilia ruru imimi lua. A in na sineu si kiau sipsip la nene torokin nařa netarřan kiau malena vanon la.

<sup>16</sup> “Ana kiau sipsip řena la moki asuřa ke ga wa, nařa pe apim asu re loyuřa e kiau kove poli wa, ana monar neva nevio la řena ga, ana pogos nařa aloge pulgou,

yoko aimi. Nekila m̄a sanene vano-o kiau sipsip la punu ga aim ave p̄egas taaga ga narui amio inu, yar keviu na visuar laena.

17 “Vano-o yoko netam̄an kiau malena vanon la, ana kau Ata naga kekaran paḗisi, kekaran inu vanonia. Ana nekilia nevisa m̄ena sane kiau malena naḗa visae netam̄an vano-o, yoko nela maran sina.

18 Pe yar taḗena re si naḗa yoko lalua kiau malena vetan inu, ana in ga taaga netam̄ania. Naga pe kiau ga nataḗanen vano, a pe kiau ga nalamaranen sina. Na naḗa neyunīae sanene, Ata ga mligan e inu.”

19 Ana yam si tai, visena kiena ne Yesu na sanene kila le Yu lala aḗure tetai e sitomena lua sina.

20 Lala moki asape “Yermare ga na sike e naga, yar nam̄a ḗarina pe wowe viowa ne. !Ve ayagoga re!”

21 Ana lepas ḗasia asape “Peraga, kiena visena wo la nene pe pe visena kiena ne re yar naḗa yermare sike e poli. ?Ana sanape, yoko yermare viowa kilia kila ruru si kilamaran yaru naḗa pe ḗala, sa naḗa yaru nene kila rui?”

*Yesu pisawal meraravan naga pan le Yu lala*

22 Ana e pogos nene la apim atol si pog na kala pupia ḗaḗagena tai, ma Yerusalem. Paḗagena nene apio asape Paḗagena Navisa Ruruen Yunīa Wa Mana ne Ntewa, ana amiyunīaen ke e pog na miava.

23 Ana Yesu m̄ena pa sike e ḗaḗagena nene, ana pogos tai naga pa ma e Yunīa Wa Mana ne Ntewa, mial ke pa e pupia mraliu naḗa apio sape Mraliu Kīena Solomon.

24 Ana yerkawa kiena le Yu lala naḗa asike ne apim puna, ape p̄egas amiyervivia, apiun m̄areran pania, asape “!Konua rui mesape mekilia ruru ko ko na ai, ana ko okilawan ko m̄a sanene pano-o! Visae ko na ope Navisaarena kiamimi na lelaga, imimi sinemimin mesape ovisa meraravan ruru van imimi nanagane!”

25 Ana Yesu pisatam̄e la, sape “?Ana in na nepisa ruru pan amiu ḗa rui, po pere? Nepisa ruru pan amiu ana amon naḗa alelaga ea. A pupia yunīaena kerkeviu la naḗa nemiyunīaen e kia kiena ne kiau Ata, sa naḗa amiu apisu pa rui, lala m̄ena akila meraravan inu pan amiu rui,

26 ana naga m̄ena nene amiu pe amlelaga re e poli. Amiu pe amlelaga re nena e inu, pona nanene vanon amiu pe ape p̄egas na kiau sipsip re poli yo.

27 Kiau sipsip lala amloge kilia pulgou, a in m̄ena nekilia la punu ga, a lala asunīa ataveve inu.

28 In na nemla ke malena naḗa ve uro re pan la, ana taḗatete akovio, pe yar re tai naḗa kilia war plan la vetan lun̄au.

29 Nanene vanon kiau Ata ke narui naḗa ḗar la pan inu, a naga m̄arera manene laa taulu punu ga, ana taḗatete yar tai war plan sipsip la nene vetan navisuarena na limana.

30 Lelaga, inu nemio ata, imimi lua mepe taaga ga.”

*Le Yu la sinela kar Yesu*

31 Ana pogos naḗa Yesu pisa pa visena nene, yerkawa kiena ne le Yu la sinela kar ke sina ga, aḗar kilavaru lala asape akoveḗaria.

32 Yesu pisuia, ana pis pan la, piunia pisape “?In na nekila ḗarin yunīaena wo lala e maramiu rui, naḗa Ata sinenan sape neyunīaenia, ana amiu asape akove inu vanon nape?”

33 Ana la apisatam̄ea, asape “Peraga, mesape mokove ko, pe vanon re yunīaena wo poli, ana vanon ga naḗa ko na oḗarnena kare ke kia kiena ne Ntewa, naḗa ko, ko na ope yeririna ga, ana silaga okila ke sa naḗa ope Ntewa pa rui!”

34 Pisi na Yesu pisatam̄e la, sape “E kieta Tus Wa, visena kiena ne Ntewa tai teke e Tus Na Yauena, naḗa pis pa yeririna nae Israel lala, pisayu sanape naḗa lala ape narina lala, naga pis sanene pan la, pisape ‘Amiu na sa ga ntewa lala.’

35 “Sanene na, tevisu e yo nene sane la naḗa visena kiena ne Ntewa nene pan la, la ape yeririna ga lala, ana visena nene pisape lala ape ntewa lala, ana visena nene naga pe kieta Nasiriena Wa tai, monar ve lelaga ga.

36 “Ntewa pisayu kiena yeririna la sanene rui, ana yoko ve sanape van inu, naḗa in ga taaga naga miawawo inu, mligan inu nepitom e yomarava nini? Mesmesun ga naḗa nepisawal nesape naga pe kau Ata Ntewa, ana inu nepe narina, ana amiu asape piowa ga naḗa nevisa sanene. Apisa ke asape in na neḗarnena kare kia wa kiena ne Ntewa, ana pe sa re nene poli.

37 Visae pe lelaga naḗa nemiyunīaen ke pe pe kiena re arimau poli, pona amiu ve alelaga re e inu, naga pogaga.

38 Ana visae nekila ke kiena yunīaena lala, pona amiu amlelaga ke e inu po pe amlelaga re poli, a amiu monar alelaga e kiau kile lala, sane ape yunīaena kiena ne Ntewa lelaga. Visae ve sanene yoko amiu akilia avisu kilia sane Ata teke e inu lelaga, a inu m̄ena neteke e naga.”

39 Yesu pisa sanene pan la, ana kiela sitomena m̄arera maran taaga sun̄a ga. Lala akilali naḗa atararli si naga sanene

na, amilan ga naga pure tan likan la pure pano.

<sup>40</sup> Ana Yesu petan si Yerusalem kusro pito sina e wii naḡa Yortan lepas na vano, e yo naḡa Yoane Nakeena kee yeririna lala ea nanua sumo. Ana suḡa e yo nene yam piavi li mḡaga,

<sup>41</sup> ana yeririna la apim ke puna silaga. Apim apisayu naga asape “Yoane nanua, naga pe kila re kile la sane yar nene kila ke ne poli, ana naga pisa plan sur moki e lepas na puna, ana tepisu e kilamarata sane sur la punu ga naḡa pisa ne apim ape lelega ga narui.”

<sup>42</sup> Ana kiela sitomena na sanene kila sane la moki nae yo nene amlelaga e Yesu.

## 11

### *Suniena kiena Lasaros*

<sup>1</sup> Ana pogos naḡa Yesu sike perina wa, maiena mārera tai pimi tol kiena erau tai, Lasaros. Lasaros nene vinena la lua naḡa Maria amio Mareta, la telu nene nae narin pulkumali naḡa Petani lavisin Yerusalem.

<sup>2</sup> Ana Maria ne naga mḡa nene naḡa sirauia taron ponotaninu e Yesu, miyumu vania lana e vilḡarina.

<sup>3</sup> Ana pogos naḡa vinena la lua nene apisu mḡenela nene mai keviu sanene, amligan visenan pa pan Yesu, asape “Suḡe, kiomḡa erau naḡa ko na sinemḡa si naga, mai tai na piowa ga.”

<sup>4</sup> Ana pogos naḡa visena nene pa tol Yesu, naga pe pito re poli, pisa ga sape “Inanena nene pe na marena re poli. Inanena nene sa ga mrapa kiena ne Ntewa tai, vena kila meraravanen kiena urarena, a vena kila meraravanen kiena pupia puriukawaena naḡa mla pan inu Narina Ntewa.” Yesu pisa visena nene, sa naḡa kilia pa rui suri naḡa yoko yuḡaenia.

<sup>5</sup> Yesu sinena si Mareta nene paḡisi amio luena na ve tokak a mḡenela nene, a sinena mie la paḡisi, ana pe kan pog mesmes re na kilaen suri nene poli wa.

<sup>6</sup> Sa nene, naga pe pa re ga poli, suḡa si legiena lua e yo nene naḡa wii nae Yortan lepas na vano.

<sup>7</sup> Suḡa si sanene, ḡisi na pisa pan imimi nalogena lala, sape “Pogaga, tokusro sina ga teva si yo nae Yutea.”

<sup>8</sup> Ana imimi mesitoḡal ke yerkawa kiena le Yu lala e yo nene naḡa sinela kar Yesu paḡisi, ana memaraun vitoen sina. Mepiun tania, mesape “?Navianena, sanape? Nanua ga naḡa tesike ma ne na le Yu la akilayon asape akoveḡar ko, ana nanagane na osape teva si pula.”

<sup>9</sup> Ana Yesu pisa pan imimi pisape “Kiau navisataḡeena van amiu naga sanini. E

legiena, kana aora nena lualima yam taaga pa lua, pupia mrae tegoli yo, kila sane yar kilia yal ruruia, taḡatete lolor.

<sup>10</sup> Ana yar naḡa yal li e yemalolo na kole-malo, naga yoko lolor ga, vanon yomerarava nene pe tegoli re si kiena mrapa poli.”

<sup>11</sup> Yesu pisa visena nene pan imimi, kana kinasia sape naga kilia yaloro ga woga ga ne, taḡatete suri viowa tai vania vano tol pogos naḡa Ntewa ligan ruruia sape akilia awerḡar naga. Ana miakolkol sina ga, sape “Kieta erau nene momalio rui. Ana nanagane na tevano na nevioḡeje sina naga.”

<sup>12</sup> Ana imimi nalogena la pe memlogek-ilale re kinas nen visena nene po, ana mepisalupar si Yesu, mesape “Suḡe, visae naga momalio, pogaga ne, yoko kilia loge wo sina ga ne.”

<sup>13</sup> Mepisa sanene vanon mesitom ke mesape Yesu pisa ke sape Lasaros pa ruru ke ga, ana pere, Yesu pisa ke kana marena ne.

<sup>14</sup> Ana nagane na Yesu pisa meraravan pan imimi narui, sape “Lasaros mare pa rui,

<sup>15</sup> komin pogos naḡa naga mai, pe nesu re nemio la poli. Ana sanene na nepisu pogaga, a po mḡena ga pan amiu, vanon sane kiena marena nene yoko imi ve sa pulmas tai van amiu, vena amiu akilia alelaga lelega e inu. Pogaga, tevanon, tevisuia.”

<sup>16</sup> Ana imimi nalogena la memaraun ke navaena wa, ana Tomḡas naḡa apio sape Tomḡas Kaora, pisa pan imimi sape “Amiu asuḡalu, ita punu ga tevano. Kieta Suḡe sinenan sape va mare sanene, popon ita punu ga tevano, temare temio naga veraga.”

<sup>17</sup> Ana imimi punu ga memial veraga mepano, mepa makate lavisin narin pulkumali naḡa Petani. Ana apisawal pa Yesu asape Lasaros, amligan tasnena mono e pulu kilavaru legiena vari ḡaro rui.

<sup>18</sup> Ana kumali naḡa Petani sike lavisin ga pupia kumali naḡa Yerusalem, torokin sane kilomete ve telu ga,

<sup>19</sup> kila sane le Yu moki nae Yerusalem, pogos naḡa amloge marena nene, sinela miye Mareta amio Maria, ana apim vena atag amio la atagin naga naḡa kovio.

<sup>20</sup> Ana Mareta sike amio la nene, ana amligan visenania, asape Yesu pam sike pa garo ne e mrapa rui, ana naga suḡal pato talopania. Ana luena naḡa ve tokak, Maria, naga suḡa ga loyuḡa, ana pe pa re vanua poli.

21 Ana Mareta pitomi pisu Yesu, pisa pania, sape "I Suŕe, visae ko na ovim ga e nini, m̄nemimi nene taŕatete kovio!"

22 Ana in na nemlelaga pe sur korena ga naŕa mare, ana sur naŕa ko oviun vetan Ntewa, yoko naga taŕian ga van ko."

23 Ana Yesu pisa pania, sape "Mareta, yoko m̄nemen̄a nene suŕal maŕ sina."

24 Ana Mareta pisatar̄nea, sape "Lelaga, nekilia ke ne, nekilia nesape naga yoko mal sina ga e pupia nasuŕialena e legiena maro."

25 A Yesu pisa visena nene pania, sape "In na nepe mrapa na suŕalen sina, in na nepe purŕes nen malena. Yar naŕa lelaga e inu, pe suri korena ga naŕa monar mare e yomarava nini, ana yoko mal sina ga."

26 Yar naŕa tol malena nene, ana nalelagaena e inu teke e naga, naga taŕatete visu si marena pogos tai. ?Mareta, ko na omlelaga sanene?"

27 Naga pisatar̄nea, sape "O, Suŕe nemlelaga. Nemlelaga e ko, sane ko na Navisaarena, narina ne Ntewa, ko ko na naŕa siar nanua sumo sumo apisa ke sape yoko imi tamalia yeririna lala na yomerava nini."

#### *Yesu wamarana la mlalau*

28 Ana pogos naŕa Mareta pisa pa sanene pan Yesu, pa sina ga loyur̄na, pavinin vinena naŕa Maria, pis malum ga pania, sape "Navianena naŕa! Pam pa ruŕ, sike garo e mrapa wa, pisape visu ko kone wa."

29 Maria mloge, suŕalu veraga, sape vito visu Yesu,

30 nane e ga e mrapa naŕa Mareta pisu ga naga e nanagane, vanon naga pe pimi re loyur̄na e kumali poli wa.

31 Ana le Yu la naŕa asike loyur̄na amio la, apisu naŕa suŕal pa vanua pito yuroro sanene na, asitom asape naga sinenan sape va tag sina e pulkilavaru, ana la m̄na asuŕialu, ataveve naga apano.

32 Ana Maria mial m̄na pito sanena, pimi tol e naŕa Yesu sike ea. Naga kira pisuia, pimi lavis puna, kuan mlor pito tano e mialana, tag pania, pisape "I Suŕe, visae ko na oimi ga e nini, m̄nemimi nene taŕatete kovio ne!"

33 Ana naga tag m̄na sanene, le Yu taŕena la naŕa atavevea, lala m̄na atagi. Ana pogos naŕa Yesu pisu pupia naloge viowaena kiena Maria la sanene, naga m̄na mloge piowa, mnunu sur nene sane urmi manene e losinena,

34 naga piun petan la, sape "? Amiu amligan mono ke pe?"

La asape "Suŕe, oimi teva tevisuia."

35 Yesu mloge sanene, ana tagena pimi e naga, wamarana la mlalau.

36 Pogos naŕa apisu naga tag sanene, la ŕas asape "I Lelaga naŕa ne, naga sinen si kiena erau nene paŕisi naŕa ne, kila sinena piowa na sinena piowa!"

37 Ana lala ŕasia, naviunena teke e kiela sitomena, asape "Yar naŕa nanua kila kilamara ŕala tai, kilamarana pimi po sina ga. ?Visae sinenania na, naga kilia kila naŕa kiena erau nene ve kovio re ga, a?"

#### *Yesu pioŕege si Lasaros petan marena*

38 Ana Yesu mial amio pupia sineyeena, amio Maria lala apa akate e pulkilavaru naŕa amligan tasnena ne Lasaros mono ke ea. Pulkilavaru nene naga pe puluve, naŕa amligan pupia kilavaru tai mono ke pulusia.

39 Ana Yesu pisape akuslua pupia kilavaru nene.

Ana vinena taŕena nene Mareta mloge naŕa Yesu sape akuslua kilavaru, ŕisi na sape visaluŕaria, pisa pania, sape "Suŕe, piowa naŕa tekila sanene, vanon naga mare legiena vari ŕaro pa rui, yoko ponos kona va ŕisi ne."

40 Ana Yesu pisatar̄nea pania, sape "?E, ko na pe ositoŕial re si kiau visena naŕa nepisa pan ko rui? In na nesape sa ko na olelaga ga, ovisu nam̄areraena na urarena kiena ne Ntewa naga yur̄nae."

41 Pisi na la akila ga, akuslua pupia kilavaru, ana Yesu kira pa metava, mlen, sape "Ata, nepisa siŕa pan ko keviu naŕa ko na okekaran nalogeen kiau naviunena nini."

42 Nekilia sane sur ya naŕa visae in ga taaga nesape neviun tan ko, yoko ko ologe ga. Ana suri naŕa neviun tan ko nagane na, nepiunia e maran la ne asuŕal asike nini, vena la m̄na akilia aloge. Ana visae avisu sane ko ovisatar̄nea van inu sa naŕa nepiunia, kilia ilala alelaga sane pe lelaga ko na omligan inu nepitom e yomarava nini."

43 Ana pogos naŕa Yesu mlen pae sane na, naga kii m̄arera sanene pano, pisape "Lasaros, omolue ovim."

44 Ana amilan naŕa yar mare suŕalu pimi vanua, ŕarar kulmrae la naŕa amlular naga ea, tamalele ke e limana la amio lana a ŕarina asike wa. Ana Yesu pisa pan la sape "Pogaga, awar plan kulmrae la nene vetania, vena naga kilia yal ruru sina ga." Pisi na akila, ana Lasaros mal ruru ga sike si amio la.

*Pupia kumali taŕian sape monar awem̄ar Yesu mare*

*Matu 26:1-5; Mak 14:1-2; Luk 22:1-2*

45 Ana le Yu la moki naŕa ataveve Maria apim e pulkilavaru nene, pogos naŕa apisu Yesu kila Lasaros mal si e marena sanene na, amlelaga nena e naga.

<sup>46</sup> Ana lala ðasia amon lelagaena, aþasuþe la sina ga, apa si pu Varasi lala, apisawal pan la sur naþa Yesu miyumiãenia.

<sup>47</sup> A pogos naþa amloge pe akekaran re nena ga, ana lala amio yerikawa na yar wa lala, apio mïena lala taþena na pupia kumali kiena le Yu lala apim lele taaga asunyua. Ana pogos naþa apim pae lele taaga, apisawal pan la asape “?Yoko tekila kan yar nene narui? Naga kila ke pupia kile la paþisi e maran kieta yeririna lala.

<sup>48</sup> Visae ve tevisawo re naga, yoko kila mïa sanene vano-o ve tai re naþa ve lelaga re e naga, yoko ure la punu ga ataveve ne. Ana visae la na mara nae Rom avisu yar nene kila ke sape imi ve pupia nasumonena tai sanene, yoko sinela kar ita le Yu la punu ga. Yoko akilia aimi akila mara amio ita vano-o akila kare kieta þegas punu ga amio awe plan kieta Yumiãa Wa Mana Ntewa.”

<sup>49</sup> Apisa ke sanene na, kiela pupia nasumonena Kaeþas, naþa e kas nene na naga þuarar kia naþa Þarin Yaru Wa, pisa pan la, sape “?E, vanon ya ne kiamiu sitomena la plas ga sanene, naþa amiu amninue ga sane yoko tekila ya ne van yar nene?”

<sup>50</sup> Sur ya na po pan amiu? Pogaga naþa yar taaga ga nene kila ita make ga tokovio, pona popon naga taaga mare vena tamalia kieta þegasia ita punu ga?”

<sup>51</sup> Pogos naþa pisa visena nene, naga mïape pisawal ke sitomena tai naþa kiena ga. Ntewa kila naga þuarar yumiãena na þarin yaru wa e pogos nene, ana Ntewa ke narui mligan mïena visena nene e kiena sitomena, vena visawalen visena lelaga tai, sape Yesu monar mare vena tamaliaen yeririna punu ga.

<sup>52</sup> Naga pe kilia re poli, a pisa ke sape siraunia, pogos naþa Yesu mare, naga pe maren re ga þegas kiena ne le Yu ga la nene poli, ana kiena marena panon mïena narina ne Ntewa taþena lala naþa asike mïena e purvanua taþena lala, ve naurepran laena punu ga aim ave na mratava taaga ga.

<sup>53</sup> Ana e pogos nene, Kaeþas pisawal visena nene, pure sitomen kiena ne yerikawa la punu ga kiena ne le Yu la asape Yesu monar mare ga. Ana siar e pogos nene, apisayu ke silaga, asape akilia akila ve sanape.

<sup>54</sup> Ana kiela sitomena nene kila Yesu mialorotete sina likan yeririna lala e yo nae Yutea, naga þere plan imimi, mepa mesike e narin kumali tai, kiena kia Ipraim, naþa sike perina, lavisin yokorena.

*Lavisin pog na þaþagena maro na Sitomïalen Natamaliaen kiena ne Yesu*

<sup>55</sup> Ana lavisin pog na þaþagena kiena le Yu la nene, Paþagena Nasitomïalen Natamaliaena. Ana le Yu la naþa asike e yo la ne, amligan ke kiela yo lala, apa ke ma Yerusalem, asape ava e Yumiãa Wa Mana ne Ntewa, akila kuþaþaena naikikena e marana ne Ntewa, sumon naþa þaþagena siaria.

<sup>56</sup> Ana pogos naþa yeririna la apa ke metava e Yumiãa Wa, asike akale ke Yesu. Akale pano ariãa re naga poli, ana la apiuyun ke petan la, asape “?E, amiu asitom sanape? ?Yoko naga vim kate e þaþagena nini, po ve vim re?”

<sup>57</sup> Ana þarin yar wa la amio Varasi lala, lala mïena asitom ke asape pona Yesu kate li e aora nene yo. Ana la apisaar mïarera asape visae avisu Yesu sike lele tai, monar aligan visena va van la vena aim na atararia.

## 12

<sup>1</sup> Ana pogos naþa Paþagena Nasitomïalen Natamaliaena nene pere ke ga wa, legiena orai sike ga wa, ana imimi memio Yesu mepa tol si narin pulkumali naþani Petani. Ana mepa makate si e umïa mïana ne naga naþa Yesu kilamalia sina ga pe piavi re poli, naþa Lasaros.

<sup>2</sup> Mesumiãa memio la pano-o, la nene asape akila kinanen tai akan amio Yesu. Ana pogos naþa akila ruru punu pa sur lala, imimi memio Yesu mepim metotano, a Lasaros mïena totano amio imimi, ana vinena naþa Mareta naga þar ke kamimi kinanena pimi.

<sup>3</sup> Ana vinena ne Lasaros taþena naþa Maria, naga mïena sumïa ga, naga kus pupia pias na ponotaninu pimi, ponotaninu nene apio asape nat, naga ponotaninu tai naþa kana maran kilavaru pa metava paþisi. Ana kus pimi lavis pu Yesu, taronia miyumuwan la Yesu ea. Þisi na Maria tar pupia viluna piavi nene, miyumuwan sina ga la Yesu, ana pe piavi re poli, ponotaninu naþa ne ponos miyere make loyurïa e naþa asike e ne.

<sup>4</sup> Ana e pogos nene, nalogena kiena ne Yesu naþa yoko siraunia wilwilin wania, Sutas nae Kariot, naga mïena pisu ke sur nene.

<sup>5</sup> Naga pisape “?Vanon ya ne ve awilwilin re ga pupia ponotaninu nene? Visae sanene, akilia ataulu pupia varu tai, sane kilavaru naþa yaru tai tauluia e kiena yumiãena na kas wetelu tai, ana akilia atamïan vena iilaen la naþa pe kiela sur la poli. !Akila kare ga ne!”

<sup>6</sup> Naga pisa sanene, ana naga pe sitorñal re yar la naña pe kiela sur re la poli. Naga pisa vanon naga pisuar ke kiamimi karo na varu, a pinaun la ke, kan ke kiamimi varu lala, a naga sitom manene laa varu na ponotaninu nene.

<sup>7</sup> Ana Yesu pisatamē e sur naña Sutas pisa, sape “Ei, piowa naña ko ovisa kare vineta sanene. Naga kila sanene pan inu vanon naga sitom ke sape legiena naña yoko asinwo inu pimi make lavis narui.

<sup>8</sup> Yoko yar la naña ve kiela sur re la asulue ga amio amiu, vena amiu aiila la sanene, ana in na pe pe nasulueen re nemio amiu poli. Sanene, sur nene naña naga kila pan inu naga po pañisi.”

<sup>9</sup> Ana pe piavi re nena ga, visena pato tol lala naña aþarpiran la ke e þaþagena garo Yerusalem, sape nagane na Yesu pam sike Petani rui. Pisi na lala apava ke asape avisuia, a pe naga re ga poli, asape avisu mēna Lasaros, naña Yesu kila naga mal si rui.

<sup>10-11</sup> Yeririna la apa apisu ke Lasaros sanene, a sur naña Yesu miyuñāen pania kila naña lala moki, pano tol li na sumonena laþas kiena le Yu lala, aþure petan kiela nasumonena taþena lala, apim amlelaga e Yesu narui. Ana yer keviu kiena yar wa lala naña asike ne apisayu sur nene, apiranaria asape akale mrapa naña awe moñiar Lasaros mare.

*Yesu pimi tol yo naña Yerusalem*

*Matii 21:1-11; Mak 11:1-11; Luk 19:28-40*

<sup>12</sup> Lasaros lala akila pae kinanena kana ne Yesu þisi, ana e legiena taþena sina, visena pato tol pupia þina la naña apam asike Yerusalem e þaþagena, asape Yesu naga pimi ke rui, vena vim loyūña e pupia kumali nene.

<sup>13</sup> Ana yeririna la amloge, asuñal amial apa ate lumāñela lala, amiyal apano vena avitawe naga mrapa.

Asape akila sanene vania vena naga vim ve sane kiela þarin suþe, ana la amial apa sanene, apioyon ke sanini apisape, “*!Pona we-e po! Teieliuar naga, kieta þarin suþe viu nae Israel!*

*!Ntewa na mava ovisa ruru naga naña pimi e kioñā kia!*” *Yauena 118:26*

<sup>14</sup> Ana Yesu mial pimi ke, naga kila naña aþure narin togki tai pimi puna, pa totano ea mial pimi. Sur nene naña naga kila taveve ruru ga visena tai na Visena Wa naña pisape.

<sup>15</sup> “*Amiu le Yerusalem lala, amiu ve amarau re sina,*

*Amiu avisuia, nanagane na kiamiu þarin suþe naga pimi ke pun amiu narui.*

*Naga kus ke ga narin ninus nen togki tai, pa totano ea pimi ke.”* *Sek 9:9*

<sup>16</sup> Ana e pogos nene, imimi nalogena kiena ne Yesu lala pe mesitorñal re visena nene poli, a sirauñia, pogos naña pa pae ma e peni, imimi mepisu kilale ga na wa sane visena marua na nanua ne naga pisayu naga mesmes, ana mepisu sane naga kila sur punu ga mesmesu ga sa naña Visena Wa lala apisa nanua sumo asape yoko Navisaarena yuñāena.

<sup>17</sup> Ana þisi na pupia þina nene kila ke naworworena pa Yesu sanene na. Lala moki la naña nakoneva asike amio naga pogos naña pio Lasaros mñal si petan marena, ana la apa apisawal pupia kile nene pan yeririna taþena lala,

<sup>18</sup> ana pogos naña lala amloge sur la naña Yesu miyuñāenia, sinelan asape avisuia, ana la apim vena ava avisuia.

<sup>19</sup> Ana lala punu ga nene, pupia þina pa tai narui, ana pogos naña le Varasi la apisuia, amloge piowa, asilin þarila, apisape “*Toþaryon yar nene pano-o piowa ga. Naga taulu ita punu ga, pure yomarava wetelu nene apa ataveve naga rui.*”

*Le Krik laþasia asape avisu Yesu*

<sup>20</sup> Ana e yeririna moki la naña ke metava ma Yerusalem vena alotun Ntewa e þaþagena nene, lala þasia pe ape le Yu re poli, lala le Krik la naña apim amlelaga e Ntewa sane le Yu lala.

<sup>21</sup> Ana pogos naña amloge manene laa kia kiena ne Yesu, asape avisu naga. Apa akale, akirawal kiena nalogena naña Pilip nae Petsaeta ma Kalele, ana apiun Yesu tania.

<sup>22</sup> Ana Pilip pa pisawal pa Antru, þisi na lalua apa apisawal pa Yesu.

<sup>23</sup> Ana pogos naña Yesu mloge sape la naña pe ape le Yu re la poli asape avisuia, naga pisawal sape “*Nanagane na pe pogos mesmesu vena Ntewa kila kiau kia, inu Narina ne Yeririna, va metava.*

<sup>24</sup> Nepisa pe lelaga pan amiu, sane visae kurus tai, visae ve amapla re, yoko naga taaga to korena ga toñā sanene. Ana visae amapla, yoko menun nena ga, ana sirauñia kilia war si mras ve moki.

<sup>25</sup> “*Sanene, naga naña kekaran manene laa malena kiena e yomarava nini, taulu naña kekaran inu, yoko kilaluia, a naga naña pe sitom manene re naga poli, yoko naga suñā ga woga ga vano-o tol malena viu naña pe luas re poli.*

<sup>26</sup> “*Yere Yu pona yere Krik naña sape sinenan kiau yuñāena, sinenan sape ilan, naga monar taveve in lue ga. Ana pogos naña naga taveve inu ke sanene, yoko e lele ya naña sa neva nesike ea, a*

naga mēna kilia amio inu. Yar naḡa pe yar na kiau yuḡaena, yoko Ntewa la kia wo vania.”

*Yesu sunyu kana marena*

<sup>27</sup> Ana Yesu siar sitomveve ke naḡa yoko ve ve piavi re na, monar mare, ana mloge urmi paḡisi e naga. Pisi na sape “Nanagane na, nemloge sane sitomena la moki e losineu. ?Yoko nevisa ya ne va kau Ata? ?Popon nelen, neviun vetania, nesape: Ata, awis otarlua inu e aora mārera na loge viowaena nene? Pona piowa ga naḡa nevisa sanene, vanon in na nepim e yomarava nini vanon nenaga yuḡaena ne nanene.

<sup>28</sup> Peraga, popon nevisa ve sa ga nene, nevisave: Ata, awis okila kioḡa kia vim ve keviu kome sur la naḡa sa akila van inu.”

Ana pogos naḡa Yesu pisa pa visena nene, pulgo tai metava ma e peni pis pitomi tano, pisape “Inu na nekila ke kiau kia pa metava kom ga e ko rui, a yoko nekila ke sina ga na wa.”

<sup>29</sup> Ana ḡina la naḡa asu ke lavis ga amloge māagena na pulgo nene, ana ḡasia asape polilu ga tai, la ḡas asape “Peraga, navisi ga ta ne pisi ke pania.”

<sup>30</sup> Ana Yesu pisa pan la sape “Pulgona naḡa temloge ne, naga pe pitomi re sape in na neloge poli, a pitomin amiu, vena amiu akila sane inu nepimi pe.

<sup>31</sup> Monar ve sanene vanon nagane na, pe pog na liḡereen yeririna na yomarava narui, pe pog na kovenluaen ḡarin suḡe na yomarava narui naḡa Yermare.

<sup>32</sup> Vena nekila yuḡaena nene, monar netamalele metava e laki torovia, ana pogos naḡa neḡeke metava sanene, nekilia noure yeririna punu ga aim pun inu.”

<sup>33</sup> Ana visena kiena ne Yesu, naga pisa pe nakilaen imi merarava van la sane kiena marena pe marena tai naḡa ve sanape.

<sup>34</sup> Ana pogos naḡa ḡina la amloge, asape “Memloge ke naḡa apuloyu ke Visena Wa, pisa ke sape Navisaarena naga mal lue ga, taḡatete mare pogos tai. ?Ana sanape naḡa ko na opisa ke osape yoko atelan Narin Yeririna metava vena mare? ?Pona ko na opisa ke ga taḡena tai yo? Narin Yeririna ya naḡa opisa ke ne, naḡa yoko ve sanene vania?”

<sup>35</sup> Ana Yesu pisataḡe pan la, pisape “Inu na nepe yomerarava kiena ne Ntewa, a nekilia nesuḡa si nemio amiu yam ve plas ga. Ana pogos naḡa nesike nemio amiu, popon ayal e kiau yomerarava nena, visae peraga, yoko pupumalko kalo make amiu, a yar naḡa sape yali, taḡatete visuluḡar si kiena mrapa.

<sup>36</sup> Pogos naḡa inu naḡa nepe yomerarava nene nesike ke nemio amiu wa, popon

alelaga e inu, vena amiu mēna akilia aim ave yeririna na yomerarava lala.”

Ana pogos naḡa Yesu pisa pa visena la nene, naga mḡigan la asike, petan la pa tapolou e lele tai naḡa taḡatete aimin sina naga.

*Le Israel la pe sinelan re alelaga e Yesu poli*

<sup>37</sup> Yesu miyuḡaen pupia kile la moki e marala rui, ana pe suri korena, lala pe sinelan re asape alelaga e naga poli.

<sup>38</sup> Ana kiela ḡelaga na sanene, akila ke sina ga sa ga naḡa le Yu marua la nasumo akila e pogos kiena ne yermarua Aisea, naḡa pisayu e visena la lua naḡa pisawalia. Nasumo pisa sanene, pisape

*“Ntewa na mava, imimi mepisasawal ke pan la, ana lala pe akekaran re asape alelaga poli, a ko ko na okila meraravan kioḡa puriukawaena na lumoḡa van la, ana lala a ne pisuluḡaria? Pe ta re poli.”* Ais 51:1

<sup>39</sup> Ana na luania, naga mēna pisa sanapen lala amon lelagaena e Yesu, pisa sanini, pisape

<sup>40</sup> *“Ntewa ḡaryon la pano-o peraga, ḡisi na kila ga kilamarala la pimi pe kilamara ḡala, kila losinela la pimi mārera laa paḡisi.*

*Pisi na kilamarala la taḡatete si avisu ruru suria, po losinela la aninuluḡar suria.*

*Visae pere, yoko la avilon la aḡasuḡe la aim pa panu rui, vena nekila ruru kiela malena la.”* Ais 6:10

<sup>41</sup> Ana visena kiena Aisea nene pimi e naga, sirauḡ naḡa naga pisu naurarena kiena Navisaarena loyuḡa e Yuḡa Wa Mana ne Ntewa, a nanagane na tepisu sane pisayu ga Yesu lelaga, amio lala naḡa e kiena pogosia.

<sup>42</sup> Ana sa naḡa visena la nene pisa, lala moki pe amlelaga re e Yesu poli, ana ḡasia amlelaga, pa tol mēna kiela nasumonena laḡasia. Na nene naga po, ana sur taaga naga piowa, akilawan ke ga kiela nalelagaena, vanon amaraun Varasi lala, amaraun asape sa akoven plan la laea vetan kiela yuḡa na lotena.

<sup>43</sup> Kiela marauena nene, naga sane lala pe asitom re si nakilaena vena yoko Ntewa kekaran la vanonia, ana lala asitom ke ga keviu sane yar taḡena ga la avisu la ve sanape.

<sup>44</sup> Ana Yesu pisawal pupia visena maro tai e maran kiena yeririna lala, pisape “Naga naḡa mlelaga e inu, pe mlelaga re ga e inu poli, ana mlelaga e imimi lua naga naḡa mḡigan inu nepimi,

<sup>45</sup> a naga naḡa pisu nu ke, sa ga naḡa pisu ke mēna naga.



<sup>46</sup> In na nepim e yomarava nini, sane kana yomerarava, na kilaen yar ai naña lelaga e inu, yoko ve su re si e yemalolo.

<sup>47-48</sup> Ana visae la p̄asia aloge kiau visena, ana pe amlogear re poli, pona visae la p̄asia akovenwanu amon logeen kiau navianena lala, la nene yoko akus kiela nali p̄ereena e legiena maro. E pogos nene, ve in re naña nesuñalu neli p̄ere la, vanon in na pe nepimin re nali p̄ereen re yeririna na yomarava nini poli, nepimin natamali-aena. Ana sur naña li p̄erela, nane kiau visena la naña nepisa ke pan la pogos naña nesike nemio la naganen narui.

<sup>49</sup> Kiau visena kilia kila sanini, vanon pogos naña nepisa plan ke visena la nene, in na pe nepis re ga e kiau kia in ga taaga poli, ana nepis ke e kia kiena ne Ata naña mligan inu nepitom tano. Naga ga pisa plan ruru pan inu sur la punu ga naña pe kiau na visaplanena,

<sup>50</sup> ana sanene, silaga in na nepisa ke sur punu ga naña Ata sinenan pisape nevisa. A kiena navisaluaena punu ga nene, nekilia sane malena wo naña pe luas re e poli, sike ga e lala."

## 13

*Peni na luas nen malena kiena Yesu, ana naga kevan lana ne kiena nalogena lala*

<sup>1</sup> Nanagane na, sur la punu ga akila ruru pa rui, naña peni ga na pupia legiena naña Pa p̄agena na Sitomñalen na Tamaliaena siaria. Ana Yesu pisa kilale ke pa rui sane kiena pog pimi ke narui, legiena ga na peni pe pog naña monar ligan si yomarava nini wasupe sina va puna ne arimana. Pimi tol pogos nene, e mrapa la moki, naga kila po pa p̄isi pan la naña puna naña asike pa e yomarava nini, sitom la pa p̄isi, a nanagane pe pog na sitom laen va ve keviu laa sane, vano-o tol naña kiena malena kovio vanon la.

<sup>2</sup> Ana naga sike amio imimi kiena nalogena lala e yo ma metava, kila ke kana kinanena maro amio imimi. A Sutas naña nae Kariot ne, narina ne yermarua Saemon, naga m̄ena sike ke amio imimi e pogos nene, naga sike amio kiena sitomena viowa na wilwilinwanen Yesu, komin naña Yermare mligan teke e kiena sitomena rui.

<sup>3</sup> Ana mekinana m̄a pano-o p̄isi na Yesu naga sitomveve ke sanape naña nanua sumo, petan ma puna Ntewa pitomi tano, a sanape na Ntewa mligan sur punu ga sike e limana, a sanape naña monar tauluia, siraunia naga kilia vetan si yomarava nini va sina puna.

<sup>4</sup> Naga mloge pupia sineyeena e losinena vanon imimi kiena nalogena lala, sinenan

sape kila kile tai e sineyeena nene van imimi, vena imimi m̄ena ga mekilia mekila van imimi. Ana suñalu, pa miyenlua m̄ana kulkota, pitavin tawol tai,

<sup>5</sup> pio wii m̄ene pialo tai, kus pimi, siar kevan lamimi lala, kila naga sane pe yar na yun̄ae kiamimiena tai. Kevan m̄a lamimi la sanene pano-o, miyumuvan la e tawol naña pitavin ke ne,

<sup>6</sup> pano-o pimi tol lana ne Saemon Pita. Ana Pita pisa m̄a naña naga pimi tolia, pisa pania, sape "?Su p̄e, yar nene? Ko na ope yerkaawa pa p̄isi wa, pe mesmes re naña ko na okevan lau sanene poli."

<sup>7</sup> Ana Yesu pisata m̄e, sape "Pita, sur na nekila ke ne, nanagane na pe opisus kilale re poli wa. Ana siraunia, ko na okilia ovisu kilale ruru ga na wa."

<sup>8</sup> Ana Pita sinenan sape kilawo Yesu wa, sape "Peraga Su p̄e, ta p̄atete ga netam̄an okevan lau."

Ana Yesu pisape "Visae ve nekevan ruru ko re, pe kiau sur re tai teke e ko poli."

<sup>9</sup> Ana pogos naña Pita mloge nene, kiena sitomena pe ta p̄ena narui, pisa pa Yesu sape "!Su p̄e, visae ve sanene, netam̄an ga, sineun nesape okee inu, ane ve lau re ga, okee inu punu ga va tol m̄ena lum̄iau lala amio p̄aruu!"

<sup>10</sup> Ana Yesu pisata m̄e pa Pita e narin p̄akaiwa tai naña pisayu p̄elaga naña yaru mekiki e kiena mlamulena viowa lala. Naga sape "Yar naña kulu mare ga na wa, yepena punu ga merarava rui. Ana visae lana ve namname sina, ana ta p̄atete naga va kulu punu sina ga, yoko naga kevan ga lana. Ana nepisu sane amiu sanene narui. Amiu punu ga amerarava ruru pa rui, a amiu yar ga tai naga pe sa re nene poli, naga pe namname ga mon̄a ga."

<sup>11</sup> Ana Yesu pisa sanene, sape pe imimi punu re memerarava poli, vanon naga kilia pa rui imimi yar tai naña yoko ve yam ve piavi re na naga wilwilinwan naga.

<sup>12</sup> Ana Yesu kevan lana Pita amio imimi ta p̄ena lala pano-o p̄isi, pa miyen sina ga m̄ana kulkota, totano piun tan imimi, pisape "? Amiu apisulu p̄ar ga yun̄aena naña nekila pan amiu ne, po peraga?"

<sup>13</sup> Sur nene naga sanini. Pogos naña amiu apio inu ke asape nepe Navianena pona nepe Su p̄e, amiu na apisa pe lelaga ga.

<sup>14</sup> Ana visae apisu naña inu kiamiu Navianena po kiamiu Su p̄e nekevan lamiu, popon amiu m̄ena akekevan ke lamiu lala, amiu akilakila p̄elaga wo la sanene van amiu silaga.

<sup>15</sup> In na nekila sanene pan amiu, vena amiu na yoko ataveve maran taaga e

legiena la naña pimi ke ne, naña amiu ga akila si van amiu sane in na nekila pa pan amiu rui.

<sup>16</sup> Nepisa pe lelaga pan amiu, sane yar na yumaena naga tapatete to metavan kiena yerka, po yar na waren visena naga ve to re metavan naga naña mligan naga pano.

<sup>17</sup> Ana visae amiu avisu sane kiau visena la nene pe lelaga, a visae amiu akila ke sur la naña nepisa, yoko pupia navisa ruruena vim van amiu sirau."

*Yesu pisawal sape yoko Yutas wilwilin wan naga*

*Matiu 26:22-25; Mak 14:17-21; Luk 22:21-23*

<sup>18</sup> Ana Yesu pisape "Nepisa sanene, a pe nepisa amiu punu re poli, komin ita yar ga tai naga sike ne, naña naga kiena sitomena pa pe tañena pa rui. Lelaga, in na nekilia ruru amiu punu ga naña nekilogia amiu, ana nekilia nesape amiu yar tai yoko kila mesmes ga sa naña Visena Wa pisawal nanua rui, naña pisa sanini, sape

*'Naga naña imimi lua makan pae kau kilaparavi, nanagane na naga tarlua pa lana rui vena vielua inu!'* *Yauena 41:9*

<sup>19</sup> "Sur nene naga piowa ga, ana nesape nevisawal van amiu sumo wa, ana pogos naña avisu sina ga ve yam piavi re na, akilia alelaga asape inu na lelaga, in na naga naña mon lue.

<sup>20</sup> Nepisa pe lelaga pan amiu, yar naña porworun yar na waren kiau visena naña nemligan naga pirnasu, naga sa naña porworun inu ke ne, a naga naña porworun in sanene, naga sa naña porworun ke naga naña mligan inu nepimi."

<sup>21</sup> Yesu naga pisa pae visena nene pan imimi, ana siar mloge naña sinena pulen naurmiena lala, pano-o pisawal meraravan ga e maramimi, pisape "Lelaga nepisa pan amiu, yoko amiu yar tai wilwilinwan inu."

<sup>22</sup> Ana pogos naña naga pisa sanene, imimi memilania, mesuñā metamaren imimi ke sina ga, memminue ga mesape naga pisa ke imimi a ne.

<sup>23</sup> Ana e pog nene, inu Yoane, sane nalogena naña Yesu sinena sii inu pañisi, inu netotano ke ga lavisin naga,

<sup>24</sup> pñisi na Saemon Pita kila limana pan inu, sape "Wolai, ko na oviunli ga tania, ovisave naga pisa ke ai."

<sup>25</sup> Siraunia nepa la lavisin tekaki ga, nekian ãaruu pa laa lavis puna ne Yesu, nepiunlili tania, nesape "?Supe, ko opisa ke imimi ai?"

<sup>26</sup> Ana Yesu pisatarñea, sape "Nepisa ke ga naga naña narin kinakina kilaparavi nene, nowuton vito e mñata pursi, ana nekian vania." Ana naga kila sa ga naña naga pisa, mla kilaparavi tai, kian pito e mñamimi pursi, ana mlalua mla pan Sutas, narina ne yermarua Saemon nae Kariot.

<sup>27</sup> Pisi na Sutas mla kania, ana veraga ga, Yermare pimi pa loyuma e naga. Pisi na Yesu pisa pania, sape "Pogaga, sur naña pe kionñā nakilaena, oto vilaga okilalia wa."

<sup>28</sup> Ana e imimi tañena la naña metotano ke e kinanena nene memio Yesu e pog nene, pe imimi yar ta kilia re poli, sane vanon ya ne Yesu pisa visena nene pan Sutas.

<sup>29</sup> Imimi pñasia asitom amape vanon Sutas naga pisuar ke kiamimi karo, ana Yesu miila vena va ul kamimi kinanena yo, pona va la kilavaru tai van la naña pe kiela sur re poli, pona sur tai ne sanene.

<sup>30</sup> Ana Sutas naga kilia ruru ga sur ya naña Yesu pisa ke pania, ana veraga ga suññalu pa si vanua, naña sane yemalolo pa rui.

*Navisaluena vii na sinesiena*  
*Matiu 26:31-35; Mak 14:27-31; Luk 22:31-34*

<sup>31</sup> Ana pogos naña Sutas pa pae vanua, Yesu siar pian imimi ke sina ga e sur la moki. Naga pisa pan imimi, sape "Nanagane na pe pog na naurarena kiena ne Narin Yeririna vim kate, nanagane na pe pog naña yoko naga kila naurarena kiena ne Ntewa vim ve keviu laa sane.

<sup>32</sup> Ana sur ya naña yoko naga yumaenia, kila kia kiena ne Ntewa va metava, siraun naga nene, ve ve viavi manene re, yoko Ntewa visirlua sina inu narina, kila mñena kiau kia va metava.

<sup>33</sup> "Naruu lala, narin aora ga teke na, naña nekilia nesike nemio amiu wa, lavis ga naña monar neligan amiu. Pogos naña amiu avisu in na nevetan amiu pae na, yoko asape akalenulia ko laa ne, ana sur naña nepisa pan yerka kiena ita le Yu tañena lala, nevisa mñena si van amiu, sane lele naña in na yoko neva ea, amiu tapatete asiraunu aim e nanagane.

<sup>34</sup> Ana nanagane nesape nela si navisaluena vii tai van amiu, sane amiu monar sinemiū sisii manene amiu, va laa sanene ve sa ga naña sineu sii amiu.

<sup>35</sup> Ana visae sinemiū sisii amiu ke sanene, naga nene pe mrapa nakilaen yeririna nae yomarava la avisu kilia sane amiu ape kiau nalogena kemua la pe lelaga."

<sup>36</sup> Yesu pisa pae pupia visena nene pan imimi narui, ana Saemon Pita sitorñal ke

sina ga naŋa Yesu sape ligan imimi, naga piunia sape “Ana Suŋe, ko na yoko okom pe?”

Ana Yesu pisatamēa, sape “In na nepa ke e lele tai naŋa amiu taŋatete asiraun inu aim e na wa, ana akilia ga aim e sirau.”

<sup>37</sup> Ana Pita mloge, piun sina ga, pisape “Suŋe, sanape in na taŋatete neim nemio ko ke nanagane? In na nekekaran ga netaŋan kiau malena vanon ko nanagane.”

<sup>38</sup> Ana Yesu pisa pania, sape “Ko opisa osape otamān ga kionā malena vanon inu? Pogaga, ana nevisa ve lelaga van ko, pāne ga ne kolemallo, pogos naŋa lakaporo ve kokoreko re wa, ana ko na oviro inu yam ve telu pa narui osape pe ope kiau re poli.”

## 14

*Yesu mla visena na kila luŋeluŋeena pan kiena nalogena lala vena ve aloge manene re viowa*

<sup>1</sup> Ana Yesu pisa naŋa imimi nalogena la memloge piowa naŋa naga monar vetan imimi, pisi na pisa pan imimi, sape “Amiu ve akila re naŋa sinemiu viowa manene sanene. Aŋasine Ntewa rui, ana monar awasine in mēna ga.

<sup>2</sup> Sa naŋa nepisa pa ŋa rui, neva nekila ruru lelemiu metava ma puna ne kau Ata, ana metava ma mēna yuŋa, lele moki sike ea torokin amiu punu ga. Visae ve ve lelaga re, ve nevisa re van amiu.

<sup>3</sup> Neva nekila ruru lelemiu nene, ana siraunia, nowasuŋe sina, netom tanon amiu, noure amiu avam punu, asulue ga amio inu e lele naŋa yoko nesike ea.

<sup>4</sup> Ana mrapa naŋa na vaen tol lele naŋa nepa ke ea, amiu akilia pa rui.”

<sup>5</sup> Ana Tomān piun petania, pisape “Suŋe, imimi memninue ga lele naŋa ko opisa ke osape ova ea, ana sanape ne yoko mekilua mrapa na vaen ea?”

<sup>6</sup> Ana Yesu pisape “In na nepe purŋes nen mrapa, in na nepe purŋes nen lela-gaena, in na nepe purŋes nen malena. Pe yar re tai kilia va ma puna ne Ata sa ve kom re pun inu.

<sup>7</sup> Visae amiu apisu kilale inu, asape in na nepe ai, naga sa ga naŋa apisu kilale mēna Ata. Ana nanagane, amiu apisu ke pa naga narui, sane siar na ne pāne, amiu akilia naga ve lelaga.”

<sup>8</sup> Ana Pilip piun petania, sape “Suŋe, sur ne naga ke nene narui naŋa sinemiminia, mesape mevisu Arimata. Awis, sa ko na ovisa lologia li naga van imimi, yoko mekekaran vaŋisi.”

<sup>9</sup> Ana Yesu pisatamēa, pisape “? Pilip, nesike nemio amiu tol kas via rui, ana ko pe opisu kilale ruru re in poli wa? Sa naŋa

nepisa ke pa rui, yar naŋa pisu inu, naga sa naŋa pisu ke pa Ata narui. ?Ana sanape na ko opiun ke sina ga osape nevisa lologia li Ata nae ma e peni van amiu?”

<sup>10</sup> ?Ko na omlelaga sane inu, in na e Ata, a Ata e inu, po ko na pe omlelaga re e poli? Visena la naŋa nepisa ke pan amiu la, pe sa re naŋa inu ga taaga ne nepis ke e kiau kia poli, ana Ata naŋa teke e inu naga kila ke kiena yuŋaena la nene pimi ŋarpoyo e inu.

<sup>11</sup> Popon amiu alelaga e sur la naŋa nepisa, sane in na e Ata, a Ata na e inu. Visae ve alelaga re e inu vanon ga kiau visena la nene, monar alelaga ga vanon yuŋaena la naŋa amiu apisu in na nekila ke pa rui.

<sup>12</sup> “Nepisa pe lelaga pan amiu, sane yar naŋa sa lelaga e inu, yoko naga mēna kilia kila yuŋaena la sane in na nemiyuŋaen ke ne. Yoko neligan si yo neva si puna ne Ata, ana siraunia neligan Ninuna vitimi, ana naga kilia kila kile kerkeviu la sanene, taulu naŋa amiu apisu pa rui.

<sup>13</sup> Nepisaar pan amiu, sane sur ya ne aviunia e kiau kia, yoko in na nekila ga van amiu. Yoko nekila ga ve sanene vam amiu, vena kilaeŋ kia kiena ne Ata naga kilia va laa metava ve keviu likan amiu, e yuŋaena la naŋa inu, sane narina, nemiyuŋaenia.

<sup>14</sup> Sanene na, sur ya naŋa aviun tan inu, yoko nekila van amiu.”

*Yesu pisaar Ninuna Wa pan la*

<sup>15</sup> Ana Yesu pisa mēna pan imimi, pisape “Visae amiu sinemiu sii inu pe lelaga, monar auarar ruru kiau navisaluaena lala.

<sup>16</sup> Yoko in na ve nesu re si nemio amiu, ana yoko neviun tan Ata vena ligan yar taŋena tai vim kus leleu vena iila amiu. Naga naŋa yoko imi, yoko sulue ga amio amiu,

<sup>17</sup> naga pe Ninuna na visawalen visena lelaga. Yeririna na yemalolo na yomarava nini taŋatete atol naga, vanon taŋatete akilia avisu kilale naga, pe akilia re nena, ana yoko amiu akilia ruru naga vanon naga ke narui naŋa amio amiu nanagane, a yoko sike lue ga e amiu.

<sup>18</sup> “Kiau nalogena lala, taŋatete neligan kare amiu naŋa asuŋa sane ninuyu ga la poli. Peraga, yoko nowasuŋe si neimin amiu.

<sup>19</sup> Narin aora teke ga wa, pe piavi re nena, yoko yeririna na yomarava nini taŋatete avisu in sina. Ana amiu ga yoko avisu naŋa in na nemal sina ga, ana vanon naŋa nemal, amiu mēna yoko amal.

<sup>20</sup> E legiena nene naŋa avisunu nemal sina, amiu akilia sane in na e Ata, a amiu e inu, a in na e amiu.

<sup>21</sup> Naga naþa sinena sii inu pe lelaga, naga pe naga naþa þuarar ruru kiau navisaluena lala a mlogear la. Naga naþa sinena sii inu sanene, yoko Ata sinena siia, amio in mēna sineu siia, nakekaten ke naga vena nekila naga kilia inu laa sane.”

<sup>22</sup> Ana imimi nalogena tai, naþa Yutas taþena, pe naga re naþa nae Kariot poli, piun tan Yesu, sape “Ana Suþe, osape oim okekaten imimi, ana yoko okila e mrapa na sanape naþa yoko yeririna taþena la nae yomarava taþatete avisu kilia?”

<sup>23</sup> Ana Yesu pisatamea, pisape “Visae yar sinena sii inu, yoko uarar ruru kiau visena lala, ana yoko Ata sinena sii naga. A yoko imimi lua meim puna, mekila māmimi urña memio naga e kiena malena, ana yoko taþatete ve sanene va la naþa pe amlelaga re poli.

<sup>24</sup> Ana yar naþa pe sinena sii in re poli, naga taþatete logear ruru kiau visena lala. Naga nene navisatameena na kiamiu naviunena nene, ana e visena naþa amiu amloge ga nagane, pe pe kiau visena re nene poli, naga pe visena kiena ne Ata naþa mliganu nepitom e nini.”

<sup>25</sup> Ana Yesu pisape “Pogos naþa nesike nemio amiu wa, in na nepisa ke sur la moki sanini pan amiu rui.

<sup>26</sup> Ana pogos naþa sa nevano, yoko Ata ligan Ninuna na iilaena vitomi, ana naga yoko kus lelu, vian amiu e sur punu ga, ana ligan nasitomālena e kiau visena la punu ga e kiamiu sitomena lala.

<sup>27</sup> In na nevano, ana neligan sumārena sike amio amiu. Sumārena kiau nene pe sumāre nowo tai naþa yomarava nini taþatete la van amiu. Ve sanene na, ve akila re naþa sinemiu viowa manenea, a ve amaraun re sur lala. Amiu ve asitom manene re,

<sup>28</sup> kome monar ve sa ga naþa nepisa pa pan amiu rui, nesape in na neure konē wa, ana yoko neim si pun amiu. Pona amiu aloge viowa naþa nevano, ana visae sinemiu sii inu, popon amiu akekara manenea naþa nekilia neva sina puna ne Ata, naþa naga to laa metavan inu keviu paþisi.

<sup>29</sup> “Sur la punu ga nene pere wa, ana nanagane na nepisawal ruru pan amiu rui. Ana pogos naþa avisu imi mālivi torokin nena ga sa naþa nepisa, ana þisi na akilia alelaga ga sane nepe lelaga.

<sup>30</sup> “A nanagane, taþatete nevisa si sur ve moki van amiu, vanon þarin suþe naþa pe þarin suþen ke yomarava nini nagane na, pimin inu ke pa rui. Ana yaru nene, puriukawaena kiena pe torokin re taulu kiau puriukawaena poli,

<sup>31</sup> ana netañan inu ga e limana, monar nekila ga sur ya naþa Ata sinenan sape

nekila. Nekila sanene, vena yeririna na yomarava nini avisuluþaria sane sineu sii la.

“Poga, kana pog narui, tesumālu teva vanua.”

## 15

### *Yesu pe purþes nen kilka naþa lelaga*

<sup>1</sup> Ana e pog naþa memial mepano, Yesu pisa ke sina ga visena þas pan imimi. Naga pisape “In na nepe purþes nen kilkerep naþa lelaga, a Ata naga pe yar na visuaren lokove na kilika lala.

<sup>2</sup> Naga pisuar ruru ke korowasneu lala, visae visu korowas tai naþa þar re mras poli, naga telua, a visae visu tai naþa þar mrasa, yoko kilavan ruruia vena war si mras ve moki.

<sup>3</sup> Sur nene nekila pan amiu rui, naþa sane sur naþa kilavan ruru amiu, naga kiau visena la naþa nepisa ke pan amiu.

<sup>4</sup> Amiu na korowasneu lala, monar ayakolkol ruru amiu e inu, a in na neyakolkol ruru nemio amiu. Visae korowas nen kilka ve yakol ruru re amio purþesia, taþatete war mrasa, a maran taaga ga amio amiu, visae ve ayakolkol ruru re amio inu, yoko kiamiu malena taþatete nena war mras napo lala.

<sup>5</sup> “In na nepe purþes nen kilika, amiu na ape narin korowasneu lala. Naga naþa sikol e inu a nesikol e naga, naga ke naþa yoko kiena malena kilia war mras ve moki, vanon sa ve in re e amiu, taþatete nena akilia akila sur tai naþa po e marana ne Ntewa.

<sup>6</sup> Visae yar tai ve sikol re e inu, naga sane korowas tai naþa pimi mano pa rui, atelua awar akoven va e kapi, kapi kekania.

<sup>7</sup> Visae asu ruru mā e inu, a kiau visena to ruru mā e amiu, sur ya naþa sinemiun asape aviunia, akilia atolia.

<sup>8</sup> Popon amiu awar mras la ve moki e kiamiu malena lala, naga nene mesmesun kiau nalogena la asumā akila, a pe mrapa mēna nakilaen kia kiena ne Ata va manene laa metava.

<sup>9</sup> Ata sinena sii inu paþisi, ana vanon naþa sinena sii inu, inu mēna sineu sii amiu, ana popon amiu asikol ruru amiu e kiau nasinesiena nene.

<sup>10</sup> “Visae auarar ruru kiau navisaluena lala, akilia asumā loyurña e kiau nasinesiena nene, sa naþa in na nepuarar ruru ke pa rui navisaluena kiena ne Ata, nesike pa loyurña e kiena nasinesiena rui.

<sup>11</sup> “Ana sur la naþa nepisa ke pan amiu, nemla pan amiu vena kiau nakekarena sike amio amiu, kila pupia kekarena tai naþa po na po kilia sulue ga amio amiu silaga.

12 A kiau navisaluaena maro tai nalaen van amiu sanini, sane amiu monar sine-miu sisii amiu lue ga, sa naþa in na sineu si amiu ke ne.

13 Pe sinesiena re si tai poli naþa po taulu na sinesiena naþa yar tai tañan kiena malena, mare vena tamalia kiena erau tai.

14 Ana yoko in na nekilia nekila ve sa ga nene van amiu, vanon visae alelaga e kiau visena lala, yoko ave kiau erau la rui.

15 "Pe nepio amiu re sina nesape kam yar na yuñae kiauena ga lala poli, vanon yar na yuñaeena naga miyuñae ga, pe kilia ruru re navisaarena na yuñaeena kiena ne kiena suþe poli. Ana in na nepisu amiu ape kiau erau lala, vanon sur punu ga naþa nemloge Ata pisa pan inu, nepisawalia pimi merarava pan amiu.

16 Amiu pe apisa lologia in re poli asape nepe kiamiu, ana in na nepisa lologia amiu ape kiau, nepisirlar amiu vena ava awar mrasa e kiamiu malena lala, mras naþa sulue ga sike na rui. Ana pogos naþa ava ke sanene, sur ya naþa aviun e kiau kia van Ata nae ma peni, yoko naga la ga van amiu.

17 Na nene kiau navisaluaena van amiu naga sanini, sane amiu monar sinemiu sisii amiu."

*Lala naþa na yomarava nini yoko sinela kar nalogena kiena Yesu lala*

18 A Yesu pisape "Visae yoko avisu sane yaru na yomarava la naþa pe amlelaga re poli, sinela kar amiu, ve ailan manene re. Monar asitorñal mña naþa lala na yomarava nini sinela kar inu sumo rui, þisi na sinela kar mare amiu mña ga ne.

19 Visae amiu ave sa ga yeririna na yomarava nini, yoko akekaran amiu ga, ana in na nekilologia amiu pa rui nesape aure vetan malena na yomarava nini. Kam na pe maran taaga re si sane kiena yar la poli, kila sane sinela kar amiu narui.

20 Ana popon amiu asitorñal lue ga visena naþa nepisa pan amiu rui, naþa nesape yar na yuñaeena taþatete sukalawan kiena suþe. Visena nene kana kinasia sape sa ga naþa akila piowa ga akila karenu, yoko akila viowa akila kare amiu mña. Sa ga naþa la pe amlogear re kiau visena la poli, yoko ve alogear re mña kiamiu visena lala.

21 Pelaga viowa na sanene yoko akila van amiu vanon ga naþa amiu ape kiau, akila vanon pe akilia re naga naþa mligan inu nepitom tano.

22 "Visae ve neim nevisa meraravan re sur la nene e marala, yoko Ntewa visu sane lala pe akilaro re kiau visena poli. Ana

nanagane na, amloge kiau visena la punu ga rui, ana taþatete avisawan si visena tai e kiela naviowaena naþa akila þarnarera van Ntewa.

23 Lelaga, akila þarnarera pa Ntewa rui, vanon naþa apieluen inu, ana naga sa naþa apieluen mña Ata.

24 Visae ve kiau kile re la naþa apisu nekila, naþa pe yar re si tai naþa kilia kila, pona Ntewa yoko ve visa re sape naviowaena sike e la. Ana pere, apisu pa rui, ana pe amlelaga re ga poli, aþaryon nakilaen navielueena pan imimi lua Ata.

25 Sur nene mesmesun ga visena tai naþa Ntewa mligan teke e Nasiriena Wa, naþa sape

*'Sinela kar nu paþisi, ana peraga, pe panon re kiau naviowaena tai poli.'* *Yauena 35:19, 69:4*

26 "Ana nevisa van amiu, sane yoko neligan Ninuna na iilaena vetan Ata mava vitom mñalivn amiu, naþa pe Ninuna naþa molue e malena kiena ne Ntewa, naþa pe Ninuna na visawalen nalelagaena. Naga vitom visawal inu re laa van amiu sane,

27 ana siraunia, amiu mña monar avisawal manene inu va laa sane van yar taþena lala. Na nene komin naþa amiu la nene asu lue ga amio inu silaga siar e nasiarena kiau yuñaeena pimi tol nanagane."

## 16

1 Ana Yesu pis mña ke pan imimi kiena nalogena lala wa, sape "Visena la nene, nepisa ke pan amiu ve nauarar ruru amiuena, vena kiamiu viawaena ve lor re pogos tai.

2 "Pe lelaga, monar akilia asape kieta yerkawa lala yoko akoven plan amiu vetan kieta yuñae nalotena lala, ana yoko viowa laa sane van amiu vano-o tol pogos naþa sane sa awe moñar amiu, ana yoko la avisa asape nanene yuñaeena wo tai nene, ana akila vena Ntewa kekarania.

3 Yoko la akilia akila ve sanene van amiu, komin pimi tol nagane pe akilia ruru re Ata nae ma e peni poli wa, a pe akilia ruru in re mña poli.

4 Ana siraunia, pogos naþa avisu sur la ne imi kakate ke ve sanene van amiu, akilia asitorñal sina ga, ana yoko avisa asape 'Lelaga ga o, nanagane na tepisu sur la nene sa ga naþa Suþe pisa pan ita nanua sumo ne.' "

*Yesu pisa sape Ninuna Wa yoko iila la*

Ana Yesu pisape "Sur la nene pe nepisa re pan amiu sumo poli, komin e pogos nene nesike nemio amiu wa.

<sup>5</sup> Ana nepisa ga na wa van amiu komin yoko ve viavi re na, monar neligan amiu, neva sina puna ne naga naŋa sumo na mliganu nepitom. Nepisa lili n̄a sanene pan amiu rui, ana nepisu sane pe apiun manene re si lepas nene tan inu poli, asape nekom pe po neva e yo na sanape,

<sup>6</sup> vanon pogos naŋa nepisawal nesape monar neligan amiu sa nene, amloge piowagar paŋisi ne.

<sup>7</sup> Ana peraga, monar ve sa ga nene. Nepisa pe lelaga pan amiu, po manene laa pan amiu naŋa nevetan amiu, komin naŋa visae ve neva re, yoko Ninuna na illaena taŋatete imi, ana sa nevano, yoko neila naga vitamin amiu.

<sup>8</sup> Ana Ninuna nene, pogos naŋa vitam, kila pupia yuŋaena tai e yeririna na yomarava nini, kila la asitom kilia pupia sitomena ŋasia, tai e lepas na kiela mlamulena viowa, tai e lepas na kiau mesmesuena, a tai e lepas nalipereena kiena ne Ntewa pan la.

<sup>9</sup> “Na sumo, Ninuna nene yoko kila la avisu kilia sane purŋes nen kiela mlamulena viowa, naga kiela ŋelaga na yepela mavin vatanon inuena.

<sup>10</sup> “Nalua, Ninuna nene yoko kila la avisu kilia sane in na pe nekila re suri viowa tai poli, nemesmes nenaga. Inu netorokin naŋa nekilia neva si metava puna ne Ata, ana yoko ve alual inu re sina.

<sup>11</sup> “Natelu, Ninuna nene yoko kila avisu kilia sane Ntewa kilia lipere la, sa ga naŋa mligan ruru pa nalipereena kiena suŋe viowa naŋa pe ŋarun ke yomarava nini nanagane.

<sup>12</sup> “Sur la moki sike na wa naŋa nekilia nevisa van amiu, ana nepisu amiu amloge piowa sanene, taŋatete nevisawal van amiu nanagane.

<sup>13</sup> Ana pogaga, vanon sirau, pogos naŋa Ninuna na visawalen lelagaena vim pun amiu, yoko naga kilia sumon amiu, atol visena nalelagaena taŋena la nene. Visena na lelagaena la naŋa naga vian amiunia, taŋatete visa ga e kiena sitomena naga taaga, ana sur la naŋa loge ma e peni, naga ga nene visawal van amiu. Ana yoko kila sanene vano-o tol naŋa naga kilia vian amiu ruruia e lepas na sur la naŋa amolmolue e inu ve yam piavi re.

<sup>14-15</sup> Naurarena la punu ga naŋa kiena ne Ata, pe kiau n̄ena, ana Ninuna war kiau visena lelaga imi ligan ruru e kiamiu malena lala. E mrapa ne nanene yoko Ninuna naga kila mesmesun kiena yuŋaena, naŋa pe nayeluaren kiau kia.”

*Pupia kekarena nawasuŋeena kiena Yesu*

<sup>16</sup> Ana Yesu pisa n̄ena pan imimi, pisape “Ve yam viavi re na, yam ve plas ga, ana yoko ve avisunu re sina, ana yoko ve yam viavi re sina, akilia avisunu sina ga.”

<sup>17</sup> Ana imimi nalogena la memloge visena nene, mepisa lelein pan imimi mesape “Ita pe tekilia re nenaga sur la naŋa naga pisa ke ne. Nanua sumo ne, pisa ke sape wasuŋe sina va su si amio arimana ma e peni, ana nanagane na sape yam ve viavi re na, tevisu re si naga, ŋisi na yam ve viavi re na, tevisu sina ga.

<sup>18</sup> ?A narin aora naŋa pisa ke ne, kana kinasia yara? !Pe tetol re nena kiena sitomena poli!”

<sup>19</sup> Ana Yesu kilia sane sinemimin mesape meviun meraravan sur la nene tania, naga pisawal ŋesania, pisape “?Pona amiu apiuyun ke sina ga pan amiu e lepas nen kiau visena lala yo?”

<sup>20</sup> Pogaga, nevisa ve lelaga van amiu sanini, sane yoko amiu atagi, aloge viowagan ya naŋa yoko lala akila van inu, ana yoko yeririna taŋena lala na yomarava akekarania, aloge won vaŋisi. Yoko sinemiu la ulen naloge viowaena vano-o, ana ŋisi na, nemali sina ga vetan marena, ana avisu inu sina, a yoko kila kiamiu naloge viowaena nene vilonia imi ve nalogewoena.

<sup>21</sup> Naga sa ga pogos naŋa sira n̄eŋena, naŋa sa tol kana aora nena, n̄eŋena laea naga monar loge viowagania vano warlua. Ana pogos naŋa ŋar pa na, pe sitom̄al re si kiena naloge viowaena poli, ana naga pulen kekarena vanon kiena sisi tomtom naŋa paeme mare ga pimi yomarava.

<sup>22</sup> “Ana ŋisi na amiu ve sa ga nene narui. Nanagane na sinemiu la ulen nasineyeena keviu, ana sirauania in na nem̄alivin amiu si na, akilia akekara sina ga e pupia kekarena tai naŋa taŋatete yar tai lalua sina ga vetan amiu pogos tai.

<sup>23</sup> Ana e pogos naŋa neimi nem̄alivin amiu, pona amiu asitom asape popon sa aviun sur ve moki vetan inu, ana taŋatete ga, sur la nene pe naviunen re tan inu poli, akilia aviun mesmesun ga tan Ata ma e peni. Akilia aviun tania e ga e kiau kia, ana ŋisi na naga kilia taŋan van amiu.

<sup>24</sup> Pimi tol nanagane na, amiu pe apiun re sur e kiau kia poli, ana siar ga nanagane na, sa aviunia e kiau kia, ŋisi na atolia, ana kila sinemiu ulen kekarena.

<sup>25</sup> “Pimi tol nanagane na, nepisa ke sur la pan amiu e ga e ŋakaiwa, ana aora pimi ke narui naŋa ve nevisawan re si van amiu, nevisayu Ata ma e peni van amiu, nevisa plan meraravan sur punu ga van amiu.

<sup>26</sup> Ana e pogos nene, ve in re ga naŋa neviun ke sur lala van Ata vanon amiu,

ana amiu ga akilia aviun mesmesun vania e kiau kia.

<sup>27</sup> Amiu akilia aviun mesmesun ga vania, vanon naga pisu amiu ke naŋa sinemiu sii inu, naga kilia ke naŋa amlelaga e inu sane nepetan ma puna nepitom tano e yomarava nini. Suri nene kila sinena sii amiu paŋisi, kekaran ga na yagoganen kiamiu naviunena lala.

<sup>28</sup> “Ana e lepas na lele naŋa nepa ke ea, nekilia nevisa ga sa naŋa nepisa ga ŋisi ne, sa naŋa nepetan ma puna ne Ata nepitom e yomarava nini, ana ŋisi na nevetan si yomarava nini, nowasuŋe si ma uŋa puna.”

<sup>29</sup> Ana mepisatamŋea, mesape “! Suŋe, nanagane na ve ovisawan re si kioŋa visena e ŋakaiwa lala! Pogos naŋa opisa meraravan sur la sanene mepisu po paŋisi.

<sup>30</sup> Memloge kioŋa visena lala, mepisu kilia sane ko na okilia sur punu ga, pe kiamimi naviunena re si naviunena tan ko poli. Lelaga, nanagane na memlelaga mŋarera sane pe lelaga, ko na opetan Ntewa opitom e yo nini.”

<sup>31</sup> Ana Yesu pisatamŋe la, sape “Ana yo. Pona amlelaga e inu pe lelaga?”

<sup>32</sup> Popon alelaga mŋarera, vanon aora naŋa nepisa ke ne, pimi ke narui, ana visae pere, pimi pa yo rui. E pogos nene, amemene amiu aliureure amiu, po amiu awasuŋe amiu veve taaga sina e mŋamiu uŋa lala, taŋatete tai sike si amio inu, yoko inu ga taaga nesike. Ana nanene naga pogaga pan inu, vanon nekilia sane inu, pe in ga taaga re nesike poli, ana Ata na amio inu lue ga.

<sup>33</sup> Nepisa sanene pan amiu vena ve sine-miu kurkur re, a vena ve aloge re viowa. Pe lelaga naŋa kiamiu malena e yomarava nini, ulen ga naloge viowaena amio pog mŋarera, ana in na netaulu pa naviowaena na yomarava nini rui. E kiamiu malena la e inu, yoko alual luen ga suŋarena wo.”

## 17

### *Pupia leniena kiena ne Yesu*

<sup>1</sup> Ana pogos naŋa Yesu pisa pa visena la nene, sape len va arimana. Kira pa metava ma e peni, sipape “Ata, nekilia sane nanagane na kiau pog na loge viowaena pimi narui. Awis, ovisuar inu naruŋa, vena kiau kia ve vito re tano, ana va metava, yoko inu mŋena ga nekilia nevisirlua kioŋa kia va metava.

<sup>2</sup> Nemlelaga sane ko na okila sanene, vanon omia pupia puriukawaena pan inu rui, vena neve suŋen yeririna punu ga.

Ana otamŋan pan inu osape la naŋa om-ligan la e limau, yoko nekilia netamŋan malena naŋa ve uro re pogos tai van la.

<sup>3</sup> Ana mrapa na malena naŋa ve uro re pogos tai naga sanini, naŋa akilia ko, naŋa ope Ntewa taaga ga naŋa pe lelaga, amio mŋena inu Yesu Kristo naŋa om-ligan inu nepitom.

<sup>4</sup> In na nemligan ko nepitomin naki-laen kioŋa kia ve keviu e yomarava nini, ana nemiyumŋaen mŋa sur nene pano-o ŋisi, naŋa lavis netaulu yuŋaena la naŋa sinomŋan osape nekila.

<sup>5</sup> Ana Ata, sineun nesape neviun sane sa nevaŋasu nesumŋalu si e maramŋa, oliganu sina nemio ko ita lua teve suŋen si naurarena nae ma e peni sa naŋa tekila nanua pogos naŋa tesii yomarava nini.”

### *Yesu mlenwo kiena nalogenala*

<sup>6</sup> Ana Yesu mlen mŋa, sape “Ata, e lepas na lala na yomarava nini naŋa ko okiologia la ape kioŋa, ko na otamŋan la panu, om-ligan la e lumŋau, ana nekilia nevisa van ko nesape in na nepisayu ko pan la rui. Ana nanagane apuarar ke kioŋa Visena Wa mŋarera.

<sup>7</sup> “Lala apisuluŋar pa rui sane sur wo punu ga naŋa sike e inu, ape sane kioŋa nalaena lala pan inu,

<sup>8</sup> vanon kioŋa visena la naŋa oŋar pan inu, nepisalelein pan la, ana la atol punu pa rui, kila sane amlelaga mŋarera asape in na nomolue pun ko nepitom, ko na omillanu.

<sup>9</sup> “Nemlen pan ko nanagane, nomon nalenwoen yeririna punu ga na yomarava wetelu veraga ga, ana nesape nelenwo manene laa lala naŋa otamŋan pan inu, komin apimi ape kioŋa rui.

<sup>10</sup> La punu ga naŋa ape kiau, ape kioŋa, a la punu ga naŋa ape kioŋa, ape kiau, a lala naŋa otamŋan la pan inu, ape purŋes nen kiau naurarena.

<sup>11</sup> “Ana nanagane na pimi tol pog naŋa nevaŋas si pun ko, naŋa sane ve nesu re si e yomarava nini, ana kieta yeririna la nene asuŋara ga. Ve sanene, Ata Wa, awis ovisuar la naŋa otamŋan la pan inu, ouarar ruru la loyumŋa e mratava pun ita, vena akilia aim ave taaga, sa naŋa ita lua tepe taaga.

<sup>12</sup> Pogos naŋa nesumŋa nemio la, nepisuar ruru la, nepuar ruru la vatanon kioŋa kia. Nepisuar la pano-o la punu ga asu ruru mŋa amio inu, taaga ga naŋa monar vetan inu, sa ga naŋa Nasiriena Wa pisawalia, nane yar naŋa pe sisi nakovioena.

<sup>13</sup> “Lavisu ga nowasuŋe puŋa narui, ana nesape nevisa plan visena la nene pogos

naña nesike e yomarava nini wa, vena kilaen sane pupia kekarena naña teke e inu nanagane yoko kilia imi ve keviu mēna van li taḡena la nene.

<sup>14</sup> In na nemla kioḡa visena pan la rui, ana pogos naña yeririna taḡena la na yomarava nini apisu la, sinela karla paḡisi. Nanene komin apim sane pe ape na yomarava re si po laa rui, sa naña in na pe nepe nae re yomarava poli.

<sup>15</sup> Ana nemlenin la pan ko, pe nepiun re nesape oure plan la vetan yomarava, nepiun nesape pogos naña asike yomarava wa, ko na yoko ovisuar ruru la, vena yar viowa nene ve kila kare la re.

<sup>16</sup> Awis ovisuar ruru la, komin la na sa ga inu, imimi mepe wolawa ga lala na yomarava nini.

<sup>17</sup> Nemlen mēna sane ovian kioḡa visena na lelagaena van la, vena yawawo kiela malena lala aim ave wa, ave kioḡa ga ko ga taaga.

<sup>18</sup> Nemlen wo la sanene, komin sa ga naña ko na onliganu nepim e yomarava nini, ḡisi na in mēna nemligan la ke avava sanene ea.

<sup>19</sup> Nemiawawo kiau malena wetelu pan ko vanon la, vena ḡisi na lala mēna ayawawo kiela malena lala van ko ve lelaga.”

*Yesu mlenwo li nalelagaena lala*

<sup>20</sup> Ana Yesu mlen mā, pisape “Ata, nemlen ke pan ko, pe nemlen wo re ga la nene poli, nemlen wo mēna lala taḡena naña alelaga e inu vanon kiela visena la naña pisayu inu.

<sup>21</sup> Nemie awis pan ko Ata, sane la punu ga nene aim ave taaga, maran taaga sane ita lua. Ko, ko na e inu, a inu na e ko, ana lala mēna monar e ita, vena yomarava wetelu kilia lelaga sape in na nemolue puḡa, ko na omiilanu nepitom tano.

<sup>22</sup> Pupia naurarena naña omla pan inu, nemla pan la, ḡisi na lala akilia aim ave taaga, sa naña ita lua tepe taaga.

<sup>23</sup> Ko na e inu, a in na e la, ḡisi na akilia aim ave taaga e sur la punu ga, ana pogos naña yeririna na yomarava la avisuia, akilia sane pe lelaga ga, ko ga naña onliganu nepitom, akilia sane sinerḡa sii la keviu sa naña sinerḡa sii inu.

<sup>24</sup> “Nanagane Ata, nepis maro sanene, sineun paḡisi nesape la naña otarḡan panu, yoko sirau akilia amio inu ma e leleta. Sineun nesape amionu vena akilia avisuveve pupia kiau naurarena nene, naña ko na omla panu nanua sumo e nasiiena na yomarava nini, vanon ko na sinerḡa sii inu paḡisi.

<sup>25</sup> Ata, ko na ope wa a omesmes, ana yeririna taḡena la na yomarava nini pe

akilia ko re poli, ana in na nekilia ruru ko lue ga. Nekila sane nanagane na kiau nalogena lala akilia sane in na nepetan ko, ko na onligan inu nepimi.

<sup>26</sup> In na nekila sane nanagane na, lala moki akilia ruru kioḡa ḡelaga wo rui, ana yoko nekila va laa sane na wa, vena pupia sinesiena naña sinerḡa sii inu ea kilia sike e la, a vena inu mēna nemio la lue ga.”

Ana leniena kiena Yesu pan arimana maro ga e nene.

## 18

*Atarar Yesu m̄arera*

*Matiu 26:47-56; Mak 14:43-50; Luk 22:47-53*

<sup>1</sup> Yesu pisa plan visena la nene, mlen pae na, ḡisi na surḡalu sumon imimi nalogena la mepetan si Yerusalem, memial ga kolemalo mepito tano e ḡalu naña Kitaron lepas na vano. Memial mepa metol narin los nen purolip lala naña Yesu pa lue ga ea yam moki mā rui, ana mesu li mā yam plas ga ea.

<sup>2</sup> Lele nene na, Yutas taveve imimi memio Yesu mesuḡa mepa ke ea nene yam moki rui, a naga kilia sape e pogos nene, imimi memio Yesu mesike e nene yo. Sanene na e pogos nene, naga pa pa sumo narui pisawal Yesu pan yar keviu la, ana la amiila kiela yar ḡasia asiraunia, ana naga sumon la apim e lele nene vanon Yesu.

<sup>3</sup> La naña yerkawa kiena ne yar wa lala amio Varasi la amiila la, la nanene na ḡegas na mara nae Rom tai, amio ḡegas na yar na kiravawoen Yurḡa Wa lala. Ana amial ke apimi amio kapi vivaga lala, amio kiela sur na mara lala.

<sup>4</sup> Apimi asape atarar Yesu, ana naga kilia ruru pa ḡisi rui sur la naña yoko vim katenia, a pogos naña pisu la pe milan re poli, pa ga naña pitawe la, pis pan la, piunia sape “?E, amiu akale ke ai?”

<sup>5</sup> Ana la naña asurḡal ga asurḡa amio Yutas, yar na wilwilinwanen Yesu, ana apisatarḡe, asape “Imimi makale ke yar naña Yesu, nae Nasaret.”

Yesu pisatarḡe la, pisape “Naga naña apisa ke ne, in ke narui.”

<sup>6</sup> Ana pogos naña Yesu pisa visena nene pan la, amilania naña kila la apuresula veraga, amloloru kar ga lala e porotano.

<sup>7</sup> Ana yam si tai Yesu piun ke sina ga tan la, sape “?Amiu avisalī sina ga, akale ke ai?”

Pisi na apisa ke sina ga, asape “Makale ke Yesu naña nae Nasaret.”

<sup>8</sup> Ana Yesu pisape “Sa naña nepisa pa rui, in ke nanini narui. Ana visae amiu apimin inu ga taaga, popon atarḡan kiau la taḡena nini akilia ava ga sanene, ve atol la re.”



<sup>9</sup> Naga pisa sanene pan la, kila kiena visena tai pimi pe lelaga, naþa pisa lua mare ga e kiena leniena pan arimana, naþa pisa sanini, sape "E la naþa otamian pan inu, pe nekila pal re tai poli."

<sup>10</sup> Asumã ga sanene, ana memilan ga naþa Saemon Pita þarlua kiena playu na mara, mligan mñene þarin yar tai kiena þarin yar wa lala, ana tetereria ga, telua kiligan yar nene lepas na þamarua. Yaru nene kiena kia Malkus.

<sup>11</sup> Ana Yesu pisa pa Pita, pisape "Pita, osuan ruru si kionia playu vito si e kana pias nen paos nena. ?Sanape, pe sinonian re nowar ro e pog mñarera na loge viowaena naþa Ata nae ma e peni mla pan inu? Peraga, monar nowar ro e naþa!"

<sup>12</sup> Yesu pisa sa nene, þisi na yar na mara la, amio kiela na sumonena, amio nakiravawoena la na Yumã Wa, apim atarar Yesu, apiar ruru limana luwoka, aþure apano.

*Aþure Yesu pa e yo kiena Parin Yaru Wa*

<sup>13</sup> Ana aþure Yesu pano, apa atol kove kiena ne Parin Yaru Wa, ana suri na sumo naþa akila, aþure Yesu pa tol yo puna ne yermarua nene Anas. Anas nene naþa sumo na naga pe Parin Yaru Wa, ana naga sike e yo nene wa amio Parin Yaru Wa viu, komin Parin Yaru Wa viu nene naga talopa amio narina naþa sira.

<sup>14</sup> Yaru nene kiena kia Kaeþas, a naga naþa nanua sumo, pisawal mrapa tai pan li nasumonena kiena le Yu lala. Naga sape visae avisu sane monar awemiar yar ve taaga vena tamaliaen malena kiena yeririna la ve moki, naga kilia tamian van la vena akila ve sanene na woga ga.

*Navisawan þesanena kiena ne Pita e Yesu*

*Matiu 26:69-70; Mak 14:66-68; Luk 22:55-57*

<sup>15</sup> Sanene na aþure Yesu apa e lepas naþa Anas sike ea, ana e pogos nene, imimi lua Saemon Pita mesiraun la. Inu nemio yermarua Parin Yar Wa na sumo nene, imimi lua mepe erau, þisi na atamian inu nepa loyumã siraun Yesu, ana apisaluþar Pita asape taþatete imi loyumã.

<sup>16</sup> Asape naga monar sumãlu ga sumã e mratava vanua, ana pogos naþa nepisu sanene, neþasuþe si nepa nepis pan sira mñee na yumãena kiena yar keviu nene tai, naþa sumãl sike e mratava. Pisi na sira nene tamian sape nekilia noure mñena Pita imi loyumã.

<sup>17</sup> Ana pogos naþa Pita pimi ke loyumã, sira naþa pisia ana piun tania, sape "Ana

ko mñena nalogena tai kiena ne yar nene, ne?"

Pita mloge, þisi na miila, pisatamñe kotalia ga, sape "E, peraga."

<sup>18</sup> Pisi na Pita pisa yar na yumãena la amio nakiravawoen lala akila kap tai na kilamemego, asumãl asuvivia ategania, ana naga pa lavisin la, naga mñena tegania.

*Parin Yar Wa na sumo nene Anas piun naviunena la pa Yesu*

*Matiu 26:59-66; Mak 14:56-64; Luk 22:66-71*

<sup>19</sup> Amligan Yesu sumãl e marana ne yermarua Parin Yar Wa na sumo nene Anas, ana naga piun sur la moki petania. Naga piun tan Yesu sanape e nalogena la naþa amlelaga ke e naga, a piun mñena e lepas navianena la naþa pianlania.

<sup>20</sup> Ana Yesu pe pisa re sur mok pan poli, ana pisa ruru ga pania sape "Sur la naþa nepian la ke ea, in na pe nekila vinaun re poli, ana nepisa plan ke ga e yometava merarava pan yeririna punu ga. Nepian lue ga kieta le Yu lala e yumã na lotuena, pona e Yumã Wa, ana lala moki amiyagogan inu silaga.

<sup>21</sup> ?Ve sanene na, komin ya ne opiun tan inu, osape nepian la sanape? Visae sinonian osape okilia, popon oviun tan la naþa amiyagogan inu lue ga. Lala akilia ruru ga ne."

<sup>22</sup> Ana pogos naþa Yesu pisa visena nene, yar na kiravawoen tai naþa sumãl mñe lavis puna, mloge sane Yesu pisa kare ke yerikawa nene, þisi na mlipa Yesu, pis pania, sape "Ei, ositom osape po ne opisatamñe kieta yar wa e visena na sanene? ! Ovisuar ko!"

<sup>23</sup> Pisi na Yesu pisatamñe pania, pisape "Ositomveve ruru li kiau visena. Visae nepisokan, popon ovisawal e maran yeririna la nene, okilia ovisave nepisokan sanape. Ana visae pe nepisa re sur tai naþa piowa poli, vanon ya ne omlipa inu?"

<sup>24</sup> Ana þisin nanene aþure Yesu, naþa limana la apiar ruru ga sike ga wa, amligan lepas nene puna ne yermarua Anas, aþure apa e kumali kiena Parin Yaru Wa Kaeþas, vena naga kila kotena vania.

*Navisawanen na lua kiena Pita pa kiena Suþe*

*Matiu 26:71-75; Mak 14:69-72; Luk 22:58-62*

<sup>25</sup> Ana Saemon Pita sumãl sumã amio la naþa asike atega ke kapi wa, ana la apisu kilia li mñe naga, apiun asape "Sanape, pona ko mñena ope nalogena kiena ne yaru nene tai?"

Ana naga pisawoia, sape "Peraga, in na pe nepe kiena re poli."

<sup>26</sup> Pita pisatame sanene, ana lala yar tai naña asuñal asike ne, naga pe yar tai na yuñae kiena ne Parin Yar Wa, naña naga pe namratava tai puna ne naga naña Pita telua kiligana kompasa. Ana naga mareran manene laa sane naviunen si tan Pita, sape "Ko na pe ope kiena re poli yo, ana in na nesitom sane nepisu ko amio naga gare pun purolip la rui?"

<sup>27</sup> Ana Pita pialuñar marera sina, piro yam telun narui sape pe kilia re Yesu poli, ana e nena e aora nene, amloge lakaporo kokoreko.

*Apure Yesu pa suñalu e marana ne yerkawa nae Rom nene, Paelat*

*Matiu 27:1-2,11-14; Mak 15:1-5; Luk 23:1-5*

<sup>28</sup> Ana kolulag wa ke ga wa, pe yomerarava ruru re poli wa, ana Kaepas pisi pa Yesu pano pisi, ana apure si naga apetan yo nene, apa e pulkumali kiena ne Paelat, pupia yar keviu nene naña le Rom la apisirlua naga suñalu ve suñen purvanua kiena ne le Yu lala.

Ana pogos naña apim lavisin kiena pulkumali, nasumonena kiena ne le Yu lala asitomñal asape amlon yuñae nene, sane visae ava loyuma ea pisi na kila la aim sane ve ayekiki re sina e marana ne Ntewa, tañatete ayakol e kinanena na Pañagena na Sitomñalen na Tamaliaena. Sanene, vanon sur nene, apure Yesu apim asuñalu ga asu vanua, pe apa re loyuma poli.

<sup>29</sup> Pisi na apisawal pan Paelat, ana naga pimi pisu la vanua, piun tan la, sape "Pogaga, ana amiu avisawal li sane yaru nene kila ya ne piowa, nane apure pimi suñal sike e marau kolulag wa ke sanene."

<sup>30</sup> Ana apisatamea, asape "Yerkawa, mekilia mevisa van ko sane yar nene, pe yar na kilaen ve woweena pisa! Visae peraga na, tañatete moure imi pun ko."

<sup>31</sup> Ana Paelat pisape "Visae sanene, amiu ga akilia ava ala nakoena ya naña mesmesun kiamiu navisaluena vania."

Ana nasumonena kiena le Yu la apisa pania, asape "E kiamimi navisaluena, mekilia melipere naga sape akove monñar naga, ana nanagane na navisaluena nae Rom pisawo imimi sina, sape ve mekila re ve sanene. Ko ga taaga, yar keviu kiena ne ñarin suñe na e Rom, okilia okila, okilia otamñan osape ala nakoena na marena vania ma e laki torovia."

<sup>32</sup> Ana pogos naña apisa visena nene pa Paelat, la amninue ga, ana la akila ke visena kiena Yesu tai nanua sumo pimi

pe lelaga. Nanene komin naga pisawal pa kiena marena rui, pisayu ruru mesmesun nena ya naña le Rom la akila ke, naña aware yaru pa e laki torovia.

<sup>33</sup> Ana Paelat sinenan sape vis towe re amio Yesu lalua ga, pa si loyuma e kiena kumali, pio Yesu sape va puna. A lala akila Yesu pa loyuma, Paelat piun petania, sape "Sineun nesape ovisa ruru van inu. Ko na Parin Suñe kiena le Yu la lelaga, po pere?"

<sup>34</sup> Ana Yesu pe pisatame mesmes re pan poli, ana naga pisatamea e naviunena tai, sape "Kiomia naviunena nene, opiun ruru ga ne, pona opiun ke pan inu vanon ya naña omloge lala tañena nene apisalele kare in ke ea?"

<sup>35</sup> Pisi na Paelat pisatamea, pisape "Aulai, nemninue ga amiu le Yu lala, in na pe amiu re tai poli. Nekilia ga sane kiamiu yeririna lala amio yar keviu kiena kiamiu yar wa lala, apure ko opimi vena nelipere ko. Sanene na, nesape nekilia ga nesape omiyumaen ya ne naña la apisu pe mesmesu re poli?"

<sup>36</sup> Ana Yesu pisatamea, sape "Sinelan asape oliñere inu, vanon la pe sinelan re neve suñe la poli. Ana kiau nasuñenena pe sa re nasuñenena na yomarava nini poli. Kiau yeririna lala pe akila re mara amio la naña apimi atararu rui, vena ve neva re e limana ne kiamimi li kawa le Yu la. Imimi pe mepe yaru na kilaen re mara sanene poli, vanon kiau nasuñenena pe pe na yomarava re nini poli."

<sup>37</sup> Ana Paelat pis pania, pisape "A, ana nemloge opisayu ke kiomia nasuñenena, sane ko na ope ñarin suñe pa tai rui, po peraga?"

Ana Yesu pisape "Nagane e! Otol ruru pa pisi ne, sane opisa ne. In na nepim e yomarava nini, nepaeme ea, vanon sur ga nene, a nepimi vena nevisawal sur na lelaga lala van kiena yeririna lala. Yar naña suñalu se e lepas na lelagaena, yoko yagagon ruru kiau visena lala."

<sup>38</sup> Pisi na Paelat piun ke sina ga petania, sape "Ana ane kilia, nalelagaena naga ya ne?"

*Paelat sinenan sape tamñan ga Yesu va si sanene*

*Matiu 27:15-31; Mak 15:6-20; Luk 23:13-25*

Ana pogos naña Paelat pisa pa visena nene, suñalu pa sina ga vanua, pisawal pan le Yu la naña asuñalu asike vanua, sape "Yar nañane, nepisuveve pa naga rui, pe nemñal re nenaga narin sur tai piowa teke e naga. Popon sane naga va sina ga ve sa ga nene.

<sup>39</sup> Ana visae amiu asitomāl ke e kas punu ga, e pāpāgena la nene, nepure ke amiu yar tai naḡa sike e yuḡa nakoarena, netamān naga imi si pun amiu ve sa ga nene. Ana nepisu sane e kas nini na, popon sa netamān yar nene, kiamiu Parin Suḡe amiu le Yu lala, iḡasu pun amiu sa ga nene."

<sup>40</sup> Naga pisa sanene, ana la pe akekaran re poli, apion mārera, asape "Pere, peraga, pe sinemimin re yaru nene poli. Otamān taḡena nene Panaḡas imi van imimi sina." Panaḡas nene naḡa asape, naga pe le Yu tai naḡa sumo naga pepeyu pa le Rom lala.

## 19

### *Paelat tamān sape awe Yesu*

<sup>1</sup> Ana Paelat sitom ke sape kila Yesu molue sina ga, ana yerkawa kiena ne le Yu lala amāreran naḡa apisalupāria. Ana Paelat sinenan sape kila suri tai naḡa akekaran naga vanonia, ana pisape kiena yar na mara lala awe li naga sumo wa.

<sup>2</sup> Pisi na yaru na mara la aḡure naga pano, aḡar nonos nen kilsirili, aḡan ruruia, amiyen te pārina, sane karo na pārin yar keviu tai. Ana aḡar pupia kulkota wo tai naḡa memaena sane kulkota māna ne pārin suḡe, amiyen ea.

<sup>3</sup> Ana la peve taaga apivim ke lavisinia, apisa kare ke naga, asape "I Parin suḡe kiena le Yu lala, o! Mepatanon ko!" Apisa visena nene pania, amlilipa ke marana.

<sup>4</sup> Ana siraunia, Paelat pa sina molue puna li kerkeviu kiena le Yu la naḡa asuḡal asike vanua wa, pisawal pan la, sape "Pogaga, nanagane na sineun nesape amiu avisuluḡar naḡa nemāl re sane yar nene, pe naviowaena tai to re e naga poli, ana nanagane neligan si iḡasu van amiu."

<sup>5</sup> Naga pisa pa sanene, ḡisi na Yesu pimi vanua, suḡalu se marala, pārar karo na nonos nen kilsirili e pārina, amio kulkota naḡa amiyen ea. Ana Paelat pisa pan le Yu la, sape "I Nagane, kiamiu yerkawa ne nanene!"

<sup>6</sup> Ana li kawa kiena ne yar wa lala, amio li nakirawoena lala na Yuḡa Wa, pogos naḡa apisuluḡar sur naḡa Paelat sape kila, pe akekaran re nena poli, apion ke, asape "I Awear mare e lak torovia! Awear mare e lak torovia!"

Ana Paelat taḡatete taulu la narui, ḡisi na tamān ga, sape "Pogaga, e nakiravaena kiau, yar nene pe kila re nena napiowaena tai poli, ana visae amiu sinemiunia, amiu ga aure naga, ava awarear naga e lak torovia."

<sup>7</sup> Ana pogos naḡa amloge, pe akekara re poli, asape "Peraga yo! Okilia rui osape taḡatete mekila ve sanene. Ana lelaga,

popon yar nene mare, vanon naga kilaro kiamimi navisaluaena. Naga miyeluar ke naga pa lue ga metava, sape naga pe narina ne Ntewa. Ana ko ga narui okilia okila mare."

<sup>8</sup> Ana pogos naḡa Paelat mloge visena nene, pupia marauena tai pan si naga, sitomveve ke sina ga sape Yesu naga pe yar na sanape,

<sup>9</sup> ḡisi na pa si loyuḡa e kiena kumali, pisape Yesu imi, piun tania, sape "I? Ko, kioḡa yo wawa nape?"

Naga piunia, ana Yesu pis re poli, pe pisa re sur tai pan poli.

<sup>10</sup> Pisi na Paelat sape "Ei, ve ovis re sanene, ko ga okila kare ko ke si ne. Popon ovisa sur tai van inu, vanon in ke narui, teke e inu nakilaen sur ya naḡa sineun nesape nekila van ko. Visae sineun nesape omolue sina ga ve sanene, nekilia nekila, pona visae sineun nesape omare e laki torovia, nekilia nekila. I? Ko okilia mā sur nene yo?"

<sup>11</sup> Ana Yesu naga pis narui, pisa-tamēa, sape "I? Pona sanene yo, ana a ne tamān sur nene pan ko sape okila ve sanene? Visae Yar Keviu na mava ve tamān re van ko, ko na taḡatete okila sur tai van inu. Visae ovisa osape nemare, na nene kioḡa napiowaena tai narui, ana naga naḡa mligan inu e lumoḡa, naga kila piowa manene laa, nanene kiena pupia mlamulena viowa tai nene."

<sup>12</sup> Ana pogos naḡa Paelat mloge Yesu pis sanene, naga pāryo māreran ke sinenan sape ligan Yesu va sina ga, ana li kawa lala kiena le Yu la apion sina ga, asape "Yar nene miyeluar ke naga pa metava, sape pe pārin suḡe tai, sinenan sape kila naga to metavan kioḡa yerkawa nene Parin Suḡe Sisa. Sanene na, visae ko oligan va ga sanene, okila ke yuḡaena tai naḡa ḡisi na Sisa ve kekaran re, yoko kovenlua ko e kioḡa yuḡaena nene."

<sup>13</sup> Apisa sanene, kila Paelat kiena sitomēna peve lua sina ga, ḡisi na kila aḡure Yesu molue pulkumali pimi vanua. A ḡisi na pa totano metava e kiena lele na nalipereena, naḡa apio asape Kilavaru Yotop, naḡa le Yu la apio asape Kapata.

<sup>14</sup> Ana e pogos nene, pimi tol kolpae rui, nanene e legiena na kilaruruen sur punu ga na legiena na peni naḡa pe pupia legiena na Paḡagena na Sitomālen na Tamaliaena.

Ana Paelat totano ke pa metava rui, kiar Yesu e marana ne yerkawa kiena ne le Yu lala naḡa asuḡal asike tano ne, sape "I Naga ke narui, pe pupia kiamiu pārin suḡe!"

<sup>15</sup> Ana la amon ga, amãmagawoia keviu, asape "¡Aurelua vano! ¡Asuar metava e lak torovia, aweñaria!"

Pisi na Paelat pisatamẽ pan la, sape "¡Ke! ?Sanape, amiũ sinemiun asape nekila aweñar kiamiu ñarin supe nene?"

Pisi na li kawa kiena yar wa lala apisatamẽa, asape "? Ane pisa sape naga pe kiamimi ñarin supe? Yar keviu Sisa naga taaga pe kiamimi ñarin supe."

<sup>16</sup> Pogos naña Paelat pisu amãrera laa sanene, ñisi na naga tamãan ga Yesu pan la narui, mligan naga e limala vena asuar e laki torovia, sa ga naña la sinelania.

*Asuar Yesu e lak torovia*

*Matiu 27:32-50; Mak 15:21-37; Luk 23:26-46*

<sup>17</sup> Paelat mligan Yesu e limala, ñisi na aþurelua naga pano. Pogos naña apa ke narui, akila naña Yesu kus ke sina ga kiena lak torovia, ana la asumonia apa atol narin kunus naña kana kilavaru ne sane puriu na ñarin yaru, naña apio e visena nae Epru, Kolkota.

<sup>18</sup> E yo ne nanene narui asuar Yesu e laki torovia, amio mēna yar la lua, tai e lepas komþasia, a tai e lepas komþasia, a naga mon ga likan lalua.

<sup>19</sup> Ana visena kiena Paelat tai, naga sape yoko asiria visena tai, asuar e lak torovia metavan ñar Yesu, naña sape "Yesu nae Nasaret, Parin Supe kiena ne le Yu lala."

<sup>20</sup> Visena nene asiri e visena la telu, Epru naña kiena le Yu lala, Latin kiena le Rom lala, a Krik kiena le Kris lala, añear mon metava e lak torovia kiena Yesu. Yo naña lak torovia nene sike ea, lavisin ga pulkumali, ana yeririna la naña amial ke aþaro e yo nene apisu visena nene apuloia.

<sup>21</sup> Ana yar keviu kiena yar wa kiena ne le Yu lala pe akekarãan re visena nene poli. Apisawal pa Paelat, asape "Yerkawa, ko na opisa osape asiri sanene sape 'Parin Supe kiena le Yu lala,' ko opisa pe mesmes manene re poli. Sinemimin mesape avilopu sina, asiri ve sanini, avisave 'Nanene, pisa sape naga pe Parin Supe kiena le Yu lala.' "

<sup>22</sup> Ana Paelat pe sinenan re poli, sinenan sape toña ga ve sa naña pisa, ñisi na pisa mesmes ga pan la, sape "Sur naña nesiria, nesiri pa narui."

*Yar na mara la amliureure kulmrae m̃ana ne Yesu e la*

<sup>23</sup> Li na mara la añear Yesu amio la lua nene e kiela laki torovia lala, ñisi na apa ruru la. Yar na mara la nene la vari, ana aþarar kulmrae m̃ana ne Yesu, apisayuia, asape aliureure e la þegas ve vari, tai kiena yar tai, tai kiena yar tai, sanene. Amliureure m̃a sanene pano-o, tol pupia

kulkota m̃ana ne Yesu, ana amon vitol wowaena e lepas ve vari, vanon kulkota nene pe kana lele na yakolen re poli, amiyuñãen ga e pupia kinas nen kulmrae taaga.

<sup>24</sup> Vanon sanene, apisasa si pan la, asape "Piowa naña tevitól kare kulkota nene, yoko telili ga m̃apilania."

Ana la amninue ga, akila ke ga mesmesun visena na yauena tai e Tus na Yauena Wa Lala na susumo rui. Visena nene pisa sanini, sape

*"Amliureure m̃au kulmrae lala e la, amliũ m̃apila vanon m̃au kulkota." Yauena 22:18*

Visena nene pisa sanene, mesmesun ga ya naña li na mara la akila.

*Yesu pis pa anena*

<sup>25</sup> Yesu tamalele m̃eke pa metava e kiena laki torovia sanene, ana e la naña asuñial asike lavisin apisu ke e pogos nene, sira la vari. La nene, anena Yesu, amio anena na ve tokak tai, amio Maria naña wona na yermene kiena kia Klopas, amio Maria nae Maktala.

<sup>26</sup> Ana Yesu kira pito tano, pisu anena, pisu inu m̃ena, naña sane imimi lua mepe puruvi, nesuñial nesike lavisinia, ana pisayu inu pan anena, sape "Sira marua, naga nene na pe naruñia narui."

<sup>27</sup> A pis m̃ena pan inu, sape "Naga nene pe anomã narui."

Ana siar e pogos nene nepure sira marua nene pam momalio ke unã m̃au, nepisuar ruru naga sane pe aneu.

*Yesu mare*

<sup>28</sup> Yesu mloge ke piowa metava e lak torovia pano-o pisuluþar sane kiena yuñãena punu ga ñisi narui, ñisi na pi-sawalia sape "In na moto karnu." Nanene pe kiena visena si tai naña pisa ana kila visena tai na Tus na Yauena Wa Lala pimi pe lelaga.

<sup>29</sup> Ana pogos naña amloge sape moto karia, amla lumlum, aputon e m̃ala kuruta na munen tai naña m̃eke e pialo tai, amiyurar e laki tai, akian pa metava tol gona ne Yesu.

<sup>30</sup> Akian pae, ana kuruta na munena nene kee pa gona ñisi, ana pisawal visena tai, sape "Pisi narui." Ana pogos naña pisa pae visena nene, telan þarina pito tano, tamãan ninuna pano, pure maron kiena yalua, mare.

*Amiyurþe mranãanena ne Yesu*

<sup>31</sup> Pogos naña Yesu mare, naga kolpae e legiena na kilaruruen sur punu ga na Paþagena na Sitoñalen na Tamaliãena. Sanene, legiena na peni, naga pe pupia legiena na þaþagena nene, ana e legiena

nene, tařatete atol tas nen yar mare. Nanene kila sane yar keviu kiena le Yu lala sinelan asape monar akus plan tas nen la telu nene sumon nařa mrae vato tano. Ana amaraun mřena asape sa řisi la telu nene pe amare ruru re poli wa, řisi na amligan visena pa puna ne Paelat, apiunia asape aweroro lala lala vena amare vilaga.

<sup>32</sup> Pisi na Paelat tařania, ana kiena yar na mara la apa ařero lan naga nařa asuar e lak torovia lepa tai, řisi na akila pan tařena.

<sup>33</sup> Pisi na apanon vena akila mřena va Yesu, ana apisu nařa naga marřantop pa rui, ana pe akila re si pan poli.

<sup>34</sup> Ana lala yar na mara tai kus kiena kalie, miyurře mrařanena ne Yesu, susun pano-o apisu pupia kuruta amio wii pinin molue pito tano.

<sup>35</sup> Ana sur nene pe lelaga kemua pařisi, vanon nepisu e kilamarau, nekilia nesape pe lelaga, řisi na nesape nevisawal van amiu, vena amiu mřena alelaga ea asape sur nene pe lelaga ga.

<sup>36</sup> Sur la nene molmolue sanene vena kilaen visena la na Nasirienua Wa na susumo la aim ve lelaga ga. Visena tai nařa pisa sanini, pisape

*"Pe puriu na yepena re nena tai poli nařa yoko worovia,"* *Yauena 34:20*

<sup>37</sup> a tařena pisape

*"Amiyur kare naga, řisi narui na asun avisusu mřa naga."* *Sek 12:10*

Ana řelaga na marena kiena ne Yesu naga sa ga nařa visena la nene apisawal na konua konua rui.

### *Amligan tasnena ne Yesu e kana puluve*

<sup>38</sup> Pisi na pupia yerka kiena ne le Yu la tai, kiena ki Yosop, nae pulkumali nařa Arimateia, naga pe nalogena tai kiena ne Yesu nanua mřa rui, ana kilawan ke kiena nalelagaena komin mamarau ke li kawa tařena lala. Ana pogos nařa kiena Suře mare pae, marauena nene kovio, pa puna Paelat, piun tasnena ne Yesu. Ana Paelat tařania, pa kuslua tasnena ne Yesu petan lak torovia.

<sup>39</sup> Ana yar tařena tai nařa amio Yosop e pogos nene, naga Nikotimas nařa nanua tapolou ga pimi puna ne Yesu kolemalu tai vena sun amio. Ana Nikotimas nene naga pimi e pogos nene, řar mřena sur la na liluaren tasnena ne Yesu, amio pupia pias nen sirveve na ponotaninu tai, nařa kana kilo miyuve lualima yam telu [30].

<sup>40</sup> Pisi na akus tasnena ne Yesu, apiar e kulmrae yuwowo lala, amio ponotaninu la nene, sa nařa le Yu la amiymřaen ke e kiela marena lala.

<sup>41</sup> Amlular pae naga, ana lavisin ga e nařa ařear naga e laki torovia, lokove tai mořna ga, ana loymřa e lokove nene puluve viu tai mřeke ea, nařa atemare ga na wa vena liganen tas nen yar mare va ea, ana pe tai pa li re e poli wa.

<sup>42</sup> Pisi na amligan tasnena ne Yesu mon loymřa e nene, vanon apisu pog řarovia, lavis legiena na kilaruruena sur punu ga řisi, ana pogos nařa sa mrae vato kovio, Legiena Wa siaria.

## 20

### *Puluve korena ga mřeke narui*

*Matiu 28:1-8; Mak 16:1-8; Luk 24:1-12*

<sup>1</sup> Amligan tasnena Yesu mřene puluve nene, řisi na mořna pano tol legiena řesia na wik tařena. Ana sira la řasia, sane Maria nae Maktala lala, asumřal kolulag wa ke ga wa, amial malo ga apam e puluve.

Ana pogos nařa apam ke lavisi, amilan nařa apisu pupia kilavaru pe mono re si e pulus nen puluve poli, amelilivin lua pae rui pa mřeke ga yepasia.

<sup>2</sup> Ana pogos nařa Maria pisuia, pilon sina ga kiriri pimi, pisu Saemon Pita amio inu, inu nařa imimi lua Yesu mepe sa ga puruvi ga lala, pisawal pan imimi lua, sape "Aulal, tasnena ne Yesu kovio! Akuslua kom ko yo tai, memninue ga sane mřeke pe narui."

<sup>3</sup> Imimi lua memloge, mesuřalu, mepa iroro ga ma puluve.

<sup>4</sup> Imimi luwoka mekirir ke mepavin, řisi na nemiyuve Pita, nepa netol řesan yo nene, a Maria taveva imimi lua, naga mřena pimi sina.

<sup>5</sup> Nepa netol puluve, nepa lavisinia nekira pa loymřa e lele nařa amligan tasnena ne Yesu mřene ea. Pisi na pe nomřal re si Yesu poli, nepisu ga kulmrae la nařa amlular tasnena ea, akekapili ga sike sanene, ana pe nepa re loymřa poli.

<sup>6</sup> Ana pe piavi re nena ga Saemon Pita siraun inu pam, naga pa loymřa e puluve. Pisu kulmrae la nařane, sa ruru ga nařa amlular Yesu e nanua yemlagi nakoneva.

<sup>7</sup> Ana tawol tai nařa apiar e řarina Yesu, naga pe to re amio kulmrae la poli, akawe ruru si naga taaga teke.

<sup>8</sup> Pita pisuveve ke sur la ne sanene, ana inu mřena nepa loymřa nepisua. Imimi lua mepisu veve ke sanene, mekilia ga narui, memlelaga mesape Yesu suřal si taulu marena rui, lelaga na lelaga.

<sup>9</sup> Sumo, imimi nalogena la pe mesitom re mesape řisi na ve sanene poli, vanon pe mekilia re nařa Nasirienua Wa la apisawal ke rui asape kieta Navisaarena monar mare, siraunia mal sina.

<sup>10</sup> Nanua na memninue ga, ana nana-gane imimi lua nene mepisu e kilama-ramimi. Mepisu mā sanene pano-o, p̄isi na moḡasupe si ur̄ia.

*Maria nae Maktala p̄isu Yesu  
Matiu 28:9-10; Mak 16:9-11*

<sup>11</sup> Imimi lua moḡasupe si ur̄ia, ana Maria suḡal ga suḡa e pulgon puluve suḡa ga, wamarana mlalau ke. Naga tag mā sanene pano-o, p̄isi na kira si pa e puluve,

<sup>12</sup> milan si navisi lua, amiyen kulm-rae naḡa miyuwowo paḡisi, atotano ateke metava. Tai totano e naḡa sumo amligan ḡarina Yesu pa ea, tai totano e naḡa lana la pito ea.

<sup>13</sup> Pisi na lalua apis pa Maria, asape “? Erau, ko otagin ke ya?”

Pisatame sape “Akuslua kiau Suḡe kovio, nemninue amligan meke pe narui.”

<sup>14</sup> Naga pisa pa visena petan, p̄isi na kirawelesina, p̄isu yar tai suḡalu sike na. Pe pisuluḡar re poli, ana Yesu ke narui.

<sup>15</sup> Pisi na Yesu m̄ena piun tania, sape “? Erau, ko otagin ke ya? Okale ke a ne e nini?”

Ana Maria sitom m̄ape yar na yuḡaena ga nae e nene, pisatamea, sape “Yarkeviu, visae ko na okuslua naga petan e nini, awis, ovisawal van inu e nape naḡa omli-gan tasnena meke ea. Sineun nesape neva nekusia, neligan ruru sina meke e lēlena.”

<sup>16</sup> Siraunia Yesu pio Maria, pio kiena kia, sape “!Maria!”

Naga mloge, pilonia, pisuluḡar sane Yesu, pa lavisinia, pio e kiela visena, sape “!Raponi!” naḡa kinas nen visena nene “Navianena.”

<sup>17</sup> Pisi na Yesu pisa pania, sape “Maria, toko, ve otolnu re sanene. Inu taḡatete nesu e nini, komin pe neḡasupe re metava puna ne Ata poli wa. Ana popon ko na owasupe si puna ne kieta puruvi lala, ovisa van la osape nepisa sanini, nesape nanagane, nepa ke si metava puna naga naḡa pe arimau, a pe arimamiu, naḡa pe kiau Ntewa, a pe kiamiu Ntewa.”

<sup>18</sup> Siraunia Maria nae Maktala nene kila sanene, ḡasupe si pu imimi nalogena lala, pisawal, pisape “Nepisu Suḡe e kilama-rau,” a pisayu pan imimi e sur la naḡa Yesu pisa pania.

*Yesu m̄alivin kiena nalogena lala  
Matiu 28:16-20; Mak 16:14-18; Luk 24:36-49*

<sup>19</sup> Ana e legiena ḡesia na wik ke nene wa, ko yepekilavi, imimi nalogena la mesike lele taaga loyur̄ia e yo naḡa metapolou ke ea. Mekiar ruru mratava lala, vanon

memaraun ke mesape sa p̄isi yerka-wa kiena le Yu la sinela kar imimi m̄ena, sa naḡa sinela kar Yesu rui. Mesuḡa sane na, veraga ga, Yesu m̄alivi pimi suḡal likan imimi, sape “!Suḡarena sike amio amiu!”

<sup>20</sup> Naga pisa sanene, p̄isi na pian lolo-gia imimi e lepas na mrapototo la naḡa e limana amio pupia piakapila naḡa e mraḡanena. Mepisua, ana pogos naḡa mekilia mesape naga Suḡe nene, mekekara na mekekara.

<sup>21</sup> Pisa ke sina ga pan imimi, sape “! Suḡarena sike amio amiu!” A miakol ke sina ga, sape “Sa ga naḡa kiau Ata miilanu vena nekila kiena yuḡaena, ana inu towe neila amiu re vena akila sanene.”

<sup>22</sup> Siraunia, miyu yalua pimi e imimi, sape “Amiu atol Ninuna Wa.

<sup>23</sup> Yar a naḡa visae amiu aviewoia vanon kiena mlamulena viowa, yoko naviowaena nene kovio vetania, ana yar a naḡa visae amiu ve aviewo re vanon kiena mlamu-lena viowa, yoko naviowaena nene to lue ga e naga.”

*Tom̄as pisua, mlelaga*

<sup>24</sup> Ana pogos naḡa Yesu m̄alivin imimi, imimi yaru tai pe su re poli, naḡa Tom̄as Kaora.

<sup>25</sup> A suraunia, mepisu naga, mepisawal pania, mesape “! Suḡe m̄alivin imimi, mepisu naga rui!”

Ana naga pe mlelaga re e poli, pisape “Peraga, in na monar nevisu e kilamarau. Visae ve nevisu re piakapila na mrapototo e limana, netol e mrasilmaw nini, a visae ve neligan re luḡau nini e piakapila e mraḡanena, yoko taḡatete nelelaga ne-sape naga mal sina ga.”

<sup>26</sup> Tom̄as pisawal kiena sitomena nene, p̄isi na wik tai ḡaro pano, mesike si lele taaga e yo naḡane. Ana e pogos nene Tom̄as m̄ena mesike memio, ana akiar mratava la m̄arera, p̄isi na Yesu pimi m̄alivin imimi yam si tai, sape “!Suḡarena sike amio amiu!”

<sup>27</sup> Ana pis pa Tom̄as, pisa pania sape “Luḡau na nini, okian mraslumonia, otol luḡaria. Mraḡaneu nanini, oligan lu-monia te ea. Ve ositom ḡele re sina, oviawa m̄arera e inu.”

<sup>28</sup> Tom̄as mloge na kira p̄isu Yesu, pisatamea sape “! Kiau Suḡe, ko ope kiau Ntewa!”

<sup>29</sup> Pisi na Yesu pisa pania sape “?Sanape, opisunu ana omlelaga e inu? Nanene naga po, ana pupia navisa ruruena sike e la naḡa pe apisunu re nena poli wa, ana amlelaga ke pa e in rui.”

*Visena maro tai*

<sup>30</sup> Sur la moki naña Yesu kila, nesiri plan pa e tusi nini rui, ana naga miyuñaen mñaena kile tañena la moki e maramimi naña pe nesiri plan re poli.

<sup>31</sup> Ana visena la punu ga naña asike e tusi nini, ve naila amiüena vena alelaga asape Yesu naga pe Navisaarena, pe narina ne Ntewa na lelaga. Ana kiamiu nalelagaena e kiena kia nene, yoko ve kiamiu mrapa na tolen malena e naga.

## 21

*Yesu mälivin sina kiena nalogena la olua*

<sup>1</sup> Ana siraunia, imimi nalogena la pñasia mesuñia garo pupia lapa na garo Taepirias, pona Kalele, pñisi na Yesu pimi mälivi.

<sup>2</sup> Imimi naña mesike e pogos nene, Saemon Pita, Tomias Kaora, Nataniel nae pulkumali naña Kana ma Kalele, inu nemio olai na sumo Semes, amio sina imimi lua. Ana navaemeena kiena ne Yesu pan imimi e pogos nene sanini.

<sup>3</sup> Susumo na Saemon Pita pisawal, pisape "Aulai, in na neva neure lilivi metava narui."

Pisi na mesuñialu mepisape "Poga, ita punu ga." Pisi na mepatove mokus waa mepa mokuan lilivi. Mesuñia e sive panoo yemlagi, ana pe metol re nena ika tai.

<sup>4</sup> Ana pogos naña yemlagi merarava ruru ke narui, Yesu patom su ura e nene, ana mepisu sane sa ga yar tai ne sike ne, ana pe mepisuluñar re poli mesape naga ke narui.

<sup>5</sup> Ana Yesu pion pan imimi, piunia sape "? Naruu lala, añar mña ika lañasia, po pere?"

Pisi na mesape "Peraga rui."

<sup>6</sup> Pisi na pisa, pisape "Pogaga, akila sanini. Ava akuan si lilivi, ana ve akuan re si sa naña akuan ke ne, aluñarli va e lepas na ðamarua sumo wa, ana nekilia nesape yoko atol ika pñasia."

Ana pe mepisu kilale re poli wa sane Yesu na pis ke ne, ana mepa meluñar lilivi sa ga naña naga pisa. Ana veraga ga pulen ga ika na ika, ana pogos naña mesape mourelua va metava mepure ðele ga, pulen manene la ika lala.

<sup>7</sup> Pisi na mepisu kilale narui mesape Yesu, ana inu naña imimi lua Yesu sane mepe puruvi, nepisa pa Saemon Pita, nesape "Pita, ovisuia, Suñe naña!"

Pogos naña Pita mloge sane na, suñialu veraga, miyen sina ga mñaena kulkota, pula tano e sive, miye pa ura.

<sup>8</sup> Pe mesu re perinan ura poli, sur sane tasme ponotia taaga ga [100], ana Pita

sumon imimi mokus waa mesirau mopure yalolog ke lilivi naña pulen ika.

<sup>9</sup> Ana pogos naña mepim ura, mepisu kap tai moña ga, naña amlega ika pñasia e mopulusia, mepisu narin kilaparavi lañas manoa ruru pa sike rui.

<sup>10</sup> Ana Yesu pisa, sape "Ika la naña amiü añar ga na wa, awar pñas vam ve kata."

<sup>11</sup> Ana Saemon Pita pitove, pa metava e waa, ðerelua lilivi, ðere pimi ura. Ika mok pañisi, memaraun mesape sa pñisi lilivi wororowa lawea, ana peraga, meñere pimi pogaga. Pogos naña moñar plan ika la nene, mopuloia tol ponotia taaga lualima yam lima pa telu [153].

<sup>12</sup> Ana pogos naña ika la manoa ruruia, Yesu pio, sape "Aimi akinana."

E pogos nene mepisu kilale ruru mesape Suñe ga nene, pe mesitom re si meviun mesape naga ai.

<sup>13</sup> Mepim mesike pa lele taaga narui, Yesu mla kilaparavi, pion pan imimi, amio mñaena ika lala, ana makania.

<sup>14</sup> Naga nene sane pe Yesu kiena navaemeena natelu pan imimi kiena nalogena lala, sirau naña Ntewa tamalia sina naga petan marena.

*Yesu amio Pita*

<sup>15</sup> Ana pogos naña memla pae kamimi kinanena na kolulag, Yesu pisape sun re amio Saemon Pita. Piun tania, sape "Saemon, narina ne Yoane, sanape? ?Ko na sinemña sii inu keviu, taulu naña la nene sinela sii inu, po peraga?"

Pita pisatamñe pania, sape "Suñe, sur nene okilia pa rui, nekekanan ko pañisi."

Ana Yesu pisa pania, sape "Pogaga, ova-gan narin kiau sipsip lala."

<sup>16</sup> Pogos tañena sina ga, Yesu pisa pania, sape "Saemon narina ne Yoane, ko na sinemña sii inu po pere?"

Pita pisatamñe ke sina, sape "Suñe, sur nene okilia rui. Sa naña nepisaaria, nekekanan ko pañisi."

Ana Yesu pisa pania, sape "Pogaga, ovi-suar kiau sipsip lala."

<sup>17</sup> Ana yam si tai, kila yam telun narui, Yesu piunia, sape "? Saemon narina ne Yoane, ko na okekanan inu kemua lelaga, po peraga?"

Ana pogos naña Pita pisu Yesu piun mña sanene pano tol yam telu, mloge piowa, pisa pa Yesu sape "Suñe, ko okilia make sur punu ga, okilia naña nekekanan ko pañisi."

Ana Yesu pisa pania, sape "Pogaga, ova-gan kiau sipsip lala."

<sup>18</sup> Ana nevisa ve lelaga van ko sanini, sane nanua sumo, pogos naña ope mñee ke ga wa, ko na okila ke ga sa naña sinonñan osape okila. Ko ga taaga omiyen

moña kulsota omialoro opa e lele la naña sinoñania. Ana nekilia nevisa van ko, pogos naña ovim ove yermarua, yoko yar tañena la ayenwo ko e moña kulmrae, atatar lumoña aure ko ova e lele la naña ve sinoñan re ova ea.”

<sup>19</sup> Visena kiena ne Yesu nene, sane pi-sawal ke sape sanape naña yoko awemñar Pita. Ea kiena marena, naga kila ðelaga tai naña mligan naga pito tano, a pisirlua kia kiena ne Ntewa pa metava.

Ana siraun naña Yesu pisa pa sanene pa Pita, ðere ke sina ga naga, pisape naga kilia siraun si naga, pisape “Ovim, otaveve inu lue ga narui.”

*Yesu amio Yoane*

<sup>20</sup> Ana siraun naña Yesu sun pae amio Pita, Pita pilonia, pisu inu, erau wo kiena ne Yesu, nesike lavisin la luoka. Inu ke narui naña nanua, e kinanena maro, netotano lavisin Yesu, nepiun tania nesape e imimi nalogena lala, ane yoko vielua.

<sup>21</sup> Ana pogos naña Pita pisu inu, piun tai Yesu, sape “?Suñe, sanapen erau nene?”

<sup>22</sup> Ana Yesu pisa pania, sape “Visae nasinena kiau sane yoko naga ve kovio re, ana suna sanene vano neim sina ga, sur nene naga pe kiau, pe pe kioña re naña ovisa sur tai e poli. Sur naña pe kioña na kilaena, nepisa pan ko ða rui, nesape otavevenu silaga.”

<sup>23</sup> Ana suraun pogos nene, pog naña nalelagaena tañena la amloge naña Yesu pisa sanene, amlogepalia, amape Yesu pisayu inunia, sape tañatete nemare pogos tai. Ana Yesu pe pisa re sanene poli, pisa ga sape visae naga sinenania, yoko kilia ve sanene. Sanene, kana kinasia sane sur nene naña Pita piunia, pe kiena re poli, ana pe kiena Yesu ga.

*Visen maro*

<sup>24</sup> Ana inu naña nepisawal ke sur la nene, nesiri plan ruru ke vena akilia auloia. Ana ita punu ga tekilia telelaga tesape visena la nene pe lelaga pañisi.

<sup>25</sup> Poga, tusi nene pimi ðisi ga e nini narui. Sur la moki naña Yesu kila sike ea, ana sur la moki na moki naña Yesu kila pe su re e poli. Visae tesiri punuia, nepisu sane pona yoko kana tus la ve mok vañisi, vano-o yo ve tokak e yomarava nini.



## YUMAENA Kiena ne Li Nalologena Lala Visayuena Na Tusi Nene

*Kom̃asnen suniena plas na tusi nini*

Tusi nini “Yum̃aena Kiena Ne Li Nalologena Lala”, Luk siri pan yaru tai, kiena kia Teopilas. Nane tusi na lua nãpa Luk siria, pimi siraun kiena tusi na sumo, nãpa kiena kia “Lologena Wo Kiena Yesu Kristo Nãpa Luk Siriyuia”. Tusi nini “Yum̃aena Kiena Ne Li Nalologena Lala”, kiena kia na plasa sanene, sape “Yum̃aena Lala”. Naga pisayu yum̃aena p̃esa kiena li nalologena lala kiena Yesu, nãpa Ninuna Wa naga sumon la e yum̃aena na visawalen lologena wo, siar garu Yerusalem a e yo punuga garu Yutea a Samaria, pano panoo p̃ar make yo e yomarava (Yum̃aena Lala 1:8).

Tusi nini naga suniena tai kiena li nalelagaena p̃esa, nãpa siari e p̃egas kiena lus nae Israel lala nãpa amlelaga, a kapuru pimi keviu kalo make yo la e yomarava.

E tusi nini, Luk sinenan sape kilologia nãpa lala nãpa amlelaga e Yesu, ve akawe re Parin Supe nae Rom nãpa naga pe sup̃en make yo la e pogos nene. A naga sinenan sape kilologia nãpa suri makega nãpa lus nae Israel lala amlelaga ea asape yoko imi m̃alivi, nane apimi m̃alivi rui kome lologena wo nãpa ita li lemlelagaena lala temlelaga ke ea.

Tusi nini komsus telu, nãpa kilologia sanape nãpa lologena wo sum̃a p̃ar make ke e yo punuga narui, a sum̃are sum̃a kapuru ke silaga. Komsus na sumo, pisayu sum̃are nãpa siari garu Yerusalem, siraun nãpa Ntewa p̃erelua Yesu pa ma e peni. A na lua, pisayu nãpa yum̃aena kapuru pimi keviu, kalo make yo lua nene Yutea amio Samaria. A komsus na maro, pisayu nãpa yum̃aena pano pa kalo yo punuga e puruvanua lala na yo na pawasive nãpa apio asape Sive Nãpa Metiterian, pa tol yo Rom.

Pupia suri keviu tai nãpa tusi nini pisayuia, nane yum̃aena kiena ne Ninuna Wa. Pogos nãpa li nalologena lala asike garu Yerusalem wa e pogos na legiena na Pentikos, Ninuna Wa pitom ana mla m̃areraena pala. A siraun e pogos nene, Ninuna Wa sum̃a miila ke yum̃aena na sum̃are, a miila m̃ena li na sumonien yum̃aena lala e kiela yum̃aena. Tusi nini pisawal visena lãpasa nãpa li nalologena lala apisawalia, a kila meraravan nãpa kiela visena la m̃arera po, pilon malena

kiena la nãpa amlelaga, a miila li nalelagaena lala vena aimi aviran la lele taaga.

*Kom̃asnen tusi la na nini*

Yesu pis maro pan kiena nalologena lala 1:1—14

Amligan lua yaru nãpa kus lelana Sutas 1:15-26

Amlologon lologena wo garu Yerusalem 2:1—8:3

Amlologon lologena wo pa Yutea a garu Samaria 8:4—12:25

Yum̃aena lala kiena Pol 13:1—28:31

Yalena na sumo kiena ne Pol 13:1—14:28

Apiora lele taaga garu Yerusalem 15:1-35

Pol miyaloro yam lua 15:36—18:22

Pol miyaloro yam telu 18:23—21:16

*Visena na sumo*

<sup>1</sup> O, kiau erau Tiopilas, inu nekegara papisi nãpa nevitawe ko e tusi tãpena nini. E kiau tusi na sumo nãpa nesiri pan ko, nesiriyu suniena na suri la nãpa Yesu naga sum̃a kila, a nãpa naga sum̃a pian ke e sumo, naga nene naga siar e pogos nãpa naga siar p̃esan kiena yum̃aena,

<sup>2</sup> pimi tol e pogos nãpa e nam̃areraena kiena ne Ninuna Wa, naga mla maron kiena visena maro pa kiena li nalologena lala nãpa naga mligan plan la rui, ana siraunia Ntewa p̃ere naga pa si metava.

<sup>3</sup> Ana pogos nãpa naga mali sina ga e marena, nãpa naga pe pa re si metava poli wa, ana pogos moki, naga sum̃a m̃alm̃alivin la pa tol legiena lualima yam vari, nãpa kila meraravan ruru pan la nãpa naga mali sina ga e marena lelaga. E pogos la nene, la asum̃a apisu kilale ruru naga, a naga sum̃a pisayu mrapa lala na nasũpenena kiena ne Ntewa pan la.

<sup>4</sup> Pogos tai, nãpa naga sum̃a veraga amio la, naga mla visena nene pan la, naga pisa, pisape “Amiu na monar ve aur matan re yo nene Yerusalem, amiu na monar asum̃ate m̃a ga wa vena atol Ninuna Wa nene nãpa Ata pisaar p̃isi rui sape naga la van amiu, sa nãpa nepisa m̃ena ga pan amiu rui.

<sup>5</sup> Sa nanua sumo, Yoane Nakeena naga kee yeririna lala e ga e wii, ana ve ve piavi re, legiena ga lãpasia warovia, p̃isi na Ntewa naga kee amiu ve lelaga, na nene e Ninuna Wa.”

*Yesu pa metava ma e peni*

<sup>6</sup> Ana e si e pogos tai, nãpa li nalologena lala la apimi sina ga lele taaga amio Yesu, la apiun tania, apisape “? Supe, sanape, nanagane naga pogos ruru nãpa ko okila nãpa ita le Israel lala ita ve kieta p̃arin

supe sina ga tai, pona pe kana pogos nen re poli wa?"

<sup>7</sup> Ana Yesu pisatame la, pisape "Naga nene pe pe kiamiu re naḡa amiu akilia pogos la nene poli, pona legiena la nene poli, naḡa Ata ga naga taaga mligan ruru pisape ve sanene, a ve sanene.

<sup>8</sup> Ana siraunia, Ninuna Wa naga vim e amiu, ana e pogos nene narui akus namareraena, ana ḡisi na amiu na monar ava avisawal inu garu Yerusalem nene, a e yo taḡena punu ga lala garu Yutea amio Samaria, ana vano vano-o tol mēna ga yo taḡena la punu ga e yomarava nini."

<sup>9</sup> A pogos naḡa naga pisa pa visena la nene ḡisi, naḡa la asike apisu ruru ke naga wa, Ntewa ḡerelua pa metava, a lul tai pitomi kalovia, ana la pe amia re si poli.

<sup>10</sup> Pogos naḡa la asuḡa akirakira ke pa metava e sinapane wa, veraga ga amilan ga, naḡa aḡal yaru la lua naḡa mīala kulsota lala miyuwowo paḡisi, lalua apimi asuḡalar la asike amio la, lalua apisape

<sup>11</sup> "Ie, le Kalele lala! Amiu ve sinemiu viowa re, ve akirakaḡar re va metava e sinapane sanene. Yesu nene naḡa Ntewa naga ḡerelua naga petan amiu pa metava e peni, ḡisi na naga monar wasupe sina vitomi, a naga yoko wasupe sina e ḡelaga ga nene naḡa apisu ga nanagane ḡisi ne."

*Pegas kiena ne nalologena lala*

<sup>12</sup> Ana li nalologena lala amligan kunus nene, naḡa Kunus Na Purolip lala, aḡasuḡela apito garo Yerusalem, pe perina manene re poli, sane tasme na manu taaga ga.

<sup>13</sup> La nene la apimi atol yo Yerusalem, ana la apa ke sina ga loyuma e yo naḡa metava naḡa la asusukemua e rui. A la nene kiela kia sanini: Pita, Yoane, Semes a Antru; amio Pilip, Toniās, Patalomiu, a Matiu; amio Semes naḡa narina ne Alpeas, amio Saemon naḡa naga lala yaru tai naḡa sumo akila politik pa le Rom lala, amio Sutas naḡa narina ne Semes.

<sup>14</sup> Ana e pogos nene, la nene amio sira lala, la apalue ga lele taaga vena alen. A Maria, anenane Yesu, amio mēna ga wenla Yesu lala, asuḡa apa lele taaga amio la.

*Yaru na kusen lelana ne Sutas*

<sup>15</sup> Legiena laḡas ḡarovia ḡisi, ana li nalelagaena lala apimi lele taaga, naḡa la punu ga atol suri sane yaru ponotia taaga lualima yam lua. Ana e pogos nene, Pita naga sitom sape visayu van la vena akila sanape naḡa alual yaru na kus lelen yaru nene Sutas.

<sup>16-19</sup> Naga nene vanon naḡa siraun naḡa Sutas naga sane kila kiena yurūaena viowa

nanua sumo, naga pul ke sina ga porotano tai amio kilavaru naḡa naga tauluia, ana naga ga mloru e yo nene, ana mēḡena mīapo, a sinena la molmolue, ana naga mare. A yeririna lala nae Yerusalem amloge lologena nene, ana nane kila la apio kinakinas nen porotano nene e kiela visena asape "Akeltaḡa," naga nene visena tai naḡa naga pisape "Yo Na Kuruta."

Sanene, Pita naga sitom pisape visayu suri nene van li nalelagaena lala, ana naga suḡalu e marala, pisi pan la, pisa pisape "Erau lala, nanua sumo, Ninuna Wa naga pisi kome pulgona ne Tepet, naga pisayu yurūaena kiena ne Sutas nene naḡa naga sumon yeririna lala apimi apuarar Yesu, a visena la nene apimi ape lelaga ḡisi rui, sa naḡa Visena Wa naga monar ve lelaga silaga. Sutas nene naga imimi yaru tai naḡa, naḡa Supe mliganar naga vena tarar yurūaena amio imimi,

<sup>20</sup> ana nanagane, naga sa naḡa visena lalua nene naḡa teke e Tusi Kiena ne Yauena Lala, naḡa tai pisa, pisape '*Naga popon naḡa mīana yurūa mon korena ga, ḡisi na taḡatete yaru tai mono ea,*' Yauena 69:25

a taḡena sina ga, naḡa pisape '*Popon yaru taḡena tai kus lelana.*' Yauena 109:8

<sup>21-22</sup> "Komin suri ne na nene, ana monar yaru si tai naga imi sukol imimi sina vena navisawalen Yesu, kieta Supe, visave naga mali sina ga e marena. Yaru nene naga monar lala yaru tai naḡa la amio imimi nanua sumo, e pogos la naḡa Supe suḡa mialoro ke amio imimi. Naga monar ve yaru tai naḡa naga sike e poglis naḡa Yoane naga mlologonyu ke kiena nakeena, pimi tol legiena naḡa Ntewa naga ḡerelua Yesu petan ita, vena va si metava."

<sup>23</sup> Ana la apisawa kia kiena ne yaru la lua. Tai, kiena kia Yosop, naḡa la apio asape Pasapas, a kiena kia taḡena sina, kien kia asape Sastas. A yaru taḡena, kiena kia Mateas.

<sup>24</sup> Ana la amlen, apisa, apisape "Ntewa, Ntewa namanaruena, ko ga okilia mīa ya naḡa sike e los nen yeririna lala. Narui imimi na sinemimin mesape ko okipian imimi e lalua nene, nape naḡa ko oḡere rui,

<sup>25</sup> vena naga tarar yurūaena kiena ne nalologena nene, naḡa Sutas naga mligan rui vena naga va ruru nena ga e kiena lele na kovioena."

<sup>26</sup> La amlen pae, ana akila sur sa naḡa la amlil mīapila, ana kia kiena ne Mateas naga kate. Ana la amligan lua naga, ana

asikol naga amio la lualima taaga pa taaga nene, kila la lualima taaga pa lua ke sina ga.

## 2

### *Ninuna Wa pimi*

<sup>1</sup> E legiena na Paḡagena Na Yui Marua, li nalelagaena lala la apimi asu m̄na ga lele taaga,

<sup>2</sup> a veraga ga, m̄naagena tai molue ma e sinapane, sa ga naḡa pupia lagi tai m̄ai, ana m̄naagena nene naga kalo punu yo na loyurūna nene naḡa la ateke tano ea.

<sup>3</sup> Ana la nene suri tai sane kapi mluamene, ana kapi nene naga mliḡerea, ana peve taaga pa sike e la punu ga nene.

<sup>4</sup> Ana la punu ga, Ninuna Wa naga pimi pulemamaga e la, kila la apivisi e visena taḡena lala, sa naḡa Ninuna nene naga kila akilia apisi komea.

<sup>5</sup> Ana garu Yerusalem, le Israel la asu m̄na ga, naḡa la ape li nalenena lala. La nene na la amolue e yo la moki na yomarava nini apimi.

<sup>6</sup> Ana la nene amloge m̄naagena nene, lala amio yeririna taḡena lala, la moki paḡisi naḡa la apimi e yo nene. Ana la nene sinela kurkur paḡisi, komin naḡa yaru la naḡa Ninuna pimi e la, la pogos naḡa asuḡa apisi sanene, ana yaru make ga amloge nena kiela visena la naapo.

<sup>7</sup> Ana la amilan paḡisi, a amiyuwawa, apisa apisape “!Aulai! Yaru la nene naḡa asu m̄na apivisi ke sanene, ana lala na ape le Kalele ga lala.

<sup>8</sup> ?Sanape naḡa ita punu tesu m̄na temloge ke naḡa apivisi ke e kieta visena la sanene?

<sup>9-11</sup> Ita tepe yaru na purvanua la moki na tesike ne, nae Patia, nae Mitia, nae Elam, nae Mesopotemia, nae Yutea, nae Kapatosia, nae Pontas, nae Esia, nae Pirisia, nae Pampilia, nae Isip, nae Krit, nae Arepia, nae Lipia e lepas na vaen Saerin, a nae m̄na pupia pulkumali naḡa Rom. Ita laḡasia tepe le Israel ruru ga, a laḡasia pe ape le Israel re sumo poli, ana sirau la apimi ataveve kieta nalelagaena. Ana ita punu ga, ita punu peve taaga temloge ke naḡa la apivisi ke kome kieta visena lala ita punu ga, la asuḡa apisa ke pupia yurūaena la nene naḡa Ntewa naga kila.”

<sup>12</sup> Ana la amilan paḡisi, kiela sitomena la kokovio, ana la amninue kare narui asape sanape narui, ana la asuḡa apiuviun ke tan la apisape “!Aulai! ?Ya ne sanene?”

<sup>13</sup> Ana laḡasia asu m̄na apitalia la nene naḡa Ninuna pimi e la ḡisi rui, la apisa apisape “E, la nene amun ga kuruta nene, nane kila ape wowe ke ne.”

### *Visena kiena ne Pita pan la*

<sup>14</sup> Ana Pita amio li nalologena taḡena la lualima taaga pa taaga nene, la aḡariplan la asuḡalu, apimi ase e nene, ana naga pisi manene pan la, naḡa naga pisawal sanini, pisape “Erau lala, naḡa amiu le Yu lala, a amio amiu yeririna taḡena lala naḡa amiu asike Yerusalem, amiu na ayagogon ruru inu vena nevisawal sur nene van amiu.

<sup>15</sup> Yeririna la nene na pe amun re wii poli, sa naḡa amiu asu m̄na apisa ke ne, peraga, komin nanagane, aora ovari ga na kolulagi nini na wa.

<sup>16</sup> Ana suri nene naḡa amiu apisuia, naga suri nene naḡa Navisawalena Soel naga pisayu sumo rui, naḡa pisape

<sup>17</sup> ‘Ntewa naga pisa, pisape “E legiena la nene na pog maro nene, ḡisi na nela ninuu van yeririna la punu ga.

Ana ḡisi na narimiu lala la avisawal kiau visena,

a ḡisi na kiamiu yar viu lala yokorena avisu sur lala,

a kiamiu yermarua lala, la am̄eni nam̄ienena lala.

<sup>18</sup> Lelaga ḡa, e pog nene, ḡisi na neligan Ninuu,

naga vitomi ve keviu e yaru m̄ee lala amio sira m̄ee lala na kiau yurūaena, ana ḡisi na la avisawal kiau visena.

<sup>19</sup> Pisi na nekila suri lala nailanena e yo yau,

amio kile lala na yomarava nini, ana yoko kuruta a kapi a pupia m̄au naḡa piu asuḡa ga.

<sup>20</sup> Sumo na, mrae naga imi malolo, a kupario naga ḡisi na imi vivaga sane kuruta.

Ana sirauḡa, legiena keviu nene kiena ne Ntewa, naḡa wo vaḡisi, naga kilia imi.

<sup>21</sup> A e pogos nene narui, yaru ai naḡa naga vio kia kiena ne Ntewa,

ḡisi na Ntewa tamalia naga.” ‘ Soel 2:28-29

<sup>22</sup> “Amiu le Israel lala, amiu ayagogon ruru kiau visena la nini. Yesu nene nae Nasaret, naga pe yaru naḡa Ntewa naga kipian ruru naga merarava pan amiu sape naga pe Navisaarena. Ntewa naga kila sanene nane e yurūaena na nam̄areraena lala, a e suri nailanena lala, a e kile lala naḡa naga kila Yesu naga miyurūaenia e maramiu nanua sumo rui. Suri la nene amiu asuḡa akilia ke ḡisi rui,

<sup>23</sup> ana pogos naḡa Ntewa naga mligan naga e limamiu, amiu asuḡalu am̄em̄ar naga mare, naḡa amiu atam̄an li viowa lala la asuar naga e laki torovia. Pogos naḡa amiu na pe akila re suri nene poli wa,

ana Ntewa naga kilia ĩisi rui pisape ĩisi na ve sanene, ana naga tam̄ania, komin naġa naga taveve sa naġa naga sitom ruru nanua sumo rui vena kila.

<sup>24</sup> A siraunia, nam̄areraena na marena pe torokin re naġa uarar manene Yesu poli, ana Ntewa ĩerelua naga petan nasinelaea lala na marena, kila naga mali ke sina ga.

<sup>25</sup> Naga nene naga sa naġa visena tai kiena ne Tepet nanua sumo, naġa naga pisayu Kristo, naġa naga pisa, pisape 'In na nepisu naġa Ntewa naga sum̄a amio inu silaga,

naga sike e lepasneu na marua, ana kila sineu pe kurkur re nena ga.

<sup>26</sup> Kila sanene narui, sineu kekara, a purmeneu naga miau, in na nepe yeririna ga, ana neġasine ga Ntewa m̄arera.

<sup>27</sup> A Ntewa, ĩisi na ko na ve oligan re ninuu e yo na marena,

a ĩisi na ko ve otañan re tas nen kioñia Yaru Wa na yum̄ae kioñiaena menunu.

<sup>28</sup> Ko okiptan inu e mrapa lala na malena ĩisi rui,

a ĩisi na sineu naga pulen nakekarena ve keviu, naġa ko osum̄a omio inu.' Yauena 16:8-11

<sup>29</sup> Wolai lala, in na nesape nevisawal meraravan suri nene van amiu. Repita ne na nene naġa Tepet, naga na mare nakonua rui, la asin naga ĩisi rui. Naga nane kiena tampona ne nane m̄eke e kieta yo ne, mon m̄a pimi tol nanagane.

<sup>30</sup> Ana pogos naġa naga mali ke ga wa, naga kilia rui naġa Ntewa pisaar m̄arera pania pisape ĩisi na pogos tai na, kiena lus tai naga monar to sina ga tano e kiena pupia lele natotanoena, sa naġa naga kiena lus nene naga imi ve ĩarin suġe va yeririna lala, sa naġa Tepet nene naga pe ĩarin suġe sumo. Ana Tepet naga pe navisawalena tai,

<sup>31</sup> a pogos naġa suri nene naga pe m̄alivi re poli wa, naga pisa naġa ĩisi na Ntewa kila Navisaarena nene naga mali ke sina ga e marena. Suri nene na Tepet pisa e kiena visena nene, naġa pisa, pisape Ntewa pe mligan re ninuna e lelen marena poli, naga pe tam̄an re tasnena pa menun poli.

<sup>32</sup> Suri ke na nene narui naġa imimi mesum̄a mepisawal ke ne, naġa Ntewa naga pisirlua ke sina ga yaru naġa Yesu nene petan marena.

<sup>33</sup> Ntewa pisirlua naga, ana ĩerelua naga pa metava rui, mligan naga sike e kiena lepas na marua. Ana sa naġa Ntewa Arimata nene naga pisaaria, naga mla

Ninuna Wa pania, a nanagane Yesu taron Ninuna Wa nene pan imimi, ana Ninuna Wa nene naga sum̄a miyum̄aen ke suri la nene naġa amiu na asum̄a apisuia a naġa amiu na asum̄a amloge.

<sup>34</sup> E visena kiena ne Tepet la nene, naga pe pisayu re naga poli, komin naġa ve naga re naġa naga va metava e peni, ana naga pisayu ga Navisaarena nene. A kiena visena taġena sa m̄ena ga nini, naġa naga pisa, pisape

'Ntewa na Mava pis pa kiau Suġe, pisape "Ko ototano e kiau lepas marua, otom̄atea,

<sup>35</sup> ĩisi na inu nekila kioñia nasinekar lala ve sa takue naġa ko oviawa ea." ' Yauena 110:1

<sup>36</sup> Komin suri ne la nanene narui, inu sineun nesape nevisawal ruru merarava van amiu, amiu mratava nae Israel la wetelu, sane Yesu nene naġa Ntewa mliganar naga sumo rui pe kieta Suġe a pe Navisaarena, ana amiu asuar naga e laki torovia rui."

Yeririna la moki naġa amlelaga e Yesu

<sup>37</sup> Pogos naġa yeririna lala la amloge visena nene, amloge sa naġa miyur sinela, pano pa tol ruru nena puriu, ana la apiun tan Pita amio li nalologena taġena lala, la apisape "Wolai lala, ĩisi na mekila kan imimi narui?"

<sup>38</sup> Ana Pita pisa pan la, pisa pisape "Amiu punu ga, amiu avilopu amiu, ana amiu ava e nakeena e kia kiena ne Yesu Kristo, vena ĩisi na Ntewa naga viewo kiamiu mlamulena viowa lala. A ĩisi na Ntewa naga ligan Ninuna Wa van amiu, sane kiena nalaena tai van amiu,

<sup>39</sup> komin naġa navisaarena naġa Ntewa naga kila, naga kila pan amiu, a naga kila pa narimiu lala, a naga kila m̄ena ga pa yeririna taġena lala naġa la asike perina wa. Navisaarena nene naga sike e la naġa kieta Ntewa na Mava naga sum̄a pio la m̄a ga."

<sup>40</sup> Ana Pita sum̄a pisa ke visena wo nawere laena la moki pan la vena aimi, a naga pisa pisape "Amiu na monar aligan mlamulena kiena ne yeririna viowa lala na nanagane, amiu na atamalia amiu vetan nakoena naġa naga sum̄a pimi ke pan la."

<sup>41</sup> Ana la moki liu naġa la amloge visena nene kiena ne Pita, la amlelaga ea, ana la apa e nakeena. A e yeririna la punu ga naġa asike e legiena nene, la moki pe suri sane manu telu la apimi apiran la amio kiela ĩegas nene.

Li nalelagaena lala apiran la e nasinewo

<sup>42</sup> Ana li nalelagaena la nene, la asuñña apurari ke ðelaga la nene ñarera pañisi, naña la amiyagogo ruru po silaga naña li nalologena lala la apian la, a lala apiran la silaga e nasinewo e kiela ðegasia, a la asuñña akinana lele taaga silaga, a la yepela ñaen aora na leniena lala silaga.

<sup>43</sup> Ana li nalologena lala la amiyurūaen suri nailanena la moki pañisi, amio kile la moki, ana yeririna la apisu suri la nene, sinela kurkur pañisi.

<sup>44</sup> Ana li nalelagaena lala, la sinela suñña maran taaga ga pano-o, a la asuñña atañan kiela suri lala ve kiela pae ga.

<sup>45</sup> Sanene, la asuñña añiliwilin kiela porotano lala a kiela suri make ga lala, vena la avion kana kilaveru la naña la atolia, va lala ai naña limala plasan suri lañasia.

<sup>46</sup> Legiena punu ga, la nene la asuñña apiran la sane ðegas taaga loyurūa e Yurūa Wa ñana ne Ntewa, a la asuñña akinana ke lele taaga e ñala loyurūa lala. A silaga naña la asuñña apimpae ke sanene, ana la akekara pañisi, a silaga lala apito ga tano e Ntewa, a la apotena pañisi pania komin malena wo nene naña naga mla pan la,

<sup>47</sup> ana amieluar naga vanonia. A e pogos nene, yeririna tañena ñana ga lala akekaran kiela ðelaga viu wo nene ðisa, a e legiena punu ga, Ntewa na Mava naga suñña tamalia si yeririna la ðasia, naga suñña sikol la ke e ðegas nen li nalologena lala.

### 3

#### *Laulu tai suññalu mial*

<sup>1</sup> Ana legiena tai, e nena e pog na leniena e mrae telu, ko yepekilavi, Pita amio Yoane, lalua asuñña apa ke metava e Yurūa Wa ñana ne Ntewa.

<sup>2</sup> Ana yaru tai naña naga paeme naga pe laulu, a e legiena punu ga la asuñña akus naga pimi amligan naga e mralaea nene naña apisape "Mralaea Wo," naga nene e Yurūa Wa ñana ne Ntewa. Ana laulu nene naga toñia mlogi ke pan la naña apa ke loyurūa.

<sup>3</sup> Ana naga pisu Pita amio Yoane, naña lalua asuñña apa ke loyurūa, ana naga mlogin nalaena tai vetan lalua vena lalua ala suri tai vania.

<sup>4</sup> Ana Pita amio Yoane, lalua atamaria yeririna nene, ana Pita pisa pania, pisape "Mara, okira ovisu imimi sumo wa."

<sup>5</sup> Ana naga pisu manene lalua, naga ñape ðisi na lalua nene ala suri tai vania.

<sup>6</sup> Ana Pita pisa pania, pisape "Erau, in na pe kiau kilavaru re nena ga, ana in na kiau suri wo ga tai naña inu na kiau, nela

van ko. Nane suri ne nanene: e kia kiena ne Yesu Kristo nae Nasaret, nevisa van ko, osuññalu narui, oyali."

<sup>7</sup> Ana naga pulun tarar limana na ðamarua, miila laulu nene tarlua suññalu, ana lana luwoka pimi po veraga.

<sup>8</sup> Ana naga suññalu ke veraga e pogos nene, suññalu su, ana mialial lia. Ana pogos naña lalua apavini, naga taveve la, ana la ga teloka apa loyurūa e Yurūa Wa ñana ne Ntewa, naña yaru nene kekara pañisi naña naga mial ke narui, naga suñña pulaula, suñña mieluar ke Ntewa.

<sup>9</sup> Ana la naña asike loyurūa apisu naña naga mial, a naga suñña mieluar ke Ntewa,

<sup>10</sup> a pogos naña la apisu kilale yaru nene la apisa apisape "¡Apisu ke ne! ! Nanene na laulu nañane-e! Sila ga naga suñña mlogin ke kilavaru vanua e mralaea nene na Yurūa Wa, ana naga pimi po sina, naga suñña mialoro ke narui." Ana la amiyuwawa ruru e suri nene naña pimi mialivin yaru nene.

#### *Pita pisi pan la loyurūa e Yurūa Wa Mana ne Ntewa*

<sup>11</sup> Ana komin naña yeririna lala la sinela kurkur pañisi, la akiriri apimi puna ne la telu nene e kopkop nene na Yurūa Wa ñana ne Ntewa, naña kiena kia "Kopkop ñana ne Solomon." E yo nene, yaru nene naga suñña tawa ke e Pita amio Yoane na wa.

<sup>12</sup> Pog naña Pita pisu yeririna la nene apimi lavisi, ana naga pisi pan la, pisape "¿ E, ita le Israel lala, sanape ne? ? Sanape na amiu amilan ke suri nene, ana amiu apisu ke imimi lua sanene? ?Pona amiu na amape imimi ga lua mekila yaru nene naga kilia mial e ga e nañareraena ga kiamimi imimi lua yo, pona amiu na amape imimi lua mepe yaru wa yo, pona sanape? !Peraga!

<sup>13</sup> Ana Ntewa ga naga kila suri nene, nane pupia kieta Ntewa na naña pe Ntewa kiena ne Epraam, Aisak, a Sekop, a naga pe Ntewa kiena ne kieta yermarua tañena ñana ga lala. Naga kila suri wo nene vena visirlua kia kiena ne kiena yaru na yurūaena nene Yesu, e maramiu. Ana Yesu ke ga nanene narui, naña amiu añure naga pa e kieta kumali keviu, ana Paelat naga pisu sane Yesu naga poga ga, naga pisa pisape naga kilia molue, ana e pog ke nene narui amiu na apisawal ñararania e marana ne Paelat asape Yesu na pisokan ga, amiu yepemiu mavin naga.

<sup>14</sup> Pe suri korena ga naña naga ðar kia naña asape Yaru Wa a Yaru Mesmesu, ana amiu na apisa sanene e pog nene narui,

asape yepemiu mavini naga. Ana amiu na apisa ga pa Paelat asape sinemiun yaru nene naþa naga mēñar yaru mare þisi rui naga kilia molue, ana Yesu naga suñia ga, ana Paelat tañania.

<sup>15</sup> Visae sanene, amiu ke narui, naþa añeñar Purþes nen Malena mare rui, ana siraunia, Ntewa naga kilamalia sina ga naga e marena, a suri ne na nene imimi mepisu e kilamaramimi, ana imimi na mesuñia mepisawalia.

<sup>16</sup> Kia kiena ne Yesu ne nanene naga kila ruru laulu nene naþa amiu akilia ruru naga, naga pimi po, sa naþa amiu asuñia apisu ke ne. Komin naþa imimi na mepiawa mārera e nañareraena na kia nene kiena ne Yesu narui, ana lana ne yaru nene luwoka naga mārera ruru nena ga e maramiu nanagane.

<sup>17</sup> “Poga ga, wolai lala. Inu nekilia mā naþa suri la nene naþa sumo amiu amio kiamiu yerikawa lala akila pa Yesu, amiu punu ga akila komin naþa amninue ga.

<sup>18</sup> Ana naga nene naga pe mrapa kiena ne Ntewa naþa naga kila visena la naþa naga pisawalia nanua sumo rui pimi pe lelaga. E visena lala kiena ne kiena navisawalena lala, naga na pisawal þisi rui, naþa þisi na kiena Navisaarena naga monar loge viowa e tasnena.

<sup>19</sup> Poga ga, ana amiu na monar avilopu amiu, a monar awasuþe amiu aimi puna ne Ntewa, vena naga þisi na yumu plan kiamiu mlamulena viowa lala.

<sup>20</sup> Visae amiu na akila ve sanene, þisi na Ntewa naga kilia la nañareraena viu e kiamiu malena lala, a naga kilia ligan kiamiu Navisaarena nene naþa naga mliganar ruru þisi rui, naga nane Yesu, naga wasuþe ke sina ga imi.

<sup>21</sup> Ana Yesu naga monar suñia metava e peni sumo wa, vano vano tol pog naþa yoko Ntewa sinenan sape kila suri la punu ga aimi ave urviu ke sina ga, sa naþa naga pisawal þisi rui e visena lala kiena ne kiena navisawalena wa lala nanua sumo.

<sup>22</sup> Ana lala yaru tai naþa naga pisa sanene naga nane Mosis, a naga pisa pisa

‘Ntewa na Mava naga þisi na naga kila kiamiu navisawalena tai naga suñalu su likan amiu sa naþa kila inu na nesuñalu þisi rui. Navisawalena nene þisi na naga ve yaru tai nae ga kiamiu yo, a amiu na monar ayagogon ruru kiena visena lala.

<sup>23</sup> Yeririna la naþa la ve alogear re kiena visena lala, þisi na Ntewa naga ligan plan la vetan kiena yeririna ruru la napo, vena la ava akovio.’

<sup>24</sup> Suri nene Mosis naga pisa, a navisawalena taþena mēna ga lala, sane Samiuel, amio mēna ga la naþa apimi mare ga, e kiela visena lala, asuñia apisayu ke suri lala na kieta legiena nanagane la nene.

<sup>25</sup> Navisaarena lala naþa Ntewa naga mla nanua sumo e visena lala kiena ne kiena navisawalena lala, la ape kiamiu, a amiu na asike mēna ga loyurña e naviranarena nene naþa Ntewa naga kila þisi rui amio kiamiu yermarua lala na sumo, sa naþa Ntewa naga pisa pan Epraam, pisa pisape ‘Pisi na in na nekila naþa navisa ruruena naga imi e yeririna lala na yomarava nini, naga imi kom ga e kionña lus lala.’

<sup>26</sup> Mesmesun navisaarena nene, Ntewa naga kila Yesu naga suñalu rui sane yaru tai na kilaen kiena yurñaena, ana naga pe mligan re pan le taþena la poli, naga mligan ga pimin amiu þesia. Naga mligan Yesu naga pimi vena kila wo van amiu vaþisi, naþa þisi na naga vilopu amiu, vena amiu aligan kiamiu þelaga viowa lala.”

## 4

<sup>1</sup> Ana Pita amio Yoane, lalua asuñia amlogo ke pan yeririna lala wa, ana yaru wa lala, amio nasumonena kiena ne li nakirawoen yo lala e Yurña Wa Mana ne Ntewa, amio Satusi lala, la apimi lavisin la.

<sup>2</sup> La nene sinela mimi paþisi, komin naþa lalua asuñia apian ke yeririna lala asape sa naþa Yesu naga mali sina ga e marena, yeririna mēna ga lala akilia amal sina ga ve sa ke ga.

<sup>3</sup> Ana atarar la luoka, apano amligan la apa e yurña naloge viowaena vena asuñiate tol legiena na peni, komin naþa yepekilavi rui.

<sup>4</sup> Ana yaru taþena la mokliu naþa amloge visena kiena ne lalua, amlelaga ea, ana pimi tol pogos nene maran kiena ne la make ga naþa amlelaga rui apim ape moki manene la narui, lavis tol manu ve lima, nanene sane yermene ga la ne [5000].

*La aþure Pita amio Yoane apa e kumali keviu kiena ne le Yu lala*

<sup>5</sup> A e kana legiena taþena, yerikawa kiena ne le Israel lala, amio kiela nasumonena lala, amio navianena navisaluena lala, la apimi lele taaga garu Yerusalem.

<sup>6</sup> Ana la apa atotano e pupia kumali amio Anas, naþa naga pe þarin li wa lala, a amio mēna ga li kawa taþena laþas, naþa sane Kaeþas, a Yoane, a Alikanta, a yeririna taþena lala na mratava mēna ne þarin li wa la nene.

<sup>7</sup> Ana la akilali nalologena lalua nene asuñalu likan la, ana la apiun naviunena

tan la luoka. Apiunia, apisape “? Ane pisape amiu lua nene akila sanene e laulu nene? ?Amiu lua akila e namāreraena nae pe?”

<sup>8</sup> Ana Ninuna Wa pitomi pule e Pita, ana Pita pisi pan la, pisape “Inu nesuñalu e maramiu, amiu yerkawa kiena ne le Israel lala, a nasumonena lala,

<sup>9</sup> a in na nepisu sane amiu asuñia apiun ke tan imimi imimi lua, apisape sanape e kiamimi yurñaena wo nene naña imimi lua na mekila e laulu nene, a sanape naña imimi lua mekila naga pimi po sina.

<sup>10</sup> Poga ga, in na nekekan ga naña nela navisatanñeena na kiamiu naviunena nene van amiu, vena amiu akilia, a vena yeririna nae mña ga Israel lala la akilia. Nesape laulu ne nanene, naga nane suñalu sike e maramiu naña, suñalun ke lana luwoka ga naña po, naga pimi po rui e namāreraena na kia kiena ne Yesu Kristo nae Nasaret. Yesu nene naga naña sumo amiu añeñaria mare e laki torovia, ana naña Ntewa naga pisirlua ke sina ga naga mali si petan marena.

<sup>11</sup> Naga na sa naña Visena Wa naga pisayu naga, pisa pisape  
*‘Amiu li nakilaena yurña lala,*

*amiu na akovenlua lawe laki tai,*  
*naña nanagane naga pimi pe pupia kem-*  
*rañe na mava rui na mon lika e*  
*yurña.’* *Yauena 118:22*

<sup>12</sup> Ana pe mrapa tañena re si tai naña ita tekilia tetol malena e poli, komin naña Ntewa naga pe mla re nena kia tañena pan ita e yomarava nini poli naña naga kilia tamalia ita ea.”

<sup>13</sup> Ana yerkawa la nene la amilan pañisi, komin naña la apisu naña Pita amio Yoane, ape yaru kari ga, lalua pe ape yerkawa re nenaga, a lalua pe akilia re mña ga suri moki poli, ana lalua nene pe sinela kurkur re nena ga. Ana la apisu kilale mña ga sa naña sumo, lalua nene na amiyal loro amio Yesu silaga.

<sup>14</sup> Ana la tañatete si awemār visena kiena ne Pita narui, komin naña yaru naña lana luwoka po si rui, suñalu sike amio lalua nene.

<sup>15</sup> Ana la apisu pa la telu nene apisape la ava vanua sumo wa, vena la akilia avisayu suri nene.

<sup>16</sup> La telu nene apa vanua, ana yerkawa la nene apisayula, apisu apisape “? Pisi na ita tekila ve sanapen lalua nene? Le Yerusalem la punu ga la amloge make pisi rui naña lalua nene akila ke pupia yurñaena tai nene e laulu nene ne, ana ita na tañatete si tevirovia.

<sup>17</sup> Ana popon ita tekilali sane tekila visena nene na ve va manene re si e yeririna lala, ana ve sanene pisi na ita

tevisaluñar lalua nene vena ve avis re si va yeririna lala, ve avisa re kia naña Yesu van la.”

*Kumali keviu naga pisaluñar Pita amio Yoane*

<sup>18</sup> Ana la apio ke sina ga la telu nene apimi loyurña, ana apisu mārera pa li nalologena la lua nene, la apisu apisape “Amiu lua nene ve avisayu re si kia kiena ne Yesu va yeririna lala, pona avian la ea.”

<sup>19</sup> Ana Pita amio Yoane, lalua apisatañela, apisu apisape “? Sanape? ?Pona mesmesu ga naña e marana ne Ntewa naña imimi ve melogear re naga, imimi na melogear amiu ga? Naga nene na popon amiu na avisali suri nene,

<sup>20</sup> ana imimi nini, na imimi tañatete meva ruru imimi mesuñia ne. Imimi monar mevisawal mña suri la nene naña imimi mepisu e kilamaramimi, a naña imimi na memloge e kiligamimi.”

<sup>21</sup> Ana yerkawa la nene la apisu manene sina ga pa lalua, apisalunar la sa si nanua sumo, siraunia la apisu apisape lalua na akilia ava vanua, komin naña la pe aña re si mrapa nalaen nakoena van lalua poli, vanon naña yeririna lala la asuñia amieluar ke Ntewa komin ya naña pimi mñalivi e laulu nene,

<sup>22</sup> naña e pogos nene, yaru nene naga kiena kas na taulu pa lualima yam vari pisi rui.

*Leniena kiena ne li nalelagaena lala*

<sup>23</sup> Pogos naña Pita amio Yoane, lalua apa vanua, na añasuñela ke sina ga apa e pegas nen li nalelagaena lala. Ana lalua apisawal visena lala naña yerkawa lala kiena ne yaru wa lala a nasumonena lala apisu,

<sup>24</sup> a pogos naña li nalelagaena la nene la amloge visena la nene pisi, la amlen pa Ntewa. La apisu, apisape “Ntewa na Mava, ko osii sinapane a porotano a sive, a suri punu ga naña sike e yomarava nini.

<sup>25</sup> Imimi mesitorñal si kionña Visena Wa tai, naña yermarua repimimi Tepet, naña naga na pe kionña yeririna tai, naga pisawal e namāreraena kiena ne Ninuna Wa, naña naga pisa sanini, pisapenua

*‘?Komin ya ne yaru la naña pe amelaga re poli sinela mimi manene sanene?*

*?Komin ya ne yeririna lala la asuñia asitom ke asape akila yurñaena viowa, ana komin ya ne la akila ðele ga?*

<sup>26</sup> *Parin suñe lala na yomarava nini, la asuñalu asururuia vena akila mara, a yerkawa lala apimi lele taaga vanonia,*

*ana la amninue naña akila ke mara amio Ntewa na Mava, a amio kiena Navisaarena.’* *Yauena*

*2:1,2*

27 Ntewa na Mava, imimi mepisu visena nene pe lelaga, naþa mesmesun nena ga e kiamimi pogos nanagane, vanon naþa mesmesu ruru e pulkumali nini, Erot amio Ponses Paelat, amio le Israel lala, amio yaru taþena la nene, la sinela kari manene la yeririna na yurña kioññaena nene naþa Yesu, naþa naga pe Navisaarena naþa ko omiawawo naga, ana la asitom ke asape akila viowa manene vania.

28 La nene la apimi lele taaga vena akila sanene, ana la akila mesmesu ga e ya naþa ko ositom ruru sumo rui ana ko omliganaria osape naga monar ve sanene.

29 "Ana Ntewa na Mava, imimi na mepiun mesape ko ositomāl ruru ke visena mārera la naþa la asuñña apisa pan imimi, ana imimi mesitom mesape ko oiila imimi, kioñña yeririna na yurñaena lala, vena kila imimi na mevisawal kioñña visena, naþa kiamimi sitomena lala ve yuyuwawa re, a naþa ve memarau re.

30 A imimi na meviun mēna ga tan ko okianlua lumoñña, vena okila namaiena lala awo sina, a vena mekila kile lala pona suri nailanen lala, e kila kiena ne kioñña Yaru Wa na yurñaena, naþa Yesu."

31 A pogos naþa la amlen sanene þisi, yo nene naþa la apiora ke ea naga kululu, ana Ninuna Wa naga pitomi pulen la, ana kila la apano apisawal visena kiena ne Ntewa, naþa kiela sitomena lala mārera la e naga sane.

*Li nalelagaena lala la amiila la ga e kiela suri lala*

32 Ana e poglis nene, þegas nen li nalelagaena la nene, kiela malena pimi po paþisi, sane la sinela taaga ga, a kiela sitomena mēna ga taaga ga, kila na sane pe yar re tai naþa naga māreran sitom visave kiena suri lala la ape kiena ga, ana la asuñña atañan kiela suri lala vena ve kiela pae ga.

33 A li nalologena lala la asuñña apisawal ke e maran yeririna lala, naþa kieta Suþe Yesu, naga mali sina ga e marena rui, a visena nene kiena la nene, naga namāreraena keviu sike ea, a li nalelagaena lala la apisu naþa e pogos nene, Ntewa naga suñña pisa ruru la paþisi e kiena lemamiēna pan la.

34 Pe lala yar re tai naþa e kiela þegasia naþa naga limana plasan suri tai poli, komin naþa yaru la naþa la kiela porotano lala pona mñala yurña lala, la asuñña apulwilin plan ke suri la nene, ana la asuñña apar kana kilavaru ne lala apimi,

35 amligan e limana ne li nalologena lala. Ana siraunia, li nalologena lala la

asuñña amlipere kilavaru la nene pan li nalelagaena la naþa limala plasan suri la þasia.

36 Lala yaru tai nene naþa naga taveve þelaga nene naga yaru naþa Yosop, naþa naga molue e lus kiena ne Livae, naga paeme e purvanua nene Saepras, a naþa li nalologena lala la amligan ke sina ga kiena kia taþena tai, asape Panaþas, naþa kia nene kana kinasa asape "Yaru na visirluaen sitomena kiena ne yaru taþena lala."

37 Naga kila yurñaena wo tanea sanene narui, naþa naga þiliwilin lua kiena kinakinas nen porotano tai, ana naga mla kana kilavaru pimi, ana naga mligan e limana ne li nalologena lala.

## 5

*Ananiais amio wona Sapira*

1 Ana yaru taþena tai, kiena kia Ananiais, naþa naga wona kiena kia Sapira, naga mēna ga þiliwilin lua kinakinas nen porotano tai naþa lalua kiela,

2 ana mla kana kilavaru komþasa, mla pimi mligan e limana ne li nalologena lala. Ana naga þarwan kilavaru na porotano nene komþasa, pe kiela ga lalua, ana wona mēna ga kilia mña suri nene, naþa lalua apranaria.

3 Ana Pita pisa pania, pisape "Ananiais, sanape naþa ko otamān Yermare pimi kila kare sinemā sanene, ana ko opisa kotalia Ninuna Wa, naþa ko osuñña omlarar ke kilavaru na porotano nene komþasa wa?"

4 !Opisu ke ne! Poglis naþa ko pe opilwilin lua re kinakinas nen porotano nene poli wa, ana pe kiena ai? Naga pe kioñña ga. A pogos naþa opilwilinia, kana kilavaru mēna ga punu ga sike e limana ai? Surña ke e lumoñña wa. Ana pogos naþa ko opisaar osape owar punu va Ntewa, ko monar okila ga sanene narui. ? Ana ya ne kila kioñña sitomena naþa okila si visokanena sanene? !Ko na pe opisa kotalia re ga yaru la poli, ko na osuñña opisa kotalia ke Ntewa narui!"

5 Pogos naþa Ananiais mloge visena nene, veraga ga nagan mloru pito tano e porotano, naga marþantop nenaga. A la naþa la amloge kiena lologena nene, la amiyuyuwawa paþisi.

6 Ana kiela yaru viu lala la asuññalu, la amluluwo tasnena, akus pa vanua, ana apa asinia.

7 Lavisi aora ve telu warovia, ana wona nene Sapira, naþa naga mminue ke suri ya naþa pimi e wona na yermēne wa, naga towe pimi loyurña.



<sup>8</sup> Ana Pita piun tania, pisape “Sapira, ko ovisawal van inu. ?Nanene na kilavaru punu nene na kinakinas nen kiamiu porotano nene, pona peraga?”

Ana sira mēna ga nene pisokan, pisa-tamēa, pisape “Peraga, naga ga nene.”

<sup>9</sup> Ana Pita pisi pania, pisape “?Sanape na amiu lua apisokan sanene? !Amiu lua na apiranaria naña asape akilali Ninuna kiena ne Ntewa na Mava! ?Omloge ke yaru la ne amial ke apimi e pulutava ne? !La nene asin womā na yermēne rui apimi, a p̄isi na nanagane ga ne la aviar ko mēna ga ova vanua!”

<sup>10</sup> Ana pogos naña sira nene mloge visena nene kiena ne Pita, naga mēna ga mloru mesmesu ke e lana ne Pita veraga, marp̄antop nena ga. Ana yaru viu la nene apimi si loyurña, la apisu naña sira mēna marp̄an p̄isi rui, ana la apiar ke mēna ga tasnena pa vanua, la apa asinia mēke ga e yepas nen wona na yermēne.

<sup>11</sup> Ana li nalelagaena na surñare lala, amio yeririna taņena mēna ga lala naña la amloge suri nene, la sinela kurkur, amiyuyuwawan paņisi.

*Kile lala amio suri nailanena lala*

<sup>12</sup> Ana e pogos nene li nalologena lala la asumā akila ke kile la moki na namareraena kiena ne Ntewa, amio mēna ga suri nailanena la moki, e marana ne yeririna lala. A silaga, la nene amio li nalelagaena taņena lala la asumā apimi veraga e Kopkop m̄ana ne Solomon, e Yurña Wa Mana ne Ntewa.

<sup>13</sup> Yeririna taņena lala la asumā apatanon la, ana yeririna la naña la pe amlelaga re poli, la moki amaraun naña ava akuspran la amio la.

<sup>14</sup> Ana silaga, yermēne laņasia amio sira lala la amlelaga e Yesu, la apimi ape moki naña moki manene laa, ana la nene, Ntewa na Mava surñā sikol la ke e p̄egas nen li nalelagaena lala.

<sup>15</sup> Kom̄in suri mēna ga la nene, yeririna lala asumā aņure kiela li namaiena lala apimi, ana la amligan la aņeke e m̄ala tog a m̄ala takue lala e isinen mrapa. Ana lala akila sanene vena visae Pita war ro e yo nene, visae ninuna ga, ana visae tol laņasia, p̄isi na la aloge wo sina.

<sup>16</sup> A puna lala naña e narin pulkumali lala naña la lavisin Yerusalem, la mēna ga apimi, a aņereari kiela li namaiena lala apimi, amio laņas naña yermare lala apa e la, ana li nalologena lala la akila ruru la sina ga amloge po.

*Yerkawa lala nae Israel la apuarar li nalologena lala*

<sup>17</sup> Ana p̄arin yaru wa, amio kiena erau lala, naga nene na p̄egas nen Satusi lala

nae e yo nene, la apieluen manene la li nalologena lala,

<sup>18</sup> ana la apa apuarar la, akuan la e yurña nakoena amio li viowa lala naña la asike e p̄isi rui.

<sup>19</sup> Asumā pano-o kolemallo, ana navisi kiena ne Ntewa naga pimi, pietava e mratava na yurña na koena nene, ana naga sumon li nalologena lala amolue sina ga.

<sup>20</sup> Naga pisa pan la, pisape “Amiu ava si asumālu asu loyurña e Yurña Wa Mana ne Ntewa, amiu avisawal si visena lala na malena viu nene va yeririna lala.”

<sup>21</sup> Ana li nalologena lala la amlogear visena nene, a pogos naña yemlagi merarava, la apa si loyurña e Yurña Wa Mana ne Ntewa, la asumā amlogo.

*Kumali keviu nae Israel naga pisi pa li nalologena lala*

Ana kolulagi ke ga nene na wa, p̄arina ne yaru wa amio kiena erau la nene, la apio nasumonena taņena lala nae Israel vena la aimi atotano e kiela kumali keviu. La nene aņape li nalologena la asike e yurña nakoena na wa, a pogos naña la apimi veraga sanene p̄isi, la amligan visena pa e yurña na koena vena li nakirawoen yo lala aure la aimi.

<sup>22</sup> Ana pogos naña apa atol yurña nakoena, la pe aņal la re poli. Ana la aņasuņe ke sina ga apimi kumali, apisawal pan la, apisape

<sup>23</sup> “Pogos naña mepa metol yurña nakoena, monāl pulutava m̄arera ga, akiar ruru ga mon m̄aga, a li nakirawoen yo na yurña nakoena lala asumālu asike loyurña e mratava nene. Ana pogos naña mepi-etava, mepa loyurña, pe monā re yaru tai poli.”

<sup>24</sup> A pogos naña yerkawa lala kiena ne yaru wa lala a nasumonena kiena ne nakirawoen yo e Yurña Wa Mana ne Ntewa, la amloge visena nene, la aminue kare ga e li nalologena la nene narui, m̄a sanape na sanene.

<sup>25</sup> A e pogos nene, yaru tai pimi pisa suri taņena tai pan la, pisape “!Aulai! Yeririna la nene naña amiu amligan la e yurña nakoena, la asumālu asike loyurña e Yurña Wa, la apian ke si yeririna la rui.”

<sup>26</sup> Ana pogos naña nasumonena nene mloge, ana naga amio kiena li nakirawoen yo lala, la apa aņere nalologena la nene apimi ke sina ga, ana la akila ga e p̄elaga naña malumu ga, komin naña la amaraun asape saņisi yeririna lala nae e yo nene p̄isi na la akovela vanonia.

*La aņure li nalologena lala apa ke sina ga e kumali keviu*

<sup>27</sup> La nene aþere li nalologena lala apimi loyurña, ana la akila la asurñalu ase marana ne yerkaawa la nene. Ana þarina ne yaru wa naga piun tan la, naga pisi pan la, pisa pisape

<sup>28</sup> “? Sanape na sanene? Imimi na mepisalupar amiu m̄arera rui, mesape þisi na amiu na ve avisayu re si kia kiena ne yaru nene va yeririna lala, pona avian la ea. ?Ana nanagane sanape? Amiu na akila m̄aga pano-o yo nene naþa Yerusalem naga pulen kiamiu visena la rui, a amiu na asurña apisa ke asape imimi ke naþa mepe purþes nen marena kiena ne yaru nene narui.”

<sup>29</sup> Ana Pita amio li nalologena taþena lala apisatarñela, apisa apisape “Imimi na monar melogear Ntewa taulu naþa melogear yeririna.

<sup>30</sup> Amiu na am̄em̄ar Yesu rui, amiu asuar naga e laki torovia, ana Ntewa na Mava kiena ne kieta yermarua lala naga kila si naga mali ke sina ga petan marena.

<sup>31</sup> Ntewa nene naga pisirlua naga rui, vena naga surña e lepasnena na þamarua, vena naga ve kieta Nasumonena a vena ve kieta Natamaliaena. Ntewa naga kila sanene vena le Israel lala akilia avilopu la, a vena naga kilia viewo kiela mlamulena viowa lala.

<sup>32</sup> A imimi, imimi navisuen suri la nene e kilamaramimi rui, a navisawalena va yeririna lala, naga nene imimi memio Ninuna Wa nene naþa Ntewa naga mla rui pan yeririna la naþa amlogearia.”

#### *Kameliel naga pisi e kumali keviu*

<sup>33</sup> Ana pogos naþa la nae pupia kumali nene la amloge visena nene, miyur la pa þisi, ana kila sane la sinela kari li nalologena la paþisi, ana la sinelan asape alipere la sa naþa la monar amare.

<sup>34</sup> Ana lala yaru tai, naþa la asurña apatanon ke naga, naþa naga pe Varasi, naga pe navianena navisaluaena tai, kiena kia Kameliel, naga surñalu pisapenua aure li nalologena lala la ava vanua sumo wa.

<sup>35</sup> Ana naga pisi e kumali keviu nene, naga pisa pisape “Yerkawa nae Israel lala, amiu amaran̄e amiu, amiu na monar asitom ruru suri nene naþa amiu na sine-miun asape akila van la nene.

<sup>36</sup> Amiu asitomyuli yaru naþa Tutasi. Nanua ga ne, pe nakonua manene re poli, naga surñalu, naþa naga pisa pisape naga pe yaru m̄a tai ne, a suri sane yaru la ponotia vari naþa la apa apiran la amio. Ana la am̄em̄ar naga rui, la am̄enetetain kiena yeririna lala, a kiena þegas nene naga pimi pe suri korena rui.

<sup>37</sup> Siraun naga nene, nane e poglis nene naþa la apolo viraviran yeririna lala, Sutas nene naþa nae Kalele, naga m̄ena ga surñalu, naga þere yeririna lala ataveve naga. Ana siraunia, la am̄em̄ar m̄ena ga naga mare, a la am̄enetetain m̄ena ga kiena yeririna lala apa apeve taaga.

<sup>38</sup> “Poga ga narui, a e suri nene naþa ita tesurña tepisayu ke ne, inu nepisa ke sanini, nesape þisi na ita na teligan yeririna la nene la asurña ga sanene, þisi na ita ve tekila re suri tai van la. Naga nene komin naþa visae kiela sitomena pona kiela yurñaena nene naga molue ga kome yeririna, þisi na suri m̄ena ga nene monar loru ne,

<sup>39</sup> ana visae naga molue e Ntewa, ita na taþatete tevisaluparia. A visae ita telikalali naþa tevisaluparia, pona ita na tevisu naþa sane tesurña tesuwo ke yurñaena wo kiena ne Ntewa tai.”

#### *La amlil li nalologena lala*

<sup>40</sup> Ana kumali keviu naga mloge visena namasisuena kiena ne Kameliel nene, naþa pisapenua ve akila re suri tai va li nalologena la nene, a la apisa apisape þisi na la ataveve ga ve sa naþa naga pisa. Ana la apio li nalologena lala apisape aimi si loyurña, ana la amla narin nakoena pan la, amlil la, apisi m̄arera ke sina ga pan la, apisape la ve avian re si yeririna lala e kia kiena ne Yesu, ana siraunia, la amligan plan la apano.

<sup>41</sup> Ana li nalologena lala apa vanua e pupia kumali nene, ana la pe amloge re piowa poli, amloge ga po paþisi komin naþa Ntewa naga pisu la sane la atorokin kemua naþa atol memawaena e marana ne yeririna lala, vanon kia kiena ne Yesu.

<sup>42</sup> Ana lala pe amlogear re nena kiela yerkaawa la nene, ana legiena punu ga, loyurña e Yurña Wa Mana ne Ntewa, a loyurña lala e yurña m̄ana ne yaru lala, la pe amligan re nenaga naþa la apian ke yeririna lala, a la amlogelon ke Nalologena Wo nene kiena ne Yesu, asape naga pe Navisaarena.

## 6

#### *La apu þarin yeririna naiilaena la olua*

<sup>1</sup> Ana e pogos nene, nalogena kiena ne Yesu lala apimi ape moki manene la narui, ana nasinemimiena tai pimi likan la. E lepas tai, le Yu la naþa apisi ke kom Kris, a e lepas taþena, le Yu la naþa apisi ke ga kome kiela visena, naþa Epru. Ana la nene naþa la apisi kom Kris, la asurña apisimumun ke apisape e legiena punu ga, pogos naþa la apion kiela narin naiilaena

la pan letano lala, ana la akila pe po re nena ga poli pa kiela letano lala.

<sup>2</sup> Ana li nalogena la lualima taaga pa lua amloge visena nene, la apio viraviran make nalogena lala punu ga vena aimi lele taaga, ana la apisi pan la, apisa apisape “Wolai lala, pe pon re naña imimi meligan yurĩaena na visawalen visena kiena ne Ntewa poli, vena imimi mesuñña mevisuar ga yurĩaena tañena la nene.

<sup>3</sup> Visae ve sanene, ami u na monar akilali naña akale kiamiu yeririna la p̄asia ve olua, naña la kiela kia po e maran yeririna lala, a naña la apulen Ninuna Wa, a naña la yepela m̄aen yurĩaena, vena p̄isi na mevisiri plan la la ave narin p̄egas na visuar ruruen yurĩaena tañena la nene.

<sup>4</sup> Ana sanene, p̄isi na imimi li nalologena lala, sinemimi la wetelu kilia suññalu m̄arera su silaga e yurĩaena na leniena a navisawalen Visena Wa kiena ne Ntewa.”

<sup>5</sup> Ana la ne e p̄egas keviu nene, la amloge sitomena nene, ana la akekan manene pañisi, ana la aññal yeririna la olua sa naña la apisa. La olua nene naña la aññalia, ana Stipen tai, naña naga pe yaru m̄arera tai naviawaen e Ntewa, a naga pulen Ninuna Wa, amio m̄ena ga Pilip, a Pokaras, a Nikeno, a Timon, a Pamenas, a yaru nae Antiok naña Nikolag naña naga pe pe Yu re poli, ana naña naga m̄elaga e Ntewa kiena ne le Yu la rui.

<sup>6</sup> Ana la aṗure yeririna la olua nene la apimi asuññalu e marana ne li nalogena lala, vena la aligan limala te p̄arila, a la ayawawo la.

<sup>7</sup> Ana suri nene naña la akila, kila sane silaga, visena kiena ne Ntewa naga suñña telivi laa e yaru la narui, a p̄egas kiena ne nalogena lala garu Yerusalem pimi moki laa narui, naga pa tawa m̄ena ga e yaru wa kiena ne le Yu la moki narui, ana la m̄ena ga akus nalelagaena.

*Le Yu laṗasia aṗere Stipen pa e kiela pupia kumali*

<sup>8</sup> Ana la olua nene, lala yaru tai naña Stipen, naga pe yaru tai naña naga pulen lemamiena kiena ne Ntewa, a naga pulen ke m̄ena ga pupia nam̄areraena kiena ne Ntewa, kila sa naña naga miyurñen kile la moki a suri nailanena m̄ena ga pa yeririna lala.

<sup>9</sup> A le Yu laṗasia naña asike e yo nene, la pe akekan re nena Stipen poli, ana la sinelan asape akila veveyuena vania. La nene, le Saerin lala, a le Alikantrea lala, naña la asike Yerusalem e pogos nene, amio m̄ena ga le Silisia laṗasia a le Esia laṗasia, naña la apimi asikolila. La moki nene la sane p̄egas taaga ga, naña la asuñña

apiora ke lele taaga silaga e yurĩa tai na leniena kiena ne le Yu lala.

<sup>10</sup> Ana la nene la akilali naña avisaluṗar Stipen, pano pano-o peraga, komin naña Ninuna Wa naga suñña kila ke Stipen naga pe manmarua ruru po e kiena visena lala, ana kiela visena na sinekar lala taṗatete nena ataulu naga narui.

<sup>11</sup> Ana la apa aññal sina yeririna laṗasia vena la ava avisa kotalia yerkawa lala, ana la nene la apa apisawal pan la, apisape “Imimi memloge yaru nene naga pisi na, pisa kare Navisaluaena kiena ne Mosis pañisi wa, a naga p̄arnena kare m̄ena ga suri wa kiena ne Ntewa pañisi.”

<sup>12</sup> Ana e p̄elaga nene, la akila nasumomena lala, a kiela navianena na navisaluaena lala, amio m̄ena ga yeririna tañena la moki, la sinela pilulun Stipen pañisi. Ana la apimi apuarar naga m̄arera, aṗure pa e pupia kumali kiena ne le Yu lala.

<sup>13</sup> Ana e pogos nene narui, visena na visokanena la molmolue pimi pe moki laa sane, naña apisayu kare Stipen, apisapenua “Sila ga yaru nene p̄arnena kare luen ga kieta Yurĩa Wa m̄ana ne Ntewa, a e m̄ena ga e Navisaluaena kiena ne Mosis.

<sup>14</sup> Imimi memloge naña naga pisayu Yurĩa m̄ana ne kieta Ntewa nene, naña naga pisa pisape p̄isi na yaru suri nene nae Nasaret naña Yesu, p̄isi na naga we plan Yurĩa Wa nene, a p̄isi na naga vilon m̄ena ga kieta p̄elaga marua lala naña Mosis naga mla kemua pan ita nanua sumo laa rui, naña ita tepuarar ruru la asuñña ga pimi tol nanagane. !Yaru suri nene naña Stipen naga suñña pisawal ke suri la nene, naga kila kare ruru ita pañisi ne!”

<sup>15</sup> La amloge visena nene, ana apilon p̄arila lala akirava apisu Stipen vena naga visatañe visena la nene, ana pogos naña la apisuia, la apisu marana na sa ga marana ne navisi narui.

## 7

*Visena kiena ne Stipen: Naga sunyu p̄esan Epraam sumo*

<sup>1</sup> Ana p̄arin yaru wa naga piun tan Stipen, pisa pisape “?Ana ko, ko na opisa ya? ?Lelaga naña ko osuñña opisawal ke visena la nene sa naña la asuñña apisa ke ne, pona peraga?”

<sup>2</sup> Ana Stipen pisatañe, pisape “Ata lala a wolai lala, ami u ayagogon kiau navisataneena sumo wa. Pisi na in na nevisayu repita marua la sumo wa. Nakonua konua rui, yermarua Epraam naga suñña e kiena purvanua naña Koltea, e pupia lepas nen yo nene naña Mesopotemia, ana kieta Ntewa na Naurarena naga pimi m̄alivinia, ana pisawal pania, pisape

<sup>3</sup> 'Ko na monar omolue e moñia mratava, a e kioñia yo, vena ova e purvanua tai naña p̄isi na in na nevisa van ko.'

<sup>4</sup> Ana Epraam naga molue e Koltea, naga pa sike e pulkumali naña Aran sumo, vano vano-o tol pogos naña arimana naga mare, ana Ntewa p̄ere naga pimi sike e purvanua nini naña ita tesike e nanagane.

<sup>5</sup> "Ana poglis naña Epraam naga pimi tol yo nene, ana Ntewa naga pe mla re nena narin kinakinas nen porotano tai pania, a e pogos nene Epraam naga pe p̄ar re m̄ena narina la poli wa, ana naga p̄uarar m̄areran ga navisaarena naña Ntewa naga pisaar m̄arera pan sumo rui, naña naga pisaar pisape p̄isi na purvanua wetelu nene naga ve kiena ne Epraam amio kiena lus lala naña aimi siraunia.

<sup>6</sup> Ana visena naña Ntewa naga pisa pa Epraam e poglis nene, sanini, naña Ntewa naga pisa pania, pisapenua

'Kioñia lus la nene p̄isi na la ava ase purvanua tañena, ana yoko la ayum̄ae korena van kana suñe lala, naña p̄isi na la akila viowa manene van la vañisi, vano-o tol kas ponotia ve vari.

<sup>7</sup> Ana siraunia, p̄isi na in na nela naliñereena van purvanua nene, a p̄isi na nela m̄ena ga nakoena van kiena yeririna lala, a p̄isi na inu neure plan ke sina ga kioñia lus la nene, vena la awasuñela aimi alotun inu e yo nena naña in na nemla pan amiu.'

<sup>8</sup> "Ana e poglis nene Ntewa naga pisa p̄elaga na p̄aviu pa Epraam, sane totou na naviranarena nene naña Ntewa naga kila amio naga, ana pogos naña narina naña Aisak naga paeme, legiena olua p̄arovia, ana Epraam kila p̄aviu e naga. Ana siraunia, Aisak naga m̄ena ga kila sa ke ga nene pa narina naña Sekop, a p̄isi na Sekop m̄ena ga naga kila pa narina la lualima taaga pa lua nene, naña nanagane ita tesuñia tepio la ke sane la ape p̄arin arimata nasumo lala."

#### *Stipen pisayu Yosop*

<sup>9</sup> A Stipen naga suñia pisi ke ga wa, naga pisa pisape "Ana Yosop naga pe p̄arin arimata la nene tai, ana wenla tañena la nene la apieluen naga pañisi, ana la ap̄iliwilin lua naga vena vanon yum̄ae korena e purvanua naña Isip. Ana Ntewa naga sike amio naga e yo nene,

<sup>10</sup> a miila naga e kiena pogos m̄arera lala, panopano kila naña p̄arin suñe nae Isip nene, naña kiena kia Pero, naga pisa manmaruaena kiena ne Yosop po pañisi, ana Pero nene mligan pupia yum̄aena lala

navisuaren kiena purvanua e limana ne Yosop naga taaga.

<sup>11</sup> "Ana e pogos nene narui, ana pupia pogos na viso tai garu Isip a e yo kiena ne m̄ena ga repita lala naña Kenan, ana la amloge piowa vanon pañisi, a la apisu sane peraga narui, pe kala kinanena re si po laa rui.

<sup>12</sup> Ana yermarua Sekop, naga mloge naña kinanena lañasia na wilwilinena suñia ke ma Isip wa, ana naga mligan narina la nene, naña la ape p̄arin arimata lala, vena la ava metava ma Isip vena awar kala kona lañasia. Naga nene naña sane la apa p̄esan ga ma Isip na wa.

<sup>13</sup> Ana yam luan naña la apa ma Isip sanene, Yosop naga pisa lologia naga pa wenla lala, a suniena na mratava la nene kiena ne Yosop naga pa tol m̄ena ga Pero.

<sup>14-15</sup> Ana Yosop naga mligan visena pa pa arimana naña Sekop, pisape naga amio la punu ga na mratava m̄ana la monar avami asike amio naga, ana Sekop amio na mratava m̄ana lala apavini, la punu ga la lualima olua pa lima, la apa asike ma Isip. La apa asuñia pano pano-o, ana siraunia Yosop nene amio kieta yermarua tañena la nene la amarmare ga e yo nene.

<sup>16</sup> Ana ko pa tañena ga rui, la añar si puriula lala añasuñe sina e yo kiena ne la nene, e yo tai kien kia Sekem, ana la asinila e lotap tai naña yermarua Epraam naga pul lua nanua sumo rui tan le Amaro lala."

#### *Stipen pisayu Mosis*

<sup>17</sup> Ana Stipen naga suñia pisi ke na wa, pisape "Ana kieta yeririna lala asike garu Isip tol si kas moki pañisi, ana la akapuru apimi ape moki manene la narui, ana Ntewa naga pisa sane naga torokin ruru kana pogos naña naga kila sa naña naga pisaar pa Epraam sumo p̄isi rui, pisape p̄isi na naga were plan kiena lus lala e kiela nayum̄ae korenaena.

<sup>18</sup> Ana e pogos nene p̄arin suñe viu tañena tai naga suñalu garu Isip rui, naña naga m̄inue suniena kiena ne Yosop nanua sumo amio kiena na mratava m̄ana lala,

<sup>19</sup> ana naga kila kare manene laa kieta lus la nene na nanua sumo, naña naga m̄areran la ga vena la aligan kare ga narila lala asuñia ga vena amarmare, vena ve akapuru re si avim ave moki.

<sup>20</sup> "Ana e ke e pogos nene, Mosis naga paeme, naña naga pe sisi tomtom tai naña pe sisi tanea po pañisi. Ana arimana amio anena, lalua apisuwan wan ga sisi nene e m̄ala loyum̄a pano pano-o tol kupario telu,

<sup>21</sup> ana siraunia, lalua akila p̄ele si yonia, ana lalua monar aligan lua naga. Ana

siraunia, lomëaru kiena ne þarin suþe ga nene naga m̄alia, ana naga sane kuslua Mosis, pisuarua vena ve narina.

<sup>22</sup> Naga suña kapuru m̄a sanene pano-o, ana la asuñã apian naga e manmaruaena kiena ne le Isip lala, ana naga kapuru pa pe yaru m̄arera tai a pe yaru na visena na manmaruaena a yepen m̄aen m̄ena ga yurñaena."

*Mosis naga sinenan sape tamalia le Israel lala*

<sup>23</sup> Ana Stipen naga suña pisa ke, pisape "Ana pogos naþa Mosis, kiena kas pa tol sane lualima yam vari, naga sitoñal si le Israel taþena la naþa la asike na, naþa la sa ga wenla ga lala, ana naga suña siar pa m̄alivin la towe m̄aga.

<sup>24</sup> Ana pogos tai naga pano, m̄al naþa yaru nae Isip tai suña m̄e ke yaru nae Israel tai, ana naga pa miila yere Israel nene, ana naga kilamaran pa yaru nae Isip nene, m̄em̄ar naga mare.

<sup>25</sup> Naga nene komin naþa Mosis naga sitom ke pa þisi rui pisape þisi na Ntewa naga ligan lua naga vena natamaliaena kiena ne kiena yeririna la nene, ana e pogos nene le Israel lala la pe apisu kilale re poli wa naþa asape þisi na Mosis kila sanene van la.

<sup>26</sup> "Ana yemlagi ke sina ga e legiena taþena, naga m̄al le Israel lalua asuñã asu la a am̄e la m̄aga, ana naga panon pisape visaluþar naþa lalua ve awela re sina, a naga pisape kilali naþa lalua atalopan la sina. A naga pisa pan la, pisape 'E, amiũ lua ayagogo. ?Sa ga naþa amiũ lua nene ape welelai ga rui, sanape na amiũ lua akila kare amiũ ke sanene?'

<sup>27</sup> "Ana naga naþa pe kila mesmesu re pan naga komþas nene poli, naga suponlua Mosis pa perina, ana pisa pania, pisape '? Sanape? ?Ane mligan lua ko pisape ko ove kiamimi yerkawa, a vena ko oliþere imimi sanene?'

<sup>28</sup> ?Pona ko sinom̄an osape ower̄mar inu ve sa naþa om̄em̄ar yaru nae Isip nene nakoneva, ne?'

<sup>29</sup> "Ana poglis naþa Mosis naga mloge visena nene, mloge piowa paþisi, naga suñalu, pionlua petan Isip, pure pa sike e purvanua taþena tai, kiena kia Mitian, ana naga sike e yo nene piavi laa sane, a narina na yerñene luwoka ga, apaeme e yo nene."

*Mosis mloge Ntewa pisi pania*

<sup>30</sup> Ana Stipen pisa pisape "Ana Mosis sike e yo nene pano tol si kas lualima yam vari, ana legiena tai naga suña e yokorena tai, lavisin pupia tavie naþa Sinae. Ana e yo nene naga mali navisi tai pimi m̄alivinia e kapi naþa kekan purlaki wetelu tai.

<sup>31</sup> Ana Mosis naga milan suri nene ana sinena kurkur paþisi, ana naga pa laa lavisin purlaki nene vena visu rurua. Ana naga mloge pulgona ne Ntewa,

<sup>32</sup> naþa pisa pisape 'In na nepe Ntewa kiena ne repiñã lala, sane Epraam, Aisak, a Sekop.' Ana Mosis telm̄anin paþisi, naga maraun visuena.

<sup>33</sup> Ana Ntewa na Mava naga pisa si pania, pisape 'Ko oyenlua kioñã kulus nen lam̄a, komin yo na ko osuñalu osike e ne, naga pe yo wa tai naþa.

<sup>34</sup> Ana in na nevisa van ko sanini, ne-sape inu nepisuveve ruru naloge viowaena kiena ne kiau yeririna la garu Isip þisi rui, a nemloge kiela tagiena þisi. In na nepimin ke nesape neure plan la narui, a opisu ke ne, inu nesuñã nemligan ko m̄ena ga nesape ko owasuþe si ova garu Isip sumo wa, vena ove kiau yeririna nakilaen yurñaena nene.'"

*Le Israel lala yepela mavin Mosis*

<sup>35</sup> Ana Stipen naga suña pisi ke pan la na wa, naga pisa pisape "A Mosis nene, naga ke nanua sumo yepela mavin naga narui, naþa la apisa visena ne nanene narui, apisape '?Sanape, ane mligan lua ko vena ko ove kiamimi yerkawa, a vena ko oliþere imimi sanene?' Ana Ntewa ke ga naþa naga mligan kiena navisi naga pimi teke e purlaki naþa kapi kekan ke ne, vena liganar si Mosis naga ve suþe a ve natamaliaena kiena ne le Israel lala.

<sup>36</sup> Ana Mosis ke ga nanene na wa, naþa naga sumon le Israel lala amolue garu Isip, la apimi. A silaga, garu Isip, a e Sive Naþa Pivaga, a kas lualima yam vari ke sina ga e ga e yokorena, naga suña kila kile lala na nam̄areraena kiena ne Ntewa, a suri nailanena lala pan la.

<sup>37</sup> A Mosis ke ga nene na wa, naþa naga pisawal pa le Israel lala, naga pisa pisape 'Ntewa naga þisi na naga liganar ga amiũ yaru ga tai, sane kiamiu navisawalen taþena tai, sa naþa naga mliganar inu sumo rui.'

<sup>38</sup> A Mosis ke ga nene na wa naþa naga suña amio repita marua lala a amio le Israel taþena lala, poglis naþa la amialoro ke e þegas taaga e yokorena, a naga ke ga naþa suña amio navisi nene naþa pisi pania meta e tavie naþa Sinae. E pogos nene narui, Ntewa mla visena namalena pa Mosis ne na nene, ana Mosis kus pitomi kian pan la.

<sup>39</sup> "Ana repita la nene yepela mavin nena logearen Mosis, a la akoven lua kiena visena nene, ana e kiela sitomena lala, la sinelan ga asape awasuþe la sina ga ava Isip.

<sup>40</sup> Pogos naña Mosis petan la, pa sike yam piavi ma tavie naña Sinae, ana la asitomāl ke sina ga kiela malena marua nanua asike garu Isip sumo, ana la apisa pa Aron nañani, apisape 'Imimi na sine-mimin mesape ko oyurñaena kieta nono lañasia, vena la akilia asumon ita tevano, komin Mosis nene naga ñerelua ita garu Isip ana naga sumon ita tepimi e yo nini, ana ita temninue kare ga naga sike pe narui, pona añña sanape e naga.'

<sup>41</sup> Ana la apa akila sanene, la amiyurñaena nono na narin puluk tai naña pe purwolou, ana la akila nakuñapaena pania, a la akila pupia ñapağena tai pa kiela nono nene naña la ga amiyurñaenia e ga e limala.

<sup>42</sup> "Ana pogos naña Ntewa pisa suri nene, naga pilopu ñasina pan la, a naga mligan la vena la ava alotun verue lala. A suri nene naga sa naña visena wa kiena ne Ntewa nene naña Navisawalena Amos naga pisa e Visena Wa, naga pisa pisape 'Le Israel lala!

*?Sila ga e kas lualima yam vari e yokorena, amiu añne moñar suri malī lala vena kilaen nakuñapaena,*

*ana nakuñapaena nene pan inu, pona pan ai?*

<sup>43</sup> *Peraga kemua rui, pe akila re pan inu poli, ana amiu na amlotun ke ga nono la naña amiu ga akila ne,*

*sa naña Molek nene,*

*naña amiu na amialoro amio kana silparpara nena,*

*a Repan ñena ga sa ke ga,*

*naña amiu akus nono na kiena verue nena naga pa sumon amiu.*

*Komin suri ne nanene, ñisi na in na nemene plan amiu ava koperinan kiamiu purvanua, ava asumia garu Papilon lepas na vano.' "* Amo 5:25-27

*Stipen pisayu naña Ntewa naga miila manene laa le Israel lala wa*

<sup>44</sup> Ana Stipen pisa pisape "Ana e pogos naña kieta yermarua la nene la asike e yokorena nene, Ntewa naga pisa pa Mosis pisape naga monar yurñaena ñana silparpara tai, sane kile tai naña pisawal pisape Ntewa naga sumia amio la. Ana la amiyurñaenia torokin ruru sa naña Ntewa naga pisawal pania, ana la asumia amlenlele in ña silparpara nene pimi.

<sup>45</sup> La akila ña sanene pimi tol pogos naña Yosua sumon kieta yermarua lala apimi añene plan yolai tağena la naña apimi asike e kieta porotano nene, rui. Ana Ntewa naga ñere kieta yermarua lala apimi si loyurña e kieta purvanua nene a e poglis nene, la akus silparpara nene pimi loyurña amio la, mon ña amio la pimi pimi

tol pogos naña yermarua Tepet naga pe ñarin supe.

<sup>46</sup> "Ana Tepet pisa naña Ntewa naga kekarania e suri la moki liu, ana naga piunia pisape visae Ntewa naga tañania, vena naga yurñaena ñana yurña wa tai, vena lus kiena ne Sekop lala akilia ava ea alen vania.

<sup>47</sup> Ana Ntewa naga pe tañan re Tepet naga yurñaena yurña tai sanene poli, ana sirauia narina nene naña Solomon naga miyurñaena ñana pupia Yurña Wa nene.

<sup>48</sup> Ana ita monar tesitomāl ñena ga, sane Yer Kawa Na Metava Manenea, naga tağatete se yurña tai naña yaru ga la amiyurñaenia, sa naña Navisawalena Aisea naga pisa pisape

<sup>49</sup> *'Ntewa Na Mava naga pisa pisape*

*"Ma ga e peni naga sane leleu natotanoena, a yomarava nini naga sane le lena liganen lau su metava ea.*

*?Amiu na asitom asape akilia ayurñaena yurña ya, vena neva nese ea?*

*?Pona amiu asitom asape akilia ayurñaena e yo nape, naña neva neva ruru inu ea?*

<sup>50</sup> *Suri la punu ga na sike ne, ana in ga na nesii make punu ga.' "* Ais 66:1,2

*Stipen pisi ñarera pan la pisape le Israel la pe amlogear re Ntewa poli*

<sup>51</sup> Ana Stipen sinenan pisape kila make kiena visena nene narui, ana naga pisi pa yerkawa kiena ne le Yu lala naña la asike e kumali, ana naga pisa pan la, pisape "Ana amiu na, amiu atorkin ruru nenaga kieta yermarua la na nanua sumo ne. Amiu na ape kuruñil pañisi wa, ñarimiu ñarera, a kiligamiu pope ñena ga, yepemiu mavin logeen visena kiena ne Ntewa, a sinemiu lala naga sa ga sinen yaru la naña la pe ape ñaviu re poli wa. Amiu na ape yaru na suwoen luen ga Ninuna Wa silaga.

<sup>52</sup> Navisawalena lala kiena ne Ntewa nanua sumo, kieta yermarua lala akila make kemua piowa pan la punu ga rui, a la añne moñar la moki, pe sur koren ga naña ape yaru la naña Ntewa naga mligan la apimi vena avisawal avisave Yaru Wa Nayurñaena kiena ne Ntewa nene naga pisi na imi. Ana amiu na apiowa laa sane, komin naña pogos na yaru nene naga ñalivin ita rui, ana amiu apielua naga a añneñar naga mare.

<sup>53</sup> Amiu ke narui naña amiu atol Navisaluena kiena ne Ntewa pisi rui, naña navisi lala amla pimi sumo, ana amiu na pe amlogear re nena poli, akilaroro kare make ga silaga."

*La akoveñar Stipen*

<sup>54</sup> Visena kiena ne Stipen pisi e nene narui, a pogos naña li navioraena lala na

kumali la amiyagogon naga, visena la nene miyur manene sinela paḡisi, ana la sinela mimi paḡisi, la asuḡa akar ke maluela vanonia.

<sup>55</sup> Ana Stipen, naga Ninuna Wa pimi pulenia, ana naga kira pa metava ma e peni, kirava ruru ḡa sanene, pisu pupia naurarena naḡa kilawo ke Ntewa, a naga pisu ḡena ga naḡa Yesu naga suḡalu sike e yo na metava lavisinia, nanene na e lepasnena na ḡamarua.

<sup>56</sup> Ana naga pisu suri nene, naga pisa pa la naḡa asike ne, pisape “!Ake-e aulai! Inu nepisu naḡa nanapane naga suwowo ga mon ḡaga, ana Narina ne Yeririna naga suḡalu sike e lepasnena ne Ntewa naḡa ḡamarua.”

<sup>57</sup> Ana yerkawa la nene la amloge ya naḡa Stipen pisa, ana la amloge sa naḡa naga pisa kare Ntewa, ana amlokai keviu pa metava, a apuwo pulkiligala lala, vena la ve aloge re si visena kiena ne Stipen, ana la punu ga akiriri apa puna veraga,

<sup>58</sup> ana atararia, aḡereyalolon naga petan pulkumali keviu nene pa vanua. Aḡure matan pulkumali keviu nene, vena la akoveḡaria, ana la apisa asape yeririna la naḡa amligan la sumo vena la avisawal visena la naḡa kila Stipen kus naloge viowaena, apisape la ke nene narui la monar akoven ḡesan kilavaru. Ana la amien plan ḡala kulgota lala, ana la amligan sike e limana ne yaru vii tai naḡa naga sike amio la e pogos nene, naga kien kia Sol, ana la nene asun ke naḡa akove Stipen narui.

<sup>59</sup> Ana pogos naḡa la asuḡa akove ke naga sanene, ana naga mlen, pio Ntewa, pisa pisape “Suḡe Yesu, awis, otarḡan ninuu varḡasu, nesike nemio ko.”

<sup>60</sup> Ana naga kinai mloru mon tano, mlokai keviu, pisape “Suḡe, awis, ve ola re si nakoena van la e kiela mlamulena viowa nene naḡa la akila ke pan inu ne.” A siraun naḡa naga pisa sanene ḡisi, mloru pito tano, naga mare nena ga.

## 8

<sup>1-3</sup> Ana Sol nene naḡa naga sike e pogos nene, naga pisu suri nene, naḡa akoveḡar Stipen mare, a naga pisu sa ga naḡa la akila ke ga yurñaena wo tai. Ana pe yam piavi re poli, yaru ḡarera na leniena laḡasia, la pe amarau re poli, la sinela miye paḡisi, ana la apimi akus tasnena ne Stipen, ana la ataginia ḡisa ataginia, ana la apa asinia.

*Sol naga ḡene kare la naḡa amlelaga e Yesu paḡisi*

Ana siar e pogos nene, ana Sol lala, la apilamoluen kare ḡegas nen li nalelagaena lala garu Yerusalem. La arḡene kare la

pano-o kila narui la moki naḡa aḡure e yo nene, apa asike e yo taḡena lala garu Yutea amio Samaria, ana li nalologena ga lala, la pe apa re poli, la asuḡa ga Yerusalem. Ana Sol la sinela kar manene laa li nalelagaena lala va laa na wa, ana la asuḡa apa ke ga e ḡala yurña lala, a aḡere plan la, amligan la e yurña naloge viowaena, naga nene yermene amio sira.

### *Pilip pa mlologo garu Samaria*

<sup>4</sup> Ana la naḡa la amlelaga e Yesu, la moki naḡa apuretetai petan Sol lala e pogos nene, ana pogos naḡa la asuḡa apa tetai sanene, ana la asuḡa amlogogon ke visena kiena ne Yesu pano.

<sup>5</sup> Ana lala yaru tai naga yaru naḡa Pilip, naḡa la amliganaria pe tikon sumo, naga pitomi tano e pulkumali keviu tai garo lepas naḡa Samaria, ana naga mlologon ḡesan ke Navisaarena Yesu pa yeririna lala nae e yo nene.

<sup>6</sup> Ana yeririna la moki paḡisi naḡa la amiyagogon ruru ke kiena visena lala, a la apisu kile la naḡa naga kila,

<sup>7</sup> sa naḡa yermare lala amolue petan yeririna la moki, naḡa pogos naḡa la amolue, ana la amlokai manene paḡisi ana apureure. Ana la apisu ḡena sane yaru la naḡa yepela la komḡas marmare, a amio ḡena laulu lala, la apimi apo sina.

<sup>8</sup> Ana e yo nene, a ḡina lala la akekara naḡa akekara paḡisi komin suri la naḡa amloge a naḡa apisuia.

### *Yaru na purḡaki tai, kiena kia Saemon*

<sup>9</sup> Ana nanua sumo, naḡa Pilip naga pe pimi re Samaria poli wa, ana yaru na purḡaki tai naga sike e yo nene, naḡa naga kiena kia Saemon. Siar e pogos la nanua sumo rui, naga pe yaru naḡa naga kiena kimi moki paḡisi a naga suḡa miyurḡaen ke suri la moki sanene, ana naga kila sa naḡa naga suḡa pisawal ke naga pisape naga pe yaru taḡena tai, ana yeririna lala nae e lepas nene la silaga sinela kurkurun naga paḡisi.

<sup>10</sup> Kiela yerkawa lala, amio yeririna taḡena lala, la asuḡa amlelaga ke e kiena visena lala, a la apisa ke sanini, apisape “!Aulai! Yaru nene, naga narareraena kiena ne Ntewa kemua tai sike e naga. Naga nene naga monar narareraena nanene narui naḡa ita tesuḡa temloge ke naḡa asuḡa apisayua, apio apisape ‘Narareraena Keviu.’”

<sup>11</sup> La amilan manene naga sanene narui, komin naḡa naga kila suri nene yam piavi rui, ana kila narui la amlelaga ea.

<sup>12</sup> Ana siraunia, pogos naḡa Pilip naga pa mlologon nasuḡenena kiena ne Ntewa pan la, a mlologon ḡena ga kiena kiena ne Yesu Kristo, ana la amlelaga e kiena visena

narui, ana yern̄ene lala amio sira lala, la punu ga apa e nakeena.

<sup>13</sup> Pimi tol m̄ena yaru nene Saemon, naga m̄ena ga m̄elaga, ana la amligan naga pa e nakeena. Siraun naga nene, silaga naga su ga lavisi, pe sinamaran pa Pilip, naga sum̄a milan manene luen ga kile lala a pupia yum̄aena lala nam̄areraena kiena ne Ntewa naŋa Pilip naga sum̄a kila ke ne.

<sup>14</sup> Ana pe yam piavi re poli, visena na suri la nene naŋa molue e nini, panono tol li nalologena lala garu Yerusalem, apisape le Samaria m̄ena ga lala, nanagane la am̄elaga e Ntewa rui. Ana li nalologena la nene la apisayuiā, apisu sane popon avitetalia Pita amio Yoane vena lalua ava akaten la, ana lalua akilali naŋa avisuveve suri la nene.

<sup>15</sup> Ana pogos naŋa la apito am̄alivin la garo Samaria sanene, ana lalua apu ŋarila, a lalua amlenwo la vena Ntewa ligan Ninuna Wa vitom van la.

<sup>16</sup> Ana lalua amlenwo la sanene, komin naŋa sumo ana Pilip naga kila nakee laena e kia kiena ne Suŋe Yesu, ana Ninuna Wa naga pe pitomi re e la poli wa.

<sup>17</sup> Ana sanene, Pita amio Yoane, lalua akila sanene pan la narui, ana Ninuna Wa pitomi e la e poglis nene narui.

<sup>18</sup> Ana purm̄aki naŋa Saemon nene, poglis naŋa naga pisu nalologena la lua nene apu ŋarina ne yeririna la, naŋa am̄elaga mare ga na wa, ana kila naŋa Ninuna Wa pitomi pan la sanene, ana naga pieluen kiela nam̄areraena nene. Ana naga pa mla kilavaru tai pimi, kian pan lalua nene vena ul lua nam̄areraena nene naŋa sike e lalua nene,

<sup>19</sup> pisa pan la, pisape “Nanene na, in na sineun nesape amiu lua ala re nam̄areraena nene komŋas van inu, vena inu m̄ena ga nekilia nowu ŋarin yaru lala, vena la akilia atol Ninuna Wa.”

<sup>20</sup> Ana Pita naga miyelu kapuruia Saemon, naga pisi m̄arera pania, pisape “Aa, in na taŋatete nela kioŋa kilavaru naŋa ko ositom ke osape okilia owl lua nam̄areraena kiena ne Ntewa ea. ?Ko na okilia owl nalakorenanena naŋa Ntewa naga mla ga sa ga nene pa yaru lala? In na nevisa van ko, kioŋa kilavaru nene ŋisi na amiu lua ava akovio e lele na loge viowaena e kapi.

<sup>21</sup> Nanagane mepisu kilale ko narui, ana taŋatete metam̄an ko okila yum̄aena nene amio imimi, komin naŋa kioŋa malena pe mesmesu re nena e marana ne Ntewa poli.

<sup>22-23</sup> Peraga, ko na sineŋa pule ga e vielueena lala, a kioŋa mlamulena viowa lala apiar kioŋa malena m̄arera paŋisi. Ko na monar ovilopu ko e kioŋa sitomena

viowa la nene, ana ko na monar olen va Ntewa vena naga viewo ko ea.”

<sup>24</sup> Ana Saemon naga pisatam̄e Pita lalua Yoane, pisape “!Ake suwala! Visae sanene, inu sineun nesape amiu lua alenwo inu, vena Suŋe naga iila inu vena suri m̄arera la naŋa apisa ke ne, ŋisi na ve imi tol re kiau malena.”

<sup>25</sup> Ana nalologena lalua nene Pita amio Yoane, asu towe laa amio yaru la nene, ana asum̄a apisawal suri la naŋa Kristo naga kila, amio visena lala naŋa Ntewa naga pisa, ana siraunia apasup̄ela, amlilu sina ga kiela mrapa apa Yerusalem. Ana e kiela mrapa komsusa, ana lalua asum̄a amlologon ke nalologena wo kiena ne Yesu e pulkumali lala kiena ne le Samaria lala, ana siraunia lalua apimi aporu ke sina ga garu Yerusalem.

*Pilip pisi amio yaru malo tai nae Itiopia*

<sup>26</sup> Ana poglis naŋa Pilip naga miyumiāe ke gar Samaria wa, ana navisi kiena ne Ntewa tai pimi m̄alivinia, pisi pania, pisape “Pilip, inu nevisa van ko, nevisave osum̄alu oyali ova otaveve mrapa naŋa kom Yerusalem, pa metava ma pulkumali nae Kasa.” Ana mrapa nene naga mrapa naŋa pa metava ŋaro e lepas naŋa e yokorena.

<sup>27-28</sup> Sanene, Pilip mloge visena nini sur̄alu, naga siar pisape va narui. Naga sum̄a mial ke pa sanene, ana milan yaru malo tai naŋa sike e kiena kat naŋa wosi ŋere ke pimi e mrapa nene. Yaru nene sur̄a pulo ke Tusi Wa naŋa Aisea naga siriyuia. Yaru nene, naga pe yerkawa tai kiena ne pupia sira tai nae Itiopia, naŋa la apio sira nini asape Kantes, naŋa kana kinasa apisape naga ŋarin suŋe na kiela purvanua. Yum̄aena kiena ne yaru nene, naga pe navisuaren pupia yum̄aena lala e lepas na kilavaru kiena ne pupia sira kawa nene, a yaru nene, naga pe yaru m̄ena ga tai naŋa sumo rui la akila naga pe kalmaite. Ana e pogos nene, na pito garo Yerusalem rui vena len va Ntewa, ana naga taveve kiena mrapa vena wasuŋe sina va kiena.

<sup>29</sup> Ana Pilip naga mlilu m̄a mrapa pano, a yerkawa m̄ena ga nene mialoro e kiena lele na totanoena naŋa wosi ŋere ke ne, ana Pilip pisu naga. Ana Ninuna Wa pisi pania, pisape “Ko otaveve yaru nene, ova ga lavisin kiena kat nene.”

<sup>30</sup> Ana Pilip kiriri taveve naga pano, ana pa lavisinia, naga mloge naŋa yaru nene sur̄a pulo ke tusi kiena ne Navisawalena Aisea. Ana Pilip piun tan yerkawa nene, pisape “?Sanape, ko na okilia ke kinas nen visena la ne ko opuloyu ke ne, pona pe opulokilale re poli?”



<sup>31</sup> Ana yerkawa nene pisatarūnea, pisape “?Pisi na in na nekilia ve sanape ne, naḡa pe yaru re tai naḡa visawal kana kinasa van inu poli?” Ana naga pisa ke sina ga pa Pilip, pisape “Visae sanene, oula ovami metava e lele na totanoena e nini wa, oto omio inu e nini.” Ana Pilip pa totano amio e kat.

<sup>32</sup> Ana visena na Tusi Wa nene naḡa Aisea siriyaia, a naḡa yerkawa nene kilali ke sape wulovia e pogos nene, nane visena ne nane pisa sanini, pisape

*“Yaru nene naga sane sipsip tai, komin naḡa visae atararia vena awemaria, naga pa ruru ga moḡa ga,*

*pona naga sa ga ninus nen sipsip ga tai, naḡa pogos naḡa amie plan ḡesan ke vilulusia ana pe mlokai re poli.*

*Ana yaru nene naga sa ke nene narui, naḡa naga e pogos mārera na kiena malena,*

*naga pe pisa re nena kiena visena tai poli, naga pa ruru ga mēke na.*

<sup>33</sup> *Ana la akila mēna ga memawaena pan naga paḡisi,*

*ana pogos naḡa la amlipere naga, la akila pe mesmesu re pan poli.*

*Pisi na la apisu sane ve narina re si tai naḡa naga la kiena kia narui,*

*komin naḡa lala la akilaro kiena malena e yomarava nini, pimi plas ga rui.” Ais 53:7,8*

<sup>34</sup> Ana yerkawa nene piun kinas nen visena la nene tan Pilip, pisape “Mara, sineun nesape ovisayuli van inu, ane navisawalena nene pisayu ke ne? ?Naga pisayu ke sina ga naga, pona naga pisayu ke ga yaru taḡena tai?”

<sup>35</sup> Ana Pilip naga pisayu ruru pa yaru nene, siar ruru e marana Tusi Wa naḡa naga puloyu ke ne, a naga taveve panoo, pisawal wetelun mēna ga lologena wo kiena ne Yesu pania.

<sup>36</sup> Ana e pogos nene akiriri mā ke e kat wa, lalua ataveve mrapa apano, apimi atol e yo tai naḡa wii tai mēke ea. Ana poglis naḡa yerkawa naḡani mā wii nene, pisa pa Pilip, pisa pisape “Inu sineun nesape okila nakeena van inu na, okira, wii tai ne mēke ne. ?Sanape, suri laḡasia suwo ke italu na wa, naḡa taḡatete neva e nakeena e nene, ne?”

<sup>37</sup> [Ana Pilip pisatarūnea, pisa sanini, pisape “Visae ko olelaga kemua e sinemā wetelu, inu nekilia nekila nakeena e ko.”

Ana yerkawa nene pisape “Ee, inu nemlaga e Yesu Kristo naḡa naga pe narina ne Ntewa kemua lelaga.”]

<sup>38</sup> Ana naga kila kiena kat pa ruru e nene, ana lalua amligan metava e lele na totanoena nene atapul apito tano, apito

asumalu ase e wii, ana Pilip kila nakeena e yere Itiopia nene.

<sup>39</sup> Ana pogos naḡa lalua amolue sina ga e wii nene, ana Ninuna Wa pimi ḡerelua Pilip veraga pano, ana yerkawa nene pe mā re si poli. Ana naga pa si teke e kiena kat, mla ke sina ga kiena mrapa pano, ana kekara a kiena sitomena mloge po paḡisi.

<sup>40</sup> Ana Pilip, sa naḡa pa narui, milan ga naḡa naga sike garu pupia pulkumali naḡa Astoto rui. Ana naga sumā mialoro ke pito garove, mlologon nalologena wo kiena ne Yesu e pulkumali la moki e lepas nene, a naga pa mēna ga tol pulkumali keviu naḡa Sisaria.

## 9

*Ntewa pilon Sol pimi pe yeririna kiena ne Yesu*

*Yurūaena 22:4-16, 26:9-18*

<sup>1</sup> Ana e pogos nene, Sol ne nanene naḡa sumo ana naga sumā kila kare ke li nalelagaena la garu Yerusalem paḡisi, naga sinena kar ke nalogena kiena ne Suḡe la nene na wa, ana naga sumā pisaar ke ga wa pisape ḡisi na naga we moḡar la. Sanene e pogos tai, naga pa pisu yerkawa kiena ne yaru wa lala,

<sup>2</sup> ana piun naiilaena laḡas tania. Sol naga sinenan pisape yerkawa nene naga siri māki laḡasia vano va li nasumonena lala na yurūa na leniena kiena ne le Yu lala, nae garu Tamaskas, vena visawal van la visave la monar atamān Sol vito garo pula, vena kale yeririna lala naḡa la asike loyurūa e ya naḡa la apio e pogos nene asape “Mrapa Viu,” nane li nalelagaena lala. Sol na kila sanene komin naḡa naga kiena sitomena pisape vito uarar la, yermene lala amio sira lala, ana were la si awasuḡe ava ma Yerusalem, e naḡa la ase sumo ḡisi na apureure, vena koven la ava e yurūa nakoena. Ana yerkawa naḡani siri sa naḡa Sol piunia, kian pania.

<sup>3</sup> Ana Sol naga ḡar māki la nene, ana mligan yo Yerusalem, ana pito ke garo Tamaskas. Ana Sol lala la amial mā apanoo e legiena laḡasa, a pogos naḡa apimi lavisin pulkumali nene Tamaskas, ana naga milan ga naḡa pupia yomerarava kiena ne Ntewa tai molue metava e sinapane tegoli yo naḡa naga mial ke ea.

<sup>4</sup> Pogos naḡa yomerarava nene tegoli Sol sanene, ana kila naga mloru pito tano e porotano, ana naga mloge pulgon yaru tai pis pania, pisa pisape “!Sol, Sol! ?Vanon ya ne ko osumā okila manene piowa pan inu sa naḡa ko osumā okila ke ne?”

<sup>5</sup> Ana pogos naḡa Sol naga mloge naviunena nene, ana naga piuntamē sina ga, pisape “?Ana Suḡe, ko anene ḡa?”

Ana naga pisatamea, pisa pisape “Inu Yesu nini naña ko osuñia okila kare ke naga, in ne na nini.”

<sup>6</sup> Ana Yesu pisa sina ga pania, pisape “Ko, osuñalu, oyali ova garu uña Tamaskas, ana ñisi na yaru tai imi visawal van ko visave ñisi na ko okila ve sanape.”

<sup>7</sup> Ana yeririna la naña la asuñia ataveve ke Sol e pogos nene, la mēna ga amloge visena la nene, ana la pe amā re yaru naña pisa poli, ana la sinela kurkur pañisi, la asuñalu wowe ga asikena, la pe kiela visena na visaeen re si poli.

<sup>8</sup> Ana sirauñ suri nene, Sol naga kila sa naña Yesu pisa. Naga suñalu sina ga, ana pogos naña pikeña kilamarana, naga pe pisu re si suri tai poli, naga sa naña pe kilamara ñala ga narui. Suri nanene kila narui ana la atarar limana, aþure naga, ava garu Tamaskas.

<sup>9</sup> Ana la apa aporu garu uña e yo nene, ana Sol naga pe kilamara ñala mēga sanene pano tol legiena telu, a e mēna ga e pog nene, naga pe kinana re poli, a pe mun re mēna ga sur tai poli, naga monsilu ga.

#### *Ananaias pa mlotuwo Sol*

<sup>10</sup> Ana e yo naña Tamaskas, nalogena tai suñia ea, kiena kia Ananaias, ana naga pisu suri tai sa naña mēniena tai naña Suþe Yesu naga kila lologia naga pania, naña pio naga, pisape “Ananaias.”

Naga pisatamea, pisape “Ya ne Suþe, in nanini.”

<sup>11</sup> Ana Suþe pisa pania, pisape “Osuñalu, oto garo likan pulkumali nene, ana otaveve narin mrapa naña la apisa apisape ‘Mrapa Mesmesu,’ ana ova e yurña mēna ne yaru nene Sutas. E mēna uña, ana oviun yaru nae Tasas tai, naña kiena kia Sol. A yaru nene, nanagane ga ne naga mlen ke e nene, ana naga pisu mēna ga suri sa naña mēniena,

<sup>12</sup> naña e kiena navisuena nene, naga pisu ko ke narui, ana naga mñal ko opa loyurña puna, ko omliğan lumoña e naga, vena kilamarana imi wo sina.”

<sup>13</sup> Ana pogos naña Ananaias mloge visena la nene, naga sitom pañisi, naga pisa pisape “Suþe, yaru la moki naña apisayu þelaga viowa kiena ne yaru nene pan inu ñisi rui, naña naga kila ke piowa pa kioñia nalelagaena wa lala garu Yerusalem,

<sup>14</sup> ana nanagane, nemloge naña naga pimi Tamaskas rui, naña yerkawa kiena ne yaru wa lala la atamñan rui vena naga imi uarar imimi la naña memlotun ko.”

<sup>15</sup> Ana Suþe pisa pa Ananaias, pisape “Ve omarau re, ova ga, komin naña nemliğan lua naga suñalu rui, nepisaar nesape naga

ve kiau yaru na yurñaena tai, a ñisi na naga kilia war kiau kia va e yo punu ga va yolai la naña pe ape le Israel re la poli, a visawal va tol kiela þarin suþe lala, a visawal towe mēna ga van le Israel lala.

<sup>16</sup> A yoko in na nekila naga visu kilale mēna suri mārera si tai nene, sane pogos naña yoko naga suñia visawal ke kiau kia, yoko naga monar loge viowa e suri viowa la ve moki naña la monar aimi vania, vanon ga kiau kia nene.”

<sup>17</sup> Ana Ananaias mlogear visena la nene, naga pano pa tol yurña nene naña Suþe pisa pania, naga pa loyurña, pisu Sol, pu þarina. Ana naga pisa pania, pisape “Wolai Sol, kieta Suþe, naña Yesu, naña naga porun ko garo mraplepa, naga ke nane mliğan inu nepam narui, vena nelenwo ko ana kilamarañia kilia imi wo sina, ana vena Ninuna Wa vitomi kokonia ko.”

<sup>18</sup> Ana naga mlenwoia, a veraga ga, narin suri naña sane kilekilerana ika mloru petan kilamarana veraga, ana kilamarana pimi po sina ga. Ana Sol suñalu, ana e ruru e poglis nene, aþere naga apano akila nakeena pania.

<sup>19</sup> A naga kinana sina ga, ana pimi mloge si po, puriuna mārera sina.

#### *Sol siar mlogo garu Tamaskas*

Ana Sol sike si legiena la þasia garu Tamaskas amio nalogena lala kiena ne Yesu la naña la nae e yo nene.

<sup>20</sup> Ana pe piavi re poli, naga suñia pa loyurña e yurña na lotena lala kiena ne le Israel lala e yo nene, naga pa loyurña ana mlogon ke Yesu pisape naga narina ne Ntewa kemua lelaga.

<sup>21</sup> Ana yeririna la mokliu naña amloge visena kiena ne Sol, ana la amilan pañisi, ana la apiuviun ke tan la, apisape “!Kee suwala! Nanua sumo na yaru ne nanene naga mē kare yaru la garu Yerusalem pañisi, vanon naña la apisa ke kila ne nane naga suñia mlogon ke si ne. A naga pimin mēna ga suri nene e yo nini, vena naga uarar yaru la nene, vena were la na awasuþe si ava puna ne þarin yaru wa lala garu Yerusalem, naga pimi pe taþena narui. ?Nanagane na ya ne kila naga sanene narui?”

<sup>22</sup> Ana Suþe naga miila visena kiena ne Sol pimi mārera ruru po laa narui, a naga suñia taulu yaru la moki laa narui, naña naga suñia pisa ruru merarava po pañisi pan la naña pisape Yesu, naga Navisaarena kemua lelaga napo. Ana le Israel taþena la naña asike garu Tamaskas, la pe kiela suri na visatameen re si poli, vena la avisaluþar visena kiena ne Sol la nene, ana kiena

visena lala la ataulu make ruru nena kiela sitomena viowa lala.

<sup>23</sup> A pogos laḗpasia ḗarovia, ana Sol naga suḗia mlologo ke sanene, ana le Israel la nene asuḗialu apimi lele taaga, ana apiran ruru asape aweḗiar naga mare.

<sup>24</sup> Ana legiena punu ga a lemalo punu ga la apa asuḗiate ke naga e yepas nen pupia pulutava lala e pupia purkove na pulkumali keviu nene, visae naga kilali visave ure, ana la akilia aweḗiar naga. Ana visena nene pimi tol Sol,

<sup>25</sup> ana yemalo tai, la naḗa asike amio naga la atar naga, amligan ḗiene pupia karo tai, ana la amligan malumun naga pito pito tol yo tano lepas na va vanua e pupia purkove na kumali keviu nene.

<sup>26</sup> Ana Sol mligan yo nene Tam̄askas, ana ḗasuḗe si pa Yerusalem.

### *Sol ḗasuḗe pa Yerusalem*

Ana pogos naḗa Sol pam tol sina Yerusalem, ana kilali naḗa va viranar naga amio li nalogena lala, ana la nene pe amlelaga re e naga asape naga pe nalogena lelaga kiena ne Yesu poli, ana la yepela ḗilinia, amaraun naga paḗisi.

<sup>27</sup> Ana lala tai nene, kiena kia Panaḗas, naga pisu sane Sol naga pe lelaga, ana kilali naḗa miila naga, ana naga kila kiena mrapa naḗa naga kilia suḗialu se marana ne nalogena lala. Ana lalua apano, ana Panaḗas pisawal pan la sanape naḗa Sol naga pisu kieta Suḗe e mrapa a naḗa kieta Suḗe pisi pan naga, a naga pisawal ḗiena ga naḗa Sol naga ḗareran manene naḗa mlologon kia kiena ne Yesu garu Tam̄askas.

<sup>28</sup> Ana lala amloge kiena visena, ana la akekarania, ana Sol sike amio la, a naga suḗia pa e yo punu ga garu Yerusalem, suḗia mlologon ke kia kiena ne kieta Suḗe Yesu, naḗa naga pe sinena kurkur re nena ga.

<sup>29</sup> Ana naga pisi ke amio le Israel la nene naḗa la asuḗia apisin ke ga visena nae Kris, ana naga amio la asuḗia apilup pan la e visena paḗisi, pano pano asitom asape popon aweḗiar naga mare.

<sup>30</sup> Ana pogos naḗa kieta wolai la ḗasia amloge suri nene, ana la aḗure Sol pito poga ga garo e pulkumali naḗa Sisaria, ana siraunia la apisi maro amio, ana la amligan lua naga ḗasuḗe si pa kiena yo, pulkumali naḗa Tasas.

<sup>31</sup> Siraun e pogos nene, ana nalelagaena lala naḗa asike yo punu ga gar e lepas nae Yutea, a garu Kalele, a garu ḗiena ga Samaria, la apisu sane pog malumu towe pan la narui. Ana Ninuna Wa naga suḗia kila po pan la, miila la, kila kiela suḗiare

kapur pimi ḗarera, a kila ke ḗiena ga nalelagaena lala la apimi ape moki la sane, ana nalelagaena la nene punu ga asuḗia apatanon ke kieta Suḗe silaga.

### *Garu Lita, nalogena Pita naga kila ruru lana ne Aeneas*

<sup>32</sup> Ana Pita naga suḗia mial e pulkumali la moki e lepas nene, naga suḗia mlologo, ana e si e pogos tai, naga pitomi pisu li nalelagaena wa la naḗa asike garu pulkumali naḗa Lita.

<sup>33</sup> Ana pogos naḗa naga pa tol yo e nene, naga ḗial yaru tai naḗa yepena komḗas mare, ḗeke ga e ḗiana tog tol kas orelu rui, pe mial re si poli. Yaru nene kiena kia Aeneas.

<sup>34</sup> Ana pogos naḗa Pita pisuia, pisi pania, pisape "Aeneas, nevisa van ko, nevisave nanagane Yesu Kristo kila tasneḗia wo si narui. Osuḗialu, osiloro moḗia tog." Naga pisa sanene, ana Aeneas naga suḗialu veraga, yepena po nenaga.

<sup>35</sup> Ana yeririna la punu ga naḗa asike e pulkumali naḗa Lita, amio la naḗa asike e yotop naḗa Seron, apisu yaru nene naga pimi po sina, la apilon kiela malena lala ava e Ntewa.

### *Garu Soḗa, Pita kila Toreka mali sina*

<sup>36</sup> Ana e yotop nene ana pulkumali tai ḗeke ea, kiena kia Soḗa, ana nalelagaena la tai naḗa sike ea, naga sira naḗa kiena kia, Tapita. Naga nene kia tai naḗa e visena kiena ne le Kris lala la apisape Toreka, naḗa kana kinasia, kia kiena ne suri mali nowo tai naḗa tia. Sira nene, naga pe sira tai naḗa naga suḗia kila ke yur̄maena nowo la silaga, naga suḗia miila luen ga yaru la naḗa pe kiela suri re poli.

<sup>37</sup> Ana e pogos nene, maiena tai tol sira nene, ana mai ḗiaga pano pano-o mare, ana akevan tasnena, ana amligan naga ḗeke e ḗiana loyur̄ia na metava, vena ataginia.

<sup>38</sup> Ana pogos naḗa nalogena lala nae e yo nene Soḗa la amloge visena naḗa apisape Pita naga sike ga lavisi, e ga e pulkumali taḗena nene Lita, la apitetalia yaru la lua amiyal kawa apanonia. Ana lalua apano-o aporun Pita, la apiun ḗarera pania, apisape "Imimi sinemimin manene mesape oimi pun imimi vilaga."

<sup>39</sup> Ana sanene Pita suḗialu, amio la lua nene, apano. Pogos naḗa pimi ḗialivin la, la aḗure naga pa e loyur̄ia na metava e naḗa la amligan sira naḗa ḗeke ea. Ana letano lala apimi, amiyervivia, la asuḗia atagin ke rui, a pogos naḗa Pita pimi, la apian naga e kulsota nowo la naḗa Toreka

naga suluia e pogos naña naga mali ke ga wa amio la.

<sup>40</sup> Ana p̄isi na Pita pisa pan la pisape la amolue ava vanua sumo wa, a pogos naña la apa vanua, ana naga kinai, ana mlen. Ana p̄arlua p̄arina kira p̄isu tasnena ne sira nañani, naga p̄isi pania, pisa pisape "¡Tapita, osuñalu!" Ana sira nene pike p̄a kilamarana veraga, ana pogos naña p̄isu Pita, naga p̄arlua toñalu totano.

<sup>41</sup> Ana Pita tarar limana, miila naga suñalu, ana naga pio nalelagaena lala, amio letano la nene. Ana la apimi loyurña, ana naga pisa pan la, pisape "Nanene narui, kiamiu sira nanini, naña Ntewa naga kilamalia si naga."

<sup>42</sup> Ana lologena na suri keviu nene telivi piora e yo naña Soña, ana yeririna la moki naña amlelaga e kieta Supe vanonia.

<sup>43</sup> Ana siraunia, Pita naga su piavi towe laa garu Soña sane, puna yaru tai, kiena kia Saemon, naña naga pe yaru na yurñaenen suri lala e kulus nen suri mali lala.

## 10

### *Ntewa pis pa Konilias*

<sup>1</sup> Ana pulkumali keviu tañena tai m̄eke garo losi e lepas nene, kiena kia Sisaria, a yerkawa tai kiena ne yaru na mara lala nae Rom naga sike e yo nene, kiena kia Konilias. Naga suña pisuar ke p̄egas nen li na mara la nene tai, naña yaru la tol ponotia taaga, a la apio kiena p̄egas nene apisape "Pegas Nae Italia."

<sup>2</sup> Yerkawa nene, naga pe yeririna wo tanea tai nene, a naga amio namratava la m̄ana, la silaga amlen pa Ntewa, a la amlotun naga, a silaga la asuñia amiila ke le Israel la naña pe kiela suri re poli, ana la asuñia āarpel ga pupia nalaena la pan la.

<sup>3</sup> E legiena tai, e ruru e pog na leniena na yepekilavi, e mrae telu, ana naga p̄isu suri tai sa ga naña m̄eniiena, naña Ntewa naga kipian naga ea. E kiena navisuena nene, naga p̄isu meraravan pāp̄isi, naña naga p̄isu navisi kiena ne Ntewa tai pitomi e m̄ana loyurña, ana pio naga, pisa pisape "¡Konilias!"

<sup>4</sup> Ana pogos naña Konilias naga p̄isu navisi nene, naga sinena kona pāp̄isi, ana naga p̄isu manene navisi nene, naga pisa pisape "¿Ya ne?"

Ana navisi nene pisatarñea, pisape "Ntewa naga suña mloge ke kioñia leniena la rui, ana naga pe sinena p̄esan re kioñia p̄elaga wo la poli naña ko okila ke pa la naña limala korena, ana naga kekarania a sitorñal ko ke na wa.

<sup>5</sup> Ana naga pisa pan ko, pisape ko na monar oligan kioñia yeririna lañasia ava garu kumali naña Soña, vena avio yaru tai, naña kiena kia wetelu, kien kia Saemon Pita, vena naga imi e yo nini.

<sup>6</sup> Ana yaru nene naga sike puna yaru tañena tai, naga kiena kia m̄ena Saemon, naga m̄ana yurña m̄eke garo lavisin sive, naga yaru na yurñaenen suri lala e kulus nen puluk."

<sup>7</sup> Ana navisi kiena ne Ntewa nene pi-sawal pa pania, ana kovio sina ga. Ana Konilias pio kiena yaru na yurñaena la lua, amio m̄ena ga kiena yaru na kilaen mara tai naña naga m̄ena ga pe yaru na lotunen Ntewa, naña naga suñia amio naga silaga, pisuar naga, ana yeririna la telu nene apimi puna.

<sup>8</sup> Ana naga pisawal sur punu ga nene pan la telu nene, siraunia ana naga mligan la apa garu pulkumali naña Soña, vena aure Pita imi.

### *Pita m̄ena ga p̄isu suri tai sa naña m̄eniiena*

<sup>9</sup> Ana legiena na peni, pogos naña la nene amial ke apimi Soña na wa, Pita naga sike na, ana naga sinenan pisape kila leniena na kolpae, ana sa naña silaga, naga pa metava e yotop na wosoyurña naña naga sike ea.

<sup>10</sup> Naga sike e nene wa, ana naga mloge visokaria, ana naga pisape la aviran kapi. Ana pogos naña la asuñia akila ke kana kinanena wa, ana Ntewa pian naga e suri tai sa naña naga m̄enia.

<sup>11</sup> Naga p̄isu naña ma e peni pike, ana m̄al suri tai sa naña pupia kulmrae, suña pitomi ke tano e yomarava nini. Naga p̄isu naña la asuñia atarar ke mrapuna la varoka, ana la amligan malumun ke pitomi tano.

<sup>12</sup> Ana loyurña e kulmrae nene, Pita p̄isu sur mali tañena la punu ga asike ea, a amio m̄ena ga suri tañena la naña Ntewa naga kila ape suri wa naña ve le Israel la ve akan re, sane loñara lala, a nopi lala, a manu lala.

<sup>13</sup> Ana naga mloge m̄ena ga pulgon yar tai pisa pania, pisape "Pita, osuñalu, owerñar suri mali tai nene, ana okania."

<sup>14</sup> Ana Pita pisa, pisape "E Ntewa, peraga yo, tāpatete nena ga ve sanene, komin suri mali la naga asike e nene ana pe nakanli re lañas poli wa, naña imimi le Yu lala mepalia ga pe makakan re poli."

<sup>15</sup> Ana naga mloge ke sina ga pulgon yar nañani, pisa pisape "Suri naña inu Ntewa nepisa rui nesape mekiki ga, ana ko na tāpatete si ovisa ovisave namname."

<sup>16</sup> Ana suri nene molue pimi yam lua sanene, p̄isi, siraunia, yaru telu nena, ana

Pita pisaľuřar mřaga, ana siraunia, pupia kulmrae nene řasuře ke sina ga pa metava ma e peni.

*Pita tol kinas nen suri nařa naga pisuia*

<sup>17</sup> Ana Pita suřna mloge piowa pařisi, naga suřna sitom manene laa pisape popon sa tol kinas nen sur nařa mřalivinia, ana pogos nařa naga sitomveve ke ga wa, yaru kiena ne Konilias la telu nařa naga pitetalia la apimi, apimi aporu Sořa. Ana la apiun yuřna kiena ne Saemon tan yaru la řasia, ana la akipian la ea, ana la apimi, asuřnalu asuřna e mratava na yuřna mřana ne Saemon.

<sup>18</sup> Ana la apio apisa apisape “?Ei, yaru tai kiena kia Saemon, nařa kiena kia tařena apisape Pita, naga sike amio amiu e nařna, pona peraga?”

<sup>19</sup> Ana pogos nene Pita naga tořna sitomyu ke kinas nen suri nařa pisu sane mřeniena wa, ana Ninuna Wa pisa pania, pisape “?E, ko omloge mřaga? Yaru la telu asuřna akale ko ke nagine, la ne nane asuřnalu asike vanua, apio ko ke ne.

<sup>20</sup> A ko osuřnalu, oyal kawa ga ototano vena ovisu la telu nene, ana visae avisave otaveve la, ana ve okilali re nařa ovisaluřaria, ko na monar otaveve la, vanon in na nemľigan la apimin ko.”

<sup>21</sup> Ana Pita suřnalu pito tano vanua, ana pisu la telu nene, ana naga pisi pan la, naga pisape “Inu nařa akale inu ke ne. ? Amiu sinemiun inu vanon suri tai yo?”

<sup>22</sup> Ana la apisatařnea, apisape “Ee, yerkawa na kilaen mara nene, Konilias, naga pitetalia imimi mepimin ko, vena oimi garu mřana, vena naga loge re visena lařas tan ko. Navisi kiena ne Ntewa tai naga pisa pania pisape naga vio ko oimi puna sanene. Kiamimi yerkawa nene, naga pe pe yere Yu re tai poli, ana naga pe yaru mesmesu tai nařa naga tarar luen ga kiamiu pogos na leniena la punu ga silaga, ana le Israel mřena ga lala nae e kiamimi yo nene akekaran naga pařisi. Naga ke nařa pitetalia imimi mepimin ko narui, nane mesike e nini vanon ne.”

<sup>23</sup> Ana vanon nařa mrae pito ke tano rui, ana Pita řerear la nene ařneke amio naga e yuřna nařa naga sike ea, vena kolulagi ke ga wa ana la punu ga atove.

*Pita pa mialiali Konilias*

E yemľagi ke sina ga, Pita pa amio la nene, amio ke mřena ga naleľagaena tařena lařasia nae Sořa, la apa mřena ga amio la.

<sup>24</sup> La apano, yemalo wola ga mrapa komsusa, la amono, ana yemľagi ke sina ga la apa aporu ga Sisaria nene na wa. E yo nene, Konilias sike amio namratava mřana lala, a naga pio ke mřena ga kiena erau lařasia vena la aimi asuřiate Pita lala.

<sup>25</sup> Pogos nařa Pita pimi tol uřna mřana ne Konilias, Konilias pa pitawe, mloru pito tano e lana, sa nařa mlotu naga.

<sup>26</sup> Ana Pita tarľua ke sina ga pa metava, pisa pania, pisape “E, awis, ko osuřnalu. Opisu ke ne, in na nepe yeririna ga.”

<sup>27</sup> Ana Konilias suřnalu, ana lalua asiar asunu lilue, ana apa loyuřna, nařa e pogos ke nanene narui Pita pisu yeririna la mokliu nařa asuřiate ke naga loyuřna.

<sup>28</sup> Ana Pita pisi pan la narui, pisa pisape “Amiu asuřna akilia ke nařa e lepas nen kiamimi lotuena imimi le Yu lala, nařa imimi na tařatete meva loyuřna e yuřna mřana ne yaru tařena la nařa la pe ape le Yu re poli, pona meve erau wo memio la. Ana nagane, Ntewa naga pian inu merarava po, pisape pe pon re nevisu viowa e yaru lařasia nařa nevisave la apiowa ga, pona la ape kororaki ga.

<sup>29</sup> Komin suri ne nanene nařa Ntewa naga pian inunia, inu pe nepisaluřar re la nene e pogos nařa apimin inu poli, nesape tařatete neimřasu, ana nepimi ga. ?Ana in na sineun nesape amiu avisawal li van inu, avisave amiu apio inu asape neimi vanon ya?”

<sup>30</sup> Ana Konilias pisatařne Pita, pisape “Ee, potena pařisi. Nanagane ľegiena telu řaro pa rui, mesmesun e pog suri nene narui, e mrae telu nařa yepekilavi, in na netořna ga mřau loyuřna, nesuřna nekila ke leniena na yepekilavi. Nesuřna nemlen ke sane, ana nemľan ga navisi tai naga pitomi suřnalu ga sike e marau, nařa naga mřana kulsota pilavila po na po.

<sup>31</sup> Ana naga pisi pan inu, pisa pisape ‘Konilias, Ntewa naga suřna mloge ke kiořna leniena la ne, a naga suřna sitorřal ke mřena ga kiořna řelaga wo la nařa ko osuřna okila ke pa la nařa pe kiela suri re poli.

<sup>32</sup> Ana ko na monar okila sanini: ko na monar oligan yaru lařas ava Sořa, komin yaru tai, vena naga wasuře ke sina ga amio la aimi puřna. Yaru nene, kiena kia wetelu Saemon Pita, a naga pa sike e yuřna mřana ne yaru tařena nařa naga mřena ga kiena kia Saemon, nařa naga, kiena yurñaena naga miyuřnaen ke suri lala e kulus nen puluk. Pisi na kiořna yeririna lala akilia alual yuřna mřana ne Saemon nene garo lavisin sive.’

<sup>33</sup> Navisi nene pisi pan inu sanene, ana nane kila na nepitetalia ke yaru la nene apitořnasun ko vilaga, a nepisa potena pan ko pařisi komin kiořna nasinewoena nařa ko opam pun imimi e yo nini. Ana ita punu ga tesike e yo nini e marana ne Ntewa, vena imimi meloge visena nařa Ntewa pisa pan ko vena ko ovisa van imimi.”

*Pita pis pa Konilias lala*

<sup>34</sup> Pita mloge visena la nene, ana naga pisa pan la, pisapenua "Po paḡisi, a nepisa potena paḡisi naḡa amiu amla pogos nene pan inu, vena nekilia nevis van amiu. Nekekara paḡisi, komin naḡa nanagane nepisu kilale sa naḡa lelaga paḡisi naḡa Ntewa naga pe ḡaveve re yaru taḡena la poli.

<sup>35</sup> Yere Israel, pona yaru naḡa pe molue re kome lus nene poli, pona yer pe ke sina ga, ana visae naga vatanon Ntewa, kila ga sur la naḡa Ntewa naga sinenania, ḡisi na Ntewa kekaran naga.

<sup>36</sup> "Visena naḡa Ntewa naga mligan pimi pan imimi le Israel lala, amiu akilia ḡisi rui, naḡa naga lologena wo tai naḡa pisawal pisape yeririna kilia tol sumāre naḡa pe lelaga e Yesu Kristo, naḡa naga pe Suḡe kiena ne yeririna punu ga na yomarava nini.

<sup>37</sup> A amiu akilia kana suniena nena, naḡa nanua sumo, ana Yoane Nakeena naga pimi mlologon kiena nakeena nene, a sirau naga nene, ana pupia suri ne mālavin ita, siar garo Kalele, pano pano tol make ga yo punu ga e lepas naḡa Yutea.

<sup>38</sup> Pupia suri nene, nane Yesu nae Nasaret nene amio yurñaen kerkeviu la naḡa naga, naḡa Ntewa naga mligan kiena Ninuna Wa pan naga, pulemamaga ruru keviu e naga, a naga mligan naḡareraena keviu pania, ana Yesu naga sumā pa kare ga e yo punu ga, kila ke yurñaena wo lala a kila ruru ke mēna ga la naḡa Yermare naga sumā kila kare la ke paḡisi. Yesu kila ke suri la nene, komin naḡa Ntewa naga sike amio naga.

<sup>39</sup> "Ana suri la nene naḡa naga kila garu Yerusalem, a e lepas taḡena mēna ga lala e kiamimi purvanua imimi le Yu lala, imimi li nalologena la, mesumā mepisawal ke suri la nene pan yeririna lala. Imimi mesumā mepisawal ke naḡa kiamimi yerikawa lala la asuar naga e laki torovia, ana naga mare,

<sup>40-41</sup> ana e kana legiena na telu, Ntewa kilamalia sina ga naga. Ana Ntewa naga kila imimi laḡasia mepisawal naga, a imimi metotano memio naga, imimi mekinana a memun wii memio naga. Ana Ntewa naga pe taḡian re naga imi vaeme sanene va yaru la punu ga poli, ana naga vaemen imimi ga la naḡa Ntewa naga mliganar imimi sanene, vena mevisawal va yeririna taḡena lala mevisave Yesu naga mal si rui.

<sup>42</sup> A pogos naḡa Yesu sike amio imimi sanene, naga pisi pan imimi, pisape imimi monar melologon kiena lologena wo va yeririna punu ga, a imimi monar mekila merarava van la mevisave Ntewa mliganar naga taaga vena naga liḡere yeririna

lala, sane la naḡa amare ḡisi rui a amio mēna ga la naḡa yokorena la amal ke e pogos naliḡereena wa.

<sup>43</sup> Nanene naga Yesu ke ga naḡa navisawalena lala apisawal naga nanua sumo rui, naḡa la apisape ḡisi na Ntewa naga viewo mlamulena viowa lala kiena ne yeririna la naḡa la amlelaga e kiena kia, la aviawa e naga."

*Ninuna Wa mloru pitomi e la*

<sup>44</sup> Pogos naḡa Pita sumā pisi ke sanene wa, ana amilan ga naḡa Ninuna Wa pitomi tano pa tol la nini naḡa asumā amiyagogon ke naga.

<sup>45</sup> Ana li nalelagaena taḡena la naḡa amligan yo Soḡa la amio Pita apimi, ape le Yu lala, ana lala amilan manene la suri nene, komin naḡa pimi tol pogos nene, ana lala amape Ninuna Wa naga pe nalaena tai naḡa Ntewa mligan ga pan le Yu lala.

<sup>46</sup> Ana nanagane, ana apisu la nini naḡa pe ape le Yu re poli, apisi e visena taḡena lala, asumā amiyeluar manene ke Ntewa keviu paḡisi, ana akilia asape Ntewa mla mēna ga Ninuna Wa pan la naḡa pe ape le Yu re la poli.

<sup>47</sup> Ana Pita pisi pan la naḡa amio naga, pisape "Amiu apisu ke ne! Nanagane, lala nene akus Ninuna Wa sa ke ga naḡa ita tokus sumo. Sanene, ana tetapatete mēna ga tevisaluḡar la tevisa ve tekee la re e wii."

<sup>48</sup> Ana Pita pis pan Konilias lala, pisape akeela e kia kiena ne Yesu, ana ḡisi na, la akeela.

Ana la amāreran mēna ga pa Pita vena naga sike re laa amio la wa e legiena si laḡasia.

## 11

*Pita mla navisayuena pan nalelagaena lala garu Yerusalem*

<sup>1</sup> Ana pe yam piavi re poli, ana lologena nene pano-o tol nalologena taḡena lala garu Yerusalem amio mēna ga nalelagaena taḡena lala e lepas wetelu na yo Yutea, pisape yeririna laḡas naḡa pe ape le Yu re poli naḡa lala amlelaga e lologena wo kiena ne Ntewa rui.

<sup>2</sup> Ana nalelagaena laḡas nae garu Yerusalem lala asitom manenea apisape nalelagaena taḡena lala naḡa pe ape le Yu re poli, la mēna monar ave ḡaviu vena ave sa le Yu lala, ana pogos naḡa Pita naga pavini ma Yerusalem la apisa nene kare naga piowa paḡisi.

<sup>3</sup> Lala apisa pania, apisape "Sanape naḡa ko opa osike omio yeririna kar lala naḡa pe ape ḡaviu re poli, naḡa ko okinana ke mēna ga omio la?"

<sup>4</sup> Ana Pita naga pisi pan la, siar e kana purpes nena, naga pisawal ruru suri punu ga pan la, naga sun pan la sanini, pisape

<sup>5</sup> “Nanua sumo, nesike Soḡa, ana pogos tai nesuḡa nemlen. Nesuḡa nemlen sanene pano-o netopopog ga neteke narui, ana nepisu suri tai sane pupia kanus tai, naḡa naga molue metava ma e peni pitomi tano, naḡa asu ḡa atarag ke mrapuna varoka, asu ḡa amligan malumun ga pitomi tano, naga pitomi tano lavisin inu.

<sup>6</sup> In na nepisu ruru loyuḡa e kanus nene, ana nepisu sur mali lala na uḡa amio suri mali lala na yomaru, amio lomara lala a nopi lala, amio manu lala, la asike loyuḡa ea.

<sup>7</sup> Nesuḡa nepisuvisu ke sanene, ana nemloge pulgona yaru tai pisi pan inu, naga pisape ‘Pita, ko osuḡalu, owemnar suri tai nene, okania.’

<sup>8</sup> Ana nepisape ‘!Peraga Suḡe, taḡatete ve sanene! Suri la ne sanene naḡa pe mesmesun re nena akan poli, a naḡa imimi le Yu lala memlonia, nesuḡa nemilon ruru silaga.’

<sup>9</sup> “Ana nemloge pulgona naḡa pitomi metava e peni naga pisi sina pan inu, naga pisape ‘Suri naḡa inu Ntewa nepisa rui nesape naga mekiki ga, ko ve ovisa re si ovisave naga namname.’

<sup>10</sup> Nemloge visena na ḡalivin inu sanene yam telu pisi, ana kanus nene amio suri la naḡa asike ea aḡure si pa metava.

<sup>11</sup> “Ana e ruru nena ga e pogos nene, yeririna la telu apimi aporu e yuḡa naḡa imimi mesike ea, naḡa yaru nae garu Sisaria tai naga pitetalia la telu nene apimi vena aure inu neva sina nemio la.

<sup>12</sup> Ana Ninuna Wa naga pisi pan inu, pisa pisape ‘Ko na ve ositom re ovisave ve okekarana re naḡa ova omio la telu nene,’ ana inu nepa ga, a orueta taḡena la orai nena nini nae Soḡa la ḡena ga apimi amio inu. Imimi mepano-o, meporu Sisaria, ana lala aḡure imimi mepa e yuḡa ḡana ne yaru nene, Konilias.

<sup>13</sup> “Ana mepa loyuḡa, naga sun pan imimi, pisayu sanape naḡa naga pisu navisi tai ḡalivinia suḡalu nenaga se marana loyuḡa e ḡana yuḡa, ana navisi nene pisi pania, pisa pisape ‘Ko oligan visena va garu Soḡa, vena yaru naḡani Saemon Pita naga monar imi visu ko.

<sup>14</sup> Yaru nene naga imi visawal lologena tai van amiu ana visena nene naga kilia tamalia ko amio na mratava moḡa lala.’

<sup>15</sup> “Ana pogos naḡa Konilias naga pisi pisi, inu towe re nepisi pan la, ana e ruru nena e pogos naḡa nesuḡa nesiar nepisi

ga na wa, ana Ninuna Wa pitomi e la sa ga naḡa pitomi pesan e ita nanua sumo rui.

<sup>16</sup> Nepisu suri nene, ana nesitomḡal visena kiena ne kieta Suḡe, naga pisa nanua sumo, pisape ‘Yoane naga kee amiu e wii, ana ve ve piavi re, ana amiu akus nakeena naḡa e Ninuna Wa.’

<sup>17</sup> Ana ita le Yu lala, naḡa ita temlelaga rui e kieta Suḡe Yesu Kristo, Ntewa naga mla kiena Ninuna pan ita, sane nalaena tai, ana pogos naḡa nepisu naḡa Ntewa mla ḡena ga nalaena na sanene pan la naḡa pe ape le Yu re poli, ana suri nene kila merarava ruru pan inu naḡa sane nanagane, pe pe pon re naḡa nevisave yeririna la nene la taḡatete aimi loyuḡa amio ita. !In na nepe ai nini naḡa vena nevisaluḡar Ntewa sanene, visae naga sinenan visave kila sanene van la?”

<sup>18</sup> Ana pogos naḡa le Yerusalem la naḡani amloge visena kiena Pita, ana la pe apisa re si suri tai pan poli, ana la akekarania, amiyeluar Ntewa paḡisi, la apisa apisape ‘!Lelaga paḡisi naḡa ne! Nanagane ga ne ita tepisuluḡar rui naḡa Ntewa naga kekara ḡena ga paḡisi pan la naḡa pe ape le Yu re poli, ana naga mla ḡena ga pulmas pan la vena lala akilia avilopu la, a vena akilia atol malena lelaga e naga.”

### *Pegas nen li nalelagaena lala nae garu Antiok*

<sup>19</sup> Ana nanua sumo, pogos naḡa Sol lala aḡemnar Stipen naga mare rui, Sol la nene la akila kare ruru ḡena ga nalelagaena taḡena lala garu Yerusalem paḡisi, pisi na nalelagaena la nene la moki apuretetai apeve taaga. Laḡas aḡure manene laa apa perina apano-o atol lepas naḡa Ponisia, laḡas aḡure asuḡa akus waa lala apano atol purvanua naḡa Saepras, a laḡas apa laa ga waa, apa e kumali keviu tai, naḡa kiena kia Antiok. A pogos naḡa lala asike e yo la nene, la asuḡa amlologon ke Nalologena Wo nene, ana la asuḡa amlologo ke ga pan la naḡa ape le Yu ga sa naḡa lala.

<sup>20</sup> Ana siraunia, gar yo naḡa Antiok, nalelagaena taḡena lala naḡa amolue e lepas na Saerin a purvanua naḡa Saepras, lala apimi ḡena ga, amlologo, ana la asuḡa apisasawal ke Nalologena Wo kiena ne kieta Suḡe Yesu pan ḡena ga la nae Antiok naḡa la pe ape le Yu re poli.

<sup>21</sup> Ana namararaena kiena ne Ntewa suḡa pimi keviu e la nene, a yeririna la moki naḡa amloge kiela visena lala, ana lala amlelaga e Yesu, la apilopu la apimi e naga.

<sup>22</sup> Ana nalologena na suri nene pimi tol kiligana ne pegas nen li nalelagaena lala garu Yerusalem, sape visena kiena ne Ntewa pa tol pa li taḗna la rui la naḗa pe ape le Yu re poli, ana la apitetalia Panaḗas pa garu Antiok vena naga visuli sur la nene wa.

<sup>23</sup> Pogos naḗa Panaḗas naga poru e yo nene, naga pisu suri nene pe lelaga paḗisi, naḗa Ntewa naga pisa ruru malena kiena ne yeririna la nene keviu paḗisi, ana kila naga kekara keviu paḗisi ea, ḗisi na naga sukol visena lala pan la vena la atarar Suḗe m̃arera e losinela lala wetelu, e pogos naḗa po a pogos naḗa piowa.

<sup>24</sup> Panaḗas naga kila sanene komin naga pe yaru tanea tai, naḗa Ninuna Wa naga pule e naga, a naga piawa m̃arera e Ntewa, ana sanene, yeririna la moki apimi e Ntewa e pogos nene.

<sup>25</sup> Ana Panaḗas naga pisu sane yum̃aena keviu garu Antiok, ana naga pisu sape popon va tol garo pupia pulkumali naḗa Tasas, vena kaleli Sol, vena were naga imi iila yum̃aena.

<sup>26</sup> Pogos naḗa naga m̃alia, ana pure naga la lua aḗasuḗe si apimi apa Antiok. La lua asike amio nalelagaena lala e yo nene, ana lala apian yaru la moki, amiyum̃ae m̃a sanene pano-o tol kas wetelu taaga. E kumali keviu nene Antiok, ana li taḗna lala la apisa kare towe la nalogena lala, lala apio la asape “La yeririna Kristo lala” pona “Kristin lala,” a nane la apisa ḗesan ke kia ne nanene narui.

<sup>27-30</sup> Ana e pogos nene, nalelagaena laḗasia naḗa ape navisawalena, amolue Yerusalem apimi atol garu Antiok, ana la nene tai, kiena kia Akaḗas, naga suḗalu, pisi e nam̃areraena kiena ne Ninuna Wa, naga pisape “Ana ḗisi na ve ve viavi re, ana visokarena tai ve keviu imi tol yeririna make ga e purvanua punu ga e kieta lepasia.”

Ana pogos naḗa nalogena lala nae garu Antiok la amloge visena nene, la apisayuia, ana lala apranaria apisape ḗisi na monar la punu ga akoan kilavaru ya naḗa la akilia alavia, vena aligan vano van kiela wolai lala naḗa asike e lepas nae Yutea, vena iila la vena lala asumate ruru pogos m̃arera nene. Ana lala akoan kilavaru la nene, ana lala amligan nalaena nene sike e limana ne Panaḗas amio Sol, vena lalua nene awar vano van nasumonena kiena ne nalelagaena lala garu Yerusalem.

A visena kiena ne navisawalena nene pe lelaga, komin naḗa sirau ana pupia pogos m̃arera tai tol yo la nene, sa ga naḗa naga pisawalia, ana nanene e pogos naḗa

Klotias naga suḗa pe ḗarin suḗe ke garu Rom.

## 12

*Yerkawa la aḗe li nalelagaena lala, akila kare la manene laa*

<sup>1</sup> E pogos nene, naḗa lalua aḗar nalaena nene pimi garu Yerusalem, Parin Suḗe Erot suḗa m̃e kare ke pegas nen li nalelagaena laḗasia.

<sup>2</sup> Kiena yaru na mara laḗasia la apa atarar wenla Yoane nene, Semes, ana la aḗeḗar naga e kiela playu na kilaen mara.

<sup>3</sup> Ana yerkawa lala kiena ne le Yu lala la akekaran manene suri nene paḗisi, ana kila Parin Suḗe Erot naga kila ḗelaga nene pa laa sanene, ana naga pisa pa kiena yeririna la nene vena ava atarar m̃ena ga Pita. Naga kila nena ga nene e pogos na ḗaḗagena kiena le Yu lala, naḗa la akila Paḗagena Na Sitoḗalena Natamaliaena, amio m̃ena ga Paḗagena Na Kanen Tamḗa.

<sup>4</sup> Erot suḗa sitom ke pisape visae pogos na ḗaḗagena nene war ro pae, yokorena naga were Pita va suḗalu se marana ne yeririna lala, vena la avis vania, a vena la avisa avisave naga monar mare.

Naga narui, yaru la nene apa atarar Pita, ana akoven naga pa e yum̃a na koaena, a la amligan pegas nen yeririna na mara la vari vena akirakiravan ruru naga, naḗa pegas la nene kiela yaru na kilaen mara la peve vari ea.

<sup>5</sup> Ana pogos naḗa Pita sike loyum̃a e yum̃a na koaena sanene, nalelagaena lala la amlen ke m̃arera silaga pa Ntewa vanon naga.

*Navisi pimi ḗerelua Pita petan yum̃a na koena*

<sup>6</sup> Pita pa suḗa e yum̃a na koaena pano-o, pa tol nena yemalo naḗa Erot naga suḗa sitom ke pisape e kolulagi, ḗisi na naga were Pita va suḗalu se marana ne yeririna lala vena la alipere naga. E yemalo nene, Pita naga momalio, m̃eke ga likan yaru na mara la lua nene, naḗa la apiar Pita panon lalua nene amio sen lua. A li na mara taḗna lalua, naḗa la m̃ena asum̃a apisuar ke mratava lala na yum̃a nakoena nene.

<sup>7</sup> Ana verakorena ga, navisi kiena ne Ntewa tai naga suḗalu sike loyum̃a e yo nene, a pupia yomerarava nenaga e naḗani paḗisi. Ana navisi nene pa kululun purkaunena ne Pita, pio ḗegea, ana pisape “! Ovitaḗili, osuḗalu vilaga!” Ana sen lua nene la ga amluḗa petan limana ne Pita veraga, luoka ga mloloru pito sike e porotano.

<sup>8</sup> Ana navisi nene pisape “Oviteran ruru kionḗa kilika na kararen moponiḗa, oyen



kioña kulus nen larña a momña kulsota, italua tevano." Ana Pita kila sanene,

<sup>9</sup> ana naga taveve navisi nene, lalua apano. E pogos nene, Pita pe kilia re pisape suri nene na lelaga poli, pona sanape, komin naga sitom ke pisape naga mieni ke ga naña.

<sup>10</sup> Ana lalua apa mña sane, lalua amiyuve mratava na sumo naña yaru na mara sike ea, lalua apa mña amiyuve mña ga mratava nalua naña yaru na mara sike ea, ana lalua apimi atol pulutava maro na keviu naña mrapa na vaen vanua vetan yurña nakoena. Pupia pulutava nene la amiyurñaen e pototo, ana pogos naña lalua apimi lavisinia, pupia pulutava nene naga ga pietava, ana lalua aþaro apa vanua. Lalua amialoro la ga e mrapa apa sane, ana Pita milan ga, navisi nene mligan ke naga veraga, ana Pita naga ga taaga sike na.

<sup>11</sup> Ana e ke e pogos ga nene, Pita pisu kilale ya naña navisi nene kila ke pania, ana naga pisape "¡Aulai! ¡Lelaga kemua naþane! Nekilia narui, naña nesape Ntewa naga mligan kiena navisi nene pimi vena vinaunlua inu vetan limana ne Erot, a vena tarlua inu vetan suri viowa la naña le Israel lala la asuña asitom ke asape akila van inu."

<sup>12</sup> Pita pisu kilale suri nene narui, ana naga pa mesmes ga e yurña mña ne anenane Son Mak, kiena kia Maria. E yurña ke ga nene narui, la moki naña la asike pa e rui vena alen wo naga.

<sup>13</sup> Ana Pita tol yurña nene, naga sigariga mratava, ana sira mñee nae yo nene tai, kiena kia Rota, naga pimin vena vietava.

<sup>14</sup> Naga pe pietava ruru re poli wa, ana naga mloge kilale pulgona ne Pita naña pisi pania, ana naga kekara na kekara, naga mligan mratava nene mñeke na, kiriri pa pisawal pan la, pisape "¡Pita naþani! ¡Pita nane suñalu sike vanua e mña pulutava rui!"

<sup>15</sup> Ana la apisa pania apisape "¡Ko na ve ovisi wowe re sanene!" Ana naga pisa ke sina ga pan la, pisape "¡Peraga kemua rui! Nepisokanlae re poli, nepisa ke lelaga ne!"

Ana la apisa ke sina ga pania, apisape "¡Peraga! Visae sanene, pona kana yermare ga nene yo?"

<sup>16</sup> La asuña apivis ke sanene, ana Pita sike vanua na wa, naga sigariga mratava suluen ga sike na pano-o, ana la apa apietavania. Pogos naña la apietava, la apisu kilale Pita, ana la amilan manene pano-o paþisi.

<sup>17</sup> Ana Pita sisi ga pan la, kuan limana pisape vena avarurula, ana naga sunyu pan la sanape naña Ntewa naga þerelua naga petan yurña nakoena. Ana naga

pisa pan la pisape "Popon naña amiu ava avisawal suri nene va Semes nanagane, amio mña ga arueta taþena la nene." A siraunia, Pita molue ke sina ga, pa tapolou e yo taþena tai.

<sup>18</sup> Ana kolulagi, yaru na mara lala amiyuyuwawa paþisin naña Pita pe mon re si e sen la nene poli, ana la amarau a aminue kare ga asape þisi na aña akila ya narui, la asuña apiuviun tan la, asape "¿Ana yaru pure sanape, aña naga pa sike pe narui?"

<sup>19</sup> Ana visena pa tol Parin Suþe Erot pisape Pita kovio, ana Erot mligan kiena yeririna lala apa akale pano-o, akale þele ga. Ana Erot pisi pa kiena yeririna la naña la apisuar Pita, ana la nene taþatete si avisa suri tai vania, ana Erot pisape akoven plan la nene, la awe momar la amarmare.

Ana siraunia, Erot mligan si yo naña Yutea, pito garove sike e pupia pulkumali keviu naña Sisaria.

#### *Suniena na marena kiena ne Parin Suþe Erot*

<sup>20</sup> Ana e pogos naña Erot naga mñene ke nalelagaena lala wa, ana naga suña peveyu keviu mña ga amio yeririna na pupia pulkumali lua nene Taea amio Saeton, pano pano-o kila yeririna na kumali keviu lua nene amarau paþisi, naña asape visae veveyuena nene imi viowa þisi na yoko mñarera van la vaþisi. La nene asitom sanene komin naña la asuña amalin ke ga kinanena la naña la aþar ga e porotano tai kiena ne Erot nene. Ana la amligan kiela yerkawa laþasia vena la aimi akila mara wo amio Erot. Ana la nene apa ape erau wo amio yerkawa kiena ne Erot tai, naña naga kiena kia Plastas, vena naga kilia iila la a naga kilia kila mrapa naña la akilia avis amio Erot vena asu ruru sina e suñarena amio naga.

<sup>21</sup> Ana Erot pisawal legiena tai pisape la akilia aimi avisu naga ea, ana e legiena nene la apimi. E pogos nene, Erot mien mña pupia kulsota wo lala, sa naña naga pe pupia þarin suþe, a naga totano e kiena pupia yo na totanoena, ana naga toña mligan ke visena tai pan la.

<sup>22</sup> Ana la nene amloge kiena visena nena, ana la sinelan asape akila kotalia yo pona aña sanape, ana la apioni manene pa metava, la apisa apisape "¡Ee, nanene pe yeririna re na pisi nene poli, pona na nene na Ntewa ga nene yo, aulai!"

<sup>23</sup> Ana Erot mloge visena nene, ana kekaranja, a naga þarwar mña ga naña la apisape naga Ntewa, ana mesmesu e pogos nene, navisi kiena ne Ntewa tai pimi mñe naga, komin naña naga pe pisaluþar la re

poli, pisape la monar ayeluar ga Ntewa, a la monar ve ayeluar re yaru. A pe piavi re poli, ana pulen ga kular viowa lala akaria akaroro sinena ana naga mare.

<sup>24</sup> A e pogos nene, pe suri koren ga naña yeririna la ne sane Erot nene la asuñña akilali naña akila yurñaena kiena ne Ntewa vito tano, ana visena kiena ne Ntewa naga suñña kapuru kekei ke pa e yo punu ga, a suñña ñar ke mras moki liu.

<sup>25</sup> Ana Panañas amio Sol, lalua amla nalaena naña li nalelagaena lala nae garu Antiok la akuan rui, amla pa nasumomena lala kiena ne nalelagaena lala garu Yerusalem, ñisi ana lalua apitove, lalua añasuñela sina ga apa Antiok, a e pogos nene, lalua añure Son Mak taveve la.

### 13

#### *Amiyawa Panañas lalua Sol*

<sup>1</sup> E ñegas nen li nalelagaena lala garu Antiok nañani, ana yeririna lañasia la asuñña naña ape li navisawalena lala, a lañasia naña la ape li navianena lala. La nene ana lañasia la kiela kia sanini: Panañas, a Simion Kuluyepe Malolo, a Lusias nae Saerin, a Manaan naga nanua sumo, naña namratava ñana Parin Suñe Erot la akuslua naga pogos naña lalua Erot ape sisi ke ga wa, a amio la nene Sol naga ñena ga pe lala yaru tai.

<sup>2</sup> Ana pogos tai, la nene amio li nalelagaena tañena lala, la amonsilu ga, ana asuñña amlotun ke Ntewa, ana Ninuna Wa pisi pan la, pisape “Amiu akilalua Panañas amio Sol vetan amiu nanagane, ana amiu avisir plan lala lua naña akila yurñaena tai naña in na sineun nesape lalua monar akila.”

<sup>3</sup> Ana siraunia, lala amonsilu ke sina ga pogos tai vena alen, ana la apuarar ñarina ne Panañas lalua Sol, ana amlenwo lalua, ñisi na amiila lalua apano vena akila yurñaena kiena ne Ntewa.

#### *Panañas lalua Sol aporu garo Saepras*

<sup>4</sup> Ana sa naña Ninuna Wa miila Panañas lalua Sol sanene, lalua amligan yo Antiok, ana lalua apitomi e pulkumali naña Selusia naña ñeke garo losi, ana lalua amiyai e waa tai, apa aporu e purvanua naña Saepras.

<sup>5</sup> E purvanua nene, ana lalua apa ura e kana pupia pulkumali nena naña Salamis, ana lalua apa e yurña lala nalotena kiena ne le Yu lala, ana lalua asuñña apisawal ke visena kiena ne Ntewa. Ana e pogos nene, Son Mak naga sikol ke lalua nene na wa, ana naga suñña miila la ke e yurñaena.

<sup>6</sup> Ana la telu nene amiyal ke e purvanua nene, apitom atol kana luas tañena, e kana pulkumali keviu tañena tai naña Papos.

Ana e yo nene, apisu yaru tai naña kilia kilaien ñaki ñeke e yo nene, naña naga pe Yu tai, kiena kia Payesu, ana apio ñena ga naga e visena kiena ne le Kris lala asape Elimñas. Yaru nene naga suñña pisokan kar ga sape naga pe yaru navisawalena tai kiena ne Ntewa.

<sup>7</sup> Ana yaru na kiliaen ñaki nene, naga pe yerkawa ñena ga tai e yurñaena kiena ne ñarin suñe na purvanua nene, naña Sese Polos. Ana ñarin suñe nene, naga pe yaru tai naña naga kilia ruru suri po, ana naga pio Panañas lalua Sol sape aimi avisu naga, komin naña naga sinenan sape loge visena kiena ne Ntewa tan la.

<sup>8</sup> Ana pogos naña lalua apimi, ana yaru na kiliaen ñaki nini naga kawe kiela visena, tañali naña visaluñar la, a tañali naña kila kare sitomena kiena ne ñarin suñe nene naña naga tañatete kus lela-gaena e Yesu.

<sup>9</sup> Ana Sol, naña naga asuñña apisa ñena ga kiena kia asape Pol, naga pimi pulemama-ga e Ninuna Wa, ana kiena natamari-aena ñarera nene miyur yaru na kiliaen ñaki nene,

<sup>10</sup> Ana pisi pania, sape “! Ko na ope narina Yermare ruru nena ga napo! Suri punu ga naña po, ana ko pe sinoñan li re nena ga, ana ko na opulen ga visokanena a ñelaga piowa ga lala. Visena lelaga lala kiena ne Ntewa, ana ko na osuñña opilon la silaga apimi ape visokanena ke sina ga.

<sup>11</sup> Nanagane ga ne, yoko ovisu limana ne Ntewa imi tol ko ruru nena ga. Nanagane yoko kilamararña imi ve kilamara ñala, ñisi na ko otañatete ga ovisu legiena ve piavi li ña ga.”

Ana veraga ga, ana yaru nakiliaena ñaki nañani naga pisu sa naña ñau tai na yomaru naña malolo manenea pimi kalwo kilamarana, ana naga moñña mial wowe ga sanene narui naña tañali sape lual re yaru tai naña tarar limana ana were vano.

<sup>12</sup> Ana pogos naña ñarin suñe naga pisu suri la nene, ana naga mrelaga e visena kiena ne Ntewa narui, ana pogos naña Panañas amio Pol apian naga e visena wa la nene, ana naga milan manene pañisi, pisu po na po.

#### *Pol lalua Panañas apa si Antiok tañena, e yo lepas naña Pisitia*

<sup>13</sup> Ana Pol la amligan yo Papos, ana akome waa apitove, ana apa ura e yo lepas nañani Pampilia, ana la amiyal apano atol pulkumali keviu nene Peka. Ana e yo nene, ana Son Mak naga mligan la, naga pe taveve la re si poli, ana naga ñasupe sina pa Yerusalem.

<sup>14</sup> Ana Pol lalua Panañas, lalua amligan yo Peka, ana amiyal apa re laa sane apano aporu e yo lepas naña Pisitia, apa atol mēna ga pulkumali keviu tai naña kien kia mēna ga Antiok. La asuñā e yo nene, ana e Legiena Wa, ana apa loyūñā e yunñā na leniena kiena ne le Yu lala, ana atotano amio yeririna lala.

<sup>15</sup> Ana li nasumonena lala la akila lotuena, pano tol pogos naña apuloyu Visena Wa, ana apuloyu nawuloena tai e navisaluaena kiena Mosis, a tai e tusi kiena navisawalena lala. Ana pogos naña nawuloena la nene pisi narui, ana li nasumonena lala apiun tai Pol lalua Panañas, la asape “Wenlamimi lala, visae amiu lua amlarar ke visena tai naña kilia iila malena kiena ne yeririna lala, ana imimi sinemimin mesape amlua avisa van imi.”

<sup>16</sup> Ana Pol suñalu, ana koan limana, naña sape ava ruru la ana ayagogon naga, ana naga pisi pan la, pisape “Poga ga, ana in na sineun nesape nevisa ve sanini, amiu le Yu lala, amio li tañena la naña amiu mēna ga asuñā amlelaga ke e kiamimi Ntewa, ana amiu punu ga ayagogon ruru kiau visena nini.

<sup>17</sup> Kieta Ntewa nene, naga ke narui naña naga pisir plan kieta li marua la nanua sumo, a naga ga naña kila la apimi ape moki pañisi e pogos naña amiyuñāe korena ke ga garu Isip, a naga ga ke sina ga naña pēre plan la e pogos mārera nene, e kiena nañareraena keviu.

<sup>18</sup> Ana naga sumon la amolue apa e yokorena, ana amiyal mā e yo nene pa tol kas lualima yam vari, ana yam moki naña e pogos nene ana apilopu māsila pan Ntewa, ana naga pe mligan la re nena poli.

<sup>19</sup> Ana pogos naña la apimi atol purvanua nene Kenan, naña Ntewa pisaar pisape tañan van la, ana naga mēne plan lus la olua kiena ne li tañena la naña apimi asike e yo nene rui, ana siraunia ana mla porotano nene pan repita lala, la ape p̄arunia, ana lala apa asu wawa asike ea.

<sup>20</sup> Siar e pogos naña apa garu Isip sumo, ana pimi mā pano-o tol pogos naña apasupe la sina apa loyūñā e kiela purvanua, tol kas pe suri tai sane ponotia vari lualima yam lima.

“Ana e pogos naña asu wawa asike e kiela porotano sanene, ana Ntewa pisir plan kiela suñe lala, naña asumon la a aliñere la, ana suñe la nene la amiyuñāe mā sanene pano-o tol lala yaru maro nini, Navisawalena Samiuel.

<sup>21</sup> Ana la apisawal asape la pe sinelan re si suñe la ne sanene poli, ana la apisa pa

Samiuel asape naga lual re yaru tai naña naga kilia ve kiela p̄arin suñe keviu. Ana Ntewa kilologia Sol, narina ne Kis, pan la, naña naga pe lus kiena Pensiman, ana Sol naga pimi pe kiela p̄arin suñe keviu nasumo, ana naga pisuar la pano-o tol kas lualima yam vari.

<sup>22</sup> Siraunia, ana Ntewa kilalua sina Sol, ana mligan Tepet kus lelana, ana Ntewa naga kekarana manene Tepet pañisi, naga pisayu sape ‘E Tepet nini, narina Sese, ana nepisu nesape netol yaru tai naña kiena p̄elaga torokin ruru nena ga kiau sitomena, ana nekilia nesape naga pisi na naga yuñāe ga va sa naña in na sineunia.’

<sup>23</sup> Ana Ntewa pisaar pan repita la nanua sumo sumo laa rui, sape p̄isi na naga werelua lus tai kiena ne yermarua Tepet nene, ana ligan naga van ita le Yu lala, ve kieta Natamaliaena, ana suri nene Ntewa kila pa e yaru naña Yesu rui.

<sup>24</sup> “Sumonia, pogos naña Yesu nene pe pimi re poli wa, ana Yoane Nakeena suñā mlolog ke pan ita, sape ‘Amiu monar avilopu amiu, ana amiu monar ava e nakeena.’

<sup>25</sup> Ana pogos naña Yoane nene lavis ga kila punu yuñāena la naña Ntewa mla pan narui, ana naga suñā piun ke tan yeririna lala, pisape ‘? Amiu añaape in na nepe Navisaarena? Inu nevisa van amiu, in na pe nepe yaru re nena naña amiu asuñā asuñate ke poli, peraga. Ana siraun inu, ana naga suñā pimi ke ne, a naga po naña po, a naga pe yaru wa manene laa, ana in na nepisu sane inu pe nemesmesu re naña neve yaru na kiena yuñāena ga poli, inu pe netorokin re neva lavisu puna poli naña nowar plan kiena kulus nen lana.’ ”

*Pol pisape yerikawa kiena ne le Yu lala, la ke naña añañar Yesu narui*

<sup>26</sup> Ana Pol pisa pan la, pisape “Wolai lala, amiu lañas naña ape le Yu ruru lala, naña añañivi e lus kiena Epraam, a amiu lañas naña ape li tañena lala, ana amlelaga ke e kiamimi Ntewa imimi le Yu lala, ana sineun nesape monar avisu kilalea avisave ita ke narui naña Ntewa mla visena na natamaliaena pan ita rui, kila nesuñā neñar ke pimi pan amiu ne.

<sup>27</sup> Lala nae Yerusalem amio kiela yerikawa lala, la pe apisu kilale re nena Yesu poli e pogos naña naga pimi, a pe apisu kilale re asape naga pe Natamaliaena poli naña li navisawalena la apisayu e Visena Wa la naña apuloyu silaga e Legiena Wa lala. Sanene, ana pe apisu kilale re poli, naña la akila visena kiena ne navisawalena la moki apimi ape

lelaga, komin naña la ke nene narui la amlipere kiela Navisaarena nene asape naga monar mare.

<sup>28</sup> La pe añal re nena suri tai poli naña torokin naga mare vanonia, ana la añareran pa Paelat vena naga monar tamñan visave la akilia awerñaria.

<sup>29</sup> Ana la akila piowa ga pania taveve ga ya naña li navisawalena lala apisawal nanua sumo la rui naña asape pisi na yeririna la akila vania, vano vano awerñar naga e laki torovia, ana siraunia la akus tasnena pano, amligan mēke e puluve.

<sup>30</sup> Ana Ntewa tamalia ke sina ga naga petan marena,

<sup>31</sup> ana e legiena lañasia, moki li mña ga, ana naga sumā mālmalivin kiena yeririna lala naña sumo lala asu amio naga garu Kalele, a naña ataveve naga apami metava ma Yerusalem. Ana la naña apisu Yesu sa nene rui, nanagane la ke nene narui la asuñā apisasawal ke pan yeririna lala asape naga mali sina petan marena.

<sup>32</sup> "Ana nanagane, e yo nini, imimi lua mepimi pun amiu naña memla Lologena Wo nene pimi pan amiu. Imimi lua mepisawal pan amiu, mesape suri wo la naña Ntewa pisaar pan repita la na sumo, pisape pisi na kila van kiena yeririna lala, <sup>33</sup> ana nanagane suri la nene apimi ape lelaga rui e ita narin mapila lala, a e ita li tañena mēna ga la naña temlelaga e naga. Ana ita tetol suri wo nene e ga e kieta pogos nini, naña Ntewa mligan Yesu pimi tano e yomarava nini, ana tamalia ke sina ga naga petan marena.

"E Visena Wa, Yauena marana lua naga pisayu suri nene, naña sape  
'Kiau sisti, nepisu sane ñane ko opimi ope naruu,

*a nepimi nepe arimonia kemua lelaga.'*  
Yauena 2:7

<sup>34</sup> Ana e lepas naña Ntewa kila Yesu mali sina e marena, naña naga tañatete va sina ga e puluñili pogos tañena, e lepas nene ana visena lua na Visena Wa la apisa rui. E visena tai, ana Ntewa pisa sanini, pisape 'Navisa ruruena wa la nini naña in na nepisaar pan Tepet sumo rui,

*la asuñalu mñarera asike ga wa,*  
*ana nanagane nela van amiu narui,' Ais*  
55:3

<sup>35</sup> ana visena na lua na lepas nene, sike sina ga e Yauena tai, naña yaru naña siria pisi pa Ntewa, pisape

*'Pisi na ko na tañatete okilia otarñan kionia yaru wa visu marena,*  
*pona tasnena menun pogos tai.'* Yauena  
16:10

<sup>36</sup> "Ana visena la nini pe apisa re yer-marua Tepet nanua sumo poli, komin naña siraun naña naga kila yurñaena kiena ne Ntewa pan kiena yeririna la pano pano-o, naga mare ga, ana asin naga mēke amio repina lala, ana tasnena mon mña pano menun.

<sup>37</sup> Ana visena la nini apisayu ga Yesu nini, apisayu naña naga tasnena pe pa piowa re sanene poli, naga Ntewa pisirlua sina ga naga mali sina."

*Pol sape naviewoena naga mēke ga e*  
Yesu

<sup>38</sup> Ana Pol sape "Wolai lala, visae sanene, inu sineun nesape monar akilia ruru suri nene, sape e ga e Yesu nene, ana Ntewa sumā kila pan ita lua sape naga piowo punu kieta mlamulena piowa lala.

<sup>39</sup> Navisaluaena kiena ne Mosis tañatete were plan ita lua vetan kieta ñelaga na mlamulena viowa lala, ana ko ai, naña visae olelaga mñarera e Yesu, ana pisi na naga war plan kionia ñelaga na mlamulena viowa nene vetan ko.

<sup>40</sup> Sanene, ana monar avisuar ruru amiu, komin naña visae peraga, ana pisi na amiu ve sa naña visena tai kiena ne navisawalena lala,

<sup>41</sup> naña naga pisa pisape  
'!Amiu apisu ke ne! Amiu asuñā apitalia kare suri wa lala,  
*ana nanagane ga ne ana yoko avisu kilale ga na wa, siraunia amare.*

*Komin naña in na nesuñā nekila ke yurñaena tai likan amiu e pogos naña amal ke ga wa,*

*ana asuñā apisavan ruru merarava pan amiu,*

*ana amiu na pe sinemiun re alelaga e poli.' "*  
Aña 1:5

*Yeririna nae Antiok lala akekaran visena nene kiena ne Pol*

<sup>42</sup> Ana Pol pisi pan la pisi, ana la apa vanua, ana yeririna la apimi apiun mñareran tan Pol, asape "Imimi sinemimin mesape e Legiena Wa naña pimi ke ne, ana pisi na amlua awasuñe amiu si aimi, ana avian imimi re laa ga wa e suri la nene."

<sup>43</sup> Ana pogos naña Pol lalua Panañas apano, ana le Yu la moki amio mēna ga yeririna tañena la naña apimi sa ga ape le Yu la rui, apimi amiyaloro ataveve lalua apano naña asape asun re laa sane wa. Ana nalologena lua nene apisi amio la, ana apisa pan la asape la monar awasine manene laa Ntewa sane wa, a lala monar atañali naña ava re laa loyurña e kiena lemamiena.

<sup>44</sup> Ana sa naḡa la apisa pa Pol amio Panaḡas rui, e Legiena Wa taḡena naḡa sirau pimi, ana pulen ga le Yu lala, a pulen m̃ena ga yeririna taḡena lala e pulkumali nene apimi sina lele taaga, naḡa asape ayagolon Pol lologon Visena Wa kiena ne Ntewa.

<sup>45</sup> Ana pogos naḡa yerikawa kiena ne le Yu lala apisu yeririna moki taḡena la nene, ana apielue narui, ana la asuḡa apisa kare Pol, asuḡa apisa pan yeririna lala asape naga suḡa piḡokan ke ga nene.

<sup>46</sup> Ana Pol amio Panaḡas lalua pe sinela kurkur re poli, ana lalua asuḡa apisi molmolue ga narui, a lalua kiela visena pa m̃arera laa narui, a la apisa pan le Yu la nene, asape "Imimi mepisu mesape popon naḡa Visena Wa kiena ne Ntewa naḡa imimi mesuḡa mepisawal ke pan amiu, naga imi tol ḡesan amiu le Yu la sumo, summon naḡa tol yeririna taḡena lala. Ana amiu na pe sinemiun re alelaga e poli, asuḡa akuwan plan kare ga pano, sa ga naḡa amiu ataḡatete si akilia atol malena naḡa ve uro re narui. Ana poga ga, teke ga e amiu, ana sanene ḡisi na imimi meva ga melologon va la naḡa pe ape le Yu re la po la rui.

<sup>47</sup> Komin naḡa Visena Wa tai pisa rui naḡa imimi monar mekila sanene, naḡa Ntewa naga pisa, pisape

*'In na nepisirlua ko vena ovivaga sane kapi tai,*

*vena tegoli la naḡa pe amlelaga re e inu poli wa.*

*Pisi na ko okus kiau natamaliaena va tol yo punu ga e yomarava.' "* Ais 49:6

<sup>48</sup> Ana pogos naḡa lala naḡa pe ape Yu re poli amloge visena nene, ana amloge po manene laa ea, la apisape "I!Suwala, visena kiena ne Ntewa nene naga po naḡa po, imimi sinemimin paḡisi wa!" ana lala naḡa lala laḡas naḡa Ntewa pisaar la sape ḡisi na la atol malena naḡa ve uro re, la ke nene narui naḡa amlelaga e Yesu e pogos nene.

<sup>49</sup> Ana siar e pogos nene, ana visena kiena ne Suḡe suḡa mlenlelein pa ḡar make yo e lepas nene.

*Le Yu la sinela kar Pol amio Panaḡas*

<sup>50</sup> Ana le Yu la naḡa apielue apa apisu sira kawa lala na kiela yum̃a na leniena amio li nasumonena lala na pulkumali, ana apis pan la akila kare kiela sitomena lala, pano pano-o yerikawa la nene amiila yeririna la apa am̃enelua Pol lalua Panaḡas petan kiela yo.

<sup>51</sup> Ana pogos naḡa lalua asuḡa apa ke narui, ana lalua akila kile tai pan la ne na

pulkumali nene, lalua am̃evan puluyavi na mrapa naḡa sike e lolala lalua.

Ana lalua apetan yo Antiok, lalua apa atol pulkumali naḡa Ikoniam,

<sup>52</sup> ana nalogena viu la naḡa asike guru Antiok, la sinela kekara keviu, a Ninuna Wa pimi pulemamaga ruru nenaga e la.

## 14

*Pol lalua Panaḡas, lalua amlologo e yo naḡa Ikoniam*

<sup>1</sup> Ana e kumali naḡa Ikoniam, suri punu ga am̃al̃malivi sa ga naḡa Antiok narui. Lala aporu e yo nene, ana siraunia Pol lalua Panaḡas, lalua apa loyumuḡa e yum̃a na leniena kiena ne le Yu lala, ana lalua amlologo. Lalua amlologo amio nam̃areraena kiena ne Ntewa, ana yeririna la moki naḡa asike e yo nene, lala amlelaga e Nalologena Wo nene, naḡa lala ḡasia ape le Yu, a lala laḡas ape le Kris.

<sup>2</sup> Ana le Yu taḡena lala naḡa asuḡa ga, lala pe sinelan re naḡa alelaga poli, ana siraunia la nene apano akilayon naḡa avilonkare sitomena kiena ne yeririna taḡena lala naḡa pe ape le Yu re poli, la akila sinela la pimi kari la naḡa amlelaga mare ga na wa.

<sup>3</sup> Suri ne nanene narui kila Pol amio Panaḡas, lalua asike e yo nene yam piavi la sane, vena akilali naḡa aiila nalelagaena lala. Ana pogos naḡa lalua asike amio la sanene, ana pe amaraun re la naḡa sinela kar la ke poli, ana la asuḡa amlologon Suḡe Yesu pan la, a apisayu kiena pupia lemamiēna pan yeririna lala. Ana Suḡe naga kila yeririna lala apisu kilale naḡa kiela visena lala ape lelaga, komin naga tam̃an pan lalua vena akila kile ve moki e yo nene a suri nailanena lala.

<sup>4</sup> Ana yeririna lala na kumali nene la amliḡere la e ḡegas lua narui, naḡa laḡas akekaran le Yu lala, ana laḡas akekaran nalologena lua naḡani.

<sup>5</sup> Lepas lua nene lalua asu m̃a apepeyun la sanene, pano-o ana le Yu lala amio li taḡena lala naḡa pe sinelan re si li nalelagaena la poli, amio m̃ena kiela yerikawa laḡasia, la ke naḡa apisa ruru narui vena la asu nalologena la nene a akove moḡiar la amare.

<sup>6-7</sup> Ana nalologena lua naḡani lalua amloge suri nene, ana apisu sane popon naḡa aure vetan yo nene, vena ava atapolou e yo tai. Sanene, lalua asuḡalu petan yo nene, apa e lepas taḡena naḡa Likonia, ana lalua apa amlologon Nalologena Wo e lepas nene, amio kana pulkumali ne luwoka, naḡa lalua kiela kia sanini, Listra amio Tepe.

*Pol lalua Panaņas lalua amlologo garu Listra*

<sup>8-9</sup> Ana e narin pulkumali nene naņa Lis-tra, pogos tai ana Pol naga suņa mlologo ke pan yeririna lala, ana yaru tai pe laulu naga toņa tano, ana naga toņa miyagogon Pol. Yaru nene, siar e pogos naņa naga paeme, naga pe mial re pogos tai poli, komin naņa naga lana luwoka ga pulu.

Ana Pol pisu naņa yaru nene suņa miyagogon ruru ke naga, a naga mlogelupar naņa sane yaru naņa pe laulu ne naga suņa mlelaga e Yesu sape yoko naga kilia kila ruru lana luwoka. Ana Pol pisu manenea,

<sup>10</sup> pio naga, pisape "¡Laulu, ko oula ova metava, osuñalun laña luoka!" Ana yaru nene mloge Pol pisi pan sanene narui, ana naga pula pa metava veraga, ana naga suņa mial ke amio lana luwoka naņa apimi añarera ruru narui.

<sup>11</sup> Ana pogos naņa yeririna lala apisu suri nene naņa Pol kila e laulu nene, la asuņa apiovion e kiela visena, apisape "¡Ake! ¡Kieta ntewa lala akus maran yeririna, apitom tano pun ita sa ga yaru narui!"

<sup>12</sup> Ana la asikia Panaņas, apio naga asape Susu, naņa naga pe kia kiena ne þarina suþe kiena ne kiela ntewa lala, a amligan kia kiena ne Pol, la apio naga asape Emis, naņa naga pe kia kiena ne yaru nawaren visena kiena ne kiela ntewa lala, komin apisu naņa Pol naga suņa pisi manene laa sane taulu Panaņas.

<sup>13</sup> Ana vanua e mralaea na kumali nene, yuņa wa tai mña na ne kiela ntewa nene, Susu, naga mon mña ga, amio kana yaru wa nena, ana yaru wa nene naga sitom sape kila ruru naņa vena yeririna lala monar akila kuþaþaena van Pol amio Panaņas, naņa la asitom asape yaru lua nene lala ape kiela ntewa. Ana yaru wa nene kila la apitaþilin naņa apanon aþure puluk lala apimi, ana apaia la e meme, vena awe monar la e kove na yuņa wa nene narui.

<sup>14</sup> Ana Panaņas amio Pol, lalua pe akilia re kiela visena poli, naņa la asuņa apisayu ke suri la nene, ana pogos naņa lalua amloge ya naņa asuņa asitom ke naņa asape akila, lalua amloge piowa paþisi wa. Nalologena lua naþani, lalua pe akekaran re nena naņa yeririna la nene sinelan asape alotun lalua poli, kila sanene lalua apitolwowa mñala kulsota lala, ana lalua akiriri apano asuñalu asike likan yeririna la nene, apionia, apisape

<sup>15</sup> "¡Avisaluþar la, avisaluþar la! ¡Ve akila re ve sanene van imimi! ¡Imimi lua mepe yaru ga sa naņa amiu, pe mepe ntewa re poli! Mepimi ga memio Nalologena Wo, mepimin naņa mevisawal van

amiu monar aligan kiamiu þelaga marua la ne sanene sike na, amiu ve alen re si va kamiu ntewa moki la naņa amarmare ga ne. Mepimin mesape mevisawal van amiu naņa Ntewa mali taaga ga naņa sike na, a mesitom mesape mevilon amiu vania, naņa naga ga naga sii sinapane, amio porotano, amio sive, a naga sii suri la punu ga naņa asike e yo punu ga e yomarava nini.

<sup>16</sup> E kas kiena ne teras la moki naņa aþaro apa rui, Ntewa naga tamñan naņa yeririna lala na yomarava, sane amiu, la asuņa amiyaloro ataveve þelaga la naņa peve taþena lala, a la pe akilia re naga poli, ana akila lotena sa ga naņa la asitom apisape mesmesun naņa akila.

<sup>17</sup> Nepisu naņa amiu akila sanene komin naņa amiu pe akilia punu re naga po, ana e lepas naņa puna, naga pe tapoloun punu re naga pan amiu poli, komin naņa pogos punu ga naga suņa kilologia naga ve torokaki ga pan amiu pisape naga pe lelaga, a naņa kiena þelaga e amiu na po paþisi. Naga ke narui naņa naga suņa kila ke kiena yua mloloru pitomi e yo yau, a naga ke narui naņa naga suņa kila ke suri punu ga akapuru e kamiu lokove la ne, lala aþar kala kinas lala e kana pogos ruru nena napa. Naga ke narui naņa naga suņa kila amiu akekara a amiu amloge po keviu e kinanena wo la naņa amiu asuņa aþar ke e kamiu lokove la nene."

<sup>18</sup> Pol amio Panaņas lalua apisa visena la ne sanene þisi, ana lavis ga naņa taþatete akilia avisaluþar yeririna la nene naņa lala sinelan manene naņa akila lotena van lalua nene pona akila kuþaþaena van la. Ana siraun naņa la amloge visena kiena ne lalua nene, ana la pe akila re si poli.

<sup>19</sup> Ana siraunia, le Yu laþasia naņa aņene Pol amio Panaņas rui garu Antiok a e yo naņa Ikoniam, ana nanagane la nene apimi añalivi ke sina ga narui e yo Listra nene. Ana la asuņa asun pan le Listra lala, pano-o aþure plan ke sina ga kiela sitomena lala pa pe taþena ke sina ga, ana siraunia, ana lala apanon Pol, ana la akove naga pano-o apisu amape naga mare rui. Ana lala aþurelua tasnena petan pulkumali pa vanua, akoon kare ga naga mon mña ga sa ga ne, ana la aþasuþe sina apano.

<sup>20</sup> Ana nalogena laþasia apimi amligan ruru Pol, ana la asuņa amio naga, ana siraunia, naga tavolo sina, ana naga pa sina uña amio la. Ana kolulagi, naga amio Panaņas, lalua amiyal, lalua apa e narin pulkumali taþena nene naņa Tepe.

*Pol amio Panaņas, lalua apa sina, aþasuþe sina ga apa akome yo la nene*

<sup>21</sup> Ana garu Tepe, Pol amio Panañas, lalua amlologo, ana e yo nene la aþere yeririna moki apimi amlalaga, apimi ape nalogena lala kiena ne Yesu. Ana siraunia, ana lalua amolue ke sina ga e yo naþa Tepe, la asiar apa sina, ana lala ataveve mña ke sina ga mrapa naþa la akom ea apimi. Sanene, la aþasuþe ke sina ga apa garu Listra, sirau, Ikoniam, yokorena aþano aporu garu Antiok nae Pisitia.

<sup>22</sup> Ana e yo make la nene, la apian ke sina ga nalelagaena lala, ana amla visena wo la pan la vena iila la, a la apisape “Pe suri korena naþa pona ita tekilua tetol pogos mñarera lala, pona yeririna la ve moki akawe ita, ana naþa ita teva loyurña e navesuþenena kiena ne Ntewa naga monar ve sa ga nene narui. Visae sanene, amiu ve amalumu re, ve aursu amiu re sina, ana asurñalu asuwawa mñarera e Kristo pogos punu ga.” La apisa visena la ne sanene, kila nalelagaena lala la apuarar naviawaena mñarera.

<sup>23</sup> Ana e kumali la nene punu ga, la apu þarina ne yeririna la þasia vena ave nasumonena la e þegas na nalelagaena la veve taaga, ana lalua amonsilu ga vena alenwo la. Ana amligan la asike e limana ne Suþe, naþa lalua amlalaga asape yoko naga iila la silaga.

<sup>24</sup> Ana la aþasuþela sanene, ana la aþaro e leþas na yo Pisitia, þisi na apimi e leþas na yo Pampilia.

<sup>25</sup> E leþas nene, la amlologo e kumali naþa Peka, siraunia la apito garo Atalia, garo losi,

<sup>26</sup> ana la akus waa, aþasuþela si apa aporu garu Antiok, nanene e yo naþa Seria. Nanene kumali keviu naþa sumo rui, la amlenwo Pol lalua Panañas, apisape vena lemamiena amio navisuarena wo kiena ne Ntewa naga sike amio lalua, ana la amligan plan lalua vena ala Lologena Wo avano. Ana nanagane narui, lalua akila make nena ga pupia yurñaena nene þisi, ana apimi si rui.

<sup>27</sup> Ana lalua apio nalelagaena lala vena la punu ga aimi lele taaga, ana lalua apisawal yurñaena la pan la naþa Ntewa miyurñaen pan lalua, a lalua apisayu ruru pan la sanape naþa Ntewa naga pietava pan la naþa pe ape le Yu re poli, pisape la mña ga akilia alelaga, a la akilia aviran la lele taaga e kiena nasuþenena.

<sup>28</sup> Ana lalua asu mña tol kupario lua pona telu suri tai sanene amio nalelagaena lala garu Antiok.

## 15

*? Li nalelagaena vii lala la monar ataveve navisaluaena kiena ne Mosis pona*

*peraga?*

<sup>1</sup> Ana pogos naþa Pol amio Panañas lalua asike garu Antiok wa, li nalelagaena laþasia na leþas nae Yutea, naþa la ape le Yu, la apitomi garo e yo nene. A pogos naþa la amlologo pa li nalelagaena taþena lala nae Antiok, la apisawal kiela navianena tai, asape “Visae amiu li nalelagaena laþasia, la pe ape þaviu re poli taveve ya naþa navisaluaena kiena ne Mosis pisa, þisi na Ntewa naga taþatete tamalia la.”

<sup>2</sup> Ana Pol amio Panañas, lalua pe akekarana re nenaga visena nene poli, komin naþa la akilia asape Lologena Wo kiena ne Suþe naga pe pisa re sanene poli, ana la apisi mñarera pan la nene, la apepeyu amio la nene yam piavi laa sane, vena akilali naþa avisaluþar la vena ve avian woweren re si yaru la sanene.

Ana li nalelagaena lala nae Antiok, la asitom manene laa visena la nene narui, ana peraga, la apisu sane popon manene naþa la avitetalia Pol amio Panañas amio mña ga laþasia, la apa ma meta Yerusalem vena ava avisu li nalologena lala amio nasumonena lala, vena alogeli naþa sane yerkawa la nene la asitom ke sanape e leþas na suri naþa la apepeyu vanonia.

<sup>3</sup> Naga narui, li nalelagaena lala apitetalia la apitove, apitove akome leþas la ne sane Ponisia, þisi na apa Samaria, a e pulkumali punu ga naþa la apa akom ea, la asurña apiora amio li nalelagaena lala, a asurña asun amio la apisayu sanape naþa apa atelivi e la naþa la pe ape le Yu re poli, a apisawal Lologena Wo pan la, a sanape naþa la moki apilon la apimi e Ntewa rui. A kiela navisawalena la nene la akila li nalelagaena lala la amloge po paþisi, amieluar Ntewa vanonia.

<sup>4</sup> La akila liluen sanene pano panoo, apito atol garo Yerusalem, ana la apa apisu þegas nen li nalelagaena lala, amio nalologena lala a nasumonena na sumare lala, ana la nene la akekarana naþa apisu Pol amio Panañas lala, ana la apisa visena na worworen pan la. Sanene, Pol amio Panañas lalua apisawal mña ga e la naþa garu Yerusalem, apisape sanape naþa Ntewa naga kila yurñaena moki rui pa lalua naþa lalua apa atol la naþa la pe ape le Yu re poli, ana amlologon pan la, apisape visae la alelaga ga e Kristo, þisi na Ntewa naga tamalia la.

<sup>5</sup> Ana pogos naþa lalua apisawal suri la nene sanene, li nalelagaena laþasia naþa ape le Yu, naþa ape Varasi, la asurñalu la apisawal ke sina ga kiela navianena nene, apisape “Popon visae la naþa la pe ape le Yu re poli, visae la sinelan asape alelaga e Kristo, ana la monar ave þaviu mña ga, a

la monar ataveve mēna ga visena taḡena lala na navisaluaena kiena ne Mosis, ana visae ataveve kieta ḡelaga ita le Yu la sanene, naga nene ana ḡisi na ita tekilia tevisa tevisave ḡisi na Ntewa naga kekaran la.”

*Pupia viorena garu Yerusalem*

<sup>6</sup> Ana la asuḡa apisayu manene laa suri nene, kila sanene li nalologna lala amio nasumonena lala la apisa apisape monar akila viorena tai vena avaisyaua.

<sup>7</sup> Ana e viorena nene, la apisi manene pano pano-o kila Pita suḡalu, pisi pan la, pisape “Wolai lala, amiu akilia ḡisi rui, nanua na Ntewa naga mligan inu vena in na nevaḡesan nelologon Lologena Wo va la naḡa pe ape le Yu re poli, ana nanagane ita tesuḡa temloge ke naḡa la moki asuḡa amelaga ke e Kristo rui.

<sup>8-9</sup> Ntewa naga kila sanene, komin naḡa naga pe mliḡere re la nene petan ita poli, ana naga piḡu ke losinela lala maran taaga ga sa naḡa naga kilia ruru ya naḡa sike e losineta. Naga kila merarava pan ita sa naḡa naga kekaran vena la akilia aelaga ke e mrapa mā nenaga naḡa ita tesuḡa temlelaga ke ea, naḡa naga mla Ninuna Wa pan la, a naga kevan ke mēna ga losinela lala mekiki, komin naḡa la aḡasine naga, sa ke ga ita.

<sup>10</sup> Ntewa naga kila po manene laa pan la rui, ana nanagane, ita laḡasia la sinelan asape akila ke sina ga mḡarera van la. Visae ita sinetan tesape tomḡareran la nene vena la awar suri urmi lala na kieta navisaluaena e mḡasila, sa naḡa la asuḡa apisa ke ne, sanene na piowa ne, ita tekilawo ke sina ga Ntewa ne. Repita lala la apisu sane navisaluaena nene naga mḡarera paḡisi wa, a ita mēna ga tepisu sane taḡatete yaru tai kilia logear kana visena ne la punu ga.

<sup>11</sup> Ana la amlelaga, a ita mēna ga temlelaga temio la, tesape ita punu ga towasine ga Suḡe Yesu, a tetol malena e naga, pimi kom ga e kiena lemamiēna.”

<sup>12</sup> Ana la naḡa e viorena la pe apisi re si po laa rui, ana la asu puru, ana amla pogos na visena tai pa Pol amio Panaḡas, la sinelan asape aloge re si kile lala amio suri na ilanen lala naḡa lalua akila e namḡareraena kiena ne Ntewa pa la naḡa pe ape le Yu re poli, pogos naḡa lalua apa atelivi pula.

*Semes sikol kiela visena lala*

<sup>13</sup> Ana pogos naḡa lalua asunyu suri la nene ḡisi, Semes nene, naḡa naga pe kiela yerkawa tai garu Yerusalem, naga suḡalu sikol visena pa yeririna lala, pisape “Wolai lala, sineun nesape ayagogon inu sumo wa.

<sup>14</sup> Ita temloge ga ḡisi na wa naḡa Saemon nene, naḡa Pita, naga pisawal ruru pan ita rui sanape naḡa Ntewa naga mḡalmḡalivi ḡesan pa la naḡa pe ape le Yu re poli, a naḡa naga pure laḡasia apimi ave yolai viu tai naḡa kiena kia sike ea.

<sup>15</sup> A e Visena Wa, visena kiena ne kieta navisawalena lala nanua sumo, pisa pisape yoko ve sanene narui. Lala tai naḡa pisa sanene, naga Emos, naḡa naga pisawal visena kiena ne Ntewa tai, naḡa pisa sanini, pisape

<sup>16</sup> ‘Pisi na, inu nowasuḡe inu sina neimi, neyuḡaen ruru si lus kiena ne Teḡet nene naḡa mloru, vena mali sina.

*Naga sa ga yuḡa tai naḡa kekapili kar ga sike ne, ana ḡisi na nevisirtua sina.*

<sup>17</sup> Ana ve sanene, yeririna taḡena lala naḡa pe ape kiau re poli wa,

*ḡisi na la akale inu Ntewa Namava, a yeririna lala na purvanua punu ga na yomarava nini, naḡa nemligan kiau kia sike e la rui, la aimi ave kiau yeririna.*

<sup>18</sup> Inu Ntewa Namava, naḡa nekila yeririna lala la apisu kilale suri la nene siar nanua sumo laa rui,

*kiau navisaarena sanene narui.’ ” Amo 9:11,12*

<sup>19</sup> Ana Semes pisi manene laa sane, pisawal kiena sitomena, pisape “E kiau navisuena, naga sanene narui. Pe pon re ita tekila yuḡaena mḡarera pona tekila kare manene la naḡa la pe ape le Yu re poli, naḡa la apilon la ga apimi puna ne Ntewa na wa. Pe pon re tevisave la monar ave ḡaviu poli, pona la monar ataveve kieta Navisaluaena sanene pona sanene.

<sup>20</sup> A ya ga naḡa popon ita tekila van la, naga sanini, sane ḡisi na ita tesiri mḡaki tai, tevisawal suri ve telu van la. Suri na tevisaḡesania, tevisave la ve akan re si tata la naḡa yaru taḡena la akila ke kuḡaḡaena ea pan kiela nono lala, la monar avaliania. A sur nalua, la ve akila re si ḡelaga viowa, sa naḡa kolau pona lau. A natelu, ḡisi na ve akan re mēna ga kuruta na suri mali, sane tata na suri mali naḡa kuruta pe mlau make re poli wa.

<sup>21</sup> Yaru lala la asuḡa akilia make ke suri la nene naḡa pe mesmesun re naḡa akila po laa rui, komin naḡa Navisaluaena kiena ne Mosis naga suḡa pisa, a la asuḡa apulolua ke Navisaluaena nene a amlologon silaga e Legiena Wa lala e kiela yuḡa na lotuena e kiela pulkumali lala, siar nakonua rui pimi tol ḡane.”

*Yerkawa lala nae Yerusalem la asiri-taḡe pa la nae Antiok*



<sup>22</sup> Ana siraunia, la apisu sane la apisi toroki, ana li nalologna lala a nasumonena lala, amio mēna ga li nalelagaena la punu ga, la apisu sane popon aligan laḡas ava ke sina ga amio Pol lalua Panaḡas, ato garo Antiok. Ana la apisaar kiela yerkawa nayurñaena lalua nene, Suta Pasapas amio Saelas, apisape ḡisi na lalua nene atove.

<sup>23</sup> Ana la asiri mēna m̄aki tai vena lalua akilia alarar vitove, a m̄aki nene pisa sanini, pisape “Imimi li nalologna lala memio nasumonena lala nae Yerusalem, naḡa imimi mepe wolai memio amiu e Yesu, imimi mekekara paḡisi naḡa mevitawe amiu e m̄aki nini. Imimi mesiri m̄aki nini piḡasu, amiu na pulkumali nae Antiok, a e kana lepas naḡa Seria, a van amiu mēna ga e lepas nae Silisia, nanene na amiu la naḡa pe ape le Yu re poli, naḡa nanua sumo ana amiu na asike ga e yemalolo.

<sup>24</sup> Visena pam tol imimi ḡisi rui, pisape sumo, imimi laḡasia mepitom̄asu garo pun amiu, a la apian amiu asape amiu na monar ataveve kiamimi Navisaluaena imimi le Yu lala, visae peraga, ḡisi na Ntewa naga taḡatete tamalia amiu. Imimi mekilia mesape visena nene naga kila kare manene kiamiu sitomena la paḡisi, a kila amiu amloge piowa paḡisi, ana visena nene naḡa la apisa, imimi memninue ga, imimi pe mepisa re pan la mepisape la monar atoḡasu avian amiu ve sanene poli.

<sup>25-26</sup> Ana kieta wolai wo lalua nene, Pol amio Panaḡas, naḡa lalua na pe asitom re kiela malena poli ana lalua asuḡa sinela urmin ga visawalen kia kiena ne Suḡe Yesu Kristo, amiu apitetalia lalua nene apami apisu imimi vanon suri nene. Ana imimi mepiora vanonia, imimi mepisuveve-e pano-o, ana imimi mepranar mesape ḡisi na imimi meligan wolai ve lua e yo nini awar m̄aki nene, la amio Pol a Panaḡas la atoḡasu pun amiu.

<sup>27</sup> Lalua nene, Suta amio Saelas, ḡisi na lalua asunu ruru manene laa van amiu, maran ve taaga ve a m̄a nena naḡa imimi mesiriyu pan amiu e m̄aki nini.

<sup>28</sup> Ana e kiamimi navisuena, a e navisuena kiena ne Ninuna Wa mēna ga, imimi mepisu sane piowa naḡa imimi moḡararan amiu vena amiu monar alogear kiamimi Navisaluaena imimi le Yu lala. Ana imimi mepisu sane suri laḡasia, naḡa imimi le Yu lala imimi yepemimi mavin paḡisi, a popon manene naḡa amiu mēna ga ve asuḡa akila re, vena kila sane amiu akilia asu ruru amio arueta taḡena la naḡa ape Yu.

<sup>29</sup> Suri la nene, tai pisa sanini, pisape

ḡisi na amiu monar alon tata naḡa yaru taḡena lala la akila kuḡaḡaena ea pan kiela nono la rui. A nalua nena, ḡisi na amiu ve akan re kuruta, pona tata na suri mali naḡa kana kuruta pe mlau re petan poli wa. A natelu nena, ḡisi na amiu ve akila re ḡelaga viowa lala, sane kolau a lau.

“Visae amiu aligan ruru make suri la nene, imimi mepisu sane ḡisi na wo vaḡisi van amiu punu ga. Pogaga, kiamimi visena e lepas nene ḡisi ga e nene.”

<sup>30</sup> Ana la amligan Pol a Panaḡas amio lalua taḡena nene, la apito garo Antiok. Pogos naḡa la nene aporu e yo nene, la apio ḡegas nen li nalelagaena lala la apimi lele taaga, ana amla m̄aki nene pan la.

<sup>31</sup> Ana la nae Antiok apulo m̄aki naḡani, ana la akekara paḡisi e visena wo la naḡa la nae Yerusalem asiri pimi pan la.

<sup>32</sup> A lalua nae Yerusalem nene, Suta amio Saelas, lalua nene ape navisawalena, ana lalua asuḡa amlologon ke pa la nae Antiok, apisape la monar awasine manene ga Yesu silaga, ana lalua akila sinela la surḡalu m̄arera, e kiela visena wo moki naḡa lalua apisa.

<sup>33-34</sup> La asuḡa apisi ke pan la sanene e legiena moki, ana siraunia, la nae Antiok la amligan lalua e kiela mrapa, la amlenwo lalua, asape “Surḡarena kiena ne Ntewa sike amio amluoka.” Ana lalua aḡasuḡe sina apa ma Yerusalem.

<sup>35</sup> Ana Pol amio Panaḡas, lalua asike garo Antiok tol si kuḡar laḡasia, lalua asuḡa amiila yaru taḡena la naḡa la asuḡa amlologo a asuḡa apian ke yaru lala e Visena Wa kiena ne Ntewa.

#### *Pol amio Panaḡas, lalua apeveyu*

<sup>36</sup> Ana siraunia, Pol pisa pa Panaḡas, pisape “Ei, sanape, ḡisi na italuva teva teyaliali ke sina ga arueta amio vineta lala e yo la nene naḡa italuva tepa temlologon Visena Wa kiena ne Ntewa e nanua sumo rui? Pisi na italuva teva tevisu la li sane aḡa la asike sanape.”

<sup>37</sup> Ana Panaḡas pisape “!Po paḡisi ne, nekekaran paḡisi wa! Ana sineun manene nesape ḡisi na italuva toure Son Mak nene imi temio.”

<sup>38</sup> Ana Pol naga suḡa sitoḡal ke ga wa naḡa la amialiali la ḡesan sanene sumo, Son Mak nene naga purmatan la yam tai rui, nene garu Pampilia, naḡa pogos naḡa yurñaena pe ḡisi ruru re poli wa ana naga ḡasuḡe ke sina ga pano. Sanene, Pol pisu sane, peraga, pe pon re Son Mak imi amio la ke sina ga e kiela yalena taḡena nene poli.

<sup>39</sup> Suri nene kila Pol amio Panaņas lalua apeveyun la ruru nenaga, ana lalua amliþere la narui. Panaņas pa þere ga Son Mak, ana la ga lua apa akome waa, lalua apa amiyuñae garu Saepras,

<sup>40</sup> ana Pol naga pa kilalua Saelas. Ana li nalelagaena lala amlenwo lalua nene apisape þisi na lemamiena a navisuarena wo kiena ne Ntewa sike amio la.

<sup>41</sup> Ana lalua amialoro apa atelivi e lepas lua nene Seria amio Silisia, amiyuñaeen ke sanene vena akila þegas nen li nalelagaena lala la aimi añarera manene la sane.

Nanene sane pupia yalorena kiena ne Pol yam lua ne.

## 16

*Timote mēna ga pa amio Pol lalua Saelas*

<sup>1</sup> Ana e kiena pupia yalena na lua nene, Pol pimi tol sina kumali lua nene Tepe, amio Listra. Ana e yo Listra nene, ana nalogena tai sike ea, nanene yaru mēe naþa Timote. Timote nene, anena pe sira re Yu tai, naþa naga mlelaga e Yesu rui, ana arimana naga pe pe yere Yu re poli, naga pe yere Kris tai.

<sup>2</sup> Ana arueta lala nae yo kiena ne Timote, amio lala nae pulkumali taþena naþa mēke lavis ga ne Ikoniam, la apisu naþa Timote naga kila yurñaena kiena ne Suþe po paþisi pan la.

<sup>3</sup> Ana Pol naga sitom pisape were Timote va amio naga e kiena yalena nene, ana suri taaga ga naga piowa, naga ga naþa Timote naga pe pe þaviu re poli, nanene komin arimana naga pe pe yere Yu re poli. Ana Pol naga kilia naþa visae Timote taveve naga sanene, ana visae e yo ya naþa la ava ea, ana yoko le Yu lala, avisaluþar naga vena ve va re loyurña e kiela yurña na leniena lala, a yokorena la ve akekaran re aloge kiena visena lala. Ana komin suri ne na nene, ana Pol kila Timote pano ana la akila þaviu e naga, ana siraunia, la telu nene Pol, Saelas, a Timote, apano.

<sup>4</sup> Ana pogos naþa la asuñia atelivi ke e kumali lala, la asuñia apisalelein ke visena la pan nalelagaena lala, apisawal pan la e navisaluaena la naþa nalologena a nasumonena nae Yerusalem la apisa e kiela viorena sumo rui, ana Pol lala apisa pan la naþa monar ataveve visena la nene narui.

<sup>5</sup> Ana pogos naþa Pol lala asuñia amiyalyal li laa a la apian ke þegas nen nalelagaena la sanene, kila sa naþa þegas la nene asuñialu asu mārera ruru laa, a la apisu sane silaga naþa nalelagaena lala apimi ape moki manene laa narui.

*La asike garu Troas, ana Ntewa pis pa Pol e nanēniēna tai*

<sup>6</sup> Ana Pol la asitom naþa asape ava awar ro e kumali la ve moki e lepas nae Esia, ana Ninuna Wa pisaluþar la vena la ve ava re avisawal Nalologena Wo e yo nene, kila sanene apa atol ga e lepas na yo Prisia amio Kalesia.

<sup>7</sup> Asuñia apa ke sanene, ana pogos naþa la apimi lavis e lepas naþa Misia, la akilali naþa ato garo e lepas keviu naþa Pitinia, ana pogos si tai, ana Ninuna ne Yesu pe tañan re pan la naþa la ava sanene poli.

<sup>8</sup> Ana lala apa aþaro ga e yo Misia nene, apa mña pano-o la atol kana kumali ne tai garo losi, kiena kia Troas.

<sup>9</sup> Ana e yo nene, ana kolemallo, Pol naga momalio pisu sane yaru tai nae lepas keviu nae Masitonia e sive lepas þas, naþa yaru nene naga pimi puna, naga tagi pania, piun tania, pisape "Awis Mara, imimi sinemimin mesape ko oimi owar ro pun imimi, vena oiila imimi."

<sup>10</sup> Ana e poglis nene, inu Luk ne-sike mēna ga nemio la, ana pogos naþa Pol naga pisawal naþa naga pisu yaru nene pisi pania, veraga ga imimi mepanon makale mrapa vena mekilia meva mokusro yo meva Masitonia, komin imimi mekilia naþa Ntewa naga pio imimi rui vena meva melologon Nalologena Wo nene van la.

*Asike garu Piliþae, ana sira naþa Litia naga mlelaga*

<sup>11</sup> Sanene, imimi mokus waa, memligan yo Troas, meþure mepano-o metol purvanua nae Sametres. Ana imimi momomali o yo nene, ana kolulagi, ana mepano-o metol lepas nae yo Masitonia, ana mepa ura e kana kumali nene Niapoles.

<sup>12</sup> Ana e lepas na Masitonia nene, pupia pulkumali taþena tai mon mña ga, naþa naga mēke vatanon navisuarena kiena ne þarin suþe nae Rom. Kumali nene kiena kia Piliþae, ana imimi memial mepano-o meporu ea. Imimi mesike e yo nene legiena lua pona telu, pano-o tol Legiena Wa.

<sup>13</sup> Ana imimi memloge rui naþa apisa apisape e Legiena Wa, le Yu lala nae yo nene la asuñia akila ke lotena e yo na leniena tai garo e wii tai, e pulkumali lepas na vano. Ana imimi rñena memolue vena metoven mevisu la e yo nene, ana imimi mepa metotano mesun memio sira laþasia naþa la asumo apitom asike e yo nene rui.

<sup>14</sup> Sira la nene tai, naga pe pe Yu re poli, ana naga suñia mlelaga e Ntewa. Naga pe nae kumali nae Tuatira, ana þuarar ke kiena pupia yurñaena keviu tai, naga surña þiliwilin kar ke kulmrae tai naþa

maran lavis malolo, naña po na po naña la amiyurñaen e kiena yo. Sira nene, kiena kia Litia. Ana e pogos nene, Suře pietava e kiena sitomena narui, ana naga mlarar ruru visena la naña Pol naga suña pisa pan la, a naga tarar mlarera po e losinena.

<sup>15</sup> Ana e pogos nene, Litia nene amio la naña e mñana urña, la punu ga apa e nakeena. Pisi, naga mlareran imimi, pisa pisape “Visae amiu apisu sane nesumalu kemua mlarera lelaga e Suře, sineun nesape amiu aimi asu re garu mñau wa.” Sanene narui, ana naga pure imimi mepa mesike e mñana urña.

*Akuan Pol amio Saelas apa e yurña nakoena*

<sup>16</sup> Ana e legiena si tai, ana memio Pol mepitom sina e kiela yo na leniena, ana imimi mepitawe narin sira mēe tai e mrapa. Narin sira mēe nene, yeririna lařasia apulua naga vena yurña kiela, ana ninuna viowa tai sike e naga, naña apio asape ninuna ne lorñara, naña pe ninuna navisuen suri la naña aimi amñalivi sirau. Ana yeririna la moki apimi apiun ke sira mēe nene tan yerkawa lala, vena naga visawal van la sanape e kiela malena lala. Ana pogos naña sira mēe nene pisawalia, ana la asu mñ ařar ke naiilaena pan kiena yerkawa lala, kila sanene ana pogos punu ga la asuña ataulu kilavaru moki na moki vanonia.

<sup>17</sup> Ana imimi memial mepa laa sanene, ana narin sira mēe nene taveve imimi naga sirau, naga suña piovin manene pan yeririna kar ga la punu ga, naga suña pisawal ke, pisape “!Ei, apisu ke ne! Yaru la nene la ape nayurñaenen yurñaena kiena ne Ntewa mali na metava manenea. La ke narui naña akilia avisawal mrapa na tamaliaena van amiu.”

<sup>18</sup> Ana sirau, naga suña kila ke sanene pan imimi e legiena moki, kila Pol mloge piowa pano pano-o, tol pogos tai, ana naga sinena kar ninuna viowa nena, ana naga kira pa varau, pis pania, pisape “!E, toroki! Nepisa mesmesun pan ko, nesape e kia kiena ne Yesu Kristo, ko omolue tan narin sira mēe nene nanagane.” Ana veraga ga, naga mligan narin sira mēe nene naga pano.

<sup>19</sup> Ana pogos naña yerkawa lala kiena ne narin sira mēe nene apisu naña mrapa nene natauluen kiela kilavaru ea pimi piowa rui, la sinela kar Pol amio Saelas pařisi. Ana la ařure lalua nene apano asuñalu ase marana ne naliřereena lala nae Rom garu kumali.

<sup>20</sup> Ana la apisawal pan la, apisape “Le Yu la nene, la apimi e kieta yo, la akila kare ita manene laa na wa.

<sup>21</sup> La asuña sinelan asape ařareran ita vena taveve kiela řelaga lařasia, ana e navisaluaena nae Rom naña ita tesike vatanonia e yo nini, pe mesmesu re nena ga naña ita tekila sa naña la asuña apisa ke ne poli.”

<sup>22</sup> Ana yeririna la akila pupia mñaagena, ana la akila kare Pol amio Saelas pařisi, asitom asape asu lalua, ana naliřereena la nene apisa apisape la avitolwowa kulsota mñana lalua nene, ana awe la e laki.

<sup>23</sup> Ana la ařne kare lalua nene pano pano-o řisa, ana ařure lalua apano akuan la apa loyurña e yurña nakoena, ana apisaar mlarera pan yaru na visuaren yurña nakoena, apisape naga monar visuar ruru la, lalua ve aure re sina, visae peraga, ana yoko viowa vania.

<sup>24</sup> Ana pogos naña yaru nene naga mloge visena nene, naga pure lalua nene apa manene loyurña, e yo mlarera tai naña la apuarar ke yaru la naña ape řarmarera pařisi apa ea, a naga piar lala lala panon pupia laki naña mēe ke e yo nene.

*Yemninu kululun yurña nakoena nene*

<sup>25</sup> Ana asuña pano-o tol kolemallo yepelilika, Pol amio Saelas lalua asuña amlen ke pa Ntewa e yauena wa lala, a yeririna tařena la naña asike amio la e yurña nakoena la asuña amiyagogon lalua.

<sup>26</sup> Ana la amilan manene pařisi, naña veraga ga, pupia yemninu tai pimi, kila yurña nakoena nene miyuyuwawa make ga, naga kululun make kana nin kinakinas la punu ga. Ana la apisu mratava punu ga apietava, a sen punu ga naña apiarar limala lala a lala lala akekapił ga sa ga ne.

<sup>27</sup> Ana yaru na visuaren yurña nakoena nene naga tavolo, ana kiriri pimi pisu mratava la punu ga pietava ga sike na, ana naga mñape la naña asike loyurña, la make ga apuretetai apava make rui. Ana suri nene kila naga marau pařisi, ana naga mlalua kiena playu na mara, ana sinenan pisape yalmñar ke sina ga naga mare.

<sup>28</sup> Ana Pol naga pisu ke ne, ana pio manenea, pisape “!Ei, ko osuwa, ko ve okila kare ko re! !Imimi punu ga mesike ga wa!”

<sup>29</sup> Ana yaru nene naga pio sape awar kapi vivaga imi, pisi na naga kiriri pa loyurña e yo naña Pol amio Saelas asike ea, ana naga mloru pito tano e lan lalua nene, naña naga sinen kurkur na kurkur.

<sup>30</sup> Ana sirau, naga řere lalua na apa ke sina ga vanua, ana naga piun tan lalua nene, naga pisape “Ei, yerkawa luwoka, ana monar nekila ya naña řisi na nekus natamaliaena?”

<sup>31</sup> Ana lalua nene apisa pania, apisape “Ko monar olelaga e Suḡe Yesu, ana otol natamaliaena, ko omio la naḡa e moḡña mratava.”

<sup>32</sup> Ana la apisawal visena kiena ne Suḡe pania, a apisawal mña ga pan la naḡa asike mña urña,

<sup>33</sup> ana e ke e kolemallo ga nene, yaru nene naga kila ruru yepe sirorop la naḡa sike e yepena ne Pol amio Saelas, ana e ke mña e pogos nene, lala akee naga amio la naḡa asike e mña mratava.

<sup>34</sup> Ana naga ḡere lalua nene apa loyurña e mña yurña, ana naga mla kinanena pan la, ana naga amio lala na mña urña la asurña akekara na akekara, komin nanagane la añal Ntewa e kiela malena la narui.

<sup>35</sup> Ana pa tol kolulagi, ana naliḡereena lala amninue ke suri nene wa, ana la ato si tano, ḡisi la apitetalia kiela yeririna lala apimi apisawal, apisape “Yeririna lua nene akilia amolue ga sane.”

<sup>36</sup> Ana yaru na visuaren yurña nakoarena nene naga pimi pisawal pa Pol, pisape “Naliḡereena lala amligan visena pimi apisape amlua akilia amolue ga sa ga ne, sanene ana amiu aimi, ava ga sane. Ana ita ve tekila re si visena van ita vanon suri nene.”

<sup>37</sup> Ana Pol pisa pa la naḡani pisape “Ei, taḡatete ga, pe sa re nene poli. Imimi mña mesike vatanon ḡarin suḡe nae Rom nene, a e kiena navisaluaena, naliḡereena la nene akila pe mesmesu re pan imimi nene poli. Pe añā re naḡa imimi mekila suri tai piowa poli, ana siraunia la añe imimi e marana ne yeririna lala, a akoan imimi mepa loyurña e yurña nakoarena, ana nanagane la sinelan asape añene plan vinaun imimi ga sanene. !Taḡatete ga, awasuḡe amiu ava avisa van la avisavenua la ke narui la monar aimi aure plan imimi e yo nini, a monar aimi avisa visena tai van imimi sumo wa!”

<sup>38</sup> Ana yeririna kiena ne naliḡereena lala amla visena nene kiena ne Pol aḡasuḡela si apano, ana pogos naḡa amlogeyu naḡa Pol amio Saelas, lalua mña asike vatanon navisaluaena nae Rom, la amarau narui.

<sup>39</sup> Ana la apimi apisa visena laḡas pan lalua, ana aḡure la apa mrapa, apisape la sinelan asape lalua monar amolue e yo nene.

<sup>40</sup> Ana Pol amio Saelas, lalua aḡasuḡe la sina, lalua apa añaliviḡesan e yurña mña Litia sumo, a siraunia, ana la apisu sina arueta lala, a la amla visena wo lala vena iilaar laena, a siraunia, ana lala amolue petan pulkumali nene.

## 17

*Pol amio Saelas, lalua asike garu Tesalonaika*

<sup>1</sup> Ana ḡisi na Pol amio Saelas, amiyaloro apano, ana akome pulkumali lua nene Ampipolis amio Apolonia, ana lalua apimi atol pulkumali nene, Tesalonaika. Pulkumali nene yurña na leniena kiena ne le Yu la tai mēke ea,

<sup>2</sup> ana sa naḡa Pol mon mña kila e yo punu ga naḡa naga pa ea, naga pa sikol la nae e yo nene, ana surña pa ke loyurña amio la e kiela yurña na leniena, e pogos na leniena punu ga. Ana e Legiena Wa telu, naga kila sanene, a naga pisi yam moki amio la e ya naḡa Visena Wa naga surña piania.

<sup>3</sup> Ana Pol surña pian la ea, a naga surña pisawal meraravan po pan la pisape taveve ya naḡa Visena Wa pisa, ana mesmesu ga naḡa kiela Navisaarena, yeririna la akila viowa ga vania, va mña va mña naga mare, ana siraunia naga monar mal sina e marena. Ana Pol pisawal pan la, pisape “Yesu nene, naḡa nesurña nepisayu ke ne, naga ke naḡa pe kieta Navisaarena narui.”

<sup>4</sup> Ana laḡas naḡa la asurña amiyagognia, apisu asape visena nene pe lelaga, la amlelaga e Yesu, ana apimi e lepas kiena ne Pol lalua Saelas. Ana e yo nene, yeririna laḡasia naḡa pe ape Yu re poli, la amlelaga e Ntewa rui, ana lala moki mña ga naḡa amlelaga e Yesu narui, amio mña ga li nasumonena kiena sira la moki.

<sup>5</sup> Ana yerkawa kiena ne le Yu la pe akekara re poli, la apielue, ana la apisayu asape akilali suri tai. Ana la apa apisu ḡegas kiena ne ḡarkawa lala nae yo nene, ana aḡere laḡasia naḡa apiowa laa ga wa, ana apa aḡere sina yeririna la moki ana akila pupia ḡina ga nene, ana la apa akila kare ke pupia veveyuena e pulkumali nene na. Ana la añape Pol amio Saelas lalua asurña ke e yurña mña yaru tai, kiena kia Seson, ana la apanon lalua e yurña nene, vena awere la ava kumali. Ana la apimi atol yurña nene, ana la akila kare ruru nena ga, akilaroro kana mratava nena,

<sup>6</sup> ana pe añal re lalua asu loyurña e poli. Ana apuarar ga Seson nene, amio arueta taḡena laḡasia, ana aḡere la apano asurñalu ase marana ne li nasumonena lala na pulkumali nene. La apisi keviu, asape “Yeririna la nene naḡa asurña apilontapon ke kieta yomarava, la apa e yo taḡena la moki rui, ana nanagane la apimlein asike pun ita narui.

<sup>7</sup> Ana yaru nene, Seson, naga ḡere la apa mña, ana la nene apiowa ga, asurña akilaroro ke navisaluaena kiena ne ḡarin suḡe nae Rom nene, Sisa. Sisa nene pisa

rui pisape monar telotun ga naga, ana la nařani asurña apisa ke asape řarin suře taaga ga na yomarava nini, naga yaru tai, kiena kĩa Yesu.”

<sup>8</sup> Ana yeririna punu ga amio li nasumona lala na pulkumali nene, pogos nařa amloge visena nene, ana la sinela mimi, ana la asurña akiikii a asurña apisi piowa keviu manene la.

<sup>9</sup> Ana li nasumona lala nene asape Seson lala la monar aligan pupia kilavaru tai sike pula, nařa kila sane řisi na Seson la ve aure re si Pol imi sike amio la pog tai, visae peraga, ana la tařatete si akilia awarmaran kilavaru nene. Ana siraun nařa amligan kilavaru nene sike na, ana la atařan la apetan yo nene apano.

*Pol amio Saelas, lalua asike garu Perea*

<sup>10</sup> Ana kole malo ga, ana arueta la nae e yo nene apa amligan vinaun ga Pol lalua Saelas e kiela mrapa, ana lalua apa sina metava e pulkumali tai, nařa Perea. Ana yam si tai, lalua asurña apa ke loyurña e yurña na leniena lala kiena le Yu lala e yo nene.

<sup>11</sup> Ana le Yu make ga la nae e yo nene la apo, a nalogearena sike e la, lala pe sa re le Tesalonaika la poli, lala kiela sitomena la po nařa la akilia amiyagogo ruru po e navianena kiena Pol amio Saelas. Ana legiena punu ga, sinelan manene asape avisuveve loyurña e Visena Wa kiena ne Ntewa, vena akirawal asape lalua apisa pe lelaga pona pa sanape.

<sup>12</sup> La akila rña sanene pano pano-o, pe yam piavi re poli, ana la asiar nařa amlelaga narui, a nasumonena lala kiena ne sira yere Kris rña ga lala amio yere Kris la moki, la rña ga amlelaga.

<sup>13</sup> Ana siraunia, visena řasuře sina pa tol le Yu la garu Tesalonaika nanua ne, ana sape nanagane ana Pol rñeke mlologon ke rña ga visena kiena ne Ntewa garu Perea, ana la sinela mimi sina. Ana apam ma metava Perea, ana akila kare ke sina ga sinena ne le Perea tařena lala vena kila la aveveyu van lalua, amienelua lalua avano.

<sup>14</sup> Ana arueta la apisu suri nene, ana apisu asape popon aiila Pol naga vito sina ga garo losi vilaga wa, ana apisu asape Saelas amio Timote, lalua akilia asurña ga wa, lalua na poga ga.

<sup>15</sup> Ana ařere Pol e kiena mrapa, apito garo losi, ana la akus waa tai ana apa atol pupia pulkumali nařa Athens. Ana pogos nařa amligan Pol e yo nene ana la asape awasuře la sina, ana Pol pisa pan la pisape řisi na Saelas lalua Timote, la rña ga luwoka monar ato garo puna vilaga ve viavi re, vena ayurñae sina ga lele taaga amio naga.

*Pol sike garu Athens*

<sup>16</sup> Ana Pol sike garu Athens, surmate ke Saelas lalua Timote vena lalua aimi, ana pogos nařa naga pisuveve yo la urña e pulkumali nene, ana pisu ga nařa yo pulen ga nono lala, ana suri nene miyur sinena pařisi.

<sup>17</sup> Ana naga surña pa ke loyurña na leniena kiena ne le Yu lala, ana surña kila visena la moki komin suri nene amio la a amio rña ga li tařena la nařa amlelaga e Ntewa. Ana legiena punu ga, ana naga surña pa rña ga e yo metava na pulkumali, vena sun amio yaru ai nařa visae naga lual e yo nene.

<sup>18</sup> Ana garu Athens, ana pupia yurña lala nařa na navianen namanmaruaena, nařa yaru navianena la na yurña lala nene, a pio la asape le Epikuru, amio le Stoiki lala, ana la asurña apiora ke rña ga amio Pol.

Ana lařas nene, asurña apismumun Pol, asape “! Yaru nařa pivis kařar ne, ana naga pe kilia ruru re suri wo tai nařa kilia visa van ita poli.” Ana lala rña ga lařas, amloge nařa Pol surña pisayu ke Yesu amio nasurñalena, ana la asitum ke asape nanene na yeririna lala nene, ana la apisa, apisape “Peraga, imimi mepisu mesape yaru nene naga surña pisayu ke ntewa tařena lala a ninuna tařena lala na purvanua nae ga gare tai.”

<sup>19</sup> Ana siraunia, le Athens la apio Pol asape naga va totano amio la e kiela pupia kumali, metava e pupia kunus nae yo nene, nařa kiena kĩa, Areořakas. Ana apiun tan Pol, asape “Imimi sinemimin mesape ko otařali ovisayu navianena viu nene nařa osurña opisawal ke pan yeririna lala, ovisa van imimi wa.

<sup>20</sup> Imimi mesurña memloge ke navianena nene pe tařena ruru nena ga, ana sinemimin mesape mekilia suri la nařa osurña opisa ke ne, ana kala kinas sanape.”

<sup>21</sup> Ana pogos nařa akila sanene, ana asurña ataveve ke kiela řelaga mřarera tai, komin nařa le Athens lala amio yeririna tařena la nařa asike e yo nene, ana la sinelan manene ga nařa silaga, ana asurña aloge pona asun e navianena viu pona visena viu, pona sitomena tařena lala pona lelagaena kiena ne yeririna lala.

<sup>22</sup> Ana Pol surñalu se marala e kumali nařa ma metava garu Areořakas nene, ana naga pisi pan la. Naga pisa pan la, pisape “Yerkawa lala nae Athens, nepisu sane amiu sinemiun manene laa nalotena lala, taulu nařa yaru tařena la sinelania.

<sup>23</sup> Pogos nařa nesurña nemialoro ke e kumali nene, ana nepisu punu ga yo wa lala a wonta lala, a kiamiu nono la moki manene laa, ana pogos tai ana nepisu wonta tai nařa ate siriena tai sike ea,

naña pisape 'Wonta kiena ne ntewa naña temninue naga.' Ee, amiu amlenin ke ntewa nene, ana amiu apisa lelaga ga, pe akilia re nena naga poli, naga a ne. Ana Ntewa naña pe lelaga ga taaga sike na, ana naga ke narui naña sineun nesape nevisawal van amiu vena akilia naga.

<sup>24</sup> Naga nene naga pe Ntewa keviu naña sii yomarava nini, a suri punu ga la naña tepisu sike ea. Naga na, naga pe Parin Suŕe nae ma e peni, a pe Parin Suŕe na yomarava nini. Naga na, naga pe su re nena e yo wa la poli, a pe su re e suri wa la naña yeririna ga la akila poli,

<sup>25</sup> a naga pe ƣasine re yeririna poli, vena tevagania pona tevisuaria. Peraga, komin naña naga ke narui, naña naga mla malena, a mla yalua, a mla suri make ga pan yeririna punu ga.

<sup>26</sup> Ntewa ke na nene narui, naga kila yolai la punu ga amalivi e yeririna na sumo naña naga siia, ana nanua nanua sumo laa rui, ana naga pisaar pogos punu ga a yo punu ga e maran yomarava nini, naña ƣisi na yolai la nene akilia amal ea.

<sup>27</sup> Naga kila sanene naña kila sape ita punu ga, monar tesitoñial tesape ita monar telual Ntewa nene, ana kila ita tesuñia tekian kare ga limata pa e yemalolo, vena topoporog welen kiena kapi vivaga. Ana popon naña tesitoñial miena ga, tevisave Ntewa nene, naga pe su manene re koperin poli, naga moñia ga lavisi pun ita ita make ga peve taaga.

<sup>28</sup> Yeririna na siriena kiamiu yauena lala la apisayu suri nene rui, naña lala tai naga pisa sanini, pisape 'Ita temal e naga, ita temial e naga, ita na e ga e naga silaga,' ana ta miena ga tai pisa sanini, pisape 'Ita punu ga ita tepe kiena li viu lala.'

<sup>29</sup> "Ana komin naña ita punu nena ga tepe narina ne Ntewa nena sanene, ana pe mesmesu re naña tesuñia tesitom tesape naga sa ga nono tai naña liman yeririna miyurñaen e kol, pona e selpa, pona e kilavaru, naña amiyurñaenia taveve ya naña sike ga e kiela nasinenanena.

<sup>30</sup> Nanua sumo laa rui, e yemalolo, ana yeririna la pe akilia re suri poli, ana Ntewa sinen po pan la, naga pe pulo re kiela naviowaena la e pogos nene poli. Ana nagan narui, ana Ntewa pisawal mesmesun ga pan yeririna punu ga e yo punu ga, pisape monar avilopu la,

<sup>31</sup> komin naña naga pisaar legiena rui, naña ƣisi na naga liƣere yomarava nini, ve sa naña torokin naga kila, a naga pisaar miena kiena yaru tai rui naña ƣisi na naga kila kiena yurñaena nene. Naga kila suri nene merarava ruru pan yeririna make ga

ƣisi rui, naña kiena yaru wa nena, amem̄ar pa naga rui, ana siraunia Ntewa pisirlua ke sina ga naga mal sina."

<sup>32</sup> Ana pimi tol pogos nene, la asuñia amiyagogon ruru Pol, ana pogos naña amloge naga pisayu pisape yaru tai mare, ana Ntewa kila naga mali sina, ana la laƣas apitalia kare naga vanonia, ana laƣasia apisa pania, apisape "Poga ga, toñia sanene wa. Pona visae ƣisi na imimi mela pulmas tai van ko vena ko osunyu sina van imimi pogos tai yo."

<sup>33</sup> Ana Pol pisu sane la nene yepel mavin yagogonen naga, ana naga petan la, ƣasuŕe sina pito garo tano,

<sup>34</sup> ana yeririna laƣas nae lele nene la amlelaga, ana asuñia apimi akuspran la apa lele taaga amio Pol, naña lala yaru tai, naga pe yerikawa tai na kumali nae ruru nena Areoƣakas nene, kiena kia Tionisia, ana ta miena ga, naga pe sira tai, a naga kiena kia Tamaris, a la taƣena miena ga la laƣasia.

## 18

### *Pol sike garu Koren*

<sup>1</sup> Ana siraun e suri la nene naña Pol kila garu Atens, naga purmatania, naga pa e ƣupia pulkumali taƣena naña Koren.

<sup>2</sup> Ana e yo nene, naga m̄al yere Yu tai, naña naga pe yaru tai nae lepas nae Pontas, a naga pa sike ga e purvanua naña Italia, e kana pulkumali keviu naña Rom, ana nanagane, naga amio wona, lalua apimi ga asike Koren na wa, komin Parin Suŕe Koltias nae Rom naga koven plan le Yu lala e kiena yo. Yaru nene, kiena kia, Akwila, a wona, kiena kia Prisila.

Sanene, Pol pa pisu lalua nene,

<sup>3</sup> a lalua apisape popon Pol sum̄a amio la, la ayurñaen re laa kilavaru sane wa, komin naña lalua amio Pol, la telu, kiela yurñaena taaga, naña kiela yurñaena nasuluen kanus na yurña.

<sup>4</sup> Ana la amiyurñae m̄a sanene pano-o, ana e Legiena Wa lala, Pol naga sum̄a pa ke e yurña na leniena kiena ne le Yu la, a sum̄a kila ke visena la moki paƣisi amio le Yu lala, a amio m̄ena ga le Kris lala naña asike ea, ana naga kila m̄a sanene pano-o tau lu la moki.

<sup>5</sup> Ana siraunia, Saelas amio Timote la apimi mare ga rau atol ga yo e nene na wa, ana e pogos nene, Pol naga tam̄an make kiena pog punu ga e yurñaena kiena ne Suŕe, naña sum̄a mlologo, sum̄a pisawal ke pa le Yu lala pisape kiela Navisaarena lelaga naña la asuñiate ke asape imi, naga nane Yesu nene naña pimi rui.

<sup>6</sup> Ana visena nene kila le Yu laḡasia sinela kar Pol, ana la apisatamē kare naga paḡisi, ana la akila mña pano-o kila narui pogos tai Pol kila kile tai pan la, naḡa naga kululun plan yavi nae yo nene petan mña kulsaket, naga pisa pan la, pisape “Visena lelaga kiena ne Ntewa nepisawal ruru pan amiu le Yu la rui. Ana visae yepemiu mavin logearena, sinemiun asape ava akokovio ga, nevisa van amiu sanini nesape kamiu kuruta naga sike ga e limamiu, pe su re si e lumāu po laa rui. Siar nanagane, neligan amiu, ḡisi na neva nevisawal ga Lologena Wo nene va la naḡa pe ape Yu re poli.”

<sup>7</sup> Ana Pol molue petan la e kiela yuḡña na lotuena, ana naga pa sike ga e yuḡña tai naḡa mēke ga e lepas nen yuḡña na lotuena nene. Yuḡña nene, mña ne yaru tai naḡa naga pe pe Yu re poli, ana nanagane naga mlelaga e Ntewa rui, kiena kia Titias Sastas.

<sup>8</sup> Ana nasumonena na yuḡña na lotuena nene e pogos nene, naḡa kiena kia Krispas, naga tai naḡa mlelaga e Suḡe Yesu, naga amio la ne e mña mratava, a le Koren mña ga la moki naḡa pogos naḡa la amloge visena lala kiena ne Pol, ana la amlelaga, a siraunia akee la.

<sup>9</sup> Ana sirau, e yemalo tai, Pol momalio pisu Suḡe pisi pania, pisape “Pol, ko na ve omaraun re yaru, ana ova ga, osuḡña ovisawal kiau visena. Ve okila re naḡa yaru taḡena la akila koomalumu,

<sup>10</sup> komin naḡa in na nesike nemio ko. Pisi na taḡatete yaru nae e pulkumali nene tai naḡa kilia su ko pona mēne ko, komin naḡa in na kiau yeririna la mokliu asike e yo nene rui.”

<sup>11</sup> Ana Pol sike e yo nene yam piavi mña ga, pa tol kas taaga kupario orai, a silaga naga suḡña pian ke visena kiena ne Ntewa pa yeririna lala.

### *Le Yu la aḡure Pol pa kumali*

<sup>12</sup> Ana e pogos nene, ḡarin suḡe nae Rom naga mligan yaru tai vena naga ve suḡen lepas nen yo kiena ne le Kris la nene, a yaru nene kiena kia ne nanene Kalio. Ana e pogos nene le Yu la apisayua ana la apiranari apisape la monar akila suri tai vena akila wo Pol naga ve lologo re sina, ana la apa atarar Pol, aḡure pa e kumali kiena ne Kalio nene. Ana le Yu lala apisawal pa Kalio amio kiena nalipereena lalua, la apisape

<sup>13</sup> “Yaru nene, naga suḡña kilali ke pisape were yaru lala vena ava alotun Ntewa e mrapa tai naḡa pe mesmesu re nenaga e lepas na kiamimi navisaluaena.”

<sup>14</sup> Ana Pol suḡña sinenan ke pisape la navisatarneen visena kiena ne la nene

narui, ana naga pe pisi re poli wa, ana Kalio nene suwo marana, pislri mña pa le Yu lala. Naga pisa pan la, pisape “Le Yu lala, visae avisa van inu avisave yaru nene naga kila ḡelaga la naḡa piowa manene paḡisi, pona naga mē yaru tai, pona naga pinau, pona suri tai sanene, pogaga, pona nekilia neyagogon amiu yo.

<sup>15</sup> Ana ya naḡa amiu apisa, nemloge sane pe pe suri re tai poli, pe suri korena ga nene na e kiamiu lepas navisaluaena amiu le Yu ga lala. Ve sanene, ḡisi na amiu ga avisuveve e naga, in na pe nekekararan re naḡa neyagogo e suri la nene poli pona nekila nalipereena tai vanonia.”

<sup>16</sup> Ana e visena la nene naga mēne plan la ke sina ga petan kiena kumali.

<sup>17</sup> Ana suri nene kila narui la sinela mimi manene la sane, ana pogos naḡa la apa vanua, atarar kiela nasumonena vii naḡa na kiela yuḡña na lotuena, naḡa kiena kia Sostinis, ana la asu kare naga paḡisi mon ga e mratava na kumali nene. Ana Kalio suḡña pisu ke ne, ana naga pe sitom ḡele re poli, naga pe kila re nena suri tai pan la poli.

### *Pol sike Episas, siraunia pa si ma Antiok*

<sup>18</sup> Ana siraun e naga nene, Pol naga sike amio arueta lala nae Koren yam piavi towe laa sane, ana siraunia, naga mligan la, sitom sape va si Seria, a e pogos nene, Prisila amio Akwila, lalua amio naga. Ana la apito garo losi, e pulkumali naḡa Kenkria, ana e yo nene, Pol pisape awe vilḡarina. Naga nene komin naḡa naga kila navisaarena mārera pa Ntewa rui nanua sumo, ana nanagane, suri punu ga e navisaarena nene la ḡisi rui, ana la aḡe ga viluna e pogos nene na wa. Ana la amiai e waa tai, naḡa suḡña pa ke garu Episas.

<sup>19</sup> Ana pogos naḡa apimi atol Episas, la apa ura, ana Pol pisape ḡisi na Prisila amio Akwila la asuḡña ayuḡnae e yo nene sumo wa. Ana naga, naga mligan lalua, pa loyuḡña na lotuena kiena ne le Yu lala e yo nene, ana naga kila visena moki amio la.

<sup>20</sup> La akekararan naḡa asun amio Pol, ana la sinelan asape naga su re laa amio la wa vena la akilia avis amio naga,

<sup>21</sup> ana Pol pisa pan la, pisape “Potena paḡisi, ana in na monar nowasuḡe si neva garu Seria sumo wa. Ana visae Ntewa naga kiena naliganarena visave neimi sina, ḡisi na ve ve piavi re, nowasuḡe si pun amiu e yo nini Episas.” Ana naga taaga mligan si la nene, kus waa pano.

<sup>22</sup> Ana pogos naḡa naga pimi tol ke sina ga Seria, naga pa ura e pulkumali naḡa Sisaria, ana naga pa si ma metava Yerusalem. Pisi na naga pa mālavin ḡegas

nen li nalelagaena lala, a siraunia, naga pitomi si garo Antiok. Nane, Pol kila make kiena pupia yalena yam lua nene narui.

*Pol mial ke sina ga, yam telu narui*

<sup>23</sup> Ana Pol pa sum̃a garu Antiok pano-o p̃isi, ana naga mligan si yo nene, naga p̃asupe si pa e pulkumali kar ga la punu ga e lepas nae Kalesia nene amio Prisia. Naga pa komli e yo la nene yam tai rui, ana naga pa ke sina ga vena iila li nalologena lala vena aviawa m̃arera la sane.

*Apolos mlologo garu Episas amio Koren*

<sup>24</sup> Ana pogos naḡa Pol pe pimi tol re si Episas poli wa, yere Yu tai pimi e yo nene, naga nae pupia pulkumali nene Aliksantrea. Yaru nene, kiena kia Apolos, naga pe yaru tai naḡa p̃arina po paḡisi, naḡa naga kilia make visena la naḡa sike e Siriena Wa lala, a naga pe yaru tai naḡa mlologo po naḡa po.

<sup>25</sup> La apian ruru naga e mrapa kiena ne Suḡe rui, ana naga taḡan kiena malena wetelu vena naga lologo pona vian ruru yeririna la e suri la e Yesu. Suri la punu ga naḡa naga pisa pe mesmesu paḡisi, ana suri ga tai, naga pe mlogeli re poli wa naḡa apisape yaru la monar ava e nakeena e kia kiena ne Yesu, naga kilia ga nakeena naḡa Yoane Nakeena naga kila nanua sumo.

<sup>26</sup> Ana pogos naḡa naga sum̃a pa mlologo ke loyum̃a e yum̃a na lotuena kiena ne le Yu lala, ana naga pe maraun la re poli, naga pe sitom p̃ele re suri tai poli. Ana pogos tai, Prisila amio Akwila, lalua amloge naḡa naga mlologo ke sanene, ana lalua amloge kilale sane yaru nene pe kilia ruru re suri laḡas poli wa e mrapa kiena ne Ntewa, ana lalua aḡure naga pa akilapian ruru si e suri la moki.

<sup>27</sup> Ana siraunia, Apolos naga sinenan sape va e yo kiena ne le Kris lala, garu Akaea, ana arueta lala nae Episas la apisa apisape po paḡisi naḡa visae naga va sanene, ana la asiri m̃aki tai pa li nalologena lala e lepas nene naḡa Apolos naga kilia war vano, vena la akekarana naḡa aurear naga sike amio la. A pogos naḡa naga pa tol yo nene, naga miila ruru la naḡa lemamiena kiena ne Ntewa kila la amlelaga rui.

<sup>28</sup> Naga miila la naḡa sane e marana ne yeririna lala, naga kipian la pisape sanape naḡa le Yu lala la akila pal mrapa, komin naḡa naga kipian la e visena la moki naḡa sike e Siriena Wa naḡa la apisa meraravan rui apisape Yesu naga pe Navisaarena kemua lelaga. Ana pogos naḡa le Yu la amloge kiena vianena la nene, la pe apisa re si suri tai poli.

## 19

*Pol sike sina ga garu Episas*

<sup>1</sup> Ana pogos naḡa Apolos pa sike ma Koren wa, Pol sum̃a mialoro ke e kiena mrapa naḡa kom ke e lepas naḡa pa m̃a metava e kunus lala, ana naga mlilu m̃a mrapa nene pano-o naga pimi tol Episas. Ana e yo nene, naga pa m̃alivin narin p̃egas nen li nalelagaena la naḡa asike ea, <sup>2</sup> a pogos tai, naga piun tan la, pisape “?Pogos naḡa amlelaga e Yesu, amninu Ninuna Wa pimi e amiu e pogos nene, pona pe amninu re poli?”

Ana la apisatar̃e naga, apisape “?Ana Ninuna Wa ya nene? Imimi pe memlogeli re suri tai sanene poli wa.”

<sup>3</sup> Ana Pol piun ke sina ga tan la, pisape “?Ana pogos naḡa akee amiu, amiu apisu sane naga nene na kana kinas sanape?”

Ana la apisatar̃e naga, pisape “La akee imimi, imimi mepisu sane sa ke ga e nakeena nene naḡa Yoane sum̃a kila ke nanua sumo.”

<sup>4</sup> Ana Pol naga pian ruru la, pisape “Ee, naga nene naga poga ga, ana nakeena naḡa Yoane naga kila nanua sumo, naga kila pa yaru lala sane kile ga tai naḡa sane yaru la nene la apilon la rui, ana naga nene na kana kinasa na pe sa re naḡa amlelaga e Yesu po laa wa. Yoane naga m̃ena ga kilia m̃a suri nene, komin naḡa naga pimi sumo, a naga sum̃a pisa ke pa yeririna lala, pisape la monar alelaga van naḡa p̃isi na imi raunia, sane Yesu.”

<sup>5</sup> A pogos naḡa le Episas la amloge naḡa Pol pisayu ruru suri nene pan la, la apisu sane popon la ava si e nakeena, ana la akeela e kia kiena ne Suḡe Yesu.

<sup>6</sup> A e pogos nene, Pol pu p̃arila, ana Ninuna Wa pitomi e la, kila la asum̃a apisi ke kome visena taḡena lala, a kila m̃ena la asum̃a apisawal ke m̃ena ga visena laḡasia naḡa Ntewa mla pan la.

<sup>7</sup> E kiela narin p̃egas nene, pe la moki re poli, la atol ga lualima taaga pa lua.

<sup>8</sup> Ana Pol na sike garu Episas tol sina ga kupario telu, a pogos punu ga naga pa kila ke lotuena loyum̃a e yum̃a kiena ne le Yu lala, a naga kila ke visena moki pan la. Pogos tai, naga pe sitom p̃ele re poli, naga p̃isi m̃arera pan la, pogos tai naga peveyu pan la, a pogos tai naga taḡin la vena aimi loyum̃a e nasuḡenena kiena ne Ntewa.

<sup>9</sup> Naga kila m̃a sanene pano-o, ana naga pisu naḡa peraga, la ape p̃arm̃arera ga, la pe sinelan re nena naḡa alelaga poli. Ana la p̃asia la asum̃a apisayu kare Mrapa Viu nene pa yaru taḡena lala loyum̃a e yum̃a na lotuena nene, ana Pol sum̃alu p̃ere plan si li nalogena lala, la amolue petan le Yu



taņena la nene, ana legiena punu ga la apa akila viorena a amlologo pa yaru lala e yurña na viorena kiena ne yaru nene Tiranas.

<sup>10</sup> Naga nene, Pol sumña kila mña ga sanene pa tol ke sina ga kas lua, ana kila sanene yeririna lala nae lepas keviu nene Esia, le Yu lala amio yaru taņena lala, la punu ga amloge visena kiena ne Suņe.

*Yaru laņasia la amlenpal ga e kia kiena ne Yesu*

<sup>11</sup> Ana pogos naņa Pol sumña miyuņae ke sanene garu Episas, Ntewa miyuņae e naga, kila kile kerkeviu la moki ve na iilaen yeririna lala.

<sup>12</sup> Visae narin kulmrae tai, pona kulsota tai, ana yaru la aņar pimi Pol pilivili sumo wa, pisi na aņar pano akila tol ga yepena ne li namaiena lala, a kulmrae la nene aņene plan kiela maiena lala, pona ninuna viowa la naņa asike e la.

<sup>13</sup> Ana e pogos nene, le Yu mēna ga laņasia amialiali ke yaru lala, la asuņña aņene plan ke ninuna viowa petan la. La nene pe amlelaga re e Suņe Yesu poli, ana pogos naņa amloge sane Pol miyuņae ke sanape, la mēna ga asitom asape pisi na la akilali naņa ayuņae e naņareraena na kia nene. Ana pogos naņa aņene plan ninuna viowa, la apisi pania, apisape “Mepisa mesmesun pan ko e kia kiena ne Suņe Yesu naņa Pol sumña mlogone ke ne, pisape ko ore vetan yaru nene.”

<sup>14</sup> Ana e pogos tai, mēe mēna ga laņas sinelan asape akilali ve sanene. La nene, la olua nene la na narina ne pārin yar wa kiena ne le Yu naņa kiena kia Skeva.

<sup>15</sup> Ana la naņani apimi amlenwo yaru tai naņa ninuna viowa sike e naga, ana la apisi pa ninuna viowa nene vena ligania, ana ninuna viowa nene sinena kar la, pisape “Ee, nekilia mña kia naņa Yesu, a nemloge ke mēna ga kia naņa apisape Pol, ana amiu na ai? !In na nemninue amiu nena ga, avisuar amiu!”

<sup>16</sup> Ana veraga ga, yaru nene pula pimi pula, kila mara amio la su la pano pano-o, taulu la olua nene, kilapel la naņa kilapel la pitolwowa make mēla kulsota lala. Ana apurmatan yo nene aņar kuruta paņisi.

<sup>17</sup> Ana yeririna la apisayu suri nene pano tol le Yu lala amio mēna ga yaru taņena lala, le Episas lala la punu ga amloge, a suri nene kila narui la sinela kurkur towe la sane, a kila narui amieliuar kia kiena ne Suņe Yesu pa laa sane.

<sup>18</sup> Ana siraunia, la moki naņa nanagane la apimi ape li nalelagaena la pisi rui, la apimi apisawal apisape la aņar ke kimi, a la apisawal suri la naņa la amiyuņae ke e purkol.

<sup>19</sup> A laņas naņa ape purņes nen kimi kemua lelaga, aņar polo suri la naņa amiyuņae ke amio la apimi lele taaga, sa naņa kana tus ne lala, ana e marana ne la naņa apisu ke e pogos nene, la akoven make ga pa e kapi. Tusi la nene moki paņisi, ana pogos naņa asitomāal kana kilavaru ne la punu ga naņa apul la e sumo, ana la apisu sane keviu paņisi, taulu tenario na kilavaru moki paņisi.

<sup>20</sup> Ana pogos naņa suri la ne sanene pimi pārwowo ke yo, la apisu sane naņareraena kiena ne Ntewa naga sumña miyuņae ke mārera paņisi, a la apisu naņa visena kiena ne Suņe naga sumña kulkululu pano taulu yaru la moki laa narui e yo punu ga.

*Veveyuena keviu garu Episas*

<sup>21</sup> Ana Pol pisu kilale naņa yurñaena kiena ne Ntewa pa ke metava narui, ana naga mminukilale pisape naga mēna ga monar yuņae va re laa na wa, vena naga va telivi visuveveli sina ga lepas la nene Masitonia amio Akaea, gare Kris, a sirau, pisi na naga wasuņe ke sina ga va Yerusalem. A naga pisaar mēna ga e pogos nene, pisape “A sirau naņa nowasuņe neva si Yerusalem, pisi na monar neyaloro si neva re laa na wa, monar neva mña neva mña netol ma Rom.”

<sup>22</sup> Ana naga pisu sane pisi na naga monar su re laa yam ve plas laa sane sumo wa e lepas nae Esia amio kana pupia pulkumali nena naņa Episas, ana yaru naillaen lalua nene, Timote amio Erastas, naga mligan la asumo apa Masitonia.

<sup>23</sup> Ana e pogos nene, naņa Pol sike gar yo naņa Episas wa, ana pupia veveyuena tai molue e lepas na Mrapa Viu kiena ne Yesu.

<sup>24</sup> Suri nene, kana purņesia naņa le Episas lala, la apisa apisape kiela ntewa, naga sira tai, kiena kia Atemis, a la amlotun ke kana pupia nono nena e kana pupia yuņa wa nena. Ana yaru tai nae e yo nene, kiena kia Timitrias, naga pēre yaru moki liu apimi amiyuņae kiena, naņa la asuņña amiyuņae ke narin nono lala na yurña mēna ne sira ntewa nene, la amiyuņae e selpa, a yaru la asuņña apul ke tania, naņa naga amio kiena yeririna lala la asuņña aņar manene kilavaru e paņisi.

<sup>25</sup> Ana sirau, naga pisu yuņaena naņa Pol kila ke ne sumña mē monāar ke kiena yuņaena nene narui, ana pogos tai naga pio kiena yeririna la nene, amio yaru taņena la naņa la amiyuņae ke suri la e selpa, ana pogos naņa apimi lele taaga, naga pisi pan la, pisape “A, aulai, amiu akilia mña naņa sane ita temali ke ga e kieta yuņaena nene naņa ita tesuņña temiyuņae ke suri la e selpa. Yurñaena

ga nene kila na ita tesurña toþar ke kilavaru laþasia.

<sup>26</sup> Ana nesitom nesape amiu na amloge narui, pona ita laþasia tepisu e kilamarata rui, naþa yaru suri naþa Pol nene naga surña pilon ke sitomena kiena ne yeririna la pa pe taþena. Naga surña kila ke e nini, a surña kila ke mēna e lavisin pulkumali punu ga na pupia kieta lepas nini Esia, naþa naga surña pian ke yaru lala pisape nono la naþa yaru miyuñaen e limana, la pe ape ntewa re nena poli.

<sup>27</sup> Ana in na nepisu sane visena kiena ne yaru nene þisi na kila kieta yurñaena vito tano vaþisi, naþa þisi na yaru la ve akekanan re si auli suri la naþa ita temiyuñaen ke narui. A metavania, ita temio le Esia lala, amio mēna ga yeririna taþena kar ga lala e yomarava nini, ita tesurña temlotun ke ntewa wo tanea tai nene naþa Atemis, pona yaru nene sine-nan pisape kovenlua kare naga yo, pona sinenan pisape kila mēna yurña wa imi ve suri korena tai yo.”

<sup>28</sup> Ana pogos naþa naga þalelar kare kieta sitomena la sanene, kila la sinela mimi manene laa narui, ana la asurña apiovisionia, apisape “!Atemis nae Episas naga po, tepinaia naga taaga-o!”

<sup>29</sup> Ana la sane añarera laa narui, ana la apa akila pupia mēaagena gar kumali, ana apa atarar Kaias amio Aristakas, yere Masitonia lua naþa amialoro amio Pol apimi asike e yo nini, ana la apurela, akiriri amio la apa loyurña e pupia lelen viorena nae Episas nene, a le Episas mēna ga lala apa amio la, apa akokonia yo nene þisa.

<sup>30</sup> Ana Pol mēna ga sinenan pisape va loyurña vena kilali naþa visi amio pupia þina nene, ana nalogena nae Episas lala amaraun asape sa þisi awerñarlaea, ana apisalupar naga.

<sup>31</sup> A yerkawa laþas na Lokol Kansel kiena ne le Esia lala, la ape erau ruru po amio Pol, ana la mēna ga amligan visena pimi, apiun manene pa Pol vena naga ve va re loyurña, akila sanene naga pe pa re si poli.

<sup>32</sup> Ana loyurña e yo nene, yeririna lala la akila ke pupia mēaagena paþisi, la moki liu naþa apisi veraga, laþasia apisi pa sanene, laþasia apisi pe taþena, a la moki naþa aminue nena ga sane añia akila ke viorena na ya wa.

<sup>33</sup> Ana le Yu lala la amaraun asape sa þisi yaru la asitom asape la ke naþa la ape purþes nen veveyuena nene narui, ana la asupon lala yaru tai, kiena kia Aliksanta, naga pa surñalu se maran yaru lala vena visli van la vena la ve sinela kar re le Yu lala. Naga kuan limana kila avarurula,

ana la añape naga ke tai naþa pe yaru na veveyuena narui.

<sup>34</sup> Ana siraunia, pogos naþa la apisu kilale asape naga pe yere Yu ga tai, mēaagena pe pito re nena tano poli, ana la asurña apio manene ke e kia kiena ne kieta ntewa naþa sira nene, la asurña apiovision ke veraga, apisa apisape “!Kiamimi Atemis imimi le Episas lala naga po paþisi-o! !Kiamimi Atemis naga taaga po paþisi-e!” Ana la apio mēna sanene pano-o tol mrae lua pe suri tai.

<sup>35</sup> Ana siraunia, suþe kiena ne le Episas la nene surñalu se marala, naga kilali naþa aimi amalumu sina pano-o þisi, ana naga pisa pan la, pisape “Yeririna nae Episas lala, ita punu ga tekilia ruru rui tesape kieta pulkumali nene, naga pe kumali keviu tai, a pe pulkumali wa tai. Ita ke narui naþa tesurña tepisuar ke yurña wa kiena ne pupia kieta ntewa nene, Atemis, a tekilia tesape kieta lelagaena pe lelaga, komin nanua sumo verue ta nene mlai, ana kana pupia kilavaru wa nena mloru ma e peni pitomi, naþa pe mloru re e yo taþena la poli, mloru ga e ita rui, ana ita tesurña tepisuar ruru mēna ga.

<sup>36</sup> Suri la nene tekilia rui tesape lelaga make ga, yaru taþena lala taþatete nena ga avisa karea. Ana sanene na, pe pon re tekila manene þarita poli, popon tekilali naþa tesu ruru ga tesu mēna.

<sup>37</sup> Ana e lepas kien la nene naþa amiu aþure la apimi e nini, in na pe nemloge re naþa amiu apisa apisape la apa apinaun suri wa tai e yurña wa mēna ne kieta ntewa poli, pona la apiuelin kiena kia, ana visae ve sanene ita taþatete tekila suri tai va lalua nene e yo nini.

<sup>38</sup> “Ana visae yaru na kilaen selpa la nene, sane Timitriias lala, visae la kieta suri na visae laþasia sike ga wa vena avisa van lalua nene, poga ga, kieta kumali la surña ga, a kieta nalipereena la surña ga, ana visae avisu ve sanape, la akilia aurela ava avis van la e kana yo nena.

<sup>39</sup> Ana visae amiu asitom avisave suri si laþas sike ga wa vena ita punu ga tevisuveve sina, poga ga, tekilia tevisuveve ga e kieta viorena si tai.

<sup>40</sup> “Naga nene, komin þelaga naþa tekila ke nanagane, ita tepa manene laa narui. Pe pe suri re tai naþa mesmesun tekilia tekila manene mēaagena nene vanon poli, pona tekila naveveyuena keviu sanene vanonia, a visae peraga, pona þisi na yerkawa kiena ne le Rom lala la þisi na akoven ita e yurña nakoena na wa vanon kieta yurñaena na nanagane.”

<sup>41</sup> Ana pogos naþa naga pisa visena nene þisi, sitomena kiena ne yeririna lala pimi pa ruru ke sina ga po narui, ana naga kalo

visena, naga pisa pan la pisape la akilia aviaþa ke sina ga.

## 20

*Pol mialiali sina li nalelagaena lala garu Masitonia a garu Kris*

<sup>1</sup> Ana legiena si laþasia, pogos naþa pupia maaþena naþa le Episas la nene akila, pito si tano, Pol naga pio nalelagaena lala apimi lele taaga, ana naga mla visena wo pan la vena asuñalu mārera va laa sane, þisi na naga pisi maro pan la, ana mligan la, pa si garu Masitonia.

<sup>2</sup> Ana e yo nene, naga pa mial kome kana lepas ne lala, ana e yo punu ga naga suñia miila ke yeririna lala e kiena visena wo lala, ana siraunia, naga pa si metava ma Kris, naþa kana pupia pulkumali nena, naþa Koren.

<sup>3</sup> Ana Pol naga sike e yo nene pano-o tol kupario telu, ana þisi na naga suñia sitom sape kome waa tai naþa mēke pa rui, wasuþe sina ga va garu Seria. Ana lavisi naþa aure vano, ana visena pimi tol Pol pisape le Yu lala nae e yo nene, la asuñia akila ke sitomena viowa tai vena akila van ia e pogos naþa naga suñia mēke e mrpa komsusia, ana kila naga pe pa re si e waa nene po laa rui, ana naga mla mrpa piavi tai, naga mial þasuþe si pa telivi garu yo Masitonia.

<sup>4</sup> Ana e pogos nene laþas apa amio naga, sane Sopata nae Perea, naþa narina Piras, amio Aristakas a Sekantas, lalua nae Tesalonaika, amio Kaias nae Tepe, amio Timote, a amio mēna Tikikas a Tropimas, lalua nae Esia.

*Pol lala asike garo Troas*

<sup>5</sup> Ana laþas nene naþa asike amio Pol, la asumo apano aporu garu Troas.

<sup>6</sup> Ana Pol naga sirau pimi, ana inu Luk, nesikol inu sina nemio la garu Piliþae, a imimi mekila Paþagena Nakanena Tamþa e yo nene. Pogos naþa þaþagena nene þisi, ana mokus waa, ana mekiriri mē pano-o tol legiena lima, þisi na imimi mepimi metol yo Troas, la naþa apa sumo la asuñiate imimi ke e nene. Ana imimi punu ga mesike garu Troas tol legiena olua.

<sup>7</sup> Ana e Legiena Wa, pogos naþa mrae pito pa tano na þa rui, sa naþa legiena þesia na legiena olua siar narui, imimi mepiora memio nalelagaena lala nae yo nene, imimi memlotu a makawero kilaparavi wa. Ana Pol naga sitom sape imimi meial ke kolulag ga, ana komin naþa pe kiamimi viorena maro memio la, ana la akila visena la moki, ana kila Pol mēna ga pisi yam piavi, pisi mē pano tol yemalo pa ko yepe lilika narui.

<sup>8</sup> Ana e pogos nene, imimi mesuñia mepiora ke e lele tai metava e yotop naþa na telu, ana yeririna lala aþar kiela kapi vivaga moki pimi, kila yo loyurña nene yo pisusun keviu paþisi.

<sup>9</sup> Ana yaru mēe tai, kiena kia Yutikas, naga toñia tano e pulutava na lagi, ana pogos na Pol naga mlologo mē pa sanene pano-o, mēe nene mloge momalena na mloge momalena. Naga tekavito na tekavito, kila mē sanene pano-o, þisi na naga momalio ruru nena naapo, ana la amilan ga naþa naga mloru e pulutava na lagi nene, naga mloru pito koan vanua e porotano. Yo nene naga mon manene laa metava, ana pogos naþa la akiriri apitove, atol naga, ana la apisu naþa naga mare pa rui.

<sup>10</sup> Ana Pol mēna pito tano vena visulia, naga pulu pito tano kutarar e limana luwoka, ana naga pisa pan la, pisape “Ve aloge re viowa, ve atagin re naga, nanagane kiena malena þasuþe si pimi e naga rui.”

<sup>11</sup> Ana Pol lala apa sina ga metava, ana la amla Kinanena Wa nene, siraunia la akinana, ana siraun nanene, la asun ke sina ga pano-o yemlagi, ana Pol mligan la pano.

<sup>12</sup> Ana e lepas na ninis yermēne nene, aþar naga mali ruru sina amio apa urña, a la amloge po paþisi naþa Pol naga kila ruru naga pan la.

*Pol lala asike mrpa vena awasuþe la sina*

<sup>13</sup> Ana Pol naga pis pan imimi rui pisa pisape imimi mesumo mokom e waa, imimi meva mesuñiate naga e pulkumali nene Asos, ana naga sirau imi, naga yali ga kom ura.

<sup>14</sup> Ana imimi mepano metol garu Asos, ana naga sirau pimi, ana naga mīai e waa, ana imimi punu ga mepano metol pulkumali naþa Maetilin e narin purvanua tai.

<sup>15</sup> Ana siraunia, imimi mekiriri si e legiena wetelu tai, mekiririn narin purvanua tai, kiena kia Kios, ana siraunia e legiena taþena, metol e narin purvanua nene Samos, ana legiena taþena sina, imimi metol e kumali nae Maelitas e purvanua keviu, ana imimi mepa ura e yo nene.

<sup>16</sup> E pogos nene, imimi moþaro ga yo Episas sanene, pe mepa re ura e poli, komin Pol naga pisu pisape pe pon re naþa ita tokus pogos ve moki e lepas nae Esia nene poli, komin naga suñia sitom ke sape visae imimi mekilia mekila sanene, ana popon moworu garu Yerusalem mesmesun pogos na Paþagena na Yui Marua.

*Pol naga sike garu Maelitas, naga pis maro pan nasumonena lala nae Episas*

<sup>17</sup> Ana garu Maelitas, Pol mligan visena pa garu Episas, naga pisape nasumonena nalotena lala aimi avisuia.

<sup>18</sup> Ana siraunia la apimi, ana Pol pisa kiena visena maro pan la. Naga pisa sanini, pisape “Amiu, amiu akilia ruru inu rui, naña siar e pogos naña nepimi p̄san e kieta lepasa nini, naña Esia, pimi tol nanagane, nesuñña nemio amiu pogos piavi pañisi rui. Ana akilia ruru m̄ena ga kiau p̄elaga a yurñaena kiena ne Supe la naña nekila rui.

<sup>19</sup> Akilia m̄a naña yurñaena la nene, nekila ke naña kiau sitomena pito ga tano, a nekila ke m̄ena ga amio wamarau, a nekila m̄ena e pogos m̄arera naña le Yu la akila pan inu, naña m̄alivi e kieta sinemimiena lala pan inu.

<sup>20</sup> Ana akilia ruru m̄ena rui, naña visena punu ga naña mesmesun navisaena, naña kilia iila amiu, visena la nene pe nemawan re naña nevisawal van amiu poli, pona pe nemaraun re naña nevisan amiu e poli, nanene e poglis la naña ita tesike e yo metava temio yeririna moki lala, pona e pogos la naña netelivi ke e m̄amiu urña lala.

<sup>21</sup> Ana nepis pan le Yu lala pona nepis pan la naña pe ape le Yu re poli, ana pe nesitom p̄ele re naña nevisawal van la poli, ana nom̄areran la, nepisawal ruru nena pan la, nesape la punu ga monar avilopu la ava puna Ntewa, la monar alelaga e kieta Supe Yesu Kristo.

<sup>22</sup> “Ana nanagane, nepa ke sina ma Yerusalem, pe nekilia re ya naña le Yu la yoko akila van inu poli e pogos naña noworu e yo nene, ana nemlogelup̄ar e inu naña Ninuna Wa naga suñña pure inu ke sanene, ana monar neva ga.

<sup>23</sup> Ana Ninuna Wa naga suñña kila merarava pan inu rui naña e pulkumali punu ga la naña nepa ke ea, ana monar netol pogos m̄arera lala, a yeririna la asuñate ke ga vena akoan inu neva e yurña nakoana. ? Sanene nepisu visae neva garu Yerusalem, pona ve sa ke m̄ena ga nene yo?

<sup>24</sup> Ana poga ga nene, komin naña pe nepisu re kiau malena naga pe suri tai poli, pona tasneu, vena monar nesitom mane-ne, peraga. Ana nesitom ke suri taaga ga, vena nekilia nekiriri m̄aga vano-o netol luas nen kiau yurñaena naña Supe Yesu mligan sike e lum̄iau, naña monar nevisawal Nalologena Wo na nalemamiena kiena ne Ntewa va e yo punu ga.

<sup>25</sup> “Ana nanagane, nekilia m̄ena rui, amiu naña nesuñña nemiali amiu, naña

nemlogon ke navesuñenena kiena ne Ntewa pan amiu, nekilia naña amiu punu ga tañatete si akilia avisu marau pogos tai.

<sup>26</sup> Visae amiu yaru tai naga pe mla re visena lala kiena ne Ntewa nene e kiena malena poli wa, naña nepisa pan amiu rui, ana yokorena naga va kovio, ana visae naga va kovio, kiena kuruta teke ga e naga, ana pe to re e inu poli,

<sup>27</sup> komin naña in na nepisawal m̄rapa pan amiu rui, ana pe nekilawan re sitomena kiena ne Ntewa pan amiu poli.

<sup>28</sup> “Ana amiu li nasumonena lala, komin naña Ninuna Wa pisir plan amiu sa naña yeririna lala navisuarena sipsip lala na nalotena kiena ne Ntewa nene naña naga pul lua e tana ne narina, ana amiu na monar avisuar ruru amiu, a amiu monar avisuar ruru la nene.

<sup>29</sup> Ee, sineun nevisave nevisa van amiu, pogos naña nevetan amiu pa narui, ana nekilia m̄aga naña yoko lokul tetan lala aimi, akila kare kiamiu sipsip la vañisi, akilayon naña an̄enetetain la, ava aveve taaga.

<sup>30</sup> Ana nekilia nevisa m̄ena ga, nevisave siraunia, ana amiu yerkawa ga lañasia, ana asuñalu, ana avisokan kar ga la ve moki vañisi, vena akilayon ga naña asape aurelua nalogena lala ava ataveve la ga.

<sup>31</sup> Sanene, monar asururuia, a monar avisururuia, a monar asitomñal naña ayurñae m̄arera ve sa naña nekila pogos naña nesike nemio amiu pano-o tol kas wetelu telu, naña pogos punu ga, e legiena a kolemalu, nesuñña nepian ke yeririna lala, a nepisawal nena visena kiena ne Ntewa pan la, pano-o wamarau kekapili vanon la.

<sup>32</sup> “Ana nanagane, pe su re si e lum̄iau poli vena nevisuar amiu, nemligan amiu asike ga e limana ne Ntewa. A nemlen nesape yoko Lologena Wo na lemamiena kiena, naga suñña iila amiu, kila amiu asuñalu m̄arera, a kila naña amiu m̄ena ga, akilia awar navisa ruruena wo lala naña Ntewa naga yokorena war sirau va kiena yeririna wa lala.

<sup>33</sup> “Ana sineun nesape asitomñal m̄ena ga, pogos naña nesike nemio amiu, nesuñña nemiyurñae korena ga sanene, a pe sineun sun re kiamiu suri wo la naña sane kiamiu kilavaru la poli, pona kiamiu kulmrae lala.

<sup>34</sup> Ana pe nepisa re nesape avisuar inu e suri la nene poli, ana inu ga nepisuar inu e yurñaena na lum̄iau luwoka nini, a nepisuar m̄ena la naña amiyurñae ke amio inu e pogos nene.

<sup>35</sup> Ana e m̄rapa nene, a e p̄elaga tañena m̄ena ga lala, nepian amiunia nesape po-

pon ita teyurñae m̄arera teilla yaru lala naḡa yepela malumu, apisu ḡele narui, komin naḡa monar tesitoñal m̄ena ga visena kiena ne Suḡe Yesu tai, naḡa naga pisape 'Visae ko otol kionña nalaena tai, ana ko ologe wonia, ana visae ko ola nalaena tai vano, ana ko ologe wonia va ve keviu laa sane, ana navisa ruruena sike e ko.' "

<sup>36</sup> Ana pogos naḡa Pol naga pisa visena la nene ḡisi, ana akinai, naga mlen amio la.

<sup>37</sup> Ana la asiar naḡa atag narui, ana la atalopan Pol, akulkalil e yepena, amlipalipa naga pano pano-o paḡisi,

<sup>38</sup> komin naḡa la asurña asitom ke kiena visena taaga ga nene, naḡa naga pisape ve avisu re si marana pogos tai. Kiena visena ga nene narui kila la sinela miye naga keviu paḡisi. Ana siraunia, la amiyal amio naga, aḡure naga pitomi si e waa naḡa imimi mokusia mokomkom ke ea.

## 21

*Luk pisayu naḡa naga amio Pol lala, apa atol yo Yerusalem*

<sup>1</sup> Ana imimi memligan la asike e yo nene Maelitas, ana imimi meḡere m̄ale, mepa mesmesu ga mepa metol narin purvanua naḡa Kos, ana imimi momomalio e yo nene. Yemlagi kolulag, ana imimi mepetan ke sina ga yo nene, mepa m̄a mepa m̄a pano-o metol sina purvanua taḡena naḡa Rots, ana imimi momon sina, ana yemlagi kolulag, meḡure sina ga, mepa metol pulkumali nene Patara e purvanua keviu.

<sup>2</sup> Ana kiamimi waa nene naga pa tol ga yo nene, ana mepa ura. Ana pogos naḡa moñal si waa taḡena tai naḡa ḡisi na va garu e yo nene Ponisia, ana memiai ea, aḡere m̄ale, ana mesike sina ga e kiamimi mrapa.

<sup>3</sup> Imimi mekirir mepa m̄a sanene e sive keviu nene, va ko yotena ne, pano-o moñal pupia purvanua naḡa Saepas, ana memligan sike ga e kiamimi lepas na ḡameli, ana mepa m̄a sanene mesape meva metol yo naḡa Seria naḡa sinemimin mesape meva ea. Waa nene ḡar ke tegaki la naḡa sape va ligan e pulkumali naḡa Taea, ana pogos naḡa mepa metol yo nene, ana mepa ura ea.

<sup>4</sup> Ana mepa makale li nalologena lala e yo nene, ana siraunia, mesum̄a memio la pano tol legiena olua. Ana e pogos nene, la apisu naḡa Ninuna Wa pian la naḡa ḡisi na va ve sanape e Pol garu Yerusalem, a la apisi pania, sinelan asape avisalup̄aria asape ve va re si tol yo nene.

<sup>5</sup> Ana Pol mninu e naga, sape monar va ga, ana siraunia, mepa sina e kiamimi mrapa. Ana e pogos nene, yerm̄ene lala a sira lala amio nin sisi lala, amiyal amio imimi, mepa vanua e kiela pulkumali, ana aḡere imimi sina mepito garo e kiamimi waa. Ana imimi punu ga mekinai tano e none, ana memlenwo imimi, ḡisi na metalopan la.

<sup>6</sup> Ana memiai sina e kiamimi waa, ana la aḡasuḡela si apa ur̄a.

<sup>7</sup> Ana meḡure petan yo Taea, mepa metava e pulkumali naḡa Tolimeas, ana e yo nene ana mepa mepitawe arueta lala, mesike memio la e legiena taaga nene.

<sup>8</sup> Ana kolulagi, mepetan sina yo nene, ana mepimi metol pulkumali naḡa Sisaria, mepa ura ana e yo nene, mepa mesike e yur̄na m̄ana yaru na Lologena Wo nene, Pilip, naḡa naga lala olua tai naḡa apisiriplan la ḡesania asape la aiila yur̄naena, nane garu Yerusalem.

<sup>9</sup> Ana Pilip nene, narina na sira la vari asike ur̄na, ana la pe atalopa re poli wa, ana la nene, yam moki liu naḡa Ntewa mla ke visena pan la, ana la apisawal pa yeririna la.

<sup>10</sup> Ana mesur̄na memio la legiena laḡas ḡaro rui, ana navisawalena tai mligan yo Yutea pitomi tano e yo nene, yaru nene naga kiena kia Akaḡas.

<sup>11</sup> Ana naga pimi pun imimi, sinenan sape kila kile tai va Pol, ana naga mla kulmrae kiena ne Pol tai, ana pavinar e limana amio lana, ana pisawal pisape "Ninuna Wa pisa, pisape 'Yaru naḡa naga kiena kulmrae nini, yoko le Yu lala garu Yerusalem, aviar naga ve sanini, a siraunia, akila naga va e limana ne la naḡa pe ape le Yu re poli, vena akila viowa vania.' "

<sup>12</sup> Ana pogos naḡa memloge visena nene, memio la naḡa asike e nene, metagin Pol, moḡareran pania mesape naga ve va re si metava m̄a Yerusalem.

<sup>13</sup> Ana Pol pisatanḡe imimi, pisa pisape "Ei, aulai, asum̄a atagi ke sanene, kila nemloge sane sineu sape wororo ga narui. Ana suri punu ga nene poga ga, visae le Yerusalem lala aligan inu e yur̄na nakoaena komin kia kiena ne Suḡe Yesu, ana naga poga ga, ana visae m̄arera m̄a sanene vano-o nemare, ana nekegara ga."

<sup>14</sup> Ana metaḡali naḡa mepisalup̄ar sanene pano-o, mepisalup̄ar ḡele ga, ana mepisa ga, mepisape "Poga ga, yoko monar ve sa ga naḡa Suḡe naga sinenania."

<sup>15</sup> Ana mesike sina legiena laḡas gar Sisaria nene, ana siraunia, mekila ruru ke sina ga kiamimi karo lala, ana mepetan yo nene, memial mepa metava ma Yerusalem.

<sup>16</sup> Ana li nalologena lañas nae Sisaria ataveve imimi mēna ga, ana pogos naña mepimi metol yo Yerusalem, ana aḗere imimi mēpa e yuña mēna yere Saepras tai, vena mesike memio naga. Ana yaru nene, naga mēna pe nalogena ḗes tai naña amlelaga e Yesu sumo, ana naga kiena kia, Nason.

*Garu Yerusalem, Pol pa pisi Semes*

<sup>17</sup> Ana pogos naña arueta lala apisa naña mepimi metol si yo Yerusalem rui, ana la akegara paḗisi.

<sup>18</sup> Ana memono-o, yemlagi kolulagi, imimi memio Pol mēpa meḗalivin Semes, ana li nasumonena taḗena mēna ga lala na suḗare nae Yerusalem, la mēna asike e pogos nene.

<sup>19</sup> Ana metalopan la, ana Pol pisi pan la, naga pisawal suri punu ga peve taaga la naña Ntewa kila pa rui māliivi e kiena yuḗaena, nanene e la naña pe ape le Yu re poli, naña naga pa telivi ke e kiela yo lala.

<sup>20</sup> Ana pogos naña la amloge visena na suri la naña Pol naga pisawalia, kila sanene la amloge po manene la, la amieluar Ntewa vanonia. Ana e pogos nene, visena la moki mēna ga garu Yerusalem kana Pol, ana la akilia mā suri nene, ana apisa pa Pol, apisape “Wolai Pol, ko okilia rui naña osape yaru la e nini la sane manu pe suri tai naña la amlelaga mare ga na wa, la nene ape le Yu ga lala, ana sa naña ko okilia, yeririna la ne sanene la akilia asuḗalu mārerā manene la e kieta navisaluaena marua lala.

<sup>21</sup> Ana lala amloge pa rui, naña yaru la asuḗa apisayu kare ko ke asape ko opa opiankare ga kieta lus la naña asike gare purvanua taḗena lala. La asape ko osuḗa opian ke la nene osape popon aligan rui navisaluaena kiena Mosis amio kala ḗelaga marua ne lala, ana asape osape popon manene mēna naña ve akila re si ḗaviu e narila lala.

<sup>22</sup> ?Ana ḗisi na ita tekila ya narui, komin naña visena la nene kila la sinela kari ko manene pa rui? Ana nanagane, ve ve piavi re, ana ḗisi na monar la aloge mēna naña asape ko opimi osike pa e yo nini rui.

<sup>23</sup> Ana poga ga, ḗisi na ko okila ga ve sa naña ḗisi na mevisa van ko, komin naña mēpisu pa mrapa tai rui naña okilia okila naña owe plan kiela sinemimiena nene. Pisi na monar okila ve sanene: e yo nene, ana imimi yeririna la vari naña nanua sumo, ana la akila navisaarena mārerā tai pan Ntewa, apisape ḗisi na la avalia suri laḗasia va tol pogos ve sanene.

<sup>24</sup> Ana peni, la kiela pogos naña ḗisi na monar ava e Yuña Wa mēna Ntewa, naña vena la akila suri la e lepas na kiela navisaarena nene, sane leniena lala, amio nalaena naikikena, a suri la ne sanene, naña sane la akilia awe ke sina ga vilula lala. Ana mēpisu mesape popon sane ko mēna ga ova omio la nene, ova osuḗa omio la e pogos naña la akila suri la nene, ana popon mēna ga naña visae suri la punu ga naña la monar aul e pogos nene, ko ga ovisuvevea. Ana visae okila sanene, ana ḗisi na yeririna la avisu asape ko ope yaru tai naña osuḗa okekarān make navisaluaena kiena Mosis amio kana ḗelaga la na wa, ana ḗisi na la akilia asape visena naña amloge, naña pisayu ko, ana pe pe lelaga re poli.

<sup>25</sup> Ana e lepas kiena la naña pe ape Yu re poli, naña la amlelaga rui, ita tepisayu pa suri nene nanua rui, ana kieta visena la nene nanua tepisa ne, ana imimi mesiri pa e māki tai pa pan la rui. Imimi mēpisawal pan la, mēpisape la monar avalia tata la naña li taḗena lala akila pa kuḗaḗaena ea pa kiela nono la rui, a la monar ve akan re kuruta, pona akan tata na suri mali naña kana kuruta pe mlau re poli wa, a yokorena la monar ve akila re ḗelaga viowa, sa naña la ataḗa lau, pona kolau.”

<sup>26</sup> Ana Pol pa kila ga sa naña la apisa, naña e legiena taḗena, ana naga ḗere la vari naḗani, ana naga pa kila nalaena naikikena amio la, a naga pa mēna ga loyuḗa e Yuña Wa mēna ne Ntewa amio la, vena loge asape ḗisi na kiela navisaarena naga ḗisi na va tol legiena ve via, ana ḗisi na monar la awar kiela nalaena navisaarena la veve taaga nene e legiena ya. Ana apisape visae legiena ve olua warovia, ana ḗisi na la asiar akila suri la nene.

*Atarar Pol mon loyuḗa e Yuña Wa mēna ne Ntewa*

<sup>27</sup> Ana e pogos nene, le Yu lañas asike e Yuña Wa mēna Ntewa, la nene akom perina e lepas nae Esia la apimi, nanene e yo la naña Pol tetelivi e nanua sumo rui. Ana pogos naña legiena olua navisaarena kiena Pol la nene lavis ga ḗisi, ana le Yu la naña aḗal naña Pol mēke loyuḗa e Yuña Wa mēna Ntewa. Ana la akilia pupia māagena, la apa atarar Pol, ana asunyu kare naga pan yeririna lala,

<sup>28</sup> la apion pan la, apisape “!Ei, amiu le Israel lala, aiila imimi e yaru nene! ! Yaru ke nanene narui naña naga suḗa pa make e yo punu ga, ana naga suḗa pisa kare ke ita le Yu lala, naña ita yeririna wa kiena ne Ntewa lala, a suḗa pian kare

yeririna la pisape kieta navisaluaena amio kieta Yum̃a Wa nini, la pe ape suri re tai poli. Ana imimi mekilia m̃ena ga mesape naga p̃erevinaun ga yeririna laḡasia naḡa la pe ape le Yu re la poli, ana apimi loyum̃a e yo wa na Yum̃a Wa nini. !Yaru nene naga p̃arnena kare manene Yum̃a Wa m̃ana ne Ntewa paḡisi, popon tekila suri tai vania!”

<sup>29</sup> Apisa sanini, apisape Pol p̃ere yaru naḡa pe pe Yu re poli pimi loyum̃a e yo wa, komin naḡa apisu Pol vanua e mrapa naḡa naga mial ke amio Tropimas naḡa nae Episas, naḡa naga pe pe Yu re poli, ana am̃ape pona Pol p̃ere naga pa loyum̃a.

<sup>30</sup> Ana la asum̃a akila ke sanene loyum̃a e Yum̃a Wa, ana m̃aagena nene naga pa m̃ena ga p̃ar make yo la e pulkumali nene, ana kila yeririna taḡena la akiriri apimi. Apimi aḡuar kare ga Pol, ana aḡere naga pa vanua e Yum̃a Wa nene, ana pogos naḡa la apa vanua rui, ana li wa la akotava ruru e kana mratava kerkeviu ne lala.

<sup>31</sup> Ana pogos naḡa asum̃a aḡere Pol pa ke naḡa asape aweḡaria, ana visena pimi tol yaru keviu kiena li na mara lala nae Rom naḡa asike garu Yerusalem, pisape pupia mara kapuru ke gare.

<sup>32</sup> Ana yerkawa nene sum̃alu veraga, pio kiena yeririna lala, amio kiela yaru na mara lala, ana la akiriri apito tano e yo naḡa asum̃a akila ke pupia m̃aagena nene ea. Ana pogos naḡa yeririna la apisu apisape yerkawa na mara nene pimi tol yo nene, ana la amligan Pol, la pe asu re si poli.

<sup>33</sup> Ana yerkawa nene pimi, pisi pan kiena yeririna lala, pisape ava atarar Pol, ana aviar limana tai va e lala yaru tai, limana taḡena va e lala yaru tai, aviar e sen. Pisi na naga piun tan la, pisape “?Ana yaru nene, naga ai? ?A naga kila ya ne pan amiu?”

<sup>34</sup> Ana yeririna la moki naḡa asum̃a apio-ovion manenea, laḡasia apisape sanene, laḡasia apisape sanene, pa m̃a pa m̃a ga yerkawa nene naga pe mloge kilale re si visena tai e lepas nen ya naḡa la asum̃a akila ke ne, ana naga pisa pan kiena yeririna lala pisape awere Pol wasuḡe va e kiela kove.

<sup>35</sup> Ana pogos naḡa asum̃a apa ke e narin mrapa tai, ana mrapa nene ve tokak yokuskusun ga yeririna lala nene naḡa la asum̃a sinelan ke asape asu si Pol wa. Ana yaru na mara lala aḡure ga Pol pano,

<sup>36</sup> ana p̃egas nen yeririna lala asum̃a asirau apimi, la asum̃a apio-ovionia, apisape “!Aweḡar yaru viowa nam̃a! !Aweḡar ga naga mare!”

<sup>37</sup> Ana la asum̃a apano, ana lavis ga aimi atol mratava naḡa navaen loyum̃a e lokove kiena ne yeririna na mara la nene, ana Pol piun tan kiela yerkawa, pisape “Awis, ko otam̃an inu neviun suri tai tan ko sumo wa.”

Ana yerkawa nene milan naḡa Pol pis kome Krik pania, pisape “!A, ana ko okilia m̃a naḡa opis kom e Krik!

<sup>38</sup> ?Visae ve sanene, nesitom nesape ko ope yere Isip nini naḡa pe yam piavi re poli naga taḡali sape kila politik nene, ana naga p̃ere yeririna lala manu vari apa e kiena p̃egas naweena yeririna nene, ana aḡure apa atapolou e yo korena. ?Ko na yaru ne na nene, ne?”

<sup>39</sup> Ana Pol pisatar̃a, pisape “Ei, peraga, in na nepe yere Yu ke tai nini narui, ana in na nekilia nepisin visena nae Krik komin naḡa in na nae pupia pulkumali naḡa Tasas, e lepas naḡa Silisia. Ana in na sineun nesape neviun tan ko, naḡa ko otam̃an nevisi ke ne va p̃ina moki la nene sumo wa.”

<sup>40</sup> Ana yerkawa nene tam̃ania, ana Pol sum̃alu su metava, ana kuan limana sape ava ruru la, ana la apimi apa ruru la nenaga paḡisi. Ana naga pisi pan la, pisi nena ga kome visena kiena ne le Yu lala.

## 22

*Pol pisi pa la naḡa asape aweḡar naga mare*

<sup>1</sup> Ana Pol pisi pan la, pisape “Wolai lala, amio ata lala, in na sineun nesape atam̃an vena nekilali naḡa nevisa ruru suri make ga van amiu. Ayagogon ruru inu sumo wa.”

<sup>2</sup> Ana pogos naḡa la amloge Pol pisi ke pan la e kiela visena, naḡa visena nae Epru, la apa ruru la narui, la sinelan asape aloge kiena visena.

Ana naga pisa, pisape

<sup>3</sup> “In na yere Yu ga nini, sa ke amiu, a in na nepaeme e pulkumali naḡa Tasas, e lepas nae Silisia. Ana pogos na nepe sisi ke ga wa, in na nepimi e yo nini, e Yerusalem, in na yaru naḡa Kameliel naga pian inu, naḡa akilia ruru naga rui. In na netotano e lana, naga pian ruru inu e navisaluaena punu ga kiena ne kieta yermarua lala, pano pano-o inu towe nepimi nepe navianena tai na navisaluaena nene. A sane amiu nanagane, amiu asitom manene asape akila kia kiena ne Ntewa imi ve keviu, inu m̃ena ga, e pogos la nanua sumo, nekila yum̃aena kiena ne Ntewa amio kiau malena wetelu.

<sup>4</sup> E pogos nene, inu mña ga pe sineun manene re nenaga la naña ataveve ke Mrapa Viu nene poli, naña nesuñña netetelivi ke sanene nakale ke la naña la asuñña ataveveia, ana nesuñña netarar la, a nesuñña nokoven la ke apa e yuñña naloge viowaena, yermene lala amio sira lala. E pogos nene sineun nesape la monar amarmare ga, a sineun nesape kiela Mrapa nene monar pisi vilaga.

<sup>5</sup> Suri nene, akilia aviun tan p̄arin yaru wa amio kiena nasumonena lala na kiena kumali, komin la akilia ruru inu naña nekila sanene. A e pogos nene, la asiri m̄aki lañasia, vena kila sa naña nekilia neva nonñene yaru na Mrapa Viu la nene e kiela yo lala.

“Ana e pogos tai, nemla m̄aki tai sanene, ana sineun nesape neto garo tano Tam̄askas vena netarar la nene e yo nene, vena neviar la e sen, ana neligan plan la awasuñe si aimi e nini vena kieta yerkawa lala la ala nakoena van la.

<sup>6</sup> “Ana e pogos nene, nemialoro m̄a nepa sane, ana tol kolpae, lavis ga netol Tam̄askas, ana nemilan ga naña pupia yomerarava tai pimi veraga tegoli yo naña nemial ke nepa ea.

<sup>7</sup> Ana suri nene kila nemloru nepito tano e porotano, a nemloge visena tai, pisape ‘! Sol o, Sol o! ?Komin ya ne ko okila kare inu ke sanene sa naña osuñña okila ke ne?’

<sup>8</sup> “Ana nepiun tania, nesape ‘?Ana Suñe, ko ko ai?’

“Ana nemloge naga pisi ke sina ga pan inu, pisape ‘Yesu nae Nasaret nene, naña ko okila ke piowa pania, nene inu ga ne.’

<sup>9</sup> Ana la naña asike varaun inu e pogos nene, la apisu pupia yomerarava nene, ana la pe amloge re pulgona nene naña naga pisi ke pan inu poli.

<sup>10</sup> A siraunia, nepiun ke sina ga, nesape ‘?Ana Suñe, p̄isi na nekila sanape narui?’

“A Suñe pisa pan inu pisape ‘Ko osuññalu, oyali ova ga loyuñña Tam̄askas rui, a p̄isi na yaru tai inñasu visawal van ko e yuññaena la naña nemligan ruru p̄isi rui vena p̄isi na oyuññaena.’

<sup>11</sup> Ana nemloge visena nene, ana pe nepisu re si suri poli, komin pupia yomerarava nene kila kilamarau p̄ala, ana la atarar ga lurñau, asumon inu e mrapa, mepa meporu Tam̄askas.

<sup>12</sup> “Ana pe yam piavi re nena ga, yaru nae e yo nene tai pimi pisu inu. Naga pe yaru tai naña naga pe yaru kiena ne Ntewa kemua lelaga, a naga mlogear kieta Navisaluaena, a kieta le Yu lala nae e yo nene, la apisu naga sane naga pe yaru wo tanea tai pap̄isi, a kiena kia Ananaias.

<sup>13</sup> Ana naga pimi suññalu su lavisi pan inu, ana pisi pan inu, pisape ‘! Wolai Sol, nanagane, nesape kilamarañña imi wo sina!’ Ana e ke ga e pogos nene sa nena nene, ana nekilia nepisu kilale marana ne Ananaias nene.

<sup>14</sup> Ana naga pisi ke sina ga pan inu, pisape ‘Ntewa Na Mava kiena ne repita lala, naga pisaar ko sumo rui, pisape ko ke narui naña p̄isi na ko okilia kiena nasitomwanena keviu tai, a vena ko ke narui naña ko ovisu kiena Yaru Mesmesu a ologe kiena visena.

<sup>15</sup> Ntewa pisaar ko p̄isi rui, pisape p̄isi na ko ova ovisawal va yeririna lala e yo make ga, suri make ga la naña opisui a omloge.

<sup>16</sup> Ana nanagane ga ne, ita monar tekila suri tai sumo wa. !Monar osuññalu, monar akee ko e kia kiena ne Yesu, ana kia ga nene kee plan kionña mlamulena viowa lala, oimi oikiki e marana ne Ntewa!’

<sup>17</sup> “Ana siraunia, in na neñasuñe inu ke sina ga e nini Yerusalem, ana nepa e Yuñña Wa m̄ana ne Ntewa, sineun nesape nekila leniena. Ana pogos naña nesuñña nemlen ke sanene, nemloge sane kiau sitomena pa kovio,

<sup>18</sup> ana nepisu Suñe pisi pan inu, pisape ‘Ovitap̄ili, omolue Yerusalem vilaga, komin la nae e yo nini, visae ko osunyu van la e ya naña inu nekila pan ko, p̄isi na tañatete nena ga alelaga e ko.’

<sup>19</sup> “Ana nepisa pania, nepisape ‘Ana Suñe, la akilia ruru inu p̄isi rui, amio ya naña in na nesuñña nekila p̄esania. La akilia m̄aga asape inu ke ga narui naña nesuñña netetelivi ke e yuñña lala nalotena kiena ne imimi le Yu lala, a nesuñña nepuarar ke la naña amlelaga ke e ko. A la apisu ke rui naña in na nesuñña nom̄e la nene, a nesuñña nokotawe la ke e yuñña nakoena, ana in na nesitom ke nesape la monar alelaga e inu sa naña nepe lelaga ga.

<sup>20</sup> A nanua ne, pogos naña kionña yaru nene Stipen, kana kuruta m̄lau, la akilia ruru po pap̄isi naña asape in ke naña nesuñña nemio la e pogos nene narui. Pogos naña la akovem̄aria, in na nemiilla la, in na nepisar ruru m̄ala kulkota lala. !La monar alogenu!’

<sup>21</sup> Ana Suñe pisa ga pan inu, pisape ‘Omolue e yo nini, sineun nesape neligan ko ova koperina vap̄isi, ovanon la naña pe ape le Yu re poli.’ ”

<sup>22</sup> Ana pimi tol aora nene, la naña asuñña amiagogon ke Pol la asuñña amiagogon ruru ga, ana nanagane, kiela sinemimiena e naga pimi ke sina ga, la apisape ‘!E, popon awen̄ar ga yaru na piowa lepa ga



sanene! Ita pe sinetan re yaru na sanene naga mali sike e yomarava nini poli!”

<sup>23</sup> Ana la asuñña apiovion sanene, a la asuñña atatanogin Pol e mñala kulkota lala, a la asuñña akoven puluyavi na mrapa pa kar ga e yo punu ga.

<sup>24</sup> Ana yerkawa kiena ne yaru na kilaen mara lala pisape la aurelua Pol vetan pına nene va loyurña e kiela kove, a naga pisape alili re naga wa, la añararan naga vena alual li suri ya naña naga kila pına la sinela kari manene naga sanene.

<sup>25</sup> Ana pogos naña la apiar Pol pisi, la asape awe narui, ana Pol pisa pa kiela nasumonena tai, pisape “?Sanape, mesmesun ga naña awe yaru tai sanene naña naga sike vatanon navisuarena nae Rom, a naña naga pe pali re kumali yam tai poli wa vena la aliþere ruru naga, pona akilia awe ga naga sa ga nene?”

<sup>26</sup> Ana pogos naña nasumonena nañani mloge naviunena kiena ne Pol nene, naga pisape ve awe re si naga wa, ana naga pa pisu kiela yerkawa veraga, pisape “?Ei, pisi na ko okila ve sanepen yaru nene narui? Naga suñña pisa ke pisape naga sike vatano e navisuarena nae Rom ne.”

<sup>27</sup> Ana yerkawa nene pimi si sape visu Pol, viun tania, visave “!Ei, ko na opisa ruru ke ne! ?Ko na osike vatanon navisuarena nae Rom, pona peraga?”

Ana Pol pisatamea, pisape “Ee, in na sanene narui.”

<sup>28</sup> Ana yerkawa nene pisa pa Pol, pisape “?Ana ko na sanene na sanape ne? Naña in na sanini, in na nopul pupia kilavaru tai ne.”

Ana Pol pisa sanini, pisape “Pona ve sanene yo. Ana inu, ata na sa kemua nene rui, ana in na nepaeme, in na sa ke mēna ga nene.”

<sup>29</sup> Ana pogos naña yaru la naña asape awea amloge visena nene, akilia narui asape Pol naga pe yerkawa ta ne sanene. Ana la apur matan veraga, akilia asape taþatete si awe naga narui, a yerkawa mēna ga nene, nanagane naga mēna ga marau li laa narui, komin naga yaru na kilaen mara nae Rom, ana naga kila piowa pa Pol rui naña naga mēna ga sike vatanon navisuarena nae Rom.

*La aþere Pol pa e pupia kumali kiena ne le Yu lala*

<sup>30</sup> Ana kolulagi, yerkawa kiena ne yaru na kilaen mara la nene naga suñña sinenan ke na wa sape popon sa kilia ya ne pe purþes nen veveyuena nene, ana naga pio yerkawa lala kiena ne yaru wa lala amio nasumonena lala kiena ne le Yu lala,

pisape la monar asuñña naga gare kiela pupia kumali. Ana naga pisa pisape akila plan sen la e Pol, ana naga þere naga pito garo tano e kumali nene, naga mligan Pol sike likan la.

## 23

<sup>1</sup> Ana Pol naga tarlua marana pa metava tamaria yerkawa la nene, ana naga pisa pan la, pisape “Wolai lala, e kiau malena wetelu pimi tol þane, e yurñaena punu ga kiena ne Ntewa naña nekila, in na pe nemloge re suri tai miyur sineu poli, naña pisape in na nekila pe mesmesu re poli. ! Peraga rui!”

<sup>2</sup> Ana pogos naña þarin yaru wa nene Ananias naga mloge visena nene, naga sinena kari Pol paþisi, a naga pisa pan la naña asike lavisin Pol sape alipa gona.

<sup>3</sup> Ana Pol pisi towe laa pan naga narui, pisape “!Ei, ko ovisuar ko, yokorena Ntewa weñar ko na wa! Ko ototano ke e yo na kieta navisaluaena, e yo na naliþereen yaru, ana siraunia ko ke ga naña okilaro si navisaluaena nene narui, naña ko opisa osape la alipa inu sanene. Ko ope kulupopos ga na oteke ne.”

<sup>4</sup> Ana la naña asike lavisu apisape “?Ei, ko osape poga ga naña ko opisa kare Þarin Yaru Wa kiena ne Ntewa sanene, pona peraga?”

<sup>5</sup> Ana Pol pisape “!Ke, lelaga o! Wolai lala, inu nemloge kiena visena, ana pe nekilia re si po laa rui, in na pe nesitom re si nesape naga pe Þarin Yaru Wa nene poli. Ana sane amiu apisawal ruru pan inu narui, ana nekilia naña nepisa suri pe po re pan poli, komin Visena Wa kiena ne Ntewa naga pisawal ruru rui, pisape pe pe pon re ita tevisi viowa van yerkawa kiena ne kieta yeririna la poli.”

<sup>6-8</sup> Ana Pol naga pe kilia re si ya naña yoko naga visa po laa rui, ana naga pisu sane la naña asike loyurña e viorena e pogos nene, la þasia ape Varasi, a la þasia ape Satusi. Pegas lua nene asuñña apepeyu paþisi, komin Satusi lala apisa ke asape yeririna lala taþatete amal si vetan namarena, ana apisa suri la ne sane navisi lala, pona ninuna lala, apisape suri la nene, pe sur ta sa re nene poli, ana Varasi lala amlelaga e suri la nene. Ana Pol kilia narui, yoko visa sanape ne, ana naga pio yerkawa la nene, naga pisape “Wolai lala, in na nomolue ruru nena e lus kiena ne Varasi lala. Arimau lala la ape Varasi, a inu mēna nepe Varasi. Ana amio Varasi lala, in na nemlelaga naña nesape pogos naña yaru mare, siraunia, ana yoko naga kilia mali sina. Ana nesitom nesape nesurñalu

nesu vamo e maramiu nanagane komin naña yaru laņasia asitom ke asape avis van inu komin kiau nalelagaena nene.”

Ana visena kiena ne Pol nene kila Varasi la naña asike e nene ana la asiar ke sina ga naña apeveyu amio le Satusi la naña asike ne, kila sanene la punu ga naña asike e viorena nene la amlipere la ke sina ga.

<sup>9</sup> Akila mā sanene pano-o, māagena pimi keviu paḡisi, a siraunia, navianena laņas e lepas na puna ne Varasi lala asuñalu, apisi mā rera paḡisi, apisape “Imimi mepisu sane yaru nene naga poga ga, pe suri re ta naña ita tekilia tevisi van naga vanon poli. ?Ana ane kilia, pona pe lelaga ga naña ninuna wo tai, pona navisi tai naga pisi pan yo?”

<sup>10</sup> Ana sinemimiena nene naga pano keviu laa narui, la asu mā asitom ke asape asulania, ana yerkawa kiena ne li na mara lala naga pisu sane piowa laa narui, naga maraun sape sa ḡisi la nene akarkare manene laa Pol, ana naga pitetalia kiena yaru lala apito tano, aḡerelua Pol petan yeririna lala, ana aḡere naga pa si e kiela kove.

<sup>11</sup> Ana siraunia, kolemalu, Pol pisu naña Suḡe suñalu sike ga lavisinia, naña suñalu pisi pania, pisape “Pol, ve omaraū re. Ko opisawal ruru inu pan yaru mā rera lala nae e nini rui, ana sineun nesape ḡisi na ko monar okila mā si sanene yam tai, naga nene garu Rom.”

*Le Yu laņasia asape akilali naña aweñar Pol*

<sup>12</sup> Ana kolulag, le Yu laņasia apim vinau ga lele taaga, vena avisayu ve sanape naña akilia aweñar Pol. Ana pogos naña amal mrapa ta narui, ana la apisaar e kia kiena ne Ntewa naña aligan kinanena amio namunena lala, vano-o tol naña la monar aweñar Pol sumo wa.

<sup>13</sup> Ana la naña apiranar la e visena nene a naña akila navisaarena sanene, la ataulu yaru la lualima yam vari.

<sup>14</sup> Ana siraunia la apano apisu yerkawa kiena ne yaru wa lala, amio nasumonena lala, ana apisawal suri nene pan la. Apisape “Imimi mepisaar mā rera pan Ntewa rui, naña imimi mevalian kinanena punu ga vano-o tol pogos naña imimi mekilia mowenar yaru nene.

<sup>15</sup> Ana sinemimin mesape aiila imimi, naña amiu amio la naña e kieta kumali, amiu aligan visena vano van yerkawa kiena ne yaru na mara la nene, avisave naga were si yaru nene vato si garo tano kumali, avisa kotalia ga naga avisave asitom asape avisuveve sina visena la nene. Ana imimi mesuñate ga e mrapa, a

pogos naña atomi, mowemaria, naña naga sike perinan kumali wa.”

<sup>16</sup> Ana siraunia, narina ne vinena Pol tai, naga mlogewal naña asuñalu apisayu ke asape pisi na la akila ve sanene ve sanene, ana sisi naḡani pa mesmesu ga e kove kiena ne yaru na mara lala, pa pisawal suri nene pa Pol.

<sup>17</sup> Ana Pol pio yaru na mara la tai, naga pisape “Ei, awis, ko oure yaru viu nene vano visu kiamiu yerkawa, naga kilia ke sur tai naña popon yerkawa nene naga monar loge.”

<sup>18</sup> Ana naga ḡere mearu kiena ne Pol nene pa puna ne kiela yerkawa, pis pania, pisape “Pol naña sike garo e yurña nakoena, naga pisape noure kiena mearu nene inasū visawal suri tai van ko.”

<sup>19</sup> Ana yerkawa nene naga tarar limana ne yaru viu nene, ḡere yapen ga pa sanene, ana piun tania, pisape “?Ana ko ositom osape ovisa ya ne van inu?”

<sup>20</sup> Ana mearu kiena ne Pol nene pisa plan pania, pisape “Ko opisū ke ne, yerkawa kiena le Yu lala apisirilua kiela sitomena ta rui, naña asape aweñar meruou naña, Pol. La apisa rui apisape yoko aligan visena inasū van ko, asape la sinelan avisuveve re laa visena la nene e lepas nene wa, ana aviun tan ko vena peni, ana oure si Pol vitove garo e kiela kumali.

<sup>21</sup> Ana pe pon re naña okila sanene poli, komin naña la asuñalu akila kokan ke ga nene. Apisa ruru rui apisape pogos naña visae asike mraplepa, ato ke garo tano, ana lala lualima yam vari nene awulan amiu, aweñar meruou nene. La nene apisaar pa Ntewa rui apisape yoko aligan kinanena amio namunena vano-o avisū naña sane la aweñar naga ḡisi, a la nene na asuñate amiu ke rui, vena visae otamian naña amiu ato si garo tano.”

<sup>22</sup> Ana yerkawa nene, pisa pan mearu kiena ne Pol nene, pisape “Poga, ana nevisa mesmesun van ko, ve ovisawal re si van yaru tai naña ko opimi opisawal suri nene pan inu. Ana potena paḡisi, ko okilia ova si uñalu narui.”

*Amligan Pol pano pan ḡarin suḡe tai nae Rom garu Sisaria*

<sup>23-24</sup> Ana yerkawa kiena ne li na mara la nene naga pio kiena yaru lua, naga pisa sanini, pisape “Suri lala naña e lepas na yaru nene naña Pol, la apimi mā rera paḡisi. Nanagane, yoko in na neligan naga va e limana ne kieta ḡarina suḡe naña Vilikis, naña naga sike garo tano Sisaria. Amiu lua, akila ruru ḡegas tai na kieta yaru na mara lala, vena amiu akirakirava ruru wo e Pol, amiu aure naga vito garo tano. Amiu akilia aure yaru na mara la ve

ponotia ve lua, amio la lualima yam olua naña la akus wosi, amio si la tol ponotia ve lua naña la awar pupia kalie na mara lala. Ana akus mēna ga wosi kiena ne Pol tai vena naga kilia va totano ea. In na sineun nesape aligan kotaña kolemallo, e pogos naña yemalolo rui.”

<sup>25</sup> Ana yerkaawa nene siri mñaki tai vena alarar amio la avano, naga siri sanini, pisape

<sup>26</sup> “Maki nini, inu Klotias Lisias, naña nesiri piñasu pan ko, Parin Suñe Vilikis, naña ko ope yerkaawa nae Rom naña ko opisuar ke kieta pupia lepas nene.

<sup>27</sup> Inu nekekara keviu naña nevitawe ko sina e mñaki nini.

Yaru naña aņere piñasu pan ko nene, kiena suniena nena sanini: sumo, le Yu lala nae e nini atarar naga, lavisi aweñaria. Ana siraunia, nemloge-wal naña naga sike vatanon kieta navisuarena nae Rom, ana imimi mepato garo tano, ana meņerelua naga petan limana ne le Yu la nene.

<sup>28</sup> Ana sineun nesape nekilia ya naña naga pe miasin suri nene, ana neņere naga pito e kiela kumali keviu.

<sup>29</sup> E pogos nene, nepisu naña naga pe kila re sur tai naña torokin aweñar naga poli, pona ala nakoarena vana, ana nepisu sane la asuñia apepeyu ke amio naga e ga e lepas na navisaluaena na kiela nalotena ga.

<sup>30</sup> Ana siraunia, visena tai pam tol inu, pisape apisayu rui a añal mrapa rui vena akilayonli sina vena aweñaria mare. Ana nepisu sane popon vena nevitetalia naga iñasu puñia vilaga, ana nepisawal mēna ga pan la naña sinela kari naga, nesape la monar aiñasu avisawal suri la naña la asitom ke asape aliņere naga vanonia e marañia.”

<sup>31</sup> Ana li na mara la akila sa naña kiela yerkaawa nene pisa, ana kolemallo la aņure Pol, ana pupia ñegas nene amligan yo Yerusalem, apano atol yo garu Antipatris.

<sup>32</sup> Ana kolulag nena, yaru na mara la naña amial ga, la aņasuņe la sina apa ma Yerusalem, ana la naña la akus wosi, lala amio ke Pol na wa, la apito ke sina ga e kiela mrapa, apito garo Sisaria.

<sup>33</sup> Ana pogos naña apimi aporu e yo nene amla mñaki nene pa ñarin suņe nene narui, a siraunia aņere Pol, apano amligan naga sike e limana.

<sup>34</sup> Ana ñarin suņe nene pulo mñaki naņani ñisi, ana naga piun tan Pol, pisape naga pe yaru nae lepas nape. Ana Pol naga pisape naga pe yaru nae ga yo garo Silisia,

<sup>35</sup> ana ñarin suņe nene naga pisa sina, pisape “Ana poga ga, ita monar tesuñiate ga yaru la naña yoko avis van ko, ana pogos naña aimi, ana nouarar visena nemio amiu.” Ana naga pisa pan kiena yaru na mara lala, pisape “Yaru nene naga kilia sike amio ita na wa e yuñia marua mēna ne Parin Suņe Erot nene, naña ita tesike e nanagane, ana amiu akirawo ruru naga ea.”

## 24

*Le Yu lala la apimin apisape avis va Pol e marana ne Pilikis*

<sup>1</sup> Ana Pol suñia ga sanene, tol legiena lima ñarovia, ana siraunia, ñarin yaru wa nae Yerusalem naña Ananaias pitomi garo tano Sisaria, naga amio nasumonena taņena lala kiena ne le Yu lala, amiwaw ke yaru na navisaluaena tai, vena naga visi kiela, kiena kia Tetalas. Ana la nene apa apisu Parin Suņe Pilikis vena avisawal suri la punu ga naña la sinelan asape avis va Pol vanonia.

<sup>2</sup> Ana la apio mēna ga Pol pimi loyuñia, ana Pilikis mla pog pa Tetalas vena naga kilia vietava e kiela visena.

Ana naga pisi pa ñarin suņe naņani, naga pisape “Parin Suņe Pilikis, imimi mekekara paņisi naña mesuñialu mese marañia ñane, komin mepisu naña ko osuñia opisuar ruru imimi po paņisi. Siar e pogos naña ko opuarar ke yurñaena nene, pimi tol nanagane, kionia manmaruaena naga kila suñiare wo sike e purvanua nini, a ko osuñia okila ke suri viu la moki vena illaen yurñaena e yo nini.

<sup>3</sup> Sanene, mepisa potena keviu pan ko naña silaga osuñia okila ke po pan imimi sanene.

<sup>4</sup> Ana ko, kionia yurñaena moki, pe pon re mekila kare ko e kiamimi visena la ve moki poli, in na sineun nesape neviun tan ko vena ko owo van imimi, oyagogon kiamimi narin visena tai naña plas laa ga.

<sup>5</sup> “E lepas kiena ne yaru nene, mepisu sane naga pe ñarkawa towe laa sane. Naga suñia telivi ke piora e le Yu lala e purvanua taņena lala, a e yo punu ga naña naga pa ea, ana naga kila ke yaru la apiaña a apepeyu. A naga pe nasumonena na ñegas kiena ne yaru la naņani, naña apisape naga molue garu Nasaret, naña pona naga pe nalotena taņena, pona visae peraga, la asuñia akila ke ga politik yo.

<sup>6-7</sup> A pogos naña yaru nene pimi sike garu Yerusalem, naga kila piowa pano pano-o ñisa, naga sinenan pisape kila kare sur wa na kiamimi Yuñia Wa nene, ana kila narui mepa metararia.

<sup>8</sup> Visae ko oviun ga tania, ĩisi na okilia ologe sur la naĵa imimi mepisa naga pe lelaga nena ga.”

<sup>9</sup> Ana pogos naĵa naga pisi ke sanene, le Yu taĵena lala la asuńa asisilin ĵarila, la asuńa apisa ke apisape “Naga ke nene narui, sa ke ga nene, lelaga ĵa.”

*Pol pisatańe la*

<sup>10</sup> Ana siraunia, ĵarin suĵe nene naga kira pisu Pol, naga mla pog tai pania vena naga kilia la kiena navisatańeena. Ana Pol pisape “Parin Suĵe Pilikis, sa naĵa ko okila mńa naliĵereena pan imimi e purvanua nini e kas moki ĵaro pa rui, in na nekekarana naĵa nesumuńa nese maramńa vena nekila kiau navisatarĩaena.

<sup>11</sup> Nesape nevisa ga van ko sanini, in na nepa mńa Yerusalem nanua ga ne. Visae oviun ruru tan yaru lala, ĩisi na olual naĵa sane in na nepa e yo nene vena neva ga nelen e Yurĩa Wa mńana ne Ntewa, pe tol re legiena lualima taaga pa vari po laa wa.

<sup>12</sup> A pogos naĵa nesike e yo nene, pe apisu re naĵa nekila suri tai poli. In na pe nepepeyu re nemio yaru tai poli, a pe nepisa re pa yaru lala nesape akila suri tai poli. E Yurĩa Wa mńana ne Ntewa, pona e yurĩa na leniena lala, pona e pulkumali e nape, ana in na pe nekila re nena suri tai poli.

<sup>13</sup> A sur la naĵa apisa mare ga pan ko nanagane, apisape in na nekila sanene sanene, naga nene na visena na kiela ĵegas ga nene, ana la pe apisa re suri tai pan ko poli vena iilaen kiela visena nene, vena kila na ko ovisu sane kiela visena nene na pe lelaga.

<sup>14</sup> “Ana sur taaga ga nekilia netańania, nekilia nevisa van ko nevisave lelaga, in na nekila kemua naga nene. Sur nene, naga sa naĵa in na nesuńa netaveve ke Mrapa Viu nene, naĵa la apisape naga nalotena taĵena. Ana naga pe sa re nene poli, komin naĵa e Mrapa nene, imimi mesuńa memlotun ke Ntewa taaga ga, naga pe Ntewa kiena ne repimimi marua lala na sumo, a mesuńa memlelaga ke ga e sur la naĵa kiamimi navisaluaena pisa, pona naĵa kiamimi navisawalena lala la asiria.

<sup>15</sup> Ana taveve suri la nene, in na neĵasine ga Ntewa, maran taaga sa ke ga naĵa la mńena ga apisu ga naga, asape ĩisi na naga kila yaru la make ga ańal ke sina ga e marena, naga nene na la naĵa la amesmesu e marana, a la naĵa la pe amesmesu re e marana poli.

<sup>16</sup> Ana komin naĵa nekilia mńa nesape ĩisi na Ntewa kila sanene, in na pe nesitom re nena nesape nekila ĵelaga viowa tai sanene poli, ana e pogos punu ga, in na

noĵaryo paĵisi vena narin suri tai ve yur inu re pogos tai visave in na nekila ke piowa e marana ne Ntewa pona e mara yeririna lala.

<sup>17</sup> “Ana kas laĵasia ĵaro pa rui, in na nepa nesike e purvanua taĵena lala, ana siraunia, nanagane ga ne, in na neĵasuĵe inu ke sina ga nepimi Yerusalem. Ana yaru nae gare lala, la akuwan nalaena tai vena iilaen kiamimi yeririna lala nae Yerusalem, ana in na noĵar nalaena nene nepimi, neĵar pan la, a in na sineun nesape neva nekila ke mńena ga kuĵaĵaena laĵasia e Yurĩa Wa mńana ne Ntewa.

<sup>18</sup> Ana pogos naĵa nesike e Yurĩa Wa, nekila kuĵaĵaena na ikikiena rui, ana la nene la apimi apisu inu. E pogos nene, pe yaru taĵena re la asike amio inu poli, a pe visena re poli pona mńaгена re nena poli, peraga, ana siraunia, le Yu laĵasia nae Esia apimi, ana la ke nene narui naĵa asiar veveyuena nene.

<sup>19</sup> Ana la nene naĵa ape purĵes nen sur nene, visae la asitom asape in na nekila sur tai piowa, ana popon visae la mńena asike amio ita e nini nanagane vena la avisawal li van ko, ana pe nomńal la re poli.

<sup>20</sup> Visae peraga, popon oviunli tan yaru taĵena la ne asike ne, ovisave pogos naĵa la aĵere inu nepa e kiela kumali, ańal sane in na nekila ya. ?In na nekila ya ne pe mesmesu re poli, pona nepisa visena ya naĵa piowa? In na pe nomńal re poli.

<sup>21</sup> Ana visena taaga ga naĵa nepisa, nepisa sanini, nesape: Inu na nepisu sane sinemiun asape avis van inu ĵane, komin ga kiau nalelagaena nene, naĵa pisape pogos naĵa yaru mare, ĩisi na, naga kilia mali ke sina ga. Nepisa visena nene ĩisi, ana kila la ga asuńa apeveyu ke sina ga pan la.”

<sup>22</sup> Ana Parin Suĵe Pilikis nene, naga kilia towe mńa sur moki rui e lepas na Mrapa Viu nene, ana pogos naĵa naga pisu sane veveyuena nene, le Yu lala amio Pol akila vanon ga sur nena ga la nene, ana naga kalo nena visena, pisape “Poga ga, ĩisi na ita tesuńa e nini sumo wa. ĩisi na nesuńate ke ga yerkawa kiena ne yaru na kilaen mara la nene Lisias vena kom ma Yerusalem vitomi neloge ruru kiena visena nene wa, ĩisi na nela kiau naliĵereena van amiu.”

<sup>23</sup> Ana naga pisa pan kiena yaru na kilaen mara lala, pisape la atarar ga Pol, apisuar naga, ana naga pisape ve akila manene re mńarera vania, la monar atańan naga yaloro mńaga, a ve avisaluĵar re kiena erau lala vena aimi ayaliali naga avisuarua.

*Pol pisayu Yesu pa Pilikis amio wona*

<sup>24</sup> Ana Parin Suḗe Pilikis, naga wona sira re Yu tai, kiena kia Trusila, ana lalua nene la sinelan asape asun re amio Pol wa. Ana legiena laḗas ḗarovia, ana lalua apimi e yo naḗa Pol sike ea, ana aḗere Pol pimi pula, ana Pol pisi amio lalua, naga pisayu kiena nalelagaena naḗa e Kristo Yesu.

<sup>25</sup> Ana Pol mligan visena la moki la sane pan lalua, naga sitom ḗele la ga, naga pisayu sanape naḗa yaru monar kila ḗelaga mesmesu, a naḗa yaru naga monar kawe ruru kiena malena mesmesu, a pisayu mēna ga nalipereena kiena ne Ntewa naḗa ḗisi na imi e Legiena Maro. Ana pogos naḗa Pilikis mloge visena la nene, naga mloge sane miyur manene kiena sitomena paḗisi, kila narui naga marau towe laa sane, ana naga pisa pa Pol, pisape “Poga ga, toroki narui. Ko ova si loyur̄ma e nene sumo wa, ana visae nelual si kiau pogos tai, ḗisi na neligan si visena viḗasun ko.”

<sup>26</sup> Ana pogos naḗa Pilikis pisa visena nene, naga kiena sitomena viowa mēna ga tai toḗa ga, naḗa naga sitom ke pisape ḗisi na Pol naga war kilavaru keviu tai vania, vena kilia visa va Pol visave Pol kilia molue sina. Ana kiena sitomena nene kila narui naga mligan luen ga visena panon Pol, a naga suḗa sun amio naga yam mokliu.

<sup>27</sup> Ana naga kila m̄a sanene pano-o tol kas lua, ana naga ḗisin kiena yur̄maena nene. Ana naga pe taḗan re Pol molue si e yo naḗa apuarar naga sike e poli, komin naḗa naga sinenan pisape kila le Yu la akekaran naga. A siraunia, yaru taḗena tai pimi kus lelana ne Pilikis nene, kiena kia Posias Pestas.

**25***Pol pisape Sisa ga naga monar liḗere naga*

<sup>1</sup> Ana ḗarin suḗe viu nene Pestas, naga pimi garu Sisaria, pimin vena visuar kiena leḗasia nene, ana siraun naḗa legiena telu ga ḗarovia, ana naga pisa naḗa naga monar vavini visuveve yo ma metava Yerusalem.

<sup>2</sup> Ana pogos naḗa naga pa tol yo nene, ana naga piara amio yer̄kawa lala kiena ne yaru wa lala, amio yer̄kawa taḗena lala kiena ne le Yu lala, ana apisa kare Pol pania. Ana aḗararan pania,

<sup>3</sup> apisape visae naga sitom sape kila suri wo tai van la, ana lala sinelan naga ligan Pol wasuḗe sina imi pula, vena la akilia aure naga va kumali avis vania. La apisa sanene, ana la asuḗa asitomwan ke rui asape visae Pol imi, ana la ava asuḗiate

naga gare, a vena aweḗar ga naga mare m̄eke mrapa komsusia.

<sup>4</sup> Ana Pestas pisape “Poga ga, ana ve ve piavi re inu mēna nowasuḗe sina neva garu Sisaria, naḗa la asuḗa atarar ke yaru nene sike ea.

<sup>5</sup> Sanene, ana amiu yer̄kawa laḗasia, akilia ataveve inu teto garo ne, tevisu ve sanape. Visae yaru nene kila suri laḗasia naḗa pe mesmesu re poli, ana tekilia tekila kana visena nena e pogos nene.”

<sup>6</sup> Ana Pestas sike amio la gar Yerusalem pe tol re legiena lualima yam taaga pa vari poli, ana naga pito si garo Sisaria, amio yaru laḗas naḗani. Ana e ga e legiena na siraunia, naga pa totano ke e kiena yo nalipereena, ana naga pisape avano aure Pol imi.

<sup>7</sup> Ana pogos naḗa Pol pimi loyur̄ma, ana le Yu la nae Yerusalem naḗa ataveve Pestas apimi, asuḗalu asu, ana asuḗa apisawal ke pupia suri viowa la moki liu naḗa apisape Pol naga kila, ana kiela visena la nene pe suḗalu re nena ga.

<sup>8</sup> Ana pogos naḗa Pol sinenan sape la kiena navisatar̄maena, naga tero plas ga, pisape “In na pe nekila re nena suri tai poli, naḗa nekilaro navisaluena kiena le Yu lala, a pe noḗarnena kare re Yur̄ma Wa nae Yerusalem poli, a pe nekilaro re mēna ga navisaluena kiena ne ḗarin suḗe nae Rom poli, naḗa Sisa.”

<sup>9</sup> Ana Pestas nene, naga sinenan sape le Yu lala la aloge wo e naga, ana naga sitom sape kilayonli kila ve sa naḗa la apisa pania, ana piun tan Pol, pisape “? Sanape, pona popon neure ko teva nevisi ga van ko ma kumali nae ma Yerusalem, ana yoko ko osuḗalu sina ga ose marau e yo nene yo?”

<sup>10</sup> Ana Pol pisatar̄ma, pisape “Nanagane, e yo nini, in na nesuḗalu rui nesike e maram̄a, ko yaru nalipereena navisaluaena kiena Sisa nae Rom. Visae suri nakilaena tai van inu, ana yo ke nini narui naga mesmesun ga naḗa ko okila. ?Ana yoko nevavin si ya ne ma Yerusalem ne? Ko opisu kilale rui naḗa e leḗas kiena ne le Yu lala, ana pe kiela visena tai suḗalu re nena e inu poli, peraga.

<sup>11</sup> Ana visae ko opisu nekila suri tai piowa torokin naḗa monar nemare vanonia, ana poga ga nene, in na pe nekilayonli re naḗa noure vetan poli. Ana visae la nene, pe kiela visena re si tai naḗa kilia suḗalu suḗa poli, ana pe mesmesu re nena naḗa ko oiila inu nowasuḗe sina neva e limala vena la akila ya naḗa la sinelania van inu. Ana nanagane, sa naḗa nekilia nekila, sane nesike vatanon navisuarena nae Rom, ana nepisa ruru ga pan ko nesape sineun Parin

Suḡe Sisa nae Rom, naga ga monar liḡere inu.”

<sup>12</sup> Ana visena nene kila Pestas pano pis amio kiena kansel la sumo wa, ana siraunia, pimi sina ana pisape “Ko opisa rui opisape sinomān Sisa ga liḡere ko. Ana nepisape poga ga, yoko osuḡalu ga ose marana ne ḡarin suḡe nene narui.”

*Pestas sunyu Pol pan suḡe keviu taḡena nene Akriḡa*

<sup>13</sup> Ana siraunia, legiena laḡasia ḡaro sina, ana suḡe keviu na yo taḡena tai pimi garu Sisaria. Naga kiena kia ne na nene, Akriḡa Nalua, ana naga pimi amio vinena naḡa Penis. Lalue amloge naḡa Pestas siar ga kiena yurñaena na wa naḡa pe ḡarin suḡe nae lepas nene, ana la sinelan asape aimi aiāliālia.

<sup>14</sup> Ana la lua asike e yo nene pano-o, ana yam moki naḡa la asuḡa asun amio Pestas nene, ana legiena tai, ana Pestas sunyu ga lepas na puna ne Pol pan lalua. Naga pisa pan la lua, pisape “In na kiau yaru tai suḡa e kiau yurña nakoena, naḡa sike e limana ne Pilikis nanua sumo rui, sumon naḡa nepimi e nini.

<sup>15</sup> Ana siraun naḡa nepimi, ana nepa ma Yerusalem, ana yerkawa kiena ne li wa lala, amio nasumonena taḡena kiena le Yu lala, la apimi apisayu yaru nene pan inu, la sinelan asape nevisawal kiena naliḡereena tai vania.

<sup>16</sup> Ana nepisa ruru pan la, nepisape taḡatete nekila ga sanene, ana monar noure lepas luwoka aimi lele taaga sumo wa, ana la naḡa akila navisawalena, monar avisawalia e marana yaru naḡa akila ke navisawalena pania, a monar nela pogos van yaru nene vena naga ḡena la kiena navisatameena. Nepisa pan la nepisape kiamimi ḡelaga na navisaluaena nae Rom naga sa ke nene narui.

<sup>17</sup> Sanene, in na neḡasuḡe sina nepimi e yo nini, ana le Yu lala la akom ma Yerusalem apitomi vena mekila visena. Ana pogos naḡa nekilia nesape la apimi atol yo nene ko yepekilavi, pe nemla re si pog tai pan la poli, ana kolulag ga, nepa netotano e yo naliḡereena, ana nepio yaru naḡa Pol pimi loyurña.

<sup>18</sup> Ana pogos naḡa le Yu lala asuḡalun navisawalena suri lala na yaru nene, inu nesitom nomape yoko neloge pupia suri viowa laḡas naḡa la apisape naga kila, ana nanene na peraga.

<sup>19</sup> La apisa ga narin suri lala e ga e lepas na kiela nalotena, naḡa la asuḡa apepeyun ke amio yaru nene. Naga nene e ga e lepas na kiela ḡelaga marua ga lala, a e lepas na yaru tai, kiena kia Yesu, naḡa

naga mare rui, ana Pol suḡa pisa ke pisape naga mali sina.

<sup>20</sup> Ana la apisayu ke suri la naḡa pe nekilia re nena poli, ana neminue kare narui nesape aḡa yoko nekila ya ne, ana nepiun tania nepisape visae naga sinenania, wasuḡe si va ga ma Yerusalem, vena la akila ga kiela visena e yo nene.

<sup>21</sup> Ana siraunia, yaru nene pisape peraga, ve va re sanene, ana naga suḡalu pisape sinenan pisape Parin Suḡe ga Sisa naga liḡerea. Naga kiena visena nene kila netarar naga sike e yo nini na wa, vena nelual mrapa tai neila naga va garu Rom, vena Sisa naga visuvevea.”

<sup>22</sup> Ana Akriḡa pisa pan Pestas, pisape “Ana inu ḡena sineun paḡisi nesape neloge re visena kiena ne yaru nene.”

Ana Pestas pisape “Poga ga, peni ga na amlua asun.”

*Pestas ḡere Pol pimin vena Akriḡa yagogonia*

<sup>23</sup> Ana kolulagi, akila suri punu ga su ruru sike e kiela pupia yurña na viorena tai, la akila sane pe pupia suri tai. Ana suḡe keviu nene Akriḡa la lua vinena nene Penis, la lua apimi naḡa amiyowa ruru la rui, ana apimi loyurña naḡa yerkawa kiena li na mara lala amio yerkawa taḡena lala la amiyal ke varaun la. Ana la akila suri punu ga pa la lua nene sa naḡa la akila ke e pogos keviu la ne sanene. La akila ḡa pano-o, ana siraunia, ana Pestas pisape aure Pol imi loyurña.

<sup>24</sup> Ana la aḡere pimi, ana Pestas pisi narui, pisape “A Parin Suḡe Akriḡa, amio yerkawa taḡena lala naḡa tesike e nini ḡane, nanene yaru ne nanini narui naḡa le Yu lala la apim apis pan inu vanonia. Garu Yerusalem, a e yo nini, la apimi apiun ḡararan tan inu apisape neliḡere naga, asuḡa apisi keviu apisape yaru nene, naga pe pon re si mali va re laa sane poli, la sinelan asape naga monar mare ga vilaga.

<sup>25</sup> Ana nepisuveve suri nene pano-o, pe nomal re sur tai naḡa torokin naga mare vanon poli. Ana siraunia, yaru nene naga ḡena piun pisape kieta ḡarina suḡe keviu nae Rom, naga ga liḡerea, ana nanagane nesuḡa nepisuveve nesape yoko monar neila naga va ga e limana ne Sisa narui.

<sup>26</sup> Ana monar nesiri ḡaki tai va amio yaru nene va van kieta ḡarina suḡe nene, ana pe nekilia ruru re ḡena nesape aḡa nesiri ya ne te ḡaki nene wa. Nanini narui, neke kara naḡa neḡere naga piḡasu vena suḡalu se maraḡa, Suḡe keviu Akriḡa, amio amiu yerkawa taḡena la nene, vena ita tevisuveve ke sina ga kiena visena la nene, pona amiu akilia aiila inu navisaen ya naḡa nesiri te ḡaki nini.

<sup>27</sup> !Pe popon re neligan yaru nene va e pupia nalipereena nene poli, naþa pe nepisawal ruru re visena ya naþa kila narui nemligan naga pano!”

## 26

### *Pol pis e marana Parin Suþe Akriþa*

<sup>1</sup> Ana Akriþa pisa pa Pol, pisape “Poga ga, nela pog van ko narui vena osunyu ko e lepas na suri la nene.”

Ana Pol koan limana sanene, ana siar kiena visena narui, vena la navisatarñeena na suri la nene.

<sup>2</sup> Ana pisa sanini, pisape “Parin Suþe Akriþa, nepisu sane po paþisi naþa nekilia nesuñalu e marañña þane, vena netaþali naþa nela navisatarñeena laþasia e visena la naþa le Yu lala akila pan inu.

<sup>3</sup> Nepisa visena nene komin naþa ko ke narui, okilia ruru kieta þelaga ita le Yu la rui, a okilia ruru mña suri la naþa pogos punu ga kieta yeririna lala asuñña apepeyun la ke vanon rui, a naþa la asuñña amlipere la ke vanonia. Ana inu nepiun tan ko vena ko ve sinerña kar inu re, komin naþa yoko kiau suniena naga tawa manene e suri la ne sanene narui, a ve piavi towe mña ga.

<sup>4</sup> “Kiau suniena naga siar sanini, sane inu, nesiar e pogos naþa nepe nisisi ke ga wa, nesu luen ga nemio le Yu lala, nanene e kiau yo, ana siraunia, garu mña Yerusalem. Ana lala la akilia ruru kiau þelaga lala nanua rui, a akilia mña naþa pogos naþa nepe yaru viu ke ga wa,

<sup>5</sup> ana nesikol inu e þegas kiena ne Varasi lala, naþa la ke narui naþa atarar manene kieta navisaluena taulu þegas taþena lala. Ana visae la mña ga akekarar naþa la asuñalu ase marañña, ana yokorena la akilia avisawal li van ko, avisave suri naþa nepisa ke ne naga pe lelaga punu ga.

<sup>6</sup> “?Ana komin ya ne la sinela kar inu si sanene? Nanene komin naþa nesuñalu mñarera nesike e navisaarena tai naþa Ntewa naga kila pa repita lala nanua sumo rui, naþa pisawal sape naga yoko kila yaru la naþa amare amal sina.

<sup>7</sup> Ana navisaarena nene, kieta lus mña ga la lualima taaga pa lua [12] nene la asuñña amlen ke ko legiena a kolemalu vena yoko la akilia atolia. !Parin suþe, opisu ke ne! Sur nene Ntewa naga pisaar pan le Yu la rui, ana le Yu lala sinelan asape avis si van inu komin nemlelaga ea.

<sup>8</sup> ?Pe nekilia re poli, ana komin ya narui naþa yaru la nene asuñña asitom ke asape Ntewa naga taþatete si kilia kila yaru naþa mare rui naga mali sina?

<sup>9</sup> “Ana pe lelaga, nanua sumo, in mña sa ke ga nene, pe nemlelaga re e suri la nene poli. Na nanua na, in na sineu kar laa la naþa amlelaga e Yesu nae Nasaret paþisi, a nepisu sane monar nekilali mñarera vena nekila kila nene vito tano.

<sup>10</sup> Ana garu Yerusalem, nesuñña nekila suri moki sanene. Yerkawa kiena ne li wa lala, la atarman pan inu, ana nepa nekila nalelagaena wa la nene, la moki naþa apa e yurña nakoena, ana pogos naþa la amlipere la asape monar la amare, in mña ga nesike loyurña ea.

<sup>11</sup> A nesuñña netetelivi e yurña na leniena lala, pogos punu ga nesuñña nekila ke piowa pan la, a nesuñña nekilali la mña ga, nesuñña nekilayon naþa vena la aviuelin kila kiena ne Yesu. Ana nesuñña nekila mña sanene pano-o yepu pisunun paþisi, ana nomiene plan la apuretetai apeve taaga e purvanua taþena lala, ana siraunia, nepanon la ke sina ga e kumali la naþa la apa asike e la.”

### *Pol pisayu sanape naþa Yesu paemenia*

<sup>12</sup> Ana Pol surña sun pano-o, pisape “Ana e pogos tai, nesuñña nepito ke garo Tamñaskas vena nekila ke sina ve sanene van la naþa asike e yo nene. Yerkawa kiena ne yaru wa lala, la amiila inu nepitove, a la amla mñaki pan inu naþa asape nekilia nekila sanene.

<sup>13</sup> Ana mesuñña memial ke mepato garo tano, ana kolpae ga, nepisu pupia yomerarava tai metava ma e peni, naþa tego taulu mrae, ana yomerarava nene tegoli nena yo naþa mesike ea.

<sup>14</sup> Ana yomerarava nene naga merarava keviu sanene narui, naga kila imimi mekekapil mepito tano e porotano, ana siraunia, nemloge pulgon yar tai, pis pan inu pis ga kome visena nae Epru, naga pisape ‘!Sol o, Sol o! ?Komin ya ne ko osuñña okila kare inu ke sanene sa naþa ko osuñña okila ke ne? Ko osuñña larña te þataun inu ke sanene, ana kila larña mlaea þisa.’

<sup>15</sup> “Ana nepiunia, nepisape ?Ana Suþe, ko a nene?”

“Ana Suþe pis ke sina ga pan inu, pisape ‘Yesu naþa ko osuñña okila ke piowa pania, nane in ne nanini narui.

<sup>16</sup> Ana osuññalu sina, komin naþa yoko oyurña kiau. In na nemalivin ko sanene komin suri nena nene narui. Pane opisu kilale inu sane ovisave in na ai, a siraunia, yoko ovisu inu nesuñña nemalivin ko e suri la ve moki e legiena lala naþa pimi ke sirau. Suri la naþa nepian kon ke ne, naga ke narui naþa ovano ovisawal van yeririna lala.

17 Ana yoko ovanon ovisawal va le Yu lala, a va mēna yaru taḡena la naḡa pe ape le Yu re poli, ana ḡisi na ovisu naḡa la nene, yoko akila viowa van ko, ana ve sinemā pepe re, yoko nemālivin ko e pogos la ne sa nene, vena netamalia ko.

“ ‘Nanene narui, nevitetalia ko ovanon la nene,

18 vena ovikepa kilamarala, vena ovilon la amolue vetan yemalolo naḡa la asike ea, aim e yomerarava, a vena aligan māraraena kiena ne Yermare sike na, aim ga puna Ntewa. Ana pogos naḡa aviawa ga e inu sanene, ana yoko Ntewa viewo kiela mlamulena viowa lala, a yoko naga sikol la e ḡegas nen kiena li wa lala.’ ”

### *Pol pisayu kiena yurñaena*

19 Ana Pol pis ke na wa, pisape “Naga narui, Suḡe Akriḡa, pogos naḡa nepisu pupia suri naḡa molue ma e peni pitomi e inu, in na taḡatete si nekila sur tai narui, ana nemlogear ga visena kiena ne Suḡe narui.

20 Ana nepa Tarñaskas sumo, nemlologon pa yeririna lala, nepisape monar avilopu la ava puna Ntewa, a kiela malena monar awo make nena ga, torokin navilopuena nene. Ana siraunia, nepa ke sina ga ma Yerusalem, nemlologon ke sina ga sanene pan la, siraunia nepa nekila sanene e kumali taḡena lala e lepas nae Yutea, a siraunia, nepa kar ga e yo kiena ne la naḡa pe ape Yu re poli, nemla ke ga visena maran taaga sanene pan la.

21 Ana komin ga kiau yurñaena nene narui, kila le Yu lala apimi atarar inu loyuma e Yurña Wa Mana ne Ntewa, ana la sinelan asape awemār inunia.

22 “Ana pimi tol ḡane, naiilaena ga naḡa pimi kome Ntewa naga sumā amio inu silaga, a nanagane nekilia nesumālu nese maramiu amiu yerkawa lala, a amiu li taḡena mēna ga lala, a in na kiau pulmas nini naḡa nekilia nevis van amiu. Ya naḡa Mosis amio navisawalena lala apisa nanua nanua sumo rui, la apisape yoko ve sanene ve sanene, ana suri ga nene, nane nesumā nepisawal ke pan amiu nanagane.

23 Naga nene naga sanini, naḡa Navisaarena, pogos naḡa naga imi mālivi, ana yeririna lala monar akila viowa vania, ana siraunia, yoko naga ve yaru naḡa naga mal ḡesania petan marena. A kiena nasumālena si nene petan marena, ana suri ne nanene narui ve mrapa nawaren yomerarava na tamaliaena imi tegoli yeririna la punu ga, Yu lala, a la naḡa pe ape le Yu re poli.”

*Pol sinenan sape monar alelaga e Yesu sane naga*

24 Ana pogos naḡa Pol surmā mla ke kiena navisatamēena sanene, Pestas sumālu tero kiena visena lala, naga pisi keviu, pisape “!Pol, ko ope wowe ga nene! Ko sinomān osape ove manmarua e nakiliaena taḡena lala, ana kila ḡarumā pano-o pe wowe ga narui.”

25 Ana Pol pisape “Nepatanon ko, Parin Suḡe Pestas, ana in na monar nevisa van ko, in na ḡaruu poga ga. Kiau visena la naḡa nesumā nepisawal ke e yo nini, la ape purḡes nen nalelagaena naḡa ape lelaga paḡisi.

26 Suri la naḡa nesumā nesunyu ke ne, nekilia ruru nesape Suḡe Akriḡa naga kilia ruru rui, la apimi atol kiena navisuena rui, nanene narui kila pe nemaraun re naḡa nevisawal e marana poli. Suri la nene, pe apimi amālivi re ga e narin yo ta naḡa yaru la pe akilia re poli, peraga, yeririna la punu ga akilia rui, asumā apisayu paḡisi.

27 ?Ana Suḡe Akriḡa, ya naḡa pe kioḡia sitomena lelaga e suri la nene? ?Nepisu sane ko mēna ga omlelaga e visena kiena ne navisawalena lala nanua sumo, ne?”

28 Ana Akriḡa pisa pa Pol, pisape “!E, peraga, peraga! ?Pona opis yam plas ga nene, osape okilia ouru inu mēna neiḡasu neve yeririna kiena ne Kristo, ne?”

29 Ana Pol pisatamēa, pisape “E, nemninue ga, pona nevis ve plas ga pona nevis ve piavi, ana suri taaga ga nemlen nesape Ntewa kila ḡane, sineun nesape ko, omio yaru taḡena la nene, naḡa asu mā amiya-gogon ke kiau visena, sineun nesape aimi ave sa ga inu. Pe nepisa re nesape awar sen la nene ve sa naḡa noḡar ke poli, ana nepisape popon aimi ave sa ga inu, naḡa nemla Yesu Kristo e kiau malena, nepimi nepe yaru viu e naga.”

30 Ana Parin Suḡe Akriḡa kalo visena e nene, ana naga, amio Pestas, amio Penis, amio yerkawa taḡena lala naḡa la ateke tano ma metava amio la, la nene asusumālu, apava si vanua.

31 Ana pogos naḡa apava vanua rui, asumā apisayu ke pan la, apisape “Yaru nene naga pe kila re nena suri tai piowa poli, naḡa torokin naga mare pona war nakoena nena vanonia.”

32 Ana Akriḡa pisa pa Pestas, pisape “Visae yaru nene ve visa re visvae Sisa ga liḡerea, vera naga kilia molue ga va vanua sanene rui.”

## 27

*Aḡere Pol amligan yo Sisaria vena ava garu Rom*



<sup>1</sup> Ana e pogos nene, in Luk, in mēna ne-sike nemio Pol garu Sisaria, ana nepisape in mēna ga yoko neva nemio naga garu Rom. Ana pogos naḡa yerkawa lala apisu sane meva narui, ana aḡere plan Pol amio yaru taḡena laḡasia naḡa asike loyurña e yurña nakoaeana, amligan la apa e limana ne yerkawa na mara tai. Yaru nene, kiena kia Sulias, a naga pe nasumonena na ḡegas na li na mara la nene naḡa apio asape “ḡegas kiena ne Okastas.”

<sup>2</sup> Ana naga ḡere imimi mepano, mepito garo losi, ana aḡnal waa tai nae Atramitiam, ana memiai meta ea. Ana e pogos nene, Aristakas nene nae Tesalonaika e lepas nae Masitonia, memio mēna ga naga. Ana mokus waa nene mepano, naḡa kiena mrapa nena naga pano kome lowe lala e lepas nae Esia.

<sup>3</sup> Ana kolulag, mepimi metol yo Saeton, ana e yo nene, Sulias naga kila po paḡisi pa Pol, naga taḡian naga pa ura vena visu kiena erau lala, a naga taḡian naḡa amiila Pol e suri laḡasia e kiena mrapa.

<sup>4</sup> Ana memligan si yo nene, mekiriri mña e sive pano-o, ana makawe lagi e pogos nene, kila sane pogos naḡa metol purvanua nae Saepnas, ana mepa mokom varauḡan lepas ḡasia, lepas navano.

<sup>5</sup> Ana mokusro pupia sive nene naḡa va ko yotena narui vanua e lepas nen yo lua nene Silisia amio yo Pampilia, ana mekiriri mepimi metol kumali nae Maera, e lepas nae Laesia.

<sup>6</sup> Ana waa nene naga mligan imimi e yo nene, ana yaru na mara nene Sulias naga pano kale mrapa taḡena. Ana naga mali waa tai nae Alikasantrea naḡa naga sumña pa ke e purvanua naḡa mesitom ke mesape mevanea, Italia, ana naga miila imimi mepa mesike e waa nene narui.

<sup>7</sup> Ana mepa sina metava e sive, ana lagi piowa ga, kila mekiriri malumu ga pano-o legiena la laḡasia, ana moḡar yo paḡisi, mepilolou mña mñale sanene pano tol kunus nae Nitas, ana lagi monwo ruru imimi nenaga narui. Ana mepilon imimi, mekirilologia kunus taḡena nae Salmone e purvanua naḡa Krit, ana mepa varaunia e lepas na sive malumu.

<sup>8</sup> Imimi mokom ga lavisin purvanua nene, mesurña mekeveve mña mepano, ana lagi mñe kare imimi ke na wa, ana mepa mña pano-o metol lowe tai naḡa apio asape “Lowe Tanea,” lavisin kumali naḡa Lasea.

<sup>9</sup> Ana mesu towe la e yo nene yam plas ga, ana la apisu sane piowa ga narui, komin naḡa lagi kila ke sanene pan imimi, ana mesike mrapa yam piavi laa rui, ana mrapa piavi ke ga wa, a nanagane, pogos na lagi amio pupia miava narui. Sila ga la apisape pog piowa nene siar e kupario na

Paḡagena na Naviewoena, ana ḡaḡagena nene ḡaro pa rui. Ana Pol mloge piowagan suri nene, naga pisa ruru pan la, pisape

<sup>10</sup> “Yerkawa lala, in na nemninulupar naḡa visae tevano, ana viowa vaḡisi, yoko suri la punu ga akilia akokovio. Nepisu sa naḡa yoko waa nene naga kilia talilu ga warar kana tegaki lala, a ita mēna ga, kieta malena lala akilia akokovio e sive.”

<sup>11</sup> Ana yaru na mara nene naga pe miyagogon re Pol poli, ana naga miyagogon ga yaru naḡa kus ke waa, amio yaru naḡa naga kiena waa nene. Ana lalua apisape “Peraga, woga ga ne, yoko teva ga,

<sup>12</sup> komin naḡa taḡatete tekilia tesike e yo nini vano-o tetol ke sina ga pog wo.” Ana apisayua, la moki naḡa apisu asape popon meligan si yo nene, moureli ga mevano metol lowe taḡena tai kiena kia Pinikis, e purvanua mña nena nene, naḡa la apisu asape e nene narui popon mesike ea, tol pogos naḡa yoko pupia lagi na miava nene ḡisi.

*Pupia lagi miyusesa kare la apano*

<sup>13</sup> Ana pogos naḡa apisu lagi pilonia, ana lagi marua naga molue towe narui, apisu apisape po narui, ana asitom asape lagi ke nene narui naga yu imimi meva e lowe naḡa mesitom ke mesape meva ea. Ana aḡere kilavaru pam metava, ana meḡure mepano, mekeveve ga yo ura.

<sup>14</sup> Ana pe yam piavi re poli, memilan ga pupia lagi ura tai molue pimi miyu imimi.

<sup>15</sup> Lagi nene miyui keviu sanene, ana taḡatete si mekilia moure naḡa mokus lagi nene, ana apilon ga waa narui, ana ataḡian ga lagi nene supon imimi ga mepa yotena, ana lagi nene miyusesa imimi sanene mepano.

<sup>16</sup> Ana mekiriri mepano, metapolou towe la sane e narin purvanua tai, kiena kia Kaota, ana e yo nene memiyurñaen kana narin wa nene pano-o, ana aḡurelua pam metava.

<sup>17</sup> Ana la amaraun apisape sa ḡisi waa nene wurorowaia, ana aḡere pupia kilika lala akom va tanon waa, ana apiar ruruia vena tarar ruruia.

Ana pupia lagi moḡia miyusesa kare imimi mepa ke na wa, ana amaraun asape asurña apa ke lavisin piarñe lala nae Saetis narui, lavisin yo Lipia, ana aḡere si mñale. Ana lagi miyusesa kare imimi sanene mepano metaulu yo nene, ana yemalo, ana mekirir malo ga mepano.

<sup>18</sup> Ana kolulagi, ana lagi mñarera ke na wa, a sive moḡia kokovenkare imimi, ana la asiar naḡa akoven plan tegaki pito e sive.

<sup>19</sup> Ana legiena taḡena sina, yo piowa ke ga wa, ana apano amlupar plan kilika lala

a m̄ale lala a suri la ne sanene, akoan m̄ena apito e sive.

<sup>20</sup> Sa m̄a ke sina ga nene tol legiena moki, naḡa sinapane naga malo ga m̄eke na, pe mepisu re verue la poli, a pe mepisu re maran mrae poli. Mepisu sane mesike loyur̄m̄a e lagi tai nene naḡa pe yaru tai sitom re si sape yoko memal poli.

<sup>21</sup> Ana yaru na waa lala pe akinana re poli legiena moki rui, amloge piowa keviu paḡisi, ana Pol pimi pisu la, pisa pan la, pisape “Suwala, visae ayagogon ruru inu ga nanua rui, e pogos naḡa ita tesike garu Krit wa, ana yoko pupia loge viowaena a pupia nakilaluen suri la nene taḡatete imi tol ita.

<sup>22</sup> Ana nanagane, yoko nevisa si suri tai van amiu, vena akilia aloge si wonia. Nepisawal pan amiu, nesape yoko kieta waa nene naga talilu na wa, ana taḡatete ita yaru tai kovio.

<sup>23</sup> Nekilia suri nene komin na kolemallo, kiau Ntewa naḡa nemlen ke pania, nepisu naḡa naga mligan kiena navisi tai pitomi m̄alivin inu. Navisi nene pimi suḡalu sike lavisin inu,

<sup>24</sup> ana naga pisape ‘Pol, ve omarau re. Ana monar ovano-o oworu garu Rom, monar osuḡalu ose marana ne Sisa na wa, ana nekilia nevisawal van ko sanini, malena kiena ne la naḡa asike e waa nene amio ko, Ntewa naga sitom sape tamian ga van ko sape yoko amal ga, taḡatete tai kovio.’

<sup>25</sup> Na nene narui, ve aloge re si viowa, in na neḡasine manene Ntewa paḡisi nesape yoko ve sa ga naḡa kiena navisi nene pisawal pan inu.

<sup>26</sup> Ana suri taaga ga, yoko monar tokus kieta waa vano teyalar ga yo ura e narin purvanua tai.”

*La apim lavisin purvanua tai*

<sup>27</sup> Ana lagi nene naga suḡa miyusesa kare imimi mepa ke ga wa, tol wik lua narui naḡa mesuḡa mekirir ke e pupia sive nae Metiterenian nene. Ana kolemallo pogos tai, yaru na waa la nene apisu kilale sane mesuḡa mepimi ke lavisin purvanua tai ko yo tai.

<sup>28</sup> Ana amligan kilika pito tano, la apulo merorol na sive nene pano-o tol meta lualima yam vari, siraunia, asu laa yam plas ga, ana akila sina, apulo asape meta lualima yam telu.

<sup>29</sup> Ana amaraun asape sa ḡisi mekirir m̄a sanene mevane lawe pupia kilavaru laḡasia pona ya, ana akoan kilavaru vari naḡa sike varau e ḡeren waa, ana asuḡa amlen ke asape vena kilavaru lala nene monar atarar imimi, a vena yelagi imi vilaga.

<sup>30</sup> Ana yaru na waa lala apisayua, apisape yoko avisa kotalia imimi ke sina ga laḡasia, ana yoko la akilayon naḡa akus kana narin waa nene ana aure akom ea ava ura. Ana apisa kotalia imimi, apisape “Oe, yoko mokusli kilavaru nene va gare sumo wa, vena metaḡali naḡa uarar kieta purgon waa.” Ana asuḡa amligan narin waa pito tano e sive.

<sup>31</sup> Ana Pol pisu kilalea, ana pis pan yaru na mara lala, pisape “Visae asitom asape amali, monar avisaluḡar la nene asuḡa ga amio ita e waa nini.”

<sup>32</sup> Ana yaru na mara la nene amloge, asuḡalu veraga apano ateroro kilika na narin waa nene, ana lagi miyulua ga tan waa, korur mian pano.

<sup>33</sup> Ana lavis yemlagi merarava, ana Pol sitom pisape monar akan suri tai, ana naga pisa pan la, pisape “Ei, pimi tol ḡane, ana wik lua narui naḡa tesike e pogos piowa nene, pe tekinana ruru re poli.

<sup>34</sup> Ana popon ḡane na tekinana ruru sina, vena yepeta lala akilia aimi m̄arera sina, ana sanene yoko tekilia temali. Sa naḡa nepisa rui, ana yoko taḡatete narin vilḡarita tai kovio, ana yoko ita punu towoga ga.”

<sup>35</sup> Ana siraun naḡa pisayu suri nene ḡisi, pano mla kilaparavi tai, ana mlen e marala, pisa potena pan Ntewa vanonia, ana kawewowaia, suḡa kania.

<sup>36</sup> Ana pogos naḡa lala taḡena apisu naḡa Pol suḡa kinana ke sanene, la m̄ena ga amlelaga asape pe lelaga kemua, yoko lala awoga ga ne, ana la m̄ena ga akekaran asape akinana sina, ana akinana.

<sup>37</sup> Ana imimi punu ga naḡa mesike e waa nene, metol ponotia lua lualima yam olua pa orai.

<sup>38</sup> Ana pogos naḡa la punu ga akinana ḡisi, apisu asape popon akila waa melala va laa sane, ana aḡar plan mras nen wit la nene naḡa sane kamimi kinanena, akoakoan plan pito e sive.

*Waa pa tawa m̄eke ga yotena, ana akulkul ga apa ura*

<sup>39</sup> Ana pogos naḡa yemlagi narui, ana mepisu m̄a yo ura lavis ga rui, ana pe mekilia re yo nene poli. Ana apisu pululus tai naḡa pe lowe m̄eke ea, ana ura e yo nene none tanea m̄eke ea, ana apisayua, apisape yoko la akilayonli naḡa vena akila kiamimi waa kiriri va ura ea.

<sup>40</sup> Ana ate plan kilika na kilavaru lala, amligan la asike e sive, a amluḡar plan kilika la naḡa apiar ke ḡeligas nen waa, ana aḡere narin m̄ale naḡa teke e purgon waa, vena lagi yu imimi meva meialar none.

<sup>41</sup> Mesurña mekirir nña mepano-o, memi-lan ga, naña waa mialarläe pupia none tai naña koruru ðerepoloia sike lele taaga tanon sive. Purgon waa mialarläe none nene, ana tawa ruru nenaga mñarera nñeke ea, pe kululu re si po laa rui. Ana pupia sive lala asusurñalu apanwowola apimi asusu ðeren waa nene, asuwowaia.

<sup>42</sup> Ana yaru na mara lala asurña apisayu rui, asape visae suri tai sanene, ana awe monar ga yaru na yurña nakoaena la naña asurña akirawo la ke na, visae peraga, pona lañasia akilayonli naña awula ato tano e sive, vena akulu ava ura, aure.

<sup>43</sup> Ana kiela yerkawa pialuðar la, pisape ve akila re, komin naña naga sitom ke sape Pol naga monar mali ga. Ana naga pisa ga pan imimi punu ga, pisape "Poga ga, ita naña tekilia tokulu, tesumo, towula ga e sive, ana teyenli ura.

<sup>44</sup> Ana ita naña temiye ðele ga, ana tokus kulutaki, pona ya naña tekilia teluel e waa, vena tokusia tokulu, ana ita sirau tevano." Ana e ga e mrapa nene, imimi punu ga mepano-o mepa ura e yo nene, naña imimi punu ga memali po ga, pe imimi yaru tai kovio re poli.

## 28

### *Pol lala la asike e purvanua naña Molta*

<sup>1</sup> Ana pogos naña imimi punu ga mepimi mesu ruru ke pa ura rui, yeririna lala nae e yo nene apimi apisu imimi, ana apisa ga pan imimi na wa apisape yo nini naga pe purvanua tai, kiena kia Molta.

<sup>2</sup> Ana akila po manene laa pan imimi, la sinela po pan imimi pañisi. E pogos nene, yua powo nña ga, ana la apisu naña imimi memloge miava tol imimi pañisi, ana la apirani kapi, apisuar ruru imimi sanene.

<sup>3</sup> Ana Pol pa ðar lukilar na yato tai, pisape kuan va e kapi, ana pogos naña kuan pa e kapi, narin lorñara tai talinar naga teke likan yato la nene, pogos naña mloge kapi mlege, ana molue e lukilar na yato nene, talinar naga e limana ne Pol, karia.

<sup>4</sup> Ana pogos naña yaru nae e yo nene lala apisu lorñara nene na kilariñaren yaru telan teke e limana ne Pol sanene, la apisamumun ga pan la, apisape "1Ovisu yaru na yurña naloge viowaena nene, pona naga pe yaru tai naña nñe monar ga yaru la moki yo! Sive pisape kilanar naga, ana naga pure ga, ana nanagane na, lorñara nene tol ruru nena naga na teke ne."

<sup>5</sup> Ana Pol silinlua si lorñara nene petan limana mloru pa e kapi, ana mloge re nena suri tai poli, limana pe mlae re nena ga.

<sup>6</sup> Ana asurña apisuar nña naga, asitom asape ðisi na yepena la monar sirop ve

keviu va ðisi yo, a visae peraga, pona loru vito tano na mare, ana asurñate nña sanene pano-o peraga, apisu suri nene pe kilanar re nena ga naga. Ana pogos naña apisu naga pogaga, asitom pe tañena narui, asitom asape pona Pol naga pe ntewa tai yo.

<sup>7</sup> Ana e yo naña mepa ura ea, naga lavisin lokove lala kiena ne suñe na purvanua nene, kiena kia Puplias. Ana ðere imimi mepa ura nña, a pisuar ruru imimi e legiena telu naña mesike memio.

<sup>8</sup> Ana pogos naña mesike memio la nene, yermarua naña arimana ne suñe nene naga momalio nñeke nña tog, naga mai, naña yepena la pisu, a mēñena piowa ðarwowea. Ana Pol pa pisu yermarua nene, ana mligan limana tea, mloutuwoia, kila naga pimi po sina.

<sup>9</sup> Ana pogos naña yeririna tañena lala amloge naña Pol kila sanene e yermarua nene, la mña ga naña amai apimi, ana la mña ga kiela maiena la ðisi.

<sup>10</sup> Ana akekara keviu pañisi e suri la nene, ana asurña añar korenan suri la moki pan imimi. A mesurña e purvanua nene pano-o tol kupario telu, a pogos naña mepiaña sina, la añar kinanena mokliu a suri la naña añar korenan ga pitomi, amligan e kiamimi waa tañena vena iila imimiena e kiamimi mrapa.

### *Pol la apa atol yo Rom*

<sup>11</sup> Ana waa tañena naña yoko mokom ea, naga wa tai nae Aliksantrea naña naga mña ga nñeke e purvanua nene yan piavi rui, monñate ke ga visae pogos na lagi war ro narui. Waa nene, la asikia kiena kia "Kasto a Polakis," naña kia lua nene na kia kiena ne kiela ntewa lua naña lalua ape kaora, naña la ate kana nono nena sike e purgon waa nene.

<sup>12</sup> Ana memligan yo nini mepano metol ke sina ga yo tai, kiena kia Saerakius, ana mesike e nene legiena telu.

<sup>13</sup> Ana momolue ke sina ga, mokom varaunia mekirir mekeveve nña yo sanene pano pano-o metol Resiam. Mesurña e yo nene tol legiena wetulu tai, ðisi ana lagi marua tanea tai miyui na po pañisi, ana mekiriri manene laa sane tol legiena lua, mepa metol lowe nae Puteoli.

<sup>14</sup> Ana mepa ura memligan waa nñeke e nene narui, ana monñal wolai lañasia, ana añure imimi mepa mesike pula tol wik taaga. Ana sirauña, mepisu sane pupia kiamimi yalena e pogos nene lavisi ðisi narui, mepimi ke lavisin pupia pulkumali na yomarava nini narui, naña Rom.

<sup>15</sup> Ana wolai la naña asike Rom, visena pa tol la apisape imimi na memial mepito ke pula narui, ana la amiyalilu mrapan

imimi. La apam manene laa perina paḡisi, naḡa laḡasia apam asuḡiate imimi e pulkumali nene naḡa pupia lelana wilwiliena kiena ne Apias ḡeke ea, a laḡas apami manene laa sane, apam yalensilau atol pulkumali nene naḡa yuḡa telu ḡana ne wolawa lala sike ea. A pogos naḡa Pol pisa asuḡiate ke naga sanene, naga kekara paḡisi, a pisa potena pa Ntewa naḡa suri nene kila naga mloge po paḡisi, a kila naga mloge sane naga ḡarera sina.

<sup>16</sup> Ana pogos naḡa mepimi metol yo Rom, la pe amligan re Pol pa e yuḡa naloge viowaena poli, ana la apisape naga kilia lual yuḡa tai naga va sike ea, ana la amligan yaru na kirakiravanena tai naga sike amio.

*Kas lua naḡa Pol sike garu Rom*

<sup>17</sup> Ana Pol sike garu Rom legiena telu, ḡisi na mligan visena pa pa li na sumonena kiena ne le Yu la naḡa asike e yo nene, ana pogos naḡa la apim lele taaga, Pol sun pan la. Naga pisa pan la, pisape “Wolai lala, kiau suniena sanini: inu nepim e nini komin naḡa e kas nanua ḡaro ne, nesike garu Yerusalem, ana kieta yerikawa la akuwan inu nepa e yuḡa na loge viowaena, siraunia la amligan inu e limana ne yaru naliḡereena lala nae Rom naḡa la apisuar ke kieta purvanua. E inu, pe nekila re nena suri tai pa kieta yeririna lala, a pe nekila re suri tai naḡa pe mesmesu re e kieta ḡelaga poli, pona e visena kiena ne repita lala, ana la akila sanene pan inu narui.

<sup>18</sup> Ana pogos naḡa naliḡereena lala nae Rom la apisuveve ruru suri nene, la sinelan asape nekilia nomolue ga narui, komin la pe aḡal re suri tai naḡa kila na ala nakoena van inu vanon poli, sane monar nemare.

<sup>19</sup> Ana siraunia, kieta nasumonena lala nae Yu la apisin sina, ana pa piowa ga ḡeke na. La akila sanene, ana nepisu sane pe yo re si po laa rui naḡa nekilia neva ea, ana ḡrapa ga naḡa nekilia neva ea, ana nepisawal nesape Parin Suḡe ga Sisa nae Rom nene, naga ga monar liḡere inu. In na pe sineun re nesape neligan la nae kieta purvanua ava e pupia kumali nae e nini poli, peraga, ana komin naḡa la akila ḡarera manene laa pan inu sanene, nane kila narui nepisape la monar awere inu neimi e yo nini Rom.

<sup>20</sup> Nane nesike e nini narui, ana sineun nesape monar akilia suri la nene, ana nepio amiu vena aimi tesu lele taaga sanene vena inu nekilia nesunyun van amiu. Sineun nesape monar akilia naḡa sen la nene naḡa asuḡia apiar inu ke

sanene, pe komin re kiau napiowaena laḡas poli, ana komin kieta Navisaarena naḡa ita le Israel make ga tepisape tesuḡia toḡasine ke ga naga.”

<sup>21</sup> Ana nasumonena kiena ne le Yu la nene naḡa asike Rom apisa pa Pol, apisape “Suri la naḡa osuḡia opisa ke ne, imimi memninue ga. Imimi pe moḡa re ḡaki tai naḡa pisayu ko poli, naḡa molue garu Yerusalem pimi pun imimi, a kieta wolai laḡasia naḡa la akom e naḡa apimi, ana pe apisayu ko re pan imimi poli apisape okila ke sanene sanene.

<sup>22</sup> Ana memloge kioḡia visena la nene narui, ana sinemimin mesape meloge re laa si kioḡia sitomena na wa pona kioḡia nalelagaena, komin naḡa pe lelaga, memloge towe ḡaga e lepas na nalotena viu nene, ana memloge ga naḡa yaru lala la asuḡia apisayu kare ga e yo punu ga.”

<sup>23</sup> Ana la asitere apisape ḡisi na aimi avisu si Pol vanonia e yo nene naḡa naga sike ea. Ana siraunia, pogos naḡa la apimi, la moki na moki, ana asuḡia amiagogon ke Pol, naḡa siar kolulagi pa ne tol pogos naḡa ḡrae pito tano ana naga suḡia pisi ke pan la na wa. Naga pisawal pan la sanape naḡa yaru kilia va loyuḡa e nasuḡenena kiena ne Ntewa, a naga suḡia pian la ke sanape naḡa navisaluaena kiena ne Mosis amio visena kiena ne navisawalena na sumo lala, la akila merarava ruru naḡa asape Yesu ga narui, naga pe kieta Navisaarena, naḡa la ḡena asuḡiate ke naga vena imi tamalia la.

<sup>24</sup> Ana laḡasia amloge visena lala kiena ne Pol sane pe lelaga, ana laḡasia pe amlelaga re e poli.

<sup>25</sup> Ana naga nene kila na la asike e lepas lua narui, ana asitom ḡele ga apisape popon aḡisi ga rui, ava uḡa wa. Ana Pol pisa maron suri tai pan la, pisape “Ei, in na nepisu naḡa Ninuna Wa naga pisa suri na pe lelaga paḡisi ne, nanua sumo, naga pisa visena tai pa repita lala, naḡa Navisawalena Aisea naga pisawal pan la. Naga pisa, pisape

<sup>26</sup> *‘Ovanon kieta yeririna la nene, ovisawal van la sanini, ovisave “Pisi na aloge vano vano-o, ana taḡatete aloge kilale pogos tai, ḡisi na avisu vano vano-o, ana taḡatete avisu kilale pogos tai,*

<sup>27</sup> *komin naḡa amiu na sa ga yaru la naḡa kiela sitomena lala ḡarmare, sa naḡa aposino pulkiligala, a sane la aḡelawa ḡisi rui. Visae la ve akila re ve sanene, vera na kilamarala lala kilia visu kilalea,*

*a kiligala lala kilia loge kilalea,  
a kiela sitomena kilia sitom kilalea,  
ana ve sanene la akilia avilon la aimi  
pun inu vena nekilia netamalia la.” ’  
Ais 6:9,10*

<sup>28-29</sup> A nanagane, nevisa van amiu, nevisave monar akilia sane natamaliaena kiena ne Ntewa nene naga molue rui pano pa tol la naḡa pe ape Yu re poli, ana la asuḡa amloge ke ne a ḡisi na la ke narui la alogearia!”

Ana pogos naḡa Pol pisa maron kiena visena nene pan la, la apiaḡa, naḡa la asuḡa apeveyun la ga narui.

<sup>30</sup> Ana Pol sike e yo nene sanene pano-o tol kas lua, a naga ga pul ḡana yuḡa, naga ga suḡa pisuar naga. A yaru ai naḡa pimi pisuia, ana kekaran ga naḡa were va uḡa ḡana,

<sup>31</sup> ana sanene, naga suḡa mlologon ke nasuḡenena kiena ne Ntewa silaga pa yaru la punu ga naḡa naga ḡal la. A naga suḡa pian ke Suḡe Yesu Kristo pan la, naḡa pe yaru tai ḡisi re si pan vanon poli, pona pisaluḡar naga pisape naga ve kila re sina.

**Maki Naþa Pol Siria  
Pa Pan Li Nalelagaena Wa  
Lala Nae Garu  
ROM  
Visayuena Na Tusi Nene**

*Komþasnen suniena plas na tusi nini*

Pol siri maki nini vena kila ruruen kiena mrapa, naþa sinenan sape va visu li nalelagaena lala gar Rom. E kiena sitomiena, naga sinenan sape yumnae re yam ve plas ga amio li nalelagaena la nae yo nene, vena siraunia aiila naga naþa sinenan sape yalen silau va garu Spen. Pol kilia ruru naþa visae yaru lelaga e Yesu Kristo, a imi ve yaru kiena Yesu naþa taveve kiena þelaga e kiena maliena, yaru nene yoko ve yaru mesmesu e marana Ntewa. Ana komin suri ne na nene, naga siri maki nene vena visawlaen þelaga na lelagaena naþa po van li nalelagaena lala gar Rom. Tusi nini puara purþesnen sitomiena kiena Pol e mrapa la naþa yaru kilia lelaga e Kristo.

Sumo, naga pisa pokolemalo pan li na sumare lala nae Rom, a pisawal panla sape naga sumia mlotu wola. Ana siraunia, pisawal si purþesnen sitomiena na maki nini, naþa pisape "Lologena wo nene naga sumia kilologia ke þelaga lala naþa yaru kilia imi mesmesu e marana Ntewa. Siar e purþesia va tol luwasia, þelaga nena mialivi ke e ita kom ga e lelagaena." (1:17)

E tusi nini, Pol pisayu ruru va moki kiena purþesnen sitomiena. Naga sape yaru make ga, pe suri korena ga naþa visae ape lus nae Israel pona pe ape lus nae re Israel poli, ana ita punuga maran taaga, tesike vatanon mareraena na milamulena viowa.

A yaru kilia imi ve yaru mesmesu e marana Ntewa, visae naga lelaga ga e Yesu Kristo. Suri si tai, Pol pisayu maliena naþa yaru sikol ruru naga amio Kristo, e malena viu naþa yaru pimi mesmesu e marana Ntewa. Yaru naþa lelaga e Kristo, naga pe marawo amio Ntewa, a Ninunane Ntewa kilia visaruru kiena maliena, naþa kilalua naga vetan milamulena viowa, a kila naþa mareraena na milamulena viowa amio marena pe aþuar re si naga poli. A siari e marana na keviu 5 pa tol marana na keviu 8, Pol pisawal sanape naþa Ntewa mila navisaluaena pa kiena yeririna na sumo lala, a pisawal miena þelaga naþa Ninunane Ntewa sumia miyumnae ke e malena kiena yaru naþa mlelaga e Yesu Kristo.

A naga pisayu menaga naþa lus nae Israel lala, a la naþa pe ape lus nae re Israel poli, la punuga akilia asikol la e

namaplarena naþa Ntewa Kila vena yaru na yomarava la atavevea. Pogos naþa sape visi þisi narui, naga sape þelaga naþa lus nae Israel la asunia apilon masila pa Yesu, Ntewa naga kilia sape yoko ve sanene, ana kila naþa naga sinena miyee makega yeririna na yomarava, ana pitetalia Yesu pimi, vena ita naþa telelaga ea, tekilia teimi mesmesu e marana Ntewa. A Pol mlelaga sape lus nae Israel lala, yoko la na tapatete avilon masilia va Yesu silaga, monar avilopu la yam tai.

Pito e luwasnen maki nini, Pol pisayu þelaga naþa li nalelagaena la monar atavevea e kiela maliena lala, a metavan miena nanene pisayu þelaga naþa ita monar sineta si yaru taþena lala. Pisayu þelaga naþa yaru tavevea e yumnaena kiena Ntewa, a þelaga naþa li nalelagaena la monar akila van þarin suþe lala na purvanua, pona va yerkawa taþena lala. A naga pisayu þelaga naþa li nalelagaena la monar asitom ruruia vena re akila kare re sitomena kiena yaru taþena. E luwasnen kiena maki, naga amio kiena erau lala apisa kiela visena na potena pan kiela erau taþena lala garu Rom, a kiena visena maro, pisawal visena tai na yeluaren Ntewa.

*Komþasnen tusi la na nini*

Visena þesa amio purþesnen sitomiena na maki 1:1-17

Yaru makega monar awar malena viu naþa Ntewa kian pimi 1:18—3:20

Mrapa kiena Ntewa na tamaliaen yaru 3:21—4:25

Maliena viu kiena yaru naþa sikol naga amio Kristo 5:1—8:39

Namaplarena kiena Ntewa pa kiena lus nae Israel lala 9:1—11:36

Þelaga wo naþa li nalelagaena la monar ataveveia 12:1—15:13

Visena maro 15:14—16:27

*Visen þesia*

<sup>1</sup> Erau nae Rom lala:

Inu Pol nevisa pokolulagi pona pokolemalo van amiu e kia kiena Yesu Kristo, naþa in na nepe kiena yar na yumnaena, in na nepe nalologena ke naþa Ntewa pio inun narui, mligan lua inu vena neyumnaen navisawalen kiena lollogena wo viu nene.

<sup>2</sup> Lologena wo nene, naga sike loyuma e visena lala na Nasiriena Wa kiena ne Ntewa rui, nane e visawalena lala naþa kiena navisawalena lala apisawal na konua konua rui pimi.

<sup>3</sup> Pupia sur naþa lollogena viu nene pisawalia, nane Yesu Kristo kieta Suþe, naþa pe narina ne Ntewa naþa mligan naga pimi mialivin ita e yomarava nini. Naga ke narui naþa e lepas na mratava puna,

tekilia tevisave naga molue nenaga e lus kiena ne yermarua Parin Suŕe Tepet.

<sup>4</sup> Ana e lepas na ninuna, naga pe wa paŕisi, naga molue ruru nenaga kome lus kiena ne Ntewa. Amemiar naga mare, ana e kiena pupia m̄areraena, Ntewa kila naga mal ruru sina ga. Ana tekilia tevisu kilale ruru tesape lelaga, kieta Suŕe nene naga pe narina ne Ntewa kemua lelaga.

<sup>5</sup> Naga ke narui naga pisirlua inu nepe nalologena, a mligan lua inu vena nevano e pegas nen yeririna taŕena la naŕa pe ape Yu re poli, vena la m̄ena ga akilia alelaga e Ntewa, vena akilia alogear kiena visena. Yum̄aena na sanene naga pe nalaena wo tai naŕa Suŕe mla pan inu, ana nekekaran nakilaena vena kiena kia va metava.

<sup>6</sup> A nagane, nesum̄a nekila ke yum̄aena nene e amiu, komin naŕa amiu m̄ena kiamiu kia sike loyur̄ma e, amiu m̄ena amio li taŕena la nene naŕa Ntewa pio la, vena aim ave yeririna kiena Yesu Kristo.

<sup>7</sup> Amiu yeririna m̄ena la naŕa naga sinen si amiu paŕisi, naŕa naga pisirlua amiu ape kiena li nalelagaena wa lala e pupia pulkumali naŕa Rom, nane nekekaran manene narui nesiri m̄aki nini piŕmasu pan amiu.

Nesiri sanene, nemlen nesape lemamiena a nasinesiena kiena ne Arimata Ntewa amio kieta Suŕe Yesu Kristo, pimi keviu e kiamiu malena la peve taaga.

*Pol sitom manene paŕisi vena va m̄alivin la gar Rom*

<sup>8</sup> Sumon naŕa nevisawal sur laŕas van amiu, nemlen e kia kiena ne Yesu Kristo, nepisa potena keviu pan kieta Ntewa vanon amiu. Nesape nekila ve sanene, komin nanagane, visena e lepas na kiamiu ŕelaga wo na sum̄alun m̄areraena e lela-gaena e Kristo, naga sum̄a pa mlewo make yo moki narui.

<sup>9</sup> Sur nene kila nekekara paŕisi, komin naŕa nemiyum̄ae kiena ne Ntewa nakonua rui nemio kiau malena wetelu, nemiyum̄aen visawalen lologena wo naŕa pisayu narina. A naga kilia m̄a naŕa nesum̄a nesiton̄al amiu silaga e kiau leniena,

<sup>10</sup> a nesum̄a nepiun ke m̄ena tania ne-sape visae mesmes ga e kiena nasinena-nena, yoko naga kila kiau mrapa vena nekilia neim non̄alivin amiu.

<sup>11</sup> Sineun manene naŕa neim nevisu amiu vaŕisi, a visae nekilia neim neliŕere re nalaena kiena Ninuna Wa vena kila amiu am̄arera laa sane, vera na wo vaŕisi.

<sup>12</sup> Nemlelaga nesape kiau viawaena kilia iilar amiu, a sineun neimi vena kiamiu

viawaena kilia iila inu m̄ena ga, a visae sanene ita tesum̄a temiila ruru ita ke sina ga.

<sup>13</sup> Erau lala, sineun nesape akilia naŕa sane yam mok liu, noŕion viŕnasen pun amiu paŕisi, ana silaga mrapa pe po re poli komin sur laŕas suwo ga yo, kila narui pe nepir̄nas re poli wa. Ana sineun ir̄nasen paŕisi, vena kiau yum̄aena kilia war mrasa e amiu naŕa amlelaga rui, sa naŕa ŕar mras rui e la naŕa pe ape Yu re poli e yo taŕena lala.

<sup>14</sup> Yum̄aena naŕa sike e lum̄au naga sanini, sane monar nelologo nenaga van ita, ita le Yu lala, a van m̄ena yeririna taŕena lala, a monar nelologo van la naŕa akilia suria a la m̄ena naŕa pe akilia re sur poli,

<sup>15</sup> nane kila narui sineun neim nevi-sawal lologena wo van amiu e kiamiu pupia pulkumali naŕa Rom.

<sup>16</sup> Lologena wo nene, nane mrapa taaga ga naŕa nam̄areraena kiena ne Ntewa miyum̄ae ea vena la tamaliaena van yaru, kila sane silaga pe nemawan re visawalen poli. Lologena wo nene pimi m̄aliv ŕesan pun ita le Yu lala, siraulia mlewo palilue pun la naŕa pe ape Yu re poli, ana yar ai naŕa lelaga, yoko lual malena ea.

<sup>17</sup> Lologena wo nene naga pe kieta mrapa na kilaen naŕa teim temesmesu sina e marana Ntewa, vena ve tetol re si nakoena vanon kieta mlamulena viowa lala, ana popon tekilia sane monar tesiar amio naviawaena, a yoko toŕisin amio naviawaena, komin naŕa sane visena marua tai kiena ne navisawalena Apakuk pisa, pisape

“Yaru naŕa visae wasine ga Ntewa, yoko Ntewa kila naga imi mesmes ruru nenaga, nane mrapa nenaga nene vena tolen malena.”

<sup>18</sup> Mrapa sum̄a pi plan ke kiena ŕelaga wo lala pimi m̄alivi e yometava e maran yeririna la rui, ana popon avisu kilalea, ana pe sinelan re kilaena poli.

<sup>19</sup> Naga sum̄a pi plan ke kiena ŕelaga wo lala pimi m̄alivi e yometava e maran yeririna la rui, ana popon avisu kilalea, ana pe sinelan re kilaena poli.

<sup>20</sup> Lelaga sane Ntewa naga pe pe yar re poli, ana yar taŕatete visuia, ana siar e nasiiena yomarava nini pimi tol nagane, yar la asum̄a apisu ke kiena ŕelaga wo lala, ana akilia apisu kilale asape naga pe Ntewa kemua lelaga. Visae avisu ga kiena

nasiiena lala vera na taŕatete si aviun avisave aña naga ai.

<sup>21</sup> Visae peraga, akilia asape Ntewa suña ga, ana pe akilali re naŕa sinelan akila kiela sitomena su vatanon poli, pe akilali re naŕa sinelan visaeen potena van poli vanon kiena nawoena la pan la. La pe asitom re sur ta poli, pano pano-o kiela sitomena lala pulen make ga yemalolo.

<sup>22</sup> Asitom ke asape ape manmarua, ana apa ape wowe make la,

<sup>23</sup> a pe amlotun re si Ntewa naŕa taŕatete si mare pogos tai poli. Yepel mavin ga naga, ana amiyuñaaen ga nono la naŕa aŕar maran yaru pona maran manu pona maran sur mal la ne sane nopi lala pona ya, ana asitom ke asape alotun ga sur la ne sanene narui.

<sup>24</sup> Pogos naŕa akila sanene, Ntewa sinen maren kiela ŕararera la nene, ana mligan la vena asuña akilakila ga napiowaena ya naŕa la sinelania. E pogos nena nene narui tevisu naŕa yar la asuña akila ŕelaga na mawaena lala e tasnela,

<sup>25</sup> a monar ve sanene, komin akovenlua visena lelaga kiena ne Ntewa, amligan visokanena kus lelana, a pe amlotu re si Ntewa naŕa popon ayeluar kiena kia wa silaga, ana apatanon ga sur la naŕa naga sii la.

<sup>26</sup> Apilopu kare suri make sanene, ana Ntewa pe pialuŕar la re si poli, ana tañan la apa akila ŕarila amio kiela nasinenana viowa lala. Sa naŕa sira lala pe apa re si amio yermene poli, ana apa amio ke sina ga sira,

<sup>27</sup> a yermene mēna lala pe asitom re si asape popon atalopa amio sira poli, sa naŕa Ntewa pisa pisape popon akila, ana la asuña sinelan ga yaru, asuña apa amio la ke sina ga e ŕelaga naŕa temawan visayuena. Yurñaena la ne sanene pe mesmes re nena poli, a la naŕa asuña akilakila ke sanene, yoko e kiela malena lala, alual ga nakoena la naŕa torokin yar naŕa kila sanene monar kusia.

<sup>28</sup> Yar sur la ne sanene, pe asitom re Ntewa poli e kiela malena lala, pe sinelan re mēna kiliaena poli, ana Ntewa pe pialuŕar la re poli, ana mligan la vena kiela sitomen viowa lala were la ava nena e ŕelaga viowa lala.

<sup>29</sup> Akila mña sanene pano-o opisu kiela malena pimi pulen ŕelaga na kilaroen navisaluaena, amio napiowaena lala, navinayaena, amio sitomen viowa lala na kila kareen yar taŕena. Amloi, añemoriar yar lala, apeveyun la, apisokani, sinela kar yar taŕena lala, asuña apisasayu la,

<sup>30</sup> apisatañela, a e lepas kiena ne Ntewa, la pe sinelan re nena ga. A amio ŕelaga viowa la nene, ape ŕararera paŕisi, aŕarwar la, apis vilave, amaplar na kilaen sur viu viowa lala naŕa nanua sumo na peraga, a pogos naŕa kiela yermarua la apis pan la, pe sinelan re nena loge laen poli.

<sup>31</sup> Yar la nene tekilia tevisave la pe ape manmarua re poli, pe apuarar ruru re kiela navisaarena poli, pe ape lemm re poli, pe kiela nasineyena re nena poli.

<sup>32</sup> Akilia ruru visena kiena ne Ntewa, akilia mña naŕa Ntewa pisaar marena pa yeririna la ne sanene rui, ana pe asitom re nena ga. Asuña akila luen ga sanene, a metavana, akekarana manena paŕisi naŕa visae avisu kiela erau taŕena la asuña akila ke viowa sanene amio la.

## 2

### *Ntewa naga taaga liŕere yaru lala*

<sup>1</sup> Sanene, visae ko na yere Yu tai naŕa osuña opisu ke napiowaena kiena yaru taŕena la nene, yoko ositom ve sanape? Pona ositom osape ko na opo, la apiowa ga, ana peraga, napiowaena naŕa teke e ko maran taaga, ana taŕatete si ovisa sur tai. Ko ope yar na liŕereen yar taŕena lala, ana osuña omliŕere ko ke ga ne, komin osuña okila ke sur torokin ke naŕa omliŕere la vanonia.

<sup>2</sup> Ana sane tekilia mña, yoko Ntewa la nakoena va la make naŕa akila piowa sanene maran ve taaga.

<sup>3</sup> Pona ko tai naŕa ositom ke osape ko na opo yo, komin naŕa opis ke pa yar na kilaroen navisaluaena, ana ko mēna ga osuña okilarovia, ana pe pon re ositom ovisave yoko nakoena naŕa Ntewa lavia taŕatete tol ko.

<sup>4</sup> Pona ositom ke osape Ntewa pe lemm paŕisi yo, naga sinen miye yaru, pona kiena sitomena piavi, nane ositom ke osape taŕatete kila sur tai van ko yo? Ee, Ntewa po paŕisi sane osuña opisa ke ne, ana kiena lemamiēna pe tañan ko re naŕa osuña okilaroro navisaluaena poli, ana vena were koena ovilon ko vetan mlamulena viowa naŕa osike ea.

<sup>5</sup> Ana ko na pe otarñan re nena naŕa ovilon ko poli, okila luen ga ŕar marera pa mña, ana sanene osuña okila naŕa omiunpolo ke kionña nakoena lala vano tol pogos naŕa yoko sinemimiēna kiena ne Ntewa liŕere nena yar lala.

<sup>6</sup> E pogos nene narui yoko naga vion plan van yar lala toroki taveve sa naŕa la asuña akila ke ne.



<sup>7</sup> Sane yeririna la Ƨasa, apa rurula ga, asuƧia akilakila ke ga Ƨelaga wo la silaga vena kiela kia la wo e marana Ntewa, akilia kila naƧa atol naurarena nae peni. Ya naƧa Ntewa la van la, naga malena naƧa ve uro re.

<sup>8</sup> Ana la Ƨasa, ape yar na veveyuena, pe amlelaga re e visena lelaga po, asike ga vatanon Ƨareraena viowa. Ya naƧa yoko Ntewa la van la, naga naliƧereena naƧa molue e pupia kiena nasinemimiena ga.

<sup>9</sup> Yoko pogos Ƨarera amio naloge viowaena imi tol make yeririna la naƧa akila ke piowa, siar e la naƧa Ntewa pisir plan la Ƨesania, nane le Yu lala, va tol yar taƧena la naƧa pe ape le Yu re poli.

<sup>10</sup> A la naƧa kiela malena po, yoko atol navisa ruruena kiena ne Ntewa, yoko kiela kia su ruru amio naga, kiena suƧiare sike amio la. A naga Ƨiena nene siar e le Yu lala, va tol yar la naƧa pe ape Yu re poli,

<sup>11</sup> komin Ntewa naga pe pisuveve re sane yar tai pe taƧena poli, ana naga kila po maran taaga pan la.

<sup>12</sup> Le Yu la asike vatanon navisaluaena rui naƧa Ntewa mla pan la, ana visae akilaro navisaluaena nene, yoko Ntewa la nakoena van la. A yar la naƧa pe ape Yu re poli, pe atol re navisaluaena nene poli, pona pe akilia re ya naƧa navisaluaena nene pisa poli yo, ana visae akila viowa, yoko la akovio. Sanene, mlamulena viowa sike e ita punu ga maran taaga, ana yoko Ntewa monar liƧere make ita ga.

<sup>13</sup> Yar la naƧa amesmesu e marana Ntewa, pe la re naƧa akilia ga ya naƧa navisaluaena pisa poli, ana la naƧa Ntewa kekaran sape were la, naga la naƧa kiela malena taveve ruru ke ya naƧa navisaluaena pisa narui.

<sup>14</sup> Yar laƧasa pe ape le Yu re la poli, aminue navisaluaena kiena ne Ntewa, ana pe sur koren ga, kiela malena po pano-o, kiela Ƨelaga sa ga naƧa navisaluaena kiena ne Ntewa sike amio la rui.

<sup>15</sup> La sa ga naƧa ya naƧa navisaluaena suƧia pisa ke ne, sike e losinela rui. Sanene, pogos naƧa amloge visena kar lala apisa pan la asape ova e nene pona ova e nene, ana kiela sitomena wo suƧia pisawal ruru ke pan la e ya naƧa po a ya naƧa piowa.

<sup>16</sup> Sa naƧa lologena wo naƧa nesuƧia nemlologonia pisa, pupia legiena naƧani suƧia pimi ke ne, a e pogos nene, yoko Ntewa la va Yesu Kristo vena visuveve ruru sitomena kiena yar lala, vano-o tol sur naƧa amlawan ruru teke e losinela, a liƧere sur la naƧa akila, vano tol nena naƧa asitom asape pe yar kilia re poli.

### *Le Yu lala amio navisaluaena kiena ne Ntewa*

<sup>17</sup> Nepisu sane popon nevis si va laa sane wa e lepas na sur la naƧa ita le Yu lala tesuƧia tepisa. TesuƧia tepisayu ke sanape naƧa ita ke narui ita na tateveve ke navisaluaena kiena ne Ntewa, tesitom ke tesape ita ke narui naƧa Ntewa sinenan ita pa laa sane wa, ana kila narui kieta sitomena la pa manene laa metava.

<sup>18</sup> Tepisa ke tesape tesukul ruru po e navisaluaena kiena ne Ntewa, kila narui tesitom tesape ita ga tekilia ruru Ntewa amio kiena nasinenanena, ita ga tekilia ruru sur la naƧa lelaga pona naƧa mesmesu napo.

<sup>19</sup> Ita tesuƧia tepisa ke tesape ita le Yu ga lala topon naƧa tesumon la naƧa pe ape Yu re poli, komin naƧa tepisape la ape kilamara Ƨala naƧa pe akilia re mrapa poli. ToƧape ita ga tepe yomerarava kien la naƧa asike e yemalolo,

<sup>20</sup> ita ga topon naƧa takawe ruru yaru naƧa kila pal mrapa, ita ga tetorokin naƧa tevlan ruru la naƧa asa ga sisi lala, pe akilia re sur poli.

Ana sineun nesape nevis re e lepas nene, sane pogaga naƧa tepisu kilale sane navisaluaena kiena ne Ntewa pulen make kiliaena wo lala a visena wo make la rui, ana piowagan ga naƧa tesuƧia tesape naga pe kieta ga.

<sup>21</sup> A sur si tai naƧa piowa manenea metavan nene, toƧareran vianen yar taƧena lala, ana nepisu sane pe tepian ruru ita re si poli. Visae olologon naƧa ovisave yar ve vinau re sina, ana popon naƧa ko na osuƧia ovinau Ƨaga?

<sup>22</sup> Ko naƧa opian ke yaru osape monar ve akila re kolau, komin ya ne ko Ƨiena okila? A ko naƧa opisa ke osape nono la naƧa la amiyuƧaenia, apiowa ga, opisa tanea, ana ko Ƨena ga, pona osuƧia opinaun ke sur la ne pe kol naƧa amligan sike e kiela lele wa lala, a?

<sup>23</sup> E lele nene monar tevisave piowa paƧisi wa, komin ita la naƧa toƧarwar ita vanon naƧa toƧar Navisaluaena kiena ne Ntewa, ana tesuƧia tekila kare ke sina kia wa kiena kieta Ntewa ne, komin naƧa tesuƧia tekilaroro ke kiena navisaluaena la nene.

<sup>24</sup> Visena Wa pisayu ke kieta Ƨelaga nene rui, pisa sanini sape  
 “Amiu yeririna lala kiena ne Ntewa, kiamiu navisokanena kila sane yar taƧena lala asuƧia apisa kare ke kieta kia.”

### *Yaru naƧa pe yere Yu kemua lelaga*

<sup>25</sup> Ko osape ope Ƨaviu rui, ana ope Yu kemua lelaga, nanene na po paƧisi.

Ana sur nene miila ko visae ologear ga navisaluaena kiena ne Ntewa. Ana visae okilarovia, ko ope Yu korena ga, ko opiowa pa Ntewa sa ga la naḡa pe ape ḡaviu re poli.

<sup>26</sup> Ana pona yaru tai pe sa re le Yu la naḡa ape ḡaviu poli yo, naga pe pe ḡaviu re poli, ana visae yar nene logear ruru Navisaluaena lala, e navisuena kiena ne Ntewa naga imi torokin ga yere Yu narui.

<sup>27</sup> Yere Yu naga pe ḡaviu rui a mla ke navisaluaena, ana visae pe mlogear re poli, monar visuar ruruia, visae peraga, yoko Ntewa kovenlua naga, a were taḡena naḡa pe pe ḡaviu re poli ana mlogear kiena navisaluaena.

<sup>28</sup> Nanene komin e navisuena kiena ne Ntewa, naga naḡa pe yere Yu kemua lelaga, pe naga re ga naḡa pe Yu e kulus poli. Ana ḡaviu naḡa Ntewa pisu sane lelaga napo, pe naḡa re ga e tas nen yar vanua poli.

<sup>29</sup> Yar naḡa pe yeririna kiena ne Ntewa lelaga, pe naga re ga naḡa ḡuarar nasiriena wa e limana poli, ana naga yaru naḡa Ninuna Wa miyuḡae ke e losinena, naḡa kiena malena pilonia pimi po. Yar na sanene, pona yeririna la asitom ke asape naga pe pe yar re tai nene poli yo, ana Ntewa kekaran naga paḡisi.

### 3

#### *Sur wo naḡa sike e le Yu lala*

<sup>1</sup> Nepis ke sanene, pona naviunena tai mḡalivi yo, viun sanini, visave “Visae yere Yu maran ve taaga ga amio yar taḡena lala, sa naḡa osuḡa opisa ke ne, komin ya ne kia naḡa Yu naga po, a tesitom ke tesape ita na tepe sur tai? Naḡa tekila ḡaviu e ita, vena teim teve le Yu kemua lelaga, ana pona pe sur koren ga yo?”

<sup>2</sup> Naviunena nene mesmes ga, ana nevisatarḡe nesape, Peraga, toḡar kia na Yu, naga pe pupia sur wa tai naḡa po manene laa pan ita. Lus kiena yeririna ai sina naḡa Ntewa mligan kiena visena wa sike e limala? Pe yar taḡena kar re la poli, ana ita le Yu ga lala.

<sup>3</sup> Pe lelaga naḡa kieta yeririna la ḡasa pe amlogear re visena kiena ne Ntewa nene poli, ana naviunena sike na sape: Sanape, pona yoko Ntewa ve visa ruru ita re sina sa naḡa naga pisaaria sape yoko kila? Ana pe sa re nene poli. Pe sur koren ga naḡa laḡas pe apuarar ruru re visena kiena ne Ntewa poli, ana pe Ntewa purmatan li re kiena navisaaren e ita pogos tai poli wa.

<sup>4</sup> Pona ita yeririna lala ita tepisokan lue ga, ana Ntewa naga pe lelaga lue ga, sa naḡa Parin Suḡe Tepet pisa e kiena Tus na Yauena lala, naḡa pisa sape

*“Yoko avisu naḡa ko ope lelaga kemua e kiomḡa visena lala vena liḡerelaena, a yoko sinelan liḡere koena sina ga, ana ko na omesmesu ga na osike ne.”  
Yauena 51:4*

<sup>5</sup> Kieta napiowaena lala apiyowa ga, ana sur tai naḡa po towe laa ga, napiowaena la nene akila merarava e maran yeririna lala asape navisaluaena kiena ne Ntewa la naḡa apisalupaḡar ke napiowaena la nene, apo na apo. Nepisa sanene, pona visae yoko yar laḡas naḡa ḡarila pe wowe asuḡalau avisave “Visae kieta napiowaena la akila sur wo nene, komin ya ne Ntewa sinena kar ita sape la si nakoena van itania?” Ana peraga, nanene sitomena kiena yaru ga,

<sup>6</sup> pe sa re nene poli! Visae Ntewa ve liḡere ita re le Yu lala, ana pe pon re naga liḡere li taḡena la naḡa pe ape Yu re poli, ana peraga, naga mesmesu nena ga, a naga taaga torokin liḡereena.

<sup>7</sup> Naviunena si tai ve sa nene kilia vim, naḡa pisa sanini, sape “Nanua sumo nesape nemlelaga e Ntewa, ana siraunia pe nemlogear re poli, ana sa naḡa nesuḡa nepisokan ga. Ana kiau visokanena nene suḡa pisawal ke sape visena kiena ne Ntewa ga pe lelaga paḡisi, a sanene na suḡa kila kiena kia pa metava. Ana visae ve sanene, komin ya ne naga sinena sape liḡere in ke na wa, sape in na nepiowa ga?”

<sup>8</sup> A ḡisi na yar la ḡasa avilon visena la ne sanene va ve taḡena laa na wa, avisave “Visae ḡelaga viowa visawal visave visena kiena ne Ntewa pe lelaga, popon tesuḡa tekilakila mḡa mlamulena viowa la ve moki silaga, vena kilae visena kiena ne Ntewa ve lelaga laa sane.” Laḡas apisape nesuḡa nemlologon ke sanene, ana naga nene na visokanena ga, a la naḡa asuḡa apisa, yoko aku naliḡereena torokin kiela visen viowa la nene.

<sup>9</sup> Nesape nowasuḡe in sina e sur naḡa tepisayu ke ḡa rui, tesape yar na ḡar kia na Yu, yoko ve sanapenia? Pona yar laḡasa, naviunena sike e la yo sape yoko wo vaḡisi vania taulu yar naḡa pe ḡar re kia nene poli, pona peraga? Pogaga, kiau navisatarḡeena nesape ve sa re nene poli. Sa naḡa nepisa ḡa rui, le Yu amio le Kris lala, la make ga asike vatanon mḡareraena na mlamulen viowa maran taaga.

<sup>10</sup> A sane visena na Tus Wa pisape “Pe yar re nena tai naḡa kiena malena po poli.

<sup>11</sup> Peraga, pe yar re nena tai naḡa pisu kilale mrapa poli,  
pe yar re nena tai naḡa suḡa kilali ke sape lual Ntewa e kiena malena poli.

<sup>12</sup> Yeririna make ga apilipal ga mrapa naḡa mesmesu, apa apiowa manene laa.

*Pe tai re nena naŕa miyũmae po poli.*  
Yauena 14:1-3

<sup>13</sup> *Kiela visena piowa ga, sa ga yar mare naŕa kona rui,*

*purmenela suũa miyũmaen ke ga visokanena,*

*navisa kareena la naŕa suũa mĩalivi ke e kulugola lala, sa naŕa lomĩara viowa karmĩar yaru.* Yauena 5:9

<sup>14</sup> *Lelaga ŕa, gola lala pulen ga viaiena amio visen melkalka lala.* Yauena 10:7

<sup>15</sup> *Lala lala suũa ŕar la akirkirir kar ga la ne vena kilaen kuruta lau,*

<sup>16</sup> *kiela yalorena lala apa akila kare make suria, akila yaru la amloga piowa.*

<sup>17</sup> *Pe asitom re asape mrapa na suũare tai sike poli,* Ais 59:7,8

<sup>18</sup> *pe apisu kilale re nena asape Ntewa suũa pisu la ke poli.”* Yauena 36:1

<sup>19</sup> Ee, visen la nene amolue kome Navisaluaena kiena ne Ntewa, a tekilia tevisave ya naŕa Navisaluaena kiena ne Ntewa pisa ke ne, kiar ita ga le Yu lala. Ita tesike vatanon Navisaluaena nene, a yar naŕa pisu kilale ya naŕa navisaluaena nene pisa, naga pe kiena visena na visae re si po, naga kilia sape yomarava wetelu kilarovia, yar make ga akus nakoena vanonia.

<sup>20</sup> Pe yar re tai naŕa logear Navisaluaena kiena ne Ntewa torokin vena naga kilia mesmesu e marana, ana Navisaluaena nene kila sane yar make ga akilia ruruia asape mlamulena viowa sike e la.

<sup>21</sup> Ve sa nene, mrapa na logearen visaluaena, yar la taŕatete atayu nena aimi amesmesu e marana Ntewa, a nane kila sane Ntewa pisu popon kila ruru mrapa viu taŕena tai naŕa tekilia tetavevea.

Mrapa viu nena naga po paŕisi, komin pe kana navisaluaen re la naŕa yar monar logear la poli. Mrapa nena, nasiriena marua wa lala amio visena kiena ne navisaluaena lala, apisawal mĩa ve torokak nanua sumo rui, ana nagane Ntewa kilologia pan ita rui.

<sup>22</sup> A mrapa nena naga sanini: pe mrapa nalelagaena. Sanene, yar ai naŕa viawa e Yesu Kristo, yoko Ntewa kila naga imi wo e marana. Mrapa nena pe kiena yar re ga laŕas poli, ana pe kien yaru make ga,

<sup>23</sup> komin yar make ga amlamla piowa, pe ta re poli naŕa kiena malena mesmesu va torokin naŕa tol malena wo naŕa Ntewa sinenania.

<sup>24</sup> Ana pogaga, komin Yesu Kristo pul lua ita rui, kila naŕa Ntewa kila ita tepim tesmesu e marana, sane kiena nalaena tai pan ita, naŕa mlavia pimi ga kome kiena lemamienea.

<sup>25</sup> Naga pul plan ita komin naŕa Ntewa pisirlua naga sane kuŕaŕaena tai naŕa kana kuruta mlau kee plan kieta mlamulena viowa ita la naŕa temlelaga ea.

Ana sanapen yeririna la naŕa siar e kas la nakonua rui pimi, pogos naŕa Yesu pe pimi re poli wa? Pe tepisu re naŕa Ntewa mla nakoena pan la vanon amlamla piowa poli, pona sitomena tai sape pona Ntewa mla ga nakoena pan mlamulena viowa kien yar laŕas yo, ana yar laŕasa pe mla re nakoena pan kiela mlamulena viowa la poli. Ana peraga, naga pe sa re nene poli. Nakonua manenea, Ntewa kila ke ga kiena sitomena piavi, suũa piro ke ga kiena sinekar, a kila mĩa sanene pano-o tol pogos naŕa Yesu maren mĩena mlamulena viowa kien la na sumo.

<sup>26</sup> Sanene Ntewa pisawal meraravan pan ita nagane narui sape naga miyũmae po silaga, kila sane yar ai naŕa viawa ga e Yesu, yoko ekik ruru nena e marana.

<sup>27</sup> Visae sanene, yoko tekilia towarwar ita komin si ya ne? Pe sur re si ta poli, komin ya ne kila ita si tepim topo temio Ntewa? Pe ŕelaga wo re na tai nalogear kiena navisaluaena poli naŕa tesitom ke tesape tekila yo, ana peraga, kana purŕesa, kieta lelagaena ga e Yesu.

<sup>28</sup> Kiamimi lologena pisa sanene narui, sape visae yar imi mesmesu e marana Ntewa, naga wasine ga kiena naviawaena e Yesu. Taŕatete wasine kiena yuũaena wo la naŕa naga mlogear ruru navisaluaena make ga kiena le Yu silaga, komin naŕa taŕatete yaru tai kila ve sanene.

<sup>29</sup> Sanene, tepisu sa naŕa Ntewa pe pe Ntewa kiena ne re ga ita le Yu la poli, ana pe Ntewa kiena ne mĩena li taŕena lala.

<sup>30</sup> Ee, Ntewa naga taaga ga, ana pe kien yar make ga, ana visae yere Yu, naga kilia imi mesmesu e marana Ntewa visae viawa ga e naga, pona visae yar naŕa pe pe Yu re poli, naga mĩena ga kilia imi mesmesu e marana Ntewa visae viawa ga ea.

<sup>31</sup> Ana visena la nene pe pisa re sape ŕelaga na lelagaena kiena Yesu kovenlua navisaluaena kiena ne Ntewa naŕa sike ne poli, sape pe kiena yuũaena na kilaen re si poli. Pe sa re nene poli, ana kana kinasa sane pogos naŕa tesuũa temlelaga ke e Yesu, tesuũa tepatanon ruru ke e sur la naŕa navisaluaena pisa, tekila ke naŕa ape lelaga.

## 4

*Epraam tepo yomĩaru na vianen mrapa na viawaena van ita*

<sup>1</sup> Tesuũa tepisayu ke sane ŕelaga na lelagaen e Kristo naga pe mrapa na tolen

natamaliaena, ana sanapen kata apua la nanua sumo, sane pupia apua na kieta lus naña yermarua Epraam?

<sup>2</sup> Naga kila yuñäena la moki naña Ntewa kekarania, ana yuñäena la nene tařatete kila naga mesmesu e marana Ntewa. Visae naga imi mesmes komin kiena yuñäena lala, pona naga kilia warwar si e yo, ana pe sa re nene poli. Pe yar re tai naña kilia warwar e marana Ntewa vanon yuñäena la naña naga kila,

<sup>3</sup> ana naviawaena ga kilia kila yaru mesmesu amio Ntewa, sa naña suniena kiena Epraam pisayu e Tusi na Siiena, naña sape

*“Epraam naga piawa řarera pařisi e navisaarena kiena ne Ntewa,*

*ana Ntewa kekarania, mla viawaena nene kiena Epraam, kila narui pimi mesmesu e marana.”* Nas 15:6

<sup>4</sup> Ositomlia, sane yar naña miyuñäen kilavaru, pogos naña kupario řisi monar waria ve kiena. Ana ve tevisa re tevisave kilavaru nene naga pe nalaena tai naña kiena yerkaawa mla pania molue kome kiena sitomena, ana kilavaru nene, yar na yuñäena nene, řiyon pařisi naña, ana popon kemua naga waria ve kiena.

<sup>5</sup> Ana lepas naña yaru imi mesmesu e marana Ntewa, naga pe pe sur re tai naña teyuñäe vanon poli, naña tekilia towaria sane sur tai naña ita ga tetauluia ve kieta. Ita, kieta yuñäena la piyowa ga, ana monar towasine ga Ntewa, naña naga ga kilia war plan napiowaena e kieta malena. Visae towasine ga naga, ana yoko kila ita temesmesu e marana.

<sup>6</sup> Yermarua Parin Suře Tepet kilia sur nene nanua rui, ana kiena yauena tai pisayu sanapen naña yoko wo vařisi van yar naña pe řasine re ke sina ga kiena yuñäena poli, ana řasine ga Ntewa sape yoko naga kekara naña kila naga mesmesu e marana. Yauena nena pisa sanini, sape

<sup>7</sup> *“Yar naña Ntewa piowo kiena napiowaena lala,*

*naña yumu plan kiena mlamulen wiowa, na nene navisa ruruena tai naña yoko wo van vařisi.*

<sup>8</sup> *Yar naña Ntewa pisu naga sane pe nam-name tai to re si e poli, naña monar war nakoanania,*

*naga yoko kilia loge wo na loge wo.”* Yauena 32:1,2

<sup>9</sup> Ana la naña akilia aloge wo sa naña yauena nene pisape, a la nene? Navisa ruruena nene, yoko tařatete imi ga va řaviu lala, sa naña ita le Yu ga lala, ana yoko imi řäena va la naña pe ape řaviu re poli, na nene naga merarava ruru po

pařisi, komin sa naña tepisape, Epraam pimi mesmesu e marana Ntewa, pe komin re naña naga pe řaviu poli, ana pimi mesmesu e marana Ntewa komin ga naña mlelaga řarera ea.

<sup>10</sup> Ana tekilia sur nene sanape? A Ntewa sape Epraam mesmesu e marana na pogwai? Naga pisa e pogos naña Epraam pe řaviu pa rui, pona pisa e pogos naña pe pe řaviu re poli wa? Visae teva si e kiena suniena, yoko tevisu naña Ntewa pisape Epraam mesmesu e marana pogos naña naga pe pe řaviu re poli wa.

<sup>11</sup> Sanene, viawaena kiena Epraam e Ntewa, naga ga nene kila naga mesmesu e marana. E poglis nene naga pe řaviu re poli wa, ana siraunia, Ntewa mla řaviu pania sane kile tai naña pisawal sape viawaena ga e Ntewa nane mrapa naña yar imi mesmesu amio naga.

Epraam naga pe yar řesa naña sanene, ana yar moki apim sirau naña pe ape řaviu re poli, ana amlelaga e Ntewa ana Ntewa pisu sane amesmesu e marana. La pe amolue re e lus kiena Epraam naapo poli, ana nagane apisu naga sane pe kala apua marua řäena tai,

<sup>12</sup> maran taaga sa ke naña naga pe apua kan la naña ape řaviu.

Ana nanua sumo, ita le Yu lala tesitom tesape yar naña pe řaviu sane yermarua Epraam, lelaga kemua naña naga ke narui naga molue kome kiena lusa. Ana nagane, sitomena tai řalivi naña pisape yaru naña kilia visa visave Epraam naga pe kana apua marua kemua lelaga, nanene pe yaru naña mlelaga e Ntewa sa ke naña Epraam mlelaga ea, pogos naña pe pe řaviu re poli wa.

*Naviawaena kiena yaru kila navisaarena kiena ne Ntewa imi ve lelaga*

<sup>13</sup> Nakonua konua rui Ntewa pisaar pa Epraam sape yoko kiena navisa ruruena lala amolue akome Epraam amio kiena lusia avava vanua va va yeririna make ga na yomarava. Ana komin ya ne Ntewa kekaran sape kila kiena navisaarena nene va Epraam? Pe vanon re ga naña Epraam mlogear ruru kiena navisaluaena poli, komin pogos naña Ntewa kila navisaarena nene, pe navisaluaena re poli wa, pogos kiena ne Ntewa na laen navisaluaena va Mosis sike koperina wa. Sanene, tekilia tevisave naviawaena kiena Epraam ga kila naga mesmesu e marana Ntewa, nane Ntewa kekaran naña la navisaarena wo nene vania.

<sup>14</sup> Visae navisaarena nene pe kiena yar ga la naña asřial amlogear ke navisaluaena, yoko kila sane yar naña mlelaga,

mlelaga korena ga ne, a kila sane navisaarena kiena ne Ntewa pe suñal re si poli.

<sup>15</sup> Suri taņena ke sina ga nini, naņa kila meraravan pan ita sape navisaarena wo kiena ne Ntewa lala taņatete aņalivi e ųelaga nalogearen navisaluaena. Naga nene komin pogos naņa navisaluaena sike na, ana ųelaga na kilaroen navisaluaena monar mālivi, ana siraunia monar kana nakoena nena, komin naņa pe yaru tai tokon re kilaroen navisaluaena pogos tai poli.

<sup>16</sup> Ve sanene, navisaluaena taņatete kilia iila ita vena tekila ruru kieta napiowaena e marana Ntewa, ana Ntewa pe leman manene laa pan ita, ana naga ga kila. Naga pisa naņa toņasine ga naga, tevisu ga naga, ana naga kila tetol kiena navisaarena wo lala. Nanene na pe le Yu re ga la naņa navisaluaena pitomi ųesan pan la poli, ana yeririna taņena mēna la asikola amio la. Yer pe lala, ana visae akus ųelaga na lelagaena e Ntewa maran ve taaga sa ke naņa Epraam mlelaga ea, naga sane la mēna amolue e kiena lusa. A ita make mēna ga e ųegas nen nalelagaena teliv piora e yomarava, tepisu sane naga pe pupia kata apua.

<sup>17</sup> A nanene mesmesun ga naņa Ntewa pisaar pa Epraam nanua rui, naņa pisa pania sape

*“In na nepisirlua ko, ko ope purņes nen lus nen yeririna lala na purvanua moki.”* Nas 17:5

Pogos naņa Ntewa pisaar sanene pa Epraam, Epraam pe sinen kurkur re poli, ana ųuarar ruruia, komin naņa naga kilia sape Ntewa nena naņa naga pisa visena nene pania, naga pe Ntewa naņa kilia kila ya naņa mare imi mali, kilia kila sur naņa pe su re poli wa vim mālivi.

<sup>18</sup> Pe lelaga, Ntewa pisa sur ta pania mārara paņisi naņa naga lelaga ea, komin naņa pisaar pania, sape

*“Kioņa lus lala yoko aim ave moki na ave moki vaņisi e yomarava nini.”* Nas 15:5

Ana pogos naņa Epraam mloge, mlelaga ea sape monar ve sa ga nene narui.

<sup>19</sup> E pogos nene, naga kilia sape naga amio wona Sera, kiela mrae lalua lavis vito tano narui, naņa kiena kasa lavis tol ponotia ve taaga [100], a wona pe ųarli re sisi poli wa, ana kiena naviawaena pe mlor re nenaga.

<sup>20</sup> Naga pe sitom re nena suri ta poli, ana kiena sitomena sike ga e ya naņa Ntewa pisaaria. Kiena naviawaena suņa pimi mārara laa narui, a silaga suņa mieluar

ke Ntewa a pisa lue ga potena keviu pania vanon ya naņa yoko kila.

<sup>21</sup> Naga pe sitomli re pogos ta poli sape Ntewa naga pe torokin re naņa yuņae taveve ruru kiena navisaarena poli,

<sup>22</sup> a kiena ųelaga na viawaena nene narui kila Visena Wa pisayu si naga, sape Epraam ųasine ga Ntewa, ana Ntewa pi-sawal sape naga mesmes ruru e marana.

<sup>23</sup> Ana visena nene pisayu ga Epraam naga taaga,

<sup>24-25</sup> ana popon tela sane visena tai naņa pisayu ita make ga, komin ita mēna ga temlelaga e Ntewa tesape yoko naga kila ita teim tememesu e marana sa naņa naga kila pa Epraam. Temlelaga sane naga ke narui naņa mligan Yesu pitomin vena tol marena vanon kieta mlamulen viowa lala, a temlelaga tesape Ntewa ųere lua ke sina ga Yesu petan marena vena kila merarava ruru van ita sa naņa tekila si mara wo temio naga rui.

## 5

*Tepe mara wo si temio Ntewa rui, tepisu suņare a lemamiēna*

<sup>1</sup> Pogaga, nagane merarava ruru po pan ita sane sur naņa kila ita tepe mara wo sina temio Ntewa, naga kieta naviawaena e ya naņa Yesu kila vena tamalia itaena. A pogos naņa tepisu kilale tesape tepe mara wo temio Ntewa sanene, kila naņa tepisu suņare sike likan ita temio naga,

<sup>2</sup> a kila naņa tesu ruru ga tesike e kiena lemamiēna silaga. Visae ve sanene, kieta sitomena māraran sape siraunia, yoko ita monar teva loyurņa e naurarena kiena ne Ntewa, temio kekarena keviu.

<sup>3</sup> A pe tekekanan re ga malena wo naņa yoko imi sirau poli, a tekekanan mēna pog mārara la naņa tesuņa tepisu ke nagane. Pona temloge piowagan yo, ana teloge won ga komin naņa tekilia tesape naloge viowaena kilia kila sitomena ve piavi vaņisi,

<sup>4</sup> a sitomena piavi kila ųelaga wo va laa e marana Ntewa, a ųelaga wo nene kila nawasineen Ntewa va laa na wa,

<sup>5</sup> a nawasineen Ntewa kila taņatete kieta sitomena lorun sur tai pog tai. Nanene komin naņa Ninuna Wa naņa naga mla pan ita, silaga suņa kokonia ruru ke sinesiena kiena ne Ntewa va loyurņa e ita vano vano-o toulen ruru nenaga.

<sup>6</sup> Tekilia tesape Ntewa sinen si manene ita sanene komin naņa sumo, temloru e ųilipili ta rui naņa taņatete si tekila sur tai vena tamalia ita, ana e nena e kana pogos naņa pisaar pa rui, naga pitetalia Yesu pimin marewo ita yeririna viowa lala.

<sup>7</sup> Ita na, pe tepisu manene li re naŕa yar tai kilia tañian kiena malena vena tamalia yar taŕena poli, pona yam peve taaga yar tai kilia tañian kiena malena vena tamalia yar tai naŕa asitom asape naga po paŕisi, ana sur ne nanene narui Kristo kila pan ita make ga naŕa ita li viowa lala.

<sup>8</sup> Nasinesiena kiena ne Ntewa keviu sa ke nene narui, komin pogos naŕa ita yar na kilaen mlamulena viowa tekila ke ŕarmarera wa, Kristo pitomin mare wo itania.

<sup>9</sup> Kana kuruta mlau kevan ita temekiki rui, ana tepim temesmesu e marana Ntewa, a kila naŕa pe sur re si tai sike e ita poli naŕa yoko naga la nakoena van itania.

<sup>10</sup> Nanua, pogos naŕa tepe nasinekar kiena ne Ntewa ke lala wa, marena kiena narina kila mara wo temio, a nagane, komin naŕa tepe erau wo temio rui, yoko malena kiena narina kila ita ñena ga temal lue temio.

<sup>11</sup> Sanene, tekekaran paŕisi naŕa Ntewa pisirlua kieta Suŕe Yesu Kristo, komin naŕa naga kila kieta mrapa na mara wo temio, tesu si veraga temio naga.

*Atam kila marena pimi, Kristo mla malena*

<sup>12</sup> A sur lua nene marena amio malena, lalua apim e yomarava nini sanape? Yar ŕes na yomarava nini nane Atam, a naga pe purŕes nen mlamulen viowa, a kila naŕa nakoena na mlamulen viowa, sane marena, monar imi ñaliv e yomarava. A yeririna la naŕa asiraunia, la ñena ga atol mlamulen viowa, ana marena tol la make ñena ga.

<sup>13</sup> Sumon pogos kiena Mosis, Ntewa pe mla re navisaluaena poli wa, ana pe sur koren ga naŕa pe navisaluaena re poli wa, ŕelaga na mlamulena viowa sike pa rui. Sanene, Ntewa pe mliŕerela re e pogos nene poli sape akilaro ke kiena navisaluaena, komin naŕa pogos nene, navisaluaena naga pere wa, ana kiela mlamulena viowa la narui kila sane la monar akus nakoena na marena na wa.

<sup>14</sup> Tekilia tesape sanene, komin siar e pogos kiena Atam, pimi tol pogos kiena Mosis, pe navisaluaena re poli, ana yar la asumña amarmare ñaga, komin nakoena na mlamulen viowa sike e yomarava rui. Pona laŕas akila piowa sane Atam kila yo, pona akila ñena sur taŕena lala, ana e navisuena kiena ne Ntewa, kiela napioawaena make la nene ape mlamulena piowa torok ga.

Sanene, tepisu ya naŕa yar taaga ga nene naŕa Atam kila, tol make malena kien yeririna na yomarava, sa ke ga naŕa ya ne

Kristo naga taaga kila sirau, naga ñena ga tol make kieta malena ita punu ga naŕa temlelaga.

<sup>15</sup> A yuñnaena wo naŕa Ntewa kila naŕa molue kome kiena lemamiena, naga po paŕisi, kilia taulu yuñnaena viowa naŕa Atam kila naŕa molue kome kiena mlamulen viowa. Mlamulen kiena Atam naga taaga kila yar la monar amare, ana nawoena kiena Yesu Kristo naga taaga kila tepim temesmesu e marana Ntewa. Sur nene sane nalaena wo tai naŕa toŕar korenan ga sa ga ne.

<sup>16</sup> Mlamulen kiena Atam pe kila re nena sur wo tai, ana nalaena nene po pan ita paŕisi. Ntewa mliŕere mlamulen kien yar taaga nene, pisape yoko pupia kiena nakoena va e yar make ga, ana siraunia, Ntewa pisu nalaena naŕa Yesu mla pan ita, naŕa pul plan kieta mlamulen piowa lala, ana sape temesmesu ruru e marana rui.

<sup>17</sup> Lelaga kemua naŕa mlamulen kiena yar taaga ga, naŕa Atam, kila sane marena suñia taulu ita, naŕa kilia war plan make malena kien yar lala. Ana yoko, lemamiena kiena si yar taŕena, naŕa Yesu Kristo, mla nalaena wo nene pan ita nanagane, kila sane temesmesu e marana Ntewa, tetaulu marena rui, ana siraunia yoko tetol malena wo temio naga.

<sup>18</sup> Sanene, kana kinas sane mlamulen viowa nene kiena Atam naga taaga ŕere yeririna make ga apa e nakoena, ana siraunia yuñnaena wo mesmesu taaga ga nene kiena Yesu, kilia kila plan la make ga e nakoena nene, ana mligan la ase malena naŕa ve uro re.

<sup>19</sup> Ana sa ke sina nene, yar taaga pe ŕarmarera, pe miyagogon re Ntewa poli, ana kila yar make ga ape yar na kilaen mlamulena viowa, ana siraunia, yar taŕena mlogear ya naŕa Ntewa pisa pania, ana mare e lak torovia kila narui ita moki naŕa tepim temesmesu e marana Ntewa.

<sup>20</sup> Nanua, Ntewa mla navisaluaena pa Mosis, a navisaluaena nena suñia kilologia ke yeririna lala sape kiela mlamulen viowa la pule paŕisi. Ana pogos naŕa mlamulena viowa la suñia pimi pe moki manene lue ga, Ntewa ñena ga pa laa sane, kila sane kiena lemamiena pimi keviu manene laa.

<sup>21</sup> Nanua sumo, mlamulen viowa ŕar marena pimi, a marena nena suñia kila mlamulen viowa tolue ga metava silaga. Ana siraunia, Ntewa kila kieta mrapa vena teim temesmesu e marana, ana nane kila sane nagane kiena lemamiena taulu make suria, komin naŕa suñia kila ita make ga naŕa temlelaga e kieta Suŕe Yesu Kristo, yoko tetol malena naŕa ve uro re.

## 6

*Popon toþisin mlamulen viowa, temal temio Kristo*

<sup>1</sup> Sa naþa nepisa ga na wa, ita tepe yar na kilaen mlamulen viowa lala, ana Ntewa pe lemam pan ita piwio ita, ana vanon sur nene, popon kieta malena nanagane ve sanape? Pona yaru laþas apisape popon tesuñia tekilakila mlamulen viowa ve moki yo, vena kila sane lemamiena kiena ne Ntewa mñena ga suñia imi manene laa, sa naþa naga suñia pieviewo ke kieta mlamulen viowa la nene?

<sup>2</sup> Ana peraga, taþatete nena ve sanene! Tekilia tevisave e lepas na sinenanen viowa na kilaen mlamulena viowa, ita sa ga yar mare lala, monar toþisin nena ga, ve tekila re sina.

<sup>3</sup> Ositomli pogos naþa akee ita vena teve taaga temio Kristo Yesu. E poglis nene, ya naþa ñalivin ita naga torokin ke ya naþa ñalivin naga nanua rui. Sane nanua sumo naga mare wo kieta mlamulen viowa, ana nagane, pogos naþa akee ita, kieta malena marua na mlamulena viowa mñena lala monar mare.

<sup>4</sup> Sumo, amligan tasnena mñene lele na marena, ana nagane, pogos naþa akee ita, monar teligan kieta þelaga na mlamulena, toþisin ruru nena ga. A nanua mñena sumo, Ntewa kila yuñiaena na iilanena nene, naþa kila Kristo suñialu mal sina, a nanagane, pogos naþa akee ita, tesuñial sina temialoro e malena viu tai.

<sup>5</sup> Sanene, tepe taaga temio Kristo rui komin naga mligan kiena malena mare e yomarava nini, ana ita mñena ga monar teligan kieta malena marua. Ana tekiliar ruru sane yoko teve taaga si temio ke na wa, komin naþa naga þar si kiena malena viu tai, a yoko ita mñena ga towar kieta malena viu.

<sup>6</sup> A monar tesitomñal silaga, sane þelaga na kilaen mlamulen viowa naþa tepaeme temio, naga sa naþa asuar sike e lak torovia amio Kristo. Sanene, kila naþa ve tekila re si mlamulena viowa la naþa tasneta la sinelan kilaena, a mlamulena viowa taþatete kilia ve suþen kieta malena sape tepe kiena yar nayuñiaena ga.

<sup>7</sup> Popon toþisin mlamulen piowa, nagane ñareraena na sinenanen kilaena mlamulena viowa monar þisin ita, komin ita na sane yar mare naþa sitomena viowa na mlamulen viowa taþatete kila sur tai van ita.

<sup>8</sup> Lelaga kemua, nanua sumo, sa naþa temare temio Kristo rui, ana nagane, kieta lelagaena ñarera sape yoko temal lue temio naga narui.

<sup>9</sup> Tekilia tesape Ntewa kila Kristo mal si petan marena, kila sane yoko Kristo mal ña vano-o yoko taþatete si mare pog tai, nañareraena na marena taþatete si kilia tol naga pogos tai.

<sup>10</sup> Kiena marena nanua ne, naga pe marena tai na war plan makeen nakoarena na mlamulen viowa, a kiena malena nagane, naga pe malena tai na visirluaen kia kiena ne Ntewa,

<sup>11</sup> a yoko monar ve sa ga nene van ita. Monar tesitomñalia tevisave ita mñena ga popon toþisin ruru þelaga na mlamulen piowa, a silaga monar tevisirlua kia kiena ne Ntewa e malena viu naþa tesike ea temio Kristo Yesu.

<sup>12</sup> Sanene, kiau visena urmi e lele nene sanini, sane ve atamñan re kiamiu sitomena la nakilaen mlamulena viowa imi ve sa naþa nañareraena ñarera tai naþa suñia ve suþen amiu. Visae peraga, tasnemiua lala, naþa ape na yomarava ga nini, yoko asuñia alogear ga nasinenanena viowa la na þelaga naþa ita yeririna la tepaeme temio.

<sup>13</sup> Ana sanene pe po re poli, komin lepas nen tasneta lala, pe pon re aim sane sur na yuñiaena naþa napiowaena miyuñiae amio vena kilaen kiena þelaga viowa ne lala. Sumo, ita sane yar mare lala, naþa malena na Ninuna pe su re nena e ita, ana nagane Ntewa kila ita si temali, ana monar teyawawo kieta malena viu nene va si vania vena naga lavia vena kilaen kiena yuñiaena. Sanene, yoko lepas nen tasneta lala apim sane sur na yuñiaena naþa Ntewa miyuñiae amio, vena kilaen kiena þelaga mesmesu lala.

<sup>14</sup> Sumo, tesike vatanon navisaluena naþa Ntewa mla pa Mosis, amio kana nakoarena nena lala, ana ita toþion lo-gearen pano-o, ana peraga, pe tetorokin re natolen kana natamaliaena poli. Sanene, Ntewa sinen miye ita a nagane suñia miila ita vena nasinenanena na kilaen mlamulen viowa taþatete nena uarar ita.

*Mlamulen viowa taþatete si uarar ita, ana ita yar na yuñiaena na þelaga wo*

<sup>15</sup> Nepisa ke ga yam tai þisi ne nesape pe tesu re si vatanon navisaluena naþa Ntewa mla pa Mosis poli, ana nemarku nesape pona yar laþasa amla kiau visena nene pa piowa yo. Pona asitom asape, "Ke, Pol pisape ita na pe tesu re vatanon navisaluena poli, a nagane ita tekilia tekila ya naþa piowa naþa sinetania, tekila naga pogaga, ana yoko Ntewa sinen ye ita, viewo ita." Ana peraga, pe nepisa re nena poli þisa.

<sup>16</sup> Monar asitomāl sane pogos naḡa yar tai sike vatanon suḡe tai, monar logear suḡe nena a monar imi sa naḡa yar na yuḡaē kienaena tai. A ve sa ḡena nene e kieta malena. Visae nasinenanena viowa suḡa ve suḡen kioḡa malena, yoko monar okila mlamulena viowa la naḡa naga sine-nan sape okila. Ana visae kioḡa suḡe naga Ntewa, yoko osuḡa okila kiena yuḡaena wo lala. Mrapa lua nene, tai yoko kila ko omio Ntewa amlua aviaḡa lue, ana taḡena yoko kila ko omesmesu omio naga.

<sup>17</sup> Nanua sumo, amiu ḡena yar na yuḡaena vatanon ḡareraena na kiamiu nasinenanena viowa ga lala, ana potena paḡisi pa Ntewa naḡa nepian amiu, ana amligan ruru sike e losinemiu lala, ataveve ruru e kiamiu malena lala.

<sup>18</sup> Sanene, amiu amolue vetan suḡe viowa nene nanua sumo, pe ape kiena yar na yuḡaena re si la poli, ana nagane ape yar na yuḡaena kiena ne Ntewa, naḡa amiu asuḡa akila ke sur mesmes lala sa naḡa naga sinenania.

<sup>19</sup> Nekilia nesape navianena la nene ḡarera li ḡaga komin sitomena kiena yar naga pe sa re sitomena kiena ne Ntewa poli, nane kila nemiila amiu ke ne, nepis kome ḡakaiwa naḡa pisayu ga yeririna lala na yomarava nini, sane suḡe lala amio kiela yaru na yuḡaena lala.

Ana monar avisu kilale ruru kinas nen visena la nene, sane nanua, sitomena na kilaen sur viowa, naga keviu manene laa e amiu, naḡa suḡa ḡareran ke yepemiu lala vena kilaen mlamulena viowa naḡa apiowa na apiowa, ana nagane pe sa re si nene poli. Nagane, sitomena na kilaen ḡelaga wo monar ve keviu e amiu, naḡa kila sane kiamiu malena imi ve wa naḡa ve wa.

<sup>20</sup> Pogos naḡa sane ape yar na yuḡaen ga na mlamulen viowa, ḡareraena na sitomena na kilaen ḡelaga wo taḡatete yuḡaē e amiu,

<sup>21</sup> ana akila ke ga yuḡaena viowa lala. Ana sur la nene, pe amiila re nena kiamiu malena poli, ana amligan amiu nena e mrapa na marena, a nagane, visae asuḡa asitomāl la sina, yoko amawan vaḡisi ya naḡa akila.

<sup>22</sup> Ana nagane, Ntewa ḡerelua amiu petan ḡelaga na sinenanen kilaen mlamulena viowa la nene, amiu apim sane ape yar na kilaen kiena yuḡaena, kila naḡa po manenea e kiamiu malena naḡa apim ape wa ruruia, a nagane asike e mrapa na malena naḡa ve uro re.

<sup>23</sup> Wulena naḡa mlamulena viowa kila yar waria, nane marena naḡa ve uro re, ana kieta Suḡe Yesu Kristo kila naḡa towar malena naḡa ve uro re, naḡa pe topul re

poli, ana pe nalaena tai naḡa Ntewa mla korenan ga pimi pan ita.

## 7

*Ita li nalelagaena lala pe tesu re vatanon Navisaluaena poli*

<sup>1</sup> Erau lala, nekilia naḡa amiu akilia ruru navisaluaena lala na kiamiu purvanua, ana yoko nevisayu sur tai e lepas na visaluaena la nene naḡa kilia iila kieta sitomena e lepas navisaluaena kiena ne Ntewa naḡa tesuḡa tepisayu ke ne.

Sur nene sanini, sape e navisaluaena, pogos naḡa temal ke ga wa, monar telogearia, ana visae temare, pe tesu re si vatanon po laa rui.

<sup>2</sup> Ositomyuli ḡelaga kiena yaru naḡa ḡere sira, lalua atalopa. Visae sira tai, pogos naḡa wona mal ke ga wa, navisaluaena ḡareran sape sira nene monar su ruru lue ga amio wona na yermene nene. Ana visae yar nene kovio, navisaluaena pe pisa re si sur tai e lepas na sira nene poli, sape naga monar suḡa ve wona yar ke nene na wa.

<sup>3</sup> Ve sanene, visae sira nene, wona mal ke ga wa ana naga va vinaun yar taḡena, yoko navisaluaena visave naga taḡa ke kolau. Ana visae wona na yermene mare tania, navisaluaena taḡatete si visa sur tai ea. Naga kilia va talopa si amio yar taḡena woga, naga pe pe kolau re nene poli.

<sup>4</sup> Pogaga, erau lala, sitomena nene naga sa ga nono ga na kilologia itaena temio navisaluaena naḡa Ntewa mla pa Mosis. Nanua sumo, yar la asike vatanon navisaluaena nene, naḡa monar alogearia vena atol natamaliaena, ana nagane, ita li nalelagaena lala temare petan navisaluaena nene. Nagane pe tesu re si vatanon navisaluaena poli, ana tekilia teva tesu vatanon yar taḡena, nane Kristo naḡa mare wo ita. Ntewa kilamalia sina, ana kila sane ita korowas nena lala yoko towar mras wo lala naḡa naga sinenania.

<sup>5</sup> Nanua sumo pogos naḡa tesike vatanon ḡareraena na ḡelaga viowa naḡa tepaeme temio, kieta nasinenanena viowa lala amiyuḡaē e tasnetā, akila tekila manene laa mlamulena viowa lala. Ana pogos naḡa tekilia tesape navisaluaena kiena ne Ntewa suḡa naḡa pialuḡar ke mlamulen viowa la nene, pisape ve okila re nene, ve okila re nene, ana sur nene kila kieta nasinenanena piowa lala pa laa metava narui. Sanene navisaluaena na kilawoen ḡelaga viowa nene suḡa kila ke sane tepim tepiowa manene laa narui, a mligan ita nena ga e mrapa na marena.

<sup>6</sup> Navisaluaena nene ḡuarar ita ḡarera sanene, kila tepim tepe yar na yuḡaē korenan kiena navisaluaena marua la



naŕa asiripolo la asike rui. Ana nagane toŕisin ruru nenaga mrapa nene, tomolue tokom ea ana tepim tepe yar na yuŕŕae korenaena e mrapa viu wo nene kiena ne Ninuna Wa.

<sup>7</sup> Ana kam na asitom ya ne e kiau visena la nene, naŕa nesape navisaluaena kiena Mosis suŕŕa kila ke kieta nasinenanen viowa pa laa metava narui? Pona kam na asitom ke asape sanene na nesuŕŕa nepisa ke nesape navisaluaena kiena ne Ntewa piowa ga?

Ana peraga, kiau navisaena pe naga re nene poli, komin navisaluaena naga kiena yuŕŕaena wo toŕŕa ga. Visae ve navisaluaena re, yoko taŕatete tekilia naŕa nakilaroen navisaluaena naga sanape. Sane navisaluaena pisaar ŕarera sape "Ve ovinaia re sur ken yar taŕena," ana visae navisaluaena ve visa re, yoko taŕatete tekilia tevisave navinayaena naga ya ne, pona navinayaena naga kana ŕelaga sanape.

<sup>8</sup> Ana lelaga, pogos naŕa navisaluaena kilaro navinayaena nene, nagane narui sitomena na kilaroen navisaluaena suŕŕalu ŕial kiena narin pulmas tai, kila navinayaena lala pimi moki loyuŕŕa e ita. Ve sanene, navisaluaena kiena yuŕŕaena toŕŕa ga, komin visae ve navisaluaena re, yoko taŕatete tevisu kilale ŕelaga viowa nakilaen mlamulena naŕa tepaeme temio.

<sup>9</sup> Sane nanua sumo, nemninue navisaluaena, a pe nesitoŕŕal re poli, nesuŕŕa ga sanene. Ana siraunia, nepisu kilia naŕa navisaluaena pisape. Ve ovinaia re sur ken yar taŕena, ana nagane nepisu kilia narui nesape nesuŕŕa nekilaro ke navisaluaena,

<sup>10</sup> a nekilia sane monar nokus nakoena vanonia, nemare.

Sanene ŕelaga na logearen navisaluaena pe pe mrapa na tolen re si malena poli, ana navisaluaena naga pimi sane pe kieta mrapa na marena rui.

<sup>11</sup> Nanua sumo, toŕŕape navisaluaena naga pe mrapa na malena, ana nanene naga kieta nasinenanena viowa na kilaen mlamulena ga naŕa kilali ita, kila tesitom sanene. Ana pe sa re nene poli, komin naŕa tekilaro navisaluaena nene, ana mligan ita e mrapa na marena rui.

<sup>12</sup> Naga ke narui yuŕŕaena naŕa navisaluaena suŕŕa kila, ana pe nepisa re nesape piowa poli, komin navisaluaena naga pe wa na pe wa, a kana visena lala apo a amesmes ruru nenaga.

<sup>13</sup> Ana pona laŕasa aviun naviunena yo, avisave visae lelaga naŕa navisaluaena naga pe sur wo tai, ana sanape naŕa kila ke yar la monar awar nakoena na

marena? Ana peraga, pe nepisa re nesape navisaluaena nene monar kilamŕar ita poli, ana kieta nasinenanena viowa nakilaroen navisaluaena la nene, naga ga kila. Visena na visaluaena la apogaga, ana pogos naŕa nekila mlamulen viowa, in ga nemligan inu e mrapa na marena. Visae ve navisaluaena re nene, taŕatete tekilia tevisave mlamulen viowa naga ya ne, a yoko teninue tevisave ya ne po a ya ne piowa. Ana pogos naŕa navisaluaena suŕŕalu suŕŕa ga, kila meraravan ruru pan ita sape ŕelaga na kilaen mlamulen viowa naŕa sike e ita, piowa na piowa.

*Suri lua apilup loyuŕŕa e sitomena kiena yaru*

<sup>14</sup> Sa naŕa nepisa, navisaluaena kiena Mosis na pe wa paŕŕisi, molue kome Ninuna ne Ntewa pimi, ana in na nepisu sane kiau ŕelaga pe pe wa re nenaga, in na nesuŕŕa nemiyuŕŕae taveve ga kiau nasinenanena viowa lala.

<sup>15</sup> Sur viowa la naŕa nesuŕŕa nekila ke ne, pe nekilia ruru re poli aŕŕa nekila sanape, pona aŕŕa nekila vanon ya, komin sur wo naŕa sineun nesape nekila, ana pe nekila re poli, ana sur viowa naŕa pe sineun re kilaen poli, naga ke nane nekila ke narui.

<sup>16</sup> Nanene narui, nesape navisaluaena kiena ne Ntewa po paŕŕisi, komin naŕa monar navisaluaena suŕŕa ga vena visaluŕaren kiau napiowaena la nene, naŕa sa naŕa nepisa ke nene, yepmavin kilaena, ana nesuŕŕa nekila ŕaga.

<sup>17</sup> Sanene, pe in re naŕa nesitom kilaen napiowaena la nene poli, ana ŕelaga nasinenanen kilaen mlamulen viowa naŕa suŕŕa miyuŕŕae manene laa e kiau malena, naga ke narui naga suŕŕa kila.

<sup>18</sup> A kiau ŕelaga na kilaen mlamulena viowa nene, pe nepisuli re nesape naga kila sur wo tai se kiau malena poli wa. Yam moki kiau nasinenanena pisape nekila sur wo, ana siraunia, pe nekila re poli.

<sup>19</sup> Sa ke naŕa nepisa ke narui, pe nekila re nawoena naŕa sineun kilaen poli, ana napiowaena la naŕa pe sineun re kilaen poli, sur nene naga ke nane nesuŕŕa nekila ke narui.

<sup>20</sup> A visae nesuŕŕa nekila ke napiowaena la naŕa pe sineun re kilaen poli, nanene kana kinasa sane pe nekila re po poli, ana sur taŕena suŕŕa ŕareran ke sape nekila, nane ŕelaga na kilaen mlamulena viowa naŕa sike e kiau malena.

<sup>21</sup> Pelaga na kilaen mlamulen viowa nena, nepisu sane naga navisaluaena ŕarera taŕena sina ga tai naŕa suŕŕa miyuŕŕae ke e inu. Pona pogos tai sineun

nesape neyurñäen suri wo tai yo, ana sitomena viowa sike ga lavisi, kilali naþa were inu neva neviowa sina ga.

<sup>22</sup> Pogos moki, e kiau sitomena in ga taaga, nesurña nesitorñal ke suri la naþa Ntewa pisa, a nepisu kiena visena lala apowo paþisi,

<sup>23</sup> ana nemloge e inu sane visena taþena si tai naga mñena surña pis. Naga nane þelaga na mlamulen viowa, naþa naga surña mñareran inu vena nesu vatanon mñareraena na kiau nasinenanena piowa lala. Naga sane nasinenanena viowa la nene asike e tasneu, asurña akila ke pupia mara amio nawoena la naþa asike e kiau sitomena.

<sup>24</sup> Kei, sitomena wo amio þelaga viowa, lalua asurña apeveyu ke e in sanene, nemloge piowa paþisi, nepisu kieta malena e yomarava na tolena marena nini mñarera paþisi. Ana ane yoko kilia iila ita, ane yoko werelua ita e naloge viowaena nene?

<sup>25</sup> Kieta malena mñarera paþisi naþa, komin e kana lepas ne tai, kieta sitomena sinenan sape logear navisaluaena kiena ne Ntewa, ana e kana lepas ne kompasa, þelaga na kilaen mlamulen viowa surña miyurñae ke e tasneta.

Ana lelaga, potena paþisi pa Ntewa, komin naþa naga pitetalia kieta Suþe Yesu Kristo pitomi, naþa yoko iila ita, werelua ita vetan naloge viowaena nene, tamalia ita.

## 8

### *Malena wo amio Ninuna Wa*

<sup>1</sup> Kristo Yesu pitomin tamalia ita, ana kila sane ita naþa kieta malena su ruru sike amio naga rui, yoko Ntewa taþatete la nakoena van ita pog tai.

<sup>2</sup> Nanene komin nanua sumo, tesike e malena viowa naþa þelaga na mlamulen viowa pa metava, a naþa pisaar marena pan ita, ana sirauria, Yesu Kristo þerelua ita petan malena nene, mligan ita tesike e mrapa viu taþena tai naþa tekilia tetol malena wo naþa Ninuna Wa mlavia.

<sup>3</sup> Yar la asurña aþion ke nalogear ruruen navisaluaena kiena ne Ntewa vena atol natamaliaena ea, ana akila þele ga vanon yaru naga þarin mñarera paþisi. Ana ya naþa akila þele ga, Ntewa ga kila. Naga mligan narina Yesu pitomi e yomarava, kila tasnena a kiena malena maran taaga sa ke ita li na mlamulen viowa lala. Ana Yesu pitomi tañan tasnena a kiena malena nene, sane kuþaþaena tai vena weluaen nakoena na kieta mlamulena viowa lala.

<sup>4</sup> Nakoena na kieta nakilaroen navisaluaena, naga ga þaria, kila ita

temesmesu rui e visuena kiena ne Ntewa, ana nagane pe temial re si e þelaga naþa mlamulena viowa surña þuarar itania, ana tekilia teyaloro ga e þelaga naþa Ninuna Wa surña susumon ita ke ea.

<sup>5</sup> Yar naþa surña mialoro taveve ke þelaga na mlamulena naþa naga paeme amio, kiena sitomena surña pulen nasinenanena viowa na yomarava, ana yar naþa surña mialoro taveve ke Ninuna Wa, kiena sitomena pule mamaga e sur wo la naþa Ntewa sinenanana.

<sup>6</sup> Nasinenanen maneneen þelaga viowa lala e yomarava nini, naga pe mrapa na marena, ana nasinenanena maneneen þelaga wo kiena Ninuna, naga pe mrapa na surmare, pe mrapa na malena.

<sup>7</sup> Yar naþa kiena sitomena sinenan manene þelaga na sinenanena viowa, naga pe nasinekar kiena ne Ntewa nenaga. Pona pe sinenan re vatanonen navisaluaena kiena ne Ntewa la poli yo, pona visae peraga, pona sinenan ma vatanon yo, ana komin naþa naga pa piowa manene la rui pano-o, ana yoko vatanon þele sina, ana naga pe yar na sanene narui.

<sup>8</sup> La naþa amiyaloro ataveve ke þelaga na mlamulen viowa naþa apaeme amio sanene, taþatete akila sur tai naþa yoko Ntewa kilia kekarania.

<sup>9</sup> Ana ko naþa visae Ninuna ne Ntewa teke e ko, ve oyal re si e þelaga na mlamulen viowa naþa opaeme omio, ana monar osurña oyal e mñareraena kiena Ninuna naþa Kristo mla pan ko. Ana visae yaru tai surña ga naþa Ninuna nene ve to re si e naga, yar nena pe pe kiena re Ntewa poli.

<sup>10</sup> Pelaga na mlamulen viowa na yomarava nini kila sane ita make ga tasneta monar mare pogos tai, ana ita naþa Kristo sike e ita, naga kila ita temesmesu e marana rui, ana yoko ninuta mal lue ga.

<sup>11</sup> Ninuna ne Ntewa naþa kila malia si Yesu petan marena, nane ninuna ne nane teke e ita narui, a yoko kila mñena wo ve sanene van ita. Pe sur korena ga naþa tasneta mare, ana Ninuna Ntewa naþa sike e ita yoko kila malia ita sina.

<sup>12</sup> Erau lala, Ntewa kila po paþisi na pan ita sanene, ana kila sa naþa kieta pupia lapui sike e naga narui. Sanene, popon telamaran si sur wo vania, ana pe pon re si teyaloro tetaveve kieta þelaga na sinenanen mlamulena viowa poli.

<sup>13</sup> Pelaga na mlamulena viowa naga pe mrapa na tolen marena, ana yar naþa sinenan yali taveve mrapa na malena, naga monar tañan Ninuna yurñae ea, iila

vena te plan nasinenanena viowa nakilaen mlamulena viowa vetan kiena malena.

<sup>14</sup> A ita naña temlogear pulgona ne Ninuna Ntewa sanene, ita ke la nene narui tepe narina ne Ntewa lelaga.

<sup>15</sup> Nanene komin naña Ninuna ne Ntewa pe kila re tepim sane tepe yar na yuñae korenan re poli kiena ne Ntewa, ana naga kila sane Ntewa kuslua ita tepe kiena, tepim tepe narina lala. Sanene, monar ve temaraun re Ntewa, ana pogos naña tevis vania, tekilia tevio sane arimata, tevisave "Ata."

<sup>16</sup> Mesmesun ga naña tevio ve sa nene komin Ninuna Ntewa suña pian ita ke narui ana ninuta mña kilia sape lelaga, ita tepe narina ne Ntewa.

<sup>17</sup> Ana komin ita tepe narina ne Ntewa sanene, navisa ruruena wo la naña Ntewa mligan ruru sike ne ve kiena ne narina napo naña Yesu Kristo, yoko ave kiena ne ita narina taña mña lala, yoko towaria teviun pae temio. Lelaga naña sane ita mña monar towar naloge viowaena sa ke ga naña naga þaria, ana visae tekekara ga, yoko Ntewa kila wo vaþisi van ita maran taaga ve sa naña kila po pa Kristo.

*Yoko wo vaþisi va yeririna lelaga kiena ne Ntewa*

<sup>18</sup> Nagane e yomarava nini tesuñia tepane ke pog mñarera la nene moki, ana visae kieta sitomena la su ga e naurarena naña yoko imi sirau, nekilia nevisa nevisave e kiau visuena, naloge viowaena la na nagane, ape suri korena ga.

<sup>19</sup> Naloge viowaena la nene suña tol ke sur make ga naña Ntewa siia, a sur punu ga suñiate ke ga wa, sinelan manene la asape popon legiena maro imi, vena Ntewa kipian ga na wa naña sape a la ne ape narina kemua lelaga.

<sup>20</sup> Nanua sumo, pe naloge viowaena re poli, vanon Ntewa si sur punu ga apoga ga, ana siraunia, asuñia apim apililua, apororowaia, apioyowa sanene pano-o, sur make ga pe su re si sa naña naga sinenan poli. Naga tañan sape ve sa nene e yomarava, vena kilaen ve sa naña yoko yeririna lala monar asitom asave monar awasine ga naga.

<sup>21</sup> Sitomena nene yoko monar sike e narina lala, naña monar alelaga avisave yoko sur la taþatete asu mña sanene silaga, monar asitomñal asave pogos tai yoko naga kila sur la punu ga naña naga sii la aim awo sina, atol kiena naurarena, sa ke ga naña ita narina la nene yoko tetolia.

<sup>22</sup> Ana nagane tepisu ke yomarava nini na wa, naña siar nanua sumo pimi, sur

la naña asike ea asuñia amloge piowa sa naña sira tai sape war narina.

<sup>23</sup> A maran taaga sa ke mña ga ita naña tetol Ninuna Wa sane nalaena þesia tai naña Ntewa mla pan ita, naña kila tesitomñal naña þisi na nalaena keviu imi sirau na wa. Ita mña ga, tagena sike e losineta la na wa, a tekilia sa naña yoko teloge viowa mña vano-o tol pogos naña Ntewa wereplan ita vetan yomerava. Sinetan manene sur nene paþisi, komin ita na sane ninis la naña kus plan la ga. Ana e poglis nene, yoko teloge ga wo na wa sane ita tepe narin kemua la lelaga naña teva tesike nena temio e kiena yo napo.

<sup>24</sup> Sur ne nanene naga tamalia ita vanonia, a siar e pogos nene pimi, tesuñia temlelaga ke mñarera e kiena navisaarena naña sape yoko naga kila wo van ita ve sanene. Temlelaga mñarera e naga komin pe tepisu re poli wa, ana pogos naña imi mñalivi, yoko taþatete si tevisave telelaga tevisave ve sa nape, vanon sane ve sanene narui.

<sup>25</sup> Ana pe tepisu re sur nene poli wa, ana monar telelaga mñarera sane yoko ve sa nene, a monar tekila kieta sitomena la ve piayavi vena suñiateen vano-o kilamarata la visu ga na wa.

<sup>26</sup> Pogos naña tesuñiate ke sanene, pogos tai sineta marenia a yepeta malumu, ana silaga Ninuna Wa suña miila ita, pogos tai sinetan tesape telen wo pog mñarera lala, ana temloge piowa manene narui tekilali naña tepis, tomñal þele visena napo navisaena. Ana e pogos nene Ninuna Wa kilia imi, kus leleta narui naga lenin kieta e tagena la naña apisawal ke kieta sitomena la naña visena la pe torokin re avisa poli.

<sup>27</sup> E pogos na sanene, Ntewa kilia make ya naña sike e losineta lala ita kiena li na lelagaena lala, a kilia naña Ninuna suña mlenwo ita ke lala, naña suña pisa ke ga sur la naña mesmesun nasinenanena naña sike e sitomena kiena ne Ntewa rui.

<sup>28</sup> A e pog mñarera naña tepanea, e ya naña yoko imi mñalivin ita, tekilia tesape yoko Ntewa kila sane e kana luasa, yoko woga ga van ita naña sineta si naga. Naga kila sanene komin naña mligan plan ita sumo rui vena kila kiena yuñiaena wo lala e kieta malena.

<sup>29</sup> Naga kilia ruru ita nakonua konua rui pimi, mligan ruru kieta mrapa nakonua rui, ana kila kieta malena þar nono na narina naña Yesu. Sanene, ita tepe puruvi a tepe vineta lala e mratava taaga, naña Yesu naga sane kieta puruvi nasumo.

<sup>30</sup> Nane yuñiaena wo ne nane Ntewa kila pa yeririna la naña mliganar la vena ave

kiena namratava lala. Naga pio la vena aim puna, kila la ape mara wo amio naga, a kila sa naŋa yoko atol kiena naurarena e legiena naŋa yoko imi.

*Sinesiena wo kiena ne Ntewa*

<sup>31</sup> Sur la nene akila merarava sane Ntewa sike amio ita, suña kila ke po pan ita, a visae ve sa nene yoko tevisa si ya ne? Visae Ntewa sitom visae visir plan ita, yoko ane kilia kila si teloru?

<sup>32</sup> Tepisu naŋa Ntewa sinen miye ita manene pano-o tañan sape aweñar narina vanon ita, ana visae kekaran naŋa kila pupia yuñaaena wo van ita sanene, yoko kekaran mēna la sur nowo taŋena la van ita.

<sup>33</sup> A nanene Ntewa suña kila ke pan ita rui. Naga ga mligan lua ita vena teve kiena narui, ana yoko a si naŋa visave ita pe tetorokin re toñalivi e marana poli?

Ntewa ke narui naŋa suña pisa ke sape ita temesmesu temio naga rui,

<sup>34</sup> ana a si naŋa visave monar towar nakoena vanon kieta mlamulena viowa? Pe yar re tai po, okilakan naŋa Navisaarena Yesu kila sur make rui. Naga mare wo ita, siraunia mal si petan marena, siraunia paŋsuŋea pa teke tano e kiena lele wa ma metava amio Ntewa, a nagane pisawal ita ke pa Ntewa vena Ntewa viewo ita.

<sup>35</sup> Kristo sinen si ita manene sanene, sur ya si naŋa yoko kilalua ita si vetan kiena sinesiena nene? Pe sur re tai poli.

Pogos tai, yuñaaena la urmi pan ita, pona yar la akila piowa pan ita. Pogos tai, tetol pog m̄arera, pona pe kata kinanena re poli, pona pe m̄ata kulsota re poli. Pogos tai temaraun kieta malena, pona takan playu na mara, ana peraga, silaga Kristo sinen sii ita, a kieta malena su ruru sike e limana.

<sup>36</sup> Nanene sa naŋa Parin Suŋe Tepet pisa nakonua rui, e pogos naŋa naga mēna kus ke pog m̄arera, naŋa sape:

*“Kioma kia sike e imimi,*

*ana sinelan asape awe moñar imimi lue ga, apisu imimi sane sipsip la naŋa asvilevile-san vena asiro kolmekila.” Yauena 44:22*

<sup>37</sup> Ana sur kar la ne sanene, akilia aimi añalivi pun ita, ana pe suri korena ga, e sur punu ga na sanene, sinesiena kiena Kristo sike e ita, ana tesulue ga metava, tetaulu silaga.

<sup>38</sup> Nekilia nevisaar nena van amiu, nevisave pe sur re si tai poli naŋa kilia kila Ntewa pe sinen sii ita re si poli. Visae temali pona temare, visae navisi la asike amio ita pona yermare la apimin ita ke yo, visae tevene sur la naŋa asuñia añaliv ke

nagane yo pona tevene sur la naŋa yoko añalivi e legiena na pimi ke ga wa,

<sup>39</sup> a visae nañareraena wo lala na yo na metava asike amio ita, pona nañareraena viowa na yo tano asuwo ita, ana pe sur re nena tai naŋa Ntewa sia kilia lalua kiena sinesiena vetan ita. Kristo Yesu kieta Suŋe mligan sinesiena kiena ne Ntewa sike e kieta malena la rui, ana sulue na sike ne.

## 9

*Pol mloge piowagan naŋa le Yu la pe sinelan re alelaga sane Yesu naga pe kiela Navisaarena poli*

<sup>1</sup> Erau lala, nagane sineun nesape nevisayu e lepas nene naŋa ita le Yu lala, tesape ita na yeririna kiena ne Ntewa lala, ana ita mokliu naŋa pe sinelan re Yesu poli. Ana yoko ve sanapen la nene? Pogaga, taŋatete nevisokan, monar nevisawal van amiu e sitomena wo laŋasia naŋa Ninuna Wa kian pan inu e lepas nene rui,

<sup>2</sup> ana lelaga, visena la nene, akila sane kiau sineyeena a kiau naloge viowaena keviu paŋisi, pe pito re nena tano poli.

<sup>3</sup> Nanene komin nagane, kiau malena sikol amio Yesu rui, ana nepisu sane namratava taŋena na Yu la naŋa ita kuruta taaga, kiela malena pe sikol ruru re amio naga poli wa. Visae nekilia nourelua in sina vena la akilia aimi akus leleu, yoko neke kara ga, ana taŋatete ve sanene.

<sup>4</sup> Asitomyuli sur wo la naŋa Ntewa kila pan ita le Yu la rui, naŋa la na sanini:

ita ke narui naŋa Ntewa mliganar kata apua lus nae Israel lala sape ape kiena yeririna lala,

ita ke narui naŋa Ntewa pisawal sape kuslua ita sane tepe narina lala,

ita ke narui naŋa Ntewa mligan kapi vivaga na kiena urarena sumon kieta yeririna lala e yomema nanua sumo,

ita ke narui naŋa Ntewa suña kila ke naviranarena lala amio kieta yermarua lala,

ita ke narui naŋa Ntewa mligan kiena navisaluaena sike e ita,

ita ke narui naŋa pupia yuñaaena wa na lotunen Ntewa sike pun ita,

ita ke narui naŋa Ntewa pisaar navisa ruruena moki pan ita,

<sup>5</sup> ita ke narui naŋa tepio yermarua wa nasumo lala, sane Epraam, Aisak, amio Sekop, ape kata apua lala,

ana metavan sur make la nene, ita ke narui naŋa Yesu molue kome kieta lusia, naga paeme e yomarava nini sane pe yar ga, ana naga mēna pe Navisaarena, naŋa naga Ntewa naŋa

pe suŕen sur make ga, naŕa popon teyeluvar naga silaga vano-o ve uro re.

Sur wo ne naga ke la nene narui naŕa Ntewa kila ve kiena ne kiena yeririna lala, ana ita mokliu naŕa tepisua sane ape sur koren ga.

<sup>6</sup> Nane la naŕa pe asikol la ruru re amio Kristo poli, a pona yeririna laŕasa asitom asape suri nene kila sane navisaarena naŕa Ntewa mlaŕesania pe mŕalivi re sa naŕa naga pisa poli, komin naŕa naga pisaar sape yoko kiena navisa ruruena su make amio lus kiena ne le Yu lala. Ana pe sa re nene poli, komin sur taŕena tai naŕa pa sanini, sape la naŕa amolue akome lus kiena Sekop, naŕa tepio la le Israel lala, pe la make re naŕa Ntewa sape la ape kiena yeririna la poli.

<sup>7</sup> Pona tevisa si visena nene kome mrapa taŕena, tevisave la naŕa apisape la kala apua Epraam, pe la make re naŕa tesape la amolue e kiena lus nena napo poli. Visena tai naŕa sike e Visena Wa pisa sanene rui, naŕa Ntewa pis pa Epraam, e lepas na narina lua nene Ismael amio Aisak, pisape “Kiomŕa lus napo lala yoko amolue ga akome narumŕa naŕa Aisak.”

<sup>8</sup> Ana visena nene, kana kinasia sape la naŕa Ntewa pisa sane asike loyumŕa e ŕegas nen lus kiena ne Epraam kemua lelaga, la ape ai? Pe yeririna make re naŕa amolue e lus kiena ne sisi taŕena la naŕa naga ŕar la poli, ana la naŕa amolue e lus na nisisi naŕa Aisak, naŕa Ntewa kilologia naga, pisaaria sape yoko kiena navisa ruruena lala sike e la.

<sup>9</sup> Tekilia tesape sanene, komin nanua sumo Epraam mla sisi pa kiela sira na kilavanen yo mŕala naŕa Aka, ana sisi nene pe naga re naŕa Ntewa sape yoko lus kiena ne Epraam napo la amolue akome poli. Ana Ntewa piranar ruru sina ga amio Epraam, pisape “Epraam, yoko nekila van ko omio womŕa Sera, sane e kas na sirau, e pogos na sanini, yoko amiu lua awar narimiu tai, ve yermene.” Ana siraniuma, sanena naŕa Ntewa pisaaria, ana narina ne Epraam nene, Aisak, naga ke narui naŕa ita lus kiena ne le Yu lala tomolue tokom ea.

<sup>10</sup> A pogos naŕa tepisu Aisak pimi keviu, naga narina tai, a maran taaga ke sina ga, wona naŕa Repeka naga ŕar kaora Sekop amio Esau,

<sup>11</sup> a pogos naŕa lalua pe apaeme re poli wa, Ntewa pisawal ya naŕa maplar pe kiela lalua. Naga pe sitom re sape kila taveve kiela yumŕaena lalua poli, sape lalua akila suri piowa pona po, ana kila ga taveve ya naŕa sinenania.

<sup>12</sup> Ana pogos naŕa lalua apaeme, Esau na paeme ŕesa a Sekop paeme maro, ana Ntewa pisa pa kala auia, pisape

*“Naga naŕa paeme maro yoko taŕatete logearia naga naŕa paeme sumo, ana naga naŕa paeme sumo, naga monar logear naga naŕa paeme maro.”*  
Nas 25:23

Sanene, pe ŕelaga marua nataveveen re nene poli, ana kila meraravania sape Ntewa pisirlua yaru, pe taveve re sitomena kiena yaru poli, ana taveve ga ya naŕa Ntewa maplaria.

<sup>13</sup> A sur nene merarava po paŕisi e lepas kiena kaora lalua nene, komin naŕa visena taŕena sike e Nasiriena Wa rui, naŕa Ntewa pisape

*“In na nemligan Esau naŕa naga paeme ŕesa, naga sike vatano, a nemligan Sekop naŕa naga paeme maro, naga to metava.”*  
Mal 1:2,3

<sup>14</sup> Pogaga, Ntewa pisawal kiena sitomena merarava ruru sanene, ana yoko tevisa si ya narui? Pisi na tekilia tevisave ŕelaga kiena ne Ntewa nene piowa ga, pona naga kila pe mesmes re e lepas kiena lalua nene poli yo? Ana peraga, taŕatete tevisa kare Ntewa sanene.

<sup>15</sup> Nanene sa ke sina visena taŕena tai naŕa pisa pa Mosis nanua sumo rui, naŕa sape

*“In na nepe Ntewa, sike ga e inu sane nekilia sineu ye yar ai naŕa sineun nesape sineu yea.”*  
Nau 33:19

<sup>16</sup> Sanene na Ntewa sumŕa pisa plan kiena yeririna lala, pe taveve re naŕa la ga apisape naga monar visa plan la, a pe komin re naŕa la aŕion asape akila sur laŕasa naŕa sane pona naga kekaran la vanon yo, ana naga pisa plan yar lala taveve ga kiena sineyeena e yar la naŕa asumŕa amloge ke piowa.

<sup>17</sup> Pelaga kiena ne Ntewa nene, naŕa kila ke pa yaru taveve ga kiena sitomena, tepisu naga kila mŕena pa Parin Suŕe Pero nae Isip, e pogos kiena Mosis nanua sumo. Pero nene naga yaru tai naŕa naga kawe ke yeririna kiena ne Ntewa, ana Ntewa pialua naga mŕena ga vena kilaen kiena yumŕaena tai, sa naŕa Nasiriena Wa pisape, naŕa Ntewa pis pa Pero, sape

*“In na nepisirlua ko vena ovisuar kioŕa purvanua. Yoko netamŕan ovilaven kioŕa mŕareraena sumo wa, ana nekila vena yoko ovisu ga kiau mŕareraena na wa naŕa naga mŕarera manene taulu kioŕa namŕareraena, a sineun nesape yeririna la nae yo make ga yoko akilia sane namŕareraena make ga sike ga e inu.”*  
Nau 9:16

<sup>18</sup> Sanene, tepisu yar naŕa Ntewa sinenan sape ve lemam vania, yoko monar ve sa nene, ana visae yar tai ve sa Pero nene naŕa Ntewa sinenan sape kila kiena sitomena m̄arera vania, ana monar ve sa ga nene narui.

*Sinemimiena kiena ne Ntewa, amio kiena lemamiena*

<sup>19</sup> Nepisa sanene, yoko monar sitomena tai va metava naŕa yaru kilia viun sanene, visave "Visae e yaru laŕasia, Ntewa ve lemam van la, a e yar taŕena lala, naga suŕa kila ke naŕa kiela sitomena m̄arera, yoko ve sanape narui? Visae Ntewa naga ga narui naŕa suŕa kila sape teim towo pona teim teviowa, ana pe pon re naga liŕere ita si poli. A visae Ntewa sinenan kila van ita taveve ga kiena nasinenanena, yoko taŕatete tevisaluŕar tevisave ve kila re."

<sup>20</sup> Ana yoko nevisataŕne visena la nene, nevisave: Peraga Mara, ko na ope yaru ga, ko ope sur tai naŕa Ntewa siia, ana ve okilali re naŕa ovisataŕne kionŕa visena tometavan si naga. Naga sa naŕa visae yaru tai suŕa yuŕaen porotano ve piaki. Pogog na yuŕaen pae porotano ve piaki piŕi, ana piaki na porotano nene taŕatete kilia suŕalu vis sina vania, visave, "Ei, komin ya ne omiyuŕaen kare in ga sanene?"

<sup>21</sup> Ana taŕatete ve sa nene, komin yar naŕa miyuŕaen piaki naŕa e porotano, sike e naga kilia yuŕaen taveve kiena sitomena. Visae la narin porotano tai, kilia yuŕaen piaki taŕena ve lua ea. Tai, piaki nowo tai naŕa popon paŕagena lala, a taŕena, naga piaki tai na uŕa ga.

<sup>22</sup> Ana Ntewa m̄ena ga kila sa ke nene, naga m̄ena ga kiena sur lua naŕa naga sinenan sape kila. Naga sinenan sape kila yar la avisu kilale naŕa naga sinen kar ke kiela mlamulen viowa lala, vano-o yoko kilia la ruru nakoena van la amio kiena naŕareraena. Na konua rui, naga kila kiena sitomena piavi pan la, ana nagane sike ga e naga kilia kila van la ya naŕa naga sinenania.

<sup>23</sup> A sur taŕena naŕa naga sinenan sape kipian la, naga kiena ŕelaga wo la naŕa naga sinenan sape kila van ita la naŕa naga pe lemam pan ita. Nanene naga sane nakonua rui, naga kila ruru kiena navisa ruruena nowo lala, a nagane miyuŕaen ita sa naŕa pias nen sur naŕa kon la vito ea.

<sup>24</sup> Naga kila po pan ita sanene komin ita ke narui naŕa naga pio ita, naŕa ita laŕasa tomolue e lus kiena ne le Yu lala, a ita laŕasa pe tomolue re e lus kiena le Yu la poli.

<sup>25</sup> A ŕelaga nene sane visena kiena ne Ntewa tai naŕa Navisawalena Osea pisawal e kiena tus, naŕa Ntewa pisa sanini, sape

*"Pegas nen yeririna la naŕa nanua sumo la pe ape kiau re poli, a nagane nepio la, nesape ape kiau yeririna lala.*

*Purvanua nene naŕa nanua sumo pe ne-sitom̄al re poli, a nagane nesape nekekarana paŕisi."* Ose 2:23

<sup>26</sup> A yam si tai, Osea pisawal taŕenan si visena kiena ne Ntewa tai, naŕa pisape

*"Nanua sumo nepisa pa yeririna nae e yo nini lala nesape la pe ape kiau yeririna re la poli,*

*ana nagane, yoko aloge naŕa asuŕa avio la asape naruu lala, in na nepe Ntewa naŕareraena, nepe Ntewa naŕa nemali."* Ose 1:10

<sup>27</sup> A visena taŕena pisa ke m̄ena sanene, naŕa sike e tus naŕa Navisawalena Aisea siriyuia. E yo nene, naga mloge piowagan le Israel, pisape

*"Pegas nen yeririna nae Israel lala la moki manene laa, la moki na moki, la sane mras nen none naŕa yar wolo ŕele ga.*

*Ana suri piowa tai, yoko la ve lua la ga naŕa Ntewa tamalia la.*

<sup>28</sup> Ana e pogog na liŕereena, yoko naga la nakoena va yeririna lala na yomaraeva. *Yoko kilapel ga la ve moki naŕa pe amlelaga re poli."* Ais 10:22,23

<sup>29</sup> A nanene yoko ve sa ga visena taŕena naŕa Aisea siriyu nanua sumo rui, naŕa pisayu pogog na liŕereena naŕa yoko imi, naŕa visae Ntewa ve sinen ye re yaru, yoko la punu ga akokovio. Visena nene pisa sanini, sape

*"Ntewa pitomi amio kiena yar na mara lala, lavisi we monar make ita. Visae ve sinen ye re narita la naŕa ave-torokaki, ana mligan la asikena, yoko kieta lus la akokovio make nenaga.*

*Lavisi naga kila van ita maran ve tanga torokin ke ya naŕa kila pa yar viowa la e pupia yo lua nene nanua sumo, Sotom amio Komora, ana siraunia kila sane ita laŕas tekilia temal tesike ga wa."* Ais 1:9

<sup>30</sup> Pogoga, visena la nene kana kinasa sanini, sape la naŕa pe ape Yu re poli, pe aŕi re yon naŕa ataveve navisaluaena kiena ne Ntewa poli vena amesmesu e marana, ana siraunia, pogog naŕa amlelaga e Yesu, Ntewa kila la ga apim amesmesu e marana na wa.

<sup>31</sup> Ana le Yu lala, aŕionli naŕa aimi alogear navisaluaena vena aimi amesmesu e marana Ntewa, ana akila ŕele nena yonia, ana la apiowa ga narui.

<sup>32</sup> Nepisape piowa pan la sanene, komin naþa la aþilion naþa aimi amesmesu e marana Ntewa, ana la akom e mrapa taþena, apa amlor ruru nena ea. La akome mrapa naþa asitom ke sape kiela yuþaen wo lala kilia kila aim awo amio Ntewa, ana pe sa re nene poli. Monar tesuþial ga tese e ya naþa Yesu kila, naga ke nene narui kieta mrapa naimen towo si temio Ntewa.

<sup>33</sup> Visena si tai sike e tus kiena Aisea, naþa Ntewa pisawal þakaiwa tai, naþa pisayu kilavaru na þeren yuþa tai, ana kilavaru nene naga Yesu, sane Navisaarena naþa Ntewa mligan naga pimi. Visena nene pisayu sa naþa yar laþasa pe sinelan re kilavaru nene poli, ana laþasa amlelaga ea, ana pisa sanini, pisape "Avisu ruruia!

*Nesuþia nepisirlua ruru kilavaru wo na þeren yuþa tai, nane metava e kunus naþa Saeon e pupia pulkumali kiena kiau yeririna lala nae Yerusalem.*

*Kilavaru nena marera ruru po, ana yoko yar la ve moki naþa yepela mavinia, atan ma lala ea vano-o kila alolor kar ga va ke ne.*

*Ana yeririna la naþa aelaga e kilavaru nene, asuþialarla asea, yoko nekila wo van la vaþisi."* Ais 8:14, 28:16

## 10

*Yesu ga kilia kila ita temesmesu e marana Ntewa*

<sup>1</sup> Erau lala, nemloge piowagan naþa kiau lus ruru nena lala, sa naþa le Yu lala, pe amlelaga re poli. Ana sineun manene nesape monar atol natamaliaena, nane nesuþia nemlen manene ke pa Ntewa vanon la ne.

<sup>2</sup> Asuþia aþikeyon naþa akale Ntewa e kiela malena, ana nepisa lelaga, amninue mrapa, yoko taþatete alualia.

<sup>3</sup> Nanene komin ga naþa asuþia ataveve ke ga kiela sitomena lala, ana yepela mavin taveveen mrapa naþa Ntewa miyuþaenia vena kilaen yar imi mesmesu sina e marana.

<sup>4</sup> Asuþia aþiareran ke ga naþa asape nalogearen ga navisaluaena naga pe mrapa, ana mrapa nene piowa rui, komin naþa ita make ga tekilaro navisaluaena lala. Mrapa naþa tesape temesmesu temio Ntewa komin naþa temlogear navisaluaena, Kristo suwo rui, a naga miyuþaen kieta mrapa viu tai. A nagane, visae telelaga tevisave Kristo þar plan kieta mlamulen viowa lala, ana Ntewa kilia kila ita teim temesmesu e marana.

<sup>5</sup> Visae ve tekilaro re navisaluaena, yoko woga ga, tekilia teim temesmes e marana

Ntewa komin naþa temlogear navisaluaena, komin Mosis pisa visena tai e lepas nene rui, pisape

*"Yaru naþa taveve ruru sur make ga naþa navisaluaena nene pisa, yoko tol malena."* Lev 18:5

Ana pe yar re tai naþa kiena malena po sa naþa Mosis pisa poli, ana taþatete tetol malena kome kieta yuþaena wo la naþa tekila.

<sup>6</sup> Nakilaen sanene, naga marera paþisi, ana visae telelaga ga e Kristo tekilia teim temesmesu e marana Ntewa, a naga pe pe sur re tai naþa marera poli. Sane visena tai naþa Mosis pisa, naþa pisape

*"Pe pon re asitom avisave sur nene marera paþisi, ana asuþia aviuvium avisave ane yoko kilaþesan mrapan ita vena vaen ma e peni?"* Nav 30:12

Naviunena nene kana kinasa sape ana kilia va tol ma e peni were Kristo vitom tano e nini vena tamalia ita, ana sitomena na sanene piowa ga.

<sup>7</sup> Pona aviun naviunena taþena naþa sike e Nasiriena Wa la yo, naþa sape

*"Ana ane kilia vito tano vito tol yo kiena yar mare lala ana wasuþe sina?"*

Naviunena nene, kana kinasa asitom sape Kristo mare e lak torovia, ana naga mena ga pito sike e lelen marena, ana asitom asape taþatete yar tai kilia vito si werelua naga e yo nene vena vam tamalia ita, ana tekilia tesape visena la nene pe po re poli. Tekilia ruru rui tesape Kristo molue ma e peni pitomi tano rui, a siraunia mare, þisi na naga suþialu mal sina a pa si ma e peni rui.

<sup>8</sup> Visae ve sanene, tekilia tevisataþe naviunena la nene, tevisa visena taþena naþa Mosis pisa nana sumo, naþa pisa pisape

*"Visena kiena ne Ntewa naþa pan ita ita yeririna lala sike amio ita rui. Sike e limata, ana tekilia teligan se gota, tekilia teligan ruru se kieta sitomena lala."* Nav 30:14

A visena kiena ne Ntewa naþa visena nene pisayua, nane Lologena Wo naþa mesuþia melologon ke ne, naþa pisawal ke sape yar lala monar aelaga e Yesu Kristo.

<sup>9</sup> A ko ai naþa olelaga e Yesu Kristo e losineria, ovisave Ntewa naga kila naga mal si petan marena, a okekanan naþa ovisawal e yo metava ovisave omla Yesu pe kioþa Suþe, yoko otol malena.

<sup>10</sup> Nanene komin naþa visae yar naþa lelaga e losinena visave Yesu naga mal sina petan marena, a visawal e yo metava visave Yesu naga pe kiena Suþe, yoko Ntewa ve la re si nakoena vania komin kiena mlamulena viowa lala, yoko tamalia naga.

11 Naga nene sane visena tai na Siriena Wa, naŋa sane pisayu naŋa temlelaga e Kristo, naŋa pisape

*“Yaru naŋa mlelaga ea, naga taŋatete kiena sitomena loru pog tai.” Ais 28:6*

12 Yaru naŋa mlelaga naga pe Yu yo, pona naga pe pe Yu re poli, ana Suŋe naga taaga pe kiela suŋe la punu ga, kila make po pan la naŋa atag ke pania.

13 Naga sane visena tai naŋa Navisawalena Soel siriyu nanua sumo, naŋa sape

*“Yaru ai naŋa vio kia kiena Suŋe, yoko tamalia naga.” Soel 2:32*

14 Ana lelaga, le Yu la mok liu naŋa pe apio re Kristo asape tamalia la poli, ana sanape na sanene? Nanene komin taŋatete avio naga visae ve alelaga re ea, a taŋatete alelaga ea visae ve alogeli re kiena kia pogos tai, a taŋatete aloge kiena kia visae ve yar va lologon re van la.

15 A taŋatete yar va lologo visae Ntewa ve ligan lua re naga vano, ana visae yaru nene kekarana naŋa vano, yoko ve sa naŋa Siriena Wa pisayu rui, naŋa sape

*“Potena paŋisi pa Ntewa naŋa kiena nalologena lala, temloge la amial taŋin ke ava e kiela mrapplepa la ne, asuŋa apava ke amio kiena lologena wo.” Ais 52:7*

16 Nane visena naŋa yar laŋas asuŋa apisasa, ana nekilia nesape Peraga, Ntewa suŋa pitetalia kiena nalologena lala apava ke rui, ana piowa paŋisi naŋa le Yu la mok liu yepela mavin ga logeena. Nanene taveve ke sina ga visena na Siriena Wa tai, naŋa Navisawalena Aisea tagi pa Ntewa na mava, sape

*“Ake Suŋe, mesuŋa memlologon ŋa kioŋa visena pano-o, ana sane yar la yepela mavin ga logeena.” Ais 53:1*

17 Ana nagane imimi sanene, mesuŋa memlologon ke Yesu Kristo pan la, a pogos naŋa mesuŋa memlologo, laŋasa amloge, a pogos naŋa amloge, laŋasa amlelaga.

*Komin ya ne omlologon ke pa le Yu la naŋa apuloyu ke Siriena Wa la rui?*

18 Nane nesuŋa nemlologon ke pa le Yu la ne, ana yoko naviunena tai kilia kate e nene, sape Pona osuŋa omlologon ke pan la sanene komin naŋa ositom osape pona la pe amloge re ya naŋa Siriena Wa pisayu poli yo? Ana yoko nevisatanŋea nesape, Peraga, visena kiena ne Ntewa tol la nakonua rui. La make ga akilia maran taaga torokin ke naŋa la make ga apisu ke mrae amio kupario a verue lala, sa ke ga naŋa visena tai e Tus na Yauena pisayuia, pisape

*“Yeririna make ga na yomarava nini wetelu apisu sur la meta e sinapane, a apisu kilalea sane Ntewa sike na,*

*pano-o tol yeririna la e yo la naŋa asike koperina, la ŋena apisu kilale asape kiena mareraena keviu paŋisi.” Yauena 19:4*

19 Sanene, sane le Yu lala apisu kilale sur mokliu rui, ana sur yiowa tai, la asitom asape Ntewa tamalia la ga yo. A pe apisu kilale re asape Lologena Wo naga kiena yar make ga, komin Ntewa sinenan sape tamalia ŋena yeririna la naŋa pe ape Yu re poli.

Ana popon avisu kilale sur nene, komin kiela navisawalena marua lalua apisayu nakonua rui e Siriena Wa lala asape yoko ve sa nene. Mosis ŋesa, naŋa pisayu visena tai naŋa Ntewa pisa pa le Israel lala, naŋa sape

*“Apisu piowa e la naŋa pe ape Yu re la poli, sa naŋa la ape sur korena ga, ana yoko amiu avielue e navisa ruruenta la naŋa yoko nekila van la.*

*Amiu asitom asape taŋatete la nene akilia akila sur wo tai, ana yoko sinemiu kari la e pogos naŋa amiu avisu netamalia la ŋena ga.” Naw 32:21*

20 A nalua nena, naga Navisawalena Aisea, naga ŋena suŋalu pisawal nena visena taŋena si tai kiena ne Ntewa e marana kata apua ita le Yu lala, naŋa Ntewa pisayu la naŋa pe ape Yu re poli, pisa pisape

*“Nanua sumo, pe akale in re poli, ana siraunia, yoko atamian inu,*

*nanua pe apuinin re poli, ana yoko siraunia, sinelan asape neva nakaten la.” Ais 65:1*

21 Ana Aisea siri plan taŋenan sina visena kiena ne Ntewa tai, naŋa Ntewa pisayu la naŋa pe ape Yu re poli, pisape

*“Yar la nene asuŋa amlogelu inu, asuŋa akovenlua inu silaga.*

*Nakonua rui nepikeŋa ga luŋau pan la, sineun nesape awasuŋela aimi si pun inu, ana la na peraga narui.” Ais 65:2*

## 11

*Le Yu la yepela mavin Yesu, ana Ntewa pe pilon re masina pan la poli*

<sup>1</sup> Naviunena taŋena suŋa ga, nane e lepas kiena le Yu lala, sa naŋa pe amlelaga re e Ntewa poli, ana naga ŋena ga suŋalu pilon masina pan la, pona peraga?

Nekilia nesape peraga, naga pe kila re sanene poli komin in na nepe yere Yu na nesike ne, inu ŋena ga yermarua Epraam naga pe repiu marua, a in na nomolue e lus



kiena yermarua Pemsiman, a nekilia ruru po naŋa Ntewa pe koven lua in re poli.

<sup>2</sup> Sanene, nekilia nesape peraga, Ntewa pe koven plan ita re ita naŋa pio ita tepe kiena. Popon tesitoŋal Siriena Wa tai nanua sumo rui, e pogos kiena navisawalena Elaisa. E pogos nene, Elaisa mloge piowagan Ɔarŋarera kiena yeririna lala kiena ne Ntewa, ana pisimumu pa Ntewa, sape

<sup>3</sup> *“Suŋe, kioŋa navisawalena lala, kioŋa yeririna la asuŋa aŋemoŋar la, a kioŋa wonta wa lala, asuŋa akilarovia, a piowa pano-o nepisu sane in ga taaga nepatanon ko ke narui, a nagane in Ɔena ga, ataveve in ke ne asape alalua kiau malena.”* Suŋe1 19:1

<sup>4</sup> Ana e poglus nene, Ntewa pisataŋea, sape *“Peraga Elaisa, pe ko ga taaga re poli. Pe okilia re poli, ana e yo nene in na kiau yeririna la tol manu olua [7000] la asuŋa sane ko, naŋa pe akila re lotena pa nono navisokanena poli, naŋa Paal nene.”* Suŋe1 19:18

<sup>5</sup> A nagane, e kieta pogosa, maran taaga ga amio nene. Yar moki liu naŋa pe amlelaga re poli, ana ita ke narui naŋa tesike ne, ita narin Ɔegas nen le Yu lala, naŋa Ntewa pe leman pan ita, kian plan ita, narui temlelaga ea.

<sup>6</sup> Ana popon tekilia ruru tesape Ntewa kian plan ita vanon ya? Pona yar laƆasa asitom ke asape naga kian plan ita komin tekila ke yuŋaena wo la moki naŋa naga kekaran yo. Ana peraga, komin visae ve sanene, kana kinasa sane lemamiŋa kiena ne Ntewa pe kila re nena sur tai poli. Ana Ntewa kian plan ita pe e re ga e naŋa tekila sur wo la moki poli, ana kian plan ita e ga e kiena lemamiŋa wo pan ita.

<sup>7</sup> Tekilia tesape ita le Yu lala, ita make ga tesuŋa takale ke mrapa naŋa teim temesmesu temio Ntewa, ana ita lua la ga naŋa toŋalia. Ana visae ve sa nene, yoko ve sanapen taŋena la nene? Nanene kana kinasa sane la mokliu naŋa ape Ɔarŋarera paƆisi, ana pe amal re mrapa nene po la wa.

<sup>8</sup> Visena na Siriena Wa tai pisayu la ne sanene, sape *“Ntewa taŋan la asuŋa ga amio kiela wowe lala, Ais 29:10 ana pimi tol nagane sa naŋa kilamarala la sike na, ana pe apisu kilale re sur poli, kiligala la sike na, ana pe amloge kilale re sur poli.”* Naw 29:4

<sup>9</sup> A sa Ɔena visena kiena Ɔarin Suŋe Teppet nanua sumo, pogos naŋa sinenan sape Ntewa lalua Ƌareraena kiena nasinekar lala naŋa asuŋa aŋareran ke naga. E pogos nene naga piun tai Ntewa, sape

*“Suŋe, kiau nasinekar la nene silaga asuŋa amloge ke pon kiela pupia ƆaƆagena lala,*

*ana nesape neviun tan ko vena okila sane kiela na logewoena la nene vim sane suri tai naŋa kila kare ruru la nenaga, kan la ke sina ga, kila sane pe apisu kilale re sane kiela nasinekar la asike ga lavisin la poli.*

<sup>10</sup> *Ana popon sane okila kilamarala imi Ɔala, vena ve akilia re si avisu kilale sur lala,*

*a okila naŋa kiela nasinekar la aŋareran naŋa ayuŋae koren ga, awar sur urmi la e Ɔasila.”* Yauena 69:22,23

<sup>11</sup> Ana e lepas kiena ne le Yu lala, Ntewa pe koven plan la re poli, ana pe lelaga naŋa, la apiowa towe Ƌaga. Ana napiowaena kiena la nene, kila narui Ntewa tamalia la naŋa pe ape le Yu re la poli, a pogos naŋa le Yu la apisu Ntewa sinena miye Ɔena yaru taŋena la nene, apisu piowa ga, apieluen la, ana kila aŋareran vena la Ɔena ga monar aim amesmesu ke sina ga amio Ntewa.

<sup>12</sup> Ana na nene kana kinasa sane le Yu lala kiela Ɔelaga nene, naŋa pe amlelaga re e Yesu poli, nanene kila mrapa na viewoena a navisa ruruena kiena ne Ntewa kilia imi tol la naŋa pe ape Yu re poli.

A visae le Yu lala, la Ɔena alelaga, alelaga vano-o tol marana naŋa Ntewa pisaaria, yoko kilia kila naŋa kiena navisa ruruena lala aim ave keviu manenea.

<sup>13</sup> Pogaga narui, sineun nesape nevisa narin visena tai e lepas na pun amiu la naŋa pe ape Yu re poli. In na nepe nalologena naŋa Ntewa pisirlua inu vena navanon nevisawal kiena lologena wo van amiu, a naga pe yuŋaena tai naŋa noŋareran ruru kilaena, komin naŋa nepisu po paƆisi.

<sup>14</sup> Nanene komin naŋa nepisu sane pog naŋa nemnologon ke pan amiu naŋa pe ape Yu re poli, asuŋa amlelaga, a kila naŋa imimi le Yu la Ɔasa sinelan asape la Ɔena monar ava loyuŋa ea, ana la Ɔena amlelaga.

<sup>15</sup> Sumo na, Ntewa pilon Ɔasina pa le Yu lala, a nanene kila naga pisu la naŋa pe ape Yu re poli la rui, naga sitom sape kilia kila kiela mrapa aim ave mara wo sina amio naga.

Ana visae le Yu la avilon la a la Ɔena awasuŋela puna Ntewa, vera wo na wo, komin nagane la sa ga naŋa amarmare rui, ana visae alelaga e Yesu, yoko aim sa naŋa amal sina.

<sup>16</sup> Yoko nevisa Ɔakaiwa tai e yo nene e lepas na mralaki Ɔesia naŋa tesuŋa

toġar pa e yurġa na leniena, tepisa potena vanonia pa Ntewa, teyawawoia ve sur wa. Ana pogos naġa toġar p̄esan mralaki pa Ntewa, kila sane mralaki taġena m̄ena la naġa pe toġar re poli, lala m̄ena ape wa, ape kana Ntewa. Ana yermarua kiena le Yu lala, la sane mras p̄esia naġa apa p̄esan e yurġa m̄ana Ntewa, a kila sane le Yu la naġa aim sirau, la m̄ena ga ave kiena ne Ntewa. A yermarua la nene, la sane purlaki tai naġa suġa kapur ke e lokove kana Ntewa, a visae purp̄esa ve kana Ntewa, yoko korowas la naġa avim sirau la m̄ena ave kiena ne Ntewa.

<sup>17</sup> Sanene, purp̄es nene amio korowas lala naga kana kinasa yeririna kiena ne Ntewa lala, sane le Yu lala. Ana siraunia, Ntewa pisu korowas laġasa piowa ga, ana peve plan la, a pa te plan ruru korowas nen laki taġena tai naġa sike ga yom̄arua, ana p̄ar pimi, a teruruia piar la panon purp̄esia naġa sike lokove, vena kus lelen korowas la naġa peve plan la rui.

Ana korowas taġena la naġa pimi sikol e purp̄es nene, kinasa sane kam la naġa pe ape Yu re poli. Amiu na pe amolue re e purp̄es nen yeririna kiena ne Ntewa napo poli, ana naga sinenan sape amiu m̄ena monar asikol amiu amio la loyurġa e kana lokove, vena amiu punu ga awar kiena navisa ruruena lala.

*La naġa pe ape Yu re poli, la taġatete akilia awarwarlan naġa Ntewa p̄ere la*

<sup>18</sup> Sanene kam naġa pe ape Yu re poli, kam na monar ve awarwar amiun re naġa Ntewa piran amiu amio kiena yeririna lala, komin naġa amiu na pe ape purp̄es re poli, ana kam na ape korowas ga la naġa Ntewa sikol amiu e purp̄es nene naġa sike pa sumo rui. Korowas lala pe kila re purp̄es mali poli, ana purp̄es ke narui naga suġa kila korowas la amali.

<sup>19</sup> Sa nene, pe pon re kam na asitom asape kam apo poli, ana asape, Ke, Ntewa na sinenan imimi paġisi, ana peve plan korowas laġas petan purp̄es nene vena kila sane mekilia mesikolia.

<sup>20</sup> Lelaga naġa Ntewa peve plan korowas laġasa, ana kila ga pa le Yu la naġa pe amlelaga re e Yesu poli, a pe lelaga naġa sinenan sape amiu akilia asikol amiunia, ana nanene pe komin re naġa akila yurġaena wo laġas poli, ana komin naġa asuġal m̄arera e kiamiu viawaena e naga. Sanene, ve avilaven re naġa apimi sane yeririna lala kiena ne Ntewa, ana monar ava ruru amiu asuġa asitom ruru sur wo nene naġa Ntewa kila pan amiu. A monar maram̄e amiu ruru m̄ena ga,

<sup>21</sup> komin naġa sane Ntewa koven plan korowas marua la nene naġa kiena yeririna la naġa pe amlelaga re poli, yoko naga kilia koven plan amiu m̄a nenaga korowas viu lala maran va taaga sa ke ga, visae ve amiu awar re mras wo lala.

<sup>22</sup> Sanene, e nene tevisu p̄elaga kiena ne Ntewa e lepas ga luwoka. E kana lepas tai, kiena sinemimiena m̄arera na m̄arera pan la naġa amloru, naġa pe asuġal re m̄arera e naga poli, sane le Yu lala. Ana e kana lepas taġena, naga pe lemam paġisi pan la naġa pe ape Yu re poli, naga la naġa akekarania a asuġa ataveve ruruia. Ana la m̄ena ga visae ve asuġalu re m̄arera, naga kilia te plan la sina ga vetan purp̄es wo nene naġa asuġa asikol la ea.

<sup>23</sup> Nanene naga kila pa le Yu la rui. Pe amlelaga re poli, ana te plan la, ana visae avilopu la ga, akilia awasuġela, ana Ntewa kilia sikol ruru la sina e purp̄esa sane kiena yeririna ruru nena la napo.

<sup>24</sup> Naga kila sanene rui pan amiu naġa pe ape Yu re poli, komin naġa amiu na sane korowas nen laki na yom̄arua, ana naga p̄ere amiu apimi, sikol amiu e purp̄esa naġa sike e kana lokove, ana asikol amiu amio navisa ruruena naġa naga sinenan sape la van kiena yeririna lala. A visae kila van amiu p̄isi, yoko kilia kila m̄ena van le Yu la naġa naga te plan la, komin naga kekaran sikol ruru la sina e purp̄es nene naġa asikol e naga nanua sumo rui.

*Ntewa sinenan sape le Yu lala atol natamaliaena*

<sup>25</sup> Erau lala, sineun nesape nevisawal van amiu la naġa pe ape Yu re poli, sane monar avisu kilalea sa naġa Ntewa pe koven plan re kiena yeririna la nene poli, naġa le Yu lala.

Lelaga sane asuġa ape p̄arm̄arera ke ga wa a yepela mavin lelagaena, ana naga mligan la towe m̄a ga sumo, a suġa kila ke naġa amiu naġa pe ape Yu re poli akilia alelaga, akilia aim ave moki loyurġa vano o tol pupia maran naġa Ntewa sinenania. Sur nene sane sur tapolou tai naġa yar la pe akilia p̄esan re poli, ana nagane Ntewa kila meraravan ruruia. A monar akilia sur nene, komin pe pon re awarwar amiun poli, asitom asape Ntewa sitom amiu ga, ana pe kekaran re si le Yu la poli.

<sup>26</sup> Pe sa re nene poli, ana yoko naga tamalia la na wa, sane visena na Siriena Wa tai, naġa pisa sanini, sape

*“Yar na tamalia itaen yeririna lala kiena ne Ntewa yoko m̄alivi ga e kieta yo,*

*e kieta pupia pulkumali nene Yerusalem metava e tavie naġa Saeon.*

*Ita lus lala kiena Sekop, ita le Yu lala*

*naŕa kieta napiowaena la moki paŕisi, ana yoko naga ke narui imi war plan make kieta nakoarena lala, kila ita towo sina.”* Ais 59:20,21

<sup>27</sup> Visena taŕena na Siriena Wa tai pisawal navisaarena kiena ne Ntewa tai e mŕena e lepa nene, naŕa pisa sanini, sape

*“Kiau navisaarena pan la sike pa rui, sape yoko nowar plan kieta mlamulena viowa lala, neviewo la make ga.”* Ais 59:20,21, 27:9

<sup>28</sup> Pogos naŕa Lologena Wo pimi mŕalivin le Yu lala, la pe sinelan re poli, ana e lepa tai naga po, komin naŕa kila sane kam la naŕa pe ape Yu re poli, Ntewa mla towe pulmas pan amiu vena alelaga. Ana e kana lepa taŕena, naga mŕena piowa ga, komin naŕa kila le Yu la apim si sane nasinekar kiena ne Ntewa lala. Ana Ntewa taŕatete kilia visu la ave kiena nasinekar silaga, naga monar sinena ye la sina, komin naŕa naga taŕatete sinen ŕesan kiena visaarena wa la naŕa kila pan li marua lala kiena ne kiena yeririna la nene, le Yu lala.

<sup>29</sup> Ntewa pisaar navisaar ruruena la pan la ŕisi rui, a naga pio la ape kiena rui, a yoko naga taŕatete kilia vilon sina ga kiena sitomena pogos tai.

<sup>30</sup> Sanene, naga miyurŕa e ita sanene. Nanua sumo, kam naŕa pe ape Yu re poli, kam na pe amlelaga re e Ntewa poli, ana pogos naŕa imimi le Yu la imimi pe melelaga re e Lologena Wo poli, nanene kila kiena mrapa vena sinena ye amiu.

<sup>31</sup> A pogos naŕa naga sinena miye amiu sanene, kila naŕa imimi mŕena memlelaga e Lologena Wo, ana yoko naga kilia sinena ye imimi sina.

<sup>32</sup> Nane sitomena kiena ne Ntewa sanene narui. Nanua sumo naga taŕan naŕa ita punu ga teyal e mrapa naŕa pe sinetan re logeen kiena visena poli, kila sane naga kilia sinena ye ita, kilia were ita punu ga teim teve kiena.

<sup>33</sup> Erau lala, navisa ruruena lala kiena ne Ntewa e ita keviu paŕisi! Kiena manmaruaena a kiena kiliaena apa manene laa metava! Kiena sitomena la merorol paŕisi, a kiena ŕelaga la apowo manene laa!

<sup>34</sup> Sa naŕa visena na Siriena Wa tai pisa, pisape  
*“Pe yar re nena tai naŕa torokin tol ya naŕa teke e sitomena kiena ne Ntewa.”*

*Pe yar re nena tai naŕa torokin kilia la visena na ilarena va Ntewa.*

<sup>35</sup> *A pe yar re nena tai naŕa kila po pa Ntewa torokin naŕa kilia kila Ntewa monar lamaran si navisa ruruena wo la vania ve sa naŕa naga sumŕa ŕar ke pan ita.”* Sop 41:11

<sup>36</sup> A nesikol visena nene, nesape: Kieta Ntewa, naga taaga pe purŕes nen sur make ga, naga taaga pe mŕaraena na sur make ga, naga taaga pe luas nen sur make ga, ana popon ita punu ga teyelur luen ga naga vano ve ŕisi re pogos tai.

## 12

### *Pelaga wo kiena yaru naŕa mlelaga*

<sup>1</sup> Erau lala, sa naŕa Ntewa sinena miye amiu ruru nena ga, kila po pan amiu paŕisi, sineun neviun manene van amiu vena monar ataŕan kiamiu malena wetelu vania. Monar ave wa ruru wo, sa naŕa amiyawawo tasnemi pania sane kuŕaŕaena tai naŕa amla pania. Naga pe pe kuŕaŕaena re sane sur mali tai naŕa amemŕar mare, ana naga pe kuŕaŕaena naŕa sane mali, a yoko Ntewa kilia kekaran manenea. Naga ke narui ŕelaga mesmesu na kilaen lotena va Ntewa naŕa mesmesun naŕa akila.

<sup>2</sup> A ve ataŕan re sane naviowaena lala na yomarava nini awere amiu vena ataveve kiena ŕelaga, ana silaga, monar ataŕan Ntewa kila kiamiu sitomena la imi ve urviu sina. Sanene, yoko kiamiu ŕelaga kilia vilonia, kilia imi wo silaga, a yoko akilia ayaloro ataveve nasinenanena kiena ne Ntewa, naŕa po, merarava a mesmesu naŕa mesmesu silaga.

<sup>3</sup> Nepisawal visena la nene pan amiu, komin naŕa Ntewa pe leman pan inu, mligan lua inu, mligan yurŕaena nene e lumŕau narui. A nesape nevisa re mŕena suri tai van amiu, sane pe pon re si naŕa asuŕa akila kiamiu sitomena apa manene metava poli. Tekila kiena yurŕaena sanape, ana kieta sitomena la monar mesmesu, monar su ga tano.

<sup>4</sup> Taŕatete tevisave ita na tepo laa taulu taŕena lala, komin ita na sane tas nen yaru taaga, naŕa kana korowasa la asuŕa ga, ana korowasa la peve taaga nene kiela yurŕaena na kilaena la susuŕa ga.

<sup>5</sup> Sane ita moki, ana Kristo ŕere ita make ga tepim tepe taaga, ana sane inu neŕasine ko, a ko oŕasine inu.

<sup>6</sup> A Ntewa pe leman pan ita, a taŕan nakiliaena taŕena lala pan ita, naŕa sane nalaena lala naŕa naga kian plan pan ita vena teyurŕa temio. A ita veve taaga monar tomŕaran teyurŕa temio ya naŕa mla pan ita. Sanene,

visae Ntewa taŕan van ko sape kionŕa, ko na ove navisawalen visena naŕa mla pan ko, ana monar okila omio pupia lelagaena naŕa sape sane kiena visena nene pe lelaga paŕisi,

<sup>7</sup> pona visae kionña, ko na ove naiilaen yuññaena na sumäre, monar okila omio kionña m̄areraena wetelu, pona visae kionña, ko na ove navianena yaru e visena kiena ne Ntewa, ko na monar yepeñña mäen ruru kilaena,

<sup>8</sup> pona visae kionña, ko na ove naiilaaren sitomena kiena yaru lala, ko na monar ositom urmin kilaen, pona visae kionña, ko na ve nalaen naiilaena, monar owar ve moki, pona visae kionña, ko na ove nasumonen yaru lala e yuññaena kiena ne Ntewa, ko na monar ve omalum re, pona visae kionña, ko na ve naiilaen la naña asike e pog m̄arera, ko na monar okekarana kilaena.

<sup>9</sup> A naga ke nene narui ðelaga wo tañena la naña akila:  
kiamiu sinesiena e yaru tañena lala monar ve lelaga,  
monar aure vetan ðelaga viowa lala, monar auarar ruru ðelaga wo la m̄arera,

<sup>10</sup> monar avinaia amiu sane ave namratava taaga ga,  
monar akilali naña avisu sane ane yoko kilia kila ruru ðelaga navatanonena va la ga wa,

<sup>11</sup> ve atañan re naña kiamiu sitomena m̄arera na kilaen suri wo la kovio sina vetan amiu,  
monar akila sane kapi vivaga sa Ninuna Wa sumña vivaga ruru e amiu,

<sup>12</sup> monar akekarana navisaarena kiena ne Ntewa naña kiamiu sitomena wasinea sane yoko kila wo van amiu sa ga naña naga pisa,  
pogos naña avane naloge viowaena, monar akila kiamiu sitomena ve piavi,  
monar alen silaga,

<sup>13</sup> pogos naña li nalelagaena tañena lala limala plasan suri lañasa, monar akekara aliureure suri van la,  
a monar akekarana visuaren yaru tañena lala e m̄amiu unña.

<sup>14</sup> A nanene suri si lañas nanini narui naña monar asitom ruruia vena kilaen va yaru tañena lala:  
visae lañasa asuñña akila kare amiu komin naña amlelaga e Yesu, monar akila wo van la. Ve avis re viowa van la, ana aviun Ntewa visa ruru la,

<sup>15</sup> visae lañasa amloge po komin suri nowo tai, amiu m̄ena monar akekara amio la,  
visae lañasa asuñña atagin ke sur tai, amiu m̄ena monar atag amio la,

<sup>16</sup> visae amiu amio tañena lala, monar asu ruru ga amio la naña kiamiu sitomena ve taaga ga,

visae ayuññaena amio tañena lala, ve aligan amiu re metavan la, sane amiu na apo, ana akekaran ga narin yuññaena lala, a akekaran ayakol amiu amio yar la naña ave torokaki,  
visae akila suri lañasa, ana ve asitom re avisave ape manmarua, ana akila kiamiu sitomena vito su ga tano,

<sup>17</sup> visae yaru lañasa akila viowa van amiu, ana ve akila maran re si naviowaena van la, ana silaga monar asitomñalia vena akila suri punu ga naña yoko yaru la akilia avisu kilale asape po a mesmesu,

<sup>18</sup> a visae kiamiu suri viowa tai sike likan amiu amio yar tañena lala, monar akila suri make ga naña sike e limamiu vena were si sumñarena imi sike pun amiu punu ga.

<sup>19</sup> Erau lala, sineu si amiu pañisi nane nepisa sur la nene pan amiu. Lañas sina sanini, sane:

“Visae lañasa akila viowa van amiu, ana ve akilali naña ala nakoena van la. Akilia aligania van Ntewa vena naga liñere mare la sirau, komin visena tai sike e Siriena Wa rui, naña Ntewa sape,  
*in ke narui naña yoko nela nakoena van yeririna lala, inu ke narui naña yoko nelamaran va la naña akila ke pi-owa.”* Nav 32:35

<sup>20</sup> A sanene, visae kiamiu nasinekar la asuñña ga, monar akila ruru la, sa naña visena na Siriena Wa pisa, naña sape  
“Visae kionña nasinekar visokaria, ola kina-nena vania, visae moto karia, ola wii vania. Visae okila sanene, yoko okila naga mawan kiena ðelaga viowa vañisi,

*vano vano-o pona kekarana naña amiu lua ave erau wo sina yo.”* Pakaiwa 25:21,22

<sup>21</sup> Taveve suri la nene, nepisa sanene pan amiu, nesape ve atañan re ðelaga viowa taulu amiu, ana monar ataulu ðelaga viowa e kiamiu ðelaga wo lala.

## 13

*Li nalelagaena la monar avatanon yerikawa lala amio ðarin suñe lala naña Ntewa pisir plan la*

<sup>1</sup> Nagane sineun laen visena lañasa e lepas kiena li nasumonena lala. Tekilia tesape Ntewa na mon manene laa metava, naga pe suñen ke suri punu ga, a naga ke narui ðarin suñe tañena la naña asike ne, mla m̄areraena pan la. Sanene, ita li na

lelagaena make ga monar tevatanon řarin suře la nene, monar telogear la.

<sup>2</sup> Yaru la nařa visae asuńa akilali nařa avisaluřar řarin suře lala, asuńa apisaluřar ke suri nařa Ntewa pisirplania, a yoko Ntewa tamńan řarin suře lala akilia ala nakoena van la vanonia.

<sup>3</sup> Parin suře lala, Ntewa pe pisiriplan la re poli vena kilaen yeririna wo la amarau, ana naga pisiriplan la komin la nařa asuńa akilaro ke navisaluaena. La ke nene narui monar amarau, komin nařa visae řarin suře tol la yoko la nakoena van la. A visae sinońian sane ve omaraun re řarin suře, yoko monar okila mesmes ga e ya nařa yerkawa la apisa, ana yoko ve akila re viowa van ko, yoko akekaran ko.

<sup>4</sup> Ntewa pisiriplan la sane ape kiena yaru na yuńaena lala, vena kilaen yuńaena wo naiilaen yeririna lala, a visae sinońian kilaen řaruńa, monar ovisuar ruruia, komin nařa asuńa ařarar ke mńena plaki, ana pe ařarar korenan re poli. Ntewa pisiriplan la, mligan e limala vena ala nakoena van la nařa akila piowa.

<sup>5</sup> Sanene, popon tevatanon řarin suře lala, komin nařa pe pon re tekila viowa poli vena ala nakoena van ita. A nekilia sane kieta sitomena surńa pisu kilale ke mńena rui sape popon manene visae tesuńa tekila ke sur make ga wo mesmesu silaga.

<sup>6</sup> Taveve visena la nene, popon tekekaran toul takis lala nařa monar tela va řarin suře, komin pog nařa řarin suře kila kiena yuńaena, suńa kila ke yuńaena nařa Ntewa mligan vena akila.

<sup>7</sup> Sanene, monar akila sur punu ga nařa mesmesun akila. Visae kilavaru na takis e lepas na kilavaru nařa tesuńa tetauluia, pona kilavaru tai nařa monar tokoan vanon sur lařasa, na monar toulia. A la nařa apuarar ke yuńaena kerkeviu lala, pona kiela kia pa metava loyuńa e řarin suře lala, monar tekekaran la, mesmesun ga nařa tevatanon la.

*Li na lelagaena lala monar akila wo va yaru tařena lala*

<sup>8</sup> Suri tařena tai, naga e lepas na lapui la nařa yaru la asuńa akila. Visae kionńa lapui teke e yaru tai, monar olamaran vania torokin ga ya nařa amiu lua apisaaria. A popon ositomyuli mńena sane kionńa lapui teke mńena e Ntewa, komin naga mla suri tai pan ko keviu manene rui. Suri nene naga sinesiena, a ko na monar olamaran ruru va yeririna tařena lala. Monar sinemńa sisi la nařa asike lavisin ko, komin yaru nařa kila ke sanene, naga sane

naga mlogear make navisaluaena kiena ne Ntewa rui.

<sup>9</sup> Visena kar la moki sike loyuńa e navisaluaena, sane la nařa apisa sanini, asape: Ve okila re kolau, pona ve oweńar re yaru mare, pona ve ovinau re, a ve sinemńa sun re suri kiena yaru tařena, a suri tařena la ne sanene. Ana visena na visaluaena make ga, asike vatanon pupia purřes nen navisaluaena tai nařa pisa sanini, sape: Monar sinemńa si yaru nařa sike lavisin ko, okila wo vania sa nařa osuńa okila ke sina ga pan ko.

<sup>10</sup> Yaru nařa visae sinena si kemua yaru tařena lelaga, yoko naga tařatete nena kila sur nařa viowa vania. Sanene, řelaga na sinesiena yaru naga kilia kila sa nařa sane okilia ologear make visena la nařa Navisaluaena pisa.

<sup>11</sup> Ita na monar tekila ga řelaga wo la nařa, komin nagane, pog pa ke narui. Monar tevisu kilale sane lavis pogos nařa tesuńal ruru narui, ve tomomalio re sina. Pogos nařa ita temlelaga mare ga na wa, ita tesitom tesape yoko Ntewa tamalia ita vetan yomarava nini pogos piavi ke ga wa, ana nagane, pimi ke lavisu rui.

<sup>12</sup> Nekilia nevisa sanini nesape lavis yemalo řisi, yomerarava suńa pimi mńalivi, ana popon tořisin řelaga viowa lala na yemalolo, a monar towar sur na kilaen mara na řelaga mesmesu na yomerarava, vena tekilia tomolue tevano vena tekila mara van sur viowa la nene.

<sup>13</sup> Kieta malena monar mesmesu ruru wo, torokin nařa tepe yeririna lala nařa tesuńa temial ke e yomerarava, a yoko monar teligan řelaga viowa lala. Ve tekila re řařagena kar la nařa apulen ga kekarena na yomarava a yaru la amun wii vano-o akilalu řarila lala. Ve tesuńa tekila re suri nařa yerńene lala amio sira lala asuńa aureurela kar ga sa ga nene, a asuńa akila ke řelaga namname lala. Ve tesuńa teveveyun ita re, a ve tesikol ita re e vielueena lala.

<sup>14</sup> Monar teligan řelaga viowa nařa tepaeme temio, a pe tesitomńal re na taveven kiena nasinenanena poli, ana sa nařa tesuńa temiyen ke mńata kulsota nowo e marana yeririna lala, monar teyen řelaga mesmesu lala kiena ne Suře Yesu Kristo e kieta malena, vena yeririna la avisu sane ita tepe kiena yeririna kemua la lelaga.

## 14

*Popon li nalelagaena lala ve asuńa avisu kare la re sina vanon ga narin sur lařasa*

<sup>1</sup> Erau lala, sineun nesape akilia sa naþa nemloge rui sane pupia visena tai sike e amiu nagane. Sane laþasa, kiela sitomena mok liu e sur laþasa, asape popon akila, pona viowa ga naþa akila, pona amaraun asape visae akila, sa þis Ntewa ve kekaran la re sina.

Sineun nesape la ne sanene, nepisu sane la pe apiawa re m̄arera poli wa, ana pogos naþa asike amio ita, ve tekilali re naþa takawe manene laa, tekekearan naþa toure la.

<sup>2</sup> Sanene, yar laþasa akan kare ga kinanena lala amio m̄ena tata punu ga lala, a yar laþasa asitom asape Ntewa sinenan sape avalia kinanena laþasa, pona avalia tata.

<sup>3</sup> Ana sineun nesape nevisa van amiu visae ko tai naþa okan ke ga tata, ve ovisu re viowa e yaru naþa palia, a visae ko tai naþa opalia tata, ve oliþere re naga naþa suþa kania, ovisave yoko Ntewa liþere naga vanonia. Ntewa kekaran make ita ga, ana amiu m̄ena ga monar akekearan amiu.

<sup>4</sup> Li nalelagaena make ga asuþa apisu ke ga Ntewa asape naga pe kiela suþe, ana naga ga kilia visa van la visave la veve taaga akila nene pona ve akila re nene. A sanene, pe pon re ita ga teliþere ita si poli. A Ntewa pisu yeririna laþasa akan tata, a laþasa pe akan re tata poli, ana naga kekaran la make ga, komin naga kilia naþa sape yoko Suþe Yesu kilia suþa iila la silaga vena asuþa asuþal m̄arera e naga.

<sup>5</sup> A naga nene maran taaga e lepas na legiena lala. Yar laþasa amla legiena tai asape pe kiela legiena wa, a yar laþasa apisu legiena lala asape maran taaga. Naga nene naga pogaga, ana ita make ga monar ita veve taaga tekila kieta sitomena lala, ana tesu ea, ana ve tom̄areran re yaru taveve kieta sitomena.

<sup>6</sup> Yar naþa m̄areran sape la legiena tai sane kiena legiena wa, naga kila vanon sinenan sape visirlua kia kiena ne Ntewa ea. Yaru naþa kekaran sape kan suri make ga, naga pisa ke potena pa Ntewa vanonia, ana pogos naþa kinana, suþa pisirlua ke kiena kia. Yar naþa kila sane palia kinanena laþasa, naga m̄ena ga suþa kila ke naþa pisirlua kia kiena ne Ntewa, ana naga m̄ena suþa pisa ke potena pa Ntewa e kinanena taþena la naþa suþa kania.

<sup>7</sup> Monar tesitom̄alia, sane pe yar re tai naþa kilia sike e yomarava nini sane yar taaga ga poli, vena kilaen sur make ga sa naþa naga taaga sinenania, a pe ita yar re tai naþa visae mare, ana sur nene pe kiena naga taaga ga.

<sup>8</sup> Pe sa re nene poli, komin visae temali, temali naþa tevisirlua kia kiena Suþe, a visae temare, temaren naþa tevisirlua kiena kia. Sanene, sur make naþa tekila, monar tekila amio sitomena naþa sane pe tekila re ga kieta nasinenanena poli, ana ita tepe kiena ne Ntewa, monar tetaveve ga kiena nasinenanena.

<sup>9</sup> Nanene komin nanua ne, siraun naþa Kristo mare, na suþalu mal sina, ana kila naga pimi pe suþen kiena yeririna la naþa amare, a pe suþen kiena yeririna la naþa amali, ana silaga monar tesu ga vatanon kiena nasinenanena.

<sup>10</sup> Ana sanene, pogos naþa nalelagaena tai suþa kila sur la taveve þelaga marua kiena ne le Yu lala, ana suþa mliþere ke nalelagaena taþena naþa pe asuþa akila re poli, naga nene na piowa manene laa paþisi. A pogos naþa yar tai ve kila re sanene, ana naga suþa pisu ke piowa e yar taþena naþa kila, naþa sane kiena puruvi tai loyuma e namratava kiena ne Ntewa, na nene pe þelaga na mawaen tai.

Ve tesuþa teliliþere ita re, komin naþa yoko ita make ga tesuþalu tese marana Ntewa na wa, a yoko naga ke narui naþa visuveve ruru ya naþa ita make ga tekila.

<sup>11</sup> Sur nene sike e Nasiriena Wa la rui, naþa Ntewa pisi, pisape

*“In na nemi na nesike ne, ana nekilia nevisa ruru sane pogos na pimi ke ne naþa yoko yar make ga akinai vamon inu,*

*a yoko yar make ga avisawal avisave in ga taaga nepe Ntewa.”* Ais 45:23

<sup>12</sup> Sanene, yoko ita make ga teim e marana Ntewa, a yoko monar ita make ga veve taaga tevisawal sur la naþa tesuþa tekila, a naga ke narui yoko visuveve.

*Monar ve okila re kioma erau tai kiena naviawaena loru*

<sup>13</sup> Taveve sitomena la nene, ve tevisuveve manene ita re sina ga, tevisayu ya naþa yar taþena kila, tesape po pona piowa ga. Ana ya naþa ita li nalelagaena lala monar tesitomia vena tekila sina van ita, naga sanini, sane monar ve tekila re sur tai naþa kilia kila nalelagaena kila pal mrapa pona kilia kila naga loru e mlamulena viowa.

<sup>14</sup> Sane visae nesitomveve inu, nekilia nesape nesuþalar m̄arera ruru na nesike ne nemio Suþe Yesu, ana nemlelaga m̄arera nesape taþatete sur tai naþa monar tevalia, ve takan re. A visave nalelagaena tai war sitomena visave kinanena tai pe torokin re kan po, naga pogaga, ana kana kinasane sane monar valia ruru

nenaga, a ita taþena lala monar tetarñan naga taveve kiena sitomena nene.

<sup>15</sup> A visae ositom ovisave kinanena la torokin ga nakanena, okilia osuñña okania, a visae kioñña puruvi taþena tai naga valia, ve okilali re naþa ovisave naga mñena ga monar kania. Visae peraga, yoko okilia okila kare nena kiena sitomena, a naga nene naga pe þelaga wo re kiena ne ita yar la naþa sineta sisi ita poli. Monar tesitomñal tevisave Kristo maren nakilaen kieta malena imi wo, ana pe pon re tetarñan narin sitomena e lepas na kinanena imi ve sur keviu naþa sumña kila kare si kieta malena poli.

<sup>16</sup> A taþena sina, visae sur tai naþa ko opisu sane pogaga vena kilaena, naga pogaga, ana pe pon re naþa osuñña okila þisi na kila kare sitomena kiena nalelagaena taþena tai, vano-o kila yar taþena lala avisa kare kieta kia ita li nalelagaena lala vanonia.

<sup>17</sup> E lele nene tesuñña tepisayu visena la na lepas nene naþa sape yoko tekilia tomun ya pona takan ya, pona monar tevalia namunena ya pona kinanena ya, ana monar ve sineta þesan re tesape nanene naga pe sur keviu re tai nene poli loyumi e nasuþenena kiena ne Ntewa. Ana kana pupia sur ne lala, nane naþa ita tekila þelaga wo na malena mesmesu, a tese suññare temio yar taþena lala, a tetol kekarena naþa Ninuna Wa suñña mlavia.

<sup>18</sup> A pogos naþa tela sur la nene ve keviu e kieta sitomena, tekila ke yuññaena wo naþa Kristo sinenania, ana yoko Ntewa kekaran ita vaþisi vanonia, a yoko yar taþena lala avisu sane po paþisi.

<sup>19</sup> Sanene, silaga ita make ga monar tomareran li naþa tekila þelaga wo naþa kilia ligan suññare sike e ita li nalelagaena lala, a naþa aiila ita make ga kieta sitomena la imi marua nena napo.

<sup>20</sup> Kinanena naga sane pe sur re ta nene poli, ana pe pon re tekila naga imi ve sur ta naþa kila kare ke sina ga yuññaena wo naþa Ntewa kila e malena kiena nalelagaena taþena la rui. Nepisa sanene, nesape kinanena make ga po torokin kanena, ana pe pon re okan sur tai narui yar taþena visuia ana kila naga loru, naga kila sur tai naþa sitom sape pe popon re naga kila poli.

<sup>21</sup> Ana kana þelaga wo na kilaena naga sanini, sane ve okan re tata, pona ve omun re kuruta, pona ve okila re si sur tai, visae pogos naþa kioñña puruvi visuia, kilia kila kare naga, kilia kila naga loru.

<sup>22</sup> Sanene, visae kioñña sitomena laþasa e laþas na narin sur naþa ositom osape pogaga nakilaena pona ositom osape pe pon re okila poli, naga pogaga, ana owarar

ruru sumña ve kiamiu ga amiu lua Ntewa, ve ova ologon re e yo make ga. Yar naþa kila ga ya naþa naga kilia sape mesmesun ga naþa kila, yoko Ntewa kekaranian, a naga pe mloge re piowagan poli sape kila sur piowa.

<sup>23</sup> Ana visae yar nene kiena sitomena veve lua e lepas na ya naþa kilia kania, ana kan ga, yoko Ntewa taþatete kekaranian. Nanene komin naþa yar nene sitom rui sape kila sur nene, pona pe po re e marana Ntewa poli yo, ana pe sur korena ga, naga kila ga. Sanene, naga kila pa mlamulen piowa narui, komin naþa naga pe miyuñña re amio kiliaena e ya naþa po pona piowa e navisuenena kiena ne Ntewa.

## 15

*Amareran li naþa akila ke sina ga wo van amiu*

<sup>1</sup> Ita mokliu naþa tesuññalu mñarera ga tesike e Kristo, a pe kieta sitomena peve lua re poli e lepas na narin sur lala naþa li nalelagaena taþena lala asuñña apeveyu ke ea. Ana ita na sanene, monar ve tekila re ga ya naþa sinetan kilaena, ana monar tekila kieta sitomena la ve piayavi ruru wo va nalelagaena taþena lala naþa asitom ke asape taþatete akila sur laþasa naþa tesitom tesape tekila woga ga.

<sup>2</sup> Ita make ga, monar tesitomñal li nalelagaena taþena la naþa asike lavisin ita, a monar tekila ya naþa la asitom asape po, vena akekaranian, a vena iilaen kiela malena amio Suþe.

<sup>3</sup> Visae tesitomñal Kristo, naga sike e yomarava naga pe kila re ya naþa naga sinenan sape kila poli, ana naga pane pog mñarera yam mokliu, akila pania sa naþa visena tai na Tus na Yauena pisa, naþa yar tai pis pa Ntewa, sape

*“Visen viowa la naþa akoven pan ko, akoven mñena pan inu maran taaga.”  
Yauena 69:9*

<sup>4</sup> Visena la ne sanene, naþa asike e Nasiriena Wa la nanua sumo, asiria vena vian ruru itaen la naþa teim sirau, ana touloia, akilia akila kieta sitomena la mñarera ruruia vena ita mñena tekilia teva teyupor e pog mñarera lala. Visena la nene vena iila itaena, akila tekilia ruru tesape yoko monar tetaulu sur make la naþa Ntewa pisaaria.

<sup>5</sup> Sanene na, nemlen ke pa Ntewa vanon amiu, komin naga ke narui naga pe purþes nen sitomena viavi, naga ke narui naþa kilia iilar malena kiena yaru, a nemlogin ke tania vena kila sane asuñña ataveve þelaga kiena Kristo Yesu, asuñña ruru ga veraga amio þelaga na ve taagaena,

<sup>6</sup> naŋa kiamiu sitomena ve taaga a kiamiu visena ve taaga, ana yoko ayeluar ruru Ntewa, naŋa naga pe armanane kieta Suŋe Yesu Kristo.

<sup>7</sup> Sanene, amiu le Yu lala, amio kam la naŋa pe ape Yu re poli, pogos naŋa asuŋa apim ke lele taaga, ana akekaran ga naŋa aworworun amiu punu ga aim loyumuŋa, sa ga naŋa Kristo kekaran worworun itaena. Pogos naŋa visae akila ve sanene, naga pe mrapa si tai naŋa vena visirluaena kia kiena ne Ntewa.

<sup>8</sup> A popon naŋa akila ve sa nene, komin Kristo pitomi e yomarava, pe kila re ga yuŋaena pan le Yu la poli, ana kila mēna pan la naŋa pe ape Yu re poli. Sane e laŋas kiena le Yu lala, kila ya naŋa Visena Wa kiena ne Ntewa pisa, kila naŋa navisaarena lala naŋa Ntewa kila pa apua kana le Yu lala, pimi pe lelaga.

<sup>9</sup> A e lepas kiena la naŋa pe ape Yu re poli, naga kipianli lemamiēna kiena ne Ntewa pan la, kila vena ayeluaria, maran taaga e naŋa Siriena Wa la apisa. Tai naŋa pis pēsanīa sike e Tus na Yauena, naŋa sape

*“Nesike likan wolawa lala, nemieluar kioŋa kia, yoko nelotun ko e yauena wa lala.” Yauena 18:49*

<sup>10</sup> A taŋena, sike e Tus Navisaluena lala, pisape

*“Kam wolawa lala, aimi vai amio nena yeririna lala kiena ne Ntewa naŋa le Yu lala, amiu make ga akekaral!” Naw 32:43*

<sup>11</sup> A tai sina sike sina e Tus na Yauena lala, sape

*“Amiu naŋa pe ape Yu re poli, avisirlua kia kiena ne Ntewa, Amiu yeririna na yo make ga aieluaria.” Yauena 117:1*

<sup>12</sup> A na maro molue kome Tus kiena Aisea, pisayu Navisaarena kiena le Yu lala, sape yoko naga sumon mēna la naŋa pe ape Yu re poli. Ana visena nene pisa sanini, sape *“Yoko lus kiena yermarua Sese tai mālivi, naŋa yoko Ntewa ligan lua naga metava ve suŋen li taŋena la naŋa pe ape Yu re poli,*

*ana yoko awasinea vena naga kila navisa ruruena kiena ne Ntewa imi mālivin la.” Ais 11:10*

<sup>13</sup> Ana nemlenin amiu sina pa Ntewa, naŋa tekilia towasine ga kiena visaarena lala, nemlogin vena awasine mā naga vano-o kiena kekarena make ga a kiena suŋare imi ulemamaga e kiamiu malena, ana kila vena māreraena kiena Ninuna Wa kilia yuŋa e amiu vena kila sa naŋa amiu asuŋa aŋasine ke kiena navisaarena lala, imi uleule va va sa nene.

*Pol pisayu pa le Rom lala e lepas na kiena yuŋaena naŋa kila pa la naŋa pe ape Yu re poli*

<sup>14</sup> Erau lala, pe nesitom pēle amiu re poli, ana nekilia ruru nesape amiu sinemiū la po paŋisi, akilia ruru sur la moki rui, a kam na atorokin naŋa akilia avian amiu sina e visena kiena ne Ntewa la ve moki.

<sup>15</sup> Sanene, pona ailan towe laa māk nini yo, apisu naŋa nesuŋalu nepisayu sur mārera la moki towe laa pan amiu sane, a nepisayu ke sina ga sur laŋasa naŋa pona kam na asape akilia yo rui. Ana nepisu sane monar nekila ve sa nene, komin Ntewa mligan nakiliaena nakilaen yuŋaena nene e lumāu vena nekila, sane nalaena wo tai,

<sup>16</sup> vena neim sane yar na yuŋaena kiena Yesu Kristo vena visawalena Lologena Wo kiena ne Ntewa va yar la naŋa pe ape Yu re poli. Nekila yuŋaena nene, in na sane yar wa tai naŋa nemiyuŋa e loyumuŋa e Yuŋa Wa māna Ntewa, nekila la naŋa pe ape Yu re poli vena aim ave wa ruru nenaga, neyawawo la e kia kiena Ninuna Wa, vena akilia aim sane nalaena wo tai naŋa pa Ntewa naŋa yoko kekaran vaŋisi.

<sup>17</sup> Sanene, imimi lua Kristo Yesu memiyuŋa e veraga, a nekekaran naŋa inu mēna nekila ke yuŋaena kiena ne Ntewa komŋasa.

<sup>18</sup> Ve nevisin re kulin wowe, ana nekilia nevisave noŋarwar inu paŋisi e ya naŋa Kristo miyuŋaen pimi mālivi kome inu, komin nagane, imimi lua moŋere la naŋa pe ape Yu re poli apim lavisin Ntewa, asuŋa apatanonia. Nepisawal visena lala, nekila yuŋaena moki,

<sup>19</sup> Ntewa kila kile la naŋa peve taŋena, naŋareraena kiena Ninuna Wa miyuŋa e, ana kila sane lologena wo kiena Kristo pa vanua make nenaga e yo la moki, siar gar Yerusalem pa nena perina yalen silau pa tol pupia lepas naŋa Lirikam.

<sup>20</sup> Ana nepisu sane pe torok re poli wa, kiau sitomena mārera tai toŋa e inu naŋa sape monar neva laa sane wa. Ana pe nesitom re nesape neva e naŋa kia kiena ne Kristo pa e rui, komin pe sineun re nesikol yuŋaena naŋa yar taŋena siar pa rui, ana sineun nesape neva e yo naŋa yar la pe akilia re naga poli wa.

<sup>21</sup> Nanene sane visena tai naŋa navisaawalena Aisea pisawal nanua rui, naŋa pisayu Navisaarena, pisape

*“La naŋa pe yar pisawal re naga pan la poli wa, yoko akilia avisu kilalea, la naŋa pe amlogeli re kiena kia poli wa, yoko alogekilalea.” Ais 52:15*

*Pol maplanar ruru naŋa va mālivin le Rom lala*



<sup>22</sup> Sa naþa nepisa þa rui, yam mokliu naþa sineun nesape neim nonialivin amiu gar Rom, ana nesurña nekila ke yurñaena la e yo taþena lala, a sur taþena mïena la moki paþisi pano-o pe nomal re kana pulmas tai poli wa.

<sup>23</sup> Ana nagane, nepisu sane kiau yurñaena e lepas nini naþa Esia sane þisi narui, a sitomena naþa sike e inu kas mokli rui, sane sineun nesape neim nonialivin amiu re, nomape pona woga ga yo narui.

<sup>24</sup> Nekila ruru ke nesape noure matan e nini neva yalen sila u gar pupia purvanua naþa Spen, ana nesitom ke nesape yoko nokom pun amiu, vena tekilia tesu re veraga telual pog wo tai sanene temio ita sumo wa. Yoko taþatete nesike ve piavi ve sa naþa sineunia, ana visae akilia sur laþasa vena iila inuena e kiau mrapa, yoko nela sina ga kiau mrapa nevano.

<sup>25</sup> Ana nanene pe nagane re poli, komin naþa yoko neva nokom ke ne Yerusalem sumo na wa, komin naþa kiau narin yurñaena tai vena kilaen va li nalelagaena kiena ne Ntewa la naþa asike e nene sumo.

<sup>26</sup> La asike e pog mïarera tai nagane, naþa la mokliu pe kiela sur re poli, limala korena ga, ana þegas nen li nalelagaena la nae yo make ga naþa Masitonia amio Kris, amloge, ana la ga aþar sitomena nene naþa asape popon akuan kilavaru tai vena iila laena.

<sup>27</sup> Nanene sur wo tai naþa akila tavega ga kiela sitomena, ana nepisu sane naga pe sur wo tai naþa monar akila kemua. La nene pe ape Yu re poli, ana e kiela malena amio Suþe, aþar navisa ruruena moki kiena ne Ntewa pimi e la, kome le Yu lala, ana pogos naþa le Yu la nene atol mïena ga pog mïarera, popon la naþa pe ape Yu re poli, akila maran towe van la, aiila la e sur laþas naþa limala plasanania.

<sup>28</sup> Ana kilavaru nene naþa amiyuwon poloia, amligan e lumñau vena nowar vano, ana pogos naþa neva neligan ruru sike amio le Yerusalem la narui, yoko nowasuþe in sina neim nokom pun amiu gar Rom, siraunia yoko neva yalen sila u gar Spen.

<sup>29</sup> A nemninu rui visae pogos naþa noworun amiu, yoko wo na wo van ita make ga, yoko neim nemio navisa ruruena wo kiena ne Kristo la ve moki naþa nevion van amiu.

<sup>30</sup> Erau lala, sineun nesape neviun manene van amiu e kia kiena kieta Suþe Yesu Kristo, nesape asitomal in mïa e kiamiu leniena lala. Nekilia nesape apulemama amio sinesiena naþa Ninuna Wa mlavia, ana popon alen wo inu manenea,

asikol kiamiu leniena amio kiau leniena naþa noþion ke nesape nelen silaga.

<sup>31</sup> Pogos naþa nepa netol lepas naþa Sutea vena neva Yerusalem, la mokliu naþa pe sinelan re naþa alelaga e Lologena Wo poli asike ea, ana pe nekilia re nesape yoko la asitom akila ya ne van inu, ana nemie awis pan amiu vena alen va Ntewa kilawo inu e kiela sitomena viowa lala e inu. A monar alen mïena ga sane li nalelagaena wa lala naþa asike gar Yerusalem, yoko akekarana ala narin kilavaru naþa yoko nekian van la.

<sup>32</sup> Ana visae sur make ga torokin nasi-nenanena kiena ne Ntewa, yoko nekilia nonialivin amiu amio pupia kekarena na losineu, a yoko nekilia nesu ruru nemio amiu, neva ruru inu sumo wa.

<sup>33</sup> A in mïena nesurña nemlen wo amiu, nesape yoko kieta Ntewa, purþes nen sumare, sike amio amiu vano-o ve uro re.

## 16

*Pol pisawal sur laþasa pa li nalelagaena lala gar Rom*

<sup>1</sup> Erau lala, sineun kaloen kiau mïaki e visena laþasa e lepas na kam laþasa. E lepas na vineta naþa Vipi, naþa naga ke narui þar mïak nene pimi mïalivin amiu, sineun akilia sa naþa naga pe yaru na visuaren yurñaena wo tai na þegas kiena ne li nalelagaena lala nae pulkumali naþa Kenkria,

<sup>2</sup> ana popon akekarana naþa aworworun naga, aure naga sane vinemiu tai loyurña e namratava mïana Suþe, sane torokin nenaga naþa ita li nalelagaena lala tekila van ita. Awis aiila naga e ya naþa naga limana plasanania, komin naþa naga pe sira wo tai naþa pe erau wo amio imimi moki, miila ruru imimi po paþisi.

<sup>3</sup> Sineun mïena ga nesape avisa kiau pokolulagi pona pokolemalo va sira wo taþena nene Priska, amio wona na yermïene Akwila, naþa mepe yar na yurñaevaena e yurñaena kiena Kristo Yesu.

<sup>4</sup> Lelaga naþa, pogos tai nanua ne, nesike e lepas na marena rui, ana lalua akila naþa lavis akilalu kiela malena naþa apim atamalia inu, ana nepisa potena pan la vanon paþisi. A pe in ga taaga re poli, ana þegas nen li nalelagaena taþena mïena laþasa e lepas nene la mïena apisa potena pan lalua vanon ya naþa akila ne.

<sup>5</sup> A pokolulagi pona pokolemalo naþa nepisa pan lalua, sineun nevisa mïena va taþena la naþa asurña loyurña e narin þegas nen li nalelagaena lala naþa apiora ke lele taaga e mïala loyurña lalua.

Sineun nesape nevisa mēna ve sa nini va la nene, sane kiau erau wo naḡa Eḡanatas, naḡa naga pe yar ḡesa e pupia lepas na Esia naḡa naga mlelaga e Yesu,

<sup>6</sup> a Maria, naḡa naga kila yumāena wo moki likan amiu,

<sup>7</sup> a yar lua taḡena na kiau yo nene Antronikas amio Sunia, naḡa nanua ne imimi make ga mesike e yumā na koaena veraga. Nalologena lalua nene, lalua amlelaga e Yesu nanua rui, sumon inu, a lalua aḡar kia wo paḡisi e nalologena taḡena lala.

<sup>8</sup> Laḡas ke sina ga, nane Ampliatas, naḡa Suḡe kila sane imimi lua mepe erau wo,

<sup>9</sup> a Uḡanas, naḡa memiyumāe lele taaga memio e lologena wo kiena Kristo, a kiau puruvi wo nene Stakis,

<sup>10</sup> a Apelesi, naḡa pe sur koren ga naḡa pupia na kilaliēna pimi pania, ana naga sumālu mārera e Kristo.

A nevisa mēna pokolulagi a pokolemalo va la ne mratava puna Aristopeulas,

<sup>11</sup> a taḡena naḡa imimi lua kiamimi visena taaga nane Erotian, a li nalelagaena kiena namratava puna Narsisas,

<sup>12</sup> a sira wo lalua na yumāena kiena Suḡe nene, Traepina amio luena Traeposa, a vineta mēna naḡa Pesis, naḡa sineta si naga paḡisi, a naga kila yumāena kiena Suḡe moki manene laa rui,

<sup>13</sup> a Rupus, nasumonena wo na yumāena kiena Suḡe, amio anona naḡa naga kila inu sa ga narina nenaga.

<sup>14</sup> A laḡas sina nane Asinkritas, Plekon, Emes, Patroḡas, a Emas, amio mēna puruvi taḡena la naḡa asike amio la,

<sup>15</sup> a naga sina, pe sineu ḡesan re Pilologas, Sulia, Nereas amio vinena, a Olimḡas, amio li nalelagaena wa taḡena la naḡa akila lotena pa lele taaga.

<sup>16</sup> Nekekaran naḡa nepitawe amiu make ga e kiau mākī nini, a amiu mēna monar aworworun ruru amiu, akila kiamiu sine-siena imi kate e namunen pipimiu e sinewoena. A ḡegas nen li nalelagaena kiena Kristo mēna lala e lepas la nene apisawal asape asumā asitonāal amiu ke e kiela leniena lala.

<sup>17</sup> Erau lala, nepiun māraran ke sina ga pan amiu nesape monar avisu ruru la naḡa asumā asiar ke veveyuena, akila ke li nalelagaena la amlilipere la, a asumā akawe ke visena na vianena la naḡa amiu atol pa rui. A pogos naḡa apisu ruru la, ve ava re lavisin la.

<sup>18</sup> Na nene komin naḡa yaru kar la ne sanene, pe akila re yumāena kiena kieta Suḡe Kristo poli, ana la asumā ataveve ke ga kiela sinenanena viowa lala. Akilia

avisawal sur ve moki naḡa wo na wo, ana visen kiki ga la ne, a asumā akilali nena sitomena ken yar la naḡa pe akilia ruru re sur poli.

<sup>19</sup> La punu ga akilia ruru rui asape amiu asumā amlogear ruru ke visena lala kiena ne Ntewa, a nanene kila nekekara paḡisi, ana monar avisuar ruruia e lepas na sur naḡa po, monar yepemiu mēae ruruia, a e lepas na sur viowa lala, monar ve kala narin namname tai to re nena e amiu.

<sup>20</sup> A visae akila ve sa nene, yoko kila mrapa kiena kieta Ntewa na sumāre, kila Yermare sike vatanon lolamiu lala vena aviemumuia. A kiau leniena nesape yoko lemamiēna kiena kieta Suḡe Yesu Kristo sike amio amiu.

<sup>21</sup> Erau naḡa Timote naḡa imimi lua memiyumāe lele taaga, pisa pokolulagi a pokolemalo pan amiu, a la telu nene nae kiau yo, Lusias, Sason, amio Sosipata, la mēna apisa.

<sup>22</sup> In naḡa nemllarar sur na siriena, nesiri mākī kiena Pol nini pan amiu, kiau kia Tesias, a in mēna ga sineun nesape nekekara paḡisi naḡa nevitawe amiu e mākī nini, e kia kiena Suḡe.

<sup>23-24</sup> Pogaga, inu si Pol nene nesiri ne, ana lavis nesiri make kiau mākī narui, a pokolulagi a pokolemalo pirnasu ke pan amiu, pimi kome la telu nene, Kaias, naḡa nesike e mēana umā, a naḡa li na lotena nae e yo nene asumā apim ke lele taaga e mēana umā, a Erastas, naḡa naga yerkawa na visuaren kilavaru na pulkumali nene, a kieta puruvi naḡa, Kotas.

<sup>25</sup> Ana e kiau visena maro, sineun nesape nela maran si nayeluarena make ga va Ntewa. Nemlen nesape yoko naga la visena la na Lologena Wo, amio navianena wo la naḡa apisayu Yesu Kristo naḡa nemla pan amiu rui, ligan ruru sike e kiamiu malena lala, vena asumā mārera e legiena na pimi ke ne. Visena wo lelaga la nene, yar la pe akilia re poli e kas la moki ḡaro pa rui, ana nagane Ntewa kipian ita.

<sup>26</sup> Nanua, yar la apulo visena lala kiena navisaluena lala, amninue asape visen lelaga la nene asike loyurmā e la, ana nagane, mepisawal meraravanja, a ita punu ga tekilia telogekilalea. A Ntewa, sane naga naḡa sike nakonua rui a yoko sike sike nena, naga pisaar sape Lologena Wo nene monar va vanua va yeririna na purvanua make ga, vena la mēna akilia aloge, a akilia alelaga ea.

<sup>27</sup> Naga taaga pe Ntewa, naga taaga pe purḡes nen manmaruena, a naga taaga naḡa Yesu Kristo kila kieta mrapa na lotunena, vano vano ve uro re pogos tai.

Inu, Pol.

**Maki Nasumo Naña Pol Siri  
Pa Pan Li Nalelagaena Wa  
Lala Nae Garu  
KOREN  
Visayuena Na Tusi Nene**

*Komþasnen suniena plas na tusi nini*

Maki nini pe maki naña Pol siri þesa na le Koren lala naña amlelaga e Yesu. Naga siria komin suri viowa la suñalu e maliena kiena li nalelagaena lala nae yo nene, a naga mligan maki nene pano vena iila la. Suñare nae Koren, Pol ke narui naga siaria.

Koren naga pupia pulkumali kiena le Kris lala, a naga pe pulkumali keviu na lepa naña Akaea, naña mñeke vatanon þarin suþe nae pulkumali naña Rom. Yaru nae purvanua taþena la moki asike e nene, a naga pe yo tai naña yaru la akila ruruia e lepa na kilaen yuñæna na tauluen kilavaru, a e lepa na kiela þelaga marua. A la nae yo nene, kiela kia keviu e yomarava komin kiela þelaga viowa lala, a naña amlotun ke ntewa taþena la moki.

Suri kerkeviu la naña Pol pisayu e kiena maki nene sanini:

pisayu napiowaena naña yaru na suñare la asuñæ amlipere la,

pisayu napiowaena naña la asuñæ akila ke piowa pa sira lala,

pisayu mrapa mesmesu na kilaen talovaena,

pisayu sanape e kinanena lala naña akila kuþaþæna e la van nono lala.

Pol pisatarñe kiela naviuniena laþasa, ana pian la e mrapa mesmesu na taveveena vena alotu e suñare, amio mñaræna la naña Ninuna Wa suñæ kian ke pa suñare, a nalelagaena naña yaru kilia mali sina. Pol kila meraravan naña kilia ruru napiowaena a navisatarñeena la nene, a pisa meraravan naña lologena wo kiena Yesu ga kilia la navisatarñeena van la.

E marana na keviu 13 pisayu þelaga na sinesien Ntewa amio yaru lala naña pe þelaga keviu tai naña yeririna kiena Ntewa la monar atavevea. Marana na keviu nene pe komþasnen visena kiena ne Ntewa naña yaru la akilia ruruia, taulu komþas taþena la na tusi nene.

*Komþasnen tusi laþas nene*

Visena þesa 1:1-9

Yaru na suñare la amlipere la 1:10—4:21

Mlamulena viowa amio sira, a malena na mratava 5:1—7:14

Li nalelagaena lala a yaru la naña amninue Ntewa 8:1—11:1

Mrapa kiena li nalelagaena lala na ki-laena lotena 11:2—14:40

Yesu mali sina, a yaru la naña alelaga ea akilia amali 15:1-58

Nalaena naña aligan va van li nalelagaena lala nae Yutea 16:1-4

Visena maro 16:5-24

*Pol sike gar Episas, pisa pokolulagi pona pokolemalo pan le Koren lala*

<sup>1</sup> Erau nae Koren lala, inu naña nesiri maki nini piñasu pan amiu, inu Pol, naña Ntewa sinenan sape neimi neve nalologena tai kiena narina Yesu Kristo, ana pio inu, pisirlua inu vena nouarar yuñæna na sanini.

Nesike e yo nini nemio kieta erau Sostinis, ana imimi lua mepisa pokolulagi pona pokolemalo pan amiu punu ga,

<sup>2</sup> nae suñare kiena ne Ntewa e pupia pulkumali nene Koren. Kam ke narui naña Ntewa pio amiu aimi vena asikol amiu amio kiena li nalelagaena taþena lala, naña asutetae asike e yo punu ga naña asuñæ amlotun naga naña kila ita tepe wa ruru rui, nane Yesu Kristo naña naga pe kieta Suþe ita punu ga.

<sup>3</sup> Memlen mesape lemamiena kiena ne Yesu Kristo a suñare kiena ne Ntewa arimata sike amio amiu.

*Pol pisa potena pa Ntewa komin naviawaena kiena le Koren lala*

<sup>4</sup> Nepisu sane pogos naña apim ape yeririna kiena Kristo Yesu, lemamiena kiena ne Ntewa suñæ miyuniæ keviu e kiamiu malena lala, ana silaga nesuñæ nepisa potena keviu vanonia.

<sup>5</sup> Asuñæ apim apo manene laa e lepa na visawalen Lologena Wo, a asuñæ apa ke metava e lepa na kiamiu nakiliaena, e mña ga e lepa na þelaga wo taþena make ga lala.

<sup>6</sup> Pogos naña nepisu nene, nepisu sa ga kiau yuñæna la nanua ne, naña nepian amiu e Kristo, nagane suñæ þar ke pupia mrasa.

<sup>7</sup> Nalaena lala pona namaræna lala naña Ninuna Wa suñæ kian pan amiu, pe tai re naña pe atol re poli wa, ana asuñæ amiyuniæ ke amio la po paþisi, komin akirakiravan ke naña kieta Suþe Yesu Kristo kilia imi mñalivi si e yomarava nini.

<sup>8</sup> Naga pe pimi mñalivi re poli wa, ana naga suñæ miila ita silaga vena tesuñalu mñarera tesuñæ ga vano-o tol legiena maro nene, ana pogos naña tesuñalu tese

marana ne Ntewa, yoko naga kila naþa naviowaena taþatete se ita.

<sup>9</sup> Ntewa pisaar rui vena viewo ita, ana tekilia towasine ruru kiena visena nene, komin naga pio ita, þere ita sikol ita teve erau wo temio narina, Yesu Kristo kieta Suþe.

*Suñare suñã mlilipere paþisi*

<sup>10</sup> Kiau namratava lala kiena kieta Suþe Yesu Kristo, nesape neviun manene van amiu e kiena kia, nesape aþionli naþa aim ave taaga sina. Popon ve alilipere amiu re, ana amiu, kiamiu sitomena a kiamiu visena monar ve taaga.

<sup>11</sup> Nepisa visena la nene, komin la naþa puna yaru nene Kloe apim apisawal pan inu asape veveyuena sike likan amiu, olai lala a vineu lala.

<sup>12</sup> Nemloge naþa amiu pepe taaga asuñã apisasa ke kiamiu þegas lala asape "In na yoko netaveve Pol," pona taþena sape "O, in na nepe kiena Apolos," pona tai sina, sape "O, in na nesikol inu e þegas kiena Keþas." A laþas sina, apisirilua si kiela narin þegas laþasia, akoven plan taþena lala, asape "O, imimi ga mepe yeririna kiena Kristo lelaga."

<sup>13</sup> Ke, ya ne akila ke sanene? ? Pona popon tetewowa Kristo ve kinakinasa, teliwerwere e kiamiu narin þegas la sanene? ? Pona laþas asape ape kiau Pol, komin naþa asitom asape in ke narui naþa netelan inu e laki torovia vena netamalia la? ? Pona laþasia sinela þesan naþa akeela e kia kiena Yesu, ana asitom asape akeela e kiau kia?

<sup>14-16</sup> Sanene, nepisu pogaga naþa nanua ne, pe nekee amiu re nena tai poli, Krispas ga lalua Kaias, pona sineu þesania, nekee miena Steþanas amio namratava puna, a pe nesitomãl re si po laa rui, sane la ga nene, pona laþas sina? Nepisa sanene komin naþa visae nekee amiu ve moki, pona asuñãlavis vilaveena rui, asuñã avisave "¡O, imimi ke narui, naþa Pol kee imimi e kiena kia!"

<sup>17</sup> Sanene piowa ga, komin Kristo pe mligan inu re nepimin keen yar la poli, ana mligan inu nepimin logongen kiena Lologena Wo van la. A pogos naþa nemlologon ke sanene, pe nekila re nemio ñareraena na manmaruaena na yomarava nini poli, ana nekila amio ñareraena na laki torovia kiena ne Kristo.

*Kristo kipian manmaruaena a ñareraena kiena ne Ntewa*

<sup>18</sup> Ana yaru la naþa asuñã ataveve ke mrapa na kovioena, amloge visena na laki torovia kiena ne Kristo sane suri tai

naþa pe sur korena ga pan la, ana ita la naþa tetaveve ke mrapa na malena, temloge visena na kiena laki torovia sane ñareraena kiena ne Ntewa natamalia itaena.

<sup>19</sup> Naga nene sane visena kiena Siriena Wa tai, naþa Ntewa pisa sanini, sape "Yoko nowe plan manmaruaena kiena la naþa asitom ke asape ape manmarua,

yoko nekilawo nakiliaena kiena la naþa asitom ke asape akilia suria." Ais 29:14

<sup>20</sup> Ana visena nene pe lelaga paþisi, komin naþa tepisusu yomarava, tekilia teviun tevisa sanini tevisave awa kiena yaru na manmaruaena lala? Awa yaru la naþa apisuveve ruru kiliaena la naþa sike e tus lala? Awa yaru la naþa akilia avisayu ruru sitomena la naþa pe taþena pe taþena naþa tetelivi ke nagane? Tepisu sane peraga yo, a tepisu sane Ntewa kila manmaruaena lala na yomarava nini apimi sane sur wowe ga tai rui.

<sup>21</sup> Ntewa ga pe manmarua, a e kiena manmaruaena, naga kila sane manmaruaena na yomarava nini taþatete kilia kila yaru kilia naga. Ana naga pisu sane po laa sane vena kila naþa kiamimi lologena lala, naþa yaru la asitom ke asape pe wowe ga, kilia tamalia yaru naþa mlelaga ea.

<sup>22</sup> Le Yu la moki liu naþa yepela mavin lelagaena, asuñã apisavisa ke asape visae mekila kile lala, yoko alelaga ga na wa, a le Krik la moki liu yepela mavin lelagaena, asuñã apisa ke asape visae mevis mesmesu nena e kiela nakiliaena marua lala, yoko alelaga ga na wa,

<sup>23</sup> ana pe mekila re sanene pan la poli. Memlologon ga Yesu pan la, mesape naga marewo kiela mlamulena viowa lala e laki torovia, ana visena nene, le Yu lala asape taþatete alelaga ea, a le Krik lala, asape visena na wowe ga nene.

<sup>24</sup> Ana e lepas kiena ne la naþa Ntewa pio la vena ave kiena, sane ita, naþa ita laþas tepe le Yu a ita laþas tepe le Krik, pe sa re nene poli. Ve tesitom re tesape tevisu kile taþena, komin naþa tepisu kilale ñareraena kiena ne Ntewa e yuñãena kiena Kristo rui, a ve tesitom re tevisave tetaveve kiliaena taþena, komin naþa tepisu kilale namanmaruaena kiena ne Ntewa e mrapa kiena Kristo natamalia itaena.

<sup>25</sup> Yaru taþena lala apisu naþa Ntewa tañan Kristo mare e laki torovia, asitom ke asape Ntewa malumu ga, ana peraga. Sur nene kila meraravan kiena ñareraena naþa ñarera laa sane, taulu ñareraena

kiena yaru. Apisu sur nene, asitom asape Ntewa pe wowe ga, ana peraga, kipian kiena manmaruaena naþa po manene laa taulu manmaruaena kiena yaru.

<sup>26</sup> Wolai a vineu lala, asitomyuli sane kam na sanapen naþa Ntewa pio amiu ape kiena? Pe ita moki re poli naþa e lepas na visuena na yomarava, ita temanmarua, pona tepe yaru m̄arera, pona tepe yaru kerkeviu lala.

<sup>27</sup> Yomarava nini sape tepe wowe, ana Ntewa þere ita, ana kome ita suñia kila plan ke manmaruaena na yomarava. Yomarava nini sape ita temalum ga, ana Ntewa þere ita, ana kome ita, suñia kila ke m̄areraena na yomarava pito tano.

<sup>28</sup> Yomarava nini pisa ke sape ita yaru korena ga naþa tesike tano, ana Ntewa þere ita, ana kome ita, suñia kila ke pupia suri kerkeviu la pito tano, kila apimi ape suri korena.

<sup>29</sup> Sanini, pe yar re nena tai naþa kilia visirlua naga e marana Ntewa, sape naga pe manmarua, pona naga m̄arera, pona naga yar tai ne,

<sup>30</sup> ana Ntewa ga pe purþes nen kieta malena viu temio Kristo Yesu. Naga ke narui pitetalia Yesu pimi kilologia mrapa pan ita, ana Yesu pul plan ita, kila ita temesmesu e marana, kila ita tepimi tepe kiena yaru wa lala.

<sup>31</sup> Ana komin suri ne nanene, tepisu naþa visena kiena ne Tusi Wa tai pe lelaga paþisi, naþa pisa sanini, sape *“Yaru naþa sinenan sape warwaria, naga kilia warwarian ga kieta Suþe.” Ser 9:24*

## 2

*Pol mlogogon lak torovia kiena Yesu e m̄areraena kiena Ninuna Wa*

<sup>1</sup> Erau lala, nanua kam na amninue visena kiena ne Ntewa lala, ana nepim nepisawal pan amiu. Ana sa ga naþa apisuia, pogos naþa nepimin nekila, pe nekila re naþa nepilaven visena piayavi lala pona manmaruaena kiena yaru.

<sup>2</sup> Nekila kiau sitomena m̄arera nesape pogos naþa nesike likan amiu, yoko ve nesitomñal re si sur taþena, ana yoko nelologogon ga Yesu Kristo, amio kana marena e lak torovia.

<sup>3</sup> Nesike nemio amiu, nemloge sane yepeu malumu paþisi, nemarau, sineu kurkur,

<sup>4</sup> a kiau visena a kiau suniena pe pulen re nena manmaruaena pona kiliaena kiena yaru. Ana e pogos nene, amloge naþa kiau visena lala apulen m̄areraena kiena Ninuna Wa,

<sup>5</sup> a kila sane kiamiu naviawaena pe suñial re su e visena na manmaruaena kiena yaru poli, ana suñialu su e m̄areraena kiena ne Ntewa.

*Manmaruaena kiena ne Ntewa*

<sup>6</sup> Lelaga naþa kiau visena pe pulen re visena lala na manmaruaena na yomarava nini poli, pona kiliaena kar la naþa yerkawa na yomarava nini la akekaran poli, ana pogaga, komin yomarava nini amio kiena yerkawa lala yoko avano amapga. Ana kam la naþa kiamiu sitomena marua ruruia, apisu kilale naþa kiau visena lala pulen ruru nena manmaruaena kiena ne Ntewa.

<sup>7</sup> Kiena manmaruaena nene, naga þarpolo ruru sike pa rui sumon naþa naga si yomarava nini, ana manmaruaena nene tapolou ruru suñia ga, yar la pe akilia re nena ga, ana nagane narui molue merarava ruru ga pan ita na wa sane pupia visaruruena tai naþa Ntewa mlavia vena kila ruruitaena.

<sup>8</sup> A kiena manmaruaena nene m̄alivin ita e mrapa naþa Yesu pimi tamalia ita, ana yerkawa na yomarava lala pe apisu kilale re sur nene poli, ana atarar Yesu, naþa naga pe pupia Suþe na urarena nae ma e peni, la atelanm̄ar naga metava e laki torovia.

<sup>9</sup> Yeririna la pe apisu kilale re sitomena kiena ne Ntewa sanene poli, naga sane Siriena Wa tai, naþa pisa sanini sape *Sur nowo la naþa kilamarana yaru pe pisuli re poli wa, pona kiligana yaru pe mlogeli re poli wa, pona los nen yaru pe sitomli re poli wa, ana sur ke la nene Ntewa kila ruru suñia ga pe kiena ne kiena yaru la naþa sinela si naga.* Ais 64:4

<sup>10</sup> Ana ita, ita na tekilia navisa ruruena la nene, komin Ninuna ne Ntewa naþa pisu kilale make suria, a kilia make sitomwana kiena ne Ntewa, naga kipian itania.

<sup>11</sup> Sa ga ita yeririna, naþa yar taþena mninue ya naþa sike e kieta sitomena, ana ninuta ga kilia ruru po. Ana maran taaga m̄ena sa nene e Ntewa. Pe tekilia re ya naþa sike e kiena sitomena poli, ana Ninuna ga kilia m̄aga, ana pisawal pan ita.

<sup>12</sup> Pe ninuna na yomerava re ga nini tai poli naþa pisawal pan ita, ana Ninuna Wa nene naþa molue ma puna Ntewa pitomi, naga ke narui naþa kila ita tepisu kilale ruru nalaena wo la naþa Ntewa suñia kian ke pan ita.

<sup>13</sup> Sanene, popon avisu kilale m̄ena sane kiamimi visena la naþa pimi ke pan amiu, pe amolue re e manmaruaena kiena yar poli, ana Ninuna Ntewa ga suñia pian

itania. Sanene, mesumña mořar ke visena lelaga lala kiena Ninuna Wa nene, ana memligan sike e amiu nařa Ninuna nene sike e kiamiu malena rui.

<sup>14</sup> Yar nařa Ninuna pe su re e kiena malena poli, naga tařatete visu kilale sur lala na Ninuna, naga sane pe yar tetan ga e la, ana naga tařatete nena tol mřareraena la nařa Ninuna kiania.

<sup>15</sup> Yaru nařa Ninuna sike e naga, yoko naga kilia visu kilale ruru sur make ga, ana yar nařa Ninuna pe su re e naga poli, naga tařatete visu kilale ruru ya nařa sike e malena kiena yaru nařa Ninuna sike ea.

<sup>16</sup> Visena Wa pisa sanini, sape  
*Pe yar re nena tai nařa kilia ya nařa sike e sitomena kiena ne Ntewa poli,*  
*pe yar re nena tai nařa kilia vian si sur va Ntewa poli.* Ais 40:13

Visena nene pe lelaga pařisi, ana e ita nařa Ninuna sike e ita, tetol sitomena kiena Kristo rui.

### 3

*Pe pon re veveyuena su likan nalelagaena la poli*

<sup>1</sup> E pogos nařa nesike nemio amiu nanua ne, sineun nesape nevis ruru nemio amiu sa nařa kam na ape yeririna nařa Ninuna ne Ntewa sike e kiamiu malena rui, ana peraga. Nepisu sane kam na pe atoroki re poli wa, nane kila narui nepis pan amiu sa nařa kam na ape yar na yomarava ke ga wa, nařa e lepas na kiamiu malena amio Kristo, kam na sa ke sisi tomtom lala wa.

<sup>2</sup> Sanene, nepagan amiu e ga e yu, tařatete nela kinanena mřarera van amiu, komin kam na pe atorokin re poli. Ana pimi tol nagane, nepisu sane kam na pe atoroki re poli wa,

<sup>3</sup> komin nařa řelaga na yomarava nini mok liu sike likan amiu wa. Pona kam na pe apisu kilale re poli yo, ana pogos nařa vielueena amio veveyuena sike e amiu, kana kinasa sane asike e yemalolo na wa, kiamiu řelaga sa ga řelaga kiena yaru.

<sup>4</sup> Merarava ruru po pařisi nařa amiu na sanene, komin nařa asumña amliřere amiu ke sanene. Kam lařasa asumña apisa inu, asape "Aulai, imimi na mekekaran Pol, metaveve naga," a kam lařasa asumña apisa ke erau nalologena Apolos nene, asape "Ke, imimi na mekekaran Apolos, metaveve naga," ana sitomena sur la ne sanene, sitomena kien yar ga.

<sup>5</sup> Visae sinemiun avisayu kiamimi kia imimi lua Apolos, popon asitom ruruia avisave imimi lua mepe yar sur na sanape? Imimi lua mepe yar kiena Suře ga, vena

kilaen yurñaena nařa mligan sike e li-mamimi, vena kila sane akilia alelaga ea.

<sup>6</sup> E lepas na yurñaena nene, in ke narui nemapila kurusia, a Apolos ke narui naga řeleule susia, ana Ntewa ga nařa kila purřesia kapuru pimi kerkeviu řar mrasa.

<sup>7</sup> Ana monar tevisu kilale sane yar nařa mapila kurusa, a naga nařa řeleule susia, lalua pe akila re pupia sur tai poli, ana naga nařa kila purřesa pimi keviu řar mrasa, naga ke narui kila pupia suria.

<sup>8</sup> Ana imimi lua, nařa tai mapila kurusa, a tai řeleule susia, imimi lua memiyurñae maran taaga ga, a yoko imimi luoka ga mowar kiamimi nalaena torokin kiamimi yurñaena.

<sup>9</sup> Pe sa re nařa imimi lua, imimi yar tai naga po, a tai piowa ga, ana imimi lua mepe yar na yurñaevaiena lele taaga kiena ne Ntewa, a amiu na sane porotano nařa memiyurñae ea.

Pona kana totou tařena na visaena, nekilia nevisave kam na sane yurña tai nařa Ntewa sumña miyurñaenia.

<sup>10</sup> Ntewa mla kiliaena wo pan inu, ana nemiyurñae sane yar tai nařa yepena mřaen yurñaena, nemiyurñaen řeren yurña tai nařa mřarera ruruia sike na. Ana sirauria, pe in re nařa nepisirlua yurña metava e řerena nene poli, ana erau tařena nene pimi sumña miila nayurñaenen yurña. A kam ke sina ga lařasa akilia aila nakilaen yurña metava e kana řerena nene, ana yaru nařa yurñaen sanene monar visuar ruru kana řelaga na yurñaena.

<sup>11</sup> Naga monar tařatete liganli si řerena tařena, komin nemligan řerena napo rui, nane Yesu Kristo.

<sup>12</sup> A pogos nařa amiyurñaen yurña metava e řerena nena, pona lařasa amiyurñaen e kol pona selpa pona kilavaru mřarera, pona lařasa amiyurñaen e laki pona mřaero pona mřakururuye.

<sup>13</sup> Ana sirauria, yoko kapi na legiena maro kekania kilali kiela yurñaena lala, kila yurñaena la nařa akila, mřalivi e yo metava.

<sup>14</sup> Visae kapi tol yurña nařa yar tai pisirlua metava e řerena nene, ana kekan řele ga, yurña sumřalu ruru suria ga, yoko yar nene war kiena nalaena wo tai.

<sup>15</sup> A visae yar tařena, kapi kekan make kiena yurñaena, yoko yar nene kilalu make kiena suria. Lavis kapi nene kilia kekanmřar mřena yar na yurñaena nene, ana pona naga purmatan kapi nene, tamalia kiena malena.

<sup>16</sup> A kam na monar avisu kilale sane yurña nene nařa amaplar metava e řerena nene, naga kam li nalelagaena lala, a sane

yum̃a na lotena wa tai m̃ana Ntewa, naṓa Ninuna sum̃a loyum̃a ea.

<sup>17</sup> Yum̃a na lotena kiena ne Ntewa naga kam ga ne, a visae yar tai sinenan sape kila kare yum̃a nene, yoko Ntewa welua nena naga, komin kiena yum̃a na lotena nene naga pe wa paṓisi.

<sup>18</sup> Amiu monar ala ya naṓa nepisa ke ne, pe pon re asitom avisave naga pe sur korena ga. Visae amiu yar tai sitom ke sape naga pe manmarua ruru po e nakiliaena na yomarava nini, popon manene naga ligan sitomena navisokanena la nene sike na. E lepas nakiliaena na yomarava nini, naga monar kila naga sane yar ga tai naṓa pe wowe, ana visae naga kila sanene, yoko naga kilia ve manmarua ruruia e nakiliaena lala kiena ne Ntewa.

<sup>19</sup> E Visena Wa, tepisu visena tai naṓa kila meraravan sape manmaruaena na yomarava nini sane sur wowe ga e marana Ntewa, naṓa pisa sanini, sape

*La naṓa asitom ke asape la ape manmarua ruru po e yomarava nini, asitom ke asape la akilia suria, ana e marana Ntewa la ape wowe ga, naga pisu kilale la ruru rui.* Sop 5:13

<sup>20</sup> A visena taṓena sina sanini, naṓa sape *Suṓe pisu kilale ruru sitomena lala kiena li na manmaruaena la na yomarava nini, sape ape sur korena ga.* Yauena 94:11

<sup>21</sup> Sanene na, ve tevilaven re sitomena na yomarava lala. Taṓatete akila sur wo tai van amiu, komin naṓa Ntewa kian kiena navisa ruruena wo punu ga pan amiu rui.

<sup>22</sup> Inu Pol nemio Apolos a Keṓas, mekila yum̃aena wo punu ga pan amiu rui, a nagane yomarava nini sike e limamiu. Visae amal pona amare, visae asuṓa nagane pona ase legiena naṓa pimi ke ga wa, ana sur punu ga ape kiamiu rui,

<sup>23</sup> a amiu ape kiena Kristo, a Kristo pe kiena ne Ntewa.

#### 4

*Yum̃aena kiena Pol amio Apolos sane nalologena kiena Yesu*

<sup>1</sup> Sanene na, amiu ve aligan imimi re meva metava, ana popon avisu imimi sa ga yar na yum̃aena kiena Kristo lala, naṓa naga mligan visawanena lala kiena ne Ntewa e imimi, vena mevisawal va la naṓa pe akilia re poli.

<sup>2</sup> A pupia sur naṓa sike e kiamimi sitomena, mekilia sane monar memasisun ruru wo e yum̃aena nene naṓa kiamimi yerka wa mligan e limamimi.

<sup>3</sup> Pe nesitom manene re nesape aṓa amiu asitom ke sanapan inu, po yar la

aliṓere inu ve sanape, a in m̃ana pe nepilevilen in re sina poli nesape in na sanene pona sanene.

<sup>4</sup> Lelaga, pona nepisu in ke sina ga nesape nemiyum̃ae pogaga ne, ana nanene kiau sitomena ga ne. Kiau sitomena nene taṓatete kilia kila inu nemesmesu, a Suṓe ga naga pe yar naṓa torokin liṓere inuena.

<sup>5</sup> Ve sanene na, ve tokoskosin re liṓereen yar taṓena, ana monar tesuṓate Suṓe wasuṓe e kana legiena na liṓereena nena. E pogos nene, yoko naga la sur la naṓa atapolou asike e yemalolo, kila naṓa amolue e yomerarava, a yoko la sitomwanena la naṓa atapolou ke e los nen yar, kila naṓa amolue e maran yeririna make ga. Yoko Ntewa waveve sur la nene, ana yoko naga vis va yeririna lala torokin ya naṓa naga m̃al e kiela malena.

<sup>6</sup> Erau lala, visen la ne nesuṓa nepisa ṓisi ne, nesuṓa nepisayu ke ga imimi lua Apolos ne, ana nekila sanene komin sineun nevian ruru amiu, sane ve avisusu re ve taṓena e kiamiu navianena lala. Amiu laṓasa apilave komin navianena na kiela ṓegasa, a asuṓa apisusu ke piowa e navianena na ṓegas taṓena, ana sanene na pe mesmes re poli.

<sup>7</sup> Kam punu ga maran taaga, kam na pe apo manene re taulu taṓena la poli, a visae sur wo tai sike e amiu, pe kam re na amiyum̃aen poli. Ntewa ga kian pan amiu sane nalaena tai, ana sanene na pe pon re si avis vilave vanon poli.

<sup>8</sup> Lelaga, nekilia nesape asuṓa asitom ke asape kam na limamiu pulen sur wo lala kiena ne Ntewa rui, ana amloge po, asitom ke asape kam na ape kiena yerka wa lala na yomarava nini rui, naṓa akoven imimi mesike nena varau. Visae lelaga naṓa sane kam na ape ṓarin suṓe lala kiena ne Ntewa na yomarava nini, po paṓisi, ana pe nesitom re nesape sanene poli.

Ana visae pogos tai ve sanene, pona pe kam re ga poli yo, ana yoko Ntewa visu sane imimi lua m̃ana ga metorokin meto metava memo amiu vena ve suṓenen kiena yeririna lala.

<sup>9</sup> Ana nagane, imimi li nalologena lala pe mesu re e yo wo na sanene poli. Sane Ntewa mligan imimi mesike laa varau tano, naṓa yeririna na yomarava nini amio m̃ana navisi lala apisu kare imimi, sane metorokin ke ga yaru lala naṓa amla koena na marena pan la.

<sup>10</sup> Memlogear ke Kristo, mekila ke kiena yum̃aena, ana li taṓena la apisu imimi sa ga mepe wowe towe ga, ana asuṓa apisayu amiu asape ape manmarua ruru nena e malena kiena Kristo. Apisu sane imimi na memalum ga, ana kam na



añarera. Apisu imimi piowa ga, ana amligan amiu asike metava.

<sup>11</sup> Imimi na pe sa re nena amiu poli, komin siar nanua pimi tol nagane, viso kar imimi, moto kar imimi, pe ñamimi kulsota wo re poli, mesuñia mepane ke pog ñarera lala, ñamimi yuñia wo re naña memon e poli,

<sup>12</sup> ana mesuñia memal ke ga e yuñiaena na limamimi. Yar la apiuelin imimi, ana mepisa ruru la ga. Akila kare imimi, ana metañan ga.

<sup>13</sup> Apisa kare kiamimi kia, ana mekilali naña mepe erau ruru ga memio la. Mekila po sanene, ana akila imimi sa ga kororaki na yomarava nini. Lelaga, pimi tol nagane apisu imimi sa ga sur korena ga.

*Pol piun sape ataveve lana*

<sup>14</sup> Pogaga, pe nepisa re visena la ne ne vena kila amiu amawa poli, komin kam na sa ga naru lala naña sineu sii amiu pañisi, a sineun nevian ruru amiu.

<sup>15</sup> Nekilia nesape yerkawa tañena la mok liu naña apisuar amiu a amiila kiamiu lelagaena e Kristo, ana popon asitonñal sane inu ga taaga nepe arimamiu. In na noñar pësan Logolena Wo kiena Kristo pimi pan amiu, ana in na sane arimamiu e kiamiu malena amio naga.

<sup>16</sup> Sanene na, nepisu sane mesmesun ga naña nevis van amiu, nomarëran amiu nesape ataveveli lelen lau sumo.

<sup>17</sup> Sitomena ne nanene kila nesape nevitetalia Timote iñasu pun amiu. Nepisu sane Suñe tañan naga pan inu sa ga naru tai, komin naga miyuñia ruru po e yuñiaena lala a nekekanan naga pañisi. Ana pogos naña visae imi ñalivin amiu, sineun nesape naga kila amiu asitom ruru si kiau ñelaga nayalena naña nataveveen Kristo, sa naña nesuñia nepian ke pa yar lala na suñare make ga la naña nesuñia neteteliv ke e la.

<sup>18</sup> Nekilia sane pogos naña apisu sane pe nomañaliv re si pun amiu poli, kam lañasa akilali naña amligan la sina asu metava.

<sup>19</sup> Ana pogaga, komin naña visae Suñe tañan van inu, yoko ve ve piavi re neim nomañaliv amiu. E pogos ne nanene narui, yoko yepeu mavin logeen visena kiena la nene, ana sineun nesape nevisu sane kiela ñareraena na kilaen yuñiaena ñarera sanape.

<sup>20</sup> Nanene komin naña visena kiena yaru pe pe sur re tai poli loyuñia e nasuñenena kiena ne Ntewa, ana ñareraena kiena Ninuna ke narui naga pe pupia suria.

<sup>21</sup> Pogaga, sineun nesape asitom ruru sumo, sane visae nomañaliv amiu, yoko

ve sanape? Visae sinemiunia, nekilia neiñasu pun amiu nemio kiau visena ñarera lala na veveyuena, ana po manene laa visae akila kiamiu sitomena la su tano sumo wa, ana nekilia neiñasu nemio ga visena la naña malumu, e ñelaga na sinesiena.

## 5

*Pelaga viowa loyuñia e suñare*

<sup>1</sup> Visena pimi tol kiligau sape sur tai sike likan amiu naña piowa manene laa. Apisape kam yar tai, arimana pa talopa amio sira tañena, ana siraunia, yar nene pin-aun wona arimana nena pimi sike amio. Lelaga kemua naña, yaru na yemalolo lala tañatete akila ñelaga nene, ana sanape na kam li nalelagaena tai suñia kila?

<sup>2</sup> Kam li nalelagaena lala asuñia apisir plan amiu, asape kam na amiyuñia e ke po, ana sanape asuñia atañan ke ñelaga na sanene suñia miyuñia e ke likan amiu? Popon aloge viowagan sur nene, a popon akovenlua yaru nene vetan kiamiu suñare.

<sup>3</sup> Ee, lelaga naña nagane nesike e yo nini nesike laa perinan amiu, ana e ninuu nemloge sa ga nesike ga nemio amiu. Sanene na, e kia kiena Suñe Yesu, nesuñia nepisawal ke nalipereena tai kiena yar nene sa ga nesuñial ke ga nesike e maramiu.

<sup>4</sup> Sanene na, pogos naña aim si lele taaga, monar avisu sa naña ninuu sike ga amio amiu, a monar akilia sane Suñe Yesu ñena sike amio kiena ñareraena,

<sup>5</sup> ana monar akovenlua yar nene vetan suñare. Naga monar ure sina, wasuñe si e yomarava va e limana Yermare, ana popon ñelaga lala na mlamulena viowa na yomarava akila naga loge viowa vano vano-o va ñisi, ana suraunia pona wasuñe si imi yo, vena Suñe kekanan tamalia ninuna e legiena maro.

<sup>6</sup> Erau lala, pe pon re asuñia awarwar manene amiu poli, avisave kam na amekiki, komin kororaki nene sike e amiu na wa. Kam na akilia rui sa naña narin is ga, ana kilia kila kilaparavi punu ga lapa.

<sup>7</sup> Sanene na, popon vena awar plan is viowa nene naña sike e amiu, vena amiu punu ga aim aekiki ruru sina. Monar tesitomñal sa naña yermarua lala asuñia akila ke kuñapaena e narin sipsip vena kilaplanen kiela mlamulena viowa lala, ana Kristo pimi mare e laki torovia vena warplanen kieta mlamulena viowa lala, ana pe pon re kororaki suñia e ita poli.

<sup>8</sup> Ana pogos naña yermarua la akila kuñapaena ñisi, akila kana ñağagna

nena, a ita nalelagaena mēna lala ita mēna kieta p̄aḡagena tai. Ana pe pon re tesike e p̄aḡagena nene poli, takan kilaparavi tai naḡa is marua sike ea. Visena nene kana kinasia sane pe pon re sane mlamulena viowa a p̄elaga viowa na malena marua suḡa ga e ita, komin loyumuḡa e malena na suḡare, sur make ga monar ikiki ruru wo, ve lelaga ruru wo, a ve wa ruru wo.

<sup>9</sup> Kiau visena tai pan amiu sanene rui. E m̄aki tai naḡa nesiri piḡasu pan amiu nanua rui nepisawal nesape pe pon re ava lele taaga amio yar la naḡa akila ke p̄elaga viowa la poli, pona asuḡa akiriri kar ke vanon sira lala.

<sup>10</sup> Ana pona kam laḡasa amlogepal kiau visena nene yo, komin pe nepisa re e lepas kiena yar la naḡa pe amlelaga re poli. E la nene, la moki akila kolau, la moki ape puluvīs lala, la moki apinau, la moki amlotun kiela nono lala, ana visae sinetan tevisave tesu perinan la, pona monar teligan ga yomarava nini narui, komin naḡa ita make ga tesike e yomarava, a tesuḡa tepitawe ke yar sur na sanene silaga.

<sup>11</sup> Pe nepisaluḡar re nene poli, naḡa tesuḡa tepitawe ke yar kar na sanene e kieta yalorena, ana ya naḡa sineun nesape nevisa, sineun nesape visae yaru tai suḡa ga, neḡa naga pe nalelagaena lelaga tai, ana apisu ke naḡa e kiena malena naga suḡa taḡa ke kolau, pona suḡa pe puluvīs lue ga, pona suḡa mlotun ke nono lala, pona suḡa piuel, pona suḡa mun kuruta namunena, pona suḡa pinau, ana pogaga, yar sur ne nanene narui ve akila re nena sur tai amio naga. Yoko ve ava re lavisinia, ve akinana re lele taaga amio.

<sup>12</sup> Ve sanene na, e lepas kiena la naḡa asike vanua e suḡare, pe pe kieta re naḡa teliḡere kiela malena poli, ana e lepas kiena la naḡa asike loyumuḡa e suḡare, monar tevisuveve ruru la. Visae laḡasa asuḡa akila ke p̄elaga na mlamulena viowa la naḡa sane nepisa ke ne, monar teliḡere la, a monar tekila sur tai van la.

<sup>13</sup> Ntewa ga yoko liḡere la naḡa pe asu re loyumuḡa e suḡare poli,

*ana e lepas kiena yar nene naḡa suḡa kila ke p̄elaga viowa likan amiu, kam ke narui monar akoven lua naga vano.*  
Naw 17:7

## 6

*Pelaga wo na kilaruruen veveyuena*

<sup>1</sup> Nemloge mēna sane pogos tai, kieta puruvi tai na suḡare naga pepeyu amio amiu taḡena tai, ana naga suḡalu p̄ere taḡena nene pa e pupia kumali apis pania. Nepisu sane sur nene pe mesmes re nena

poli, komin naḡa pe pon re yar la naḡa amlelaga e Ntewa ava asuḡalu e marana yerkawa la nene naḡa pe amlelaga re e Ntewa poli, vena yerkawa la nene aliḡere la.

<sup>2</sup> Pogos naḡa li nalelagaena lala aveveyu, popon li nalelagaena taḡena ga lala akila ruruia, komin naḡa monar tesitorḡal tevisave ita li nalelagaena ke la narui naḡa teliḡere yeririna lala na yomarava e legiena maro. Ana visae ita ke narui naḡa yoko tekila pupia yuḡaena na sanene, pona amiu atorokin naḡa akila ruru ki-amiu narin veveyuena la ne sanene.

<sup>3</sup> Yoko Ntewa ligan ita vena teliḡere navisi lala nae peni, ana pogos naḡa li nalelagaena taḡena lala avisin sur na yomarava nini, sanape? Apisu sane m̄arera paḡisi, taḡatete akila ruruia?

<sup>4</sup> Peraga, monar akila. A visae peraga, pona asitom asape popon amiu li nalelagaena lala aligan kiamiu visena e limana yar taḡena la naḡa pe asuḡa apim re e suḡare poli?

<sup>5</sup> Nepis m̄arera sanene komin naḡa sineun nesape nekila amiu amawa towe laa ga! Ee, nemilan manene paḡisi navisuenas sa naḡa pe amiu re nena tai naḡa pe manmarua poli, naḡa kilia kila ruru kiamiu veveyuena la nene.

<sup>6</sup> Pona sur ne nanene narui kila sane kieta puruvi taḡena na suḡare suḡalu mligan puruvi taḡena nene pa e pupia kumali, ana suḡa pisawal ke kiena napi-owaena lala e marana pupia yerkawa lala e totanoena nene, la naḡa pe amlelaga re e Ntewa poli?

<sup>7</sup> Nesuḡa nepis ke pan amiu sanene e lepas na mrapa naḡa monar atavevea vena kilaruruen veveyuena la naḡa sike likan amiu, ana po manene laa visae veveyuena re mēna ga. Veveyuena la ne sanene, kana kinasa sane Yermare suḡa taulu amiu rui. Pona pe akilia re poli yo wa, naḡa visae womla tai kila viowa van ko, pona vinaun kionḡa sur tai, ve ositom re, otam̄an ga, komin mlamulena viowa naga kiena.

<sup>8</sup> Ana visae osuḡalu sinom̄an oligan yar nene e pupia kumali vena ala nakoena vania, ko ke narui ko osuḡa okila ke piowa pan womla nene.

<sup>9</sup> Monar asitom̄alia sane la naḡa kiela malena pe mesmes re poli, yoko taḡatete avisu nasuḡenena kiena ne Ntewa imi m̄alivi pu la. Pe pon re akilali akila sa naḡa amninue ke sur nene na wa, komin akilia rui asape Ntewa pe kekaran re nena la naḡa asuḡa amiyaloro kar ga, pona la naḡa amlotun ke ga ntewa navisokanena lala, pona la naḡa akila ke kolau, pona la naḡa asuḡa aḡiliwilin ke tasnela, pona

yermene pona sira la naŋa asuŋa aŋere la ke sina ga,

<sup>10</sup> pona la naŋa asuŋa apinau, pona la naŋa pe apion re kiela sur pa yar taŋena la poli, pona la naŋa asuŋa amun wii, pona la naŋa apiueli, pona la naŋa akila urlelai.

<sup>11</sup> Lelaga naŋa, nanua sumo kam laŋasa akila sanene rui, ana potena paŋisi naŋa Ninuna Wa kevan amiu amekiki, kila amiu ape wa, a kieta Suŋe Yesu Kristo kila ita temesmesu ruru sina e marana Ntewa.

*Tasneta monar ikik ruru wo*

<sup>12</sup> Nepisawal ŋelaga viowa la nene, naŋa pe pon re tekila poli, ana yar laŋasa pe sinelan re kiliaen poli. La apisa sanini, asape “E, kiau malena naŋa, nekilia nekila ya naŋa sineun nesape nekila.”

Ana nevisatarŋe la, nesape “Lelaga, pona kiamiu malena yo, ana avisuarua, komin sur moki liu naŋa sinoŋian kilaena, akilia akila kioŋa malena imi viowa mŋena ga. Sur mok liu naŋa sinoŋiania osape suŋa e kioŋa malena, ositom osape okilia okawe ruru woga, ana peraga, yoko ovisu naŋa sur ke la nene narui yoko akawe ruru si kioŋa malena.”

<sup>13</sup> A yar si laŋasa naŋa sinelan asape akila ya naŋa la sinelania e tasnela, la asuŋa apisa ke visena taŋena tai, asape “Kinanena, naga na mŋeŋe, a mŋeŋe, naga pe na kinanena.”

Ee, lelaga, ana ovisuar ruru sina, komin naŋa yoko Ntewa kila sur lua nene ava akovio na wa. Sanene na, Suŋe mla tasneta pan ita vena ve kieta, ana ita monar tela tasneta tela si vania. Tasneta vena kiliaen kiena yuŋaena, ana pe nava kareena re ga poli.

<sup>14</sup> Visae tetarŋan tasneta vena kiliaen ga yuŋaena wo lala, yoko e legiena maro Ntewa kilia visirlua si tasneta, sa naŋa pisirlua tasnena ne kieta Suŋe Yesu rui, e kiena pupia mŋareraena.

<sup>15</sup> Monar tekilia sane tasneta lala la sane komŋas nen tasnena Kristo. Ana sanape, popon komŋas nen tasnena ne Kristo tai va sikol si amio sira na mrapa tai? Taŋatete ve sanene ŋisa!

<sup>16</sup> Ana Visena Wa pisa sanini, sape “Yoko yermene amio sira, lalua aim ave taaga,” ana yar naŋa va amio sira na mrapa tai, kila naŋa tasnena pimi pe taaga amio tasnena sira nene.

<sup>17</sup> Pe mesmesun re yar tai kila sanene poli, ana monar tesikol ita temio Suŋe, naŋa ninuta imi ve taaga temio Ninuna.

<sup>18</sup> Monar tevisuar ruru wo e mlamulena viowa la naŋa yar la akilia akila amio tasnela, e lepa na yermene amio sira. Mlamulena viowa taŋena la naŋa asuŋa

akila, asuŋa akila ke piowa ga pa e yepen yar taŋena, ana yar naŋa kila mlamulena viowa amio sira, suŋa kila ke sina ga piowa pa e yepena.

<sup>19</sup> Ve sineta ŋesan re, sane tasneta na sane yuŋa wa na lotena tai naŋa pulen Ninuna Wa naŋa Ntewa mligan sike loyumuŋa e ita. Ana tasneta nene, pe pe kieta re mŋena poli,

<sup>20</sup> ana pe kiena ne Ntewa, komin naŋa naga pul lua kieta malena e marena kiena Yesu. Sanene na, monar teyuŋaŋe temio tasneta vena kiliaen ga sur la naŋa asuŋa avisirlua kiena kia.

## 7

*Talopaena*

<sup>1</sup> Pogaga, nagane yoko nevisawal sitomena laŋasa e naŋa apiun tan inu e lepa na talopaena, asape popon tetalopa, pona popon tesuŋa ga sanene?

Ana pogaga, yoko nevisa ve sanini. Visae yaru tai sitom ke sape ve talopa re, naga nene pogaga, pe pe sur re tai poli.

<sup>2</sup> Ana komin naŋa tepisu naŋa nataŋaliena pimi mŋarera, a nataŋaena lau pule manene la, popon manene yar make ga aure wola lala.

<sup>3</sup> Sanene na, visae yar sinenan sape va lavisin wona na sira, wona nene monar kekarania, a pogos naŋa sira sinenan sape va lavisin wona na yermene, wona nene monar kekarania.

<sup>4</sup> Sira naŋa talopa taŋatete visave tasnena pe kiena naga taaga, ana wona na yermene kilia visave naga pe kiena mŋena ga. Ana yaru naŋa talopa taŋatete visave tasnena pe kiena naga taaga, ana wona na sira kilia visave naga pe kiena mŋena ga.

<sup>5</sup> Sanene na, tai ve visaluŋar re taŋena visave ve imi re lavisinia.

Ee, pona pogos tai lalua apisayu yo, lalua atarŋan naŋa lalua aligania, ve amon re lele taaga e narin pogos tai, vena kila lalua akilia alen mŋarera vanon sur tai wa, ana nanene na pogaga. Ana siraunia, lalua monar sinelan si aim lele taaga, komin visae peraga, pona Yermare visu kilale naŋa tai malum ga, taŋatete uarar naga, ana kila loru e nataŋaliena koyo tai.

<sup>6</sup> Sur la naŋa nesuŋa nepisa ke ne, pe nepisa re sane navisaluaena mŋarera tai poli, sane yar monar talopa, pona monar ve talopa re, ana nemla ga sitomena naiilaena laŋas nene.

<sup>7</sup> Visae yar make ga akilia asuŋa ga sane inu, naŋa pe netalopa re poli, nesuŋa ga sanene, pona yoko vera na wo na wo, ana sur nene sike ga e sitomena naŋa Ntewa mlavia pan ita peve taaga.

<sup>8</sup> Nesape nevisa visena tai van la naŕa asu mŕaga sanene, sane la naŕa pe atalopa re poli wa, amio letano lala. Nepisu sane visae akilia asuŕa ga sanene, sane naŕa in mŕena nesuŕa nekila ke ne, yoko wo na wo.

<sup>9</sup> Ana visae laŕasa apisu sane peraga, yoko mŕarera van la vaŕisi vena auarar la lue ga sanene, pogaga, po paŕisi naŕa visae alual tai naŕa atalopa amio. Pe pon re nataŕaliena suŕa kar la sanene vano-o asuŕa aloge viowagania silaga.

<sup>10</sup> Visena taŕena si tai naŕa sineun nesape nevisa, naga van la naŕa atalopa rui, naŕa pe kiau sitomena re ga poli, ana naga pe visena tai naŕa Suŕe mlavia sane visena mŕarera tai pimi pan ita. Pisa sanini, sape sira monar ve ure matan re wona na yermene.

<sup>11</sup> A visae pogos tai sira tai ligan wona na yermene, ure matan sina, naga monar ve talopa re sina, ana monar suŕa ga sanene. Pona visae peraga, popon naga amio wona na yermene lalua akila ruru marala, lalua asu si lele taaga. A yermene lala, ve aŕiene plan re si wola na sira lala.

<sup>12</sup> Pogaga, yoko nevisawal si suri taŕena laŕasia. La pe sa re navisaluaena kiena Suŕe poli, ana sane kiau sitomena ga laŕasa vena iila itaena.

Suri ŕesia, naga e lepas naŕa yaru tai naŕa mlelaga e Yesu sike amio wona sira tai, ana sira nene mlelaga re poli. Ana visae sira nena kekaran ga naŕa lalua asuŕa veraga, po pon re yaru nene sitom sape mŕenelua si sira nene poli.

<sup>13</sup> A maran taaga mŕena ga visae sira tai mlelaga e Yesu sike amio wona yermene tai, ana yermene nene pe mlelaga re poli. Visae yermene nene kekaran ga naŕa lalua asuŕa veraga, po pon re sira nene sitom sape mŕenelua si yermene nene poli.

<sup>14</sup> Nanene komin naga e lalua naŕa mlelaga kilia kila suri wo tai van naŕa pe mlelaga re poli, ana kiena ŕelaga wo kilia kila kiela talopaena lalua imi wo vaŕisi sane talopaena kiena yaru lalua naŕa amlelaga. A naga e lalua naŕa mlelaga kilia kila suri wo tai va narila lala, komin naga yoko kilia ligan ruru narila lala e mrapa na malena wa, yoko akapuru loyuŕa e mratava tai naŕa po sa ke ga ninis taŕena la naŕa arimala amio anela la ga luwoka amlelaga.

<sup>15</sup> Ana e lepas kiena lalua nene naŕa tai mlelaga a tai pe mlelaga re poli, visae naŕa pe mlelaga re poli sinenan sape ligan lua si naŕa mlelaga, ita li nalelagaena taŕena lala monar tetamŕan ga sanene narui. Visae naŕa pe mlelaga re poli yepen mavin naŕa

mlelaga, taŕatete tekilali naŕa tomŕareran naŕa mlelaga suŕa amio wona naŕa sinenan sape ligania, komin Ntewa sinenan sape tese malena tai naŕa pulen ŕelaga na suŕare.

<sup>16</sup> Ko sira naŕa omlelaga, pona ko yermene naŕa omlelaga, pona ositom osape okilia otaulu si woma naŕa pe mlelaga re poli, ana peraga, pe okilia ruru re naŕa osape yoko ve sanene poli, komin pona taŕatete nena otauluia ŕisa, peraga.

*Monar teva ruru ita tesuŕa e malena naŕa Ntewa mligan ita tesike ea*

<sup>17</sup> Ana ya ga naŕa monar tekila, ita make ga monar teligan ruru kieta malena ita punu ga su ruru e naŕa kieta Suŕe mligan ita tesike e rui, pona monar teyali ga e mrapa naŕa Ntewa pio itania vena teyal ea. Nanene naga visena tai naŕa nemligan sike e kieta suŕiare lala.

<sup>18</sup> Visena nene kana kinasa sane e nape naŕa osike ea nanua, sumon naŕa omlelaga, monar okekaran osuŕa ga ea wa, pogos naŕa osiar omlelaga. Sanene visae laŕasa ape le Yu la yo, naŕa asuŕa ataveve ke kiela ŕelaga marua lala, sane ŕaviu pona ya sina, nanene na pogaga, pe nepisa re nesape visae pogos naŕa alelaga ana monar avilopu kiela ŕelaga marua la naŕa asuŕa ataveve ke poli. A maran taaga mŕena ga sa ke la naŕa pe ape le Yu re poli, naŕa pe akila re ŕaviu poli ana asuŕa ataveve ke kiela ŕelaga marua taŕena lala. E mŕena e kiela lepassia, pe nepisa re nesape visae alelaga monar avilopu la e kiela ŕelaga marua la poli.

<sup>19</sup> Yaru taveve ŕelaga marua ya, sane ve ŕaviu pona ve ve ŕaviu re, naga pe pe suri keviu re tai poli e navisuena kiena ne Ntewa, ana Ntewa sinenan ga sape tetaveve kiena visaluaena.

<sup>20</sup> Nane nepisa ke pan amiu narui nesape pogos naŕa olelaga, ova ruru ko ga osuŕa e yo naŕa osike ea pogos naŕa pe omlelaga re poli wa.

<sup>21</sup> Sa ke ga naŕa visae omiyuŕiae korena kiena yaru tai nanua sumo, ana nagane omlelaga ga na wa, nanene pogaga, monar okekaran naŕa oyumuŕa korena ga sanene. Ana lelaga, visae pog tai olual kionia pulmas tai naŕa okilia ourmatan e naŕa omiyuŕiae korena ke ea, naga mŕena nene popon oŕisinia.

<sup>22</sup> Visae ko na omiyuŕiae korena kiena yaru tai, monar ositomŕal sane pogos naŕa Suŕe vio ko, naga visirlua ko ligan ruru ko nenaga e namratava puna. Ana e kana lepas ne tai, visae ko pe omiyuŕiae korena kiena yaru tai poli, osuŕa ga sanene, ko mŕena monar ositomŕalia ovisave pogos

naþa Kristo vio ko, ko na monar oimi sane kiena yaru na yuñae korenaena tai narui, vena kilaen kiena yuñaeena make ga.

<sup>23</sup> Naga nene komin Kristo pul plan ita e pupia suri tai, sane kana kuruta, vena ita teve kiena, ana monar tevisu kilale ga narui sane mesmesun ga naþa teyuñae koren ga vania, po pon re teyuñae korena van yaru taþena poli, pona tesike vatanon sitomena kiena yaru taþena naþa temiyuñae ke pania.

<sup>24</sup> Erau lala naga ke nene narui, yo naþa osike ea pogos naþa pe okilia re Ntewa poli wa, yo ke nanene narui monar osuñã ga ea, ana nagane omlelaga rui, yoko Ntewa suñã ga amio ko e nene silaga.

*Naviunena e lepas kiena la naþa pe atalopa re poli wa, amio letano lala*

<sup>25</sup> Pogaga, nesape nela narin visena tai van amiu e lepas kiena la naþa pe atalopa re poli wa. Visena nena, taþatete nevisave nanene navisaluaena tai kiena Suþe naþa pisa pan inu, ana visena nene naga sane kiau sitomena ga tai. Ana kam na akilia rui sane Suþe naga po paþisi pan inu, naga mla manmaruaena lala pan inu naþa yoko amiu akilia awasine ruru la, ana popon asitom urmi e kiau visena nini narui.

<sup>26</sup> Nagane, tesike e pog viowa tai naþa tesuñã tepisu ke suri mñarera la naþa tepane la, ana popon nevisa si visena naþa nepisa metava rui, naþa nesape popon teva ruru ita tesuñã ga e malena naþa tesike pae e rui.

<sup>27</sup> Sanene, visae ko yaru tai naþa otalopa rui omio sira tai, popon osu ruru ga osuñã sanene, ve ositom re ovisave oligan lua naga. Visae ko pe opure re sira tai poli wa, ko mēna ga osuñã ga sa ga nene, pe ositom re osape otalopa omio tai poli.

<sup>28</sup> Ana visae ositom sane peraga, sinomān manene osape oure sira tai, pe nepisa re nesape piowa poli, a visae sira mēe tai talopa amio yaru tai, naga mēna nene pe sa re kiena mlamulena viowa tai poli, nanene na pogaga nene. Ana la naþa sinelan talopaena, la monar avisu kilale sane yoko taþatete kiela malena memea, yoko avane pog mñarera la ve moki vaþisi e yomarava nini, a visae otaveve kiau visena, naþa ve otalopa re, yoko nekekara vaþisi.

<sup>29</sup> Erau lala, nepisa ke sanene komin naþa narin pog plas ga sike ga wa vano-o tol pogos naþa sa Suþe wasupe si vitomi, a pe yaru la moki re poli na kilaen kiena yuñaeena. Ve sanene popon manene visae la naþa aþure wola la rui, akila sa naþa pe atalopa re poli wa, ana akilia akila yuñaeena lala kiena Suþe ve moki.

<sup>30</sup> A la mēna ga naþa asuñã atagin ke suri tai, popon sinela þesan suri naþa atagin ke ne, a la naþa amloge ke pon kekarena lala na yomarava, popon ve asitomāl re sina. La mēna naþa amiyuñaeen ke kilavaru, popon akila sa naþa limala korena ga.

<sup>31</sup> La naþa akila yuñaeena taþena lala na yomarava nini, popon akila sane pe kiela sur re tai sike e poli, komin yomarava nini amio kiena suri make ga naþa sike ea sun ke naþa yoko va kokovio narui.

<sup>32</sup> Nepisa ke visena la nene pan amiu komin nesitom amiu paþisi, pe sineun re naþa silaga aligan lue ga kiamiu sitomena se suri la ve moki poli. Yaru naþa pe wona re poli, naga kilia sitom urmi e yuñaeena kiena Suþe silaga, sape yoko naga kila ve sanape naþa yoko Suþe kekaranja,

<sup>33</sup> ana yaru naþa sike amio wona, naga suñã sitom manene suri na yomarava la paþisi, ana kila ve sanape naþa yoko wona na sira kekaranja,

<sup>34</sup> a yoko kilia kila mēna sa naþa kiena sitomena la ve ve lua. A sira mēe naþa pe wona re poli, naga mēna ga kiena sitomena mñarera ruru po vena kilaen yuñaeena kiena Suþe, a kiena yalena amio kiena yuñaeena kilia ve wa ruru lue ga. Ana sira naþa wona suñã ga, kiena sitomena monar su ga e yuñaeena na yomarava nini, sane monar kila suri la naþa wona na yermēne loge wonia.

<sup>35</sup> Kiau visena la nene, pe sineun re visaluþar amiueena e suri tai poli, naþa sinemiun asape akila, ana nepisa kiau visena kilali naþa iila kiamiu malena. Sineun ga nesape suri na suñare punu ga kirir ruru wo, a sineun nesape ita li nalelagaena lala ve tekirakirai re, ana tekira tevisu ga kieta Suþe naga taaga.

<sup>36</sup> Ita laþasia akila naþa akilawo kila sira tai, ana asitom asape popon asutowe laa sane wa, pe asitom re talopaena poli komin naþa sinelan kilaen yuñaeena kiena Suþe. Ana visae lala tai visu sane sitom manene la sira nene naþa akilawoia, sa naþa sitom manene vano-o visu sane yoko uarar þe si naga, naga popon akila ga lalua atalopa narui. Nanene naga pogaga ne, naga pe mlamulena viowa re tai nene poli þisa.

<sup>37</sup> Ana visae tai kila ruru sitomena mñarera naþa mñarera sape naga sinenan vena naga amio sira nene naþa akilawoia vena ve kiena, lalua asuñã sanene sumo wa, a visae naga visu kilale sane naga kilia kawean rurua, nanene naga kila po paþisi visae ve talopa re ga amio wona nene rui.

<sup>38</sup> Sanene, naga naþa talopa mare ga amio naga naþa akilawoia asape ve kiena, naga kila suri wo tanea tai paþisi, a naga

naþa suña ga, pe talopa re amio naþa apisawo poli, naga kila sur tai naþa po manene laa sane.

<sup>39</sup> E lepas kiena la naþa atalopa rui, monar ve aure matan la re sina. Sira naþa talopa naga monar su ruru ga amio wona na yerrñene naþa wona nene mali ke ga wa. Ana visae yaru nene mare, sira nena kilia talopa sina, akilia talopa amio yaru tai naþa naga sinenania, ana monar ure ga naþa naga mñena mlelaga e Suþe.

<sup>40</sup> Sanena naþa nepisa ke ne, naga kilia talopa, ana nepisu sane yoko wo laa vania, pona kiena kekarena keviu laa sane, visae naga ve talopa re sina. Nanene inu ga kiau sitomena, ana nesitom nesape Ninuna Ntewa ga mla sitomena marua la nene pan inu, ana popon asitomruruia.

## 8

*Sanapen tata la naþa amẽmaria pe na kilaen lotena van nono lala?*

<sup>1</sup> Nagane sineun visatarñeen kiamiu naviunena e lepas na tata la naþa yar la naþa pe amlelaga re poli akuþaþain la ke pan kiela nono lala. Ana amiu asuñña apiun ke asape popon ita li nalelagaena la takan tata la nene, pona peraga?

Pogaga, yoko kiau navisatarñeena visayu sur ve lua, þelaga na kiliaena, a þelaga na sinesiena. E lepas na kiliaena, yar la mok liu naþa la asape akilia ruru navisatarñeena na kiamiu naviunena nene, a akilia avilaven towe mñaga naþa asitom asape akilia suria. Pelaga na kiliaena kilia kila yaru ligan kiena sitomena va metava, ana þelaga na sinesiena pe sa re nene poli, suñña miila ruru ke ga malena kiena yaru.

<sup>2</sup> Yaru naþa sitom manene ke sape naga tol ruru þelaga na kiliaena, naga pe kilia ruru re Ntewa poli wa sane popon kilia naga.

<sup>3</sup> Ana yaru naþa tol ruru þelaga na sinesiena, naga ke narui naþa Ntewa pisu kilale ruru naga.

<sup>4</sup> Pogaga, nane kiau visena lua si ne nanene narui, e lepas na tata la naþa akuþaþain pa nono lala. Suri na sumo pisa sanini, sape akilia asape sane nono la nene ape totou ga, a pe ape totou na sur lelaga re nena tai poli. A sur na lua naga sanini, sane kieta Ntewa naga taaga nena naþa pe lelaga sike na.

<sup>5</sup> Yar la asuñña apisayu ke kiela ntewa taþena lala pona kiela suþe taþena lala naþa asape asike ma e peni pona e yomarava nini, a apisayula ke sa ga la yo pulen la ga asuñña ga,

<sup>6</sup> ana e ita, tekilia ruru tesape Ntewa na taaga ga suñña ga. Naga nane Ata Ntewa, naþa naga pe purþes nen sur make ga,

naþa ita tepe kiena. A Suþe taaga ga naþa sike na, nane Yesu Kristo, naþa naga sii make suria, a naþa temal ke mñena ga e naga.

<sup>7</sup> Naga nene kiliaena napo naþa ita li nalelagaena la moki tetol rui, ana sur tai piowa ga, ita laþasa pe tekilia ruru re sur la nene poli wa. La nene, nanua sumo la mñena asuñña amlotun nono lala, ana pimi tol þane, mñarera paþisi naþa avisu kilalea sane naga nene pe sur na visokanen ga. Sanene na pogos naþa yaru la akukin tata la naþa akila kuþaþaena ea pa nono lala, tekilia takania sa ga pe sur re tai poli, ana ita taþena la nene, pogos naþa akania, akan amio sitomena naþa asape tata nene naga kana nono lala, a sirauania yepela þilinia, amolge sane akila sur tai naþa pe mesmes re poli e marana Ntewa.

<sup>8</sup> Ana monar tekilia sane kinanena, naga pe pe sur re tai naþa kilia kila Ntewa visu ita sane topo pona tepiowa. Visae ve takan re tata nene, pe kana kinas re nane topo e kiena navisuena poli, pona visae takania, pe kana kinas re nane tepiowa poli.

<sup>9</sup> Sike ga e ita visae sinetan takania pona yepeta mavin kanena, ana pe pon re tekila sur tai naþa nalelagaena taþena sitom sape pe mesmesun re kilaen poli. Pona ita tekilia tekila sur nena woga ga yo, ana pe pon re naga visu naþa tekila poli, ana kila kare kiena sitomena.

<sup>10</sup> Sane e lepas na tata la nene, pona e kionña sitomena, okilia okan woga yo, ana okilia okila pe pe sur re tai poli. Ana visae pogos tai osike omio yar lala loyuñña e kiela yuñña na lotunen nono lala, ana ala tata van ko ana okan omio la, yoko ve sanape naþa visae nalelagaena taþena tai visu ko? Pona naga tai naþa pisaar pisape naga mlon ke tata la nene yo, ana pogos naþa naga pisu ke naþa okania, yoko naga visave "Suwala, yar nene naga pe yar na suññare tai naþa kilia ruru suria, ana naga suñña kan ke ga tata la nene. Sanape, popon in mñena ga nakania." Naga pisa sanene narui, ana naga mñena ga kania, ana sirauania yoko kilia loge viowagania vaþisi komin naþa sitom sape naga kila pupia mlamulen viowa tai.

<sup>11</sup> Naga nene kana kinasane sane ko na osuñña otaveve ke kionña kiliaena napo, opisu kilale sane okilia okila sur nene. Ana monar ositom ovisave yar taþena nene, naþa naga pe womla tai naþa Kristo mare vena tamalia naga, naga maraun kilaen paþisi. Sanene, visae naga visu naþa okila pogos tai, yoko kilia kila naga okila kare nena kiena naviawaena.

<sup>12</sup> Visae ve sanene, yoko Ntewa visu ko sane ko ke narui okila mlamulena viowa pa womla nene, komin naþa okila

naga kila sur tai naŭa e kiena sitomena piowagan kilaena. Naga nene piowa ga, sane okila ke ga mlamulena piowa pan Kristo.

<sup>13</sup> Komin sur nene, in na nekila kiau sitomena tai, sane visae kiau ŭelaga na kanen tata nene naga pe sur tai naŭa kila kare naviawaena kiena wolai nene, yoko neligan ga narui. Ve netol re sina, komin naŭa yepmavin naŭa in ke narui nekila wolai nene loru.

## 9

### *Pol pisayu kiena ŭelaga na yuŕaena*

<sup>1</sup> Erau lala, sineun nevisa van amiu nevisave in na pe nesu re vatanon e sitomena kiena yar taŭena poli, ana nemiyuŕaŕe taveve ke ga ya naŭa nekilia nesape mesmesun nakilaena. In na nepe nalogena tai naŭa nepisu kieta Suŭe Yesu e kilamaraŭ, a amiu ke narui naŭa sane mras nen kiena yuŕaena naŭa nemiyuŕaŕaena.

<sup>2</sup> Nekilia nesape yar la ŭasia yepela mavin visu kilale inena sane nepe nalologena tai, ana amiu na pe sa re nene poli. Nagane kiamiu malena su ruru sike amio Suŭe rui, a sur nene kila apisu kilale asape nemiyuŕaŕe ke pan amiu sane nepe kiena nalologena lelaga tai.

<sup>3</sup> Ana e la naŭa sinelan liŭere inena sane asape nekila ke piowa sanene sanene, kiau navisatameena la suŕa ga.

<sup>4</sup> Nekilia sane asape asuŕa apisuar imimi pano-o sinela mare, ana sanape? Apisuar ŕa taŭena la nanua sumo ne, ana pe apis re sanene poli, ana pogos naŭa nepimi, apisa sur taŭena narui. Pona asitom asape visae ve mekinana re pona ve momun re ana mekilia memal ga ve sanene vena kilaen yuŕaena pula?

<sup>5</sup> A apisayu imimi laŭas naŭa atalopa rui, apiun asape komin ya ne wola ŕena la apim asuŕa ataveve imimi? Ana ane sape nene naga piowa ga? Nalologena taŭena la ne apim ŭesa, amio wenla Suŭe lala, amio Keŭas, pogos naŭa amiyalin ke yuŕaena sanene, wola na sira lala asuŕa ataveve la, ana e poglis nene, yar la nene pe apisa re sur tai e lepas nene poli.

<sup>6</sup> Ana asape avisalupar imimi ke sina ga ve meyuŕaŕe re kilavaru vena ulen kiamimi suri lala. Visae imimi lua Panaŭas ve meyuŕaŕe re ga woga ga rui, ana komin ya ne apisa ke ga sanene pan imimi lua Panaŭas, ana pe apisa re pan taŭena la poli?

<sup>7</sup> Asitomyuli yaru na mara lala na purvanua taŭena tai. Pogos naŭa apanon mara, ana ane pul ke kiela sur lala? La ga apulia, pona kiela ŭarin suŭe naga

pisuvevea? A asitomyuli la naŭa amapla kinanena e lokove. Visae akinana e lokove nene, taŭatete yar tai vis van la vanonia. A sanapen ŕena yar naŭa pagan ke surmal lala? Pona naga pe kanli re nena kala tata ne tai poli yo?

<sup>8</sup> Nepisa sur la nene vena kila amiu avisu kilale sa naŭa visae yar tai kila yuŕaena tai, popon yar la naŭa naga miyuŕaŕe kiela monar avisuar ruruia. A nepisa sanene, pe molue re ga e kiau sitomena poli, ana kieta navisaluaena wa pisayu ŕena ga sanene.

<sup>9</sup> Visena tai sike loyuŕa e navisaluaena kiena Mosis rui, naŭa pisa sanini, sape *Pogos naŭa kioŕa puluk tai suŕa yaloro ke metava e kioŕa mralaki sane kona vena vie plan kurusnela, ve oviar re gona, ana monar otarŕan naga yaloro ea ana kinana lilue maga vano.* Naw 25:4

Pogos naŭa Ntewa pisa visena nene narui naga pe suŕa sitomŕal re sur mal la poli,

<sup>10</sup> ana naga sitomŕal ita naŭa temiyuŕaŕe, sape la naŭa temiyuŕaŕe kiela, monar avisuar ruru ita. Yaru naŭa miyuŕaŕe e porotano, mesmesun naŭa naga sitom visave pogos tai yoko kan ya naŭa naga mapila, a yar naŭa va lokove war kinanena vitomi, mesmesun naŭa naga ŕena sitom visave yoko atarŕan ve tokaki vania.

<sup>11</sup> Ana e lepas na kiamimi yuŕaena pun amiu, memapila mras wo la mok liu rui e kiamiu malena, ana popon vena amiu akekaran naŭa avisuar imimi a akian navisa ruruena laŭas naŭa Ntewa mligan e limamiu van imimi.

<sup>12</sup> Amiu asuŕa amiila ke yar taŭena laŭasa sanene rui, ana popon akekaran manene laa sane nakilaen wo van imimi naŭa imimi mekila ŭesan po pan amiu sumo rui.

Ee, popon akila sanene van imimi, ana tol nagane pe mepisa re nena pan amiu mesape monar akila. Memaraun mesape sa ŭisi mevisawal sanene ŭisa, yoko asitom viowa e imimi narui, ana ŭisi kilawo lawe mrapa na Lologena Wo imi pun amiu. Kila narui mepis re si poli, a visae meloge viowagan naŭa pe apisuar imimi re poli, pogaga.

<sup>13</sup> Ana popon asitomyuli ŕena ga sane e Yuŕa Wa ŕana Ntewa, la naŭa amiyuŕaŕe ke loyuŕa ea amio li na kuŭaŭaena lala, asuŕa akan ke sur la nene, a asuŕa amal ke e sur la naŭa yar la amla ke sane kiela nalaena pa Ntewa.

<sup>14</sup> A Suŭe pisawal ŕena ga sa ke nene e lepas kiena ne kiena yeririna la naŭa asuŕa amlologon ke Lologena Wo. La

mēna ga, mesmesun naḡa akilia amal e nalaena la naḡa yaru la ne amloge ke Lologena Wo nene asuḡa ala van la.

<sup>15</sup> Pogaga, in na yar la ne tai ne sanene, ana siar nanua sumo pimi pe nepisali re nesape yar la monar ala sur tai sanene van inu poli, pona monar akila ve sanape na van inu. A nesuḡa nepisakol ke ga sur la ne e ḡaki nini, pe naga re ga naḡa nesape neviun sur tai tan amiu poli. Pe sineun re nesape asiar naḡa ala sur van inu poli, ana aḡarwar amiu asape amiu ke narui apagan inu, ana sineun nesape in na nekilia nesuḡa nowarwar inun nesape Ntewa ga suḡa pisuar inu silaga. Pogos naḡa nekilia nesape kiau malena sike ga e limana, nesuḡa nemloge po paḡisi, a visae ve naga re naḡa suḡa visuar inu, pona yoko neloge sane popon sa nemarḡan ga rui.

<sup>16</sup> Nesape noḡarwar inun naḡa naga pisuar inu sanene pogos naḡa nemlologon ke kiena Lologena Wo, ana e lepas na pun inu, lelaga paḡisi pe sur re tai naḡa nekilia noḡarwar inun poli. Taḡatete nevisirlua si kiau kia va metava, nesape in ke narui nepe yar na lologonen Lologena Wo, vanon Ntewa ke narui naga mligan e luḡau, ana nepisu sane monar nekila ga narui. Visae pogos tai nourenia ve nekila re sina, yoko viowa van inu vaḡisi.

<sup>17</sup> Visae nekila ke yuḡaena nene e ga e kiau sitomena tai, inu ga nesape popon nekila, vena Ntewa kekarania, pona yoko kilia la nalaena tai van inu komin yo, ana pe sa re nene poli. Pe inu re naḡa nesitom nesape nekila poli, ana Ntewa ga pisawalia, mligan e luḡau, ana monar nelogearia, nekila ga ve sanene narui.

<sup>18</sup> Ana sanene, nesitom ḡele nesape nela nalaena tai vanonia, ana naga nene pogaga, komin naḡa Ntewa suḡa kila ke sur taḡena tai sane pul inu e sur wo tai rui. Sur nena, naga pupia nalogewoena nene naḡa netolia, pogos naḡa nesuḡa nemlologon ke lologena wo pa yar lala, naḡa nekila korenan ga sanene pan la. Pona nekilia nevisa van la nevisave ala sur van inu vanonia, pona avisuar ruru inu e pogos naḡa nemiyuḡae ke sanene, ana pe sineun re nene poli, sineun nesape akilia atol ga sa ga nene, pe suri tai suwo la re poli.

*Pol naga miyuḡae korena ga pa yaru lala sane nalologena wo tai kiena ne Ntewa*

<sup>19</sup> Sitomena ne nanene sike e inu, a nesuḡa nemiyuḡae ke e ḡelaga tai naḡa yoko nevisa meraravan van amiu nagane.

Sane, inu na pe nemiyuḡae kiena yar re tai poli, a pe yar re tai naḡa pe yerkawan inu poli, ana inu na nekila inu nepimi sane

yar na yuḡae korenenana van yar taḡena lala, vena kila sane nekilia netaulu la ve moki aimi alelaga.

<sup>20</sup> E lepas kiena ne le Yu lala, nesuḡa nekila inu nepim nepe yere Yu nena napo, vena kila sane nekilia noure laḡasia aimi.

E lepas kiena ne la naḡa pe ape Yu re poli, ana ataveve ke navisaluaena kiena Mosis, nesuḡa nekila inu nepim sane yar tai naḡa nataveven mēna ga navisaluaena nene. Pe nepisu re sane nesike vatanon navisaluaena nene poli, ana nekekarana naḡa nevatanonia ve sanene, vena taulen la nene naḡa sinelan suen vatanonia.

<sup>21</sup> E lepas kiena taḡena la naḡa pe ape Yu re poli, naḡa pe ataveve re navisaluaena kiena Mosis poli, nesuḡa nekila inu neve taaga nemio la, komin nesape netaulu la mēna ga. Pe nepisa re nesape nesuḡa nekilaro navisaluaena marua kiena ne Ntewa poli, peraga, ana pogos naḡa nesike nemio la, nesuḡa netaveve ke navisaluaena vii kiena Kristo vena kilia kila la alual malena.

<sup>22</sup> E lepas kiena ne la naḡa nepisu sane pe asuḡal ruru re ḡarera poli, pe nepis ḡarera re pan la poli, ana nekila ke sa naḡa in mēna nemio la, nesuḡa nemiila la, vena pona netaulu la yo.

Sanene, inu na nesuḡa netaveve ke mrapa make ga nakilaen suri make ga naḡa nekilia nekila van yaru make ga, vena kilaen sanene vano-o yoko nekilia netamalia laḡasa aimi alelaga e Yesu.

<sup>23</sup> Nekila sanene, pe nekila re ga pan inu poli, pona vanon suri taḡena tai, ana nekila vanon ga naḡa sineun nesape Lologena Wo monar war mrasa e malena kiena yaru lala, a pogos naḡa nepisu navisa ruruena naḡa Lologena Wo kila pan la, nemloge po na po.

<sup>24</sup> Asitomyuli pogos naḡa yaru na kiriri lala akiriri ke veraga. E pogos nene, la make ga monar akilali naḡa akiriri koskos veraga avano, ana la ve via aim ḡes vamon la, a kilia taulu taḡena lala? Yoko ve taaga kilia koven make laḡasa, kiriri vano yuve la, la kiena nalaena vanonia. Ve sanene narui, kam make ga monar aḡareran yuḡaena kiena Suḡe, monar aḡareran akiriri avano vena ala kiamiu nalaena.

<sup>25</sup> Yar na kirakiraena la asuḡa aḡion ruru la silaga, a asuḡa apalia ke suri make ga la naḡa kilia kila tasnela ve ḡarera ruru re. Asuḡa akila ke sanene komin kiela sitomena lala ḡareran sape monar ataulua, atol nalaena. Ana pogos natelanan meme e yaru na kirakiraena la nene, yam plas ga meme la nene pioyowa sina, ana meme naḡa popon toḡion naḡa atelan e ita, naga yoko sike sike nena.



<sup>26</sup> Sanene, in na nekila ke sanene narui e yuññaena kiena Suḑe naḑa nekila ke ne. Pe nekiriri koren kar re ga poli, a pe nekirakirai re ga sanene poli,

<sup>27</sup> ana nesuñña nakawean inu, nesuñña nepisuar ruru tasneu silaga, komin naḑa pe pon re nesuñña nelologo ruru van yaru lala, nesape la sanene, sanene, ana sirau-  
nia, in ke narui nekila pal mrapa, pona pe netorokin re naḑa nekila make ruru kiririena naḑa nekiriri ke ea.

## 10

*La naḑa asitom asape la amesmesu rui, akilia akila pal mrapa, sa naḑa apua kana le Yu la akila sumo rui*

<sup>1</sup> Erau lala, popon tesitomyuli ya naḑa kata apua la akila. Naga nene e pogos naḑa yermarua Mosis sumon la amolue gar Isip, amio naga ataveve lul nene naḑa suñña sumon la apa akusro pupia sive nene naḑa mliḑere pan la.

<sup>2</sup> Aññal pogos m̄arera laa nene, ana Mosis ḑere la apa aḑarpoyo ea, ana apim sane ape kiena yeririna kemua lelaga.

<sup>3</sup> Kas moki asuñña amialoro ke e yokorena, la make ga akan kinanena nene naḑa Ntewa kian pan la,

<sup>4</sup> a pogos naḑa moto kar la, Ntewa kila wii kate e pulus nen kilavaru nene vena amunia. E poglis nene, sane Kristo ga sike amio la, suñña pisuar ruru la e sur make ga.

<sup>5</sup> Ntewa kila m̄a po pan la sanene panoo, ana yepela mavin suññalen m̄arera se ea. Apilon m̄asila pania, ana naga pe tañan la re apa loyũña e yo naḑa naga pisaar pan la poli, kila naḑa asuñña amarmare tetai kar ga e yomema.

<sup>6</sup> Ana ita nagane, pe pon re teve ḑarm̄arera ve sa repita la nene poli, ana visae tesitom ruru e ya naḑa pimi paemen la, kilia vian ita ea.

<sup>7</sup> Visae ve sanene, monar ve teligan re sur taḑena sumon Ntewa e kieta malena, sane nono tai naḑa telotunia, sa naḑa repita la nene akila. Visena tai naḑa pisayu kiela ḑelaga e poglis nene, pisape

*“La pe asitom re si sur taḑena poli, sinelan ga kilaen ḑaḑagena, amun wii marala tetelivi, a aḑure m̄ena sira lala e wolena lala, naga ga nene.” Nau 32:6*

<sup>8</sup> La asitom asape malena wo ne nanene narui, ana ve sineta ḑesan re legiena nene naḑa Ntewa kila loññara viowa la apim akar yerñene lala amio sira lala naḑa akila lau, ana e legiena taaga ga nene la manu lualima yam lua pa telu [23,000] amare veraga e legiena taaga, sane kiela

nakoarena m̄arera tai. Visae ve sanene monar tevisuar ruruia, pe pon re ita laḑasa ava kar ga sanene poli.

<sup>9</sup> Yar naḑa pilave, kila mlamulena viowa sanene, a naga sitom sape pogaga ne, ana suñña miyur kare Suḑe paḑisi. Yoko Suḑe kilia kila sur tai vania, yoko yar nene ilania, loññara iminia sane yar na sumo la nene.

<sup>10</sup> A pe pon re tevismumun Ntewa poli, sane la naḑa asuñña akila nanua sumo e pogos kiena kata apua lala. E poglis nene, Ntewa pitetalia navisi tai na visaaren marena pimi pula, m̄emoñar la.

<sup>11</sup> Tepisu naḑa la asuñña akila ke mlamulena viowa sanene, ana tepisu naḑa nakoarena pimi m̄alivin la ke sanene, ana pe suri tai naweḑeḑe itaena. La asirilua kana suniena nena nakonua konua rui, ana tekilia tesitomyu si suri nene nagane, e legiena maro la ne tesike e ne.

<sup>12</sup> Sanene, visae yar tai visuveve si kiena malena naga taaga, a sitom sape naga suñña suññalu ruru ke m̄arera rui, popon naga visuar ruruia, komin viowagan naḑa visae naga kila si viowa pogos tai, ana loru.

<sup>13</sup> Apisu nakilaliena la imi, ana ve sinemiũ kurkur manene re. Pe kam re ga apane ke nataḑaliena la nene poli, ana asuñña am̄alivi ke e malena kiena ne yaru make ga. Ana akilia awasine Ntewa, komin naḑa yoko naga taḑatete kila ko ovane nataḑaliena naḑa ko pe otorokin re otaulu poli, ana pogos naḑa nataḑaliena imi kilali ko, yoko naga vian kon kioñña mrapa nam̄areraena naḑa nasuwoen nataḑaliena, vano-o oure matan nam̄areraena na taḑaliena nene.

<sup>14</sup> Kiau erau wo lala, monar ve ava re nena lavisin ḑelaga naḑa yar la asuñña amlotun ke nono na visokanena lala.

<sup>15</sup> Nekilia nesape kam na yar sur la naḑa akilia suria, ana pogos naḑa nepisaar mesmesun nena pan amiu sanene, nemlelaga nesape kam na amninu kilale ya naḑa nesuñña nepisa ke ne.

<sup>16</sup> Nepisa visena la nene komin naḑa pogos na ova oyakol amio yar la naḑa asuñña amlotun ke nono tai, sa ga naḑa ko m̄ena omlotun ke nono nene narui. Naga nene maran taaga amio ita la naḑa temlelaga ke e Kristo. E pogos na ḑaḑagena wa, temlenin namunena wa, temlavia, a na nene sa naḑa ita tepisawal tesape tesikol ita e ḑegas kiena yar la naḑa kana kuruta mlau komin la. Ana sirauñia, takawero kilaparavi wa, temlavia, a na nene sa naḑa ita temio la naḑa akila kare tasnena naḑa tamalele metava e lak torovia.

<sup>17</sup> Nanene lelaga pan ita punu ga naŋa tesuŋa tepim lele taaga e paŋaŋena wa nene, komin naŋa tepim sane ŋegas taaga, a takan pae ga kilaparavi taaga nene.

<sup>18</sup> A sa ke mēna ga nene pa le Israel lala, pogos naŋa aŋemōŋar suri na kuŋaŋaena lala. Laŋasa pe akila re kuŋaŋaena poli, ana akekaran kanen tata na kuŋaŋaena nene naŋa yaru taŋena ga la akila, ana kila sa naŋa ape ŋegas taaga naŋa akila lotena na sanene pan Ntewa.

<sup>19</sup> Pogaga, visena la nene kana kinas na ya? Nesuŋa nepisayu ke nono lala amio nakuŋaŋaena la nene, ana e kiau sitomēna kana kinas pe nepisa re nesape sur la nene na lelaga poli, pona apowo liu.

<sup>20</sup> Pe sa re nena nene poli, ana popon nekila meraravan van amiu, nesape la naŋa akila ke lotena kar la ne sanene, pe amlelaga re e Kristo poli, a kuŋaŋaena la naŋa asuŋa akila ke ne, pe asuŋa akila re pa Ntewa lelaga poli, ana asuŋa akila ke ga pa yermare lala. Sanene, pe pon re ava lavisin la naŋa asuŋa akila ke poli, komin pe sineun re nesape asikol amiu amio yermare la poli.

<sup>21</sup> Ko naŋa ototano ke e lele na kinanena kiena Suŋe, osuŋa omun ke e mēna piala wa, a osuŋa okan ke kana kinanena wa, taŋatete okilia ova ototano e lelen kinanena kiena yermare lala vena omun kiela namunena a okan kiela kinanena.

<sup>22</sup> Yar na kila sanene naga suŋa miyur ke Suŋe, kilia kila Suŋe vielue vaŋisi, sinena karia. A pona yar nene sitom ke sape visae Suŋe sinena kar sanene, pe pe sur re tai poli, komin naga m̄arera manene taulu Suŋe? Pe nesitom re nena sanene poli.

*Li nalelagaena lala monar ve akila re sur naŋa kilia kila li nalelagaena taŋena lala aloge viowa*

<sup>23</sup> Visena tai suŋa ga, naŋa yar la mokliu apisa apisape, yaru kilia kila ga ya naŋa naga sinenan sape kila. Pona visena nene pe lelaga yo, ana sur laŋasa sike na naŋa nekilia nekila, ana yepmavin ga kilaena, komin e kiau navisuena, la pe asuŋa amiila inu re e kiau malena poli, a pe asuŋa amiila re malena kiena yar la naŋa asike lavisin inu poli.

<sup>24</sup> Nepisa sanene komin naŋa pe pon re yar tai suŋa sitom̄al ga naga taaga poli, ana monar sitom̄al mēna yeririna la naŋa naga sike lavisin la.

<sup>25</sup> Pogaga, nagane yoko nevisa sur laŋasa e lepas na tata na sur mali lala naŋa akila kuŋaŋaena ea pan kiela nono na visokanena lala. Visae awar tata la nene imi, aligan sur amio tata taŋena lala, vena

awilwilin la, tekilia toulia takan woga ga. Nanene komin naŋa taŋatete tekilia tevisu kilale sane tata na ya la ne sanene, tesape tata ya naŋa akila kuŋaŋaena ea, pona tata ya naŋa pe akila re kuŋaŋaena e poli, ana ve tesitom manene re, ve teviun re, toul ga narui.

<sup>26</sup> Telavia, takania, komin naŋa sane visena tai pisa sanini sape yomarava nini, *amio sur make ga naŋa sike ea, naga pe kiena ai? Naga pe kiena kieta Suŋe. Yauena 24:1*

<sup>27</sup> A visae yaru tai naŋa pe mlelaga re poli, vio ko vena ova okinana e mēna yuŋa, pona omaraun vaena yo, osuŋa ositom ke osape pona awar kinanena laŋasa van ko naŋa akila pae lotena na kiela nono la e yo rui. Ana peraga, visae osuŋa ositom ke naŋa ovano, ova ga, a ve oviun re naviuēna sanene, ola ga ya naŋa visae ala van ko.

<sup>28</sup> Ana sur ga tai, visae ova osike pae e naŋa rui, a nalelagaena taŋena tai teke ea, ana pona naga visa van ko sanini, visave Wolai, tata nene, italua monar telonia, komin nekilia rui nesape akila pae e rui pa kiela nono lala. Visae naga visa ve sanene van ko, ana sanene yoko ko mēna ga ve okan re.

<sup>29</sup> Lelaga, e lepas na kioŋa sitomēna, okekaran ga kanena, ana e lepas na womla taŋena nene naŋa pisa sur nene pan ko, viowa vania, ana pe pon re si otol poli, komin visae peraga, yoko okila sur tai naŋa kiena sitomēna pe mesmesun re nenaga ŋisa.

Ana visae ko ga taaga, a pe yar tai pisawal re sur la sanene pan ko poli, okilia okila ya naŋa ko sinom̄an osape okilia okila.

Nane kiau sitomēna sanene e lepas nene. Nesitom nesape pe mesmesun re naŋa yaru taŋena ga kilia m̄areran inu visave monar nekila nene, pona ve nekila re nene.

<sup>30</sup> Visae kinanena ya, nevisu sane visae nelenwo sumo, yoko nekilia nakania woga ga. Pe pon re yaru taŋena sinena karinun poli, naŋa nakan ke tata naŋa nepisa potena pa Ntewa vanon rui.

<sup>31</sup> Pogaga, naga kana kinas sanini, sane visae tekan suri tai, pona tomun sur tai, pona ya si naŋa tekilia tekila, ana monar tekila make ga e ŋelaga tai na visirluaen kia kiena ne Ntewa.

<sup>32</sup> Pe pon re akila sur naŋa kila kare sitomēna kiena le Yu la poli, pona le Kris lala, pona kieta li nalelagaena taŋena laŋasa,

<sup>33</sup> ana popon amiu akilali sa naŕa in na nesuŕna nekila ke pan la. E sur make ga naŕa nesuŕna nekila, pe nekilali re ya naŕa yoko wo van inu poli, ana noŕikeyon naŕa wo van la, vena kila sane pona laŕasa akilia atol natamaliaena.

## 11

<sup>1</sup> Lelaga erau lala, sa naŕa nesuŕna nek-ilali ke naŕa neyaloro nelilu lana Kristo, popon akilali ayaloro alilu lelen lau.

*Pelaga wo kiena yeririna la pogos naŕa ava e suŕare*

<sup>2</sup> Erau lala, nemloge sane asuŕna asitoŕnal ke yuŕnaena la naŕa nekila pan amiu na wa, a asuŕna atarar ruru ke ŕelaga lala na yuŕnaena nene naŕa nepian amiyunia.

<sup>3</sup> Ana e sur la nene, tai sike ga wa naŕa sineun nesape monar akilia rurua, naŕa pisayu yermene amio sira, naŕa lalua kiela yuŕnaena pe maran taaga re poli. Sa naŕa Ata Ntewa naga pe ŕarun Kristo, a Kristo naga pe ŕarun yaru, ana yermene naga pe ŕarun wona.

<sup>4</sup> Ana taveve kieta ŕelaga, visae yar tai lotu, pona visi e marana li nalelagaena lala, naga monar ve yan re karo na ŕarina e ŕarina. Visae naga yania, tevisu naga sane wowe tai naŕa mninue ŕelaga na vatanoena.

<sup>5</sup> Ana sira lala na pe taŕena. Visae sira tai lotu, pona visi e marana li nalelagaena lala, tepisu sane popon naga yenwo ŕarina e karo na ŕarina pona kulmrae tai. Visae ve yenwo re ŕarina sanene, naga mēna ga kila piowa, tepisu naga maran taaga visae akervan ŕarina ve ŕarmu ga rui suŕnal se maran yaru lala.

<sup>6</sup> Visae sira tai ve ŕarmarera, yepen mavin kaloen ŕarina sanene, popon avisa vania avisave popon naga kervan vilŕarina, ana yoko kilia suŕnal ga na wa su loyumuŕa e suŕare ana lotu. Ana yoko naga mawa vaŕisi nakilaen sur nene, komin pe pon re sira la aweroro vilŕarila ve plalas manene poli, pona akervan ŕarila ve ŕarmu. A visae ve sur na kilaen sira mawa sanene, popon sira la akekaran tararen kieta ŕelaga na vatanoena, monar ayenwo ŕarila la sanene pogos naŕa aim alotu e suŕare.

<sup>7</sup> Ana komin ya ne yermene lala la monar ve ayenwo re ŕarila lala? Nanene komin Ntewa sike metava, a naga pe ŕar pa rui, ana naga kila yermene sane naga, pisirlua yermene kila naga pe ŕarun sira. Nane sa ke nene narui, yermene taŕatete kalo ŕarina, ana sira monar kalo ŕarina.

<sup>8</sup> Tekilia sane yermene naga monar ve ŕarin sira sanene, komin Ntewa sii ŕesan yermene, siraunia sii sira molue kome lepas nen yermene, ana pe sii re yermene molue kome sira poli,

<sup>9</sup> a naga sii sira vena iilaen yermene, pe sii re yermene poli vena iilaen sira.

<sup>10</sup> Sanene, sira monar kalo ŕarina, vena kilaen sa naŕa naga patanon ke wona. Ana pogos naŕa naga sane kila sanene, navisi lala nae ma e peni apisuia, a kila naŕa apisu kilale sa naŕa sira kekaran vatanonen wona na yermene, a la mēna monar akekaran vatanonen kiela yerkawa keviu naŕa Ntewa.

<sup>11</sup> Lelaga naŕa sira monar vatanon yermene sanene, ana nanene kana kinasa sane pe sa re naŕa sane lalua pe atoroki re poli. Ita naŕa tesike loyumuŕa e ŕegas nen kieta Suŕe, tekilia rui tesape sira na taŕatete suŕna naga taaga, a yermene taŕatete suŕna naga taaga, ana lalua monar asuŕna ayumuŕae lele taaga vena aiila la maran ve taaga.

<sup>12</sup> Nanua sumo la e nasiiena, sira nasumo molue e tasnena yermene, ana sir-aun na nene, yeririna punu ga amolue akome tas nen sira tol nagane, ana tekilia tesape purŕes kemua lelaga, naŕa sur punu ga molue komea, naga Ntewa ga.

<sup>13</sup> Pona laŕasa pe akekaran re kiau visena poli yo, naŕa nesape popon sira lotu monar kalo ŕarina, ana asitomyu rurulia. E kiamiu navisuena, apisu sane sira naŕa ve kalo re ŕarina, mesmesun ga naŕa suŕnal lotu va Ntewa? Peraga, e kieta ŕelaga na pe mesmes re poli.

<sup>14</sup> E kieta malena na yomarava nini, merarava ruru pan ita rui sane pogos naŕa yermene ligan vilŕarina kapuru vim ve piyavi manenea, piowa pan paŕisi.

<sup>15</sup> Ana pogos naŕa sira tamian vilŕarina ve piyavi rurua, po pan paŕisi, a viluna na piyavi ne, Ntewa mla pania sane sur tai naŕa miyowauia ruru yepena.

<sup>16</sup> Ana sa naŕa nepisa, li nalelagaena laŕas asuŕna apisliu, pe akekaran re sito-mena nene poli, sane sira naŕa sinenan sape lotu monar kalo ŕarina. Pogaga, kiau visena sanini, nesape imimi li nalolo-gena lala, memlologon ga sanene, pe mekekaran re ŕelaga taŕena poli, a suŕare kiena ne Ntewa taŕena la ne asike ne, la mēna ga asape ve sa nene.

*Mrapa mesmesu nakilaen ŕaŕagena wa*

<sup>17</sup> Sur si tai sike ga wa naŕa sineun nela sitomena laŕasa ea van amiu. A piowa ga, komin naŕa naga pe pe sur re tai naŕa nekilia nevisir plan amiun poli, ana naga pe sur tai naŕa monar nevis

van amiunia. Naga e lepas na pogos na suñare, naña popon vena sur tai nailaen kiamiu malena, ana akila sa naña pimi pe purpes nen sur viowa si tai.

<sup>18</sup> Nepisa sanene komin naña nemloge rui sane pogos naña amiu li nalelagaena lala apim lele taaga, pe ape taaga re poli, ana nalipereena sumā pa ke metava likan amiu. Visae visena la nene navisokanena ana po, ana peraga, nepisu sane monar ve lelaga ga.

<sup>19</sup> Ana pe nekilia re poli vanon ya ne sinemiun asape akila sanene? Pona yar tai sinenan sape yuve tai, tai sape yuve tai sanene yo? Pona sinomān osape otauluia vena yoko yar la avisave ko ke narui ope lelaga, pona ko ke narui naña Ntewa sike amio ko?

<sup>20</sup> Ana e lepas na pāpāgena wa, nemloge sane naga mēna nene asuñā akila ke piowa ga. Pogos naña apim lele taaga vena kilaen pāpāgena wa nene, pe akila re si sane nasitomwalena kieta Suñe poli, ana akila ke ga sa naña kami kinanena tañena lala.

<sup>21</sup> Visae tai imi loge viso karia, yoko naga suñalu kian limana la kilaparavi ve keviu, pona tañena mun kuruta na munena ve keviu, ana ve torokin re si lañasia!

<sup>22</sup> Pona pe kamiulena viranen re kapi e poli yo, pisi na aim vena akinana loyurā e sumāre? Pona asuñā akila sanene komin naña asuñā asitom korenan ke ga sumāre kiena ne Ntewa, pona asuñā asitom korenan ke ga erau na lelagaena tañena lala? Nemninue kare narui aña nevisa ya ne van amiu e sur nene, yoko nevisa ga nevisave pe nekekanan re nena poli.

<sup>23</sup> Mrapa mesmesu na kilaen kinanena wa, Suñe ga pisa pan inu, ana siraunia in ke narui naña nemla lein pan amiu. Pa sanini, sa naña Suñe Yesu, kiena yemalo maro nene, naña Sutas pielua naga ea, naga mla kilaparavi nene,

<sup>24</sup> ana mlen pisa potenania, kawerorovia, ana pisape "Tasneu ke nini narui, naña netamānia vanon amiu. Ana monar asuñā ala luen ga kilaparavi sanini silaga, sa naña sur na sitomālinena tai."

<sup>25</sup> Ana siraunia, pogos naña akan pae, mla piala na kuruta, kila ke mēna sanene, pisa pan la, pisape "Piala nini, naga kau kuruta, naña vena kilaen naviranarena viu naña Ntewa kila amio yaru suñalu. A pogos punu ga naña ala piala nene, awis, monar asitomālinu."

<sup>26</sup> Erau lala, nane visena kiena Suñe e lepas nene, ana kila sane pogos naña tela kilaparavi a tela piala sanene, tesuñā tepisawal ke nasitomālena na kiena marena,

a monar tekila mēna sanene vano tol pogos naña naga imi mālavin ita sina.

<sup>27</sup> A nalaen kilaparavi kana Suñe nene amio mēna piala, naga pe sur tai naña pe wa pañisi. Visae yar tai la e pēlaga tai naña ve mesmesu re, yaru nene kila piowa ga, pārnena kare tasnena Suñe amio kana kuruta, sa ga naña naga ga mēmonāria.

<sup>28</sup> Ana pogos nakilaen pāpāgena wa sanene, monar ita make ga veve taaga tevisu ruru kieta malena lala, pisi na, tela kilaparavi amio kuruta nene.

<sup>29</sup> A pogos naña telavia, monar tevisu kilale sane sur nene kana pupia kinasa suñā ga, naña pisayu kieta Suñe naña naga tañan kiena malena vanon ita. Ana visae yar tai lavia, ve sitom re urmi sane ita make ga tepe tas taaga e Kristo, naga la korenan ga, ana yoko naga visu sa naña viowa manene laa vania.

<sup>30</sup> Sur nene suñā kila amiu ke rui, naña amiu mokliu yepemiu la miaiai a amai, pano-o tol naña kam lañasa amare.

<sup>31</sup> Ana visae tevisu ruru kieta malena silaga, yoko Ntewa ve la re nakoena sanene van ita.

<sup>32</sup> Ana ita naña Ntewa kila sanene pan ita, ve tela re sa naña nakoena tai, tela sa naña navianena tai naña Ntewa kila pan ita sape tekirava, vena la pulmas tai van ita e legiena maro, naña yoko ve akoven ita re teva temio yar na yomarava tañena la naña yoko ava e lele naloge viowaena.

<sup>33</sup> Erau wo lala, kiau visena ne na nene e lepas na kilaen pāpāgena wa. Pogos naña aimi lele taaga sanene, ana akila ga e pēlaga napo. Ve yar tai kilali re naña la pēsania vena kan ve keviu, ana ava ruru amiu ga, pogos naña amiu make ga asike lele taaga narui, ana akilia akila ga na wa.

<sup>34</sup> Yaru naña viso karia sitom manene laa kinanena, popon naga suñā ga uñā, kinana ruru kana. A monar ataveve ruru kiau visena e lepas nene, visae peraga, pogos naña aimi lele taaga, ana yoko tapatete suri tai wo van amiu.

Sur tañena si lañasa sike e inu vena visawalen van amiu, ana yoko nevisayu la van amiu e pogos naña neim nomālinin amiu.

## 12

*Mareraena la naña Ninuna Wa kian ke sa naña nalaena tai*

<sup>1</sup> Wolai a vineu lala, pogaga, sineun visayuen māreraena la naña Ninuna Wa kilia kian van ita li nalelagaena lala sane nalaena tai. E lepas nene, ve ave wowen re, ana sineun nesape monar akilia ruru toweli māga.

<sup>2</sup> Ana popon asitom si wasuŕe va e pogos naŕa kam na pe amlelaga re poli wa. E poglis nene, naŕareraena na ninuna taŕena lala asuŕa amiyuŕŕae ke e amiu, aŕure kare kiamiu sitomena la pa pe wowen ruru nene naga nalotunen nono kar la naŕa pe apis re poli.

<sup>3</sup> Nane ninuna sur ne la naŕa akilia akila yaru vis viowa wa Yesu, viuelin kiena kia, ana Ninuna Wa kiena ne Ntewa naga taŕatete la visena la ne sanene. A ninuna la nene, taŕatete akilia akila yaru visa visena wo lala, naŕa sape Yesu naga pe Suŕe kemua lelaga, ana yar naŕa visa sanene, tekilia tesape Ninuna Wa miyuŕŕae ke e kiena malena, mla visena na sanene pania.

<sup>4</sup> Sanene, pogos naŕa tepisu ŕareraena wo la naŕa li nalelagaena la akilia amiyuŕŕae amio, tekilia tevisave nane sane nalaena la naŕa Ninuna Wa mla ke pan la. Mareraena mokliu nakilaen yuŕŕaena la sike ne, ana Ninuna ne Ntewa naga taaga pe purŕesan make ga.

<sup>5</sup> Sa ga naŕa ŕelaga na yuŕŕaena la mokliu sike ga wa, ana kieta Suŕe naga taaga pe ŕarun la make ga,

<sup>6</sup> a sitomena wo na kilaen yuŕŕaena la sike ne, ana Ntewa ga naga taaga kila la apa ke metava pan ita make ga.

<sup>7</sup> Sanene, e lepas naŕareraena lala naŕa Ninuna Wa kiania, li nalelagaena lala aŕar peve taaga sane tai mla tai, tai mla tai, taveve ga ya naŕa Ntewa pisu sape yoko iila manene ŕegas nen li nalelagaena lala.

<sup>8</sup> Pan tai, Ninuna kian visena la naŕa amanmarua paŕisi.

Pan tai, kian navisukiliaena nowo lala.

<sup>9</sup> Pan tai, kian pupia naviawaena, pan tai, kian naŕa kilia kila ruru maiena.

<sup>10</sup> Pan tai, kian naŕa kilia yuŕŕaen kile lala.

Pan tai, kian navisawalena suri la naŕa pimi ke ga wa.

Pan tai, kian naŕa kilia ŕene plan yer-mare lala.

Pan tai, kian naŕa kilia vis e visena taŕena lala.

Pan tai, kian naŕa kilia vilon visena kiena la naŕa apis ke e visena taŕena lala.

<sup>11</sup> Nane nalaena la naŕa Ninuna Wa naga taaga kilia ligan se malena kiena yaru, kian plan ke pan ita peve taaga taveve ga ya naŕa naga sinenania.

<sup>12</sup> Li nalelagaena lala aŕar nalaena taŕena la ne sanene, sa naŕa tasneta lala kiela kinakinas taŕena lala mokliu. Kinakinas taŕena la nene, amiyakolkol la asuŕa amiyuŕŕae ruru ke veraga e tas

taaga, a sa ŕena ga nene loyuŕŕa e ŕegas kiena ne li na lelagaena lala, naŕa la na sane kinakinas nen tasnena Kristo.

<sup>13</sup> Pona ita tepe yere Yu pona tepe yere Krik, pona tepe yerkaawa pona tesuŕa temiyuŕŕae korena kiena yerkaawa tai, ana Ninuna ne Ntewa naga ŕere ita make ga, kila akee ita vena teimi teve kinakinas nen tasnena ne Yesu komŕasa, ana Ninuna ne nane naga taaga sike e kieta malena peve taaga.

<sup>14</sup> Popon tesitom manene laa totou naŕa tesuŕa tepisa ke ne, sane ita li na lelagaena lala ita na sane tasnena Kristo. Ana e lepas na tasneta lala, tekilia tesape kana kinakinas la mokliu.

<sup>15</sup> Ana sanene, pe mesmesun re naŕa kinakinas komŕasa sane lana, mloge piowa, suŕalu pisape "Ke, in na nepe lana ga, in na pe nemiyuŕŕae ruru re sane limana miyuŕŕae poli, pona in na pe pon re ga neve kinakinas nen tas komŕas poli." Ana peraga, lata pisa ŕele sanene, komin naga pe pupia kinakinas na tasneta komŕas rui.

<sup>16</sup> Ana pe mesmesun re naŕa kiligata loge viowa poli, suŕalu pisape "Ke, in na nepe kiligana ga, pe nepisu kilale re sur sa naŕa kilamarana kila ke poli, pona in na pe netorokin re nesikol nemio tasnena poli yo." Ana peraga, kiligata taŕatete visa sanene, komin naŕa naga kiena yuŕŕaena napo e tasneta sike pa rui.

<sup>17</sup> Naga nene komin naŕa visae tasneta ve kilamarana ga, yoko taŕatete teloge kilia suria, a visae tasneta ve kiligana ga, taŕatete telopon suria.

<sup>18</sup> Ana e tasneta, Ntewa kila taveve kiena sitomena, mligan ruru kinakinas make ga su mesmesu ruruia sike nena e lelela lala, vena la veve taaga akila nena kiela yuŕŕaena lala.

<sup>19</sup> Visae kinakinas nen tasneta make ga maran ve taaga, yoko taŕatete tevisu sane tas tai,

<sup>20</sup> ana kinakinas taŕena la monar asikol la lele taaga vena kila sane tas nen yaru.

<sup>21</sup> Kilamarata taŕatete visa kare limata, visave "Ke, pe sineun ko re poli," a ŕarita taŕatete ŕene lata, visave "Ke, pe nesitom ko re si poli."

<sup>22</sup> Pe sa re nena nene poli, ne! Kinakinas nen tasneta la ŕasia amalumlum paŕisi, ana tekilia sane asuŕa akila ke pupia yuŕŕaena.

<sup>23</sup> Kinakinas nen tasneta taŕena laŕasa, pe tesitom re tesape aŕa la apo sanape wa, ana tesuŕa tepisuar ruru la. Kinakinas nen tasneta taŕena lala, pe sinetan re yar taŕena visu poli, ana tesitom urmin naŕa teyenwoia.

<sup>24</sup> A kinakinas nen tasneta taḗena laḗasa, la atorokin ga naḗa yar la akilia aḗiua, ana ve teyenwo re. Sanene tepisu ke naḗa Ntewa mligan ruru make kinakinasnena mesmes ga, a mligan sitomena tai sike e ita sape pe sur korena naḗa kinakinas laḗasa amalumlum, po pe akila re yurñaena keviu poli, ana tesitom urmi e la a tepisuar ruru la.

<sup>25</sup> A naga nene kila naḗa kinakinas make ga pe apeveyun la re poli, asu ruru ga, asurña amiila la ke sina ga silaga.

<sup>26</sup> Visae kinakinas nen tasneta tai loge viowagan sur tai, kinakinas taḗena make ga monar aloge viowa amio, a visae avisirlua kinakinas taḗena tai akila wo vania, kinakinas make ga akilia aloge wo amio.

<sup>27</sup> Ana visena la nene la kala kinasana sanini, sane ita li nalelagaena lala, ita na sane tasnena Kristo, a ita peve taaga tepe kana kinakinas lala.

<sup>28</sup> A Ntewa mligan ita kinakinas na tasnena Kristo, ve nakilaen yurñaena lala na sumare. Na sumo, Ntewa pisirplan laḗasia ape nalologena, a nalua, laḗasa ape navisawalena, a natelu, laḗasia ape navianena, a suraunia, la mēna ga ḗasia naḗa ave nakilaen kile lala, pona akila ruru maiena lala, pona avisuar yurñaena na sumare, pona avis e visena taḗena la, sanene.

<sup>29</sup> Ana ḗegas nen li na lelagaena lala, tepisu naḗa la make ga ape nalologena? Pona la punu ga ape navisawalena? Pona la make ga navianena? Pona la make ga ape nakilaen kile? Peraga, sa re nene poli.

<sup>30</sup> Pona la make ga nakilaruruen maiena? Pona la make ga akilia avis e visen taḗena lala, pona avilon visena taḗena lala?

<sup>31</sup> Pe sa re nena nene poli, ana popon vena la make ga akekarana naḗa atol pupia naḗareraena ya naḗa Ninuna kilia kian van la.

A e ḗareraena la nene, tai sumā ga naḗa monar imi ḗesa e kieta malena ita punu ga, naḗa po taulu make taḗena lala, naḗa sineun visayuen van amiu, nane ḗelaga na sinesiena.

### 13

#### *Sinesiena*

<sup>1</sup> Sinesiena, naga sur tai naḗa monar ve sur nasumo e kieta malena. Pona nekilia nevisi kome visena kiena yar taḗena la woga yo, pona nekilia nevisin visena kiena navisi la woga yo, nanene pogaga, ana visae ve sineu sii re yar lala, nekila ke sane kiau visena make ga sane ḗe tai naḗa aḗnea miyelu wowe korena ga.

<sup>2</sup> Pona pupia ḗareraena sike e in yo vena visawalen visena kiena ne Ntewa, pona nekilia ruru sur moki naḗa yar taḗena la pe akilia re poli yo, pona kiau naviawaena keviu manenea torokin nelotu ana sur la imi ḗalḗalivi yo, sur la nene po manene paḗisi, ana visae ve sineu si re yaru lala, nepe sur korena ga.

<sup>3</sup> Pona nekian kiau sur make ga pa yar la naḗa limala korena yo, pona nesumālu ḗarera mā pano-o asikap tasneu komin naḗa nepe yaru kiena Kristo, naga mēna nene po na po, ana visae ve sineu sii re yaru, nekila korenan ga.

<sup>4</sup> Ana pupia sur nene, ḗelaga na sinesiena, naga sanape? Kiena sitomena piavi, a naga sinewo. Naga pielue re poli, naga pilave re poli, a naga pisirlua re si naga poli.

<sup>5</sup> Kiena ḗelaga po, naga puluvis re poli, naga sinena mimi koskos re poli, a naga tarar re sitomena viowa piavi poli.

<sup>6</sup> Naga pe sinenan re sur viowa poli, ana naga kekarana ga sur wo.

<sup>7</sup> Sinesiena naga sumālar lue ga, sinesiena naga lelaga lue ga, sinesiena naga wasine lue ga, a sinesiena naga taulu lue ga.

<sup>8</sup> Sinesiena naga pe sinena mare re pogos tai poli.

Lelaga paḗisi, naḗareraena taḗena lala, sane navisawalena lala, pona navisaen visena taḗena lala, pona nakiliaena lala, yoko taḗatete sike lue, ana nasinesiena ga naga su lue, naga taḗatete ḗisi pogos tai.

<sup>9</sup> E kieta pogosia, asumā apisawal ke visena kiena ne Ntewa, a asurña apian ke nakiliaena la ne sanene, ana ya naḗa asumā akila ke nagane, naga komḗas nena ga, pe wetelu re nenaga ḗisa.

<sup>10</sup> Sur la nene ape nanagane ga, a e pogos naḗa Ntewa yoko kila sur make ga imi wo ruruia, sur taḗena la nene yoko aḗisi, ana sinesiena yoko su lue.

<sup>11</sup> Naga maran taaga ga amio kieta malena. Pogos naḗa tepe sisi ke ga wa, kieta visena amio kieta sitomena mla ke ga ḗelaga kiena sisi. Ana pogos naḗa tepe yerkawa, pe tesa re si ninis poli, kieta ḗelaga marua ruru nenaga. Ana kieta malena amio Ninuna Wa monar ve sa mēna ga nene.

<sup>12</sup> A maran taaga mēna ga e kupito naḗa tepisu ke marata ea. Pogos tai, visae kupito nene namname pona pe urmarua, ana taḗatete si tekilia tevisu ruru marata ea. Ana e pogos naḗa Ntewa kila ruru make sur la imi wo, yoko tevisu kilale make suria, a yoko tevisu nena marana Ntewa e kilamarata. A e mēna e lepana na kieta

kiliaena, nagane tekilia vitokak ga, ana e pogos naŋa pimi ke ne, yoko Ntewa kila naŋa tekilia ruru naga, amio sur taŋena make ga, maran ve taaga sa ke ga naŋa naga kilia ruru ita nanua sumo rui pimi tol nagane.

<sup>13</sup> Sanene, sur taŋena lala yoko ŋisi, ana sur la ve telu ga yoko kilia sulue, nane naviawaena, nawasineena, a sinesiena. A e sur la telu nene, naga naŋa keviu manenea, nane nepisa maron ne, naga sinesiena.

## 14

*Pol pisayu sina m̄areraena lala kiena Ninuna Wa, sa naŋa avis kome visena taŋena lala*

<sup>1</sup> Ana komin sinesiena naga pe sur tai naŋa keviu manene sanene, monar aligan naga su ŋesia e kiamiu malena. A amio naga nene, monar aligan kiamiu sitomena se nam̄areraena la naŋa Ninuna Wa suŋia kiania, akekarana naŋa atolia. A e m̄areraena la nene, tai naŋa po manenea, na naŋa yar visawal visena kiena ne Ntewa.

<sup>2</sup> Visae yar tai suŋialu visawal visena kome visena taŋena naŋa Ninuna Wa mla pania, pona wo van yo, ana sa naŋa pis ke ga pa Ntewa, naga pe suŋia pisa re visena naŋa yar taŋena la akilia aloge kilale poli. Pona naga suŋia pisawal ke pupia visena la naŋa Ninuna Wa mla ke pan yo, ana visena la nene pe merarava re pan ita poli, tapolou ga, taŋatete tetolia.

<sup>3</sup> Ana visae yar tai visawal visena lala kiena ne Ntewa van ita, vis van ita kome kieta visena, kiena visena wo la nene akilia akila ita tom̄arera, akilia avisir plan kieta sitomena, akilia akila luŋeluŋe losineta.

<sup>4</sup> Sanene, yar naŋa pis ke kome visena taŋena naŋa Ninuna Wa mla pania, suŋia pagan ke sina ga naga taaga, ana yar naŋa pisawal ke visena kiena ne Ntewa naŋa yar la amloge kilalea, naga suŋia pagan ke suŋiare make ga.

<sup>5</sup> Pogaga, nekekarana naŋa visae avis kome visena taŋena la ne sanene, ana nepisu sane popon manene visae asuŋia avisawal ke visena kiena ne Ntewa van yar taŋena lala. Naga naŋa suŋia pisawal ke visena kiena ne Ntewa, kiena yuŋiaena po manenea taulu yuŋiaena kiena yar naŋa suŋia pis ke kome visena taŋena. Naga nene komin yar naŋa suŋia pis ke kome visena taŋena, kiena yuŋiaena taŋatete kilia war mrasa e malena kiena yar taŋena. Kiena yuŋiaena taŋatete vagan suŋiare visae yar re tai naŋa suŋia vilon kiena visena vena yar taŋena lala akilia alogeki-lalea.

<sup>6</sup> Erau lala, asitomiylulia visae inu, pogos naŋa nepim ke pun amiu nesuŋia nemlologo kome visena taŋena naŋa Ninuna Wa mla pan inu. Ana yoko taŋatete nena kiau visena la ne sanene kilia iila amiu. Ana pogos naŋa nepis kome visena naŋa akilia amloge kilalea, kila sane ya naŋa nemla pan amiu, sane sur viu tai naŋa Ntewa kipian ununia, pona kiliaena tai, pona navisawalena tai na visena kiena ne Ntewa, pona vianena tai, ana kilia iila ruru kiamiu malena.

<sup>7</sup> Naga sane plaŋe amio kana laki naweena naŋa aŋea apolu, visae sur lua nene amenunu, ana pogos na wolena taŋatete ologe yauena pona pialu yelu.

<sup>8</sup> Ana visae suŋe tai sinenan visave we ŋe na kumali, ana ŋe nene menunu, taŋatete yelu ruru ve keviu, yoko yeririna la taŋatete akilia aloge kilale avisave suŋe m̄e ŋe na ya.

<sup>9</sup> Ana sa ke m̄ena nene e kiamiu suŋiare gar e nam̄ia. Visae yar tai suŋia pisa ke visena lala kome visena taŋena naŋa yeririna la akilia re poli, yoko taŋatete nena atol narin sur tai e ya naŋa naga sinenan sape visa van la. Kiena visena yoko va kovio ga e yepesinas na m̄eke ne.

<sup>10</sup> Sa naŋa tekilia, visena mokliu sike e yomarava, a kiela visena lala kala kinas la suŋia ga.

<sup>11</sup> Ana visae neva ko yo tai, neninue kiena visena, in na sane nepe wolawa ga e yo nena, a la m̄ena ga ave wolawa ga e inu.

<sup>12</sup> Ana visena nene, kana kinas e amiu naŋa asuŋia aŋion ke asape m̄areraena lala kiena Ninuna Wa ayuŋiae likan amiu. A kana kinas sanini, ve akila re naŋa kam veve taaga asuŋia avisir plan amiu ga, ana monar awionlia vena amiu make ga asuŋia avisirlua suŋiare imi m̄arera ruruia.

<sup>13</sup> Ana visae amiu yar tai kilia visi kome visena taŋena tai sanene naŋa Ninuna Wa mla pania, popon naga lenin va Ntewa vena Ntewa la m̄areraena vania vena vilon kiena visena la nene ava e kiamiu visena.

<sup>14</sup> Nepisa sanene komin naŋa visae nelotu kome visena taŋena na sanene, nepisu sane nesuŋia nelotu ke ga e ninuu, ana loyumuŋa e kiau sitomena nemninue ya naŋa nesuŋia nepisa ke ne.

<sup>15</sup> Visae ve sanene, yoko popon tekila ve sanape? E kiau navisuena, popon tekila e lepas ga luwoka veraga. Visae nesuŋia nelotu, pona nesuŋia neyau, ana popon nekila e visena naŋa molue kome ninuu, a popon m̄ena nekila e visena naŋa molue kome kiau sitomena.

<sup>16</sup> Visae peraga, pona osuŋia olotu ga kome visena naŋa molue kome ninumu, osuŋia ovisa potena va Ntewa komin sur

laþasa, ana yar taþena naþa loge þele visena nene, yoko taþatete kilia, yoko taþatete visa "Sanene" e kioña leniena.

<sup>17</sup> Pona osuñña omlotu ke sanene, opisa ke suri wo la moki yo, ana kioña lotena nene taþatete kilia iila sitomena kiena kioña erau þisa.

<sup>18</sup> In na nekekara paþisi naþa Ntewa mla nañareraena nene pan inu vena nevisi kome visena taþena naþa Ninuna Wa mlavia, nepisa potena pan paþisi, a nepisu sane inu na nekila keviu paþisi taulu amiu make ga.

<sup>19</sup> Ana nesuñña nekila ke e pogos naþa inu ga taaga nesiau, pe nekila re e maran yaru la poli e pogos na suññare. E kiau navisuena, visae nevisa visena tai ve tokak ga kome visena tai naþa yar la akilia, naþa kilia vian kiela malena, naga nene po manene laa taulu naþa visae nekila visena la ve moki kome visena taþena tai naþa la pe amloge kilia re poli.

<sup>20</sup> Erau lala, awis akilali naþa asitom ruru e sur la nene, kiamiu sitomena ve ve sa re ga ninis. Pe lelaga naþa e lepas na þelaga viowa lala, popon ave sa ga ninis, ve akilia make re sur ea. Ana e lepas na þelaga wo, kiamiu sitomena lala monar marua ruruia.

<sup>21</sup> Visena tai sike e Siriena Marua, pisawal visena tai naþa Ntewa pisa sanini, sape

*Yoko noure yar la naþa apimi e purvanua taþena lala, naþa apisi kome visena taþena lala, neligan plan la avano vena avisawal kiau visena van kiau yeririna lala.*

*Ana kiau yeririna lala ape þarñarera paþisi, yoko taþatete ayagogon kiau visena la naþa wolawa la nene avisawal van la.* Ais 28:11-12

<sup>22</sup> E visena nene, nepisu naþa Ntewa pisawalia pisape nañareraena na visinen visena taþena lala naþa Ninuna Wa kiania, naga na ya? Mareraena nene pe pe kieta re poli ita la naþa temlelaga pa þisi rui, ana naiilaen la naþa pe amlelaga re poli wa. Pogos naþa aloge, avisu kilalea sane lelaga. Ana nañareraena navisawalen visen kiena ne Ntewa, naga kilia iila manene ita naþa temlelaga rui, naþa tekilia teloge ruru merarava wo. Ana nañareraena nene taþatete iila manene la naþa pe amlelaga re poli, komin yepela mavin yagogonen visena lala kiena ne Ntewa.

<sup>23</sup> Ana pogos naþa aimi lele taaga vena kilaen suññare sanene, pe pon re asuñña avis manene kome visena la naþa Ninuna Wa mla ke pan amiu poli. Visae pogos tai, yar tai naþa pe kilia ruru re sur nene poli

yo, pona pe mlelaga re poli, visae naga imi loyuñña e kiamiu suññare, yoko naga visa ve sanape? Yoko naga monar sitom visave kam make ga ape wowe la.

<sup>24</sup> Ana visae imi loyuñña, visu naþa asuñña apisawal ke visena kiena ne Ntewa kome visena naþa amiu punu ga akilia, yoko naga yagogon ruru kiamiu visena wo lala, ana kilia yur kiena malena, kilia kila naga visu kilale kiena mlamulena viowa.

<sup>25</sup> A pogos naþa yagogon ña sanene vano-o, yoko naga loge visena kiena ne Ntewa tol kiena malena, va yupor e sur la naþa naga þarwan sike e kiena sitomena, a yoko kila naga sinena ye si naga, kinai tano lotun Ntewa, visawal visave lelaga, Ntewa sike likan amiu.

*Monar teyuññae e nañareraena kiena Ninuna Wa e þelaga mesmesu*

<sup>26</sup> Taveve visena la nene e lepas na nañareraena lala naþa Ninuna Wa kiania, yoko akila ve sanape e pogos na kiamiu lotena lala? Pogos naþa aimi lele taaga, popon vena aliureure kana yuññaena lala van amiu. Sanene, yar tai la yauena tai, yar tai la navianena tai, yar tai la sitomen viuu tai naþa Ntewa pisawal pania, yaru tai la visena tai e visena taþena tai naþa Ninuna Wa kian pania, a taþena kilia vilon visena nene vena yeririna la make ga akilia kana kinasia, ana suri punu ga kilia vagan ruru malena kiena li nalelagaena la naþa asike ne.

<sup>27</sup> Ana sa naþa nepisa, visae e pogos nene, yar tai sinenan vis kome visena taþena naþa Ninuna Wa kian pania, nanene pogaga. Visae ve lua pona ve telu naga pogaga mñena ga, ana monar ve yuve re telu. A ve avis re veraga, ana ala pogos van la, tai sumo, siraunia taþena sanene. A tai mñena ga, visae tai vis pae, yar taþena monar vilon kiena visena, vena la make ga akilia.

<sup>28</sup> A visae sinelan visen kome visena taþena sanene, ana visae pe tai re suñña ga naþa tol nañareraena na visawalen kinas nen visena la nene poli, yoko la ve avivis re si kome visena taþena la ne sanene e maran yaru lala. Yaru na sanene, yoko topur ga, a kilia vivis ga kome visena taþena e ga e ninuna, naþa naga ga amio Ntewa lalua akilia aloge.

<sup>29</sup> E lepas kien la naþa apisawal ke visena kiena Ntewa, popon sane la ve lua pona ve telu ga avis. A pogos naþa avis pae, popon li nalelagaena taþena lala avisawal kiela sitomena ea.

<sup>30</sup> Visae tai suñña mlologo mñaga, ana Ntewa kila sitomena viuu tai imi van nalelagaena taþena naþa totano teke ne, naga



naþa suñña pis ke ne monar þisi kone wa vena la pulmas van taþena nene.

<sup>31</sup> Sanene, amiu punu ga akilia atol pulmas na visawalen visena kiena ne Ntewa, naþa tai visawal tai, þisi taþena visawal tai, sanene. Ana visena la nene yoko kilia visirlua sitomena kien yaru make ga, a la make ga akilia atol sur wo ea.

<sup>32</sup> Visena wo tai sike ne, naþa torokin la naþa aþar ke nañareraena naþa Ninuna Wa kian pan la. Visena nena pisa sanini, sape Ninuna naþa mla visena pan yaru naga pe mñareran re yaru poli, ana naga monar logear ga manmaruaena kiena yaru nene naþa pisawal ke visena nene.

<sup>33</sup> Visena nene kana kinasa asape monar teyuññae e þelaga wo sa naþa Ntewa naga sinenania, komin naga pe suñña miyuññae kar re poli amio kiena nañareraena, ana suñña miyuññae ke sur punu ga torokin þelaga na suññarena.

A popon akila ve sa naþa þegas nen li nalelagaena wa taþena lala asuñña akila,

<sup>34</sup> naþa pogos na lotena, akila naþa sira lala apa ruru la ga asuñña ga. Pe atañan re sira la asuññalu poli vena avis e marana yermñene lala, komin sa naþa navisaluaena marua pisa, sira lala monar ve asu re metava taulu yermñene lala.

<sup>35</sup> Visae sira la sinelan kiliaen suria, pe pon re aviun manene naviuena poli pona avisawal manene kiela sitomena loyuñña e suññare, ana visae ava uñña narui, akilia aviun ga va wola la na wa.

<sup>36</sup> Nanene kiau visena laþasa naþa pan amiu, ana pe pon re kam laþasa asitom asape nepisa sur nene pe mesmes re poli. Pe kamiu re naþa Visena Wa kiena ne Ntewa pimi þes pan amiu poli, a pe kam re ga naþa atol poli.

<sup>37</sup> Visae kam yar tai sitom visave naga yar na visawalen visena kiena ne Ntewa, pona naga pe yar naþa sitom ke sape naga taveve ke mrapa naþa Ninuna Wa kila pe merarava pania, naga ke narui naga po, ana visae ve sa kemua nene, yoko naga monar visu kilia visave sur la naþa nesuñña nesiriyu ke pan amiu, ape visena kiena Suþe kemua lelaga.

<sup>38</sup> Ana visae naga ve visu kilale re sane kiau siriena la nene ape visena lelaga kiena Suþe, yoko monar ve atañan re si naga yuññae amio amiu.

<sup>39</sup> Pogaga, monar asitom ruru kiau visena lala, nesape añareran naþa vena atol nañareraena na visawalen visena kiena Suþe, ana visae la þasa atol nañareraena na visena kome visena taþena naþa Ninuna Wa kian pan la,

monar ve avisaluþar la re avisave kilaeen toko.

<sup>40</sup> Ana visae akila nene, pona ya sina, ana monar akila sur make ga taveve kana mrapa naþa mesmes ruru po.

## 15

### *Suññalen sina e marena*

<sup>1</sup> Erau lala, sineun nesape nevisayu si Lollogena Wo naþa nepim nemlologon pan amiu rui, naþa amlavia, asuñña asuññal ke mñarera ea, vena kila amiu ve sinemiui þesan re.

<sup>2</sup> Lollogena Wo nene na naþa visae asuñña amlarar ke mñarera yo wa, naga suñña kila ke naþa atol kiamiu natamali-aena. Ana visae ve atarar re si mñarera torokin ya naþa nemlologon pan amiu, pona visae avilon ve ve taþena, kana kinasa sane amlelaga nanua sumo ana amlelaga korenan ga.

<sup>3</sup> Lollogena Wo naþa amla þesan pan inu nanua sumo, nane nemla narui, nepisawal ke pan amiu ne. Kana pupia visena ne lala apisayu Kristo, naþa naga kila maran taaga sa ke naþa Nasiriena Wa pisayu nakonua rui sape yoko naga kila, pogos naþa naga pe pitomi re poli wa. Pa sanini, sape Kristo, naga mare wo ita vanon kieta mlamulena viowa lala,

<sup>4</sup> siraunia amligan naga mñene puluve, siraunia e kana legiena na telu suññalu mal sina,

<sup>5</sup> a siraun naga nene naga mñalivi þesan e marana Keþas, siraunia, naga mñalivi ke sina ga e marana la lualima yam taaga pa lua.

<sup>6</sup> A siraun naga nene, pogos si tai naga mñalivi e marana þegas nen li na lelagaena lala, la taulu ponotisi lima [500], naþa la mok liu amal ke ga wa tol nagane, ana laþasa akokovio rui.

<sup>7</sup> Ana siraunia, naga mñalivi sina ga e marana Semes, siraunia mñalivi e marana nalologena taþena lala,

<sup>8</sup> ana siraun nene, naga þasuþe si pa ma e peni. In na pe nesu re e poglis nene poli, ana potena paþisi naþa siraunia, Suþe mñalivi si yam tai, naþa naga mñalivi maro nenaga, mñalivin inu.

<sup>9</sup> In na pe netorokin re naþa naga kila sanene van inu poli, komin naþa e nalologena make ga, in na nesumaro tano, a in na pe netorokin re nena kia nene poli, komin nanua ne in ke narui naþa nesuñña norñene ke þegas nen li na lelagaena lala kiena ne Ntewa.

<sup>10</sup> Ana Ntewa naga pe lemam pan inu paþisi, pisirlua inu e yo naþa nesike e

nagane, a naga pe lemam korena re sanene pan inu poli, komin naŕa nekila ke kiena yuŕnaena kerkeviu la moki. Lelaga, pona nekilia nevisave in na nekila ke yuŕnaena pa laa sane taulu make taŕena lala, ana pe in re naŕa nekila ke poli, ana lemamiena kiena ne Ntewa ne nanene narui naŕa sike e inu, naga ke narui miyuŕnae ƣarpoyo kome kiau malena.

<sup>11</sup> Ana in na pe nesitom manene re nesape in na nemiyuŕnae ke sanape, pona nalologena taŕena lala amiyuŕnae ke sanape, ana pupia sur nena sane memlologon Lologena Wo pan amiu, ana amlelaga ea.

<sup>12</sup> A pogos naŕa memlologo ke sanene pan amiu, mepisawal meraravan ruru pan amiu mesape Kristo, naga mare, ana siraunia mal sina. Ana komin naŕa mekila ke sanene, nemilan paŕisi naŕa nemloge sane kam la ƣasa asuŕna apisape pogos naŕa tokovio, asin ita, ana yoko temare lue, ve temal re si pogos tai.

<sup>13</sup> Sitomena na sanene pe mesmes re poli, komin naŕa visae asuŕna avisave pe yaru re tai naŕa kilia suŕŕalu si poli, kana kinasa sane Kristo ƕena pe suŕŕalu re si poli. Ana peraga, Ntewa pisirlua naga mali si rui.

<sup>14</sup> Visae naga ve visirlua re Kristo, kila sane memlologon korenan ka ga Kristo pan amiu, a amiu ƕena amlelaga korenan ga.

<sup>15</sup> A visae ve sanene, kila sane pogos naŕa memlologon ke sanene pan amiu mesape Ntewa pisirlua Kristo mal si rui, mepisokan paŕisi e kia kiena ne Ntewa, pona mepian amiu ke e sur tai naŕa pe lelaga re poli.

<sup>16</sup> Visae lelaga naŕa sane yar mare taŕatete si mali, kana kinasa sane Kristo ƕena ga taŕatete si mali.

<sup>17</sup> A visae Kristo mare mon ƕaga sanene, kana kinasia sane kiamiu naviawaena pe sur korena ga, a kana kinasia sane kiamiu mlamulena viowa la sike e amiu na wa.

<sup>18</sup> A visae Kristo ve mal re ƕena ga si sanene petan marena, kana kinasa sane kieta erau la naŕa amlelaga ana akovio rui, apa e yo viowa rui, komin pe yar re tai naŕa kilia tamalia la poli.

<sup>19</sup> A visae kieta lelagaena e Kristo suŕna ƕila ita e ga e yomarava nini, ana taŕatete iila ita e pogos naŕa tokovio ea. A visae Kristo taŕatete tamalia ita e pogos naŕa tokovio e yomarava nini, yoko viowa manene van ita, sineta ye kare ita vaŕisi.

<sup>20</sup> Ana peraga, pe sa re nena nene poli, nekilia nevisa mesmesu nevisa ve lelaga, Ntewa kila si Kristo mal si petan marena, a pisirlua naga sane pe mras ƣesa kiena li na lelagaena make ga, naŕa visae akovio

pogos tai, ana yoko Ntewa kilia kila amal sina ga vetan marena.

<sup>21</sup> Nanua e purŕesa, yar ƣesa naŕa Atam ƣere marena pimi e yomarava, ana nagan, yar taŕena nene naŕa Kristo ƣerelua malena petan marena pimi.

<sup>22</sup> Taveve ya naŕa Atam kila, yeririna make ga na yomarava monar amare, ana taveve ya ne Kristo kila, yeririna make ga na yomarava akilia alual malena.

<sup>23</sup> Ana sur make ga kala pog mesmesu sike ne, komin naŕa Kristo naga sumon naŕa suŕŕalu ƣesa e marena, ana ita li na lelagaena lala yoko tesuŕnae ƕa vano-o tol pogos naŕa naga wasuŕe sina, ana yoko ita ƕena tesuŕŕalu e marena.

<sup>24-25</sup> Ana siraun nene yoko naga wereplan ninuna viowa lala amio yermare lala na yomerava, a yoko naga taaga ve ƣarin suŕen sur make ga, vano-o taulu naŕareraena viowa taŕena lala asike vatanon lana. Pisi yoko naga war nasuŕenen wetelu e sur make ga wasuŕe si va Ntewa Arimana.

<sup>26</sup> A e nasinekar la naŕa yoko Kristo taulu e pogos nene, naŕa yoko naga taulu maronia, sur nene marena, amio kiena naŕareraena viowa lala.

<sup>27</sup> Kristo monar taulu marena nene, komin visena na metava ne pisa sanene rui, sape yoko Ntewa ligan sur make ga su vatanonia. Ana visena nene kana kinasa pe pisa re sape Ntewa mligan ke sina ga naga sike vatanon Kristo poli, ana pisayu sur taŕena lala, naŕa yoko Kristo taulu make la nenaga.

<sup>28</sup> A pogos naŕa Ntewa mligan sur make ga sike vatanon Kristo sanene rui, yoko Kristo, sane narina Ntewa, mligan sina ga naga vatanon Ntewa, ana yoko kila naŕa Ntewa naga taaga ve Ntewa na sur make ga.

<sup>29</sup> Nowasuŕe si neva e visena naŕa nepisayu nesape visae temare, yoko sirania tesuŕŕalu sina. Ana laŕas naŕa amlelaga sa nene, la asitom manene kieta erau la naŕa pe akeela li re poli wa, ana amarmare. Asitom ke asape la nene taŕatete atol malena, kila narui akee la sina e kia kiena ne kieta erau lala naŕa amare rui. La akila ke sanene, komin naŕa amlelaga ƕarera asape visae temare, yoko tesuŕŕalu sina.

<sup>30</sup> A imimi ƕena ga maran taaga, asitomli sane komin ya ne mesuŕna moŕal pog ƕarera lala e pogos make ga? Mesuŕna moŕar ke naloge viowaena la sanene komin ga memlelaga ƕarera mesape visae yaru tai mare, yoko naga kilia mal sina ga vetan marena.

<sup>31</sup> Lelaga erau lala, mesuŕna memiyuŕnae ke sanene, nekilia nevisa mesmesun sane

nemloge sane nesuŋa netamŋan ke kiau malena vanon amiu e legiena make ga. Ana nanene pogaga, komin nekekara na nekekara e malena naŋa atolia amio kieta Suŋe Yesu Kristo.

<sup>32</sup> A pogos naŋa nesike e pulkumali naŋa Episas, pŋrŋarera lala nae yo nene la asaga lokul tetan lala, asuŋalun inu lue ga, ana komin ya ne nesuŋa nepisaluŋar la? Nesuŋa nekila ke sanene, pe netaulu re nena sur wo tai na malena na yomarava nini, ana nesuŋa nekila ke sanene komin nesitomŋal ke malena na pimi ke sirau.

Visae ve malena re nene, popon teve sa ga yar kar taŋena la naŋa pe amlelaga re poli, naŋa la asuŋa apivis ke sanini, asape, "Pane, tekila pŋaŋagena, ve tesitom re sur tai, komin naŋa peni, ane kilia? Visae temare na pŋisi narui, yoko taŋatete tekilia sur tai."

<sup>33</sup> Ana monar ve ataveve re sitomena na wowe la ne sanene, visae peraga, yoko visena taŋena nene imi ve lelaga e amiu, naŋa pisa sanini, sape "Oyaloro omio erau viowa lala, yoko kiela napiowaena kila kare kioŋa ŋelaga wo."

<sup>34</sup> Monar aim ave manmarua, a monar aligan kiamiu mlamulena viowa lala. Nepisa sanene, pona asitom ke asape nekila kare kiamiu kia yo, ana monar nevisa, komin kam laŋasa pe akilia ruru re nena mrapa mesmesu lala kiena ne Ntewa poli.

<sup>35</sup> Ana e lepas na malena si e marena, yoko laŋasa aviun sanini, avisave "Yoko akila si yar mare la amal e marena ve sanape?" Pona yoko aviun sanini, avisave "La naŋa amare nakonua rui, yoko asuŋal sina amio tasnela na sanape?"

<sup>36</sup> Ana naviunena la ne sanene ape naviunena kiena yar naŋa pe kilia re sur poli. Visae tesitomli narin kurus nen sur la naŋa tesuŋa temapila ke ne, yoko telual kana navisatameena. Pogos naŋa omapila narin kurus tai vito e porotano, okilia rui osape kurus nene monar menun, monar mare, ana sirauina, yoko sirus viu kilia kapur komea.

<sup>37</sup> Sur naŋa omapila, naga kurus ga tai naŋa yoko sike e porotano, ana sur naŋa yoko kapur marea ve urviu sina, naga ve sur taŋena.

<sup>38</sup> Sa naŋa omapila ke kurus la peve taŋena ana Ntewa suŋa kila sirus viu lala peve taŋena,

<sup>39</sup> a maran ve taaga e sur mali lala, naŋa tasnela la peve taŋena. Tasnena yaru kana tata pe taŋena, a surmali lala sane na porotano, na si, po na metava, la peve taaga tata taŋena la sike e la.

<sup>40</sup> A surmali la nene, tasnela lala pe taŋenan manene laa e tas nen sur taŋena la naŋa asike ma e sinapane,

<sup>41</sup> sane mrae, kupario, amio verue lala. La telu nene, tai marana pe taŋenan maran taŋena, a maran taaga mŋena ga e lepas na verue lala, naŋa tai, marana pe taŋenan taŋena.

<sup>42</sup> Ana sur make ga la nene, tepisu naŋa Ntewa kila la ape taŋena manene laa, a sur nene ŋar totou na tasneta, kiena ita la naŋa tokovio, naŋa tekilia tokusia pogos naŋa tesuŋalu temal sina. Tasneta vito e pulus nen porotano, sane kurus tai naŋa amapla, naŋa monar menun, ana sirauina, tasneta viu naŋa molue yoko taŋatete si imi viowa pogos tai.

<sup>43</sup> Tasneta naŋa vito e porotano, tepisu piowa ga, a pororovia, ana tasneta viu naŋa mŋalivi sirau, yoko tevinaia vaŋisi, a mŋarera ruru wo.

<sup>44</sup> Sur naŋa vito e porotano, naga e lepas na tasneta ga ne, ana sur naŋa mŋalivi sirau, naga e lepas na ninuta.

<sup>45</sup> A tekilia tesitomŋal mŋena yar na sumo naŋa Ntewa siia, naŋa Atam, amio Atam maro naŋa mligan e yomarava, naŋa Kristo. Visena tai pisape Atam, Ntewa kila naga pimi amio tasneta tai naŋa mali, ana Kristo, Ntewa kila naga pimi amio ninuna tai naŋa pe purŋes nen malena.

<sup>46</sup> Taveve nene, tepisu naŋa sur na lepas nen tasia pimi ŋesa, ana sur na lepas na ninuna, pimi maro.

<sup>47</sup> Yar na sumo naŋa Atam, Ntewa sii naga molue kome porotano na yomerava nini, ana yar na lua naŋa Kristo, Ntewa mligan naga kom ma e peni pitomi.

<sup>48</sup> Ana ita yeririna taŋena lala, ita naŋa tepe na yomarava, tokus ke ŋelaga kiena yar na sumo na yomerava nini, ana ita naŋa tepe nae ma e peni, tokus ke ŋelaga kiena naga naŋa pitomi ma e peni.

<sup>49</sup> A ita naŋa temlelaga, sumo tokus maran yaru na yomerava, ana nagane tokus ke maran yaru nae ma e peni.

<sup>50</sup> Erau lala, sur naŋa kate ga e yomarava nini, sane tasneta, taŋatete va loyuriŋa e nasuŋenena kiena ne Ntewa nae peni, a sur naŋa yoko va kovio, taŋatete va tol yo naŋa sike sike lue.

<sup>51</sup> Ana yoko ve sanapen li na lelagaena lala naŋa amal ke ga wa, pogos naŋa Kristo wasuŋea? Sur nene, pe yar mok re naŋa akilia poli, ana yoko nevisawal mesmesun van amiu. Lelaga, ita li na lelagaena laŋasa yoko ve temare re e yomarava nini, ana e pogos nene, yoko tasneta vilopu nena veraga sa ga yekarpla.

<sup>52</sup> Sa naŕa toŕelawa ve plas ga, yoko teilan ga kumasua yelu, a yoko li na lela-gaena la naŕa amare pa rui yoko asuñal amal sina amio tasnela viu, a ita ñena naŕa temal ke e pogos nene wa, tasneta ñena lala yoko imi ve urviu.

<sup>53</sup> Tasneta marua monar vilon ve sanene, komin naŕa sur na yomerava monar imi ve sur nae peni a sur na marena monar yoko imi ve sur naŕa mal nalue.

<sup>54</sup> Ana pogos naŕa toŕar tasneta viu na sanene, yoko kila visena na Siriena Marua tai imi ve elaga nenaga, naŕa sape

*“Nañareraena na malena kiena ne Ntewa ñenelua nena na ñareraena na marena.”* Ais 25:8

<sup>55</sup> E pogos nene, yoko tevisa lele kare sur naŕa marena ñisa, tevisa sanini tevisave

*“Marena, ko sinonñan osape otauluia, ana nagane kionña kap mare. Kionña nenos naŕa nayur imimiena sike pe nagane?”* Ose 13:14

<sup>56</sup> Yoko tevis sanene komin navisaluaena naŕa sike pa rui, naga mla ñareraena pan ñelaga na mlamulena viowa loyurña e kieta malena, naŕa kila ita tepim sane yar lala na kilaroen navisaluaena, a kieta ñelaga na mlamulena viowa nene mla na ñareraena pan marena vena ve sa nenos naŕa kilia yurmñar ita.

<sup>57</sup> Ana potena pa Ntewa pañisi, komin naŕa naga kila naŕa kieta Suŕe Yesu Kristo taulu ñareraena navisaluaena a ñareraena na mlamulena viowa a ñareraena na marena, kila tetol malena naŕa ve uro re.

<sup>58</sup> Erau nowo lala, komin naŕa Ntewa kila po pan ita sanene, asuñalu ñarera, ve akulkulu kar re, a ayuñaeñ ruru yuñaeña kiena kieta Suŕe amio kiamiu nañareraena wetelu. A pogos naŕa akila ke sanene, popon asuñña asitonñal sane kiamiu yuñaeña nena ve ve sur koreña re, ana yoko monar war mrasa sa naŕa Suŕe sinenania.

## 16

*Kilavaru naŕa akoania va li na lela-gaena lala nae Yerusalem*

<sup>1</sup> Sineun nesape nala visena laŕasa van amiu e lepas na warpoloen kilavaru vena iilaen li na lelagaena lala nae Yerusalem, naŕa apane ke pogos ñarera, limala ko-reña ga e poglis nene. Nemla visena pan suñare kar make ga e lepas nae Kalesia rui, a nagane sineun nesape nevisawal van amiu narui.

<sup>2</sup> Sineun nesape nevisa sanini, nesape ve asusu koren re asuñña sanene va tol pogos naŕa neiñasu nomñalivin amiu ana

awarpolo ga nalaena na wa, ana sineun nesape siar nagane, e legiena ñesa na legiena olua make ga, kam veve taaga monar ala narin kinakinas nen ya naŕa amlavia, ana monar aligan ruru toñña ga.

<sup>3</sup> Ana pogos naŕa neiñasu, yoko to-warpolo narin kilavaru la nene imi lele taaga, a yoko akilia akilalua yar laŕasa awar nalaena nene va gar Yerusalem. A yoko nesiri ñaki laŕasa awararia va va li na lelagaena lala gar ne, vena visawal amiuena van la.

<sup>4</sup> Nemninue ke ga wa pona inu ñena nemio la yo, ana yoko nevisulia wa.

### *Mrapa kiena Pol*

<sup>5</sup> Pogaga, kiau mrapa sanini, sineun nesape neva nokom e lepas nae Masitonia sumo, ana suraunia yoko neiñasu nomñalivin amiu.

<sup>6</sup> Nemninue ke ga wa nesape yoko nesike nemio amiu va tol pogwai, ana nesitom ke nesape nesike nemio amiu e pogos na miava na pimi ke ne, ana sirauñ naga nene, akilia aligan inu si e kiau mrapa, vena neva si e nape naŕa yoko neva ea.

<sup>7</sup> Pe sineun re nokom pun amiu nagane poli naŕa nesurña nepanon ke Masitonia, komin visae ve sanene, yoko nekilia nesu yam ve plas ga ne, ana yoko neva ke ne gare sumo wa, sirauñña neiñasu, komin naŕa visae Suŕe tañania, nekekarana naŕa yoko nesu towe laa nemio amiu ve piavi.

<sup>8</sup> Nagane nesike Episas, a yoko nesu towe laa e nini na wa, tol pogos na Paŕagena na Yui Marua warovia.

<sup>9</sup> Kiau pulmas na kilaen yuñaeña wo la e nini moki ke wa, a suri si tai, nasinekar ñarera ñena la mokliu asike e nini, ana pe nekilia re poli naŕa nekilia neyal pogwai.

<sup>10</sup> Visae avisu Timote imi ñalivin amiu, awis, awo vania, akila naga logewon naŕa sike amio amiu, komin naŕa naga kila ke yuñaeña kiena Suŕe, maran taaga sa ke inu.

<sup>11</sup> Ve atañan re kam laŕasa avisusu viowa e naga, ana avisuar ruruia e ñelaga na suñare, sirauñ aligan naga e kiena mrapa vena naga kilia wasuŕe ruru imi pun inu, komin nesuñate ke nesape vena naga amio wolai tañena lala aim aworu e nini.

<sup>12</sup> E lepas kiena ne kieta puruvi naŕa Apolos, nepiun manene pania vena naga taveve puruvi tañena la nene airñasu pun amiu, ana kiena sitomena ñarera sape naga nene pe kana pog mesmes re poli naŕa ñalivin amiu, ana visae kana pog nena, pona yoko naga sirau inñasu.

<sup>13</sup> Erau lala, lavis ke kiau visena ĵisi narui, ana sineun nesape nevisa van amiu sane amiu avisuar ruru amiu, asuñal ruru ase kieta lelagaena, ve sinemiu kurkurun re suria, ana am̄arera.

<sup>14</sup> A suri make ga e naĵa akila, monar akila e ĵelaga na sinesiena.

<sup>15</sup> Popon avisu kilale Steĵanas nene amio kiena namratava lala, amio yuñæna naĵa asuñæ akila ke ne. E yeririna nae make ga e kiamiu lepas nene, Akææa, la ke nene narui la amlelaga ĵesa. A siraun naĵa amlelaga, asuñæ akila ke yuñæna wo paĵisi, asuñæ amiila ke li na lelagaena lala pimi tol nagane.

<sup>16</sup> Yar nowo la ne sanene, popon avisir plan la vena asumon amiu, a popon avatanon m̄ena yeririna taĵena la naĵa amiyuñæe ke lele taaga amio la.

<sup>17</sup> Steĵanas nene pimi m̄alivi e nini rui, naga pimi amio Posanatas a Akæakas, a nekekaran la telu paĵisi. La asuñæ amiila inu ke e suri moki, torokin ke ga naĵa amiu m̄ena akilia akila visæ asike e nini.

<sup>18</sup> La telu nene akila po pan amiu rui, ana pogos naĵa apam e nini akila inu m̄ena nemloge po paĵisi, apisirlua kiau sitomena. Popon avisa potena ve keviu van la komin kiela pupia yuñæna wo na sanene.

<sup>19</sup> Suñæe make ga lala na lepas nini nae Esia asape asuñæ asitom amiu paĵisi. A kieta erau lua nene, Akwila amio wona na sira Prisila, amio yeririna lala na suñæe naĵa e m̄ala uñæ, la apisa pokolulagi a pokolemalo pan amiu e kia kiena Suĵe.

<sup>20</sup> Kieta erau lala nae yo nini akekaran navitawe amiuena e m̄aki nene, a amiu m̄ena, pogos make ga naĵa avitawe amiu, popon asuñæ atalopan amiu a asuñæ aviran pipimiu, vena akekaran amiu amio sinewo.

<sup>21</sup> Ana siar e narin yo nini, inu Pol nemlarar ke pensel nesuñæ nesiria vena nevisa kiau visena maro van amiu.

<sup>22</sup> Monar sinemiu sii ke m̄ena Suĵe ve lelaga, visæ peraga, yar naĵa ve sinena sii re naga, visaarena na marena sike e naga. Nesuñæ nemlen ke sanini, nesape Suĵe Yesu, awis, otom vilaga,

<sup>23</sup> a nesuñæ nemlotuwo amiu ke m̄ena ga, nesape lemamiæna kiena kieta Suĵe Yesu sike amio amiu.

<sup>24</sup> A sane silaga, nekillia nevisa e kia kiena Kristo Yesu sane kiau sinesiena van amiu keviu sulue ga suñæ ga.

Kiau m̄aki ĵisi ga e nene narui,  
Inu, Pol.

**Maki Nalua Naña Pol Siri  
Pa Pan Li Nalelagaena Wa  
Lala Nae Garu  
KOREN  
Visayuena Na Tusi Nene**

*Kompasnen suniena plas na tusi nini*

Maki na lua nene naña Pol siria pa li nalelagaena lala nae Koren, ana naga siria e pogos naña pane ke pogos mārera amio li nalelagaena lala e suñare nene nae Koren, naña lañasia sinela kar manene naga pañisi, ana akawelan naga. Ana Pol kila mareravan panila sape naga kiena sitomiena mārera ke na wa vena kila ruruen napiowaena nene. Naga sinenan sape naga amio la aimi ave erau wo sina, ana pisawal panila pisape kerara pañisi naña amlogear naga.

E komsusnen maki na sumo Pol pisayu komin yane naga pis mārera e maki na sumo tai naña siri pa pan la. A pisa naña naga kerara pañisi naña mloge sape apilon kiela sitomiena komin kiela milamulena viowa lala, a kila ruru napiowaena la naña sike pula, ana ape erau wo sina amio.

A sirauania, pisa panila sape monar akuwan kilavaru vena waren van kiela erau na lelagaena lala nae Yutea, la naña pe kiela sur re poli. E kompasnen luwasnen maki nene, Pol pis mārera pa yaru la pās nae Koren naña la asape ape li nalologena wo kemua lelaga, ana asuñia akila kare li nalelagaena la nae yo nene e kiela vianiena la naña pe mesmesu re poli. Asuñia apisa ke asape Pol naga pe nalologena kiena ne re Yesu Kristo lelaga poli, pisi na Pol pis mārera vena suwoyon laena, a kila meraravan sane naga pe nalologena kemua lelaga kiena ne Yesu Kristo.

*Kompasnen tusi la nini*

Visena p̄esa 1:1-11

Pol amio li nalelagaena lala nae Koren  
1:12—7:16

Kilavaru naña na warena va li nalelagaena lala nae Yutea 8:1—9:15

Pol kila meraravan naña naga pe nalologena kemua lelaga 10:1—13:10

Visena maro 13:11-14

*Visena p̄esia*

<sup>1</sup> Erau lala, inu Pol nemio kieta puruvi naña Timote; imimi lua mekekarana naña mevitawe amiu sina e maki nini, nane amiu suñare kiena ne Ntewa e pupia kumali nae Koren amio mēna li na lelagaena

tañena lala naña asutetai asike e pupia lepas naña Kris.

Ntewa kiena nasinenanena, naga pisirlua inu Pol vena neim sane nalologena tai kiena ne Yesu Kristo, kila narui kiau suri moki naña nevisawal van amiu e maki nini, ana sumon nanene,

<sup>2</sup> nevisa sanini nevisave kiau leniena nesape yoko Ntewa Arimata amio Supe Yesu Kristo aligan lemamiēna a suñarena, lalua asike e amiu punu ga.

*Pol pisa potena pan Ntewa vanon kiena sinewoena*

<sup>3</sup> Sineun manene pañisi neyeluar kieta Ntewa nene naña naga pe Arimana kieta Supe Yesu Kristo, a naga pe Arimata nowo tai naña naga pe purpes nen p̄elaga na sineyeena, a naga pe Ntewa nowo tai naña naga pulen p̄elaga na kila luḡeluḡeena.

<sup>4</sup> Pogos ya naña visae teване pog mārera, Ntewa suñia kila luḡeluḡe ita ruru nenaga, ana kila toñarera ruru sina ga. Ana sirauania, tekilia tela p̄elaga na kila luḡeluḡeena naña naga kila pan ita, tekila towe va kieta erau tañena lala naña apane ke kiela pogos mārera lala, teilla la sanene.

<sup>5</sup> Pe lelaga pañisi sane pogos moki tesuñia ga topar ke naloge viowaena maran taaga sa naña Kristo p̄aria, ana naga kila naña tekilia towar mēna kiena kila luḡeluḡeena nowo lala.

<sup>6</sup> Pogos naña mepane pog mārera lala, metamān ga narui, vena kila sane amiu akilia aloge wo a alual malena. A pogos naña mevisu sane Ntewa kila luḡeluḡe imimi, naga mēna ga po pañisi, komin naña kila sane imimi mēna ga mekilia mekila luḡeluḡe amiu sina ga, a mekilia meilla amiu vena akila kiamiu sitomēna ve piavi vena akilia awar ro e napiowaena la naña amiu mēna ga akilia alualia.

<sup>7</sup> Mesitomiya ya naña amiu aḡarpoyo e p̄isi rui, kila sane e lepas na pun amiu, pe kiamimi sitomēna kurkur re nenaga, sane yoko amiu na ve sanape. Nanene komin naña imimi mekilia ruru p̄isi rui sane pe sur korena naña amiu monar avisu naloge viowaena maran taaga sa ke naña mēp̄isua, ana yokorena amiu akilia atol mēna ga pupia kila luḡeluḡeena kiena ne Ntewa ve sa ke ga naña imimi metolia.

<sup>8</sup> Pona pe amloge kilia ruru re poli yo wa, e pupia pogos naloge viowaena lala naña mēp̄isua pogos naña mesuñia memiyum̄ae kar ke ga e pupia lepas nene naña Esia, ana nekilia nevisa nevisave piowa na piowa pañisi. Sur la urmi manene la pan imimi, imimi pe metorokin la re si poli, pano pano-o mesitom mesape naga

narui monar kiamimi luas nen malena narui.

<sup>9</sup> Lelaga, memloge sa naþa visae yerkaawa na kumali tai visawal visave awe moñar imimi memarmare, yoko mevisu sane sa ve sanene na wo laa sane, komin naþa mepisu rui sane taþatete si mekila sur tai, moþasine imimi þele sina mesape yoko imimi moñarera ve sanape. E pogos nene, memligan kiamimi malena sike ga e limana Ntewa, moþasine ga naga komin naþa naga taaga ga pe Ntewa naþa kilia kila yaru naþa mare imi mali sina.

<sup>10</sup> A moþasine naga sanene, mepisu naþa pe lelaga paþisi naþa naga tamalia imimi, a nagane kiamimi sitomena mñarera ruru po sane naga kilia tamalia imimi sina, pe yam taaga re ga poli, ana yoko naga suña kila lue ga silaga.

<sup>11</sup> A monar amiu ailla imimi naþa asitoñal imimi silaga e kiamiu leniena lala. Sa nene, pogos naþa Ntewa loge kiamiu leniena moki nene, yokorena visa ruru imimi narui, tamalia imimi sina vetan pogos mñarera la nene, a yoko amiu ve moki avisa ga potena vaþisi va naga vanon ya naþa yoko naga kila van imimi.

*Pol pisa meraravan ruru sur naþa kila naga pe pimi mialiali la re si poli*

<sup>12</sup> Moþar naloge viowaena la sanene, ana sur tai suña naþa kila imimi memloge pon imimi paþisi. Nane sitomena tai naþa teke e imimi naþa pisa sanini, sape e lepas na kiamimi þelaga e maramiu, a e maran yeririna taþena lala na yomarava nini, mekila sur make ga pe wa ruru nenaga, a kiamimi malena pe lelaga nena na po, sa naþa Ntewa sinenania. Pe memiyuñae re memio sitomena na yomerava nini poli, ana memiyuñae ga memio lemamiēna kiena ne Ntewa.

<sup>13</sup> Sur make ga naþa mesiriyuia e kiamimi mñaki la nini, naga pe sur la naþa mekilian mesape aulo woga, a mekilian mesape akilia aulo kilalea. Ana visae sur laþas naþa amiu akilia ga komþasa, sineun nesape e legiena la ne pimi ke ne, yoko monar akilali naþa akilia ruru make la ga.

<sup>14</sup> Visae ve sa nene, pogos naþa ita punu tesike lele taaga e legiena keviu nene naþa Suþe Yesu wasuþe sina, ana yoko amiu akekaran imimi vaþisi a imimi mēna ga mekekarān amiu vaþisi.

<sup>15</sup> Ana komin naþa nekilia ruru nesape sitomena wo na sanene sike likan ita rui, sineun manene nesape pogos naþa neva e lepas nene Masitonia, yoko neiñasun nomalivin amiu.

<sup>16</sup> Lelaga, nesuñā nesitom ke nesape neiñasun nokom pun amiu yam ve lua,

naþesia e pogos nene naþa nesuñā nepa ke Masitonia, a yam ve lua nena e pogos naþa noþasuþe inu, naþa nesitom nesape amiu akilia aligan ruru inu e kiau mrapa vena nowasuþe si neva Sutea, ana peraga. Sineun nesape nekila wo van amiu sanene, ana sa naþa akilia rui, taþatete nekilia nekila.

<sup>17</sup> Ana sineun nesape amiu monar akilia ruru sane pogos naþa nesitom ke nesape neimi pun amiu, naga sur tai naþa sineun manene paþisi nesape nekila, naþa kiau sitomena mñareran paþisi ve na kilaena. Naga pe pe sur re tai naþa kiau sitomena peve lua e poli, naþa nesitom ke nesape yoko nevano pona ve neva re. Peraga, inu na pe nesa re yeririna taþena la poli, naþa taþatete olelaga e kiela visena,

<sup>18</sup> ana sa naþa amiu akilia awasine ga visena kiena ne Ntewa, akilia awasine mēna kiamimi visena. Kiamimi "Ore" pe kana kinas re naþa asape "Peraga" pona "Ana yo,"

<sup>19</sup> ana pogos naþa mevisape "Ore," naga "Ore" ga. Monar meve lelaga sanene, vena meve maran taaga memio narina Ntewa, Yesu Kristo, naþa imimi telu Silvanus amio Timote mepimin memlologon pan amiu nanua rui. E pogos nene mepisawalia mesape kiena visena make ga pe lelaga silaga, komin kana "Ore" pe "Ore" nena napa,

<sup>20</sup> a navisaarena make ga naþa Ntewa pisawalia e lepas kiena ne Yesu, pe tai re naþa pimi sane pe navisokanena poli, ana punu ga pe lelaga. Sur ne nanene kila sane pogos naþa tesuñā temlen pa Ntewa, e kana nasiarena pitomi tol naþa tepisape "Sanene," tekila ga e kia kiena ne Yesu Kristo.

<sup>21</sup> Kristo ke nanene narui naþa memlologon pan amiu, a Ntewa ga pisirilua imimi pe na kilaen kiena yuñāena. A amio naga nene, Ntewa kila imimi memio amiu, ita punu ga tepim lele taaganā.

<sup>22</sup> Ntewa kiar ita tepe kiena, ana naga mligan Ninuna e losineta, sane navisaarena tai naþa sape yoko temio naga e pogos la naþa suñā pimi ke ne.

<sup>23</sup> Kieta Ntewa nene naga pe lelaga silaga, a naga kilia iila visena nene naþa sineun nesape nevisawal van amiu. Sane nanua ne nepisa mña nesape yoko noñalivin amiu gar Koren nene, ana sir-aunia pe nepiñas re si poli, a pona asitom piowagan inu e yo. Ana nesape nevisa van amiu naþa pe vanon re kiau sur tai poli, ana vanon amiu ga, komin naþa nekilia nesape visae neiñasun yoko monar nevis mñarera van amiu komin kiamiu þelaga

laþasia. Ana pe sineun re nesape yoko nekila amiu aloge viowa poli, nane kila sane pe nepim re si poli.

<sup>24</sup> Nepisa pan amiu sanene, awis monar ve asitom re avisave mesitom ke mesape mesike metavan amiu, vena meve þarun kiamiu lelagaena. Pe sa re nene poli, ana sinemimin mesape teyuñae ga lele taaga, vena kila amiu akilia aloge wo silaga, asuñalu ruru ñarera ase kiamiu naviawaena.

## 2

<sup>1</sup> Sa naþa nepisa, nanua nepim sumo, sur laþasa suñña ga naþa monar nepis pan amiu panon narui, ana kila amiu amloge piowagania. Ana nagane pe sineun re neim nekila amiu aloge viowa yam si tai poli, a sitomena ne nanene narui kila sane ve neiñasu nakaten amiu re sumo wa.

<sup>2</sup> Visae neiñasu nevis van amiu, nekila aloge viowa, yoko inu ñena ga neloge viowa, ana pogos naþa ita punu ga teloge viowa sanene, yoko taþatete si naþa tai kilia iila tai vena loge wo sina.

<sup>3</sup> Sitomena ne naga nene naþa nepisa þesan e ñaki taþena naþa nemligan piñasu nanua rui. Sineun nesape akilali akila ruru sur viowa la nene sumo wa, vena kila sane visae pogos naþa neiñasu, yoko ve sur re si tai sike likan amiu naþa monar neloge viowagania. Ana visae akila ruru kiamiu yuññaena wo, yoko nekila neiñasu naþa nevisu naþa apim apo si rui, a visae ve sanene, yoko nekekar vaþisi, a yoko kiau kekarena nene kila kiamiu kekarena ñena ga ve keviu vaþisi.

<sup>4</sup> Nepisa sanene komin naþa pogos na nesiri piñasu pan amiu nanua ne, nemloge piowagan manene laa. Nemloge sane losineu lavis worovia, a wamarau la suñña mlalau. Visena ñarera la naþa nepisa pan amiu e ñaki nene, pe nekila re poli komin naþa sineun amiu ñena ga aloge viowa, ana sineun nekila amiu avisu kilale sane sineu sii manene amiu silaga.

<sup>5</sup> Ana sa naþa ita make ga tekilia, tai sike likan amiu naþa naga kila pupia naloge viowaena nene. Sineun nesape sane sur viowa naþa naga kila, kila inu nemloge piowa, ana pe in re ga poli, kila amiu ñena ga moki liu amloge piowa. Ana pe sineun re si nevisave monar ala manene si nakoena van poli,

<sup>6</sup> komin nekilia sane amiu punu ga apis pan þisi rui.

<sup>7</sup> Apis pania toroki narui, ana nagane pe pogos naþa aviewo naga, sinemiu ye si naga. Visae peraga, yoko naga loge viowagan manene sina vano vano-o viowa vania.

<sup>8</sup> Ore, nomñareran vena neviun van amiu ve sa nini, sane monar akila merarava ruru vania sane sinemiu si ke naga na wa.

<sup>9</sup> In na nesiri ñaki taþena nene nanua ne, sineun nevisuveve sane yoko amiu akekara naþa alogear kiau visena lala naþa sike loyuñña ea, pona peraga.

<sup>10</sup> Pogos naþa nepisa nesape popon aviewo yar tai, nemlelaga nesape yoko akila, a naga naþa aviewoia, in ñena ga neviewoia. A nemninu ga, pona naga kila ña sur laþasia piowa pan inu yo, ana nekekarana naþa nevisawal e marana Kristo nesape nepiewo naga, ana sanene, iila amiu ñena ga vena akekaran aviewo yar taþena.

<sup>11</sup> Monar tevisuar ruruia, komin naþa tekilia ruru sitomena viowa lala kiena yermare vena kila kare itaena, ana visae tesuñña teviewo ita silaga, yoko naga taþatete nena taulu ita þisa.

*Pol pisayu kiena mrapa navaen ma Troas amio Masitonia*

<sup>12</sup> Ana pogos naþa nepam re si pun amiu ma Koren poli, nepito ga nemlologon lologena wo kiena Kristo garo kumali naþa Troas, ana e yo nene, nepisu sane pulutava pietava ruru nena pan inu vena nekila yuññaena kiena Suþe.

<sup>13</sup> Ana sur viowa tai e pogos nene, nesitom ke nesape yoko nelual wolai naþa Taetas e yo nene, ana naga pe su re poli. Ana kiau sitomena nesitom manene naga paþisi, kila sane pe piavi re poli nemligan la nene, nemla si kiau mrapa yalen silau ma lepas nene Masitonia.

<sup>14</sup> Kiau yalena pa sanene narui, ana potena paþisi pa Ntewa komin naþa silaga mligan Kristo naga suñña sumon ita. Nanua sumo ita tepe kiena nasinekar ga lala, ana naga taulu ita rui, ana tetaveve naga tepa kar ga e yo make ga, ana pogos naþa yar la apisu ita, yoko avisu kilale sane Kristo naga pe kieta Suþe. Pona nekilia nevisa sanini, sane ita na sane ponotaninu wo tai naþa asikapia, ponos miyere þar make yo, ana pogos naþa yar la amloponia, yoko alopon kilalea sane Kristo suñña pimi ñalivin la.

<sup>15</sup> Ntewa kila ponotaninu nene pa vanua e yar make ga, pano tol la naþa asuñña apanon ke mrapa natamaliaena, a pano tol la naþa apanon ke mrapa na kovioena.

<sup>16</sup> Ana e la naþa apanon ke akovio, ponotaninu nene naga ponos piowa sane sur mare tai naþa kona, ana e la naþa asuñña añal ke malena, naga sane ponos nen ñaþes wo na tamaliaena.

Nanene narui ita tevisu yuññaena naþa mesuñña mekila naga pe pupia yuññaena



paḗsi, komin memlologon visena kiena ne Ntewa naḗa kilia kila yar tol malena pona tol marena.

<sup>17</sup> Nalologena la ḗasa pe asitom manene re urmi e yuḗaena nene poli, asuḗa amologon ke visena kiena ne Ntewa vena ataulu ga kilavaru ea, ana imimi na pe sa re nene poli. Ntewa pisir plan imimi ana memiyuḗae ga e yo metava e marana, a mepian visena lelaga kiena Kristo pa yar taḗena lala, ḗarpoyo ga e ḗareraena naḗa mla pan imimi.

### 3

*Imimi na yar na kilaen yuḗaena na viranarena viu*

<sup>1</sup> Nepisayu kiamimi yuḗaena keviu na metava ne, pe pon re asitom avisave nepis vilave ke sane navianena taḗena lala navisokanena. La nene apim pun amiu amio ḗaki la naḗa apisayula asape la apo pa sanape, a pogos naḗa amolue petan amiu, aḗareran asape monar amiu asiri si ḗaki laḗasia vena visawalen kiela yuḗaena naḗa aḗar ke pano. Ana visae sinemimin meva si e lele taḗena, pe mesitom re ḗaki tai ne sanene poli vena visawal imimiena.

<sup>2</sup> Visae yaru tai sinenan kilia visave imi sanape, popon imi visu ga mras nen kiamimi yuḗaena e kiamiu malena lala. Amiu na sa ga ḗaki tai narui, naḗa Kristo siria navisawalen kiamimi yuḗaena. Yaru taḗena lala akilia aim uloia, vena akilia ya naḗa mesiria e losinemiu lala.

<sup>3</sup> Yoko avisu amiu sane ape ḗaki tai naḗa Kristo naga mligania, ana moḗar pimi, a yoko avisu kilalea sane lelaga, mekila yuḗaena e amiu po paḗsi. Ana ḗaki nene naga pe ḗaki re naḗa wii na kilamemego na kapi naḗa asiri e ḗas nen tus tai poli, ana naga ḗaki naḗa Ninuna Ntewa siri e los nen yaru.

<sup>4</sup> Visae ve sanene, kiau visena la nene pe visen vilave re poli, ana mekilia mevis sanene komin Kristo ga naga taaga kila naḗa moḗasine Ntewa keviu pa ḗisi.

<sup>5</sup> Visae imimi ga, yoko taḗatete mevisave imimi metorokin mekila sur tai, komin sur make ga naḗa mekila, Ntewa ga kila sane imimi mekilia mekila.

<sup>6</sup> Naga ke narui mla ḗareraena amio kiliaena pan imimi, kila imimi mepim mepe kiena yaru na yuḗaena e lepas na viranarena viu naḗa naga kila amio ita yeririna lala na yomerava. Naviranarena ḗesa asiri plan kana visena ne lala e tus lala navisaluaena lala kiena Mosis, ana visena la nene amiila ita ana pe torok ruru re poli. Apowo, ana ya naḗa akila, akila meraravan ga asape ita yaru nakilaroen navisaluaena, naḗa yoko monar telual

marena vanonia. Ana naviranarena viu, naga visena ne lala apim aḗalivi e Ninuna Wa, a Ninuna nene narui kila ita tetol natamaliaena.

<sup>7</sup> Mrapa marua nasumo nene, naḗa ate kana navisaluaena lala e kilavaru la naḗa pe lepalepas nene, naga suḗa pisaar ke ga kieta marena, ana naga pe sur tai naḗa pe wa paḗsi. Pogos naḗa Mosis ḗar lepalepas nen kilavaru la nene, naurarena kiena ne Ntewa pimi e naga, ana pogos naḗa ḗar maran si kilavaru la nene pa le Israel lala, ḗareraena naurarena nene suḗa pito ke tano rui, ana la apisu ḗele marana komin naḗa pilavila na pilavila.

<sup>8</sup> Sanene, visae naurarena kiena ne Ntewa miyuḗae ḗarera e pogos naḗa apisawal mrapa na tolen marena, yoko yuḗae ve sanape e pogos naḗa yoko avisawal mrapa na tolen malena?

<sup>9</sup> Yoko naurarena kiena ne Ntewa monar yuḗae ve keviu va manene va ḗisi e pogos nene, a tesuḗa tepisu ḗisi rui naḗa kapi vivaga na mrapa viu suḗa tego kar ga, suḗa taulu kapi na mrapa marua nene naḗa suḗa pito ke tano rui.

<sup>10</sup> Lelaga, kapi viaga na mrapa marua nene naga suḗa tego ruru nanua sumo, ana nagane, tepisu naḗa kana kapi nena sane pe tego ruru re si poli, komin kapi na mrapa viu pimi ḗarpoyo, suḗa tego keviu e yo make ga.

<sup>11</sup> Kapi naḗa suḗa pito ke tano nene, lelaga naḗa naga pitomi ḗesa, pitomi amio kana pupia naurarena nena. Ana nagane kapi viu naḗa naga pimi mare ga sirau, yoko naga sulue na sike ne, a kana naurarena nena yoko ve keviu manene lue.

<sup>12</sup> Visae tesitomiyuli nene, yoko kila kieta sitomena ḗarera ruruia, a ve temaraun re si naḗa tekila kapi vivaga kiena Suḗe tegoli yo kar lala.

<sup>13</sup> Ana tesitomiyuli ḗena yermarua Mosis, naḗa naga pa metava e tavie, ana Ntewa pimi lavisinia, kila marana pilavila paḗsi. Ana pe pon re ita teve sa naga poli, komin pogos naḗa ḗasuḗe si pitomi pu le Israel lala naga kalo marana e kulmrae vena ve avisu re, vano-o tol pogos naḗa kana tegoena suḗa vito ḗa tano vano ḗisi.

<sup>14</sup> E pogos nene, pe apisuli re kapi nene poli wa, komin naḗa ḗarila ḗarera paḗsi, ana tepisu naḗa pimi tol nagane, la sa ḗa ke nene na wa. Apulo ke visena lala e tus marua naḗa sike ne, ana sane kulmrae na sike ga wa, suḗa kilawo ke kiela sitomena lala. Ana visae alelaga ga e Kristo yoko naga kilia tarlua kulmrae nene vena akilia avisu kilale kiena yomerarava viu.

<sup>15</sup> Pogos naḗa apulo ke navisaluaena kiena Mosis, naga sa naḗa sur tai kalo ke ḗarila,

<sup>16</sup> ana pogos naŕa visae yaru tai imi e Kristo, a warlawa sur nene naŕa kilawo ke kiena sitomena, ana naga kilia visu kilale suria. Sa ga visena na Nasiriena Wa naŕa pisayu yermarua Mosis nene, naŕa pisape “Pogos naŕa Mosis pilon naga, kira pisu Suŕe, kulumrae nene mloru si petania.”

<sup>17</sup> Ana pogos naŕa visena nene sape Mosis pilon naga kira pisu Suŕe, visena naŕa Suŕe, kana kinasia naga naŕa pe Ninuna Wa kiena ne Ntewa. A tekilia tesape e nape naŕa Ninuna Wa kiena ne Ntewa sike ea, yaru lala akilia aurmatan m̄areraena na viowaena, alual malena.

<sup>18</sup> Sanene, ita make ga naŕa temlelaga rui, pe kulumrae tai towo re si marata poli, ana tesuŕa tepisu ruru nena pupia nauraraena kiena ne Ntewa. A pogos naŕa tesuŕa tepisu m̄a pano, nauraraena nene pimi puleule e ita, pano tol naŕa tepim tepe sane kupito vena tegoliaena kiena kapi vivaga va va yeririna taŕena lala. Ana kapi vivaga nene pe molue re kome kieta malena poli, molue kome kieta Suŕe, naŕa naga Ninuna nanene naŕa sike e ita.

#### 4

*Pol amio nalologena lala amlologon kapi vivaga nalologena wo*

<sup>1</sup> Mesuŕa mekila ke kapi vivaga kiena ne Ntewa pilavila ke sanene, naga pe kiamimi pupia yuŕaena tai vena iilaena yaru taŕena lala. Losinena Ntewa pulen sineyeena, a naga ke narui naŕa mla yuŕaena nene pan imimi, a pogos naŕa mesitoŕal nene, kila sane pe sinemimi maren re yuŕaenen pogos tai poli.

<sup>2</sup> A pogos naŕa memiyuŕae, mesuŕa memiyuŕae ruru po silaga. Yaru laŕasa, amiyuŕae vinau e ga e nakilakotaliaena lala pona akilali naŕa awere sitomena kiena yaru lala, a akilia avilovilon m̄ena visena kiena ne Ntewa va ve taŕena, a imimi na pe mekila re ŕelaga la sanene poli. Mekilia mesape pogos naŕa mesuŕa memiyuŕae, mekila ke ga e marana Ntewa, a monar meyuŕae wo. Yeririna taŕena m̄ena lala asuŕa aŕaveve ke kiamimi yuŕaena a asuŕa amloge ke ponja, komin naŕa asuŕa apisu kilale asape mesuŕa mepisawal make visena lelaga kiena ne Ntewa lala mesme ga.

<sup>3</sup> Memlologo sanene, pe yaru re tai naŕa kilia visave naga pe mloge kilale re lologena wo poli, naŕa mesuŕa mepisawalia. Ana visae yaru tai visave pe merarava re pan poli, naga pe yar re tai naŕa suŕa mialin ke yomerarava poli, ana monar ve yar tai naŕa suŕa mialin ke ga yemalolo, naŕa monar sur tai kilawo ke kiena sitomena, sane kulumrae naŕa tepisayu rui.

<sup>4</sup> E lepas kiena ne la naŕa pe amlelaga re poli wa, suŕe viowa na yomerava nini naga kilawo kiela sitomena rui, naga kila la sane ape kilamara kata, komin naŕa naga yepen mavin sape avisu pupia kapi vivaga na lologena wo kiena Kristo. Kristo nene, kiena naurarena tego paŕisi, komin naŕa naga ŕarnena marana Ntewa lelaga.

<sup>5</sup> Mesuŕa memlologon ke nene narui, nane Yesu Kristo, kieta Suŕe. Pe mesuŕa mepisiri plan imimi re sina pan amiu poli, ana mepe kiamiu yar na yuŕaena ga lala vena lologonen Kristo van amiu vena akilia naga.

<sup>6</sup> A sur make ga la nene naga pe yuŕaena kiena ne Ntewa ga. E nasiena, Ntewa pisa sanini, sape “Yoko kapi imi tegoli yemalolo naŕa m̄eke ne,” a suŕa kila ke sanene pan ita na wa. Ntewa ke ga nanene narui naŕa suŕa miyuŕae ke nagane, kila kiena kapi vivaga tegoli losineta lala, kila tetol kapi nene naŕa suŕa tego molue kome marana Kristo, naŕa molue nena e naurarena kiena ne Ntewa naŕa sike ea.

<sup>7</sup> Nakiliaena lala na naurarena kiena ne Ntewa sike e ita sanene, naga pe sur wo tai naŕa pe wa paŕisi. E imimi naŕa memiyuŕaen ke yuŕaena kiena kieta Suŕe, mepisu sane imimi na sa ga sur korena ga, a pe metorokin re naŕa kiena nawaena la naŕa powo nene ase e imimi, ana Ntewa naga po, suŕa kokonia ke e kiamimi malena la silaga. A nanene kila sane visae pogos tai meyuŕaen sur wo la ŕasia, ana yoko mevisu kilale ga sane pupia m̄areraena na kilaen sur la nene pe pe m̄areraena na yomarava re tai nene poli naŕa ŕar po yo kome imimi, ana naga m̄areraena tai nae ma e peni naŕa kom ga e Ntewa pitomi.

<sup>8</sup> Nagane memiyuŕae ke memio m̄areraena nene naga miila imimi keviu, komin naŕa mepane ke pog m̄arera la moki, ana pe memloru re poli wa. Sur la moki naŕa akila imimi mesitom ŕele paŕisi, ana kiamimi sitomena la pe kovio re poli.

<sup>9</sup> Yaru la moki naŕa akila kare imimi pano paŕisi, ana silaga Ntewa pisuar ruru imimi. Moŕar magka lala, ana taŕatete awe plan imimi, memal ke na wa.

<sup>10</sup> Lelaga, pogos m̄arera pan imimi sanene narui, pano pano naloge viowaena na marena sike e yepemimi sa naŕa Yesu ŕaria e kiena marena. Ana metaŕan ga, komin naŕa visae marena kiena Yesu sike e imimi, yoko kiena malena m̄ena ga sike e imimi.

<sup>11</sup> Memiyuŕae kiena Yesu sanene, kila sane pogos naŕa memal mesike e yomerava nini, ana silaga mesike ga lavisin

marena, ana nanene kila mēna ga sane amiu akilia avisu kilale sane malena kiena Yesu suñña mñalmñalivi ke keviu e yepemimi na marena ga lala.

<sup>12</sup> Lelaga naña mesuñña mepanon ke kiamimi marena, ana mekila sanene vena amiu akilia avano alual kiamiu malena.

<sup>13</sup> Visena tai sike e Tus na Yauena Wa lala, naña yaru tai pisi pisape “In na nemlelaga rui, nane kila narui nekilia nevisawal visena,” a mepisu sane ninuna na viawaena naña sike e yaru nene, nagane keviu mēna ga e imimi. Mesa ke ga naga, naña imimi mēna ga memlelaga, a sur ya naña memlelaga e naga, nanene mepisu sane mekilia mevisawalia.

<sup>14</sup> A pe memaraun re nena visawalen poli, komin naña mekilia ruru sane kieta Ntewa naña naga kila kieta Suḡe Yesu mali sina e marena, yoko naga kila imimi mēna memali sa ke ga Yesu, a yoko naga kila amiu mēna amal sina sane imimi, ana yoko were ita punu ga teva tesike temio naga.

<sup>15</sup> Lelaga, mepa moḡarpoyo e pogos mñarera la moki sanene, ana pogaga, komin naga kiamimi mrapa ke ga tai nanene narui naña mekilia miila amiunia. Sanene sinemimin ga lemamiena kiena ne Ntewa monar momolue silaga va yar kar ga lala e yo punu ga, vena kila sane ayeluar Ntewa silaga, asuñña avisa potena vana vano vano-o vena kila kiena naurarena imi lapa ve keviu.

<sup>16</sup> Sitomena wo la nene kila sane pe sur korena ga naña viowa van imimi ve sanape, ana mesuññalu moñarera ruru mesuñña ga. E lepas na yepemimi lala, pimi pe yermarua, suñña pimi pororovia, ana e lepas na ninumimi lala, Ntewa suñña kila pimi pe urviu, mñarera ruru lue ga e legiena make ga.

<sup>17</sup> Narin pog mñarera lala e yomarava nini, la ape na yam plas ga, ana asuñña akila ita tesururuia vena teva toñalivi tese e naurarena nae peni, naña keviu paḡpisi, po pano-o po manene laa, naña teloge ke wonia vano vano ve uro re.

<sup>18</sup> Nagane ve kieta sitomena la ve su re e sur la naña kilamarata visuia, ana kieta sitomena la sike e sur la naña kilamarata pisu ḡele ga, komin naña sur la naña kilamarata kilia visuia, la ape na yam plas ga e yomarava nini, ana sur la naña kilamarata pisu ḡele ga, la ape na sulueena ma e peni.

## 5

### *Leleta ma e peni*

<sup>1</sup> Tekilia rui tesape tasneta na yomarava nini taḡatete sulue. Naga sane narin silparpara tai naña tesuvania, naña yoko pogos tai monar mawowo make ga, pona yar taḡena lala aimi aweplania. Ana tekilia mēna tesape pupia mñata yuñña mñarera tai mēke ga wa, naña pe amiyuññaen re e yomarava nini poli, ana Ntewa ga kila ruru monmñate ita ke ma e peni ana siraunia tekilia teva tesu ea.

<sup>2</sup> Yomarava nini naga sa ga lele na tagiena ga, a tekekearan ga naña tourmatania, sinetan teva tetapolou e mñata yuñña ma metava,

<sup>3</sup> a pogos naña teva tesike ea, yoko ve teloge re si sane pe mñata uñña re poli, ana tevisu ga na wa sane kieta yo nena napo nane suñña ne.

<sup>4</sup> Lelaga, tasneta naga sa ga silparpara tai naña tesuvania e yomarava nini, ana lelaga naña, pogos naña tesike e sanene tesuñña takar malueta silaga komin naloge viowaena lala na pog mñarera la naña tesuñña toḡarwowo ke yo ea. Pona pe pon re aimin awe kare tasneta poli, ana sitomena tai monar suñña ga e ita sane visae akila, pogaga, komin naña popon sane toure matan silparpara nini, teva tese yuñña wo tai sumo wa. Monar tevisu kilale ruruia sane popon sa tas nen marena nene pisi, ana yoko tas viu tai kilia imi kus lelana.

<sup>5</sup> Nakonua rui, Ntewa suñña miyuññaen ke e ita vena kila ruru ita teva e kiena yo sanene narui. Naga mligan Ninuna sike e ita vena kila ita tesitoñal silaga sane kiena visaarena na kilaen van ita sanene yoko imi ve lelaga.

<sup>6</sup> Tesuñña tesitoñal ke nanene, kila sane silaga toñarera. Tekilia tesape nagane, tesuñña tekila ke mñata uñña e silparpara nene, naña tasneta, ana pe tesu re e mñata uñña wo temio Suḡe ma metava poli wa.

<sup>7</sup> Sanene, pogos naña tesike e yomarava nini wa, monar ve tekilali re naña tesuññalu e ya naña kilamarata ga kilia visuia, ana monar tesuññalu mñarera e naviawaena.

<sup>8</sup> A e lepas na pun imimi, moñarera ruru ke ga wa vena suen e yomarava nini vena mesuñña mekila kiena yuññaena, ana mepisu sane po mēna ga visae mekilia meligan tasnemimi la na yomerava nini, meva mesu nena e mñamimi uñña memio Suḡe.

<sup>9</sup> Sanene, visae tesike e yomarava nini, pona tesike ma metava, ana silaga monar tekilali ya naña yoko naga kekearana.

<sup>10</sup> Monar tesitom sane pogos naña Kristo pa totano metava e kiena yo wa na

liḗpereena, yoko ita make ga veve taaga teva tesuñalu tese marana. Ana e pogos nene, yoko naga ga kila sane wo van ita, pona viowa van ita, taveve ga ya naḗa tesuñā tekila e pogos naḗa tesike e tasneta e yomarava nini.

*Kristo kila ruru marata temio Ntewa*

<sup>11</sup> Pogos naḗa mesitonāal naḗa yoko Kristo liḗpere yaru lala, memarau, a mepisu sane popon meyuñāe mārera vena metaulu yar lala vena ve akovio re. Ntewa pisu kilale ruru ḗelaga na kiamimi yuñāena la nene, a nesitom sane amiu mēna apisu kilale sane memiyuñāe sa ga naḗa naga kekarania.

<sup>12</sup> Nesuñā nepisa ke sur la nene, pe nekila re poli komin naḗa sineun vena amiu avisirlua imimi sina, ana popon vena akilia akekara e ya naḗa mesuñā mepisa. Visae atol ruru kiamimi visena lala, yoko kila sane visena la nene kilia se amiu, ana yoko akilia avisatarñe la naḗa asitom ke asape apo rui. Ana la nene akila la ke apa metava komin ga ya ne akila ke e maran yaru lala, ana pe asitom re ya naḗa sike loyuñā e kiela malena poli.

<sup>13</sup> Nekilia nesape pogos naḗa nepisa visena la nene, yoko la ḗas naḗa asike amio amiu monar avisave nepe wowe, ana na nene na poga ga. Visae lelaga naḗa mepe wowe, mepe wowe komin naḗa mekila manene laa yuñāena kiena ne Ntewa, ana visae ḗarimimi la woga ga suñā ga, ḗarimimi la po komin naḗa mesitomāal amiu, ana monar ayagogon imimi.

<sup>14</sup> Sur taaga ga naḗa suñā kawē ruru ke kiamimi malena vena mekila ruru yuñāena wo la kiena Kristo, nane kiena sinesiena. Memlelaga mārera mesape kiena marena naga taaga tamalia kieta malena ita make ga, visae peraga, yoko ita punu ga monar temare ga, yoko taḗatete ita yaru tai kilia mali.

<sup>15</sup> A naga mare wo ita punu ga sanene, naga sinenan sape ita la naḗa temlelaga ea pona temal ke e yomerava nini wa, ve teyuñāe kieta re ga, ana teyuñāe kiena, naḗa naga mare vena tamalia kieta malena, siraunia Ntewa pisirlua si naga.

<sup>16</sup> Sanene, popon ve tevisuveve re si yaru lala taveve sitomena na yomarava nini. Nanua, pog naḗa Kristo sike e yomarava nini, yaru la apisuveveve taveve sitomena na yomerava nini, ana nagane pe tepisu re si naga sanene poli, a pe pon re tevisuveve yaru taḗena lala taveve mēna sitomena na yomerava nini poli.

<sup>17</sup> Na nene na komin naḗa visae yaru a naḗa mlelaga e Kristo, naga pimi sane pe yaru viu ruru nena ga. Kiena malena

marua na sumo kovio nena ga, ana nagane kiena malena viu pimi mālivi rui.

<sup>18</sup> Ntewa ga kila sane tekilia tevilopu kieta malena sanene, komin naḗa naga ke narui mligan Kristo pitomi e yomerava ve na kilaen kieta mrapa towasuḗe si teimi puna, a sinenan sape monar toure yar taḗena lala la mēna ga awasuḗe si aimi puna.

<sup>19</sup> Visae ve sanene, Ntewa miyuñāe ḗarpoyo e Kristo vena wereen yar na yomerava lala awasuḗe sina vena aim ave taaga sina amio, naḗa naga pe sitom re si sape la nakoena van la vanon kiela mlamulena viowa la poli. A amio mēna nene, naga sinenan sape ligan kiena visena lala e limata, vena tela va va yar taḗena lala vena la mēna ga awasuḗe si aim puna.

<sup>20</sup> Sur ne nanene narui kila sane mepim mepe yaru kiena ne Kristo vena waren visena kiena ne Ntewa vano. Sanene, pogos naḗa mepisawal visena pan amiu, sa ga naḗa Ntewa ga suñā pis, ana sinemimin paḗisi mesape meviun manenea van amiu punu ga mesape awis, e kia kiena ne Kristo, monar awasuḗe amiu aim puna Ntewa.

<sup>21</sup> Naga ke narui sinena miye ita, ana mligan narina nene Kristo, naḗa naga pe kilali re mlamulena viowa poli, kila naga pimi sane yaru na waren kieta mlamulena viowa ita make ga. Ntewa kila sanene vania vena kila sane ita yar na kilaen mlamulena viowa, tekilia teim teve yaru mesmesu lala e marana ne Ntewa.

## 6

*Malena mārera kiena yaru na yuñāena kiena ne Ntewa*

<sup>1</sup> Mesuñā memiyuñāe ke sane yar lala na yuñāena lele taaga memio Ntewa, a mekilia sanape naḗa naga pe lemam paḗisi pan ita make ga. Sanene, mesape meviun manene van amiu, sane kiena lemamiēna wo naḗa pimi e amiu, pe pon re imi korena ga poli. Monar alavia, a monar ataḗania kila kiena yuñāena e kiamiu malena.

<sup>2</sup> Visena tai teke e Tus Marua pisa sanene rui, naḗa Ntewa sape,

*“Mesmesun pogos naḗa po pan amiu, neyagogon kiamiu tagena,*

*a mesmesun legiēna natamaliaēna, neim neilu amiu.”* Ais 49:8

Ana e kiamimi navisuēna, mekilia mevisawal mevisave nagane narui pe kiamiu pog mesmes narui, nagane narui pe legiēna na natamalia amiēna.

<sup>3</sup> E lepas na kiamimi yuñāena, mesuñā moḗikeyon naḗa mekila wo lue ga, vena ve mekilawo re mrapan yaru kar ga naḗa sinenan sape imi. Pe sinemimin re naḗa

yar laḡasa asape mekila sur tai piowa, pona mekila pal yuḡaena koyo tai.

<sup>4</sup> Mesuḡa mekila ke sur make ga vena kilologia sane mekila ke yuḡaena mesmesu sane yar wo lala na yuḡaena kiena ne Ntewa, ana mesuḡa metaḡan imimi vena mevane sur ve moki. Mesuḡa makawean imimi vena meva mowarpoyon luas nen yuḡaena lala, pe suri korena naḡa mepane sur viowa lala, pog ḡarera lala, a sur nailanen viowa lala.

<sup>5</sup> Asuḡalu akawe imimi, a aḡe imimi, a akoven imimi e yuḡa nakoena. Pogos moki, memiyuḡae na memiyuḡae, pe momomaliao ruru re poli, a kamimi kinanena pe po re poli.

<sup>6</sup> Piowa manene laa pan imimi sanene, ana mesuḡa ga memiyuḡae mesmes ga, a mesuḡa memiyuḡae memio kilaena, a sitomena viavi, a sinewoena. Yeririna la apisu naḡa kiamimi malena pulen Ninuna Wa, a kiamimi ḡelaga pulen sinesiaena naḡa lelaga,

<sup>7</sup> naḡa mepisawal visena la naḡa pe apisokan re poli, naḡa memiyuḡae e ḡareraena kiena ne Ntewa, a naḡa e limamimi lala, e lepas na ḡamarua a e lepas na ḡaḡeli, mopuarar sur na mara lala vena kilaen mesmesuena taulu navioawaena.

<sup>8</sup> Yeririna la ḡasa apisir plan imimi, a laḡasa amligan imimi mesike laa tano, laḡasa apisa ruru imimi, laḡasa apisa kare imimi paḡisi, ana pe mesitom re poli, mekila ga. Pe mepisa kotalia re yar tai poli, ana asuḡa apisu imimi sane pe mepe lelaga re nenaga.

<sup>9</sup> Akilia ruru imimi ḡisi rui, ana asuḡa akila ke sa naḡa pe sinelan re akilia imimi poli. Memal ruru mesuḡa ga, ana asuḡa sinelan asape visae memare ga rui.

Nane suḡa pa sanene pan imimi narui, ana pe sur korena naḡa moḡar ke nakoena lala, la taḡatete akilalua kiamimi malena na wa.

<sup>10</sup> Pe sur korena ga naḡa naloge viowaena la moki paḡisi, ana sinemimi la kekara silaga. Pe sur korena naḡa limamimi korena ga silaga, ana mesuḡa mekila ke yar taḡena la apar ke sur moki. Ana pe sur korena naḡa pe kiamimi sur re la poli, ana mepisu naḡa sur make ga pe kiamimi ga.

<sup>11</sup> Erau nae Koren lala, pe kiamimi sitomen viowa re tai e amiu poli, naḡa mekilawania pan amiu suḡa ga. Mepisawal sur make ga pan amiu rui, a sinemimi sii amiu paḡisi.

<sup>12</sup> Pe mekila re suri tai naḡa pona kilawo kieta erau wo poli, ana visae kilawo e lele

tai, nanene komin naḡa amiu ga apuarar sitomena viowa laḡasa e imimi suḡa ga.

<sup>13</sup> Ana visae ve sanene, monar nesape van amiu sa ga naruu la narui, nesape awis, ve akilawan re si kiamiu sitomena laḡasia, ana monar akilali losinemiu vike van imimi.

*Avisuar ruru e la naḡa pe amlelaga re poli*

<sup>14</sup> Sineun nevisa van amiu nesape ve asuḡa akilali re naḡa aimi ave taaga amio la naḡa pe amlelaga re poli. Popon asitoḡalia sane ḡelaga na mesmesu amio ḡelaga na mlamulena viowa, lalua taḡatete aviran la aim lele taaga, a legiena pe erau ḡele ga amio yemalolo.

<sup>15</sup> Kristo kiena sitomena ve taaga ḡele ga amio Yermare, a yaru naḡa mlelaga pe kiena sur re tai poli teke amio yaru naḡa pe mlelaga re poli.

<sup>16</sup> Nono na visokanen lala asu ḡele loyuḡa e yuḡa wa ḡana Ntewa pogos tai, a visena nene kana kinasa komin yuḡa wa ḡana Ntewa, naga pe yuḡa re ga tai poli, ana ita li na lelagaena kiena ne Ntewa naḡa mali. Naga nene taveve ga kiena visena laḡasa, naḡa pisa sanini, sape *"Inu yoko nesike e la, yoko neyaloro likan la.*

*Inu yoko neve kiela Ntewa, yoko aimi ave kiau lus nena lala.* Lev 26:12

<sup>17</sup> *Ve sanene, sane kiela Suḡe, nepisa pan kiau la nene nesape monar amolue vetan taḡena lala, monar aviaḡa vetan yar viowa lala.*

*Monar aim ave wa nenaga, a monar ve atol re kororaki lala,*

*sanene yoko nekilia noworworun la aim asike amio inu.*

<sup>18</sup> *Yoko inu, sane Ntewa na mava, nekilia nevisa van la nevisave*

*'Amiu aim vena neve Arimamiu, a vena amiu ave naruu nena lala.'* "

## 7

<sup>1</sup> Erau lala, nanene navisaarena wo lala kiena ne Ntewa naḡa pisape yoko naga were ita sane kiena namratava lala. Naga kila sanene pan ita po paḡisi, ana popon monar tevatanon naga silaga, naḡa monar towe plan make kororaki e kieta malena lala. Mlamulena viowa laḡasa tekila e tasneta, a laḡasa tekila ga loyuḡa e losineta, ana monar toḡisin la make ga, monar tevim naḡa teve wa naḡa teve wa sa naḡa naga sinenania.

*Pol kekaran paḡisi naḡa Ntewa miyuḡae e la*

<sup>2</sup> Sineun nesape neviun si tan amiu nesape ve sinemiu kar imimi re, ana aligan

ruru lelemimi tai e sinemiu lala, vena nekilia nevisa re si sur laḡasa van amiu sumo wa. Popon akila sanene, komin naḡa pe amiu re tai poli naḡa mekila piowa pania, pona mekila karea, pona mekila kotalia e sur laḡasa.

<sup>3</sup> Ana pogos naḡa nepisa visena la nene, pona asitom ke asape nesitom ke piowa e amiu, pona nesape nevisa kare amiu, ana pe sa re nena nene poli ḡisa. Peraga, sa ga naḡa nepisa rui, nesape amiu na asike e losinemimi rui, a tesuḡa tepim tepe taaga pano pano tol naḡa sanena naḡa tesike ga e malena taaga, pona visae ita tai vane marena, yoko teloge sane ita make ga temare.

<sup>4</sup> Lelaga nekilia nevisa sanini nevisave in na noḡasine amiu keviu na keviu, noḡarwar inun amiu pa ḡisi, a pogos naḡa nesitomḡal kiamiu yuḡaena wo lala, suḡa miila ke kiau sitomena keviu pa ḡisi. Lelaga naḡa nepane sur viowa moki, ana asuḡa akila pan inu naḡa nalogewoena a kekarena suḡa pule manene paḡisi e losineu.

<sup>5</sup> Nepisa sanini komin sanene narui nanua sumo ne, pogos naḡa mepa moḡalivi e lepa naḡa Masitonia. E yo nene, moḡar ke si veveyuena ḡarera lala, kila sa naḡa memarau towe ḡaga, a tasnemimi pe pulmas re tai naḡa va ruru e poli.

<sup>6</sup> Ana kieta Ntewa naga pe Ntewa na kila luḡeluḡeen sitomena kiena yaru lala naḡa amloge piowa, ana naga sitomḡal imimi, kila kiamimi erau wo naḡa Taetas pimi ḡalivin imimi, a pogos naḡa mepisu si naga memloge po paḡisi.

<sup>7</sup> A pogos naḡa sun pa imimi, naga pisawal sur wo la naḡa amiu akila, miilaar imimi keviu paḡisi. Naga pisayu sanape naḡa naga ḡena ga, pogos naḡa naga pimi ḡalivi pun amiu, naga ḡal sur mok liu e amiu naḡa miila naga, a pisawal sape akila mara wo e kiamiu visena la nanua ne, naḡa nagane apilopu kiamiu sitomena, asuḡalu asike e kiau lepasa. Pisawal sape sinemiun manene laa paḡisi naḡa neiḡasu neyaliali amiu, a suwala, pogos naḡa nemloge nene nemloge po na nemloge po!

<sup>8</sup> Pogos naḡa nesiri ḡaki taḡena nene pimi pan amiu, nemligan pae pano ana pe piavi re poli nesitomiyy sina, nesape visae ve neligan re ga rui. Nanene komin naḡa nekilia nesape kiau visena ḡarera lala yoko monar kila amiu aloge viowagan towe ḡaga. A poglis naḡa memloge navi-sawalena kiena Taetas, nepisu sane lelaga ga na wa, kiau ḡaki kila kare kiamiu

sitomena ḡisa. Ana nanene na yam plas ga, siraunia avilopu amiu sina, ana kila sane nekekarana sina naḡa nemligan ḡaki nene piḡasu.

<sup>9</sup> Sane pe nepisa re nesape nekekarana naḡa ḡaki nene kila amiu amloge piowa poli, ana nekekarana ga naḡa naloge viowaena nene kila apilon amiu. A kiamiu naloge viowaena nena, pe imimi re naḡa mekila pimi ḡalivin amiu poli, ana Ntewa narui naga kila pimi ḡalivi.

<sup>10</sup> Sanene, naloge viowaena nene naga naloge viowaena wo tai naḡa pitomi ma e peni, naḡa kila yaru vilonia vena tol nata-maliaena. Ana naloge viowaena taḡena, naga naloge viowaena na yomerava nini, naḡa naloge viowaena viowa tai naḡa yoko kila yaru loge viowagan ḡa vano vano va tol marena.

<sup>11</sup> Amiu ḡena akilia avisu kilale sane naloge viowaena naḡa Ntewa taḡan pimi pan amiu, naga kila yuḡaena wo tai paḡisi. Kila sane asitom urmi manenea e kiamiu malena, aḡareran ke paḡisi vena kiamiu kia imi wo sina. Sumo na, sinemiu mimin naḡa apisayu napiowaena naḡa sike likan amiu, ana pogos naḡa nepis pan amiu vanonia, apisu kilale ga ḡrapa na wa, ana amarau. Amiu ga asuḡalu apisi ke sina ga pan amiu, a amla nakoena pan la naḡa akila piowa, vena ve naviowaena tai su re si pun amiu.

<sup>12</sup> Sineun nesape nevisa ḡaki nasumo, nemligania komin naḡa nepisape nevis va lalua nene naḡa akila piowa, a sineu miye ḡena yermarua nene naḡa lalua akila kare manene laa naga. Nemligan ḡena ga komin naḡa sineun nesape monar avisu kilale sane lelaga, sinemiu si imimi, ana pogos naḡa mevis van amiu e kia kiena ne Ntewa, amiu akekaran naḡa avatanon ya naḡa mevisa.

<sup>13</sup> Ana poglis naḡa Taetas pimi pisawal pan imimi sape amiu akila sanene rui, kila-lalua kiamimi sitomena pa metava paḡisi.

Mekekaran manene laa nene rui, ana pogos naḡa Taetas pisayu sina pan imimi, pisayu sa naḡa amiu akila manene po pania, mekekaran pa laa sane. Naga pisa ke naḡa sike amio amiu, amiila naga a apisirlua kiena sitomena, a akila si naga kekara pa ḡisi.

<sup>14</sup> Nepisayu amiu pania nanua sumo rui, nesape nekekarana kiamiu ḡelaga wo la pa ḡisi, ana pogos naḡa piḡasu ḡalivin amiu, ana pisu ga na wa sane pe nepisokan re poli, nepisa ga lelaga. Sa ke ga nanua sumo, nepisa ke ga sur lelaga la pan amiu silaga, ana nagane, akila kiau visena naḡa

pa Taetas e kiamiu lepasa pimi pe lelaga ruru mēna ga.

<sup>15</sup> Naga tařatete sinen řesan pogos nařa piřnasu, amiu amarau pařisi a sinemiu kurkur, ana poglis nařa pis pan amiu, amlogearia, apatanon ruru nena kiena visena. Kiamiu řelaga wo na sanene, kila sane pogos naga řasufe sina, sitorřal amiu lue ga silaga.

<sup>16</sup> A e kiau lepasa, nepisa ga nesape nekekara nařa nekekara, a nagane nepisu sane nekilia nowasine ruru amiu e sur make ga e pogos make ga.

## 8

### *Popon ala nalaena*

<sup>1</sup> Erau nae Koren lala, sinemimin mesape amiu aloge lologena na sur wo tai nařa surřa řarwowo ke yo e suřare lala na pupia lepas nařa Masitonia, nařa Ntewa miyurřen ke e kiena lemamiēna.

<sup>2</sup> E yo nene, apa ařarpo yo e pog mārera lala nařa sur moki liu kilali kare la, a pano tol nařa pe kiela sur re si poli, ana la nene, pe ařis re nena e kekarena ga e ya nařa la apisuia. Limala korena ga, ana memilan pařisi sane pogos nařa amloge asape nalelagaena tařena la gar Yerusalem apane mēna pog mārera, sinela miye la ana sane limala pimi pule ruruia amio sur lala vena laen vano sane kiela nalaena van li tařena la nene.

<sup>3</sup> Pe yar re tai poli nařa pisape monar akila ve sanene, ana la ga asape akila, a nekilia ruru sane amla sur make ga nařa akilia alavia, vano tol nařa lařasa amlavia taulu ya nařa akilia alavia.

<sup>4</sup> A pogos nařa ařar viraran punu pae rui, amligan e limamimi, amāreran asape melual mrapa tai vena liganen nalaena nini vano, komin nařa asape visae akilia alual si pulmas naiilaena na lelagaena wa tařena la sanene, yoko ve sur wo manene laa tai van la, nařa yoko akekaran vařisi.

<sup>5</sup> La apo pařisi, komin nanua sumo atařan make kiela malena sane kiela nalaena tai pa Suře, a amligan la asike vatanon kiamimi visena, ana siraunia amla ya nařa la kiela sane nalaena tai pimi pan li na lelagaena tařena lala. Akila po taulu manene ya nařa mesitom mesape yoko akila, ana lelaga, akila mesmesun ga e nasinenanena kiena ne Ntewa.

<sup>6</sup> Ana pogos nařa mepisu le Masitonia tařena lala akila sanene, mesitom mesape popon meligan si Taetas iřnas pun amiu, vena iilar amiu vena akila mēna ve sa nene. Mekilia mesape pogos nařa naga piřnasu sumo, naga suřa pis pan amiu ana amiu asiar kilaen yurřen wo na sinewo

nene rui, ana popon naga imi kila make ruru nena ga amio amiu.

<sup>7</sup> Mepisu nařa yurřenena tařena lala, asurřen akila ke po rui, nařa kiamiu vi-awaena keviu pařisi, apisawal ke visena lelaga po pařisi, akilia sur moki rui, asurřen yepemiu mřen ruru yurřenena, a asurřen sinemiu sii imimi li nalelagaena tařena lala keviu pařisi. Akila yurřenena la nene pano taulu ya nařa mesitom mesape atorokin akila, ana popon akila mēna ve sa ke ga e lepas na yurřenena nakianen nalaena nene.

<sup>8</sup> Nepisa sanene, ana visena nene naga pe sa re navisaluena tai nařa yoko monar ataveva. Sur nene sike ga e amiu, ana nesitom nesape popon sa nevisayu tařena lařasa ve sanene, nepisawal sur wo la nařa akila ke rui. A pogos nařa yoko aloge, yoko kila amiu avisuveve amiu towe li laa mřaga sane, sane kiamiu sinesiena keviu mřaga yo, maran taaga sa ke kiena la nene pona peraga?

<sup>9</sup> A popon tesitorřal lemamiēna kiena kieta Suře Yesu Kristo ve keviu silaga, nařa sumo, naga sa nařa kiena sur make ga, ana naga sitom ita e yomarava, naga pitomi sa nařa pe kiena sur re tai poli, vena kila sane tekilia teim teve yar na sur moki.

<sup>10</sup> Pogaga, nanene kiau sitomena tai nene e lepas nene. Nepisa ga nesape nepisu sane sur nene sinemiu asape akila e kas nanua rui, a nane asiar asape akila ne, ana popon manene laa nařa asurřenalun sina vena akila make ruruia.

<sup>11</sup> Kiamiu sitomena nakilaen sanene naga mārera ruruia nanua řa rui, a nagane popon amāreran ruru nakilaena, a vena akila va ařa pe nařa atorokin akila.

<sup>12</sup> Ntewa pe pisa re pisape monar tela nalaena taulu ya nařa teke e limata vena tekiania, ana naga sinenan ga sape tekekaran iilaen yaru tařena, a tela nalaena torokin ya nařa tekilia telavia.

<sup>13</sup> Ana poglis nařa nepiun tan amiu vena akekaran iilaena sanene, pe nesitom re nesape nekila sane yoko yurřenena urmi van amiu poli, ana imi melala ga van li tařena lala.

<sup>14</sup> Nesurřen nesitom ke ga sane popon ita make ga teve maran taaga ga. E pogos nene, kiamiu sur mok liu, ana lala na peraga, pe kiela re poli, ana popon kiamiu sur komřasia vano ve kiela, vena kiela sur mřa tai ve tokak ga. A pona yam lařasa visae kiamiu sur re e kas lařasa nařa pimi ke ne, kiela sur komřasa kilia imi kila sane kiamiu narin sur mřa tai. Pogos nařa

tesuñña teilla ita ke sanene na po, kila sane ita make ga tesuñña marana taaga,

<sup>15</sup> a yoko ve sa visena na Tus Marua tai, naña pisa sanini, sape

*“Yar naña war kinanena ve moki vim, yoko naga kan vano kan make nena ga, ana siraunia visu sane pe kana re si tai poli,*

*a naga naña pa þar kinanena vitokaki ga, naña pisu sane torok ga, yoko naga ve ve plasas re sur tai.” Nau 16:18*

*Yoko Taetas wasuþe si va gar Koren*

<sup>16</sup> Nakonua rui pimi, nesuñña nesitom amiu paþisi, a nagane, nepisa potena paþisi pa Ntewa naña naga kila pa Taetas sape sitomena mārera tai sike e naga rui, sane naga monar iñasu iila amiu.

<sup>17</sup> Ana pogos naña mepisayu mesape iñasu mālivilin amiu, naga kekaran ga, komin naña kiena sitomena tai sanene sike pa e naga rui.

<sup>18</sup> A pe naga re ga taaga poli, ana yoko meligan imimi yar taþena tai iñasu amio naga, naña naga kieta puruvi tai naña suññare la na yo moki akilia ruru naga, komin naña naga yar wo nalologonen Lologena Wo.

<sup>19</sup> Suññare make ga la akekaran kiena yuññaena, ana amligan lua naga vena suñña yaloro amio imimi metelivi e kieta lepasa, pogos naña mesuñña mekilapolo ke kilavaru na iilaen li nalelagaena lala gar Yerusalem. Mekila yuññaena nene komin naña sinemimi sii la paþisi, a pogos naña atol nalaena nene yoko ailan ruru vaþisi e þelaga naiila laena naña tekila pan la, yoko avisirlua kia kiena Suþe va metava.

<sup>20</sup> A mekekaran paþisi naña kieta puruvi taþena nene taveve imimi, komin naga kilia iila imimi vena visuar ruruen pupia kilavaru nene naña asuñña akoan poloia. Sinemimin mesape mevisuaria taveve ga kana mrapa wo ne lala, pe sinemimin re si meloge visena laþasa imi sirau poli.

<sup>21</sup> Sinemimin mesape mekila yuññaena nene sa naña yoko mesmesu e navisuena kiena Suþe, a yoko mesmesu mēna e visuena kiena yar taþena lala.

<sup>22</sup> Ana amio lalua Taetas nene, yoko meligan puruvi taþena iñasu visu amiu. Naga mēna ga pe yaru tai naña memligan sur moki sike e limana rui, a mekilali mēna naga sanene pano mepisau naña naga yepen mēna make sur la nene. Naga pe yaru wo tai na yuññaena, a pogos naña nepisayu kiamiu þelaga wo la pania, naga þasine amiu paþisi sape visae imi yuññae re amio amiu vera wo vaþisi.

<sup>23</sup> Sanene, e lepas puna kiau erau wo nene Taetas, monar avisu naga sane imimi ke lua narui naña memiyuññae veraga

vena iila amiuena, a e lepas na kieta puruvi taþena lua nene naña yoko amio amio naga, monar avisu la sane aim pun amiu e kia kiena suññare taþena lala na lepas nene, a aimi e kia kiena Kristo naña kiela malena suñña kipian ke kiena þelaga wo lala.

<sup>24</sup> Ana sineun nesape nevisa van amiu sane pogos naña la nene aim aññalivilin amiu, kiamiu malena lala monar kipian mēna kiamiu þelaga wo lala. Nesuñña nemlologon amiu ke pan la rui, ana popon manene sane la avisu kilale ruru ga na wa e kilamarala sa naña nepisa ga sur na lelaga, nesape kiamiu sinesiena keviu manene paþisi, a akilia ala navisawalena wo tai naña visayu amiu va va suññare taþena lala.

## 9

*Nalaena naiilaena va li na lelagaena taþena lala*

<sup>1</sup> In na nesiri plan visena moki rui e lepas na laena na kilavaru naña toþar viravirania vena iilaen li na lelagaena taþena lala nene kiena ne Ntewa, ana nesitom ke nesape asuñña asitomiñal ke sur la nene na wa.

<sup>2</sup> In na nekilia ruru sane amiu akekaran naña asikol e yuññaena nawar viraviranan kilavaru nalaena nene, komin naña e kas nanua þaro pano, asuñña akila ruru ke naña ataulu kana narin kilavaru rui. A poglis naña nepa e lepas nene Masitonia nepisayu amiu pan la, nepisape amiu le Akaea lala asiar rui, a pogos naña la amloge miyur la towe mēga, kila sane miilaar kiela sitomena pa metava vena monar aññareran laa sane vena kilae kiela komþasia.

<sup>3</sup> Nepisayu amiu ke pan yaru taþena lala rui, sane amiu na amiyuññae po sanene sanene, ana sa ve akila re na piowa ga! Naga ke nanene narui kila sineun neligan kieta puruvi telu nene aimasu avisuveve ruru amiu lia, komin naña nepisa pan la nesape monar awar viraviran kilavaru la nene rui, ana la akilia aimasu alual sane sanene pona pere wa.

<sup>4</sup> Visae pere wa, monar amiu akila vilaga, komin naña lavis ke inu mēna neiñnasu narui, a yoko neiñnasu nemio le Masitonia laþasa, naña nepisayu amiu pan la rui. Ana visae meiñnasu melual naña pe akila ruru re poli wa, yoko kieta kap mare, pupia mawaena van inu, a van amiu mēna ga, a yoko monar la avisave nepisa koskosin manene nayeluaren kiamiu kia pan la.

<sup>5</sup> Nane kila narui nepisu sane monar nevisa van Taetas lala aimasu sumon inu,



ana ayum̄āe amio amiu vena war viravirana kilavaru la naḡa amiu apisaar asape awaria, awarpolo ruru sur̄na ga, ana yoko meim̄asun mowaria mowar vano. Nepisa sanene, ana ve asitom re sane nesur̄na nom̄areran amiuḡe ne nesape monar awar nalaena nene. Waren nalaena na sanene, naga sur tai naḡa ape sinewo, ana kiamiu sitomena ga kekaran nakilaena.

*Navisa ruruena na ḡelaga nalaen suria*

<sup>6</sup> Ana visena tai ne nekilia nevisa manene van amiu sanini, yaru naḡa mapila ve tokaki, yoko naga war ve tokaki, ana yaru naḡa mapila ve moki, yoko naga war ve moki.

<sup>7</sup> E lepas na kianen nalaena van yar taḡena, ita make ga veve taaga monar tela ga ya naḡa kieta sitomena pisaar sape tekila, ana pe pon re olavia naḡa pe okekaran re laen poli, pona olavia komin naḡa yaru taḡena m̄areran sape monar olavia. Ntewa pe sinenan re nene poli, ana naga kekaran manene yaru naḡa mla suria molue kome kiena sinewo a e ga e kiena sitomena naga taaga.

<sup>8</sup> Ana visae ko tai naḡa osur̄na omla ke nalaena pano, ve ositom manene re, komin naḡa Ntewa kilia lamaran si nalaena wo la imi van ko, ve moki na ve moki. Naga kilia kila naḡa silaga owar toroki e sur make ga naḡa sinom̄ania, a metavanja owar torokin naḡa owar sina ve na iilaen yur̄naena wo taḡena lala.

<sup>9</sup> Nanene sane visena tai na Tus na Yauena Wa lala naḡa pisayu sinewo kiena ne Ntewa, sape

*“Naga sur̄na kiakian lua ke nalaena wo lala pa yar la naḡa limala korena, kiena ḡelaga wo lala sulue na sike ne.”*  
*Yauena 112:9*

<sup>10</sup> A Ntewa, naga ke narui mla mrasa pan ita vena temapila e porotano, a naga ke narui naḡa kila kurusa ḡar mrasa nakilaena kata kinanena ea, a ve sanene, yoko naga la ya naḡa sinetania vena kilaeḡe yur̄naena ea, a yoko kila kieta sur la imi ve moki, a yoko kila naḡa kieta yur̄naena mesmesu lala awar mrasnela ve moki.

<sup>11</sup> Yoko naga visu kilale kiamiu ḡelaga wo nene, naḡa silaga akekaran kianen suria, ana yoko naga lamaran sina ve moki vim van amiu, a pogos naḡa mowar kiamiu nalaena va taḡena la nene, yoko kila naḡa ita punu ga tevisa pupia potena tai va Ntewa komin navisa ruruena nowo naḡa naga sur̄na kian ke pan ita.

<sup>12</sup> Nalaena nene naḡa yoko ala vano, yoko iila li nalelagaena wa taḡena la ve keviu naḡa asur̄na apane ke pogos m̄arera, a yoko kila ayeluar m̄ena Ntewa ve keviu vaḡisi, avisa manene potena vania vaḡisi.

<sup>13</sup> Yoko ayeluar Ntewa sanene komin naḡa yoko avisu naḡa pe asur̄na amlologon re ga lologena wo kiena Kristo poli, ana asur̄na amlogear m̄ena ya naḡa pisa, a yoko avisu nalaena naḡa amlavia keviu vaḡisi, naḡa yoko kilia iilala ve keviu a iila li taḡena m̄ena lala. Ana pogos naḡa apisu sur la nene, yoko avisu kilale m̄ena sane kiamiu yur̄naena sur̄na kipian ke sane kiamiu viawaena m̄arera ruruia a pe lelaga na sike ne.

<sup>14</sup> Yoko avisu naḡa lemamiēna kiena ne Ntewa pule manene sanene e losinemiu, a yoko asitom amiu vano vano ḡisa, yoko sinela ye amiu, yoko asur̄na alen wo amiu silaga.

<sup>15</sup> Popon avisa potena van amiu komin kiamiu nalaena wo na sanene, ana po m̄ena ga vena ita punu ga tevisa manene potena van Ntewa silaga komin nalaena tanea naḡa naga mla pan ita, naḡa narina ne nane Yesu Kristo.

## 10

*Pol mla navisatam̄ēna pa la naḡa apisa kare kiena yur̄naena*

<sup>1</sup> Erau lala, akilia sane in ga Pol nesur̄na nesiri piḡasu, ana sineun nesape ala kiau visena e ḡelaga m̄a nena naḡa sike e Kristo, naḡa naga mom̄au po a malumu po. Naga ke nene narui ḡelaga naḡa nesur̄na nopikeyon kilaena pan amiu nanua sumo, ana nekilia m̄a sane yaru laḡasa asur̄na apisa kare in ke vanonia. Asur̄na apisa ke asape pogos naḡa nesike nemio amiu, in na nemalumu manene laa, a nemaraun visena, ana asape pogos naḡa nesiri piḡasu, nekila ga sane in na yaru tai naḡa nekilia nevis m̄arera, komin ga naḡa nesike perinan amiu.

<sup>2</sup> Na nene na pogaga, ana monar akilia sane pogos naḡa neim nom̄alivim amiu, visae nevisu sane popon nevis m̄arera, nekilia nekila ga narui. Ana sur ne nanene narui nesape nevisa van amiu, a nepisa awis pan amiu, neviun manene van amiu vena akilali napiowaena la nene vim wo towe laa ga wa, pogos naḡa pe nepim nom̄alivi re pun amiu poli wa. Visae ve sanene, pogos naḡa neiḡasu, yoko ve sur re si tai naḡa monar nevis m̄arera ea, ana visae peraga, in na pe nemaraun re nena nakuanen visena laḡasa naḡa m̄arera na m̄arera van la naḡa asike loyur̄na e napiowaena la nene poli, a naḡa apisa kare imimi ke ne, apisape memiyur̄nae taveve ke ga sitomena na yomarava.

<sup>3</sup> Lelaga, ita make ga tesike e yomarava nini, ana imimi pe metaveve re kiena ḡelaga poli. A lelaga, mesur̄na mekila ke

mara tai e yomarava, ana mara nena na pe nae re e yo nini poli.

<sup>4</sup> Mesuñā mesikol ke mara tai naña māreraena lala nae ma e peni asuñā akila ke pan māreraena lala na yo naloge viowaena, a suri na mara la naña mesuñā mořaria, pe ape na yomarava re nini poli, ana mekila ke mara mořar ke māreraena kiena Ninuna Wa naña kilia yumu plan make yo mārera la naña sur viowa la asuñā atapolou ke ea.

<sup>5</sup> Visae avisa visena viowa laņas na kaween yuñāena kiena Suņe, ana mekilia metaulu woga. A visae avilaven, akilali naña avisaluřar kiena yuñāena, ana mekilia meva mowarpoyo vena kilaen yar la akilia naga e kiela malena. Visae asuñālu amio sitomena viowa lala, ana mekilia mevilon yar la nene aimi naña kiela sitomena imi mārera vena ataveve ga Kristo.

<sup>6</sup> Yoko mekilia mekila ve sanene van amiu vano vano atarñan amiu, vena aligan amiu asu vatanon visena kiena Suņe, a sirauña, yoko mekila mña vano va e yo taņena la naña yaru na kaween naga asike mēna ea.

<sup>7</sup> Ana e lepas na yar nene naña pe purņes nen napiowaena nene, pona naña asuñā apisa ke asape sur punu ga pogaga komin naña yaru nene pisape naga pe yeririna tai kiena Yesu yo? Ana awis, ve avisu re ga kulyepena, aņionli avisuveve sur lelaga naña sike pae e maramiu rui. Naga pisape pe yeririna kiena Yesu na pogaga, ana naga suñā kila ke piowa, a popon naga visu ruru si kiena malena. Sinemiun ke yagogonen naga na wa, ana sanape, inu mēna ga nepe yeririna kiena Yesu, ana komin ya ne yepemiu mavin yagogon inuena?

<sup>8</sup> Nepisa sanene, pona yoko laņas avisa kare in sina avisave in na sineun ga netaulu luen suria, ana pe sa re nene poli. Pona lelaga sane pogos laņas nořarwar inu paņisi yo, pona nesuñā nepisayu manene sane imimi ke narui mesuñā mepisuar amiu, ana pe nesitom re nesape nekila sur tai piowa naña monar nemawania. Nesuñā nepisayu amiu sanene komin naña Suņe ga mligan amiu e limamimi nanua rui vena mekila kiamiu malena amio naga va metava. Visae amiu asitom avisave mesuñā mepis ke pan amiu vena kila kareen si kiamiu malena, pe sa re nena nene poli.

<sup>9</sup> A visae asitom ke asape in na nepe yar na sinemimiena tai naña nesuñā nesiri ke mñaki la nene piñasu vena kila sane monar amaraun inu, naga mēna nene pe mesmesu re poli.

<sup>10</sup> Nekilia nesape laņas asuñā apisayu in ke sanene rui, asape "Suwala, Pol sur nene, naga ga kiena mñaki lala apulen visena urmi la naña mārera, ana visae ovisu naga, naga sane pe yar malmale kar ga tai, a visae ologe naga visi, melala ga."

<sup>11</sup> Ana sineun nesape nevisa van la nene sane popon avisu kilale sane ya naña mesiriwal ke e mñaki, pogos naña pe mesu re memio amiu poli, naga maran taaga ga sa ke e ya naña yoko mesuñā mekila e maramiu, pogos naña mesike memio amiu.

<sup>12</sup> Nepisa sanene, ana pe sineun re visaan sur ve moki poli vena kilaen si kiamimi kia va metava. Pe sineun re naña meim sane yaru taņena laņas poli, naña apilaven manene visawalen si kiela sur wo lala. Yar la ne sanene asuñā apisuveve ke kiela erau lala, a asuñā apisuveve ke mēna yar taņena lala, ana asitom asape la apo taulu la, ana naga nene pe yuñāena na wowe ga tai, komin naña pona la punu ga nene apiowa maran taaga yo.

<sup>13</sup> Sanene, yoko ve nevisayu manene imimi re va sanene, ana monar nevisa sur laņas van amiu naña atorokin yuñāena lala naña Ntewa mligan e limamimi, a loyuñā ea, pano tol sur laņas e lepas navisuar amiuena naña mesuñā mekila.

<sup>14</sup> Pe mesitom re naña meva manene poli vena mekilali naña mesu metavan amiu, ana mesmesun naña mekilia mela visena laņas naña monar avatanonia, komin naña ve sinemiu řesan re sane imimi ke narui naña mořar řesan lologena wo kiena Kristo pimi pimi yalen silau pimi tol amiu.

<sup>15</sup> Visae taņena laņas la apimņes pun amiu, yoko ve mesitom re navisuar amiuena, pona nalaena visena la ne sanene van amiu. Ana sirauñ naña mesiar yuñāena memio amiu, monar meva re laa na wa memio amiu. Sinemim in ga naña kiamiu naviawaena suñā kapuru silaga, a mekekaran manenea visae kiamimi yuñāena kilia imi ve keviu laa sane, ve e re ga e kiamiu yo,

<sup>16</sup> ana yoko mekekaran vaņisi visae amiu akilia aila imimi vena kilaen sane teva re laa ga wa vena lologonen lologena wo va e purvanua taņena lala na pun amiu lepas řasa na vano, vena teva tetepo yonārua e yo naña yar taņena lala pe apa amlogo re e poli wa. Sanene, visae pogos tai tevisayu yuñāena lala naña yoko tekila e yo la nene, yoko taņatete si avisa kare ita avisave tesuñā tepilaven ke ga mrasa naña molue e lokove kana yar taņena! E pogos nene, yoko la akilia sane tesuñā tepisayu mrasa naña molue ga e kata lokove naña ita ga temapila.

<sup>17</sup> Sitomena la nene apowo paḡisi, ana popon ve towarwar itan re sur naḡa tekila, komin Tus Wa pis rui, sape  
*“Yaru naḡa sinenan vilaveena sur tai, monar vilave ga e ya naḡa Ntewa kila.”* Ser 9:24

<sup>18</sup> A pe pon re ita ga teyeluar ita si poli, komin yar wo naḡa lelaga, pe naga re naḡa naga ga pisa si sape naga po, ana naga naḡa Ntewa ga pisa sape naga po.

## 11

*Le Koren lala ataveve nalogena lala navisokanena*

<sup>1</sup> Pona apulo visena la ḡasa naḡa nesiri rui, asitom asape nepis wowe yo, ana awis, sineun nesape akila kiamiu sitomena ve piavi li laa sane e inu, ana yoko nekilali naḡa nevisa si laḡasa.

<sup>2</sup> Ana monar nevisa visena la nene komin naḡa silaga nesuḡa nesitom amiu paḡisi. Yoko nevisa ve sanini, sane nepisu amiu sane amiu na kiau sira mēe tanea tai, naḡa nepisarar vena talopa amio kiena yar mesmesu nene naḡa Kristo. Nemloge sane nepieluen ruru amiu nenaga, komin naḡa sineun visuar ruru amiuena vena ave lelaga e visaarena nene, a naga nene sa ga Ntewa, naḡa naga mēna ga pieluen ruru ita, pe sinenan re sape teligan naga poli vena teva si varau.

<sup>3</sup> A inu mēna ga nemarau towe mḡaga sane saḡisi yar taḡena imi were si kiamiu sitomena va ve taḡena. Sa nanua sumo ne, loḡara nene pimi pisa kotalia sira naḡa Iv, kila kotalia kila mloru e mlamulena piowa, ana pe sineun re nenaga vena pogos tai ve alelaga re si e Kristo, sa ḡisi ve sinemiu sii ruru re si naga taaga.

<sup>4</sup> Nepisa sanene komin naḡa nepisu kilale towe mā ḡarimiu rui. Pogos naḡa nalologena tai imāsu visayu Yesu taḡena tai naḡa pe Yesu re naḡa memlologon ke poli, ana alelaga ke e naga veraga. A pogos naḡa ninuna taḡena imi mālivilin amiu naḡa ve Ninuna re nene naḡa Ntewa mligania, apulan amiyopua ga. Pona pogos naḡa lologena wo taḡena tai imi mālivilin amiu, yoko akekaran logearen naga veraga.

<sup>5</sup> Nalologena taḡena la apisa kotalia amiu ruru nenaga e sur la nene, ana nepisu naḡa amiu asuḡa asitom urmi manene laa e la. Amiu akila sa naḡa la ga ape nalologena e kieta yomarava nini, a amligan inu nesike tano, ana pe nesitom re nesape nanene naga mesmesu poli.

<sup>6</sup> Lelaga, nekilia nesape yar laḡasa asitom ke asape in na pe nemlologo ruru re po poli, ana nekilia nesape pe yar re si

tai naḡa kilia sur taulu inu poli, a nesitom nesape amiu apisu kilale suri nene rui, komin naḡa suḡa mālivi ke e yuḡaena punu ga naḡa nekila ke ne e maramiu.

<sup>7</sup> Nekilia nesape e lepas na warpoloen kilavaru nene, yar laḡas pe akekaran re nenaga, ana nemninu ga komin ya ne sanene. Pona asitom asape nepiun ke kilavaru nene ve kiau ga? Peraga rui, komin pogos naḡa nepimin nemlologon Lologena Wo kiena ne Ntewa pan amiu, pe nepisali re nesape ala sur tai van inu poli. In na nemligan inu nesike laa tano, vena nekilia nevisirlua amiu ava metava, ana pona amiu ḡasia sinemiu karinun naḡa nekila sanene? Pona asitom asape in na nekila piowa ga naḡa pe nepiun re suri tai pan amiu e pogos nene poli yo?

<sup>8</sup> Nekilia nevisa mesmesun van amiu nevisave e poglis nene, suḡare taḡena lala asuḡa amligan nalaena pimi vena ila inu, a nesuḡa nakan ke ga kilavaru nene pogos naḡa nemiyuḡae kiamiu ke ne. Ana pe nekila re sur wo tai pan la nene poli e pogos nene, ana nemloge sane sa ga nesuḡa nepinaun la ke ga.

<sup>9</sup> A pogos naḡa nesike nemio amiu, luḡau plasa pano pano ḡisa, ana puruvi la lua naḡa akom Masitonia apitomi apisu kilale naḡa nemloge ke piowa sanene ana apisuar ruru inu. Pe nepim netag li re pan amiu poli vanon sur tai, a nepisaaria sane yoko taḡatete nekila kare amiu naḡa noḡareran amiu nesape monar akila sanene pona sanene pan inu.

<sup>10</sup> Nepisarar sanene komin naḡa yepmavin yar la asuḡa avisa kare inu asape visokar inun kiamiu kilavaru, ana yoko nevisawal kiau navisaarena nene va kar ga e yo punu ga e lepas nene Akaea. Pe nemarau re nenaga, nepisaaria e kia kiena ne Kristo naḡa kiena visena lelaga sike e inu sane yoko nekila ga narui.

<sup>11</sup> Ana pogos naḡa nepisa sanene, pona yar laḡasa yoko avisave sineun ga kila kareen kiamiu kia, pona asitom asape pe sineu sii amiu re poli yo, ana in na pe sa re nena nene ḡisa. Ntewa kilia ruru sane sineu sii amiu paḡisi.

<sup>12</sup> Ana monar noḡareran ga sane visaarena naḡa nepisa, yoko monar nekila ga narui, komin naḡa sineun kemaren kapi kiena taḡena la nene naḡa asuḡa apilave kar ke sanene. Asuḡa apisali ke pan amiu asape asuḡa amiyuḡae lele taaga amio imimī, asape akila ga yuḡaena mā nena naḡa mesuḡa mekila ke ne, ana pe sa re nene poli.

<sup>13</sup> Yar la ne sanene ape nalologena navisokanena ga, amiyuḡae pe mesmes re

nena poli, ana asuñña akila kotalia amiu ke ga li na lelagaena lala, sane aþar marana nalologena lelaga lala kiena Kristo.

<sup>14</sup> Ana monar ve ailan re naþa akila sanene, komin kiela yerkawa naþa Yermare, naga mēna ga suñña kila ke sanene rui. Naga kilia kila sane naga imi ve navisi wo na yomerarava,

<sup>15</sup> ana tepisu naþa kiena yar lala na yuññaena akila kotalia ke mēna yaru lala, akila la sane la ape yar na kilaen þelaga mesmesu. Ana pogaga, tekilia sane yoko ava ga narui aþisi e yo naþa mesmesun ga kiela yuññaena viowa lala.

<sup>16</sup> Ana sa naþa nepisa rui, pe sineun re sane nevisi ana kila laþasa asape nepe wowe, ana visae sinelan visaena, atamān avisa. Ana visae ve sanene, popon la akila van inu sa naþa akila pa wowe lala, sane ve avisaluþar in re sumo wa, ana atamān nevisa ya naþa sineun nesape nevisa.

<sup>17</sup> Pogos naþa nesuñña nepisayu ke kimimi yuññaena, visae nevis vilaveena manenea, kila sane pe lelaga kemua naþa nesuñña nepis wowe, a yoko Suþe taþatete kekarania.

<sup>18</sup> Pe pon re tevis vilave manene poli, ana in na pe nesa re yaru taþena la naþa asuñña apis vilaveena kiela sur lala na yomarava nini, komin naþa visae nevis vilave, nesuñña nepisayu ke ga sur wo lala.

<sup>19</sup> A nepisu naþa asuñña sinemiu miye ke yar taþena lala naþa amiu asitom ke sane la ape wowe, komin naþa apisu sane la ape taþena, pe atol re manmaruaena wo nene poli naþa amiu asitom ke asape asike ea. Ana visae asitom ke asape in mēna nepe wowe, komin ya ne taþatete akila kiamiu sitomena ve piavi laa sane e inu mēna?

<sup>20</sup> Nepisu naþa asuñña atamān ke pa nalologena navisokanena taþena la nene vena akila sur viowa la ve moki van amiu. Akila van amiu sa naþa amiu ape kiela yar na yuññaena lala, la amiyelēlain amiu, aþar kiamiu sur lala, amligan la asu metavan amiu, a visae sinelania akilia alipa maramiu. Amiu asuñña atamān akila sanene, ana sanape? Ana pogos naþa nepisa ga visena tai pan amiu, komin ya ne yepemiu mavin yagogenena?

<sup>21</sup> Pona popon manene visae in mēna nesuñña nekila þelaga kar la ne sanene van amiu, ana pona kila amiu akekarana inu ga yo na wa? Ana pe sineyeena, in na nemalum laa paþisi yo, in na pe netorokin re nekila nene poli yo?

Pogaga, nepisa visena nene, nekilia sane yoko yar laþasa avisave nesuñña nepis wowe ke sina ga, ana sineun nesape visae nalologena taþena la nene asitom sane

akilia avis vilave komin naþa asitom asape sur laþasa na lepas pula naga po, ana in mēna nekilia nevis vilaveena sur laþasa na sanene.

<sup>22</sup> Visae asuñña avisir plan la ke asape la ape yer Epru, ana in mēna nepe yer Epru. Visae asuññalun avisave la ape yaru na lepas nene Israel, ana in mēna nae yo nene. Visae aligan la metava komin naþa apisape la ape lus kiena Epraam nena ga, ana in mēna nepe lus nene.

<sup>23</sup> Ana yoko neviun naviunena tai van amiu narui, sane la nene amiyuññae kiena Kristo pa tol yuññaena naþa inu nemiyuññaena? Peraga, inu nesitom sane in na nekila po manene laa taulu la. Piowa ga naþa nesuñña nepisayu inu ke sina sanene, ana þarimiu la mārera paþisi kila sane in mēna lavis þaruu ve wowe, nane nesuññalu nepis sanene. Ana sur nene na lelaga paþisi, naþa in na nekila pupia yuññaena la taulu la, yerkawa la akoven inu e yuñña naloge viowaena yam moki taulu la, añe inu yam via nopulo þele sina, a yam moki mēna ga naþa pano-o lavis ga nemare.

<sup>24</sup> Nekilia sane yam lima rui, yerkawa kiena ne le Yu lala añe inu naþa yam taaga, kovilva kakapuru e mosineu yam lualima yam telu pa ovari [39], ana akila sanene yam lima. Apisaluþaria asape ve akila re va tol lualima yam ve vari [40], komin visae peraga, vena marena ga narui.

<sup>25</sup> Ana yam telu añe inu e laki lala, a yam si tai akove inu e kilavaru pano pano lavis nemare. Yam telu nokulu e sive naþa waa talilu, e pogos la tai nene, sive mian inu māga tol lemalo wetelu tai a legiena wetelu si tai.

<sup>26</sup> Pupia yalena piayavi lala, nemialoro e la yam moki manene laa, a e pogos la nene nepane sur la moki liu naþa namarena ga. Wii lala na þalu lavis ayanlua inu nevano, yar la naþa añevinaun ke yar lala añene inu, kiau yeririna ga lala sa naþa le Yu lala apisu piowa e inu, a la naþa pe ape le Yu re poli akila kare inu mēna ga. Nepa e yo nape, sane pulkumali, pona yoniarua, pona losi, ana nepane pog mārera, ana silaga, puruvi navisokanena la nene, asuñña akawe inu.

<sup>27</sup> Sila ga nepa nemio yuññaena mārera a pog mārera, nepano naþa nomomalio þele ga, nepano naþa moto kar inu paþisi a viso kar inu naþa pe kinanena re nena poli, a nepano naþa pe noñal re yo natapolounen miava poli.

<sup>28</sup> A metavan pog mārera la nene, silaga nesuñña nesitoñal luen ga kiau yuññaena

nemio sum̄are lala, naŋa sane sur tai naŋa urmi na urmi e kiau malena.

<sup>29</sup> A nesitom amiu m̄ena ga paŋisi, naŋa visae nevisu amiu li na lelagaena yaru tai imi malumu, yoko kila neloge sane yepeu malumunia, a visae neloge naŋa amiu tai loru e mlamulena viowa, yoko kila naŋa neloge sineu laea paŋisi.

<sup>30</sup> Nanene sur viowa la naŋa nesum̄a nepisuiā, ana nepisu sane nemalumun manene laa yuŋaena kiena Suŋe, ana pe nekila re sur wo tai naŋa nekilia nevis vilaveena poli, kila sane nesum̄a nepis vilave e pog viowa la nene naŋa nepanea.

<sup>31</sup> A kieta Ntewa, naŋa naga pe Arimana Suŋe Yesu, naŋa yoko teyeluar luen ga kiena kia, naga kilia sape pe nepisokan re poli, sur la naŋa nepisa ke ne ape lelaga make ga.

<sup>32</sup> A pupia sur viowa si tai naŋa nom̄alia, pe nepisa re ma metava poli, nanene e poglis naŋa nepa e pupia pulkumali naŋa Tam̄askas. E poglis nene, ŋarin suŋe nae lepas nene naga yar naŋa Aretas, a kiena yerkawa naŋa naga pisirlua vena visuaren kiena pulkumali sinenan sape tarar inu, ana pitetalia kiena lokul na taren yaru lala apa asuwo make mralaea punu ga e yo nene vena ve noure re.

<sup>33</sup> Lavis atol inu, ana erau laŋasa amiila inu, akonwan inu e los nen pupia karo tai, ana apiar e kilika, asum̄alu metava e pupia arman kove na yo nene, amligan malumun pito tano vanua e yepas nen kove nene, pito malum m̄a pito tol tano, ana nomolue e karo nene nopure nepano.

## 12

### *Sur la naŋa Pol pisu e m̄eniēna*

<sup>1</sup> Poga, nepisu sane visae nesum̄a nepisayu in ke sanene wa, yoko taŋatete vilon kiamiu sitomena imi wo sina, ana pogaga, nemloge sane sineun nesikol si visena nevisayu sur la naŋa nepisuiā pona sur la naŋa Suŋe kilologia pan inu e m̄eniēna lala.

<sup>2</sup> Ana yoko nesunyu yar kiena Kristo tai sumo wa, naŋa nekilia ruru naga, naŋa kas lualima taaga pa vari [14] ŋaro rui, naga sum̄a ga milan aŋere naga pa kate ma e peni ma metava. Nemninue ga pa amio tasnena wetelu, pona apitom aŋerelua ga ninuna pavini, Ntewa ga kilia.

<sup>3</sup> Ana pe sur korena ga naŋa visae pa e tasnena pona pa e ninuna ga, nekilia nesape lelaga sane yar nene pavini yalen silau pisu loyur̄a e m̄ata um̄a tanea e yo nene.

<sup>4</sup> Naga mloge sur mok liu naŋa pe navisawalen re si poli, naŋa pe visena re

si na yomarava laŋas poli naŋa torokin navisayuena.

<sup>5</sup> Ana pogos naŋa nepisayu yar nene, pona amilan yo, apisape ke, yar nene, naga pe yar tanea tai naŋa ne. Ana sanape, visae nevisave pe yar taŋena re poli, ana nepisayu in ke ga, pona yoko avisa ga avisave nanene naga pe pe sur re tai poli a? Sanene, nepisu sane visae sineun nevisayu pupia sur laŋasa sanene van amiu, popon nevisa ga e kia kiena yar taŋena, vena akekaran naŋa alelaga ea, ana e kiau kia, yoko nevisayu ga kiau narin sur laŋasia.

<sup>6</sup> A visae sineun nevis vilave e pupia sur la naŋa nekila, yoko taŋatete si yar tai kilia visave nesum̄a nepis wowe, komin sur la punu ga ape lelaga make ga. Ana pe sineun manene re nevisa sur la ne sanene poli, komin naŋa pe pon re nekilali aligan inu metava vanon sur laŋasa naŋa pe apisuli re poli wa pona pe amlogeli re poli wa, ana in ga nesum̄a nepisa. Sineun nesape asum̄a avisuveve inu e yuŋaena ya naŋa apisu nekila ke pan amiu, a e visena ya naŋa nepisa pan amiu.

<sup>7</sup> A nepisu sane Ntewa m̄ena naga yepen mavin sape kiau sitomena va manene laa metava vanon m̄eniēna lala pona sur la naŋa naga pisa logia ke pan inu, a naga mligan napiowaena tai sike e tasneu naŋa nemloge sane kurumol tai naŋa Yermare sum̄a miyur inu ke e silaga, naŋa sum̄a kila tasneu mlalaea, a sum̄a kila kiau sitomena sum̄a ga tano.

<sup>8</sup> Nepiun tan Suŋe vena lalua sur nene vetan tasneu, ana pe kila re poli, ana yam lua sina nemleninia, yoko kana yam telu nena, ana peraga rui.

<sup>9</sup> Ana naga pis ga pan inu, pisa sanini sape “Yoko kiau lemamiēna ga torokin uarar ko, komin kiau m̄areraena kilia yuŋae ve keviu manenea e pogos naŋa yuŋae amio kior̄a malumuena.” Visena ne nanene narui kila sane nekekaran nevisayu manene in laa sane, ana yoko nevisayu ga kiau malumuena lala, vena kila sane m̄areraena kiena Kristo kilia yuŋae kome inu sanene, sa naŋa naga pisa.

<sup>10</sup> Sanene, vena kila kiena kia imi ve keviu manene laa sane, netam̄an sane nekekaran malumuena la se tasneu, pona avisu viowa e inu, pona nelual pog m̄arera lala, pona akila kare inu, pona neva nowarpoyo e sur viowa lala, komin naŋa nekilia sane pogos naŋa yepeu malumu, Kristo ga yoko kila nom̄arera.

<sup>11</sup> Suwala! Nesitom̄al ke visena la naŋa nepisayu e yo nini, nepisu sane lelaga,

nepisi sa naŋa nepe wowe paŋisi. Aviewo inu, ana po mēna ga naŋa apisu kilale sane amiu ke narui naŋa akila nepisi sanene. Nesitom ke nesape amiu ke narui yoko asuŋa avisayu ruru inu, naŋa akekarana sur wo la naŋa nekila pan amiu rui, ana peraga, asuŋa apisa kare ruru inu nena ga. Nekilia nesape in na nepe sur korena ga, ana pe nesitom re nesape in na nepiowa taulu nalologena navisokanen taŋena la poli, ana vanon ya ne asuŋa amieluar la sanene?

<sup>12</sup> Popon asitoŋal si sur la naŋa nekila likan amiu, naŋa pisawal inu sape in ke narui nepe nalologena lelaga. Sila ga, kiau sitomena piavi ruruia vena yuŋiae malumu amio amiu, a nekila amiu apisu kile lala, amiu sur nailanena lala, amio kile lala na nanareraena kiena ne Ntewa.

<sup>13</sup> Nekila sur make ga pan amiu po paŋisi, maran taaga e ya naŋa nekila pan suŋiare taŋena lala, ana la pe apismumun re sur tai poli, ana amiu na apis liu wa. Sur ga tai naŋa nekila nemio la ana pe nekila re nemio amiu poli, pe nepiun amiu re poli nesape avisuar inu pona ailla inu, sa naŋa la akila, ana pona nane nekila pal e nene yo? Visae ve sanene, aviewo inunia, komin naŋa visae pona neviun ga sur ve moki vetan amiu vera na yoko akekarana in ga na wa?

<sup>14</sup> Pogaga, nagane narui nesuŋa nekila ruru ke nesape neiŋasu nevisu amiu sina, naŋa kana yam telu ne narui. Nepisaar nesape yoko ve nekila re yuŋaena van amiu, komin naŋa ve neiŋasun re vena kiamiu sur la iila inu, a neiŋasun vena neiila amiu. Nanene sane ata lala a auya lala amio narila lala, naŋa pe yuŋaena kiena re nin sisi la poli naŋa avisuar kiela yermarua lala, ana yermarua ke la narui monar avisuar ruru narila lala,

<sup>15</sup> ana visae sanene, in na nekekarana ga naŋa nekiana make kiau suria, amio mēna kiau malena, vena iila amiuna. In na nekilia nekila sanene komin naŋa sineu sii amiu manene paŋisi, ana nemloge piowa komin naŋa nepisu sane pog naŋa kiau sinesiena e amiu suŋa pa manene ke metava, ana kiamiu sinesiena e inu suŋa pito lilue ke ga tano.

<sup>16</sup> Nepisa nanene komin nemloge visena taŋena e amiu. Asuŋa apisu kilale ke asape pogos naŋa nesike nemio amiu, pe nekila re yuŋaena tai mārera pan amiu ve navisuarinena poli, a pe nakan re nena kamiu kilavaru poli, ana sitomena tai teke ga e amiu wa. Amiu apisa apisape in na nepe manmarua po e lepas nakilakotaliaen yaru, ana asitom ke asape nesuŋa nekila vinaun ke mrapa na visa kotalia amiuna vanon kiamiu sur lala.

<sup>17</sup> Ana pe sa re nena nene poli ŋisa. Asitom ruruli la naŋa nepitetalia la apinās pun amiu. Apisu naŋa akila kare amiu e sur tai, pona aŋar kiamiu sur laŋasa pe kiau? Pe nesitom re poli.

<sup>18</sup> A sanapen mēna pogos naŋa nomārerana Taetas sane naga amio kieta puruvi taŋena nene, lalua monar aŋalivin amiu? Apisu naŋa lalua akilakokanin ga naŋa awar kiamiu kilavaru laŋasa? Peraga, komin imimi sane ŋegas taaga ga, naŋa Ninuna taaga ga sike e imimi, a mesuŋa metaveve mrapa na yuŋaena taaga ga, naŋa pe mesitom re nena naŋa nakilaen yuŋaena kiena Suŋe vena mowar sur laŋasa ve kiamimi.

*Pol sitom manene paŋisi sape pogos naŋa va gar Koren yoko ve sanape?*

<sup>19</sup> Nesuŋa nepisayu ke kiau yuŋaena la sanene, pona asitom ke asape noŋikeyon nekilalua kiau kia va metava e maramiu yo vena ve asitom re si viowa e inu. Ana peraga, in na pe nesitoŋal inu re poli, ana nesuŋa nesitoŋal amiu ga, a visena la naŋa nepisa, nepis sane yar kiena Kristo tai, e marana Ntewa, vena iilaen kiamiu malena.

<sup>20</sup> Nepisa visena la nene komin nemarau paŋisi sane pe pon re naŋa nomalivin si amiu poli, ana nevisu naŋa amiu asike e yo tai naŋa piowa paŋisi e kiau sitomena, a nemarau mēna ga sa ŋisi yepemiu mavin inu. Visae ve sa nene kilia kila sane teveveyun ita, pona tesitom ita viowa, pona sineta kar ita, pona ve tesitom re si yar taŋena ana tesitoŋal ita ga veve taaga. E pogos la ne sanene, yar kilia viueli, kilia vismumun yar taŋena, kilia vis vilave, a kilia mēga manene mēna ga. Visae va sanene, ana viowa narui.

<sup>21</sup> A nemarau manene mēna ga sane pogos naŋa nowasuŋe si neim pun amiu la nene, yoko nevisu kiau yuŋaena lala e amiu sane aviowa ruru make nenaga. A visae ve sa nene, yoko kila inu nemawan Ntewa vaŋisi, yoko kila inu neloge sane naga mligan inu nepito tano keviu paŋisi e maramiu. Ana nepisu sane yoko monar ve sa ga nene narui, komin pupia mlamulena viowa naŋa amiu laŋasa asuŋa akila ke ne naga pe ŋelaga na kororaki na kolau naŋa kilaro navisaluaena naŋa Ntewa mligan pa yermēne amio sira vena atavevea, a pe apilon la re nena ea ŋisa, ana amiu ataŋan ga naŋa la asuŋa akila.

## 13

*Visena maro na weŋe laena*

<sup>1</sup> Erau lala, sa naŋa nepisa ne, nanene yam telun naŋa nemialoro naŋa yoko nekila vena neimi neyalial li rīa amiu, a

pona yoko yam ve telun naŋa nevisi van amiu komin napiowaena nene. Nanene kila narui nesitorŋal visena tai na Tus Wa naŋa pisa sanini, sape

*"Pogos naŋa apa kumali apis pa yar tai vanon mlamulena viowa tai, monar yar ve lua pona ve telu naŋa akilia avisawal mlamulena viowa nene, vena kila sane avisu sane lelaga."*  
Naw 19:15

<sup>2</sup> Nesitorŋal nene komin pogos naŋa nepim ŋesan noŋarpoyo pun amiu yam lua nanua sumo ne, nepis nemio amiu la naŋa akila mlamulena viowa nene, nanene naga pogos naŋa nekila ŋesania. A nagane nesuŋa nepis ke sina ga yam lua pan la e mŋaki nini, a visae neim nevis sina, naga nene kila kana yam telu nena. A sineun nesape nevisa van la nene, amio la naŋa asike e yepas nela, visae neiŋasu nevis sina, nanene yoko ve nasineyeena to re si e inu narui, yoko nelipere la e nakoena mŋarera tai.

<sup>3</sup> Amiu asuŋa apisa ke asape popon nekilogila inu towe mŋaga sane ve lelaga naŋa Kristo suŋa pis ke ŋarpoyo e kiau visena lala, ana visae sinemiun sanene, popon aim ayagogon inu e poglis nene, ana yoko avisu ga na wa. Yoko avisu sane pogos naŋa Kristo sinenan kilaen kiena yuŋaena e amiu, naga pe malum re nena ga, ana naga kilia yuŋae amio kiena mŋareraena make ga.

<sup>4</sup> Pogos naŋa amear naga mare e laki torovia, tepisu naŋa tasnena pimi malumu nenaga, ana pogos naŋa suŋalu e marena mali sina, naga pule ruru nenaga e mŋareraena kiena ne Ntewa. Ana imimi mŋena memalumu sane naga, ana pogos naŋa mekila kiena yuŋaena naiila ami- uena, mesuŋa memiyuŋae ke memio mŋareraena naŋa Ntewa taŋan pan imimi.

<sup>5</sup> Sineun mŋena nevisawal nesape nevisu sane amiu asuŋa amlipere inu manene laa, ana sanape narui, taŋatete naŋa amiu ga akilia alipere amiu re sina, sane kiamiu viawaena suŋa mŋarera ke ga wa pona sanape? Avisu ruru amiu, sane asuŋa apisu kilale ke sane Yesu Kristo suŋa miyuŋae ke e kiamiu malena wa, pona peraga? A visae peraga, pona laŋasa asike nena e malena naŋa Suŋe pe su re nena e poli, a pe ape nalelagaena re naŋa pe lelaga poli.

<sup>6</sup> A visae pogos tai visae sinemiun avisu- veve mŋena kiamimi malena, naga pogaga, ana sineun manene paŋisi sane yoko avisu kilale naŋa Suŋe suŋa miyuŋae ke e kiamimi malena ana pe mekila pal re kana nin kinakinas tai poli.

<sup>7</sup> A mesuŋa memlen ke pa Ntewa vena yuŋae e kiamiu malena vena amiu mŋena

ve akila pal re suri tai. Visae ave sanene, yoko kilia kila mŋena kiamimi kia wo, komin imimi ke narui mepian amiu, ana pe memlenwo amiu re poli komin ga kiamimi kia. Visae yar lala avisu sane memiyuŋae piowa sanape, nanene na pogaga, ana kiamimi pupia sitomena, sine- mimin naŋa asuŋa akilalue ga mesmes silaga.

<sup>8</sup> A imimi mŋena ga, sinemimin naŋa kiamimi yuŋaena make ga mesmes ga e visena lelaga kiena Suŋe, ve sinemimin re si kilaen sur tai naŋa welua si kiena visena lelaga vito tano.

<sup>9</sup> Mesuŋa memiyuŋae kiena ke ga, a visae pogos tai kila imimi meim memalumu, mekekanan ga, komin naŋa mekilia mesape pogos naŋa meim memalumu, ana amiu aim amŋarera. Mesuŋa memlotun ke ga na nene, sane yoko asuŋa aimi awo manene silaga.

<sup>10</sup> Sitomena ne nanene kila nesiri mŋaki nene piŋasu pan amiu nagane e pogos naŋa nesike perinan amiu wa. Sineun nesape alogearia, a visae akila, yoko pogos naŋa neiŋasu taŋatete nevis mŋarera van amiu. Suŋe mligan amiu e luŋau vena nevisuar amiu, pe nakila kare amiuen re poli, ana nakila amiuena ava metava. A visae neiŋasu nevisu ve sanape, yoko monar nekila mŋarera van amiu e ga e ya naŋa mesmesun nekila.

#### *Pol pisa pokolemalo pan la*

<sup>11</sup> Erau lala, nepim e kiau visena maro narui, nevisa ga pokolemalo van amiu. Awis, akilali naŋa akila ruru kiamiu mrapa mesmesu. Alogear ruru suri la naŋa nepiun tan amiu. Amiu punu ga ataŋan ga aviranar amiu e sitomena wo tai. Asururu ga e ŋelaga namalumena, ana yoko Ntewa na sinesiena a na suŋarena sike amio amiu.

<sup>12</sup> Pogos naŋa asuŋa avitawe amiu, atalopan ruru amiu, aviran pipimiu e kekarena wa.

<sup>13</sup> Nalelagaena wa lala nae e nini apisa mŋena kiela pokolemalo pan amiu.

<sup>14</sup> Ana kiau leniena nesape yoko lemamiena kiena kieta Suŋe Yesu Kristo, amio sinesiena kiena ne Ntewa, amio paŋagena kiena Ninuna Wa, asike amio ita make ga.

Inu na, Pol.

## Maki Naña Pol Siria Pa Pan Li Nalelagaena Wa Lala Nae Garu KALESIA Visayuena Na Tusi Nene

*Komþasnen suniena plas na tusi nini*

Kalesia naga lepas keviu tai naña mēke vatanon Parin Suþe nae Rom, a mēke e purvanua naña nagane kiena kia Teki.

E pogos naña nalogena kiena Yesu la asiaria vena ava alogon kiena lologena wo, yaru la naña pe ape lus nae re Israel poli lala akekanan lologena wo nene paþisi.

Ana yaru laþasa asuñaga, naña e kiela sitomiena lala, asape visae yaru tai sine-nan sape naga imi ve yaru lelaga nalelagaena kiena ne Yesu, naga monar taveve ke navisaluaena marua lala naña sumo na Ntewa mila pa Mosis. Ana Pol pis mārera kawē sitomiena nene, pisawoia sape þelaga nene pe mesmesu re nena. Naga pisawal merarava sape visae yaru naña sinenan tolen maliena e Kristo, purþesnen suri nene na sanene, naga monar lelaga ga e Kristo. E ga e þelaga nene, yaru makega akilia aimi amesmesu e marana Ntewa.

Ana e suñiare lala e pulkumali lala nae lepas nae Kalesia, yaru laþasa apimi akawe Pol e visena lala, apian li-nalelagaena lala asape visae yaru tai sine-nan sape imi mesmesu e marana Ntewa, naga monar taveve ke navisaluaena lala kiena Mosis.

Maki nini, Pol siria pan la naña asuñā ataveve ke vianena nene naña pe po re poli, vena urela awasuþe si aimi e lelagaena na lelaga, a e þelaga la naña mesmesu. E kiena maki, naga siar visena, pisawal sape naga kilia vis vanla sanenen komin naga puarar yuñāena sane nalologena kiena Yesu Kristo, a li na lelagaena lala e yo pinuga apisukilia naga sanene. Naga pisa maga sape pe yaru la re apisa pania asape imi ve nalologena tai poli, ana Ntewa ke naña pisirlua naga narui, pio naga vena visawalen lologena wo va yaru la naña pe ape lus nae re Israel poli. A naga pisa luwega visena na kawēena vianena viowa la nene, naga sape lelagaena kiena yaru ga kilia kila yaru mesmesu e marana Ntewa. E maran tusi maro na maki nini, Pol kila meraravan sape þelaga wo naña li nalelagaena la asuñā akila, molue kome þelaga naña yaru sinensi wenlai a vinena, komin nanene nauī naga þelaga po na malien kiena ne la naña amlelaga e Kristo.

*Komþasnen tusi la na nini*

Visena nasumo 1:1-10

Nañareraena sike e Pol komin naga pe nalologena tai 1:11—2:21

Ntewa suñā mila ita e kiena lemamiēna 3:1—4:31

Li nalelagaena la apimi po, ana kiela yuñāena suñāga 5:1—6:10

Visena maro 6:11-18

*Pol siar kiena visena pan la*

<sup>1-2</sup> Inu Pol nesiri maki nini piñāsu pan amiū, amiū þegas nen li nalelagaen lala garu laþas nae Kalesia, a inu nemio kieta wolai lala nae e yo nini, imimi mepiun tan amiū mesape sanape amiū asuñā pogaga pona amiū asike sanape? Inu nena nini naña Yesu Kristo, amio Ntewa Arimata, naña naga pisirlua sina ga Yesu e marena, lalua ne na nene lalua amligan inu nepe yaru nalologena, ana in na sanene, pe yaru re naña pio inu poli, a pe yaru re mēna ga naña naga mligan lua inu sanene poli. Ee, amiū na monar ayagogon ya naña nevisawalia.

<sup>3</sup> Inu sineun nesape Ntewa Arimata amio Suþe Yesu Kristo, lalua amligan lemamiēna amio suñāre sike e amiū.

<sup>4</sup> Yesu Kristo, naga kila mesmesu sa naña Ntewa Arimata naga sinenania, naña naga tañan naga mare vena war plan kieta mlamulena viowa lala, vena kilia werelua ita e mlamulena viowa naña tesike ea.

<sup>5</sup> Vanon sur ne na nene, þisi na ita teyeluar manene kia kiena ne Ntewa nene va metava silaga, vano vano taþatete þisi. Sanene.

*Lologena Wo, taaga ga*

<sup>6</sup> Inu nemilan amiū paþisi, naña Ntewa naga pio amiū rui, a Kristo kila po pan amiū paþisi rui, ana pe e re ga e pogos nene poli ana amiū asuñā aþure ke sina ga petan Ntewa, naña amiū asuñā ataveve ke sina ga visena tai naña sane lologena wo taþena tai.

<sup>7</sup> Ana taþatete si lologena wo taþena tai ve sanene, komin naña lologena wo taaga ga nene naña sike na. Inu nemloge apisa sanini, vanon naña yar laþas naña akila ke sinemiū la pilovilopuia, naña la sinelan avilopu lologena wo kiena ne Kristo imi ve taþena.

<sup>8</sup> Ana visae imimi yaru tai, pona navisi nae peni tai, pona a re mēna ga, naña naga lologon nalologena wo tai, naña pe toroki re amio naña imimi mepisawal pan amiū sumo rui, ve sanene popon manene naña yaru nene akoven vitove e lele na logeen viowa.

<sup>9</sup> Ee, in na nevisawal ke sina ga nene, van amiū narui, nesape visae yaru ai naña



pisawal visena na lologena wo tařena tai pan amiu sumo rui, nařa pe tařenan lologena wo nene nařa amiu amla řisi rui, ana řisi na yaru nene naga monar ala nakoarena viowa vania e kapi.

<sup>10</sup> In na nekilia nesape yaru lařasia apisa kare inu yam mok rui, apisape in na sineun ga nesape yaru lala aloge wo e kiau visena lala, ana amiu amloge kiau visena řarera nene sanape? Pona yoko yaru lařasia sinela kar inu yo, ana pogaga, komin nařa ya ne in na sineunia, in na sineun ga nesape Ntewa, naga kekaran kiau visena, komin nařa visae in nemlologon ga vena yaru la aieluar inu, ve sanene in na pe nepe yar lelaga na yuřaena kiena ne re si Kristo poli narui.

*Pol pisayu nařa Ntewa pio naga*

<sup>11</sup> Wolai lala amio vineu lala, popon nevisa meraravan van amiu, sane, lologena wo nene nařa nepisawal ke ne, naga pe visena re tai nařa yar la asiar poli.

<sup>12</sup> In na pe nemla re lologena wo nene tan yaru tai poli ana pe yar re tai nařa pian inu e poli, peraga. Ana Yesu Kristo naga ga kipian ruru inu e lologena wo nene merarava.

<sup>13</sup> Nanene na sa nařa amiu amloge rui, nařa kiau namalena nanua sumo na sanape, e pogos nařa in na nesike loyurřa e lotuena kiamimi imimi le Yu lala. E pogos nene, inu silaga sineu kari luen ga řegas nen nalelagaena lala kiena ne Yesu, ana nemene la nekila kare la nařa pe nesitom la re nena poli, komin nařa sineun nesape nalelagaena la ne sanene na monar toko ga.

<sup>14</sup> E pogos nene, netaveve ruru řelaga na lotuena kiamimi imimi le Yu lala, taulu yaru tařena lala nařa imimi na sane teras taaga, a inu nepuarar visena marua lala kiena ne repimimi la řarera, nařa kiamimi apua le Yu lala nařa asuřa ataveve pimi tol nanagane.

<sup>15</sup> In na nekila ke sanene pano pano-o, ana inu pe nekilia re nařa nesape Ntewa naga pisaar inu řisi rui, e pogos nařa in na pe nepaeme re poli wa. Ana e ga e kiena lemamiena, naga pio inu vena neve kiena, a e kiena sitomena wo,

<sup>16</sup> naga kila narina řalivin inu vena nevisu kilale naga, vena nevano nelologon Yesu nene van la nařa pe ape Yu re poli. E pogos nene, ana pe nepa re nepisu yaru tařena la řas poli vena nela nakiliaena lařas tan la e lepas na lologena wo nene,

<sup>17</sup> a pe nepa re řena ma Yerusalem poli vena nevisu nalogena la nařa la ape nalogena sumon inu vena neviun tan la

nevisave “?Pisi na nelologon ya ne, pona nevisawal visena ve sanape?” Peraga, pe nepa nepiun re sanene poli, komin nařa Kristo naga kila make sur la nene merarava pan inu řisi rui. E pogos nene in na nemligan la vilaga, nepa perina pařisi e purvanua nařa Arepia, a sirauria neřasuře ke sina ga nepimi, nepa yalensilau ga nepa garu e pulkumali nařa Tamřaskas.

<sup>18</sup> Siraun nařa kas telu řarovia, ana e pogos ga nene narui in na nepa si ma Yerusalem. Nepa ma Yerusalem nepa nakaten Pita, ana pe nesu re nemio naga piavi poli, ana nesuřa nemio tol ga legiena lualima taaga pa lima.

<sup>19</sup> A e pogos nene, in na pe nepisu re řena nalogena tařena lařas poli, ana nepisu ga kiela nasumonena naga taaga, nařa Semes nařa naga wenla kieta Suře.

<sup>20</sup> Naga nene narui, ya nařa nepisa ke pan amiu, naga lelaga pe nepisokan re nene poli, Suře kilia řaga.

<sup>21</sup> Sanene narui, inu nesike ma Yerusalem pe piavi re nena poli, a siraun nene, inu nepa nemial vivia lepas lua nene nařa Seria amio Silisia,

<sup>22</sup> kila sanene narui e pogos nene, nalelagaena lala nae ma e lepas tařena nařa Yutea, amio kana pulkumali keviu nena nařa Yerusalem, la nene pe akilia ruru inu re poli wa.

<sup>23</sup> La amloge ga ya nařa yaru la asuřa apisa ke, nařa apisape, “Yaru nene nanua sumo naga řene kare ita pařisi, naga suřa kilali nařa kila kare kieta nalelagaena, ana nanagane naga suřa mlologon ke řarera e kieta nalelagaena nene pařisi.”

<sup>24</sup> A komin suri ne nanene, la asuřa amieluar Ntewa keviu nařa naga pilon kiau malena sanene. Ana la asuřa apisirilua kia kiena ne Suře vanon inu.

## 2

*Nalologena tařena lala apiran ruru amio Pol*

<sup>1-2</sup> Siraun kas lualima taaga pa vari řarovia, ana Ntewa pisa pan inu sape monar neva si ma Yerusalem. Nemloge Suře pis sanene narui, ana imimi lua Panařas, imimi lua mepavini, a nepure řena Taetas pimi taveve imimi lua. Metol ma Yerusalem, ana metotano e viorena tai, memio nasumonena lala na suřare nařa la ga apimi loyurřa ea. E viorena nene, nepisawal visena lala nařa inu nemlologon ke pan yaru la nařa pe ape le Yu re la poli. Inu nepisayu ruru sur punu ga

naña nekila pan la, komin naña pe sineun re nesape yoko la asitom avisave in na pe nemiymñae mesmes re poli, ana pe pon re avisa kare kiau yurñaena imi tol pogos nini poli, ana kila sane kiau yurñaen nanene imi ve sur korena ke sina ga.

<sup>3</sup> Sumo in na nomape pona p̄isi na la añareran van inu, vena nevisa nevisave yar la naña pe ape le Yu re poli la m̄ena ga monar ave p̄aviu. ?Ana viorena nene pisa sur ya? E lepas na kiau erau nene Taetas, naga pe nae re Yu poli, naga yaru nae Kris tai, naña naga pe pe p̄aviu re poli, ana la pe apirurua re naga asape naga monar ve p̄aviu poli.

<sup>4</sup> Ana e viorena, yaru lañas naña sinelan asape Taetas naga monar ve p̄aviu, ana nepisu yaru la nene sa naña la apisa apisape ape kieta wolai lala, ana la apisokan ga. La nene la apimi vinau ga loyurña e viorena vanon la sinelan ga visu imimiena, naña imimi mepian ke mesape imimi mepimi mepe taaga memio Yesu Kristo rui, ana p̄elaga marua la nene pe piar imimi re si poli ana imimi mōp̄isin rui. Ana la nene pe akekaran re nena kiamimi visena nene po, la sinelan asape akila navisaluaena la nene na lotuena kiena ne le Yu lala monar aviar punu ita m̄aga.

<sup>5</sup> Ana imimi pe metañan re naña la ato metavan imimi poli, vanon naña imimi mesitom pāp̄isi naña mouarar ruru visena na lelagaena na lologena wo nene, vena p̄isi na amiu atol ruruia.

<sup>6</sup> Ana e viorena la p̄asia naña yeririna la apisape ape kiela nasumonena la asuñña, ana inu pe nesitom re nesape la ape yerkawa pona la pe ape yerkawa re poli, nanene na pe sur re tai nene poli, vanon Ntewa naga sitom korena ga kia la ne sanene. Ana nasumonena ne la nanene, pe la apian inu re e sur viu tai poli vena nelologonia.

<sup>7-8</sup> Peraga, pe sa re nene poli. La apisu kilale ga asape Ntewa, naga e kiena puriukawa, naga mligan inu nepe yaru nalologena tai, vena inu nevisawal lologena wo van la naña la pe ape le Yu re poli, sa naña e kiena puriukawa m̄ena ga, naga mliganar Pita p̄isi rui, vena naga ve nalologena tai vena naga m̄ena ga visawal nalologena wo va le Yu lala.

<sup>9</sup> Ana Semes amio Pita a Yoane, naña yeririna lala la apisa apisape la telu nene la ape kiela nasumonena, la telu nene la apisu kilale naña Ntewa naga mligan yurñaena wo nene e luñau e kiena lemamiena. Ana la telu nene la apim atalopan imimi lua Panañas, sa naña imimi mepe p̄egas taaga memio la, ana imimi punu ga metañania vena imimi mevion yurñaena lala, sa naña sane imimi lua

meva melogon e yo kiena ne yar la naña la pe ape Yu re poli, a lala na yoko la alogon e yo kiena ne le Yu lala.

<sup>10</sup> A la nene amla ga visena taaga ga pan imimi, asape imimi lua monar mesitoñal kiela yar la naña pe kiela sur re poli, vena meila la, ana nanene, naga sur tai naña e pogos nene in na nekekaran p̄isi rui vena neyurñaen ve sanene.

*Pol pis m̄arera pa Pita vena visaluñar naga*

<sup>11</sup> Siraun na nene, inu nepito ke sina ga nesike garo e pulkumali nene Antiok, ana pogos naña Pita m̄alivin imimi e yo nene, nesuñalu e marana ne nalelagaena lala, nepisaluñaria, vanon naña merarava ruru nena po naña ya ne naga kila, ana pe mesmesu re poli.

<sup>12</sup> Nanua sumo, Pita kila mesmes ga naña naga sumo kinana ke ga amio kieta wolai lala naña la pe ape le Yu re poli, ana siraunia, Semes mligan kiena yeririna la p̄asia apim gar Yerusalem, ana la apis pa Pita, apisa apisape “La naña pe ape le Yu re poli, la m̄ena ga monar ave p̄aviu, ana visae peraga, Ntewa naga tāpatete tamalia la.” Visena nene naga pe taveve re nena ya naña viorena keviu naga pisa p̄esan poli, ana kila kare sitomena kiena ne Pita kila naga marau, ana naga pe kekaran re si su lele taaga amio nalelagaena la nene naña la pe ape p̄aviu re poli.

<sup>13</sup> A pe Pita re ga naga taaga poli, ana kieta wolai m̄ena la nae e yo nene, naña la ape le Yu, pimi tol m̄ena ga Panañas, la nene ataveve m̄ena Pita e sitomena na marauna nene.

<sup>14</sup> Ana pogos naña nepisu la nene asuñña amial ke e m̄rapa tai naña pe mesmesu re amio ya naña lologena wo pisa poli, inu nepis m̄arera pa Pita e marala, ne pisa sanini nepisape “Pita, lelaga kemua naña ko ope le Yu tai, ana po pāp̄isi ana ko osuñña naña nanua sumo rui, naña okekaran m̄ena ga p̄elaga kiena ne yar tāp̄ena la rui, naña ko okinana ga lele taaga amio la p̄isi rui. ?Ana sanapen nanagane narui, naña ko osape om̄areran ke sina ga la nene naña la pe ape le Yu re poli opisape la monar ataveve kieta p̄elaga ita le Yu lala, naña opisape la m̄ena ga la monar ave p̄aviu ve sa ke ga ita?”

*Yaru ai naña piawa e Yesu, Ntewa tamalia naga*

<sup>15</sup> A e pogos nene, in na nepisa ruru pan la sanene nepisape, “Ita punu ga na, ita tepe lus kemua kiena ne le Yu lala. Ita na pe tepe yaru tāp̄ena re la poli, sane la naña le Yu la moki asitom asape ape kororaki ga.”

<sup>16</sup> Peraga, ita tepe le Yu kemua lelaga, ana nanagane, ita tekilia rui, sa naŋa yaru taŋatete mesmesu amio Ntewa, vanon naŋa naga suŋa taveve ruru ke ga navisaluaena kiena ne Mosis. Yaru ga naŋa naga mlelaga e Yesu Kristo, naga ga kilia mesmesu amio Ntewa. Sitomena nena nene narui kila ita le Yu lala ita mēna ga monar telelaga ga e Yesu vena ita mēna ga temesmesu temio Ntewa. Ana amiu monar akilia ruru visena nene naŋa Visena Wa kiena ne Ntewa pisa, naŋa pisa pisape pe yaru re tai naŋa naga kilia mesmesu amio Ntewa poli vanon naŋa naga suŋa taveve ruru ke navisaluaena nene.

<sup>17</sup> Ana ita le Yu lala, ita tesitom ke tesape temesmesu temio Ntewa narui, ana pe sa re nene poli. Ana visave lelaga kemua naŋa ita tepe le Yu mēna ga, ita monar telelaga ga e Yesu Kristo vena ita temesmesu temio Ntewa, in na nesitom nesape pona yaru laŋasia amloge piowagan visena nene, pona la apisali naŋa apisape visena nene kila sane ita le Yu lala ita tepimi tepe yaru lala na mlamulena viowa maran taaga ga temio la naŋa pe ape le Yu re poli. Ana pona akilali mēna ga naŋa apisape ve sanene, nanene naga kana kinasia sane Kristo ke nene narui naga kila ita le Yu lala ita tepimi tepe yaru na mlamulena viowa ga. Ana peraga, pe sa re nena nene poli.

<sup>18</sup> Nanene vanon nanua sumo, in na nesuŋa nekilaroro ke ŋelaga marua lala navisaluaena nene rui, ana visae nagane nevisirlua ke sina ga ŋelaga na taveveen navisaluaena nene, naŋa nesape ita monar teve ŋaviu a ita monar tekila ve sanene vena ita temesmesu temio Ntewa, naga nene kila sane nanua sumo in mēna ga nepe yar na kilaroen navisaluaena narui.

<sup>19</sup> Lelaga, Navisaluaena nene naga sine-nan pisape kila inu nemare, vanon naŋa nekilaroro ke navisaluaena lala. Ana nanagane Navisaluaena nene naga sa ga sur mare ga tai e inu, inu neŋisin naga rui. Nemligan Navisaluaena nene rui, vena kiau malena su ga e Ntewa narui. Sa naŋa asuar inu e laki torovia nemio Yesu, nemare nemio naga,

<sup>20</sup> a nanagane sa ga naŋa pe in re si naŋa nemal ke ne poli, ana Kristo na mal ke e inu. A kiau malena nanagane, naga komin naŋa nepiawa ke e Narina Ntewa, naŋa naga sitom inu paŋisi, naga taŋian kiena malena, naga mare wo inu.

<sup>21</sup> E ŋelaga nene, tepisu naŋa lemamiēna kiena ne Ntewa keviu paŋisi, ana in na taŋatete naŋa nekila kiena lemamiēna imi ve sur korena tai, komin naŋa visae yar tai

kilia mesmesu kemua amio Ntewa vanon taveve navisaluaena, nanene sane Kristo mare kemua na pe suri korena ga.

### 3

#### *Le Kalesia lala akilalu mrapa*

<sup>1</sup> In na nepisu amiu le Kalesia lala sa ga naŋa ŋarimiu pe wowe pa rui. ?Pona yaru laŋasia akila male e amiu yo, ana nane amiu apa akila pal mrapa sanene? Inu nepisawal ruru merarava e maramiu ŋisi rui, sanape naŋa Yesu Kristo mare e laki torovia, a nanagane narui amiu apano ape taŋena narui.

<sup>2</sup> In na sineun nesape neviun naviunena tai van amiu sumo wa. Naviunena ne sanini, sape “? Amiu nene, naŋa amla Ninuna Wa nanua sumo rui, Ntewa mla pan amiu vanon ya? ?Amiu amlavia komin naŋa amiu amlogear navisaluaena la nene kiena ne Mosis?” Peraga, amiu amlavia komin naŋa amloge nalologena wo, ana asuŋa amlelaga ea.

<sup>3</sup> Sumo, amiu asiar malena viu amio Kristo e namareraena na Ninuna ne Ntewa, a nanagane asitom asape aŋisin ga e kiamiu namareraena ga? !Taŋatete ve sanene, peraga! !Amiu asuŋa apa ape wowe la narui!

<sup>4-5</sup> E kiamiu namalena viu nene, suri wo la moki naŋa pimi mālivi e amiu rui, sa naŋa Ntewa naga mla ke kiena ninuna pan amiu, a naga suŋa kila ke kile lala e maramiu, ana sanape, pona amiu na pe apisu kilale re poli yo wa sa naŋa sur la nene apimi e amiu komin ya. Amiu monar akilia ruru sa naŋa Ntewa naga kila ke sanene, pe komin re naŋa amiu amlogear ke navisaluaena nene poli, ana komin naŋa amiu amloge ga lologena wo, ana amiu amlelaga ea.

*?Ya ne po? Navisaluaena, pona navi-awaena e Kristo?*

<sup>6</sup> Amiu asitom li yermarua Epraam, naŋa Visena Wa kiena ne Ntewa pisayu naga, pisape

*“Vanon naga piawa e Ntewa, ana kila naga mesmesu amio Ntewa.” Nas 15:6*

<sup>7</sup> Ana yaru taŋena la naŋa apimi sirau naŋa la aŋasine Ntewa sanene, la ape lus kiena ne yermarua Epraam kemua la lelaga.

<sup>8</sup> Ita tekilia tevisu e Visena Wa naŋa lologena wo nene naŋa ita tesuŋa temlelaga ke e nanagane, Ntewa naga pisawal nanua sumo la rui, pogos naŋa pisa pa Epraam pisa pisape

*“E ko ŋisi na Suŋe kilia visa ruru lus kiena ne yeririna lala na yomarava nini.”*

Taveve visena nene, Visena Wa kiena ne Ntewa pisaar mēna ga rui pisape p̄isi na Ntewa kilia kila yaru lala naḡa pe ape le Yu re poli a mesmesu amio naga, visave apiawa e naga.

<sup>9</sup> Ana la naḡa la apiawa ke e naga sanene, ana kana kinasa sa naḡa Ntewa naga pisa ruru la ke nanagane, sa naḡa naga pisa ruru Epraam sumo, komin naḡa naga piawa e Ntewa.

<sup>10</sup> Ana la naḡa asitom ke asape yoko akilia atol malena komin naḡa la asuḡia akilali ke naḡa alogear navisaluaena lala, la nene la asike vatanon naliḡereen tai rui, komin naḡa pe yaru re tai naḡa mlogear make navisaluaena la nene poli, a Visena Wa kiena ne Ntewa pisa pisape,

*“Yaru la naḡa la pe amlogear re sur la punu ga naḡa asike e tusi navisaluaena poli, la monar atol nakoarena.”*

<sup>11</sup> Sanene narui ana merarava ruru pan ita naḡa yaru taḡatete imi mesmesu amio Ntewa komin naḡa naga logear ga navisaluaena nene ana sa naḡa Visena Wa kiena ne Ntewa naga pisa naḡa pisa pisape *“Yaru naḡa naga mesmesu amio Ntewa komin naḡa naga piawa e Ntewa, naga ga kilia mali.”*

<sup>12</sup> Visena ne na nene naga pisayu ḡelaga naviawaena, a ita tekilia tevisu naḡa ḡelaga kiena ne naviawaena nene amio ḡelaga na nalogearena e navisaluaena, lalua pe maran taaga re nenaga. Nanene komin naḡa ḡelaga na logearena Navisaluaena, naga suḡalu se lepas na suri la punu ga naḡa yaru ga kilia kila sa naḡa visena wa pisa, naḡa pisape yaru ga naḡa kila punu sur la naḡa navisaluaena pisa, naga kilia tol malena ea.

<sup>13</sup> Ana komin naḡa ita na pe yaru re tai naḡa naga kila punu sur la naḡa navisaluaena nene pisa poli, ana Navisaluaena nene naga pisaar nakoarena amio marena pan ita punu ga. Ana Kristo naga pitomi narui, ḡurelua ita e naliḡereena nene, taḡan naga kus leleta, ana naga pa sike vatanon naliḡereena nene, naga nene na sa naḡa Visena Wa pisa, naḡa pisape

*“Yaru naḡa apiar naga atelania mon metava e purlaki, vena mare komin naḡa naga sike vatanon e naliḡereena kiena ne Ntewa.”*

<sup>14</sup> Kristo taḡan naga sanene, vena la naḡa pe ape le Yu re poli, la mēna ga akilia atol navisa ruruena la nene naḡa Ntewa naga pisaar pan Epraam, ana suri nena nene kila sane nanagane ita naḡa tepiawa m̄arera e Kristo, ita tekilia tela Ninuna Wa nene naḡa Ntewa pisaaria pisape la van yeririna lala.

*Navisaarena pimi sumo, Navisaluaena naga pimi sirau*

<sup>15</sup> Wolai lala a vineu lala. Yoko nevisa suniena tai e ga e kieta malena naḡa kana kinasa pa lavisin ga navisaarena nene kiena ne Ntewa naḡa pa Epraam. Visae yaru tai visawal maron kiena visena, visave pogos naḡa nemare, yoko kiau sur lala naga monar ve sa nene ve sa nene, ana naga siriar kiena navisaarena nene sike e m̄aki tai, ana pogos naḡa visave naga kovio, la taḡatete avilopu kiena navisaarena nene.

<sup>16</sup> Pogaga, ana sanene, Ntewa kila kiena navisaarena pa Epraam, a e kiena lusia. Ana e visen nene pe pisa re pisape Ntewa naga kila kiena visaarena e “Lus kiena ne Epraam la poli,” naḡa kana kinasa sane yeririna moki, naga pisa sanini, pisape “E kiena lus tai,” naḡa naga pisa sane yaru taaga ga, a yaru nane, naga Kristo.

<sup>17</sup> Kiau visena e lepas nene kana kinasa sanini nanua sumo Ntewa naga pranaria amio Epraam, a Ntewa pisaar pisape uarar kiena naviranarena lalua nene m̄arera. Ana sirautia kas ponotia vari lualima yam telu ḡarovia p̄isi rui, ana navisaluaena kiena ne Mosis pimi m̄alivi ana navisaluaena nene naga taḡatete kilaro naviranarena nene naḡa sike pa rui, taḡatete si kilia yumulua naviranarena kiena ne Ntewa.

<sup>18</sup> Ana visae ita tekilia tetol navisa ruruena lala kiena ne Ntewa komin naḡa ita tesuḡia tetaveve ke ga Navisaluaena nene, naḡa naga pe sur tai naḡa pimi ga sirau, nanene naga kana kinasa sa naḡa navisaarena kiena ne Ntewa nene naḡa su la nanua sumo rui, naga pimi korena ga. Ana ita tepisu naḡa Epraam naga tol navisa ruruena lala kiena ne Ntewa nene, komin ga naḡa naga ḡuarar ruru navisaarena kiena ne Ntewa, pe komin re Navisaluaena poli, komin e kiena pogosia, Navisaluaena pe pimi m̄alivi re poli wa.

*Navisaluaena naga kiena yuḡaena suḡia ga*

<sup>19</sup> Poga, ana pona kana naviunena toḡia ga, naḡa pisa pisape “?Ve sanene, Ntewa mligan Navisaluaena kiena ne Mosis nene pe na ya pona komin ya?” Pogaga, nevisa van amiu narui, sanini, Suḡe naga mligan ke sina ga Navisaluaena nene to metavan kiena naviranarena, vena iila ita yeririna lala tekilia tevisu kilale kieta mlamulena viowa lala. Ntewa mligan navisaluaena nene vena suḡalu su m̄aga, vano vano tol pogos naḡa yar nene naḡa pe lus kiena ne Epraam, naḡa Ntewa pisaar pan imimi pimi m̄alivin ita.

Ana ita tepisu naŕa Navisaluaena naga kiena yuŕnaena wo tanea toŕna ga. Ana ita monar tesitorŕalia sane Navisaluaena nene, pogos naŕa pimi ŕmalivi, kom ŕesan puna ne navisi kiena ne Ntewa lala, sir-  
runia amla pan yaru tai, naŕa Mosis, ana naga mla pimi mla pan yeririna lala. Ana pogos naŕa Ntewa naga kila naviranarena nene amio Epraam, nanene na pe sa re nene poli.

<sup>20</sup> Ana pogos naŕa lalua nene apiran ruru ke kiela visena lele taaga, ana pe navisi re poli pona yaru taŕena naŕa suŕna likan lalua vena la visena, ana Ntewa naga ga taaga naga pisawal kiena navisaarena nene mesmesu e marana ne Epraam.

<sup>21</sup> A nanene naga pe sa re naŕa asape Navisaluaena nene kilali naŕa kalwo navisaarena kiena ne Suŕe poli, peraga. Komin naŕa visae Suŕe naga kilia la si navisaluaena taŕena naŕa visae ita telogear make ga ana kilia kila ita temali, pona naga mligan navisaluaena nene pimi yo rui vena ita tekilia temesmesu temio naga.

<sup>22</sup> Ana pe sur tai sa re sanene poli, komin naŕa Visena Wa pisa ŕisi rui pisape ita punu ga tesike vatanon naŕaraena na mlamulena viowa, ita tesuŕna tekilaro ke ga navisaluaena lala. Ana navisa ruruena naŕa Ntewa pisaar pisape yoko ligan imi, la akilia aimi la aŕmalivi e ita komin ga naŕa ita teŕiawa ke e Yesu Kristo.

*Pogos na wasineen Kristo pimi ŕmalivi rui*

<sup>23</sup> Sumo rui, pimi tol nanagane tekilia teŕiawa e Kristo, navisaluaena kiena ne Mosis nene piar ita ŕarera na ŕisi, sa ga naŕa tesike e yuŕna na koaena rui.

<sup>24</sup> Navisaluaena nene, naga sane pisuar ita, sa ga kieta navianena tai, pimi tol pogos naŕa Kristo pimi, vena e pogos nene, ita tekilia teŕiawa e naga narui ana tekilia temesmesu temio Ntewa.

<sup>25</sup> Ana nanagane, Navisaluaena nene taŕatete si kilia visuar ita, komin naŕa pogos na viawaena e Kristo naga pimi ŕmalivi ŕisi rui.

*Amiu punu ga ave taaga e Kristo narui*

<sup>26</sup> Ana komin naŕa amiu apiawa e Kristo Yesu, ana amiu punu ga amio Kristo ape narina ne Ntewa.

<sup>27</sup> Akee amiu ŕisi rui, ana amiu apimi ape taaga amio naga, sa naŕa amiu akus ŕelaga wo kiena ne Kristo lala e amiu, sa naŕa amiu amien kulsoa lala e yepemiu.

<sup>28</sup> Nanagane amiu punu ga apimi ape taaga ga e Kristo Yesu, suri ne na nene narui, amiu punu ga atorok ga. Popon ita monar ve telipere re si yaru lala, teŕisave

nanene pe Yu, a nanene pe yaru nae ga lele taŕena, pona teŕisave nanene pe yerkaŕa, a nene naga pe yar nayuŕnaena ga, pona sane nanene pe yerŕene, ana nanene naga pe sira ga. Ana ŕelaga nene monar ve to re si e amiu.

<sup>29</sup> A komin naŕa amiu ape kiena ne Kristo sanene, amiu ke la nanene narui amiu ape lus kiena ne Epraam kemua lelaga, a ve sanene, navisa ruruena lala naŕa Ntewa naga pisaaria pa lus lala kiena ne Epraam, ŕisi na amiu ke narui amiu akusia.

## 4

*Ita tepe narina ne Ntewa*

<sup>1</sup> Ana ŕisi na nevisa re laa e kieta ŕelaga nene sane vena nevisa ruru laa merarava sane e lepas nen Navisaluaena nene. Visae yaru tai, ana naga mare, ŕisi na narina naga kus kiena suri lala. Ana visave nisisi nene vitokaki ke ga wa, ŕisi na naga taŕatete kilia visuar sur la nene. Naga sa ga yaru na yuŕnaena kiena ne ariman ga,

<sup>2</sup> naŕa ŕisi na naga monar suŕna ga vatano e liman yaru taŕena ga lala, sane arimana taŕena la nene, vano vano tol mesmesun nena pogos naŕa arimana naga pisawal sumo rui, pisape naga kilia uarar sur la nene e pog nene.

<sup>3</sup> E ŕena ga e ita sanene, naŕa sumo, ita na sa ga nisisi, naŕa ita kieta sitomena lala sike ga vatano e yermare lala na sumo na yomarava nini.

<sup>4</sup> Ana pimi tol ruru kana pogos nena, Ntewa naga mligan narina pimi, naŕa sira tai naga ŕaria, paeme e yomarava nini, naŕa naga paeme vatano e Navisaluaena kiena ne le Yu lala.

<sup>5</sup> Naga paeme vatanon Navisaluaena nene, kapur ea, vena naga kilia wereplan imimi la naŕa la asike vatano e Navisaluaena nene rui, vena Ntewa kuslua ita, teimi teŕe narina lala.

<sup>6</sup> Ana nanagane, sa naŕa ita tepim tepe narina lala, naga mligan Ninuna kiena ne narina pimi e losinetu lala, naŕa kila ita tekilia teŕio Ntewa, teŕisave "Ata Ata."

<sup>7</sup> Komin sur ne nanene, amiu na pe sa re si yar na yuŕnaena ga la poli, ana amiu na ape narin Ntewa kemua lelaga, naŕa ŕisi na naga la suri wo van amiu sa naŕa naga pisaar pa narina lala pisape ŕisi na la akusia.

*Pol sinena mie le Kalesia lala*

<sup>8</sup> Nanua sumo, pogos naŕa amiu pe akilia re Ntewa poli wa, amiu asike ga vatanon naŕaraena kiena ne yermare la nene naŕa pe ape Ntewa re nenaga,

<sup>9</sup> ana nanagane, amiu akilia Ntewa ĩisi rui, pona popon nevisa nevisave nanagane, Ntewa kilia amiu rui. Ana inu sineun nesape neviun tan amiu, nesape komin ya ne amiu sinemiun awasuĥe sina ga ava puna ne yermare la nene nanua sumo, naĥa la pe arĥarera re poli, a naĥa la taĥatete akilia akila wo van amiu pogos tai? Vanon ya ne amiu sinemiun asape asu ke sina ga vatanon kiela narĥareraena?

<sup>10</sup> ?Sanape na amiu asurĥa asitorĥal ke legiena wa lala kiena ne la nene, a kiela kupario wa lala, a kiela pogos wa lala, a kiela kas wa sanene? Asitom asape ĩisi na Suĥe kekaran amiu vanonia?

<sup>11</sup> !Aulai, akila inu nemaraun amiu paĥisi! Pona nemiyuĥae mĥarera pan amiu paĥisi ana nepisu sane pe sur korena ga!

<sup>12-13</sup> Wolai lala a vineu lala, nanua sumo kam na pe asu re vatanon navisaluaena poli, ana pogos naĥa nepim nesike nemio amiu, in na nekila inu mĥena ga nesa ga amiu. Ana nanagane, nemloge asape amiu sinemiun asape awasuĥe si ava e ĥelaga na navisaluaena nene, a vanon sur ne nanene nepiun mĥareran tan amiu vena amiu na aimi ve sa ga in narui, naĥa in na pe nesu re si vatanon Navisaluaena nene poli. Amiu asitorĥali pogos naĥa in na nemlologo pan amiu sumo, naĥa kiau maiena ga kila narui norĥal pulmas naĥa nesike nemio amiu, ana pe sur korena ga naĥa nemai e pogos nene, ana amiu na pe akila re nemloge piowa poli.

<sup>14</sup> Peraga, ana kiau maiena nene kila kare amiu keviu wa, ana amiu pe amloge re piowa e inu poli, a pe asitom re mĥena piowa e inu poli, peraga. Amiu aĥure inu nepa e mĥamiu yuĥa lala, sa naĥa visave in na neve navisi kiena ne Suĥe tai, pona sa ga in na Yesu Kristo lelaga.

<sup>15</sup> Sumo, amiu akekaran inu paĥisi, naĥa nepisu sa naĥa visave amiu akilia akila, pona amiu akekaran naĥa aurelua kilamaramiu vena aligan te kilamarau, vena iila inu. ?Ana sanape nanagane narui?

<sup>16</sup> Pona nenagane, kiau visena lelaga la nene, akila inu nepimi sane kiamiu erau viowa sina. ?Ana ya ne sanene?

<sup>17</sup> Yaru taĥena la nene naĥa nemloge apisape la asike amio amiu nanagane, ana la nene asurĥa apilonvilon ke lologena wo kiena ne Kristo, la apimi asurĥa veraga amio amiu vena ave erau wo amio amiu, vena akila amiu asu vatanon la, ana nanene la akila kotalia amiu ga ne. Komin naĥa la sinelan asape aure lua amiu ga vetan inu.

<sup>18</sup> Ana pe nepisa re nesape vena in ga taaga ga nekilia nesurĥa nemio amiu poli, vena in ga taaga teve erau wo, komin naĥa

ĥelaga nene naĥa na erau wo amio yaru taĥena, naga wo silaga, ana popon sane nakilaen ga yuĥaena wo lala.

<sup>19</sup> Naruu lala, inu na sane sira tai naĥa mĥeĥena mlaea vena war sisi, sa naĥa nesurĥa nemloge piowa paĥisi vanon amiu, nesurĥa nemiyuĥae mĥarera pan amiu paĥisi vena amiu ala Kristo amio kiena ĥelaga wo lala e kiamiu malena.

<sup>20</sup> Aulai, visae nesurĥa nemio amiu nanagane, nanene na kila inu neloge wo paĥisi. Visae ve sanene, ĥisi na nekilia nevilon li laa kiau visena vito tano sane, ana nanagane naĥa nesike perinan amiu sanene, inu pe nekilia re si po la rui sane amĥa sanapen amiu narui.

### *Suniĥa kiena Eka amio Serai*

<sup>21</sup> Amiu laĥas naĥa sinelan asape ita na monar telogear kieta Navisaluaena vena ita ve sa ke Ntewa, inu sineun nesape la avisatarĥe kiau navienena tai, sape “? Navisaluaena naĥa apisayuiia, la asurĥa amloge kilale ke ya naĥa Navisaluaena nene pisa pona pe apisu kilale re poli?”

<sup>22</sup> Visena wa nene pisayu ke yermarua Epraam nene, naĥa naga narina na yermĥene lua, naĥa tai, sira naĥa miyuĥae kiena ne wona naĥa Eka naga ĥaria, a narin taĥena tai naga wona ruru napo naĥa Sera naga ĥar maronia.

<sup>23</sup> Naga naĥa paeme sirau, kiena kia Aisak, naga paeme komin naĥa Ntewa pisaaria, a naĥa naga paeme sumo, kiena kia Ismĥael, naĥa sira na yuĥaena nene naga ĥaria, naga paeme ga sa ga nene.

<sup>24-25</sup> Ana ita tekilia tela suniĥa nene sa naĥa ĥakaiwa tai, naĥa sira la lua nene, lalua na sa naĥa naviranarena lua naĥa Ntewa naga kila. Sira naĥa Eka naga sa ga naviranarena naĥa Ntewa kila e tavie keviu nae Sinae, nanene na e purvanua naĥa Arepia, yo ne nanene naĥa Ntewa mla Navisaluaena nene pa Mosis ea. Eka nene, naga pe sira na yuĥaena ga tai, a narina mĥena ga lala la ape yaru na yuĥaena ke mĥena ga lala. Sanene, Eka mĥena ga naga na sa mĥena ga pulkumali keviu naĥa Yerusalem, naĥa kana yaru ne lala apuarar Navisaluaena lala mĥarera, ana la sa naĥa ape yaru na yuĥaena ke mĥena ga, komin naĥa la asike vatanon navisaluaena nene narui.

<sup>26</sup> Ana sira taĥena nene, naĥa Sera, pe yaru re tai naĥa ĥuarar e yuĥaena poli, naga ga, a naga nene naga sane Yerusalem taĥena nene, naĥa pe Yerusalem nae ma e peni. A narina ne Sera lala, la mĥena ga la pe yaru re tai naĥa ĥuarar la vena ayuĥae poli ana la mĥena ga asurĥa ga sanene, kila sane Sera nene sane aneta naĥa ita teĥiawa e Kristo.

<sup>27</sup> Visena Wa pisayu li mña sur la nene naþa pisa pisape,  
*"Sira nene, ko naþa sumo na ko ope lumãlumã ga,  
 naþa mopoña pe mlaeli re pogos tai poli vena waren sisi,  
 nanagane ko omloge po, ko okekara ko omiau,  
 komin naþa womña na yermene mligan ko rui ana nanagane narumña lala apimi ape moki la narui, ataulu la naþa sira naþa wona sumña amio naga silaga naga þar la."* Ais 54:1

<sup>28</sup> Visena nene naga sa naþa Ntewa naga pisaaria pisape yoko narina la ve moki, na ve moki a amiu kiau wolai lala a vineu lala, ita ke ga na ita tepe narina ne navisaarena kiena ne Ntewa nene narui, sa ke ga naþa kiena navisaarena nanua sumo naþa kila Sera þar narina naþa Aisak.

<sup>29</sup> Ana pogos naþa Aisak paeme sumo, sisi taþena nene naþa Isrãael naga paeme sa ga nene, naþa sumña mene nisisi nene naþa Aisak naþa naga paeme e yuññaena na Ninuna Wa kiena ne Ntewa. Ana pimi tol nanagane, tepisu þelaga sa ke ga nene na wa.

<sup>30</sup> ?Ana Visena Wa pisa sanape? Naga pisape Ntewa pisi pa Epraam, pisa pisape "Ko monar okuwanlua sira naþa naga pe sira na yuññaena ga nene amio narina, komin naþa narina nene, naga pe torokin re si naþa la sur tai e kionña sur la poli. Sur la punu ga monar va ga e limana narina naþa sira naþa naga ga naþa womña naapo."

<sup>31</sup> Poga, erau lala, Ntewa pisa sanini, a inu nevisa van amiu nagane nesape ita nini, ita pe tesa re narina ne sira naþa na yuññaena poli, naþa ita tesike vatano e Navisaluaena kiena ne Mosis, ana peraga, ita na sane tepe narina ne sira naþa naga sumña ga sanene, sa naþa sane ita na temlelaga ga e Yesu. A sur la naþa Ntewa naga pisaar pa narina na lelaga lala, þisi na ita ke ga na yokorena tokus narui.

## 5

### *Yesu pure plan pa nalelagaena la rui*

<sup>1</sup> Pogos naþa Kristo þurelua ita, naga kila sanene vena tomolue, naþa ita tomolue lue, ana vena ita ve towasuþe ita re si teva tesumña vatanon Navisaluaena kiena ne Mosis nene poli. Ve sanene, monar aviawa mñarera, vena ve amñareran amiu re si sa naþa amiu na sa ga yaru na yuññaen lala, naþa Navisaluaena nene piar manene ruru amiu ke sina ga.

<sup>2</sup> Amiu na ayagogo ruru e visena nene naþa inu Pol nesumña nepisa ke pan amiu.

Visae amiu atamñan la amñareran amiu avisave amiu ave þaviu, þisi na yuññaena nene naþa Kristo naga kila þisi rui taþatete illa amiu.

<sup>3</sup> Ee, nepisa ke sina ga visena mñarera nene pan amiu, nepisape visae yaru naþa tamñan naga ve þaviu, naga ga sumña mligan ke sina ga naga sike vatano e Navisaluaena nene. A yaru naþa sike vatanon Navisaluaena sanene, naga monar visuar ruru naga naþa naga logear sur punu ga naþa Navisaluaena nene naga pisa, visae peraga, yoko naga tol nakoena.

<sup>4</sup> Amiu la þasia nene naþa asumña akilali naþa alogear Navisaluaena nene rui, vena amesmesu amio Ntewa vanonia, amiu la nene asumña ate plan amiu ke e Yesu rui, amiu apilon mñasimiu rui e lemamienna kiena ne Ntewa.

<sup>5</sup> Ana ita na, ita tesumña sinetan manene tesape þisi na Suþe kila ita temesmesu ruru temio naga, komin ga naþa ita tepi-awa ga e naga, a pogos naþa ita tesumate ke ga wa, Ninuna Wa naga sumña miilla ita temlelaga mñarera, tesape þisi na Suþe naga monar kila sanene van ita.

<sup>6</sup> Pogos naþa ita tepimi tepe taaga temio Kristo Yesu sanene pe sur korena ga naþa yaru naga pe þaviu pona pe pe þaviu re poli, ana sur keviu na e lepa nene nane kieta naviawaena e Kristo naþa naviawaena nene naga kila ita tesitom Suþe, a ita tesitom mña na yeririna taþena lala.

<sup>7-8</sup> Sumo na nepisu amiu akiriri na po paþisi wa, ana nanagane, pe sa re si nene poli. Suþe naga pio amiu sumo þisi rui, ana sineun neviun nevisave yeririna ai nene naþa naga suwo amiu sina ga, naga kila amiu pe amlelaga re si e visena lelaga poli? !Pe Ntewa re nena poli!

<sup>9</sup> Navianena viowa nene naþa kila kare kiamiu sitomena naga sa naþa visena pisa pisape "Narin korme ga, ana naga kila kila kare kilarñiu la melkalka vapisi."

<sup>10</sup> Ana sa naþa amiu amio inu, ita tepimi tepe taaga e Ntewa, nesumña nemlelaga mñarera ke e amiu na wa sa naþa þisi na ita kieta sitomena ve taaga, sa naþa ita ve tomñareran re si li na lelagaena lala naþa la pe ape Yu re poli tevisave la monar ave þaviu. A nemlelaga mña ga mñarera ke ga wa nesape yeririna nene naþa sumña kila kare amiu ke sanene pe sur korena ga naþa naga pe yeririna ya, þisi na Suþe naga la nakoena vania.

<sup>11</sup> Puruvi lala a vineu lala. Visena laþasia pisa ke pisape inu mña ga nesumña nemlologon ke ga wa nesape li nalelagaena mña ga lala monar ave þaviu vena Ntewa kilia tamalia la, ana visena nene pe pe

lologa re poli. Visae nelologon ve sanene p̄isi na yeririna la nene naḡa asike amio amiu akekaran in ga. Ana amiu ap̄isu ke ne, la asuḡa sinela karin ke na wa, komin naḡa kiau navisawalena e laki torovia naga suḡa yumulua kiela sitomena lala.

<sup>12</sup> Inu na nesitom ke nesape yar la nene naḡa la asuḡa ap̄ilovilopu amiu ke sanene, akila ke sinemiu kurkur naḡa la sinelan manene asape monar ave p̄aviu, popon ala playu ana asila ke sina ga, akila kare rurula ke sina ga.

<sup>13</sup> Ana amiu naḡa kiau erau lala, lelaga paḡisi naḡa Suḡe pure lua amiu rui, amiu pe asu re si vatano e Navisaluaena kiena ne Mosis la nene poli. Ana maraḡe amiu, avisuar ruru amiu, ve asitom re avisave, “Pogaga nene narui, in na nomolue e navisaluaena nene rui, inu ga taaga narui. Pisi na nekilia nekila sur punu ga naḡa kiau sitomena sinenan narui.” Amiu ve avisa re sanene, ana p̄isi na kiamiu sitomen wo naga monar kila amiu akekaran naḡa aiila yeririna taḡena.

<sup>14</sup> Pelaga na sanene naga taveve ruru visena tai naḡa Navisaluaena naga pisa, naḡa kalo ruru visena taḡena lala e Navisaluaena nene, naḡa pisa pisape, “Ko ositom nalavis puḡa lala, akila wo van la, ve sa ke naḡa ko ositom ko ḡaga.”

<sup>15</sup> Ana visae amiu ave sa suri mali tetan lala, naḡa amiu ga agorua amiu, ana amiu ga asuḡa akarkare amiu sanene, ana monar avisuar ruru amiu, p̄isi na ḡelaga nene naga kila kare punu amiu ke sina ga.

### *Pelaga kiena ne Ninuna Wa amio ḡelaga kiena ne yeririna*

<sup>16</sup> Inu sineun nesape nevisa visena nene van amiu. Amiu nene na Ninuna Wa naga monar sumon amiu, amiu na ve ataveve re si kiamiu ḡelaga marua naḡa apaeme amio.

<sup>17</sup> Vanon ḡelaga nene naḡa ita tepaeme temio, naga pe sinenan re ḡelaga kiena ne Ninuna Wa poli, a ḡelaga kiena ne Ninuna Wa naga pe kekaran re ḡelaga nene naḡa ita tepaeme temio poli. Suri nene naga sa naḡa ḡelaga la lua nene sane la lua ape nasinekar la ga, ana sur ne na nene narui, visae Ninuna Wa suḡa sumon amiu, taḡatete si amiu akilia akila ga ya naḡa kiamiu sitomena sinenania.

<sup>18</sup> Ana amiu monar ve sinemiu ḡesan re ḡena ga naḡa visae Ninuna Wa naga suḡa sumon amiu, ana amiu ve asu re si vatano e Navisaluaena nene narui.

<sup>19</sup> Yurḡaena la na ḡelaga nene naḡa yeririna lala la apaeme amio naga merarava ruru ga. Yurḡaena la nene la ne nanene

narui sa naḡa nataḡaen lau, a sur la naḡa namawaena, a ḡelaga namname ga lala,

<sup>20</sup> amio nalotunen nono lala, amio nawarena kimi. Amio ḡena ga, nagoru-alaena lala, namaraena lala, navielueena lala, nasinekarena lala, napuluvisena lala, nalilipereena lala, nakawene yaru lala,

<sup>21</sup> a nasinesuniena lala, amio namunen wii keviu, a naḡaagena viowa lala, amio ḡena sur taḡena la sanene. Ana nevisawal sina ga van amiu, sa naḡa nepisawal pan amiu sumo rui, nesape amiu avisuaria vanon yaru naḡa suḡa kila ke ḡelaga la sa nene, p̄isi na naga taḡatete su e nasuḡenena kien Suḡe pogos tai.

<sup>22</sup> Ana mras naḡa Ninuna Wa kila pitovi e malena kiena ne yeririna naga sane: nasitomiena, a nakekarena, a nasuḡareena, a namalumena, a nasinewoena, a nawoena, a nayeperḡaena,

<sup>23</sup> a navatanoena, a nawanaren sine. Pelaga la nene na po paḡisi, a pe visena navisaluaena re tai naḡa pisa luḡar amiu pisape amiu ve akila re si suri la nene.

<sup>24</sup> Ana ḡelaga naḡa ita tepaeme temio, amio kiena nasinenanena viowa la nene, ita tesuaria e laki torovia p̄isi rui. Nanene, ita naḡa tepe kiena Kristo Yesu, ita temligan sur la nene p̄isi rui.

<sup>25</sup> Ana komin naḡa ita temali e Ninuna Wa, popon ita teyali ḡena ga e kiena ḡelaga wo lala.

<sup>26</sup> Pe pon re towarwar ita poli, pona ita ga tekilaweke ke sina ga naḡa sineta mimi, pona ita ga tesuḡa tepieluen ita ke sina ga.

## 6

### *Amiu punu ga monar aiila amiu*

<sup>1</sup> Kiau wolai lala a vineu lala, visae amiu yar tai naga loru e mlamulena viowa, popon amiu naḡa Ninuna ne Ntewa teke e amiu, amiu monar aiila naga vena akila ruru ke sina ga naga. Ana amiu monar avis malumu ga vania, sa naḡa amiu sinemiu miye naga, a amiu monar avisuar ruru amiu ḡena ga, vena sur naḡa amiu akila ruru yar taḡena nene vanonia ve imi kila li amiu re ḡena ga.

<sup>2</sup> Amiu na monar aiila amiu ve sa nene narui vena akuspae ga naurmiena kiena ne amiu taḡena lala. Ve sanene sane amiu asuḡa amlogear ke ya naḡa navisaluaena kiena Kristo naga pisa ke narui.

<sup>3</sup> Ana taḡatete si avilave van amiu, sa naḡa yaru tai suḡa sitom ke naga pisape “In na yar tai nini.” Visae ve sanene yaru nene naga suḡa pisa kotalia ke sina ga naga ne, komin naḡa naga pe pisu kilia re sape naga pe pe yaru re tai nene poli.



<sup>4-5</sup> Ana amiu punu ga monar amiu veve taaga avisu veve ruruli kiamiu yuññaena lala naña akila. Visae sanene, yaru tai tařatete kilali visu veveli sa naña kiena yuññaena po taulu yar tařena lala, ana naga monar visu veve kiena yuññaena naga taaga. A visae kiena yuññaena nene po, naga kilia kekara narui, komin kiena yuññaena wo nene. Komin naña yaru punu ga pe maran taaga re poli, la kiela naurmiena tařena lala peve taaga naña la akus ke e kiela malena lala.

<sup>6</sup> Amiu naña asuñña apian amiu ke e visena nalelagaena, pogos naña visae amiu alual narin sur tai popon amiu avion van amiu amio kiamiu navianena lala.

<sup>7</sup> Amiu avisuaria, ve avisa kotalia amiu re sina ga. Ko tařatete otoroun Ntewa. Kurus nen ya naña omapila e kiomña lokove, naga kana mras ke naña řisi na ko ga okan narui.

<sup>8</sup> Yar naña mapila řelaga naña naga paeme amio, yoko naga sane kurus nen sur tai e kiena malena, řisi na naga war mras viowa lala e řelaga nene, naña marena napiowa ga, ana visae naga mapila řelaga kiena Ninuna Wa e kiena malena, řisi na Ninuna Wa naga la kinanena marua lala naña po vania, naña naga pe malena naña ve uro re.

<sup>9</sup> Ana řisi na ita tekilia towar kinanena wo lala e ruru e kana pogos naña marua, visave ita ve teligan re yuññaena. Ve sanene, ita na monar ve sineta maren re naña tekila řelaga wo lala,

<sup>10</sup> ana ita na monar sineta wo va yaru lala silaga, a monar sineta wo va laa sane va la naña ita tepe mratava taaga temio la e Kristo.

#### *Visena maro kiena ne Pol*

<sup>11</sup> Poga, řisi na inu nesiri maron kiau visena la nene e ga e luññau, nane amiu akilia avisu kana mras nen visena lala kerkeviu sanene.

<sup>12</sup> Inu sineun nesape nevisa sanini, la naña sinelan asape amñareran amiu ave řaviu, nanene naga sa naña la sinelan ga vilaveena komin sur la naña na kulus nen yaru ga. Ana la sinelan asape akila sanene komin sur taaga ga, naña la sinela asape la akilia aligan nalologonena na laki torovia kiena ne Kristo naña kilia tamalia ita. Visena nene la yepel mavinia komin naña la amaraun asape sařisi la asuñña alogon lologena wo na marena kiena ne Yesu naga mesmesu ve sa nene, řisi na yar tařena lařasia amñene la.

<sup>13</sup> A la nene naña la sinelan asape amiu monar ave řaviu, la sinelan mña ga ve sanene vena řisi na la akilia awarwar lan avisave la ataulu amiu řisi rui, naña la

amligan amiu apito si vatano e Navisalu-aena kiena ne le Yu lala. Ana amiu na avisu rurua, komin naña la mña nene la pe asuñña amlogear re si sur la punu naña Navisalu-aena nene pisa poli.

<sup>14</sup> Ana e inu, pe sur re tai naña sineun nesape nowarwar inu e poli, ana e ga e laki torovia kiena ne kieta Suře Yesu Kristo, in na neřarwar inu ea, komin kiena marena nene kila řelaga lala na yomarava nini la apimi sane sur mare ga e inu, a kila inu mña ga nepimi sa ga yar mare ga tai e řelaga lala natařaliena na yomarava nini.

<sup>15</sup> Naña yar tai imi mesmesu amio Ntewa, ana pe sur korena ga naña yar nene naga pe řaviu pona pe pe řaviu re poli, ana visae Ntewa naga sii ke sina ga yar nene imi ve yar viu sumo wa, ana řisi na yar nene kilia imi mesmesu amio naga.

<sup>16</sup> A naga narui in na nelen wo la naña řisi na alogear visena la nene, naña řisi na aimi ave le Israel kemua lelaga lala kiena ne Ntewa, nesape suñarena kiena ne Ntewa a kiena nasineyeena sike amio la.

<sup>17</sup> Kiau visena naga loka ga nene. Ana in na pe sineun re si naña řisi na yar tai kila ke sina viowa van inu sanene poli, komin naña nesuñña nořar ke piakapila kiena ne Kristo e tasneu rui, sa naña la akove inu a la amñe inu.

<sup>18</sup> Wolai lala a vineu lala, nemlen nesape řisi na nasineyeena kiena ne kieta Suře Yesu Kristo naga sike amio ninumi la punu ga,

Sanene.

## Maki Naña Pol Siria Pa Pan Li Nalelagaen Wa Lala Nae Garu EPISAS Visayuena Na Tusi Nene

*Komþasnen suniena plas na tusi nini*

Purþesnen sitomiena naña Pol pisayua e maki nini naña naga siria pan li nalelagaena lala garu Episas, nanini visena tai naña siria teke marana na keviu taaga na vetokaki lualima [1:10], naña pisayu na maplarena keviu kiena Ntewa. Pisape Ntewa sinenan sape suri la naña naga kila, yoko aimi aviranar la lele taaga. Naga sinenan sape suri nae mae peni a nae yomarava yoko asikolia ga amio Kristo, naña naga pe þarin suri makega. Pupia maplarena kiena Ntewa nene, naga miliganaria sape ve kiena yaru makega na yo punuga aimi aviranar la e þegas ve taaga ga e yomarava nini. Visae alelaga e Yesu Kristo, akilia akila sanene, a naga pisa ruru pa yeririna lala kiena Ntewa vena asiar naña akila meraravan maplarena nene e kiela maliena.

E komþasnen maki þesa nini, Pol pisayu mrapa naña Ntewa arimata miyuma e vena kilaen yeririna makega aimi ave taaga. Naga pisayu þelaga naña Ntewa mligan lua kiena yaru lala, a pisayu naña e Yesu Kristo narina Ntewa, Ntewa piyewo la, a þar plan kila milamulena viowa ea, kila apimi amesmesu apo. A pisayu miena naña Ntewa mila Ninuna Wa pan kiena yeririna lala, vena kila meraravanen naña yoko naga la sur la van la, sanaña naga pisaar sape yoko kila. E komþasnen maki na lua, Pol pisa pan la naña yoko aulo maki nini, sape la monar akila meraravan naña ave taaga amio Kristo, e þelaga naña akilia asikol la ruru amio li nalelagaena taþena lala.

Pol pis pan la e þakaiwa lala, vena kila meraravanen þelaga naña yeririna kiena Ntewa lala asuma asikol ruru la ke amio Kristo. Naga pisape suniare naga sane tas tai, naña Kristo naga pe þarunia, pona sane yuþa tai, naña Kristo naga pe kemraþe keyowo po na mrapun yuþa nena, pona sane sira tai naña Kristo naga pe wona.

Ntewa sinen sii manene yeririna na yomarava la paþisi, a yaru la apisu kilia sinesiena nene pim kome Kristo. Pupia sinesiena nene kiena Ntewa miyuri sitomiena kiena Pol, ana naga pisawal kiena lelagaena e Kristo e maki nini. Maki

nini kila meraravan þelaga kiena Kristo naña sinen sii ita paþisi, mare vena ulplan ita, viyewo ita, suria iila ita e kiena lemamienna, a kila ita temesmesu ruru nena ga e marana Ntewa.

*Komþasnen tusi la na nini*

Visena þesa 1:1-2

Kristo a kiena suniare 1:3—3:21

Malena viu e Kristo 4:1—6:20

Visena maro 6:21-24

*Pol siar kiena visena pan la*

<sup>1</sup> Inu Pol, naña Ntewa ga naga mligan inu vena neve yaru nalologonen Lologena Wo kiena ne Kristo Yesu, inu nesiri lumaki nini piþiasu pan amiu, amiu li nalelagaena lala nae pupia pulkumali naña Episas, naña amiu apiawa mārera e Kristo Yesu.

<sup>2</sup> Inu nemlenwo amiu ke nesape þisi na lemamienna a sunarena kiena ne Ntewa Arimata a amio mēna ga kiena ne Yesu Kristo kieta Suþe, suna amio amiu.

*Ntewa naga visa ruru ita e Kristo*

<sup>3</sup> Popon naña ita teyeluar Ntewa, naña naga Ntewa kiena ne kieta Suþe, Yesu Kristo, a naga pe Arimana mēna ga, vanon naña ita, naña tepe taaga temio Kristo, ana Ntewa naga kila po paþisi pan ita e navisa ruruena wo lala nae ma metava.

<sup>4</sup> Nanene naga sa naña pogos naña yomarava nini naga pere wa, ana Ntewa naga pisaar ita þisi rui vena ita teve taaga temio Kristo, vena ita teve kiena, a vena kieta malena ikik ruru wo e marana, naña pe kororaki re e poli.

<sup>5</sup> Nanua sumo laa rui, kome pupia kiena sitomena, ana Ntewa naga mliganar ita vena kuslua ita sane narina lala, kome Yesu Kristo. Suri nene, Ntewa naga kila sane mesmesun e ya naña naga pisa sape po, a naga kekaran mēna ga paþisi naña naga kila.

<sup>6</sup> !Teyeluar Ntewa vanon kiena pupia lemamienna nene a vanon mēna ga nalakorenana wo nene naña naga mla korenan ga pan ita, naña pimi kome narina naña naga sitom paþisi!

<sup>7</sup> Tana ne narina nene mlaui, ana vanon suri nena nene, ita naña tepe taaga temio Kristo nene, Ntewa naga pure plan ita, naña naga piewo kieta mlamulena viowa lala. !Lelaga þa, lemamienna kiena ne Ntewa e ita keviu manene paþisi, naga pa re laa na wa!

<sup>8</sup> Ntewa naga pe manmarua paþisi wa, a naga pisa kilale make suria,

<sup>9</sup> ana naga kekaran naŕa tañan ita tekilia kiena sitomena tai naŕa naga sane navisawanena tai pan ita sumo. Naga kila sitomena nene pimi merarava ruru e ita narui, a kiena sitomena nene, nayum̄aenen suri wo la ve moki imi m̄alivi ga e Kristo.

<sup>10</sup> E sitomena nene narui na, Ntewa naga sikol ruru suri punu ga va lele taaga, naŕa naga sii la sike ma e peni, a e m̄ena ga e yomarava nini, la aimi lele taaga vatanon Kristo, ana Ntewa naga yum̄aen ruru make suri punu ga torokin kiena sitomena nene, vano vano kilamake ruru ga e kana pog nena naapo.

<sup>11</sup> Ana ŕisi na suri punu ga monar imi m̄alivi mesmesun nena ga naŕa Ntewa naga sitom ruru ke pisape kila. Ana vena taveve kiena sitomena nene nanua sumo, naga pisaar imimi le Israel lala vena imimi meve kiena, naŕa imimi meve taaga memio Kristo.

<sup>12</sup> Imimi ne nanini, Ntewa naga mliganar imimi vena imimi naŕa memligan ŕesan kiamimi sitomena m̄arera e Kristo, a visae sanene, popon imimi monar meieluar Ntewa silaga, komin naga po paŕisi.

<sup>13</sup> Ana amiu yeririna taŕena m̄ena ga lala, naŕa pe ape le Yu re la poli, amiu amloge visena lelaga nene ŕisi rui, nanene Lologena Wo naŕa amiu atol kiamiu nataliaena e naga, a amiu amlelaga e Kristo ŕisi rui, ana amiu apimi ape yeririna kiena ne Ntewa ŕisi rui. A vanon naŕa amiu na ape kiena, Ntewa naga mligan kana kile na suri nene tai e amiu, naŕa naga mla Ninuna Wa pan amiu, sa naŕa naga pisaaria.

<sup>14</sup> A Ninuna Wa nene, naga sane komsunen navisaarena na sumo kiena ne Ntewa e ita, vena ita tekilia ruru tesape metavan Ninuna nene, ŕisi na ita tokus lalimana punu ga ve kieta, nanene na e pogos naŕa Ntewa naga wereplan yeririna lala ava puna, nanene na la ga naŕa naga pul plan la ŕisi rui ana la ape kiena. !Ita teyeluar Ntewa, pe mias naga po paŕisi!

### *Leniena Kiena ne Pol*

<sup>15-16</sup> Komin suri ne la nanene, silaga e kiau leniena lala, nesuñña nesitom̄al amiu luen ga, a nepisa luen ga potena pan Ntewa vanon amiu. Pelaga nene, nesiari e pogos naŕa nemloge naŕa amiu apiawa m̄arera ke e Yesu, kieta Suŕe, a naŕa asitom manene m̄ena ga nalelagaena wa taŕena lala, ana pimi tol nanagane, nesuñña nemlen ke sanene.

<sup>17</sup> Sila ga naŕa nesuñña ga nemlen ke pa Ntewa, naŕa naga pe Ntewa kiena ne Yesu Kristo kieta Suŕe, a naŕa naga pe Arimata naŕa pe naurarena keviu, nesuñña

nepiun ke tania vena naga ligan Ninuna na manmaruaena naŕa Ninuna na kipianaena van amiu, vena akilia Ntewa va ve keviu laa sane.

<sup>18</sup> A nesuñña nepiun ke tania vena naga vike kiamiu sitomena lala, vena avisu kilale kiena yomerarava, vena akilia suri nene naŕa Ntewa naga pio amiu vanonia, a naŕa kiamiu sitomena monar m̄arerania vena atol suri nena. Suri la nene, naga lalimana la nene naŕa pe kiamiu, sa naŕa suri wo la moki naŕa Ntewa naga kila ruru sike na, naga pe kiena ne nalelagaena wa lala.

<sup>19</sup> A amio m̄ena ga naga, monar avisu kilalea a monar akilia ruru pupia nam̄areraena kiena ne Ntewa, naŕa naga suñña miyuñae ke e kieta malena lala, naŕa ita temlelaga e naga.

<sup>20</sup> Nanene naga nam̄areraena keviu ke ga nene naŕa Ntewa naga miyuñae ea e pogos naŕa naga pisirlua Kristo suññalu mali sina ga e marena, ana naŕa siraunia, naga ŕere naga pa mligan naga teke tano e kiena lepas marua ma e peni.

<sup>21</sup> Nam̄areraena nene, naga pa laa metavan m̄areraena taŕena lala, amio m̄ena ga suri m̄arera taŕena lala, amio yerkawa taŕena lala, amio nasumonena taŕena lala nae ma e peni. Kia kiena ne Kristo naga mon manene laa metavan make kia taŕena lala, pe e re ga e yomarava nini poli, ana e m̄ena ga e yomarava taŕena nene naŕa yoko imi.

<sup>22</sup> Ntewa naga mligan suri la punu ga asike vatano e lana ne Kristo rui, a naga mligan lua Kristo pa e kiena suññare wa, ana naga pe ŕarin suri la punu ga.

<sup>23</sup> A kiena suññare wa nene, naga sane tasnena ne Kristo, naŕa naga pule ruru e Kristo, a naŕa Kristo ga rui naga pule ruru e suri punu ga e yo punu ga.

## 2

### *Nanagane ita temal e Kristo*

<sup>1</sup> Nanua sumo, ana sa ga naŕa amiu amare ga, vanon navioawaena lala, a kiamiu mlamulena viowa lala,

<sup>2</sup> naŕa e pogos nene, amiu amial ga e ŕelaga viowa na yomarava nini. A nanua sumo, ataveve ga suŕe nene na nam̄areraena na yo yau lala, amlogear ga naga narui, naŕa naga ninuna nene naŕa naga suñña kila ke kiena yum̄aena e la naŕa pe amlogear ne Ntewa poli.

<sup>3</sup> Ana nanua sumo, imimi le Israel m̄ena ga lala, imimi na maran taaga ga memio yeririna taŕena lala, naŕa imimi mesuñña memialoro metaveve ga nasinenanena na ŕelaga viowa kiena ne yeririna lala. Imimi

m̄ena ga mesuṁa mekila ke ga suri la naṁa kiamimi sitomena la sinemiminia, a suri la naṁa imimi memloge po ea. Komin suri la nene, imimi na sa ga yeririna taṁena ga la nene, naṁa ṁisi na Ntewa naga sinena kar imimi m̄ena ga, taṁatete kila si suri tai van imimi narui, vano vano ṁisi na naga monar la nakoarena van imimi.

<sup>4</sup> Ana Ntewa, kiena sineyeena a kiena nasitomiēna naga keviu paṁisi e ita,

<sup>5</sup> ana pogos naṁa sane ita na temare ṁisi rui vanon kieta mlamulena viowa lala, ana naga kila ita temali temio Kristo. Nanene na lelaga, Ntewa naga tamalia ita kom ga e kiena lemamiēna.

<sup>6</sup> Ana sa naṁa ita na temali temio Kristo, Ntewa pisirlua ita temio m̄ena ga naga, ana Ntewa naga mligan ita teta tano temio m̄ena ga naga e yo nametava.

<sup>7</sup> Ntewa naga kila sanene vena e pogos la naṁa apimi ke ne, ṁisi na yeririna lala, la akilia avisu kilale sane kiena lemamiēna nene naga keviu manene paṁisi, naṁa naga sitom ita sanene kome Kristo Yesu.

<sup>8</sup> Ntewa naga tamalia amiu e ga e kiena lemamiēna, vanon naṁa apiawa e naga. Suri nene naga pe pimi m̄alivi re e kiamiu yuṁaena wo laṁas poli, peraga, Ntewa naga mla korenan ga pan amiu.

<sup>9</sup> Ana nanene naga pe suri re tai naṁa yaru kilia yuṁae vanon poli, komin visae ve sanene, ṁisi na towarwar itan vaṁisi, tevis vilavenia, tevisave "O inu, in ga netamalia in e kiau yuṁaena."

<sup>10</sup> Ita na sane suri wo tai naṁa Ntewa miyuṁaen ruru po paṁisi, naṁa naga sii ita tepimi tepe yaru viu lala e Kristo Yesu, a Ntewa kila sanene vena ita tekila m̄ena ga yuṁaena wo lala, naṁa naga mligan ruru sumo rui, vena ita teyuṁaenia e kieta malena lala.

#### *Ita na teve taaga e Kristo*

<sup>11</sup> Amiu na monar asitoṁali pogos naṁa apaeme, ana amiu na pe ape yeririna kiena ne Ntewa re poli sane le Yu lala, amiu na ape yaru taṁena ga lala. Komin suri ne nanene, le Yu lala, la asitom ke asape la ape yaru wa, komin naṁa la apuarar manene ṁaviu m̄arera, ana la apisa kare amiu apisa "Kulpaona" pan amiu. Ana ṁaviu nene naga pe suri korena ga na vanua ga e tas nen yerṁiene ne.

<sup>12</sup> Ana komin nanua sumo, amiu na sa ke nene narui. Amiu ve sinemiu ṁesan re naṁa nanua sumo, amiu asike laa koperinan Kristo paṁisi, amiu na asike vanuan ṁegas nen le Israel lala, amiu na ape wolawa ga, naṁa amiu na taṁatete akilia atol suri la naṁa Ntewa naga pisaar pan kiena yeririna lala. Ana amiu naṁa

asike e yomarava nini, amiu na peraga ape suri korena ga narui, a amiu na pe akilia re nena Ntewa poli.

<sup>13</sup> Ana amiu, naṁa nanua sumo asike laa perina, nanagane amiu apimi lavisi rui komin tana ne Kristo, nanagane narui amiu na ape taaga amio naga.

<sup>14</sup> Kristo naga pe kieta suṁarena, ana naga kila kieta ṁegas lua nene apimi ape taaga. Nanua sumo, imimi le Yu lala memio amiu yeririna taṁena lala, naṁa ita sineta kar ita m̄aga silaga, sa ga naṁa pupia kove tai mliṁere ita, ana Kristo naga m̄e plan suri nene e kiena marena.

<sup>15</sup> Naga pialuṁar navisaluaena kiena ne le Yu lala, amio kana narin visena ne lala, a naga kila sanene naṁa kila kieta ṁegas lua nene lalua aimi ave yaru taaga e naga, sane lalua aimi ave suri viu tai. Visae ve sanene narui, Kristo naga kila suṁarena van ita.

<sup>16</sup> E kiena marena e laki torovia, naga kilalua sinemimiēna e ita, naga kila kieta ṁegas lua nene apimi ape yeririna taaga, ana naga pure ita sina ga toṁasuṁe si puna ne Ntewa, naga kila ita tepe mara wo temio naga.

<sup>17</sup> Pogaga, e ṁelaga nene narui, Kristo naga pimi, pisawal lologena wo na suṁarena nene pa yeririna la punu ga, nanene na amiu naṁa pe ape le Yu re poli, naṁa amiu asike laa perinan Ntewa, amio imimi m̄ena ga le Yu lala naṁa imimi na mesike lavisin ṁisi rui.

<sup>18</sup> Ana komin suri ne la nanene naṁa Kristo naga kila rui, nanagane ita punu ga kieta mrapa taaga e Ninuna taaga, naṁa teimi e marana ne Arimata.

<sup>19</sup> Ve sanene, ana amiu na pe ape wolawa la re si poli narui, a amiu na pe ape yaru re si naṁa pe kiela yo re poli, peraga. Nanagane, amiu na sa ga yeririna na yo kiena ne Ntewa, amio li nalelagaena wa taṁena lala, a amiu asike loyuṁa e m̄ana mratava.

<sup>20</sup> Amiu na sane kemraṁe lala na yuṁa tai, naṁa li nalologena lala amio li navisawalena lala, la sane kemraṁe na mrapun yuṁa lala. E yuṁa nene, Yesu Kristo naga sane kemraṁe wo naṁa pe keyowo m̄eke lika,

<sup>21</sup> naṁa naga suṁa ṁuarar ruru ke kemraṁe taṁena la nene. Naga puar la, ana la asuṁalu m̄arera, ana yuṁa nene naga sa naṁa suṁa pimi pe yuṁa wa m̄ana ne Ntewa.

<sup>22</sup> Ntewa naga miyuṁaen amiu ke sanene narui, vena e Kristo amiu li nalelagaena lelaga lala, amiu asuṁa apimi ke

sane yuñña tai, naña naga kilia va sulueen ga loyurña ea e Ninuna.

### 3

*Pol kila yuññaena kiena ne Suñe pan la rui*

<sup>1</sup> Ana komin suri la nene naña nepisa pisi rui, inu Pol, nemlen wo amiu pa Ntewa. Nanagane nesike e yuñña na koaena, vanon naña nemiyuññaen ke yuññaena kiena ne Kristo Yesu pan la naña pe ape le Yu re poli, sane amiu, a in na nemlen wo amiu ke na wa pa Ntewa.

<sup>2</sup> Pona amiu na apisu kilale mñaga naña sane nesuñña nemiyuññaen ke vanon amiu sanene, pona peraga? Kiau yuññaena naiila amiuena nene, Ntewa naga mla pan inu e kiena lemamiena,

<sup>3</sup> ana naga sane kiena sitomena tai naña sumo naga mlawania, ana siraunia naga kipian inu ea.

Ana suri nene nesiriyu pisi rui,

<sup>4</sup> a visae amiu auloia, pisi na amiu atol kiau kiliaena e lepas nen sitomena nene kiena ne Ntewa, naña nanagane suñña pimi ke merarava e Kristo.

<sup>5</sup> E teras nasumo lala, yeririna lala la pe akilia re suri nene poli sane nanagane, naña nanagane Ntewa kipian ke e li nalologena wa lala amio mña ga kiena navisaawalena lala kome Ninuna Wa.

<sup>6</sup> A visena nene naña naga pimi merarava, naga sanene narui, naña pisa sanini pisape, yeririna tañena mña lala, la amio le Yu lala, la ga luwoka ga la atol navisa ruruena lala kiena ne Ntewa, a naña la sa ga ape lepas nen tasnela taaga ga, a naña navisaarena kiena ne Ntewa lala, la ga luwoka kiela. Suri wo la nene la apimi añalivi komin lologena wo kiena ne Kristo Yesu.

<sup>7</sup> Ana Ntewa naga kila inu nepe yaru na yuññaena kiena ne lologena wo nene tai narui, ana yuññaena nene naga pe nalaena wo tai naña Ntewa naga mla pan inu, naña kiena namñareraena suñña miyuññaen ke kome inu.

<sup>8</sup> Inu neto manene laa tanon nalelagaena wa tañena lala, ana nekekara pañisi naña e lemamiena kiena ne Ntewa, naga mligan e lumñau vena nelologon kiena lologena wo van la naña la pe ape le Yu re poli. Ve sanene narui, nesuñña nepisawal ke pan la e suri wo kiena ne Kristo lala, naña aulo ðele ga,

<sup>9</sup> a nekopian la ke mña ga sanape naña Ntewa naga suñña kila ke kiena sitomena nene pimi ðarpoyo. Siar e pogos naña Ntewa naga sii suri punu ga, pimi tol pogos

la naña añaro pa pisi rui, Ntewa naga mlawan kiena sitomena nene tonña ga,

<sup>10</sup> ana e kieta pogos nini narui, naga kila navisi lala amio namñareraena lala e yo na metava ma e peni, la avisu kilale kiena namanmaruena tañena lala, e suri la naña naga miyuññaena e lotuena kiena ne Kristo.

<sup>11</sup> Suri la nene na, la torokin sitomena kiena ne Ntewa, naña naga sitom ruru kemua sumo rui, pogos naña yomarava nini na pere wa, ana naga kila suri la nene la apimi añalivi rui kome Kristo Yesu, kieta Suñe.

<sup>12</sup> Ana komin naña ita tepiawa e Kristo, a komin naña ita tepe taaga temio naga, ana ita tekilia teimi tesumalu e marana ne Ntewa narui, naña kieta sitomena ve yuwawa re, a monar sineta mñarera e naga tevisave pisi na naga kekaran ita.

<sup>13</sup> Komin suri ne nanene, nepiun mñareran pan amiu, nepisape, awis, amiu na ve atañan re sinemiu la aloru pogos tai, naña ve aloge manene re viowagan inu e pog mñarera la nene naña nekus ke vanon amiu e yurña nakoena nene, naña la akilali inu ke pañisi. Suri la nene na, la vena ilaar amiuena vena atol naurarena kiena ne Ntewa.

#### *Leniena kiena ne Pol*

<sup>14</sup> Sanene, komin suri ne la nane nepisa ke ne, nekinai, nemlen wo amiu pa Arimata,

<sup>15</sup> naña naga pe Arimata kemua lelaga, naña ata tañena lala na mratava lala nae ma e peni amio mña ga nae yomerava nini, la asuñña amla ke ðelaga wo a kiela kia wo lala, e ga e naga.

<sup>16</sup> Nesuñña nepiun ke tan Ntewa, nesape sa naña naga kiena naurarena keviu pañisi, pisi na ligan kiena namñareraena e losinemiu kome kiena Ninuna, vena sinemiu lala asuñalu mñarera asulue.

<sup>17</sup> Inu nesuñña nemlen ke mña ga, nesape Kristo naga suñña pumi silaga e losinemiu lala kome kiamiu naviawaena, a nemlen wo amiu mña ga vena ðelaga nasitomienna imi sane purpes nen kiamiu malena lala.

<sup>18</sup> Visae ve sanene, pisi na amiu, amio nalelagaena wa tañena lala, akilia u atorokin naña avisu kilale pupia nasitomienna kiena ne Kristo, sanape naña pe lepalepasa, pona piavi, pona pa metava, pona merorol sanape.

<sup>19</sup> Lelaga ða, kiena nasitomienna nene naga keviu manene pañisi, ita tañatete tevisave tekilia ruru rui. Ana pe suri korena ga, nemlen ga vena pisi na amiu na akilia avisu kiena nasitomienna nene e

kiamiu malena lala, vano vano-o þelaga wo kiena ne Ntewa lala, a kiena malena wo, aule ruru e amiu.

<sup>20</sup> Ana nanagane, teyeluar Ntewa, naþa e kiena namareraena keviu naþa naga sumña miyumiæ ke ea e losineta lala, naga kilia yumiænia taulu manene ya naþa tekilia teviun tania, pona ya naþa tekilia tesitomia.

<sup>21</sup> Ana nanagane, nalotena kiena ne Ntewa wetelu miyeluar naga komin Kristo Yesu, nanagane, a e mïena ga e teras lelein lala na pogos la naþa apimi ke ne, vano vano-o ve uro re, sanene.

#### 4

*Ita na sane tepe tasneta taaga e Kristo*

<sup>1</sup> Sa naþa nesike e yumiæ naloge viowaena, komin yumiænia kiena ne kieta Suþe, nemareran amiu, nesape kiamiu malena lala monar mesmesu ruru e þelaga nene naþa Ntewa naga pio amiu vena amiu ayal ea.

<sup>2</sup> Ve sanene, amiu avatanon amiu, a amomau silaga. A kiamiu sitomena lala monar malum ga van amiu, naþa ve sine-miu mimi koskos re van amiu. Pelaga na nasitomiæna ne nanene.

<sup>3</sup> Amiu na akilayonli naþa auarar ruru sumïare nene naþa naga sumña sikol ruru amiu, ana ve sanene, akilia avisuar ruru navetaagaena naþa Ninuna Wa naga sumña mla ke pan amiu.

<sup>4</sup> Amiu na sa ga ape tasnemi taaga ga, a Ninuna mïena ga taaga ga sike e amiu, a e ke e þelaga nene ana navisaarena taaga ga, naþa kiamiu sitomena kilia sumïalu mïarera se ea, naþa Ntewa naga pio amiu vanonia.

<sup>5</sup> Ana Suþe Yesu naga taaga ga, a kieta nalelagaena taaga ga, a nakeena mïena ga taaga ga,

<sup>6</sup> a Ntewa mïena ga taaga ga naþa sike na, naþa naga pe Arimanane yaru punu ga, a naga pe suþen suri punu ga, a naga miyumiænia kiena yumiænia þarpoyo e yo punu ga, a naþa naga sike e malena kiena ne yeririna punu ga.

<sup>7</sup> Ana e ita punu ga peve taaga, Kristo naga mla nalaena taþena lala e kieta malena lala, naþa la apowo paþisi, mesmesu e kiena pupia lemamiænia.

<sup>8</sup> Nanene na sa naþa Visena Wa naga pisa nanua sumo rui e Yauena Lala, naþa pisa pisape

*“Pogos naþa naga pa metava e yo na metava manenea,  
naga þere kiena nasinekar lala naþa naga taulu la rui, ataveve naga,*

*a naga mla nalaena pan kiena yeririna lala.”* Yauena 68:18

<sup>9</sup> ?Ana visena naþa pisa pisape “Naga pa metava,” naga kana kinasia na ya? Kinas nen visena nene sape nanua sumo, naga pito manene laa tano rui, naþa naga pitomi tano e yomarava nini, naga pito tano e kana þiliþili merorol ne lala.

<sup>10</sup> A yeririna nene, naþa sumo naga pitomi tano, naga pe yaru mïa ke sina ga nene naþa sirau naga pa laa metava, metava ma e peni, ana þisi na, naga pa ke laa metava na wa, vena naga kilia kokonia yo la punu ga naþa Ntewa sii la.

<sup>11</sup> A naga yaru ke ga naþa naga mla nalaena pa kiena yeririna la narui, naþa laþasia, naga mligan la ape li nalologena lala, laþasia, naga mligan la ape navi-sawalena lala, laþasia, naga mligan la ape nayalinen Lollogena Wo, a laþasia, naga mligan la ape yaru na visuaren li nalelagaena lala, ana laþasia, la ave navian laena mïena ga lala.

<sup>12</sup> Kristo naga kila sanene vena kiena li nalelagaena wa lala akilia akila kiena yumiænia, vena þegas kiena ne li nalelagaena lala e yomarava nini, naþa sane tasnena, kilia kapuru manenea, a imi mïarera laa sane.

<sup>13</sup> Ve sanene, þisi na ita punu ga tekilia teimi teve taaga ga e kieta naviawaena e Narina ne Ntewa, a ita teimi teve taaga mïena ga naþa tevisu kilale ruru naga e kieta malena lala. Naga ke nanene narui, tekilia teimi teve sa naþa yaru na marua, vano vano tol naþa temarua ruru sane Kristo, naþa þisi ita teimi teve yerikawa kemua lelaga sane naga.

<sup>14</sup> Sanene, þisi na ita ve teve sa re si sisi, naþa navianena taþena kiena ne yaru na visokanena lala aure kieta sitomena lala va ve taþena, a naþa kiela navisa kotalia itaena lala la apilovilon ita, sa ga naþa lagi miyu ita, pona sive sumña kuakuankare ita tepa sane, tepa sane, peraga.

<sup>15</sup> Ana monar towarar nalelagaena e þelaga nasitomiænia, a e kieta mrapa la punu ga, monar tekapuru vena teimi teve yerikawa lala e Kristo, naþa naga pe þarin þegas nen kiena nalelagaena lala.

<sup>16</sup> A ita na sane kinakinas nen tasnena lala, a naga sumña kila ke kinakinas la nene apimi ape tas taaga ga e naga, naþa kiena merpu lala la asumi asikol ruru kana kinakinas la nene van þarina. A pogos naþa kana kinakinas nen tasnena la nene, la ataveve ruru kiela yumiænia lala, a la asumi asitomila, ana tasnena nene naga kilia kapuru, kilia imi mïarera va laa sane.

*Malena viu e Kristo*

<sup>17</sup> E kia kiena ne kieta Suŕe, nomareran amiu ke sina ga, nesape amiu na monar avisuar amiu, ŕisi na amiu na ve ataveve re si ŕelaga kiena ne la naŕa pe amlelaga re e Ntewa poli. La nene, kiela sitomena lala apiowa rui, ape mias pa rui,

<sup>18</sup> ana asike ga e yemalolo. Ana la asike manene laa perinan malena nene naŕa Ntewa naga mligan ke pimi, komin naŕa la ŕarila m̄arera paŕisi sa ga kilavaru, la pe amloge kilia re suri poli.

<sup>19</sup> Sinela lala taŕatete si amawan kiela naviowaena lala, ana la atam̄an la ga e lau narui, a e ŕelaga na kororaki lala, naŕa la asitom korenan ga.

<sup>20</sup> Ana e Kristo, pe apian amiu re nenaga e ŕelaga tai ne sanene poli, peraga.

<sup>21</sup> Ana la apisayu kiena suri wo la moki pan amiu ŕisi rui, pan amiu naŕa ataveve ke naga, a la apian ruru amiu e nalelagaena la nene naŕa sike e Yesu.

<sup>22</sup> Sanene, ana amiu na monar aligan lua ŕelaga marua naŕa apaemo amio. Pelaga nene naga sum̄a kila ke kiamiu malena na sumo pimi piowa, a sumo, kiamiu nasinenanena viowa na ŕelaga la nene asuŕia apisa kotalia amiu, ana asuŕia akila kare manene kiamiu malena la keviu paŕisi.

<sup>23</sup> Ana nanagane, sinemiu lala a kiamiu sitomena lala monar imi ve urviu nenaga,

<sup>24</sup> a amiu na monar akus ŕelaga viu lala na kiamiu malena viu e Yesu nene, naŕa Ntewa naga sii e amiu, sa ga kiena, naŕa yeririna lala la akilia avisu sa naŕa mesmesu ruru kemua, a pe suri wa.

<sup>25</sup> ! Sanene narui, visokanena toko! Komin naŕa ita tepe kinakinas nen tasnena ne Kristo ga, ana monar teve telaga lue ga va nalavisin ita la silaga.

<sup>26</sup> A visae sinemiu mimi pogos tai, ve akila re naŕa nasinemimiena nene were amiu ava e namlamulen viowa, a kiamiu nasinemimiena nene monar vito tano sumo, ŕisi na mrae vito tano.

<sup>27</sup> Amiu na monar ve ala re pulmas tai va Yermare, vena naga imi kila kare amiu, ava aiowa laa sane.

<sup>28</sup> Yaru naŕa sumo naga pe yaru na vinauena, naga monar ŕisin vinauena. Naga monar yum̄ae m̄arera e limana, e ŕelaga na mesmesu, ana ŕisi na naga kilia visuar ruru naga, a iila m̄ena ga yaru la naŕa limala korena.

<sup>29</sup> E kiamiu visena lala, ve avisa re visena kar lala, ana avisa ga visena la naŕa naga kilia iilar kiela sitomena lala, naŕa la aloge kiamiu visena nene, naŕa naga toroki ga, a naŕa mesmesu, a naŕa kilia iila la.

<sup>30</sup> Amiu ve akila re Ninuna Wa memawa, pona loge viowa vanon kiamiu visena

viowa la nene, komin naŕa Ninuna Wa nene, Ntewa naga mligan e amiu sane kiena kile tai, vena naga visawal visave amiu na ape kiena, a vena visawal m̄ena ga visave ŕisi na naga wereplan amiu e legiena maro.

<sup>31</sup> Sanene, popon ve akila re si sinekarena lala, a sinemiu ve uarar re si simimiena, a sinemiu ve melkalka re sina. Amiu aligan ŕelaga na vilupena a navisviowaena, a aligan ŕelaga na sinekarena.

<sup>32</sup> Ana amiu na awo van amiu, a sinemiu lala malumu ga van amiu, aviewo amiu, sa naŕa Ntewa naga piowo amiu rui kome Kristo.

## 5

### *Amiu na ayal e yomerarava*

<sup>1</sup> Ana komin naŕa amiu ape sisi wo kiena ne Ntewa lala, amiu akilali naŕa ataveve kiena ŕelaga.

<sup>2</sup> Amiu na monar ayal e nasitomiena, sa naŕa Kristo naga sitom amiu, naga tam̄an kiena malena pan amiu, sane ponotaninu tai naŕa po pan Ntewa, a sane nakuŕapaena tai naŕa Ntewa kekarania.

<sup>3</sup> Komin naŕa amiu ape nalelagaena wa kiena ne Ntewa, ana pe mesmesun re nenaga naŕa pogos tai, suri laŕasia imi kakate e amiu sane lau, pona suri na memawaena lala, pona ŕelaga nasinesuniena suri lala, a suri la nene pe pon re m̄ena ga ava atakorkoron poli.

<sup>4</sup> A pe pon re naŕa amiu avisa visena kar la poli, a visena namname lala, a visena na totorouena viowa. Ana popon amiu na asuŕia avisa ga potena van Ntewa.

<sup>5</sup> Nesape nevisa meraravan van amiu sanini: la naŕa la asuŕia ataŕa ke lau, a la naŕa asuŕia akila ke suri na memawaena, a la naŕa sinela sun manene suri la silaga, la nene ŕisi na akokovio. Yaru na sinenan manene laa suri la silaga, naga maran taaga ga amio yaru naŕa naga mlotun ke suŕe taŕena lala. Amiu na monar aelaga e visena nini silaga, pisape la naŕa apuarar ke ŕelaga viowa la nene, ŕisi na la taŕatete nenaga akilia ava loyuma e Nasuŕpenena kiena ne Kristo amio Ntewa.

<sup>6</sup> Amiu na ve atam̄an re yaru la aure amiu ava e mrapa taŕena lala, naŕa la avisa kotalia amiu ga e kiela visena kiki lala. Suri ne la nanene naga kila Ntewa naga sinena karla rui, sa naŕa visae la pe amlogear re naga poli, ana ŕisi na naga la nakoena van la.

<sup>7</sup> ŕisi na amiu ve ava ave ŕegas re nena amio yeririna la ne sanene.

<sup>8</sup> Nanua sumo na, amiu la nene ape yeririna na yemalolo ga lala, ana nanagane naña amiu asike e kieta Ntewa narui, ana amiu asike mēna ga e kiena yomerarava. Ve sanene na, amiu monar ayal silaga ve sa naña amiu na ape yeririna na yomerarava nene narui,

<sup>9</sup> komin e yomerarava nene, p̄isi na kiamiu malena wo, a mesmesu, a ve lelaga, ana p̄isi na kilia war mras la naña po ve moki.

<sup>10</sup> Amiu na monar akilayonli naña alual p̄elaga ya naña kieta Ntewa naga kekaranja.

<sup>11</sup> Pisi na amiu na ve amio re yeririna la naña la akila ke suri viowa lala, naña pe yuñāena korena ga lala na yemalolo. Ana popon visae amiu avietavan suri viowa la nene aimi e yomerarava.

<sup>12</sup> Ita na tememawanli mēna ga vena tevisayu suri la naña la apa akilawania,

<sup>13</sup> ana pogos naña Ntewa naga vietavan suri la punu ga nene, aimi e yomerarava, p̄isi na yomerarava nene naga kila p̄elaga la nene la amolmolue.

<sup>14</sup> A pogos naña yomerarava naga kila suri la punu ga imi molmolue e yometava sanene, suri mēna ga la nene p̄isi na imi ve sa yomerarava. Nanene na sa ga yauena nene pisa, naña naga pisa, pisape “Ko nene naña omomalio rui, otavilo, osuñālu e marena, omal sina, ana p̄isi na Kristo naga tegoli ko.”

<sup>15</sup> Komin suri nene, amiu na monar avisuar ruru amiu, sane p̄isi na yoko ayal ve sanape. Pisi na amiu na ve ave sa re la naña la pe p̄arila re poli, ana amiu na monar akila p̄elaga kiena ne yeririna la naña ape manmarua ruru po.

<sup>16</sup> Amiu na monar ava ayuporu e pulmas punu ga naña amiu añālia, vena kilaen yuñāena wo lala ea, komin naña ita tesike e pogos na viowaena.

<sup>17</sup> Pisi na amiu ve ayuñāe wowe re, ana monar amiu na akilali akilia suri punu ga la naña kieta Suḡe naga sinenan sape akila.

<sup>18</sup> Pisi na amiu na monar ve amun re si kuruta na munena vano vano-o akilalu p̄arimiu, vanon p̄elaga nene, p̄isi na naga kilia kila kare make ke sina ga kiamiu malena lala. Ana amiu na monar aule ga e Ninuna Wa.

<sup>19</sup> Popon naña amiu asunyu visena na Tus na Yauena lala, a yauena wa lala, a yauena na yeluaena Ntewa lala van amiu, a amiu monar ayau e yauena wa lala, vena aieluar kieta Suḡe e sinemiu la wetelu.

<sup>20</sup> A vanon suri la punu ga, silaga amiu asuñā avisa potena va Arimata Ntewa, e kia kiena kieta Suḡe, Yesu Kristo.

### *Pelaga na talopaena*

<sup>21</sup> Amiu li nalelagaena lala, yermēne a sira, monar avatanon amiu, sa ke ga naña asuñā apatanon ke Kristo.

<sup>22</sup> Amiu sira la naña atalopa, monar avatanon womiu lala, sa naña asuñā apatano ke pa kieta Suḡe,

<sup>23</sup> komin naña yermēne naga pe p̄arin wona, naga sa naña Kristo naga pe p̄arin kiena lotuena, naña lotuena nene naga pe tasnena, naña naga tamalia.

<sup>24</sup> Komin suri nene, sira lala la monar avatanon wola lala e suri punu ga, sa ke naña lotuena kiena ne Kristo suñā patanon ke naga.

<sup>25</sup> A amiu yermēne la naña atalopa, monar asitom manene womiu lala, sa naña Kristo naga sitom manene kiena lotuena, ana naga tamān kiena malena vanonia.

<sup>26</sup> Naga kila kiena lotuena mekiki, a naga kevania e wii, a e kiena visena, ana naga miawa pa Ntewa.

<sup>27</sup> Kristo naga kila sanene vena kilia were kiena lotuena imi puna, naña naga pe wa naña pe wa ruru manene laa sike na, sane sira mēe tai, naña naga suñāte ke sape talopa, naña naga mekik ruru po, a naga pe namname re poli, a sa naña amiyowau ruru tanea naga po na po.

<sup>28</sup> E p̄elaga mēna nene, yermēne naga monar sitom manene wona, visuar ruruia sa ga naña naga pisuar ruru ke ga tasnena. Yermēne naña naga sitom manene wona, naga suñā sitom ke sina ga naga.

<sup>29</sup> Yaru la ve asuñā avisu kare re tasnela lala, pona akila kare la, peraga, ana yeririna la asuñā apagan rurula, a la asuñā apisuar ruru ke tasnela lala. Naga nene naga sa ke ga naña Kristo kila ke pan kiena lotuena,

<sup>30</sup> a ita na tekilia ruru suri nene po paḡisi, komin naña ita na tepe kinakinas nen tasnena lala.

<sup>31</sup> Visena Wa naga pisayu mēna ga p̄isi rui, naña yermēne amio wona, lalua na aimi ave tasnela ve taaga ga, naña naga pisa pisape

“Komin suri ne nanene, yermēne ligan arimana amio anena, vano vilolar wona na sira, ana lalua aimi sane ave taaga ga narui.”

<sup>32</sup> Visena Wa nene, visena urmi tai naga suñā ea, naña sumo naga sane navisawarena ga tai, ana nanagane, nekilia nesape visena nene naga sumā pisawal ke Kristo amio kiena lotuena ne.

<sup>33</sup> Ana ve asitom re avisave visena nene naga pe pisa amiu re mēna poli, peraga, pisa amiu ke mēna ne. Ee lelaga pa, amiu yermēne lala, monar asitom manene



womiu lala, sa ga naŕa asitom amiu ke ga, a amiu sira mēna ga lala, monar avatanon womiu lala.

## 6

*Pelaga kiena ne sisi lala amio arimala lala a anela lala*

<sup>1</sup> Sisi lala, amiu na ape sa naŕa li nataveveena Kristo, amiu alogear arimamiu lala a anemiu lala, sur ne nanene na mesmesun naŕa amiu akila.

<sup>2</sup> Navisaluaena tai e Visena Wa kiena ne Ntewa pisa sanini, naŕa pisape "Amiu na ato ga tano e arimamiu amio anemiu lala," a naga nene navisaluaena na sumo naŕa kiena navisaarena tai teke metava e a,

<sup>3</sup> naŕa naga pisa, pisape visae akila sanene,

*"ŕisi na sur na kiamiu malena lala kilia kiriri wo, a vena ŕisi na kiamiu malena e porotano nini naga ve pivavi."* Naw

5:16

<sup>4</sup> Amiu arimala lala a anela lala, sinemiu la ve vilul re va narimiu lala silaga, vano vano la sinela kar amiu ke sina ga. Ana amiu na monar akawe ruru la mesmesu, a amiu avian la, a akipian la e mrapa na kieta nalelagaena e Kristo.

*Pelaga kiena ne yaru na yuŕaena amio kieta yerkawa lala*

<sup>5</sup> Amiu yaru na yuŕaena lala, alogear kiamiu yerkawa lala na yomarava nini, sa naŕa amaraun la, a avatanon la, a amiu monar akila sanene e sinemiu la wetelu, sa naŕa amiyuŕae ke kiena ne Kristo.

<sup>6</sup> Amiu na pe pon re asuŕa akila ve sanene e pogos ga naŕa la asike amio amiu poli, vena amiu akilali ga naŕa la akekaran amiu, ana monar akila suri la naŕa Ntewa naga sinenania silaga, amio kemua sinemiu lelaga, sa naŕa amiu na ape yaru na yuŕaena kiena ne Kristo.

<sup>7</sup> Amiu na monar akekaran kiamiu yuŕaena lala, a popon ve akila re si yuŕaena sa ke naŕa amiyuŕae ke ga pa yaru, ana akila sa naŕa amiyuŕae ke pa kieta Suŕe.

<sup>8</sup> Amiu na asitomli sa naŕa visae yaru tai naga pe yerkawa tai, pona naga pe yaru na yuŕaena ga tai, ana pe suri korena ga, ŕisi na Suŕe naga lamaran suri wo vania torokin kiena yuŕaena wo lala.

<sup>9</sup> A amiu yerkawa kiena ne yeririna na yuŕaena lala, amiu mēna ga akila mesmesu va kiamiu yeririna na yuŕaena lala, a ve avisin re sinekar van la silaga. Amiu na asitomalia, naŕa amiu amio la, amiu punu ga kiamiu Yerkaŕa taaga ga

naŕa sike ma e peni, a naga suŕa kila maran taaga ga pa yeririna la punu ga.

*Tekila mara pa yermare*

<sup>10</sup> Lavisi ke nekila make kiau visena narui, ana nesitom nesape nevisa van amiu sanini, amiu aŕareran manene li naŕa amiu aŕarera e kieta Suŕe, amio kiena pupia naŕareraena.

<sup>11</sup> Amiu na ayen kulsota mārera na mara lala naŕa Ntewa naga mla pan amiu, vena amiu akilia asuŕalu, a akilia asuwo mraai kiena ne Yermare, amio kiena navisokanen viowa lala naŕa naga suŕa kila ke pan amiu.

<sup>12</sup> La naŕa ita tesuŕa tekila ke mara pan la e kieta malena, la pe ape yeririna re poli. Ita tesuŕa tekila ke mara pa naŕareraena taŕena la ne, amio yerkaŕa lala kiena ne yermare lala, amio suŕe lala kiena ne la naŕa nanagane la ape purŕes nen yemalolo e yomarava nini, a tesuŕa tekila ke mēna mara temio kimi viowa la nene, naŕa la moki liu, naŕa asuŕa ke e yo punu ga.

<sup>13</sup> Ana popon ayen ruru suri na kilaen mara kiena ne Ntewa la nene narui, ana pogos punu ga a e legiena punu ga, naŕa Yermare naga imi vena kila mara van ita, ŕisi na ita tekilia tekila mara va nasinekar la nene, vano vano ŕisi, ana ita tesuŕalu mārera ke tesike na wa.

<sup>14</sup> Pogos naŕa amiu asuŕalun kilaen mara sanene, kiamiu sur mārera nakilaen mara lala na sanini narui. Kulka naŕa aŕereari e mēŕemiu, naga sa naŕa amiu apuarar ŕelaga na lelagaena. A kulsota mārera na kilawoen yepemiu vanon mraai lala, nanene na sa naŕa amiu apuarar ruru ŕelaga mesmesu suŕa e kiamiu malena lala wetelu.

<sup>15</sup> Ana pupia kulus nen lamiu na yalena, naga na sa naŕa amiu asun ke asape ava avisawal Nalologena Wo na suŕarena.

<sup>16</sup> Kulŕave nene naŕa amiu na apuararia nakilawoen mraai kiena ne Yermare la nene, naŕa kapi pivavaga ke e la, nanene naga sane kiamiu naviawaen mārera e Ntewa.

<sup>17</sup> A kiamiu kulparimiu na mara, naga sane natamaliaena, naŕa Ntewa naga mla pan amiu, a playu na kilaen mara kiena ne Ninuna Wa naŕa amiu awaria, naga sane Visena Wa kiena ne Ntewa.

<sup>18</sup> A amio suri la nene, amiu na monar alen mēna ga, monar aviun tan Ntewa vena iila amiu. A silaga monar alen e naŕareraena kiena ne Ninuna Wa, a ŕisi na monar asitomli li nalelagaena wa

taḗna la silaga e kiamiu leniena lala, naḗa maramiu ve kawa re pogos tai.

<sup>19</sup> A naga ke sina ga, amiu na monar alenwo inu mēna ga, vena ḗisi na Ntewa naga la pulmas na visena tai van inu vena nevis, vena ve nesitom ḗele re naḗa nekilia nelologon Nalologena Wo kiena ne Kristo, naḗa sumo naga su tapoloun yeririna lala, ana nanagane, ḗisi na nem̄areran naḗa nevisawal van la.

<sup>20</sup> Inu na nepe yaru na lologonen Nalologena Wo nene, ana nesike e yuḗa nakoarena, ana amiu na monar alenwo inu vena ve nesitom ḗele re naḗa nelologon Nalologena Wo nene e nini, sa naḗa mesmesun ga naḗa netaḗa.

*Visena maro kiena ne Pol*

<sup>21</sup> Inu sineun nesape vena amiu na akilia kiau suniena lala, ana komin sur ne nanene yoko neligan kieta erau wo nene, Tikikas, iḗasu pun amiu. Naga na ḗar yepe maen yuḗaena lala kiena ne kieta Suḗe e yo nini,

<sup>22</sup> ana ḗisi na naga visawal van amiu visave imimi mesike sanape, vena amiu na akilia aloge wo si e imimi.

<sup>23</sup> Ana suḗarena, sitomena a navi-awaena la apitom kome Ntewa Arimata, a Yesu Kristo kieta Suḗe, la asuḗa amio ita, amio mēna li nalelagaena la punu ga.

<sup>24</sup> A lemamiēna kiena ne Ntewa naga sike e amiu, a e mēna ga e ita punu ga naḗa tesuḗa tesitom manene laa kieta Suḗe Yesu Kristo, naḗa ḗisi na ita tesitom naga vano vano-o, ve uro re, sanene.

Inu, Pol.

## Maki Naḗa Pol Siria Pa Pan Li Nalelagaen Wa Lala Nae Garu PILIPAE Visayuena Na Tusi Nene

*Komḗasnen suniena plas na tusi nini*

Pol siri m̄aki nene pa e suḗare nae Piliḗpae naḗa la nene ape yaru ḗesa nae Yurop naḗa Pol mlologon ḗesan lologena wo pani la, ana apimi ape li nalelagaena. Piliḗpae naga pulkumali keviu tai na lepas ne Masetonia, naḗa sike vatanon Parin Suḗe keviu nae Rom. Pol siri m̄aki nini e pogos tai naḗa m̄eke e yuḗa naloge viowaena, a e poglis nene li nalelagaena laḗasa asuḗa akawe naga, a naga miloge piowa m̄enaga e vianena na visokanena naḗa sike loyuḗa e suḗare nae Piliḗpae. Maki nini kila meraravan naḗa Pol naga ḗasine ga Ntewa, a naga kekara na kekara, ana tekilia sane naga sanene komin naḗa naga mlelaga m̄arera e Yesu Kristo.

Pol siri m̄aki nini vena visan potena van li nalelagaena lala nae Piliḗpae naḗa amiila naga e ya naḗa naga sinenania. La nene amligan kilavaru laḗasa pa pania vena iilaen naga, a naga siri m̄aki nini pani la, vena visirluaen kiela sitomiena vena alelaga m̄arera e Yesu Kristo. Naga kila sanene komin naḗa visae aloge sane naga m̄eke yuḗa naloge viowaena, ana pe aloge viowagan vaḗisi.

Naga pisa pan la vena akila kiela sitomena la suḗaga tano, sane sitomena kiena Yesu Kristo. Pe pon re avilave poli, a asuḗa asitom la ga. Naga pisa panila sape kiela maliena viu naḗa sike e Yesu Kristo, naga suri naḗa Ntewa mla korenan ga sanene pan la e kiena lemamienna, a atol ga e kiela lelagaena lala. Pe atol re kome naḗa amlogear navisaluaena kienalus nae Israel la poli, peraga, atolia komin amlelaga ga e Yesu Kristo.

Pol sinenan sape li nalelagaena lala nae Piliḗpae monar atol ḗelaga kiena Yesu Kristo. Naga sape la naḗa asikol la ruru e Yesu, Ntewa mla suḗare na lelaga sike e kiela maliena, a kila la asuḗa akekara luwega.

Pupia suri tai naḗa Pol pisayu e m̄aki nini, naga sape li nalelagaena lala monar asikol ruru la amio Kristo, monar akekara, a kiela sitomena lala a kiela lelagaena lala suḗal m̄arera e naga silaga. Maki nini kila merarava pan ita naḗa Pol naga sinen sii paḗisi li nalelagaena na suḗare lala nae Piliḗpae.

*Komḗasnen tusi la na nini*

Visena ḗesa 1:1-11

Suri la naḗa Pol suḗa mloge ke piowagania 1:12-26

Malena kiena yaru naḗa mlelaga monar taveve maliena kiena Kristo 1:27—2:18

Pol sape vitetalia Timote va gar pun la, a pitetalia Epaprottaetas ḗasuḗe si pa uḗa 2:19-30

Le Piliḗpae lala monor avisuar la e kiela sinekar lala 3:1—4:9

Pol amio kiena erau lala nae Piliḗpae 4:10-20

Visena maro 4:21-23

*Visena na sumo*

<sup>1</sup> Maki nini, yar na yuḗae korenenala lua kiena ne Yesu Kristo, nane imimi lua Pol amio Timote, imimi lua mesiri piḗasu pan amiu, naḗa asike e pulkumali naḗa Piliḗpae, nane amiu naḗa kiamiu malena su ruru ke amio Kristo, sane ape li nalelagaena wa lala, amio kiamiu nasumonena lala amio kiamiu yaru naiilaena lala.

<sup>2</sup> Imimi lua mekekaran navitawe amiuenta sina ga e m̄aki nini, e kia kiena ne Ntewa arimata a Suḗe Yesu Kristo, a imimi lua mepiun tan lalua nene, vena aligan lemamena a suḗarena sike amio amiu nanagane.

*Pol mlenwo la*

<sup>3-4</sup> In na nesitoḗal amiu lue ga e kiau leniena, a nekekara lue ga nalenwo amiuenta van kieta Ntewa, a navisaen potena paḗisi vania vanon amiu.

<sup>5</sup> In na nesitoḗal ke kiamiu navisuarinena, amio m̄ena kieta nayuḗae veragaena e lologena wo, siar e naḗa nesiar kiau yuḗaena e amiu, pimi tol nanagane, ana nepisa potena paḗisi vanonia.

<sup>6</sup> In na nemlelaga sane Yarkeviu, naḗa siar kiena yuḗaena wo tai pan amiu rui, naga kilia yuḗaen m̄a vano, vano-o kila ruru punu ga, nane e pog maro e pupia legiena nena kiena Yesu Kristo.

<sup>7</sup> Vanon sanene, avisu naḗa in na nesitom amiu manene laa, nepisu sane nanene na mesmes ga, vanon tepa lele taaga loyuḗa e lemamena kiena ne Ntewa rui, ana amiu amio inu e sur la mok rui, e pog wo a e pog m̄arera. Nanagane, nepuarar ruru amiu asike e loyuḗa e inu, kila sane nanagane pogos naḗa nesike e yuḗa na koaena, sa ga naḗa ita m̄a nena ga. Pona visae aure inu neva e kumal na visen van inu vanon lologena wo naḗa nepisawal ke ne, ana sa ga amiu amio inu ke na wa.

<sup>8</sup> Nanene pe lelaga ne, ana Ntewa kilia sape sineun mēna nesape nevisuli si marami wa. Awe, sineu miye amiu paþisi ne, e sinesiena make ga kiena ne Yesu Kristo.

<sup>9</sup> Nemlenwo amiu sanini, nesape kiamiu sinesiiena monar kapuru lue ga, a visae na kiliaena wo a namanmaruaena a navisuveve ruruena sike e amiu, kilia iila sinesiiena nene imi ve keviu lue van amiu.

<sup>10</sup> Visae amiu ave sanene, yoko akilia atol make ga þelaga wo lala, a aligan la naþa piowa, ana yoko kiamiu malena la kilia merarava ruruia, taþatete sur tai te amiu e legiena kiena ne Kristo naþa pimi ke ne.

<sup>11</sup> A kiamiu malena la yoko kilia war mras nen mesmesuena naþa Yesu tamān pimi, ana sane kieta mrpa tai naþa tekilia teyeluar Ntewa vanonia, a Ntewa mēna þarwarinia.

*Pol sike e yuṁa na loge viowaena a kila ke yuṁaena kiena Suþe*

<sup>12</sup> Wolai a vineu lala, nesape nevisawal sur nene van amiu, sane pog mārera la naþa pimi pan e inu ke narui, pe akilawo re kiau yuṁaena poli, peraga. Ana la amillaar ke lologena wo kilia va manene laa sane e yo taþena la ve moki.

<sup>13</sup> E lepas nen yo naþa nesike ea, nepisu sane yar na mara lala amloge lologena wo na rui, a pa tol yar na mara e yuṁa mēna ne Parin Suþe Sisa, amio yeririna taþena lala. Nanagane na la apisu kilale rui sane noþar ke sen la nene vanon ga Kristo.

<sup>14</sup> A nekekara mēna paþisi navisuen pogos naþa apuarnu e yuṁa na koaena sanene, ana sur nene pe kila re li nalelagaena taþena la e nini amarau poli, kila la asuṁal mārera laa sane e Suþe, a aþaryon ke ga navisawalen visena kiena ne Ntewa.

<sup>15</sup> Lala amlologon visena kiena ne Ntewa, pe sur wo tai, ana sur taaga, nekilia sane lala þasia amlologon Navisaarena Kristo e sitomena wo, a þasa amlologon e sitomena na vielueena a e sitomena na vilaveena.

<sup>16</sup> A la naþa amiyuṁae po, apisuluþar sane nesike e yuṁa na koaena vanon nemiyuṁaen lologena wo, ana sinela piowagan inu, a sinela piowagan la naþa pe amloge re poli wa, þisi na amlologo e sitomena wo.

<sup>17</sup> Ana lala taþena nene, amlologon Kristo ana pe ape lelaga re poli, aþarwar la paþisi, asape akila sa naþa lala towe ava metava. Sitomena viowa na sanene sike e la, ana pogos naþa apisu naþa apiar ruru inu e sen la nene nesike e nini, apisu sane pe kiela pog naþa akilia avisayu kare kiau

kia e maran yar lala, ana akila kiela kia la pa metava.

<sup>18</sup> Ana ane kilia, pona pe pe sur re tai poli. Kiela sitomen po yo, po piowa ga, ape lelaga pona apisokan, ana pupia sur keviu, kia kiena ne Kristo monar molue lue ga silaga.

*Pol sape mal pona mare, ana sinenan ga Yesu*

<sup>19</sup> Sur ne na nene, pogos naþa nemloge asape kiena kia momolue ke pa rui, nekekara paþisi, ana sa pogos tai neloge sane kiena yuṁaena pa po manene laa ke sane, yoko neloge won vaþisi. Nanagane na nepisu sane amligan nu nemēke ga e marena, a pe mrpa re naþa nekilia nemolue si vetan poli, ana pogos naþa nemloge sane kiena yuṁaena pa ke meta sanene, miilalua si kiau sitomena sane, kila nemlelaga manene laa sane e kiamiu leniena lala, amio naiilaena wo kiena ninuna ne Suþe Yesu Kristo, sane yoko wo van inu na wa.

<sup>20</sup> Sanene na, nanagane na nemlelaga ke mārera sane akilali ya ne van inu, ana taþatete akila nekila sur tai na piowa pona nevisa visena tai naþa yoko nemawan sina e marana ne Ntewa. Visae nemal po nemare, pe pe sur re tai poli, ana sane pogos punu ga, sineun ga nesape nemāreran ga kilae kiena ne Kristo va manene laa metava wa, e sur ya naþa yoko vim katen inu po e tasneu.

<sup>21</sup> Sur naþa teke e inu sanini, visae nemali, malena wo kiena Kristo sike amio inu, a visae nemare, neva nesike nemio naga, naþa wo manene laa sane.

<sup>22</sup> Visae ve kiau naþa nemal ve piavi re laa sane e yomarava nini, naga nene sane kiau yuṁaena wo þas sike ga wa nayuṁaenena, naþa kilia war mras wo lala. Sanene na, nepisu sane visae nesuṁa, woga ga, a nepisu mēna sane visae nevano, naga mēna poga ga. Pisi na nemninue narui, popon netaveve nape narui.

<sup>23</sup> Marera pan inu paþisi navisuveven mrpa lua nene navisa logiaena tai, komin e kana lepas tai, sineun manene laa paþisi vena nevetan yomarava nini, neva nesike nemio Kristo, naga po manene laa sane,

<sup>24</sup> ana nepisu mēna sane popon manene nesu re laa e nini sane, vena neiila amiu re laa ga wa.

<sup>25</sup> Sitomena ne sanene mārera ruru pan in rui, kila sane nanagane nepisu sane nekilia nevisaar van amiu sane nesike si nemio amiu na wa, vena kila amiu akilia aloge wo e kiamiu viawaena e Kristo Yesu, a vena akilia ava re laa sane amio naga.

<sup>26</sup> Ve sanene, yoko visae pogos tai neim nekten amiu, nemlelaga sane yoko kila amiu akekaran Kristo va laa sane na wa, a yoko wo vaḗisi van amiu, kila ne kiamiu sur la ve moki sina na visaen potena vania a ve naveluaren naga vanonia.

*Monar teyakolkol ita ruruia, teve taaga na kilaen mara van sinekar lala*

<sup>27</sup> Ana pe tekilia ruru re poli wa sane yoko ve sanapen inu, ana pe sineun re asitoḡal in poli, asitoḡal amiu ga. Ayal ruru e mrapa na po, mesmes sane ave yar na lologena wo kiena ne Kristo. Pona nekilia neim nakaten amiu, po taḗatete neiḡasu, ana popon visena tai tol kiligau sane apiawa ḡarera ruruia, naḗa ninumiu ve taaga, kiamiu sitomena taaga ga na suḡalen lele taaga, amiu aḡareran sane nalelagaena e lologena wo monar tauluia.

<sup>28</sup> Ana ve amarau re, asitom korenan sur la naḗa sane yoko nasinekar la akila van amiu. Pogos naḗa neloge sane akila ke sanene, yoko wo na wo, vanon yoko ve kile kiena ne Ntewa van nasinekar lala vena welualaen, a ve kile kiena ne Ntewa van amiu vena kiamiu natamaliaena.

<sup>29</sup> Lelaga, yoko monar akila mara amio sinekar la sanene, vanon pogos naḗa Kristo ḗere amiu ape kiena, pe naga re ga naḗa aviawa ga e poli, ana yoko akus ḡena naloge viowaena vanonia.

<sup>30</sup> Monar ve sanene, vanon nanagane tokus pae ke pupia mara nene naḗa nanua apisu ke nokusia, pona naḗa asuḡa amloge ke asape nokus ke ga wa.

## 2

*Pelaga wo naḗa popon tekila van ita*

<sup>1</sup> Sineun nesape amiu asitom veveli kieta malena wo temio Kristo. Kiena ḗelaga ḡilalua ke kieta sitomena, ne! Kiena sinewoena kila temloge po paḗisi, ne! Ninuna kila tesu ruru ke temio ita, ne! A naga kila naḗa malumuena a sineyeena pulen ita, ne!

<sup>2</sup> Ana komin naḗa kila po pan ita sanene narui, nesape neiakol visena, neviun van amiu vena ava re laa sanene. Awis, ataḡan sane kiamiu ḗelaga pan amiu, yoko maran ve taaga ga sane kiena ḗelaga pan amiu. Ana popon sinemiu iyeiye amiu, maran taaga ga sa naḗa naga sinen miye amiu, a kiamiu visena a kiamiu sitomena ve taaga. Visae nevisu akila ve sanene, yoko neloge wo, nekekara na nekekara.

<sup>3</sup> Ve sanene na, ve teyuḡae re si e ḗelaga na puluvisena, a ve tekila re si suria e nawarwarena, ana monar temalumu,

tekila ita tesu ga tano, tevisu yar taḗena la sane apo taulu ita.

<sup>4</sup> Ve tesitoḡal ita re ga, amio ya naḗa pe kieta, ana monar tesitoḡal ḡena yar taḗena lala, amio ya naḗa pe kiela.

<sup>5</sup> Popon sitomena wo amio ḗelaga wo su lue ga e ita, komin naga nene naḗa tepisu e Kristo Yesu rui, naḗa po na po.

<sup>6</sup> Naga sa naḗa yauena tai naḗa pisa, sape  
Naga pe nono na Ntewa, sa ga Ntewa, ana pe ḡareran re sape naga maran taaga ga sane naga poli.

<sup>7</sup> Naga mligan kiena naurarena sike ma e peni,

pitomi sane pe sur korena ga tai, paeme e yomarava nini pe yeririna pimi sane yaru na yuḡaena naḗa pe kiena kia re poli.

<sup>8</sup> Lelaga, yaru nae ma e peni pimi pe yeririna nae yomarava, kila naga pito tano, sike ga tano vatanon nasinenanena kiena ne Ntewa, pano-o tol marena e laki torovia.

<sup>9</sup> Mlogear Ntewa, ḗisi na Ntewa pisirlua naga  
kila kiena kia pa metava manene laa taulu kia taḗena la punu ga.

<sup>10</sup> La nae peni, a la nae yomarava, a la nae yo tano, yoko la punu ga avatanon kia nene,  
yoko akinai vania.

<sup>11</sup> Yoko gola la punu ga ayeluar Ata Ntewa, avisawal e marala, asape Yesu Kristo naga taaga ga pe Suḗe.

<sup>12</sup> Erau lala, e yo nene tepisu naḗa Yesu mlogear arimana, a amiu ḡena, nanua nepisu sane amlogear ruru ḡena naga po na po. A nanene pe nakilaen re ga e pogos naḗa nesike nemio amiu, komin nanagane pe nesu re si nemio amiu poli, pe nepisu re si sane asike sanape, ana sineun nesape asuḡa akila ḡa wo va laa sanene.

Amiu atol pa natamaliaena rui, ana pi-owa naḗa atotano korena amio, ana monar asitom urmi ea. Monar avisuar ruru pupia yuḡaena wo naḗa Ntewa kila, na amiu ḡena monar ayuḡaen lili ḡaga yuḡaen wo lala na malena viu nene naḗa naga mla pan amiu.

<sup>13</sup> Ana nemlelaga sane tekilia tekila, vanon Ntewa ga nene miyuḡae ke e kieta malena la ita peve taaga, ḡila ruru ita naḗa kieta sinenanena lala kekaran na kilaen kiena sinenanena, a kila ita ke tetorokin nakilaen suri nene.

<sup>14</sup> Ve sanene, sur ya naḗa sike e lumoḡa na kilaena, okila naḗa sane ve ovis mumu re pona ve ovisamaran re sina.

<sup>15</sup> A tesike likan yeririna la naþa akuspal mrapa, kiela sitomena la pe taþena, ana ita monar teyuþaen kieta yuþaena la wo a mesmes. Ita tepe narina ne Ntewa lala, naþa popon kororaki ve to re e ita, a monar tepe sane kap tego na tegolien mrapa kiena yeririna la na yomarava nini.

<sup>16</sup> Amiu auarar ruru visena namalena vanla, vano-o tol pogos naþa pupia legiena naþa Kristo yoko wasuþe sina ga. Sanene yoko nekilia nevisu sane pe nekirir korena re poli, ana nekilia nevilaven amiu, nekekarana amiu sane ape pupia mras nen kiau yuþaena tai.

<sup>17</sup> Pona vano-o tol sane kau kuruta monar lau vanon amiu, a visae ve sanene, nepisu sane pogaga. Nepisa sanene vanon nepisu sane amlogear Yesu, akila amiu sane pe kuþaþaena tai pan rui, ana popon in mþena nekekarana nataþanen kiau malena vanon yuþaena kiena Suþe.

<sup>18</sup> Nane nepisa, sane nekekarana ve sanene, a popon amiu mþena akekarana, komin naþa visae Ntewa kekarana sape nekilia netarlu kiau malena vanon yar taþena lala, naga pe sur wo tai naþa naga kila van inu.

*Pol sinenan sape vitetalia Timote va pula*

<sup>19</sup> Nesape nevisawal mþena van amiu sane e lepa kiena ne wolai nene Timote, kiau sitomena mþarera e Suþe Yesu sane yoko ve ve piavi re, yoko nevitetalia naga iþnasu pun amiu. Nekekarana naga paþisi sane popon sa naga iþnas visu amiu, þisi na war kamiu lologena þasia imi si pun inu, naga nene yoko kila neloge wo vaþisi ne.

<sup>20</sup> In na nepisu sane pe nekirawal re si yar tai e nini poli sane naga, po torokin naþa nevitetalia iþnas pun amiu. Naga kiena sitomena maran taaga ga amio inu, ana nekilia sane visae naga sike amio amiu, neþasine sane yoko naga sitom lue ga nakilaen wo manene laa van amiu.

<sup>21</sup> Lala taþena la asikena, ana pe asa re naga poli. In na nepisuluþar la rui, sane sur naþa keviu e kiela sitomena, nane sur la naþa pe kiela ga, ana sur kiena ne Yesu Kristo, asitom korenan la ga, pe asitom re urmi e poli.

<sup>22</sup> Ana Timote tekilia sane naga po paþisi, akilia rui sanape naþa imimi lua memiyuþaen veraga e lologena wo, pano-o nepisu naga sane pe naruu, a naga pionu pe arimana.

<sup>23</sup> Sanene na, nepisu sane pe yar mesmes naþa nevitetalia iþnas pun amiu, ana taþatete iþnas na wa. Sineun nesape nevisuli sane yoko ve sanape van inu e nini sumo wa, þisi na naga kilia iþnas visawal van amiu.

<sup>24</sup> Visae yoko imi wo van inu e nini, nekilia sane yoko ve naga taaga re kilia vim katen amiu, ana nemligan ke e kiau leniena, nemlelaga e Suþe sane yoko ve ve piavi re na yoko akilia avisu mþena marau neirþas nakaten amiu.

*Pol pisu sane popon Epaprotætas wasuþe si pula*

<sup>25</sup> Sur taþena si tai na visawalen van amiu, sane kieta puruvi naþa Epaprotætas, naga mai paþisi pano-o nepisu sane popon neligan naga wasuþe si pun amiu sumo wa. Amligan naga pimi sane kiamiu naiilaena tai van inu, þisi na memiyuþaen veraga po, mesuþal veraga e mara na po na po.

<sup>26</sup> Ana sur taaga ga, maiena nene tolia, kila kare naga paþisi, kila naga sinenan pisape iþnas si uria pun amiu. Ana pogos naþa naga mloge sane lologena na kiena maiena nene tol pa pulkiligamiu la rui, kila naga mloge piowa li mþaga, sinenan pisape visu amiu.

<sup>27</sup> Lelaga ga, maiena nene kila naga piowa pano-o mepisu sane yoko taulu naga, þisi na Ntewa sinen miea, pe mare re poli. Ana in na nesitom ke sane Ntewa pe sitom re ga naga poli, a sitom in mþena ga, komin visae naga mare, yoko mþarera mþena van inu vaþisi, yoko yakol si pupia naloge viowaena metavan si naloge viowaen taþena la naþa nokus ke pa rui.

<sup>28</sup> Ana pogos naþa mai sanene, sike amio in e nini wa, nemloge piowagan naga paþisi. Ana sineun nesape neligan naga wasuþe sina pun amiu sumo wa, a nemlelaga sane amiu mþena akekarana navisuen si marana.

<sup>29</sup> Sineun aworworun naga e kia kiena ne Suþe, avisuar ruru naga sa naþa apisuluþar naga amio kiena yuþaena la naþa kila e nini. Yar sur la ne sanene, popon tevisuar ruru la, po tewatanon la,

<sup>30</sup> vanon akila yuþaena kiena ne Kristo po paþisi. Epaprotætas naga sanene narui, naþa sitom manene laa yuþaena nene, kila sane pe sitom re nena kiena malena, lavis marenia. Naga kila sanene vanon sinenan sape ve masisu e yuþaena naþa amligan e limana. Amiu taþatete aim aiila inu, ana amligan naga kus kiamiu kia, pimi miyuþaen ke amio inu. Naga nene aure si naga, akila wo vania.

### 3

*Sineun nesape nekilia ruru Kristo va laa sane, amio kiena puriu kawaena*

<sup>1</sup> Wolai lala a vineu lala, poga ga, nesape nesiar nokotawe kiau visena narui. Visena maro tai na po na visaen van amiu sa nini,

amiu akekara silau e malena wo naḡa Suḡe mla pa pan amiu rui.

Pona visena nene nepisa pa pan amiu yam moki yo rui, ana ve sinemiu kar in re, pe nesitom re sane piowa navisaen sur wo la van amiu yam ve moki poli. Naga poga ga pan inu, a nesitom sane kilia iila amiu mēna ve keviu va laa sane.

<sup>2</sup> Ana visena viu si tai naḡa nesitoḡalia navisaen van amiu sanini, sane monar avisuar ruru amiu e la naḡa amologon manene ke ḡaviu. Na nene komin naḡa aḡareran ke asape ḡaviu nene naga ga pe mrapa naḡa yar kilia va loyomā e namratava puna Ntewa, ana na nene na pe lelaga re poli. In na pe nekekarān la re nena ga, nepisu la sane amiyuwon polo la asu kar ke ga sa ga lokul tetan lala.

<sup>3</sup> Sur naḡa tesike ea, naga pe sa re nena nene. Ve tevisu re sur la naḡa sike e kulu yepeta, sane sur ne la nene kila ita temerarava e marana ne Ntewa, komin temlotun ke naga e ninuta, a tekekara silaga na sitoḡalen Yesu Kristo kila ruru kieta mrapa. !Visae asun avisasa ke asape ḡaviu ga kila Ntewa kekarān yeririna, monar tevisa tesape naga pe na yepela ga. A naḡa nalelaga nena, nane ita tesike e ne, naḡa tete plan ke ḡelaga viowa a sitomena viowa vetan kieta malena lala!

<sup>4</sup> A visae aḡareran ke asape Ntewa yoko kekarān ita e sur ga la naḡa sike e ita, pona nekilia nevisawal kiau sane yoko wo taulu si kiela yo.

<sup>5</sup> Visae nevisa plan kiau sunena lala, yoko amiu avisu punu ga mesmes ga a po, taveve ḡelaga mesmes a ya naḡa navisaluaena pisa. Sur na sumo, e kiau lus lala, in na nemolue mesmes ga e pupia lus nae Israel, nepe kuruta mal mesmes e lus kiena ne yermarua apua naḡa Pensiman. Ata amio auia, lalua ape Yu, kila in mēna nepe Yu nena napo. A ta sina, in na nepaeme, tol kana wik taaga ga, nepe ḡaviu. Sur taḡena, e lepas na navisaluaena kiena le Yu la, in na nepim nekeviu nepe kana Varasi tai, nepian ke pan yar taḡena lala.

<sup>6</sup> A nanua sumo, e lepas na iilaaren lotena kiena le Yu la nārera, in ke narui naḡa netaulu punu la la sane, nekilaḡel ke ga li nalelagaena na suriāre la paḡisi. Ana na maro naḡa nekilia nevisa, e lepas na ḡelaga mesmes, pe visen re nena tai e navisaluaena kiena le Yu lala naḡa nekilarovia pona nekila palia.

<sup>7</sup> Sur la nene, kila apisu sane in na nepo paḡisi, amligan inu nemon laa metava paḡisi. Ana pogos naḡa Kristo pio inu, pe nepisu re si sur la nene sane pe sur wo la pan inu poli, nepisu la sane pe sur na

kokovioena ga, ḡisi na nemligan punu ga sike na, nesiraun ga naga.

<sup>8</sup> Lelaga, nekilia nevisave ve sa nene narui, sane nepisu ke sur la punu ga nene pe sur na kokovioena ga, ana sineun ga nesape nekilia Kristo Yesu sane pe Suḡe e kiau malena, va re laa sane. Sur taaga ga nene nepisu po, naḡa kana napoena po taulu sur taḡena la punu ga, ana naga ga nene sineunia. Sineun manenea na tolen naga e kiau malena, ana nekilalu kiau sur taḡena la punu ga kominia, ana woga ga, nepisu sur la nene sane pe kororak ga pan inu.

<sup>9</sup> !Visae kiau malena kilia yakol ruruia e kiena malena yoko wo na wo! Naga nene in ga taaga taḡatete neyumiāenia, komin naḡa sa nelogear navisaluaena, yoko navisaluaena taḡatete kila sane netorokin naḡa nemesmesu e marana ne Ntewa. Ana kieta mrapa taḡena natolen namesmesena sumā ga. Na nene, naviwaena e Kristo, a naga pe mrapa namesmesena naḡa Ntewa ga pietavan ita ke la naḡa temlelaga e narina.

<sup>10</sup> !Visae nekilia naḡa nekilia ruru ga naga, amio pupia puriukawaena kiena ne Ntewa naḡa kila naga mal sina ga e marena, yoko wo na wo! In na nekekarān ga na kuspaean naloge viowaena la naḡa naga kusia, a visae nekilia netorokin naḡa nemaren marena ta ne sane kiena marena, yoko nevisu wo manene vaḡisi van inu.

<sup>11</sup> Sur nārera ya na sa nene naḡa monar nowaro ea, na woga ga, ana monar nekila ga ya naḡa nekilia vena netol malena viu na sumālen sina e marena.

*Sur naḡa tesuḡia toḡarwaryon ke ne*

<sup>12</sup> Nepisayu inu ke sina ga sanene, pe sineun re nesape asitom ke asape in na nesape nepo punu pa rui, pona netol pa kana nāak rui. In mēna pere ke ga wa, ana komin nekilia sane Kristo Yesu ḡure inu nepe kiena pa rui, sineun nesape nowaryon lue ga vena netol lele tai naḡa naga kilia kekarania.

<sup>13</sup> Wolai a vineu lala, monar nevisa ruru van amiu, nepisu in sane pe netol re lele nene poli wa, ana yumiāena taaga ga nene teke e kiau sitomena silau, sane in na monar sineun pesan sur ya naḡa sike varaun inu, ana monar newaryon natauluen sur ya naḡa sike e marau.

<sup>14</sup> Sur naḡa neḡaryon ke ne, naga sanini, sane kiau malena monar yoko wo ruruia amio Kristo Yesu, vano-o yoko in mēna neve yar tai naḡa neloge viowa wo kiena ne Ntewa naḡa visa van inu, sape “! Pogaga, ko ovam metava osike amio inu narui!” Sur nene sa naḡa tropi tai naḡa

amligan ruru n̄eke rui, ana tekiririn ke, vena tetaulu ve kieta.

<sup>15</sup> Visae ita þasia kieta sitomena la marua ruru þisi, popon teyuñae ve sanene narui, ana visae e sur la þasia, ita þasia kieta sitomena la pe marua ruru re sanene poli wa, nemlelaga sane Ntewa yoko kila sur la nene merarava ruruia van la. Pona e sur la moki pe tepim tepo re e poli wa, ana yoko naga iila ita e na wa.

<sup>16</sup> Ana monar towarar ruru naga naþa tepim tepo pa e rui, sane piowa naþa teloru teviepal sina ga vetania.

#### *Ataveve lau*

<sup>17</sup> Wolai a vineu lala, nepisa awis pan amiu sane monar ayakolkol ruru amiu, ataveve li lelen lau e mrapa na kiau malena. Visae avisu kilale amiu þas sane akila ke po sanene rui, amiu taþena towe lai, ayal ataveve lala lala.

<sup>18</sup> Nepisawal visena nene pan amiu yam mok li rui, a nanagane na nepisa ke sina ga naþa nemloge piowagania, amio wamarau mlau. Nanene komin naþa nepisu ke amiu þasia sane aþar ke kia naþa ape li nalelagaena, ana kiela malena þarlologia ga sane ape sinekar amio Kristo, amio kiena lak torovia.

<sup>19</sup> Kieta nasinekar la nene, sur naþa amlotunia, naga meþela ga. Kiela naviowaena lala, popon amawania, ana apilaven manene laa. Sur naþa pulen kiela sitomena, sur na yomarava ga la nini, ana luasnela, akovio viowa ga.

<sup>20</sup> Ana ita, pe tepe yeririna na yomarava re la nini poli, kieta purvanua napo, nane ma e peni metava. Yar keviu nae e nene, nane Suþe Yesu Kristo, kieta natamaliaena, ana tesike e yomarava nini wa, tesuñate ke naga, tepisusu ke sane yoko ve ve piavi re vitomin ita sina.

<sup>21</sup> Ana pogos naþa visae naga vitomi, yoko yuñae amio kiena pupia puriukawaena naþa torokin nakilaen sur punu ga su vatanon kiena nasuþenena, ana yoko vilopu ita. Nanagane, tesike temio yepeta marua la na yomarava nini wa, naþa menunu pororowa ga, na ape sur na marena ga, ana yoko naga la tas viu la van ita naþa po sane tasnena, naþa merarava, tego, m̄arera, suñia wo sulue ga.

## 4

<sup>1</sup> Ve sanene, wolai lala a vineu lala, popon amiu asuñal m̄arera sanene e kieta Suþe. Nepisa sanene vanon nesitom amiu, sineun amiu paþisi, amiu akila inu nekekara keviu, noþarwarin amiu paþisi, ana sineun nesape yoko wo van amiu silaga.

#### *Visena kiena yeririna þasia*

<sup>2</sup> Nemloge piowa komin nepisu sane monar nevis ve tokaki van kieta sira lua nene, Yuotia amio Sintike. Lalua apis vitawa pan la paþisi, ana nepisa pan amiu sane sineun lalua monar akila kiela sitomena vito ga tano, vim ve taaga vatanon kieta Suþe.

<sup>3</sup> Sira lua nene, nanua nemiyuñae veraga nemio la po paþisi, amio m̄ena yar nene Klemen amio yar taþena lala, naþa moþaryon lologena wo pano-o imimi punu ga kiamimi sitomena taaga ga. Nekilia sane kia kiena ne yeririna nayuñae na punu ga nene asiriari sike pa e tus na malena rui, ana pogos naþa amlipere la sina, nemloge piowa paþisi. Ve sanene, kiau naviunena tai van ko ne, kiau erau naþa nanua sumo tepe yar na yuñae veragaena konua rui pimi. Neviun tan ko vena ko na oiila sira lua nene vena aim ave erau wo sina ga.

#### *Visena na iilarena lala*

<sup>4</sup> Ana kiau visena si tai van amiu punu ga, nesape amiu akekara e Suþe, akekaran naga silau.

<sup>5</sup> Pogos naþa alual pog m̄arera, ava ruru ga, akila sa naþa yar la avisu kilale sane kiamiu sitomena la piayavi ruruia. Akilali naþa asitomiñal lue ga sa naþa ve ve piavi re na, Suþe wasuþe sina.

<sup>6</sup> Amiu ve akila re sinemiu la pepen sur lala, a e sur ya la naþa imi kate e kiamiu malena, avisa siþa van Ntewa vanonia. Avisawal vania e sur ya naþa apilasina, aleninia, atagin vania, ana nanene monar akila silau e sitomena na visaen potena.

<sup>7</sup> Ana pogos naþa aligan sur punu ga e limana sanene, yoko avisu naþa Ntewa yoko ligan kiena sum̄are e amiu, iila amiu. Kiena sum̄are nene keviu paþisi, kilia kila wo vaþisi van ita taulu ya naþa tekilia tesitomia, vano-o kila naþa uarar ruru sineta po kieta sitomena vena m̄arera e Suþe Yesu.

<sup>8</sup> Wolai lala a vineu lala, lavis nevisa make kiau visena van amiu narui, ana nesape neiilaar amiu vena kiamiu sitomena la ulen ga sur la naþa Ntewa sinenania. Sur ya na pe lelaga, po sur ya na mon metava, po sur mesmes ya, po sur merarava ya, po sur nowo ya, po sur ya navinaiaena, po sur ya na yeluarena, po sur taþena ya napo, nanene kana sur ne la naþa po asulue ga e kieta sitomena lala.

<sup>9</sup> Naga nene pe þelaga la naþa noþaryon ke vena neviani amiunia, pona atol tan inu, pona metavana, apisu e kiau malena. Ana visae avisu sane pe lelaga sane þelaga wo laþas nene sike e kiau malena, nemiyue



awis pan amiu vena amiu mēna aligan ruru e kiamiu malena lala. Ana visae akila sanene, nemlelaga sane kieta Ntewa nasuñareena yoko sike amio amiu, iila amiu.

#### *Potena e nalaena*

<sup>10</sup> Nesape nevisa van amiu nesape pupia kekarena pan inu, sane yam piavi li mā ga pe nepisu re sur tai poli, þisi na netol ga narin nalaena naþa amligan pimi. Nemlelaga sane asitom na mā ga, ana nekilia sane amiu pe mrapa re ga naþa akila akila sur imi tol inu e nini poli. Ana pogos naþa nepisu kiamiu nalaena nene, nepisu sane kiamiu sitomena naiilaena kiau yurñæna mal sina ga, ana nemiyeluar Ntewa vanonia.

<sup>11</sup> Nepisa sanene, a pe naga re ga naþa sane nepisape pe kiau sur re poli, vanon sur nene neþarpoyo e rui, sane sur ya na vim katen inu, po nesike sanape, nekekarana ga.

<sup>12</sup> Nesike tano po nesu metava, visokar inu po kau kinanena moki, lumiau korena po lumiau pule, in na nokom e sur la punu nene rui. Pog viowa pona pog wo, ana mrapa kien Ntewa navawarpoen ea teke ne, a naga pian inu ea, kila neþarpoyo e sur la nene rui.

<sup>13</sup> Ve sanene, nanagane na nepisu sane nekilia netaulu sur la punu ga naþa þisina vim e inu, nane e pupia puriukawaena naþa Kristo kila ke nemarera ea.

<sup>14</sup> Nesape nevisa sanene, amiu nae Piliþae, asitom na iila inuena e pog marera la ne sanene, amiu ape lemam paþisi ne.

<sup>15</sup> Sa naþa apisuluþar pa rui, pogos naþa nesiari kiau nayalinen lologena wo nene, pogos naþa nepetan Masitonia nepano, pe suñare re nena tai naþa miila inu, peraga, amiu ga. In na neþar sur wo la moki pan la paþisi, a pe lala yar re tai naþa sitom sape ligan sur tai vim poli vena iilaen kiau mrapa pona kiau yurñæna.

<sup>16</sup> Ana amiu apo paþisi, pogos naþa lumiau plasia amillala inu, amligan nalaena la pimi pan inu yam mok li māga, pano tol pogos naþa nepa nemiyurñæ ke gare gar Tesalonaika.

<sup>17</sup> Nepis ke sanene, pe naga re ga naþa nesape nowar lue nalaena la poli, ana vanon naþa sineun nevisu naiilaena la molue e suñare lala na iilaena yurñæna kiena Suþe. Nanene vanon sane visae akila wo sanene van yar taþena lala, ana kiamiu þelaga wo nene yoko war mrasa, kila sur punu ga wo laa sane van amiu sina ga.

<sup>18</sup> Vanon nagane, nepisa potena pan amiu paþisi e nalaena la naþa apitetalia

Epaprotætas þar pimi, netol la punu pa rui. Nalaena la nene pimi, pa taulu ya naþa sineunia, ana nepisu sane nanagane po laa pan inu. Kiamiu naiilaena la nene, sane ponotaninu tai naþa ponos po paþisi, la sane kuþaþæna tai naþa akila pan Ntewa naga pisu po paþisi, kekarania.

<sup>19</sup> Ana nekilia sane visae limamiu plas pogos tai, yoko kiau Ntewa visuvevea lue ga, vanon Yesu Kristo kila pa rui naþa naurarena lala kiena ne Ntewa nae mae peni akeviu paþisi.

<sup>20</sup> Sanene, yoko tesuñæ teyeluar kia kiena ne arimata Ntewa silau, yoko teyeluar mā naga vano-o ve þisi re pogos tai, sanene.

#### *Visena maro*

<sup>21</sup> Aliganlelein kiau visena nene van li nalelagaena wa lala naþa asike ne, avisawal van la apisape nesitomñal la ke silau. Wolai taþena lala amio vineta taþena lala naþa asike amio inu e nini, lala mēna asape avisa pokolulagi po pokolemalo van amiu.

<sup>22</sup> Pas si naliganen visena sanene iñasu van amiu, nane li na lelagaena wa la punu ga e nini, amio mēna la naþa amiyurñæ kiena þarin suþe nene Sisa e mēna pupia yurñæ nene.

<sup>23</sup> Kiau leniena, sane lemamienna kiena ne Suþe Yesu Kristo sike e ninumiu lala, sike likan amiu silaga.

Inu, Pol.

## Maki Naḡa Pol Siria Pa Pan Li Nalelagaena Wa Lala Nae Garu KOLOSI Visayuena Na Tusi Nene

*Komḡasnen suniena plas na tusi nini*

Kolosi naga pupia pulkumali tai na lepas nae Esia naḡa nanua sumo na mēke vatanon Parin Suḡe keviu nae Rom. Pulkumali nene sike e purvanua naḡa nagane kiena kia Teki. Pulkumali nene mēke yepasnen pulkumali taḡena naḡa Episas e lepas naḡa mrae molue ke komea. A mākī nini Pol siria pan yaru na suḡare lala nae yo nene. Pol pe siar re suḡare nae Kolosi poli, ana pulkumali nene sike lavisin Episas, naḡa pupia pulkumali na lepas nene, naḡa Pol miyuḡāe ke e silaga. Pogos naḡa Pol sike garu Episas, naga mli-gan plan ke kiena yaru lala apa amlologon ke lologena wo e yo lala na lepas nene, a Kolosi naga tai naḡa mēke e yo la nene. Ana komin suri ne nanene, Pol pisu sane yuḡaena na visuaren yo nene Kolosi naga mena sike e limana.

Pol mloge visena tai asape navianiena lala na suḡare nene, asuḡā apisa ke asape yaru lala monar alotun ga yerka wa lala a nasumonena kiena yermare lala, vena akilia ruru Ntewa, a vena akilia atol maliena naḡa pulen suri makega. A apiyan ke yaru lala, asape monar ataveve navisaluaena marua e lepas na kinaniena, a suri taḡena si laḡasa, a monar ave ḡaviu vena atol maliena.

Ana Pol siri mākī nini vena visaluḡāren sitomiena viowa la ne sanene, a pi-sawal visena lelaga kiena Yesu Kristo pan la. Purḡesnen sitomena naḡa pisa na sanini, sape Yesu Kristo naga taaga kilia la maliena naḡa ulen suri makega van ita, a vianena viowa la nene asuḡā aḡere plan yaru lala aḡure matania. Kristo miyuḡāen yuḡaena kiena Ntewa na sien yomarava nini, a naga miyuḡāe kiena Ntewa vena wereplan si yaru la aimi ea. Yaru monar sikol naga e Kristo vena kilia tol malena, a pe mrapa taḡena re si poli. Pisina sirauḡia, Pol pisawal panila e suri la naḡa akilia atol e kiela maliena komin naḡa amlelaga e Yesu, a naḡa asikol la ruru amio naga.

Pol mla mākī nene pan yaru tai kien kia Tikikas vena la va van li nalelagaena la garu Kolosi. Tikikas nene, naga yaru mla nena naḡa lalua Onesimās apano, naga mla Onesimās ḡasuḡe si pa kiena yo.

Suniena nene sike e mākī kiena Pol naḡa pitetalia pa puna Pilimon.

*Komḡasnen tusi la na nini*

Visena ḡesa 1:1-8

Pelaga kiena Kristo, a kiena yuḡaena 1:9—2:19

Malena viue e Kristo 2:20—4:6

Visena maro 4:7-18

*Pol siar kiena visena*

<sup>1-2</sup> Inu Pol, naḡa in na yaru nalologena kiena ne Kristo Yesu naḡa Ntewa naga mli-gan inu, a nekekara naḡa nevitawe amiu e mākī nini, naḡa nesiria piḡasu pan amiu li nalelagaena wa lala nae Kolosi, naḡa amiu punu ga ape kiau wolai lala a vineu lala e Kristo, naḡa asuḡā apiawa mārera e naga. In na nemio Timote, naḡa naga sike amio inu, imimi lua memlen mesape ḡisi na lemamiēna a suḡārena kiena ne Arimata Ntewa sike amio amiu.

*Pol pisa potena pan Ntewa vanon la*

<sup>3</sup> A silaga e kiamimi leniēna lala, imimi lua mepisa potena pan Ntewa Arimana ne kieta Suḡe, Yesu Kristo, vanon amiu.

<sup>4</sup> Naga nene vanon naḡa imimi lua mekekaran amiu paḡisi, naḡa visena tol imimi sape kam na asuḡā apiawa ke mārera e Yesu Kristo, a asuḡā sinemiu sii manene ke mēna li nalelagaena taḡena lala.

<sup>5</sup> Pelaga wo nene naga suḡā molue ke ga e kiamiu malena lala komin naḡa sinemiu manene naḡa ḡisi na akilia atol suri wo la naḡa Ntewa mli-gan ruru sike ma e peni vena ve kiamiu. Suri wo la ne sanene, amloge lologena wo pisaar pan amiu ḡisi rui.

<sup>6</sup> Visena lelaga nene pimi pun amiu ḡisi rui, a nagane, suḡā pa vanua manene ke mēna ga e yo taḡena lala e yomarava nini narui. Suḡā pava ke sanene, ana suḡā kapuru a suḡā ḡar ke mēna ga mras la naḡa powo, torokin ke naḡa kila pan amiu e ke e pogos naḡa amloge ḡesania, naḡa apisu kilale sane lemamiēna kiena ne Ntewa e ita naga keviu a lelaga paḡisi.

<sup>7</sup> Sur la nene Eḡaḡras naga pian amiu e rui, pogos naḡa naga kus lelemimi imimi lua, ana naga pimi pisawal ḡesan lologena wo nene pan amiu. Naga pe yaru tai naḡa imimi memiyuḡāe ke lele taaga, a naga masusun yuḡaena wo lala kiena ne Kristo. Imimi mekekaran naga paḡisi,

<sup>8</sup> a nanagane, naga ḡasuḡe si pimi pun imimi rui, mla lologena wo tai pan imimi, naḡa pisayu sanape naḡa kiamiu malena lala suḡā pule luen ga e pupia sinesiēna naḡa Ninuna Wa mla pan amiu.

<sup>9</sup> Komin sur nene, pogos naŕa imimi lua memloge visena nene kiena Eŕaŕas, memlen wo amiu silaga pimi tol nagane, a mesuŕna mepiun ke tan Ntewa mesape ŕisi na Ninuna Wa la manmaruaena a nakiliaena wo lala van amiu, vena akilia ruru nasinenanena wo punu ga kiena ne Ntewa.

<sup>10</sup> Ve sanene, ŕisi na yoko akilia ayal mesmesu e mrapa napo naŕa popon yeririna kiena kieta Suŕe la ayal ea, a ŕisi na akilia akila naŕa naga kilia kekaran make kiamiu ŕelaga punu ga. A yoko mras wo lala kilia imi mŕalivi e kiamiu malena lala a e mŕena ga e kiamiu yurŕaena lala, a ŕisi na kiamiu kiliaena e Ntewa kilia va merorol manenea.

<sup>11</sup> Imimi lua memlen mesape ŕisi na pupia puriukawaena kiena ne Ntewa suŕna kila amiu mŕena ga aŕarera, vena akilia asuŕnal ar amiu e pog mŕarera, a vena kiamiu sitomiena ve piavi, a akekara ga e pog la ne sanene.

<sup>12</sup> Ita na monar tevisa potena va Ari-mata, naŕa kila ita mŕena ga temio li nalelagaena wa taŕena lala, tekilia tokus lalimana loyurŕna e kiena nasuŕpenena na yomerarava nena,

<sup>13</sup> komin naga ŕurelua ita rui petan mŕareraena na yemalolo, ana naga mlen plan ruru ita tepa e nasuŕpenena kiena ne narina nene, naŕa naga kekaran naga paŕisi.

<sup>14</sup> Ore, Ntewa naga ŕurelua ita ŕisi rui, naŕa piwo ita komin kieta mlamulena viowa lala.

*Kristo pe ŕarun yo yau wetelu*

<sup>15</sup> Narina nene, naga Kristo nene, naŕa naga pe nono tai naŕa tekilia tevisuia, naga kiena ne Ntewa naŕa taŕatete tevisu naga,

naŕa naga pe mŕearun make suri la punu ga naŕa Ntewa sii la.

<sup>16</sup> E ga e Kristo nene, Ntewa sii make sur punu ga,

naŕa ma e peni a e yomarava, naŕa tekilia tevisuia a naŕa taŕatete tekilia tevisuia,

amio sur la naŕa apisuar ke yo yau, sa naŕa ŕarin suŕe lala, namŕareraena lala, yerkawa lala, a navisi lala.

Ntewa sii make suria e Kristo, a Ntewa sii make suria pe kiena ne Kristo.

<sup>17</sup> Kristo naga sike pa sumon sur taŕena la rui,

a naga mligan ruru make sur la nene, asuŕna amiyurŕnae ruru ga e lelela.

<sup>18</sup> Kristo pe purŕes nen malena kiena nalotena,

a naga pe ŕarin lotena nene, sa naŕa lotena nene naga pe tasnena.

Naga sumon ŕes yaru la naŕa amal sina e marena,

ana sanene naga kila sane nanagane naga sike laa metavan make sur taŕena lala.

<sup>19</sup> Kristo to metavan make sur la sanene, komin naŕa Ntewa taŕian kiena naurarena sike e naga, sa naŕa kiena malena wetelu a kiena namŕareraena sike ea.

<sup>20</sup> E ke e Kristo nene na wa, Ntewa ŕar ke sina ga sur nae ma e peni amio yomarava nini awasuŕe ke sina ga vania.

Naga kila yo yau wetelu kilia imi ve mara wo ke sina ga amio naga, nanene e ga e tana ne Kristo naŕa mlau e laki torovia.

*Amiu ave marawo ke sina ga amio Ntewa*

<sup>21</sup> Nanua sumo, kam na ape wolawa ga, a asike laa perinan Ntewa, a ape kiena nasinekar ga, komin kiamiu sitomena viowa a kiamiu ŕelaga viowa lala.

<sup>22</sup> Ana nanagane, naŕa Kristo pimi pe yaru sane ita, kiena marena kila ita teve mara wo ke sina ga temio Ntewa. Ntewa kila sanene, vena kilia were amiu aimi puna naŕa ave yar wa kemua lelaga, a ayekiki ruru wo, a naŕa ve sur viowa re nena tai teke e amiu.

<sup>23</sup> Ana nanene na kilia ve sanene, visae asuŕnal ga mŕarera ase Kristo, a visae amlelaga ke e naga wa. Popon amiu ve auresun amiun re naŕa auarar manene lelagaena e navisaarena lala kiena ne Ntewa, monar alelaga sane yoko naga monar la sur punu ga van amiu naŕa amloge rui e nalologena wo nene, naŕa yeririna na yomarava la amloge rui, naŕa inu Pol in na nepe yaru na lologonena.

*Pol miyurŕnae mŕarera komin li nalelagaena lala*

<sup>24</sup> Nanagane nemloge piowa e tasneu komin amiu, ana in na nekekara ga ea. Nanene naga sa naŕa nesuŕna nemiyurŕnaen sur na loge viowaena make ga e tasneu, naŕa Kristo naga mliganar inu vena nowaria, sa naŕa naga ŕar ŕisi rui, vena neiila ŕegas nen li nalelagaena lala vena asuŕnal mŕarera.

<sup>25</sup> Ntewa mligan inu vena neiimi ve sa yaru na yurŕaena tai na ŕegas nen li nalelagaena lala, a nagane nekilia neiila amiu e yurŕaena nene naŕa Ntewa mligan e lumŕau, nanene vena nevisawal kiena

visena va yeririna lala vena akilia make ga.

<sup>26</sup> Kiena visena nene sane visena tai naþa nakonua konua rui, tapoloun ga e yermarua lala, naþa la pe akilia re nenaga, ana nanagane Ntewa kila pimi merarava pan kiena li nalelagaena wa lala.

<sup>27</sup> Kiena sitomena naga pe na kilaen sanene narui, sane visena nene naþa kiena yeririna la naþa le Yu lala, la pe amloge kilale re poli, ana þisi na naga visawal kana sur nowo ne lala, naþa po manene laa, va la naþa pe ape le Yu re poli. ? A visen tapolou nene pisa ya? Naga pisa sanini narui, pisape Kristo naga kilia suña e losinemiu lala, a amiu akilia alelaga asape þisi na Kristo naga kilia kila amiu akilia asikol Ntewa e kiena malena wo nae ma e peni.

<sup>28</sup> Imimi lua mesuña memlologon ke Kristo ne nanene narui pan yeririna lala, mesuña mepisa ke pan la mepisape la monar avisuar ruru la, a mesuña mepian la ke e manmaruaena lala. A visae laþasia naþa kiela sitomena lala a kiela lelagaena lala marua ruru wo, la akilia aimi asuñalu amio imimi lua e marana ne Ntewa.

<sup>29</sup> Nesuña nemiyuñae ke mñarera paþisi komin sur ne nanene, ana silaga nesuña nemiyuñae ke e pupia naniareraena nene naþa Kristo naga kokonia inu ea.

## 2

### *Monar amiu alelaga mñarera e Kristo*

<sup>1</sup> Ee, naga sa naþa nepisa ne, naþa nesuña nemiyuñae mñarera komin amiu, a komin mña ga la naþa nae Laotisia a amio mña ga yeririna taþena lala naþa la pe apisuli re marau pogos tai poli wa.

<sup>2</sup> Sineun nesape nekila kiela sitomena suñalu mñarera suña ga, a vena kiela sinesiena lala kilia sikol ruru sinela lala la aimi ave taaga. Sineun manene nesape þisi na la atol pupia nakilia wanen suri nene naþa sumo na la pe akilia re poli, naþa naga Kristo ke narui, ana þisi na kiela sitomena lala ve veve lua re sina.

<sup>3</sup> Naga nene komin naþa e Kristo, yeririna lala la akilia alual sur la naþa powo na manmaruaena amio na kiliaena kiena ne Ntewa, naþa naga þarwania suña ga e Kristo.

<sup>4</sup> Nesuña nepisa ke visena nene pan amiu, vena taþatete yeririna lala akila gola kiki van amiu vano-o aure kiamiu sitomena lala va ve taþena, e kiela visokanena na manmaruaena lala.

<sup>5</sup> Nepis sanene pan amiu komin naþa nesitom manene amiu paþisi. Pe sur korena ga naþa tasneu sike laa perinan

amiu, ana silaga kiau sitomena sike amio amiu. Ana nekekarman manene amiu mña ga, naþa nemloge asape amiu na pe asu re ga sanene poli, ana asuñia amiyuñae mesmesu ruruia, a asuñia apa veraga apasine ke Kristo mñarera.

### *Kieta malena monar suñalu se Kristo*

<sup>6</sup> Komin naþa ita tokus Kristo Yesu naga pe kieta Suþe rui, silaga monar teyal ga e naga,

<sup>7</sup> a naga monar ve sa naþa þeligas nen kieta malena, pona yuñia na kieta malena monar suñalu su metava e naga. Ve sanene, kieta naviawaena e naga kilia imi mñarera laa sane silaga, sa naþa apian ita e þisi rui. Ana silaga, monar tevisa luen ga potena vania.

<sup>8</sup> Ana amiu monar avisuar ruruia vena þisi na taþatete yeririna lala aimi aviar amiu e visena la naþa taveve ga namanmaruaena kiena ne yeririna, pona navianena la naþa pulen ga nakiliaena na yomarava nini. Visena korena la nene pe navisokanena ga, a la amolue ga kome sitomena marua kiena ne yeririna lala, a la amolue e lepas kiena ne yermare lala amio kimi lala, ana la pe amolue re e Kristo poli.

### *Kristo naga pe þarin sur punu ga*

<sup>9</sup> Ntewa naga mligan kiena malena amio kiena namareraena make ga sike e tasnena ne yeririna nene naþa Kristo,

<sup>10</sup> naþa naga pe þarin sur la punu ga, a naga su metavan namareraena taþena lala. A e þelaga mña nenaga nene, Ntewa mligan kiena sur tanea lala asike e kiamiu malena lala, amiu naþa asike e Kristo.

<sup>11</sup> Ana komin naþa amiu asike e Kristo, naga te plan þelaga viowa lala a sitomena viowa lala vetan amiu, sa naþa naga kila þaviu e amiu, ana pe nepisa re þaviu nene naþa yaru la asuñia akila ke poli, nepisa ke þaviu taþena tai naþa Kristo naga kila, sa naþa naga þar plan napiowaena lala e kiamiu malena.

<sup>12</sup> A pogos naþa la akee amiu, naga sa naþa Ntewa sin amiu amio Kristo, a naga kila amiu amal mña ga amio Kristo, naga nene komin naþa amiu aþasine naniareraena keviu nene kiena ne Ntewa naþa kila Kristo mali sina ga e marena rui.

<sup>13</sup> Ana amiu la nene, nanua sumo Ntewa pisu amiu sa ga naþa kiamiu mlamulena piowa lala kila amiu amare pa rui. Amiu na pe ape þaviu re sane le Yu la poli, ana Ntewa pisu amiu sa naþa kiamiu malena pe pe þaviu re mña ga poli, sa naþa kiamiu malena pe pilon ruru re poli wa, a þelaga viowa lala sike e amiu wa. Ana nagan, naþa asikol amiu amio Kristo, Ntewa

mla malena viu pan amiu ĩisi. Ita tetol malena viu nene komin naĉa Ntewa na piewo ita vanon kieta mlamulena piowa lala,

<sup>14</sup> a naga miyumu plan kieta lapui la rui. Nanua sumo, lapui la nene la asike e tus nene naĉa navisaluaena m̄arera kiena ne Ntewa sike ea, naĉa la apiar ita paĉisi, ana Ntewa mlalua sur la nene. Amio kana tus ne lala, sa naĉa sane suar make ga e laki torovia amio Kristo, ana pe lapui re si la nene poli.

<sup>15</sup> E laki torovia nene, Kristo taulu sur taĉena la naĉa puriula m̄arera, a naga kilaro nena nam̄areraena kiena ne yermare lala, sa naĉa naga taulu la e pupia mara tai, ana naga kila kiena nasinekar la nene aimi ave sur korena ga e marata ita yeririna lala, vena ve tesitom re si tevisave la ato laa metava.

#### *Kristo naga pe ĉarimiu*

<sup>16</sup> Visae ve sa nene, amiu na monar ve ataĉan re yaru tai visaluĉar amiu visave ve akan re suri nene, pona ve amun suri re nene. A amiu na monar ve ataĉan re naĉa yaru tai m̄areran amiu vena ataveve kiela ĉelaga marua lala e lepas na sur sane legiena wa la na kasa, pona e lepas nen ĉaĉagena na kupario viu, pona e lepas na legiena na olua.

<sup>17</sup> Navisaluaena la ne sanene, yeririna lala la apisa vena akilali naĉa alual mrapa naĉa mesmesu, ana la sa ga ninun sur ga naĉa naga pimi ĉarpo re yo poli wa, ana purĉes nen sur lelaga punu ga, naga Kristo ga.

<sup>18</sup> Yeririna la ĉasia asuĉa ga naĉa la asitom ke asape la apo manene taulu amiu, komin naĉa la apisu sur la moki e kiela m̄eniena lala, ana la asitom ke asape la akilia manene e lepas nen navisi lala. Ana asitom ke asape la apo, akila kiela sitomena lala sike ga tano yo, taulu yeririna taĉena lala, ana peraga, la nene la sa ga keriko. La asuĉa apilave ga e kiela visena lala, naĉa la apisayu manene laa ke sina ga paĉisi, ana kiela sitomena lala pulen ga vilaveena amio kiela sitomena korena taĉena laĉasia, vano vano-o tol naĉa la asuĉa amieluar la ke sina ga. Ve sanene, amiu ve ataĉan re si la nene aliĉere amiu avisave amiu na pe atol re sur nene poli wa naĉa la asike e ĉisi rui,

<sup>19</sup> komin naĉa la nene la amligan Kristo ĉisi rui, la pe apuarar ruru re si naga m̄arera poli sa naĉa naga pe ĉarila. Ana Kristo naga suĉa ĉuarar ruru ke ga la naĉa la sane komĉas nen tasnena, a naga suĉa toĉa pagan ruru la, suĉa kawe mesmesun ruru kilamerpu amio kana kowiu lala,

ana tasnena naga suĉa miyuĉae po a suĉa kapuru po sa naĉa Ntewa naga sinenania.

#### *Amiu na atol malena viu e Kristo*

<sup>20</sup> Inu nekilia nesape sa naĉa Kristo naga mare nanua sumo rui, amiu m̄ena ga amare amio naga, kila naĉa e lepas na ĉelaga viowa, amiu amare e ĉisi rui, a pe pon re si ĉelaga viowa imi tol kiamiu malena poli. A Kristo naga ĉurelua amiu m̄ena ga rui e m̄areraena na sitomena nasumo lala na yomarava nini, amio kiena yermare lala. Sanene narui, sineun nesape neviun tan amiu sanini: ?Sanape asuĉa amialoro ke sa naĉa amiu ape yaru na yomarava ke ga wa? ?A komin ya ne amiu asuĉa amlogear ke navisaluaena marua la naĉa apian e sumo, naĉa la apisa apisape:

<sup>21</sup> "Amiu ve auarar re sur nene," pona "Amiu ve amunli re sur nene," pona "Amiu ve atol re sur nene."

<sup>22-23</sup> Ana pe lelaga naĉa yaru la amloge visena la nene, ana la asitom asape navisaluaena la ne sanene ape manmarua ruru po, ana navisaluaena la nene la amolue ga kome sitomena kiena ne yar lala, la pe ape lelaga re poli e vianena kiena Kristo. La apisayu ga sur na yomarava la nini, sa naĉa kinanena, pona sur na munena, ana sur la nene taĉatete iila amiu, a la taĉatete m̄ena ga akila kare kiamiu malena, komin naĉa visae olavia pona oyumuĉaenia, ĉisi na sur la nene yokorena akokovio.

Pona yaru la apisirilua visaluaena la nene vena akilali yuĉaena wo laĉas yo, naĉa la apisa apisape yaru monar len sanene pona sanene, a pona la apisa apisape yaru monar ligan kiena sitomiena su ga tano sanene pona sanene, a pona la apisa apisape yaru monar kilali naĉa kawe ruru tasnena sanene pona sanene e sur la naĉa m̄arera pan naga.

Ana nevisa van amiu, sane visaluaena la ne sanene, la pe puriula m̄arera re nena poli vena suwoen sitomena viowa lala a ĉelaga viowa la naĉa sike e los nen yaru.

## 3

#### *Malena naĉa mekiki ruru po a pe wa ruru nenaga*

<sup>1</sup> Amiu la nene, Ntewa naga pisirlua amiu amal sina ga e marena amio Kristo, ana sanene na monar aĉionli ga sur la naĉa nae ma e peni, e yo nene naĉa Kristo naga toĉa tano e lepas nen Ntewa na ĉamarua.

<sup>2</sup> Amiu na monar asitomñal ga sur lala nae e yo nene, ve asitom re si sur na yomarava la nini,

<sup>3</sup> komin naþa sane amare e þisi rui. Nanagane kiamiu malena viu naga tapolou amio Kristo e Ntewa,

<sup>4</sup> komin naþa Kristo pe purþes nen kieta malena nagane, ana suraunia, e pogos naþa naga kate e maran yeririna lala, yoko ita mñena ga takate temio naga e kiena pupia naurarena.

*Kiamiu malena na sumo monar þisi*

<sup>5</sup> Amiu na monar awe plan punu ga þelaga lala na yomarava nini e kiamiu malena lala, sane nataþaena lau, sur na mawaena lala, nasinenanena viowa lala, nakekaranen mlamulena viowa, a navinavinayaena mñena ga. Pelaga la nene piyowa ga, a navinavinayaena nene, naga sa naþa yaru kila sane sur la naþa naga sinenan manene laa paþisi apimi sa naþa kiena ntewa taþena lala.

<sup>6</sup> Komin þelaga ne la nanene narui, Ntewa sinena mimi paþisi, ana kiena nalipereena naga suñña pimi ke pan la naþa la pe amlogear re naga poli.

<sup>7</sup> Sumo na, kiamiu malena sa ke nene narui, naþa amiu amiyal ke ga e þelaga la nene,

<sup>8</sup> ana nagane, pogos na liganen þelaga la nene, pogos na sur la nene aþisi e kiamiu malena lala. Ve sanene, amiu taþatete sinemiu mimi, a taþatete avis kapuru va yaru taþena, a taþatete asuñña ave erau viowa van amiu. Þisi na taþatete avismun yar taþena, a ve avisa re visena la naþa pe kororaki.

<sup>9</sup> A ve avisa kotalia amiu re mñena ga, nanene komin naþa amiu na anlalua þelaga marua naþa apaeme amio naga þisi rui,

<sup>10</sup> a amiu na amiyen þelaga viu tai e amiu, sa naþa malena viu tai naþa Ntewa naga siia pe kiamiu. A pogos punu ga, Ntewa naga suñña kila ke malena nene pimi pe urvii ke sina ga, vena kila amiu akilia ruru kemua naga lelaga, a vena kila amiu aimi laa ve sa naþa ave kiena totou.

<sup>11</sup> Komin sur ne la na nene, ita na ve teliþere re si yaru lala, sa naþa tevisave laþasia ape le Yu, ana laþasia ape li na yo taþena ga lala, pona laþasia la ape þaviu, ana laþasia pe ape þaviu re poli, pona laþasia la ape suþe, ana laþasia ape li nayuññaena kiena ne suþe ga lala. A ita na ve tevisa re mñena ga tevisave yaru laþasia la apian ruru la ana akilia suria, a laþasia ape yer ura ga, pe akilia re sur tai poli. Ana pupia suri taaga ga naþa tekilia

tevisuviu yaru ea, tevisave naga mlelaga e Kristo pona ve lelaga re, komin Kristo naga sike e sur punu ga a e yar punu ga.

*Amiu aligan malena viu nene e amiu*

<sup>12</sup> Pogaga, sa naþa Ntewa naga sinenan manene amiu paþisi, ana naga ligan amiu vena ave kiena yeririna wa lala, monar ayen þelaga viu nene e amiu sa naþa naga sinenania. Pelaga viu nene naga sa naþa sur la nene asike e kiamiu malena, sa naþa nasineyeena yaru, nasinewoena, navatanoena, namomñauena, a namalumena.

<sup>13</sup> Amiu na monar ve sinemiu kar amiu re vilaga, a visae amiu yar ve lua, sur tai sike likan lalua nene, þisi na monar avieviewo lalua. Ana monar amiu avieviewo amiu, e ke e þelaga nene naþa kieta Suþe naga piowo amiu.

<sup>14</sup> Ana amio þelaga wo taþena la nene naþa monar ayenia, monar ayen mñena sitomena e amiu, komin sitomena naga kilia sikol ruru þelaga wo la nene vena la ayuññae ruru ve raaga, vena la aimi ave taaga.

<sup>15</sup> Þisi na suññare naþa Kristo naga mli-gania naga kilia visuar sinemiu lala, komin naþa Ntewa naga pioproan amiu vena ave taaga, naþa amiu punu ga asikol ruru amiu amio naga e þegas tai naþa naga pe þarunia, vena silaga suññare nene kilia su luen ga amio amiu. A silaga avisa potena e sur punu ga.

<sup>16</sup> A visena wo kiena ne Kristo, silaga naga monar imi sa naþa mali e sinemiu wetelu, komin naþa kiena visena la nene naga po tanea wa. Amiu monar asuñña avian amiu ea, a amiu ga asuñña akila ruru amiu ke sina ga e kiena manmaruaena wo lala. A popon asuñña ayau va Ntewa e sam lala, a yauena wa lala, a e yauena lala na yeluaren Ntewa, ana e pogos naþa asuñña ayau ke sanene, þisi na sinemiu la punu ga ulen visaen potena vania.

<sup>17</sup> Sur punu ga naþa amiu akila, a visena punu ga naþa avisa, ana monar akila e kia kiena ne Yesu, naþa kieta Suþe, a pogos punu ga na monar avisa potena kome naga va Ntewa Arimata.

*Malena viu kiena yaru lala*

<sup>18</sup> Amiu sira lala naþa atalopa rui, monar avatano e womiu lala, sa naþa mesmesun naþa sira naþa mlelaga naga kila.

<sup>19</sup> A amiu yermñene la naþa atalopa, monar asitom manene womiu lala, a kiamiu þelaga lala monar ve melkalka manene re silaga van la.

<sup>20</sup> Amiu sisi lala, monar alogear arimamiu lala amio anemiu lala, komin naþa

kieta Suŕe naga kekaran ŕelaga nene paŕisi.

<sup>21</sup> A amiu arimala lala a anela lala, ŕisi na sinemiu lala ve vilul re va narimiu la silaga, komin naŕa visae ve sanene, akila kare la, akila kiela sitomiena lala loloru.

*Suŕe lala a kiela yar na yurŕaena lala*

<sup>22</sup> Amiu yar punu ga na yurŕaena kiena ne suŕe lala, silaga monar alogear kiamiu yerkawa la nene. Pisi na ve akila re sanene e ga e pogos naŕa la asike amio amiu, vena akilali naŕa la akekaran amiu, ana silaga monar ayurŕa naŕa kiamiu sitomena la ve lelaga make ga, sa naŕa e yurŕaena nene, asurŕa amlogear ke kieta Suŕe silaga.

<sup>23</sup> E yurŕaena ya naŕa amiu akila, monar akila naŕa akekarania, sa ke naŕa asurŕa amiyurŕa kiena ne Suŕe, pe kiena yaru re ga la poli.

<sup>24</sup> Popon asitomŕal sa naŕa Suŕe ke nene narui ŕisi na naga la kiena lalimana van amiu, sa naŕa naga pul amiu, komin yerkawa ruru napo naŕa ayurŕa vania, naga Suŕe Kristo.

<sup>25</sup> Ana yaru naŕa surŕa kila ke pe mesmesu re poli, ŕisi na naga kilia la maran ke sina ga vanon kiena napiowaena nene lala, komin Ntewa pisuveve yurŕaena kiena ne yar la punu ga mesmesu ga.

## 4

<sup>1</sup> Ana yerkawa lala, amiu mŕena ga monar akila mesmesu ruru wo va yaru lala e kiamiu yurŕaena lala, komin naŕa amiu mŕena ga kiamiu Suŕe tai sike ma e peni naŕa ŕisi na naga liŕere kiamiu ŕelaga lala.

*Pol naga pian la*

<sup>2</sup> Amiu na monar aŕarera e leniena pogos punu ga, a monar alen naŕa asitom ruru e sur la naŕa avisa e leniena, a naŕa kiamiu sitomena lala naga surŕa pisa ke potena pan Ntewa.

<sup>3</sup> Sineun mŕena ga nesape monar alen wo imimi, vena ŕisi na Ntewa vike kiamimi mrapa mekilia melologon sur wo nene naŕa sumo na tapolou, naŕa visena kiena ne Kristo, naŕa nanagane na nesike e lokap vanonia.

<sup>4</sup> Awis, sineun nesape alen naŕa ŕisi na nekilia nevisi wo, vena kila visena la nene merarava, sa naŕa mesmesun ga naŕa yoko monar nekila.

<sup>5</sup> E ŕelaga la nene naŕa asurŕa akila ke e maran yar la naŕa la pe amlelaga re e Kristo poli, monar ave manmarua wo vena

akilia ataveve kiamiu pulmas lala, vena aurela aimi e Kristo.

<sup>6</sup> Amiu na monar avis ruru amio la, e ga e visena lala naŕa nasinewo a kiki, ana la aloge visena la nene aloge wo, a monar akilia mrapa na visatarŕelaena visae aviun naviunena kar ga lala e lepas na kiamiu viawaena.

*Pol mligan yaru la lua apa pula*

<sup>7-8</sup> Kieta wolai wo nene Tikikas, naŕa naga sike amio inu, ŕisi na neligan naga la mŕaki nene iŕasu pun amiu vena visawal van amiu visave imimi mesike sanape, vena akilia aloge wo. Nekekaran manene kieta wolai nene paŕisi, naŕa pogos punu ga naga mŕareran naŕa iila inu e yurŕaena kiena ne Suŕe.

<sup>9</sup> A kieta wolai taŕena naŕa erau wo nene Onesimŕas, naga mŕena ga ŕisi na taveve Tikikas iŕasu pun amiu. Onesimŕas naga nae ga kiamiu yo, a naga mŕena ga surŕa mlelaga ke e Kristo. Lalua nene ŕisi na avisawal van amiu, e sur la punu ga naŕa kakate ke e yo nini.

*Visena maro kiena ne Pol pan la*

<sup>10-11</sup> Aristakas naŕa naga sike e lokap amio inu, a Mak nene naŕa naga wenla Panaŕas, a Sisas naŕa apio naga Sastas, la telu nene apisape asitom amiu paŕisi. Mak nene, kana visena piŕasu tol amiu pa rui, a pisape visae naga imi kome lepas nen yo na pun amiu, monar akekarania vena aure naga sukol amiu.

E le Israel la naŕa amlelaga e Kristo ŕisi rui, la ga telu nene amio inu, imimi memiyurŕaena ke yurŕaena nasuŕenena kiena ne Ntewa, a la telu nene la amiila inu keviu paŕisi rui e pogos mŕarera lala.

<sup>12</sup> Eŕaŕas nene naŕa naga mŕena ga amiu kiamiu yar tai, naga pe yar wo tai na yurŕaena kiena ne Kristo Yesu, a naga mŕena ga pisa pokolulagi pona pokolemalo pan amiu, pisape silaga naga surŕa mlenwo amiu ke mŕarera paŕisi, vena akilia asurŕalu mŕarera, vena amarua ruruia e Kristo sane keyowo, a vena asurŕa aŕarera naŕa akila ga sur la naŕa Ntewa sinenania.

<sup>13</sup> Sineun nesape nevisa mesmesun van amiu, nevisave yar naŕa Eŕaŕas naga surŕa miyurŕaena mŕarera manene paŕisi komin amiu, a komin le Laotisia lala, a le Erapolisi mŕena ga lala.

<sup>14</sup> Kieta erau wo nene, naŕa Tokta Luk, amio kieta wolai taŕena nene Timas, la mŕena lua asikena a lalua apisa apisape lalua na asurŕa asitom amiu paŕisi.

<sup>15</sup> Sineun nesape aligan kiau visena van kieta wolai lala a vineta lala nae Laotisia, amio sira nene Nemeva amio p̄egas nen nalelagaena lala naṗa asuṗa apiora ke e m̄ana yuṗa, avisave in na nesuṗa nesitom la ke paṗisi.

<sup>16</sup> Ana yoko pogos naṗa amiu aulo kiau m̄aki nene p̄isi, awis sineun nesape aligan van le Laotisia lala, vena auloia van p̄egas nen li nalelagaena lala e yo nene, a monar aulo m̄ena ga kiau m̄aki taṗena nene naṗa p̄isi na le Laotisia lala la aligan imi van amiu.

<sup>17</sup> A kiau visena tai naga va Akiṗas, nesape “Ko ovisuar ruru yuṗaena nene naṗa Suṗe naga mligan e lumoṗa, monar okila make ruru yuṗaena nene.”

<sup>18</sup> Ana nanagane, nelalua kilamemego e limana ne yar na sirien m̄aki, ana inu ga Pol, nesiri kiau visena maro nini van amiu e ga e luṗau, nevisa pokolulagi pona pokolemalo van amiu. Amiu ve sinemiu p̄esan re sen la naṗa apiar manene inu ke ne, a lemamiēna kiena ne Ntewa sike make e amiu.

Inu, Pol.



**Maki Nasumo Naḡa Pol Siri  
Pa Pan Li Nalelagaena Wa  
Lala Nae Garu  
TESALONAİKA  
Visayuena Na Tusi Nene**

*Komḡasnen suniena plas na tusi nini*

Pulkumali keviu nene Tesalonaika naga pulkumali keviu na provens nene Masetonia, naḡa mēke vatanon Parin Suḡe keviu nae Rom sumo. Pogos naḡa Pol molue Piliḡae, pa ma Tesalonaika mlologon lologena wo e yo nene, ana suḡiare nene siaria. Ana siraunia pe yam piyavi manene re poli, lus nae Israel laḡasa e yo nene apisa karea, la apieluena komin naḡa apisu sane yaru moki naḡa pe ape lus nae re Israel poli, nanua sumo la amloge kiela vianiena lala, ana pogos naḡa amloge lologena wo naḡa Pol pisawalia, ana amlelaga e Yesu. Ana lus nae Israel la nene sinela kari Pol, ana aḡnenelua e yo nene, ana pae pulkumali si tai, Perea. Siraunia, naga pa tol pupia pulkumali naḡa Koren, naga mloge lologena kiena li nalelagaena lala nae Tesalonaika e kiena erau Timote, naḡa miyuḡae ke amio naga.

Pol siri ḡesan kiena maki nini pa li nalelagaena lala nae Tesalonaika vena visirluaen kiela sitomiena, a vena kila meraravan va li nalelagaena lala nae yo nene sape naga sitom la mḡaga, a Ntewa sike amio la. Naga pisa potena pa Ntewa komin naga mloge sape asuḡa amlelaga ke mḡarera e Ntewa, a sinela sii ke yaru lala, a pisa panila vena la asitomḡal si kiena ḡelaga wo e pogos naḡa sike amio la, vena atavevea.

A naga pisa taḡe kiela viunena lala naḡa apiyun tania, asape yoko Yesu wasuḡe si ve sanape. Sinelan asape akilia meraravan sane visae yaru naḡa marḡan ḡesa ana Yesu ve vitom re wa, yoko tol malena naḡa ve uro re, pona peraga. A sinelan akilia naḡa yoko Yesu wasuḡe pogwai. Pol pisaruru panila, sape monar ayuḡae ga, naḡa kiela sitomena la varuru ga suḡaga, a naḡa aligan kiela sitomena lala suḡalu mḡarera e Yesu vena asuḡiatea, vano vano o tol pogos naḡa naga wasuḡea.

*Komḡasnen tusi la na nini*

Visena ḡesa 1:1

Pol kekaran la a pisa potena pa Ntewa vanon la 1:2—3:13

Pol piyani la e ḡelaga kiena yaru naḡa lelaga 4:1-12

Pol piyani la sape yoko Kristo wasuḡe sina 4:13—5:11

Pol kila make kiena vianena lala 5:12-22  
Visena maro 5:23-28

*Visena na sumo*

<sup>1</sup> Inu Pol, nemio Saelas a Timote, imimi telu mekegara paḡisi nasirien maki nini imi van amiu, ḡegas nen li na lelagaena lala e suḡiare na pulkumali naḡa Tesalonaika. Memlelaga sane kiamiu malena lala asike ruru ga e Arimata Ntewa amio kieta Suḡe Yesu Kristo, ana memlen ke sane lemamiēna a suḡarena sike amio amiu punu ga.

*Pol lala akekara komin namasisuena kiena le Tesalonaika lala*

<sup>2</sup> Lelaga, silaga na memlen ke pan Ntewa Armata, monar mevisa potena vania vanon amiu.

<sup>3</sup> Mesitomḡal amiu ke e kiamimi leniena lala sanini, taḡatete sinemimi ḡesania sanape naḡa kiamiu naviawaena, amiyuḡae mḡarera tavevea, a sanape naḡa kiamiu na sinesiiēna pimi plamolue ke e kiamiu ḡelaga wo lala, a sanape naḡa kiamiu sitomen piyavi lala kila amiu asuḡal mḡarera ruru ga po e kieta Suḡe Yesu Kristo.

<sup>4</sup> Erau lala, mepisuluḡar sane Ntewa pe sinen sii amiu re ga poli, ana naga kilologia amiu mḡena sane ape kiena lelaga,

<sup>5</sup> komin pogos naḡa memlologon lologena wo pan amiu, naga sa ga pe visena korena re kiena yaru poli, ana naga pimi pan amiu sane visena urmi tai naḡa mḡarera. Mareraena kiena ne Ninuna Wa sike ea, a naga miyur ruru sinemiu la pano-o amlelaga.

Amiu akilia kiamimi ḡelaga la pogos naḡa mesike memio amiu, moḡaryon paḡisi na kilaen sur punu ga naḡa mekilia mekila na kilaen naḡa alelaga,

<sup>6</sup> ḡisi na atolia, apimi sa naḡa ape kiamimi nataveveena lala, ana pe kiamimi re ga poli, apim ape nataveveena kiena Suḡe. Pe sur korena ga naḡa lala taḡena la akila pupia naloge viowaena a akila amiu atol pog mḡarera e pogos la nene, ana aporworun ga lologena wo, ana pupia kekarena kiena ne Ninuna Wa sike e amiu.

<sup>7</sup> E kiamiu ḡelaga wo la nene, sane akuspo yomḡarua, asumon vena kipianen mḡapa van li nalelagaena taḡena lala e lepas na yo la naḡa Masitonia amio Kris.

<sup>8</sup> Lologena wo kiena Suḡe molue e amiu pa vanua, pe e re ga e yo lua nene poli, a pa mḡena yo punu ga la ne, kila yeririna la amlogeyu kiamiu nalelagaena e Ntewa ḡisi rui.

Naga nene po paḡisi, ana nanagane sane e yo ya naḡa visae meva si ea, pe sur na

visaen re si poli, komin visena la punu ga pimi e amiu pa tol la rui!

<sup>9</sup> Pe mesun re si pan li taʔena la nene poli, ana lala asun ke sina ga pan imimi, apisayu sanape naʔa amiu le Tesalonaika lala aʔure imimi pimi pun amiu, a sanape naʔa apilopu amiu, akuwan plan kiamiu nono na marena lala, apim ape yeririna kiena ne Ntewa Mali naʔa pe lelaga.

<sup>10</sup> Ana amio naga nene, apisayu ke mēna naʔa amiu, asuñal ke m̄arera, asuñā asuñāte ke narina ne Ntewa, Yesu. Naga yoko imi m̄alivin ita sina ga, vanon Ntewa pisirlua sina ga naga rui taulu marena, ʔisi na ligan naga imi m̄alivin ita yam na luania, vena tamalia itaena e pogos na liʔereena na pimi ke ne.

## 2

*Pol pisayu kiena yuñāena pogos naʔa sike gar Tesalonaika*

<sup>1</sup> Erau lala, memloge visena tai asape memiyuñāe piowa ga, ana nesitom nesape apisu kilale sane kiamimi nayalin amiuena naga ʔar mras wo lala moki.

<sup>2</sup> Nanua susumo, pogos naʔa memiyuñāe gar Piliʔae, apis kar ke sanene pan imimi rui, a sa naʔa amiu akilia pa rui, pogos naʔa meñalivin amiu, akawe imimi ke sina ga paʔisi. Ana mepisu sane Ntewa miila imimi m̄aga, pe memaraun re naloge viowaena poli, moʔaryon ga na lologonen lologena wo van amiu.

<sup>3</sup> Memlologon pan amiu, ana nekilia nevisa nevisave kana visena lala pe sa re naʔa yar laʔas apisasa ke ne poli. Pe amolue re ga e kiamimi na kila palen tai poli, pona e kiamimi na sitom viowaena tai, a pe naga re ga naʔa metaʔali na were kare amiuen e poli, peraga.

<sup>4</sup> Pe sa re nena nene, ana e pogos nene, imimi sane yeririna la naʔa Ntewa mligan kiena lologena wo e limamimi, ʔisi na mepim mepisawal kiena visena nalelaga nene pan amiu. Imimi na pe memiyuñāe re naʔa yeririna la avisu imimi sanape poli, ana imimi sinemimin ga mesape vena Ntewa kilia kekaran sur ya naʔa memiyuñāenia, komin naga ga kilia sur ya naʔa sike e losineta peve taaga.

<sup>5</sup> Amiu akilia ruru po sane pe mepimin re nakuwanen visen kiki pona visen vilave la van amiu poli, a Ntewa kilia ruru m̄ena sane pe sinemimi sun re kiamiu sur tai poli, pona mepimin vena visa kotalia amiuena.

<sup>6</sup> Ana e pogos m̄ena nene, pe memla re nena sitomena tai vena kilaen naʔa

sane amiu pona yar taʔena lala ayeluar kiamimi kia.

<sup>7</sup> Pe lelaga naʔa mepimi moñalivin amiu sane li nalologena lala kiena ne Kristo, naʔa mesmesun sane monar akila sur ve moki vena visuar imimiena, ana pe mesitoñal re sur nene poli. Imimi mepimi memalum ga, mekila pan amiu sa ga naʔa auya tai pagan narina.

<sup>8</sup> Mekekaran amiu sanene paʔisi wa, sinemimin mevisawilwilin lologena wo kiena ne Ntewa van amiu, ana memloge sane mepinaia amiu paʔisi, vano-o mesuñā metañan kiamimi malena vena iilaen kiamiu malena.

<sup>9</sup> Erau lala, nepisa sanene, pe nepisokan re poli, komin akilia asitoñal sanape naʔa imimi memninu e yuñāena urmi na limamimi e pogos nene. Memiyuñāe ea legiena a kolemaloko, vena kilaen sane pogos naʔa mesike memio amiu memlologon lologena kiena ne Ntewa, pe mekila re urmi pan amiu poli. Imimi ga mepisuar imimi, pe amiu yar re nena tai naʔa pisuar imimi poli, peraga.

<sup>10</sup> Imimi mesitom mesape e maramiu, a e marana ne Ntewa, mekilia mevisawal mesape pogos naʔa mesike likan amiu li nalelagaena lala, kiamimi malena pe sur tai piowa re e poli, mesmes ga, a pe wa ruruia.

<sup>11</sup> Pona asitoñal ke yo wa, naʔa mekila pan amiu sane ata tai naʔa naga kila po paʔisi e naiilaen malena kiena ne narina lala.

<sup>12</sup> Mekila sinemiu la malum ruruia, memla visena na iilaen la pan amiu, a memiilaar kiamiu sitomena lala vena monar akila kiamiu malena la mesmes ruruia e ʔelaga lala kiena ne kieta Ntewa, naʔa naga ga pio amiu vena aim loyumi e naurarena wo na kiena nasuʔenena.

<sup>13</sup> Sur taʔena si tai naʔa silaga mepisa ke potena pan Ntewa paʔisi vanonia, nane kiamiu ʔelaga pogos naʔa lologena wo pimi porun amiu. Amiu amlogeyua, ana pe akovenlua re poli sane pe visen kien yar ga tai, ana apisuia sane pe lelaga, pe visen kiena ne Ntewa lelaga. A amiu naʔa amlelaga ea, apietavan losinemiu pania pano-o suñā miyuñāe ke e kiamiu malena pimi tol nanagane.

<sup>14</sup> Wolai a vineu lala, nekilia sane pogos naʔa amlelaga, pe piavi re poli naʔa yar la nae ke sina ga pun amiu asuñalun na kilaen viowa van amiu, kila apane pogos m̄arera tai paʔisi. Sanene na piowa ga, ana e lele nene amiu amiya ke ga e mrapa taaga ga naʔa li nalelagaena kiena Yesu Kristo e suñāre kiena ne Ntewa e lepas

nae Yutea amiyal e nanua susumo rui. La mēna, pogos naḡa amlēlaga, ana le Yu mēna la akila kare la paḡisi!

<sup>15</sup> Ana ḡelaga nene, le Yu la asuḡa akilakila kemua nanua susumo rui pimi. Susumo, pe sinelan re navisawalena la poli, siraunia, lala ke sina naḡa akila amēmar kieta Suḡe Yesu mare, a lala ke sina ga naḡa asuḡa amēne imimi yam mok rui. Sur la naḡa asuḡa akila ke ne, Ntewa pe kekarān la re nena vanonia, komin asuḡa akakawe visena silaga.

<sup>16</sup> Mesuḡa memlologon ke lologena wo pan la ga naḡa pe ape le Yu re la poli, ana pe sur korena ga naḡa pulmas nene na tamaliaen kiela malena, ana le Yu la nene asuḡa apisawo imimi ke ga, pe sinelan re naḡa mevisawal van la poli.

Kiela ḡelaga viowa la nene, asuḡa amiyakol ke sina metavan kiela mlamulena viowa la naḡa amiyuḡaen la nanua pimi, kila sane nanagane kiela naviowaena la nene piowa manene laa. Amiyuḡaen sanene pano-o pe asitom re sur tai poli, ana tekilia sane pupia na sinekar kiena ne Ntewa pitomin la ke rui.

*Pol naga sitom la paḡisi vena visu la si yam tai*

<sup>17</sup> Erau lala, mesape mevisawal van amiu, mesape memligan amiu nanua ga ne, meḡure mēpa li ve tokak ga, sinemimi miye amiu ga, sinemimin mesape mevisu si maramiu. Lelaga, tesutetai e tasneta, ana e losineta, tepe taaga ga.

<sup>18</sup> Mesike sanene, mesape mekirawal si mrapa tai na imāsen pun amiu, ana inu Pol neḡaryon yam moki paḡisi, ana yar viowa naḡa Yermare, naga kila wo ke silaga.

<sup>19</sup> Ana komin ya ne mesape meim mevisu amiu sina? Naga nene komin a sina naḡa mowasine la? A si naḡa kila imimi mekekara? A si naḡa ve kiamimi mras nen yuḡaena wo, naḡa mekilia melogewonia pogos naḡa visae kieta Suḡe Yesu vim sina? Pe yar taḡena re si po, amiu ga narui!

<sup>20</sup> Pe lelaga paḡisi, amiu na sane tropi nowo tai naḡa metaulua, apim sane pupia purḡes nen sineyena na kiamimi malena.

### 3

*Pol pisayu naḡa pitetalia Timote pa katen la nanua rui*

<sup>1</sup> Mesitomāal amiu mā sanene pano-o, mēpisu sane peraga, imimi yar tai monar imi katen amiu sina. Pisi na mēpisa mesape imimi lua Saelas monar mesu Atens sumo wa,

<sup>2</sup> ana yoko Timote imāsen pun amiu. Wolai nene, memiyuḡaen yuḡaena kiena ne Ntewa veraga memio naga, vena kilaen lologena wo kiena ne Kristo va vanua, ana nepisu sane naga pe yar wo tai na katen amiuena. Nekilia naḡa naga kilia iilaar amiu, kilia iila amiu vena kiamiu naviawaena suḡalu mārera silaga,

<sup>3</sup> vena ve sinemiu la kurkurun kare re pogos naḡa avane pogos mārera la naḡa asuḡa apimi. Pog mārera na sanini, tekilia ruruia sane pe lepas na kieta malena tai, naḡa ita li nalelagaena lala taḡatete toure tania.

<sup>4</sup> Ana visae tesitomāal ke ga wa, tekilia sane pogos naḡa mesike memio amiu, mesuḡa mēpisawal ke pan amiu, mesape mēpisusu ke pa rui sane yoko ve ve piavi re, yoko monar akila viowa van ita. A nanagane, sur nene pimi kate sa ke ga nene rui, naḡa amiu nena akus ke paḡisi.

<sup>5</sup> Sur ne na nene kila sane in na nemlogē sane pe pon re nesuḡa sanene poli, ana monar nekila sur tai vena neloge lologena tai sane amiu asike sanape. In na nemarau li māga sane yar viowa na taḡalien yar nene, sa lual kiena mrapa tai nakila amiuen aloru rui, ḡisi na nesape nelogelia sanape, asuḡal mārera ke ga wa po sanape, komin piowa ga naḡa kiamimi yuḡaena wo lala e amiu imi ve sur korena sina ga. Sanene nepitetalia Timote piḡasau.

*Timote ḡasuḡe si puna ne Pol amio navisaplanena wo e lepas puna ne la nae Tesalonaika*

<sup>6</sup> Timote piḡasau pisu amiu, ana nanagane ga ne naga ḡasuḡea pimi katen imimi. Pogos naḡa pimi, ḡar lologena wo, pisayu sanape naḡa kiamiu naviawaena amio ḡelaga na sinesiena keviu ga sike na wa, suḡa poga ga, ḡisi na kila sineu kekara keviu. Naga mla kiamiu visena pimi pan imimi, sape asitomāal imimi ke silaga, ana sinemiun visuen si maramimi paḡisi, sa ga naḡa imimi mēna mesape mevisu si maramiu.

<sup>7</sup> Ana pe sur korena ga naḡa mesike memloge piowa sanene e yo nini komin naviowaena naḡa akila ke pan imimi, ana pogos naḡa memloge lologena na kiamiu masisuenā amiu kiamimi erau lala, memloge sane pisirlua si kiamimi sitomena.

<sup>8</sup> Memloge naḡa asuḡalu ke mārera e Suḡe, ḡisi na kila memloge sane memal ruru sina.

<sup>9</sup> Pogos naḡa memlen wo amiu ke sanene, mēpisu sane pe imimi re naḡa mekila ke sur wo tai pan amiu poli, peraga, ana amiu na akila ke sur wo tai pan imimi,

komin amiu akila ke naþa mokus pupia kekarena e losinemimi, pano-o pe kiamimi visen re si tai navisaen potena van Ntewa vanon poli.

<sup>10</sup> Naga nene kila sane sinemimin manene paþisi vena melen kolegiena a kolemalu, sane sa mekilia mevisu amiu sina ga, visae narin lele tai naþa kiamiu naviawaena tai kulkulul li naga, ana yoko mekekan vaþisi naillaen si naþa kilia mārera ruru sina silaga.

<sup>11</sup> Sur ne nanene naþa nemlenin ke mārera nanagane, sane kata Ata Ntewa amio kieta Suþe Yesu, avietavan kiamimi mrapa vena mekilia meim meialiali amiu sina.

<sup>12</sup> Pano tol pogos nene, nemlen ke pa Suþe, nepiun ke sane yoko naga kila kiamimi sinesiena kapuru ke imi sane kokonia ruru kiamiu malena vano-o tataroi va tol si yar taþena lala, imi ve keviu manenea maran taaga ga sa naþa kiamimi sinesiena e amiu.

<sup>13</sup> Ana amio naga nene, nemlen sane naga ligan sitomena wo tai naþa mārera ruruia e amiu, vena akilia auarar ruru kiamiu malena vano-o tol pogos naþa kieta Suþe Yesu imi kate sina amio kiena li wa lala, ana e pogos nene akilia asumalu e marana ne Ata Ntewa naþa amerarava po, ape wa ruru ga asuma ga.

## 4

### *Pelaga na malena naþa Ntewa sinenania*

<sup>1</sup> Erau lala, pogos naþa mesike memio amiu, mepian ruru amiu sanape naþa amiu akapuru laa sane e þelaga na malena naþa Ntewa sinenania, ana memloge sane akila lili ma rui, naga po paþisi. Ana e kia kiena Suþe Yesu, momāreran van amiu sane ve aligan re, awaryon ga kilalen vano.

<sup>2</sup> Suþe Yesu mligan kiena navianena lala e limamimi na visawalen van amiu, ana akilia ruru la rui. Sanene, popon atavevea.

<sup>3</sup> Poga, sur ne laþas nanene naþa Ntewa sinenan kiena yeririna la monar ayumaenia. Kieta malena monar ve wa ruruia, sane ve tekila re þelaga viowa e lepa na yermene amio sira.

<sup>4</sup> Ita punu ga monar tetaveve ruru mrapa mesmes na talopaena, vena yermene kilia su amio wona na sira naapo e þelaga naþa merarava ruruia, vena ve akila kare re si kiela kia lalua.

<sup>5</sup> Sanene, pe pon re yaru talopa koskos poli taveve ga kiena sinenanen sira mārera, komin nanene pe þelaga ken yaru na yemalolo ga lala, naþa pe akilia ruru re Ntewa poli.

<sup>6</sup> Visae yar la akila ke ga þelaga wo silaga e nini, yoko wo vaþisi, yoko ve akila kare re si sur nowo naþa pe kiena kiela puruvi taþena lala. Amiu monar avisu ruru yo nene, vanon Ntewa mla ke nakoena silaga pan yeririna la naþa amlor ke e mlamulena viowa kar la ne sanene, sa naþa mepisawal pan amiu rui, mesape maraþe amiu.

<sup>7</sup> Asitomveveli naga nene. Pogos naþa Ntewa pio ita tepim tepe kiena yeririna lala, naga pe kila re vena kieta malena imi ulen si þelaga la naþa pe merarava re poli, a naga kila vena sane kieta malena imi ulen þelaga la naþa ape wa ruruia.

<sup>8</sup> Sanene na, yar naþa pe kekanan re navianena la nene poli, naga monar visu kilale sane pe pe visen ken yeririna re la naþa naga miaslua poli, ana miaslua ke visena kiena ne Ntewa, naþa mligan kiena Ninuna e ita naþa sane Ninuna naþa pe wa.

<sup>9</sup> Sur si tai naþa nesape nesunyu van amiu, naga kieta þelaga ita li nalelagaena lala, naþa monar tekekanan ita tepe namratava taaga. Sur nene amiu akilia ruru þisi rui, pe pon re nesiriyu si van amiu poli, vanon Ntewa kilapian ita make ga rui sane naga nene pe sur wo tai po tanea paþisi.

<sup>10</sup> Nekilia sane amiu akila ke pa sanene rui pan li nalelagaena lala nae Masitonia po paþisi, a nesape nevisa ke sina ga, nesape amiu auarar ruru þelaga wo nene, akila imi ve keviu laa sane likan amiu.

<sup>11</sup> Nanagane na nesape nesiri si sur laþasia naþa popon sane awaryon na kilaena. Nasumo, ve oulaula kar re, ana osu ruru ga. Nalua, ve okian re kunuma va e kove kiena yar taþena lala, ana ovisusu ga kioþa malena. A tai sina ga, ve ove yowen re, ana oyumaee mārera wo e yumaena naþa sike e lumoma, sa naþa mepisawal susumo rui.

<sup>12</sup> Visae okila sanene e kioþa malena legiena punu ga, yoko la naþa pe amlelaga re poli akilia avisu ruru ko, apisuluþar naþa pe yaru taþena re la apisuari ko poli, a ko ga osuma opisuar ruru ko.

### *Nawasuþeen si kiena ne Suþe*

<sup>13</sup> Ana erau lala, nepisu sane popon amiu akilia lili ma sur la þasa e lepa kiena ne ita þas naþa amomaliu rui, sa naþa akovio e yomarava. Yaru la moki naþa pe amlelaga re poli, amaraun marena, asitom asape yar la akovio yoko viowa vaþisi van la, ana kila sane pogos naþa lala tai kovio, atagin paþisi.

<sup>14</sup> Ana ita na sa re nene po, komin temlelaga sane siraun naþa Yesu mare e lak torovia, naga sumal mal sina ga, ana

e p̄elaga m̄na ne nanene, temlelaga m̄nena sane lala naḡa ape taaga amio naga amare, yoko Ntewa kila la ave taaga amio naga amal sina, ana awasuḡe aimi sina amio naga.

<sup>15</sup> Nekilia nevisa ve lelaga van amiu, sane taveve visena tai naḡa Suḡe ga pisa, ita naḡa temal ke ga wa tol pogos naḡa nawasuḡeena sina, ita taḡatete teva metava sumon lala naḡa akokovio rui.

<sup>16</sup> Peraga, ana sur naḡa kate e pogos nene sanini. Parin navisi nae ma e peni vion manene va metava, a kumasua kiena ne Ntewa yelu, ana kieta Suḡe vetan ma e peni vitom tano, yoko li nalelagaena la naḡa amarmare asike ne, yoko asuḡal si sumo.

<sup>17</sup> Pisi na, ita naḡa temal ke ga wa tesike yomarava, naga wereplan ita m̄nena teva metava temio la, tekom likan lul meta e sinapane, teva tevitawe kieta Suḡe meta e yo yau. Teva sanene, ana yoko tesike lue ga temio naga.

<sup>18</sup> Navisaarena nene naga po paḡisi, ana popon teiila ita silaga e sitomen wo la nene.

## 5

*Monar tesururuia, tekirava; ve ve piavi re na naga yoko vim*

<sup>1</sup> Erau lala, nekilia sane yeririna la moki sinelan asave akilia sur la nene yoko vim kate e legiena ya, pona pogwai. A naga nene pe pe kiau re nene naḡa nesiriyu van amiu poli,

<sup>2</sup> komin akilia pa rui sane sur nene pe kiena re yeririna na kilia poli. Naga ḡarlologia ga sa naḡa yar na vinauena kila kiena yuḡaena kolemalu. Naga taḡatete visawal ḡesania pog ya naḡa naga imi!

<sup>3</sup> Pona naga imi e pogos tai naḡa yar la apisa ke pan la, asape "O, nanagane pe pog na suḡarena pa rui!" Pona asape "O, nagane tesike e pog wo narui!" Lala amninue ga, ana sur nene naga sa naḡa auia tai veraga ga mloge sa naḡa kiena sisi vaeme narui. Ana pogos nawasuḡeena ve sa ke ga nene, naḡa yoko yeririna la aila ga, sane pe asitoḡal re poli, ana pupia pog viowa imi katen la, naḡa sane taḡatete nena aur matania.

<sup>4</sup> Ana amiu erau lala, pe asu re si e pupumalko poli, ana visae pupia legiena nene imi kate, nesitom pule ga sane amiu akilia ailania, sa naḡa pe yar na vinauen tai pimin kiamiu sur lala.

<sup>5</sup> Pe tepe yeririna na yemalolo la kolemalu re si poli, ana tepe yeririna na yomerarava na legiena rui.

<sup>6</sup> Sanene na, kieta sitomen la monar tavilo ruru silaga, touarar ruru kieta malena, vena ve teve sa re yeririna taḡena lala na yemalolo.

<sup>7</sup> Yuḡaena la naḡa asuḡa amiyuḡaenia, la asuḡa amun m̄na wii pano-o wii m̄ne la, ḡisi na asuḡa amomomalion ga,

<sup>8</sup> ana ita naḡa tepe yeririna na yomerarava, monar tekila kana yuḡaena mesmes lala. Tekila kieta malena la mesmes ruruia, tekilawo yepeta e p̄elaga na viawaena amio p̄elaga na sinesiiena, a monar teyanwo ḡarita e nalelagaena m̄arera naḡa tesape yoko Ntewa monar tamalia ita.

<sup>9</sup> Naga nene pe pon re naḡa kieta sitomen veve lua poli tesape Ntewa tamalia ita pona ve tamalia ita re, komin naga pe kiena sitomena re naḡa sape yoko kiena li nalelagaena lala atol nakoena poli, ana naga pisaaria sape yoko tetol natamaliaena nene naḡa Suḡe Yesu Kristo tauluia pe kieta.

<sup>10</sup> Naga marewo ita, vena kilaen sane visae wasuḡe sina, pe sur korena ga naḡa visae tomomalia, sane tokovio pa rui, pona tetavilo, sa ga naḡa temal ga tesuḡa ga, ana kieta malena su ruru ga amio naga silaga.

<sup>11</sup> Visena ne na nene popon amiu avisasa vena iilaaren kiamiu sitomena, aiila amiu vena yuḡaenen kiamiu naviawaena imi m̄arera ruru laa sane, sa naḡa nekilia sane amiyuḡaen ke pa rui.

### *Visena maro*

<sup>12</sup> Erau lala, nesape neviun m̄nena van amiu vena avisu kilia ruru li la naḡa amiyuḡae m̄arera ke e yuḡaena kiena ne Suḡe likan amiu. Nanene komin naḡa naga mligan la vena ave suḡen amiu, avian amiu. Amiu monar avatanon ruru la,

<sup>13</sup> aligan la asu metava e kiamiu sitomena lala, akekarana la, vanon yuḡaena la naḡa amiyuḡaen ke ne. A ḡisi na, amiu ve akakawe amiu re, ana sinemiu la monar ve leman van amiu silaga.

<sup>14</sup> Nepiun m̄areran tan amiu puruvi a vineu la, visae amiu ḡas ape yowena, popon avis van la vena yepela m̄ae la sane. Visae amiu ḡas amarau, avis van la vena akilia asuḡal m̄arera. Visae laḡas yepela mavi, avis van la vena iila laena. Ana e la punu ga nene akila sane kiamiu sitomena viayavi ruruia.

<sup>15</sup> Amiu awaryonli sane visae yar tai kila viowa van amiu, ve akilamara re si viowa vania. Ita monar tekilali sane sineta wo ruru van ita silaga, a sineta wo ruru m̄nena van yar taḡena lala.

<sup>16</sup> Pe sur korena ga e sur ya naŋa imi katen ita, ana tekekara silaga,

<sup>17</sup> telen silaga,

<sup>18</sup> tevisa potena van Ntewa silaga. Na nene kiena sinenanena naŋa sape teyumaenia, e lepas pun ita naŋa tepe kiena Yesu Kristo.

<sup>19</sup> Sur si tai, visae kapi kiena ne Ninuna ne Ntewa vivaga ruru ke yo tai, yoko wemaeren toko,

<sup>20</sup> ana visae yar tai sumā pisa plan ke navisawalen lala, ve avisalele kare re naga,

<sup>21</sup> ana asitomveve ruru sur punu ga. Naga naŋa po, auarar māraera,

<sup>22</sup> ana naga naŋa piowa, aligania.

<sup>23</sup> Nanagane nelen sane Ntewa ga, naŋa pe Ntewa na sumārena, kila sinemiu amio kiamiu sitomena a kiamiu malena ve wa naŋa ve wa ruruia. Sineun manene nesape pogos naŋa visae kieta Suŋe Yesu Kristo wasuŋe sina ga, yoko ninumiu wetelu, losinemiu wetelu, amio tasnemiu wetelu, ve narin kinakinas nen kororak re nena tai se e la.

<sup>24</sup> Naga naŋa piolua amiu naga pe masisu lelaga, a naga yoko yumaē māga ve sanene vano.

<sup>25</sup> Sur maro, nevisa van amiu erau lala, neviun tan amiu sane ve sinemiu pēsan imimi re e kiamiu leniena lala.

<sup>26</sup> Avisā pokolulagi po pokolemalo van li nalelagaena wa taŋena lala naŋa asike ne,

<sup>27</sup> a e kia kien Suŋe, nepisa sane lumiaki nini, aulolua e marala.

<sup>28</sup> Lemamiena kiena ne kieta Suŋe Yesu Kristo sike amio amiu.  
Inu, Pol.

**Maki Nalua Naþa Pol Siri  
Pa Pan Li Nalelagaena Wa  
Lala Nae Garu  
TESALONAIKA  
Visayuena Na Tusi Nene**

*Komþasnen suniena plas na tusi nini*

Yaru lala na suñæra nae Tesalonaika amloge piowa komin amloge ke visena la mokliu, naþa asape Yesu þasuþe rui, a amininuwe kare narui aña visena nape naþa lelaga. Ana Pol siri kiena mñaki na lua nini pano pa li nalelagaena la garu Tesalonaika vena visawalen visena na lelaga vani la. Naga pisape yoko Yesu wasuþe sina, ana sumonia þelaga viowa lala monar imi viowa manene la vatanon nasuþenena kiena yaru tai naþa yoko imi mñalivi, naþa kiena kia "Yaru na kilaroen navisaluaena," a yoko naga visakare Kristo amio li nelagaena lala.

Pol pisawal meraravanja sape yaru la naþa aulo mñaki nini monar asuñalu mñarera e kiela lelagaena lala, pe suri korena ga visae avane suri viowa la ve moki, pona aloge viowa manenea vaþisi. A naga sape monar ayuñæe ga mñarera vena atol suri la naþa limala plasanía e kiela maliena lala, sanaþa naga amio yaru la naþa amiyuñæe ke amio naga, la asuñæe akila kene, a monar akila luwe ga yuñæena wo lala.

*Komþasnen tusi la na nini*

Visena þesa 1:1-2

Pol pisawal sape kekaran la paþisi 1:3-12

Pol pian la sape Yesu yoko wasuþe si ve sanape 2:1-17

Pol pian la e þelaga kiena li nalelagaena lala 3:1-15

Visena maro 3:16-18

*Visena na sumo*

<sup>1</sup> Pegas na li nalelagaena lala kiena ne Ntewa Arimata a kieta Suþe Yesu Kristo, naþa asike e kumali nene Tesalonaika, imimi telu Pol, Saelas a Timote, mekekara paþisi navitawe amiuenta sina e mñaki nini.

<sup>2</sup> Lemamiena a sumærena kiena ne Ntewa Arimata amio kieta Suþe Yesu Kristo sike amio amiu.

*Pol siar kiena mñaki e leniena na visaen potena*

<sup>3</sup> Sur tai naþa popon meyuñæen silaga, monar mevisa potena van Ntewa vanon amiu kiamimi erau wo lala. A nanagane, mekekaran mesape meyuñæen sanini, komin memloge ke kiamiu lologena lala,

sane kiamiu naviawaena pam manene laa meta sane silaga, a amiu punu ga akekaran amiu taþena lala pimi keviu manene la.

<sup>4</sup> Naga nene po paþisi, ana pogos naþa mepa metelivi ke puna þegas nen li nalelagaena taþena lala kiena ne Ntewa, memieluar amiu ke paþisi pan la. Mepisa meraravan ke pan la sane amiu aþar ke þelaga mñarera kiena li nasinekar lala, ana amiu apa aþarpoyo ke e yo mñarera tai naþa kila kare amiu paþisi, ana pe akukulul re poli, kiamiu naviawaena pe mlor re nenaga.

<sup>5</sup> Pogos naþa asuñal ke mñarera sanene, mepisu sane pogos naþa Ntewa kilologia amiu, naga kila mesmes ruru ga, komin naþa pisuluþar sane amiu ape yeririna la naþa taþatete aloru. Nanagane, naga pisuluþar rui naþa aþar ke naloge viowaena lala komin kiena nasuþenena, a siraunia yoko naga visu amiu atorokin vaen loyuma ea.

<sup>6</sup> Naga, silaga miyuñæe mesmes ga, a yoko kilamaran viowa van la naþa akila piowa pan amiu.

<sup>7</sup> Lala akila amiu akus naloge viowaena paþisi, ana naga yoko kila þisi, naga yoko iila amiu gar ne, a iila imimi mña e nini naþa mepane ke sur laþasia. Pogos naþa tevisu pupia kapi tego ma e sinapane, tekilia tesape kila ke mrapa naþa Ntewa ligan lua Suþe Yesu ma e peni vitom tano e yomarava, amio kiena navisi mñarera lala, naþa yoko wereplan ita vetan naloge viowaena lala na yomarava.

<sup>8</sup> Naga mñalivi, yoko liþere la naþa yepela mavin Ntewa, naþa yepela mavin logearan lologena wo kiena ne kieta Suþe Yesu.

<sup>9</sup> Naloge viowaena kiena ne la naþa yoko akusia, yoko akokovio lue ga narui, yoko akilawo la taþatete nena asike amio Suþe pogos tai e yo nowo naþa kiena mñareraena miyuñæena mon mña.

<sup>10</sup> E pogos naþa naga mñalivi, yoko kiena yar wa lala ayeluar vaþisi, la naþa amlelaga ea avisu naga sane po na po paþisi, ana amiu amio la akilia ataveve naga. Akilia akila sanene komin amlelaga e kiamimi lologena, ana li taþena la nene, taþatete nena atavevea.

<sup>11</sup> Mesuñæe mesitomveve mña sur la nene pano-o, kila imimi moñarera ruruia na lenwo amiuenta silaga. Mepiun ke tan kieta Ntewa naþa iila amiu vena atorokin malena wa naþa naga pio amiunia. Memlen ke sane kiamiu naliganarena wo la naþa sike e kiamiu sitomena vena taveveena, amio yuñæena wo la naþa kiamiu naviawaena kilia kila, yoko Ntewa

yuñae e kiena m̄areraena vena kila awar mrasa.

<sup>12</sup> Memlen ke sanene vena ayeluar kia kiena ne kieta Suḡe Yesu imi ve keviu likan amiu, a vena akapur manenea amio kiena ḡelaga wo lala. Visae akilia akila sanene vano-o maran taaga amio lemamiēna wo kiena ne Ntewa kieta Suḡe, nane Yesu Kristo, yoko wo na wo.

## 2

*Yar viowa nene, Nasinekareena Navisaluēna, yoko imi m̄alivi*

<sup>1</sup> Nesape nevisayu sina ga nawasuḡeen sina kiena ne kieta Suḡe Yesu Kristo, amio sanape naḡa yoko were ita lele taaga tesike temio naga. Erau lala, e lele nene nesape nevisa sanini,

<sup>2</sup> sane ve sinemiu pepe re, ve amarau re. Nekilia sane visena tai tetelivi ke sape yar laḡasia apisasawalia pona amlologon ke asape nanagane legiena na nawasuḡeen si kiena ne Suḡe naga pimi kate rui, ana la ḡasia apisasa ke asape imimi ke nalologena la narui mepisawal sur nene e kiamimi lum̄aki tai rui. Ana amiu ve alelaga re e visena nene,

<sup>3</sup> ve atañan re naḡa avisa kotalia amiu sanene. Sur na apisa ke ne, pe sa re nena nene, komin pupia nakawelanan van Ntewa monar va meta sumo. Siraunia yoko yar viowa na kovioena, naḡa apio Nasinekareena Navisaluēna, naga m̄ena monar imi kate e yometava.

<sup>4</sup> Yar nene naga piowa paḡisi, naga pilolon kare make ga sur wo lala, a naga mligan ke naga mon metavan sur make ga naḡa kia kiena ne Ntewa sike ea, amio sur wa taḡena la naḡa yeririna la apatanon rurua. Yoko naga kila m̄a sanene vano-o, naga ga visirlua si naga sike e lele wa loyur̄ia e Yur̄ia Wa m̄ana ne Ntewa, visawal naga sape naga ga pe Ntewa rui. Ana pogos naḡa kila sanene, nanene naga e pogos ke naḡa lavis ke towarpoyo e legiena maro narui.

<sup>5</sup> Visae amiu asitoñal ke ga wa, pogos naga nesike nemio amiu, nepisasawal ke suri nene pan amiu yam mokli rui.

<sup>6</sup> Ana taveve ya naḡa nepisa meraravan ke ne, akilia avisu kilale sane yar nene, kan pog mesmes naḡa vim kate sike ga wa, ana apisawo ke ga wa komin kan pog nena na pere wa.

<sup>7</sup> Ana pe sur korena ga naḡa Nasineka-reena Navisaluēna pe kate re poli wa, ana kiena m̄areraena suñā miyuyum̄aen wan ke kiena ḡelaga viowa lala e yomarava nini rui. Taḡatete imi kate e yometava amio kiena pupia m̄areraena na wa, komin

Ninuna Wa suwo ke naga, ana pogos naḡa Ninuna Wa ure si vavini,

<sup>8</sup> yoko naga suñalu amio kiena m̄areraena make ga. Naga yoko kila mara vano lavis taulu make sur narui, ana yoko Suḡe Yesu vim kate, yoko lagi na kiena visena lelua yar viowa nene veraga ga, pupia yomerarava naḡa pimi amio, m̄enelua yar nene va kovio e pupumalko.

<sup>9</sup> Pogos naḡa Nasinekareena Navisaluēna nene vim kate, yoko naga yuñae amio m̄areraena kiena Yermare, ḡisi na naga kila pupia kile lala amio sur na ilanen lala, ana ape navisokanen ga lala.

<sup>10</sup> Naga yoko kila ve sanene komin sinenan werekareen sitomena kien yeririna la naḡa ave na kovioena. A yoko kila m̄ena ḡelaga viowa lala naḡa kilia were kare kiela sitomen la va ve taḡena, komin ape yeririna la naḡa pe sinelan re akekaran visen lelaga lala kiena ne Ntewa poli, pe asitoñal re nena sane yoko naga kilia tamalia kiela malena poli.

<sup>11</sup> Ana pogos naḡa Ntewa pisu kiela sitomen la m̄arera sanene, yoko naga ligan la ga, tam̄an naḡa sane pupia visen navisokanena la kilia taulu la ga sane, yoko alelaga ruru e visokanena la nene.

<sup>12</sup> Ana siraunia, yoko naga liḡerela mesmesu nena, sape ape yeririna la naḡa yepela mavin lelagaen e kiena visen lelaga, ana sur naḡa la akekarania, naga ḡelaga na kilaaen viowa la naḡa akilakila ke pa rui.

*Asum̄al m̄arera ruru silau*

<sup>13</sup> Sur wo tai naḡa popon meyuñāen silaga, monar mevisa potena van Suḡe Ntewa vanon amiu kiamimi puruvi a vine-mimi lala naḡa naga kekaran amiu paḡisi. Siar nanua susumo rui, naga kilologia amiu vena kam na ape mras ḡesia naḡa amlelaga e kiena visen nalelaga, a Ninuna myuñae e kiamiu malena lala ana apim amerarava e marana, ḡisi na naga kilia tamalia amiu.

<sup>14</sup> Naga pio amiu kome lologena wo naḡa mokus pimi, komin naga sinenan pisape amiu m̄ena ayakol e pupia naurarena vena yeluaren kia kiena ne kieta Suḡe Yesu Kristo.

<sup>15</sup> Ve sanene erau lala, pe pon re amiu yar tai kila pal poli. Monar asum̄al m̄arera ruru silaga, a monar auar ruru nakilapianen la naḡa mekila pan amiu rui e kiamimi visena lala pona e m̄aki la nene.

<sup>16</sup> Armata Ntewa kekaran ita paḡisi, pe leman pan ita a milaar si kieta sitomena e kiena navisaarena wo tai, sane ita na tesu wo lue ga temio vano-o taḡatete ḡisi pogos tai. Ana nemlen pania, sane narina, kieta Suḡe Yesu Kristo,



<sup>17</sup> iilaar kiamiu sitomena lala, kila amiu añarera ruruia e visen wo punu ga lala a e kiamiu yuññaena wo punu ga lala.

### 3

#### *Pol piun vena alenwoia*

<sup>1</sup> Erau lala, sumon neñisin kiau visena nesape neviun tan amiu punu ga ve sine-miu pñesan imimi re e kiamiu leniena lala, vena mekilia meyuññae mñarera laa sane vena visena kiena ne Suñe kilia momolue vilaga e yo la punu ga. Visae ve sanene, yoko yar tañena mñena la akilia aloge kiena visena nalelaga, akilia avisirlua kiena kia, sa ga naña amiu amiyuññaenia pogos naña pimi mñalivin amiu sumo ne.

<sup>2</sup> Ana pogos naña visae alen, popon asitomñal mñena sane pe amiu punu re amlelaga poli, a yeririna viowa pñas asike naña añar ke sitomen tañena lala, ana amiu akilia alen vena Ntewa suwo ruru imimi vena tañatete atol imimi.

<sup>3</sup> Ita tekilia sane tekilia towasine Suñe silaga, ana pe sur korena naña Parin Yar Viowa tañali kila ya ne van ita, a nemlelaga sane yoko Suñe kila ita tomñarera ruruia, yoko visuar ruru ita vañisi.

<sup>4</sup> Kiau sitomena nekiliaar sane naga yoko kekaran naiila amiuen sanene, komin sur la naña mepisawal pan amiu, nemlelaga sane amiu akila ke pa rui, a nemlelaga sane amiu yoko awaryon nakilaena e legiena la ne pimi ke ne.

<sup>5</sup> Amiu akila sanene po pañisi, ana kiau leniena sane kieta Suñe Kristo sumon amiu vano tol naña kiamiu sitomena la viayavi lelaga sane kiena, a losinemiu la va ulemamaga e sinesiena kiena ne Ntewa.

#### *Visena e lepas na yowena a na su korena ga*

<sup>6</sup> Erau lala, e kia kiena ne Yesu Kristo nesape nevisawal van amiu, sane visae puruvi tai pe miyuññae ruru re poli po pe taveve ruru re navianena la naña mepian amiun poli, popon asu perinan li laa ga naga sane. Yowena la ne sanene, ve ava re lavisin la,

<sup>7</sup> komin pogos naña mesike likan amiu, pe mesu koren re ga sanene po. Mekila meraravan mrapa wo pan amiu, ana amiu akilia ruruia sane popon asiraunia.

<sup>8</sup> Pog naña visae memla kinanena tai, ana monar moull ga, komin memiyuññae legiena a kolemalu natauluen narin kilavaru vanon sur ya naña sinemiminia. Imimi na memninu sanene sane ve mekila re yuññaen keviu van amiu na visuar imimiena.

<sup>9</sup> Visae amiu avisuar re imimi ve tokaki pona mesmesu yo, ana moñaryon mesape

imimi ga mevisuar imimi, vena kilapan amiuen e pñelaga wo naña akilia atavevea.

<sup>10</sup> Pogos naña mesike memio amiu, amlogge ke naña mepisa ke sur nene, sane pe kiamimi navisaluaena tai, ana memla mñena pan amiu, mesape yar na yepen mavin yuññaena, naga tañatete kinana.

<sup>11</sup> Nepis ke sanene komin narin visena tai pimi tol kiligau sane kiamiu yeririna pñasia pe amiyuññae re la poli, asusu korena ga asuñña sane, ana asuñña apisimumu e sur la naña yar tañena ga la amiyuññaenia.

<sup>12</sup> Kiamimi visena e yar la ne sanene pa sanini, sape ve asu kare re sanene, akilia ava ruru amiu la sane, ana akila towe li la yuññaena na tauluen kamiu kinanena sa naña amla ke legiena punu ga.

<sup>13</sup> Ana visena pan amiu punu ga puruvi lala a vineu la, sane ve ita yar re tai naña logge yepen malumun yuññaena wo la naña sike ne vena teyuññaenia.

<sup>14</sup> Mepisawal sur la moki e mñaki nene, ana visae yar tai ve kekaran re, popon avisu ruru yar nene. Yoko ve akilali re naña ayuññae veraga amio naga sumo wa, vena kila naga mawa towe la sane, vena visu kilale kiena viowaena.

<sup>15</sup> Ana ve akila re suri tai vania sane naga ve kiamiu sinekar tai, ana awepñege si naga sane imi ve kiamiu puruvi wo ga tai.

#### *Visena maro*

<sup>16</sup> Kiau visena maro, nemlen nesape yoko Suñe na suññaena ligan kiena suññaena sike e amiu e kiamiu mrapa la punu ga, nemlen nesape naga sike amio amiu punu ga silaga.

<sup>17</sup> Narin yo na tano yoko ovisu sane in ga nesiri visena la nene e luñña. Sineun nesape nekila ve sanene e kiau mñaki lala vena akilia avisu kilia luñña sane in ke narui nemligan mñaki nene piññasu. Naga kiau nasiriena ga nane teke ne, nesape:

<sup>18</sup> Lemamena kiena kieta Suñe Yesu Kristo sike amio amiu punu ga.

Inu, Pol.

**Maki Nasumo Naña Pol  
Siria Pa Pan  
TIMOTE  
Visayuena Na Tusi Nene**

*Komþasnen suniena plas na tusi nini*

Timote naga pe yaru viiu tai nae pupia pulkumali naña Listra, a naga mlelaga e Yesu Kristo. Anena naga pe lus nae Israel tai a arimana naga yaru nae Kris. Timote na erau kiena Pol tai naña tavevea apa ke e yo makega vena visawalen lologena wo kiena kieta suþe Yesu Kristo. Pol siri mñaki nini pa Timoti, e pogos naña sike garu provens naña Masetonia, a Timote naga sike Episas.

Pol siri mñaki nini pan Timote, pisa pania sape visuar naga e vianiena na visokanena lala naña kilia imi loyumiña e suniare. Vianena na visokanena nene molue kome sitomena tai naña pisape suri makega na yomarava piyoyowaga pona pe namname. Yaru la naña apian ke yaru la e vianiena na visokanena nene, asape yaru kilia tol malena visae ga viyon sape tol kinasnen kiela vianena la naña tapolou, a monar lon kinanena laþasa, kan ga kinanena la naña asitom sape torokin akania, a yoko naga ve talopa re, a taveve kiela þelaga taþena si laþasa.

E mñaki nini Pol pisayu þelaga wo la naña li nalelagaena lala akilia atavevea vena akila lotena, a vena visuaren suniare. A naga pisa þelaga wo laþasa naña nasumonena na suniare lala a li nalelagaena lala monar atavevea. A suri maro naña Pol pisa, naga pisa pa Timote sape naga monar imi ve yaru wo tai vena kilaen yumiñaena kiena Yesu Kristo. Naga pisa pania sape kiena þelaga monar ve senape, pogos naña naga yalin þegasnen li nalelagaena taþena la a naña vianila.

*Komþasnen tusi la na nini*

Visena þesa 1:1-2

Vianena e lepas na suniare a nasumonena lala 1:3—3:16

Visena lala na iilaren Timote e kiena yumiñaena lala 4:1—6:21

*Visena na sumo*

<sup>1</sup> Naruu Timote, inu navisawalena Pol nesiri mñak nini piñasu pan ko, naña Ntewa kieta natamaliaena amio Yesu Kristo kieta nawasineena amligan inu vena neyumiña e lologena wo.

<sup>2</sup> Nekekara navitawen ko si e nini, vanon nepisu ko sane ko ope naruu wawa loyumiña e namratava na kieta naviawaena.

Nemlenin ko ke, sane Ntewa arimata, amio kieta Suþe Kristo Yesu yoko aligan lemamiña, sineyeena, amio kiela suniarena sike amio ko.

*Okilawoli nakilapianen visokanen lala*

<sup>3</sup> Nesape nevisawal si van ko sur naña tepisayu nanua ga ne, pogos naña nesike nemio ko gar Episas, sumon naña nemligan ko navaen Masitonia. E pogos nene tepisu ke naña þar mñarera laþas asumiña ga, naña tekilia ruru la, ana nesape osumiña ga e yo nene wa, vena okilali naña okilawo la. Sur ne nanene nesape nevisawal si van ko, sane osumiña e nene wa, vanon la nene, asun akilapian ke sur la naña pe mesmes re poli.

<sup>4</sup> Sila ga kiela sitomena la mlor ke ga e kiela suniena marua ga lala, ana sinelan ke ga navisayuen lus kiena ne kiela li marua la na nanua sumo sumo, ana popon aligan sur la nene sike na. Visena sur la ne sanene kila ke yeririna la kiela sitomena peve lua paþisi, ana taþatete nena aiila la vena atol malena wo naña Ntewa sinenania, naña tekilia tetolia e ga e lelagaena e naga.

<sup>5</sup> Sanene na, popon tevisawo la, vena ki-laen sane yoko kieta yeririna lala, losinela kilia merarava ruruia, kiela sitomena kilia mesmes ruruia, a kiela naviawaena ve lelaga, komin sa ve sanene, yoko þelaga wo na sinesii itaena kilia imi ve keviu sina vaþisi likan ita.

<sup>6</sup> Ana nanagane piowa ga, komin la þas e neñña, aterere akuspal mrapa wo nene, amial mña e mrapa naviswoween lala.

<sup>7</sup> La apilave, sinelan asape avim ave vianena na navisaluaena wa, ana asumiña apisawal ke kana visena mñarera ne lala, pe akilia ruru re sur la naña apisa ke poli, taþatete avisa meraravan ruruia.

*Navisaluaena kiena ne Ntewa pe na ya?*

<sup>8</sup> La nene apisin manene navisaluaena kiena ne Ntewa, ana tekilia tesape navisaluaena, visae teyumiña ruru ea, naga pupia kana yumiñaena sike ea.

<sup>9</sup> Ita monar tekilia tesape navisaluaena naga apisirlua pe naiilaen re la naña amesmes ruru pa rui, ana naiilaen yar taþena lala, sane la naña akilarovia amio la naña yepela mavin logearena. Lala nene, nane la naña pe akekanan re Ntewa poli, la naña asitom korenan ga sur wa lala, la naña þar mñarera ga lala, a la naña añe arimala lala amio anela lala, po añe mña yar taþena lala.

<sup>10</sup> Amio yar la nene, þasia naña ataþa kolau, amio naña yermene were si yermene po sira were si sira, þasia apinaun nisisi vena awililinia, lala na visokanena,

amio lala na kilawanan kiela naviowaena. Navisaluena nene pe kien la nene narui, amio la naŕa akila ke ŕelaga taŕena la ne sanene, vanon yepela mavin kieta navianaena wo lala.

<sup>11</sup> Pe ataveve re nena lologena wo kiena kieta Ntewa wa nowo, naŕa mligan sike e inu vena nevisawal van amiu.

*Lemamena kiena Yesu pa Pol*

<sup>12</sup> Yuruaena nene sike e lura vena neyuruaena, ana nesape nevisa potena ve keviu va kieta Suŕe Kristo Yesu. Naga ga naŕa pisuveve ruru kiau malena, pisu sane nekilia nemasusu wo e yuruaena nene, ŕisi na pisirlua inu vena neyuruaena, ana monar nevisawalia nesape naga ga mla ke puriukawaena pan inu silaga vena neyuruaena sa naŕa naga sinenania.

<sup>13</sup> Nanua sumo, in na nepe yar tai naŕa nepepeyun kare ke kia wa nene naŕa Yesu, ana nekila kare ke naga paŕisi, naŕa nekila piowa manene laa paŕisi pan kiena nalelagaena lala, mesmesun ga naŕa la nakoena van inu vanonia. Ana peraga, pisu sane nemial ke ga e pupumalko, pe nemlelaga re e naga poli, ana pe nekilia re sur naŕa nemiyuruaena ke poli, ŕisi na naga kila po manenea, sinen miye inu.

<sup>14</sup> Sanene na, nepisu sane kieta Ntewa mligan kiena lemamiena nowo e inu keviu paŕisi, kokonia kiau malena e naviawaena a e sinesiena naŕa pe kieta ita punu ga naŕa tepe taaga temio Yesu Kristo.

<sup>15</sup> Visena tai toria ga, naŕa tekilia towasinea, popon yar punu ala e kiela malena, naŕa pisa sanini, sape Kristo Yesu pitomi tano e yomarava nini vena tamaliaen malena kiena ne yar ai naŕa taŕa mlamulena viowa.

Ana e naŕa amiyuruaena mlamulena viowa sanene, nepisu sane in ke nanini naŕa nepe kiela nasumonena, nepiowa manene laa taulu la make ga,

<sup>16</sup> ana potena pan Ntewa naŕa sinen miye inu. Nepisu sane pe pon re naga viewo inu sanene poli, naŕa nepe nasumonena kien yar na mlamulena viowa lala. Ana naga kila pan inu sanene, vena yeririna la akilia avisu kilale sane Yesu Kristo, kiena sitomena naga piavi paŕisi vena sinen ye yar viowa lala. Ana visae la naŕa aim sirau avisu naŕa Ntewa kekaran were inuena sanene, yoko avisu kilale sane la miena akilia alelaga ea vena atol malena naŕa pe luas re poli.

<sup>17</sup> Nesitomial kiena ŕelaga wo nene, kila nemiyeluar naga, nepisa nesape naga pe ŕarin suŕe na nanua sumo, ana naga mal sulue ga narui. Naga sike e yo punu ga ana yar taŕatete visuia, naga taaga pe

Ntewa, pe yar re si tai poli. Sanene popon tevatanon naga, teyeluar kiena kia vano-o ve ŕisi re pogos tai, sanene.

*Osuruaena marera, ve oluru re*

<sup>18</sup> Timote, in na nepio ko ke sane ko na ope naruu, ana nesitomial navisawalena la naŕa apisayu ko nanua ne, naŕa akila meraravan ko pan inu. Akila sane nepisu kilia ko sane ko na ope yar tai naŕa nekilia nowasinea. Sanene na, visena urmi la ŕasia pona pupia na vianena ŕasia sike na naŕa sineun nesape neligan e ko. Visena la nene kilia iila ko omarera vaŕisi e mara wa naŕa tesurua tekila ke ne,

<sup>19</sup> vena yoko aila ko nauarar ruruen ŕelaga na nalelagaena a akilia akila ko naŕa kioia sitomena merarava rurua silaga.

Yar la ŕasia, sa naŕa apilon ke waa, ana kiela sitomena wo pisawal pan la sape mrapa nanene, ana yepela mavin yagogenena, ana akuspalia, kiela naviawaena pa tawa rurua e piame tai.

<sup>20</sup> Pona ko okilia lalua nene Aemeneas amio Alikanta, ana pe sineyeena naŕa nesape nevisawalia sane lalua sanene rui. Akila ma piowa pano-o, pe sinelan re si yagogen poli, ana nekuan plan lalua apa si e liman Yermare sumo wa, ana vena lalua avisu kilale si yo, sane popon ve asurua akila kare re kia wa kiena ne Kristo sa naŕa asurua akilakila ke ne.

## 2

*Nakilapianena ŕasia e lepas na lotena*

<sup>1</sup> Pogaga, nevisawal nakilapia-nena nene narui. Sur nasumo, nemilaar amiu sane e pog na leniena la, monar avisa potena van Ntewa vanon yar taŕena lala, a monar alen wo la marera, monar aviun mareran tania vena iila la.

<sup>2</sup> Naga nene monar akila miena e lepas kiena ne yerikawa lala, sa naŕa ŕarin yar wa lala amio nasumonena la naŕa asu metavan ita, vanon sa ayurua rurua, yoko wo laa van ita. Tekilia tese e malena wo, naŕa nawaena amio suruena sike ea, ana tekilia teyuruaena yuruaena wa kiena ne Ntewa la punu ga, e ŕelaga wo sa naŕa naga sinenania.

<sup>3</sup> Pelaga la ne sanene apo paŕisi, pe ŕelaga naŕa Ntewa natamaliaena kekaran visuena e kilamarana,

<sup>4</sup> vanon sinenan sape yeririna punu ga atol kiena natamaliaena, sinenan sape yeririna punu ga akilia kiena visena na lelaga.

<sup>5</sup> Pe mrapa re si tai poli, komin naga taaga pe Ntewa surua ga, a yar taaga ga

naña kilia kila mara wo temio naga, nane Kristo Yesu,

<sup>6</sup> naña pimi pe yeririna, siraunia kus leleta, tamian si kiena malena, pul plan yeririna punu ga na yomarava petan li-mana ne yar viowa.

Yumäena naña Yesu miyumuäenia, kila navisaarena lala kiena ne Ntewa na susumo apim ape lelaga, apaeme e kana pog nena napo,

<sup>7</sup> ana mloru e lumäu narui, vena nevisawal van yeririna lala. Pas asitom ke asape nepisokan ga yo, ana peraga, nepisa ke pe lelaga narui. Apisirlua inu sane yar tai nawaren visena pona nepe lologena tai, vena nevian yolai lala e ðelaga na viawaena a e mrapa na visena nalelaga.

<sup>8</sup> Vanon sitomena la nene, sineun nesape yeririna la punu ga monar asumiä alen lue ga e yo punu ga, ana sa asumiäl vena alen, monar ave wa ruruia, naña sinekar ve su re e la, a sinemimiena ve su re likan la amio yeririna taþena lala.

#### *Pelaga kiena ne sira lala*

<sup>9</sup> E lepas kiena ne sira lala, sineun nesape visae avim loyumiä e yumiä na lotuena, monar la avisu ruru kiela ðelaga lala. Popon ayowauia ruru la wo, ana piowa naña ava laa sane, monar torok ga e yo wa naña apa ke loyumiä ea. Pe sineun re akila manene vilula la ve taþena ve taþena sanene poli, po atelan manene kol la se yepela lala, a pe pon re avilaven manene kulmrae la naña apul e pupia kilavaru poli.

<sup>10</sup> Sur taaga naña kilia yowauia rurula, nane kiela yumäena wo lala, naña mesmesun ga malena kiena ne sira naña mlotun ke Ntewa.

<sup>11</sup> Sira la monar atotano ruruia, avarurula na yagogon ruruena navianena la naña apisa ke pan yeririna lala.

<sup>12</sup> In na pe netamian re sira la avian yermiene la poli, pona ave þarun la, monar avarurula ga.

<sup>13</sup> Nanene mesmes ga, vanon Ntewa sii þesan yar nene Atam, sirau sira nene Iv,

<sup>14</sup> a pe Atam re naña Yermare kila kotalia naga poli, ana Iv, naga kilaro þesan navialuaena.

<sup>15</sup> Yermare kila kotalia Iv, ana Ntewa sinen miye ke sira la na wa, mla yumäena wo pan la, sane yoko la ke narui awar sisi viu lala aim e yomarava nini. Ana visae sira tai naga viawa mlarera, kiena ðelaga ulen sinesiäna, kiena malena ve wa ruruia, a kiena sitomena to ga tano, yoko Ntewa kekaran tamalia naga.

### 3

#### *Nasumonena na sumäre lala*

<sup>1</sup> Visae yar tai, naña sitomena tai teke e naga sinenan sape war kia naña nasumonena, nanene na po paþisi ne, komin pe lelaga kemua, naga pe yumäena wo tai naña naga sape yumäenia. Ana kieta nasumonena lala, yoko nevisawal van la sane lala monar ave yar la ne sanape.

<sup>2</sup> Sur na sumo, nasumonena naga monar ve sur viowa tai to re e kiena malena. Naga monar were sira ve taaga a ve lelaga wo van silaga.

Naga monar kawe ruru kiena ðelaga lala, monar ve manmarua, yeririna la monar avatanonia, monar kekaran na visuaren yeririna la e mäna umä, a monar kilia ruru ðelaga nakilapia-nena.

<sup>3</sup> Amio sur la nene, naga monar ve ve yaru namun maneneen re wii va ve torog,

naga ve suru re, kiena sitomena monar viavi sinena monar malum ga.

Naga monar ve vilup re, a ve sinenan manene re kilavaru.

<sup>4</sup> Tai mäna ga sanini, monar ve suþen ruru mäna umä, naña narina la vatanon ruru naga e sur la punu ga,

<sup>5</sup> vanon sane visae yar ta ne sanene ve sumon ruru re mäna umä, ve sanape na kilia visuar ruru sumäre kiena ne Ntewa?

<sup>6</sup> Yar nene monar marua li mäga, sane mla Yesu e kiena malena yam piavi li mäga, visae pere na yoko þarina kilia imi ulen vilaveena, þisi na kila naga kila pal mrapa lor vito e þilipili mä nena naña Yermare mlor pito e nanua sumo.

<sup>7</sup> Na sumonena na sumäre lala monar ave yar la naña yeririna punu ga, vito tol la naña pe amlelaga re poli, avisave lala ape yar mesmesu wo, vanon Yermare kilayon ke paþisi naña kila kotalia la, sinenan sape kila vena yar la asitom asape sur tai piowa teke e la.

<sup>8</sup> Na nene na sumonena lala, ana nagane neva e lepas kiena ne yaru na visuaren yumäena lala. Yar naña þuarar yumäena na visuaren yumäena,

kiena sitomena monar su ga tano, naga ve yar naña visa visena la ve lelaga ga, a naga taþatete purmenena ve lua. Naga ve mun re kuruta silaga, monar ve sinenan manene re sur lala,

- <sup>9</sup> ana monar uarar ruru ga þelaga na lelagaena e kiena malena, taulu naþa yaru taþena la atolia.
- <sup>10</sup> Yar naþa na uararen yuþaena na visuaren suþare, monar avisusu ruru naga, akilali kone naga sumo wa, a visae yuþae wo, kiena þelaga mesmesun yuþaena nene, akilia ala kiena kia, siar yuþaena narui.
- <sup>11</sup> Wona yaru na visuaren yuþaena, naga mēna kiena sitomena la monar varurua, ve visamumun re yar taþena lala, monar ve sira tai naþa kilia warar ruru kiena þelaga lala, a monar kila yuþaena punu ga wo.
- <sup>12</sup> Yaru na visuaren yuþaena la monar aure sira ve taaga ga, monar ave yar la naþa akilia asumon ruru narila lala, akilia avisuar ruru mēla uña.
- <sup>13</sup> Yaru na visuaren yuþaena la naþa yepela mēan ruru kiela yuþaena, þisi na avisu sane yeririna la akekarana la vaþisi, ana aloge naþa Kristo Yesu miila la ke vena ve amaraun re na suþalen mārera e kiela yuþaena nena.

*Pupia visawanena na kieta lelagaena*

<sup>14</sup> Timote, nesape neiþasu nevisu ko ve ve viavi re navisaen visena la nene van ko, ana nepisu sane peraga, monar nesiriwal ko ne ga van ko sumo wa.

<sup>15</sup> Pona sur la þas auarar inu e nini yo na wa, ana sineun nesape monar otol navianena la nene vilaga, vena okilia ruru þelaga la naþa mesmesu vena akila e mratava wa mēna Suþe. Namratava wa nene, na ne pe suþare kiena ne Ntewa mali, naþa monar tarar kiena visena na lelaga silaga, sane þeren yuþa þuarar kana kemraþe lala.

<sup>16</sup> Lelaga, þelaga na kieta lotuena suþal sike e nalelagaena tai naþa sane pe visawanaena tai, naþa pito ruru tano, urmi ruru po. Tepisawal ke kieta nalelagaena nene sanene, tesape Yesu, naga pe Ntewa naþa paeme e yomarava nini e tas nen yeririna, māreraena kiena Ninuna miyuþae manene ea, a navisi la asike amio naga, amlologon naga pa tol yolai taþena lala, kila sane amlelaga e naga telivi e yomarava, siraunia Ntewa pure naga pa si metava e kiena pupia naurarena ma e peni.

**4**

*Avisuar ruru amiu e navianena na visokanena lala*

<sup>1</sup> Ninuna Wa pisawal visena tai merarava paþisi, naþa pisape e pog maro lala,

na lala þas naþa amlelaga sumo rui, yoko ayagogan ninuna na visokanena lala, ana ataveve navianena kiena ne yermare lala, ana kila la aure ava e malena naþa pe po re poli.

<sup>2</sup> Navianena viowa la nene, yoko amolmue e yeririna na visokanena lala naþa la asitom ke asape la akilia suria, ana kiela sitomena naga malolo sa ga kilamemego.

<sup>3</sup> Sur la þas naþa yoko avisa sanini, sane yar taþatete talopa, ana avisaluþar manene yeririna lala e kinanena wo lala naþa Ntewa sii la vena tekekarana na kienena. Komin ita naþa temlelaga a tekilia sur naþa pe lelaga, tekan ke suri la nene silaga rui, a tesuþa tepisa lue ga potena pania.

<sup>4</sup> Naga nene vanon sur punu ga naþa Ntewa sii la, pe tepisa re tesape piowa poli, ana tepisu sane po na po paþisi. Pe sur re tai naþa tepisusu ke piowa e poli, ana tekekarana nawaren sur punu ga, tevisa potena van Ntewa vanonia.

<sup>5</sup> Ana pogos naþa tekila sanene, kila sur la nene pimi pe wa. Visena kiena ne Ntewa amio kieta leniena la kila merarava pa rui.

<sup>6</sup> Navianena la nene, visae ovisa merarava va li nalelagaena lala, naga sa naþa opisawal ke osape ko na ope yar na viawaruruen e yuþaena kiena Navisaarena Yesu. Pogos naþa apisu ko omiyuþae po sanene, yoko akilia asape ko osuþa opa ruru metava rui sane yar tai naþa marua ruru e visena lelaga na kieta viawaena. Yoko akilia ruru naþa ko mēna osuþa otaveve ruru ke navianena wo ya naþa osuþa opisawal ke pan la, ana yoko akekara vaþisi.

<sup>7</sup> E lepas na suniena marua wowe la nasusumo, naþa apisayu sur kar ga lala, ana pe kionna sur tai to re e la poli. Oligan la sike na, ana ko na monar okilarar ruru ko omārera e malena wa.

<sup>8</sup> Yar la sinelan ke akilarar tasnela mārera ruruia, ana naga nene pogaga e lepas þasira, ana pogos naþa okilarar ruru ko omārera e malena wa, naga kila po manene laa sane e lepas punu ga. E lepas na malena na nanagane, malena wa naga kilia iila ko, ana e lepas na malena naþa pimi ke sirau wa, yoko malena wa kila kionna mrapa okilia ova loyuþa puna.

<sup>9-10</sup> Sur nene, temiyuþaen keviu, toþaryon ke paþisi, vanon temligan kieta sitomena sike e Ntewa mali naga taaga ga, naþa pe natamaliaena kiena ne yeririna punu ga, sane la naþa amlelaga ea. Visena nene pe lelaga paþisi, okilia olelaga ea e sinemna wetelu.

<sup>11</sup> Kiau visena la nene naþa nepisa ke pan ko, sur ne la nanene monar ovian van

yeririna taþena lala, omñareran van la vena alogearia.

<sup>12</sup> Visae yeririna þasia avisu ko piowa ga vanon ko na ope teras ga tai, ve omarau re, ova ga. Lelaga, sane ope teras ga, ana sa naþa osuñia okila ke rui, monar ovike mrapa van li nalelagaena taþena lala. Popon naþa ataveve lañia, naþa okila pian ruru la e malena wo, e lepas na visena, e lepas na þelaga wo, e lepas na sinesiiena, naviawaena, a mekikena.

<sup>13</sup> Vano tol pogos naþa visae neiñasu neñalivin ko, ouarar pog na lotena la ñarera. Oulolua visena wa e maran yeririna lala, olologonia, ovian lania.

<sup>14</sup> Ve sineaña þesan re puriukawaena wa naþa Ntewa mla pan ko e pogos naþa þegas nen nasumonena lala apu þarumñia. Visena kiena navisawalena tai e pogos nene pisawal sape puriu kawaena nene naga pe kioñia, ana omñareran oyumñae omio.

<sup>15</sup> Ko na monar okilarar ko e yumñena la nene naþa amlor asike e lumoñia, monar owarwaryon nakilaena silaga, ana yoko yeririna punu ga akilia avisu kilale sane ko na opa manene laa ke amio Ntewa e kioñia malena.

<sup>16</sup> Monar ovisuar ruru ko, a ko mñena monar otaveve ruru nakilapianena la naþa omla ke pan yeririna taþena lala. Visae ouarar rurua, yoko okila sane ko omio la naþa amiyagoton ko ke ne, amiu punu ga akilia atol natamaliaena.

## 5

*Pelaga wo na kilaen van li nalelagaena lala*

<sup>1</sup> Timote, visae ovisu yermarua tai naþa kila suri tai pe mesmes re poli, ve ovisin re sinemimiena vania. Omomñau woga vania, okila vania ve sa ga naþa naga pe arimomñia narui. Popon okila mñena sanene van taþena lala. Ovisu teras lala sa ga womla,

<sup>2</sup> ovisu sira marua lala sa ga anomñia, a ovisu sira ñee lala sa ga vinemñia. Visae okila ve sanene, yoko kioñia sitomena kilia mekiki ruru silaga.

*Letano lala*

<sup>3</sup> E lepas kiena ne letano lala, ita na suñare monar sineta iye ruru la, monar tevisuar ruru la naþa asike lala ga, pe ola re tai naþa iila la poli.

<sup>4</sup> Ana visae letano tai, narina la asuñia ga, pona mapina lala, yoko la nene monar avisuarua. E mrapa nene, akilia awar maran sina ga vania navisusu warena wo lala a nailaena naþa naga kila pa pan la e kas lala naþa þaro rui. Lala monar avisu kilale sane naga nene pe yurñiaena mesmes

tai, po suri wa tai nakilaen van yaru tai na mñala mratava mesmes, a naga pe þelaga wo tai naþa Ntewa sinenan paþisi.

<sup>5</sup> Letano naþa pe yar re tai naþa visuar poli, naþa lala amarmare tania pano-o naga taaga ga sike na, naga monar wasine ga Ntewa naga taaga. Naga kilia sitoñial ke Ntewa legiena a lemalo vena len vania vena kirakira visu ga naga e sur ya naþa naga sinenanania.

<sup>6</sup> Ana visae letano tai sitom ke ga naielua-aren naga e malena na yomarava nini, naga sa naþa naga mare tan Suþe sa ga naþa namratava la puna amare tania nanua sumo rui.

<sup>7</sup> Nemloge sane amiu li nalelagaena lala asitom asape akila mrapa tai na iilaen letano lala. Na nene po paþisi, ana nema-raun sa þisi visena ve keviu lawe vanonia, ana sineun laen visena laþas van amiu e lepas nene sumo wa.

<sup>8</sup> Visena na sumo naga sanini, sape visae li nalelagaena lala tai, ve visuar ruru re la na kiena lusia, a na keviu nena, ve visuar ruru re kiena namratava mesmes lala, yar nene naga sane pe pe yeririna kiena Kristo re poli. Naga piowa manene laa narui, nepisu sane naga piowa manene laa taulu la naþa pe amlelaga re poli.

<sup>9</sup> Ana nalua e lepas kiena ne letano lala, na sanene. Pegas kiena ne letano la naþa suñare visuar la suñia ga, a visae letano tai naþa sinenan sape kiena kia va loyurñia, monar naga ga naþa pe sira marua, sa naþa kiena kas siar e lualima yam orai [60] va metava.

Taþena, naga sira ga tai naþa talopa yam taaga, pure wona taaga ga, a pe lelaga pania silaga.

<sup>10</sup> Yam si tai, monar ve sira tai naþa yeririna la avisu kilia sane pe sira tai naþa miyurñia yurñiaena wo la paþisi, naþa naga pian ruru narina lala, naga tai naþa kekaran na visuaren yeririna taþena lala e mñana uñia. Pogos naþa li nalelagaena wa taþena lala aim añalivinia, naga kevan lala lala, a naga miilaar ke la naþa amlolor e naloge viowaena kar lala. Sira marua letano naþa þaryon yumñena wo la naþa sanene, naga ke narui naþa kiena kia kilia va loyurñia.

<sup>11</sup> Ana visae letano laþas naþa asike ga wa pe ape sira marua re poli wa, popon ve owar re kiela kia. Naga nene komin akilia avisaar va Kristo sane yoko asuñia ga sa nene amio naga vano-o tol luas nen kiela malena, ana siraunia, ve ve piavi re, pona sinenanena na talopaena imi ñarera sina ga, ana þisi na ailan ga, letano nene suñialu were si yar tai.

<sup>12</sup> Visae kila sanene avisu viowa e naga, vanon naga kila pal kiena navisaarena, kilaro sina ga.

<sup>13</sup> Ana amio naga nene, letano viu la nene akilia ayowo pona yepela mavin kilaruruen yumiæna, ana asun atetalivi akakate ke e yumiæna mana yar lala, ana metavanaia asun apisasayu ke lala taþena, akian ke kunula pa e sur la naþa pe pe kiela visena su re loyumiæna e poli.

<sup>14</sup> Ana e kiau navisuenæ, nepisa nesape letano la naþa ape mee ke ga wa, popon tetamæn la ga atalopa sina ga wa, popon awar sisi, avisuar mæla umæna lala, ana yoko ve sur re naþa yeririna la avis viowa van la vanonia.

<sup>15</sup> Nepisa nanene vanon lala þas akus-pal pa mrpa rui, ataveve ke mrpa na marena naþa pa puna ne Yermare.

<sup>16</sup> Sanene na, visae ita yar tai naþa pe nalelagaena ana letano tai teke e mæna mratava, naga ga monar iila rurua. Visae naga kila, yoko sumære taþatete visuyonia, ana kilia visuveve ga letano taþena lala naþa pe yar naiilalaena re poli.

*Kilavaru kiena ne nasumonena lala na sumære*

<sup>17-18</sup> E lepas na narin nalaena naþa temla ke pan kieta nasumonena lala, neure ita teva si e visena lua na Tusi Wa. Nasumo, pisayu puluk la naþa temligan la amial atalivi metava e þegas nen wit lala vena avie plan mras lala. Visena nene pisa sanini, sape

*“Ve oviar re gon kioimæ puluk naþa pie plan ke kioimæ wit lala, otamæn naga kan re mæ ve tokak ga.”* Naw 25:4

A visena na lua pisa sanini, sape

*“Yar naþa miyumiæ, mesmes naþa naga visu sur tai naþa molue e limana vanonia.”* Luk 10:7

Sanene na, popon tekila mæna van nasumonena na sumære lala. Ana lala naþa amiyumiæ po, aþaryon nalologonen lologena wo a nakilapianen yeririna lala, popon atol ve keviu li laa sane, va yam ve lua.

<sup>19</sup> Visae yar tai imi visawal nasumonena tai, sape naga kila sur tai piowa naþa monar avis van e kumali vanonia, visena kiena yar nene naga taaga pe torokin re naþa akila sanene poli. Visena na sanene, monar yar ve lua po ve telu vena aiilaaria, þisi na akilia aure va kumali.

<sup>20</sup> Ana visae nasumonena tai taþa lue ga mlamulena viowa, yoko monar ovisaluþar nena vania e maran þegas nen nalelagaena lala, ana pogos naþa nasumonena taþena la avisuia, marauena tol ruru la, sane lala mæna ve alor re sanene.

<sup>21</sup> Italua tekilia sane Ntewa amio Kristo Yesu amio kiela navisi wa lala apisu ita mæga, ana e marala, nevisa van ko sane ouarar ruru kiau visena la nene. A nepisa mæna ga nesape pogos naþa sa oyumiænen ke sur la nene, ve ovisu re yar la veve taþena, ana ko na monar okila maran taaga ga van la punu ga.

<sup>22</sup> Visena si laþasia naiilaena sanini, ve okoskosin re wuen þarin yaru vena imi ve nasumonena tai, ana ovisu ruruli kiena malena sumo wa. Pe pon re naga kilawan mlamulena viowa naþa sumæ miyumiænia. A ko na owaryon ruru ga vena losineimæ merarava, a ve wa silaga.

<sup>23</sup> Sa naþa nesumiæ nemloge ke rui, nekilia sane ko na osumiæ omai lili mæga, ana nesape nevisa van ko ve ovalia re si munen kuruta. Ve osumiæ omun re ga wii, a okilia omun narin kuruta pogos þasia, þisi na pona kilia iila mopomiæ yo.

<sup>24</sup> Ta sina sanini, sane yar þasia, akila naþa kiela mlamulena viowa sike e marata merarava ga, þisi na tevisu kilia sane yoko atol nakoæna vanonia. A yeririna taþena laþasia, akila naþa kiela mlamulena viowa tapolou ruru ga sumæna ga, a sirauimæ, naga mæna yoko vim kate e yo metava sirau.

<sup>25</sup> Yumiæna wo mæna la ne sanene. Laþasia, asike e marata merarava rurua, a laþasia, atapolou rurua, pe tekilia re poli. A naþa tapolou sike ne, taþatete tapolou lue, a naga mæna monar kate e maran yaru lala.

## 6

*Yaru la naþa amiyumiæ koren ga kiena yar tai*

<sup>1</sup> Nagane nesiri e lepas kiena ne ita þasia naþa asumiæ sane pe kiela sur re poli, silaga asike e limana ne yerikawa tai, amiyumiæ koren ga pania e mæna umæ.

Malena na sanene mæraera, sa naþa sur urmi tai mon lue ga e mæasila, ana taþatete sinela kar kiela yerikawa, monar avisu naga sane mesmesu ga naþa avatanonia. Visae akila ve sanene, yoko kiela yerikawa taþatete visu viowa e kia kiena ne Ntewa naþa teke e la.

<sup>2</sup> Nekilia sane yeririna laþas naþa amiyumiæ koren sanene, kiela yerikawa mæna la amlelaga. Sanene, yaru na yumiæna amio yerikawa, lalua ape wenla ga e Kristo, ana naga nene pe pe naga re ga naþa yar na yumiæna kilia kirakirai e yumiæna kiena kiena yerikawa. Peraga, monar ayumiæ ruru laa sane, monar akekaran ga naiilaen yar naþa amiyumiæ kiena, komin naga lala tai e þegas kiena

ne li nalelagaena a naga mēna pe lala tai naḡa monar sinela siia.

*Navianena na visokanena*

Naga nene navianena ḡasia naḡa avisa lele in van lala taḡena, naḡa monar oiilaar la ea vena ataveve ruruia.

<sup>3</sup> Yar naḡa kila navianena taveve sitomena taḡena, naga tarlu visena nowo lala kiena ne kieta Suḡe Yesu Kristo, kiena visena ve maran taaga re si amio navianena naḡa kilia were ḡelaga kiena ne yeririna imi ve sa ḡelaga kiena ne Ntewa.

<sup>4</sup> Yaru naḡa taveve kiena sitomena va ve taḡena sanene, tepisu naga ḡarwaria, ḡarina keviu paḡisi, ana pe kilia re nena suria. Naga to lue ga e sinenan manene vilupena, pis liu, ana pe sur wo tai kate re e lele nene poli. Pelaga viowa ga la akakate e naga, sane vielueena, wankareen visena, visena mumu amio sitomen viowa lala van yar taḡena.

<sup>5</sup> Yar la naḡa amiyumāen nene asuḡia apilup kare ga, naḡa sitomena naḡa wo amio visena naḡa pe lelaga pe su re nena e la poli. Ana apa apiowa re laa sane wa, vanon kekaran ga sur ya naḡa Ntewa mla pania e kiena malena, yar ke nanene narui naga taulu sur wo tai naḡa po rui.

<sup>6</sup> Ana pe sa re nene poli, vanon yar naḡa kiena ḡelaga po sane Ntewa, a naga kekaran ga sur ya naḡa Ntewa mla pania e kiena malena, yar ke nanene narui naga taulu sur wo tai naḡa po rui.

<sup>7</sup> Pogos naḡa tepaeme e yomerava nini, tepe plamoḡe ga tepimi, limata korena ga, ana yoko tevetan sina ga sa mē nena ga nene tevano, pe sur re tai naḡa tekilia towarar poli.

<sup>8</sup> A pogos naḡa temel ke e yomerava nini wa, visae telual narin kinanena tai, amio narin kulmrae nakalo itaena, nanene naga torok ne, tekilia tekekaran ga, sinetan ke si ya?

<sup>9</sup> Ana lala naḡa sinelan manene laa sur lala, sinelan asape ave yar na sur moki, pona pe apisuluḡar re poli yo, naḡa asike pa e yo nataḡaliena rui, ana Yermare suḡia tol la ke rui e kiena nakilakokanena la.

Yoko nasinenanena viowa naḡa na kila kareen malena kien yeririna lala vim ve moki e la, vano-o aure la ava viowa laa, akuspal sur punu ga, ava atalilu e lele na kovioena.

<sup>10</sup> Lelaga, ḡelaga nasitom maneneen kilavaru naga pe purḡes nen ḡelaga viowa kar la punu ga. Nasinenan maneneen waren kilavaru ve moki naga karmo sineta ita ḡasia, ḡere la amial lili mē apano, ana amilan ga naḡa amolue punu ga petan mrapa na viawaena rui.

Siraunia, akus viowaena moki vanonia, a kila naloge viowaena la tol la, ana asiar ga apisuluḡaria, asitom sina ana piowa ga rui.

*Pelaga wo*

<sup>11</sup> A Timote, ko na sane yar kiena ne Ntewa lelaga, monar ovilon masuḡia van nataḡaliena viowa punu ga na sanene. Sur ya naḡa monar oligan to vamon ko silaga, naga pe ḡelaga na mesmesuena, ḡelaga naḡa yar imi wo sane Ntewa, ḡelaga na viawaena, ḡelaga na sinesiiena, ḡelaga na uarar ruruen yuḡaena, a ḡelaga na monāuena.

<sup>12</sup> Ko monar osuḡialu mārera e kieta mara wa na lelagaena. Ve sineḡia ḡesan re pogos naḡa osuḡialu e marana ne li nalelagaena la moki, naḡa opisawal kioḡia navisaarena nanua ne. Ntewa pio ko vena okus malena nene naḡa ve ḡisi re, ana mla pan ko e pogos nene, ana ko na monar ouarar ruru vano-o ve lor re sina ga vetan lumoḡia.

<sup>13</sup> Ntewa naga pe purḡes nen malena na sur make ga, a Yesu Kristo, pogos naḡa aḡure naga aḡaro pa puna yaru naḡa Pontis Paelat, ana naga pe marau re poli, ana māreran ga pisawal ruru kiena naviawaena, ana sa naḡa italu tesike e marana lalua Ntewa amio Yesu, sineun nesape nela si pupia visena tai van ko.

<sup>14</sup> Nevisa ve sanini, nevisave nomāreran ko nesape monar olarar ruru visena kiena ne Ntewa la nene, naḡa pe kioḡia kororaki pona kioḡia nakila palen re tai poli, vano tol pogos naḡa kieta Suḡe Yesu Kristo wasuḡe ea.

<sup>15</sup> Kiena nawasuḡeena nene, yoko mālavin ita e kana pog ne napo, sa naḡa ḡarin Suḡe wa na mava sinenania, komin ḡarin Suḡe wa nene naga taaga pe suḡe kiena suḡe la make ga, a pe yerkawa kiena yerkawa la punu ga.

<sup>16</sup> Naga taaga mal lue na sike ne, naḡa sike loyuḡia e kiena pupia naurarena naḡa pialuḡar sape taḡatete yar va lavisinia, pe yar tai pisuli re pogos tai poli wa, a taḡatete yoko yar tai visu pogos tai. Kieta Ntewa nene, tevetanon naga, a popon navesuḡeen sur make ga ve kiena naga taaga, vano-o taḡatete ḡisi pogos tai, sanene.

*Nalelagaena la naḡa kiela sur moki*

<sup>17</sup> Pe lelaga naḡa ita laḡasia, kiela kilavaru moki, limala pulen ruru make nena suria. Nanene pogaga, ana monar ovian la mārera ovisave ve avilave re, ve awarwar lan re sina vanonia. A pe pon re awasine ga kiela kilavaru la nene poli, naḡa pona pogos tai ailan ga, avisu sane



kokovio make nenaga, ana monar awasine ga Ntewa. Naga ga pe purpes nen sur make ga la nene, suria par ke nalaena la nene mokliu pimi malivin ita, mok papisi, vena iila ita tekekara e kieta malena lala.

<sup>18</sup> La naŋa limala pulen kilavaru, kiela malena monar ulen yumiæna wo la naŋa amiyumiænen ke amio. Ve asitom manene re avisave monar auarar manene kilavaru nene ve kiela ga, ana popon akekaran naŋa avion va yar taŋena naŋa kiena pe torok re poli.

<sup>19</sup> Visae akian plan va ve sanene, yoko Ntewa kila naŋa asumiæ amiyuwon polo ke kiela navisa ruruena ma e peni, sa naŋa asumiæ apisirlua ke mala yumiæ nowo tai monmate pog na pimi ke ne. E mrapa ne nanene, asumiæ apanon ke naŋa awar-poyon atol malena naŋa pe lelaga.

*Visena maro*

<sup>20</sup> Ake Timote, olarar visena wo make ga naŋa nepisa pimasu pan ko, naŋa nemligan e lumonia vena okian lelein va laa sane.

Ve ova re loyumiæ e visena la naŋa taŋatete aiila kiomiæ malena amio Ntewa. Yar moki apian la ga e kiliaena na yomarava, ana apisape kieta lelagaena amio visena wa kiena ne Ntewa, sur la naŋa pe lelaga re poli sike ea. Ana kiela kiliaena nene pe lelaga re nena poli, naga pisokanin ke sina ga kiela sitomena lala.

<sup>21</sup> Laŋas atol ruru manmaruaena na yomarava nini, amlologon ruruia pa e yo make ga, ana sur taaga, akila pal mrapa na lelagaena naŋa akila pal ruru nenaga.

Kiau visena pisi e nene, ana sane silaga, nemlen nesape lemamiena kiena ne Ntewa sike amio ko.

Inu, Pol.

## Maki Nalua Naña Pol Siria Pa Pan TIMOTE Visayuena Na Tusi Nene

*Suniena plas na tusi nini*

Maki na lua nene naña Pol siri pan Timote, ana pulen visena wo lala na iilaen Timote naña kiena erau viu naña sumña mila naga. Sitomena keviu naña sike e mñaki nini, Pol pisa pan Timote sape sumñalu mñarera vena visawal lologena wo kiena Yesu Kristo. A pisa pania sape naga monar uarar vianiena lelaga na lologena wo, a na Tusi Marua. Naga pisa pan Timote sape monar kila luwe ga yunñaena na vianen yaru lala, a vena kila yunñaena na wereen yaru lala, pe suri korenaga visae yaru la avisakare naga pona avisakare yunñaena na sumñare naña naga sumña kila ke ne.

Pol pisa pan Timote vena ve va sikol re naga e visena wowe lala a visena na veveyuena naña tařatete kila suri wo tai, ana vena kila kareen ga yaru lala.

E mñaki mēnaga nini Pol pisa pan Timote sape taveve řalaga wo la sa naña naga kila ke ne e kiena maliena. Nanene řelaga kiena Pol sa naña mlelaga mñarera, a kiena sitomiēna piyavi, a sinen si yaru lala, a kiena řelaga naña pa řarpoyo e pogos mñarera lala naña yaru la akila miloge piowa e tasnena, ana naga pe paruru re poli, sumña pisawal luwen ga lologena wo kiena Yesu Kristo.

*Komřasnen tusi la na nini*

Visena řesa 1:1-2

Pol mieluar Ntewa vanon Timote ana pian Timote 1:3—2:13

Pol mila visena na iilaen maliena kiena Timote 2:14—4:5

Pol pisayu naga amio kiena yunñaena 4:6-18

Visena maro kiena Pol 4:19-22

*Visena řesia*

<sup>1</sup> Naruu Timote, in Pol naña nesiri mñak nini piñasu pan ko, naña nasinenanena kiena ne Ntewa ga naga pisirlua inu nepim nepe nalogena kiena Kristo Yesu. Kristo Yesu naga pe purřes nen malena naña Ntewa pisaar pan la naña amlelaga pania.

<sup>2</sup> Timote, kiau leniena nesape yoko Ntewa Arimata a kieta Suře Yesu Kristo, lalua aligan pupia lemamiēna, sineyeēna, a sumñarena su lue ga pun ko.

*Visena na potena pa Ntewa*

<sup>3</sup> Sa naña kau apua lala ataveve nanua rui pimi, in na nomāreran lue ga kilaen yunñaena kiena ne Ntewa, a in na nesunña nořikeyon naña nelotun naga amio losineu wetelu. Ana legiena a lemalo, e pogos na leniena lala, nesitořnal ko mřaga, nesunña nepisa lue ga potena pařisi pania vanon ko.

<sup>4</sup> Nesunña nesitořnal ke wamaramña lala nalogeen viowa, ana kila narui sineun manene pařisi naña neiřnasu nemālivin ko sina. Visae nevisu sina ga marařña, yoko neloge wo na neloge wo!

<sup>5</sup> Nesunña nesitořnal mřena ga kiořña naviawaēna lelaga, naña nanua se kořña apua naña sira marua Lois, siraunia se kořña mřama naña Yunis, a sa naña nepisu kilale rui, nagane sike e ko.

<sup>6</sup> Naga ke narui nesunña nesitořnal mřena ga nalaēna naña Ntewa mla pan ko, pogos naña nopu řarunña nemlotuwo ko. Sineun nesape nevisa van ko sanini, ve otařnin re kapi na nalaēna nene vito tano, ana monar osuřña okila lue ga vivaga ruru silaga.

<sup>7</sup> Monar ositořnal Ninuna naña Ntewa mla pan ita, naga pe ninuna re naña na maraunen yaru poli, ana naga pe Ninuna na mñareraēna, pe Ninuna na sitomena, a pe Ninuna naña kila yaru kawē ruru kiena malena.

<sup>8</sup> Visae lelaga kemua naña Ninuna ke nanene narui sike e kiořña malena, monar ve omawan re visawalen lologena wo kiena Suře va yar lala, pona monar ve omawan re naña ovisawal va yaru lala ovisave lelaga sane ko na ope kiau erau wo tai. A amliganin nesike e yunña naloge viowaēna vanon kiena yunñaena, ana pe pon re omawan inu vanon sur nene poli. Kiořña suria naña yoko okila, monar okekarān ove řegas omio inu e naloge viowaēna vanon Lologena Wo, vano tol naña mñareraēna kiena ne Ntewa kila ko otorokin oyunñaēna.

<sup>9</sup> Ntewa ke narui, naña naga tamalia ga ita luwoka rui, a pio ita ga luwoka teyaloro e mrapa na kiena malena wa, ana silaga kilia iila ita. Nanene pe vanon re ga naña italua tekila kiena yunñaena wo poli, pona italua tekila ya, ana naga kila ga molue kome kiena sitomena amio kiena lemamiēna wo pan ita. Kiena lemamiēna nena, naga kila ruruia, mligan ruruia sike amio Kristo Yesu nanua sumo rui, sumon naña siar kieta pogos ita yeririna lala na yomarava.

<sup>10</sup> Ana lemamiēna nene sumña sanene pano-o tol nagane towe ga, naña mālivi mare ga e yomarava naña kate e marata kome kieta natamaliaēna Kristo Yesu.

Naga pitomi e yomarava, kila make namāreraena na marena pimi pe sur korena ga tai, a kiena nalologena wo kila naḡa nagane tesike e yomarava nini wa, tekilia telual malena wo. Ana naga kila mēna naḡa sirauņa, yoko tekilia teva loyurņa e malena naḡa taḡatete ḡisi pogos tai.

<sup>11</sup> Lologena wo nena, naga ke narui naḡa Ntewa pisirlua inunia nepe kana navisawalena nena, nepe kana nalologonena nena, nepe kana navianena mēna ga.

<sup>12</sup> Kiau yurņaena nena nane kila nepane ke pogos mārera lala loyurņa e yurņa naloge viowaena nini vanonia, ana pogaga naḡa, pe pe sur re tai pan inu poli. Pe nemawa re poli, komin nekilia nesape yar naḡa nemlelaga ea, naga pe telaga, kiau nalelagaena ea mārera ruru po paḡisi sane ya naḡa nemligan e limana, yoko uarar ruru mārera sumņa ga vano-o tol Legiena maro.

<sup>13</sup> Sanini Timote, nesape nevisa van ko sanini, monar otaveve ruru mrapa na visena mesmesu lala naḡa nemla pan ko, monar osurņalu mārera e Yesu Kristo silaga, a monar oligan ruru kiena sine-siena sumņa ule e kiorņa malena.

<sup>14</sup> Ninuna Wa sumņa kokonia ruru losineta, ana ve oligan re navisa ruruena la naḡa naga mligan ruru sike e kiorņa malena rui, ana oloun ruruia.

### *Pol pisayu Onesiporas*

<sup>15</sup> Nekilia nesape omloge lologena viowa tai rui, naḡa asape li na lelagaena lala nae pupia lepas naḡa Asia, apilon māsila pan inu rui, a la nene amio mēna kieta erau lua naḡa Paekelus amio Emosenisi.

<sup>16</sup> Ana kieta wolai wo naḡa Onesiporas, naga kila po paḡisi. Pe sur korena ga naḡa apiar inu e sen lala loyurņa e yurņa naloge viowaena nini, ana naga pe mawan re naḡa imi katen inu poli, ana nemlen pa Suḡe vena visa ruru naga ve keviu amio kiena namratava lala.

<sup>17</sup> Naga pimi mālivi Rom nini, pe yam piavi re nenaga naga ḡiyon naḡa sape lual inu, pano-o pimi tol inu e yo nene.

<sup>18</sup> Naga surņa kila manene ke sina ga suri wo la paḡisi pan inu e Rom nini, sa ke ga naḡa miila ruru inu sumo rui pogos naḡa nesike gar Episas nanua ne, sa naḡa kam na akilia ruru rui. Naga po pan inu sanene, nemlelaga nesape yoko Ntewa sinen ye ruru nena naga e legiena maro.

## 2

*Yaru na mara kiena Yesu monar war naloge viowaena*

<sup>1</sup> Naruu Timote, nesape nevisa van ko sanini, popon ola lemamiņa kiena Kristo Yesu ve keviu e kiorņa malena, ana yoko okilia omārera ruru wo vena osurņalu osulue.

<sup>2</sup> Yam moki rui naḡa omiagogon kiau visena lala naḡa nepisawal ke e maran yeririna lala, ana monar olual yar laḡasia naḡa auarar ruru yurņaena, ola visena la nene van la, ana sirauņa, la mēna ga akilia avian liluen la vano tol yeririna taḡena lala.

<sup>3</sup> Ita yar na kilaen mara lala kiena ne Kristo Yesu, yoko ita veve taaga monar kieta pogos na lualen pog mārera la sike ne. Ana visae nagane kiorņa pogos narui, monar ola ga ve sa naḡa kiorņa lepas na yurņaena tai.

<sup>4</sup> Ositom ruruli yar na mara lala. Kiela yurņaena monar akila kare māreraen na sinekar kiena ne kiela yerkawa vito tano, ana pe asikol la re amio yurņaen kar la poli, sa naḡa yar taḡena la asurņa amiyurņaen ke ne.

<sup>5</sup> A monar ositomiyuli mēna yaru viu la naḡa akila kiriena. La amāreran ke naḡa atauluia, vena atol kiela nalaena tai, ana visae akilaro navisaluena na kiriena, yoko akila plan la, taḡatete atol sur tai ḡisa.

<sup>6</sup> A ositomāl mēna yaru na yurņaen lokove lala. Yar na māreran yurņaen lokove mapila ve moki, nane yar ne nane popon war kinanena ea.

<sup>7</sup> Sur la ne nesurņa nepisa ke ne, visae ositom ruru la, yoko Suḡe iila ko vena otol kiena manmaruaena wo lala a kiena kiliaena lala ea.

### *Popon yar na lelagaena la asurņa asitomāl lue ga Yesu*

<sup>8</sup> Naga naḡa yoko ositom manene laa naga, nane Yesu Kristo. Naga paeme e yomarava molue kome lus kiena yermarua Parin Suḡe Tepet, a sirauņa, amēmar naga, ana naga mal sina sa naḡa Lologena Wo pisa. Nane Lologena Wo ne nane nemlologon ke ne,

<sup>9</sup> a nane Lologena Wo naḡa netol pupia kana naloge viowaena e yo nene, naḡa kila narui nagane apiar tasneu la wetelu e pototo, sa naḡa in na yar viowa na kilaren navisaluena. Ana sur tai naḡa yar la taḡatete aviaria, nane visena wa kiena ne Ntewa, komin momolue ke ga wa taḡatete avisaluḡaria.

<sup>10</sup> In na nesurņa sineu miye manene yeririna la naḡa Ntewa mligan plan la vena nekila la atol malena kome Kristo Yesu. A sitomen ne na nene narui kila sane pog mārera ya naḡa nokom ea, ana in na nesurņa nakawean inun ga vena nekila

make suria, vena la mēna ga akilia atol naurarena nae ma e peni naŋa taŋatete ŋisi pogos tai.

<sup>11</sup> Yauena tai pisayu sur nene, kana visena ne lala lelaga paŋisi, naŋa pisa sanini, sape

“Visae teva e marena temio naga, yoko temal temio naga.

<sup>12</sup> Visae tesuŋal mārera e pogos mārera, yoko teve suŋen yo temio naga. Visae tevilon māsita vania, yoko naga ligan ita,

<sup>13</sup> ana visae tekila pal naŋa teloru, yoko naga tarar ita mārera suŋa ga, komin naga kuslua ita tepe kiena, ana naga taŋatete visokan, taŋatete si kovenlua ita.”

*Yaru wo na yuŋaena kiena ne Ntewa monar uarar māraran visena lelaga*

<sup>14</sup> Nalelagaena la ne asike ne, monar osuŋa oviaŋ la mŋaga vena ve sinela ŋesan re sur la nene. A monar ovis mārera van la ovisave e kia kiena ne Ntewa, ve aveveyun la re. Apepeyun ke kinas nen visen la sane asuŋa akila ke ne, pe akila re sur wo tai poli, a pe amiila re nena la taŋena naŋa asuŋa amiagogon ke poli.

<sup>15</sup> Sur wo ya la naŋa okilia okila sane yaru wo tai na yuŋaena kiena ne Ntewa, monar okila make ga vena wo vaŋisi e kiena navisuena. Visae okila wo ve sanene narui, yoko taŋatete omawan mras naŋa kioŋa yuŋaena waria, a okilia oim ove yar na vianen visena lelaga lala kiena ne Ntewa va yaru lala mesmesu a wo.

<sup>16</sup> Ovisuar ruru e visena korena la naŋa yar la asuŋa apisayu kare ke ne. Visena la ne sanene pe nasuen re e sitomena kiena lelagaena la poli, komin naŋa akilia aure la ava manene laa e ŋelaga naŋa Ntewa pe sinenan re poli. Popon ve ova re lavisin yar la naŋa akila ke sanene,

<sup>17</sup> komin visena kien la nene sa naŋa magka wa tai, naŋa kar ke tas nen yaru taŋatete imi wo pogos tai.

Nepisu sane monar nevisa sane lalua nene Aemeneas amio Paelitas, lalua sa towe mŋa nene rui,

<sup>18</sup> komin naŋa apur matan mrapa na visen lelaga, asuŋa amlologon ke kiela lelagaena tai naŋa pe pe lelaga re nenaga. La asuŋa apisasa ke asape e luas nen yomerava, nasuŋalen si e marena na peraga, komin e kiela sitomena, asitom asape Ntewa kila ke rui, nane e pogos naŋa naga miyuŋa e kieta malena. Ana pogos naŋa amlologon ke kiela visokanena nene, asuŋa akila kare ke lelagaena kiena yeririna la moki, kila narui kiela sitomena pimi peve lua sina.

<sup>19</sup> Ana ko mēna ga monar ve sinemŋa kurkur re, komin yuŋa naŋa Ntewa suŋa miyuŋaena, miasin namaplarena la nene suŋal mārera ruru suŋa ga. Visena lala e siriena wa kiena ne Ntewa sike ne naŋa torokin e lepas nene, a tai pisa sanini, sape “Ntewa kilia ruru po paŋisi a la naŋa ape kiena yeririna lelaga.”

A nalua nena, pisa sanini, sape

“Yaru naŋa mla kia kiena Suŋe teke e kiena malena,

naga monar ligan ŋelaga lala na mrapa nakilaen mlamulena viowa.”

<sup>20</sup> Ositomyuli pupia yuŋa mŋana yar na sur moki lala. Loyuŋa e yuŋa la nene, tekilia tevisu pias nen sur na kinanena lala, naŋa laŋasa, amiyuŋaen e kol pona selpa, a laŋasa, amiyuŋaen ga e porotano pona e laki. La naŋa apisu sane po, asuŋa apio kinanena pa ea, e kiela pupia ŋaŋagena kerkeviu lala, ana laŋasa, asuŋa akinan kai ga ea.

<sup>21</sup> A ita yeririna lala ita maran taaga sa ke ga nene. Yar naŋa kila kiena malena merarava ruru po, a pe wa, a pe kila re yuŋaena viowa la poli, yoko kiena yerikawa were naga kila kiena yuŋaena wo la ve moki e maran yar lala.

<sup>22</sup> Visae sinomŋan osape ko ove sanene, monar ovisa luŋar kioŋa naninuena mārera lala a nasinenanena viowa lala naŋa sitomena kiena mēe lala kilia uleŋa. Monar oŋionli naŋa kioŋa sitomena ulen nawoena, a viawaena, a sinesiena, a suŋarena, ana sanene yoko wo vaŋisi van ko omio taŋena la naŋa kiamiu sitomen taaga, naŋa asuŋa amlen ke pa Suŋe vanon kiena naiilaena.

<sup>23</sup> Yam mokliu, yar la akilia aveveyu vaŋisi van la komin sur wowe lala pona kiela sitomena kar lala, sa naŋa pe akilia re suri tai poli. Pogos tai veveyuen la nene va mŋaga tol naŋa asulania, akilia aliŋerela sina, ana ko na pe pon re ova loyuŋa e visen la ne sanene poli.

<sup>24</sup> Yar nayuŋaena kiena kieta Suŋe, naga monar ve sinena kar re yar taŋena lala, ana naga monar visuar ruru la, monar kilia ruru mrapa na vian malumunlaena. Naga monar ve sinen mimi re vilaga, ana kiena sitomena ve piavi ruru wo van la.

<sup>25</sup> Pona pogos tai laŋas ve aloge re naga yo, yepel mavinia, ana visae kilali naŋa were ruru kiela sitomena, ana naga monar malum ga van la. E mrapa ne nanene pona Ntewa yoko kilia la narin pogos tai van la vena vilonen kiela sitomena, vena atol kiena visena lelaga.

<sup>26</sup> La ne sanene, Yermare suŋa ŋuarar ruru la ke rui, suŋa māraran la ke vena

akila ya naþa naga sinenania. Ana visae akilia atol maran si kiela kiliaena wo, yoko akilia aure vetan kiena pova a kiena visokanena lala.

### 3

*Pelaga na þarnarera lala na legiena maro*

<sup>1</sup> Timote, monar ve sineta þesan re sane e legiena maro la nini, yoko monar pog m̄arera la ve moki aimi am̄aliv.

<sup>2</sup> Monar ve sa nene narui, komin naþa e pogos nene yoko þelaga kiena yar lala va viowa manene laa. E pogos nene, yoko ave sanini:

yoko ave yaru na sitor̄nal laen ga,  
yoko asitom manene ga kilavaru,  
yoko avilave a awarwarla vaþisi,  
yoko ave yar na veveyuena,  
yoko taþatete alogear visena kiena kiela yermarua lala,  
yoko taþatete nena avisa potena e sur tai,

yoko asitom korenan ga sur wa lala,

<sup>3</sup> yoko taþatete awo van yaru taþena,

yoko ave þarnarera vaþisi,

yoko aviueli a avisa kare sur wo lala,

yoko sinela kar yaru lala, asu la,

yoko yepel mavin sur wo lala,

<sup>4</sup> yoko avisa kotalia kiela erau lala,

yoko ve asitom re suri tai,

yoko asitom asape la ga na apo,

yoko ve sinela si re Ntewa, ana sinela si

ga malena wo ya naþa la sinelania,

<sup>5</sup> a visae akilali naþa auarar towe laa narin yur̄maena na sur̄are lala, ana na nene e ga e kulusa, komin naþa kiela malena pisawal ruru rui sape m̄areraena lelaga na lelagaena e Ntewa pe to re nena e la poli.

Nane þelaga na malena kiena yaru na legiena maro lala, a monar ve osu re lavisin la.

<sup>6</sup> Sineu miye m̄ena sira la nene paþisi wa naþa navianena navisokanen lala asuñia ateteliv ke m̄ala ur̄na lala. Sira la nene laþasa asuñia aþar ke ur̄miena namlamulen viowa rui, a laþasa sitomen taþena la sike e la, kila sane visae yar la aimi vinau sanene, ana sira la nene ameu paþisi, pe puriula re si naþa avisaluþar la poli.

<sup>7</sup> Ya naþa yar la nene apisa, ana amlelaga ga narui, akila m̄a sanene pano-o ana pe atol ruru re kiliaena napo poli e visen lelaga kiena ne Ntewa.

<sup>8</sup> Yar la ne apivim ke sanene, nepisu la sane ape nasinekar kiena ne visena lelaga napo, sane e pogos kiena ne yermarua Mosis nanua sumo, lalua naþa Sanes amio

Sampres, apim apian kare sitomena kien yar la moki. Yur̄maena ne nanene yar la nene asuñia akila ke na wa, naþa kiela sitomena la pilolon kare pa piowa, pe apuarar re si kieta viowaena poli, ana apurmatan apa e taþena.

<sup>9</sup> Ya naþa la akila naga piowa manene laa, ana pogos na waren kana nakoena nena yoko imi m̄aliv pogos tai na wa, sa naþa m̄alivin lalua na nepisa ga na wa. Pogos tai, amilan ga kiela visokanena kate ga yometava, ana yar la apisu kilalea.

*Pelaga wo lala kiena ne Pol*

<sup>10</sup> Timote, tesu lele taaga nakonua rui, ana nekilia nesape ko na opisuveve inu po paþisi. Okilia inu sanene, naþa

okilia ruru ya naþa nepian ke pan yar la ea,

okilia ruru kiau þelaga,

okilia ruru ya naþa sineun nesape

neyur̄maen e kiau malena,

opisu kiau viowaena e Kristo keviu sanape,

okilia ke osape kiau sitomena piavi,

opisu ke sinesiena naþa teke e inu pa yar taþena keviu,

okilia ke osape pog m̄arera ya naþa pimi pan inu, ana nesuñalu ga,

<sup>11</sup> okilia ruru napiowaena la naþa kiau nasinekar la akila pan inu, sane e pupia kumali telu nene, Antiok, Aekoniam amio Listra,

a okilia ke yepe lalaea naþa noþaria e limala e pogos la nene.

Naloge viowaena la nene am̄arera paþisi, ana nakawean inu ga pano-o nom̄al naþa Suþe pimi þerelua inu e napiowaena make la nene.

<sup>12</sup> Ee, ita punu ga naþa sinetan Kristo Yesu se ita, pona telual malena wo temio, monar tekilia tesape yoko towar naloge viowaena e yar taþena lala.

<sup>13</sup> Nanene na pogaga, ana naloge viowaena taþena sike ga wa naga piowa ga, naþa yaru viowa lala amio yar navisokanena yoko awaria. Nagane asuñia akila manene ke piowa rui, a yoko akila m̄a viowa sanene vano vano-o viowa manene la, vano vano viowa naþa viowa.

<sup>14</sup> Ana ko Timote, okila ga omio kiliaena wo la naþa otol rui, ana oyur̄mae va sanene omio lelagaena wo la naþa opiawa ruru m̄arera e rui. Ve sineñia þesan re sane imimi ai naþa mepian ko,

<sup>15</sup> siar e pogos naþa ove tokak ke ga wa gar mor̄na, pimi tol nagane, ana kila sa naþa okilia ruru Tusi Wa, naþa kilologia mrapa na tamaliaena kiena yar naþa mlelaga e Kristo Yesu.

<sup>16</sup> Siriena Wa la nene, Ninuna ne Ntewa sike e la, ana akilia aiila ita ve keviu vano-o vařisi. Avian ruru ita, aweřeęe sineta, akawe ruru kieta řelaga, a akila kieta malena wo nenaga,

<sup>17</sup> vano vano-o ita yeririna lala kiena ne Ntewa teim towo a tetorokin nakilaena kiena yuřaena wo lala.

#### 4

##### *Pol miilaar Timote*

<sup>1</sup> Timote, sane italua tesike e marana Ntewa, a e kia kiena Kristo Yesu, nepiun tan ko nesape owarar ruru sur lařasa nařa sineun nesape nevisa van ko. Italua tekilia tesape kieta Suře yoko liřere la nařa amarmare rui amio la nařa amali, a italua tesuřa tesitom ke urmi pařisi e kiena nawasuřeena sina, amio kiena nasuřenena nařa yoko naga visirlua, ana monar ologe ruru visena la nene.

<sup>2</sup> Ya nařa yoko okila na ve sanini, monar ologogon Visena Wa silaga. Visae pog wo pona pog viowa, ana monar osumalu řarera vena visawalena, monar ořion tauluen yeririna lala, monar oure ruru la nařa akom ke e mrapa tařena, a monar oiilaar yaru la nařa amlelaga.

A pogos nařa okila yuřaena la nene, silaga kiořa sitomena monar ve piavi ruruia, a ve sineria maren re vian laena.

<sup>3</sup> Pogos la ne pimi ke ne yoko yeririna la yepela mavin vianen wo lala, ana yoko kiligala lala vikiraran sitomen kar lala, a yoko asuřa aure navianena la ve moki nařa asitom ke asape yoko akilia avisa sur wo lala vena kilaen alogewonia.

<sup>4</sup> Yoko aligan logeen visen lelaga, a yoko akila pal mrapa ava ataveve suniena lala nařa yar ga la akila.

<sup>5</sup> Ana ko na ve ove sa re nene, ana okila ga kiořa sitomena va ruru suřa ga, okawean ko e pogos řarera lala, okila kiořa yuřaena na logogonen Lologena Wo, a oyuřae taveve ya nařa Ntewa pio kon sape oyuřaenia.

##### *Pol pisu sape lavisi awemřar naga narui*

<sup>6</sup> E lepas nařa pun inu, nemloge sane naganepim ke lavisin luas narui, nepimi ke e lele tai nařa yoko monar nokuřařain kiau malena vanon Lologena Wo narui. Ee, nepisu sane kiau pogos na liganen yo pimi ke lavis narui.

<sup>7</sup> Ana pogaga, komin nařa nekilia sane nekila mara, nořaryon řarera po; nekiriri, nekila make nenaga; a nopuarar lelagaena, pe nemligan li re pogos tai poli.

<sup>8</sup> Yar napo lala kiena ne Suře yoko atol karo wa na řarila, a nesitom sane naga mligan ruru kiau sike ma e peni rui, vena yoko e ga e legiena maro ana la van inu.

E pogos nene, yoko naga liřere yaru make ga, a yoko naga la nalaena van ita make ga nařa kieta sitomena řareran nařa tekrakravan kiena nawasuřeena.

##### *Visena maro*

<sup>9</sup> Timote, sineun manene nesape owararion nařa oyal kawa oim e nini.

<sup>10</sup> Sineun ko pařisi, komin wolai nařa Timas, sur na yomarava la ařere kiena sitomena pano-o pure pa garu Tesalonaika. Kresens řena ga pa garu Kalesia rui, a Taetas pe su re si amio inu poli, naga pito ke Telmesia.

<sup>11</sup> Erau ga tai sike amio inu nagane, nane Luk. Ana visae okilia olual Mak, yoko oure naga imi amio ko, komin nařa nepisu naga suřa miila inu keviu pařisi e yuřaena kiena Suře nařa sineun nesape nekila.

<sup>12</sup> Taekikas, nepitetalia naga pa garu Episas rui.

<sup>13</sup> Yoko nevisa kiau sur lařasa, sanini pogos nařa ovam e nini, yoko owarar la avami. Mau kulkota na miava, nemligan řeke puna Karřas pogos nařa nesike gar Troas, a kiau tus lala amio řas nen tus lala, sineun nesape owarar sur la nene imi.

<sup>14</sup> Okilia ke yar na yuřaenen piaki nařa Alikanta, naga kila visena viowa la mok liu pan inu. Yoko Suře ga visuveve vena kila ya ne vania,

<sup>15</sup> ana monar nekila řena okilia nařa naga kawe manene ke kieta Lologena Wo, ana monar ovisuar ruru ko ea.

<sup>16</sup> Yer kawa nae Rom lala apis pan inu kumali yam tai rui. E pogos nene, kiau erau tařena lala apureure make ga, pe la yar re tai nařa pimi e lepasneu poli. Ana nanene na pogaga, popon sane Ntewa ve sinen karla re vanonia.

<sup>17</sup> E poglis nene, Suře ga naga taaga amio inu, ana nemloge sane naga mla pupia nařareraena pan inu, ana nořareran visawalen sur make ga na Lologena Wo e maran yeririna lala, kila narui řegas nen la nařa pe amlelaga re e Ntewa poli amloge. E pogos nene, lelaga, nesike pae e logon laion rui, ana naga řerelua in sina petania.

<sup>18</sup> Nemninue narui ařa nelual naviowaena ya ne yoko nevan ea, ana nemligan inu e limana Suře, nesape yoko naga tamalia inu vena nesike nemio e kiena yo wo ma e peni, a silaga yoko

**4:10** Kolosi 4:14; Pilimon 1:24, 2Kor 8:23; Kal 2:3; Taetas 1:4    **4:11** Kolosi 4:14; Pilimon 1:24, Yuřaena 12:12,25, 13:13, 15:37-39; Kolosi 4:10; Pilimon 1:24    **4:12** Yuřaena 20:4; Epis 6:21,22; Kolosi 4:7,8    **4:13** Yuřaena 20:6

**4:14** 1Tim 1:20, Rom 2:6

nelasuþe si naurarena la vania, vano vano-  
o ve uro re, sanene.

<sup>19</sup> Sur si laþasa navisaena, awis ovisa  
pokolulagi pona pokolemalo va sira nene  
Prisila amio wona Akwila, a va mēna  
namratava puna ne Onesiporas.

<sup>20</sup> Erastas pe pam re si e nini poli, sike  
ga Koren, a pogos naþa mepam, metol  
yo Maelitas, ana Tropimas mai, nemligan  
naga sike e yo nene.

<sup>21</sup> Timote, sineun manene paþisi ne-  
sape monar okilayonli ovam e nini vilaga,  
komin pogos na miava pimi ke lavis narui.

La ne e nini asape nevisawal van ko,  
la asape asitom ko paþisi, nane Yupulus,  
Putensa, Linas, Klotia, amio erau taþena  
lala.

<sup>22</sup> Noþisi e nene narui, nesape Suþe sike  
amio ninuþna, kiena lemamiēna sike amio  
amiu make ga.

Inu, Pol.

## Maki Naña Pol Siria Pan TAETAS Visayuena Na Tusi Nene

*Suniena plas na tusi nini*

Taetas, naga pe yaru viu naña naga pe pe lus nae re Israel tai poli, ana naga pimi pe yaru tai naña mlelaga e Yesu, ana naga sumña taveve Pol vena iila naga e yuññaena a na visawalen lologena wo kiena Yesu Kristo. Pol mligan Taetas sike e purvanua naña Krit vena visuar yuññaena na sumñare e yo nene, a naga siri maki nini pania vena visayuen suri telu.

Nasumo, Pol pisa pa Taetas vena sitoñal ðelaga naña nasumonena na sumñare la monar atavevea. Naga pisa sanene, komin le Krit la moki, kiela ðelaga a kiela maliena pe mesmesu re poli.

A na lua, Pol pisawal mrapa pa Taetas naña monar tavevea vena vianen yaru lala e ðegas taþena lala loyurña e sumñare. Nane yermarua lala, a sira marua lala, a yaru vii amio yaru na yuññae korenen lala. A naga sape sira marua lala monar avian ruru sira mñee lala.

A namaro, Pol pisawal pa Taetas e navianena naña naga monar la van yaru lala, a monar ave erau ruru wo amio la, naña asuñña ve apeveveyu re, a yaru na sumñare lala monar ve aliþerela re.

*Komþasnen tusi la na nini*

Visena þesa 1:1-4

Na sumonena na sumñare lala 1:5-16

Yuññaena kiena yaru taþena lala loyurña e surñare 2:1-15

Visena na vianen yaru lala 3:1-11

Visena maro 3:12-15

*Pol porworun Taetas*

<sup>1</sup> Kiau erau Taetas,

In na Pol, nekekarana nevitawe ko sina e maki nini, e kia kiena ne Ntewa, naña in na kiena yar na yuññaena, a e kia kiena ne Yesu Kristo, naña in na nepe kiena nalologena.

Nesike e yo nini, nesuñña nemiyuñña ke ga wa, nemio yeririna la naña Ntewa pisaar la sape ape kiena, komin sineun nesape popon kiela viawaena imi mñarera laa ga wa, a kiela nakiliaena e visena lelaga imi ve keviu laa ga wa. Visae ve sa nene, yoko kiela ðelaga kilia imi torokin ðelaga kiena yar wa taþena lala kiena ne Ntewa,

<sup>2</sup> a yoko akilia atol malena naña ve uro re.

Kieta sitomena mñarera pa rui sape yoko tetol malena nene, komin Ntewa pisaar na konua konua rui sape yoko monar ve sa nene, a tekilia sane naga pe pisokan li re pogos tai poli.

<sup>3</sup> Naga pe kieta Ntewa natamaliaena, ana pogos naña pisu sane kana pog ruru napo, naga mligan kiena visena imi mñalivi vena kilaeen mrapa na kieta malena, a nagane mligan sike e inu vena neva nelologon va e yo make ga.

<sup>4</sup> Ana Taetas, nane kiau mñaki nene pan ko. Nepisu ko sane ope naruu ruru ne-naga naña ita lua kieta naviawaena taaga, ana kiau leniena pan ko pa sanini, sane lemamiena a sumñarena kiena ne Ntewa Arimata a Kristo Yesu kieta natamaliaena sike amio ko.

*Yuññaena kiena Taetas e purvanua naña Krit*

<sup>5</sup> Nesiri piññasu pan ko, sineun iilar koena e yuññaena naña omiyuññaen ke gar Krit wa. Nanua sumo, ita lua toþar þesan lologena wo pimi mñaliv e yo nini, ana pogos naña nepetan ko, pupia yuññaena komþas mñeke ga wa, ana nemligan ko osun ke naña okila ruru ke ne yuññaena la imi wo laa sane wa.

Sa naña nepisa pan ko e poglis nene, sineun nesape ova oteliv make e kumali lala, owu þarin kiela yaru laþas, aim ave li nasumonena wa lala.

<sup>6</sup> La nene, la monar ave yaru la naña pe naviawaena re e kiela malena poli, monar atalopa amio wola ve taaga ga, a narila lala, la mñena monar alelaga e Yesu, pe pon re tevisu la ave þar mñarera poli, pona asuñña apilon ke visena kiena kiela yermarua luwoka.

<sup>7</sup> Monar ve sa nene komin naña ape yerkaena na sumñare lala. La ape yar na visuaren yuññaena wa kiena ne Ntewa, ana monar ave yar mesmesu. Ve asitom re asave la na yar tai ne, ve sinela mimi koskos re, monar ve amun manene re wii mñarera, monar ve ave yar na kilaeen re mara, a monar ve asitom manene re sur lala toko.

<sup>8</sup> Ana visae ve sa nene, yoko nasumonena naga kiena malena ve sanape? Yoko popon naga kekarana visuaren wolawa lala e mñana urña, amio ðelaga wo taþena la ne sanene. Popon naga sumon ruru yuññaena lala, ve manmarua ruruia, kiena sitomena mekiu ruruia, a naga kawu ruru kiena malena mesmesu.

<sup>9</sup> Visena lelaga la naña apian ea, naga monar uarar ruru mñarera, vena kila sane naga towe kilia vian liluen vano.



*Ovisuar lelagaena navisokanena lala*

Yeririna la p̄asa asitom asape kieta lelagaena pe navisokanena ga, ana kieta navianena wo lala kilia kila kiela visena lala tařatete suřal ruruia.

<sup>10</sup> Yar la mok liu asike ne nařa yepel mavin loge itaena, ana apis řarera pařisi, pona asuřna akilali ke nařa aure sitomen kien yar la va ve tařena. Garu e neřna Krit, ita lua tekekara pařisi pan le Yu la moki nařa tetaulula apim ape yeririna kiena Yesu rui, ana nagane li tařena la nene sinelan asape aure kare la ava aviowa sina.

<sup>11</sup> Sa nene, popon sa sur tai mono logola, komin akila kare ke mratava wetelu lařas rui. Asuřna apian ke sur lařas nařa pe mesmesun re nařa avisayu poli, ana asuřna ařareran ga asape akila, pe na sitomen wo re poli, ana komin ga sitomena viowa nařa asape pona ala narin kilavaru la e yo.

<sup>12</sup> Pona le Krit lala, kiela řelaga sa ga nene yo, komin yar nasirien suniena tai nanua sumo, nařa naga pe yar nae nena kiela yo tai, pogos tai pisayu la sape

“Le Krit lala, la ape yar na visokanena, apiowa taulu nompui, ape yar na yowena, ape yar na sitomalen ga meřela.”

<sup>13</sup> Yar nene, kiena visena řarera li řnaga, ana in na nepisu sane pona lelaga yo, ana po pařisi nařa ovis řarera van la, visae peraga, yoko kiela nalelagaena tařatete imi wo ruru pogos tai.

<sup>14</sup> Nagane asuřna apuwar ke sunena marua na sumo kiena le Yu lala, asuřna akekaran ke visen kiena ne yerkawa tařena la nařa akoven lua visen lelaga, ana komin ya ne pe sinelan re lelagaen e visen wo kiena ne Ntewa nařa tesuřna temla ke pan la?

<sup>15</sup> Yar nařa kiena sitomena merarava ruru nena po, sur nařa namname pe torokin re kila kiena sitomena imi namname poli, ana sur make ga merarava ga pania. Ana yar nařa pe mlelaga re poli, nařa kiena sitomena namname, pona sur tai merarava řna yo, ana tařatete kilia kila kiena sitomena imi merarava, a pe sur re tai nařa merarava ruru e naga poli. Nanene komin nařa kiena sitomena pona losinena apa apiowa rui.

<sup>16</sup> Yar la nařa nesiriyu la ke ne, asuřna apisawal ke asape akilia Ntewa, ana kiela yuřnaena lala kila meraravan pan ita sape pe akilia re nenaga. Losinela la menun a melkalka, ape řar řarera pařisi, pe atorokin re nena kilaen si sur wo ta poli.

## 2

*Navianena wo kila řelaga wo řalivi*

<sup>1</sup> Ana Taetas, nekilia nesape ko na yoko ve ove sa re nene, ana yoko ko na monar osuřna ovisawal van la visena la nařa torokin navianena la napo.

<sup>2</sup> Visen lařasa nalaen van yermarua lala naga sanini, sape monar ve aulaula re, avarurula ga, a popon asitom urmi e kiela malena, amio kiela sitomena na manmarua ruruena. E lepas na lelagaena e Yesu, e lepas na sinesien yar tařena, a e lepas na suřal ruruen řarera e yuřnaena, monar aulen řelaga mesmes silaga.

<sup>3</sup> Visena na sanene kiena sira marua řnena la suřna ga, sape monar aulen řelaga na vatanonen Ntewa, ve asuřna re ga avis kar viowa va yar tařena lala, a sitomena na laen wii řarera ve sukařara re e la silaga. Yuřnaena nařa popon akila naga sanini, sape monar avian tařena lala e sur ya nařa po vena ayuřnaena.

<sup>4</sup> Keviu manene pařisi e lepas na sira řnee la nařa atalopa mare ga na wa, monar akipian la ruru e mrapa wo na sinesii ruruen wola lala amio narila lala.

<sup>5</sup> Sira marua la nene, kiela sitomena la monar manmarua, kiela malena monar ekiki, monar avisuar ruru řnala uřna, ave sinewo lala, a monar avatanon ruru wola lala. Visae akila sur la nene, yoko yar la visu kilalea sane visena kiena ne Ntewa nařa pisawal mrapa wo la nene, naga pe nasiriena wa tai nařa po pařisi.

<sup>6</sup> E řna nenaga e řelaga nene, sineun nesape ořareran yar viu lala, ovisave la monar akawe ruru kiela malena lala.

<sup>7</sup> Po pařisi visae pogos nařa avisu ko, alual nařa osuřna omiali osumon la ke e mrapa na malena na po, nařa pulen make yuřnaena wo lala, ana la akilia ayal e lelen lamia.

Ya nařa ovian lania, monar sike e kiořna malena rui, a monar nařa akilia avisu kilale asave ko řnena osuřna ositom ke si urmi ea.

<sup>8</sup> Ya nařa aloge ovisawalia, monar ve ve visen re tai nařa yoko akilia avis van ko vanonia. Visae ve sa nene, yar la nařa sinela kar ita, yoko akilali nařa asuwo ita, ana yoko akila wowen ga suria, yoko kiela visena tai tařatete si suřalu.

<sup>9</sup> E lepas kien la nařa amiyuřnae korena ga kiena ne yerkawa tai, okila la akilia ruru asape monar avatanonia, a monar ařionli nařa akila sane kilia kekaran yuřnaena nařa akila pania. Monar ve avistaře re si vania,

<sup>10</sup> a pe pon re asitom avisave akilia avivinaun kiena narin sur lařasa ve kiela. Monar ave lelaga ruru napo, vena kila nařa kiela yerkawa kilia wasine la e kiena sur make ga. Pogos nařa li nalelagaena la ayuřnae ruru wo sanene, akilia akila

kiela vianena e lepas kiena ne kieta Ntewa natamaliaena va manene metava ve keviu e visuena kien yar taþena lala.

<sup>11</sup> Popon sane yar la avisu kilale kieta lelagaena, vanon Ntewa naga pe lemam e yomarava nini, mla natamaliaena pimi malivin þegas nen yeririna make ga peve taaga.

<sup>12</sup> Ana ita naþa tetolia, tepisu kilale naþa Ntewa suña kilapian ita ke e kieta malena lala, sape monar teligan þelaga viowa kiena yeririna la naþa pe akilia re naga poli, a monar tevilon masita van nasinenanena viowa lala na yomarava nini. Yomarava ne nane yo naþa temal tesike e ne, ana kieta malena monar monau ruru wo, a monar mesmesu, monar torokin nena yeririna lala kiena ne Ntewa.

<sup>13</sup> Monar tesuña ga sane, a monar tesuña tesuñate ga pog wo naþa kieta sitomena sike ea, naþa kieta Ntewa keviu, kieta Natamaliaena Yesu Kristo yoko imi malivi ea, amio kiena pupia naurarena.

<sup>14</sup> Naga ke narui naþa taman kana kuruta mlau vanon ita, þere plan ita petan mareraena naviowaena, kevan ita temekiki tepim tepe þegas wa na yepemaenen yuñaena wo lala sa naþa naga sinenania.

<sup>15</sup> Visena ne naga ke la na nene narui yoko osuña ovisawalia. Yar naþa popon aillaria, oilaaria, a yar naþa popon avis vania, ovis vania. Pogos make ga oyuñae omio namareraena amio mareraena, a ve otaman re avisa kare ko pona asitom korenan ko.

### 3

*Pelaga wo kien yaru naþa mlelaga e Yesu Kristo*

<sup>1</sup> Popon ovian li na lelagaena lala vena silaga asitomal þelaga wo nakilaena. E lepas na kiela suþe lala, amio kiela yerkawa la naþa asike ne, monar avatanon la, alogear la, a akekaran kilaen yuñaena wo punu ga.

<sup>2</sup> A monar okila pian la mena ga, ovisave la nene, ve asuña avisa kare la re sina, a pe pon re ava e veveyuen poli. Ana þelaga naþa monar akila va yar taþena ve sanini, sane monar amonau, ve akila re þelaga marera, a monar akila þelaga navatanoena ve keviu silaga.

<sup>3</sup> Visena la ne sanene pan ita make ga, komin naþa nanua sumo pe yar taþena re ga la poli, ana, ita mena tesu ga e malena viowa. Tekila wowe pa Ntewa, a tepe þar marera pania. Pelaga viowa þere kare ita pano-o tepim tepe yar na suen vatanon mareraena nasinenanena viowa

lala amio nakekarena viowa na yomarava. E poglis nene, kata kinanena na kanen e legien punu ga nane sinemimiena amio vielueena lala. Kieta sitomena lala piowa pan yar taþena lala, a metavanja, tepiowa ke sina ga pan ita.

<sup>4</sup> Tesuña e malena viowa sanene pano-o, ana siraunia, kieta Ntewa natamaliaena, kiena nasinewoena a kiena nasinesiena wo pimi malivin ita,

<sup>5</sup> naga tamalia ita ruru nenaga. Tamalia ita sanene, pe komin re ga kieta yuñaena wo naþa tekila poli yo, ana vanon ga kiena nasineyeena va pan ita.

Naga sinena miye ita, ana kevan ita temekiki, ana kiena Ninuna Wa kila tepaeme sina e malena viuw,

<sup>6</sup> e kuruta kana Yesu Kristo kieta natamaliaena, naþa mlau kalo ita.

<sup>7</sup> Naga mrapa ke nene narui naþa e kiena lemamiena, tepim temesmes ruru e marana. A pe naga re ga nene poli, ana metavanja, naga kila ita tepim tepe narina lala, naþa yoko towarpae ga kiena lalimana, naþa yoko war van ita, nane malena naþa ve uro re.

<sup>8</sup> Potena paþisi pania, visena la nene ape lelaga paþisi.

#### *Pol miilaar Taetas*

Sineun nesape omarera, omareran li nalelagaena lala kiena ne Ntewa, sane monar auarar ruru visena la nene, a monar aþilion naþa auarar ruru yuñaena lala naþa po, a naþa akilia ailla mena yarunia.

<sup>9</sup> Pogos tai asuña apisasa ke ga visen koren lala naþa taþatete iila malena kien yaru, sa naþa asuña apeveyu wowe ga e sitomena la naþa pe kana kinas re poli, pona asuña apeveyu komin sur lala kiena ne kiela yermarua la naþa apuarar ruru kiela kia la suña ga. Pogos tai asuña apiuelinila, pano-o tol naþa kiela sitomena la kilia lipere mena e visena naþa navisaluaena kiena ne Ntewa pisa. Ana popon ovisa va li nalelagaena ovisave la monar ve aviran la re e visena la ne sanene.

<sup>10</sup> Visae yar tai suña sikolia, kawekapin ma visena silaga, akilia avis vania yam tai, sa pere yam ve lua, ana visae sitom korenan ga, suña kila maga, pe pon re si akilavain sur tai amio naga poli.

<sup>11</sup> Tekilia yar la ne sanene rui, sane kiela malena pilon pe taþena, a kiela sitomena pulen ga mamulen viowa. Pe ita re naþa tesape naga piowa poli, ana kiena yuñaena pisawal kiena napiowaena e marata ita punu ga.

#### *Visena maro lala*

<sup>12</sup> Taetas, sineun nesape nevisa van ko sane visae olual neligan lalua nene tai Artemas pona Tikikas in̄nasu n̄alivin ko, e pogos nene narui okilia ourmatan yo nam̄a, owaryonli nāpa oim ovisu inu gar Nikopolis. Na nene komin nāpa ve ve piavi re, yoko neligan e nini, sineun nesape neva nesūn̄a e yo nene vano-o tol pogos na miava warovia.

<sup>13</sup> Lalua tāpena nāpa asike amio ko nagane, yar na navisaluaena nene Sinas, amio Apolos, yoko okilali okila sane lalua akilia ala si kiela mrapa lalua ve ve piavi re, vena ava m̄ena e yo tāpena lāpasa. Awis, oiila lalua e ya nāpa limala plasinia.

<sup>14</sup> Sike m̄ena e ko vena oiilaar kieta yeririna lala sane nepisa ga na wa, la monar awion nāpa atarar yūm̄aena wo lala. Visae ve sa nene, pogos nāpa sur na ilanen tai, ana kiela naiilaen la sike rui, a kila m̄ena nāpa kiela malena kilia war mras ve moki sa nāpa Ntewa sinenania.

<sup>15</sup> La nāpa asike amio inu nagane apisa pokolulag pona pokolemalo van ko. A yeririna la nāpa asike amio ko nāpa asitōn̄al imimi asape ita punu ga teve taaga temio la e kieta viawaena ve taaga, awis, ovisawal van la sane imimi m̄ena ga mesūn̄a mesitōn̄al la m̄aga.

Kiau leniena nesape yoko lemamiēna kiena ne Ntewa sike amio amiu make ga silaga.

Inu, Pol.

## **Maki Naña Pol Siria Pan PILIMON Visayuena Na Tusi Nene**

*Suniena plas na tusi nini*

Pilimon naga pe yaru na lelagaena tai, a naga suŕe kiena yaru na yuñae koreneña tai naña kiena kia Onesimñas. Onesimñas pure petan kiena suŕe naña Pilimon, pa sike garu pulkumali keviu naña Rom, ana e lele nene naga ñeke loyuñia na lo-geviowaena ea. A e yo nene naga pitawa amio Pol, a pogos naña sike amio Pol naga pimi pe yaru kiena Yesu. Ana Pol siri ñaki tai pa Pilimon, piyun tania vena naga monar were Onesimñas wasuŕe imasu sike amio naga. Pol pisa pa Pilimon, sape nagane Onesimñas pimi pe yaru kiena Yesu rui, a popon naga sinena kar re, ana naga viewoia a werear sina vena ve yaru na yuñae korenaen sina. Ana yoko naga ve ve yaru na yuñae koren rega, naga imi ve wenla ruru napo komin lalua asikol la amio Yesu Kristo.

*Komŕasnien tusi la na nini*

Viena ŕesa 1-3

Pol mieluar Pilimon komin kiena yuñaeña 4-7

Pol piyun ñareran pa Pilimon vena were si Onesimñas 8-22

Visena maro 23-25

*Pol siar kiena visena pa Pilimon*

<sup>1</sup> Inu Pol, nesiri ke ñaki nene pan ko Pilimon. Nanagane nesike e pupia pulkumali nae Rom, a komin naña nekila ke yuñaeña kiena ne Yesu Kristo, la amligan inu nesike e yuñia naloge viowaena e nini na wa. Kieta wolai naña, Timote, naga sike amio inu e nini na wa, ana imimi lua mepisa pokolulagi pona pokolemalo pan ko, naña ita ga teloka temiyuñae ke pa Suŕe taaga ga,

<sup>2</sup> a kiamimi visena imimi lua sanene pan ke ñena ga vineta nene, Lewia, a yaru na kieta ŕegasia nene, Akiŕas, naña naga pe yaru ñarera na kilaen mara e lepas na yuñaeña kiena ne Suŕe, amio ŕegas kiena ne li nalelagaena taŕena lala naña asuñia apiora ke e moñia yuñia.

<sup>3</sup> Imimi lua memlen mesape Arimata Ntewa, a kieta Suŕe Yesu Kristo, lalua aligan kiela lemamiña a suñareña sike amio amiu e yo naña asike ea.

*Sinesiena a naviawaena kiena ne Pilimon naga keviu manene paŕisi*

<sup>4</sup> Wolai Pilimon, pogos naña nesitorñal ko e kiau leniena lala, silaga nesuñia nepisa ke potena pan Ntewa vanon ko.

<sup>5</sup> Na nene komin naña nemloge rui naña la apisayu kioñia ŕelaga wo, asape kioñia naviawaena e kieta Suŕe Yesu ñarera po paŕisi, a kioñia sinesiena pan nalelagaena lala, keviu maneneña.

<sup>6</sup> Nemlen wo ko ke, nesape pogos naña ko osuñia okianlua ke kioñia naviawaena pa yaru taŕena lala, ŕisi na kila la akilia manene laa sane e navisa ruruena nowo la naña ita kieta, naña temla Kristo e kieta malena lala.

<sup>7</sup> Ee, Pilimon, kioñia sinesiena wo naga suñia kila ke li nalelagaena wa lala, la sinela la amloge po paŕisi, a pogos naña nemloge, suri nene kila nemloge po sina, a kila inu ñena neke kara paŕisi.

*Pol naga piun ñareran pa Pilimon vena were si kiena yaru na yuñaeña nene Onesimñas*

<sup>8</sup> Ana Pilimon, sineun nesape neviun suri tai van ko. E pupia yuñaeña kiena ne Kristo naña nesuñia nekila ke ne, pona mesmesun ruru ga naña nevisa ruru ga van ko nevisave popon ko okila ve sanene ve sanene,

<sup>9</sup> ana taveve ŕelaga na sinesiena, pe sineun re nevis ñarera ve sanene van ko poli. Nanagane, in na nepimi nepe yemaru ke narui, nesike e yuñia nakoena vanon Yesu Kristo, ana sineun nesape neviun ga tan ko, visae ko okekan naña otanñan suri nene naña nesape neviun tan ko.

<sup>10</sup> Yaru tai sike e nini, pogos naña nesike pa e yuñia naloge viowaena sanini rui, ana nesumon yaru nene pimi e Kristo, a nanagane nesuñia nepisu ke yaru nene sa ga naruu tai. Yaru nena Onesimñas, naña sumo pe kioñia yaru na yuñaeña tai, sirauña naga pure petan ko, pimi e yo nini.

<sup>11</sup> Ee, yaru nene, kiena kia kana kinas sape "kila yuñaeña wo," ana nesitom nesape nanua sumo, naga suñia kila kioñia yuñaeña pe po ruru re poli. Ana nanagane, naña pilon kiena malena rui, nemlaga nesape naga kilia kila yuñaeña wo lala na iila koena, a naga kilia kila ñena ga yuñaeña na iila inuena.

<sup>12</sup> Ana, nanagane nesape neligan si Onesimñas wasuŕe ke sina ga inñasu puñia narui, sa naña nemlalua ga kiau malena komŕasia nane nemligan piñasu puñia ne.

<sup>13</sup> In na nekekan nesape popon naga suñia ga amio inu e nini, vena iila inu e pogos ñarera nini naña nemñeke e yuñia naloge viowaena vanon lologena wo, a

visae naga kila sanene, sa naŕa naga kus lelemā, naga kila yuŕaena tai pan inu naŕa torokin ko okila van inu.

<sup>14</sup> Ana pe pon re nomāreran naga vena naga sike amio inu sanene poli, vanon naŕa ko na omninue ga. Sineun nesape visae ko okila kiau yuŕaena wo tai sanene van inu, ŕisi na ve vanon re ga naŕa nemāreran kon poli, ana vanon kioŕa sinesiena wo a kioŕa sinewoena ga. Ya naŕa yoko Onesimās kila, naga pe kioŕa naŕa ovisawalia.

<sup>15</sup> Lelaga naŕa Onesimās naga pur matan ko, ana ane kilia, pona Ntewa kila naga pur matan ko yam plas ga sanene yo, vena visae wasuŕe ke sina ga imi puŕa, ŕisi na naga ve kioŕa lue narui, vano vano-o taŕatete ŕisi.

<sup>16</sup> Sanene komin naŕa nanagane, ŕisi na naga wasuŕe ke sina ga puŕa, naga ve ve sa re si yaru nayuŕaie kioŕaena, ana naga wasuŕe puŕa sane womla tai e Yesu, naŕa sanene na po manenea. Sineu si naga keviu paŕisi rui, sa ga wolai tai, a nemlelaga nesape ŕisi na sinemā si naga vano vano-o vaŕisi, komin naga pe kioŕa yaru ŕisi rui, a metavania, nanagane naga pimi pe womla ŕiena ga.

<sup>17</sup> Suri ne na nene nesape neviun tan ko. Visae ko opisu inu sa naŕa ita lua tepe wolai, a ita lua tepe yaru nakilaen yuŕaena taaga ga, sineun nesape oure si Onesimās wasuŕe imāsu puŕa, sa ke ga naŕa visae neimāsu puŕa, ŕisi na ko okekara vaŕisi naŕa oure inu neimāsu e moŕa yuŕa.

<sup>18</sup> A visae Onesimās naga pinaun kioŕa suri tai, pona kila kare kioŕa suri tai, pona ya sina, ana ŕisi na inu ga nevisuveve suri la nene.

<sup>19</sup> Visena nene inu ke ga Pol narui nesiri ke ga e luŕau, sane kiau navisaarena tai van ko, nesape visae sinomānia, ŕisi na neul plan make kiena lapui vetan ko. Ana pona ko osuŕa ositoŕial ke naŕa ko ŕiena ga kioŕa pupia lapui tai naŕa sike e inu, naŕa kioŕa malena wetelu, komin naŕa inu na nekila ko otol malena nene e pogos naŕa nemlologon lologena wo pan ko.

<sup>20</sup> Ve sanene, sineun nesape okila yuŕaena wo nene van inu naŕa nesuŕa nepiun ke tan ko e kia kiena ne Suŕe. Wolai, visae okila ve sanene, ŕisi na neloge sineu wo sina vaŕisi, naŕa malena wo kiena ne Kristo naga suŕa miyuŕaie ke sanene e kieta malena lala.

<sup>21</sup> Pe nemaraun re naŕa nesiri visena la ne sanene van ko poli, komin naŕa nekilia ruru po rui naŕa ŕisi na ko okila taveve ya

naŕa nepiun tan ko. Ee, nekilia ŕiena ga nesape pona ŕisi na okila ŕiena ga wo laa sane yo, vano taulu kiau naviuena nene.

<sup>22</sup> A nesape neviun ke ŕiena ga suri taŕena tai tan ko, nesape awis, okila ruru ŕiau lele na monena tai e moŕa yuŕa, komin naŕa nesuŕa nekila ke kiau sitomēna ŕarera nesape ve ve piavi re, ŕisi na Ntewa naga taŕian inu nowasuŕe ke sina ga neimi pun amiu, sa naŕa amiu asuŕa apiun ke tania e kiamiu leniena lala.

*Visena maro kiena ne Pol pa Pilimon*

<sup>23</sup> Epaŕas nene, naŕa naga ŕiena ga imimi lua mesike e yuŕa nakoena e nini vanon Yesu Kristo, naga pisa pisape Ntewa visa ruru ko.

<sup>24</sup> A yaru taŕena la nene, Mak, a Aristakas, a Timas, a Luk, naŕa la amiila inu keviu paŕisi e yuŕaena, la ŕiena ga apisape la asitoŕial ko ke e kiela leniena lala.

<sup>25</sup> A nanagane, kiau leniena sanini, nesape lemamiēna kiena ne Suŕe Yesu Kristo naga sike e losinemiu la punu ga.

Inu, Pol.

**Maki Naþa Pa Ke Pan  
LE YU LALA  
Naþa Amlelaga  
Visayuena Na Tusi Nene**

*Suniena plas na tusi nini*

Yaru naþa siri maki nini, naga siri pano pa þegas tai kiena li nalelagaena lala naþa asuñña añjal ke pog mārera lala e kiela maliena, komin yaru la naþa pe amlelaga re poli asuñña akawela ke amio la. Þelaga naþa yaru la akawela manene amio la sanene, kila sane añjal mārera, a lavis aligan kiela lelagaena e Yesu Kristo. Ana yaru nene pisa panila sape monar asuññalu mārera e kiela lelagaena lala. Naga pisa panila sape Yesu Kristo ga pe yaru wo naþa pisa meraravan Ntewa pan ita. Ana na visa meraravanen suri nene, naga pisayu suri telu.

Suri na sumo, naga pisayu sape Yesu naga pe narina Ntewa kemua lelaga naþa suñña vano vano taþatete þisi pogos tai. Pe lelaga naþa naga pe narina Ntewa rui, ana naga mēna suñña þikeyon kinasinen þelaga nene na logearen Ntewa, e sur la naþa kila naga mloge piowa e tasnena. Ana komin naþa naga pe narina Ntewa, naga mon la metavan navisawalena lala, pona navisi lala, pona Mosis mēnaga.

Suri na lua, Ntewa pisawal rui sape Yesu, naga pe þarin yaru wa naþa naga mon manene metava naþa suñña vano vano taþatete þisi pogos tai. Naga pe þarin yaru wa naþa taulu make þarin yaru wa na sumo lala.

A suri na telu, e yuññaena kiena Yesu naþa naga pe þarin yaru wa na mon manene metava, naga maren natamaliaen yeririna makega, þarplan kiela milamulena viowa lala, kila la pe amarau re si poli, a mla malena naþa ve uro re panila. Na kuþaþaena nasumo lala, la ape totou na kuþaþaena ga naþa Yesu Kristo kila.

E marana na keviu lualima taaga pa taaga, yaru naþa siri maki nini naga pisayu yaru laþasa e Tusi Marua naþa amlelaga mārera e Ntewa. A naga pisa pa la naþa naga siri maki nini panila, sape popon ataveve malena kiena la nene, vena akilia asuññalu mārera silaga, vano vano-o tol luwasnen kiela maliena. A silaga, monar akira avisu Yesu, vena akilia ava awarpoyo e pog mārera lala, naþa asuñña atol ke e yaru la naþa asuñña akila ke mārera panila paþisi. A na kilamakeen kiena visena, naga pis ruru pan kiena yaru lala, pisa panila sape monar avisuar ruru kiela maliena lala.

*Komþasnen tusi la na nini*

Visena þesa. Kristo kila meraravan Ntewa panita 1:1-3

Kristo naga mon laa metavan navisi lala 1:4—2:18

Kristo naga mon laa metavan Mosis amio Yosua 3:1—4:13

Kristo naga mo laa metavan þarin yaru wa lala 4:14—7:28

Naviranarena viu naga mon laa metavan naviranarena marua 8:1—9:28

Kuþaþaena naþa Kristo kila naga mon laa metavan kuþaþaena marua lala 10:1-31

Þelaga na lelagaena naga po paþisi 11:1—12:29

Visena la naþa kila yaru la asuññalu mārera, a visena maro 13:1-25

*Yesu na mon la metavan li navisawalena lala*

<sup>1</sup> Kiau erau le Yu lala, nakonua konua la rui Ntewa pisawal kiena visena yam mokliu pa kieta yermarua lala, e mrapa la moki a e þelaga wo la naþa peve taþena, pimi molue kome kiena navisawalena lala.

<sup>2</sup> Ana nanagane, e legiena maro la naþa tesike e ne, naga pis mesmes nena pan ita pimi kome Narina Yesu. Narina ne nane nanua sumo, e nasiien yomarava, Ntewa miyuññae kome naga, lalua amliganar make pog a yo lala, a sirauia, Ntewa pisirlua Narina nena, mligan sur punu ga sike e limana, naga pe þarun la.

<sup>3</sup> Narina nene, naurarena kiena ne Ntewa tego e kiena malena, sane kus nena marana ne Ntewa veraga, pe totou na þelaga kiena ne Ntewa. A namāreraena na kiena visena mārera paþisi, naga ga þuarar sur make ga na yomarava nini, a yo taþena mēna lala su ruru suñña ga. A naga ke narui naga tañan naga pimi kilavan make kieta mlamulen viowa lala, a pogos naþa kila make ruru kiena yuññaena nene e yomarava nini, þasuþe si pa ma e peni, pa to metava e lepas nen Arimana na þamarua, Parin Suþe nae ma e peni.

*Yesu na mon la metavan navisi lala*

<sup>4</sup> Yesu totano e nene sanene, naga mon manene la metavan navisi la naþa asike ne, komin kia naþa naga þaria vanon kiena yuññaena, po manene la taulu kiela kia.

<sup>5</sup> Visae tevisu e Siriēna Wa lala, visena moki naþa sike ea naþa asape Ntewa kila Narina mon manene la metavan navisi lala. E visena la ta nene, Ntewa pis pa kiena Navisaarena nena, sape

*“Ko na, nepisu sane ðane opim ope naruu nenaga, a nepim nepe Arimonia kemua lelaga.”* Yauena 2:7

A ta sina pisa mēna sanini, sape  
*“Yoko in na neim neve Arimana, a yoko naga ve naruu.”* Sam2 7:14

Visena lua nene, Ntewa pe pisa re nena pa kiena navisi la ta poli, sape pe Narina Wa, ana pisa ga pa Yesu.

<sup>6</sup> A visen si tai, pisayu pogos naþa Ntewa sinenan sape ligan narina mēaru nene imi e yomarava, ana pisape  
*“Popon navisi make ga alotunia.”* Naw 32:43

<sup>7</sup> E lepas kiena ne navisi lala, la akila yuñāena wo la mokliu, ana Visena Wa pisayu la, sape

*“Navisi kiena ne Ntewa lala aþar kiena visena, asa ga laġi, amiyuñāe kiena ne Ntewa, asa ga kapi.”* Yauena 104:4

<sup>8</sup> Ana pogos naþa Visena Wa pisayu Narina ne Ntewa, sape naga mon manene la metavan navisi lala, pisayuia sane naga maran taaga sa ke Ntewa, pio naga Ntewa. Pisayu naga, sape

*“O Ntewa, kionā lele wa na totanoena naga mon lue ga na mēke ne. Plaki na kionā nasuþenena, naga þelaga wo ke narui.”*

<sup>9</sup> Ko okekaran manene la þelaga naþa po, ana yepmavin visuen þelaga viowa, ana kionā Ntewa na mava naga mligan ko opa metava, opa manene la metava otaulu kionā erau lala, kila ko okekara keviu sa naþa miyowauia ruru ko e ponotaninu wo tai.”  
Yauena 45:6-7

<sup>10</sup> A e visen si tai, tepisu naþa Ntewa na mava pio Narina sape Suþe, a pisayu pupia sur kerkeviu la naþa naga sii la, sape

*“Suþe, ko ke narui ko opisirlua purþes nen yomarava, lumonia ga miyuñāen sinapane ma metava.”*

<sup>11</sup> Ana sur la nene, yoko amenunu makea, akokovio, ana yoko ko na osike osike lue.

<sup>12</sup> Sane takue marua tai, yoko osulowar la owar plan la nenaga, a sane monā kulgota marua tai, yoko oyenlua nenaga, ana yoko ko na ove urviu maran ve taaga silaga, a kionā kas la taþatete þisi pogos tai.”  
Yauena 102:25-27

<sup>13</sup> A visen kiena ne Ntewa taþena si sike ga wa, naþa pe pisali re pa navisi tai poli wa, ana pisa ga pa Narina naga taaga, sape

*“Ototano e lepasneu na þamarua, otomā sanene, vano-o yoko neligan kionā nasinekar lala aim ave takue na vilanvanen larā ea.”* Yauena 110:1

<sup>14</sup> Nane visena maro e lepas nene narui, naþa pisayu sanape naþa navisi kiena ne Ntewa lala la na amiyuñāe kiena ga, la ape ninuna na wāren kiena visena, a ape naila itaena vena tetol natamaliaena, ana yaru tai sike ga wa naga mon metavan la make ga, nane Narina Wa ne nane Yesu, naþa Ntewa pis maro pan ita ea.

## 2

*Nalologena wo viiu kiena ne Yesu mon la metavan navisaluaena marua kiena Mosis*

<sup>1</sup> Sanene, visena wo lelaga nalologena wo la naþa temloge pa narui, monar tesitom urmi manene e la, monar touarar ruru mārera. Visae peraga, tevisuaria saþisi korur yan plan ita si vetania.

<sup>2</sup> E lepas nen navisaluaena marua nasumo lala, navisi ga la aþar pimi, ana kana visena ne lala amesmes ga, a añarera paþisi. Ana na kilaroen kana visena make ga, a kana nalogeluen make ga, kana nakoena ruru napo sike þa rui.

<sup>3</sup> Ana nanagane, nalologena wo viiu pimi tol ita þa rui, a naga keviu taulu manene navisaluaena marua nasumo. Sanene, visae tesitom korenan mrapa na kieta natamaliaena naþa sike ea, yoko taþatete nena toure vetan kana nakoena nena-a þisa. Kieta Suþe ke narui naga kila þesan lologena wo pimi mālivi, a la naþa amloge pisawal e kiligala, la apisawal liluen pimi pan ita, akila merarava van ita apisape lelaga.

<sup>4</sup> A Ntewa mēna miila naga e visena nene, naþa naga kila kile lala, a sur nailanen lala, a yuñāena lala na kiena nañareraena, a metavanja, naga kiakian plan nalaena lala kiena ne Ninuna Wa pan ita ai naþa naga sitom sape la vania. Ana tepisu sur la nene, tekilia tesape lologena wo kiena ne Yesu Kristo naga pe visena tai naþa naga po manenea taulu kieta navisaluaena marua ita le Yu lala.

*Yesu ve Suþe e yomarava naþa yoko imi na wa*

<sup>5</sup> Tekilia tesape Yesu naga mon la metavan navisi lala, komin naþa e lepas na yomarava naþa pimi ke ne, yoko Ntewa taþatete ligan navisi la ave suþenia, ana mligan sike vatanon Narina.

<sup>6</sup> Sur nene Tus Marua mēna pisa, e visen tai kiena ne Parin Suþe Tepet naþa pisa pa Ntewa, sape

*“?Sur wo ya na sike e yaru, naþa kila ositom manene naga sanene?*

*?Pona ya ne kila omālivi ke e narina ne yeririna?*

<sup>7</sup> Nanua, omligan naga sike tanon navisi lala, ana nanene na yam plas la ga,

*a nanagane, opisirlua si naga rui. Omligan naga metava e yo wo tai amio kana pupia naurarena a nawarwarena nena,*

<sup>8</sup> *ana omligan sur make ga sike vatanon kiena nãreraena.” Yauena 8:4-6*

Ana pogos naŕa Ntewa kila yaru ve ŕarun sur make ga, kila sane pe sur re nena tai naŕa naga pe pe suŕen re poli. Naga kila sane sape ve sanene, ana pimi tol nanagane, pe tepisu make re sur la e yomarava nini poli wa e kilamarata pa mapin sa naŕa Ntewa sinenania.

<sup>9</sup> Sur la pere wa, ana silaga tekira tepisu ga Yesu, naŕa Ntewa pisirlua naga pa mon manene la metava. Nanua sumo Ntewa sinen miye ita paŕisi, ana kila Yesu pito tano yam plas la ga, kila naga patanon navisi lala, a kila naga ŕar manene pupia naloge viowaena na namarewoitaena, ana sirauia, pisirlua sina, paia ruruia amio naurarena nae peni.

*Yesu pe kieta natamaliaena, pe kieta ŕarin yar wa*

<sup>10</sup> Pelaga na yuãaena kiena ne Ntewa na tamaliaitaena nene naga mesmesu, komin naga sii sur make ga, a sur make ga pe naga kiena, ana sinenan sape taulu maran si pupia ŕegas nen narina la tai vetan yomarava nini, aim si ave kiena. Naga sinenan sape kila sanene, ana nakilaena na nãrera paŕisi, ana nãl mrapa taaga ga nakilaena, naga sanini: mrapa naloge viowaena kiena ne Yesu, naŕa Ntewa kila ga naga pimi pe yeririna, naga pe yar natepoen yomãrua vena taulu kieta natamaliaena.

<sup>11</sup> Yesu kilia sumon ita sanene komin naga ke narui naŕa kila ita temekiki, kila narui naga kekaran naŕa pisu ita sane tepe mratava taaga ga temio.

<sup>12</sup> Visena telu e lepas nene apisa sanini. Tai sike e tus kiena ne Yauena lala, sane Yesu pis pa Ntewa, sape

*“Yoko nevisawal ruru kioãa kia va wolai lala, yoko neieluar ko likan yeririna lala.” Yauena 22:22*

<sup>13</sup> Ta sina, pisawal naŕa Yesu mlelaga e Ntewa sa ke naŕa temlelaga e naga, visena naŕa sike e tus kiena ne Navisawalena Aisea, sape

*“In ke narui, naŕa kiau nawasineena, nemligan sike e naga.” Ais 8:17*

Namaro, visena si tai kiena ne Aisea, pisayu Yesu amio wenla lala, sape

*“Nane in ke nane nesike nini narui, nemio narina ne Ntewa taŕena lala naŕa naga mligan la e lumiau.” Ais 8:18*

<sup>14</sup> Ana ita narina ne Ntewa la nini, ita make ga tepe yeririna, temio tasneta a kata

kuruta, ana naŕa Yesu imi ve wenla kemua lelaga e ita, naga pimi e yomarava nini, naga tasneta a kana kuruta sa ke ga ita. Sanene, pogos naŕa tañan si naga mare wo ita, ana kiena marena nene m̄elua puryukawaena kiena ne ŕarin suŕe na nãreraena na marena, nane Yermare.

<sup>15</sup> Naga m̄elua nãreraena kiena ne Yermare, mluŕar plan kilika lala naŕa aŕanaria kararkare ruru ita nenaga, sane maraunen marena naŕa temloge viowagania e kieta malena wetelu.

<sup>16</sup> Lelaga naŕane, yuãaena wo na iilaena kiena ne Yesu, pe kila re pa navisi nae ma e peni la poli, ana kila ke ga pan ita na yomarava nini. Visena la mokliu apisa visena sanini, asape

*“Naga suãa miila ruru ke lus kiena ne yermarua Epraam lala.” Ais 41:8-9*

<sup>17</sup> Nane sitomena kiena ne Ntewa sanene. Naga pisu sane Yesu monar imi sane ita wenla lala e sur make ga, vano-o kilia kilia ruru ita, kilia sinen ye ita. Ana tekilia towasinea, sa naŕa yoko naga masisun yuãaena naŕa yoko naga kila va Ntewa komin kieta mlamulen viowa lala, naŕa kila kieta marawo temio Ntewa, sane pe kieta Parin Yar Wa.

<sup>18</sup> Naga pisu pupia nakilaliena pimi m̄alivin kiena malena, mloge piowagan pano-o tauluia, ana kila naga kilia iila ruru ita sina e pogos naŕa nakilaliena imi nãrera m̄ena ga van ita.

### 3

*Yesu mon la metavan yermarua Mosis*

<sup>1</sup> Wolai a vineu wa lala, naŕa amlogear navioena nae peni rui, nepisa pan amiu rui nesape Yesu kilia iila ruru ita, ana nenagane nomãraran amiu, sineun nesape popon asitomyu manene naga va laa sane wa, sane naga pe nalologna e naga pe ŕarin yar wa na kieta nalelagaena.

<sup>2</sup> Tevisu veve ruru li Yesu amio yermarua Mosis nanua. Yermarua Mosis nanua sumo, naga masisun kiena yuãaena la paŕisi e mratava m̄ana ne Ntewa, a Yesu m̄ena masisun yuãaena la paŕisi naŕa Ntewa pisirlua naga sape naga yuãaena.

<sup>3</sup> La ga luwoka amasisun yuãaena, ana Ntewa pisirlua Yesu pa manene la metavan Mosis, komin naŕa sane Mosis naga sike ga loyuãa m̄ana ne Ntewa, kila ke kana narin yuãaena ne lala, ana pupia yuãaena na visirluaen yuãa nena, Yesu ga kila.

<sup>4</sup> Yuãa make ga, monar yar tai naŕa yuãaenia, ana Yesu ke narui naga miyuãaen yuãa m̄ana Ntewa, ana Ntewa naga pe ŕarun yuãaena nene.



<sup>5</sup> Sanene, Mosis naga pe yar na yuñäena, masisun ruru kiena yuñäena make ga loyuñä e mratava ñana Ntewa, pano tol naña naga pe yar na visawalen pupia visen kiena ne Ntewa lala naña apisawal liluen ke pimi tol nanagane,

<sup>6</sup> ana Kristo naga kila pa manene la sane, komin naga masisun visuaren pupia yuñäena make ga na yuñä nene, sane naga pe ñearu na pupia kana ñar nena.

?A yuñä nene na pisa ke ya ne, pona pisa ke ai? Suñä pisa ita ke ga ne, komin visae ve temarau re, a visae tekekaran kiena navisaaren lala, touarar ruru kieta nawasineena e la, ita teve kiena namratava wa ruru nena lala.

*Yesu mon la metavan Mosis, a monar telegaga manene va la sane taulu la naña Mosis sumon la*

<sup>7</sup> Visena ta teke e Siriena Wa, naña pe visena kiena ne Ninuna Wa na kilapäge itaena, naña pisa sanini, sape

*“Pane, visae aloge pulgon Ntewa, pe pon re si kiamiu sitomena la imi si ñarera poli, sa naña kiamiu yermarua la akila rui.*

*Nanua sumo, e yomema, asike e pog na kilalien tai pañisi, asuñä pano-o asuñal ke sina ga akila ñarila.*

<sup>9</sup> Ana Ntewa pisu la, pisa sanini, sape *Nayalena kena la nene naña tol kas lualima yam vari ne, nesike nemio la silaga, apisu kiau naiilaena wo la pan la, ana ñelaga kien la nene na kilali in pañisi.*

<sup>10</sup> Kiela ñarmarera kila sineu pikirara pañisi, ana nepisu sane peraga, la nene na, silaga asuñä apa e nene apa e nene amiyepe ke petan kiau mrapa mesmes lala.

<sup>11</sup> Sineu maren la ne sanene narui, sineu kar la pañisi, ana nesuñälu narui, nepisaar pan la nesape purvanua wo navaruruena naña nekila ruru suñate la nesape ve kiela, yoko ve ava re si loyuñä ea.” *Yauena 95:7-11*

<sup>12</sup> Wolai a vineu lala, komin sur ne la nanene, popon kam na avisuar ruru amiu. Pe pon re visae amiu yar tai, sitomen viowa sike e naga, pona sinena ve lelaga re si narui, kila naña naga werelua si naga vetan malena wo kiena ne Ntewa mali.

<sup>13</sup> Pe sinetan re ita yar tai loru sanene poli, ana monar tela visena naiilaaren van ita silaga e legiena punu ga, vena ve ita yar re tai naña ñelaga na mlamulen viowa la visa kotalia kare re naga vano-o naga manin nenaga. Visena naña meta ne sape “Pane, visae aloge pulgon Ntewa,” ana naga pe visena nasumo tai, ana suñal

suñä ga, pulgona pio ke na wa, tesike e kana legiena na logearen la na wa.

<sup>14</sup> Popon touarar kieta lelagaena ñarera ve sa nena ga naña temlelaga ñesan ea, popon tesuñal ñarera tesuñä vano-o tol luasa. Ana visae tekila ve sanene, yoko temio Kristo, teve yar na war viraviranan naurarena wo lala kiena ne Ntewa.

<sup>15</sup> Lelaga nañane-e, Visena Wa naña metava pisa sanene, sape pe pon re si sinemiu la im ñarera poli, sa naña yermarua lala akila e pogos na kilaliena lala e yomema, naña asuñälu akawe visena kiena Mosis.

<sup>16</sup> ?Ana la ne akila ñar ñarera sanene, a la nene? La naña akila sanene, la naña akekaran amlogear ñesan pulgona Ntewa, ñis narui apatanon kiela yar keviu yerkawa Mosis, naga sumon la apetan Isip. Naga sumon la amolue petan yo nene ana pe yam piavi re poli, akawe ke sina naga.

<sup>17</sup> ?A la naña akilali Ntewa, amiyuyur sinena e kas lualima yam vari nene e kiela nayalorenä, pano-o sinen kar manene la la, la ke nene na wa? Ee, la naña akila sanene, la ke ga nene na wa, naña naga tamalia la, ana siraunia akila luen ga mlamulena piowa e marana, pano naga kila amarmare ga, puryula la sutetai kar ga sike e yomema.

<sup>18</sup> ?A la naña naga pisaar sape yoko la tañatete ava loyuñä e kiena purvanua wo tanea navaruruena naña kila ruru sape ve kiela, la ape yeririna la ne sanape? La naña tañatete ava ea, naga la naña akilakila ke ñarila, naña pe amlogear re sur ta poli.

<sup>19</sup> ?A ya ne kila narui tañatete ava loyuñä e yo wo na varuruena nene? Tañatete avavini vanon pe amlelaga re e Ntewa poli, a pe añasine re naga poli.

## 4

*Navaruruena wa kiena ne yeririna lala kiena ne Ntewa*

<sup>1</sup> Nanua sumo, Ntewa kila ruru tanea yo na varuruena tai kiena ne kieta yermarua lala, ana nanagane ñena ga kila ruru si kieta yo wo na varuruen rui. Nasiiena tere nene naga mal ruru ga sike na wa, ana pe pon re teve sa yermarua la nene poli, naña akilalu kiela navaruruena nene, la moki naña pe apa re loyuñä e poli. Peraga, popon ita tevisu ruru ita yo, pe pon re naña vano-o ñisi na ita lañasa, la ñena akilalu kiela pulmas, Ntewa visu veve ruru la sa ñisi ve ava atol re kiela navaruruena.

<sup>2</sup> Naga nene komin naña ita maran taaga ga sane yermarua la nene, naña lologena wo kiena ne Ntewa tol ita, sa naña tol la, ana akila sa naña amloge, ana pe amla re

si lelagaena to metavan poli. Pe amla ruru re si kana visena la nene e kiela malena la poli, p̄isi pe p̄ar re mras e la poli.

<sup>3</sup> Ana e lepas kiena ne la nini naḡa pe amlelaga re sanene poli, Ntewa pis m̄arera rui, p̄isa visena naḡa nesiri metava yam tai rui. Visena nene, pisape

*“La nene akila sineu kar la paḡisi,  
ana nepisaar nesape yoko la taḡatete ak-  
ilia atol kiau navaruruena nene.”  
Yauena 95:11*

Ana ita naḡa temlelaga kemua e lelaga, navaruruena nene naga pe kieta naḡa teva loyuma ea.

Navaruruena kiena ne Ntewa nene, naga kila ruru pe kieta su nakonua rui, komin e pogos nasiiena, naga miyuma e pano-o tol kana legiena orai ana p̄isi nena ga,

<sup>4</sup> ana sa naḡa Visena Wa pisa e yo laḡasa, sape e kana legiena olua, naga pa ruru e kiena yumaena ne lala, pe miyumaen re si sur la nene poli.

<sup>5</sup> Ana sur si tai, visena na metava pisayu naḡa Ntewa pisape yoko yar laḡasa taḡatete nena atol kiena navaruruena,

<sup>6</sup> ana visena nene kila meraravan sape sane monar yar si laḡas asike koyo tai naḡa yoko Ntewa taḡan la ava loyuma. La nanua sumo, amloge lologena wo kiena ne Ntewa amio purvanua wo naḡa pisaar pisape ve kiela, ana pe asuma re m̄arera poli, pe amlogear re poli, ana akila pal ruru nena ga, pe apa re loyuma e poli.

<sup>7</sup> Ana kieta navaruruena sike na wa sike ne, a Ntewa pisaar kana legiena na tolena, komin kas mok p̄aro rui, Parin Suḡe Tepet pisawal visena la naḡa sike meta rui, naḡa pisa sanini sape

*“Nanagane visae aloge pulgona, pe pon re  
kiamiu sitomena la imi m̄arera si  
poli.” Yauena 95:7,8*

Popon tevisu kilale sane “nanagane” naḡa pisa e nini, nane kieta pogos ne nanini narui, naḡa Ntewa kila ruruia vena tetol natamaliaena.

<sup>8</sup> Asitomyuli yermarua Yosua nanua. Naga sumon kieta yermarua la komḡasa apa loyuma e purvanua wo naḡa Ntewa pisaaria, ana visae naga ke narui navaruruena kiena ne Ntewa naḡa akus rui, yoko Ntewa taḡatete si visayu pogos taḡena tai va Tepet, visape pe legiena na vaen loyuma e kiena navaruruena.

<sup>9</sup> Ana peraga, naga suḡa pisa ke pisape navaruruena wa nowo tai sike ga wa kiena ne kiena yeririna lala,

<sup>10</sup> ana visae a naḡa va loyuma ea, yoko wo naḡa wo vana vaḡisi, yoko naga kilia va ruru e kiena yumaena make ga, sa ke ga naḡa Ntewa m̄ena pa ruru e kiena.

<sup>11</sup> Visae sanene, popon tom̄areran li naḡa tetol navaruruena wa nowo nene, ana pe pon re m̄ena ita yar tai ve logear re Ntewa, yoko kilapalia.

*Visena kiena ne Ntewa po paḡisi*

<sup>12</sup> Tesike vatanon visena kiena ne Ntewa, vanon kiena visena naga mali, miyuma e ke m̄arera paḡisi, kilia yar malena kien yaru, mal paḡisi taulu playu na mara naḡa mal lepas luwoka. Visena kiena ne Ntewa kilia va warpoyo va loyuma e losineta, kilia va lipere sur ya naḡa teke e kieta sitomena, pona visuveve ya naḡa teke e ninuta.

<sup>13</sup> Lelaga, naga naḡa yoko visuveve kieta malena, kilamarana tol make suria, taḡatete ita yar tai tapolounia.

*Yesu pe kieta p̄arin yaru wa*

<sup>14</sup> Ntewa kilia make sur la ne lepas na e ita, ana potena pania naḡa narina, pupia p̄arin kieta yaru wa naḡa Yesu, naga mligan yo nini pa yalen silau ma e kiena yo ma metava e peni, pa kila ruru si mara wo pan Ntewa vanon ita. Ana vanon naḡa kila ruru ita ke temio Ntewa sanene, popon touarar nalelagaena m̄arera ea, a popon ve teligan li re si naga pogos tai.

<sup>15</sup> Kieta p̄arin yar wa nene, naga pe yar ta naḡa pe mnine re kieta ursuen la poli, ana kilia ruru po paḡisi naḡa ita pe tesurial re m̄arera poli. Naga sinen miye ita, yoko iila ita, komin nanua naga m̄ena ga, nataḡaliena lala apim ke e naga m̄arera paḡisi pania e lepas punu ga, sa ke ga naḡa apim ke e ita. Naga sa ga ita, ana sur ga tai, nataḡaliena pe p̄ere re nena naga mloru e mlamulena viowa poli.

<sup>16</sup> Visae ve sanene, tepisu sane tom̄al kieta mrapa narui vena tekilali naḡa telen ita teva la lavis pun lele natotanoena wa kiena ne Ntewa, naḡa pe purḡes nen lemamiena. Ve temarau re sina, tekekarana naḡa teim puna Ntewa, ana yoko tekilia tetol kiena sineyeena e kieta malena, yoko tevisu naḡa kiena nasinewoena iila ita e pog m̄arera ya naḡa tesike ea.

## 5

*Yesu pe p̄arin yar wa na sineyeen yar lala*

<sup>1</sup> La naḡa apuarar yumaena na p̄arin yar wa, apisiriplan la petan li wa taḡena lala vena kilaen yumaena na sanene narui. Yaru naḡa pe p̄arin yaru wa, naga suḡalu su likan yeririna lala a Ntewa, vena waren kiela nalaena lala amio nakuḡaḡaena lala vana, vena naga kilia viewo kiela mlamulena viowa lala.

<sup>2</sup> Parin yaru wa nene pisa kilale ruru naḡa yar la asuma amiyuma e piowa ga, asuma amiepe ga petan mrapa, komin

naḽa naga mēna pe kumpui ga, naga mēna kilia malum, kila sane sinena kilia ye ruru nena yeririna taḽena lala, naga moñau ruru nena pan la.

<sup>3</sup> Naga sa ga yeririna taḽena lala, ana pogos naḽa kila nakuḽaḽaena lala, monar kila ve vanon re ga mlamulena kiena ne yeririna lala, ana vanon mēna kiena mlamulena viowa lala.

<sup>4</sup> Komin sur ne nanene, pe pon re yar tai liganar si naga poli visave popon imi ve ḽarin yaru wa, ana Ntewa ga kilia liganar yaru vena war pupia kia na sanene, sa naḽa naga mliganar yermarua Eron nanua sumo pe kieta ḽarin yaru wa ḽesa.

<sup>5</sup> A e leḽas kiena Kristo, sa ke mēna nene. Naga pe kieta pupia ḽarin yaru wa, ana naga pe pisirlua re naga pa metava sape naga sanene poli, ana Ntewa ga pisirlua naga. Visena kiena ne Ntewa naḽa pisa sanene sike e nasiriena wa na sumo lala, naḽa ta pisa sanini, sape

*“Ko na nepisu sane ḽane opim ope naruu nenaga, a in na nepim nepe arimoñia kemua lelaga.”* Yauena 2:7

<sup>6</sup> Taḽena, pisa sanini, sape

*“In na nemligan ko sane yermarua Malkusteke, ko na yaru wa maro e kiena lus, naḽa yoko ouarar mā yuñiāena nene vano-o ve uro re.”* Yauena 110:4

<sup>7</sup> Ntewa mligan yuñiāena nene pa Yesu, ana tepisu e pogos na kiena malena e yomarava nini, naga kila ke pa rui. Sila ga naga sitom manene yomarava nini paḽisi, ana tagin pa Ntewa, wamarana mlau vanonia. Naga suñalar mārera sike e Ntewa sape visae kiena malena kovio, yoko Ntewa kila malia sina, ana naga māraran la sane naḽa mlenwo itania.

Ana Ntewa pisu ḽelaga wo na moñiāuena a navatanoena kiena ne Yesu, ana sinena myea, mloge kiena naviunena lala.

<sup>8</sup> Lelaga naḽa Yesu naga pe narina ne Ntewa rui, ana Ntewa tañan naloge viowaena na pogos mārera lala pimi pania, sape vian Yesu vena tol ruru ḽelaga na logearena e kiena malena.

<sup>9-10</sup> Naga patanon make nasinenanena lala kiena ne arimana, pano-o kila make yuñiāena la naḽa Ntewa mla pania, kila narui pisirlua naga sane yermarua Malkusteke. Sanene, Yesu pimi pe Ntewa kiena ḽarin yaru wa, pim pe purḽes nen malena naḽa ve uro re kieta ita punu ga naḽa temlogearia.

*Popon teimi temarua ruru wo e Kristo*

<sup>11</sup> Ana kia naḽa Malkusteke, kiena suniena marua wo la sike ne, naḽa akilia

akila meraravan ruru van amiu sanape e yar nene amio kiena yuñiāena. Māraran navisayu ruruen merarava van amiu, komin naḽa yam tai sa naḽa kiligamiu poḽe towe la sane. Ana visae kam na asitom asape aloge kilalelia,

<sup>12</sup> yoko wo vaḽisi, komin naḽa kam na amlelaga nakonua rui, ana atorokin naḽa aim ave navianena na visena wa kiena ne Ntewa rui. Ana peraga, asuñia ga sa ga nene, ana monar avian amiu si ea, siar si e kana purḽes nen visena ne lala.

!Lelaga naḽa, kam na nakanen kinanen mārera la rui, ana sa ga naḽa asuñia sinemiun ke amun yu na wa!

<sup>13</sup> La naḽa amun ke yu sanene wa ape sisi ke ga wa, ana taḽatete ave manmarua e visena na mrapa lelaga,

<sup>14</sup> ana la naḽa akan ke kinanen mārera, la amarua ruru rui. La ne sanene, kiela sitomena la miyuñae ruru pano-o apisu veve ruru make sur punu ga, ana akapur apimi po tol naḽa apisu kilale ruru sur ya naḽa po a sur ya naḽa piowa.

## 6

*Popon tevisuar ita ve towasuḽe re si teva varau*

<sup>1</sup> Komin sitomena la nene, popon teligan ḽelaga na sisi sike na, teva re laa sane wa e navianena mārera kiena ne Kristo na atorokin sitomena naḽa marua.

Tepilopu ita e kieta yuñiāena piowa namarena la rui, tetol naviāuena e Ntewa rui, ana popon ve tesuñia teva re si ea. Naga sa naḽa tekilavan lelen yuñia rui, pe pogos na visirluaen narui.

<sup>2</sup> Apian ita e nakeena rui, apu ḽarita rui, temlelaga rui tesape yoko tesuñal si e marena, a tekilia rui nalipereena ta sike ne amio kana nakoena nena naḽa yar viowa la akus vano-o taḽatete ḽisi pogos tai. Sur la nene toḽaro make e rui, ana pe pon re tesuñia teteteliv mñaga e sur la nene silaga poli, ana popon tesuñia teva re laa sane temio kieta Suḽe.

<sup>3</sup> Sur nene mārera paḽisi, ana visae Ntewa tañan ga van ita, yoko tekilia teyuñiāen wo ga.

<sup>4</sup> Lelaga, yoko tekilali naḽa teva re laa ga wa temio naga silaga, ana sanapen la naḽa amloru, apa si varau rui?

La nene, la amial ruru ḽes e yomerarava asuñia akinan ke e lokove nae ma e peni rui, a Ninuna Wa pimi mēna e la, a pogos naḽa apa si apiowa sanene, yoko taḽatete si avilopu la awasuḽe aim e malena.

<sup>5</sup> Visena Wa kiena ne Ntewa miila la e kiela malena rui, a atol towe mñ

nañareraena na suñenena naña pimi ke ne,

<sup>6</sup> ana pogos naña apilopu si māsila, akila ñarila sanene, yoko aim awo si sanape? Peraga, yoko viowa van la vañisi, komin naña akila ke sane asuar ke si Narina ne Ntewa meta e lak torovia, sa naña asuñña apisirilua ke naga e maran yar lala vena auiuelin kare si kiena kia.

<sup>7</sup> Asitomyuli na nene. Porotano naña mun yua naña mloloru ea, ana ñar manene kinanen kan la naña amiyuññae ke ea, ana Ntewa kekaran pañisi, kiena navisa ruruena sike ea.

<sup>8</sup> Ana porotano naña pe ñar re sur wo poli, ñar ga viluññini viowa lala, naga sa ga naña apiain ga maren pania, ana tañatete akila sur wo ta ea, yoko asikap ga narui.

<sup>9</sup> Erau lala lelaga pañisi, visena la ne sanene añarera pañisi, ana e lepas na pun amiu, in na pe nesitom re nesape kam na sanene poli. Peraga, noñasine amiu, sane mras nen malena viu naña po kapuru ke e amiu na wa.

<sup>10</sup> In na nemlelaga nesape yoko tañatete Ntewa sinen ñesan kiamiu yuññaena wo lala, a yoko tañatete sitom korenan vinayaena a sineyeena naña kam na akila pania, pogos naña kam na amiila kiena nalelagaena wa tañena lala. Kam na amiyuññae po sanene, ana kila Ntewa kekaran pañisi, yoko naga mēna kila ruru a kila wo van amiu.

<sup>11</sup> Sanene, nesape neiilaar amiu sina, vena ve ava re si varau, kam na añareran ava re laa ga wa, ava mñaga atol ga luas rui, vena akilia atol sur punu ga naña kiamiu sitomena sike ea.

<sup>12</sup> Kam na ve ave yowen re, ve yepemiu malum re, ana monar avesinaia e yuññaena maran ve taaga sa ke kieta yermarua wo la naña amasusun ruru yuññaena, kiela sitomena la piayavi pano-o atol sur punu ga la naña Ntewa pisaar ñesan pan la.

*Visaarena kiena ne Ntewa pe lelaga pañisi*

<sup>13</sup> Navisaarena ta naña Ntewa kila, naga kila pa yermarua Epraam, pisaar mārera pania e lepas na lus la naña yoko amolue raunia. Pe kia tañena re si naña Ntewa kilia visa vena kila kiena navisaarena nene mārera poli, komin kiena kia naga mon metavan make kia tañena lala, ana Ntewa pisaar ke sina e ga e kiena kia, sape

<sup>14</sup> *“In na Ntewa, yoko nevisa ruru ko ve keviu vañisi, nekila kiorña lus la aim ave moki vañisi e yomaraya nini.”*

<sup>15</sup> Ana Epraam lavisi sitom ñele visena nene, ana pisu naña Ntewa kila kiena navisaarena nene mārera ruru po pañisi,

ana pe sur koren ga naña Epraam tol pogos mārera la mok pañisi, ana pe mligan re navisaarena nene poli, ñuarar ruru mña pano-o pisu naña siar tol ya naña Ntewa pisaar pania.

<sup>16</sup> E lepas na ñelaga nakilaen navisaarena mārera, yar la asuñña apisa kia kiena yar wa tai pona sur wa tai. Ana pogos naña yar tañena la aloge, la monar alelaga ea, tañatete si avisin sinekar vania, komin kia naña apisa kila visena mārera.

<sup>17</sup> Ana sanapen Ntewa? Naga mēna sinenan sape kila kiena visena van ita mārera ruruia, vena telelaga ea, ve tesitom ñele re. Ita na sane narina lala na waren kiena lalimana, ana naga sinenan sape tekiliaar ruru tesape kiena sitomena wo naña teke e ita tañatete ñisi pogos tai, ana kila kiena navisaarena pan ita mārera pañisi.

<sup>18</sup> Navisaarena kiena ne Ntewa naña pan ita mārera ruru sanene rui, komin naga pe pisokan li re poglis tai poli wa, kiena visena tañatete vilovilopu karea, ana metavan kiena navisaaren nene, pisa si amio kiena kia wa, vena kilaen kiena visena nene mārera nenaga. Ana sur lua nene, kiena navisaarena amio kiena kia, lalua amiyuññae lele taaga vena kila ita tesuññal mārera tese kiena visena. Ita topur matan yo viowa naña tesu ñes ea, takalewele ke yo na suvanena, ana navisaarena lala kiena ne Ntewa akila kieta sitomena la piayavi ruru po. Sanene yoko tekilia teva tetol ruru yo wo naña Ntewa kila ruruia a mligan sike e marata woga ga naña.

<sup>19</sup> Kieta nalelagaena mārera nene, naña tesape yoko Yesu tamalia ita, naga sitomen ta naña sane kilavaru na tararen waa. Yoko uarar ruru kieta malena, vena ve sur re si ta naña kilia werelua ita, vano-o tol pogos naña teva varaun pupia kulmrae loyuma e Yo Wa naña pe Yo Wa pañisi. E yo nene teva tesuññal nena tese marana ne Ntewa, yoko kieta sitomena lala akilia añarera ruru ke na wa asape woga ga van ita.

<sup>20</sup> Naga nene komin naña Yesu sumon ita pa e yo wa nene rui, pa kila kiena yuññaena sane kieta ñarin yar wa, vena kila kieta mara wo temio Ntewa.

Sa naña tepisa rui, naga sane pe ñarin yar wa maro na lus kiena ne yermarua yaru wa Malkusteke, ana naga pul plan kieta mlamulen viowa la rui, a yoko kila mña kiena yuññaena na sanene vanon ita vano-o tañatete ñisi pogos tai.

## 7

*Malkusteke na sumo naga mon la metavan make ĩarin yar wa taĳena lala*

<sup>1</sup> ?Ana yermarua Malkusteke nene, naga ai, a kana suniena naga pa sanape? Tus naĳa Nasiarena pisayuia, pisape naga pe yar na pogos kiena ne Epraam nanua sumo, pe ĩarin suĳe na kumali marua wa naĳa Salem, a naga pe pupia yar wa kiena ne Ntewa na mava. Ana pogos tai, yermarua Epraam pa kila mara pa kiena nasinekar lala, naĳa ĩarin suĳe taĳena lala, ana taulu la, ĳasupe ke si narui, pitawe Malkusteke kinae patanonina, ana Malkusteke pisa ruruia.

<sup>2</sup> Ana Epraam mla nalaena pania, mlalua lualima petan ponotia na sur make la naĳa taulu e pogos na mara naĳa ĳarar ke sape wasupe si va mĳana. Pupia yar wa nene naga pe yar tai, sa naĳa kiena kia ga luwoka apisa. Kiena kia ĳes nena, Malkusteke, kana kinasa pisape "ĳarin suĳe na mesmesu," a kiena kia na lua pisa sanini, sape "ĳarin suĳe na sumĳare," komin naga pe ĳarin suĳe nae pulkumali naĳa Salem, naĳa kana kinasnena na sumĳare.

<sup>3</sup> Yar nene, kana suniena nena pe taĳena ga, komin naĳa pe temloge re apisape kiena yermarua lalua na sanape, pona aĳia repina lala la ape lus nae pe wa. La pe apisawal re kiena maliena poli asape aĳia siar sanape, a pe suniena na kiena marena re poli. !Sa naĳa naga pe mare re nena poli, sumĳa ĳuarar ke kiena yurĳaena na wa! Sanene, naga sa ga narina ga Ntewa narui, naĳa yoko naga ve kieta yar wa mĳa vano-o taĳatete ĳisi pog tai.

<sup>4</sup> Komin sur la nene, tepisu e visena marua kiena ne Ntewa naĳa kia na Malkusteke, naga pe kia tai naĳa pa metava paĳisi, pano-o tol repita yermarua Epraam, naĳa asitom ke asape naga mon la metava rui, naga mĳena patanonina, ĳar nawaren pania e komĳas nen sur la naĳa taulu e mara.

<sup>5</sup> Ana ĳelaga na laen nawarena na sanene, naga ĳelaga ta naĳa navisaluaena pisape le Israel lala la monar akila luen ga. Kiela yar wa lala na lus kiena ne Livae, la monar avisuar ruru la, awarplan lualima petan ponotia e kiela sur make ga van la, komin la na sa ga namratava taaga, naĳa ape lus kiena ne Epraam.

<sup>6</sup> Ana Malkusteke nene, naga pe nae re mratava puna ne yermarua Epraam poli, ana Epraam pisu kilalea sape naga yaru wa tai, mliĳere nawarena komĳas pania. Yermarua Epraam nena naĳa Ntewa pisaar sur wo la pania, ana naga patanon Malkusteke.

Ana pogos naĳa Malkusteke tol nalaena nene, kekara, pisa ruru Epraam, a nanene kila meraravan si pan ita sane naga mon manene la metavana,

<sup>7</sup> komin yar naĳa torokin visa ruru yar taĳena, naga monar mon laa metavan yar nene.

<sup>8</sup> Ana Malkusteke amio yar wa taĳena la nene, la make ga atol kiela nalaen la torok ga, ana la ape taĳenan sur tai. Suri nene sanene, sape yaru wa lala aĳar kiela, ana siraunia amarmare, ana Malkusteke mla kiena, asape naga sumĳa pano-o pe mare re poli.

<sup>9</sup> Ana sanaĳa Malkusteke mon la metavan yermarua Epraam, naga mon mĳena metavan pupia kia taĳena naĳa Livae. Lelaga kemua, Livae naga ĳesan naĳa pe repina ne lus kiena ne yaru wa lala, ana naga mĳena ga molue kome lus kiena ne Epraam, ana pogos naĳa Epraam patanon Malkusteke, mla nalaena pania, sa ga naĳa Livae mĳena patanon Malkusteke mla nalaena pania.

<sup>10</sup> Suri nene naga sane pogos naĳa Epraam mĳalivin Malkusteke, kila pania, Livae pe paeme re e repina nene poli wa, ana sa ga naĳa naga mĳena kila.

*Yesu pe molue re e lus kiena ne yaru wa la poli, ana molue ga kome lus viu tai*

<sup>11</sup> Ana visena la ne ma metava apisawal ke pupia sur ta ne paĳisi. Akila meraravan asape Ntewa ĳere plan lus na yaru wa lala kiena ne Livae, pisirilua lus taĳena tai kiena ne yar wa lala, kus lelena. Yermarua Eron mĳena pisirlua yurĳaena na lus kiena ne yar wa lala, ana Mosis ĳar kiena navisaluaena nene pimi mĳalivi, ana visae Ntewa visu sane sur lua nene torokin kila ita temesmes ruru nena temio, vera na ligan sumĳa ga. Ana peraga, naga pilopuia, mligan si ĳarin yar wa viu tai pimi mĳalivin ita, naĳa pe lus kiena ne yermarua taĳena nene Malkusteke.

<sup>12</sup> Ana komin Ntewa pisirilua ĳarin yar wa viu nene, mesmesun mĳena naĳa visirlua kana navisaluaena viu tai.

<sup>13</sup> Monar ve sanene, komin e nene naga pisayu kieta Suĳe, naĳa naga mĳalivi e lus ta naĳa pe la re nena ta sumĳal se wonta ana kila yurĳaena kiena ne yar wa poli.

<sup>14</sup> Lus naĳa Yesu mĳalivi ea, tekilia tesape naga lus nae Suta, ana pogos naĳa Mosis pisawal kia kiena ne lus kiena ne yar wa lala, naga pe pisawal re nena kia naĳa Suta poli.

<sup>15</sup> Ana lus na yar wa taĳena lala sumĳa ga, naĳa Yesu molue komea, nane lus kiena ne Malkusteke naĳa tepisasa ke narui. Sur ne nane kila narui tepisu sane Yesu pe sa re

yar wa taþena la poli, ana naga sa nena Malkusteke ne narui.

<sup>16</sup> Taþena la nene, apim ape yar wa komin ga naþa sane ape kana lus na kuruta mal nene, sa naþa navisaluaena marua pisa, ana Yesu pimi pe kieta þarin yar wa e pupia namareraena na kiena malena naþa taþatete akila karea, naþa sike sike lue narui.

<sup>17</sup> Tekilia tesape naga su lue sanene, komin naþa visena kiena ne Ntewa pisa rui, naþa sape

*"In na nemligan ko sane yermarua Malkusteke, ko ope yar wa maro na kiena lusa, naþa yoko ouarar yuþaena vano-o taþatete þisi pogos tai."*  
Yauena 110:4

<sup>18</sup> E nene, pimi merarava ruru pan ita sane Ntewa pilopu kiena mrapa na yuþaena. Mrapa marua naga navisaluaena kiena Mosis na sumo, naþa sumal sukaþar paþisi, ana sa naþa kiena namareraena naga pe torokin re kila sur wo ta van ita poli.

<sup>19</sup> Naga kila þele yon naþa kila mesmesun ruru ita, ana Ntewa mligan mrapa marua nena sike ga narui, kila si sitomen viu ta pa metava, kus lelena. Mrapa viu nane tekilia telelaga marera tesape naga pe mrapa namalena naþa pe lelaga, naþa kilia sumon ita teim lavisin Ntewa.

<sup>20</sup> Ana mrapa viu nena, navisaarena kiena ne Ntewa tai kilarar sumalar marera su lue na sike ne. Yar wa taþena na sumo lala, poglis naþa apuarar þarila, amiyawawo la vanon kiela yuþaena, pe navisaarena re tai sanene poli.

<sup>21</sup> Ana pogos naþa Ntewa pisirlua Yesu pimi pe kieta þarin yar wa, kila amio kiena navisaarena marera tai. Naga sa naþa visena tai na Tus na Yauena Wa Lala pisa, naþa sape

*"Ntewa pisaar marera rui, ana taþatete si vilopu kiena visena nene, visave*

*'Ko na yoko ouarar yuþaena sa naþa þarin yar wa kiena ne kiau yeririna lala, vano-o taþatete oþisin pogos tai.'*  
Yauena 110:4

<sup>22</sup> Ana Yesu þuarar ruru kiena yuþaena nena sanene, pe kile na naviranarena viu kiena ne Ntewa amio ita, naþa po manene la taulu na sumo, a pe nasiaren suri la naþa Ntewa pisaaria pan ita, yoko kila make ruru nena van ita sirau.

<sup>23</sup> Nanua sumo na yar wa la moki, komin naþa ta miyuþae pano-o kovio, taþena kus lelena, miyuþae ma pano-o, naga miena kovio, la akilakila sanene. La taþatete asu lue,

<sup>24</sup> ana Yesu, naga yoko su lue ga narui, ana yoko naga taaga ga uarar kiena

yuþaena sa naþa kieta þarin yar wa vano-o taþatete þisi pog tai.

<sup>25</sup> Sanene, naga sike ga e marana ne Ntewa silaga, mlen lue ga pania vanon ita, ana kila sane ita nanagane, pona ita la naþa tepim ke rau wa, ana naga ke narui naþa yoko tamalia make ruru ita punu ga naþa teva tokom puna teim lavisin Ntewa.

*Yesu na pe þarin yar wa nena napo*

<sup>26</sup> Tekekara paþisi naþa Ntewa pisa sane popon ligan þarin yar wa ta naþa po manene sanene imin ita. Naga pe yar ta naþa pe yar wa paþisi, pe napiowaena ta to re nena ea þisa, merarava paþisi, kiena þelaga pe sa re nena yar na kilaen mlamulen viowa la poli, kiena kia pa manene laa to metavan punu ga sur nae peni.

<sup>27</sup> Yar wa taþena la nene, la monar akila luen ga kuþaþaena na ikikena legiena punu ga. Sumo, monar akila vanon si kiela mlamulena viowa lala, a siraunia, akilia akila vanon mlamulena viowa kiena ne yeririna taþena lala, ana Yesu na pe sa re nene poli. Naga kila kuþaþaena na ikikinen mlamulena viowa na yomarava wetelu yam taaga, nanene e pogos naþa kuþaþain si tasnena vanon ita.

<sup>28</sup> Lelaga kemua naþa navisaluaena marua pimi sumo, ana kiena þarin yar wa pe yar ga, malum ga, ana naviranarena viu naþa pimi marea, kiena þarin yar wa naga mesmes lue ga, nane Yesu narina ne Ntewa.

## 8

*Naviranarena viu: yuþaena kiena ne kiena þarin yar wa naga po manene la*

<sup>1</sup> Ana vianen la naþa meta ne apisa sur mok liu e lepas na þarin yar wa lala. Ana pupia purþes nen visena tai sumã ga, naþa popon tesitom urmi ea, naþa pisa sape kieta þarin yar wa wo tanea ta sike rui. Naga Yesu, naþa þasuþe si pa ma e peni, ana Yerkawa Keviu na Yo na Ma Metava mligan naga totano teke e lepas nena na þamarua.

<sup>2</sup> Naga sike e yo nene, kila ke kiena yuþaena wa lala, sa naþa yar wa la nanua sumo akila lotena e yurã kanus wa naþa e yo mema. Ana lelen kilaen lotena nene, yar ga la amiyuþaena, ana kieta þarin yar wa Yesu naga miyuþae ke loyuþa e yo na lotena naþa po, pe lelaga ruruia, naþa Ntewa ga miyuþaena.

<sup>3</sup> A þarin yar wa taþena la nene, kiela yuþaena, silaga apisir plan la vena waren nalaena va Ntewa, a akila kuþaþaena la pania, ana popon teviun tevisave kieta þarin yar wa nene, pona naga miena

mīa nalaena pa Ntewa, a kila kuḡaḡaena pania?

<sup>4</sup> Visae e ga e yomarava nini, yoko taḡatete avisu naga sanē yaru wa tai, komin naga pe molue re kome lus kiena ne Livae poli, naḡa navisaluaena pīsalua pan la sape lala ga akilia awar nalaena va Ntewa. Sanene, kieta ḡarin yaru wa nene suḡa miyuḡāe ke ga e yo wa na ma e peni.

<sup>5</sup> Yo wa na yomarava nini, amio yuḡaena la naḡa akila ea, naga sa ga kana yanen ga, ana naga naḡa ma e peni, naga napo nena ga lelaga. Ntewa mēna pisa sa ke ga, pisa kilale pa Mosis, ve sanape naḡa yoko yuḡaen yuḡa kanus wa, pisape yoko yuḡaen taveve kana nono nena torokin naḡa naga pīsuia poglis naḡa pa ma e tavie.

<sup>6</sup> Ana sanene tepisu naḡa Yesu kieta ḡarin yaru wa pe lelaga napo, a kiena yuḡaena punuga powo la sane. Naga totano likan ita temio Ntewa, miyuḡaen naviranarena viū tai van ita temio naga po manene la sane, naḡa sike e navisaarena lala kiena ne Ntewa naḡa po laa sane, pano-o tepisu naḡa sike ma e yo wa na peni kila yuḡaena po manene laa sane.

<sup>7</sup> Visae naviranarena ḡes nene naga woga ga rui, vera na taḡatete si nalua nena, ana peraga, kila narui nanagane Ntewa pīsirlua naviranarena viū amio ita naḡa po manene rui.

*Naviranarena viū: Ntewa pīsaar nanua rui*

<sup>8</sup> Naviranarena naḡa na sumo, Ntewa pīsu sane pe miyuḡaen po re poli, pe torokin re kiena sitomen poli wa, ana kila naga pīsaar sina na urviū tai. Naga pīsaawal sanene e visena ta naḡa mla pa Navisawalena Serēḡaeva vena visawalia. E visena nena, Ntewa pīsaar sanini, sape

*“Ayagogo ruruia. Sineun nesape nevisa van amiu nevisave pogos ta pimi ke ne, naḡa yoko nekila naviranarena viū tai nemio amiu kiau yeririna lala, kam na lus kiena ne Suta amio lus nae Israel.*

<sup>9</sup> Yoko naviranarena nena ve maran taaga re amio naḡa nekila nemio kiamiu yermarua la nanua sumo ne. Naviranarena na urmarua nene, naga e pogos naḡa sineu mie la, noḡere plan la e pogos māarera gar Isip, ana sir-aunia, pe asitoḡal re si naviranarena nene poli, pe amlogear re si poli, kila narui in mēna nepilopu māsuu pan la.

<sup>10</sup> Ana nanagane, yoko nevisirilua si naviranarena viū tai nemio si kiamiu lus lala. E naviranarena nene, yoko nekila sanini:

*Yoko neligan ruru kiau navisaluaena lala sike e kiela sitomena lala, yoko nesiri kiau visena la sike e losinela lala, yoko neim neve kiela Ntewa kemua lelaga, a yoko aim ave kiau ḡegas nen yeririna.*

<sup>11</sup> E pogos nene, taḡatete si akilali naḡa avian la, sane ta kilali naḡa pīsaawal van nalavis puna, visave ‘Ke, mrapa nanene,’ pona ta pīsaawal va wenla, visave ‘Ntewa, naga sanene sanene.’

*Peraga, yoko taḡatete si akila ve sanene, komin yoko la punu ga veve taaga avisu kilale inu e kiela malena, siar e la naḡa pe kiela kia re poli, vano-o tol kiela yerkawa ne lala.*

<sup>12</sup> Nepisaar nesape kiela napiowaena lala, yoko neviewo nena ga, a kiela mla-mulen viowa lala, yoko ve nesitoḡal re si na rui.

*Nane kiau naviranarena viū ne nanene narui nemio kiau yeririna lala.” Ser 31:31-34*

<sup>13</sup> Ana e kiena visena nene, Ntewa pīsaay naviranarena viū nene, kila ita tepisu kilale sane naga pīsu ke kiena naviranarena na sumo nene sane pe urmarua rui. A sitomena ta suḡa ga sane sur naḡa Ntewa pisa ne sape pe urmarua rui, nagane pito la tano narui, ve ve viavi re yoko kovio make nenaga.

## 9

*Naviranarena viū: kiena lele na lotuena naga po manene la*

<sup>1</sup> Ana tekilia ruru po naḡa sane naviranarena marua, naga kana mrapa lala na kilaen lotena asuḡa ga, amio mēna kiena lele na kilaen lotena tai, naḡa sike ga yomarava nini.

<sup>2</sup> Lele na kilaen lotena nene, naga kana yuḡa kanus wa nena, naḡa aḡere pupia kulmrae ea, akila ḡerea sane loyuḡa lua. Lepas tai, naḡa apio asape Yo Wa, purḡes nen kapi vivaga tai naḡa kana koruas olua sike ea, amio varvara tai na kilaparavi lualima yam taaga pa lua, naḡa apio kilaparavi na vianen van Ntewa.

<sup>3</sup> A varaun kulmrae nene, lepas ḡas na vano, naga apio asape Yo Wa naḡa pe Yo Wa paḡisi.

<sup>4</sup> Loyuḡa e yo nena, naga kana wonta na ponotaninu nena naḡa amiyuḡaen e kol, amio pias nen navisaluaena. Pias nene amiyuḡaen kana kulusa e kol, yepas na loyuḡa a vanua, naḡa e kana loyuḡa nena, amligan ruru sur telu sike ea. Nasumo, naga pialora naḡa pe kol, naḡa kinakinasnen kinanena na yo mema naḡa asape māna teke ea, a sur na lua, naga plasgai kiena ne yermarua Aron naḡa

nanua na pitovi, a sur na maro, naga kilavaru lua naña pe lepalepasa naña Ntewa siri kiena navisaluaena sike e la.

<sup>5</sup> A e wos nen pias nen navisaluaena nene, naga pe keplamarana, naña asape lele na totanoena na sineyeena kiena ne Ntewa. A nono lua na navisi asuñal asike meta ea, naña akian kupela suvivi yo naña naurarena kiena ne Ntewa pitom ke tano ea. Ana yo wa na lotena naviranarena marua naga kana sur ne la powo pañisi, ana tañatete si tevisa sur ve moki e lep-asnela. Ana sur na visaena taaga, tesape yo na lotena nena, amio kana sur ne lala, naga amiyuñae ga e sur na yomarava la nini, tañatete nena sike sike lue, naga pe po re sane yo na lotena na naviranarena viu poli.

*Naviranarena viu: kana nakuñapaena nena naga po manene la*

<sup>6</sup> Sur la ne sike meta ne, nane sur ke la nene narui naña amligan ruru sike loyuñae e yuñae kanus wa na sumo nanua ne, ana poglis naña yar wa la apa loyuñae, amiyuñae amio la. Ana silaga, apava ke e ga e yo wa naña mon ñesa,

<sup>7</sup> ana e yo wa na lua naña pe yo wa manenea, yar wa lala pe apa li re nena loyuñae e poli. Yo nene yar taaga kilia va loyuñae ea, nane kiela ñarin yar wa, a naga pe pa re silaga poli, kilia va ea yam ve taaga ga e kasa. A visae pogos naña vavini, tañatete va koren ga sanene, ana monar taveve kana mrapa ne lala.

Sumon naña vavini, monar kila kuñapaena e sur mal tai, ana monar war piasnen kana kuruta nena va loyuñae sane nalaena tai, nanene na e lepas nen kiena mlamulen viowa amio kiena ne yeririna lala.

<sup>8</sup> Ana pogos naña akila ke sanene, naga sane pe kile na Ninuna Wa naña kila meraravan pan ita sape pog naña visae yuñae kanus nene susu ña ke ga wa, vera na ita yar kar la pe kieta mrapa re nena ta poli naña teva toworu e yo naña Ntewa sike ea.

<sup>9</sup> Kanus na yuñae wa nañani, amio kana kulmrae nena naña telan lipere loyuñae, a kana sur ne lala, la na ape sur na konua na ña rui, ana apisa ke pupia sur ta ne pan ita na nagane ne. Akila narui tesuñae tepisu kilale tesape nalaena la naña yaru wa lala amlavia pan Ntewa, amio kuñapaena la naña akila ke ne, akila poga ga, ana sur la nene tañatete kilia kila yeririna la aloge sane kiela sitomena la mekiki ruru nenaga e navisuena kiena ne Ntewa.

<sup>10</sup> Akila sur la nene, amio ya la naña narin navisaluaena la apisa, naga nene e lepas na mrapa na yuñaeenen kinanena

amio namunena, a e ñelaga na kevanen sur lala. Ana sur la nene ape na yepas nen yar ga na vanua, ana pe atol re losinena pona kiena sitomena poli. Kieta yermarua la apuarar ña ñelaga marua na sanene pano-o, ana sur la nene na ve nauarar laen ga vano-o tol pogos naña Ntewa kila kieta mrapa viu, naña kana naviranarena viu nena naña pimi ñaliv rui.

*Tana ne Kristo kevan ita mekiki rui*

<sup>11</sup> Ana pogos naña Kristo pimi ñalivi, naga pimi sane kieta ñarin yaru wa, naña pe na ñelaga marua re poli, ana pe na mrapa viu, vena kila narui tekilia tetol navisaruruena wa la naña Ntewa mligan ruru sike na. Naga pe pa miyuñae re e yuñae wa kanus marua na sumo poli, miyuñae e ta naña po manene la pañisi, pa la metavan nene. Yo wa naña kila ke yuñaeena ea, pe yar re miyuñae e limana po, a pe su re ñena e yomarava nini poli, sike nena e yo merarava e marana ne Ntewa nae peni.

<sup>12</sup> Ana pogos naña Kristo pa loyuñae e yo wa nene, naga pano pano-o tol nena kana yo wa naña pe yo wa nena napo, ana pa yam taaga ga, pe navaen re si pogos tañena poli. A pogos naña pa loyuñae, kuruta naña naga ñaria pe pe kuruta na nane re poli pona kuruta na narin puluk, ana kana kuruta nena napo naña mlaue lak torovia. Ana kurutana sike e marana ne Ntewa sanene, taulu naul luaen kieta mlamulen viowa la, naña tañatete ñis pog tai.

<sup>13</sup> Monar ve sanene, komin naña e ñelaga marua, visae yar tai kila sur ta viowa, amla narin kuruta na nane pona puluk, amio posnoyavi na narin puluk naña askapia, amla pa e yo wa. Ana e pogos nene asitom asape nalaena na sanene kilia kila yar nene ikiki si e marana ne Ntewa.

<sup>14</sup> Ana visae kuruta na sur mal ga la akila sanene, yoko kuruta kana Kristo naga kilia kila va ve keviu laa sane. Kristo pe yaru wa tai, naga mekiki ruru nena ga, pe kororaki ta to re e poli, ana naga tañan kiena malena vena Ninuna Wa la va Ntewa sane nalaena tai, ana naga pim pe kieta natamaliaena. Sanene, yoko kuruta kana Kristo kilia kila sineta la ikiki, kilia wereplan ita vetan kieta yuñaeena na marena lala, pisir plan ita vena tekila yuñaeena lala kiena ne Ntewa mali.

*Tana ne Kristo kila naviranarena viu suñalu marera*

<sup>15</sup> Ana komin naña Yesu kila yuñaeena wo pan ita sanene, tekilia tevisu naga, sane naga pe yar na waren sur wo lala na viranarena viu imi ñalivi e ita. Nanene naga



miyumaena e kiena marena, naŋa sane marena ta naŋa pul plan make maliena kiena ne yeririna lala naŋa akilaro navisaluaena lala na viranarena nasumo. Ana komin naŋa naga pul plan ita sanene, kila sane visae ita a naŋa Ntewa vio ita, tekilia tetol kieta lalimana naŋa yoko taŋatete ŋis pogos tai.

<sup>16</sup> Visae Yesu ve mare re, taŋatete tetol kiena lalimana la nene, ana sa naŋa sane mare kemua lelaga, navisaarena make ga naŋa na naviranarena nena apim sane visena maro kiena Yesu, ana sur make ga pimi e limata.

<sup>17</sup> Komin naŋa visae yar tai visaar maron sur tai sa naŋa kiena visena maro, ana pogos naŋa naga mal ke ga wa, apuarar ruru kiena visaarena nene suŋa ga, ana pe amiyumaena re poli suŋa pano-o tol pogos naŋa visae naga mare narui, yoko ayumaena ga na wa.

<sup>18</sup> Sa ke mēna naviranarena naŋa Ntewa kila ŋesania, naŋa visae kuruta na kuŋaŋaena lau, ana visena naviranarena sumālu.

<sup>19</sup> Sur nene Mosis mēna kila, naŋa Ntewa kian kiena navisaluaena la pania ma e tavie, ana pitomi tano pisawal make kana visena ne lala pa yeririna lala, ana pogos naŋa pisawal make pae, mēmomānar nakuŋaŋaena ne lala, vena kila sa naŋa visena navisaluaena nena amali, a asumālu. Amē momānar narin puluk lala a nane la naŋani ana naga mla kala narin kuruta ne lala, taron narin wii pito amio, ana mla narin laki tai, apio asape isop, piar vilus nen sipsip naŋa pivaga pa ea, ana puton pito e kuruta naŋani, peven ve tokak ga e tus navisaluaena nena, a peven mēna e yeririna lala, pisawal pan la, sape

<sup>20</sup> “Naga nene kuruta na sur mare naŋa vena kilaen navisaluaena kiena ne Ntewa mali. Ana monar tevtanonia a telogearia.”

<sup>21</sup> A sa naŋa peven kuruta nene e la, ana peven mēna ve torokaki e yuŋa tapolen nene, amio sur la naŋa asike loyuma ea, naŋa asuŋa akila ke kieta lotena amio la.

<sup>22</sup> Mrapa na yumaena la naŋa na navisaluaena marua nene la sa ke nene narui, naŋa lavis sur make ga naŋa amiyumaena ke amio la, monar aveven kuruta ea vena akila aim ave sur wa silaga. Naga nene sane kila meraravan pupia sur ta ne paŋisi van ita, sane visae kuruta ve lau re, mlamulen viowa taŋatete aviewoia.

*Naviranarena viiu: kana kuŋaŋaena ŋar plan make ga mlamulena viowa lala na yomerava*

<sup>23</sup> Sanene, sur la naŋa li wa la amiyumaena ke ea, monar akila mekik lue ga taveve

kana narin ŋelaga ne lala. Ana yuŋa wa kanus nena, amio kana sur ne lala, la ape sur na yomarava ga nini, ana sanapen yo wa naŋa na lelaga, naŋa nane Ntewa teke ea ma e peni? ?Naga mēna monar kana kuŋaŋaena na viewoen tai? Ee sanene, naga mēna monar kuruta lau vena kila make kana sur ne la ve sur wa, amio mēna yeririna la naŋa apa ke ea. Ana kuŋaŋaena na yo wa nae ma e peni, naga pe sa re kuŋaŋaena na sur mal la naŋa akila ke e yo wa na yomarava nini poli, naga pe kuŋaŋaena tai naŋa keviu manene la, a po lue ga.

<sup>24</sup> A kuruta na kuŋaŋaena nene sike e marana ne Ntewa rui, komin kieta ŋarin yaru wa Kristo ŋar pa loyuma e yo wa rui, naŋa pe yo wa re ga naŋa yar la amiyumaena poli, ana yo wa nene yo wa lelaga napo, nane ma e peni.

<sup>25</sup> A pogos naŋa kila kiena kuŋaŋaena nena, naga pe sa re naŋa ŋarin yaru taŋena wa la akila ke poli. La akuŋaŋain ga kuruta na sur mal lala, ana naga kuŋaŋain ke si na kana kuruta. A silaga apa akila e kana yo wa nena yam taaga e kasa punu ga, la akila luen ga sanene pa ke ne, ana naga kila yam taaga nena ga, pe nakilaen re si pogos tai poli.

<sup>26</sup> Visae Yesu monar kila luen ga kiena kuŋaŋaena nene vanon mlamulen viowa la naŋa yeririna la asuŋa akila lue ga pa ke na, kana kinasa sane siar e nasiiena na yomarava nini pimi tol nanagane, naga tamalele ga mēke e lak torovia mloge piowagan naŋa kana kuruta mlau lue silaga.

Ana e naliganaren naŋa Ntewa pisir lua naga pe sa re nene poli. Naga pisu naŋa luas nen pog naŋa tesike e nanagane pimi ke lavis narui, ana kila Yesu pimi paemen ita mare ga na wa. Naga pimi mālivilin ita, kuŋaŋain make nena kiena mālana, mēne plan ŋelaga na mlamulen viowa.

<sup>27</sup> E lepas naŋa ita yeririna lala, Ntewa kila sape tema e yomarava nini, ana yoko tokovio ea ŋisi na temel sina vena teva e nalipereena,

<sup>28</sup> a e lepas kiena ne Kristo, naga mēna sa ke ga. Naga pimi mālivi e yomarava nini, siraunia kuŋaŋain naga ve na waren kieta nakoena na mlamulen viowa lala, ana yoko naga imi mālivi si yam ta ne, pe na ulen re si mlamulen viowa poli, ana ve na wereplan ita vetan nakoena na kieta mlamulen viowa. Sanene, ita toŋasine ke ga naga, tesape monar naga imi tamalia ita.

## 10

*Nakuŋaŋaena kiena ne Yesu naga po la sane*

<sup>1</sup> Tesitomyu li si navisaluena marua kiena ne Mosis. Naga pisa mña sur wo laḡasa, ana pe pisawal make re navisaruruen wo naḡa Ntewa sinenan sape Kristo kila imi mälivin ita poli, kila sane navisaluena nene sane pe kulus ga, ana pe kana kinas re napo poli. Navisaluena marua nena, naga sumña kila ke ga kana kinakinas la sanene, kana kinas nene sane kiena kuḡaḡaena la naḡa akila silaga, maran taaga ga e kas punu ga, pe atorokin re poli, taḡatete akilavan make la naḡa akila ke lotena amio.

<sup>2</sup> Visae peraga, vera na la naḡa akila lotena sanene, aim amekiki ruru make wo ḡisi, ve aloge re si sane mlamulen viowa sike e la, ve asitom re si kilaen kuḡaḡaena, ana peraga, akila ke sina ga sanene silaga.

<sup>3</sup> Kuḡaḡaena lala, popon naḡa kila naḡa aninu sane pe kiela mlamulen viowa re si poli, ana peraga rui, e kas make ga apisu sane kuḡaḡaena la nene akila sane asitomäl si kiela napiowaena lala, ana amloge sane kororak na kiela mlamulen viowa sike e la wa pano-o pimi piowa manene la.

<sup>4</sup> La amninu ke sanene komin naḡa kiela sitomena ta sike na, naḡa asape kuruta na purwolu puluku pona kuruta na nane kilia yumu plan kiela mlamulen viowa sanape ne? Sur nene, asitom ḡele paḡisi, pano-o apisu sane peraga, aḡi ḡele yonia, kiela mlamulena viowa su mña ga.

<sup>5</sup> Ana komin sur ne la nanene, pogos naḡa Kristo pitomi mälivin ita e yomarava nini, naga pisawal kiena mrapa viu narui. Naga mla visena tai naḡa teke e tus na Yauen wa lala, pisa pa Ntewa Arimana, sape

*“Ko na pe sinoḡian re si kuḡaḡaena lala amio nalaena lala poli, ana okila ruru tasneu naḡa yoko netaḡian van ko.*

<sup>6</sup> *Sur la naḡa asikap lele ke ne, opisu apiowa ga, a nalaena la nakilaena mlamulen viowa ikiki, pe sinoḡian re nena ga.*

<sup>7</sup> *Ana siraunia, nesuḡalu nepisawal ruru pan ko, nesape*

*‘Ntewa in na nekekarana ga nekila ya naḡa ko sinoḡiania,*

*sur ne nanene in na nepitominia, sa ga naḡa Tus Marua sape yoko nekila.”* Yauena 40:6-8

<sup>8</sup> Ana popon tevisu ruru visena naḡa Kristo pisa ne. Sur ḡes naḡa pisa, pisa ke kuḡaḡaena lala amio nalaena taḡena la naḡa asuḡña akilakila ke ne, pe sur korena ga naḡa navisaluena sape monar akila, ana Ntewa pe mloge re nena pon la, a pe sinenan re si sape akila poli.

<sup>9</sup> Siraunia, sur na lua naḡa Kristo pisa, naga sape taḡian naga narui, vena imi kila nasinenanena kiena ne Ntewa.

E nene, tepisu mrapa na sumo na kilaen kuḡaḡaena komin mlamulen viowa lala, Ntewa koven lua nena ga, ana kom ga e kiena mrapa na lua.

<sup>10</sup> E mrapa viu ke nanene narui, Yesu Kristo kila sa naḡa nasinenanena kiena ne Ntewa pisa, taḡian make tasḡena wetelu, nane kila narui tepim temekiki a tepe wa e marana ne Ntewa, sike sanene sulue narui.

*Kuḡaḡaena kiena ne Yesu naga sulue na sike ne*

<sup>11</sup> Yar wa la naḡa asuḡña amiyuḡae ke e ḡelaga marua, monar la ḡas naḡa e legiena make ga asike e Yo Wa. La asuḡña akila ke narin kuḡaḡaena la silaga, naḡa akila lue ga maran taaga silaga. Kuḡaḡaena la nene akila ke ne komin mlamulen viowa la naḡa yeririna la akilakila ke na, ana pe atorokin re nena naḡa akilia awar plan ḡelaga na mlamulen viowa petan malena ken yar la poli.

<sup>12</sup> Ana kieta ḡarin yaru wa naḡa Yesu, kiena kuḡaḡaena na pe sa re nene poli. Naga kuḡaḡain sur taaga ga panon mlamulen viowa make ga, a kila yam taaga ga, ana pogos naḡa naga kila pae, pa teke metava e yepas nena Ntewa na ḡamarua.

<sup>13</sup> Ntewa pisu Yesu kila mña sanene, na pisawal pisape yoko war nasinekar kiena Yesu lala, ligan la asike vatanonia sane takue tai naḡa yoko vilavan lana ea.

<sup>14</sup> Pe yuḡñaena taḡena re si ta naḡa yoko Yesu monar kila sanene poli, komin naga mla nalaen ḡisi rui, naḡa kana kuruta kila ita temekiki, nanagane tepo rui e marana ne Ntewa, tesu ruru tesu mña sanene vano-o taḡatete ḡisi.

<sup>15</sup> Ninuna Wa mña miakol visena pan ita e lele nene, e visena ta pimi kome Navisawalena Seremñaea. E visena nena, Ntewa pisa sanini sape

<sup>16</sup> *“Ana nanagane, yoko nevisirlua si naviranarena viu tai nemio kiau yeririna lala.* Ser 31:33

*E naviranarena nena, yoko nekila sanini: neligan ruru kiau navisaluena lala sike e kiela sitomena, nesiriar kiau visena lala sike e losinela.”*

<sup>17</sup> Ntewa pisa pa sanene ana sukol si pa la sane, pisa sanini sape

*“Yoko kiela mlamulena viowa lala amio kiela napiowaena lala, taḡatete si nesitoḡalia.”* Ser 31:34

<sup>18</sup> Visena nene pisawal ke pupia naviewoena naḡa Ntewa kila pan ita rui, ana visae ve sa kemua nene, pe nalaen taḡena re si ta naḡa tekilia telavia komin naviewoen kieta mlamulen viowa lala

pona kieta napiowaena lala, komin naþa Ntewa kila ruru þisi rui.

*Ve temaraun re va lavisinen Ntewa*

<sup>19</sup> Wolai a vineu lala, sa nena naþa visena la nene apisa narui, kuruta kana Yesu pike mratavan ita rui, ana pe pon re si temarau poli, popon tokom ea teva loyumuña e Yo Wa naþa Ntewa sike ea.

<sup>20</sup> Sumo na pupia kulmrae nene telan mono kieta mrapa, ana pogos naþa tasnena ne Yesu porovia, kulmrae mēna nene purþa lepas lua, pietavan kieta mrapa na vaen loyumuña. Nanagane tesike e mrapa wo ne narui, naþa pe mrapa viu tai, a pe mrapa na vanonen malena.

<sup>21</sup> Ana Yesu kila kieta mrapa navaen loyumuña e Yo Wa sanene, naga pimi pe kieta pupia yar wa, naþa naga pisaar make ita ga la naþa na mratava puna ne Ntewa.

<sup>22</sup> Kana kuruta war plan kieta kororak napiowaena la naþa sike loyumuñan ita, kiena wii merarava kevan tasneta imi mekiki nena ga, ana ve temawa re sina, a tekilia teva loyumuña. Tekilia teva lavisin Ntewa naþa sineta la ve lelaga, teviawa manene mārera e naga tesape yoko ve koven lua ita re, yoko naga worworun ita ga.

<sup>23</sup> Tekilia telelaga ruru tevisave yoko Ntewa kila wo ve sanene van ita, komin naþa silaga, naga surña kila nena taveve ya naþa naga pisaaria. Ve tesitom þele re sina, ana touarar ruru yumuñaena wo navisawalen va yar taþena lala sur tanea naþa naga kila pan ita.

<sup>24</sup> Ana e ke sina ga e lepas na pun ita, popon tesitom ruruia, telual mrapa na yuren kieta sitomena lala vena sineta si manene ita la sane, a vena tekilakila ruru yumuñaena wo la van ita va laa sane.

<sup>25</sup> Pe pon re teligan þelaga na viranar ruru itaen poli, sa naþa yar laþas akila ke rui, ana popon teiilaar ita silaga. Pelaga wo la nene, monar tekila lue ga van ita, a visae tevisu pogos mārera na legiena maro la asike lavisi narui, popon towo lue ga van ita sanene va mña ga.

*Ve tesitom korenan re naliþereena kiena ne Ntewa*

<sup>26</sup> Popon teviun naviunena e lepas na pan ita naþa tetol nakiliaen la e visena lelaga rui. Teviunia tesape visae ve tevisuar ruru ita re, sane tesumuñal naþa tekila ruru ke mlamulena viowa, yoko ve sanapen ita narui? Navisatarimeena nena, sanini, mlamulen viowa la ne sanene, pe kana kuþapaena re si tai naþa yoko war plan poli.

<sup>27</sup> Ya ga naþa sike pa rui, nane navisaarena kiena ne Ntewa nalaen nakoena mārera vanonia, amio pupia

lelen kapi naþa yoko kekan make nena kiena nasinekar lala. Nanene naga pe sur tai naþa monar temaraun vaþisi.

<sup>28</sup> E navisaluaena marua kiena ne Mosis nanua sumo, visae yar tai kilaro kana visena ne tai, a visae yar ve lua pona ve telu avisave lelaga kemua, pe mrapa na sineyeena re si poli, yar nene yoko akilalua kiena malena veraga.

<sup>29</sup> Visae akila ve sanene va yar naþa kilaro navisaluaena kiena ne Mosis, ana yoko ve sanapen yar naþa pilon ke si māsina pa Narina ne Ntewa? Yoko naga kiena nakoena ve keviu manene laa na wa, komin naþa naga þarnena kare kuruta naþa naviranarena viu naþa kila naga mekik rui e marana ne Ntewa. Yoko Ninuna na lemamiena loge viowagan þelaga nene vaþisi, sinen kar li yar naþa kila na wa.

<sup>30</sup> Yoko monar war nakoena nena, komin Ntewa pisaar sanene þa rui. Kiena Visena Wa tai sike e Tus na Visaluaena, naþa pisa sanini, sape

*“Naliþereen mlamulen viowa, naga kiau in ga taaga.*

*Yoko nelamaran si van la mārera na mārera vanon kiela naviowaena lala.” Nav 32:35* A e ke e lele nene na wa, visena taþena pisa ke mēna ga sanini, sape

*“Yoko Ntewa na mava liþere kiena yeririna lala.” Nav 32:36*

<sup>31</sup> Monar tevisuar ruruia, komin yar naþa kila mlamulen viowa, pogos naþa aligan naga e limana ne Ntewa vena visu vevea, nanene na pe narin sur re nene poli, naga pe sur namarauen ke nene narui.

*Viawaena mārera navisuen sur naþa yoko imi māliv na wa*

<sup>32</sup> Temninue kare narui aña yoko ve sanapen legiena la ne pimi ke ne wa, ana popon tesitomañal luen ga mrapa wo la naþa Ntewa miila ita ea, e legiena la naþa þaro pa rui. Nanua pogos na tepim toñaliv e yomerarava, pe piavi re nena poli, tepane pogos mārera la paþisi, naþa akila piowa manene la pan ita naþa temlelaga ke e Yesu.

<sup>33</sup> Pogos la þasa, e ga e maran yar lala, akoven visena viowa la pan ita, a pogos taþena laþasa, akilapel ita ga e þelaga viowa la naþa piowa na piowa manene la. Pogos laþasa, pe akila re pan ita poli ana akila pa kieta erau taþena lala, ana tepa tesurñal tesu temio la, temiila la.

<sup>34</sup> Ita laþasa, akoven la apa e yumuña nakoena, ana sineta miye la paþisi, tepanon tekilali naþa teiila la vena towar plan re kiela pupia naloge viowaen naþa

apisu e yo nene. A pog taþena si laþasa, la naþa sinela kar ita apimin kieta sur lala, aþar plan kare petan ita naþa tekilalu manene la sur lala. Ana e pogos nene, pe sineta kar la re poli, tetamian ga, komin naþa nasinekekaren tai sike e ita, sane sur la naþa aþar plan pavano lala ape na yomarava ga nini, ana kieta sur nowo la naþa apowo manenea asike ga wa, naþa taþatete akovio pog tai, yoko ave kieta lue narui.

<sup>35</sup> Nane kieta pupia naulua itaena nane nanene narui, naþa yoko Ntewa la van ita, ana komin naþa nalaena tanea nene sike e marata, pe pon re si tekilapal nakiliaaren mārera naþa sike e ita poli,

<sup>36</sup> ana monar tesuñal ruru nena mārera tese Ntewa. Kieta sitomena la monar ve piavi ruruia vena tesuñia tekila ga kiena nasinenanena ne lala, ana tekilia tetol sur la naþa naga pisaar pan ita.

<sup>37</sup> A pog na tolena, pona ve ve piavi re yo, yoko imi mālavin ita, sa naþa visena kiena ne Ntewa tai naþa navisawalena Aþakuk pisawalia, sape

*“Yam ve plas la sina, ve ve piavi manene re, ana yerkawa naþa yoko imi ne, naga taþatete si su laa sane, yoko imi mālivi nenaga.*

<sup>38</sup> *E pogos nene, kiau yar mesmes lala, yoko amal ruru nenaga, komin naþa amlelaga e inu,*

*ana visae nevisu lala yar tai yepen mavin inu, weresu si naga, yoko taþatete nena nekekarania-a pisa.”* Aþa 2:3-4

<sup>39</sup> Ana pe ita re nene poli. In na pe nesitome re nesape ita yar sur la ne sanene yoko temaraun Ntewa poli. La naþa aþeresula sanene, yoko monar ava akovio ga narui, ana ita naviawaen mārera ea, monar tetol malena.

## 11

*?Naviawaena naga ya ne?*

<sup>1</sup> Kieta viawaena nena, yoko tevisave naga sur ya na sanene? Tekilia tevisave naga pe þelaga na wasine ruruen Ntewa mārera, naþa kilia kila kieta sitomena kapuru ruru wo e ga e naga, a kilia kila kieta lelagaena mārera, tesape sur la naþa pe tepisu re poli, ana pe lelaga naþa asuñia ga.

<sup>2</sup> Viawaena naga pe pupia sur tai paþisi e navisuena kiena ne Ntewa. Siar e repita nasumo lala pimi, mrapa taaga nena nanene naþa Ntewa kila sane kilia kekaran yarui.

<sup>3</sup> Pelaga naviawaena ne nanene narui kila ita tepisu kilale sane pe lelaga kemua,

visena kiena ne Ntewa ga sii make suria, kila kieta yomarava nini pimi mālivi. Kiena māreraena ne nane mla sur la naþa yar taþatete visuia, miyuñiaen make sur la naþa tepisu sike ea.

<sup>4</sup> Popon tesitomyu si repita na sumo laþasa, sanape naþa la mēna apiawa e Ntewa nakonua.

Ta naþa naga yermarua Epol. E kiena naviawaena e Ntewa, naga mlotun e nalaena ta naþa mesmes paþisi, ana Ntewa kekarania, naga pisu po manenea taulu nalaena naþa wenla naþa Ken sinenan sape lavia. Ana Ken sinen mimi, mēmār wenla nena, ana þelaga wo naviawaena kiena ne Epol e Ntewa kila Ntewa pisu sane naga pe yar mesmes tai, a suri nene kilia iila ita ke vim tol nagane na wa.

<sup>5</sup> Taþena sina, nane yermarua Inok. E kiena naviawaena e Ntewa, naga pe tol re marena poli. Naga pe yermarua, ana Ntewa ga pitomi þerelua naga, kovio e yomarava nini pa metava, ana akale pano-o pe añal re poli. Ntewa kila sanene pania komin pogos naþa sike e yomarava nini, naga pe yar tanea tai naþa Ntewa kekaran paþisi.

<sup>6</sup> Lelaga paþisi, visae naviawaen e Ntewa ve su re e ita, taþatete tekila naþa yoko Ntewa kekaran ita. Yar a naþa sinenan sape kilia Ntewa e kiena malena, sinenan sape imi lavisinia, naga monar viawa manene sanini. Naga monar lelaga sane pe lelaga kemua paþisi, Ntewa suñia ga, a monar wasinea sane yoko Ntewa kila wo vaþisi va la naþa akale ke naga.

<sup>7</sup> Yermarua si tai naga Noa. E kiena naviawaena e Ntewa, naga kila ya naþa pisa pania. Ntewa pisawal pupia womie nene pania, ana pogos naþa Noa pe pisu re nena kana kile ta poli wa, ana kila ga ya naþa Ntewa pisa pania, kila kiela pupia waa nena vena namratava puna lala akilia amal ea.

Naviawaena kiena ne Noa nene e Ntewa tamalia la nene, kila mēna pupia nakoena pimi mālavin make yar taþena lala e yomarava, komin naþa pe amlelaga re poli. Ana Noa naga pe na þegas kiena ne nalelagaena lala tai e Ntewa, ana Ntewa kila amesmes e marana.

<sup>8</sup> Taþena si tai, naga yermarua Epraam. E kiena viawaena e Ntewa, naga mlogear ruru paþisi, molue petan yo naþa sike ea, pa e yo taþena tai, naþa Ntewa pisaar sape tamian vania. Naga mialin ke sape va ea, mminue kare sape añia kope ke na wa, ana komin naþa Ntewa pio, naga pa ga narui.

<sup>9</sup> Naga mial mña pano-o, pogos naþa pa mālivi ea, sa ga wolawa ga tai, ana

purvanua ke naŕa Ntewa pisaar pan narui. Ana ŕere yurŕa tapolen mŕene yo nena, sike e nene amio na mratava puna lala, sa naŕa narina lala, naŕa Aisak lala amio mapina lala naŕa Sekop lala, naŕa la mŕena akus porotano nene naŕa Ntewa taŕŕan pan la ve kiela lue.

<sup>10</sup> Ana Epraam tol yo nene, sike ea, ana pe kila re pupia mŕana yurŕa ta poli, mŕeke ga e yurŕa tapolen la naŕane. Naga nene komin naga kiliar ruru po paŕisi sape pe mŕana urŕa re napo nene poli wa, ana naga sukoko ga e nene na wa, vena yoko va e pupia pulkumali kiena ne Ntewa, naŕa Ntewa pisirlua a miyurŕaen amio kana ŕeren mŕarera naŕa taŕatete si wororowa pogos tai.

<sup>11</sup> Ta sina, naga sira marua Sera. E kiena naviawaena e Ntewa, naga mŕeŕenan ŕesan narina naŕa Aisak. Nakonua nena, pe ŕarli re sisi poli wa pano-o pimi pe sira marua, ana sumŕal mŕarera sike e naŕa sape yoko navisaarena kiena ne Ntewa ve lelaga vania amio wona yermarua Epraam, sape yoko lalua awar narila.

<sup>12</sup> Yermarua Epraam mŕena ga sa naŕa mrae pito tano rui, ana narina naŕa ŕaria kila namratava puna la apim ape mok paŕisi. Ana siraunia aŕarliluen la apitom sanene, pano-o kiena lus lala apim ape mok sane verue la metava ma e sinapane, taŕatete si aulola, asaga mras nen none la garo losi narui.

<sup>13</sup> Ana yermarua make la naŕa amlalaga e Ntewa sanene, Ntewa pisaar kiela sur wo lala pan la, ana aŕar ga kana narin kinakinas komŕasa, ana amar tan yomarava nini. Ana akilia asape Ntewa ŕar ligan ga laŕasa sike ga wa, yoko warpo nakeviu sirau, ana kila apisu kilale asape ape wolawa ga e yo nena.

<sup>14</sup> Yomarava nini naga pe kiela yo re nena poli, ana kiela sitomena sike e mŕala urŕa taŕena naŕa napo.

<sup>15</sup> Ana visae yo naŕa asitom manenea naga purvanua ke naŕa amligan apim, visae la sinelania, akilia avilopu la awasuŕe si ava e wo ga.

<sup>16</sup> Ana peraga, pe kiela sitomena ŕasuŕe re si pa e nanene poli, la asitom ke asape atol yo taŕena naŕa po manene la sane, sinelan ga urŕa nae ma e peni. Ntewa kila ruru make kiela pulkumali wo nene rui, ana naga sinenan paŕisi sape popon loge avisave naga pe kiela Ntewa kemua lelaga, a naŕa avisave mŕana urŕa, naga ve mŕala urŕa lue narui.

<sup>17</sup> Ana e lepas kiena ne yermarua ke la nene na wa, tevisayu si yermarua Epraam, naŕa e kiena nakilaliena mŕarera naŕa naga pisuia. E kiena naviawaena e Ntewa, naga taŕŕan nena narina taaga naŕa Aisak

pania, taŕŕan sape kuŕaŕain ke sina ga vania. Aisak ke naŕa nanua ne Ntewa pisaar mŕarera pa arimana, sape  
<sup>18</sup> *“E narurŕa nene, yoko kionŕa lus la aim ave moki.”* Jen 21:12

<sup>19</sup> Ana pogos naŕa Aisak lavis mare, Epraam pe kiena sitomena re poli e navisaarena kiena ne Ntewa nene, ana naga mlalaga ke naŕa sape visae monar weŕŕar narina nene mare, Ntewa kilia tamalia si wo ga ne. Ana Ntewa pisu naŕa kiena naviawaena pe lelaga sanene, ana Aisak pe mare re si poli, ana ariman pisu ga naŕa Ntewa mla maran si malena kiena ne narina nene pania mligan e limana.

<sup>20</sup> Ana yermarua taŕena si tai, naga narina ne Epraam naŕa Aisak. E kiena naviawaena e Ntewa, mla kiena visena maro pan narina lua nene Sekop amio Esau, mlalaga mŕarera sane yoko sirau navisa ruruena imi van lalua sa ga naŕa pisaar pan la.

<sup>21</sup> Ana Sekop mŕena nene sanini, e kiena naviawaena e Ntewa, ŕasine ga naga sane yoko kila wo van kiena lus lelein la naŕa avim sirau. Naga ŕar narina naŕa Yosop, ana Yosop ŕar narina la lua. Ana pogos tai, lavis repila marua naŕa Yosop kovio, sumŕalun kiena plasgai telan ŕarina pito tano vena lotun Ntewa, ŕisi na pisawal navisaarena navisa ruruena pan mapina la punu ga.

<sup>22</sup> Arimala marua nene Yosop, naga mŕena popon sa tesitorŕalia. E kiena naviawaena e Ntewa, naga mlalaga mŕarera sape Ntewa ve ligan re yeririna nae Israel la asulue Isip, ana yoko wereplan la awasuŕe si e kiela purvanua wawa. Naga pisawal sanene, ana pogos naŕa kiena malena lavis ŕisi, pisa mŕena sape visae naga mare, ve asin re mon Isip, monar akus vano-o asin mŕene kiela yo.

<sup>23</sup> Taŕena sina naga yermarua Mosis, kiena yermarua lua. E kiela naviawaena e Ntewa, pe amaraun re navisaluaena mŕarera kiena ne Parin Suŕe Pero poli, pogos naŕa narila nane Mosis paeme, apinaia naga paŕisi, pe ataŕan re aŕeŕar poli, ana akuswan naga mon monŕa ga, pano-o tol kupario telu.

<sup>24</sup> Ana Mosis nene, naga mŕena, pogos naŕa kapuru pa keviu pae na, naga mŕena pe yar na lelagaena. E kiena naviawaena e Ntewa, pe sitom manene re e kia wo naŕa amla pania, sa naŕa Parin Suŕe Pero narina naŕa sira, narina,

<sup>25</sup> ana naga sitom manene la kiena lus taŕena lala, yeririna na mratava kiena ne Ntewa. Naga mligan urŕa mŕana yar keviu, amio ŕelaga la na yomarava nini, naŕa sane kana kekarena pe na ŕane ga ne, ŕisi na pa miakol amio kiena yeririna lala e

malena na pog m̄arera la naḡa le Isip la akila ke pan la.

<sup>26</sup> E pogos nene, naga suḡa sitom veve ke ga navisaruruena la naḡa kilia imi m̄alivin naga e pogos la naḡa pimi sirau. Naga mnunun sape visae kus ke naloge viowaena amio la vanon yuḡaena kiena ne Navisaarena, naga po manene la taulu naḡa naga kus ke sur wo lala na malena memee ga e uḡa m̄ana ne yar keviu nae Isip.

<sup>27</sup> E kiena naviawaena e Ntewa, pe maraun re sur ya naḡa Parin Suḡe Pero kilia kila vania, ana naga mligan ga Isip sa naḡa Ntewa pisa pania. Naga pe pisu re marana ne Ntewa poli, ana ḡar yon ga naḡa logearia sa ga naḡa pisu nena e kilamarana.

<sup>28</sup> Naga ke sina ga, e kiena naviawaena e Ntewa, naga ḡuarar ruru mrapa nata-maliaena naḡa Ntewa pisa pania, a naga kila kiena yeririna lala aplan ke kuruta na sipsip e m̄ala pulutava lala, ana pogos naḡa Ntewa mligan kiena navisi na marena pitomi vena la nakoena va Pero, war ro ga kom metavan m̄ala uḡa lala, pa m̄emar m̄earu na uḡa punu ga nae Isip.

<sup>29</sup> Ana sirau nanene, yeririna nae Israel la nene aḡure matan Pero, amial apa atol Sive naḡa Pivaga. E kiela naviawaena e Ntewa, akusro pupia sive nene apa lepas ḡasia, amial ke apano-o sa ga amial ke ga e porotano. Ana la nae Isip asirau apimin la, ana la m̄ena amial asape akusro sa ke ga, ana pupia sive nene pimi pranwo la sina, kila talilun make la ga amarmare.

<sup>30</sup> Ana pogos naḡa yeririna nae Israel lala amial apa la sane apa atol pupia kumali naḡa Seriko, amio kiena li na mara la naḡa asike loyūḡa e kana pupia kove naḡa amiyuḡaen e kilavaru telivi piora. E kiela naviawaena e Ntewa, la nae Israel amial atalivi e kumali nene pano tol legiena orai, pano-o tol legiena na olua, apisu naḡa Ntewa kila kove la nene amloloru veraga.

<sup>31</sup> Ana loyūḡa e kumali nene, sira tai suḡa ga, naḡa nanua sumo pe sira na mrapa, kiena kia Reap. Sumon, yar la lua navisu veveen yo kiena ne le Israel lala, la apa atapolou loyūḡa Seriko, ana pogos naḡa asike ea, sira nene ḡerewan la e m̄ana yuḡa, miila la keviu paḡisi. Yaru taḡena la nae kiena yo, pe sinelan re avatanon Ntewa poli, ana e pogos na mara, amarmare, ana e kiena naviawaena e Ntewa, Reap pe mare re poli, atamalia kiena malena.

<sup>32</sup> Nane repita marua la ḡasia naḡa ape purḡes nen yar naviawaena nakonua. Ana tekilia teva laa sane, vanon kia moki sike ga wa, sane yermarua la nene Kition, Parak, Samsen, Septa, amio Parin Suḡe

Tepet, amio m̄ena Samiuel amio navi-sawalena taḡena lala, ana nesisu sane torok ga wa, pe aora torokin re poli naḡa nekilia nesiri plan kiela suniena la veve taaga e la punu ga.

<sup>33</sup> Pe lelaga kemua, visae teloge ga sunena la nene na, apo na apo. E kiela naviawaena e Ntewa, kieta yermarua lala akila pupia sur la moki. Yoko tevisu naḡa akila mara ataulu purvanua m̄arera taḡena lala, ana akila naḡa yeririna na yo viowa lala monar ayuḡaen ataveve nav-isaluaena na po, ana am̄areran na tolen ya naḡa akilia asape Ntewa pisaar pan la. Yeririna taḡena lala akuwanla apito e ḡilipili na laion vena akan la, ana pe akan la re poli.

<sup>34</sup> Akuan la e pupia kapi, ana taḡatete nena kekan la. Pogos laḡasia apane playu na mara, ana aḡure matan poga ga, a pogos laḡasia li na mara la akila kare la m̄a pano-o pe puriula m̄arera re si poli, lavis ga ḡisi. Ana sirau, apisu ga naḡa apa sina metava, am̄arera manene paḡisi, akila mara amio kiela li na mara na purvanua taḡena la nene, pano-o ataulu la, am̄ene plan la aḡasuḡe sina.

<sup>35</sup> Lala ḡas amarmare e pog m̄arera la nene, ana ola la atagin la, ana amilan ga Ntewa mla si ninula pan la sina, pisir plan la amal sina.

La sina ḡasia, nasinekar la akila yepe lalae moki pan la, a akilali la visae la avisave la pe amlelaga re si e Ntewa poli, yoko aligan la awasuḡe la sina. A visae avisave asuḡa amlelaga ke ga e Yesu wa, yoko akila m̄arera la sane van la na wa.

Ana e pogos nene, yeririna lala kiena ne Ntewa asape visae akila m̄arera la ve sanene van la, poga ga, ana taḡatete aligan kiela Suḡe. Asitonḡal ga asape e pogos naḡa visae naga visirplan la sina, la sinelan suḡalen se marana naḡa akekara, a ve amawan re sina.

<sup>36</sup> Lala ḡasia apiar la, aḡure la apa aḡe la e yometava e maran yar la naḡa apisa kare la ke paḡisi. La ḡasia, pogos naḡa apiar la, nane e sen urmi lala, akuan la ḡararia e yuḡa na koena.

<sup>37</sup> Lala ḡas sina ga, akove moḡar la, la ḡas apiliro la komḡas lua e sowa, ḡasia atem̄ar la e playu na mara lala. La naḡa visae ve amare re, la m̄ena ga sur m̄arera van la pa ḡisi. Pe kiela sur re poli, limala plas paḡisi, ḡisi na asi plan ga kulus nen nane pona sipsip vena ayenia nakilaen yepela visusun. Sur la punu ga piowa lue ga pan la, a yar taḡena lala pe apisuar la re nena ga, akila kare la keviu ḡisa.

<sup>38</sup> Pe m̄ala uḡa re poli, a pe kiela yo re naḡa ava e poli, ḡisi na asuḡa amialialoro

kar ga e yo mema a metava e tavie lala, asu kar ga e pulŕe lala.

Nane yar na viawaena lala na sa nene. Yomarava nini na piowa manene la pan la, sa naŕa tekilia tevisa tesape yomarava nini pe torokin re si yeririna wo la na sanene ase poli, yar la na sanene popon asuŕa ga mlaa uŕa metava ma e peni.

<sup>39</sup> Tepisu sane la punu ga naŕa tepisayu la pa rui, apane pog m̄arera la mok paŕisi, ana pe amlor re poli, asuŕal m̄arera ga, kila temnunul kilale kiela naviawaena e Ntewa keviu, a pe lelaga. Ana la ape na pog nane naviranarena marua nanua sumo, ana asuŕa amloge navisaarena wo lala kiena ne Ntewa, sane yoko naga kila mrapa naŕa akilia atol malena naŕa ve uro re, ana pe apisu re mras navisaarena nene molue pula poli.

<sup>40</sup> Ana Ntewa pisuveve sape popon kila mrapa viu tai van ita. Ana pitetalia Yesu pitom kila pae kiena yuŕaena, kila sane la nanua sumo ne, amio ita, ita punu ga towar mras na visaarena kiena ne Ntewa nene e mrapa ve taaga ga, a e pogos taaga ga.

## 12

*Kilamarata suŕa ga e Yesu, naŕa naga m̄arera manene pano taulu pogos m̄arera lala*

<sup>1</sup> A la punu naŕa tepisayu la ŕaro rui, la na sane ape pupia purŕes nen viawaena lala, asa ga pupia ŕegas nena naŕa asuŕal asuŕa apisuveve ita ke ne, asuŕa apisu ruru ke kieta viawaena, asape yoko tekirir va ve sanape. Sur ya naŕa suwo ke kieta mrapa, monar teyaslua, a mlamulen viowa la naŕa suŕa piar kare ita ke ne, monar towarplania, ana tom̄areran kiririen e mrapa piavi naŕa sike e marata, naŕa sitomiena na ligana ve su re si e ita, kieta sitomen la ve piyavi ga.

<sup>2</sup> Tekira tevisuar manene Yesu, naŕa suŕal sike e luas nen mrapa gare. Naga pe purŕes nen mrapa na viawaena, a pe kana luas m̄ena ga, ana pogos naŕa tesitomalia, yoko la m̄areraena van ita. Tekilia tesitomyu si pogos naŕa naga ŕar ke yepe lalaea a naloge viowaena meta e lak torovia, naga sitom korenan ga pogos m̄arera naŕa naga panae. Naga mligan kiena sitomena m̄arera su ga e pupia kekarena naŕa sike e marana, kila m̄a pano-o tauluia, ana nanagane teke e lepasnena ne Ntewa na ŕamarua, e pupia lelana wa ma e peni.

<sup>3</sup> Popon tesitomyu m̄a Yesu, e pogos naŕa yeririna viowa la nene akuan make visen viowa la pania, sinela kar manene paŕisi, ana naga tam̄an ga naga pano tol luas. Sanene, ita m̄ena popon ve sineta maren

re yuŕaena vilaga, a taŕatete temarau, ve tesitom re urmatanen ya naŕa monar tekila.

<sup>4</sup> Pona tesitom ke tesape temloge piowagan kilaren mara temio ŕelaga viowa ana torok yo narui, sineta mare, ana pe tetol re ya naŕa Yesu kila poli wa, pe tesu wo li re mlamulen viowa poli wa, pano-o kata kuruta mlau e yepeta.

<sup>5</sup> A popon ve sineta ŕesan re visena na iilaren naŕa Arimata Ntewa pisa pan ita, sape pio ita sane narina lala, sape

*“Naruu, visae nevisu popon sane naloge viowaena tai imi tol ko, ve ositom korenan re,*

*pona visae yam laŕasa nevisu sane monar nela nakoena van ko, kioŕa sitomena ve lor re, komin kiau ŕelaga navian koena naga sanene.*

<sup>6</sup> *Visae la naŕa sineu sii la, yam laŕasa monar nekila aloge viowa,*

*a la naŕa nepe Arimata, yam laŕasa monar nowela.” Pakaiwa 3:11-12*

<sup>7</sup> Sanene, visae pog tai ovisu sane ve sanene van ko, monar om̄arera, otam̄an ga sane mrapa ke tai naŕa Ntewa sinenan sape vian ko e narui, sinenan sape kila ruru kioŕa malena ne. Ita punu naŕa tepe ata, tesuŕa tekila ke sanene pa narita lala, ana visae Ntewa pisu ita sane narina lala, naga monar kila m̄ena ve sa ke nene van ita.

<sup>8</sup> Sur nene naga yoko ita make tetolia, a visae ve kila re van ita tai, naga pisu yaru nena sane pe pe narin ruru re napo poli, naga pe narin yar nae ga koyo tai.

<sup>9</sup> A nanua sumo, ita make ga, pogos naŕa arimata la amla ke nakoena pan ita, pe sinetan re poli, ana pe lelaga, nenaga ne tepisu kilale sane amesmes ga, a kila sane tesitom la va la sane. Ve sanene na, popon manene tevatanon Arimata e ninuta, tekekaran ya naŕa kila pimi m̄alivin ita, vanon naga ke nene narui pe mrapa na malena.

<sup>10</sup> Arimata lala amla ke nakoena pan ita e kas la naŕa tepe sisi ke ga wa, akila sanene komin asitom asape yoko wo la sane van la ke sina ga, ana pogos naŕa Ntewa mla nakoena pan ita, kila vena yoko wo ke sina ga van ita, vena ita m̄ena ga tekilia tetol kiena malena wa.

<sup>11</sup> Nakoena pe sur tai naŕa e ke e kana pog na kusena, pe kiki re nena ga, melkalka paŕisi. Ana siraunia, visae tetam̄an naga vian ruru kieta malena, yoko war mras napo lala, sane ŕelaga na monaena a suŕarena, amio ŕelaga na waena a na mesmesuena.

<sup>12</sup> Ve sanene, visae sur ya naŕa avitaweia, amiu akilali sane navi-sawaliena Aisea pisa sumo, naŕa sape

*“Avisir plan limamiu la naḡa tayoi sike ne, akila la akulul sina, a purpur na lamiu la naḡa miyuyuwawa ke ne, akila la añarera sina.” Ais 35:3*

<sup>13</sup> Sanene, amiu mēna ga akila ruru si kiamiu mrapa la ašmeses ruru wo, ana kiamiu laulu la naḡa ayaloro atavevea, yoko lala ve viowa manene re la sane, ana yoko imi mārera sina.

*Avisuar ruruia ve akila pal re mrapa*

<sup>14</sup> Sur lua na waryoen silaga la sanini. Tai, naga ḡelaga na ve erau woena amio yeririna taḡena lala, a ta sina, naga ḡelaga na malena wa naḡa yaru monar se ea visae sinenan sape visu marana ne Ntewa na mava.

<sup>15</sup> Ana monar ayuñae mārera vena ve amiu yar tai naḡa kirir mña pano-o ḡisi ga e mrapa komsusia, naḡa pe tol re lemamiēna kiena ne Ntewa poli wa. Ovisuar ruru mēna ga naḡa ve narin ḡeligas melkalka ve imi tawa re e sinerña. Visae pere, ḡisi na kapuru war mras la ve moki naḡa piowa e kiomña malena, a kana kororak ne la ve kila kare re malena wa kiena ne li na lelagaena wa taḡena lala.

<sup>16</sup> Monar ḡelaga viowa na yermēne amio sira ve imi re e amiu, a monar ve ḡelaga nasineḡesan ruruen re Ntewa, sa naḡa Esau kila nanua sumo. Esau nene, Ntewa kilologia naga pe mēaru kiena ne arimana vena kilia war lalimana ve kiena, ana pogos tai naḡa visokaria, mlopon ponos nen pursi wo naḡa wenla na vetokaki Sekop miyuniēnia, ana mias lua sitomiēna kiena ne Ntewa e kiena malena, pisa pa wenla, pisape “Ei, ola pursi nene im van inu nagane, a lalimana ne ata make ga naḡa pe kiau, ana nela vaniko.”

<sup>17</sup> Ana sa naḡa tekilia ḡa rui, siraunia Esau pisa sape yoko war maran si lalimana ne arimana ve kiena, ana apisaluḡar ga, vanon naga ḡiliwilin plan rui. Ana mloge piowagania, tagi pano-o kila ḡele ga rui. Naga sitom ke sina ga, sape sa ve kila re ga, ana nagane kilalu rui.

*Tavie naḡa Sinae na yomarava, amio tavie naḡa Saon nae peni*

<sup>18</sup> Ana popon tesitomli si ve tokak ga e lepas nen navisaluaena na sumo wa, amio lologena wo kiena ne Yesu Kristo naḡa pimi ga na wa. Sur lalua nene pe taḡena paḡisi, ana sur nene tekilia tevisu kilale e kala tavie la lua.

Tavie na navisaluaena marua, nane Tavie Sinae, naḡa na yomarava ga nini. Kieta li marua le Yu lala akilia apisu e kilamarala, ana apisu sane pe pupia yo wa na maraena, naḡa kap mēke ea a kana pulḡalu ne lala yo malolo ga rui, amio kan

yaku nena naḡa yemalolo kalo make ga, a lagi tai miyui lue ga ea.

<sup>19</sup> Ana pupia kana kumasua nena miyelyelu mñalia, ana amloge pulgo tai pis naḡa urmi paḡisi, kila sane amarau pano-o, atag asape ve visa re si sur tai van la.

<sup>20</sup> Apisu sane yo nene pe wa paḡisi, akranwo ruru nena, sane visae sur mal ya naḡa waro lavisin tavie nene, kus pal laea, yoko monar akoveñaria.

<sup>21</sup> Ana yermarua Mosis pisu sur la nene, naga mēna marau, pisape “Lelaga naḡane, nemiuyuwawan ga marena.”

<sup>22</sup> Naga nene tavie wa na navisaluaena marua na sumo, ana nanagane na pe tepa re si e poli, tepim e tavie wa viu na lologena wo nene na Tavie Saon. Naga sike ma e peni, naḡa pulkumali kiena ne Ntewa mali mēke ea, naga pe Yerusalem viu ne nae yo mava. Naga pulen ga navisi lala, mok na mok naḡa sane apulopule ga, naḡa asuvileviles kar ga vena kilaen yaena na kekarena.

<sup>23</sup> Ana likan la, ita ḡegas na li na lelagaena wa la tesike lele taaga ea, naḡa ita tepe sane mēaru lala kiena ne Ntewa naḡa teḡar lalimana. A amio ita mēna, ninuna ne kieta yar mare lala asike ea, nane la naḡa amesmes ruru pa rui e yomarava, ana pogos naḡa amare, aḡure plan la apa atol luasnen mrapa natamaliaena, naḡa apa asu ruru e yo nene. A yaru nalipereena mēna tai totano teke metava e yo nene, naga pe Ntewa na sur make ga.

<sup>24</sup> A amio sur wo taḡena la naḡa asike e kieta kunus wa nalologena wo nene, tekilia tevisu Yesu, amio kana kuruta naḡa mlau, naḡa apeven pa e losineta lala vena kila temekiki. Kana kuruta nena, pe sa re kuruta kana ne yermarua Epol nanua poli, naḡa asape kuruta na ween yaru, a kuruta na kilamaranen napiowaena, ana kana ne Yesu naga pe kuruta na tamaliaena yaru, a pe kuruta na viewoena. Yesu kila po paḡisi wa, naḡa suñal su likan Ntewa amio yaru, kila kiela naviranarena viu lalua suñalu ruruia, vena kila lalua ave erau wo sina.

*Ayagogon ruru pulgona ne Ntewa*

<sup>25</sup> Navisaluaena marua, naga sane visena na kilapegeena ta naḡa paeme e yomarava nini, a lologena wo, naga sane visena na kilapegeena ta naḡa pitom ma e peni. Ana la naḡa apilon māsila pan navisaluaena marua nene, taḡatete nena aurmatan nakoena ḡisa, ana visae ve sanene, yoko ve sanapen la naḡa apilon māsila pan lologena wo? Yoko taḡatete nena aur matan ve tokaki. Visae ve sanene, popon teyagogon ruru pulgona ne Ntewa, telogearia.



<sup>26</sup> E pogos naŕa Ntewa pis pa yermarua nasumo la nene, kiena visena urmi paŕisi kila yemninu, ana siraunia, kiena visaaren tai pisa si mon metavana, sape

*“Yoko yam si tai nokululun make yo punu ga, ve yomarava re ga nini, a amio make yo la ne ma metava yam veraga.” Akai 2:6*

<sup>27</sup> Visena naŕa pisa e nini, naŕa sape *“Yam si tai,”* naga pisa ke sur keviu ta ne. Naga kana kinsa sape Ntewa kululun yo yam tai rui, ana kiena sitomena m̄arera sike ga wa sape kululun li si yam tai ana visu ruru li make ga suria. E legiena maro yoko kululun wowa yomarava nini, amio sur make naŕa naga sii la sike ea, ana yoko sur naŕa taŕatete kululun rovia yoko surīal m̄arera sulue na sike ne.

<sup>28</sup> Sur ga tai naga kilia su lue na sike ne sanini, nane nasuŕenena kiena ne kieta Ntewa nena, a potena paŕisi naŕa mligan kieta malena su ruru sike loyumīa ea. Popon silaga tekila lotena wo tai vania naŕa kilia kekarania, tepisu kilale naŕa naga pe na wa paŕisi, tevatanonia.

<sup>29</sup> Komin kieta Ntewa naga kapi ke nene narui, naŕa kilia sikap van make sur punu ga.

## 13

### *Pelaga la naŕa Ntewa kekarania*

<sup>1</sup> Visen si laŕas nini vena iila amiuena, naga sanini. Popon asumīa akekarana amiu lue ga, sa naŕa kam na ape mratava taaga ga amio Kristo.

<sup>2</sup> Ana ve akekarana amiu re ga, akekarana ke m̄ena wolawa lala, akekarana naŕa avisuar la e m̄amiu um̄a lala. Popon akilakila sanene, komin pog laŕasa, kam na amninue ga, ana wolawa la naŕa apisuar la ke ne, la na navisi kiena ne Ntewa ke la narui.

<sup>3</sup> Asitoñial la naŕa asike e yumīa nakoena, awar pae kiela naloge viowaena lala, sa ga naŕa akoven amiu m̄ena apa asike amio la. Kam na ve sinemiu ŕesan re m̄ena la naŕa yar taŕena la asumīa akilakila kare la ke silaga, komin ita punu ga tesike e yomarava nini, a monar tokus pae pogos m̄arera la naŕa yoko tevisuia.

<sup>4</sup> Popon yar make ga avisu kilale ŕelaga na talopaena naga pe sur wo a pe sur wa m̄ena ga, a komin sur ne nanene, pe pon re si kororak tai imi kila kare tog naŕa aŕaenia pe m̄ala lalua naŕa atalopa, komin lalua apisaaria asape yoko ve aure re si taŕena. Yoko Ntewa la na liŕereena va la naŕa amiyalyal kar ga, sane li na talopaena naŕa akila kolau, pona yar viu la naŕa akila lau.

<sup>5</sup> Ovisuar ruruia naŕa ve oligan re kilavaru imi ve suri na sumo e kionīa malena. Popon okila ko okekarana ga narin ya naŕa teke e lumonīa rui, komin navisaarena kiena ne Ntewa naŕa sike pa rui, pisa sanini, sape

*“Taŕatete neligan ko yam tai, taŕatete nevilon m̄asuu van ko.” Lev 31:6*

<sup>6</sup> Ana pogos naŕa tesitomyu si naga nene, m̄la si nam̄areraena pan ita, vena tevisawal visena naŕa sike e Tus na Yauena lala, pimi pe kieta visena, naŕa tevisave

*“Yar na iila ruru inena, naga Ntewa na mava ga,*

*ana ve nemarau re si narui, yoko yar taŕena kilia kila si ya ne viowa van inu ne?” Yauena 118:6*

<sup>7</sup> Sur taŕena, popon asitoñialar m̄a kienamiu nasumonena lala, naŕa apisawal ŕesan visena kiena ne Ntewa pan amiu. Avisu veve ruru mras naŕa molue kome ŕelaga wo na kiela malena, a akila ga nono na kiela lelagaena m̄arera e kiamiu malena lala.

<sup>8</sup> La amlelaga ruru po, ana ita m̄ena tekilia telelaga, komin Suŕe Yesu Kristo naga piloulou re pogos tai poli, naga maran taaga sa ke nakoneva, ŕane, a peni, sulue na sike ne.

<sup>9</sup> Popon tevisa m̄ena tevisave avisuar ruru amiu visena kar taŕena lala amio navian wowonen lala ve aim aure plan amiu re vetan kove wo naŕa kam na asike pae rui. Yar laŕasa asitomanene la e ŕaŕaŕaena wa lala, amio kala kinanena ne lala, ana kinanena la nene taŕatete nena iila kiela malena lala. Sur taaga ga naŕa kilia kila sineta la m̄arera ruruia, nane lemamīena kiena ne Ntewa pimi pan ita.

<sup>10</sup> Kinanen la ne tai ne sanene, naga nane kilan̄iu na kuŕaŕaena lala naŕa yaru wa la akuan ke e wonta. Amlenwoia, akila pa yumīaena la e narui, ana siraunia akania sa naŕa akinana kala ke narui. Yar wa la nene la amal ga e kinanena na wonta la nene, ana ita naŕa temlelaga e Yesu, ita na pe tekina re e wonta nene poli, ita na kata wonta taŕena m̄eke na, naŕa temal e kana kuŕaŕaena nena naŕa akuan su ea, naŕa yar wa la pe apisu kilale re poli, a la taŕatete akinana ea.

<sup>11</sup> La asumīa akila ke kiela kuŕaŕaena la nene, ana tai na pe taŕena towe laa sane, sa naŕa asape kila totou na marena kiena ne Yesu, kuŕaŕaena nena naga naŕa asape na lakorenanena na viewoen mlamulen viowa, ana pogos naŕa ŕarin yar wa kila naga, naga pe kus make re tas nen sur mal pa loyumīa naŕa pe yo wa manene poli, ana ŕar ga kana kuruta, pa mligan se wonta. Ana tas nen sur mal nena, akuslua si petan um̄a, akus pa vanua, ana askapia.

<sup>12</sup> Naga sa nenaga naña Yesu kila, naña akus mēna naga pa vanua e purkove na pulkumali, akila mloge mña piowa pano-o kana kuruta mlaui make nenaga, naña pe mlaui koren re poli, ana mlaui naña kila ita kiena yeririna lala tepim tepe yar wa ruru nena napo lala e marana ne Ntewa.

<sup>13</sup> Ana komin naña Yesu kekarani sapa kila ve sa nene vanon ita, ita mēna ga monar tekekarani teva tesuñal tesu temio naga vanua e mña, yar la avisu kare ita sa naña apisu kare naga, tokus naloge viowaena ve sa ke ga naña naga kusa.

<sup>14</sup> Visae viowa ga van ita e yomarava nini sanene, sanene na pogaga ne, komin naña pe tesitom re tesape yoko tesike e pulkumali tai e nini ana tesulue poli, ana temligan kieta sitomena sike ga e mñata mña napo e pulkumali viu naña tepanon ke rui.

<sup>15</sup> Popon kemua tesitomāl lue ga naña Yesu kila po manene la pan ita, naga pietavan ita e mrapa rui ana silaga tekilia tevisa potena va Ntewa vanonia. Ve tekila re kuḗaḗaena e sur mal la vania, ana nalaena tai toña ga naña tekilia tela luen ga van silaga, naña yoko kekarani vaḗisi, naga nalaena na yeluaena. Tesuñā tepisirlua ke kiena kia sanene, ana visena na gota ne lala sa ga mralak tai naña kiki ruru nena po pania.

<sup>16</sup> Visae sanene, ve sineta ḗesan re naña tekila yuñāena wo lala, komin naga sane kuḗaḗaena naña tekilia tela va Ntewa. Tai naña naga kekarani manene la sane, naga sanini, sapa tekila luen ga wo va yar ḗaḗaena lala, tekekarani ga naña tevioḗion kieta sur la temio la.

<sup>17</sup> Sur si laḗasa, sane monar telogear kieta nasumonena lala, monar tekekarani ga naña tesu vatanon kiela visena lala. La aḗion ke paḗisi naña avisuar ruru ita, komin naña pupia yerkawa kerkeviu la naña asu metavan la asuñā apisu veve ke kiela yuñāena a kiela ḗelaga mēna lala. Visae kieta nasumonena lala, kiela sitomena la marmare, ana yoko yuñāen make ga va viowa nenaga, ana visae telogear ruru la wo, yoko kila yuñāena ve urmi manene re van la, akekarania, ana yoko wo manene mēna van ita, yar na yuñāena lala.

<sup>18</sup> Pogaga, lavis ke visena make la ḗisḗis narui, ana sinemimin mesape meviun mēna tan amiu mesape asitomāl imimi e kiamiu leniena lala, vanon yomārera naña mesike e nanagane. Pe mepisu re sur tai piowa teke e imimi poli, kiamimi sitomena la merarava ruru ga, a mesuñā mesuñālu mārera lue ga mesike e ḗelaga wo la naña mesmesu e maran yar lala.

<sup>19</sup> Ana sineun nesape visena la nene akila ruru vilaga, vena nekilia neviaḗa e nini ve ve piavi re nowasuḗe si neiñās pun amiu.

<sup>20</sup> In na nesuñā nemlen wo amiu ke mēna ga, nesape yoko Ntewa iila amiu. Naga pe Ntewa na suñāre, naga pe Ntewa naña sinena miye ita kiena sipsip lala, ana pitetalia kieta Suḗe Yesu pitom e yomarava nini, pitom pe yerkawa na visuaren kieta sipsip lala, kana kuruta mlaui vena visirluaen naviranarena viu naña yoko sike sike nena. Naga pe Ntewa mēna naña Yesu tañan kiena malena pania, ana naga ḗerelua petan marena, pisirlua malia sina,

<sup>21</sup> ana noḗasine naga nesape yoko la sur nowo make ga naña kam na sinemiun ke nanagane vena kilaena kiena yuñāena e yomarava nini sa naña sinenania. Naga suñā miyuñāe ke e kieta malena la pe ve taaga, komin Yesu Kristo suñā miyuñāen ke kieta ḗelaga wo vim ve sa naña naga sinenania, ana yoko teieluar manene naga vanon vano-o ḗaḗatete ḗisi, Sanene.

<sup>22</sup> Na mratava pun inu lala e Kristo, nesiri mñaki nini ḗiñās pan amiu, pona visae ve ve piavi manene re yo, ana visae avisu ve sanape kam na ve sinemiun karin re, ana kam na ala kiau visena na iilaen la naña sike ea.

<sup>23</sup> Sineun nesape nevisawal van amiu aloge kieta wolai naña Timote, amligan lua si naga molue petan yuñā nakoena rui. Visae ve ve piavi re imi kom e nini, yoko imimi lua, meimñās mevisuveve amiu.

<sup>24</sup> Sinemimin mesape avisawal va kiamiu nasumonena lala, amio mēna yeririna ḗaḗena lala kiena ne Ntewa, avisave mepiun ke mesape la asike sanape, asururuga pona sanape? A le Italia la naña asike e nini la mēna sinelan asape avisa pokolemalo van amiu.

<sup>25</sup> Kiau visena maro nae e nini, nane nesiri van amiu narui, nesape yoko lemamiēna wo a sinewo kiena ne Ntewa sike amio amiu make ga.

## Maki Naþa SEMES Siriyuia Visayuena Na Tusi Nene

### *Suniena plas na tusi nini*

Maki kiena Semes, naga kiena visena wo lala na naþa vena vianen yeririna lala kiena Ntewa naþa asu tetai asike e yo punuga e yomarava nini. Semes naga kila totou la mokliu e kiena visena vena iilaen yaru lala, vena atol sitomena a kiliaena wo lala. E maki nini, naga pisayu suri moki naþa nalelagaena lala monar kiela sitomena tolia a monar akila. Naga sape nalelagaena naþa limana korena, naga monar kekara pogos naþa visae Ntewa visirlua naga va metava, a nalelagaena naþa kiena suri moki, naga monar kekara pogos naþa visae Ntewa ligan naga vito su tano. A pisayu þelaga wo naþa yaru monar kila, a naga sape lelagaena a yuñæena, suri lua nene lalua monar akiriri lele taaga. Pisayu mēna sape yaru naþa kila ke þelaga wo na iilaen yaru taþena, yoko kiena lelagaena mārera.

Semes pisayu suri lala na kilalien yaru lala, a naga sape yaru naþa suri la aimi akilalia, ana naga suñæa þuarar ke þelaga mesmesu, naga kilia loge wo. Pisa sape nalelagaena monar ve tañan re gona visa suri viowa, ana monar yeluar ga Ntewa ea. A pisayu manmaruaena naþa Ntewa kiania, amio þelaga taþena leþas naþa po, sane þelaga kiena yaru naþa kila kiena sitomena pito ga tano, pona kila kiena sitomena piyavi. Pisayu mēna þelaga laþas naþa piowa, sane yaru la asuñæa apeveyu, apilave paþisi, amila nakoaena pa yaru taþena, pona akila kiela sitomena pa metava.

E maki nini Semes pisayu lotena naþa navisatameena sike ea, a suri keviyu si tai, pisawal ruruia naþa lelagaena amio yuñæena wo, suri lua nene monar asike lele taaga e maliena kiena yaru naþa lelaga, ana nanini naga taveve sitomena kiena Ntewa.

### *Komþasnen tusi la na nini*

Visena þesa 1:1

Pelaga na lelagaena a þelaga na manmarua 1:2-8

La naþa limala korena a yaru na suri moki lala 1:9-11

Suri na kilalien lelagaena kiena yaru 1:12-18

Yaru naga monar loge visena kiena Ntewa a monar kila suri la naþa visena nini pisa 1:19-27

Visena na kila woen yaru pisu suri piowaga e yaru taþena 2:1-13

Lelagaena a yuñæena wo 2:14-26

Li nalelaga monar visuar ruruia e kiena visena 3:1-18

Li nalelagaena a þelaga lala na yomarava 4:1—5:6

Suri taþena la naþa Semes pisa 5:7-20

### *Visen þesia*

<sup>1</sup> Inu Semes inu nepe yaru na yuñæena kiena ne Ntewa, a kiena ne kieta Suþe Yesu Kristo, naþa inu nesiri luñaki nini pimi pan amiu naþa amiu lus nae Israel lala lualima taaga pa lua naþa amiu asutetai asu ke e narin þegas lala e yo punu ga e yomarava nini. Inu nepiun nesape sanapen amiu asu pogaga pona amiu na asike sanape?

### *Naviawaena amio namanmaruaena*

<sup>2</sup> Puruvi lala a vineu lala, pogos naþa na kilaliena lala imi e amiu, amiu na akilia avisu la sa naþa suri nalogewonena.

<sup>3</sup> Nanene na sa naþa amiu akilia, pogos naþa suri nakilaliena naga kilali kiamiu naviawaena lala, ana amiu atauluia, nanene kila kiamiu naviawaena imi mārera manenea vena suñæalu sulue.

<sup>4</sup> A pogos naþa amiu asuñæalu mārera sanene, nanene naga kilia kila kiamiu malena mesmesu ruru wo vaþisi marua ruru nenaga a ule ruru e suri wo la punu ga, pe þelaga wo re tai naþa naga pe kiena re poli.

<sup>5</sup> Ana visae amiu yaru tai naga sitom pisape kiena manmaruaena ve tokaki ga, naga monar viun tan Ntewa e kiena leniena, ana Ntewa kilia la van naga. Vanon naþa e þelaga kiena ne Ntewa, Ntewa naga taþatete visi viowa va yaru naþa naga viun suri tania, vanon Ntewa naga mlaluen ga nalaena wo silaga e kiena sinewo.

<sup>6</sup> Ana pogos naþa yaru viun suri sanene e kiena leniena, naga monar lelaga mārera, naþa naga ve sitom þele re sina, vanon naþa sitomena kiena ne yaru na sanene naga sane sive naþa lagi miyuia kulkululu, lagi suñæa supon kare ga pa e yo punu ga.

<sup>7-8</sup> Yaru na sanene, kiena sitomena peve lua, a kiena þelaga lala kar ga, ana yaru na sanene taþatete si sitom visave þisi na la suri wo tai e Ntewa.

*Yaru la naþa kiela suri re poli, a yaru la naþa kiela suri la moki*

<sup>9</sup> Kieta puruvi laþasia limala korena ga, pe kiela suri re poli, ana la popon

awarwar la vaḡisi naḡa Ntewa pisirlua kiela sitomena pa metava,

<sup>10</sup> a kieta puruvi taḡena mēna ga lala, naḡa la kiela suri moki, ana la mēna ga popon awarwar la manene vaḡisi, komin naḡa Ntewa naga kila kiela sitomena la sike ga tano. Lala akilia akekara sa naḡa la apisu kilale asape yaru naḡa naga kiena suri moki, naga sa ga naḡa meme tai naḡa to yam plas ga.

<sup>11</sup> Pogos naḡa mrae pa metava, naḡa yo pisun paḡisi, ana mlege meme la nene la apimi ameu, ana akekapili pito tano ana maran meme la nene kokovio. A e ḡelaga ke nene, e pogos naḡa yaru na suri moki lala asuḡa akilapolo ke kiela kilavaru lala wa, ana ḡisi na la aloru mēna ga akokovio.

### *Nakilaliena lala*

<sup>12</sup> Yaru naḡa suḡalu mārera e nakilaliena lala naḡa aimi e naga, navisa ru-ruena sike e naga, vanon pogos naḡa naga taulu suri la nene ḡisi, ana Ntewa yowauia ruru naga e nalaena wo tai, naḡa naga namalena nene naḡa Ntewa naga pisaaria ḡisi rui pan la naḡa la asitom manene naga.

<sup>13</sup> Visae nakilaliena lala imi e amiu, ana la ataḡali amiu, ana amiu na ve avisave re avisave “O, nataḡaliena la nene la amolue e Ntewa.” Amiu taḡatete avisa ve sanene, vanon naḡa taḡatete suri viowa naga kilia taḡali Ntewa, a ḡelaga nakilaliena yaru Ntewa naga pe kiena ḡelaga re nene poli.

<sup>14</sup> Nataḡaliena la nene apimi mārera e yaru, e ga e pogos naḡa kiena nasinenana viowa ga naḡa kila luḡeluḡe naga, ana pure naga pano.

<sup>15</sup> Siraunia, ana nasinenanena viowa nene naga pitovi pimi keviu ana naga ḡar narina, naḡa mlamulena viowa, a siraunia, pogos naḡa mlamulena viowa nene naga mēna ga pitovi pimi keviu, ḡisi na naga mēna ga ḡar narina, naḡa naga marena.

<sup>16</sup> Kiau puruvi wo lala, ḡisi na amiu avisuar ruru amiu, ve ataḡan re yaru la aimi avisa kotalia amiu, naḡa la avisave “Nataḡaliena naga pimi e Ntewa.”

<sup>17</sup> Kiau na monar akilia sa naḡa suri wo punu ga, a nalaena tanea punu ga, la amolue ma e peni la apitomi e ita. La amolue e Ntewa naḡa naga sii suri lala punu ga naḡa la apivavaga ke e sinapane, suri vivavaga la nene naḡa la akilia avilolou la silaga, ana naga kiena ḡelaga pe pe taḡena re nena pogos tai poli, naḡa naga taḡatete vilon māsina van ita pog tai, vena ligan ita tesuḡa ga e yemalolo.

<sup>18</sup> Nane Ntewa ne nanene naḡa sane kiena sitomena ga, naga kila ita tepimi tepe narina, komin naḡa ita temlelaga e

kiena visena lelaga, vena ita na sa naḡa teve mras ḡesia na yeririna moki lala naḡa ḡisi na lala aelaga mare e Kristo sirau.

### *Ita monar telogear visena kiena Suḡe*

<sup>19</sup> Kiau puruvi wo lala, ḡisi na ve sinemiu ḡesan re visena nene, naḡa apisape yeririna punu ga monar avitaḡilin yagogoena, a monar avis male ga. A monar ve avitaḡilin re mēna ga sinekarena,

<sup>20</sup> komin naḡa nasinemimiena kiena ne yaru, naga taḡatete nenaga kilia kila ḡelaga namesmesuena kiena ne Suḡe imi kate pog tai, peraga.

<sup>21</sup> Ve sanene, amiu na monar akoven plan ḡelaga namname lala, a yuḡaena viowa lala e kiamiu malena la wetelu, a amiu monar aligan kiamiu sitomena suḡa vatano e Visena Wa naḡa naga kilia tamalia amiu, naḡa Ntewa naga mapila e losinemiu lala ḡisi rui.

<sup>22</sup> Amiu monar akila ya naḡa Visena Wa nene naga pisa, pe pon re naḡa amiu asuḡa avisa kotalia amiu ga poli, naḡa amiu asuḡa ayagogonia ana amiyagogo korena ga e Visena Wa nene, amiu pe akila re suri la naḡa pisa ke poli.

<sup>23</sup> Nanene sa ga naḡa yaru tai pisu marana e wii naḡa ato e kilika,

<sup>24</sup> naḡa pogos naḡa naga pure petania, pog plas laa ga nene, naga sinena ḡesan ke sina ga marana pisape mā naga marana sanape wa.

<sup>25</sup> Ana yaru naḡa naga pisu ruru loyuḡa e navisaluaena wo nene naḡa naga kilia wereplan ita e mlamulena viowa, a naga yagogo ruru ea, naḡa naga ve yagogo korena re ga ḡisi sinena ḡesania, ana naga logearia a naga yuḡaena, yaru ne nanene narui ḡisi na Ntewa naga visa ruru naga e kiena yuḡaena punu ga.

<sup>26</sup> Visae yaru tai naga sitom ke sape naga pe yaru mesmesu nalelagaena tai, ana naga pe ḡuarar ruru re purmenena poli, naga suḡa pisa kotalia ke sina ga naga, a kiena nalelagaena pe suri korena ga.

<sup>27</sup> Ana ḡelaga na lelagaena naḡa mesmesu ruru po, a naḡa naga pe lelaga kemua naḡa po e marana ne Ntewa, naga sanini: ḡisi na amiu aialiali ninuyu lala a letano lala, vena aiila la e kiela malena mārera lala, a amiu auarar ruru kiamiu malena mārera vena ḡelaga viowa amio kororaki lala na yomarava ve atolkare amiu re.

## 2

### *Amiu na ve awaveve re yaru lala*

<sup>1</sup> Kiau puruvi lala a vineu lala, sa naḡa amiu apiawa e kieta Suḡe Yesu Kristo, naḡa naga pe Suḡe Nawarwarena, ḡisi na

amiu ve awaveve re yaru lala, naþa amiu akila wo van laþasia, a amiu akila viowa van laþasia.

<sup>2</sup> Sa naþa visae yaru la ve lua, aimi loyuma e kiamiu yuma na leniena, tai naþa kiena suri la moki naþa miana kulsota miyowau ruru po a naga miyen pialaliga tai naþa pe kol teke e mrasilmana, a naþa taþena naga pe kiena suri re poli, naga miana kulsota la pororo ga, ana þisi na amiu ve akila re ve taþena van lalua nene.

<sup>3</sup> Pe pon re naþa amiu asitom manene yaru naþa naga mien kulsota naþa miyowau ruru po poli, naþa amiu aure naga va e yo naþa po a avisa vania avisave "Paraga lelema napo nanene, imimi sine-mimi mesape ko ototano e yo nene," a e yaru taþena nene amiu avisa ga avisave "Pisi na ko osuñalu ga osuñalu varau e namia, visae peraga oto ga tano e namia."

<sup>4</sup> Pogosa naþa amiu akila ke þelaga la ne sanene, amiu na asuñia apisuvisu yaru laþasia la apo, a yaru laþasia la apiowa ga, nanene na vanon ga suri la naþa la amien ke ne, a kiamiu navisuena na sanene naga pe þarþoyo re nena e sitomena wo nene poli.

<sup>5</sup> Kiau puruvi lala, amiu aloge inu. Yeririna la naþa na yomarava nini la naþa limala korena ga, Ntewa naga pure plan la nene la ape kiena, vena naga kila sa naþa la kieta suri wo lala e leþas nen kiela nalelagaena lala. A Ntewa kila mēna ga ve sanene vena akilia ava ala kiela lalimana lala e nasuþenena kiena, sa naþa naga pisaar þisi rui pan la naþa asitom manene naga.

<sup>6-7</sup> Ana amiu na asuñia apisuvisu ke yaru la naþa la limala korena la sane ape kororak ga. Ana amiu na asitomylia: ?A la naþa la asuñia amēne amiu ke ne naþa la asuñia apure amiu ke apa kumali? ?A li pe mēna ga la naþa la asuñia apiuelin amiu ke e kia keviu wo nene naþa Ntewa naga mligan e amiu? Nanene na pe yeririna re la naþa limala korena poli, ana nanene na yeririna la naþa kiela suri moki.

<sup>8</sup> Mrapa mesmesu naþa amiu ataveve e nene naga sa naþa purþes nen navisaluaena kiena ne nasuþenena kiena ne Ntewa pisa naþa naga pisa pisape "Ko na ositom nalavis purma lala, okila wo van la, ve sa ke ga naþa ko na ositom ko mēna."

<sup>9</sup> Ana visae amiu asuñia apisuvisu ke yeririna lala awaveve la ke sanene, nanene na amiu asuñia amlamula ke piowa nene ne, a navisaluaena kiena ne Ntewa þisi na naga liþere amiu visae amiu na ape yaru na kilaroen navisaluaena.

<sup>10</sup> Komin yaru naþa naga kilaro ga visena kiena ne navisaluaena ve taaga ga, naga kila ke mlamulena viowa ne e

marana ne Ntewa, naga sa naþa naga kilaroro make visena kiena ne navisaluaena la nene punu ga þisi narui.

<sup>11</sup> Komin Ntewa nene naþa naga pisa pisape "Pisi na amiu ve ataþa re kolau," nanene na Ntewa ke ga nene na wa naþa naga pisa pisape "Pisi na amiu na ve aweñar re yaru." A visae amiu ve ataþa re kolau ana amiu aweñar ga yaru, þisi na amiu na ave yaru na kilaroen ga navisaluaena narui.

<sup>12</sup> E pogosa na liþereena, þisi na Ntewa naga ve la re nakoena van amiu sa naþa þisi na naga la van yeririna viowa lala, þisi na naga ure plan amiu e nakoena nene narui. Komin suri ne nanene, kiamiu visena lala a kiamiu yumaena lala naga monar ve sa naþa amiu na pe akila re suri tai naþa mesmesun naþa amiu akus nakoena vanon poli.

<sup>13</sup> Nanene na komin naþa Ntewa naga sinena mie amiu, a kiena nasineyeena nene naga þisi na yumuvanlua nalipereena naþa naga mesmesun naþa amiu akusia. A pogosa naþa Ntewa naga þisi na liþere yeririna la naþa la pe sinela mie re yeririna taþena poli, þisi na naga mēna ga taþatete sinena ye la.

#### *Pelaga na viawaena a na yumaena wo lala*

<sup>14</sup> ?Puruvi lala, sanapen naþa visae yaru tai naga suñia visa ke visave naga piawa ke e Kristo, ana þisi na naga pe kila re yumaena wo la poli? ?Pisi na kiena naviawaena ga nene naga kilia tamalia naga, pona peraga? Nanene na, taþatete suri wo tai kilia molue kome kiena visokanena naviawaena kiena ne yaru na sanene.

<sup>15</sup> ?A sanapen mēna ga naþa visae kieta puruvi laþasia amio vineta laþasia naþa la pe mēna kulsota re poli, a la pe kala kinanena re poli?

<sup>16</sup> Visae amiu yaru tai naga visin sineyeena van la visave "Ntewa naga visa ruru amiu, amiu na ve miava tol amiu re, a ve viso kar amiu re," ana naga pe mēna re nena suri tai pan la poli vena iila la, visave ve sanene pogaga ne pona pe po re nene poli? Peraga, kiena visena na sanene ana pe visena korena ga.

<sup>17</sup> A kieta naviawaena na sa ke ga nene narui, naþa visae naga suñia naga taaga, a ve yumaena wo lala ve su re amio, ana kieta naviawaena nene pe naviawaena korena ga, mare ga ne.

<sup>18</sup> Ana pona þisi na yaru laþasia la aloge visena nene, ana þisi na la akilali naþa avisatamea avisave, "Naga pogaga, ana pe sa re nene poli. Ana naga sa ga naþa yaru laþasia, la ape yaru na viawaena, a yaru

laḡasia, la ape yaru na kilaen yuḡaena wo lala.”

Ana ḡisi na inu nevisataḡe la nevisave “Visae inu nevisu ko naḡa ko ovisa ovisave ko na ope yaru na viawaena ga, ana ko na pe yaru na kilaen re yuḡaena wo la poli, ana ve sanene ḡisi na taḡatete nevisu kile tai naḡa sane naviawaena kioḡia pe lelaga. Ana visae ko ovisu naḡa nesuḡa nekila ke ḡelaga wo lala, nanene kilia kila merarava van ko sane kiau viawaena naga pe lelaga kemua.”

<sup>19</sup> Ee, inu nekilia ḡaga naḡa ko omlelaga naḡa Ntewa taaga ga sike na, nanene na po paḡisi nene. Ana nevisa van ko, yermare ḡena ga lala la amlelaga sa ke ga, ana la asuḡa amiyuwawa paḡisi vanonia.

<sup>20</sup> Sa naḡa nesuḡa nepisa ke ne, yaru naḡa naga pisape naga piawa ḡaga, ana pe kila re ḡelaga wo la poli, kiena naviawaena nene pe suri korena ga, yaru na sanene na pe wowe ga nene. ?Pona amiu sinemiun asape nevisa meraravanli la suri nene sane wa?

<sup>21</sup> Pogaga, amiu asitomli repita naḡa Epraam ne. ?Ntewa naga kila Epraam naga mesmesu e marana vanon ya ne? Nanene komin naḡa Epraam naga ḡere narina naḡa Aisak, piar naga e wonta, ana taḡan narina nene pisape kila kuḡaḡaena ea va Ntewa.

<sup>22</sup> Amiu apisu ke ne, e lele nene ita tevisu naḡa naviawaena kiena ne Epraam a kiena yuḡaena lala, ana suri la lua nene amiyuḡae ga lele taaga. Kiena yuḡaena lala la akila sane kiena naviawaena naga pe lelaga ruru kemua naḡa lelaga,

<sup>23</sup> a suri nene naga kila Visena Wa pe lelaga kemua, naḡa pisa pisape, “Epraam naga piawa ke e Ntewa, a pe miasi suri ne nanene, Ntewa naga kila Epraam mesmesu amio naga.” A nanagane ita tesuḡa tepio ke Epraam tesape naga pe erau kiena ne Ntewa.

<sup>24</sup> Komin suri ne la na nene, ita tekilia tekirawal sane Ntewa naga kila yaru mesmesu amio naga komin kiena ḡelaga wo na malena ḡena ga, pe komin re ga kiena naviawaena poli.

<sup>25</sup> A amiu asitomli Reap nene, nanua sumo naga pe sira na mrapa ga tai. ?Ntewa kila naga mesmesu amio naga vanon ya ne? Nanene vanon naḡa naga pisuar ruru le Israel la lua nene naḡa lalua apim vinau ga apisape avisu kilia Seriko. Naga ḡerewan lalua nene e ḡana yuḡa, a ḡisi na naga kipian lalua nene e mrapa taḡena tai vena lalua akilia aure ana awasuḡela si akom ea.

<sup>26</sup> Pogaga, ana sa naḡa tas nen yaru naḡa naga pe ninuna re poli, naga mare, naviawaena ḡena ga, naḡa pe ḡelaga wo

re laḡas ayuḡae veraga amio poli, naga ḡena ga mare ga.

### 3

#### *Ita monar touarar ruru purmeneta*

<sup>1</sup> Puruvi lala a vineu lala, pe pon re naḡa amiu ve moki akilali naḡa auarar yuḡaena na vianena e yuḡa na lotuena la poli, vanon naḡa amiu akilia ḡaga, e legiena na liḡereena, ḡisi na Ntewa naga kila nalipereena van imimi navianena lala ana ḡarera laa sane.

<sup>2</sup> Visae yeririna tai naga pe kila pal re kiena visena pogos tai poli wa, yaru nene naga po na po, naga kilia ḡuarar ruru kiena malena wetelu. Ana peraga, ita punu ga ita tesuḡa tekila pal luen ga kieta visena lala silaga.

<sup>3</sup> Popon ita tesitomli narin pototo nene naḡa ita temligan pa teke e logon wosi. Pogos naḡa ita temligania, ita na tekilia tekila wosi nene logear ita, a ita tekilia tevilon pupia tas nen wosi nene naga va e yo naḡa ita sinetan tesape naga va ea.

<sup>4</sup> A ita na tesitomli ḡena ga waa lala, naḡa pe suri korena ga naḡa auri paḡisi, a pona pupia lagi miyuia ana sinenan pisape supon vano, ana narin ḡeligas ga, naga kilia kila pupia waa nene va e yo naḡa yaru na uararen ḡeligasia naga sinenan pisape va ea.

<sup>5</sup> Purmeneta lala naga sa ke nene narui, naḡa la ape narin suri ga tai, ana la akilia avis molmolue ve keviu vaḡisi.

Amiu na asitomli, naḡa narin ḡau na kapi ga tai, ana naga kilia kekan ga pupia laki lala e pupia yonaru tai.

<sup>6</sup> Ee, lelaga kemua, naḡa purmeneta naga sane kapi ta ne. Komḡas nen tasnetla la moki, ana purmeneta naga ta naḡa suri viowa punu ga na yomarava nini la apule manene la ea, a kiena naviowaena la nene la asuḡa akila kare make kieta malena wetelu. Purmeneta nene na suḡa mla ke kapi e lele na loge viowaena, a naga suḡa kila ke kapi nene pivaga e kieta mrapa na malena punu ga.

<sup>7</sup> Ita tekilia tepisu naḡa yaru naga kilia kila suri tetan lala aimi amonau, sane suri mali na yonaru lala a manu lala, lomara lala, a ika lala,

<sup>8</sup> a pe yaru re tai naḡa naga kilia kila purmenena monau poli. A purmeneta lala la apiowa la, a taḡatete touararia, a kieta visena lala la sa ga mrasuḡapo naḡa kilia kilanar yaru.

<sup>9</sup> Ita tesuḡa tepis ke e kieta purmeneta nene vena teieluar Ntewa Wa nene naḡa naga pe Arimata, ana siraunia, ita tepis ke sina ga ea ana tepielin yaru taḡena lala

naþa ita na pe tesitom re tesape Ntewa naga sii la poli.

<sup>10</sup> E gota taaga ga, ita tesuñña tepis po ea, a tepis mēna ga piowa ea. Puruvi lala, suri nene naga piowa manene la.

<sup>11</sup> Pe puluwii re ta naþa mon mñaga ana e pulusa si amio wii lalua akate veraga e poli.

<sup>12</sup> A sa ke mēna ga naþa purpik taþatete kilia war mraolip, a kilkerp taþatete war mravik. Taþatete mēna okilia ova ovio wii e pulusive.

*Namanmaruaena wo naþa Ntewa naga mlavia*

<sup>13</sup> Visae amiu yaru laþasia naþa ape manmarua paþisi, la akilia ruru suri po, popon lala akila suri la nene imi merarava ruru wo sa naþa la kiela malena mesmesu, kiela sitomena lala monar vito ga tano, a kiela þelaga lala monar marua ruru wo.

<sup>14</sup> Ana visae amiu asitom sa naþa amiu ape manmarua, ana kiamiu sitomena lala apulen navielueena amio mēna ga nakalawaena, visae ve sanene amiu na apisokani ke ga ne. Amiu na ve avisvilaven re si vanon kiamiu visokanena na manmaruaena nene, vanon nanene na pe þelaga na manmaruaena re nenaga nene poli.

<sup>15</sup> Nanene naga pe manmaruaena nae re ma e sinapane nene poli, ana naga manmaruaena na yomarava ga nini ne, a naga pe kiena ne yeririna viowa ga lala, naga pe manmaruaena naþa naga molue ruru ga kome Yermare.

<sup>16</sup> Vanon pogos naþa yaru la naþa avielue ana la sinelan asape ato kalawa make yeririna taþena lala, ana suri la punu ga asutetai ga narui, taþatete si akikir ruru wo.

<sup>17</sup> A visae yaru naþa naga tol namanmaruaena nae ma e peni, ana kiena þelaga ve taþena. A metava suri taþena lala, kiena malena ikik ruru wo, a naga ve yaru nasuññareena mēna ga, naga ve yaru monñau, naga ve erau ruru wo van yeririna taþena lala, a naga ve yeririna na sineyeena. A naga ve yeririna mēna ga tai naþa e kiena malena war mras la naþa po. A naga ve waveve re yaru lala, a kiena sitomena ve veve lua re.

<sup>18</sup> Yaru na sanene, suri la punu ga e kiena malena naga mesmesu ruru po paþisi, a þisi na ve sa ke mēna ga e yaru la punu ga naþa la ape yeririna na suññare, naþa la amiyuñña ke e þelaga na suññarena.

#### 4

*Yaru naþa naga kila erau wo amio yomarava nini*

<sup>1</sup> ?Ana visae suññarena nene ve su ruru re amio amiu, ana amiu asuñña akila ga mara van amiu, a aveveyun amiu, ana ya ne pe mias nen suri nene? Suri nene naga molue kome kiamiu nasinenanena lala, naþa la asuñña akila amiu amiyuñña mārera paþisi vena akilali naþa aloge wo e suri punu ga naþa sike e yomarava nini.

<sup>2</sup> Amiu na sinemiun manene la suri la naþa sike e yomarava nini, ana amiu taþatete akusla, ana nane kila amiu na sinemiun asape awe yeririna vanonia. A amiu na sinemiun manene la suri kiena ne yeririna taþena lala, ana taþatete mēna ga akilia akusla, ana kila amiu apeveyu a añe amiu mñaga vanon suri la nene. Ana amiu pe atol re suri laþas naþa amiu sinemiun poli, vanon naþa pe apiun re tan Ntewa poli.

<sup>3</sup> A pogos laþasia amiu apiun tan Ntewa, ana pe atol re poli, vanon naþa apiun pal ga. Ana nanene komin naþa amiu asuñña apiun ke ga vena kila kiamiu nasinenanena lala akilia awar ya naþa la sinelania vena aloge wo ea.

<sup>4</sup> Amiu na sa naþa yeririna la naþa la pe ape lelaga re pa wola poli, naþa amiu pe akekarana manene re si kiamiu Ntewa poli, amiu pe ape lelaga re pan poli. Ana yaru naþa naga sinenan pisape naga ve erau wo amio yomerava nini a amio mēna ga kiena þelaga lala, ana naga sane suñña kila ke erau viowa amio Ntewa ne, naga sane pe nasinekar kiena ne Ntewa þisi narui.

<sup>5</sup> Visena lelaga tai teke e Visena Wa, naþa naga pisa pisape  
“Ninuta naþa Ntewa naga mligan teke e ita, naga suñña sinenan pisape va viowa silaga e kiena nasinenanena viowa lala.”

A nanene naga pe pe visena korena re nene poli,

<sup>6</sup> a Ntewa naga suñña miila ita keviu paþisi e kiena sinewo, vena ita ve tekila re si ve sanene. Ana naga nene sa naþa Visena Wa naga pisa, naþa naga pisa pisape

“Ntewa naga suñña pialuþar ke yaru naþa naga þarwaria, ana naga pe sinewo pa yaru naþa naga kiena sitomena to ga tano.”

<sup>7</sup> Vanon suri ne nanene, amiu monar aligan amiu asuñña tano, vatano e limana ne Ntewa, a amiu na monar asuwo Yermare Lego, ana þisi na naga ure vetan amiu.

<sup>8</sup> Amiu na monar aimi manene laa lavisin Ntewa sane wa, a þisi na naga mēna ga imi manene laa lavisin amiu sane. Amiu yeririna viowa lala, amiu monar akevan limamiu lala. A amiu naþa amiu kiamiu sitomena peve lua, amiu monar akila sinemiun lala imi ikik ruru wo.

<sup>9</sup> Nanagane kana pogos ruru naña amiu sinemiu viowagan kiamiu mlamulena viowa la narui, amiu aloge viowa vanonia, amiu alokain tagiena. Popon amiu akila kiamiu vitalena imi ve kiamiu tagiena ga, a kiamiu kekarena imi ve kiamiu nasineyeena.

<sup>10</sup> Ana amiu monar akila kiamiu sitomena su ga tano e marana ne Ntewa, naña naga mon metava a naga p̄isi na visirlua amiu.

*Amiu na ve aliṗere re kiamiu puruvi lala*

<sup>11</sup> Puruvi lala a vineu lala, pe pon re amiu asuñña avisa kare amiu poli, a aliṗere amiu ke sina ga. Pelaga nene, Navisaluaena kiena ne Ntewa p̄saluṗar p̄isi rui, ana yaru naña naga suñña kila ke sanene pan kiena puruvi lala, naga suñña pisa kare ke m̄ena ga Navisaluaena nene, a naga suñña mliṗere ke Navisaluaena nene pisape naga piowa ga. A pogos naña amiu apisu Navisaluaena nene apisape piowa sanene, amiu asuñña amligan amiu apa ke metava e naga, ana amiu pe asu re si vatanon naga poli.

<sup>12</sup> Ntewa nene naga kilia tamalia yaru a naga kilia kila yaru kovio, a mesmesun naña naga taaga ligan Navisaluaena a naga liṗere yaru. ?Ana amiu na asitom asape amiu ape Ntewa, vena akilia aliṗere kiamiu puruvi la sanene?

*Amiu avisuar ruru amiu, ve avis vilave re*

<sup>13</sup> Amiu laṗasia akilia avisa avisave, “Pane pona peni p̄isi na imimi meva e pulkumali taṗena tai. Ana e yo nene, p̄isi na imimi mesuñña ga tol kas wetelu ve taaga, ana p̄isi na imimi mekila yuññaena na warena kilavaru ve moki.” Ana amiu ayagogon inu.

<sup>14</sup> Amiu na pe akilia re nenaga ya naña p̄isi na naga kilia warpoyo e kiamiu malena peni poli. Kiamiu malena naga sa ga māu naña pimi kate e tavie a naga su plas ga ana sirauña kokovio ke sina ga.

<sup>15</sup> Ana visena naña mesmesun naña amiu avisa, naga sanini, pisape “Visave Ntewa naña mon metava naga sinenan ve sanene, p̄isi na imimi mekilia mesuñña memal re la ve plas ga na wa, ana p̄isi na imimi mekilali ve sanene ve sanene.”

<sup>16</sup> Ana peraga, amiu asuñña apisi vilave ga, a amiu aṗarwar amiu paṗisi wa, ana nanene na piowa nene.

<sup>17</sup> Ana yaru naña naga kilia ruru ṗelaga wo lala naña mesmesu naña naga kila, ana naga pe kila re poli, nanene naga kiena mlamulena viowa nene.

## 5

*Yeririna na suri moki lala, monar maramē amiu*

<sup>1</sup> Li na suri moki lala, popon amiu m̄ena ga ayagogon inu. Popon amiu na alokain tagiena vanon pogos m̄arera la naña asuñña apimin ke naña atol amiu.

<sup>2</sup> E marana ne Ntewa, kiamiu suri wo lala sa ga suri la naña apililua p̄isi rui, a m̄amiu kulsota wo m̄ena ga lala sa ga naña kirara lala akarwowo p̄isi rui.

<sup>3</sup> A kiamiu suri m̄ena ga lala naña sane kilavaru, la sa naña asuñña asiār asape avililua narui, ana p̄isi na tasnemiu m̄ena ga lala avililua, sa naña kapi kekani, a nanene naga kila merarava pisape amiu na amiyuñña piowa ga amio kiamiu kilaveru la nene. Ita tesike e legiena maro la ne, ana amiu na asuñña apanon aṗarpolo manene ke kiamiu kilavaru la pa laa na wa.

<sup>4</sup> Li na yuññaena lala amiyuñña p̄isi rui e kiamiu lokove lala, ana amiu na pe apulila re poli wa. Kiela naulena lala naña amiu apuarar sike na, naga sa naña suñña mlokai keviu vena visawal naña amiu apisokan ga. Li na yuññaena m̄ena ga la nene asuñña atagi, a kiela tagiena nene naga pa tol kiligana ne Ntewa naña naga pe Ntewa na m̄areraena.

<sup>5</sup> E yomarava nini, kiamiu malena meme ga, naña amiu akilia aul ga suri punu ga naña amiu sinemiunia naña alogewonia. Amiu na akan ga kinanena wo la silaga, ana inu nevisa van amiu, amiu na sa ga suri mali lala naña yaru la apagan ruru la po pano-o amlapa ruru po paṗisi, nanagane amloge po paṗisi, ana legiena na we moñar laena pimi ke lavisi narui, ana suri mali la nene amninue ga.

<sup>6</sup> Amiu na asuñña apisu ke la naña limala korena ga la apito ga tano. Amiu amla nalip̄ereena viowa lala pan la, pe suri korena ga naña la amesmesu ga. Amiu akila kare la m̄aga pano-o amiu am̄emoñar la amare. Suri la nene, amiu akila pan yeririna lala naña taṗatete nenaga la akilia avisaluṗar amiu.

*Amiu monar amalumu ga*

<sup>7</sup> Puruvi lala, amiu na monar amalumu ga vena asuñña m̄aga kieta Suṗe vano vano-o naga wasuṗe sina ga. Naga sane yaru na lokove, naña naga to malumu ga toñña ga toñña pogos wo na yuññaenen kiena lokove lala, a vena yua naga imi kepanania, a vena war kinasa naña marua sike ea.

<sup>8</sup> Ana amiu na monar amalumu m̄ena ga sanene narui, vena asuñña kieta Suṗe naga wasuṗe sina ga imi. A amiu monar



kiamiu sitomena lala asuñalu m̄arera, vanon naña p̄isi na naga ve ve piavi re ana naga imi ke sina ga.

<sup>9</sup> Puruvi lala, amiu ve avismumun amiu re silaga, vena p̄isi na Ntewa naga tařatete liřere amiu vanonia. Vanon naga pe yaru naliřereena, a sa ga naña naga suñu suñalu ga sike e pulutava narui vena imi lomyuñu.

<sup>10</sup> Puruvi lala, popon ita tesitomli navisawalena na sumo lala kiena ne Ntewa. La apian ita e mrapa wo tai, naña pogos na yeririna lala akila piowa pan la, la amalumu ga a kiela sitomena lala pe mloru re poli.

<sup>11</sup> La asuñalu m̄arera asuñu ga pano pano-o, ataulu suri la nene, a komin suri ne nanene, ita tepisuia tepisape Ntewa naga pisa ruru la pařisi wa. Yeririna naña Sop, naga m̄ena ga tai naña naga suñalu m̄arera su piavi e suri m̄arera la ne sanene, a ita tekilia suri wo lala naña Ntewa naga kila pania sirau p̄isi. Nene na lelaga, Ntewa naga pe lemam pan yeririna la pařisi, naga sinena mie la pařisi.

#### *Pelaga na visaena visena naña lelaga*

<sup>12</sup> Kiau puruvi lala a vineu lala, metavan suri tařena la punu ga, pogos naña visae amiu apisaar suri tai, pona amiu apisa pupia visena keviu tai, p̄isi na amiu ve avisa re amio kia kiena ne sinapane, a kia kiena ne yomarava nini, pona kia kiena ne suri tařena tai, vena kila kiamiu visena nene m̄arera. Visae amiu avisa avisave "Lelaga," monar avisa ga "Lelaga." A visae amiu avisa avisave "Peraga," monar avisa ga "Peraga." Visae kiamiu visena ve lelaga ruru kemua sanene, p̄isi na Ntewa naga tařatete liřere amiu vanonia.

#### *Leniena naña navisatameena pimi ea*

<sup>13</sup> Visae amiu yaru tai naña naga mloge piowagan ke suri tai, naga popon len, a visae amiu yaru tai naga kekara, ana naga popon yeluar Ntewa e yauena.

<sup>14</sup> A visae amiu yaru tai mai, nanene naga mesmesun naña naga vio nasumonena na suñare lala vena aimi avisu naga, ana p̄isi na lala akilia alenwo naga, a la akilia ataron sirveve va e naga e kia kiena ne kieta Suře.

<sup>15</sup> Ana komin naña apiawa m̄arera e Ntewa, ana alen vania, p̄isi na Ntewa naga tamalia namaiena nene, kila ruru sina ga naga. A visae maiena nene naña tol yaru nene naga vanon kiena mlamulena viowa lařasia, a visae yaru nene visa plan kiena mlamulena viowa la nene, p̄isi na Ntewa naga viewo m̄ena ga mlamulena viowa nene.

<sup>16</sup> Komin suri ne nanene, ana popon amiu na asuñu avisa plan kiamiu mlamulena viowa lala van amiu, a popon m̄ena ga amiu asuñu alenwo amiu ana vena p̄isi na Ntewa naga kila amiu awo sina. Pogos naña yaru mesmesu naga len m̄arera, kiena leniena kilia war mrasa ve moki.

<sup>17</sup> Elaia naga pe yeririna ga sa naña ita, ana naga mlen m̄arera pisape yua p̄isi, ana tol kas telu komsusa ana pe yua re nenaga e kiena yo poli.

<sup>18</sup> Ana siraunia naga kila ke sina ga leniena, ana yua kove ke sina ga ana lokove lala ape kinas sina ga.

#### *Amiu na monar aure si yeririna naña pure wasuře sina ga imi*

<sup>19</sup> Puruvi lala a vineu lala, visae amiu yaru tai molue vetan nalelagaena, ana amiu yaru tai naga vanon ure naga wasuře sina ga imi, naga nene na yuñuena wo ta nene.

<sup>20</sup> Amiu na monar asitomalia, sa naña visae yaru naña naga vilon yeririna viowa tai molue e mrapa naña piowa wasuře sina ga imi e mrapa naña mesmesu, naga tamalia yeririna viowa nene narui, ana p̄isi na tařatete yeririna viowa nene naga kovio. A naga kila sa naña p̄isi na Ntewa naga kilia ure plan punu ga mlamulena viowa kiena ne yaru viowa nene.

## Maki Nasumo Naña PITA Siriyuia Visayuena Na Tusi Nene

*Sunienu plas na tusi nini*

Maki p̄esa kiena Pita, siria pan la naña amlelaga rui, naña naga pio la sape yeririna lala kiena Ntewa, naña naga ga pisirplan la. La naña asu tetai asike sane wolawa lala e provens makega e yo nene naña nagane tepio sape purvanua naña Teki. Sitomena keviu na m̄aki nini, vena visirluaen sitomena kiena li nalelagaena la naña yaru la asuñia akila ke m̄arera manene panila paḗisi, kila la am̄al ke m̄arera panila paḗisi komin naña amlelaga e Yesu Kristo. Naga pisa panila sape monar asitom̄al lologena wo nene, naña Yesu Kristo maren ita, a mal sina, a yoko naga wasuḗe si vitomi sina vena were kiena yeririna lala. Sitomena nene kilia iila ita vena tesuñialu m̄arera, a kieta lelagaena la kilia m̄arera suñia e Yesu Kristo.

Komin suri ne nanene, pogos naña atol pog m̄arera, a yaru la akila suri m̄arera la panila, akilia asuñialu m̄arera, kieta sitomena taḗatete loru, pe suri korena ga naña yaru la akila piowa manene panila. Visae akila sanene, yoko kila meraravan naña la amlelaga kemua e Yesu, a yoko atol suri wo la naña Ntewa miligan ruru sike mae peni, sape ve kiena kiena yeririna lala, e legiena naña yoko Yesu Kristo vitom m̄alivi ea.

Amio visena nene na visirplanen kieta sitomena lala, naga pisi m̄arera m̄enaga panila, sape monar akila kieta maliena la mesmesu ruruia, komin naña ape yaru lala kiena ne Kristo.

*Komḗasnen tusi la na nini*

Visena p̄esa 1:1-2

Mrapa kiena Ntewa naña tamalia kiena yeririna lala 1:3-12

Maliena kiena li nalelagaena lala monar ve wa 1:13—2:10

Yur̄naena kiena li nalelagaena lala pogos naña asike e nalogeviowaena 2:11—4:19

Sitomena kiena yaru na lelagaena monar vito ga tano 5:1-11

Visena na maro 5:12-14

*Visena na sumo*

<sup>1</sup> Erau lala, inu Pita nevisa pokolulagi a pokolemalo e kia kiena Yesu Kristo, naña in na nepe kiena nalogena.

Maki nini piñasu pan amiu yeririna kiena ne Ntewa lala, naña nanua asike

gar kiamiu yo Yerusalem, ana ariene plan amiu, nagane kam na ape wolawa ga naña asike e pupia lepas la naña, Pontas, Kalesia, Kapatasia, Esia, amio Pitinia.

<sup>2</sup> Amlogear piowagania, ana sineun nesape nevisawal van amiu, Ntewa armata naga kilia make mrapa na kiamiu malena nanua nanua rui. Naga mligan plan amiu nanua rui, ana Ninuna miyuñae ke e amiu, amlogear Yesu Kristo, amla e kiamiu malena, kana kuruta kevan amiu amekiki, apim ape kiena yar wa lala.

Kiau leniena nesape yoko naga ligan kiena lemamienu a suñiare vena suñia iila amiu silaga.

*Natamaliaena naña nalelagaena la atolia*

<sup>3</sup> Popon tesitom̄al sanape naña Ntewa Armanane kieta Suḗe Yesu Kristo, naga kilali po pan ita wa. Temieluar naga paḗisi, komin sinen miye ita laa, kila ita tepim tepaeme tepe urviu si e mratava puna. Sa naña naga kila narina Yesu Kristo mal si e marena, tekilia naña suri naña sike vamon ita, pe maren re si poli ana malena naña ve uro re.

<sup>4</sup> Naga sane lalimana ne Ntewa naña po naña yoko tetol sirau. Naga kila ruru rui, mligan sike ma meta e peni, yoko taḗatete menun, a taḗatete viowa, taḗatete si kovio pog tai.

<sup>5</sup> Sur nene pe tetol re poli wa, ana temlelaga tesape yoko naniareraena kiena ne Ntewa suwo ruru ita nenaga, uarar ruru ita suñia vano-o tol legiena maro. Ana e pogos nene, yoko naga kilologia natamalia itaena e maran yar taḗena lala.

<sup>6</sup> Nekilia nesape nanagane, asuñia aḗar naurmiena na loge viowaena e nakilaliena la naña asuñia atol ke ne. Pona yoko suñia ga sanene yo e pogos laḗas naña pimi ke na wa, ana e sitomen la ne nepisa p̄isi ne, popon kila amiu akekara, sinemiu la loge wo sina.

<sup>7</sup> Sur na kilalien la nene, apimin ga naña kila kiamiu naviawaena suñial laa sane, imi m̄arera ruruia. Nanene naga sa naña kol naña visae sinelan asape ikik ruru wo, monar askap plan kororak la naña sike ea, pona omlelege kiai okaweruruia imi mesmesu, ana ita m̄iena ga sa ke ga. Nakilaliena la naña tetol ke ne, sane kap tai naña kekanvan ke kieta naviawaena vena imi merarava ruruia, a m̄arera ruruia. Visae pogos naña Yesu Kristo imi sina, naga lual kieta naviawaen ekik ruru sanene, ana yoko ita make ga tekekekara, tekilia tevisu ruru ita, teloge wo vaḗisi.

<sup>8</sup> Nesuñia nepisayu ke Yesu sa nene, nesitom̄al si nanua sumo nesike nemio naga, nekilia ruru naga, kam na peraga. Lelaga

naþa nanua kam na pe amio re naga poli, ana pe sur koren ga, nagane na kam na akekaran paþisi, a pe apisuli re naga e kilamaramiu poli, ana asuñña amlelaga ruru ke mñarera e naga, sinemiu la kekaran e pupia kekarena ta ne keviu paþisi, naþa pe atorokin re avisa meraravan poli.

<sup>9</sup> Kiamiu kekarena nene, pe kiamiu mras nen nalelagaen wo tai naþa akilia akan nagane, ana pe naga re ga nene poli, komin amio mñena, e pogos la ne pimi ke ne, yoko akan tai naþa kiki laa sane, nane natamaliaen kiamiu malena.

<sup>10</sup> Sur nene naþa tepisayuia, sa naþa natamaliaen malena ken yaru, naga sur tai naþa navisawalen nasumo la aþion kiliaen paþisi. Akilia ruru navisaarena kiena ne Ntewa po, naþa sape yoko naga sinen ye kiena yeririna lala, yoko tamalia la, ana asuñña apisawal ke sanene.

<sup>11</sup> Apisa ke sanene, ana pe akilia meraravan re asape yoko naga kila ve sanape poli, pona yoko kila pogwai. Amloge ga naþa Ninuna Navisaarena suñña kipian la ke sape yoko akila kare þesan naga, siraunia, navisa ruruena lala imi malmaliv, ana amñinue asape Navisaarena naga yar na sanape, pona naga ai.

<sup>12</sup> Sumo na asitom asape naga yerkawa yar ga tai na kiela pogos ne, ana siraunia, apisu kilale ga na wa asape sur la naþa apisa ke ne, pe e re e kiela pogos poli, a e kieta pogos la ne pimi ke sirau. Ana kam mñena apisu kilale asape suri la naþa navisawalena la apisawal nanua sumo, nane apim ape lelaga e visena kiena lologena wo naþa memlologon ke pan amiu e namareraen kiena ne Ninuna Wa nae ma e peni rui.

A pe navisawalen re ga la poli, ana navisi mñena lala sinelan asape akilia sur la nene, ana peraga, pe kiela re naþa akilia poli. Sur la nene amñalivi ga yo metava e kieta pog na wa.

### *Monar ove yar wa ruruia*

<sup>13</sup> Ana pogos naþa Yesu Kristo pitomi mñaliv e yomarava e nena e kieta pogosa, ita ke narui monar tekila ruru kieta sitomena vena toñareran ruru naþa tekila kiena yuññaena. Monar takawe ruru kieta malena, a ve tesitom re yomarava nini, a monar tesitorñal ga navisa ruruena wo naþa yoko towaria pogos naþa yoko Yesu vitom warpo si yo e yomarava nini.

<sup>14</sup> Yoko monar teim teve sa sisi wo la naþa asuñña amlogear ruru ke armala, a nasinenanen viowa na wowe lala, pe pon re si tetañan ave suþen kieta malena poli, sa nanua sumo e pogos naþa pe tekilia re sur tai poli.

<sup>15</sup> Armata, naga ke narui naga pio ita, ana monar tekilia tesape naga naþa sineñan sape teim lavisinia, naga pe wa paþisi, ana ita mñena monar teve wa ruru e mrapa make ga na kieta malena.

<sup>16</sup> Visen kiena ne Ntewa tai teke e kiena navisaluaena marua, pisa sanene rui sape *“In na nepe wa, kam mñena monar ave wa.”*  
*Lev 11:44,45*

<sup>17</sup> A sur si tai, yam mokliu naþa tesuñña tepio Armata vena iila ita, ana monar tevisu kilale tevisave naga suñña pisuveve ruru yaru lala mesmesu ga e kiela yuññaena la peve taaga, ana teyaloro e yomarava nini monar kieta sitomen vatanonia, temaraunia. Naga mligan ita tesike e yo nini yam plas ga sane ita tepe wolawa ga ea, ana monar tesitom tevisave siraunia, yoko teva tesuññal nena tesu e marana.

<sup>18</sup> Nanua sumo, kieta li marua lala pe akilia re Ntewa poli, ana akiakian leleñ mña kiela malena na yemalolo pitomi pitomi tol pogos naþa Yesu Kristo pimi þerelua ita petania. A sa naþa akilia, naga kila sanene, pe pul plan ita re e sur na yomerava sane kilavaru poli pona kol pona ya si naþa sane yoko kovio pogos tai.

<sup>19</sup> Peraga, naga pul plan ita e kana kuru ta nena napo, komin naga tañan kiena malena kus leleta, naga tañan naga sane narin sipsip tai naþa pe narin maran sur tai pe to re e poli, vena kilaen kuþaþaena ea.

<sup>20</sup> Ntewa kilalua Yesu vena tamalia itaena sanene nanua rui. Nanua e pogos naþa si yomarava, ana þuarar narina nene suñña amio pano tol pogos naþa sinen miye ita keviu, narui kila naga pitomi mñaliv ga na wa e legien maro la nini.

<sup>21</sup> Naga pitomi mñalivi, naga pike mrapa pan ita na vaen si puna ne Ntewa po paþisi. A pogos naþa toñal naþa Ntewa kila malia si naga, mligan sike amio naga ma e kiena naurarena, toþar sitomena naþa tesape, Ntewa ne nanene narui, popon telelaga vania, teviawa ea, towasinea.

<sup>22</sup> Siar e nene narui, amlelaga e visena lelaga kiena ne Ntewa, a kiamiu malena la mesmes ruru po, a asitom manene laa kiamiu erau taþena lala. Ana ve akilakila re ga, monar amñareran li naþa akekaran amiu e sinemiu lala ve keviu manenea.

<sup>23</sup> Apaeme apim ape urviu sina, atol malena viu rui, ana nanene na pe sa re naþa mñamña la aþar sisi poli. Kieta malena viu nene naga pimi þarpo ga yo e visena kiena ne Ntewa, pe visena mali, a visena naþa taþatete kovio pogos tai.

<sup>24</sup> Malena kien yar taþatete su ve piavi, komin kapur ruru po sane mñaki, kilia imi

wo waḡisi sane meme, ana siraunia m̄ak nene kilia mano, ana meme kilia loru.

<sup>25</sup> Ana sur taaga naḡa sike sike lue, nane visena kiena Suḡe.

Ana visena ne nane, mesuḡa memlologo-  
ḡon ke pan amiu siar nanua rui pimi tol pane.

## 2

<sup>1</sup> Ana komin naḡa lologena wo tol amiu rui, monar aligan ḡelaga viowa lala. Nasinekareena lala, visokanen lala, namlamulen wanen viowa lala, vielueen lala, a navis viowaena lala, ḡelaga la ne sanene monar awar plan vetan kiamiu malena.

<sup>2</sup> Sa naḡa sisi tomtom la sinelan manene munen m̄ala yu vena amal ea, kam m̄ena monar aḡareran naḡa atol kamiu kinanena a namunena wo naḡa kilia kila ninumi kapur imi marua ruru, torokin ḡelaga kien yeririna la naḡa Ntewa tamalia la.

<sup>3</sup> Akan li kinanena kana Suḡe rui, a visae akan kiki, popon akan lue ga, m̄eḡemiu ulen silaga.

*Yesu naga pe purḡes nen kilavaru na ḡeren yuḡa naḡa mali*

<sup>4</sup> Ntewa sinena sape visirlua yuḡa wa tai, ana naga pisaar kilavaru na ḡeren yuḡa tai naḡa mali, naḡa pisu po paḡisi, nane Yesu. Yar taḡena laḡasa yepel mavinia, akovenlua, ana ita tesitom naga paḡisi, tetavevea.

<sup>5</sup> Ana Ntewa ḡere ita, pisirlua ita tesu meta e kilavaru nena, naga pran kolkol ita sane kilavaru mali lala na m̄ana yuḡa nena. Naga pisu ita sane kiena ḡegas nen yar wa na yuḡaena lala, naḡa tekilia towar kuḡaḡaena nowo vania naḡa naga kekaran la, naḡa towar vania komin ga yuḡaena naḡa Yesu Kristo kila rui.

<sup>6</sup> Sa ga visena tai naḡa sike e tus kiena yermarua navisawalen Aisea rui, naḡa Ntewa sape:

*“Apisu kilale rui pona pere wa? In na nepisaar kilavaru wo na ḡeren m̄au yuḡa tai rui, naḡa nekekaran paḡisi. Yoko nevisirlua nena se kiau kumali wa naḡa Saeon.*

*Yaru ai naḡa visirlua kien malena se ea, taḡatete nena loru vito viowa pog tai.”* Ais 28:16

<sup>7</sup> Ana ita naḡa temlelaga e kilavaru nene, tesape kieta visuena po na po, ana laḡasa pe sinelan re poli, akovenlua ga pano. Ana visen taḡena m̄ena kiena ne Ntewa e lepas nene sike e Tus na Yauena lala, naḡa sape: *“Pe sur koren naḡa yar na yuḡaenen yuḡa asape kilavaru nene piowa ga, akovenlua,*

*ana in na nemla kilavaru nena, nekila naga pe kilavaru na ḡeren m̄au yuḡa wa nena napo.”* Ais 8:14

<sup>8</sup> A e ke sina e Tusi kiena Aisea, visen kiena ne Ntewa tai pisayu ke kilavaru nene wa, pisa sanini, sape:

*“Kilavaru nene, yoko yar ve mok naḡa lala tau ea, kila ayal wowe.*

*Naga pe kilavaru tai naḡa yoko kila yeririna na yomarava nini aloloru.”* Ais 8:14

Visae teviun tevisave ya ne kila amlolor sanene, naga komin ga naḡa pe amlogear re visena lelaga naḡa amloge poli, yoko akekapol make atotano e lele na kovioena naḡa su ruru sike pa rui ve kiela.

<sup>9</sup> Ana e ita pe sa re nene po, ita tepe ḡegas taaga naḡa Ntewa pisirlua, ita tepe li na ḡarwa lala vena ve suḡenen kiena yo, ita tesike loyuḡa e kiena purvanua wa, ita tepe yeririna na mratava nena puna lala. Ita ke narui tepe yeririna na yueluren naga vena visawalen kiena sinewo naḡa kila pan ita, naḡa ḡere plan ita petan yemalolo, mligan ita tesike e kiena yomerarava napo.

<sup>10</sup> Nanua sumo ita tepe yeririna kar ga lala, ana nagane teḡim tepe ḡegas kiena ne Ntewa taaga. Nanua sumo pe tetol re kiena sineyeena poli, ana nagane kiena sineyeena pulen ga kieta malena.

<sup>11</sup> Erau lala, visae ve sanene, popon avisu kilale naḡa yomarava nini pe m̄ata uḡa re napo poli. Sa ga tepe yar taḡena ga lala, tepe sane wolawa ga, ana monar teligan ḡelaga nasinenanen nakilaen mlamulen viowa lala na yomerava nini, komin kiena napiowaena lala ape nasinekar nena na ninuta.

<sup>12</sup> Sila ga tesike likan la naḡa yepel mavin lelagaena, akawe ita silaga, a pogos naḡa tesike e marala, kieta malena monar wo na wo. Visae ve sanene, yoko akilia avisu kilale ya naḡa tesuḡa tekila ke ne naga po na po, ana visae la m̄ena alelaga, yoko ita make ga temio la teieluar Ntewa e pogos naḡa yoko imi m̄alivin ita sina.

*Pelaga wo kiena li nalelagaena lala pogos naḡa asike e yomarava*

<sup>13</sup> Sa naḡa tepe li nalelagaena kiena Suḡe rui, kieta ḡelaga naḡa tesike e yomarava nini monar torokin ga kiena kia naḡa tesuḡa temlologonia.

Li nalelagaena lala monar avatanon yerkawa la naḡa apisir plan la vena visuuren yeririna lala. Suḡe la yo, pona yerkawa kerkeviu lala,

<sup>14</sup> pona ḡarin suḡe keviu la, ana monar tevisu kilale la sane Ntewa ke narui naga mligan e limala vena liḡereen yar lala, vena laen nakoan va naḡa pe mesmes re

poli, a vena yeluaren naŋa kila yuŋaena wo.

<sup>15</sup> Ntewa sinenan sape kiena yeririna la monar ayuŋaena wo, komin naŋa visae akila m̄a sanene silaga, yoko yar la naŋa pe akilia re sur po, naŋa asuŋa akoven ke ga visen kar lala kawe ita, yoko taŋatete avisa si sur tai.

<sup>16</sup> E lepas tai, lelaga sane tekilia tekila ga ya naŋa sinetania, a e lepas komŋasa, yar naŋa mlelaga naga pe sitom manene re sanene po. Pona naga sitom ke sape visa ve sa nini yo, visave Ke, sur nene sike ga e in naŋane, nekilia nekila ga suri viowa ya naŋa sineunia. Ana pe sa re nena nene poli ŋisa, komin monar tevisu kilale tevisave ita la naŋa temlelaga tepe yar na yuŋaena kiena ne Ntewa, ana monar tekila ya naŋa naga sinenania.

<sup>17</sup> Li nalelagaena lala monar avatanon yar taŋena lala, monar akekaran manene wenla taŋena lala amio vinela taŋena lala e namratava puna ne Ntewa. Monar amaraun Ntewa, avatanonia, a monar avatanon m̄ena kiela suŋe lala.

<sup>18</sup> E ŋegas nen li nalelagaena lala, laŋasa ape kiena ne yerikawa lala, naŋa ayuŋaena korena ga van la. A kiela yerikawa lala, laŋasa apowo paŋisi, a laŋasa am̄arera paŋisi, ana pe sur koren ga naŋa yerikawa naga po pona piowa ga sanene, ana yar na kiena yuŋaena monar vatanon ruruia.

<sup>19</sup> Pogos la ŋasa, pona yar na yuŋaena miyuŋaena pogaga yo, ana kiena suŋe kilia sinen karkare vaŋisi, kilia viowa lue ga vania. Yar nene yoko loge viowagan ŋelaga kiena ne kiena suŋe naŋa pe mesmes re poli, ana po paŋisi visae torokin taŋan ga ve sa nene, naŋa e kiena sitomena ŋasine ga Ntewa, ana yoko loge kilale naŋa Ntewa sike amio vena iilaena.

<sup>20</sup> Ana visae yar na yuŋaena kila sur viowa ve moki, pona yoko kiena yerikawa monar visave ala nakoena vania. Ana visae pogos naŋa ala nakoena van yar nene, naga va ruru ga teke na, yoko ve tevisa re tevisave naga pa ruruia komin naga pe yar wo tai, ana tekilia tevisave naga pe pis re poli komin pisu kilale kiena napiowaena.

Ana visae okila ga sur wo la sa naŋa Ntewa sinenania, asuŋalu sinela kar ko, ala nakoena m̄arera tai van ko, ana ova ruru ko ga, ŋelaga wo ke narui naŋa Ntewa sinenania.

<sup>21</sup> Sur nene naŋa yar wo loge viowa ga naŋa akila piowa pania, naga pe lepas nen kieta malena tai naŋa Kristo pio itania, komin sa kemua nene pan naga sumo rui. Pe kila re sur tai poli, ana akila naga mloge

piowa manene laa, ana naga taŋan ga, vanon ita. Ana sa ke ga mrapa taŋa kieta Suŋe mial kome nanua sumo rui, monar teyal ga e lelen lana tetaveve tevano.

<sup>22</sup> Visena Wa marua pisayu naga sumo rui, naŋa pisa sanini, sape

*“Naga pe kila re nena mlamulen viowa pogos tai poli, visena na visokanena pe kate li re e gona poli.”* Ais 53:9

<sup>23</sup> A sa ke ga naŋa tekilia m̄aga, pogos naŋa akuan visen viowa la pania, pe pisamaran re si poli, a pogos naŋa am̄e kare yepen lala, pe pisa re nena sur tai pan la. Pa ruru ga mon m̄aga, mligan sur make ga sike ga e limana ne Ntewa Arimana naŋa kiena naliŋereen lala mesmes make ga.

<sup>24</sup> Pogos naŋa Yesu telan m̄eke e lak torovia, nakoena na kieta mlamulen viowa make ga mloru e tasnena, a kiena marena kila naŋa ŋelaga na mlamulen viowa mare petan ita, ana kila ŋelaga na kilaen mesmesu mal suŋa e kieta malena. Lelaga, kiena yepe lalaea lala kila kieta yepe lalaea lala pimi po nenaga.

<sup>25</sup> Sumo, tesuŋa temyal wowe sane sip-sip la naŋa akila pal kiela mrapa, ana nagan yar na visuaren sipsip m̄al ita si rui, nagan tepim tesu ruru tesike temio naga naŋa pe yaru navisuarena kieta malena.

### 3

*La naŋa atalopa rui monar avatanon wola lala*

<sup>1</sup> Sa naŋa ita la naŋa temlelaga monar tevatanon ŋarin suŋe na purvanua, ita naŋa tetalopa monar tevatanon m̄ena wota lala.

Nevis ŋesan van amiu kam sira lala, nesape monar avatanon ruru womiu na yerm̄ene lala. Pona sira tai, wona na yerm̄ene pe mlelaga re e Tus Wa poli, yepen mavin yagongen wona na sira visayu vania, ana visae wona na sira kila lue ga wo vania, pona yoko kilia were m̄ena naga imi lelaga yo.

<sup>2</sup> Visen manenea taŋatete taulu yar nene, ana pogos naŋa visuveve ŋelaga na sitomena wa a ŋelaga na vatanoena kiena wona sira nene, yoko naga kekaran naŋa lelaga.

<sup>3</sup> Sira lala, popon avisu kilale kilale sana kiamiu purŋes nen nawoena pe vanon re naŋa avilovilon vilŋarimiu veve taŋena poli, pona atelan mraŋalela lala, pona ayen kulmrae wo lala.

<sup>4</sup> Sur nene, pe komin re naŋa apaia ruru tasnemiu la sanene poli, ana ya naŋa yoko kila amiu aim awo ruru napo lelaga nane ŋelaga wo naŋa teke loyuma e amiu. Ee,

lemamiēna naḡa malumu a sinemiu naḡa vito ga tano, naga ke na kiamiu nawoena narui, a naga taḡatete imi ve urmarua pog tai, nane ḡelaga ne nanene Ntewa pisu po paḡisi.

<sup>5</sup> Apua sira marua nasumo lala, la mēna kiela ḡelaga la sa ga nene. La aḡasine Ntewa, ana amlelaga asape naga ga kilia iilala aim awo manene e marana a e maran yar taḡena lala. A pogos naḡa ola na yermēne mēna lala apisu naḡa wola na sira la nene apatanon ruru la sanene, apisu po na po.

<sup>6</sup> Sira tai naḡa kilakila sanene naga sira marua Sera, naḡa naga kekaran patanon ruru wona yermarua Epraam, pano pano-pio ke naga sape kiena suḡe. Sira marua Sera nene, tepisu ke naga sane aneta sira marua tanea, ana kam sira na nagane lala, visae asuḡa akila luen ga wo va womiu lala, sa naḡa naga kila, kam na aim ave narina nena napo lala. Pona laḡas amaraun asape sa ḡisi akila ve sa nene va wola na yermēne lala yoko ve sanapen la, ana peraga, monar avatanon la ve sa naḡa Ntewa sinenania.

<sup>7</sup> Ana visena van amiu kam yermēne lala, sape monar asitom urmi manene e womiu na sira lala. Visae yar tai sike uḡa mēna amio wona na sira, monar visu kilale sape naga yermēne, naga mārera manenea, ana wona na sira, naga pe mārera manene re sane naga poli. Monar sitorḡal silaga sane Ntewa pe mla re ga malena viu pa yermēne naga taaga poli, ana mla ga pan la luoka, yermēne amio sira la ga luwoka maran taaga.

Ana visae yermēne tai ve mārera manene re va wona, ana kiena sitomena vito ga tanonia, malum ruru wo vania, yoko lotena kiena lalua nene ve va map re ga mrapa komsusa, ana yalen silau va tol yo e naḡa Ntewa sike ea.

*Monar avatanon amiu vena kiamiu sitomen la imi ve taaga*

<sup>8</sup> Visen maro tai e lepas nene, nesape popon ala ruru sitomen la ne nepisawal ma meta ne. Kam punu ga, monar amāreranli naḡa silaga asu ruru amio amiu naḡa kiamiu sitomen la imi ve taaga ga. Sinemiu ye amiu, akekaran naḡa sane kam na ape mratava taaga, awo van amiu, aligan amiu asike sina vatanon amiu.

<sup>9</sup> Naga naḡa kila piowa pan ko, ve okila maran re si viowa vania, a naga naḡa viuelin ko, ve ovuielin maran re sina. Visae ya naḡa imi van ko, yoko osuḡa ola ga navisatameēna navisa ruruena wo vano. Pelaga wo la ne sanene Ntewa pio itania, vena tela ve sanene silaga, a visae

tela navisa ruruena va yar taḡena, yoko Ntewa ligan kiena navisa ruruena sike e kieta malena.

<sup>10</sup> Navisaarena la ne sanene sike e Tusi na Yauena la rui, naḡa pisa sanini, sape:

*“Yar naḡa kekaran sape su ruru suḡa wo e yomarava nini, pona sinenan sape kiena malena va wo, ve piavi, monar kilawo visena viowa lala ve molue re kome pulgona, monar visuar ruruia sa naḡa ve visokan re.*

<sup>11</sup> *Monar ligan naviowaena, kila ga wo. Monar māreran suḡare, a monar ḡiyonli naḡa silaga were imi lavisi likan yeririna lala.*

<sup>12</sup> *Suḡe suḡa pisu manene ruru ke yar naḡa kila ke po, ten kiligana pan leniena kien yar wo la ne sanene. Ana la naḡa akila ke piowa, maran mārera pan la, pilon ga masina pan la.”* Yauena 34:12-16

*Pogos naḡa akila piowa pa yeririna wo kiena ne Ntewa lala*

<sup>13</sup> Visae toḡāreranli naḡa tekila ruru sur make ga wo na wo, ve tesitom re tevisave yar laḡas sinela kar ita vanon poli.

<sup>14</sup> Pona pogos tai avisu naḡa tesuḡa tekila ke po sa naḡa Ntewa sinenania, ana teilan ga asuḡal akila kare ita vanonia. Ana visae ve sanene, monar tevisu sane naviowaena nene pe pe sur re tai poli, naga navisa ruruena ga tai naḡa Ntewa mla pan ita. Tekilia tesitorḡal visena na tus kiena ne yermarua navisawalena Aisea, naḡa pisa sanini, sape:

*“Yar kiena ne Ntewa, ve sinemā kurkur re, ve omaraun re ya naḡa yeririna na yomara-ava la amaraunia.”*

<sup>15</sup> Visena nene sape monar ve temarau re, ana ya naḡa monar tekila, e losineta, monar teligan Kristo ga su metavan sur make ga, naga taaga pe kieta Suḡe. A monar tekila ruru ita silaga, sa naḡa visae naviunena tai imi viun sape komin ya ne temlelaga, komin ya ne toḡasine Yesu, ana monar tekilia ruru ve sanape naḡa yoko tekilia tela navisatameēna tai naḡa po vano.

<sup>16</sup> A visae navisatameēna vano, monar va amio ga ḡelaga malum, a ḡelaga navatanonen yar. La naḡa sinelan ke kila kareen la naḡa amlelaga e Kristo, akilia akoan visen viowa ve moki vim van amiu, ana avisuar amiu, pe pon re si akuan maran si visen viowa la van la poli. Visae akila ve sa nene, siraunia akilia amawan si kiamiu visena mārera la nene vaḡisi, a visae amonāu ga van la, yoko la ga monar amawan si kiela visena mārera lala.

<sup>17</sup> Visae Ntewa sinenan sape naloge viowaena kilia vim m̄alivin ita pog tai, pe pon re naloge viowaena nene vim m̄alivi komin ga sur viowa laḡas naḡa ita ga tekila poli. Ana popon manene laa naḡa visae naloge viowaena nene vim m̄alivin ita, komin ga suri wo la naḡa temiyuḡaen ke ne.

<sup>18</sup> Asitoḡali Kristo, naga sanene. Naga pe yar mesmes manene laa, ana naga mloge piowa manene paḡisi komin yar viowa lala. Kieta mlamulen viowa ita yeririna na yomarava lala mok liu, ana e kiena marena yam taaga nene kila sur make rui naḡa kila sane kieta mrapa suḡa naḡa kilia were ita teva lavisin Armata Ntewa. Akila kare ḡa tasnena Yesu sanene pano-o marḡan nenaga, ana po paḡisi naḡa siraunia, naga mal sina e naḡareraena kiena Ninuna ne Ntewa.

<sup>19</sup> Ana sumon naḡa mal si sanene, naḡa ḡeke e lelen marena naḡa, naḡareraen kiena Ninuna ne Ntewa pimi pulemamaga ea, kila naga pa mlologon meraravan pa ninuna taḡena la naḡa asike e nene, sape nagane Ntewa taulu la narui, ana Yermare naga kila ḡele nena yonia.

<sup>20</sup> Ninuna la nene, nane yeririna sur la naḡa yepel mavin Ntewa, sane la nanua e pogos kiena ne yermarua Noa. E pogos nene Ntewa suḡate la ke sape avilon la, mla pog piavi pan la. La asuḡa ga sane, Noa miyuḡaen ḡa kiena pupia waa nene, ana pe asitom re nenaga, ana pogos naḡa womie pulemamaga la atalilu. La mok naḡa akovio e pogos nene, ana yar la lua la ga naḡa amal asike e pulu waa, nane Noa ga la orelu nene.

<sup>21</sup> Ana pupia wii naḡa kus la amal e kiela waa nene, naga kana kinasnena ya ne pan ita nagane? Naga kila tesitoḡal si wii taḡena, wii na tamalia itaena, nane wii naḡa akee ita ea. Wii nakeena na nene, naga pe kila re sa naḡa yepeta la mekik poli, ana kiar ruru ita sape Ntewa piowo kieta mlamulen viowa lala, ana ve temawan re sina vania.

Nakeena naga mligan kieta malena tesu ruru tesike temio Ntewa narui, ana popon tesitoḡal ḡena tesape ane kila kieta mrapa sanene? Yesu Kristo ga kila, pimi kome kiena nasuḡalen si petan marena.

<sup>22</sup> A siraun nene, ḡasuḡe si pa ma e peni, pa totano teke amio Ntewa e li-mana marua ma metava, naḡa navisi lala, a pupia yerkaḡa lala, amio ḡareraena lala, la make ga asike vatanon kiena navesuḡenena.

#### 4

*Nasinenanena kiena ne Ntewa naga su*

#### *ḡes e kieta malena*

<sup>1</sup> Sa naḡa nepisa rui, Kristo naga taḡian naḡa ḡar naloge viowaena la moki e yepena, ana ita ḡena ga monar tekila kieta sitomena ve sa ke ga nene. Yar naḡa tasnena mloge piowa, ve visa re visave viowa, komin naḡa visae naga va warpo yo e naloge viowaen ta sanene, kilia kila naga ḡarera manene laa sane, vena liganen ḡelaga na mlamulen viowa lala.

<sup>2</sup> Yar sur na sanene, naga pe pa manene re si e kiena malena na yomarava nini poli, naḡa sinenanena viowa na ḡelaga kiena ne yeririna imi ve keviu manene e kiena sitomena, ana naga sitom ga sur mesmesu la naḡa Ntewa sinenania.

<sup>3</sup> Kieta malena, naḡa tekila kare komḡas keviu pa rui, naḡa tesuḡa tetelivi ke ga temio erau la naḡa pe amlelaga re poli. Ita temio la e malena viowa naḡa pule e nakila maneneen ḡarita, na wereen sira lala, na mun maneneen wii pano tepe wowe, na veveyuena a na kilaen mara, na kilaen ḡaagena kar la pano-o yemlagi, nakilaroen navisaluaen lala, amio nalotunen nono lala.

<sup>4</sup> Nane kieta malena ke na sumo narui, ana nagane, kieta erau nene amninue asape ita na sanape narui. Amal naḡa pe sinetan re si taveve laen poli vena kieta malena talilu e pulmaran kiela sukopene, ana pe akekaran re nenaga, kila sinela kar ita paḡisi.

<sup>5</sup> Ana ve tesitom re suria, yar sur la ne sanene yoko asuḡalu ase marana ne naga naḡa yoko liḡere yar mal lala amio ḡena yar la naḡa amarmare rui. Yoko monar avisawal kiela sur la vania, ana e pogos nene narui, yoko avisu kilale kiela napiowaena lala.

<sup>6</sup> Ana taḡatete ve sanene va nalelagaena lala. Pona yar na yomarava la aliperela ala nakoena na yomarava van tasnela, kilia va tol naḡa akilalu kiela malena. Ana pogos naḡa asuḡalu ase marana ne Ntewa, yoko naga la nalaena na malena van ninula. A malena ne nane pe pupia sur naḡa kila tesuḡa temlologon ke lologena wo van yaru lala.

*Pelaga kiena li nalelagaena lala e pogos naḡa legiena maro pimi ke lavis*

<sup>7</sup> Nesape nevisa sanini, sane lavis tetol luas nen sur make narui. E pog na sanene, nalelagaena lala monar asḡal ruruia naḡa kiela sitomen la ekik ruru wo, vena ve aursulan re leniena.

<sup>8</sup> A metavan sur taḡena make ga, monar asitom manene la si vaḡisi, komin naḡa visae tesitom yar tai, kila sa naḡa meme ga na viewoen kiena mlamulen viowa lala. Visena tai pisa sanene rui, sape mlamulen

viowa mok liu, ana nasinesiena kilia kalo la make ga.

<sup>9</sup> Sur tařena, li nalelagaena lala la monar akekarana ga nařa avisuar la sina e mřala uřa.

<sup>10</sup> A la make mřena lala monar akilia ruru nařareraena amio nakiliaena tařena tařena lala nařa Ninuna mla pan la, monar ayuřaena ruru amio vena iilaen kiela erau tařena lala. Visae avisuar ruruia, akilia akila nařa yoko lemamiena wo kiena ne Ntewa imi warpo yo e la.

<sup>11</sup> Yar nařa nakiliaena na visena teke ea, naga monar vis ruruia sa ga nařa visen kiena ne Ntewa ga lelaga suřa řar wowo ke e pulgona. Yar nařa nakiliaen naiilaen yuřaena sike ea, naga monar kila wo amio nařareraena make ga nařa Ntewa mla pania. Visae silaga tekila make sur wo ve sa nene, yoko yar make akilia aieluar Ntewa vanonia, aieluar naga komin kia kiena ne Yesu Kristo, nařa naurarena make ga a nařareraena make ga ape kiena ga vano vano ve uro re.

*Naloge viowaena kiena ne li nalelagaena lala*

<sup>12</sup> Erau lala, nekilia nesape nagane apane ke pog na loge viowaena tai nařa kila amloge piowa pařisi. Ana sineun nesape nevisa van amiu, sa nařa ve ailan manene re, ve avisu re sur nene sane sur tai nařa asitom ke asape tařatete imi mřalivin amiu pog tai yo.

<sup>13</sup> Ana ya ga nařa akila, akekarana ga nařa akilia ave řegas amio Kristo e kiena naloge viowaena lala. Visae sanene, yoko siraunia, pupia kekarena vařisi van amiu, nařa akilia ave řegas si amio e pogos nařa imi mřaliv amio kiena naurarena.

<sup>14</sup> Visae tařena la akilia asape kia kiena Kristo sike e ko, yoko akilia akoven viuelen viowa la imi, ana ve ositom manene re. Yoko pupia navisa ruruena sulue ga e ko, komin nařa Ninuna ne naurarena kiena ne Ntewa nae ma e peni sike e kiořa malena.

<sup>15</sup> Visae ala nakoena tai pona naloge viowaen tai imi van ko, pe pon re akila komin nařa asape ko na yar na weřaren yaru, pona ope yar na vinauena, pona ope yar na kilaroen navisaluaena, pona ope yar na kilaen viowa yo.

<sup>16</sup> A visae akila komin ga nařa akilia asape ko na omlelaga ke e Kristo, ve okila re sane omawa, ana monar oyeluar Ntewa nařa pisu ko ke sape ko na otoroki nařa kia kiena ne Yesu Kristo sike e ko.

<sup>17</sup> Nagane, pogos na liřereena siar ke rui, a yoko va mřa tol řesan mratava mřana ne Ntewa. A tepisu nařa naga kilia tařan

pog mřarera lařasia warpo yo e malena kiena narina lala, ana visae kila ve sa nene va la nařa amlelaga, temninue kare narui ařa yoko ve sanapen la nařa pe sinelan re logearen kiena Lologena Wo poli.

<sup>18</sup> Nanene na sane visena tai na Tus marua na Visena na Manmaruaena nařa pisa sanini, sape:

*"Yar nařa asitom asape naga mesmes rui, pe sur mřarera tai nařa Ntewa kilia tamalia."* Pakaiwa 11:31

Ana visae ve sanene, ositomyuli yar la nařa yepel mavin Ntewa, la ape yar na mlamulen viowa ga narui. Yoko ve sanapen la?

<sup>19</sup> Pogaga, e nene nevisa narin visen tai van amiu nařa Ntewa tařan naloge viowaena pimi mřalivin amiu. Nesape asuřa akilakila ga wo van yeririna make ga, a asuřa aligan kiamiu malena sike e limana Ntewa. Naga pe Ntewa nařa sii make suria, naga pe Ntewa nařa masisun ruru sur make ga, a naga pe Ntewa nařa tekilia towasine ruru naga silaga.

## 5

*Visena pa pa nasumonen lala*

<sup>1</sup> Pogaga, nagane sineun nesape nevisa sawal sitomena lařasia van amiu nasumonen lala na suřare. Nesitom nesape netorokin nevis van amiu sanene, komin nařa in mřena nepe nasumonena, a metavana, in mřena tai nařa nepisu Kristo e kilamarau, pogos nařa kus ke naloge viowaena metava e lak torovia. Ana nekilia ruru nesape in mřena tai nařa yoko nesike loyuřa e naurarena la nařa yoko imi sirau, nane nepisu sane popon nekila visen la nene vena iila amiu.

<sup>2</sup> Neviun manene tan amiu sanini, nesape monar avisuar ruru řegas nen sipsip la nařa Ntewa mligan sike vatanon kiamiu navisuarena. Nanene na yuřaen tai nařa keviu pařisi, ana lelaga, pe pon re visae akila nařa pe sinemiun re nakilaena poli. Ana popon akila ga amio sitomena nařa kekaren nakilaena, sa nařa Ntewa sine-nania. Ana yuřaena ya nařa akila, ve akila re ga komin narin nalaen tai nařa yoko alavia, ana akila ga komin nařa narin sitomen tai teke e amiu sape akila vena iilaen yar tařena lala.

<sup>3</sup> A la nařa asike e limamiu vena avisuar la, ve akila re nařa akilali awarar manene laa, ana monar asumon ruru la, avian la e mřapa, ana akilia ataveve lelen lamiu.

<sup>4</sup> Visae ayuřaena mřa sanene vano, yoko řar na visuaren sipsip kiena ne Ntewa yoko kekaran amiunia. Pogos nařa imi mřaliv sina, yoko visir plan amiu sane kiena



þarin suþe lala, yoko vaia ruru amiu naþa kiena pupia navilavilaena naurarena vila e amiu naþa taþatete si vito tano pog tai.

*Visena pa yar taþena lala*

<sup>5</sup> Nagane visena imi van amiu kam mēee lala. Nepiun manene pan amiu nesape monar akekaran naþa avatanon kiamiu yermarua lala a kiamiu nasumonena lala. Visen la ne sanene kam punu ga monar alavia, komin naþa popon silaga tekila þelaga na vatanoena van ita. Nanene sane visena tai na Tusi na Manmaruaena tai pisa nanua laa rui, naþa sape

*“Ntewa pisalupar þelaga na vilaveena, ana miila þelaga na vatanoena.”  
Pakaiwa 3:34*

<sup>6</sup> Sanene, popon tekila kieta sitomena su lue ga vatanon Ntewa. Teligan ita e limana, ana e kiena māraraena yoko kilia visirlua ita si pogos tai.

<sup>7</sup> Teligan kieta naurmiena la sike e māsina, komin naga sitom ita paþisi, sinenan sape iila ita.

*Avisalupar Yermare*

<sup>8</sup> Nesape nevisa mēna visena na weþege amiuena tai, sane monar avisuar ruru amiu, monar avisu kilale towe laa mrapa. Kieta nasinekar naþa Yermare, naga telivwo ita lue ga, naga sane pupia sur mal tetan tai naþa sane visokarian manene laa nalelagaena lala, visae suñalun la karwowa kare la vitolwowa la vaþisi.

<sup>9</sup> Ana ve atañan re kila sanene, monar asuñal mārera e kiamiu naviawaena vena avisalupar ruru naga. Pe kam re ga naþa naga suñia kilali amiu ke poli, ana akilia rui sane kieta erau taþena la mok liu teliv e yomarava nini piora, naloge viowaena la pimi mālavin la ke mēna ga, ana popon ita make ga tesuñal mārera vena Yermare ve taulu re ita yar tai.

<sup>10</sup> Lelaga naþa asuñia amloge piowa towe laa e pogos nene, ana kieta Ntewa nalemamiena make ga yoko iila amiu. Naga ke narui naþa mligan plan amiu rui vena yoko amiu amio Kristo loyumiña e kiena pupia naurarena, a naga ke narui yoko ligan ruru amiu sina nagane. Yoko sinemiu ve kurkur re, yoko ve akulul re, ana e kiena namāraraena, yoko akilia aviawa ruru sina.

<sup>11</sup> Nane, teyeluar kieta Ntewa nene, komin kiena namāraraena suñia taulu make suria, a yoko suñia taulu vano-o taþatete þisi pog tai, sanene narui.

*Visena maro*

<sup>12</sup> Nesike e nini nemio kieta puruvi wo naþa Saelas, noþasine ke naga e sur moki,

a naga miila inu sirilua kiamiu maki nene. Nekilia nesape maki nene plas laa ga, nepis ve tokak ga, ana ya naþa sike ea, nekilia nesape pisawal ruru þelaga wo tanea lala na lemamiēna kiena ne Ntewa pe lelaga, naþa torokin amiu naþa asike e nagane. Ve sanene, auloia, alavia vena iilaen kiamiu sitomen lala, silaga asuñialu mārera ase ea.

<sup>13</sup> Lala na suñiare nae nini Rom, amio mēna Mak, naþa nemla naga sa ga naruu narui, apisa po kolulag pona pokolemalo pan amiu. Mesike e nini, mepisu piowa towe ga, memloge sane mesike e pupia pulkumali viowa nasumo naþa asape Papilon. Ana naga pogaga, komin naþa mekilia mesape Ntewa mligan plan imimi naþa memio amiu, ita teve kiena.

<sup>14</sup> Nevisa maron sanini, nesape pogos naþa aim lele taaga, aworworun amiu, amun pipimiu sa naþa akekaran ruru amiu.

Ana kiau leniena sa naþa suñarena wo kiena ne Yesu Kristo sike make amio amiu naþa ape kiena.

Inu, Pita.

## Maki Nalua Naþa PITA Siriyuia Visayuena Na Tusi Nene

*Suniena plas na tusi nini*

Maki kiena Pita na lua, Pita siria pan li nalelagaena lala e pogos tai naþa navianiena la asike ne, ana kiela vianiena la pe mesmesu re poli, kila naþa yaru la ataveve la asuñia amloru e mlamulena viowa. Ana Pita pisawal pa li nalelagaena la nene vena monar avisuar ruruia vena yaru la nene ve avilovilon kare re kiela sitomena.

Ana na kila woen þelaga viowa la nene, monar yaru kilia ruru Ntewa, a monar tariñan Yesu Kristo, naþa kieta Suþe, vimi ve suri na sumo e kiena maliena. Li nalelagaena lala e pogos nene, amloge lologena wo nene e yaru la naþa apisu Yesu e kilamarala, a naþa amloge kiena visena lala, e pogos naþa pian ke yaru lala.

Pita siri maki nini vena visirluaen sitomena kiena li nalelagaena lala, komin naþa e pogos nene, navianena la naþa kiela vianena pe mesmesu re poli, asuñia apisawal ke asape yoko Yesu taþatete si wasuþea.

Ana Pita sape Yesu pe þasuþe re polua komin naþa Ntewa pe sinenan re yaru tai kovio poli. Naga sinenan sape yaru makega monar avilon kiela sitomena vetan kiela mlamulena viowa lala (3:9). Ana yoko naga monar ve ve piyavi re, Yesu wasuþe si imi.

*Komþasnen tusi la na nini*

Visena þesa 1:1-2

Malena kiena li nalelagaena lala 1:3-21  
Navianena la naþa kiela vianena piowaga 2:1-22

Yesu yoko wasuþe sina 3:1-18

<sup>1</sup> Mak nini, inu Saemon Pita na nesiria, sa naþa nepe yar na yuñiaena kiena ne Yesu Kristo, a nepe kiena nalologena. Nesiri ke piñasu pan amiu, amiu naþa atol naviawaena e naga rui po paþisi sa ke ga naþa metol sumo. Naga pe Ntewa a pe kieta natamaliaena ita punu ga, naga kila lue ga po pan ita silaga.

<sup>2</sup> Sanene, nesitoñial amiu, nemlen nesape yoko akilia ruru Ntewa kieta Suþe naþa Yesu va re laa ga wa, vano yoko naga kila kiena lemamiena a suñarena ulemamaga e kiamiu malena.

*Yesu pio ita vena teve kiena*

<sup>3</sup> Yesu po pan ita paþisi, naþa e mñaraena na kiena urarena a kiena sinewoena, naga pio ita vena tekilia ruru

naga sanene. A pogos naþa tekilia ruru naga, naga ga kila sur punu ga e kiena nañareraena wa nene, naþa kila malena kiena ne Ntewa a kiena þelaga wa ule e ita.

<sup>4</sup> Yesu kila na tetol nalaena wo la nene naþa apowo paþisi, tepisu naþa taveve ruru nena ga kiena navisaarena lala. A e mrapa nene, tepisu naþa naga kila kieta malena pa pranar ke amio malena wa kiena ne Ntewa, a suñia miila ita vena toure matan kororak lala na sinenanena viowa lala na yomarava nini.

<sup>5</sup> Komin sur ne na nene, monar añareran naþa akila kiamiu malena lala imi wo la ve sa nene. E naviawaena naþa teke e amiu rui, popon asikol si sinewoena. E sinewoena nene, popon asikol si kiliaena amio manmaruaena.

<sup>6</sup> E kiliaena amio manmaruaena nene, popon asikol si nawanar ruruena, a e nawanar ruruena nene, popon asikol si sitomena viavi, a e sitomena viavi nene, popon asikol si þelaga wa.

<sup>7</sup> E þelaga wa nene, popon asikol si sitomena wo, a e sitomena wo nene, popon asikol si sinesiena.

<sup>8</sup> Pelaga wo la punu ga nene, visae asike e amiu, a visae asuñia akapur ke silaga, yoko kiamiu malena kilia war mras wo la naþa kiki vaþisi. Pona kam na akilia kieta Suþe Yesu Kristo rui, a visae þelaga la nene ve su re e amiu, yoko taþatete nena akila kiena yuñiaena tai.

<sup>9</sup> Yar na sanene pe kilamara þala ga, taþatete visu kilale suria a kiena sitomen plas ga. Naga sinen þesan sape akevan kiena mlamulen marua viowa lala, pe sitoñial re si sape sike e malena wo tai poli.

<sup>10</sup> Erau lala, pe pon re yar ve sanene poli, ana nomareran amiu ke nesape kam make veve taaga monar aþionli naþa silaga akila yuñiaena wo lala vena avisawal ke asape Yesu pio amiu ape kiena, naga pe pe sur na visokanen re nene poli, a pe pe sur na kirakiraen re mñena poli, ana naga pe sur na lelaga.

<sup>11</sup> Visae akilakila mña sanene, yoko taþatete aloru pog tai, a pulutava na vaen loyuma e nasuþenena kiena ne Yesu Kristo naþa naga pe kieta Suþe a Natamaliaena yoko suwowo ruru nena van amiu. Yoko aworworun ruru amiu vena ava asulue asike amio.

<sup>12</sup> Nekilia nesape visena la nene, pe pe urviu re pan amiu poli, komin naþa apuarar ruru yam piavi rui. Ana taþatete neligan naþa monar nevisasawal kaþaran mña visena lelaga la nene van amiu.

<sup>13</sup> Naga nene pe yuñiaena na kiau malena, vena iila amiuena vena ve sine-miu ve þesan re, a nekilia yoko monar

nekila mña sanene vano vano-o tol pogos naña kiau malena pisi.

<sup>14</sup> Suþe Yesu Kristo pisawal pan inu rui sape in na ve ve piavi re yoko neligan tasneu nini nevavin,

<sup>15</sup> a sumon nene, sineun nesape nesiri plan sur make su ruru suña ga. Ve sanene, visae nevavin, ana mrapa sike þa rui vena akilia asitoñal visena la nene silaga.

*Visena kiena Pita amio nalogena taþena lala pe lelaga*

<sup>16</sup> Imimi nalogena lala mepian amiu mesape kieta Suþe Yesu Kristo yoko wasuþe sina amio kiena pupia namareraena. Ana pe pon re laþas avisayu navianena la nene asave nanene na visena na sitomen kien yar ga, pona avisave nanene na sa ga suniena marua ga lala. Mekilia mevisaar van amiu mesape pe sa re nene poli, komin namareraen kiena Yesu Kristo naga pe sur lelaga naña mepisu e kilamaramimi rui.

<sup>17</sup> Nanua na, mesike memio e pogos naña Ntewa mligan naurarena nae ma e peni sike e naga, a mieluaria, naña kiena visena tai molue kom meta pitomi pisayu naga, sape

“Nanene naga naruu nena napo naña sineu si paþisi, nekekaran nena ga naga.”

<sup>18</sup> Imimi ke narui memloge pulgon nae ma e peni naña pisawal visena nene, naga nene e pogos naña mesike memio Suþe ma e tavie wa naþani.

<sup>19</sup> Ana komin sur la naña mepisuia a memloge, mekilua ruru merarava e kiamimi sitomen lala, mesape nanene naga sur lelaga la naña navisawalena nasumo la apisawalia. Kiela visena lala sane kapi vivaga wo tai vena vivagali yemalolo naña tesike ea, ana popon touloyuia ana telavia. Sanene yoko kilologia mrapa van ita vano tol pogos naña legiena viu imi mñalivin ita, a verue na kolulag vam metava e kieta sinapane vena tegoli kieta sitomen lala.

<sup>20</sup> Ana sineun nesape nevisa si sur tai e lepas na visawalena kiena ne navisawalena marua lala naña asirilua sike e Tus Wa. Naga sanini, sa naña navisawalen lala nene, taþatete yar tai suñalu visave naga taaga kilia ruru kala kinasa.

<sup>21</sup> Nanene komin naña visawalena la nene, taþatete amolue vetan sitomen ken yaru, ana Ninuna ne Ntewa naga miyuñae e la, sumon la vena avisawal visawalena kiena ne Ntewa lala.

## 2

*La naña apian ke visena navisokanena*

<sup>1</sup> Ana sa naña tekilia, e pogos kiena ne navisawalena wo la na sumo, pogos laþasia navisokaninen navisawalena mña amñalmñalivi ke e marana ne yeririna kiena ne Ntewa lala. A yoko ve sa ke mña nene van ita nagane, naña pog tai, navianena navisokanena pona aim amñaliv yo. Navianena kar la ne sanene, yoko awar vinaun ga navianen laþas naña pe pe lelaga re poli imi, la akilia asape amlelaga e Suþe na mava, asape naga tamalia la, ana kiela navianen la nene akawe ke sina ga naga. Navianen la nene kilua kila kare naviawaena kiena ne nalelagaena lala, ana navisokaninen vianena la nene pe apisu kilale re asape kiela nakoena pimin la ke vilaga narui.

<sup>2</sup> La apiowa manene paþisi, a temawan tevisayu ya naña akilakila ke ne. La asape amlelaga, ana akila ke ga naña yeririna taþena la apisu kilale kiela þelaga, asuñia apisa kare ke kieta mrapa na lelagaena paþisi.

<sup>3</sup> Yar na visokanen lala, sinelan manene la sur lala, yoko akuan visena kiki la ve moki van amiu vaþisi, yoko akilayon li naña aure amiu e suniena la naña apule e suri la naña pe pe lelaga re poli. Ana pogaga, Ntewa na re momalio re poli. Naga mliþerela, kila ruru kiela nakoena su ruru sike nakonua rui.

<sup>4</sup> Popon tevisu kilale þelaga kiena ne Ntewa naliþereen yaru a natamaliaen yaru nanua sumo. Naþesa, asitomyuli navisi kiena ne Ntewa la nanua sumo, naña laþasa asuñalu asape asu metavania. Naga sape pe sur re tai nene poli, ana suñalu koven plan la veraga, apito tano e puluyo malolo e kapi na loge viowaena, vena asuñia e nene vano tol pupia legiena na liþere maronen yar lala.

<sup>5</sup> Ana asitomyuli mña yeririna nasumo la nene, naña e pogos kiena ne yermarua Noa. Pogos naña mlologon ke þelaga wo kiena ne Ntewa pan la, þarila marera paþisi, yepel mavin ga. Ana Ntewa kila pupia womie þere plan la, ana Noa ga amio namratava puna la olua, tamalia la.

<sup>6</sup> A naga sina, asitomyuli pupia pulkumali keviu lua nene naña Sotom amio Komora. Ntewa mñal kiela napiowaena lala, ana sikap mumu la apim ape posnoyavi nenaga, a naga nene vena visawalen sanape naña yoko kila va la make ga naña asike e malena viowa.

<sup>7</sup> A nasitoñal maronen la nanua sumo ne, nane yaru naña Lot. Naga pe yar mesmes tai, a naga mloge lue piowagan

ṗelaga na kororak kiena yar la naṗa ak-  
ilaroro ke navisaluaena, naṗa naga sike  
likan la.

<sup>8</sup> Legiena make ga naga suṗa pisu ke  
kiela malena viowa lala, a suṗa mloge ke  
kiela viuelen lala, ana Ntewa kila sanape?  
Mla nakoena pa yar viowa lala nene, ana  
tamalia kiena yeririna wo naṗa Lot.

<sup>9</sup> Ana visae tesitom ruru e la nene, yoko  
telual ṗelaga kiena ne Ntewa tai, naṗa  
sanini. Naga kilia ruru ve sanape naṗa  
wereplan kiena yeririna wo lala vetan  
sur na kilalien lala, a naga kilia uarar  
ruru yeririna viowa lala asuṗa awar kiela  
nakoena lala. Yoko kila la awar malu-  
mun ṗa nagane sumo wa, ana e legiena  
naliṗereena awar make ruru nena napo.

<sup>10</sup> Visena nene tol make yeririna lala,  
ana tol manene laa naṗa asuṗa ataveve  
ke nasinenan viowa lala na ṗelaga na  
mlamulena naṗa apaeme amio, ana tol  
ṗena la naṗa pe sinelan re yagogonen  
poli, ape ṗar ṗararera ṗaṗisi. Yar kar la  
ne sanene, aṗarwarlan kiela ṗar ṗararera  
la ne sanene ṗisa, ana aplanen ṗena kiela  
napiowaena lala, pano pe amaraun re si  
sur tai poli, ana apisa kare yerikawa kiena  
ne Ntewa lala.

<sup>11</sup> Navisi nae ma e peni aṗarera taulu la  
nene, ana akilia asape asike e marana ne  
Ntewa nae ma e peni, ana amaraun visa  
kareen yar la nene, ana yar la nene na  
pe sa re nene poli, la asitom korenan ga  
sur la nene.

<sup>12</sup> Sur la mok liu naṗa tepisu sane apa  
laa metava pona ape wa manene laa, ana  
yar la nene pe apisu kilale re poli, asuṗa  
aṗarnena kare ga sur wa la nene. Kiela  
ṗelaga la sanene, kila narui la asaga sur  
mal tetan ga lala, naṗa akila ke ga ṗarila  
pe akila re suri wo poli. Akila ṗa wowe  
sanene pano pano ailan ga sa naṗa yar  
la aligan lokulia la, awe moniar la amare,  
a yoko ve sa ke ṗena nene van la nene,  
ailan ga alual kiela marena.

<sup>13</sup> Yar sur la ne sanene, akekarana ga akila  
ṗaṗagena lala na ve torog kareen ga kol-  
pae, a e pogos na kilaen kamiu kinanena  
wa lala apim asike loyua, kiela sitomena  
pulen ga kekarena na kiela viowaena lala.  
La na sa ga kurka pona magka la naṗa  
akila kare tasnemi wo lala, ana pe asitom  
re nena asape kiela napiowaena lala yoko  
kila ke sina ga la aloge viowa manene poli.

<sup>14</sup> Kilamarala pulen ga sira na kilaen  
kolau, a akan ṗa mlamulen viowa pano-  
o pe sinela maren re poli. Kam laṗas naṗa  
amalum towe ga lala, aṗere la narui apa  
amio la, a ape yar ṗena la naṗa apian  
ruru la sina e mrapa na vinayaen sur  
lala. Lelaga naṗane, la nene ape ṗegas tai

naṗa yoko nasinemimiena kiena ne Ntewa  
yumu plan la make na wa.

<sup>15</sup> Amligan mrapa mesmes rui apa  
ataveve ke narin mrapa la naṗa tekilia  
tesape mrapa kiena yar naṗa Palam Peor,  
naṗa Visena Wa pisayu naga sane yar  
tai naṗa pe navisawalen ṗesa, ana pano  
naga kekarana manene kan mras nen na-  
piowaena.

<sup>16</sup> Ana pogos tai, milan ga naṗa Ntewa  
kila narin togki tai pis pania vanon kiena  
napiowaena lala. Togki lala pe akilia re  
apis poli, ana nanene naga pis sane yar,  
ṗere mesmesun towe laa kiena ṗelaga  
viowa lala.

<sup>17</sup> Yar viowa la naṗa nepisayu la ke ne,  
nekilia nevisa ṗena nesape la sa ga pulus  
nen wii naṗa mema rui, yar naṗa moto  
karia taṗatete lual wii ea. Pona asaga lul  
malolo tai, tekekarania toṗape yua kove,  
ana peraga, lagi mlelua pano. Ana yar la  
nene, lelela napo pe yemalolo ga ṗeke ga  
wa, yo ne nanene pe lele na loge viowaena.

<sup>18</sup> Yoko monar awar nakoena na  
sanene, komin naṗa gola la pulen ga  
visokanena amio visivilaveena naṗa ṗere  
manene sitomena kiena yar taṗena la  
paṗisi. Yar taṗena la nene, aṗure matan  
yomarava nini apimi ga loyua na wa,  
ana nagane yar viowa lala nene asuṗa  
apisa ke visena la naṗa pagan nasinen-  
nena viowa na mlamulen viowa la naṗa  
sike e la pimi keviu manene laa narui, ana  
e mrapa ke nene asuṗa aṗere plan la ke  
sina ga.

<sup>19</sup> Kiela malena sike vatanon yerikawa  
na kilaen mlamulen viowa rui, ana  
sanape naṗa apisa kotalia ke yar la asape  
visae atavevela, yoko alual malena wo?  
Taṗatete ve sanene, komin namareraena  
ya naṗa pe suṗen kionia malena, ko ope  
kiena yar na yuṗaena narui, sane la  
nene, naṗa na nagane apim sa ga yar na  
yuṗaena na namareraena na mlamulena  
viowa narui.

<sup>20</sup> Visae lelaga naṗa asape aṗal kieta  
Suṗe Yesu Kristo Natamaliaena e kiela  
malena, apisu kilale naṗa ṗelaga na  
yomarava suṗa kila kare la ga, kila narui  
aṗure matania apim, sanene na wo paṗisi.  
A visae yam ve plas ga awasuṗe ke sina  
ava e kiela malena naṗa aṗure matan ga  
na wa, nanene na yoko wa viowa la narui.

<sup>21</sup> Visae pe akiliali re nena mrapa na  
ṗelaga mesmes po, sanene na po towe laa  
pan la, ana pogos naṗa akilia ruru po, apa  
li e ve tokak ga, ana siraunia aṗasuṗela  
ke sina apa varau, nanene piowa paṗisi.  
Visena wa kiena ne Ntewa la naṗa amla  
pan la, la na akekarana pesan naṗa ala e  
kiela malena lala, ana nagane aplon ke  
sina ṗasila pania.

<sup>22</sup> Yar la ne sanene, visen lua naña pisayu la, naña tai, pisa sanini, sape  
*"Lokul ga kilia va kan ke sina ga kana liluaena," Pakaiwa 26:11*  
 a nalua, pisa sanini, sape  
*"Visae okevan ruru kioña nompui, yoko monar yal mesmesun ga sukořene va kupo ke sina yo ñeke ea."*

### 3

*Legiena keviu kiena ne Suře naña wasuře sina*

<sup>1</sup> Erau lala, sa naña apisu kilalea, nane kiau ñak na lua pimi pan amiu. Ya naña teke e kiau sitomena vena sirien ñaki la luoka ga nini, sineun visawalen visen wo lañas naña yoko akilia asike lue e kiamiu sitomena la silaga vena iilaen kiamiu malena lala.

<sup>2</sup> Sineun nesape popon tesitoñal ña visena kiena ne navisalawena wa la na sumo silaga, amio ñena navisaluaena viu la naña kieta Suře Natamaliaena mla pan imimi kiamiu li na lologena lala, naña mepisawal liluen pimi pan amiu.

<sup>3</sup> Sur řes naña sineun nesape nevisa naga sanini, nesape monar akilia sa naña e legiena maro lala, yoko yar la naña na visa kareen yuñaeena kiena ne Ntewa akilia aim añalivi. Pelaga kien la nene, la sinelan ke ga suri ya naña asitomia, ana asitom korenan ga sitomen kiena yar tařena.

<sup>4</sup> Sur tai naña yoko avitalia ita vanonia, naga e lepas na visena kiena kieta Suře naña sape yoko wasuře si imin ita. Yoko asuñña aviuiunia, avisave "Nawasuřeen kiena kiamiu yerkawa naña pisaaria pan amiu, nanape? Siar e pogos kiena kata apua la pimi, sur make ga na yomarava nini suñña kiriri pogaga. Imimi na pe mepisu re nena sur tai poli wa, pona kam ga apisu yo?"

<sup>5</sup> Ana pogos naña apisa ke visena la nene, la pe asitom re naña navisaarena kiena ne Ntewa naga pe lelaga silaga, a kana visena nena kana pupia ñareraena sike ea. Sa naña e pogos na siiena yomarava, kiena visena ga kila sinapane, a kila yomarava nini amio kana porotano lala a kana si lala.

<sup>6</sup> A siraun nene, kiena visena kila pupia womie kalo sina yomarava nini, naña řere plan make nena sur punu ga naña sike ea e poglis nene.

<sup>7</sup> A kiena visena nena miyuñae ke naganane na wa, suñña řuarar ruru ke sinapane a porotano na yomarava vena asuñña vano tol naña pupia kapi na legiena na liřereen yar yoko imi kekan plan malena kien

yar la naña pe sinelan re Ntewa e kiela malena poli. Nanene pe ñareraena kiena ne Ntewa, ana yaru la nene pe sinelan re naña akilia poli.

<sup>8</sup> Ana erau lala, e lepas naña na visaarena na wasuřeen sina kiena ne Suře nene, popon naña ve sineta řesa re naña Ntewa naga pe pulo re legiena amio kas sane ita poli. E kiena visuena, kas manu taaga pona legiena taaga, lalua maran taaga ga.

<sup>9</sup> Pona yar lañasasa asitom asape naga kila malen li sur yo, pe kila re ya naña naga pisaar poli, ana pe sa re nene poli. Naga pe kila malion re sur poli, suñña kila ke kiena sitomen piavi pařisi, komin pe sinenan re yar tai kovio poli. Naga sinenan sape la pogos ve piavi sanene vena yar la akilia avilon kiela sitomena.

<sup>10</sup> Ana lelaga, yoko pogos tai pupia legien kiena ne kieta Suře imi ñalivi e yomarava. Yoko ve sa yar na vinauena, naña yomarava ninue sape pimi ke narui, ana yoko iilan ga naña imi worunia. E pogos nene, yoko sinapane lala akakapuru sane polilu, yoko akokovio nenaga, a yoko kapi kekan make suria vano-o tol naña yomarava amio sur make ga naña sike ea, yokorena.

<sup>11</sup> Ana komin naña yoko yomarava imi ve sur koren ga ñeke na, nesape neviun tan amiu, nesape pogos naña asike ea wa, popon kam na ave yaru na sanape, a popon ave wa pona akila yuñaeena kiena ne Ntewa ve sanape?

<sup>12</sup> Monar akekan legiena nene imi, a visae kam na ave yar wo lala, ayuññae ñarera yoko akilia akila imi ñalivi vilaga.

Yoko kapi kekan ma e peni, kekan makea, a yoko imi kekan mumu make sur naña sike e yomarava.

<sup>13</sup> Ana tesuñalu ñarera tese kiena visaarena, naña sape yoko ñata uña viu tai, naña peni viu amio yomarava viu, naña pe purřes nen řelaga mesmesu make ga.

<sup>14</sup> Erau lala, nane tesuñate ke ne vena imi were ita teva e yo nene, ana pogos naña pe tetol re poli wa, monar toñareran teve yar wa tesuñña ga, teyekiki, a tesuñña e suñare.

<sup>15</sup> Lelaga sane Suře pimi re poli wa, a ve tesitom re viowa, monar tekekan naña mla pogos pan ita vena tevilon ita, mla ñena pulmas pa kieta erau lala, vena la ñena akilia atol natamaliaena. Sitomena nene, kieta puruvi wo naña Pol naga ñena pisa pan amiu nanua sumo rui e ñaki tai, naña siri amio manmaruaena wo la naña Ntewa mla pania.

<sup>16</sup> A nane visena ke nene naþa suña kiakian ke e kiena maki taþena lala, pogos naþa pisayu si na wasuþeen si kiena ne Suþe.

Kiena maki la nene po paþisi, ana pogos laþasa kala navianena la urmi towe maga, kila sane visen laþas naþa naga siria yaru laþasia pe apulokilale re poli. Ana pogos tai, yaru la naþa pe þarila po re poli, naþa pe akilia ruru re sur poli, apuloia apulolon kare kana navianena ne lala pa pe taþena, sa naþa asuña akila ke yam mok li rui e visen taþena lala e siriena wa lala. Ana pogos naþa akila sanene, pe yar taþena re la naþa aloge viowagan poli, ana kila la ke ga apa e mrapa na kovioena.

<sup>17</sup> Kiau erau wo lala, komin sur ne la nanene nesitom amiu paþisi. Nekilia nesape akilia ruru sur la nene rui, ana sineun nesape nela si visena mārera van amiu, nesape monar avisuar ruru amiu. Ve atamān re sitomena navisokanen ken yar la naþa pe ataveve re navisaluaena kiena ne Ntewa poli aim aure plan amiu sina. Lelaga, pe pon re si alor vetan yo wo na viawaena mārera naþa asike pa e rui.

<sup>18</sup> Kiau visena maro, nesape akapuru aim amarua ruru e þelaga wo na lemamiena a namanmaruaena kiena ne Yesu Kristo kieta Suþe a kieta Natamaliaena. Ana tela maran si naurarena vania, nagane, a e pogos la naþa pimi ke ga wa, vano vano-o ve uro re, sanene.

Inu, Pita.

## **Maki Nasumo Naña YOANE Siriyua Visayuena Na Tusi Nene**

*Sumiena na plas na tusi nini*

Maki p̄esa kiena Yoane, naga kiena sitomena keviu lua.

Nasumo, Yoane sinenan sape visirlua sitomena kiena li nalelagaena lala naña aulo m̄aki nini, vena silaga monar asikol la ruruia naña kiela sitomena ve taaga ga, a vena asikola ruruia amio Ntewa, amio narina naña Yesu Kristo.

A nalua, naga vena visaen vanilla vena ve ataveve re navianiena la naña kiela vianena pe mesmesu re poli, komin navianena la nene akilia akila kare sumare e kiela visena na visokanen lala, ana yoko kilia kila naña li nalelagaena la tap̄atete si asikol ruru la e sitomiena ve taaga.

Navianena la nene asuñia apian ke yaru lala, asape p̄elaga viowa la apimi am̄alivi komin yaru la asike e yomarava, a amiyuñae ke ga e suri na yomarava la ne. Amio nanene, asitom sape Yesu, naga narina Ntewa, ana pe pe yaru ruru re sane ita poli. La asuñia apisa ke asape visae Ntewa tamalia yaru, yaru nena tap̄atete sitomali si malena na yomarava nini, a pe pe suri re poli visae yaru na sanene kila milamulena viowa po pe kila re milamulena viowa poli a pe pe suri re m̄ena poli visae naga sinena si yaru tap̄ena pona ve sinena si re, ana suri la nene maran taaga ga, pe suri na yomarava ga.

Yoane siri m̄aki nini, sape kila meraravan naña naga yepen mavin sitomiena la nene pano-o pañisi, a pisawal meraravan naña Yesu Kristo, naga pe yaru nena sane ita. A naga pisaar marera sape yaru la naña amlelaga e Yesu, a sinela si Ntewa, monar sinela sisi la menaga.

*Kom̄pasnen Tusi La Na Nini*

Visena p̄esa 1:1-4

Legiena a yemalo 1:5—2:29

Narina Ntewa lala a narina Yermare lala 3:1-24

Ninuna naña pe purp̄esnen visena lelaga a ninuna naña pe purp̄esnen visena na visokanena 4:1-6

Pelaga kiena yaru naña sinena si yaru 4:7-21

Pelaga na lelagaena naña kilia taulu make suri la silaga 5:1-21

*Yar na visawalen malena kiena ne  
Ntewa van ita, naga pimi e yomarava p̄isi  
rui*

<sup>1</sup> Sur tai, nanua sumo e pogos naña yomarava siaria, ana nagane in na nemloge, nepisu e kilamarau, in na nepisu ruru pano-o, netol nena e lum̄au. Sur nene, kiena kia sanini, sape Navisawalen Malena, po Purp̄es nen Malena, po Malena Naña Ve Uro Re Pogos Tai, nane in na sineun nesape nesiri van amiu.

<sup>2</sup> Sur nene, nanua sumo pe tekilia re poli, naga sum̄a ga amio Ntewa arimata pano-o, nagane na pimi p̄arpoyo merarava e marata e yomarava nini narui, ana imimi moki mepisuia, a mepisawal pan yeririna lala.

<sup>3</sup> Imimi memloge ruru nena e kiligamimi lala, a mepisu nena e kilamaramimi, ana mesape mevisawal van amiu vena kam m̄ena ga alelaga ea. Visae kam alelaga ea, yokorena kam m̄ena aim ave taaga amio imimi, sa naña imimi mepe taaga ga memio arimata Ntewa a narina Yesu Kristo rui.

<sup>4</sup> Sur nene kila pupia kekarena sike amio imimi silaga, a visae auarar ruru visena la naña nesape nevisa van amiu e m̄aki nini, yoko pupia kekarena nene sike m̄ena amio amiu, p̄isi na kila ita punu ga teloge wo vañisi.

*Ntewa naga pe purp̄es nen yomerarava*

<sup>5</sup> Visena naña narina ne Ntewa mla pan imimi, pisape monar mevisawal van yeririna tap̄ena lala, sa nene, naga pisa sape, Ntewa pe purp̄es nen yomerarava, pe narin yemalolo re nena tai teke puna.

<sup>6</sup> Ve sanene, visae tepisawal ke tesape tepe taaga temio Ntewa, ana tekila ke ga p̄elaga na yemalolo la na wa, nanene tepisokan ke ga ne, pe tekila re sur na lelaga nene poli.

<sup>7</sup> Ana visae tesuñia teyal m̄a e yomerarava naña Ntewa sike e silaga, kila yoko telapran ita ruru wo silaga, ana tevisu tana na narina, Yesu, kilia kevan ita temekiki e kieta mlamulena viowa lala.

*Nayalena e yomerarava kiena ne  
Ntewa: Monar teligan plan p̄elaga na  
mlamulena viowa lala*

<sup>8</sup> Yeririna naña pisawo ke, pisape naga pe naviowaena su re e kiena malena poli, kiena visena nene pe pe lelaga re poli, naga pisa kotalia ke sina ga naga.

<sup>9</sup> Ana visae tevisa plan ga kieta naviowaena lala, yoko Ntewa viewo ita, p̄isi na war plan kieta naviowaena lala vetan ita, kila ita temekiki. Naga ga kila ruru mrapa na kilaen sanene rui, ana ita

towasine ga naga sane yoko kila van ita sanena naþa pisaaria.

<sup>10</sup> Ana visae tesuřna tevirovia, tevisa řna tesape pe tekila re naviowaena poli na, nanene ita tekila sane Ntewa naga pisokan ga, a ita tekila sane kiena visena nowo na lelagaena, pe tepuarar ruru re nena e kieta malena la poli.

## 2

<sup>1</sup> Naruu lala, sineun nesape nesiri visena nini van amiu vena iila amiu avisuluþar sane pe pon re si atapař mlamulena viowa poli. Ana visae pogos tai, amiu yar tai kila viowa, monar tesitořnal silaga Yesu sulue ga sike na, sane pe yar wa tai na waren kieta visena lala. Naga mesmes, a mekiki, naga kilia va suřnal mesmes e mara Ntewa, kilia viun tania vena naga sinen ye ita, viewo itania.

<sup>2</sup> Ana mrpa na kilaen sa naþa yoko Ntewa kilia viewo itania sanini, nane Yesu ga ne, komin naga pe kuþaþaena na warplanen kieta mlamulena viowa lala, ita yeririna punu ga na yomerava.

*Nayalena e yomerarava kiena ne Ntewa: Monar telogear kiena navisaluaena lala*

<sup>3</sup> Visae yar tai viun ve sanini, visave: ?In na pe nekilia re poli, nekilia ruru Ntewa, pona pe nekilia ruru re naga poli? ?In na nepe kiena, pona pe nepe kiena re poli? Ve sanene na, teviun si tania, tevisave, ? Sanape, ko na omlelaga ke e kiena visena lala, pona pe omlelaga re poli?

<sup>4</sup> Nanene vanon naþa visae yar tai visa sape naga kilia ruru sape Ntewa, naga pe kiena, a naga pe kila re sur la naþa navisaluaena kiena ne Ntewa pisa ke ne, yar nene naga pe pisa re lelaga ne poli, pisokan ga.

<sup>5</sup> Ana yar naþa mlogear ruru visena kiena ne Ntewa, naga kila meraravan sane naga kekaran kemua lelaga, pimi keviu lue ga. Ana e mrpa na sanene narui tekilia ruru kemua tesape ita tepe kiena ne Ntewa na lelaga.

<sup>6</sup> Yar naþa naga pisa ke sape pe kie Yesu, yoko monar tevisuluþar naþa naga mla kemua Yesu pe lelaga e kiena malena.

<sup>7</sup> Erau lala, e lepař tai na, navisaluaena naþa nesiri ke pan amiu, naga pe pe visena viu re tai naþa na nanagane poli, naga pe visena tai na susumo, pe visena kiena ne Ntewa ga naþa amloge pa na susumo rui.

<sup>8</sup> Ana e lepař taþena tai na, pe lelaga řna naþa navisaluaena nene, naga sa ga pe urviu si tai pan ita, komin ita tepisu ke sane nagane řere ke yemalolo řaro pano, kila ke yomerarava na lelagaena

pimi narui. Naga sane e malena kiena ne Yesu narui, a nanagane pimi ke řna sanene e kieta malena la narui, řisi na kila ita tepisu kilale ke visena viu nene pe lelaga kemua.

<sup>9</sup> Visae yar tai visa sape mial ke pa e yomerarava rui, ana tepisu naga sinen kar ke wenla, kila ke piowa pania, yar nene sike e yemalolo wa.

<sup>10</sup> Ana yar naþa kekaran wenla, kila ke po pania, yar nene mial ke pa e yomerarava narui, taþatete sitořnal sape řisi na yalwowe sina e yemalolo, lolor si pogos tai.

<sup>11</sup> Ana naga naþa sinen kar ke wenla, naga ve ve sa re nene. Naga sike e yemalolo wa, yemalolo kila sane kilamarana řala, mial wowe lue ga e pupumalko, pe pisuluþar re kiena mrpa poli, pisuluþar re lele ne kom ke e poli.

*Nayalena e yomerarava kiena ne Ntewa: Ve tekekaran re yomarava nini*

<sup>12</sup> Amiu naruu lala, amiu kiau nin sisi lala e kieta na lelagaena, in na nesiri ke visena la nene pan amiu komin kam ke narui naþa Ntewa arimata piewo kiamiu mlamulena viowa komin kia kiena Yesu Kristo, ana amiu akilia naga.

<sup>13</sup> Kiamiu yermarua lala, in na nesiri ke visena la nene pan amiu komin kam ke narui akilia ruru laa naga rui, naþa naga mali sike nanua sumo, sumon na siiena yomarava nini.

<sup>14</sup> Kiamiu yar řnee lala, in na nesiri ke visena la nene pan amiu komin kam ke naþa ařarera ruru po narui, amligan ruru pa visena kiena ne Ntewa teke e kiamiu malena la rui, ataulu pa Yar Viowa nene rui.

<sup>15</sup> Sineun nesape nevisa ve sanene van amiu, ve akekaran manene re yomarava nini, pona kiena sur lala. Yar na kekaran manene yomarava nini, naga taþatete kekaran ruru arimata.

<sup>16</sup> Nanene komin naþa sur na yomarava lala, pona kiena řelaga lala, ape taþena, pe sa re sur kiena ne arimata Ntewa amio kiena řelaga lala. Sur na yomarava la nene la sanini, lala ape purřes nen nasinenanen sur moki, ape purřes nen nawereen kilamarata, ape purřes nen warwarena e kieta malena.

<sup>17</sup> Yomarava nini, amio kiena sur la naþa yeririna la sinelan manene silaga, naga pimi ke vena kovioena ga, ana yar naþa kila ke mesmes e nasinenanena kiena ne Ntewa, naga yoko sulue ga sike narui.

*Nayalen e yomerarava kiena ne Ntewa: Monar tevisuar ruru ita vanon sinekar*

<sup>18</sup> Naruu lalo-o, nagane tesike e pog maro narui, sa naþa amloge pa rui, na



yar naŕa apio asape Nasinekar kiena ne Kristo, yoko kilia vim katenia. Pe tepisu re naga poli wa, ana tepisu pa narin yeririna moki na kila kareen Kristo rui, ana kila tepisuluŕaria sane yoko ve ve piavi re na Legiena Maro m̄alivi.

<sup>19</sup> Sinekar la naŕa nepisayu ke ne, kam na akilia ke ne. Nanua, la asu amio ita asu ga likan ita, ana siraunia, asum̄alu narui, amligan ita aŕure matan ita sina apano. Nanagane na, tepisuluŕar la ruru nenaga, sane pe apimi re veraga ga amio ita poli, vanon visae peraga, yoko la asu ruru ga amio ita.

<sup>20</sup> Ana kam naŕa asu ruru ke ga wa, yar wa Kristo pisa ruru amiu pa rui, ana apisuluŕar kiena visena, yoko taŕatete aurmatan si naga.

<sup>21</sup> Ve asitom re asape in na sineun nesape nevisi van amiu vanon sitomena tai naŕa asape amiu na amninue ga suria, vanon pe sa re nene poli. In na nepisu sane akilia aloge ruru kilale visena na lelaga a visena na visokanen ŕisi rui, amiu akilia pa rui visena navisokanena taŕatete molue e visena nalelaga, ana nesape nevis van amiu ve naiilaar amiuena.

<sup>22</sup> ?Ana visokanen ya ne la nene apisa ke ne? Visena ne nane, apisa sanene, asape Yesu naga pe pe Navisaarena re poli naŕa Ntewa mligan pimi tamalia yomarava nini. Visena nene naga pe visena kiena yar la naŕa sinela kar ke Yesu, ana yar naŕa pisa sanene, naga kawe ke Ntewa arimata, a kawe ke m̄ena narina.

<sup>23</sup> Yar naŕa pilopu m̄asina pa narina ne Ntewa, Ntewa taŕatete se e naga, a yar naŕa pisawal ruruia pisape naga mla narina ne Ntewa e kiena malena, yoko Ntewa m̄ena ga sike amio naga silaga.

<sup>24</sup> Lologena wo naŕa amloge ŕesania nanua sumo, naga pe visen wo a pe lelaga, ana popon aligan ruruia e kiamiu malena lala. Visae ve sanene, yoko kiamiu malena naga suŕna wo e Ntewa amio Narina silaga,

<sup>25</sup> nagane akilia atol malena naŕa naga pisaaria sape la maran si van ita, naŕa ve uro re pogos tai.

<sup>26</sup> Naga ga nene nesape nevisa van amiu e lepasa kiena ne la naŕa apisa kotalia amiu ke ne, asape aure amiu ava ave taŕena sina.

<sup>27</sup> Kristo na miawawo amiu pa rui, ana Ninuna Wa naŕa amiu atolia e pogos naŕa, naga sike amio amiu wa. Naga kilia vian amiu e sur punu ga naŕa pe lelaga a mesmes, ana taŕatete si akale yar tai naŕa naga kilia vian amiu sina ga e sur laŕasia. Yoko akilali ga sa naŕa Ninuna Wa pian amiu e ŕisi rui, naŕa pisape popon amiu

aligan ruru kiamiu malena to ruru lue ga e Kristo.

<sup>28</sup> Naga nene, naruu lala, visae kieta malena naga su ruru lue ga e Kristo, taŕatete teloge viowa pogos naŕa naga wasuŕe sina ga pun ita. Ana visae peraga, pupia memawaena, ŕisi na tesape tokuswan marata pogos naŕa tevisu naga vim.

<sup>29</sup> Tekilia tesape Kristo, kiena ŕelaga punu ga po a mesmesu, ana yar naŕa naga m̄ena sanene, tekilia tesape yar nene naga m̄ena pe narina ne Ntewa sane Kristo.

### 3

#### *Ita tepe narina ne Ntewa lala*

<sup>1</sup> Asitomveveli sitomena kiena ne arimata Ntewa e ita yeririna viowa lala. Naga kekaran ita keviu paŕisi, pano-o kila pan ita sa ga naŕa tepisu ita sane narin ga lala. Ana pe ita re ga tepisu ita sa nene poli, naga m̄ena pisu ita sanene, komin naŕa pure ita tepe loyuma e namratava puna rui, sane narina wawa lala. Yar taŕena lala e yomarava pe akilia ruru re arimata poli, sa naŕa ita tekilia naga, ana sur nene kila la pe apisu kilale ita re m̄ena poli, sane ita tepe narina lala.

<sup>2</sup> Erau lala, ita tekilia tevisa tesape tepe narina ne Ntewa, ana pe tekilia re poli wa, sane ŕisi na sirau, yoko naga kila ita teim teve ya sina ga. Ana sur tai tekilia ruruia, naŕa visae Suŕe Yesu warpoyo sina ga, yoko tevisu ruru nena naga e kilamarata napo, tevisu ruru naga, naga ke narui, ana pogos naŕa tevisu sanene, yoko teimi teve sa ga naga.

<sup>3</sup> Ana yar naŕa sinenan sape yoko naga m̄ena imi ve sa Yesu Kristo, naga monar uarar ruru kiena malena mekiki ruruia a ve wa, sa ga Yesu.

#### *Ita narina ne Ntewa lala: Monar teligan ŕelaga viowa lala*

<sup>4</sup> Yar naŕa taŕa mlamulena viowa, kilaro ke navisaluaena kiena ne Ntewa, komin purŕes nen ŕelaga viowa, naga pe ŕelaga na monen logearen navisaluaena.

<sup>5</sup> Ana pogos naŕa Yesu pimi e yomerava nini, naga pimi naŕa pe mlamulena viowa tai to re nene e naga, naga pimin vena war plan kieta mlamulena viowa lala.

<sup>6</sup> Ana visae sanene, yar naŕa kiena malena teke ruru e naga, yoko mlamulena viowa ve su re si e naga, naga taŕatete si kila naviowaena. Ana yar naŕa mlamulena viowa teke e kiena malena silaga, naga pe pisu ruru re naga poli wa, naga pe kilia re nena naga.

<sup>7</sup> Kiau narin sisi lala, piowa naþa avisa kotalia amiu. Yar naþa kiena malena po, naga pe yar mesmesu sane Kristo.

<sup>8</sup> Yar naþa kiena malena piowa, naga pe yeririna kiena Yermare, naþa naga pe purþes nen mlamulena viowa e yomarava, siaria e nasiiena pimi tol nanagane. Pelaga viowa kiena ne Yermare kila narina ne Ntewa pitomi malivi e yomarava nini, vena we plan kiena yumaena viowa lala a kila kiena puriukawaena naga þisi.

<sup>9</sup> Yar naþa sike loyuna e namratava kiena ne Ntewa, naga taþatete si taþa mlamulena viowa, vanon malena kiena ne Ntewa te ea. Naga pe narina ne Ntewa, ana monar kus þelaga wo kiena ne arimana nene, þisi na taþatete si kila viowa.

<sup>10</sup> E mrapa ne la nene ita monar tevisu kilia ruru ga sane ane pe narina ne Ntewa, a ane pe narina ne Yermare. Yar naþa pe kila re mesmes poli, pona yaru naþa pe kekaran re namratava puna poli, yar na sanene naga pe pe nin sisi kiena ne re nena Ntewa poli.

*Ita narina ne Ntewa lala: Monar telogear navisaluaena nasitomen yeririna taþena lala*

<sup>11</sup> Lologena naþa amiu amloge siar e purþesia pimi, na sanini, naþa pisa sape: ita monar tekekarana ita silaga.

<sup>12</sup> Asitonali yar sa Yermare nanua ne, Ken, naþa pe kekarana re wenla naþa Epol poli, naga memomaria. Piowa naþa tekila sanene, ana popon tesitomvevelia mias ya ne naga kila sanene? Nanene vanon kiena yumaena lala, Ntewa pisu piowa ga, ana kiena ne wenla, naga mesmes ruru po, ana Ntewa kekarana, þisi na kila Ken pieluen wenla panonia, sinen karia, memaria.

<sup>13</sup> Erau lala, þelaga viowa na sa nene, yeririna la akila ke pimi tol nanagane, ana ve teilan re naþa visae tevisu la avieluen ita mena ga, avisa kare ita vanon yumaena wo lala kiena ne Ntewa naþa visae teyumaena.

<sup>14</sup> Ana ita naþa pe sineta kar re yar la poli, tekekarana ruru na mratava pun ita, nanene pe mrapa na kila meraravanen sane temligan marena, tepim e malena rui. Ana yar naþa sitomena pe to re e naga poli, naga sike e marena na wa.

<sup>15</sup> Yar naþa sinen kar na mratava puna tai, naga sane pe yar na wemomaren yar la narui, ana sa naþa ita tekilia ruru þa rui, yar na wemomaren yaru, malena naþa ve uro re pe to re e kiena malena poli.

<sup>16</sup> Pona ita yar tai piun ke pisape, ana sur naþane sitomena, naga pe sur na sanape? Pogaga, tekilia tesape sitomena naþa pe lelaga, naga sanini: Yesu Kristo taman

kiena malena wetelu panon ita, ana visae sitomena nene teke e ita, þisi na ita mena tetaman kieta malena vanon kieta wolai lala.

<sup>17</sup> Yar tai naga limana pulen sur nowo lala a, wenla tai, limana plas kemua lelaga, pe kiena sur re poli. Pisi na naga pisuluþar wenla nene, ana naga kila sinen marera laa sane pania, pe miila re poli, yar na sanene sitomena kiena ne Ntewa pe to re nena e poli.

<sup>18</sup> Naruu lala, kieta sitomena ve e re ga e kieta visena lala. Sitomena naþa pe lelaga, naga pe sur re tai na visaan ga poli, pe sur na yumaenena a na kilaena.

<sup>19</sup> Ana visae kieta sitomena þarlogia ruru marana sanene, nane pe mrapa naþa ita tekilia tesape visena lelaga kiena ne Ntewa þar ke mras e kieta malena. Ana ve sanene na, teloge ga wo vena vaen lavisin Ntewa, ve temaraun re si naga.

<sup>20</sup> Pogos laþasia tekilia temaraun naga, vanon naþa yoko kieta sitomena kilia liþere ita sina, kila ita tesitonal sina tese kieta naviowaena lala, ana Ntewa naga kilia ruru punu pa rui, ana kieta na viewoena na naga keviu manene laa sane, þar plan petan ita.

<sup>21</sup> Erau lala, visae losineta naga merarava ruru wo, þisi na naga taþatete liþere ita sina, kila pe temaraun re nena na va suralen se marana ne Ntewa na viunen sur tania.

<sup>22</sup> Visae telegaga ma e naga, tekila ma sur la naþa naga sinenania, þisi na tekilia tetol suria la naþa tepiun ke tania.

<sup>23</sup> Navisaluaena kiena ne Ntewa pan ita sanini, pisape: Monar telegaga e kia kiena ne narina, Yesu Kristo, a monar tekekarana ita silaga, sa naþa naga pisa pan ita.

<sup>24</sup> Yar naþa mlogear e navisaluaena kiena ne Ntewa, naga sike amio Ntewa. Ntewa teke e kiena malena. ?A yoko ita tekilia tesape naga teke e ita sanape? Sur nene, Ninuna naþa naga mla pan ita naga kilia kila ita teloge kilale sane pe lelaga.

## 4

*Ita narina ne Ntewa: Monar tevisuar ruru vanon sinekar kiena ne Kristo lala amio þelaga na yomarava*

<sup>1</sup> Erau lala: visae amiu yar tai visa ke sape Ninuna Wa teke e naga, kila ke naga pisawal ke kiena visena, popon sa amiu avisu ruruia aninuluþar ninuna na teke e naga, pe lelaga ninuna kiena ne Ntewa, po pe kiena re Ntewa poli. Ita monar tevisu ruruia komin navisawalena navisokanena lala moki asu make yo la ne e yomarava nini rui.

<sup>2</sup> ? Ana tekilia teninu luřar ninuna la nene ve sanape? Ita tekilia tevisu luřar Ninuna Wa kiena ne Ntewa komin naga pi-sawal pisape Yesu Kristo pimi pe yeririna, paeme e yomerava,

<sup>3</sup> ana visae ninuna tai ve visa re sanene, ninuna nene pe pe kiena ne re Ntewa poli. Ninuna na sanene na molue kome nasinekar kena Kristo, nařa ami u amloge pa rui sane pimi ke rui, pona sike pa e yomarava nini rui.

<sup>4</sup> Ana naru lala, ve amaraun re nav-isawalena la nene, komin ami u asike e lepas kiena ne Ntewa, akilia ataulu la ga. Lelaga pařisi, naga nařa teke e ami u naga nařera laa taulu naga nařa sike e yomarava.

<sup>5</sup> Yar na visokanen la ape yeririna na yomarava ga nini, ana visena la nařa apisa ke ne molue ga e sitomena na yomarava nini, ana yeririna tařena la na yomarava nini amiyagogan la.

<sup>6</sup> Ana ita yeririna na lelagaena, ita na pe na yomarava re nini poli, ita tepe kiena ne Ntewa. Yar nařa kilia ruru Ntewa, naga kekarana yagoga itaena, a naga nařa pe kiena ne Ntewa re poli, mon yagoga itaena. E mrapa ne la nene ita tekilia teninu luřar Ninuna na visena nařa lelaga, a ninuna na visokanena.

#### *Pelaga na sinesiena*

<sup>7</sup> Erau lala, popon nařa tekekarana ita silaga, komin sinesiena naga pe řelaga kiena ne Ntewa. Yar nařa sinen si yeririna, naga pe narina ne Ntewa, řarlogia ga řelaga kiena ne Ntewa, kilia ruru Ntewa e kiena malena.

<sup>8</sup> Yar nařa pe sinen si re yeririna la poli, naga kilia re Ntewa poli, komin Ntewa na pe purřes nen nasinesiena.

<sup>9</sup> ? Ana tepisu pupia nasinesiena kiena ne Ntewa nene pogwai? Tepisu kiena sinesiena nene e pogos nařa mligan narina taaga nene pimi e yomarava, vena kila ita tekilia temal.

<sup>10</sup> Nanene nasinesiena nařa pe lelaga kemua: pe naga re nařa sineta si Ntewa poli, ana nařa naga sinena si ita, pano-o tařan narina pitomi pe kuřařaena pe na kilaruruen marana ne kieta naviowaena lala.

<sup>11</sup> Erau lala, komin nařa Ntewa sinen si ita keviu sanene, kila po pan ita sanene, popon ita mřena ga sineta sisi ita ve sanene, tekila wo van ita.

<sup>12</sup> Yar tařatete kirawal Ntewa, ana visae ita sineta si manene ita, yoko tevisu sane Ntewa teke e kieta malena, ana řelaga na kiena sinesiena yoko imi ve keviu manene laa sane e kieta malena.

<sup>13</sup> Ita tekilia Ntewa teke e kieta malena, a ita tesike ruru ga e losinena, komin naga mla Ninuna mesmes pan ita, pe na kilaen ita telogekilale tesape sur nařa pe lelaga.

<sup>14</sup> Tekilia mřena ga pe lelaga ga nařa Arimata Ntewa mligan narina nene pitomi vena natamaliaena na yomarava, ve sa nařa ita tepisu pa e kilamarata rui a nařa tepisawal ke e yo punu ga.

<sup>15</sup> Yar nařa pisawal ke sape Yesu pe narina ne Ntewa kemua lelaga, Ntewa teke e losinena, a naga mřena teke e losinena ne Ntewa.

<sup>16</sup> Tekilia ruru po nařa Ntewa sinen si ita, komin nařa tekilia teloge kilia e kieta malena lala, ana tekilia telelaga e kiena visena nařa pisawal pan ita. Ntewa naga pe purřes nen nasinesiena, ana yar nařa řelaga na sinesiena pimi keviu e kiena malena, naga teke e losinena Ntewa, a Ntewa teke e losinena.

<sup>17</sup> Ntewa sinenan sape kila řelaga na sinesiena vim ve keviu la sane e kieta malena lala, vena kilaen kieta řelaga lala na yomarava nini ve sa ga řelaga kiena ne Kristo nanua ne. Ana visae kieta řelaga lala vim wo ve sa nene, yoko wo van ita vařisi ne, vanon tařatete si temarau po tememawa e legiena na liřereena na pimi ke ne.

<sup>18</sup> Visae yar tai naga marau, nanene vanon nařa naga pisa kiena nakoena tai pimi ke rui, a naga mloge kilale re sinesiena kiena ne Ntewa kila ruru kiena malena poli. Ana řelaga na sinesiena napo naga kilia mřenelua nena pupia maraena nene.

<sup>19</sup> Visae sineta si ke yeririna tařena lala, nanene vanon Ntewa naga sinen si ita řesia.

<sup>20</sup> Yar nařa pisa sape naga sinen si Ntewa, ana sinen kar ke namratava tai puna, naga pisokan ke ga. Visae namratava puna nařa suřa pisa lue ga ana naga pe sinen si re poli, naga tařatete sinen si Ntewa nařa naga pe pisa re e kilamarana poli.

<sup>21</sup> Navisaluena kiena ne Kristo e kieta malena naga sanini, sape: yar nařa sinenan sape ve yar nasinesiruruen Ntewa, naga monar sinen si ruru mřena namratava puna lala.

## 5

<sup>1</sup> Yar nařa mlelaga sape Yesu na pe Navisaarena, yar nene naga pe narina ne Ntewa lelaga. Ana visae narina ne Ntewa nene visa sape naga sinen si Arimana Ntewa, naga monar sinen si mřena narina ne Ntewa tařena lala.

<sup>2</sup> ? Ana yoko naga kilia sape sinen si ruru la ve sanape? Visae sinen si Ntewa, ana mlogear kiena navisaluaena lala, yoko naga visu naña sinen si kemua narin Ntewa la pe lelaga ga.

<sup>3</sup> Pelaga na sinen si Ntewa naga sanini: touarar ruru kiena visena. Kiena navisaluaena lala pe urmi manene re pan ita naña teyumaen poli,

<sup>4</sup> komin ita sisi la naña tepaeme pu Ntewa, visae tesuñal m̄arera e kieta naviawaena, ita tepe yeririna na tauluen pa yomerava nini rui.

<sup>5</sup> Neviun si vetan amiu: ?Yar naña taulu ke yomarava nini naga ai? Naga ga naña visae suñal m̄arera sape Yesu naga pe narina ne Ntewa kemua lelaga.

<sup>6-8</sup> ? Ana tekilia ve sanape naña Yesu naga pe narina ne Ntewa? Yar la telu naña apisawal visena nene pan ita: tai na Ninuna Wa, tai na wii, a tañena na kuruta, a la telu nene apisawalia sane visena taaga ga. Wii naga pisa sape e ðelaga kiena ne Yesu Kristo, naña paeme e yomarava sanape, naga tol nakeena sanape, ita tekilia tevisuluñar sane naga pe narina ne Ntewa. Ana pe naga re ga nene poli, ana kuruta m̄ena pisa sape e ðelaga kiena ne Yesu m̄a ke na wa, naña naga mare sanape, ita tekilia tevisuluñar sane pe lelaga. Ana metavan si nanene, Ninuna Wa, naña kiena visena pe lelaga lue ga, pisawal meraravan m̄ena e maran yeririna la nakonua rui.

<sup>9</sup> Ana visena la naña Ninuna Wa kila, la aurumi pañisi, visae ve sanene monar telelaga ga ea, komin nanene pe pe visena kie yeririna re ga la poli, naga pe visena kiena ne Ntewa navisawalen sape naga pisu Narina sanape.

<sup>10</sup> Yar naña naga m̄elaga ruru e narina ne Ntewa ve lelaga, visena la nene tawa ruru ga sike e kiena sitomena, pe sitom ðele re si poli, ana yar naña pe m̄elaga re e narina ne Ntewa poli, pe m̄elaga re e sur naña Ntewa pisa meraravan ke e narina poli, naga pisu sane Ntewa pisokan ga.

<sup>11</sup> Ana visena la naña monar tesuñal m̄arera e silaga, sa nene, asape: Ntewa m̄la malena naña ve uro re pogos tai pan ita, ana purpes nen malena nene na pe Narina ga.

<sup>12</sup> Yar naña narina ne Ntewa teke e kiena malena, naga tol pa malena rui, ana naña narina ne Ntewa pe to re e kiena malena poli, naga pe tol re malena poli wa.

*Visen maro: Malena naña pe luas to re e poli*

<sup>13</sup> Nesiri ke m̄aki nini pan amiu naña amlelaga pa e kia kiena ne narina ne

Ntewa rui, vena iila amiuena ve kiamiu sitomena ve veve lua re, vena akilia ruru sane atol pa malena naña ve uro re.

<sup>14</sup> Pogos naña kieta sitomena ve pepe re, ita tekilia tesuñalu m̄arera e naga, ðisi na sur ya ne teviun tania mesmesun e kiena nasinenanena, yoko naga loge ita.

<sup>15</sup> Ana visae tekilia ruru sane naga mloge ita pa rui, tekilia ruru m̄ena sane sur ya naña teviun tania, sa naña tetol pa rui.

<sup>16</sup> Visae tevisu kieta wolai tai naga kila ke naviowaena, naña naviowaena nene pe keviu re poli, pe torokin re yar mare vanon poli, pona wereplan si yeririna lala vetan Yesu Kristo, ita tekilia telenwoia, ðisi na Ntewa kilia tañan ga naga to loyuma e malena. Ana pe nepisa re nesape poga ga amiu alenwo yar naña kila pua naviowaena, vanon naviowaena ðasia naga na marena ga, ana visae yar tai naga kila sanene, yoko ita tañatete si tevisa sur tai.

<sup>17</sup> Sur natañaviowaena make ga naga mlamulena viowa nene, ana naviowaena ðasia ape na marena, ana ðasia pe na marena re poli.

<sup>18</sup> Ana tekilia pa rui sane yar naña pimi pe narina ne Ntewa, naga ve kila re si viowaena na marena pona viowaena na pe na marena re poli. Yar na sa nene monar visuar ruru naga, vilon mesmes ruru kiena malena, ðisi na yar viowa nene tañatete si kila sur tai vania, tañatete kila kare si naga.

<sup>19</sup> Yomarava wetelu nini sike vatanon puriukawaena kiena ne Yar Viowa nene, ana ita yeririna lala naña temlelaga, tekilia ita tepe kiena ne Ntewa ga.

<sup>20</sup> Ita tekilia sane narina ne Ntewa pitomi, mla pan ita navisu kilaleena vena tekilia Ntewa naña pe lelaga, ana ita tesike ga e naga ga narui, amio narina nene, Yesu Kristo. Kieta Ntewa nene naga pe lelaga, ana malena naña mla pan ita naga pe luas re poli.

<sup>21</sup> Naruu lala: amiu avisuar ruru amiu, amiu alotun Ntewa nene naga taaga ga silau, ve atañan re nono tañena lala aimi akus lelana e kiamiu sitomen lala.

## Maki Nalua Naþa YOANE Siriyuia

### Visayuena Na Tusi Nene

#### *Suniena plas na tusi nini*

E maki kiena Yoane na lua, Yoane pio si naga sape "nasumonena", a pisa ke sape siria "pa sira tai naþa Ntewa pisirlua naga", a sape siri mēna "pa narina lala". Kinassen visena lalua nene "sira" amio "narina lala", tesape naga pe pisa re sira tai amio narina lala, ana pisa ke "sumāre" amio "nalelagaena lala". Maki nini pisa panila vena sinela sisi la mā silaga, a naga pisa panila sape monar avisuar ruru la, vena navianena la naþa kiela vianiena la pe mesmesu re poli ve aimi akila kare la re e kiela vianiena na visokanena lala.

#### *Kompāshen tusi la na nini*

Visena þesa 1-3

Li nalelagaena lala monar sinela si yaru lala 4-6

Visena na visaþegeen li nalelagaena lala 7-11

Visena maro 12-13

#### *Visena þesia*

<sup>1</sup> Inu nasumonena marua nesiri maki nini pimi pan ko, sane ope sira tai naþa Ntewa pisirlua ko, ana narumā wa mēna lala. Sineu si paþisi na vitawe amiuena sina e maki nini, nesitom amiu paþisi, ana pe in ga taaga re poli, li na lelagaena taþena mēna lala asitonā amiu silau.

<sup>2</sup> Sineta sisi ita ke sanene vanon visena lelaga kiena ne Ntewa teke e kieta malena la rui, ana toñia e ita vano ve uro re sina pogos tai.

<sup>3</sup> Nemlen wo amiu, sane lemamena, sineyeena, a sumārena, vim kome arimata Ntewa, amio narina Yesu Kristo, sike e ita, kila þelaga na lelagaena a sitomena vim ve keviu manene laa sane e ita silau.

#### *Ataveve þelaga na sinesiena silaga*

<sup>4</sup> Nesape nevisawal van ko, nepisu narumā la þasia e yo nini rui, ana nekekaran la paþisi naþa nepisu la amial ruru ke e þelaga na visena na lelagaena po paþisi, sa naþa Arimata pisa pan ita.

<sup>5</sup> Auia, nepisu sur nene, ana nesape neiilaar amiu sina, vena alogear kiena navisaluaena la, naþa ita tetol sumo e purþes rui, sa naþa ve nevisa re sur viu tai van amiu, ana nevisawal ga visena mā nena nene, naþa nesape ita monar sineta sisi ita silau.

<sup>6</sup> Visae sinetan tesape tekila ve sa nene, naga kana mrapa sa nini: monar telogear visena kiena ne Ntewa. A kiena pupia navisaluaena naþa temloge nanua rui pimi tol nagane pisa sape monar teiali silau e þelaga na sinesiena.

<sup>7</sup> Yeririna na visokanena lala la mokliu asike pa e yomarava rui, vena vilonen sitomena kiena ne yeririna lala. La apisa ke asape Yesu naga pe yar ga tai maran taaga ga sa ga ita, pe sinelan re asape yar la alelaga e Yesu poli, naþa asape pe Navisaarena pimi kome Ntewa a pe natamalia itaena. Yar la na sa nene, ape yar na taþalien yeririna ga lala, ape nasinekar lala kiena ne Kristo.

<sup>8</sup> Visae ve sanene, monar avisuar ruru amiu e visena la ne sanene, vena ve akila pal re sina ga malena wo naþa memiyumāen māreran vanon amiu. Monar asumān mārera ga, þisi na akilia atol kiamiu nalaena nowo punu ga sirau.

<sup>9</sup> Yar naþa sumālu, pula petan kove pa vanua, pe mlelaga re si e na vianena na Kristo, naga pe pe kiena ne re si Ntewa poli. Ana yar naþa sumā ruru ga loyurā e kieta visena na lelaga lala, Ntewa arimata amio narina asike e naga.

<sup>10</sup> Visae akirawal lala tai imi mālivin amiu, ana pe pisa re visena la naþa mesmes sa naþa kieta na kilapianena poli, aligan lua si naga vano. Ve aure re naga va e māmiu yumā lala, ve aurear re naga su amio amiu,

<sup>11</sup> visae peraga, amiilaar ke naga pe na kilaen kiena yumāena viowa nene pa ke metava ne.

#### *Visena maro*

<sup>12</sup> Visena moki navisaena sike ga wa, ana pe sineun re neligan se e maki nene poli. Yoko nekilalia nevim nevisu amiu ga, vena tekilia tevisi ruru ga van ita e ga e marata. Visae ve sanene naga po manene laa sane, yoko ita punu ga tekilia teloge wo vaþisi.

<sup>13</sup> Luemā taþena ta nene, naþa Ntewa pisirlar naga sumālu sa naþa ko, narina mēna ga lala asike e nini, apisa ke asape Ntewa visa ruru amiu.

Nesape naga ga nene yo, naþa nesape nevisa, visena maro ga e nene.

## Maki Na Telu Naña YOANE Siriyuia Visayuena Na Tusi Nene

*Suniena plas na tusi nini*

E maki kiena Yoane na telu, naga pio si naga sape "nasumonena", a naga siria pa yaru tai, kien kia Kaias, naña naga nasumonena tai na sumiare. Mieluar Kaias nene, komin naga miila ke li nalelagaena lala, a pisa pania vena naga ve taveve re þelaga kiena yaru viowa tai naña kiena kia Totriþas.

*Komþasnen tusi la na nini*

Visena þesa 1-4

Nasumonena mieluar Kaias 5-8

Nasumonena naga pisi kawe visena kiena Totriþas 9-10

Nasumonena kekaran þelaga kiena Timitrias 11-12

Visena maro 13-15

*Visena þesia*

<sup>1</sup> In na yermarua nasumonena nesiri maki nini piñasu, wolai naña Kaias. Pona ita laþasia apieluen ko ke yo, ana nesape nevisa van ko nekekara paþisi na nepitawe ko sina e maki nini, komin nesitom ko paþisi, taveve þelaga wo na visena na lelaga kiena Suþe.

<sup>2</sup> Erau, nekilia sane ko na osuñia ga omloge poga ga silaga komin kioñia malena teke pa e limana ne Ntewa rui, ana nemlenwo ko ke silau, vena kioñia yuñiaena la wo lue ga silau, a vena inanena ve kila kare re yepenã.

<sup>3</sup> Nanagane na pe yam piavi re poli, wenlaita þasia apim atol e nini, la asunyu pan inu sanape naña ko na otaveve ke visena na lelaga kiena ne Suþe, okila ke kiena yuñiaena wo lala pano-o yar la apisu sane kioñia malena naga mesmes nenaga. Kiela visawalena kila sineu kekara na kekara paþisi.

<sup>4</sup> Pe sur re si ta naña kilia kila neloge wo sanene poli, ana pogos naña nemloge naru la asuñalu ke mārera sanene e visena na lelaga kiena ne Suþe, naga nene na nepisu po paþisi.

*Kaias naga pe yar tai naña akilia awasinea*

<sup>5</sup> Erau, potena van ko e yuñiaena la naña omiyuñiaen ke pe na iilaen yar la naña amial ke amio Lologena Wo, pogos naña apim atol amiu. La apim sane ape wolawa

ga lala, ana amiu þasia amon visuar laena, a ko, ko na okila po pan la paþisi.

<sup>6</sup> La apim apisawal pan na lelagaena lala e sumiare nae e nini rui, asunyu yuñiaena wo na kioñia sinesiena. Ana nagane yar taþena si laþasia apim asike amio ko nanagane, ana nepiun tan ko vena ko oiila la mēna ga. A visae akila yuñiaena punu þisi, popon akilia avisuvevelia e narin sur tai, vena iila laena e kiela mrapa, sane mesmesun na kilaen van yar naña miyuñiaen ke yuñiaena kiena ne Ntewa.

<sup>7</sup> Lala nene amialin ga sur nene, pogos naña la apa amlogon ke visena pan yar la naña pe amlalaga re poli wa, la pe sinelan re asape la nene avisuar la e sur tai poli, komin pe amla re Yesu e kiela malena poli wa.

<sup>8</sup> Ana ita naña temla Yesu e kieta malena, teke e ita narui vena iila laena. Popon teiilaar la, teiila la, vena kilaen sane ita mēna ga teyakolkol temio la, ita punu ga na yuñiaenen veraga e visena na lelaga kiena ne Suþe.

*Totriþas naga pisuar sumiare pe po re poli*

<sup>9</sup> Pona ko na okilia pa yo rui naña in na nesiri maki panon sur nene pan nalelagaena lala e sumiare rui, ana Totriþas nene, naga sinenan pisape ve suþen la, naga pe pisu kilale in re poli, naga pe sinenan re yagogonen kiau visena la poli, naga pisawo ke yuñiaena kiena Suþe naña memiyuñiaen ke ne.

<sup>10</sup> Naga pis ke paþisi, pisa ke visena viowa lala moki pan imimi, pisa kotalia kare imimi paþisi. A pe pis viowa re ga poli, ana miyuñiae mēna piowa ga, vanon naña yar la naña akila ke yuñiaen kiena ne Ntewa amialivin amiu, pe sinenan la re poli, pisape awasuþe la sina. A metavan nene, pogos naña amiu þasia apisuar la, amiila la e yuñiaena naña lala apiminia, a naga sumalu koven plan amiu mēna petan sumiare. Sur la naña naga kila ke ne pe mesmes re nena poli, pogos naña sa neviñasu nekatēn amiu, yoko ita punu ga teva lele taaga tevisaweke tekila ve sanapenia.

<sup>11</sup> Erau, nesape nevisa van ko, yar nene kila piowa pan ko paþisi, a piowa ga naña ko mēna okila si viowa sanene vania. Ve otaveve re þelaga viowa, ko na monar otaveve þelaga napo. Yar naña kila po pan yeririna taþena lala naga pe yeririna kiena ne Ntewa lelaga, ana yar naña kila piowa pan yar taþena, naga pe pisu re Ntewa poli wa, sike perina wa.

*Timitrias naga pe yar wo tai*

<sup>12</sup> Ana Timitrias nene, naga yoko iila ko. Yeririna la akekaran naga, apisa asape naga miyũm̃ae po paḡisi, a visena kiena ne Ntewa pisayu ke ḡelaga la naḡa sike e kiena malena, pisape po paḡisi. Ana in m̃ena nepisu sane pe yar wo tai, a nekilia sane ko na omlelaga e kiau visena, sane nepisa ke sur lelaga pan ko ne.

*Visena maro*

<sup>13</sup> Sur la mokliu navisaen van ko sike ga wa, ana pe sineun re nesiri e m̃aki nini poli.

<sup>14</sup> Ana sineun nesape ve yam ve viavi re na neiḡasu nevisu amiu, ḡisi na tekilia tevis van ita e ga e marata.

<sup>15</sup> Sum̃are sike amio ko. Kiom̃a erau lala nae e nini asape Ntewa visa ruru ko. Ana awis, ovisa van erau la punu ga naḡa amiu asike ne, ovisave Ntewa visa ruru amiu m̃ena ga.

Nesape naga ga nene yo naḡa nesape nevisa, visena maro e nene.

## Maki Naþa SUT Siriyuia Visayuena Na Tusi Nene

*Suniena plas na tusi nini*

Maki kiena Sut, Sut siri e pogos naþa navisawalena a navianiena la moki asuñaga naþa la asape amlelaga e Yesu, ana kiela vianiena la pe mesmesu re poli. Ana komin suri ne nanene naga pisa pan li nalelagaena lala, vena monar avisuar ruruia vena yaru la ne sanene ve akom re varaun la, vena akila la aloru. Maki na plas ga nini, kana sitomienna naga maran taaga amio ñaki kiena Pita na lua, naþa sape li nalelagaena lala monar atarar þelaga na lelagaena naþa Ntewa mila panila ñarera, naþa yoko sike sike luwe vano ve uro re.

*Komþasnen tusi la na nini*

Visena þesa 1-2

Pelaga a vianena kiena navianena piowa, a kiela nakoena 3-16

Visena na kilaþegeen li na lelagaena lala 17-23

Visena maro 23-25

*Visena þesia*

<sup>1</sup> Inu Sut, naþa nepe yaru na yuñaeana kiena ne Yesu Kristo, a nepe wenla Semes, nesiri ñaki nini piñasu. Nemligan pimi pan amiu yeririna la naþa Ntewa arimata pio amiu ape kiena rui, naþa naga sitom amiu paþisi, a naþa asike vatanon navisuar ruruena kiena ne Yesu Kristo.

<sup>2</sup> Kiau leniena nesape sineyeena, suñarena, a sitomena, la aim aule e amiu, asuñã aim ave keviu manene laa silaga.

*Maki nini na e lepas kiena ne la naþa apilon kare ke visena kiena ne Ntewa*

<sup>3</sup> Erau lala, sumo sineun nesape nesiri ñaki tai van amiu vena visawalen sitomena laþasa e lepas na natamaliaena naþa ita punu tetolia, ana nanagane ga ne visena tai kom pun amiu pimi tol inu, ana nepisu sane monar nesiriyu suri taþena nene narui.

Nemloge sane suri laþas pe po manene re poli, ana nesape nevisa van amiu aviawa ñarera, añareran naþa atarar ruru kieta nalelagaena. Kieta nalelagaena nene, Ntewa mligan pitomi pan li nalelagaena wa lala nasumo e pogos ta rui, ana pe nakepuen re si poli pona pe naliganen re si taþena mon metavan poli.

<sup>4</sup> Ana suri naþa nemloge, nepisu sane yaru la naþa apimi aþarpran amiu, la akepu ke kieta nalelagaena rui. La nene, pe mesmesun re awarpran amiu poli, apim vinau ga, pe akom re e pulutava poli, ana nanagane asike pun amiu rui. La nene ape nasinekareen kieta nalotena, la pe sinelan re Yesu Kristo naþa naga taaga pe Yerkawa a pe kieta Suþe. Ntewa pisape sanene, sape e kiena lemamienna, naga kekaran viewoen kieta mlamulena viowa lala, ana la nene apilopu ke sina ga kiena visena, asuñã apisa ke asape visae sanene, akilia akila mlamulena viowa ya naþa la sinelania, pe pe sur re tai poli, yokorena Ntewa viewo la wo ga ne. Visena nene piowa paþisi, a la naþa asuñã apisa ke sanene, Visena Wa pisaar kiela nakoena nanua sumo rui.

*Yeririna viowa la nene yoko monar atol nakoena*

<sup>5</sup> Popon asitomyuli la þas naþa akila piowa sanene, ana Ntewa mla ruru nena nakoena pan la. Suniena la nene apian ruru amiu e rui, pona sinemiyo þesan yo rui, ana yoko nevisa si van amiu.

Nasumo, naga le Israel la nanua amiyuñãe korena garu Isip. Ntewa tamalia pupia þegas nen yeririna la nene, þere plan la sina ga garu Isip, ana siraunia, la mok liu naþa apilopu ñasila pania, ana naga ñe plan la amarmare.

<sup>6</sup> A nalua, naga navisi la naþa asuþes ma e peni. Ntewa mligan la e yo wo tai naþa mon meta rui, ana pe sinelan re poli, sinelan asape akus ke sina ga lelana, ana kila sanene narui naga piar la e sen lala, naþa taþatete akekapiñ vetan la pogos tai. Naga kila lelela taþena e yemalolo, kuan plan la apa asike ea asuñã vano-o tol pupia nakoena e Legiena Maro.

<sup>7</sup> A natelu, naga le Sotom lala amio le Komora lala, amio yaru taþena lala na pulkumali la naþa lavisin la. La ñena ga sa ke ga navisi la nene, kiela sitomena la pa laa metava. Pe ataveve ruru re þelaga mesmesu naþa Ntewa mligan sike e ita poli, ana asuñã akila ke ga naþa yermiene pa þere ke sina ga yermiene, ana nasinenanena na korak la ne sanene keviu manene la pu la silaga. Ana monar tesitom ruru ya naþa pimi ñalivin la nene. Pupia kapi kekan la, ana asuñã atol ke nakoena nene na wa e kapi taþena naþa ve vito re tano pogos tai.

*Yaru viowa la nene la apano-o apiowa manene laa*

<sup>8</sup> Ana yaru viowa la nene naþa apim asike amio amiu, la ñena nene akila ke mlamulena piowa sa ke ga. Asuñã apisu



ke sur viowa lala e kiela m̄neniena lala, ana ya naḡa la apisuia, sinelan asape akila. Akila suri piowa la e tasnela lala, akovenlua ga visena kiena yaru naḡa sape visli van la, a asuḡa apitalia kare ke nam̄areraena wo taḡena la naḡa taḡatete tevisuia.

<sup>9</sup> Ana nam̄areraena taḡena la nene pe nakirakiraen re nena amio poli. Tekilia tevisu naḡa Parnavisi Maikel, pogos naḡa pepeyu ke amio Yermare, sape lalua nene ane yoko kus tasnena ne Mosis, ana pe pis re piowa pan poli. Pona tesitom ke tesape naga popon visa visena m̄arera pona visena na sinekarena lala van yo, ana naga pe pisa re poli, pisa ga pisape “Ntewa Namava yoko vis van ko na wa.”

<sup>10</sup> Ana yaru la nene, apis piowa a apisin sinemimiena e suri punu ga. Suri la naḡa akilia pona sur naḡa pe akilia re poli, ana la apisayu kare pa piowa ga. Kiliaena naḡa la atolia, maran taaga ga amio kiliaena kiena ne suri mali, naḡa suri ya naḡa mloge sape kila, po pona piowa ga, ana kila ga narui. Pelaga piowa la naḡa asuḡa akila ke nene, kila sane kiela vianena lala pe na visokanen ga, pe mesmesu re poli, taḡatete nena suḡalu.

*Yaru viowa la nene akila kare yuḡaena na suḡare lala*

<sup>11</sup> La asuḡa amlulu ke mrapa namarena nene naḡa yaru nene Ken mlilu nanua sumo, komin naḡa naga sinen kar wenla. Ana yaru viowa la nene amligan la asike m̄na e yo viowa nene naḡa Navisawalena Pelarḡa mligan naga se sumo, komin naga pisa visena naḡa pe mesmesun re vena tauluen kilavaru e poli, ana kiena visena kila yeririna kiena ne Ntewa lala apa amlotun ntewa taḡena. A ta sina, amloru apito akovio e pulus nen porotano naḡa Kora nasumo pito kovio ea, na nene e pogos naḡa porotano naḡa naga suḡalu sike ea purḡaia, komin naḡa naga kawe visena kiena ne nasumonena naḡa Ntewa naga mliganaria.

<sup>12</sup> A pogos naḡa aim lele taaga vena kilaen kinanena naviranaren kiamiu sinewo, ana la nene asike sane piarḡe tai naḡa tapolou m̄eke vatanon sive, naḡa visae waa va la lavisinia yoko va velan ga m̄eke ea. Akila kare ga kamiu kinanena la nene, naḡa akinan kar ga paḡisi, amun wii pano-o akilalu ḡarila, aḡaaga paḡisi, a pe asitom re yaru taḡena poli, pe asitom re sur ta poli.

Yaru la ne sanene sa ga lul naḡa lagi kus pa ḡaro ga, pe mligan ruru re kana yua pitomi kove kata lokove poli. La sa ga laki

tai naḡa atelua mon m̄aga menunu, vanon pe ḡar re mras poli.

<sup>13</sup> La sa ga pupia sive naḡa ḡan wowoia kuan kana sirpup amio lakee pe kororaki ga pa sike ura. La sa ga verue naḡa mlai e sinapane, naḡa asu yam plas ga ḡisi na akokovio make sina, apa asulue e pupia pupumalo na yemalolo.

*Navisawalena Inok nasumo naga pisayu yaru la ne sanene rui*

<sup>14</sup> Asitomyuli m̄na visawalena tai kiena ne yermaru Inok nanua susumo laa rui, naḡa naga molue kome lus olua kiena ne Atam. Naga pisayu ke yaru viowa la ne sanene narui, naḡa naga pisa sanini, pisape “!Avisuarua! Yoko Ntewa Namava vitom amio kiena navisi wa la ve tenario,

<sup>15</sup> vena lipereen yaru viowa na kilaen mlamulena naḡa pe amlogear re naga poli. Yoko naga la nakoena van la komin kiela yuḡaena naviowaena na ḡarm̄arera, a komin kiela visen viowa na sinekar la naḡa akoven e marana.”

<sup>16</sup> La naḡa apim asike pumi, visena nene torokin la nenaga, vanon la ape yar na vis mumuena, la ape yar na kaween visena e sur punu ga, la ape yar la naḡa sinelan la ga, a la ape yar na vilavenen visae pupia visena lala. Ana visae sinelan atol sur tai pumi, monar avisuar ruru la, vanon la ape yar na visen kiki a ape yar na visruruena m̄na ga.

*Nalologena la m̄na apisayu yaru la ne sanene*

<sup>17</sup> Ana amlulu kiau erau lala, popon asuḡa asitomyu m̄na ya naḡa nalologena lala kiena ne Suḡe Yesu Kristo apisape yoko imi m̄alivi na wa.

<sup>18</sup> Asum̄a apisa ke pan ita apisape “E pogos maro, yoko yar la avitalia lele kare yuḡaena kiena ne Suḡe amio kiena yeririna lala. Yoko akila ḡarila, akila ga ya naḡa kiela nasinenanena viowa la sinelania.”

<sup>19</sup> Yaru la ne sanene la asape kiela ḡegas ga naga po, asape la ga amiyuḡae ke e Ninuna, ana sineun nesape nevisawal van amiu nesape la amiyuḡae ke ga e sitomena na yomarava nini, Ninuna Wa pe su re nena e la nene poli.

*Visena na iilaaren li nalelagaena lelaga lala*

<sup>20</sup> Ana amiu, kiau erau lala, popon kiamiu yuḡaena e kieta lelagaena wa naga suḡa m̄arera lilue va metava. Monar alen silaga e nam̄areraena kiena ne Ninuna Wa.

<sup>21</sup> Aligan ruru amiu asu luen ga vatano e sinesiena kiena ne Ntewa, a ava ruru amiu asuḡa avisu ga Suḡe Yesu Kristo, vano-o

naþa naga, e kiena sineyeena, wereplan  
amiu ava e malena na pe luas re poli.

<sup>22</sup> Yaru naþa sitom þele ga, aiila naga  
vena kiena sitomena imi m̄arera sina.

<sup>23</sup> La moki na sanene asuṃa e is nen  
kapi, lavis akekapil avito e narui, ana  
avitaþilin aure plan la, atamalia la. Popon  
sinemi u ye yaru lala, ana laþas naþa  
apiowa laa sane, amaraun la towe ṃa ga.  
Kiela mlamulena a kiela namnamena, tol  
make ga kiela malena a kila kare kiela  
þelaga punu ga, a suṃa e tasnela make ga,  
a monar ve ave erau manene re amio la,  
alon la towe ṃaga.

*Visena maro: Leniena na yeluaren  
Ntewa*

<sup>24</sup> Ana teyeluar Ntewa, naþa naga kilia  
tarar ruru ita vena ve telor re, vano-o  
naga were ita teva tesuṃalu tese e kiena  
naurarena wa, naþa kieta malena ikiki  
ruru wo e marana, a tetol pupia kekarena.

<sup>25</sup> Memieluar ko Ntewa na mava, naþa  
ko ga taaga ope Natamaliaena. Mepisir-  
ilua kioṃa kia, komin nam̄areraena a  
puriukawaena a nasuþeena naga pe kioṃa  
ga. Memieluar ko pimi kome Yesu Kristo  
kiamimi Suþe, siar e pogos la nakonua  
rui, pimi tol nanagane, vano-o ve uro re,  
sanene.

## NAKILOGIAENA Naŋa Yoane Pisuia

### Ana Siriyuia

## Visayuena Na Tusi Nene

### *Suniena plas na tusi nini*

E tusi nini, Yoani siriyu suri la naŋa Yesu Kristo kila meraravan pania. Tusi nene, kiena kia na plas “*Nakilologiaena*”.

Yoane siri tusi nini e pogos naŋa le Rom lala akila suri m̄arera manene la paŋisi pa li nalelagaena lala, a asuŋa am̄em̄om̄ari la ke amarmare, komin naŋa amlelaga e Yesu Kristo. Yoane siri m̄aki nini vena visirplanen sitomiena kiena la nene, vena asuŋalu m̄arera e pogos m̄arera lala.

E tusi nini, tekilia teulo suri la naŋa sane m̄eniena naŋa Yesu kila meraravan pa Yoane, naga pisayu totou na suri lala vena li nalelagaena la e pogos nene akilia alogekilalea kana kinasa. Ana yaru taŋena lala taŋatete akilia kana kinasa. Sitomien kiena totou lala na tusi nene sanini. Yesu Kristo, naga pe Ntewa namava, a pe kieta Suŋe, a e limana, Ntewa yoko kila kare make nena Yermare amio nasinekar taŋena lala. Pogos naŋa kila make yuŋaena nene, yoko naga la nalaena kiena yaru la naŋa asuŋalu m̄arera e kiela lelagaena lala. Yoko were la ava asike amio naga mae peni viu a e yomarava viu naŋa naga kila ruru make rui.

### *Komŋasnen tusi la na nini*

Visena ŋesa 1:1-8

Suri ŋesa naŋa Yoane m̄enia pisuia, ana lum̄aki lala pae suŋare olua 1:9—3:11 Tusi naŋa ve yaru vike re, naŋa suri la olua sike ea 4:1—8:1

Kumasua olua 8:1—11:19

Alkita amio suri mali lua naŋa la apiowa paŋisi 12:1—13:18

Suri na m̄eniena taŋena la naŋa Yoane pisuia 14:1—15:8

Pialora olua naŋa apulen sinemimiena kiena Ntewa 16:1-21

Ntewa kila kare pulkumali naŋa Papiilon a taulu surmali naŋa piowa, amio navisaluaena kokani, amio Yermare 17:1—20:10

Ntewa la nakoena va yaru lala e legiena maro 20:11-15

Peni viu amio yomarava viu, a Yerusalem viu 21:1—22:5

Visena maro 22:6-21

### *Navisa meraravanen tus nini*

<sup>1</sup> Tus nini naga nakilologiaena na sur ya la naŋa yoko aim am̄aliv e legiena la naŋa pimi ke na wa. Ntewa sinenan yar la naŋa amiyuŋae kiena ke e yomarava la monar akilia ruru sur la nini, ana naga mla nakiliaena la nene pa Yesu Kristo, yoko Yesu pitetalia kiena navisi tai pimi m̄alivin kiena yar na yuŋaena naŋa Yoane, kila sur la nene pimi ŋarpoyo e kiena m̄enien tai.

<sup>2</sup> Yoane tol m̄eniena nene, ana pisu kilale sape nanene visena kiena ne Ntewa pe lelaga, pe visena lelaga nena napo naŋa navisa meraravanen ya naŋa yoko Yesu Kristo yuŋaen sirau, kila narui sirival ruru make sur naŋa naga pisuia, vena nasirau takilia tauloia.

<sup>3</sup> Ana yoko yar a naŋa wolo visena na visawalen la nene, pona yagogonia, ligan ruru teke e sinena, yoko na visaruruena kiena ne Ntewa ve keviu e kiena malena, komin naŋa pogos na legiena keviu nene pimi ke lavis manene laa narui.

### *Yoane siar visawalen kiena m̄eniena e visen tai nayeluaren Ntewa*

<sup>4</sup> In na Yoane, nesiri plan visena la nini im̄asu van amiu ŋegas na lelagaena la olua naŋa asike e pulkumali lala e pupia lepas naŋa tepio tesape Esia. Nekekarana naŋa nevitawe amiu e kia kien naga naŋa sike na konua rui, sike nanagane, a yoko sike sike lue. Nemlen wo amiu ke nesape pupia lemamiena a suŋare sike e kiamiu malena la silaga, naŋa yoko tol amiu imi kome kieta Ntewa nene amio kiena ninuna olua naŋa asuŋalu asike vamon kiena lele wa na totanoena.

<sup>5</sup> A kilia imi m̄ena kome Yesu Kristo, naŋa naga masisu m̄a pano kana kuruta mlau, siraunia naga ŋes naŋa mal si petan marena, naŋa nagane naga pe ŋarin suŋe kiena ne ŋarin suŋe na yomarava lala.

Ee, Yesu Kristo ke nanene narui naŋa naga sinen sii ita paŋisi pano-o taŋan kana kuruta mlau vena ul plan ita vetan koaena na kieta mlamulen viowa lala,

<sup>6</sup> ana naga pisirlua ita teim teve mratava ve taaga na lus kiena ne kiena narin suŋe lala, a naga mligan plan ita vena teila naga sa naŋa tepe yar wa na yuŋaena kiena ne arimana, nane Ntewa na mava.

Yesu na kila po pan ita sanene wa, ana popon teyeluar kiena kia, tevisirlua naga va manene laa metava, vano vano-o ve ŋisi re pogos tai, sanene.

<sup>7</sup> Avisu ruruia! Naga ke narui naŋa suŋa kupanpo lul la metava m̄alivin sape vitom tano! Yoko ita make ga kilamarata visuia, ore, amio m̄ena la naŋa asuar naga e lak torovia, la m̄ena yoko avisu kilale si naga.

Ana yoko pupia sineyeena a tagena molue e yeririna na yomarava lala pogos naña asitorñal si e ya naña la akila pan nanua sumo. Yoko ve sa ke nene narui, nevisa “sanene” ea.

<sup>8</sup> Popon tevatanon Suḑe Ntewa, Ntewa na m̄areraena nae meta manenea, naga naña sike kemua rui, sike nagane, a yoko sike sike lue, naña kiena visena urmi tai pisa sanini, sape  
“In na nepe purḑesa, in na neve luasa.”

*Yoane pisu totou na Yesu*

<sup>9</sup> Kam erau make lala, in Yoane in na nepe wenla amiu, naña nevisawal sur make van amiu. Nesape nevisawal van amiu komin naña ita ke narui naña tepe kiena ne Yesu, ita ke narui naña tesike vatanon kiena nasuḑenena, ita ke narui naña tesuḡa toḑar pae ke nalogeen viowa na pog m̄arera nene, a ita ke narui naña tesuḡa takawean ita ke temio sitomena napiyavi.

Pogaga, kiau sunena va sanini, sane nanua sumo, nesuḡa nepisawal ke visen kiena ne Ntewa, nemlologon m̄a Yesu Kristo pano-o, le Rom la amla nakoena pan inu, amligan inu nepim nemiyuḡae korena e narin purvanua nini, kien kia Patmos.

<sup>10</sup> Ana e Legiena Wa tai, nesuḡa sane nemloge sane Ninuna pimi e inu, nemloge pulgo tai varaun inu, pulgon keviu sane kumasua mielu, pisa sanini sape

<sup>11</sup> “Ya ne yoko ovisu ne, ovisuia osirilua va e tus tai, yoko oligan va teliliv viora e suḡare punu ga na lepas nae Esia, vena akilia auloia.

Suḡare la nene, la olua, nane Episas, Suḡana, Pekam̄am, Taeatara, Satis, Pilatelpia, a Laotisia.”

<sup>12</sup> Pulgo nene suḡa pis pan inu sanene, ana sineun nesape nevisu ane sanene, noḑarpu inu sane nepisu lan kantel ga la sike na, la olua naña amiyuḡaen e kol.

<sup>13</sup> Lan kantel la asḡal ga asike sanene, ana yoko noḡal yar tai suḡal sike likan la, naña naga sanena naña asape Narina ne Yeririna. Naga miyen kulsota piavi tai, amio kulmrae tai naña amiyuḡaen e kol, atelan ḑaro e yerena.

<sup>14</sup> Vilḑarina, miyuwowo na miyuwowo manene laa, a kilamarana tego sane kap naña mluamene.

<sup>15</sup> Lana m̄arera ruru po, sane pototo naña m̄arera ruru po, pilavila, a pogos naña naga pis, pulgona m̄aaga sane sii naña ḑanpo e piame.

<sup>16</sup> Naga suḡalar suḡa ga sa naña e limana marua, mlarar ke verue olua, a

playu na mara naña mal na mal e lepas luwoka molue ke kome logona. Marana m̄iena ga, suwala, miyuwowo na miyuwowo, sa naña mrae tego m̄arera kolpae.

<sup>17</sup> Nepisu sanene, lelaga, kila narui nemare nenaga, nemlor nena e mialana. Ana kian limana marua pimi tol inu, pisape  
“Ve omarau re, in naña nepe nasiarena a nepe naluasa.

<sup>18</sup> Naga naña pe purḑes nen malena, inu, komin nemali, ḑisna nemare, ḑisna nemal sina, ana nemal lue narui.

In ke narui naña ki namarena amio ki na pulukapi viowa kiena ne yar na marena lala sike e luḡau.

<sup>19</sup> Ana marauen toko, osiri plan ga ya naña opisu ke ne, naña lepas nanagane, ḑarar lepas naña na legiena la naña pimi ke na wa.

<sup>20</sup> A nevisa sur ta van ko sumo wa, e lepas na verue olua naña opisu e luḡau, amio purḑes nen kantel olua naña amiyuḡaen e kol. Sur la nene sane kiliaen tai naña tapolou, ana kala kinasa sanini, verue olua nene, naga navisi la olua vena visuaren suḡare la olua.”

## 2

*Luḡaki na suḡare olua*

<sup>1</sup> Ana Yesu pisa ke sina pan inu, sape  
“Nagane yoko nevisawal ya naña okilia osiri va vininua suḡare olua naḑani.”

*Mak nasumo, naga va e suḡare nae Episas, naga suḡare naña pe sinesiiena su re e poli*

“Osiri ḑesan m̄ak va van navisi na suḡare na pulkumali naña Episas, osiri sanini, ovisave ‘Visena nene pimi pan amiu pimi kome naga naña mlarar ke verue olua e limana marua, suḡa mialoro teteliv ke likan miasin kantel la olua naḑani.

<sup>2</sup> “Naga pisawal pan amiu sanini, sape, “In na nepisu kilale amiu rui. Nepisu kiamiu yuḡaena wo lala, nepisu naña aḑio paḑisi, nepisu naña aḡararan amiu amio kiamiu sitomena viayavi lala po paḑisi. Nepisu m̄ena po paḑisi sa naña pe ataḡan re yar viowa la apim akila kare amiu poli, komin naña laḑas, pog naña apim aḡalivin amiu, apisape la ape li na lologena, ana sa naña kam na akilali la, a apisuveve ruru la, ana akirawal rui sane apisokan ga.

<sup>3</sup> Komin ga kiau kia naña amla ke rui, kam na apane pog m̄arera lala, a la akila kare amiu, ana nekilia rui kam na pe amligan re poli wa, kam na apuarar ke m̄arera wa, a sitomena naña kam na asape sinemiu male paḑisi, pona amloge sa naña

toroki, nanene naga pe to re nena e amiu poli.

4 “ “Kiamiu p̄elaga la nene na po paṽisi, ana lelaga, sur tai teke naṽa kam na asuṽa akila ke ne naṽa in na pe nekekarar re nena ga, a nanene na popon nevisawal mesmesun nena van amiu. Naga sanini, naṽa sane pupia sinesiiena naṽa toṽesan e amiu, nagane pito laa tano, pe sa re si nanua poli.

5 Akilali naṽa sinemiu wasuṽe si e pupia p̄elaga na sinesiiena wo nanua ne, naṽa sinemiu sii inu paṽisi, a sinemiu siisii amiu amio yar taṽena lala. E pogos nene na po na po, ana nagane na, pito tano na pito tano. Ana pogaga, monar avilon amiu ga, a monar awasuṽe amiu e yo wo naṽa asu ṽes e sumo. Ana visae ve avilopu amiu re, nekilia nesape yoko neim nonṽalivin amiu, neurelua purṽes nen kap vivaga naṽa suṽal sike ne pivaga ke likan amiu nagane.

6 “ “Lelaga, naga nene naga kiamiu pupia napiowaena tai ne nepisa ga pan amiu na wa, ana sineun nesape nevisawal ṽena van amiu sane kam na akila ṽena pupia sur wo tai, naṽa nekekarar paṽisi. Nane naṽa kam na asuṽa akawe amiu ke amio la naṽa akila ke sur nawowe taṽena lala, naṽa yar naṽa Nikolaita mlologon ṽesania. Apiowa ga, in ṽena ga yepmavin nenaga.

7 “ “Yar naṽa kiligan teke ea, popon loge kilale ya naṽa Ninuna ne Ntewa pisawal ke pa ṽegas nen li na lelagaena lala. Yar naṽa suṽal ṽarera suṽa vano-o taulu naviowaena, yoko netaṽan vana vena kilia va su nena loyuṽa likan lokove nowo kana ne Ntewa, va kan mrasnen lak na malena.” ’ ’

*Mak na lua, naga pa e suṽare nae Suṽana, naga suṽare naṽa yar la sinela karia*

8 “Monar osiri ṽak va va navisi na suṽare na pulkumali naṽa Suṽana, ovisa sanini, ovisave ṽisena naṽa pimi pan amiu, pimi kome naga naṽa naga ṽesa a naga maro, naṽa aṽemṽar mare, ana sirauṽa mal sina.

9 “Naga visawal van amiu sanini, sape “In na nekilia ruru pog ṽarera la naṽa kam na apisuia, a nekilia nesape limamiu koren ga. A monar akilia naṽa pe limamiu koren re poli, ana ape yar na sur moki paṽisi! Ee, nekilia sane la naṽa asape la ape le Yu, akuan ke visen viowa mok liu pan amiu, ana ve asitom re, pe nepisu re nena nesape la ape kiau le Yu la poli,

peraga, la na ape yar na taveveen nena Yermare.

10 A pe lelaga, pona ve ve piavi re kam laṽasa monar awar pupia naloge viowaena la yo, komin naṽa amlalaga e inu, ana ve amarau re. Pona Yermare kilia kila naṽa yoko akoven amiu laṽas ava e yuṽa nakoena yo, vena kilali amiu, ana nekilia nevisave naga yoko kila kare amiu vano tol ga legiena ve lualima. Visae sanene, monar asuṽal ṽarera vano-o tol naṽa alalua kiamiu yalua, ana visae ve alor re e pogos nene, yoko pogos naṽa aim aṽalivin inu, yoko nela pupia nalaena van amiu, nane karo naṽarila namaliena naṽa pe kol.

11 “ “Yar naṽa kiligan teke ea, popon naga loge kilale ya naṽa Ninuna ne Ntewa suṽa pisawal ke pa li na lelagaena lala. Yar naṽa taulu p̄elaga viowa na malena nene, yoko naga ve va warpo re yo e marena na lua naṽa yoko imi sirau.” ’ ’

*Mak na telu, naga pa e suṽare nae Pekaṽam, naga suṽare naṽa taṽan navi- nena viowa taṽena lala apim loyuṽa*

12 “Yam si tai, monar osiri ṽak va va navisi na suṽare na pulkumali nene Pekaṽam, ovisa sanini, ovisave ṽisena naṽa pimi pan amiu ne, pimi kome naga naṽa ṽarar ke playu na mara naṽa mal ga lepas luwoka.

13 “Naga pisawal pan amiu sanini, sape “Nekilia ruru sane e naṽa kam asike e ne, naga lepas tai naṽa likan nena yo naṽa Yermare pe suṽenia! Naga lelana lala sike ga ko pun amiu ne, ana kam na apuarar ke kiau kia na po paṽisi. Nanua loyuṽa e kiamiu pulkumali nene, pona tevisa tevisave pulkumali kiena Yermare, la aṽemṽar kiamiu puruvi naṽa Antiṽas, ana la aṽararan asape kam na monar aluṽar kiamiu lelagaena e inu. Ana peraga, sa naṽa naga piawa ṽa ṽarera e inu pano tol marena, kam ṽena ga yar tai pe purmatan inu re poli.

14 “ “Naga nene naga lepas napo ne, ana sur laṽasa naṽa sineun nesape nevisa ṽena van amiu. Sur ṽesa, loyuṽa e ki- amiu ṽegasa, yeririna laṽasa asuṽa naṽa ataveve ke sitomena laṽasa sa ke ga Nav- isawalena Pelamṽa nanua. Visae asitomṽal ṽaga, naga ke narui naṽa pisayu mrapa laṽasa pa Pelaka, ana pe piavi re poli Pelaka toewa mlavia pa pisayu pa le Israel lala, kila sanene pe piavi re poli, la asuṽa akan kinanena wa la naṽa yeririna taṽena la akila kuṽapaena ea pa kiela nono lala, a la asuṽa akila lue ga kolau lala. Akila ke mlamulen piowa la ne sanene, ana taveve

visena naþa amloge ne, la asitom asape pogaga.

15 “ ‘ ‘A kana na lua nena, laþas si naþa kam na atamān la asike likan kiamiu li na lelagaena lala. Naga nene la naþa asumā ataveve ke navianena na wowe taþena la nene, naþa yar nene Nikolaita naga mlologon þesania.

16 “ ‘ ‘Visae ve sa nene, kam na monar avilopu kiamiu sitomen vetan naviowaena la nene! Visae peraga, yoko ve ve piavi re neim nakate pun amiu, a yoko visen la naþa nevisa e gou van la e pogos nene, yoko ve sa playu na mara naþa te kinekinela, kilapel la vaþisi.

17 “ ‘ ‘Yar naþa kiligan teke ea, popon naga loge kilale ya naþa Ninuna ne Ntewa pisawal ke pa þegas nen li na lelagaena lala. Naga naþa taulu napiowaena, yoko naga la kiena nalaena wo tai. Yoko nela kinanena tai vania, kinanena nena sa naþa le Yu la akan e yokorena, ana naga nene na pe kinanena tai naþa pe yar pisu re poli wa. A yoko nela kilavaru yuwowo tai vania, naþa ate kia viu tai sike ea, naþa naga naþa waria, naga ga yoko kilia ruru kana kinasa.” ‘ ‘

*Mak na vari, naga pa e sumāre nae Taeatara, naga sumāre naþa tamān ga þelaga piowa sumā loyuma ea*

18 “Pogos si tai, monar osiri māak va va navisi na sumāre na pulkumali nene Taeatara, ovisa sanini, ovisave Visena na pimi pan amiu pimi kome Narina ne Yeririna, naþa kilamarana pila a pivaga sane purmenen kapi, a lana mārera sane pototo.

19 Naga pisawal pan amiu sanini, sape “In na nekilia ruru kiamiu yumāena lala, a kiamiu sinesiiena lala amio kiamiu naviawaena, kiamiu yumāena mārera a sitomena la naþa piayavi, a metavanja nekilia nesape nagane kam na akila pa laa narui, taulu naþa akila þesania.

20 “ ‘ ‘Naga nene naga kana lepas napo ne, ana sur si tai monar nevisa meraravan van amiu. Nanene e lepas na sira viowa nene, Sesepele, naþa apisu kilale kiena napiowaena lala, ana atamān ga kila mā wowe e sur viowa la naþa kilakila ke ne. Naga sape naga pe sira tai naþa pe navisawalena, a pona kam na amlelaga e naga yo, ana naga pisokan ga ne. E kiena navianena lala, naga sumā þere yar na kiau yumāena la apa ape taþena la narui, naþa nagane asike e þelaga na mlamulena na kolauena rui, a asumā akan ke kinanena kana nono lala, a la asitom asape þelaga la nene na pogaga ne.

21 In na nemla pulmas pania vena sitom ruru sina, vilon naga vetan kororak la nene, ana naga yepen mavin ga.

22 “ ‘ ‘Pogaga, kiau sitomena teke rui sane yoko nekila naga mēne tog tai na maiena mārera lala, a yoko nekila yar la naþa akila kolau amio sira nene, visae ve avilon la re e kiela mlamulena viowa lala, yoko la mēna aloge viowa vaþisi na vaþisi.

23 Sira nene, yoko taþatete narina mali, yoko sineu kar la make ga. Ana pogos naþa la na þegas nen li na lelagaena la avisu sur nene, yoko avisu kilale sane in ke narui, kiau navisuvevena telivi pano tol ya naþa teke e sinen yaru, a kilia lual ya naþa teke e kiena sitomena. A yoko avisu kilale mēna sane in ke narui nesumā nekila maran ke pa yar lala torokin ga þelaga na sur la naþa akila ke e kiela malena lala.

24 “ ‘ ‘Ana e lepas na pun amiu kam yar taþena lala nae Taeatara, nekilia nesape kam na pe ataveve re navianena kiena ne sira nene poli. Naga kilali naþa koven visen kiki la pan amiu, sane yoko naga vike sitomena urmi la naþa tapolou van amiu, ana kam na apisu kilale naþa Yermare ga naga pe purþesnen visena la nene. Yoko ve nevisa re si sur taþena van amiu,

25 ana nevisa ga sane kam na auarar ga visena lelaga la nene mārera naþa kam na atol rui, ve aligan re, auarar la mā vano-o neim si na.

26 “ ‘ ‘Naga naþa taulu na viowaena, kila ga taveve ya naþa sineunia vano-o tol luas nen pogos nini, yoko nela pupia nalaena vania. Yoko netamān vania naga ve suþen purvanua lala,

27 sa ga naþa Tus na Yawena la pisayuiua, naþa sape

*Naga yoko ve suþen yeririna lala naþa laki naþa mlarar ke e limana, naga pe pototo mārera tai,*

*a la naþa ape þarmārera, naga yoko kuan wowa la e porotano ave kinakinasia sane piaki tai naþa amiyumāen ga e porotano.* Yauena 2:9

“ ‘ ‘Namāreraena na kilaen sanene, Ata tamān pan in rui, ana yoko netamān lein va kiau yaru nene.

28 Ana pe naga re ga nene poli, ana yar nene, yoko neligan verue naþa Melag sike e limana.

29 “ ‘ ‘Yar naþa kiligana teke ea, popon naga loge kilale ya naþa Ninuna ne Ntewa pisawal ke pa þegas nen li nalelagaena lala.” ‘ ‘

## 3

*Mak na lima, naga pa e suñare nae Satis, naga suñare naña momalio ga mon māga*

<sup>1</sup> “Monar osiri si māak va va navisi na pulkumali na suñare nae Satis, ovisa sanini, ovisave ‘Visena nene naña pimi pan amiu ne, pimi kome naga naña pisuar ke ninuna la olua kiena ne Ntewa amio kana verue ne la olua.

“ ‘Naga pisa pan amiu sanini, sape “In na nekilia ruru kiamiu yuñāena lala. Amiyeluar amiu pañisi, asape kam na suñare tai naña mal ruru po, ana peraga, in na nekilia ruru pañisi kam na amare ga añeke na.

<sup>2</sup> Nagane pe pogos naña kam na akirava towe narui. Kiamiu yuñāena lala, in na norñal sane e visuena kiena ne Ntewa, kam na pe akila make ruru re poli, a kam na akila pe po re nenaga. Kiamiu kapi pe kovio make re poli wa, ana naga suñā panon ke naña lavis mare narui, ana komin sur ne nanene, nepisa ruru pan amiu nesape kam na monar ayuñāen ruruena vena imi wo sina.

<sup>3</sup> “ ‘ “Visae ve sanene, kam na monar asitoñal si visena wo la naña amlage, a amla rui. Alogear ruruia, a avilon kiamiu malena wasupe si na, komin naña visae ve atavilo re, nekilia nevisa nena van amiu sanini, yoko neim norñalivin amiu sane yar na vinauen tai naña kam na tañatete akilia.

<sup>4</sup> “ ‘ “Ana lelaga, nekilia nesape kam nae Satis, kam pe moki re poli naña asuñā pogaga, naña pe akila re māla kulsota la namname poli sane lañasia. La ke narui amekiki ruru nenaga, ana yoko ayen sur yuwowo, ayaloro amio inu meva e kiau yo.

<sup>5</sup> Yar a naña taulu naviowaena, naga mēna yoko ayowa ruru wo e kulsota yuwowo la ne sanene. Naga, kiena kia tañatete nena neyumulua e tus namalena pogos tai, ana yoko nekilogia naga va Ata amio kiena navisi lala, nevisave yar nene naga pe kiau yar lelaga nena napo.

<sup>6</sup> “ ‘ “Yar naña kiligana teke na, popon naga loge kilia ya naña Ninuna ne Ntewa suñā pisawal ke pa pēgas nen li nalelagaena lala.” ‘ ‘

*Mak na orai, naga pa e suñare nae Pilatelpia, naga suñare naña pulmas wo na kilaen yuñāena sike e marana*

<sup>7</sup> “Monar osiri si māak va va navisi na suñare na pulkumali naña Pilatelpia, ovisa sanini, ovisave ‘Visena naña pimi pan amiu ne, pimi kome naga naña pe wa, a pe lelaga, naña naga ke narui naga p̄ar

ke ki na kiluaen pulutava m̄ana Parin Suñe Tepet nanua. Ya naña naga vietvania, tañatete si yar tai kotawea, a ya naña naga kotawea, tañatete si yar tai vietvania.

<sup>8</sup> “ ‘ “Naga pisawal pan amiu sanini, sape “In na nekilia ruru kiamiu yuñāena rui. Ana monar avisu ruruia, in na nevietava e pulutava tai van amiu naña yar tai tañatete si kotawea. Nekilia mā naña kiamiu māaraena ve tokak ga, ana nekekara pañisi naña apuarar ruru ke kiau visena, a pe akila kare re kiau kia naña teke e amiu poli.

<sup>9</sup> “ ‘ “La naña ataveve ke Yermare, la apa ke lele taaga vena avisirlua kiela pēgas, a la apisa ke asape la ape le Yu nena napo, ana pe sa re nene poli, apisokan ga. Ana siraunia yoko nekila la nene aim akinai e lamiu vena avisu kilale sane pe kiau sitomiena su re e la poli, ana sike ga e amiu.

<sup>10</sup> “ ‘ “In na nepisa mā pan amiu nanua rui nesape monar asuñal māarera amio sitomen la naña piayavi silaga, ana nepisu sane apuarar ruru kiau visena nene. Komin sur ne nanene narui, nekilia nevisaar van amiu sane visae pupia naloge viowaena yoko imi e yomarava vena kilali la naña asike ea, ana yoko in na nesuwo amiu ruru nena ga, yoko sur nene tañatete tol amiu.”

<sup>11</sup> “ ‘ “Ve ve piavi re, neimin amiu sina. Ya naña asuñal asike e rui, monar auarar ruru mā vano-o neim noworun amiu, ana yoko akilia ala kiamiu nalaena, ana tañatete yar tañena kilia warlua kiamiu karo na p̄arimiu naña pe kol vetan amiu.

<sup>12</sup> Yar naña taulu nakilaliēna make ga vano-o neimi, yoko noure naga imi sane pupia kemrape na loyūñā e yuñā wa māna Ntewa, yoko yar nene sulue sike loyūñā nene narui. Yoko neyowauia naga amio kia la naña nesiri se ea, sane kia kiena ne kieta Ntewa, a kia kiena ne pupia pulkumali, na Yerusalem viu, naña mligan ma e peni kiena ne kieta ne Ntewa pitomi, a amio la nene, yoko nesiri mēna kiau kia viu ea.

<sup>13</sup> “ ‘ “Yar naña kiligana teke ea, popon naga logekilale ya naña Ninuna ne Ntewa suñā pisawal ke pa pēgas nen li nalelagaena lala.” ‘ ‘

*Mak na olua pa e suñare nae Laotisia, naga suñare naña pa piowa rui, ana pe asitom re sur poli*

<sup>14</sup> “Na maro, monar osiri māak van navisi na suñare na pulkumali naña Laotisia, ovisa sanini, ovisave ‘Visena naña pimi pan amiu pimi kom pun naga naña pe

řarin sur make ga, nařa naga ga kilia visave "Sanene." Naga masisu pona pe lelaga e Ntewa vano tol nařa kana kuruta mlau, a naga pe suřen wetelun yomarava nařa Ntewa siia.

<sup>15</sup> " "Naga pisawal pan amiu sanini, sape "In na nekilia ruru kiamiu yuřaena lala, a nekilia nevisu kilale sane pe kiamiu sitomena la manin manene re poli, a pe pisun manene ruru re řena poli. Popon manene la nařa visae sinorřan omanini, ko omanin ruruia, pona visae ovisunu, ovisun ruruia, ana nařa sinemiu la peve lua ga sanene, řelaga nene pe sineun re nenaga.

<sup>16</sup> Ana komin nařa sinemiun amanini a sinemiun avisun sanene, in na nesape neluelua amiu e logou narui.

<sup>17</sup> " " "Kam na asape amiyuwon polo kiamiu sur wo la mokliu, ana kam na asape tařatete yar tai kilia la sur van amiu, kam na amla ke rui. Ana peraga, e kiau navisuena pe sa re nene poli. Kam na pe apisu kilale amiu re poli, ana pe kiamiu sur wo re nena tai, kam na limamiu koren ga, kilamaramiu řala, a yepemiu mian ga.

<sup>18</sup> Nevisa van amiu, popon awasuře si aim pun inu, aim awar kol nini nařa kap kekan van kana namname rui, vena akilia alalar sur wo tai e limamiu. A popon aim awar kulmrae la nařa miyuwowo, vena akalo amiu, vena ve amawa re, a popon aim awar řaki na vilanen e kilamaramiu, ana vena akilia akirava sina.

<sup>19</sup> " " "Yaru ai nařa sineu siia, monar nevis vania vena nakawe ruru kiena malena, ve sanene, monar ala kiau visena lala, ana avilopu amiu.

<sup>20</sup> Ayagogo ruruia! In na nesuřal nesuřa nesigariga ke pulutava na kiomřa malena. Ko nařa ologe pulgou pio, ovi-etavan inu, neiřasu loyurřa italua tesun, italua tekinana.

<sup>21</sup> " " "Naga nařa suřal řarera vano-o taulu naviowaena lala, netařan vania sane naga topae amio inu e leleu wa na totanoena, sa ke ga nařa in řena netaulu kiau nasinekar, ana siraunia Ata řere inu netotano ke nemio e lelana wa na totanoena.

<sup>22</sup> " " "Yar nařa kiligana teke ea, popon naga logekilale ya nařa Ninuna ne Ntewa pisawal ke pa řegas nen li nalelagaena lala." " "

#### 4

*Ntewa na lelana nařa meta manene laa ma e peni*

<sup>1</sup> Pogos nařa nepisu pae sur la nene, nořal ke sina ga pulutava tai navaen

loyurřa ma e peni, řeke ga vamon inu. A nemloge ke sina ga pulgo nařa pis pan inu nanua, pis na pulgona miyelu keviu sane kumasua, ana pisa pan inu, sape "Ovam meta e nini sumo wa, vena nekila ovisu sur la nařa yoko aim sirau."

<sup>2</sup> Pisa sanene, ana veraga ga, nemloge sane Ninuna ne Ntewa řerelua ninuu, mligan inu ma e peni, ana nekira pa e pupia lele wa na totanoena tai řeke ga e marau, nařa yerkawa tai totano teke ea.

<sup>3</sup> Nepisu sa nařa pila, řar maran kilavaru la nařa po na po, a kana kap nena miyervivia sa ga kupierier.

<sup>4</sup> Kana pupia lele na totanoena nena řeke ga lika, a lele na totanoena řena lařasa miyervivia, nopuloia tol lualima yam lua pa vari [24]. E la peve taaga, yar taaga teke e tai kila sane la řena tol lualima yam lua pa vari [24], la nene ape nasumonena nae ma e peni lala. La nene, řala kulsota la miyuwowa pařisi, a amien karo na řarila nařa pe kol.

<sup>5</sup> Nesuřa nepisu ke sane, nemilan řena yekarpla ke ga likan yo wa nařani, amio řaagena na pupia polilu tera ke ea. Vamon-ia, kap vivaga la olua asuřa apivavaga, naga nene nane ninuna ne Ntewa olua,

<sup>6</sup> asuřal asike e yotop tai, nařa meri ga řeke na sa ga sive, pilavila a merarava ruru po sa ga kupito.

Ana likan yo nařani, yar mali la vari asuřaga, nařa kilamarala la moki liu sike vamon la a varaun la, asuřal lavisi, asuvivi pupia lele wa na totanoena.

<sup>7</sup> Yar mal řes nene, sa ga laion, na lua sa ga puluk nařa purwolu, na telu naga řar ga maran yaru, na maro na sane pepaurřa.

<sup>8</sup> La nene, la make ga kupela la orai, nařa kilamarala la kalo make ruru řena kupela la nene, pa řena e pulugala.

La nene kiela yuřaena, legiena a yemalo, la pe aparurula re pog ta poli, la asuřal apisawal lue ga, asape "Ntewa na řareraena na mava, naga su řesa, naga sike nagane, a naga sike sike nena. Naga pe wa nařa pe wa, naga pe wa pařisi."

<sup>9</sup> E visena la ne sanene, la asuřa apisir-lua ke kia kiena naga nařa totano teke lele wa likan la, apatanon ke naga, asuřa apisa ke potena pa naga nařa yoko mal lue narui. Pogos nařa asuřa apisa řaga,

<sup>10</sup> nasumonena řena la nene apatanonia, amlotun ke naga nařa tařatete mare pogos tai. Ana siraunia, ařar plan kiela karo na řarila nařa pe kol, amligan su tano se lana, asape:

<sup>11</sup> "Kiamim Suře Ntewa, mesmesun nařa naurarena, navatanonena a nařareraena make ga, ala van ko,



kiomña ko ga taaga. Ko ke naþa osii make sur narui,  
e ga e kioñña nasinenanena atol kiela malena rui.”

## 5

*Tus naþa apulonaria, amio narin sipsip, naþa lalua asike ma e peni*

<sup>1</sup> Ana yokorena nepisu si yerkaawa nene naþa totano teke e lelena wa, naga mlarar ke sur tai e limana marua, sur nena naga tus tai, naþa asiri ga e lepas luwoka, þisi na apulonaria, ana atelan kana lok olua suwoia.

<sup>2</sup> Ana nemloge pupia navisi tai pion manene pa metava, piunia pisape “Ane torokin kilaroro lok la nene? Yar tai sike ne kilia vae tus nene woga pona peraga?”

<sup>3</sup> Moñña ga sanene pano-o, peraga, pe yar re tai naþa ma e peni pona yomarava, pona vatanon yomarava, naþa kilia vae tus nene poli, pe yar re nena tai naþa torokin kira va loyuma e poli.

<sup>4</sup> Nepisu sanene narui, nemloge piowa, netagi na netagi, naþa taþatete yar tai kila.

<sup>5</sup> Ana nasumonena la tai nene pis pan inu, pisape “E, ve otag re sina! Opisu ke ne, nanene naga laion naþa molue kome yeririna la nae Suta, naþa apio asape lus kiena ne Tepet, naga taulu make sur la þisi rui. Naga ke narui naga kilia kilaro lok la olua nene, naga ke naþa yoko vae tus nene narui.”

<sup>6</sup> Ana nekira pano, pe laion re poli, ana nepisu narin sipsip tai suñal sike likan yar mal la vari a nasumonena lala vamon yo wa nene. Naga pe narin sipsip ga, ana kana lamaliu olua amio kilamarana olua asike e þarina. Naga suñal sike na, naga apisu sa naþa akila kuþaþaena e rui, ana mal ruru ga suña ga.

<sup>7</sup> Naga mial pimi, kuslua tus naþa petan limana yerkaawa na þamarua, metava e pupia lele wa na totanoena.

<sup>8</sup> Mla pae, ana yar mal la vari nene amio nasumonena la lualima yam lua pa vari [24] nene amloru e lana. La peve taaga aþar kiela yukalele lala a kiela piala la naþa amiyumñaen e kol, pulen ga ponotaninu la naþa asikapia, ana kala ponos taninu po paþisi naþa pa ke metava, nane leniena lala kiena nalelagaena wa lala.

<sup>9-10</sup> A la amiyaun ke yau viu tai naþa sanini,

“Akuþaþain ko,  
ana e koñña kuruta  
opul plan yeririna lala ape kiena ne Ntewa,  
naþa amolue e þegas nen yeririna make  
ga,

e visena kar make ga,

e purvanua kerkeviu make ga,  
a e narin purvanua make mña ga.  
Ko osikol la apim ape þegas taaga na-  
vatanonen þarin suþe ve taaga ga,  
aim ave yar wa lala na yumñaena kiena ne  
Ntewa,

naþa yoko ave suþen yomarava nini.

Ana komin naþa okila sanene,  
torokin sane ko ga taaga ola tus nene  
narui,

owar plan kana lok lala, ovae.”

<sup>11</sup> Nesuñña nepisusu ke sanene, ana nemloge navisi la amiyau, la mok na moki, aña la tenario via na sanene. Amiervivi lele na totanoena wa amio yar mal lala a nasumonena la nene,

<sup>12</sup> amiyau mñarera paþisi, apisa sanini,  
asape,

“Narin sipsip, naþa akuþaþainia,

naga taaga po na po.

Namñareraena make ga, nawoena make ga,  
manmaruaena make ga, puriu kawaena  
make ga,

navatanonena make ga, naurarena make  
ga, nayeluarena make ga,

torokin akila ga van naga taaga.”

<sup>13</sup> Siraun nanene, nemloge si surmal make ga la mña amiyau, surmal la naþa asike ma e peni, amio la naþa asike e yomarava, pona e porotano pona e sive, kiela yauena pisa sanini, pisape,

“Nayeluarena, navatanonena, naurarena,  
a namñareraena va va yerkaawa naþa  
totano teke e lele wa, amio mña  
narin sipsip, vano vano ve uro re.”

<sup>14</sup> Ana yar mal la vari naþani apisawalia asape “Sanene” komin visena la nene, ana nasumonena lala amloru, akinai, amlotun lalua.

## 6

*Lok la olua na tusi naþa aptonaria*

*Lok þesia: Yerkaawa na þelaga na kilaen mara, naþa kus wosi yuwowo*

<sup>1</sup> Nepisu manene mña, nepisu narin sipsip naþa kilaro lok na sumo na tus nene. Naga kila pae, ana yar mal la vari nene tai pio e pulgo tai sa naþa polilu, pisape “Oimi!”

<sup>2</sup> Ana noñal ga wosi tai naþa miyuwowo suñal sike e marau veraga. Noñal yar tai teke meta ea, þar ke viu lamias, ana la amligan karo na þarina kiena þarin suþe teke e þarina, ana kus kiena wosi naþani kirir pano sane yar namara tai naþa vanon vena taulu kiena nasinekar lala.

*Lok na lua: Yerkaawa na þelaga na weñaren yaru, naþa kus wosi pivaga*

<sup>3</sup> Yoko narin sipsip kilaro lok na lua. Kila pae narui, ana nemloge yar mal na lua pio, naga mēna sape “Oimi!”

<sup>4</sup> Ana wosi taḡena ke sina ga pimi kate veraga, naḡa pivaga. Yar naḡa kusia, ataḡan pania vena va war plan suriarena naḡa sike e yomarava, vena yar la asuḡa awewe moḡar la. Amligan pupia playu na mara tai e limana, ana naga mēna kiriri pano.

*Lok na telu: Yerkawa na ḡelaga na visoena e yomarava, naḡa kus wosi malko*

<sup>5</sup> Yoko, narin sipsip kilaro lok na telu. Kila pae narui, nemloge yar na telu pio, naga mēna pisape “Oimi!”

Ana nepisu ga wosi si tai naḡa malko suḡal sike e marau veraga. Yar naḡa kusa, naga mlarar ke skel tai e limana, vena visuveve kinanena lala kana yeririna na yomarava.

<sup>6</sup> Ana nemloge visena tai molue ga likan yar mal la vari naḡani, asape “Ovano, ataḡan pan ko asape okilia okila naḡa yo ve plasan kinanena, naḡa yoko monar aul narin kinanena ga e kilavaru keviu. Ana ve okila kare manene re purḡes nen purolip lala naḡa amiyuḡaen ke sirveve e mrasnela, a ve okila kare manene re purḡes nen kilkerep lala naḡa amiyuḡaen waen e mrasnela.” Apisa sanene narui, a naga mēna kiriri pano.

*Lok na vari: Yerkawa na ḡelaga na marena, naḡa kus wosi na yepen pe yavi*

<sup>7</sup> Yoko, narin sipsip kilaro lok na vari, kila pae ana nemloge yar mal na vari pio, naga mēna sape “Oimi!”

<sup>8</sup> Ana noḡal ga na wosi taḡena naḡa yepena pe yavi suḡal ga sike e marau. Yar naḡa kusia, apio kiena kia asape Marena, a naga, kiena erau tai mial ke amio, naḡa kiena kia asape Pulukapi. Ana e lalua nene, ataḡan asape lalua akilia akila viowa va yar ve moki e yomarava, e playu na mara, pona e viso, pona e maiena, pona e surmal tetan lala. Visae ve sanene, yar la vari asike yomarava, la telu akilia asururu ga, ana taḡena tai akilia akilapel naga sanene.

*Lok na lima: Li na lelagaena la naḡa ape masisu pano-o aḡemoḡar la*

<sup>9</sup> Yoko, narin sipsip kilaro lok na lima. Kila pae, ana noḡal wonta pulen ninuna ne yeririna lala amiyuwon la miyervivi miasina. Nanene la naḡa aḡemoḡar la komin aḡarera e logearen visena kiena ne Ntewa, a asuḡal mārera asape amlalaga e Yesu.

<sup>10</sup> La nene, noḡal atag ke pa Ntewa e pupia pulgo keviu, asape “Ake Suḡe na sur make ga, ope wa a ope lelaga, awis ovisu kilale kamim kuruta nene. Pogwai naḡa yoko okila maran va yar viowa la naḡa akila ke piowa sanene?”

<sup>11</sup> Apisa pa sanene narui, ana aḡar kulsaket yuwowo la pan la amiyenia, ana apisa pan la asape sur naḡa la apiunia naga pere wa. Asape monar asuḡate li ga ve plas ga wa, komin naḡa kiela erau laḡasa asike ga wa, amio mēna kiela puruvi taḡena lala a vinela lala, naḡa yoko la mēna monar awe moḡar la komin naḡa amlalaga, ana pogos naḡa la punu ga aimi toroki, yoko Ntewa kila ga ya naḡa la apiun na wa.

*Lok na orai: Legiena maro*

<sup>12</sup> Yoko, nepisu naḡa narin sipsip kilaro lok na orai. Kila narui, yemninu veraga, a pe piavi re poli mrae pimi malko yemalolo nenaga, a kupario pimi pivaga sane kuruta,

<sup>13</sup> a verue la naḡa asike ma e sinapane akekapil apitom tano e porotano, sa ga naḡa mralak mene, pogos naḡa pupia lagi miyui kululun lasa.

<sup>14</sup> Yoko, avilonar sinapane sa naḡa apilonar takue akus pano, a tavie make ga a purvanua make ga alen plan la vetan lelela lala.

<sup>15</sup> Ana pogos naḡa yar la avisu sur la nene, pupia marauena naḡa pupia marauena. Parin suḡe na yomarava lala, yerkawa lala, nasumonena kiena ne yar na mara lala, yar na sur moki lala, yar mārera lala, amio mēna kiela yaru na yuḡaena lala, a yar taḡena make ga e yo kar ga lala, la make ga ayalin mesmesun puluve lala pona pulkilavaru, avavinin yo la metava e kunusa, akilayonli naḡa atapolou ea.

<sup>16</sup> Atol yo la nene, ana marauena pimi keviu manene laa, a apion pa kilavaru lala amio kunus lala, asape “Awis, aloru akalo ruru imimi, vena navisuena kiena ne naga naḡa teke meta e lele wa ve tol imim re, a vena nasinetar kiena ne narin sipsip ve kila kare imim re.

<sup>17</sup> Pupia legiena na sinekar kien la lua nene pimi rui, a yoko ane kilia suḡalu mali e pogos nene? Peraga ne, nagane yoko viowa manene laa van ita make ga.”

## 7

*Ntewa pisaar kiena pupia ḡegas nen yeririna tai vena ave kiena*

<sup>1</sup> Siraun sur la nene, nepisu navisi la vari asuḡal asike e mrapun yomarava varoka, asuḡa akilawo ke lagi vari naḡa amiyui ke

e yomarava, vena lagi la nene ve ayui re si e sive, pona e porotano, pona meta e lak lala.

<sup>2</sup> Yoko nepisu ke sina navisi taņena, řar sur na ween totou kiena ne Ntewa mali van kiena yeririna lala, ana naga molue e nařa mrae pa meta ea pimi. Naga kilia řa sape navisi vari nene, la ařar ke nařareraena nařa akilia akila kare porotano a akilia akila kare sive, ana naga pion manene pan la, pisaluřar pan la vena ve akila re si sur tai.

<sup>3</sup> Pisa sanini, sape "Ei, toko, ve akila kare re sive pona porotano pona lak lala, vano vano tol nařa teligan totou tai te piamenan yar mesmes lala nařa ape kiena ne kieta Ntewa."

<sup>4-8</sup> E pogos nene narui nemloge ga na wa nařa apisawal nena maran la nařa amligan totou e la. La nene amolue akom e lus nae Israel la lualima taaga pa lua, naga lus la nařa ařar kia kiena yermaru apua kan la nene, nane Suta, Rupen, Kat, Asa, Naptali, Manasa, Simion, Levi, Isak, Sepulan, Sosep, a Pensiman. Ana e lus make la nene, tai kana manu lala tol lualima taaga pa lua [12,000] amolue komea, kila la punu ga tol sane kana manu ne lala tol ponotia lualima yam vari pa vari [144,000].

*Pupia řegas taņena lala nařa amiyen kulsota yuwowo lala*

<sup>9</sup> Ana siraunia, nekira pa vamon inu narui nořal pupia řina na yeririna lala, nařa moki na moki, tařatete auloia, la ke nařa amolue akom e lus taņena la narui. La ke nařa ape yeririna taņena lala na purvanua taņena lala, amio kiela visena taņena lala, apim asuřal asike vamon pupia lele na totanoena nařa narin sipsip totano teke ea. La make ga amien kulmrae yuwowo nowo lala, a ařarar řařa lala,

<sup>10</sup> a apio manene pa metava, asape "Kieta Ntewa teke e kiena lлена wa, naga ga amio narin sipsip, lalua ape purřes nen kieta natamaliaena."

<sup>11</sup> Ana amio la nene, navisi řena lala asuřal amiyervivi yo wa, a amiyervivi řena nasumonena lala amio yar mal la vari nařani, ana la řena akinai ařan řarila pito tano vamon yo wa, amlotun Ntewa,

<sup>12</sup> asape

"Ee, lelaga pa!

Nayeluarena make ga, a naurarena, a namanmaruaena, a navisaen potena, a navisirluaena, a puriukawaena, a nařareraena,

la punu ga nene ape kiena ne kieta Ntewa naga taaga, a yoko ve sanene sulue na sike ne.

Yeluaren van Ntewa!"

<sup>13</sup> Ana e pogos nene, nasumonena la tai piun tan inu, sape "Pupia řina nařa amiyen kulumrae yuwowo la ne, okilia osape a la nene, a okilia osape la asu pe na apimi?"

<sup>14</sup> Ana nesape "E peraga, ana ko ope yerkawa nae e nini tai, ko okilia řa yo?"

Ana pisatarĩa sape "Ore, la ke nene narui nařa ařaro e pupia pogos naloge viowaena. Kulsota la ne amiyen ke ne, akevanla e kuruta kana narin sipsip nařani, nane apim amiyuwowo ruru sane opisu ke ne.

<sup>15</sup> La na kiela yuřaena sanini, sane 'La asike vamon yo wa kiena ne Ntewa, legiena a lemalo amiyuřaena kiena ke loyuřa e řana yuřa wa, a naga nařa totano teke meta ne, naga yoko visuar la,

<sup>16</sup> Yoko tařatete si viso kar la, yoko ve moto karla re si narui, mrae ve kila kare la re sina, a pupia kapi ve visun la re sina,

<sup>17</sup> komin narin sipsip nařa teke likan yo wa meta ne, naga yoko vagan la, naga yoko sumon la ava e purřes nen wii na malena, a yoko Ntewa yumu plan make wamarala.' "

## 8

*Lok na olua: Yo pa ruru nenaga*

<sup>1</sup> Siraun nene, nepisu narin sipsip kilaro lok na olua. Kila narui, sur make ga nae mae peni aparurula veraga, pe řaagena re si ta poli, yo řano nena ga mon řa pano-o tol komsus nen aora taaga.

*Kumasua la olua*

<sup>2</sup> A pe yam piavi re nenaga, nořal navisi la olua nařa asuřal asike e marana ne Ntewa vena kilaen kiena yuřaena, a amla kumasua olua pan la, tai kus tai, tai kus tai.

*Pias nen ponotaninu nařa amiyuřaen e kol*

<sup>3</sup> Ana siraunia, navisi taņena pimi. Naga kus pias nen ponotaninu tai, nařa amiyuřaen e kol, a naga kus pimi suřal sike e wonta, nařa naga řena amiyuřaen e kol, a nařa sike vamon lele wa na totanoena. Ana ařar ponotaninu mokliu pania vena sikapia e wonta vena kila ponos wo, a amla řena leniena lala kiena

ne nalelagaena wa lala pania, vena ligan to meta e wonta sane nalaena tai.

<sup>4</sup> A pogos naña kapi nene kekan ke ponotaninu nena, kana ponosa amio leniena kiena ne nalelagaena wa lala, amolue petan limana ne navisi nañani akaka ava atol marana ne Ntewa.

<sup>5</sup> Yoko, navisi nañani þar plategkap lañas naña apranar sike e wonta nene, kokonia pito e piás nen ponotaninu nene ana koven pito tano e yomarava. Ana pogos naña suri nene tol yomarava, kila polilu kapur kar ga e yo punu ga, amio kana mumuena sa naña kapiapo, amio mïena yekarpla, a yemninu.

*Kumasua na miyelu þesa: yua amio kuruta*

<sup>6</sup> Ana navisi la olua naña aþarar kumasua olua nene, asu ruru ke naña asape ayu narui.

<sup>7</sup> Navisi na sumo miyu kiena kumasua, ana kila narui mrayua la naña mārera sane kururu kilavaru, amio kuruta naña pisusun sane kapi, aptom akila moñar sur kar la e yomarava. Amiyuñæen mña sanene pano-o kapi kekan make yomarava komþasa amio kana purlaki ne lala, amio sur make naña kapur sike ea.

*Kumasua na lua miyelu: tavie na kapi*

<sup>8</sup> Ana siraunia, navisi na lua miyu kiena kumasua. Nanene kila pupia tavie kar tai, naña kap molue ke komea, akovenlua pito e sive. Pogos na kove sive, ana sive komþas pimi sane kuruta,

<sup>9</sup> ana kana sur mal ne lala amarmare, a waa la naña asike e pupia lepas nene atalilu.

*Kumasua na telu miyelu: verue naña kirir ma e sinapane*

<sup>10</sup> Yoko navisi na telu miyu kiena kumasua. Nanene kila pupia verue tai, naña kapi pivaga ke ea tegoli yo sane kapi vivaga, molue ma e sinapane, miere pitomi miae yomarava. Ana kana kapi nena pa tol wii la naña mlau a þarin wii lala.

<sup>11</sup> Kia kien verue nene, asape Wii Melkalka, ana kila narui wii nae yo la moki pimi melkalka, ana yeririna la amun þele ga, moto karla mña pano-o amarmare.

*Kumasua na vari miyelu: yemalolo*

<sup>12</sup> Yoko navisi na vari miyu kiena kumasua. Nanene kila naña mrae komþas pimi malolo, a kupario komþas pe tego re si poli, a verue la moki naña pe añal la re si poli. Kila narui legiena pimi plas manene laa, a pe lepamiema re si poli, kila narui yemalolo paþisi e yomarava wetelu.

<sup>13</sup> Nepisu manene ke sane, noñal pupia pepaunña tai ka ke metava, surña mlolokai

kar ke metava na, pisape “Yo piowa rui e, ana na nene naga kulus ke na wa. Navisi la telu asike ga wa, la kiela kumasua miyelu mārera manene laa sane. Kam na yomarava, avisuar amiu, pupia na loge viowaena pimi mñaliv ke narui!”

## 9

*Kumasua na lima miyelu: pulus naña pito manene laa tano, naña na þesia na loge viowaena mārera na telu*

<sup>1</sup> Yoko navisi na lima miyu kiena kumasua. Nanene kila verue taþena kirir mñalia þarpoyo ma e sinapane pitomi e yomarava. Verue nene, amla ki tai pania, nanene ki naña vietavan pulus naña pito tol kap naña garo tano.

<sup>2</sup> Pogos naña mlalua keplamaran pulus nene, kapi piu þar wowo yo molmolue ke ea, sa naña pupia kap tai piu, ana pa kar ga meta e sinapane, kilawo maran mrae, kila yemalo ke sina ga.

<sup>3</sup> Ana pogos naña kap piu kalo make yo sanene, kelsisi la amolue apitom tano e porotano, ana pe asa re si kelsisi poli ana apim sa naña pupia kimi natano.

<sup>4</sup> Apisalupar la asape ve atol re purlaki lala a kinanena lala ponu sur la naña pitotovi sike e yomarava, ana atañan asape akilia akila viowa va yeririna na yomarava lala, la naña pe aþar re totou kiena ne Ntewa naña naga mligan sike nena e piamenana ne kiena yeririna lala.

<sup>5</sup> Kimi na tano la nene, pe atañan la re naña akilia awe moñar yar la poli, ana atañan la ga ayuyur la mña va tol kupario ve lima. Ana pogos naña akila mña sanene vano-o, yoko yar la aloge yepela la lalae kar vano vaþisi.

<sup>6</sup> E pogos nene, la ve moki na asape popon amarmare ga, yoko akale mrapa la naña amare ea, ana yoko marena yepen mavin la, ligan la asuñña ga sanene.

<sup>7</sup> Ana kelsisi la nene, pogos naña nepisu ruru la, atorokin wosi la naña yar namara la akus ke ne. Amyen karo naþarila naña pe kol suwo þarila, a pogos naña nepisu ruru marala, nemilan la ga asa ga yaru.

<sup>8</sup> Amñe vilþarila sane sira, ana maluela lala, sane na maluenta laion.

<sup>9</sup> Amyenwo yerela lala e pototo, a pogos naña akaka tetai, kupela la kakapur mñalia sa naña wosi la naña aþere kiela kat lala akiriri ava akila mara.

<sup>10</sup> Kelsisi la nene kesila sike e la, a sur na yuren yaru lala sike e la, naña akilia ayur mña yar vano-o tol kupario ve lima.

<sup>11</sup> La kiela þarin suþe tai, naga navisi tai, ana pe navisi kiena ne Ntewa re poli, naga navisi naña pisuar ke mratava na

pulukapi. Yar nene, kiena kia e visena kiena le Epru lala, asikia asape Apatono, a e visena nae Krik, asikia Apoliono, kinas nen kia lua nene asape yar na warnena karen suria.

<sup>12</sup> Kelsisi ne la nanene, naþa nasumo e naloge viowaena la telu nena nanene. Noñal naga þaro pa rui, ana lua sike ga wa.

*Kumasua na orai miyelu: navisi lala na weñaren yaru, naþa nalua na naloge viowaena mārera na telu nene*

<sup>13</sup> Yoko navisi na orai miyu kiena kumasua, nemloge visena tai molue kom e mrapun wonta wa nene varoka naþa amiyuñāen e kol naþa sike e yo wa vamon Ntewa.

<sup>14</sup> Visena naþa pisa pa navisi nene sanini, sape “Navisi la vari naþa apiar la asike e yo naþa wii mlau ke ea naþa kiena kia Yupretes, nagane kana pogos naþa ova okila plan la sina avavano narui.”

<sup>15</sup> Navisi la nene, apuarar la ruru asuñā sanene pano-o tol nena kana aora na kana legiena na kana kupario, naþa akilia amolue ea vena akila kiela yuñāena. Ana navisi taþena pa mluþar plan la, kila sane amolue apano, apa kar ga e purvanua lala añe yar lala lavis tol komþas nen yeririna na yomarava.

<sup>16</sup> Apa amio kiela yar namara lala naþa akus wosi namara lala, ana nemloge api-sawal kana marana tol tenario tol ponotia lua [200,000,000].

<sup>17</sup> A pogos naþa nepisu manene wosi la nene amio yar la naþa akusia, noñal pototo sur tai naþa amligan mono ke yerela, amiyowa ruru la apivavaga sane kapi, amemaena sane lowe memaena, amleleru sane mrae. Kiela wosi lala ape taþena ga, naþa þarila sa ga laion, a pogos naþa amiyuveve noñal kapi a mñau a posnoyavi na kapiapo mleleru molue petan logola.

<sup>18</sup> Sur la telu ne nanene, sane kapi a mñau a posnoyavi na kapiapo kila lavis yeririna na yomarava nini la komþas akokovio e pogos nene.

<sup>19</sup> Namāreraena kien wosi la nene sike e ya naþa molue ke kome logola, a sike mēna e kesila lala, komin kesila la pilolon sane loñara, a sur sane þarin loñara mēna sike e luas nen kesila naþa mla ke pupia magka pa yeririna lala.

<sup>20</sup> Napiowaena la ne mārera paþisi sanene, a pupia komþas nen yeririna lala, nane laþas naþa amal ke na wa, pe asitom re poli. Pe apulon la re nena e kiela napiowaena la naþa akila ke e limala poli, ana asuñā akila luen ga lotena pa yermare lala, a asuñā akila ke leniena pa nono lala na kiela ntewa lala, naþa pe akirava

re poli, a pe amloge kilale re sur poli, naþa pe amiyal re poli, naþa yar ga la amiyuñāen e kol, pona selpa, pona pototo, pona kilavaru, pona laki.

<sup>21</sup> A amio mēna nanini, pe apulon la re nenaga e þelaga na weñaren yaru poli, pona kimi lala, pona nakilaen viowa amio sira, pona e kiela vinauena la naþa asuñā akila ke ne.

## 10

*Navisi tai mlarar narin tus naþa apilonaria*

<sup>1</sup> Ana siraunia, nepisu si navisi mārera taþena molue ma e peni pitomi tano. Naga mien lul sa naþa mñana kulsota, a kuperierier miervivi þarina, marana mēna ga sane mrae, ana lana luwoka sane pupia kemraþe ana ape kapi.

<sup>2</sup> Ana nepisu naga tarar ke narin tus tai, naþa pike þa teke e limana luwoka. Ana piaþereren lana marua piawa ke e sive a lana mēl piawa ke e porotano.

<sup>3</sup> Naga suñalar ga suñā sanene, ana mligan pupia vioena tai naþa sa ga laion, a pogos naþa naga kila, polilu make kar ga lala apisatarñe pimi, apis kome kiela mumuena lala.

<sup>4</sup> Pogos naþa polilu la atera sanene, sineun nesape nesiri plan kiela visena lala, ana lavis nekila narui, visena taþena molue ma e peni pitomi pan inu, sape “Toko, ve osiri re visena kiena ne la nene. Sur la naþa apisa, pe nakilaen re yeririna la akilia poli.”

<sup>5</sup> Visena nene sanini, ana noñal ga navisi naþa piawa e sive amio porotano, kian limana marua pa ma e peni.

<sup>6</sup> Ana pisa kiena visena mārera tai, pisaar e kia kien naga naþa mal sulue, naþa sii peni amio ya la naþa asike ea, amio yomarava a ya la naþa asike ea, amio sive a ya la naþa asike ea. Kiena visena pa sanini, sape “Nagane pe pogos na suñateen re si poli!

<sup>7</sup> Lavis ke navisi na olua nene yu kiena kumasua narui, a visae kila ga rui, vera na nasitomwanena kiena ne Ntewa la imi mālivi rui, vera na sur make ga imi merarava ve sa ga naþa naga pisawal þesan pa navisawalen la naþa amiyuñāe kiena þesa.”

<sup>8</sup> Pisa pa sanene narui, in mēna nemloge visen taþena molue ma e peni pitomi pan inu, sape “Narin tus naþa pike teke e limana ne navisi naþa suñal sike e sive a porotano, ova ola ke ne wa.”

<sup>9</sup> Ana nepa lavisin navisi naþani, nepiun narin tus nene tania. Ana tañan ga pan inu, sape “Poga, okilia olavia. Visae olavia monar okania. A nesape nevisa van ko

sanini, pogos naŕa okania, yoko ologe kiki e logomā vaŕisi, ana siraunia, yoko ologe melkalka e mopomā.”

<sup>10</sup> Ana nemlavia nakania, ana kiki e gou paŕisi. Ana nesinom pae, ana sanena naŕa pisa, naŕa sur nene melkalka, kila kare mēpeu paŕisi.

<sup>11</sup> Yoko, visena pitomi si pan inu yam tai, sape “Yoko ve sa ga nene narui, komin navisawalena taŕena la asike ga wa naŕa yoko monar oto ovisawal sina, naŕa apisayu ŕegas nen yolai lala, purvanua punu ga, yaru na visena taŕena la punu ga, a ŕarin suŕe la naŕa asike e yomarava.”

## 11

*Yar la lua na ūlaaren visen kiena ne Ntewa*

<sup>1</sup> Ana e pogos nene amligan kiai tai te lumāu, asape neva nela totou na yo la ea. Asape, “Ova e yumā wa māna Ntewa, ola ruru kana totounena na keviu pa sanape, a ola totou na wonta naŕa sike loyumā ea, a oulo mēna yeririna la naŕa akila ke lotena e yo nene, sane mā tol via.

<sup>2</sup> Ana kana pupia yo naŕa mēke vanua, naga ve ola re kana totounena, komin yumā wa nene komŕasa yar la naŕa pe ape Yu re poli la yoko akusia. Wolawa la nene yoko aim ataulu pupia kumali wa nene Yerusalem, yoko aim loyumā ayalor kar ga ea sa naŕa la lelela, ana yoko akila ga va tol kupario ve lualima yam vari va lua [42].

<sup>3</sup> A pogos naŕa asike e nene, yoko yar lalua naŕa asuñal mārera asike e kiau visen lelaga aim amāliivi. Lalua ayen ga kulupak sa naŕa mēla kulgota, a yoko avisawal kiau visena e siarena na kupario la nene va tol luasa, naŕa kana legiena nena tol manu ve taaga ponotia ve lua lualima yam orai [1260].”

<sup>4</sup> Yar lalua nene visena wa kiena ne Ntewa pisayu la nakonua rui, naŕa pisayu sape purolip lalua asuñā ga, pona naŕa pisayu lomraŕe na kantel lua, naŕa luoka ga asuñal asike e marana ne kieta Ntewa naŕa naga pe suŕen yomarava wetelu.

<sup>5</sup> A visae yar tai kilali naŕa kila viowa va lalua nene pogos tai, yoko kapi kilia molue e logola, yoko kilia kilapel ruru nena kiela nasinekar lala. Nane mrapa ne nanene naŕa visae yar sinenan sape kilamār la, yoko naga ga kan ke sina kiena marena narui.

<sup>6</sup> Lalua nene kiela namāreraena keviu liu, naŕa akilia akilawo sinapane metava vena yua taŕatete kove e pogos naŕa apisawal visena kiena ne Ntewa, a akilia

akila wii lala imi ve kuruta, a akilia akila naŕa sur viowa kar ga imi pona pogos mārera imi kila kare yomarava e pogos ya naŕa lalua asitom asape akila.

<sup>7</sup> Ana lalua nene, lalua ave navisawalena sanene vano tol pogos naŕa lalua akila yumāena na sanene ŕisi. E pog nene narui, yoko pupia sur mal viowa naŕa mēke tano e pulukapi molue vamin lalua, a yoko kiena namāreraena taulu la luwoka, kilamār la.

<sup>8</sup> A yoko akoven tasnela mēke likan mrapplepa e pupia pulkumali naŕa naga pulkumali mā nena naŕa kiela suŕe naga mēna amēnaria meta e lak torovia. E nene, naŕa e ŕelaga na visawanen suria, apisa kia na kumali naŕani, pogos tai asape kia na kumali marua viowa naŕa Sotom, pona apio asape Isip.

<sup>9</sup> Tasnela momā ga e yepisun sanene yoko ŕegas nen yeririna lala, pona lus lala, pona visena lala, pona purvanua la aim avisu la, yoko avisaluŕar la ve asinla re vano-o tol legien ve telu komsusa.

<sup>10</sup> A pogos naŕa apisusu mā tasnela yar mare lua nene pano-o yoko apisa karela paŕisi a apitalia kare la ŕisa. Yoko asitoñal naloge viowaena lala naŕa navisawalena lalua akila pimi pa yar na yomarava lala, ana yoko akekar na akekar naŕa lalua nene amare pa rui, yoko akila pupia ŕaŕagena a yoko awarwar si nalaena lala van la vanonia.

<sup>11</sup> A pogos naŕa legiena telu nene komsusa ŕaro pae, pe asin re luwoka poli wa, la amilan ga lagi na malena tai molue kome Ntewa pitomi tol maren lua naŕa ne, kila si la ga luwoka asuñal aŕanar la asuñal asikena. Pogos naŕa yar la apisuia, amarau na amarau,

<sup>12</sup> a pe yam piavi re poli, amloge pupia visena la kom ma e peni pitomi, pisa pan lalua, sape “Poga, amlua avam metava narui.” Ana la ga luwoka apa metava veraga, akus lul lala apa atol ma e peni, naŕa kiela nasinekar lala apisu sane asuñalu wowe ga asikena, logola suwowo ga rui apis re si poli.

<sup>13</sup> A e ke e pogos nene, pupia yemninu, naŕa kila lepas nen pul kumali nene komŕas, yumā make ga akekapi aporowā make nenaga, a yeririna la naŕa amarmare e yemninu nene tol manu olua. La naŕa amal ruru ga asuñāga la apisu ke sur nene, amarau kar ŕan wa, ana apisu sane popon la ayeluar ga Ntewa nae peni komin kiena pupia māreraena naŕa la apisu kilale ga na wa.

<sup>14</sup> Yemninu nene sur sane pupia naloge viowaena na lua ŕaro narui, kana yam telu

nena pere wa, yoko naga ve ve piavi re na imi.

*Kumasua na olua mielu: pogos na liḻereena, naḻa kana naloge viowaena mārera maro na teloka nanene*

<sup>15</sup> Yoko navisi na telu miyu kiena kumasua. Nanene narui kila pulgo la moki apisasawal ke pupia visena la ma e peni, amieluar Ntewa apisa sanini, asape

“Nagane narui yo punu ga naḻa sumo sike vatanon suḻe viowa na yomarava nini, la asike vatanon kieta Suḻe Ntewa narui, lalua kiena Navisaarena,

a yoko naga ve ḻarin suḻen vano-o taḻatete ḻisi pogos tai.”

<sup>16</sup> A nasumonena mēna la lualima yam lua pa vari [24] amio la, naḻa atotano ateke e lelela la naḻa pa metava, akinai tano vamon Ntewa, amlotunia,

<sup>17</sup> asape

“O Ntewa keviu namāreraena na mava, ko naḻa osu nakonua rui, ko naḻa osike nagane, ko naḻa ope na pogos la ne pimi ke ne.

Mepisa potena pan ko paḻisi wa, komin naḻa oḻarar kioḻa pupia māreraena rui, nagane narui osuḻalu mārera e kioḻa nasuḻenena.

<sup>18</sup> Purvanua make ga na yomarava nini sumo na sinela kar ko, ana pogos na kilologiaen kioḻa sinekar van la narui.

Nagane kana pogos naḻa yoko oliḻere yar mare lala, a yoko okila kare yeririna la naḻa akila kare kioḻa yomarava.

Ana kioḻa yar na yuḻaena lala, naḻa navisawalena lala, amio kioḻa li nalelagaena wa lala, a la naḻa apatanon ke kioḻa kia, yoko awar kiela nalaena wo la e pogos nene, pe sur koren ga naḻa ape yerkawa lala e kioḻa yuḻaena, pona pe ape yerkawa re poli.”

<sup>19</sup> Ana e pogos nene apietavan yuḻa wa mēna Ntewa ma e peni e marana yeririna lala, a aḻal pias nen navisaluaena wa mon mēaga. Amilan ga yo pe taḻena veraga, komin namāreraena kiena ne Ntewa sike ea, naḻa yekarpla e yo punu ga, amio polilu tera, yo māaga, yemninu, a pupia mras nen yua aes kekapili.

## 12

*Sira nowo amio pupia nopi tai*

<sup>1</sup> Nepisu manene ke sur nae peni lala wa, ana nemilan ga pupia kile tai. Naga sira tai, naga kus mrae, mien pe mēna kulsota,

suḻal sike e kupario, a karo na ḻarina, verue lualima taaga pa lua [12] sike ea.

<sup>2</sup> Sira nene mēḻena, ana mloge piowa mlokai na mlokai, komin kiena kupario ḻisi narui, lavis waria.

<sup>3</sup> Nepisu manene mēna sanene, pupia surmali taḻena molue ma e peni, naga pe namarauena manene laa. Naga pupia arman nopi tai, pivaga, ḻarin olua naḻa amien karo na ḻarin suḻe olua sike e la, a lamaliu mēna sike e ḻarila, make ga tol lualima.

<sup>4</sup> Ana nomial ga sur naḻa kuḻin kesina sane, ku plan verue la mokliu akekapil akowowo yo tano e yomarava. Ana sur viowa naḻani pimi suḻalar se maran sira nene, naga sitom ruru rui sape sa sira nene war sisi, karmār ke veraga.

<sup>5</sup> Sumā sanene pano-o sira naḻa ḻarlua narina, pe yerriene. Ana Ntewa sinenan sape sisi nene imi ve ḻarin suḻe vena uarar pototo e limana vena ve suḻen yeririna na yomarava lala, ana pogos naḻa sur mal viowa nene pe tol re sisi nene poli wa, ana akuslua veraga, akuslua pa ma puna ne Ntewa mēae kiena pupia lele na totanoena.

<sup>6</sup> Ana sira nene marau, pure pa tapolou e yomema, e yo tai naḻa Ntewa kila ruru pe lelana, ana pa tapolou e yo nene, apisuar ruru naga e legiena moki, legiena tol manu taaga ponotia lua lualima pa orai [1,260].

<sup>7</sup> Ana e pogos nene pupia mara tai kapur ma e peni. Par navisi nene Maikel amio kiena navisi lala, akila mara amio pupia nopi naḻani, ana naga mēna ga amio kiena navisi lala akila mara mārera paḻisi pan la.

<sup>8</sup> Akila mēna mara sanene pano-o, tol naḻa nopi nene, kiena namāreraena ḻisi, ana amio kiena navisi lala amloru apito nana. Ana akila kare la paḻisi, amla nakoena pan la, aḻar plan lelela ma e peni petan la.

<sup>9</sup> Ana pupia nopi naḻani, akovenlua nena ma e peni veraga pitomi e yomarava, naga amio kiena navisi lala.

Ana e poglis nene nepisu kilale ga pupia arman nopi nene na wa, naga ke ga naḻa kus maran lomāra nanua sumo narui, naga yar sur naḻa asape Yermare, pona Yermare Lego, naḻa nanagane naga ke na wa, naga ḻere yomarava nini wetelu kuspal ke mrapa silaga.

<sup>10</sup> Ana sirauania, nemloge pulgo tai pio ḻar make yo ma e peni, sape

“Nagane na natamaliaena kiena ne Ntewa suḻalu,

puriukawaena kiena ne Ntewa tauluia, nasuḻenena kiena ne Ntewa pimi mālivi,

nañareraena kiena ne kiena Navisaarena pimi ñalivi, mon metavan make suria.

Yar viowa nene naña suña pisa kare mratava puna Yesu, akovenlua naga rui.

Legiena a lemalo suñal ga sike e marana Ntewa kilali naña visawal mlamulen viowa kiena ne yeririna lala,

ana nagane narui, akovenlua naga rui.

<sup>11</sup> Nalelagaena la mokliu naña pe asitom re si kiela malena la poli,

pe amaraun re si marena poli,

ana la asñal ñarera ña pano-o ataulu yar viowa nañani,

a ya naña la apuarar ke e limala vena akila mara amio,

naga kuruta kana Narin Sipsip ga, amio visena lala navisawalen kiela lela-gaena e Yesu.

<sup>12</sup> Ataulu yar viowa nene rui, sane nagane ma e peni, amio la make naña asike ea, akilia akekara na akekara,

ana la naña asike e yomarava pona sive, amloge piowa a monar amarau,

komin Yermare pito tano sike likan la amio sinemimiena naña pule manene laa, komin naga kilia sape kiena pogos plas ga teke na, lavis naga pisi narui, ana sirag manene laa.”

<sup>13</sup> Visena nene yar tai pisawal ma e peni, nemloge pae, pisi na noñal nopi nene pisu kilale naña akovenlua naga pito tano e yomarava, ana sinena mimi laa narui, naga pisaar ñarera sape yoko monar tol sira naña ñarmare ga narina na yerniene nene na wa.

<sup>14</sup> Naga pa ñareran si pa sira nañani, ana milan ga amligan kupen lua pa sira nañani, sa naña kupen pepaumña, vena ka va tapolou e yo tai e yomema naña akila ruru pa rui vena avisuar naga ea. Naga pa sanene narui pupia nopi nene tañatete si tol naga e yo nene, asape yoko naga sike e yo nene pogos ve piavi towe ñaga naña kas tai, siraunia kas ve lua, pisi komsus nen kas si tai.

<sup>15</sup> Ana nopi nañani pisu sira ka pano, naga kilia ga sape tañatete si va war po yo, naga sinen mimi laa narui, plamolue mliluan pupia womie tai vena werelua sira nene va talilunia.

<sup>16</sup> Pupia wii nene mlau pano, lavis tol sira nañani, ana amilan ga yomarava sinen miye sira nañani, mila naga naña porotano purpa veraga pikepaia sa naña pupia logona, sinomlaun ga wii naña nopi nene mliluania.

<sup>17</sup> Nopi pisu narui, nagane kiena sinemimiena pimi piowa laa narui, ana mligan

sira naña sike na, sape vanon ga narina tañena lala, nane yeririna la naña asuñia ataveve ke navisaluaena kiena ne Ntewa, sane la naña apuarar ke visena kiena ne Yesu ñarera.

<sup>18</sup> Pisa pa sanene narui, pano amio kiena pupia sinemimiena, panon kila mara amio tañena la nene.

## 13

*Surmal viowa ñesa, naña molue e sive, nopi mla nañareraena pania*

<sup>1</sup> Pupia nopi mialoro pitove, suñal sike yepas nen sive. Ana pe piavi re poli, noñal ga surmal tai molue e sive paminia. Yar nañani naga ñarina olua, a kana lamaliu tol lualima, a e kana lamaliu la peve taaga karo wa na ñarila kiena ne ñarin suñe lala telan sike ea. A e piamenala la peve taaga, asiri kia tai sike e la, naña na viuelena nawarnena kareen Ntewa.

<sup>2</sup> Surmal nene, noñal pe tañena ga, naga sane sape ve sa towe ña laion, komin logona sanena laion, ana lana varoka sane lana surmal tañena naña pea. Ana naga pimi suñalu sike e nopi nañani, a nopi mla puriukawa pania, kila naga pe ñarin suñe e kiena lepasa, tamñan nañareraena make ga pania.

<sup>3</sup> Ana nepisu veve ruru surmal nañani amio ñarina lala, noñal ñarin tai pupia piakapila na magka tai ñeke ea, keviu pañisi. Pogos naña ñar magka nene, naga pe na marena ga, ana yar na yomarava la amilan ga naña akila ruru pimi miao sina, ana kila narui apilon kiela sitomena lala apim amlelaga e yar mal nene, ataveve ke naga.

<sup>4</sup> Sanene, la akekaran manene laa surmali nene, ana pogos naña apisu nopi mla nañareraena pania vena imi ñarera manene laa, akekaran pañisi, amlotun nopi, a amlotun yar mal nene naña suñia sumon la. Apisa sanini, asape “Ane kilia taulu kieta yar mal na kilaen mara nene pogos tai? Nagane pe yar re si tai naña ñarera manene torokin naga poli.”

<sup>5</sup> Ana pogos naña yar mali nene pimi ñarera ruru sanene, siar vena kila kiena napiowaena lala. Naga suña kila ke kiena visena na vilaveña lala, suñia piuel kar ga, a suña miyurñae ke amio kiena nañareraena viowa, a kila ña pano tol kupario lualima yam vari pa lua [42], sane kas telu komsusa.

<sup>6</sup> E pogos nene, naga suña ñarnena kare Ntewa, piuelin ke kiena kia, a suña koven ke visena viowa pan peni amio yar wa la naña asike ea.



<sup>7</sup> Puriukawa naþa amla pania, torokin naga kila mara va va nalelagaena wa lala, vano-o kilia taulu la, a namãreraena naþa naga þar ke na, torokin naþa naga ve suþen yolai make ga, yeririna make ga, visena make ga, amio purvanua make ga.

<sup>8</sup> Naga kilia ve suþe mña sanene vano-o yar make ga na yomarava nini yoko avatanonia, ana laþasa yoko taþatete avatanonia, a naga nene la ga naþa siar e nasiiena yomarava pimi, kiela kia asiriari sike loyumiã e tus na malena kiena ne narin sipsip naþa amemãria.

<sup>9</sup> Ko naþa visae ologe visena la nene, visae kiligaãna toãna ga, popon ologe kilale ruruia.

<sup>10</sup> Nalelagaena naþa vena akusvinaun ga e kiena purvanua vena va yumiãe kiela, naga yoko monar va ga narui. A naga naþa na teluaen kolmekina e playu na kilaen mara, ee, yoko playu na kilaen mara monar te ga kolmekina narui. Visae pogos mñarera tai sanene, yoko li nalelagaena wa lala monar asumiãal mñarera amio kiela sitomena viayavi lala, monar amasisu mña vano-o awar ro ea ava atol luasa.

*Sur mali viowa na lua, naþa molue e porotano*

<sup>11</sup> Ana siraunia nepisu ke sina ga sur mal viowa taþena tai, naga molue e porotano pam. Naga kana larũaliu na þarina lua ga, sa ga narin sipsip tai, ana pogos naþa pis, pulgona sa ga nopi naþa sumo.

<sup>12</sup> Ana surmal na sumo tamãan na lua nena yumiãe amio kiena namãreraena mñarera make ga, naga kila mña pano-o yomarava amio kiena yeririna make ga la amlotun surmali na sumo naþani, naþa þar pupia magka na marena ga yoko mña sina.

<sup>13</sup> Ana na lua nene asumiãa akila ke pupia kile lala amio pupia sur na ilanen lala, pano-o akila tai naþa kap molue ke ma e peni pitom e yomarava e maran yar la naþa apisu ke ne.

<sup>14</sup> Ana e kile la nene naþa naga kila ke ne e kia kiena ne sur mal na sumo, naga sumãna pisa kotalia ke yeririna na yomarava lala, þere la apa ape wowe laa narui.

Naga pisawal pan la sape ate nono kiena ne surmal nene, naþa playu sia ana mal si morãna ga.

<sup>15</sup> Ana amiyumiãen pae, amla mñareraena pan surmali na lua vena kila nono nene kilia yuveve, akilia vis, a amla mñareraena pania vena kilia wemãr yar ai naþa pe kekaran re vatanon naþa lotun nono nene poli.

<sup>16</sup> A amio mña nanini, naga mñareran make la ga vena awe tatu se limala marua,

visae peraga, e piamenala. Yaru kar ga lala amio yerkawa lala, a la naþa limala korena ga amio la naþa limala pule, a yar la naþa amiyumiãe, amio kiela nasumonena lala, la make ga awar tatu nene.

<sup>17</sup> Visae tatu nene ve su re e la, taþatete aul sur tai e yumiãa na wilwiliena, a taþatete awilwilin sur tai va yar taþena.

Tatu nene naþa awe se e la, molue kome kia kiena ne surmali nene, naga marana na kiena kia.

<sup>18</sup> Ko naþa oulo tus nini monar omanmarua ruru e yo nene. Visae ovisu kilale make suria, yoko okilia olual marana na kia kiena ne yaru lala, ana apuloviraviran marana na kia na surmali nene, amãal tol lualima yam orai pa orai, pona sa naþa laþasa asape, orai orai orai [666].

## 14

*Narin Sipsip amio la naþa atol manu yam ponotia taaga lualima yam vari pa vari [144,000]*

<sup>1</sup> Nekira ke sina pa yam tai, nomãal tavie nae Saeon mneke ga vamon inu, a ma e luasa nomãal Narin Sipsip surmãal sike ea, naga amio kiena pupia þina na yeririna tai. La asiri kiena kia amio kia kiena ne arimana Ntewa sike e piamenala, a la moki paþisi, kana marana tol manu yam ponotia taaga lualima yam vari pa vari [144,000].

<sup>2</sup> Ana pupia mñaagena tai kom ma e peni pitomi, taulu naþa sive þanpo e piame pona polilu tera. Ana nemiaogonia, nemloge ga naþa amne kita la amiyelu,

<sup>3</sup> a la asumiãal asike vamon yo wa, e marana ne yar mal la vari nene amio nasumonena lala, amiyaun ke yauena viu tai. La taþena la mokliu naþa akekanan yauena nene paþisi, la sinelan mña asape ayaunia, ana akilayon þelea. La ga naþa akilia ayaunia, nane þina na manu yam ponotia taaga lualima yam vari pa vari nene, naþa apul plan la petan yomarava rui.

<sup>4</sup> La ke naþa pe akilali re piowa amio sira yam tai poli. La apuarar ruru kiela malena mekik ruru po silaga, a ataveve ke Narin Sipsip nene va e yo nape naþa naga va ea. Yeririna la mokliu naþa asike ne, ana la ke naþa apul plan la petan taþena la narui, a la akilala apim sane mras þesa nalaena va Ntewa amio Narin Sipsip.

<sup>5</sup> La nene pe visokanen re tai molue kome logola poli, pe sur viowa re nena tai sike e kiela malena poli.

*Navisi la telu*

<sup>6</sup> Ana e poglis nene, nomãal navisi tai morãna kaka ke e yo punu ga ma metava. Amla lologena wo naþa ve uro re pania,

vena naga kilia va lologon va e yo punu ga va yeririna na yomarava lala, vena va tol purvanua make ga, yolai make ga, a visena make ga.

<sup>7</sup> Naga pisawal ke pa e yo punu ga amio pulgona naþa keviu, sape  
“Amiu avatanon Ntewa,  
avisirlua kiena kia,  
komin naþa kiena aora na liþereen yomarava mālivi rui.

Alotun naga naþa sii sinapane, yomarava, a sive amio purþes nen wii lala.”

<sup>8</sup> Ana siraun na nene, navisi nalua taveve pimi naþa naga piovision ke sape  
“Pupia pulkumali viowa naþa Papiilon naga mlor rui!

Naga pa mla ntewa naþa pe pe lelaga re poli, a þere plan yeririna mokliu naþa apa ape wowe amio, la sa ga yar na ve torogen ga lala.

Nanagane, pupia pulkumali nene pimi piowa rui amio kiena nono lala.”

<sup>9</sup> A yam si tai, navisi na telu taveve la pimi, pisawal manenea sape “Yoko yar la ve moki naþa akinai vena alotun yar mali viowa amio kiena nono, a yoko yar la ve moki naþa atañan awe kiena tatu se piamenala pona limala.

<sup>10</sup> Ana yar naþa kila sanene, yoko naga mēna ga mun e piala naþa pulen kuruta namunena naþa melkalka na pupia sinemimiena kiena ne Ntewa. Yar na sanene, mapulukapi luamene lege kare tasnena e marana navisi wa lala a e marana Narin Sipsip.

<sup>11</sup> Ponoyorñe na kiela naloge viowaena yoko molue lue e kapi naþa taþatete mare pog tai. La naþa amlotun ke Sur mal Viowa, apatanon kiena nono, amio la naþa aþar ke tatu na kiena kia e tasnela, la taþatete atol yo wo na va ruru laena, ana yoko ayuñāen ga loge viowaena ko legiena a kolemalu nalue ga narui.”

<sup>12</sup> Nakoena nini naþa navisi pisa mārera paþisi, ana kana kinasā sape ita li nalelagaena wa lala monar tesuñālu mārera temio kieta sitomena viayavi. Monar telogear navisaluena lala kiena ne Ntewa, a silaga monar teve lelaga e Yesu.

<sup>13</sup> Ana nemloge visena tai molue ma e peni, sape “Nanene visena tai naþa yoko osirilua, naþa sape, siar nagane vano, la naþa yoko amare, naþa kiela malena su ruru sike e limana Suþe rui, yoko awar pupia navisa ruruena.”

Visena nene þisi, ana nemloge Ninuna tañania, sape “Ee, la nene yoko kiela yuñāena wo la avam metava amio la, a

nagane yoko taþatete si ayuñāen narui, la atol kiela navaruruena wo rui.”

*Navisi la telu apito aþar kinanena naþa marua e yomarava nini*

<sup>14</sup> Nekira si pano, ana lul yuwowo tai mēke ga vamon inu, ana nomāl yar tai, sane Narin Yeririna, totano teke e lul nene rui. Totano teke amio karo na þarila kiena ne þarin suþe lala e þarina, naþa amiyuñāen e kol, a e limana tarar ke uknaep tai naþa mal paþisi vena teen kras nen kinanena lala.

<sup>15</sup> Ana navisi taþena molue e yuñā wa, pio ke naþa teke tano e wos nen lul nene, sape “Poga, osuñālu, otar kioñā playu ova osiar yuñāena. Kinanena la naþa sike e yomarava amarmarua rui, nagane pogos na teen narui.”

<sup>16</sup> Ana naþa teke tano e lul suñālu, silin kiena playu pa e yo kar ga e yomarava, te kinanena la naþa marua sike ea.

<sup>17</sup> Ana navisi taþena molue e yuñā wa ma e peni, naþa naga mēna þarar ke kiena playu naþa pe uk, naga mēna mal na mal.

<sup>18</sup> Ana navisi ke sina tai pitomi, naga naþa pe navisuaren pulukapi, ana naga þaro e wonta pimi pio taþena naþa mlarar ke playu, sape “Pogaga, ko mēna ga, pogos naþa oto okila kioñā narui. Otar kioñā playu oto owar punu kilis nen kerep la nene teliv e yomarava nini viora, oto polo mras la naþa marua telan sike e kilisa.”

<sup>19</sup> Ana navisi naþa mloge, teran kiena playu e yomarava, pito þarpolo mras nen kilkerep e yomarava, koven la e lele na winplanen was nela naþa asike vanua e pulkumali.

<sup>20</sup> Ana nasinemimiena kiena ne Ntewa kilapel la ga, pumumu kare la pano-o kuruta mlau þarpoyo, mlau pimi keviu sa ga womie, kokonia make purvanua wetelu merorol pa tol kolmekin yaru, pano pano kilamarala plasanā.

## 15

*Navisi olua amio pog viowa maro olua*

<sup>1</sup> Nepisuveve ke sur la ma e peni wa, ana pe yam piavi re poli wa nepisu pupia kile taþena naþa pe pupia sur na ilanena paþisi, nane navisi la olua, naþa la aþar maron pog viowa la olua. La maro sanene komin naþa visae la awar ro pae, nane kila sane pupia nasinemimiena kiena ne Ntewa yoko þisi ruru nenaga.

<sup>2</sup> Ana nomāl pupia yotop tai, meri ga pano mēke na sa ga sive, ana naga kap mēke ea, ana pila na pila. Ana e lepañ nen yo nene, nepisu yar la mokliu asuñāñ asike ea, a la nene, naga yeririna make

la naŕa ataulu yar tetan, la ataulu kiena naŕareraena, a la ataulu puriukawa na marana na tatu naŕa aŕŕe sike ea, naŕa yar nene ŕaria sane kiena kia nowo tai.

La naŕa atauluia, asuŕaalu asike amio kiela kita lala naŕa Ntewa ŕar pan la,

<sup>3</sup> ana asuŕa aŕŕe ke kita la naŕani, la asuŕa amiyaun ke kiela yauena tai naŕa yauena kiena ne yar na yuŕaena kiena ne Ntewa naŕa Navisawalena Mosis, ana nagane pimi naŕa apio asape yauena kiena ne Narin Sipsip. Yauena nene pa sanini, sape

“Akee Ata Ntewa na Mareraena kioŕa yuŕaena la akerkeviu paŕisi, apowo paŕisi, ko ope Parin Suŕe kiena pog make ga, kioŕa ŕelaga la mesmesu a ape lelaga.

<sup>4</sup> Ko ope Suŕe, pe yar re nena tai naŕa ve maraun ko re.

Pe yar re nena tai poli naŕa ve vatanon re kioŕa kia.

Ko ga ope na wa kemua lelaga, ana yolai make ga monar akinai tano alotun ko,

komin nagane, sur mesmes la naŕa ko okila, lala aŕaŕaliv apim amerarava ruru e kilamaran yeririna na yomarava la rui.”

<sup>5</sup> Pisi na nekira ke sina ga pa loyuŕa ma e peni ana noŕial pulutava na yuŕa wa lala suwowo ga sike na. Nepisu sane silparpara na tapolen nena nanua sumo akutarar kome yomema pimi, naŕa amligan ruru navisaluaena kiena ne Ntewa sike ea.

<sup>6</sup> Apike pae, ana navisi la olua amolue ea. La amiyen kulmrae urmi la naŕa amekik ruru po, apilavila, a atelan kulka naŕa amiyuŕaen e kol ŕaro e yerela. Ana amial apim, amio pog viowa olua naŕa aŕar ke ne.

<sup>7</sup> La apim asuŕaŕal asu narui yar mal la vari tai nene kian piala naŕa pe kol olua pan la, tai kus tai, tai kus tai, naŕa apulen ga nasinekar kiena ne kieta Ntewa naŕa sulue na sike ne.

<sup>8</sup> La akuspae, ana komin pupia nau-rarena na naŕareraena kiena ne Ntewa sike e yuŕa wa nene, kapiu ŕar punu yo paŕisi, kila yar taŕatete va loyuŕa. Ana suŕa sanene pano-o tol naŕa pogos viowa olua kiena ne navisi la olua nene ŕisi ruru nenaga.

## 16

*Pias nen nasinekar kiena ne Ntewa olua naŕa puleule nenaga*

<sup>1</sup> Ana nemloge visena ŕarera tai molue ma e peni pa pa navisi la olua nene, sape “Nagane, pogos na yuŕaen kiamiuena

narui. Ataron plan pias nen nasinekar kiena ne kiamiu Ntewa veve taaga vito e yomarava.”

<sup>2</sup> Pisa pae, ana navisi na sumo pa taron plan kiena piasia pito e porotano, ana kana wii nena mlau pa kila magka wa la molmolue kalo tas nen yeririna la naŕa aŕŕe tatu na sur mal viowa sike e yepela, naŕa la amlotun ke kiena nono, aŕar kare magka pano-o ŕisa amloge sinelalaea pano-o paŕisi.

<sup>3</sup> Yoko navisi na lua towe taron plan kiena piasia pito e sive, ana kana wii mlau pito tol sive kila pimi pe kuruta sane na yar mare, a sur mal la naŕa sike ea amarmare make nenaga.

<sup>4</sup> Yoko navisi na telu taron kiena piasia pito e wii lala naŕa amlau, ŕarar purŕes nen wii lala, ana kana wii mlau pitove kila la ŕena apim ape kuruta veraga.

<sup>5</sup> Ana nemloge visen tai pitomi e navisi nene naŕa pe ŕarun ke wii na yomarava lala, naga sape

“Ko na osike ŕa na konua rui, a osike nagane, ope Nawa,

kioŕa nakoena la nene aŕarera manene laa, ana kioŕa naliŕereena mesmes ga.

<sup>6</sup> Lelaga naŕa yar na yomarava lala, aŕemoŕar kioŕa yar wa lala, akila kuruta na kioŕa navisawalen la mlau, ana omla maran ke sina pan la pogaga, naŕa ŕala wii namunena ape kuruta make ga.”

<sup>7</sup> A visen taŕena si molue ŕena e wonta, sape

“Ntewa na meta manenea, pe lelaga paŕisi, kioŕa naliŕereena lala amesmes ruru nenaga, ape lelaga paŕisi.”

<sup>8</sup> Yoko navisi na vari taron plan kiena piasia pito e mrae, ana kana wii kila mrae yo pisun manene laa, kilia lege yeririna na yomarava la sane kapi.

<sup>9</sup> Ana amloge yepisusun, yepisun kekan la pano-o apiuelin kare kia kiena ne Ntewa paŕisi. Akilia ke asape naga mligan ke nakoena la nene pimi, akilia ŕa asape naga visae sinenania kilia visaluŕaria, ana yepela mavin ga vilon laena, asape taŕatete avatanon naga, a taŕatete aieluar naga pog tai.

<sup>10</sup> Yoko navisi na lima taron plan kiena piasia pito e pupia lele na totanoena kiena ne sur mal viowa naŕani, ana kana wii mlau pito kila lepas wetelu na kiena nasuŕenena, yo malolo make nenaga. Yar la amloge piowagan nakoena nene ŕisa, akarar purmenela la pano-o,

<sup>11</sup> apiuelin kare Ntewa nae peni komin kiela yepelalaea a kiela magka wa lala, ana apisaluaŕ ga, asape taŕatete nenaga avilopu la e kiela naviowaena.

<sup>12</sup> Yoko, navisi na orai taron plan kiena piasa pito e pupia wii naŕa mlaui, kiena kia Yupretes, ana kana wii nena mlaui pito ŕartape wii naŕa mlaui ke ne pimi mema nena ga. Nanene kila narui ŕarin suŕe na purvanua make lala na lepa naŕa mrae ŕarpo yo ke ea, pe kiela mrapa narui, vena waroen yo ea aimi amio kiela yar na mara lala.

<sup>13</sup> Ana noŕial ninuna viowa telu naŕa sane prok, naŕa tai molue e logona pupia arman nopi, tai molue kome logona Sural Viowa, a tai molue kome logona navisawalena na visakanena.

<sup>14</sup> La telu nene, ninuna ne yermare la telu naŕa asuŕia akila ke kile lala, a asuŕia aŕaro make puna ŕarin suŕe na purvanua lala na yomarava, aŕerela apim lele taaga vena akila ruru make suria komin pupia mara naŕa yoko kapur e pupia legiena maro naŕa Ntewa na mava pisaar rui. Ntewa pisayu legiena nene rui e kiena visena tai, naŕa sape

<sup>15</sup> "Avisuar amiu, yoko noŕialivin amiu vinau ga, yoko ailan inu sa naŕa visae yar na vinauena tai imi.

Yar naŕa kon ruru kiena sur lala, naga su ruru ke narui, a tavilo ke ga wa, vena suŕiate inu, vena imimi lua mevano, yoko wo van vaŕisi.

Ana yoko laŕasa ailan sane yepela ve sinas ga akiriri tetai, amawa vaŕisi e pogos nene."

<sup>16</sup> Ana noŕial pog na mara na legiena maro pimi ŕarpoyo, a ninuna la nene aure ŕarin suŕe na yomarava la ava lele taaga, nane e yo naŕa visena na Epru sikia sape Amaketen.

<sup>17</sup> Yoko navisi na olua taron plan kiena piasa, ana taron plan ga pitomi metava e yepesinas na ŕeke ne. Ana visen tai molue kome yo wa na totanoena loyuŕia e yuŕia wa nae ma peni e pogos nene, pion manenea sape

"Nagane pogos na luas nen sur make ga."

<sup>18</sup> Ana yekarpla siar e yo punu ga veraga, ŕarar kana polilu ne la naŕa atera, a navioena lala a maagena lala. A ŕarar ŕiena, pupia yemninu, yemninu ŕia pano-o pa piowa manene laa sa naŕa pe yar tai pisuli re yam tai poli wa, siar e naŕa yar mal e yomarava pimi tol nagane.

<sup>19</sup> Ana yemninu nene kilaŕa porotano, kila pulkumali lala na purvanua make ga teliv e yomarava nini piora amloloru, a kila pupia pulkumali naŕa Papilon purŕa lepa telu.

Ntewa suŕia sitorial ke yo nene, ŕarar kiena napiowaena lala, ana kila karepel

manene paŕisi torokin nena kiena ŕelaga naŕa kilakila ke ne, kila naga mun e piala naŕa pulemamagan kuruta na munena na ŕareraena na kiena nasinekar.

<sup>20</sup> A ŕarar yemninu nene, narin purvanua la apureure apano akokovio, a tavie la nanua asuŕial asu ne, aŕial la re si poli.

<sup>21</sup> Aes yua la meta e sinapane amloloru sane pupia kilavaru lala, a monar yeririna la naŕa asike e yomarava. Amloge manene laa piowagania, apisu naŕa sur viowa nene ŕarera manene laa, pano-o asuŕia apisalele kare Ntewa.

## 17

### *Sira viowa teke tano e surmal viowa*

<sup>1-2</sup> Ana e pogos nene navisi tai pimi, naga na navisi la olua tai naŕa akus ke piawi piaw olua nene. Naga pimi mesmesun in ga, pisawal sape "Otaveve inu. Yoko nekipian ko e pupia pulkumali viowa naŕa Papilon, naŕa ŕeke e naŕa pupia wii la mlaui ke ea. Pulkumali nene miyuŕae piowa ga, sa ga sira na mrapa tai. Naga sa ga ŕarin suŕe na purvanua taŕena apa akila ke kolau pania, a sa naŕa ŕiana kuruta na munen kila sitomena kien yeririna na yomarava la apa apiowa laa narui. Ana oimi, yoko nekila ko ovisu ya naŕa yoko imi maŕialivia e pogos naŕa yoko naga war ruru kiena nakoena napo."

<sup>3</sup> Ana navisi naŕani pimi ŕerelua ninuu, mligan inu nesike e yomema tai. Ana nepisu sira tai totano teke meta e purwolu na puluk tai. Sur mal nene pivaga make ga, naga ŕarina olua, a kana lamaliu lala tol lualima, a e yepen make ga asiri kia viowa lala navisalelekareen Ntewa.

<sup>4</sup> A sira naŕani, naga miyowau paŕisi e kulstora la naŕa amemaena a apivaga, a apaia kare yepena lala e mrakotal lala, a e piataliga lala, a e sur la naŕa pe kol, a e kilavaru la naŕa merarava po naŕa kana kilavaru ne pa metava paŕisi, amio sur la naŕa asike loyuŕia e mratamelilivi. Naga mlalar ke piala tai naŕa pe kol, a piala nene pulen ga kiena ŕelaga viowa lala amio kiena kolau.

<sup>5</sup> Asiri visena tai sike e piamenana, pe visen wan ga tai, visena naŕani naga sane kia tai, naŕa pisa sanini, sape

"Papilon naŕa keviu,

anenane sira na mrapa lala, purŕes nen ŕelaga la naŕa ape kororaki e yomarava."

<sup>6</sup> Nepisu manene ŕia sira nene sanene, nepisu kilale sane mun wii ana maran telivi, a pe komin re naŕa mun kuruta na munena poli, ana komin naga mun

ke kuruta kana li na lelagaena wa lala, nane la naḡa aḡemonaḡar la komin naḡa ataveve Yesu. Nepisu sira naḡa sanene narui, yepeu ḡili na ḡili!

<sup>7</sup> Ana navisi pisa pan inu, sape “E, ya ne kila omila manene sanene? Osuwa, yoko nevisa meraravan van ko na wa. Sira nene, ḡarar purwolu puluk naḡa teke e wos nena, a ḡarar ḡarina olua a kana laḡaliu lualima, suri la nene kala kinasia suḡa ga, a yoko nekila ovisu kilale ne.

<sup>8</sup> “Purwolu puluk naḡa opisu ne, naga ḡeke kemua nakonua rui, ana naga pe su re si nagane poli. Ana e pog tai naḡa pimi ke ga wa, yoko molue si vetan pulus naḡa ḡeke e nagane, yoko vanon marḡanun kiena nakoena. Ana e pogos nene, yoko yeririna na yomarava la naḡa asike ga wa, yoko avisu purwolu naḡane. Nane la naḡa siar e nasiiena yomarava pimi, kiela kia pe su re e Tus na Malena poli. Pog naḡa avisuia, ailan vaḡisi, komin akilia asape naga sike kemua na konua rui, yoko pe su manene re si yam piavi poli, ana siraunia, naga molue sina.

<sup>9</sup> A yar naḡa pe manmarua ruru po, yoko naga kilia visu kilale ruru kinas nen sur la naḡa yoko nevisa.

“Nasumo, ḡarina la olua. Kana kinasa, pisa pulkumali tai naḡa sira nene pe suḡenia, kunus olua sike ea. A kunus la nene, la ḡena kala kinas suḡa ga, naḡa sape pupia ḡarin suḡe la olua asuḡa ga.

<sup>10</sup> Tol nagane, ḡarin suḡe la lima nene aḡis rui, a tai suḡal sike nanagane. Tai ḡena ga pe ḡalivi re poli wa, sike ga wa, a pog naḡa imi, yoko su towe laa ve piavi na wa.

<sup>11</sup> “Ana purwolu puluk ḡena, naḡa suḡes nanua a nagane pe mon re si poli, nanua sumo naga ḡena ḡarin suḡe la olua nene tai. Naga la ke tai narui, ana yoko wasuḡe sina sanē ḡarin suḡe na orelu tai. Naga pe yerkawa sanene, ana pe sur koren ga, komin yoko naga ḡena ḡisi, va war kiena nakoena ḡarera.

<sup>12</sup> “Sur taḡena na vike meraravanena, nane laḡaliu la lualima naḡani. Nanene kala kinasia nane ḡarin suḡe si lualima. La nene pe asuḡal re poli wa vena ave suḡen kiela lepa lala, ana yoko akila ga kiela yuḡaen la na wa e pogos na purwolu nene suḡalu. Yoko ave suḡen pae yomarava nini amio, ana nane naga pe na yam plas ga, sa ga aora taaga.

<sup>13</sup> “La lualima naḡani, la taḡatete akila kiela yuḡaena lala, ana la ape nakilaen ga yuḡaen kiena purwolu puluk nene, vena kiela naḡareraena iila naga, vena kila naga imi ve keviu la sana.

<sup>14</sup> Yoko la punu nene aim veraga vena akilali mara amio Narin Sipsip, ana taḡatete atauluia. Peraga, ana yoko naga taulu la, komin naga ke narui naga pe suḡe kien suḡe lala, naga pe ḡarin suḡe kien ḡarin suḡe lala, a kiena yeririna nowo lala, nane la naḡa naga pio la, naga mligan plan la, a la nane ave lelaga e naga.

<sup>15</sup> “Sur navisa meraravanena taḡena, naga wii lala amio sive lala naḡa opisu sira viowa nene naḡa towar la ke ne. Kala kinasa, naga yeririna la naḡa asike e yomarava, amio yolai lala, a purvanua lala, a visena lala.

<sup>16</sup> “Ana siraunia, purwolu puluk nene amio kana laḡaliu lualima, yoko yepel mavin sira viowa naḡani. Yoko asuḡalu akila imi viowa van vaḡisi, naḡa ayen plan ḡana kulsota lala ve plamoḡe e maran yar lala, a yoko akan make kana kilamiu lala ana okoven kana puriu lala vito kapi kekania.

<sup>17</sup> “E mrapa ne nanene naḡa yoko akila va sira nene, tepisu sane torokin nena nakoena naḡa Ntewa pisawal e kiena visen tai nanua sumo rui, sinenan sape sira nene monar waria. Naga ga mligan e kiela sitomena lala amio purwolu puluk nene, vena akila sanene vania.”

<sup>18</sup> Ana navisi naḡani kila make kiena visena e poglis nene, sape “Nane navisa meraravanen sira nene narui, naḡa naga pupia pulkumali naḡa pe suḡen ḡarin suḡe taḡena lala e yomarava.”

## 18

### *Pulkumali viowa naḡa Papilon mloru*

<sup>1</sup> Yoko, nepisu navisi taḡena molue ma e peni pitomi tano. Naga pe navisi ḡarera tai kiena ne Ntewa, pitomi ḡarar pupia naḡareraena, a kana nategoliena kila yomarava pilavila.

<sup>2</sup> Naga pio e pupia pulgo tai naḡa pisawal sape  
“Pupia pulkumali viowa naḡa Papilon, mloru rui.

Nagane, yo nene pimi pe uria tai ḡana yermare lala a pe yo tai naḡa ninuna viowa la atapolou ea.

Manu make ga naḡa akila ke ḡelaga na kororak viowa lala, la ḡena aḡe ḡala ponovi sike ea.

<sup>3</sup> Naga pa ḡere ntewa la naḡa pe ape lelaga re poli, a ḡere yeririna taḡena la apa ape wowe amio, la sa ga yar la naḡa amun wii ḡarila telivi. Sa ga naḡa naga pa ḡere ḡarin suḡe na purvanua taḡena lala, apa akila kolau amio, a yar la naḡa amiyuḡaen ke kilavaru e yomarava telivi piora,

la ataulu kilavaru namname paḡisi e yuḡaena viowa lala na pulkumali nene, pano pano-o apim ape yar na sur moki manene laa."

<sup>4</sup> Navisi pisayu sanene ḡisi, ana nemloge visen taḡena kom ma e peni pitomi, pisa sanini, sape

"Kiau yeririna lala, o! Popon aurmatan yo nini vilaga,

visae peraga, naga warar amiu ava e kiena mlamulena viowa lala,

visae peraga, naga warar amiu ḡena ava e kiena nakoena lala.

<sup>5</sup> Kiena mlamulena viowa lala ponpolo ḡaga pa tol ma e peni, a Ntewa taḡatete sinen ḡesan naḡa naga kilaroro kiena navisaluaena yam via.

<sup>6</sup> Popon ga naḡa alamanan si naloge viowaena vania sa naḡa naga kila pa yar taḡena lala,

popon aul maran vania va yam ve lua e ya naḡa naga kila rui.

Wii melkalka naḡa naga kila yar taḡena la amunia, popon akokonia ruru ḡana piala ulemamaga.

<sup>7</sup> Nanua, kiena nalogewoena e kiena malena meme ga, naga keviu paḡisi, ana yoko vilon imi ve naloge viowaena e yepe lalaea lala amio tagiena lala.

Ana nanene na pere ke na wa, komin naga pilaven ke kiena sitomena na wa, suḡa pisa ke pania, sape 'Ke, in na nepe ḡarin suḡe sira sanene, neto ruru na neteke ne. Sur make ga po manene laa pan inu, ana taḡatete nena neve sa letano tai naḡa pe kiena sur re poli, taḡatete nena netagin naloge viowaena pogos tai.'

<sup>8</sup> Ana naga, e legiena ta ne pimi ke ne, yoko sur viowa la kila kare ruru naga vera. Yoko marena, warar tagiena, amio viso, a yoko kapi kekalele kare naga.

Naga pe sitom re sur poli, ana Suḡe Ntewa naḡa yoko liḡere naga, kiena naḡareraena naga keviu manene laa."

<sup>9</sup> Ana navisi pisa sanini, sape "Parin suḡe make ga na yomarava nini telivi piora, la naḡa apa amlotun ke ntewa lala na pupia kumali nene, yoko avisu kilale naḡa naga mlor rui. La ke narui naḡa sane apa akila ke kolau amio, apa amloge po amio naga e kiena malena wo pano-o, pe asitom re nena sur tai.

"Ana pogos naḡa mloru, kana kap la naḡa kekan ke ne piuyu pa metava, nanene narui yoko sinela viowagan vaḡisi, yoko ataginia.

<sup>10</sup> Yoko avisu nakoena la naḡa naga suḡa ḡaria, yoko kila la ḡena asiar

ayuyuwawa. Yoko asu la gar perina akira avisusia, avisave

'Ake, pupia Papiilon, pulkumali naḡareraena,

sinemimi miye ko paḡisi.

Lelega naḡane, osu ruru ḡa pano-o, ana e aora taaga ga nene oḡal kiomḡa

luasa, omloru, oḡisi nenaga.' "

<sup>11</sup> A ḡarar ḡena, yar na stoa lala e yomarava wetelu yoko atagi a sinela yea, komin naḡa pe yar na ulen re si kiela sur la poli.

<sup>12</sup> Nanua sumo, akila kiela waa lala pulen ga tegaki nowo lala, sane sur la naḡa amiyuḡaen e kol ḡarar selpa, amio kilavaru na kupito naḡa pupia kilavaru, amio sur naḡa sike e mrakiav, a kulmrae la naḡa kala marala la powo, a lak la naḡa ponotaninu, a sur la naḡa amiyuḡaen e maluen elepen, pona e lak lala, pona e pototo lala, pona e kilavaru lala, ana nagane, kiela yuḡaena na tauluen kilavaru la nene apim amlolor make ga.

<sup>13</sup> A e legien nene, yoko yar la ve aul re si sur na kilaen kinanen lala, sa naḡa ḡaki lala, ḡarar mrasil lala, pona yago lala, puluyavi na kilaen kilaparavi amio kona lala, ḡarar ḡena sur na munen lala sane kuruta na munena. Yoko yar ve ul re si sur la ne sane ponotaninu a sirveve na mrasnen olip, a sur na tauluen kilavaru la ea sa nanua sumo, sane puluk, sipsip, wosi ḡarar kana sur naḡa ḡerewerea. Laḡasa nanua sumo apuliwilin yar lala apim amiyuḡae korena ga pan yerkawa la sane, yoko ve akila re si narui, komin pogos naḡa pupia pulkumali nene mloru, yoko yuḡaena toko narui, ana yar taḡatete si taulu kilavaru na visuaren kiena malena.

<sup>14</sup> E pogos nene narui, yoko avisayu yo nene, avisave

"Ko sinomḡan osape owar mrasnomḡa la naḡa ve kerkeviu ve moki, ana naga pe marua re poli wa, kekapol make rui.

Nanua, ko na lumomḡa pule ruru nenaga, kiomḡa sur la punu ga po tanea paḡisi wa, ana nagane kokovio make nenaga, taḡatete nena yar tai visu si sur wo tai e ko narui."

<sup>15</sup> A yar na wilwilinen sur la nene, naḡa la ataulu kilavaru la mok li e rui, yoko asuḡal ga asike perina akira vano, ailania a amaraun nakoena naḡa pupia pulkumali nene suḡa ḡaria. Yoko sinela ye vano-o vaḡisi,

<sup>16</sup> yoko atagin vaḡisi, avisave "Ake, pupia kiamimi pulkumali, mesitom ko paḡisi wa.

Nanua sumo ko na omyowau ruru po paḡisi wa,

oʻpar kotal a na kolmekimʻa la naʻpa pe kol pialataliga la ʻpar punu yepemʻa lala, ana nagane na ko na peraga narui, kap mare.

17 Sanapen na kioṁa pupia sur mok la nene kovio ga e narin aora taaga ga sanene?"

A yar lala na uararen ʻpeligas nen waa la naʻpa nanua aʻparwar ke tegaki lala, ʻparar kiela yar na yuṁaena lala, amio la naʻpa akomkom ke e waa, pona ataulu kilavaru e sive, la mʻena asuṁal ga asike perina apisu manene ke yo naʻpani.

18 Pogos naʻpa kana kap ne la piu, pa ke ma e sinapane, yoko avisasa yo nene avisave

"Lelaga o, pulkumali nene na yo ta nene naʻpane,

e yomerava nini yo tai pe sa re si nene poli."

19 La asitom sanene, a amloge piowa, akoven kare posnoyavi e ʻparila ʻpisa, atagi, asape

"Ake, kiamimi pupia pulkumali, piowa pan ko paʻpisi wa.

Ko na opulen ga kilavaru, ana memiyuṁae e kiamimi waa lala, moʻpar kioṁa tegaki lala, pano pano-o imimi mʻena ga moṁal kilavaru naʻpa miila imimi,

ana nagane piowa narui.

E pogos plas ga nene, ana opim ope yo na kovioena ga."

20 Ana pogos naʻpa pupia yo viowa nene mloru sanene, visena tai molue kom ma e peni, sape

"Ma e peni, pupia kekarena a logewoena. Amiu nalelagaena wa lala, a nalologena lala a navisawalena kiena ne Ntewa, amiu akilia aieluar naga vaʻpisi, komin naga mliʻpere sira viowa nene rui, kila maran si pania komin napiowaena la naʻpa kila pan amiu nanua."

21 Ana e pogos nene, navisi tai pimi kawelua pupia kilavaru tai, kusaun pa metavan ʻparina koven pito kopo sive, talilu pito kovio. Siraunia navisi naʻpani pisa sanini, sape

"Pupia pulkumali viowa naʻpa Papiion nanene narui, yoko akoven lua va ve sanene, akila naga loru vena taʻpatete si kilia suṁalu pog tai.

22 A ko Papiion, visena na van ko sanini, sape

yauena veraga amio yuka lala, yoko taʻpatete yar tai loge si e ko, yar na kilaen yuṁaena lala, yoko taʻpatete si tai se ko pogos tai,

a yoko ve mʻaagena na vilien re si kinanena lala.

23 Yomerarava na kapi vivaga lala taʻpatete si tegoli kioṁa yo lala,

a yoko taʻpatete si ologe visena na kekarena kiena mʻee amio sira mʻee naʻpa atalopa mare ga na wa.

Yar na kilaen kioṁa kilavaru lala, e yomara-ava nini pe tai torokin la re poli,

a namareraena kiena ne kioṁa kimi lala a kioṁa navisokanena ga lala kila oʻpere sitomena kiena purvanua taʻpena lala apa ape wowe."

24 Nane tepisu naʻpa Papiion nene, naga pe yo tai naʻpa pe purʻpes nen napiowaena manenea. Navisawalena ai pona nalelagaena wa pona yar taʻpena naʻpa aṁemʻar la komin naʻpa ape kiena ne Ntewa, ana kala kuruta la mʻlau e porotano na pulkumali nena, naga ke nene narui, naʻpa kila naliʻpereena a nakoena kiena ne Ntewa mloru ea mʻarera manene paʻpisi.

## 19

*Pupia kekarena ma metava komin naʻpa ma e peni tau lu make suria*

1 Siraun naga nene, nemloge pupia ʻpina ma e peni apion manenea, asape

"Potena pan kiena Ntewa! Tamaliaena, urarena a mʻareraena naga taaga ga kiena.

2 Kiena naliʻpereena make ga ape lelaga a amesmesu paʻpisi.

Sira na mrapa la nene anela naga piowa ga,

kiela na kolauena la akila yomarava pimi pe kororaki paʻpisi, ana Ntewa mliʻpere naga rui.

Ana naga mla pupia nakoena tai pania komin kuruta kana kiena yar na yuṁaena la naʻpa mʻlau."

3 Asuṁa amlolokai mʻa sanene, ana asikol ke sina ga, asape

"Potena pa Ntewa! Kapi kekan ke kororaki la nene rui, yoko kana kapi nena viu lue ga va metava narui."

4 Ana nasumonena la lualima yam lua pa vari [24] amio sur mali la vari akinai e marana ne Ntewa naʻpa totano teke meta e kiena yo wa, ana amlotun ke naga. Apionia, asape

"Po paʻpisi! Potena pan keviu!"

5 A visen tai molue mʻena e yo wa naʻpani, pisa sanini sape

"Kam na yar na kilaen yuṁaena kiena ne Ntewa,

amiu yerikawa lala a yeririna kar ga lala, kam make ga naʻpa amlogear naga, nagane kana pog nena napo naieluarena."

6 Ana nemloge sina pupia ʻpina naʻpa pio naʻpa kiela mʻaagena sa naʻpa sive panpoia mumu, sane polilu. La asape

"Potena pania!"

Kieta Suḗe Ntewa na Mava, naga taulu make sur rui!

<sup>7</sup> Teieluar naga,

tevisirlua kiena kia, tekekarania.

Nagane pog wo na kilaen ḗaḗagena na talopaena kiena narin sipsip narui.

Wona na sira paia ruru naga su ruru ga sike na,

<sup>8</sup> a amiyowauia ruru naga e kulmrae viu wo lala, apowo a amerarava paḗisi.”

Ana kulmrae nowo naḗa miyuwowo ne naḗa wona narin sipsip na sira miyenia, naga kana kinas toḗa ga, kana kinasa sane yuḗaena wo la naḗa nalelagaena wa lala kiena ne Ntewa la akila rui.

<sup>9</sup> Ana navisi naḗa sike amio inu e pogos nene pis pan inu, sape

“Yoko nevisa kioḗa visena tai vena osir-ilua e kioḗa tus nene. Visena sanini, sane yar naḗa yoko avio naga vena naga ḗena va e kinanena na ḗaḗagena na talopaena kiena Narin Sipsip, yoko naga loge wo na wo vaḗisi.”

A sikol sina visena nene, sape

“Naga visena lelaga tai kiena ne Ntewa naḗa pe lelaga paḗisi.”

<sup>10</sup> Ana nemloge naga pisa sanene pan inu, nekinai pania, nesape nelotunia, ana naga pisalupaia. Pisape “Toko, ve okila re sanene van inu! Monar olotun ga Ntewa naga taaga. In na nepe kiena yar na yuḗaena ga, sane ko, a sa ḗena wolai taḗena la naḗa apiawa ḗarera ke e visena lelaga lala kiena ne Yesu. A po paḗisi naḗa amiu asuḗa akila ke sanene, komin naḗa purḗes nen kinas nen navisawalena lelaga make ga naḗa apisawal nanua pimi, naga Yesu ga ne, amio kiena visena lelaga la naḗa apuarar ke ḗarera.”

*Yar ḗarera naḗa kus wosi na miyuwowo*

<sup>11</sup> Ana e pogos nene, ma e peni pietava pan inu, nekira pa loyuḗa, nepisu wosi yuwowo tai naḗa po paḗisi suḗalar ga sike na, a yar ḗarera tai naḗa kusa totano teke ea. Naga ke narui naḗa kila mara suwo napiowaena, pona pogos naḗa kila kiena naliḗereena, ana naga miyuḗae nena mesmes paḗisi. Yar nena, apio kiena kia asape Parin Suḗe Lelaga Naviawaena.

<sup>12</sup> Ana kiena kia taḗena ḗena tai asiri sike ea pe yar tai kilia re kana kinas poli, naga taaga manene kilia. Kilamarana pilavila sane kap naḗa pivaga, a e ḗarina miyen ke karo na ḗarila kiena ne ḗarin suḗe lala.

<sup>13</sup> Naga miyen ḗena ḗana kulkota viavi tai naḗa aputon pito e kuruta vena kila ve maran la ea, ana naga kiena kia si tai

na naḗa asuḗa apio naga ea, naga sanini, asape Visena Wa kiena ne Ntewa.

<sup>14</sup> Ana e pogos nene, ḗegas nen yar na mara lala nae ma e peni, amiyowau ruruia e kulmrae yuwowo a akus kiela wosi yuwowo lala, asuḗa ataveve ke kiela nasumonena nene apano.

<sup>15</sup> Naga ḗere la apano, kiena visena molue ke kome gona sane playu na mara naḗa mal ga lepas luwoka, naḗa yoko te plan purvanua na yomarava la akekapil. A siraun naḗa yoko naga taulu la, yoko naga suḗalu ve suḗen la, a naga ḗuarar ke plaki e limana, pototo tai naḗa urmi. Nakoena ḗarera ya naḗa sinemimiena kiena ne Ntewa na mava ligan va yar la akusia, ana yerkawa ne nanene narui yoko naga war imi ḗalivi.

<sup>16</sup> Ana naga kiena kia taḗena sike ga wa, naḗa asiri e ḗana kulkota a e lana, sape “Parin Suḗe kiena ne ḗarin suḗe lala, Yerkawa kiena ne yerkawa lala.”

<sup>17</sup> Nepisu navisi tai suḗalar sike na naḗa yepisun tegolia, naga pion pa manu lala naḗa akaka ke metava ne, sape “Ei, kam punu ga aim lele taaga e pupia ḗaḗagena kiena ne Ntewa.”

<sup>18</sup> Kam manu na kanen tata lala, yoko ve ve piavi re ayuḗaen kinanena tai torokin amiu nenaga, naḗa tas nen yar mare lala kiena ne nasinekar kiena ne Ntewa. Parin suḗe lala, pupia yerkawa na mara lala, yar ḗarera lala, wosi na mara lala, amio la naḗa aḗerela ke ne, amio yeririna kar ga lala la naḗa ape yerkawa pona ape yar ve torokaki na yuḗaena ga lala, la make ga asuḗalu vena akila mara va Ntewa, ana naga taulu la kila moḗar la pa ke ne.”

<sup>19</sup> Ana nepisu surmal viowa amio ḗarin suḗe na yomarava amio kiela ḗegas na kilaen mara lala, apim amiyuwon vain la ke lele taaga. A sinelan asape akila mara amio naḗa kus ke wosi yuwowo ne amio kiena yar na kilaen mara lala.

<sup>20</sup> Ana asape akila mara narui, ana yar viowa lala amilan ga naḗa lepas kiena ne Ntewa asuḗal veraga apa atarar kiela na sumonen luwoka naḗa atarar ruru la nenaga, nane sur mal viowa amio navisawalena naḗa pisolokan ga ne na pe yar naiilaena e kimi lala a sur nailanena lala. Sumo, naga miyuḗaen sur la nene pisa kotalia ruru nena yar lala naḗa ḗere kiela sitomena pano atamaḗan aḗe tatu na sur mal viowa pa e piamenala, apa amlot wowe pa kiena nono.

Ana la atarar ruru nena nasumon-ena luwoka na ḗegas viowa nene, ana akuwanpran luwoka pito e pulukapi naḗa mumu ke ne.



<sup>21</sup> Ana taþena la pe akila re mara poli wa, amilan ga playu na mara tai molue kome gona naþa kus ke wosi yuwowo ne, pa sanene, pa sanene, te moñar kare la amarmar pa ke ne. Ana taveve ya naþa nepisuia, manu na kanen kilamiu lala apim atewowa tas nen marena la naþani, akan pano-o meþela la puleule.

## 20

*Apiar Yermare pa tol kas manu taaga [1000]*

<sup>1</sup> Ana nepisu navisi tai molue ma e peni pitomi tano, mlarar ke ki tai e limana, ki na pulutava na pulus nen marena naþa pito na pitove pe luas re poli, a amio ki nena, þarar mēna sen mārera tai.

<sup>2</sup> Ana naga þere mesmesun pupia nopi nene, naþa pe yermarua loñara naþa Yermare naþa Yermare Lego, pa tarar ruru mārera, piar ruruia e sen, pisaar sape yoko mon mā sanene va tol kas manu ve taaga.

<sup>3</sup> Ana kutarar naga amio kana sen naþani koven pito e pupia pulus naþa pito manene tano ne, ana kotawea, kiar ruru mēke ea, vena yar viowa nene ve va re si kilali yeririna lala na purvanua wetelu, va tol naþa kas manu ve taaga nene warovia. A kiena māreraena taþatete þisi make na wa, komin naþa siraunia, e narin pogos tai ve plas ga, yoko naga kilia molue vena kila ke sina ga þarina yam tai.

<sup>4</sup> Ana nepisu yo wa lala, amio la naþa atotano ateke e wos nela, naga la naþa apisir plan la rui vena akilia aliþere yar lala. A nepisu mēna ninun yar la moki naþa asunia ga amio la, nane yar þes la naþa amlologon Yesu amio visena wa kiena ne Ntewa, ana ateroro kolmekilania. La nene pe amlotun re sur mal viowa nene poli, pe akinain re kiena wonta poli, a pe aþar re kiena tatu e piamenala poli, pona e limala, ana Ntewa kekaran la, kila la amal sina vena akilia asuñal amio Kristo vena avisuar yo punu ga va tol luas nen kas manu ve taaga naþani.

<sup>5</sup> Naþa amal si sanene, naga pogos þesia naþa yeririna lala amal si petan marena, ana la ga nene atolia. Taþena lala naþa amare ga asike na wa e pogos nene, la nene yoko atol ga kiela malena na wa e kana nalua nena, nane e luas nen kas na manu taaga nene.

<sup>6</sup> Navisa ruruena wo kiena ne Ntewa sike e la naþa amal þes sina vetan marena nene, naþa la na kiela malena pe wa ruruia. Marena na lua taþatete nena tol la, ana yoko la ayuñae sane la ape yar wa kiena ne Ntewa, ape yar wa kiena Kristo, a yoko naga visir plan la avisuar yo amio naga e kas manu ve taaga nene.

## *Yermare, kana luas*

<sup>7</sup> Ana pogos naþa kas manu ve taaga nene þisi pae, yoko Yermare kilia molue sina e lele nakoena naþa sike ea.

<sup>8</sup> E pogos nene, yoko naga va kar ga e purvanua punu ga e yomarava nini, visa kotalia si yar lala, a yoko naga werepran pupia þegas lua nene aim ve taaga, nane yer Koko lala amio yer Makoko lala, vena aim si ave taaga vena akila mara va yeririna lala kiena ne Ntewa. A visae þegas lua nene aimi ave taaga, la ave moki na ave moki, sane mras nen none la garo losi.

<sup>9</sup> Ana apureviraviran ruru la sa naþa li na kilaen mara lala, amial vera ga akusro yomarava apim atol yo Yerusalem, yo naþa Ntewa kekaran paþisi, naþa naga yo kiena ne kiena yeririna la naþa asike ea. Ana amiervivi ruru nena pupia pulkumali naþani, asape sinelan siaren mara narui. Ana amilan ga pupia kap tai molue veraga kom ma e peni pitomin la, kekan la pano-o kekan make la nena ga.

<sup>10</sup> A Yermare, naþa naga pisa kotalia la sumo rui, akoven lua naga pa e pupia pulukapi naþa mumu ke ne, nane kapi mā nena naþa akoven surmali viowa amio navisawalena navisokanena lalua apa asike e rui. Ana la telu nene yoko akus naloge viowaena e yo nene ko legiena a kolemallo, vano vano-o ve uro re.

*Naliþereena maro kiena ne la naþa pe amlelaga re poli*

<sup>11</sup> Ana nepisu pupia yo na liþereen yar lala, naþa miyuwowo na miyuwowo, amio suþe keviu naliþereen yar lala totano teke metava ea. Kiena naurarena kokonia ruru make yo nene, kila porotano amio sinapane la luwoka apure apevenin plan la apano akovio.

<sup>12</sup> Ana nepisu pupia þegas nen yar la tai, naga yar la naþa amare nanua rui e yomarava, pupia yerkawa lala a yar kar make ga lala. Ana apim añalivi e naþani vena asuñal ase marana ne suþe keviu naliþereen yaru. Nepisu tus laþas pike þa suria ga, ana apa akus ke sina taþena, naga asape Tus na Malena, ana naga mēna apike. Ana apisu vevea asape alual ya naþa asiriyu sike e tus nene e lepas kiena ne yar mare la nene, ana la peve taaga akus kiela nakoena taveve tus la nene.

<sup>13</sup> A yar mare la nene, amio mēna la naþa amarmare asike e sive, amio mēna la naþa amare apa asike e yo nalogeen viowa rui, la make ga aimin si naþa aliþerela taveve kiela yuñae na lala.

<sup>14</sup> Ana amlipere yar mare la nene pano-o þisi, asuñalu akus sur lua nene naþa marena amio mēna yo nalogeen viowa nene, ana akovenpran ga luwoka veraga

vito e pulukapi. Ana marena naŋa yaru la atol e yo nene, naga asape marena na lua.

<sup>15</sup> A a si naŋa pe añal re kiena kia sike e Tus na Malena poli, naga ke narui akoven mēna naga vito e pupia pulukapi.

## 21

### *Pulkumali viu naŋa Yerusalem*

<sup>1</sup> Ana siraun nene, nepisu peni viu amio yomarava viu añalivi, komin peni nasumo amio yomarava nasumo amio kana porotano lala a kana sive nena, akokovio make nena rui.

<sup>2</sup> A nepisu pulkumali wa wo nene, Yerusalem viu, molue kom puna ne Ntewa ma e peni pitomi tano e yomarava. Nepisu naŋa apaia ruru po wa, sane sira tai naŋa amiyowauia po paŋisi imin vena akila talopa amio wona.

<sup>3</sup> A e pogos nene nemloge visena wo tai molue ma e peni, pisawal sanini, sape “Nagane, Ntewa sinenan sape sike amio yeririna lala na yomarava, sinenan sape kila mēna uñā sike pu la.

Yoko aim ave kiena yeririna lala, komin naŋa yoko naga amio la lue narui, yoko naga imi ve kiela Ntewa lelaga.

<sup>4</sup> Wamarala make ga, yoko naga yumuplania, yoko marena pona tagena pona yepelalaena pona naloge viowaena, la nene peraga narui, komin naŋa pogos marua nakonua la ŋaro pano pa kovio rui.”

<sup>5</sup> Visena nene ŋisi, ana yar wa naŋa totano teke metava pisawalia, sape “Ee, lelaga paŋisi ŋan wa! Yoko in na nekila make sur la imi ve urvui sina!”

A naga sikol ke sina ga pisawal nena pan inu, sape

“Nanini yoko nevisa visen tai van ko naŋa pe lelaga nena napo, naŋa okilia owasine ruru nenaga, a popon osirilua.”

<sup>6</sup> Ana naga pis mēna ga, sape “Kiau yuñāena make ga, nekila punu ruru nena ga!

In na in ŋesia a in maro, in na nasiarena a naluasia.

Yar naŋa loge moto karia, yoko nevio mēna wii tai e purŋes nen wii na malena, nela vania mun korenan ga sanene.

<sup>7</sup> Yaru naŋa kiena malena ŋaro e pog mārera lala, suñal mārera suñā vano-o taulu viowaena, yoko naga tol navisa ruruena lala sane kiena lalimana. Yoko nesuñā neve kiena ne Ntewa kemua lelaga, yoko noure naga imi ve naruu.

<sup>8</sup> Ana yar viowa lala, la mēna yoko atol kiela lalimana lala. Nane yar sur la naŋa pe apiawa re mārera e in poli, naŋa pe amlelaga re poli, kiela ŋelaga piowowa paŋisi, amēmār yar taŋena, akila piowa amio sira pona yermēne, aŋar kimi, amlotun nono, ape yar navisokanena. La ke nene narui yoko ava atol marena na lua, nane e lelela ke napo narui, nane pulukapi naŋa pe ponoyomē, naŋa mēwo ŋele ga.”

<sup>9</sup> Visena nene nane ŋisi ne, ana navisi nasumo la olua nene lala tai, naŋa aŋar pias nen sur olua na loge viowaena maro la olua na yomerava, pimi pio inu. Sape “Oim ke ne sumo wa, yoko nekila ovisu sira va talopa, nanene wona Narin Sipsip.”

<sup>10</sup> Ana ŋerelua inu nepa ga e ninuu, ana imimi lua mepa metol pupia tavie tai metava. Imimi lua mesuñalu mese yo nene narui, kipian inu e pupia pulkumali wa naŋa Yerusalem, nepisu sina norñal naŋa molue ma puna ne Ntewa ma e peni pitomi ke tano.

<sup>11</sup> Pitomi ke sanene narui, naurarena kiena ne Ntewa suñā puleule, kila tego paŋisi, sa naŋa sur tai naŋa pilavila ruru po paŋisi.

<sup>12</sup> A kana pupia kove nena miyervivi nenaga, pa metava na pa metava, a pupia pulutava lualima yam taaga pa lua [12] sike ea, naŋa kana navisi la peve taaga apisuar ruru la mēga. A pulutava la make ga, tai kia sike ea, tai kia sike ea, naŋa kia kiena ne lus nae Israel la lualima yam taaga pa lua,

<sup>13</sup> naŋa pulutava telu sike lepas na lagawa, telu sike lepas na lagi pasipurua, telu sike lepas na mrae molue ea, a telu sike lepas na mrae pito tano ea.

<sup>14</sup> A pupia kove nena suñalu sike e kana pupia kemraŋe nena tol lualima yam taaga pa lua, asiri kia sike e peve taaga, naŋa kia la nene kiena nalologena la lualima yam taaga pa lua kiena narin sipsip.

<sup>15</sup> Ana navisi naŋa imimi lua mesun ke ne, naga kus ke natotou viavi tai naŋa kol e limana, vena va lual totou na pulkumali nene keviu sanape, amio kana kove nena a kana mratava lala.

<sup>16</sup> Kove na pulkumali nene, lepas varoka piavi maran taaga, ana navisi pa mla kana totou nena, taulu tasme manu lua [2000]. A mla mēna totou na yepasia siar tano pa tol metava, maran taaga ke sina ga e kana lepas la vari nene.

<sup>17</sup> ŋisi na pa pisu kana kove, mla totou na kana merorol nena, polo kana merpu

ne lala pa taulu nena lualima yam orai [60] veraga.

<sup>18</sup> A kove nene pe amiyuñāen re e kilavaru kar ga la poli, ana miyuñāen e kilavaru tai naña kana marana la po pañisi, a pulkumali yepas make ga lala amiyuñāen ga e kol, mekiki po na po, pilavila po na po pañisi.

<sup>19</sup> A pupia kana kemrañe na kove nena, la mēna ga apaia ruru la amio kilavaru la naña powo, naña tai amiyowa e kana kilavaru naña maran taaga sanene, tai mēna amiyowa e kana kilavaru naña maran taaga sa ke ga, pano pano-o tol make kana kemrañe lualima yam taaga pa lua nene. A kia kiena ne kilavaru lualima yam taaga pa lua la nene, sanini. Nasumo, kiena kia sasma, na lua kiena kia sapaia, na telu, naga kalseton, na vari naga emrol,

<sup>20</sup> na lima naga satonik, na orai naga kanelion, na olua naga krisolaet, na orelu naga perol, na ovari naga toñas, na lualima naga krisopres, na lualima yam taaga pa taaga naga sasin, a na maro naña lualima yam taaga pa lua naga ametis.

<sup>21</sup> A kana mratava lala, la make peve taaga ape pupia perel peve taaga. Ana nepisu mēna pupia mrapa na pulkumali nene, naña naga amiyuñāen make nena e kol, po na po, pilavila pañisi.

<sup>22</sup> Ana sur tai naña nemilania, nomāpe yoko nelual pupia yuñā wa tai mēke likan pulkumali wa nañani, ana nekira nomāl re tai poli. Yo nene na pe yuñā re na sanene poli, komin Ntewa na mava amio narin sipsip, yar la apa amlotun la e yo punu ga silaga.

<sup>23</sup> A nomāl naña e pulkumali nene naga mrae amio kupario pe tego re e poli, komin narin sipsip naga sane kana yomerarava nena, naurarena kiena ne Ntewa kila yo make ga asike ga e yemlagi silaga.

<sup>24</sup> Purvanua tañena lala yoko ayal e kana pupia yomerarava nena, a sur wo ya la naña pupia ñarin suñe tañena na purvanua lala añar mīaga pe kiela, yoko awar van Yerusalem viu nene, sane kiela nalaena lala.

<sup>25</sup> Yo nene yemalolo tañatete yoko imi e pogos tai, kila sanene pupia kana mratava ne lala kilia suwowo ga suñā silaga,

<sup>26</sup> a naurarena a sur wo lala na purvanua tañena lala yoko asuñā aim lue ga loyurñā e silaga.

<sup>27</sup> Ana e lepas na sur la naña pe mekik ruru re nena poli, yoko tañatete nena tai va loyurñā e nene pogos tai, a yar ai naña kila yurñāena naña na mawaena pona na visokanena, yoko naga mēna ga tañatete va loyurñā ea. La naña navaen loyurñā, naga la ga naña kiela kia, narin sipsip siri sike loyurñā e kiena Tus na Malena rui.

## 22

### *Purñes nen wii na malena*

<sup>1</sup> Siraunia, navisi kilologia purñes nen wii na malena pan inu. Nepisu kana wii wo nena, merarava na merarava, mlau siar e yo wa kiena ne Ntewa naña Narin Sipsip sike ea.

<sup>2</sup> Kana wii ne mlau pano, kana yo naña mlau pa ea mlau nena pa likan pupia mrapa na pulkumali viu naña Yerusalem. Wii na malena nene mlau sanene pano, a purñes nen lak na malena lala asuñāl asike lepas luwoka. Laki la nene apo pañisi, komin naña añar mrasa e kupario make ga, yam lualima yam taaga pa lua [12] e kas taaga. A mās mēna lala, apowo pañisi, komin naña akilia akila ruru maiena kien yolai na purvanua make ga na yomarava.

<sup>3</sup> Sanene, yoko ñelaga viowa la kiena ne Yermare na kila kareen sur make ga, yoko e pulkumali nene naga peraga narui. Narin sipsip sike e yo wa kiena ne Ntewa e yo nene, a pulen ga kiena yar lala naña kiela yuñāena, amlot lue ga e silaga.

<sup>4</sup> Asike ga lavisinia, a asiri kiena kia sike e piamenala.

<sup>5</sup> E yo nene, pe yemalolo re si poli, yo merarava make silaga, a pe yomerarava na kap vivaga re tai poli, pona mrae. Peraga, Suñe Ntewa ga pe purñes nen yomerarava naña tegoli ruru ke yo nene, a naga ñere kiena yeririna la nañani, pisir plan la ape ñarin suñe na visuaren sur make ga.

### *Nawasupēena kiena ne Yesu*

<sup>6</sup> Ana navisi naña pis pan inu, sape “Sur la naña opisuiā pona omloge, ape lelaga pañisi, a yoko aim ave lelaga make nena napo. Kieta Suñe keviu, naga Ntewa naña navisawalena na sumo lala amiyuñāe e kiena ninuna, naga pitetalia imimi kiena navisi lala mepim momālvin ko vena mekipian ko e sur la nene. Naga kila sanene komin naña naga sinenan sape kiena yeririna lala monar akilia sur la naña yoko ve ve piavi re aim añalivi.”

<sup>7</sup> A visena kiena ne Yesu e lele nene pa pan kiena yeririna lala sanini, sape “Avisuaria! Ve ve piavi re, neimin nomālvin amiū sina. Yar naña tarar visena la nene mārera, naña apisawal sike e kiau tus wa nene, yoko wo van vañisi, yoko naga loge wo vañisi.”

### *Yoane pis maro*

<sup>8</sup> Inu naña nepisu sur lala nene, nemloge visena la nene, inu yermarua Yoane. A pogos naña nepisu make pae, nemloru nekinai e lana navisi naña naga kipian

inunia, nemloge sane sineun nesape nelotunia.

<sup>9</sup> Ana naga pisaľuřar inu, sape "Toko, ve okila re sanene. In mēna nepe yar na yuńaena kiena ne Ntewa ga, sanene ko omio womla la nařa navisawalena la nanua sumo, amio mēna yar tařena la nařa apuarar ruru ke visena na tus wa la nene. Popon telotun kieta Ntewa naga taaga ga."

<sup>10</sup> A naga pisa mēna visen tařena pan inu, sape "Ve owarwan re navisawalena lala nařa sike e tus nene. Pog pimi ke lavis narui, popon yar la akilia ya nařa asuńa apisa ke ne.

<sup>11</sup> Yar nařa yepena ma yagogena, yoko kila kiena řelaga viowa va viowa laa sane, yoko kororaki na kiena mlamulen viowa lala va viowa ve keviu manene laa. Ana yar nařa loge, yoko kiena yuńaena mesmes lala aimi awo vařisi, yoko kiena řelaga wo lala aim ave wa ruru nenaga."

<sup>12</sup> Visena kiena Yesu e lele nene, naga sanini, sape "Avisuaria! Nepimin ke nařa ve ve piavi re nenaga nońalivin amiu. Neimi nemio kiau nalaen wo lala nařa powo, nařa yoko nekian plan va yar lala taveve yuńaena wo la nařa akila pan inu.

<sup>13</sup> Inu řesia a inu maro, inu nasumo a inu nasirau, inu nasiarena a inu naluasia na sur make ga.

<sup>14</sup> "Ve ve piavi re, yoko pupia navisa ruruena imi mālavin ruru nena kiau yeririna lala. Apuvan ruru mālala kulsota lala, amiyowau ruru rui, ana akilia ava awarpo yo e pulutava vena ava loyumuńa e pulkumali wa kiena ne Ntewa, akilia ava atol purlaki na malena.

<sup>15</sup> Ana yar tařena la mokliu nařa tařatete avam loyumuńa. Nane yar la nařa asuńa apa kar ga sane lokul lala, amio la nařa ařar kimi, amio la nařa atařa kolau amio lau, la nařa ańeńar yaru, la nařa amlotun nono lala, a la nařa sinelan asape akila řelaga lala na visokanena.

<sup>16</sup> "In na Yesu, nemligan navisi nene pimin vena visawal visena la nene van ko, vena okilia ova ola va kiau suńare make ga. Navisaarena nařa apisaar asape molue kome lus kiena ne yermarua Parin Suře Tepet nanua, in ne nanini. In na nepe verue nařa Melag, nařa pisawal ke sape lavis yelagi imi warpoyo narui."

<sup>17</sup> Ninuna ne Ntewa mloge visena nene, pisawal pa Yesu sape "Pogaga, okilia oimi!"

Sira nařa na talopaena amio, sape "Ee, popon oim narui!"

A yar ai nařa loge visena la nene, popon naga mēna visawalia, visave "Ake Yesu, visae oim ga rui!"

Yar nařa loge moto karia, avietava vania vena kilia vam loyumuńa. Yar nařa sinenan imiēna, yoko naga kilia tol mēna wii na malena, sa nařa kiena nalaena tai nařa pimi ga sa ga nene.

<sup>18</sup> Ana nevisa visena mārera tai van amiu nařa yoko aloge visena lala na visawalena lala na tus wa nene. Visae yar tai sukol si visen tařena tai to metavan nařa sike pa rui, yoko Ntewa kila naga war naloge viowaena make ga nařa tus nene pisa ke pa rui.

<sup>19</sup> Pona visae yar tai lalua si visena lařas nařa sike pa rui, yoko Ntewa lalua si lalimana vetania nařa sike e purlaki na malena, yoko naga tařatete tol sur wo la sa nařa tus wa nene sape asike loyumuńa e pulkumali wa.

<sup>20</sup> Naga nařa pisawal visena la nene, pisape "Sa ke nene narui. Ve ve piavi re, yoko neim nońalivin amiu."

A sitomena kiena ne yeririna kiena ne Ntewa lala, asape "Visae ve sa nene, wo vařisi. Awis Yesu, oim vilaga!"

<sup>21</sup> A visena maro na lepas na sunena na kiau mēniēna, in yermarua Yoane nemlen nesape yoko lemamiēna wo kiena kieta Suře Yesu sike amio amiu, kam yeririna lala kiena ne Ntewa.

Sanene.